





148 100







MORALIS CHRISTIANA EX SCRIPTURA SACRA.

Traditione, Conciliis, Patribus, &
insignioribus Theologis

EXCERPTA:

*In qua positis & statutis principiis generalibus deducuntur Consecraria,
quibus casus conscientie sigillatim explicantur:*

AUCTORE

R. P. JACOBO BESOMBES

Doctore Theologo, Congregationis Doctrinæ Christianæ,
& in Provincia Tolosana ejusdem Congregationis
Præposito Provinciali.

EDITIO NOVISSIMA:

*In qua BENEDICTI XIV. P. O. M. decreta mores spectantia, item canonica
penitentialia, aliæque nonnulla ad calcem secundi Tomi addita sunt.*

TOMUS I



MUTINÆ, SUPERIORUM PERMISSU.

PROSTANT VENETIIS
APUD SIMONEM OCCHI SUB SIGNO ITALIÆ.

M D C C L V I I.

Quisquis hæc legit, ubi pariter certus est, pergat mecum; ubi pariter hæsi-
tat, quærat mecum; ubi errorem suum cognoscit, redeat ad me; ubi
meum, revocet me: & ita ingrediamur simul caritatis viam, tendentes
ad eum, de quo dictum est: Quærite faciem ejus semper. *August. lib.*
1. de Trin. cap. 3.

312



MONITUM TYPOGRAPHI

IN HANC EDITIONEM.

Solent permulti, qui insigne aliquod Opus edendi curam susceperunt, ipso statim Libri initio, sive ut præclaram de eo opinionem mentibus hominum injiciant, sive ut emptores magis alliciant, plurimas laudes in ejus commendationem congerere, clariorum Virorum de eo testimonia, si qua sint, præferre, ejusque cum utilitatem, & emolumentum, tum dignitatem, & amplitudinem magnificis verbis extollere. Quam ego consuetudinem etsi improbare non audeo, minime tamen eam mihi nunc necessariam esse ita existimor, ut etiam supervacanea videri possit. Ac si tibi quidem, humanissime Lector, præstantissimum Belombes Opus, quod tibi lætus offero, multis commendare vellem, perinde facerem, ac si lucente Sole, atque omnia illustrante, in eo demonstrando, quod dies est, diutius laborarem. Ita enim Cl. Authoris nomen apud omnes vel modice in rebus moralibus versatos celeberrimum est, ut neminem esse putem, ad cujus aures cum maximo præconio non pervenerit: sin aliter, satis tamen cuique fuerit horum Tractatuum nonnullas pagellas legisse, ut etiam, me tacente, de eorum præstantia, atque utilitate nullo fere negotio judicare possit. Unum tantum monitum te volo, nonnullas hic quæstiones exagitari, ac resolveri, a viro scilicet Gallo, juxta Gallicanæ Ecclesiæ disciplinam, a qua tamen cæteræ interdum dissentiant Ecclesiæ, ac Romanæ præcipue, cui primas deferri æquum est. Id maxime animadvertes in prioris Tomi Tractatu IV. cap. IV. ubi de Ecclesiastica, civilique potestate edisserit. Hoc vero ideo in antecessum te monere opportunum duximus, ut sicubi quædam Romanæ Ecclesiæ disciplina minus consona repente incurras, in vado ne hæreas, sed ad ejusdem scias Romanæ Ecclesiæ normam omnia esse exigenda. Alterum etiam addimus, in Tolosana Editione, quæ in octo minores Tomos distributa prodierat, Lectorem interdum ad alia quædam ejus loca remitti Tomo, quem is inspicere debet, subinde designato. Nos autem cum eam ad majorem hanc formam edactam in duo tantum volumina contraxerimus, ne frustra quærat, quod in superiori editione notatus, Tomorum loco, quorum numerus, & loca, frustra imminutus est, Tractatum videndum indicavimus. Oportet tamen, quando hæc a nobis cautio ex imprudentia quadam, aliudque nonne agatur, a te, ut id benigne ignoscas, hominemque pluribus districtius excusare humaniter velis: neque tamen tibi exinde hac nequaquam occupato difficile fiet, parva adhibita diligentia, operatum locum, & tractatum tamen finibus nequaquam coarctati, in illud insuper curam nostram accutissimum, ut hanc editionem iis omnibus decretis augeremus quibus SS. Dominus noster Benedictus XIV. feliciter regnans morum rectam doctrinam promovit illustravitque: hisque canones penitenciales addidimus a S. Carolo Borromeo collectos & expositos in IV. Parte Aduum Ecclesiæ Medicamentis, quorum sane cognitione Parochis, Confessariisque apprime opus est, ut satisfactionis imponendæ modum assequantur: nec non censum delictorum S. In-

quisitionis Officio denunciandorum dedimus juxta decretum ab eodem Tribunali in Venetorum inclyta Ditione latum, quod præter propter omnes Italiae Dioceses imitantur. Hæc omnia ad secundi Tomi calcem proprio ordine locata, atque opportunis locis in Operis decursu indicata reperies, ut ea legere volentibus unica serie, in promptu sint, & Opus cursim volventibus non negligantur. Decretum autem S. Officii Inquisitionis proprio quo editum est idiomate dedimus, cum iis tantum illud exhibeamus qui italicum sermonem optime intelligunt.

Ne vero Authorem nostrum omni laudis testimonio fraudare videamur, liceat exferbere judicium de illius Opere vulgatum in litterariis Florentinis Foliis, quod ex italico sermone in latinum versum eorum gratia qui vernaculum, quo scriptum est, idioma non callent, subijcimus.

Ex Foliis litterariis Florentinis an. 1745. 4. Junii num. 23.

Si ullo umquam tempore necessaria optima cujuspiam Moralis Theologiæ editio visa est, hoc vel maxime ea esse mihi quidem videtur, quo misera rerum conditione eo devenit, ut post Christianæ morum disciplinæ praxim plurimis jam corruptelis sedissime sauciata, in ejus quoque theoriâ deturpandam non minus temere, quam furibunde audaciores nonnulli hinc illinc erumpunt, insiluntque, qui tamen scriptiunculis suis non rudes modo sese, atque ignaros, sed & turpiter dissolutos manifestissime produnt, quod scilicet juxta æternæ Sapientiæ Oraculum, ex abundantia cordis os loquitur. Hæc autem tam necessaria editio ea porro est, quæ secundis curis novissime prodiit Moralis Christianæ P. Jacobi Besombes in duos Tomos in 4. tribus, paginarum singulos circiter 600. Moralis, inquam, Christianæ ex limpidissimis fontibus divinæ Scripturæ, Traditionis, Conciliorum, Sanctorum Patrum, insigniorumque Theologorum hausta ac delibata, non ex cœnosa aliqua, ac lutulenta lacuna effossa eorum omnino Doctorum, quorum sophismata ad excusandas excusationes in peccatis unice diriguntur. Egregie ii quidem, si hominum more loqui juvat, hujus enim sæculi filii prudentiores sunt filii lucis; atque ii in ea hominum existimatione, fallaci quidem ac simulata, qua tamen capiuntur, diu perdurare possent, nisi magnis quibuslibet sceleribus, atque flagitiis obtegendis, e subdola, quam tradunt, Theologia multos ac varios subinde prætextus, inanesque excusationes, tamquam velamina quædam depremerent, ac venditarent. Hujusmodi porro filiorum sæculi Theologia hæud isthæc est P. Besombes, sed vere Theologia filiorum lucis, qui celestem atque evangelicam doctrinam scire, atque sectari, Christi Ecclesiæ parere, decreta venerari, præceptis obtemperare, puriora dogmata ab omni prorsus seu vitiosæ praxis, seu idolice abominatiōis suspitione secuta & innoxia propugnare sincero animo cupiunt, ac proinde nituntur. Sedulam itaque quisquis Doctrinæ huic morali navabit, non minus tales effutiet propositiones, ex quibus aliquando colligatur, immaniora quæque sacrilegia innocuæ urbanitatis confinia non excedere; non minusque talium compensationum concessiones vel probabit, vel tuebitur, quæ velle hæc ita dedecet, ut vel infidelitatis dumtaxat tenebris obcæcatis, siquæ esse videantur, vel quas ipsi quoque infideles diris atque inane deinceps deinceps: quinimmo nervis omnibus contendet, ut ea quam maxime compleat officia, ad quæ eum vocat conditio sua, & a quibus recta ipsius institutio, probitas, parentum cultus, æterna demum salus dependent: quæ quidem officia quomodo sine peccato negligi a quoquam possint, sane non video. Res enim prope ridicula est, circumspicere, quantum nonnemo conscientia suæ illudat, callunget, ut ita dicam, obduxerit, ut inde occasionem arripiat Authori nostro succensendi, eumque superbo admodum supercilio contemnendi, qui tamen hac quidem in parte jure ac merito rigidior se præbet. Denique quisquis egregii hujus Operis lectioni serio se addixerit, certus erit, se veram esse ac tutam Christiana-

noque

v

noque nomine dignissimam morum disciplinam assecutum; simulque lætabitur, mira se ad illam facilitate pervenisse, nova hac, atque expeditissima methodo perductum: immo & refartissimæ Bibliothecæ cujusdam loco, in iis quidem, quæ ad mores pertinent, sibi unum hoc opus fore experiendo cognoscet; ita enim brevitatis hic non officit, ut inanibus, ac supervacaneis quibusque quæstionibus seclusis, & Traditione excerpta, res quæque morales revocentur, ex quibus sponte veluti sua quoruncumque moralium Casuum resolutiones diffuant, atque dimanent: ut proinde opus non sit, in effingendis diluendisque objectionibus tempus inaniter terere, quibus nimirum quilibet per sese ex factis semel doctrinæ fundamentis nullo fere negotio occurrere, refellere, dissolvere valeat. Methodi videlicet, quam geometricam vocant, ac doctissimus Author ubique servavit, omnium sane utilissimæ præclarissimus is fructus est, ut dum Tractatus omnes perpetuo quodam nexu invicem colligantur, quique consequuntur a præcedentibus dependent, propeque deducuntur, prioribus illis intellectis, ad reliqua omnia facilissimè intelligenda prona quodammodo paretur via, atque instruat. Viginti novem Tractatibus totum morale hoc Opus conficitur, quorum denos & octo primus Tomus comprehendit, reliquos undecim secundus. Quo verò ii ordine digerantur, ac quibus de rebus in singulis disferatur, Author ipse in sequenti Præfatione sua exactè declarat, ab iis scilicet verbis (a) Primus Tomus habet XVIII. Tractatus &c. ad ejusdem circiter finem. Ex quibus omnibus illud clarissime apparet, eruditissimum Authorem nostrum sexcentas variarum, utiliumque rerum notitias miro undique studio conquistas in huncce Librum, tanquam in ditissimum aliquod promptuarium congestisse, unde Lectoribus præsto sit quidquid ad eum plenissime informandum, multaque, sine quibus mutila sit, claudiretque oportet moralis Christianæ cognitio, uno eodemque tempore erudiendum maxime conferre videatur: ut non immerito in eum laus illa conveniat, qua Platonem, Philosophorum celeberrimum ob similem servatam docendi rationem, *Æneas olim Gazæus* commendavit. Hactenus ibi.

Meum interim de te benemerendi studium grato animo excipe, laborumque meorum fructu, quos & libenter suscipio, & libentius tua causa perfectam, sic utere ut fruaris, sic frui ut quotidie magis proficias. Vale.

(a) Integrum hic locum ex citata Præfatione foliorum Author exscribit, quem tamen consulto ideo nos tantummodo indicavimus, ne ea frustra bis repeterentur, quæ Lectoris oculis, vertendo dumtaxat folium, statim occurrant.

PRÆFATIO

AUCTORIS.

ET si, quæ sit hujus operis ratio, ex ipsa inscriptione satis judicari possit, quædam tamen breviter præmittenda existimavi, ut scilicet quo animo susceptum sit opus, quoque ordine pertractatum, clarius & facilius lectoris intelligant.

Dux igitur in primis causæ me commovent ut hoc opus aggrediar: primo enim cum plerique Morales Theologi ea sola humana ratione res gravissimas æstimare, & ex meritis hominum opinionibus omnia conficere soleant, non inutile aut ingratum fore duxi iis omnibus quibus incumbit animarum cura, si moralem iis proponerem, quæ solidioribus niteretur principiis, & ex Scriptura, Traditione, Conciliis, Patribus, & insignioribus Theologis excerpta, plus ipsis afferret simul & utilitatis & securitatis.

Deinde, cum sæpe mecum tacitus agitare, quanta sit rerum moralium & diversitas & amplitudo, ac proinde quam difficilis, quam ardua earum cognitio, me operæ pretium facturum esse intellexi, si novam tentarem methodum, in qua rerum moralium amplitudo & diversitas contraheretur, simulque levaretur earundem cognoscendarum difficultas. Quod quidem fieri posse arbitror, si primo ex morali disciplina quæstiones omnes, quæ fovendis tantum contentionibus, non ædificandis moribus utiles sint, omnino secludantur; eaque methodo tradantur res morales, ut ad certa principia revocentur, ex quibus principiis reliqua deinde omnia facile consequantur: sic enim fieri potest, ut intellecto semel vel uno principio, simul vel centum quandoque conclusiones sine labore intelligantur. Atque illa certe posterior ratio me potissimum impulit, ut Morali, quam publici juris facio, manum & operam admoverem, eamque secundum illam methodum quæ magnum affert legentibus laboris compendium, exigerem.

Ut igitur operis mei rationem & ordinem plane intelligatis, Lectores benevoli, hæc tria attendatis velim: primo, res morales ad certa principia ubique revoco; quæ quidem principia non humanisationibus aut conjecturis, sed Scripturæ & Traditionis auctoritate, quantum res patiuntur, accurate stabiliō; & ex quibus deinde Confectaria seu conclusiones deduco,

Præterea quæstiones omnes quæ nimia subtilitate disputantur, missas facio; nec in conficiendis aut solvendis objectionibus tempus tero, ea præoccupare aut diluere contentus, quæ ad principiorum intelligentiam visa sunt omnino necessaria.

Denique quo magis levetur lectorum labor, meum opus sic distribuo, ut sequentes Tractatus, quantum fieri potest, ex prioribus pendeant, & priora in subsequantium intelligentiam deducant.

Erit igitur hæc Moralis nostra in duos Tomos distributa. Primus tomus habet XVIII. Tractatus, quorum I. explicabit e quibus fontibus erui debeat disciplina moralis, II. agit de objecto moralis Christianæ: III. de interna moralis regula, seu Conscientia: IV. de externa moralis regula, seu de Le-

ge differtabit : V. differet de Fide : VI. de Spe : VII. de Caritate : VIII. de Religione : quæ omnia ad primum Decalogi præceptum* attinent. Secundum, tertium, quartum, quintum, sextum, & nonum Decalogi præcepta quinque sequentibus Tractatibus absolventur; placuit enim sextum & nonum ob mutuam affinitatem simul explicare. XIV. & duo sequentes Tractatus septimum Decalogi præceptum expédient, *Non furtum facies*: quo referenda sunt ea omnia quæ ad Jus & Justitiam, ad rerum dominium, usucapiones, contractus, donationes, testamenta, & restitutionem pertinent. Tractatus denique XVIII. octavum Decalogi Præceptum explicabit.

Secundus verus Tomus XI. Tractatibus absolvetur. Primus erit de Præceptis Ecclesiasticis: hinc ad II. de Censuris Ecclesiasticis deveniemus, cui III. subijcimus de Beneficiis Ecclesiasticis, & IV. de praxi Beneficiaria juxta Rebuffum. Perpenfis inde omnibus quæ de variis hominum statibus inquiri solent in genere, Tractatus V. erit de statu Religioso, VI. de statu Clericali, VII. de variis Laicorum conditionibus, & sua cuique conditioni officia indicabit. VIII. erit de Sacramentis, quem bifariam discerpimus: in prima parte ea, quæ solos casus conscientiæ respiciunt, considerabimus: in secunda ea quæ de Sacramentis tum in communi, tum in particulari examinari solent, trademus. Tres ultimi Tractatus ipsos moralis Christianæ fontes seu libros, in quibus moralis disciplinæ principia continentur, aperient; & qua ratione iisdem libris ad solvendos Conscientiæ casus utendum sit, edocebunt. Proinde in Tractatu IX. quædam ad Scripturæ intelligentiam, Moralibus Theologis scitu necessaria breviter observabimus. Tractatus X. erit de vero Conciliorum usu in resolvendis casibus Conscientiæ, ubi Synopsim Ecclesiæ Canonum cum annotationibus subijcimus, & eam simul trademus methodum, qua facile addiscit, & memoria retineri possint. In XI. denique & ultimo utriusque Juris Civilis & Canonici idea breviter proposita, de ejus, nec non de Casuistarum usu in Theologia Morali & præsertim quibus Theologorum summulis sit inhærendum, quibusque in illis legendis observandum explicabimus.

Reliquum est ut vos præmoneam, Lectores benevoli, ne mirum vobis aut molestum videatur, si quando ab incepto opere non nihil digrediar, & constitutos Morali Theologo fines transiliam, Concionatorem agens aliquando magis quam Casuistam. Id ex industria factum est; non enim Confessariis solum, sed Concionatoribus & Missionariis etiam consultum volui. Vælete Lectores benevoli, quæque ad animarum salutem scripsi, in bonam partem accipite.

INDEX TRACTATUUM,

ET CAPITULUM

QUÆ IN HOC PRIMO TOMO CONTINENTUR.

TRACTATUS PRIMUS.

De principiis Moralis Christianæ, seu de fontibus, e quibus erui debeat Moralis Christiana. fol. 1

CAPUT I. Quot & qui sint fontes Moralis Christianæ. ibid.

1 Fons Moralis Christianæ est divina revelatio. ibid.

Divina revelatio continetur 1. in Scriptura Sacra. 2

2 In traditione divina. ibid.

3 In Conciliis œcumenicis, vel particularibus, quæ sunt universali Ecclesiæ consensu recepta. ibid.

4 In unanimi SS. PP. consensu. 3

2. Fons Moralis Christianæ est summi Pontificis de aliqua morali controversia solenne iudicium. ibid.

3 Fons est iudicium Conciliorum particularium. 4

4 Fons est Episcoporum iudicium. 5

5 Fons est Patrum auctoritas. ibid.

6 Fons est Theologorum scholasticorum auctoritas. ibid.

7 Fons est ratio naturalis. 6

CAPUT II. Quomodo prædictis Moralis Christianæ principiis utendum sit. 7

Regula 1. standum est revelationi. ibid.

Regula 2. defectu revelationis standum est demonstrationi necessariae ex revelatione deductæ. ibid.

Regula 3. defectu revelationis & demonstrationis necessariae audiendi sunt Superiores Ecclesiastici. ibid.

Regula 4. bonum defectu audiendi sunt ii, qui in Ecclesia sunt tum antiquitate, tum doctrina, tum pietate præstantiores. 8

Regula 5. consulenda est etiam ratio, secum magna cautione. ibid.

TRACTATUS II.

De objecto Moralis Christianæ. ibid.

CAPUT I. Quinam actus in homine morales

sint, seu capaces bonitatis & malitiæ. 9

Cognitio & libertas requiritur ad actum moralem. ibid.

Consecraria hujus Doctrinæ. ibid.

Ad acmeritum sufficit advertentia & libertas virtualis. 11

Consecraria hujus Doctrinæ. ibid.

Ad meritum sufficit virtualis attentio. 12

CAPUT II. Unde petatur actuum humanorum bonitas & malitia. ibid.

Ad bonitatem requiritur conformitas cum regulis morum ratione objecti & finis, & circumstantiarum: ad malitiam sufficit difformitas cum iisdem regulis ratione unius eorum. ibid.

Consecraria hujus Doctrinæ. 13

Intentio quantumvis recta non excusat in his, quæ constat esse mala. ibid.

Bonitas & malitia essentialis petitur ex objecto & fine; accidentaria ex circumstantiis, nisi speciem mutant. 14

Consecraria hujus Doctrinæ. 15

CAPUT III. Quomodo actus, sive boni, sive mali, inter se invicem distinguantur. 16

Virtutum & vitiorum distinctio specifica petitur ex objecto & fine, & aliquando ex circumstantiis. ibid.

Consecraria hujus Doctrinæ. ibid.

Regula ad dignoscendum quando circumstantiæ speciem mutant. 17

Virtutum & vitiorum distinctio numerica petitur ex morali temporis interruptione. 18

Consecraria hujus Doctrinæ. ibid.

Virtutum & vitiorum essentialis inæqualitas petitur ex objecto & fine, accidentaria ex circumstantiis speciem non variantibus. 19

Consecraria hujus Doctrinæ. ibid.

Quomodo peccatum mortale a veniali discerni queat. 21

Regule quibus discernitur, quæ peccata sint ex se mortalia, quæ vero venitalia. 22

Regule, quibus discerni possit, quando actus malus hic & nunc in individuo letalis sit, vel venialis. 23

Levitas materie non cadit in quodlibet letalis peccati objectum. 24

TRACTATUS III.

De interna actuum humanorum regula, seu
de conscientia. 25

CAPUT I. Quid & quoduplex sit conscientia. ibid.

Numquam licet agere contra conscientiam
quamvis errantem. ibid.

Conscientia hujus doctrine. 26

Non licet semper agere ex conscientia. ibid.

CAPUT II. Quæ requirantur, ut conscientia sit morum regula. ibid.

Ut conscientia sit morum regula, debet esse con-
formis legi, vel saltem inculpate præsum-
ptalis. ibid.

Conscientia hujus doctrine. 27

Ut conscientia sit morum regula, debet esse
certa. 28

Conscientia hujus doctrine. ibid.

Ut conscientia sit morum regula, sufficit quod
sit moraliter certa. 29

Conscientia hujus doctrine. 30

CAPUT III. De conscientia dubia. 31

In dubio debemus abstinere ab actione, si agen-
di necessitate non premamur. ibid.

Conscientia hujus doctrine. ibid.

Dubium non ad nutum, sed ex recta ratione de-
poni debet. 32

Conscientia hujus doctrine. ibid.

CAPUT IV. In dubio, dum urget agendi ne-
cessitas, tutior pars est eligenda in foro conscien-
tiæ, & extra materiam justitiæ commutati-
væ. 33

Conscientia hujus doctrine. 34

In materia justitiæ commutativæ in dubiis me-
lior est conditio possidendi. 35

In foro externo iudex tenetur judicare juxta
hanc regulam. ibid.

Conscientia hujus doctrine. ibid.

Si nulla pars tutior videatur, recurrendum ad
orationem, & eligendus actus, qui minus cu-
piditati favet. 36

Conscientia hujus doctrine. ibid.

CAPUT V. De conscientia probabilis. ibid.

Sola probabilitas non est morum regula. 38

Conscientia hujus doctrine. ibid.

In concursu duarum opinionum æqualiter pro-
babilium tenemur eam sequi, quæ legi fa-
vet. 40

Conscientia hujus doctrine. ibid.

In concursu duarum opinionum, quarum una
est probabilior ac tutior altera, tenemur sequi
probabiliorem ac tutiorem. 41

Conscientia hujus doctrine. ibid.

Licet sequi opinionem probabiliorē in concu-
r-

surrioris, quæ est minus probabilis, modo
probabilioritas sit Theologica. 42

Monita circa usum prædictæ propositionis. 43

CAPUT VI. De conscientia scrupulosa. 44

Quomodo deponenda sit conscientia scrupulosa.
ibid.

Quæ observanda in deponenda conscientia
scrupulosa. ibid.

TRACTATUS IV.

De lege. 45

CAPUT I. Quid & quoduplex sit lex: quo-
modo a præcepto distinguatur. ibid.

Varia inter legem naturalem & positivam di-
scrimina. 46

Quoduplex sit generis præcepta legis tum na-
turalis, tum positivæ. ibid.

Quæ sit lex justa, quæ injusta. 47

CAPUT II. Quæ sit legum tam justarum
quam injustarum in homine auctoritas. ibid.

Discrimen inter legem & consilium est, quod
lex obliget in conscientia, minime vero consi-
lium. ibid.

Conscientia hujus doctrine. 48

Legem justam infringens peccat vel mortaliter,
vel venialiter. 50

Conscientia hujus doctrine. ibid.

Lex injusta ex objecto nullatenus est observan-
da. 52

Conscientia hujus doctrine. 53

Lex injusta solum vel ex auctore, vel ex modo,
vel ex fine, & non ex objecto, observari
quidem potest, sed potest omitti citra pec-
catum, nisi timeatur vel scandalum, vel
perturbatio. 54

Conscientia hujus doctrine. ibid.

CAPUT III. De modo, secundum quem lex
obligat. 55

Lex non ligat, nisi juxta intentionem rationa-
lem Legislatoris. ibid.

Conscientia hujus doctrine. ibid.

Lex mere pœnalis obligat solum ad pœ-
nam; mixta vero ad culpam & pœnam. 58

Conscientia hujus doctrine. ibid.

Regule ad dignoscendum, quandonomam lex est
mere pœnalis, & quando mixta. ibid.

In concursu legum magis universalis debet ob-
servari juxta determinationem minus uni-
versalis. 60

Quando aliqua lex emendatur per aliam, tunc
debet observari juxta modum, secundum
quem emendatur. 62

Quando una lex est accessoria alteri, tan-
dum

- diu viget, quandiu lex principalis. 63
Confectaria hujus doctrine. ibid.
 An concursus legum oppositarum, lex fortior est observanda, alia omittenda. ibid.
Confectaria hujus doctrine. 84
 CAPUT IV. Quantum extendatur quælibet lex & quoad objecta, & quoad actus, & quoad personas. 65
 Voluntas Dei quatenus causa, est principium effectuum bonorum, & permissuum malorum; quatenus lex, est regula aut agendorum, aut omittendorum. ibid.
Confectaria hujus doctrine. ibid.
 Lex naturæ ad ea omnia officia se extendit, quæ homo sui conscius, & sine lumine fidei, cognoscit se debere Deo, sibi, & proximo. 66
 Tria principia naturaliter nota: ex quibus homo inseri in particulari, quid debeat & sibi, & Deo, & proximo. ibidem.
 Lex civilis ad ea solum se extendit, quæ pertinent ad communitatem civilem. 67
Confectaria hujus doctrine. ibid.
 Principes sæculares nullam habent potestatem condendi leges circa spiritualia ad religionem pertinentia. ibid.
Confectaria hujus doctrine. 69
 Principes sæculares possunt & debent condere leges circa res & personas sacras, ut defensores fidei, non ut Doctores; ut vindices Canonum, non ut conditores. 70
Confectaria hujus doctrine. ibid.
 Ecclesia jure divino habet potestatem spirituales præcipiendi fidelibus quicquid ad eorum salutem conducere potest. 72
Confectaria hujus doctrine. ibid.
 Potestas Ecclesiastica in Ecclesia Gallicana debet exerceri juxta statuta Patrum & antiquos Canones. 73
Confectaria hujus doctrine. ibid.
 Autoritas Ecclesiastica neque directe, neque indirecte extenditur jure divino ad temporale Regum vel subditorum sine eorum consensu. 75
Confectaria hujus doctrine. 76
 Clerici possunt humano jure ditiones & principatus obtinere. 78
Confectaria hujus doctrine. ibid.
 Juxta præsentem Ecclesiam Gallicanæ præxim jurisdictionem Ecclesiastica circa causas non mere spirituales certis limitibus adstringitur. 79
 Lex positiva divina extenditur ad ea omnia, quæ nos ad salutem consequendam conducere possunt. 80
 Quælibet lex juxta præcipit actus virtuosos conducentes ex se ad finem legis; vetat vero actus vitiosos abducentes per se a fine legis. 81
Confectaria hujus doctrine. ibid.
 Actus internus libere & voluntarie elicitus repugnans legi est peccatum, licet exterius non adimpleatur. 82
Confectaria hujus doctrine. ibid.
 Actus exterior difformis legi, quo actum interiore exequimur, novam secum affert malitiam in Confessione aperiendam. 84
 Quando plura inter se necessariam habent connexionem, si lex præcipiat unum, præcipit & aliud; si prohibeat unum, prohibet & aliud. ibid.
Confectaria hujus doctrine. ibid.
 Quando lex vetat aut præcipit aliquid, alioquitur non solum factores, sed etiam cooperatores.
Confectaria hujus doctrine. ibid.
 CAPUT V. De modo, secundum quem lex debet observari. 87
 Lex observanda est juxta rationalem intentionem Legislatoris. ibid.
Confectaria hujus doctrine. 88
 Ad satisfaciendum speciali præcepto de actu alicujus virtutis, sufficit quod fiat motivo virtutis, quæ præcipitur. 90
Confectaria hujus doctrine. 91
 CAPUT VI. Quomodo lex sit interpretanda. 92
 Tunc solum interpretatione utendum, cum intentio Legislatoris latet, minime si clare appareat. ibid.
Confectaria hujus doctrine. ibid.
 Non licet interpretari juxta privatos affectus, sed solum juxta æquiorum Legislatoris intentionem. ibid.
Confectaria hujus doctrine. 93
 Consuetudo bona est observanda. 94
Confectaria hujus doctrine. ibid.
 Consuetudo mala, ex quocumque capite sit in vitiosa, tollenda est, & nullatenus servanda. 95
Confectaria hujus doctrine. ibid.
 Consuetudo legitima abrogat legem in rebus indifferentibus, quæ sunt solum per legem positivam vel præcepta, vel prohibita. ibid.
Confectaria hujus doctrine. 96
 CAPUT VII. De his, quæ excusant ab observantia legis. 96
 Ignorantia invincibilis & omnino involuntaria excusat totaliter a peccato. 98

<i>Confessaria hujus Doctrinae.</i>	ibid.	<i>gratiosam.</i>	109
<i>Ignorantia aliquo modo vincibilis non excusat a toto, sed a tanto.</i>	ibid.	<i>Confessaria hujus Doctrinae.</i>	110
<i>Confessaria hujus Doctrinae.</i>	99	<i>Dispensatio non potest dari nec peti sine causa circa ea, quae pertinent ad jus vel naturalem, vel positivum divinum indutum ex Dei ordinatione, & nostra electione.</i>	113
<i>Probabilissimum est dari de facto ignorantiam inculpabilem juris naturae, relative solum ad conclusiones longe remotas a primis principiis.</i>	ibid.	<i>Confessaria hujus Doctrinae.</i>	ibid.
<i>Confessaria hujus Doctrinae.</i>	ibid.	<i>Supradicta causa dispensandi potest esse triplex, utilitas spiritualis illius qui dispensandus est, bonum Ecclesiae, & promotio gloriae Dei.</i>	114
<i>Confessaria hujus Doctrinae.</i>	ibid.	<i>Confessaria hujus Doctrinae.</i>	ibid.
<i>Passio omnino involuntaria & absorbens usum rationis, excusat totaliter a peccato: quae vero est aliquo modo volita, & relinquit aliquem usum rationis, non excusat a toto, sed a tanto.</i>	103	<i>Dispensatio data sine causa etiam a Legislatore supremo circa jus positivum est illicita juxta probabiliorem & tutiorem sententiam.</i>	115
<i>Confessaria hujus Doctrinae.</i>	ibid.	<i>Confessaria hujus Doctrinae.</i>	ibid.
<i>Passio voluntarie affectata adauget peccatum, & eo magis aggravat, quo est magis voluntaria.</i>	ibid.	<i>Ut dispensatio sit licita, sufficit, quod causa dispensandi sit proportionata & persona, & rei circa quam datur.</i>	116
<i>Confessaria hujus Doctrinae.</i>	103	<i>Confessaria hujus Doctrinae.</i>	ibid.
<i>Qui sentit sibi inesse pravam consuetudinem, tenetur illam vincere: si neglexerit, non excusatur a peccato, licet incogitanter errumpat in altum.</i>	ibid.	<i>Vanæ causae & motiva dispensandi & concedendi privilegia.</i>	117
<i>Confessaria hujus Doctrinae.</i>	ibid.	<i>Afferuntur casus, in quibus cessant dispensationes & privilegia.</i>	ibid.
<i>Metus gravis numquam excusat a violatione praecepti, tum negativi, tum affirmativi, juris naturalis.</i>	104	<i>Quid faciendum confessario, ad quem accedit poenitens, qui eget dispensatione.</i>	118
<i>Confessaria hujus Doctrinae.</i>	105	<i>Varia motiva, ob quae dari solet dispensatio.</i>	119
<i>Metus gravis excusat ab observatione praecepti positivi, ecclesiastici, vel civilis, nisi violatio importet praedictum bono universali.</i>	ibid.	<i>Variae formulae litterarum supplicum ad obtinendam dispensationem, vel a Papa, vel ab Ordinariis.</i>	ibid.
<i>Confessaria hujus Doctrinae.</i>	ibid.	<i>Proemium, & Decalogi descriptio.</i>	120
<i>Ufus dispensationum & privilegiorum est antiquus in Ecclesia.</i>	106	<i>Illius distributio in Dei cultum, & officium proximi.</i>	ibid.
<i>Non omnis dispensatio est licita, nec omne privilegium licitum.</i>	ibid.	<i>Ratio distributionis.</i>	121
<i>Dispensatio non potest licite dari, nec peti circa ea, quae ad jus naturale, vel divinum positivum pertinent, & quae sunt necessaria ad salutem ex sola Dei ordinatione.</i>	107	<i>Per quid observatur primum Decalogi praeceptum?</i>	ibid.
<i>Confessaria hujus Doctrinae.</i>	108		
<i>Dispensatio potest licite dari & peti circa ea, quae sunt necessaria ad salutem ex Dei ordinatione, & simul ex nostra electione, licet sint juris naturalis, & positivi divini.</i>	ibid.		
<i>Confessaria hujus Doctrinae.</i>	ibid.		
<i>Dispensatio potest & dari & peti circa ea, quae pertinent ad jus positivum humanum.</i>	ibid.		
<i>Ut dispensatio sit valida, supponit in dispensante legitimam auctoritatem, & externi fori jurisdictionem, vel contentiosam, vel</i>			

TRACTATUS V.

De Fide.

<i>Quid fides? & quod duplex? quid circa fidem praecipitur, & quid prohibetur?</i>	122
<i>Quodnam fidei objectum?</i>	ibid.
<i>Quinam articuli sunt credendi?</i>	ibid.
<i>Confessaria hujus Doctrinae.</i>	123
<i>An actus fidei interiores ab adulto eliciendi?</i>	124
<i>Confessaria hujus Doctrinae.</i>	125
<i>Quandonam fidem exterius profiteri tenemur?</i>	127
<i>Confessaria hujus Doctrinae.</i>	ibid.
<i>Quandonam prudenter possumus fidei professionem omittere?</i>	128

Confectaria hujus Doctrinae.	ibid.	An Deus, ut beatitudo nostra, bonis creatis preferendus.	145
Peccant ne elicientes actus fidei contrarios?	ibid.	Confectaria hujus Doctrinae.	ibid.
Confectaria hujus Doctrinae.	ibid.	An deliberate agens omnia opera sua in Deum ut finem ultimum referre teneatur?	146
Quid hæresis? schisma? & apostasia?	131	Confectaria hujus Doctrinae, & Monita.	147
Quenam requirantur ex parte personæ, ut quis hæreticus dici possit?	ibid.	Peccant ne elicientes actus contrarios amoris affectivo erga Deum?	148
Confectaria hujus Doctrinae.	ibid.	Confectaria hujus Doctrinae.	149
Quenam requirantur ex parte objecti, ut quis sit hæreticus?	132	Peccant ne elicientes actus contrarios amoris affectivo erga Deum?	ibid.
Confectaria hujus Doctrinae.	ibid.	Confectaria hujus Doctrinae.	150
Quenam requirantur ex parte personæ, ut quis dici possit schismaticus?	133	Ad quid obliget caritas erga nos?	ibid.
Confectaria hujus Doctrinae.	134	Confectaria hujus Doctrinae.	151
Quenam sufficiant, ut schismaticus quis dici possit?	ibid.	Quæ vitia caritati erga nos opposita?	152
Confectaria hujus Doctrinae.	ibid.	Confectaria hujus Doctrinae.	ibid.

TRACTATUS VI.

De Spe.

Quid spes? & quoruplex? quid circa spem præcipitur, & quid prohibetur?	135	Ad quid obliget caritas erga proximum quoad actus externos? quid late sumpta? quid stricte sumpta? & in quibus fundatur eleemosyna?	158
Quodnam spei objectum?	ibid.	Quoruplex superfluum? quoruplex necessitas?	ibid.
An scienda ab omnibus oratio Dominica, & an quæ continet bona, petenda sint, & speranda?	ibid.	In quibus casibus eleemosyna sit de præcepto?	ibid.
Confectaria hujus Doctrinae.	ibid.	Confectaria hujus Doctrinae.	159
An spei actus elicere teneatur adulus? & quando?	ibid.	Quandonom urget præceptum eleemosynæ?	160
Confectaria hujus Doctrinae.	ibid.	Confectaria hujus Doctrinae, & Monitum de superfluo.	ibid.
Peccant ne elicientes actus spei contrarios?	137	Ad quid tenentur divites in extrema pauperum necessitate?	161
Confectaria hujus Doctrinae.	ibid.	Confectaria hujus Doctrinae.	ibid.

TRACTATUS VII.

De Caritate.

Quid caritas? & quid circa illam præcipitur? & quid prohibetur?	139	Confectaria hujus Doctrinae.	ibid.
Quodnam, & quoruplex ejus objectum?	ibid.	An teneamur nobis subtrahere necessaria secundum quid?	163
Quoruplex caritas?	140	Confectaria hujus Doctrinae.	ibid.
Quæ sunt a nobis diligenda?	ibid.	Ad quid tenentur divites in gravi pauperum necessitate?	ibid.
Confectaria hujus Doctrinae.	ibid.	Confectaria hujus Doctrinae.	164
Quis ordo inter caritatis objecta servandus?	ibid.	Ad quid teneantur divites in communi pauperum necessitate?	ibid.
Confectaria hujus Doctrinae.	141	Confectaria hujus Doctrinae.	165
An caritatis actus erga Deum frequenter eliciendi?	ibid.	Ex quibus bonis eleemosyna fieri possit, & debeat?	ibid.
Confectaria hujus Doctrinae.	142	An subditus possit eleemosynas facere de bonis superioris contra ipsius voluntatem? in quibus casibus?	165
An Deus, ut suprema bonitas, pios erga ipsum mentis nostræ affectus exigit?	144	Confectaria hujus Doctrinae.	ibid.
Confectaria hujus Doctrinae.	ibid.		An

An contra voluntatem injusam superioris? *Quandonam ira est licita, vel illicita?* 180

166
Confessaria hujus Doctrinae. ibid.

An de bonis quorum Dominus est, vel quorum habet dispensationem? ibid.

Confessaria hujus Doctrinae. 167

An de bonis, quae dedit ei superior? ibid.

Confessaria hujus Doctrinae. ibid.

An de acquisitis turpi lucro & injuste? ibid.

Confessaria hujus Doctrinae. ibid.

An bona illicite data, & accepta in elemosynas sint impendenda? 168

Confessaria hujus Doctrinae. ibid.

An inhoneste acquisita retineri possint, & in elemosynas impendi? ibid.

Confessaria hujus Doctrinae. ibid.

Quibus pauperibus danda sit elemosyna? ibid.

Confessaria hujus Doctrinae. 169

Quae conditiones elemosynam comitari debeant? 170

De elemosyna spiritali, seu de correctione proximi, quot modis fiat, & in quibus necessitatibus. ibid.

Quid correctio, & quotuplex? ibid.

An correctio fraterna sit de praecepto; quos obliget, & quando? 171

Confessaria hujus Doctrinae. ibid.

An correctio juridica non solum sit de praecepto caritatis, sed justitiae? 172

Confessaria hujus Doctrinae. 173

Quomodo fieri debeat correctio fraterna? ibid.

Confessaria hujus Doctrinae. ibid.

Quid sit denunciatio, & quotuplex? 175

Quanam praecedere debeant, vel subsequi? ibid.

Monita duo circa illud. ibid.

Quilibet tenetur aliis bono exemplo praelucere. ibid.

Confessaria hujus Doctrinae. 176

De actibus caritatis erga proximum contrariis. ibid.

An odium proximi sit peccatum mortale? & quando? ibid.

Confessaria hujus Doctrinae. ibid.

Quandonam invidia sit peccatum mortale, vel veniale? 177

Confessaria hujus Doctrinae. ibid.

Monita quaedam circa illud. ibid.

Quandonam inimicitia sit peccatum mortale? 178

Confessaria hujus Doctrinae. ibid.

Quandonam vindicta sit peccatum mortale? 179

Confessaria hujus Doctrinae. ibid.

Quandonam vindicta non sit peccatum? ibid.

Confessaria hujus Doctrinae. ibid.

TRACTATUS VIII.

De Religione.

Religionis natura, objectum, & divisio. 181

An soli Deo laetiae cultus debeatur? ibid.

Confessaria hujus Doctrinae de his, quae adoranda sunt, vel non adoranda laetiae cultu. ibid.

An per Christum sit exhibendus Deo laetiae cultus? 183

Confessaria hujus Doctrinae. ibid.

An sine idololatriae vitio honorari possit B. Virgo Maria hyperdulciae cultu; & Angeli, & Sancti dulciae. 184

Adstruitur Mariae cultus debitus. 185

Adstruitur cultus Angelis debitus. ibid.

Adstruitur cultus Sanctis debitus. 186

Adstruitur cultus Sanctorum corporibus exhibitus. 187

Adstruitur cultus reliquiis exhibitus. ibid.

An cruci, & aliis passionis Christi instrumentis bonos fuerit semper exhibitus? & quis sit cultus ille? 188

An licitus sit usus Symbolorum Dei naturam, & proprietates exprimentium? 189

Confessaria hujus Doctrinae. 190

An licitus sit imaginum Angelorum usus? ibid.

Confessaria hujus Doctrinae. ibid.

An licitus sit usus imaginum Christi, Crucis, Mariae, & Sanctorum? ibid.

Confessaria hujus Doctrinae. 191

An cultus religiosus sit exhibendus iis imaginibus? ibid.

Confessaria hujus Doctrinae. 192

Qualis esse debeat cultus erga Deum, Christum, & Sanctos. ibid.

An frequenter ab adulto eliciendi sint religionis actus? 194

Confessaria hujus Doctrinae. ibid.

An devotio sit de praecepto? ibid.

An oratio sit de praecepto? 195

Confessaria de modo, objecto, subjecto, loco, tempore, materia orationis. ibid.

An adoratio, & sacrificium sint non solum de consilio, sed etiam de praecepto naturali? 198

Quid sit votum, & quotuplex? 199

Ad votum debeat esse liberum? 200

Confessaria hujus Doctrinae. ibid.

An votum solemne suis deservitum conditionibus nullum sit? 201

Confessaria hujus Doctrinae, & Monitum. ibid.

<i>An sine consensu superioris subditus vovere possit?</i>	ibid.	<i>pareat.</i>	ibid.
<i>Consecratoria hujus doctrinae.</i>	ibid.	<i>Quot modis daemon implicite invocetur, & an Astrologia judiciaria sit gravissimum peccatum?</i>	217
<i>An votum de re impossibili, illicita, & vana nullum sit?</i>	202	<i>Consecratoria hujus doctrinae.</i>	ibid.
<i>Consecratoria hujus doctrinae.</i>	ibid.	<i>An divinatio per chiromantiam sit omnino illicita?</i>	ibid.
<i>An votum obliget sub peccato juxta rationalem vorentis intentionem?</i>	204	<i>Consecratoria hujus doctrinae.</i>	218
<i>Consecratoria hujus doctrinae.</i>	ibid.	<i>An divinatio, quae fit per auguria, per virgas, annulos, cribrum, &c. sit peccatum mortale?</i>	ibid.
<i>An cesset obligatio voti, cum ejus materia sit impossibilis, illicita, vana?</i>	205	<i>Consecratoria hujus doctrinae.</i>	ibid.
<i>Consecratoria hujus doctrinae.</i>	206	<i>Quid fors, & quoruplex, & an uti sortibus sit ex natura sua malum?</i>	218. 219
<i>Quid sit irritatio voti, & quoruplex, & an superior possit directe inferioris votum irritare?</i>	ibid.	<i>Consecratoria hujus doctrinae.</i>	219
<i>Consecratoria hujus doctrinae; & Monitum.</i>	ibid.	<i>An uti sortibus per accidens peccatum sit; & quando?</i>	ibid.
<i>An superior indirecte irritare queat inferioris votum?</i>	207	<i>Consecratoria hujus doctrinae.</i>	ibid.
<i>Consecratoria hujus doctrinae.</i>	ibid.	<i>An divinatio per sortes ex curiositate cognoscenda futura, sit peccatum mortale?</i>	ibid.
<i>Quid sit commutatio voti; & an quilibet possit in rem meliorem votum commutare; & an superior solus possit commutare in minorem, vel aequalem?</i>	ibid.	<i>Consecratoria hujus doctrinae.</i>	220
<i>Consecratoria hujus doctrinae.</i>	208	<i>An vana observantia sit peccatum mortale?</i>	ibid.
<i>Quid sit dispensatio; & an solus Praelatus Ecclesiae dispensare possit?</i>	ibid.	<i>Consecratoria hujus doctrinae.</i>	221
<i>Consecratoria hujus doctrinae.</i>	209	<i>An liceat maleficium maleficio tollere?</i>	222
<i>Superstitio quid, & quoruplex sit?</i>	210	<i>Consecratoria hujus doctrinae.</i>	ibid.
<i>Regulae ad dignoscendam superstitionem ex ob- jecto.</i>	ibid.	<i>An magia diabolica sit peccatum mortale?</i>	ibid.
<i>Consecratoria de iis, in quibus non est superstitio.</i>	ibid.	<i>Irreligiositas, quid sit, & quoruplex?</i>	223
<i>Consecratoria de iis, in quibus est superstitio.</i>	211	<i>Tentatio Dei quid sit, & quoruplex, & an tentatio Dei formalis sit peccatum mortale?</i>	ibid.
<i>Non temere pronuntiandum ut superstiosum, quod est mirabile.</i>	212	<i>Consecratoria hujus doctrinae.</i>	ibid.
<i>Monita quibus determinatur, quid agendum, cum praesumitur superstitio.</i>	ibid.	<i>Sacrilegium quid sit, & an sit peccatum mortale?</i>	224
<i>Regulae ad dignoscendam superstitionem ex modo.</i>	213	<i>Consecratoria hujus doctrinae.</i>	ibid.
<i>Consecratoria hujus doctrinae.</i>	ibid.	<i>Simonia quid sit?</i>	225
<i>An superstitio, inducens falsitatem, sit peccatum ex genere suo mortale.</i>	214	<i>Quoruplex sit simonia?</i>	226
<i>Consecratoria hujus doctrinae.</i>	ibid.	<i>An simonia deliberata sit peccatum mortale?</i>	227
<i>An superstitio cultum inducens superfluum, sit tantum veniale peccatum, si absit contemptus, & scandalum?</i>	ibid.	<i>Quenam simonia pœnis canonicis, & quibus, subjicitur?</i>	ibid.
<i>Consecratoria hujus doctrinae.</i>	ibid.	<i>Consecratoria hujus doctrinae.</i>	228
<i>An superstitio vitiosa ex obiecto sit peccatum mortale?</i>	215	<i>Quanam simoniaci pœnas canonicas incurrant?</i>	229
<i>Consecratoria hujus doctrinae.</i>	ibid.	<i>Consecratoria hujus doctrinae.</i>	ibid.
<i>Quot modis daemon expresse invocetur, & ap- pareat.</i>	216	<i>An venditio, & emptio simoniaca nulla sit, & simoniacus restitueret teneatur spirituale, & temporale.</i>	230
<i>Consecratoria hujus doctrinae.</i>	ibid.	<i>Consecratoria hujus doctrinae.</i>	231
<i>An idololatria sit peccatum mortale?</i>	ibid.	<i>Quibus in casibus committatur simonia?</i>	232
<i>Quot modis committatur idololatria.</i>	ibid.	<i>Consecratoria generalia hujus doctrinae.</i>	ibid.
<i>Quinam ad idololatrias reduci possint.</i>	ibid.	<i>Consecratoria particularia hujus doctrinae.</i>	233
<i>An divinatio sit peccatum mortale?</i>	216	<i>Quando fiat simonia ex parte dantis spirituale pro temporali?</i>	234
<i>Quot modis daemon expresse invocetur, & ap- pareat.</i>	217	<i>Consecratoria hujus doctrinae. De munere a manu.</i>	ibid.

De munere a lingua.	235	An iuramentum vestitum circumstantiis requisitis, sit licitum, vel illicitum?	ibid.
De munere ab obsequio.	236	Consecratoria hujus doctrine.	250
Quando fiat simonia dantis temporale pro spirituali?	237	Conditiones ex parte jurantis, ut iuramentum sit licitum.	ibid.
Consecratoria. De munere a manu.	ibid.	Consecratoria hujus doctrine.	ibid.
De munere a lingua.	238	Conditiones ex parte rei, per quam juratur.	251
De munere ab obsequio.	ibid.	Consecratoria hujus doctrine.	ibid.
Quicumque dat munus a manu exclusa obligatione, & contractu peccat ne simoniace?	ibid.	Conditiones ex parte rei, ob quam juratur.	252
Consecratoria hujus doctrine.	239	Consecratoria hujus doctrine.	ibid.
Monita quedam.	240	Quale peccatum sit iuramentum contra veritatem.	253
Qui manifestat meritum personæ, an peccet simoniace?	241	Consecratoria hujus doctrine.	ibid.
Consecratoria hujus doctrine.	ibid.	An iuramentum factum cum equivocatione vel restrictione mentali sit licitum?	254
An qui munere ab obsequio intendit gloriam Dei primario, & temporale secundario, peccet simoniace?	ibid.	Consecratoria hujus doctrine.	255
Consecratoria hujus doctrine.	242	An jurare pro re levi, quamvis vera, sit peccatum?	256
Quandonam incurritur simonia fiduciaria?	ibid.	Consecratoria hujus doctrine.	257
Consecratoria hujus doctrine.	ibid.	Quale peccatum sit jurare pro re illicita.	ibid.
Quas penas incurrat ille simoniacus?	243	Consecratoria hujus doctrine.	ibid.
Quæ, & quando simonia committatur in ingressu ad Religionem?	ibid.	Conditiones ex parte jurantis, ut licitum sit iuramentum.	258
An pensio exigi possit pro victu, & vestitu Novitiorum in quocumque Monasterio?	ibid.	Consecratoria hujus doctrine.	ibid.
Quandonam exigi non possit?	244	De iuramento promissorio.	259
An pensiones vitalitiæ exigi possint a Monasteriis inopibus?	ibid.	Obligatio iuramenti promissorii.	ibid.
Consecratoria hujus doctrine.	ibid.	Consecratoria hujus doctrine.	266
Quæ conditiones observandæ in exigenda pensione vitalitiæ, ut non incurratur simonia?	ibid.	De modo, secundum quem obligat iuramentum promissorium.	ibid.
Bursæ quid sint; & an illarum venditio simoniaca sit?	245	Consecratoria hujus doctrine.	ibid.
Consecratoria hujus doctrine.	ibid.	CAPUT III. De imprecatione.	
An bursarum venditio sit, surpe lucrum?	ibid.	Quid & quoruplex sit imprecatio?	ibid.
Consecratoria hujus doctrine.	ibid.	An imprecatio sit peccatum, & quale?	263
An Bursarii seneantur institutis Fundatorum parere; & an alioquin peccent, & seneantur ad restitutionem?	ibid.	Consecratoria hujus doctrine.	ibid.
Consecratoria hujus doctrine.	ibid.	CAPUT IV. De Adjuratione.	
Quæ remedia contra simoniam?	246	Natura & conditiones adjurationis.	ibid.
		Consecratoria hujus doctrine.	264

TRACTATUS IX.

De secundo Decalogi Præcepto.

Quid præcipiat, & quid vetet secundum præceptum.

CAPUT I. De Blasphemia.

Quid sit blasphemia, & quoruplex? ibid.

Quam grave sit peccatum blasphemia? 247

Consecratoria hujus doctrine. ibid.

CAPUT II. De Juramento.

Natura juramenti, ejusque variae notiones. 249

TRACTATUS X.

De tertio Præcepto.

Finis tertii præcepti, quid jubeat, & quid vetet? ibid.

CAPUT I. Ubi præmittuntur quædam scitu necessaria ad clariorem hujus præcepti explicationem.

An præceptum de sanctificatione fœstorum sit naturale, vel positivum? ibid.

Consecratoria hujus doctrine. 265

De varia determinatione legis naturalis circa observantiam fœstorum. ibid.

De gravitate peccati in violatione fœstorum, 266

<i>Consecratoria hujus Doctrinae.</i>	ibid.
CAPUT II. De variis operibus, quibus sanctificatio festorum vel violatur, vel promouetur.	
<i>De variis operibus hominis.</i>	ibid.
<i>De his, quæ jure naturali prohibentur diebus festis.</i>	267
<i>Consecratoria hujus Doctrinae.</i>	ibid.
<i>De his, quæ jure positivo prohibentur diebus festis.</i>	268
<i>Consecratoria hujus Doctrinae.</i>	269
<i>De causis excusantibus a peccato eos, qui vacant servilibus, diebus festis.</i>	272
<i>Consecratoria hujus Doctrinae.</i>	273
<i>De his, quæ præcipiuntur diebus festis vi juris naturalis.</i>	275
<i>Consecratoria hujus Doctrinae.</i>	ibid.
<i>De operibus servilibus jure naturali imperatis die festivo.</i>	276
<i>Consecratoria hujus Doctrinae.</i>	ibid.
<i>De his, quæ permittuntur diebus festivis.</i>	ibid.
<i>Consecratoria hujus Doctrinae.</i>	277

TRACTATUS XI.

De quarto Decalogi præcepto.

CAPUT I. Quis finis & quæ merces hujus præcepti.	ibid.
<i>De fine quarti præcepti.</i>	ibid.
<i>Quosnam respiciat quartum præceptum?</i>	ibid.
<i>Consecratoria hujus Doctrinae.</i>	278
<i>Quæ merces observantibus, & quæ pena infractionibus reservetur?</i>	279
CAPUT II. De mutuis filiorum & parentum carnalium officiis.	ibid.
<i>Quid debeant filii parentibus suis carnalibus?</i>	ibid.
<i>Amor specialis & internus debetur parentibus.</i>	280
<i>Reverentia specialis interna & externa debetur parentibus.</i>	ibid.
<i>Obedientia specialis & interna & externa debetur parentibus.</i>	281
<i>Filii debent parentibus subsidium speciale tum in corpore, tum in anima.</i>	282
<i>Quid parentes filii debeant quoad corpus?</i>	ibid.
<i>Parentes debent filiis victum.</i>	283
<i>Parentes debent filiis vestitum.</i>	ibid.
<i>Parentes debent filiis congruam hereditatem.</i>	284
<i>Quid parentes filii debeant quoad animam?</i>	ibid.
<i>Parentes debent filiis doctrinam.</i>	ibid.
<i>Parentes debent filiis correctionem.</i>	286

<i>Parentes debent filiis bonum exemplum.</i>	ibid.
<i>Parentes debent filiis episcopalem sollicitudinem.</i>	287
<i>Quinam munus parentum vere Christianorum implent.</i>	288
CAPUT III. De curatoribus & tutoribus erga pupillos & minores, & vice versa.	ibid.
<i>De his, quæ sibi mutuo debent tutores & pupilli.</i>	ibid.
CAPUT IV. De servis erga dominos & de dominis erga servos.	ibid.
<i>Quid famuli debeant heris suis?</i>	ibid.
<i>Consecratoria hujus Doctrinae.</i>	289
<i>Quid debeant heri servis suis.</i>	290
<i>Consecratoria hujus Doctrinae.</i>	291
CAPUT V. De mutuis conjugatorum officiis.	ibid.
<i>De officio uxoris erga virum.</i>	ibid.
<i>Consecratoria hujus Doctrinae.</i>	292
<i>De officiis mariti erga uxorem.</i>	ibid.
<i>Consecratoria hujus Doctrinae.</i>	293
<i>De subsidio, quod sibi mutuo debent conjugati, ut societatem conjugalem foveant.</i>	ibid.
<i>Consecratoria hujus Doctrinae.</i>	ibid.
<i>De subsidio, quod sibi debent conjugati in ordine ad salutem æternam.</i>	294
<i>Consecratoria hujus Doctrinae.</i>	ibid.
CAPUT VI. De mutuo Pastorum oviumque officio.	295
<i>De officio ovium erga Pastores.</i>	ibid.
<i>Consecratoria hujus Doctrinae.</i>	ibid.
<i>De officio Pastorum erga oves suas.</i>	296
<i>Consecratoria hujus Doctrinae.</i>	ibid.
CAPUT VII. Quæ sit mutua obligatio Pædagogorum & discipulorum.	297
<i>De officio discipulorum erga Pædagogos.</i>	ibid.
<i>Consecratoria hujus Doctrinae.</i>	ibid.
<i>De officio Pædagogorum erga discipulos.</i>	298
<i>De his, quæ in formandis puerorum moribus inservire possunt.</i>	ibid.
<i>De his, quæ necessaria sunt Pædagogis, ut pueros scientiam doceant.</i>	300
<i>Monitum utile Pædagogis.</i>	303
<i>Quæ monita dare possunt Pædagogi parentibus?</i>	304
CAPUT VIII. De mutua obligatione inter supremos Dominos & subditos.	305
<i>De debito subditorum erga Reges.</i>	ibid.
<i>Consecratoria hujus Doctrinae.</i>	ibid.
<i>De officio Regum.</i>	306

TRACTATUS XII.

De quinto Decalogi præcepto.

CAPUT I. Quid prohibeatur aut jubeatur illo	
--	--

illo præcepto: Non occides.	307	Quæ causæ requirantur in eo, qui bellum indicit.	326
De fine hujus præcepti, & quibus actionibus violetur.	ibid.	Confessaria hujus Doctrinæ.	ibid.
Quinam sunt illi, qui peccant peccato homicidii, vel pertinente ad homicidium.	ibid.	Quæ requirantur, ut bellum sit licitum.	ibid.
Confessaria hujus Doctrinæ.	308	Confessaria hujus Doctrinæ.	327
CAPUT II. De iniusta læsione corporali proximo illata.	ibid.	CAPUT VIII. De Scandalo.	328
De his, qui peccant peccato homicidii, vel reducto ad homicidium, causando indirecte vel per percussionem, vel mutilationem, vel occisionem corporalem.	ibid.	Quid & quotuplex sit scandalum?	ibid.
Confessaria hujus Doctrinæ.	ibid.	Quale peccatum sit scandalum, & quibus in casibus interveniat scandalum.	ibid.
De his, qui peccant peccato homicidii, vel reducto ad homicidium, causando indirecte vel per percussionem, vel mutilationem, vel occisionem corporalem.	309	Confessaria hujus Doctrinæ.	ibid.
Confessaria hujus Doctrinæ.	ibid.	Antes præcepta sit omittenda propter scandalum passivum proximi.	331
De his, qui peccant peccato homicidii, vel reducto ad homicidium, causando indirecte vel per percussionem, vel mutilationem, vel occisionem corporalem.	309	Confessaria hujus Doctrinæ.	ibid.
Confessaria hujus Doctrinæ.	ibid.	Quæ omittenda sint ad vitandum scandalum pusillorum.	332
CAPUT III. De occisione sui ipsius cum positiva, tum negativa.	312	Confessaria hujus Doctrinæ.	ibid.
An licita sit directæ sui ipsius occisio, vel proprii membrj mutilatio.	ibid.	Quæ omittenda sint ad vitandum scandalum etiam malignorum.	333
Confessaria hujus Doctrinæ.	ibid.	Confessaria hujus Doctrinæ.	ibid.
De indirectæ occisione sui ipsius, & proprii membrj mutilatione.	313	De his, qui videntur esse scandalo, & non sunt; qui videntur cooperari peccato, & non cooperantur.	334
Confessaria hujus Doctrinæ.	ibid.	Confessaria hujus Doctrinæ.	ibid.
Quandonam ex præcepto permittenda est sui ipsius occisio.	315		
Confessaria hujus Doctrinæ.	ibid.		
Quandonam ex præcepto tenemur mutilationem in nobis permittere.	ibid.		
Quid jus retrahens.	316		
CAPUT IV. De occisione, mutilatione, & percussione factis autoritate publica.	ibid.		
De occisione facta expresso Dei jussu.	ibid.		
De occisione facta autoritate judicis.	ibid.		
Confessaria hujus Doctrinæ.	ibid.		
CAPUT V. De percussione, mutilatione, & occisione factis autoritate privata.	318		
An & quando liceat privata autoritate pro defendenda vita iniquum aggressorem occidere.	ibid.		
Confessaria hujus Doctrinæ.	ibid.		
An & quando liceat privata autoritate pro defendendis bonis fortunæ iniquum aggressorem occidere.	320		
Confessaria hujus Doctrinæ.	321		
An & quando liceat privata autoritate pro defendendo honore iniquum aggressorem occidere.	323		
Confessaria hujus Doctrinæ.	324		
CAPUT VI. De Duello.	ibid.		
Quid sit, & an licitum sit Duellum.	ibid.		
Confessaria hujus Doctrinæ.	ibid.		
CAPUT VII. De Bello.	325		
Quid sit, & an licitum sit bellum?	ibid.		
Confessaria hujus Doctrinæ.	ibid.		

TRACTATUS XIII.

De sexto & nono præcepto.

CAPUT I. De quibusdam præambulis necessario pertractandis, antequam agatur de vitio luxuriæ.	336
Quam grave peccatum sit luxuria.	ibid.
Quæ pæne contra luxuriam a Deo destinentur.	ibid.
Pæne temporales contra luxuriam.	ibid.
Pæne spirituales contra luxuriam.	338
Pæne æternæ contra luxuriam.	ibid.
CAPUT II. Quid sit luxuria, & quotuplex ejus species.	ibid.
De natura luxuriæ.	ibid.
De variis speciebus luxuriæ secundum naturam.	339
De variis speciebus luxuriæ contra naturam.	ibid.
De permixtione diversarum specierum luxuriæ.	ibid.
De diversis actibus imperfectis luxuriæ.	340
CAPUT III. Quod & quale peccatum sit luxuries in genere, & quælibet species luxuriei.	ibid.
An actus venereus sit licitus in legitimo matrimonio, & quale peccatum sit extra legitimum matrimonium.	ibid.
Confessaria hujus Doctrinæ.	341
De fornicatione.	ibid.
Confessaria hujus Doctrinæ.	342
De stupro.	ibid.

<i>Consecratoria hujus Doctrinae.</i>	ibid.	<i>Consecratoria hujus doctrinae.</i>	359
<i>De adulterio.</i>	243	<i>De debito conjugali reddenda.</i>	ibid.
<i>Consecratoria hujus Doctrinae.</i>	ibid.	<i>Consecratoria hujus doctrinae.</i>	369
<i>De Sacrilegio.</i>	ibid.	<i>De mutua conjugatorum obligatione cobabitandi simul.</i>	361
<i>Consecratoria hujus Doctrinae.</i>	344	<i>Consecratoria hujus doctrinae.</i>	ibid.
<i>De incestu.</i>	345	<i>De loco, in quo debitum conjugale reddendum est.</i>	ibid.
<i>Consecratoria hujus Doctrinae.</i>	ibid.	<i>Consecratoria hujus doctrinae.</i>	ibid.
<i>De rapto.</i>	ibid.	<i>De tempore, quo debet reddi debitum conjugale.</i>	362
<i>Consecratoria hujus Doctrinae.</i>	346	<i>Consecratoria hujus doctrinae.</i>	ibid.
CAPUT IV. De speciebus luxuriæ contra naturam.	ibid.	<i>De obligatione servandi votum in usu matrimonii.</i>	ibid.
<i>An & quale peccatum sit actus luxuriosus contra naturam.</i>	ibid.	<i>Consecratoria hujus doctrinae.</i>	ibid.
<i>Consecratoria hujus Doctrinae.</i>	ibid.	<i>Consecratoria hujus doctrinae.</i>	ibid.
<i>De molliiie.</i>	ibid.	<i>Quibus remediis possint conjugati vitare peccata, quæ committi solent in usu matrimonii.</i>	ibid.
<i>Consecratoria hujus Doctrinae.</i>	347	CAPUT VIII. De excessu rum in cibo, tum in potu.	364
<i>De sodomia imperfecta.</i>	348	<i>An licitus, vel illicitus sit cibi & potus usus.</i>	ibid.
<i>Consecratoria hujus Doctrinae.</i>	ibid.	<i>Consecratoria hujus doctrinae.</i>	365
<i>De sodomia perfecta.</i>	ibid.	<i>Quandonam illicitus sit cibi & potus usus, siue privatim, siue cum aliis.</i>	ibid.
<i>Consecratoria hujus Doctrinae.</i>	ibid.	<i>Consecratoria hujus doctrinae.</i>	366
CAPUT V. De actibus imperfectis luxuriæ.	349	<i>Quandonam licitus, vel illicitus sit convivorum usus.</i>	367
<i>An peccatum sit & quale actus imperfectus luxuriæ.</i>	ibid.	DE SEPTIMO DECALOGI PRÆCEPTO, Proœmium.	368
<i>Consecratoria hujus Doctrinae.</i>	ibid.		
<i>De visu libidinoso.</i>	ibid.		
<i>Consecratoria hujus Doctrinae.</i>	ibid.		
<i>De verbis obscænis.</i>	350		
<i>Consecratoria hujus doctrinae.</i>	ibid.		
<i>De tactibus & osculis libidinosis.</i>	ibid.		
<i>Consecratoria hujus doctrinae.</i>	351		
CAPUT VI. De variis fomentis lasciviæ.	352		
<i>De comediis & choreis.</i>	ibid.		
<i>Consecratoria hujus doctrinae.</i>	353		
CAPUT VII. De usu matrimonii.	ibid.		
<i>De his, quæ in usu matrimonii nullatenus sunt peccata.</i>	ibid.	CAPUT I. Quid & quoduplex sit iustitia, jus, & dominium, & possessio.	ibid.
<i>Consecratoria hujus Doctrinae.</i>	ibid.	<i>Quid & quoduplex sit iustitia.</i>	ibid.
<i>De his, quæ inter conjugatos sunt peccata tantum venialia.</i>	355	<i>Quid & quoduplex sit jus.</i>	ibid.
<i>Consecratoria hujus Doctrinae.</i>	ibid.	<i>Quid & quoduplex jurisdictio.</i>	369
<i>De his, quæ inter conjugatos sunt peccata mortalia.</i>	ibid.	<i>Quid & quoduplex proprietas.</i>	ibid.
<i>Consecratoria hujus Doctrinae.</i>	356	<i>Quid & quoduplex dominium.</i>	ibid.
<i>De his, quæ inter conjugatos habentur a quibusdam ut peccata mortalia, ab aliis ut venialia.</i>	ibid.	<i>Quid & quoduplex possessio.</i>	370
<i>Explicitur sigillatim quæ peccata committi solcant in usu matrimonii.</i>	357	CAPUT II. De his, quibus competat rerum dominium.	ibid.
<i>De fine actus conjugalis, qui est generatio prolis.</i>	ibid.	<i>Deus habet omnium rerum creaturarum siue corporearum, siue incorporearum absolutissimum & perfectissimum dominium.</i>	ibid.
<i>Consecratoria hujus Doctrinae.</i>	ibid.	<i>Consecratoria hujus doctrinae.</i>	371
<i>De modo concumbendi ordinario.</i>	358	<i>Angeli tum boni, tum mali nullum dominium habent proprie circa creaturas corporeas, vel circa homines.</i>	ibid.
<i>Consecratoria hujus Doctrinae.</i>	ibid.	<i>Consecratoria hujus doctrinae.</i>	ibid.
<i>De damno inferendo vel proli jam conceptæ & nondum natæ, vel proli jam natæ, vel conjugatis.</i>	ibid.	<i>Homo etiam privatus, hoc ipso quod est rationalis & sui compos, habet jus acquirendi dominium rerum exteriorum corporearum, & de iis pro libito disponendi, nisi aliunde</i>	

TRACTATUS XI.

De rerum dominio.

affiunde a legibus prohibeatur. ibid.
Confectaria hujus doctrine. ibid.
Homo non potest licite res acquirere, nec de eis disponere, nisi juxta legitimam legum, quibus subest, determinationem. 372
Confectaria hujus doctrine. 373
Respublica & Reges alium habent dominium supra bona temporalia subditorum, quo possunt de his disponere, prout exigit vel utilitas publica, vel poena criminibus debita, vel tranquillitas civium, vel fidei publicae conservatio. ibid.
Confectaria hujus doctrine. 374
Quid lex absoluta, & quid lex conditionata. 375
Leges, quibus Respublica imponit tributa ad Justinendum Reipubl. statum, vel infligit poenas ad puniendam delicta, sunt conditionatae, seu fundatae in presumptione. ibid.
Leges, quibus Respublica statuit rerum dispositionem, usucapiones, & praescriptiones, sunt absolutae, & ligantur in conscientia. ibid.
Confectaria hujus doctrine. 376
Leges, quibus Respublica ad vitandas fraudes & dolosque praecavendos, reddit personas inhabiles ad contrahendum, sunt absolutae, obligantes in conscientia, redduntque irritos omnes solennes contractus. ibid.
Confectaria hujus doctrine. ibid.
Leges, quibus Respublica ad vitandas fraudes dolosque praecavendos, apponit certas solemnitates obligationibus & contractibus, videntur esse absolutae & obligare in conscientia. ibid.
Confectaria hujus doctrine. 377
Leges supradictae non eximunt contrahentes ab obligatione naturali, si quam inierint vel in ipso contractu civiliter invalido, vel ante, aut post contractum civiliter invalidum. ibid.
CAPUT III. De acquirendo & transferendo rerum dominio. ibid.
Attendendo jus naturale confirmatum per jus civile & divinum, illicita & nulla est ea, quae per dolum & fraudem fit bonorum temporalium vel traditio, vel acquisitio. ibid.
Confectaria hujus doctrine. 378
Attendendo ad jus civile confirmatum per jus Canonicum, nulla est bonorum temporalium sollemnis traditio & acquisitio, quae fit etiam absque fraude & dolo, si careat solemnitatibus a jure civili requisitis. ibid.
Confectaria hujus doctrine. 379
Quando fit alienus rei traditio non sollemnis,

si fiat sine dolo & fraude, qui accepit, potest rem traditam retinere quandiu a iudice non exturbabitur. ibid.
Confectaria hujus doctrine. ibid.
Qui bona fide possidet aliquid, quod ei obvenit per contractum solo jure civili invalidum, si a nullo compellatur coram iudice, potest licite illud retinere, sed si compellatur, teneatur satari veritatem, & subire sententiam iudicis. 380
Confectaria hujus doctrine. ibid.
Quid occupatio. Quid accessio? ibid.
Occupatio & accessio cum debitis conditionibus sunt sufficiens titulus acquirendi res, nedum coram hominibus, sed etiam coram Deo. 381
Confectaria hujus doctrine. ibid.
Variae species accessionum. 382
Res inventas debemus intueri, non quasi nostras, sed quasi alienas. ibid.
Quando res inventa ad nullum pertinet, inventor debet de ea disponere juxta leges Reipublicae, cujus est membrum. 383
Confectaria hujus doctrine. ibid.
Quid usucapio. Quid praescriptio? 384
Usucapio & praescriptio cum debitis circumstantiis sunt verus titulus & sufficiens acquirendi res, nedum coram hominibus, sed etiam coram Deo. ibid.
Ad legitimam praescriptionem requiritur pura fides, hoc est credulitas, qua quis sibi prudenter persuadeat eam rem, quam accipit, aut possidet, esse suam. 385
Confectaria hujus doctrine. ibid.
Ad legitimam praescriptionem requiritur justus titulus, hoc est justa causa possidendi quod nostrum non est. ibid.
Confectaria hujus doctrine. ibid.
Ad legitimam praescriptionem requiritur, quod res, quae praescribitur, capax sit praescriptionis. ibid.
Confectaria hujus doctrine. ibid.
Ad legitimam praescriptionem requiritur tempus a lege definitum. ibid.
Diversae praescriptionum species. ibid.
Ad praescriptionem requiritur possessio continuata. ibid.
Confectaria hujus doctrine. 387

TRACTATUS XV.

De variis pactis & contractibus, quibus voluntarie transfertur rerum dominium.
CAPUT PRAELIMINARE. De pactis, obligationibus, contractibus, & actionibus. ibid.

- Quid & quotuplex sit pactum.* 388
Quid & quotuplex sit obligatio. ibid.
Quid & quotuplex sit contractus. 389
Quid & quotuplex actio. 390
- CAPUT II.** De his, quæ requiruntur & sufficiunt, ut pacta & contractus valeant tam jure naturali, quam civili. 391
- Ut contractus jure naturali sit validus, inducatque obligationem in foro conscientiæ sufficit, quod contrahentes libere agant, & consensu reciproco obligentur.* ibid.
Consecraria hujus doctrinæ. 392
Ut contractus solo jure naturæ sit validus, res, circa quas sit contractus, debent esse 1. in commercio hominum 2. in potestate contrahentium. 3. debent ad rigidam æqualitatem reduci. 395
Consecraria hujus doctrinæ. ibid.
Ut contractus jure naturali sit validus, requiritur, quod uterque contrahentium nullas ei apponat condiciones legi naturali repugnantes. 397
Consecraria hujus doctrinæ. ibid.
Contractus jure naturæ invalidi & nulli, numquam possunt fieri validi per jus positivum civile. 399
Consecraria hujus doctrinæ. ibid.
Contractus jure naturali validi, declarantur aliquando invalidi per jus civile positivum. 400
Consecraria hujus doctrinæ. ibid.
Lex civilis, qua contractus jure naturæ validi declarantur invalidi, obligat in conscientia. ibid.
Consecrarium unicum. 401
Jus civile non irritat, sed in suo robore naturali relinquit omnes contractus minus sollemnes, absque metu, dolo, & fraude irritos. ibid.
Consecraria hujus doctrinæ. ibid.
Contractus initi ex metu gravi & injuste incusso, jure civili sunt irriti, vel irritandi. 402
Consecraria hujus doctrinæ. ibid.
Quinam contractus ex metu injuste incusso, initii, sine irriti ipso facto. ibid.
Quoties contrahentes metu vel dolo decepti sunt, aut presumuntur decepti, toties per jus civile, rescinduntur contractus. 403
Consecraria hujus doctrinæ. ibid.
Contractus cum solemniori apparatu fieri soliti, jure civili declarantur invalidi, si careant solemnitatibus per legem civilem requisitis. 404
Consecraria hujus doctrinæ. ibid.
- CAPUT III.** Quam obligationem in foro conscientiæ contractus inducant. 405
- Contractus ultro citroque acceptatus & completus vim habet legis, & obligat in conscientia.* ibid.
Consecraria hujus doctrinæ. 406
Contrahentes nedum se obligant ad id, quod expresse contentum est, sed etiam ad id, quod necessario connexum est cum conventionione. 408
Consecraria hujus doctrinæ. ibid.
Toties rescindi potest contractus, etiamsi validus, quoties, si diutius perseveraret, non servaretur rationalis intentio contrahentium. ibid.
Consecraria hujus doctrinæ. ibid.
Forma servanda in rescindendis contractibus. 409
- CAPUT IV.** De obligatione per promissionem inducitur. ibid.
Quid & quotuplex promissio? ibid.
Promissio data & acceptata, vera & non simulata, facta spontanea & deliberata cum animo obligandi se, ligat promittentem in conscientia. 410
Promissio simplex, data & acceptata, etsi non juramento firmata, modo serio facta sit, videtur obligare sub mortali, nisi indeliberatio, & parvitas materiæ contrarium doceat. ibid.
Consecraria hujus doctrinæ. ibid.
Promissio non ligat coram Deo, quoties facta est contra legem naturalem, immo contra legem positivam, quæ directe respicit bonum commune; ligat vero, si sit contra legem positivam, quæ respicit tantum bonum privatum, nisi esset periculum, vel damnum tertii. 411
Consecraria hujus doctrinæ. ibid.
- CAPUT V.** De contractibus in particulari, & primo de contractibus, quibus transtertur rerum dominium. 412
Quid venditio & emptio? ibid.
Quid pretium & quotuplex? 413
Vendentes proprio nomine debent actu habere dominium vel possessionem rei, quæ venditur, & debent reservare dominium vel possessionem pretii, quod rependitur. ibid.
Consecraria hujus doctrinæ. ibid.
Ea solum emi & vendi possunt quæ juxta leges acquiri possunt, alia vero nec emi, nec vendi possunt. 414
Consecraria hujus doctrinæ. ibid.
Res emi vel vendi possunt absolute, vel conditionate, vel in perpetuum, vel ad certum tempus, vel conjunctim, vel disjunctim, modo inter contrahentes conveniat. 415
Consecraria hujus doctrinæ. ibid.
Pretia rerum non secundum ipsarum naturam æsti-

- estimanda sunt, sed quatenus veniunt in
usus humanos, & quatenus estimantur in
foro publico. 416
Confectaria hujus Doctrinae. ibid.
 Peccat & ad restitutionem tenetur, qui sine cau-
sa pretio estimabili rem pluris justo pretio
vendit; non vero qui hoc facit cum causa pre-
tio estimabili, v. gr. ob lucrum cessans, vel
damnum emergens. ibid.
Confectaria hujus Doctrinae. 417
 In emptione & venditione contrahentes non de-
bent se mutuis dolis decipere, sed mutuo com-
mercio juvare. 418
Confectaria hujus Doctrinae. ibid.
 Empor & venditor debent omnem omnino
fraudem & dolum abjicere, & bona fide con-
trahere. 419
Confectaria hujus Doctrinae. ibid.
 Contractus emptionis & venditionis censetur
perfectus, statim atque de pretio, reque
tradenda inter partes convenerit; nisi al-
liter conventum sit, aut usus aliter sta-
tuat. 420
Confectaria hujus doctrinae. ibid.
 Completo contractu emptionis & venditionis,
contrahentes debent mutuo sibi promissa exe-
qui. Qui pacto non steterit, peccat, & tene-
tur ad restitutionem. ibid.
Confectaria hujus Doctrinae. ibid.
 Toties rescindi potest venditio, quoties facta
fuerit non servatis conditionibus contra-
ctus, & si non rescinderetur, non serva-
retur intentio rationalis emptoris & ven-
ditoris. 422
Confectaria hujus Doctrinae. ibid.
 Quid jus retractus. ibid.
 Jure retractus potest res vendita retrahi e
manu emptoris, invito emptore & vendi-
tore. ibid.
Confectaria hujus Doctrinae. ibid.
 Quid jus evictionis. 423
 Jure evictionis legitimus dominus rei potest
rem suam ab alio venditam e manu em-
ptoris, iudicis auctoritate, retrahere. ibid.
Confectaria hujus Doctrinae. ibid.
 Quid permutatio. ibid.
 Eadem requiruntur conditiones in permuta-
tione, quae in venditione, his exceptis,
quae distinguunt permutationem ab emptione
& venditione. ibid.
Confectaria hujus Doctrinae. 424
 Quid cambium monetarum, & quotuplex cam-
psor. ibid.
 Toties cambium est licitum, quoties diverse
monetae cambio expositae reducuntur ad a-
qualitatem, quoties camporis cura justo pre-
tio compensatur, & lucrum cessans aut da-
mnum emergens reparatur. ibid.
Confectaria hujus Doctrinae. 425
 CAPUT VI. De contractibus, in quibus
non transferitur dominium rei, sed tan-
tum usufructus. ibid.
 Quid emphyteusis & feudum. ibid.
 Dominus conservat tantum dominium dire-
ctum, & potest solum exigere pensionem
ab emphyteuta, fidelitatem vero vel obse-
quium a feudatario. Emphyteuta vero vel
feudatarius acquirit solum dominium uti-
le, & tenetur solvere vel pensionem, vel
obsequium personale. ibid.
Confectaria hujus Doctrinae. 426
 CAPUT VII. De contractibus, quibus
transferitur solus usus rei. ibid.
 Quid locatio, quid conductio. 427
 Eadem requiruntur conditiones in locatione
& conductione, quae in emptione & ven-
ditione, his exceptis, quae emptionem &
venditionem a locacione & conductione
distinguunt. ibid.
Confectaria hujus Doctrinae. ibid.
 Conductor non potest uti re conducta, nisi
juxta vel pactum, vel consuetudinem; &
si ea abutatur, tenetur reparare damnum
culpa sua vel dolo proveniens; si vero ea
non abutatur, non tenetur reparare dam-
num casu eveniens. 428
Confectaria hujus Doctrinae. ibid.
 Locator tenetur efficere, quantum, in se est,
ut conductor pacifice & commode juxta pa-
sionem re conducta fruatur; si hanc cu-
ram omittat sine causa, tenetur damnum
reparare. ibid.
Confectaria hujus Doctrinae. ibid.
 Qui locat suas operas, tenetur opus susce-
ptum juxta regulas artis perficere; si non
faciat, tenetur damnum ex ignorantia
sua, vel negligentia, vel dolo proveniens
reparare. 439
Confectaria hujus doctrinae. ibid.
 Artifex non tenetur ea damna reparare,
quorum nullatenus est causa. ibid.
Confectaria hujus doctrinae. ibid.
 Quid commodatum. Quid precarium. ibid.
 Eadem requiruntur conditiones in commo-
dato & precario, quae in donatione, his
exceptis, quae distinguunt donationem a
commodato & precario. 430
Confectaria hujus Doctrinae. ibid.
 Quid mandat. ibid.
 Eadem requiruntur conditiones in manda-
to, quae in locacione operarum, cum hoc
solo discrimine, quod locatio non est gra-
tuita, mandat vero debet esse gratui-
tum. ibid.

- Confectaria hujus Doctrinae.* 431
CAPUT VIII. De contractibus, quibus lo-
la res traditur vel custodienda, vel pro
securitate. ibid.
Quid & quoruplex depositum. ibid.
Depositarius debet semper rem depositam
quasi suam inspicere, ut eam custodiat,
& quasi non suam, ne eam contrectet
contra deponentis voluntatem. 432
Confectaria hujus Doctrinae. ibid.
Quid sequestratio. ibid.
Quid hypotheca. Quid pignus. ibid.
Translatio & acceptio pignoris & hypothecae
easdem requirunt conditiones, quas ven-
ditio & emptio, his exceptis, quae ven-
ditionem & emptionem ab actione pignora-
ritia distinguunt. ibid.
Confectaria hujus Doctrinae. 433
Duplex est hypotheca & oppignoratio: lega-
lis, & conventionalis. 434
Confectaria hujus Doctrinae. ibid.
Illicita est hypotheca vel oppignoratio, quo-
ties creditor, praeter securitatem summae
mutuo traditae, aliquid aliud exigit a
debitore. 435
Confectaria hujus Doctrinae. ibid.
Quid fide-jussio. 436
Eadem requiruntur conditiones in fide-jusso-
re, quae in principali contrahente. ibid.
Confectaria hujus Doctrinae. ibid.
CAPUT IX. De contractibus quibus inter-
venit aliquod periculum seu aliqua fors
circa eas res, quae sunt materia contra-
ctus. 437
Quid & quoruplex ludus. ibid.
Ludus mixtus, in quo ludentes inter se pa-
ciscuntur, ut victori cedat quod uterque
deposuit, est licitus, modo aliunde nulla
prava circumstantia vitietur, & ludus il-
le non omnino dependeat a casu & for-
tuna, sed magis pendeat ex industria,
quam ex casu. ibid.
Confectaria hujus doctrinae. 438
Ludus lucrativus, in quo vel sola interve-
nit fors, vel fors insigniter industriae pra-
valet, est omnibus Christianis illicitus,
praecipue quando in eo exponitur ingens
pecuniae summa. 439
Confectaria hujus doctrinae. 440
Qui alearum ludo ex professione incumbit, a
fortiori qui quibuscunque aleatoribus do-
mos suas ad ludendum locant, sunt in
statu peccati mortalis, & absolvi non de-
bent, nisi prius respuerint. ibid.
Confectaria hujus doctrinae. 441
Quid loteria. ibid.
Loteria non est de se illicita, sed potest si-
- ri illicita ex circumstantiis.* ibid.
Quid asecuratio. ibid.
Contractus asecurationis certo pretio initus,
easdem requirit conditiones, quas emptio
& venditio. ibid.
Confectaria hujus doctrinae. 442
Quid sponsio. ibid.
Eadem requiruntur conditiones in sponso-
ne, quae in donatione conditionalis. ibid.
Confectaria hujus doctrinae. ibid.
Quid & quoruplex societas. ibid.
Contractus societatis non est de se illicitus. 443
Ut contractus societatis sit licitus, debet fieri
1. inter personas habiles ad socie-
tatem. 2. Debet esse de rebus aptis ad so-
cietatem. 3. Debet servari aequalitas vel
absoluta, vel proportionalis. 4. Capitale
utriusque debet esse periculo obnoxium.
ibid.
Confectaria hujus doctrinae. ibid.
Contractus societatis est illicitus, quoties
non servatur aequalitas inter ea, quae ut-
rimque praestantur. 444
Confectaria hujus doctrinae. ibid.
Ut distributio damni vel lucri ad justam
aequalitatem redigatur, debet fieri cumu-
lus cujuscumque sortis, & assignari cui-
bet deponenti tantum lucrum & tantum
damnum, quantum exigit fors deposita.
ibid.
Confectaria hujus doctrinae. 445
Contractui societatis non potest adjungi al-
lius, qui leges societatis destruat, ideo
illicitus est contractus, in quo primo ini-
tur societas, secundo securum redditur
capitale unius socii ab altero socio, &
tertio venditur lucrum incertum expecta-
tum pro certo etiam si minori. ibid.
Confectaria hujus doctrinae. 446
Contractus societatis potest uniri cum aliis
contractibus, modo illi contractus leges
vera societatis non destruant. 447
Confectaria hujus doctrinae. ibid.
Statutis pacis legibus societatis consenta-
neis, & statuta aequalitate rerum, quilibet
socius debet inspicere secundum socie-
tatis quasi rem suam, ut eam conservet &
adaugeat, & quasi rem alienam, ut nihil
sibi inde appropriet: qui secus egerit,
peccat, & si damnum afferat, tenetur ad
restitutionem. 448
Confectaria hujus doctrinae. ibid.
Vir non habet proprietatem bonorum dota-
lium, sed usumfructum & eorum tutelam.
449
Confectaria hujus doctrinae. 450

CAPUT X. De mutuo & usura.	451	<i>contractus vel explicitus, vel implicitus mutui, & ex mutuo debet immediate percipi res pretia æstimabilis.</i>	463
<i>Quid mutuum.</i>	ibid.	<i>Consecraria hujus doctrine.</i>	ibid.
<i>Quid & quodplex usura.</i>	ibid.	<i>Quid & quodplex census.</i>	464
<i>Usura est peccatum contra justitiam: ita docet Scriptura, movent Concilia, ratio naturalis dicat, Jus Civile & Gallicum offendunt.</i>	452	<i>Census annuus potest absque vitio usurae emi & vendi, modo observentur certa conditiones.</i>	ibid.
<i>Toties mutuans potest aliquid supra sortem exigere a mutuatario, quoties ratione mutui perit aliquid mutuanti de bonis, quæ actu habebat, vel quæ probabiliter acquisiturus erat.</i>	454	<i>Quando statuitur pensio annua, eadem requiruntur conditiones, quæ in emptione & venditione.</i>	ibid.
<i>Consecraria hujus doctrine.</i>	ibid.	<i>Consecraria hujus doctrine.</i>	ibid.
<i>Quando quantitas lucri cessantis & damni emergentis est certa, tantum præcise potest recipi supra sortem, quantum est damnum emergens & lucrum cessans; quando vero est incerta hæc quantitas, tantum potest recipi, quantum determinat jus civile.</i>	455	<i>Quid mons pietatis.</i>	465
<i>Qui sine pacto exteriori optat recipere aliquid supra sortem ex vi mutui, est usurarius mentaliter.</i>	456	<i>Montes pietatis sunt liciti, modo fiant cum conditionibus requisitis.</i>	ibid.
<i>Consecraria hujus doctrine.</i>	456	<i>Consecraria hujus doctrine.</i>	ibid.
<i>Usuram committit in aliquo realem, qui de facto dat aliquid mutuo, ea intentione, ut sibi aliquid pretio æstimabile rependatur ex vi mutui, quamvis non exprimat suam mentem exterius.</i>	ibid.	<i>Ut mutuum sit validum 1. Mutuator debet habere rei, quam mutuo dat, dominium & administrationem & mutuatarius debet posse illud recipere, 2. Res mutuo data & acceptata debet esse consumptibilis. 3. Mutui datio & acceptatio nihil debet habere legibus contrarium.</i>	ibid.
<i>Usuram exteriorem & apertam committunt quicumque paciscuntur sibi dari aliquid pretio æstimabile ex vi mutui.</i>	ibid.	<i>Consecraria hujus doctrine.</i>	466
<i>Consecraria hujus doctrine.</i>	ibid.	<i>Quid Senatus Consultum Macedonianum, & in quibus casibus cesset.</i>	ibid.
<i>Usura palliata committitur, quoties mutuans & mutuatarius varios ineunt contractus, quibus capitale saluum servatur, & interesse percipitur.</i>	458	<i>Quæ penæ desinuntur usurariis.</i>	467
<i>Consecraria hujus doctrine.</i>	ibid.	CAPUT XI. De quasi contractibus.	468
<i>Quando in mutuo suscipitur ex pacto aliquid supra sortem, toties debet intervenire, vel damnum emergens, vel lucrum cessans, vel saltem aliquis novus contractus, qui non destruat naturam gratuiti mutui.</i>	460	<i>Quid & quodplex quasi contractus, Quid tutor, & curator.</i>	ibid.
<i>Consecraria hujus doctrine; in quibus explicantur singulæ voces hujus diffini.</i>		<i>Qui se suaque defendere non possunt, indigent tutela, & qui bona sua administrare non possunt indigent curatela.</i>	468, 469
Funda. Fidejussor. Pro dote. Stipendia Cleri.		<i>Consecraria hujus doctrine.</i>	ibid.
<i>Sponte datum, Sors indemnis: Conventio pœnæ.</i>	ibid.	<i>Hi solum Tutores & Curatores institui debent, qui supradicta exercere valent.</i>	ibid.
<i>Falsus est omnis titulus sumendi interesse, nisi interveniat, vel lucrum cessans, vel damnum emergens.</i>	462	<i>Consecraria hujus doctrine.</i>	ibid.
<i>Consecraria hujus doctrine; in quibus explicantur varii tituli sumendi interesse excogitati a quibusdam authoribus.</i>	ibid.	<i>Tutores debent necessaria tum corpori tum anime pupillo ex ejus bonis providere.</i>	470
<i>Ut committatur usura, debet intervenire</i>		<i>Consecraria hujus doctrine.</i>	ibid.
		<i>Tutor & Curator ea tantum gerere possunt, quæ prosunt pupillis & minoribus; minime ea quæ eis officiunt.</i>	ibid.
		<i>Consecraria hujus doctrine.</i>	ibid.
		<i>Tutor & Curator si quid dolo vel culpa negligant, ad restitutionem tenentur; minime vero si casu detrimenti aliquid eveniat.</i>	471
		<i>Consecraria hujus doctrine.</i>	ibid.
		<i>Tutor & Curator ita se gerere debent, ut nec sibi, nec pupillis vel minoribus noceant, vel nocere præsumantur.</i>	ibid.
		<i>Consecraria hujus doctrine.</i>	ibid.
		<i>Pupilli & minores debent Tutoribus & Curatoribus solvere quidquid juste pro illis impensum est.</i>	472

- Consecraria hujus doctrine.* ibid.
Negotiorum gestores, & hi quorum negotia geruntur, idem sibi mutuo debent, quæ curatores & minores. ibid.
Consecraria hujus doctrine. ibid.
Qui invicem habent rerum communionem, ad eadem tenentur, ad quæ obligantur, qui societatem inierunt. ibid.
Consecraria hujus doctrine. 473
Qui adit hæreditatem, eo ipso omnibus se obligat, quibus aliquid ex illa hæreditate debetur. ibid.
Consecraria hujus doctrine. ibid.
CAPUT II. De donatione. ibid.
Quid & quodplex donatio. ibid.
Ut donatio sit valida, quædam requiruntur conditiones, ex parte donatoris, ex parte donatarii, ex parte rei donatæ, & ex parte modi donandi. 474
Consecraria hujus doctrine. ibid.
Donatio revocari potest, quoties donator vel coactæ, vel irrationabiliter censetur donasse. 476
Consecraria hujus doctrine. ibid.
In donatione possunt variæ apponi conditiones, modo non sint substantiæ donationum contrariæ. 477
Consecraria hujus doctrine. ibid.
CAPUT XIII. De Testamentis, Codicillis, & Legatis.
Quid & quodplex Testamentum, quid Codicillus, & quid Legatum. ibid.
Eadem requiruntur conditiones in Testamento, quæ in donatione. ibid.
Hi Testamentum valide facere possunt, qui domini sunt rerum suarum, & liberam habent earum dispositionem. ibid.
Consecraria hujus doctrine. ibid.
Testamentum valide facere nequeunt, qui rerum suarum non habent dominium. 479
Consecraria hujus doctrine. ibid.
Testamentum facere nequeunt, qui non habent plenum usum libertatis, neque liberam bonorum suorum dispositionem. ibid.
Consecraria hujus doctrine. ibid.
Ut Testamentum sit validum, qui hæres instituitur, debet posse recipere rerum dominium. 480
Consecraria hujus doctrine. ibid.
Illi hæredes institui non possunt, qui non possunt acquirere bonorum temporalium dominium. 481
Consecraria hujus doctrine. ibid.
Ut Testamentum sit validum requiritur certus numerus testium, & certæ dotes in testibus. 482
Consecraria hujus doctrine. ibid.
- Ut Testamentum sit validum ex parte formæ, plures requiruntur conditiones.* ibid.
Consecraria hujus doctrine. ibid.
Testamentum est nullum, si prætereat hæres, qui juxta leges præteriri non poterat, nisi reddatur causa hujus præteritionis. 483
Consecraria hujus doctrine. ibid.
Testamentum quibuscumque solemnitatibus munitum potest ad libitum testatoris revocari. 484
Consecraria hujus doctrine. ibid.
CAPUT XIV. De hæreditatibus, quæ ab intestato deferuntur. ibid.
Quis intestatus, & quos, & qui possunt ejus bonis succedere. ibid.
Qui & quot descendentes. 485
Qui & quot ascendentes. ibid.
Qui & quot collaterales. ibid.
Quid sit in stirpes & in capita succedere. ibid.
In quos partes solet dividi hæreditas. 486
Quo ordine succedant descendentes. ibid.
Quo ordine succedant ascendentes. 533
Quo ordine succedant collaterales. ibid.
Quo ordine succedat maritus, & uxor, & fiscus. 487
Forma Testamenti publici a Parocho aut ejus Vicario conscribendi. ibid.
Formula Testamenti clausi. 488

TRACTATUS XVI.

De variis speciebus injustæ acceptanceis, vel detentionis boni alieni.

- CAPUT I. De furto.** ibid.
Quid furtum, & quæ ejus species. 489
Furtum est peccatum ex suo genere mortale. ib.
Consecraria hujus doctrine. ibid.
De furtis commissis ab extraneis. ibid.
De furtis uxorum erga maritos, & maritorum erga uxores. 490
De furtis filiorum familias erga patres, & patrum erga filios. ibid.
De furtis dominorum erga servos, & servorum erga dominos. ibid.
Furti reus haberi non potest, qui rem exteriorem accipit iis in casibus, in quibus jus naturale, vel positivum illud permittunt. 491
Consecraria hujus doctrine. ibid.
Quid rapina. 492
Peccant mortaliter, qui per rapinam auferunt bonum alienum, & longe gravius quam per furtum. ibid.
Consecraria hujus doctrine. 493
Quid furtum sacrilegum. 494

Furtum sacrilegum est peccatum mortale longe gravius, quam furtum vel rapina.
ibid.

Consecraria hujus Doctrinae.

ibid.

TRACTATUS XVII.

De restitutione.

495

CAPUT I. Quæ requirantur, ut quis teneatur ad restitutionem, vel ut ab ea dispenseetur.

ibid.

Quid & quotuplex restitutio?

ibid.

De bonis variis, quæ homo possidet.

ibid.

De variis modis, quibus nocemus proximo.

ibid.

De multiplici culpa tam civili, quam Theologica, qua possumus nocere proximo.

ibid.

Restitutio locum habet in bonis vel fortuna, vel corporis, vel honoris & fame, vel pietatis & gratie.

ibid.

Consecraria hujus doctrinae.

ibid.

CAPUT II. De his, qui absolute excusantur ab omni restitutione coram Deo, licet inferant damnum proximo.

ibid.

Qui nocent proximo absque culpa Theologica, excusantur ab omni restitutione coram Deo; a fortiori qui nocent exequendo minus.

ibid.

Consecraria hujus doctrinae.

ibid.

Qui damnum afferunt proximo, peccantes mortaliter contra virtutem diversam a iustitia commutativa, licet sint rei coram Deo, non tenentur ad restitutionem damni.

ibid.

Consecraria hujus doctrinae.

ibid.

Qui violando iustitiam commutativam nocent proximo per peccatum tantum veniale, obligantur ad restitutionem.

ibid.

Consecraria hujus doctrinae.

ibid.

Qui damnum intulit per peccatum tantum veniale, obligatur ad restitutionem sub mortali, si damnum resarciendum sit notabile; sub veniali, si sit leve.

ibid.

Consecraria hujus doctrinae.

ibid.

CAPUT III. De his, qui ob culpam vel Theologicam, vel civilem obligantur ad restitutionem.

ibid.

Quicunque peccat contra iustitiam commutativam, sive damnum inferat per actionem, sive per omissionem, obligatur ad restitutionem.

ibid.

Consecraria hujus doctrinae.

ibid.

Cooperatores obligantur ad restitutionem, quando peccantes contra iustitiam commutativam, sunt causa efficax damni.

ibid.

Excusantur vero a restitutione, si non

sint causa efficax damni, vel si non peccant contra iustitiam commutativam.

Consecraria hujus Doctrinae.

ibid.

Culpa civilis, licet noxia proximo, si sit omnino involuntaria, & non deducta ad forum contentiosum, ad nullam coram Deo restitutionem obligat.

Si sit voluntaria, licet non deducta ad iudicem, obligat coram Deo ad æqualem compensationem damni illati etiam ante sententiam iudicis.

Si vero sit deducta ad forum contentiosum, sive voluntaria, sive involuntaria sit, post latam sententiam obligat ad æqualem compensationem damni illati, & ad penam infligendam a iudice: ante latam sententiam ad solam compensationem, si sit voluntaria, ad nullam vero restitutionem, si sit omnino involuntaria.

Consecraria hujus Doctrinae.

ibid.

Qui contra jus nocet proximo, vel per actionem, vel per omissionem, obligatur juxta jus civile 1. ad æqualem compensationem, 2. ad penam aliquam.

Consecraria hujus Doctrinae.

ibid.

Toties iudex damnat eum, qui accusatur, ad integram restitutionem, & insuper ad aliquam penam, quoties in eo presumitur dolus vel culpa: secus, si absit dolus, vel culpa.

Consecraria hujus Doctrinae.

ibid.

In restitutione præscribenda, quæ oritur ex violatione contractus, aut quasi contractus, vel ex omissione officii gratuiti aut lucrativi, attendenda est natura illius contractus aut quasi contractus, & natura illius officii, ut juxta illam, & juxta gravitatem culpæ, pensetur restitutio.

Consecraria hujus Doctrinae.

ibid.

CAPUT IV. De his, qui post violatam iustitiam commutativam, possunt tamen absque peccato vel omnino omittere restitutionem, vel ad tempus differre.

Illud excusat absolute a restitutione, vel dat locum eam juxta differendi, quod efficit, ut creditor nequeat exigere rem restituendam, nisi sit irrationalis & iniquus exactor.

Consecraria hujus Doctrinae.

ibid.

CAPUT V. De materia restitutionis.

Quoties sit restitutio, toties res ipsa ablata debet restitui, si possit; si non possit, debet restitui æquivalens.

Consecraria hujus Doctrinae.

ibid.

Consecraria hujus Doctrinae.

ibid.

Consecraria hujus Doctrinae.

ibid.

Consecraria hujus Doctrinae.

ibid.

Consecraria hujus Doctrinae.

ibid.

Consecraria hujus Doctrinae.

ibid.

Consecraria hujus Doctrinae.

ibid.

Consecraria hujus Doctrinae.

ibid.

Consecraria hujus Doctrinae.

ibid.

Consecraria hujus Doctrinae.

ibid.

Consecraria hujus Doctrinae.

ibid.

Consecraria hujus Doctrinae.

ibid.

Consecraria hujus Doctrinae.

ibid.

Consecraria hujus Doctrinae.

ibid.

Consecraria hujus Doctrinae.

ibid.

Consecraria hujus Doctrinae.

ibid.

Consecraria hujus Doctrinae.

ibid.

Consecraria hujus Doctrinae. ibid.
CAPUT VI. De quantitate restitutionis.
 517
 De variis modis, quibus res aliena & ac-
 quiri & possideri potest. ibid.
 Qui & quot possint esse fructus unius & e-
 jusdem rei. ibid.
 In foro interiori restitutio debet solum fieri
 secundum damnum illatum proximo, in
 foro exteriori debet fieri non solum secun-
 dum damnum illatum, sed secundum
 multam legitime infligendam a iudice.
 ibid.
 Consecraria hujus Doctrinae. ibid.
 Ut restitutio fiat ad aequalitatem, & res
 ablata, & res reddenda, debent con-
 siderari in se, & in omnibus adjunctis.
 518
 Consecraria hujus Doctrinae. ibid.
 Ut restitutio fiat ad aequalitatem, res ablata
 debet estimari juxta detrimentum, quod
 laesus passus est, non juxta utilitatem,
 quam ledens percepit. 519
 Consecraria hujus Doctrinae. ibid.
 Ut restitutio reducatur ad aequalitatem, ac-
 ceptor & possessor malae fidei tenentur &
 rem ipsam & fructus rei, nedum perce-
 ptos, sed etiam ex incuria negligentes, ar-
 tamen a vero domino percipiendos, resi-
 tuere, demum omne lacrum cessans &
 damnum emergens reparare, siue possessor
 malae fidei eo sit factus ditior, siue non,
 siue res ablata existant, siue non. 521
 Consecraria hujus Doctrinae. ibid.
 Acceptor & possessor bonae fidei non tenen-
 tur durante bona fide restituere rem alie-
 nam, neque fructus illius, sed cessante
 bona fide ante praescriptionis tempus te-
 nentur & rem ipsam, quam habent, &
 totum illius rei, quod retinent, & id
 omne, in quo facti sunt ditiores, restituere.
 522
 Consecraria hujus Doctrinae. ibid.
 Possessor, qui fuit initio bonae fidei, factus
 postea dubiae fidei, tenetur diligenter in-
 quirere, quisnam sit verus dominus rei,
 & eam ipsi reddere, hoc ipso quod ipsum
 noverit. 523
 Consecraria hujus Doctrinae. ibid.
**CAPUT VII. Quo pacto debeat fieri resti-
 tutio.** 524
 In restitutione res ablata debet ei restitui,
 qui ex ablatione vel detentione injusta da-
 num patitur. ibid.
 Consecraria hujus Doctrinae. ibid.
 Quando debitor non potest omnibus & singu-
 lis creditoribus satisfacere, potest vero ali-

quibus, iste ordo servandus est. Illi prius
 debet fieri restitutio, qui intimius jus ha-
 bet vel in re, vel ad rem. 526
 Consecraria hujus doctrinae. ibid.
 Quantum ad preparationem animi statim
 restitutio decernenda est; quantum ad
 executionem faciendam est tempora congruo.
 527
 Quotuplex est maleficus?
 Restitutio aut omitti, aut saltem suspendi po-
 test, quoties imprudenter facta noceret spi-
 ritualiter vel ei, cui fieret, vel ei, a quo
 fieret: sed quaerenda sunt media, quibus
 neutri noceat. ibid.
 Consecraria hujus doctrinae. ibid.

TRACTATUS XVII.

De octavo praecepto. 529

CAPUT I. De veritatis amore. ibid.
 Quando oportet veritatem occultare, aut
 manifestare. ibid.
 Consecraria hujus doctrinae. 530
 De equivocatione & restrictione mentali.
 532
 Consecraria hujus doctrinae. 533
CAPUT II. De mendacio. 534
 An mendacium sit semper illicitum. ibid.
 Consecraria hujus doctrinae. 535
 Quando nam mendacium sit semper pecca-
 tum mortale? 536
 Quando nam mendacium sit peccatum venia-
 le solum? 539
CAPUT III. De fama & honore. ibid.
 Quae sit obligatio conservandi propriam fa-
 mam? ibid.
 Consecraria hujus Doctrinae. 540
 Quam stricte prohibeatur diffamare se ipsum?
 541
 Consecraria hujus doctrinae. ibid.
 Quae sit obligatio conservandi famam pro-
 ximi? ibid.
 Quam stricte prohibeatur diffamare proximi-
 mum? 542
**CAPUT IV. De diffamatione proximi apud nos interiori facta per suspensiones, per-
 dubia, & judicia temeraria.** ibid.
 Quale peccatum sint suspensiones, dubia, &
 judicia temeraria facta contra probitatem
 proximi. ibid.
 Consecraria hujus doctrinae. ibid.
 De circumstantiis aggravantibus diffamatio-
 nem interiori factam per suspensionem &
 dubium, & iudicium injustum. 544
 De casibus, in quibus sine peccato possumus
 de proximo dubitare, suspicari, & judi-
 care.

<i>care.</i>	ibid.	<i>Consecraria hujus doctrine.</i>	ibid.
<i>Consecraria hujus doctrine.</i>	ibid.	<i>CAPUT VI. De honore proximi exhibendo.</i>	549
<i>CAPUT V. De diffamatione exteriori per calumniam & detractionem.</i>	545	<i>Quis honor debeatur proximo?</i>	ibid.
<i>Quale peccatum diffamatio exterior?</i>	ibid.	<i>Consecraria hujus doctrine.</i>	ibid.
<i>De calumnia.</i>	ibid.	<i>De diminutione honoris, qui debetur proximo.</i>	ibid.
<i>Consecraria hujus doctrine.</i>	ibid.	<i>mo.</i>	ibid.
<i>De detractioe.</i>	546	<i>Consecraria hujus doctrine.</i>	550
<i>Consecraria hujus doctrine.</i>	ibid.	<i>De casibus, in quibus contumelia, conditium, improprium sunt absque peccato.</i>	ibid.
<i>De circumstantiis, tum augmentibus, tum minuentibus diffamationem exteriorem proximi.</i>	547	<i>Consecraria hujus doctrine.</i>	ibid.
<i>Consecraria hujus doctrine.</i>	ibid.	<i>De cooperantibus diffamationi & contumelia.</i>	551
<i>De casibus, in quibus sine peccato possumus peccatum proximi manifestare.</i>	548	<i>Consecraria hujus doctrine.</i>	ibid.



NOS PETRUS ANNATUS Congregationis Patrum Doctrinæ Christianæ Præpositus Generalis, Librum, cui titulus est, *Moralis Christiana, &c.* a R. P. Jacobo Besombes, Congregationis nostræ, Doctore Theologo latine contextum, & a tribus aliis ex eadem nostra Congregatione Theologis lectum & approbatum, prælo typographico mandari, & luci publicæ dari permittimus: in cujus rei fidem has præsentis manus nostræ subscriptione firmatas & sigillo officii nostri munitas dedimus. Parisiis, in domo nostra Sancti Caroli.

ANNATUS, Præp. Generalis.

Approbatio Doctoris Sorbonici.

EGO infra scriptus Facultatis Parisiensis Doctor Sorbonicus & in æde sacra Beatissimæ Virginis Mariæ de Cahusac prope Gimontem Cappellanus, de mandato Illustrissimi Franciæ Cancellarii legi librum latine scriptum, cui titulus: *Moralis Christiana ex Scriptura Sacra, Traditione, Conciliis, Patribus & insignioribus Theologis excerpta*; in quo opere nihil reperi, quod fidei, & bonis moribus repugnet: immo in quo elucent methodus in tradendis morum regulis perspicua & nova, probationes authenticæ, doctrina nec severior nec laxior, scientia theoricæ simul & practica dirigendis moribus & audiendis confessionibus apta: in cujus rei fidem subscripsi.

D. MALAUBERT Doctor Sorbonicus.

MORALIS CHRISTIANA

EX SCRIPTURA SACRA

Traditione, Conciliis, Patribus, & insignioribus Theologis

EXCERPTA.

TRACTATUS PRIMUS.

De principiis Moralis Christianæ,

Seu de fontibus, e quibus erui debet Moralis Christiana.



MORALEM Christianam traditur, a principiis ordinatur, e quibus erui illa debet; naturalis enim ordo postulat, ut dum traditur aliqua disciplina, principia, ex quibus ea pendet, ante omnia constituantur; quæ tractatu quæremus; primo, quot & qui sint fontes seu principia, e quibus erui debet Moralis Christiana. Secundo, quomodo iisdem principis utendum sit.

CAPUT I.

Quot & qui sint fontes Moralis Christianæ.

PROPR. Primus & præcipuus fons Moralis Christianæ est divina revelatio.

Prob. Ex Scriptura. Divina revelatio homini in eum finem data est, ut homo, ex cæcatus per peccatum, sua officia ediceret, juxta illud Pauli: *Omnis Scriptura divinitus inspirata, utilis est ad docendum, ad arguendum, ad corripiendum, & erudiendum in justitia, ut perfectus sit homo Dei, ad omne opus bonum instructus*. 2. ad Tim. c. 3. v. 16. utque innumera testantur Scripturæ oracula, quæ passim asserunt, ideo nobis Deum locutum fuisse, ut nos e tenebris educeret: ergo ex revelatione primo & præcipue hauriri debet Christianæ Moralis officia.

Prob. 2. Auctoritate Patrum. Divina revelatio continet verbum Dei, qui nec falli, nec fallere potest: non falli, quia est infinite sciens: non fallere, quia est infinite bonus; ergo ex revelatione primo & præcipue petenda est Christiana Moralis, ex qua pendet ho-

minis æterna tum beatitudo, tum infelicitas; in quam sententiam Clemens Alex. ait 7. lib. Strom. *Non expectamus testimonium quod datur ab hominibus, sed voce Domini probamus quod queritur, quæ est magis fide digna quam quævis demonstratio, vel potius, quæ est sola demonstratio.* Quo etiam pertinet illud D.

Th. 1. contra gentes c. 4. *Salubriter ergo divina provi dit Clementia, ut ea etiam, quæ ratio investigare potest, fide tenenda præciperet: ut sic omnes de facili possent divinæ cognitionis participes esse: & absque dubitatione & errore.* Hinc est quod Eph. 4. dicitur: *Fam non ambuletis sicut & gentes ambulant in vanitate sensus sui, tenebris obscuratum habentes intellectum.* Et II. 54. *Ponam universos filios tuos doctos a Domino.*

Prob. 3. Ratione. Officia Moralis Christianæ vel juris sunt naturalis, vel supernaturalis: si supernaturalis, in his humana ratio, seclusa revelatione, plane cæcutit, ut patet ex officiis quæ Deo debemus Redemptori, quæ quidem sine lumine fidei nullatenus innotescunt: si vero juris sunt naturalis, in his humana ratio etiam sagacissima sæpe errat, ut patet ex Philosophis, qui vel in ipsum decalogum tot scelera permiserunt, puta furtum, ut Lycurgus; monstrosam uxorum communitatem, ut Plato; liberorum inter necionem, ut Aristoteles: utque etiam clarius patet ex quibusdam hæreticis, qui morum disciplinam ex sola ratione admetiri voluerunt; hi enim, ut dicit Damascenus lib. de hæretibus in fine: *In moribus & rebus agendis aberrant, & in aliquas res agendas, quæ præclara sunt, & cum laude conjuncta, criminantur: contraque nonnullas, quæ vituperatione digna sunt, approbant.*

Rursus. Doctrina morum non minus est revelata quam doctrina fidei, quia, ut scriptum est: *Sine fide impossibile est placere Deo, ita & dictum est, fides sine operibus mortua est.* Ergo si fidei doctrinam ex revelatione eruiamus, doctrinam morum ex eadem revelatione debemus desumere.

Conf. Hinc intelligi potest casuum arbitris ante omnia consulenda esse ea, in quibus divina revelatio continetur.

§. 1. Ac primo quidem consulenda est diligenter Scriptura sacra; hæc enim verbum Dei continet. *Non enim*, ut ait Petr. 2. c. 1. v. 21. *voluntate humana allata est aliquando prophetia: sed Spiritu Sancto inspirati, locuti sunt sancti Dei homines*. Neque fidei nostræ tantum, sed & morum normam continet. Ibi enim, ut ait Aug. lib. 2. de doctrina christiana cap. 9. *inveniuntur illa omnia, quæ continent fidem, moresque vivendi: & lib. 3. cap. 10. Non præcipit Scriptura, nisi caritatem, nec culpæ nisi cupiditatem, & eo modo informat mores hominum*.

Unde videmus utriusque testamenti Patres, Apostolos, & ipsum Christum, quoties de moribus instituendis agebatur, Scripturam consuluisse, aut ad eam populos remississe.

Sic Moyses iussit, ut quolibet anno remissionis in solemnitate tabernaculorum Levita Scripturam legeret, & ita populum edoceret. *Convenientibus*, inquit, *cunctis ex Israel, ut appareant in conspectu Domini Dei sui in loco, quem elegerit Dominus, leges verba legis hujus coram omni Israel, audientibus eis...* ut audientes discant, & timeant Dominum Deum vestrum, & custodiant, impleantque omnes sermones legis hujus. Deut. 31. v. 10.

Sic Josue populum mittit ad Scripturam. *Estote*, ait, *soliciti, ut custodiatis cuncta quæ scripta sunt in volumine legis Moysis*. Jos. 22. vers. 6.

Sic Isaïas Judæos a consulendis Pythonibus avertit, & ad divinam legem remittit. c. 8. v. 19. *Et cum dixerint ad vos, quærite a Pythonibus, & a divinis, qui frident in incantationibus suis: ad legem magis & ad testimonium*.

Sic Eldras lectione Scripturarum prævaricantes Judæos ad morum reformationem reduxit. Attulit ergo Eldras Sacerdos Legem coram multitudine virorum & mulierum... flectebat omnis populus cum audiret verba legis. c. 8. v. 2. & 9.

Sic Christus tentatus a diabolo revincit illum, dicens: *Scriptum est*. Matth. c. 4. v. 4. & consultus a Scriba eum his verbis tentantem: *Magister quid faciendo vitam æternam possideo? non alio mittit quam ad Scripturam: In lege, inquit, quid scriptum est, quomodo legis?* Luc. 10. v. 26.

Uno verbo Dominus ait: *Scrutamini Scripturas*. Joannis 5. v. 39.

Sic Abraham divites epulonis fratres ad Scripturam mittit. *Habent Moysen & Prophetas: audiant illos*. Luc. 16. v. 29.

Sic Apostoli ajunt: *Doctrinis variis & peregrinis*, id est a Scriptura alienis, nolite abduci. Ad Hebr. cap. 13. vers. 9.

Sic demum Concilia Scripturam sacram in

medio collocant, utpote *fontem omnis salutæ veritatis, & morum discipline*, ut ait Trident. Sess. 4. de cr. 3.

Profanos ergo auctores quoties fidei adversantur, cum David despiciamus, & legem divinam meditemur. *Narraverunt mihi iniquæ fabulationes, sed non ut lex tua*. Pl. 118. v. 58.

§. 2. Attendenda est Traditio, non humana, sed divina; non per privatos Auctores proposita, sed non interrupta Pastorum successione fideliter ad nos transmissa; quia divinam revelationem ore tenuis. ad: am exhibet. Interrogate de semitis antiquis, quæ sit via bona, & ambulate in ea, inquit Iere. c. 6. v. 16. Et Paulus ait: *State & tenete traditiones, quas didicistis, sive per sermonem, sive per epistolam nostram*. 1. ad Thes. c. 2. v. 14. *Tenax sis traditionis Divinæ*, inquit Vinc. Lir. in Commonitorio. 1. c. 17, in qua non auctor debes esse, sed custos; non institutor, sed sectator; non ducens, sed sequens. Et Chryllostomus isto longe antiquior: *Est Traditio; nihil queras amplius*. In 2. ad Thesal. homil. 4.

Ita observatum semper multis exemplis constat.

Sic Moyses Judæos ad Traditionem remittit. Interroga Patrem tuum, & annuntiabit tibi Deuter. c. 32. v. 7.

Sic Ecclesiasticus Disciplinam morum vult a Traditione sumi. *Ne despicias narrationem Presbyterorum... ab ipsis enim discas sapientiam*. c. 8. v. 10.

Sic Christus recentes & humanas damnans Traditiones, divinas & antiquas circa doctrinam morum confirmat, dicens: *Ab initio non fuit sic*. Matth. 19. v. 8.

Sic Synagoga Traditionem consulens, legem de observazione Sabati attemperavit, declarans, licitum esse eo die animalia ad-aquare, lapia in foveam levare, pugnare contra hostes, & omnia ad Sacrificium necessaria præstare.

Sic Ecclesia Traditionem consulens, diem Dominicam loco Sabati celebrat, & contra Disciplinam Apostolorum, a sanguine & suffocato non abstinere.

Sic Tridentinum prioribus inhærens Conciliis: *Scripturam, nec non Traditiones, tum ad fidem, tum ad mores pertinentes, pari pietatis affectu ac reverentia suscipit ac veneratur*. Sc. 4.

§. 3. Consulenda sunt Concilia œcumenica, vel particularia, quæ sunt universali Ecclesiæ consensu recepta; quia divinam revelationem nobis exhibent & universalem Ecclesiam repræsentant, quæ cum a Spiritu sancto dirigatur errare non potest. Unde ajunt Apostoli: *Visum est Spiritui sancto, & nobis*. Act.

AA. 15. v. 28 Eodemque divino instinctu ducti œcumenicorum Conciliorum Patres suis ita Decretis præluunt: *Sacrosancta œcumenica Synodus, in Spiritu sancto legitime congregata definit, anathemate percussit, &c.*

Unde eadem semper generalibus Conciliis reverentia exhibita, quæ verbo divino redditur, ut patet exemplis ab initio nascentis Ecclesiæ ad nos usque perseverantibus

Sic Paulus perambulabat Syriam, & Cili-
ciam, confirmans Ecclesias: præcipiens custodire
præcepta Apostolorum & Seniorum. AA. 15. v. 41.

Sic Athanasius Epist. ad Africanos ait: *Verbum Domini per œcumenicam Synodum manet in æternum.*

Sic Gregorius ait: *Sicut sancti Evangelii quatuor libros, sic quatuor Concilia suscipere & venerari me fateor, Nicænum scilicet Constantinopolitanum Ephesium . . . & Calcedonense.* Lib. 1. Epist. 24. nunc 25.

Sic Concilium Constant. 4. can. 4. Decreta Conciliorum quasi divina Dei eloquia suscipit.

Sic demum Concilium Senonense Ecclesiæ in Conciliis repræsentatam, tam in moribus quam in fide inallabilem protestatur: *Sancta & insalibilis Ecclesia, quæ nec a caritate decidere potest, nec ab orthodoxa fide deviare, cuius auctoritatem qui in fide & moribus non sequutus fuerit, quasi Deum negaverit, infideli deterior habeatur.* Decret. fidei.

¶ 4. Attendendus est unanimis sanctorum Patrum consensus, quia divinam revelationem ore tenus tantum, & non scripto traditam, a majoribus acceptam, & fideliter custoditam nobis exhibet, sunt enim hi Doctores, quos Deus dedit ad consummationem sanctorum in opus ministerii, in ædificationem corporis Christi . . . ut non simus fluctuantes omni vento doctrinæ. Ad Eph. 4. v. 14.

Ideo semper vidimus, quod in componendis moribus, antiquorum auctoritas adhiberetur.

Sic sapiens admonet, ut Doctrinam Patrum sequamur. *Ne transgrediaris terminos antiquos quos posuerunt Patres tui.* Proverb. 22. v. 28.

Sic in Concilio Calcedonensi conclamatum: *Hæc est fides Patrum.*

Sic in Conc. Costant. 4. AA. 10. Con. 1. Patrum decreta ut morum regula proponuntur. *Sanctorum Patrum decreta, inquit, velut inextinctæ semperque lucentes facies sequenda sunt.* Can. 1.

Sic idem Conc. juxta aliam versionem eodem Can. *Diæta Patrum vocat secunda Dei eloquia.*

Sic etiam in Concilio Viennensi Clemens V. ait: *Nos ad sanctorum Patrum & Doctorum*

sententiam Apostolicæ considerationis aciem convergentes definimus, &c.

Item Trid. Synodus fatetur se inhærere Patrum sententiæ & exemplo. *Orthodoxorum Patrum exempla secuta.* Sess. 4. cap. 1.

Demum in omni Concilio factum est quod Vincentius Lyrinenfis commonit. 2. c. 2. ait de Ephesino: *Patres sunt, quorum beata Synodus doctrinam tenens, consilium sequens, testimonio credens, judicio obediens, absque tædio, præsumptione, & gratia de fidei & morum regulis pronuntiavit.*

Sic Aug. alique Doctores Ecclesiæ, numquam ausi sunt ab unanimi Antiquorum sententia recedere, tam in moribus, quam in fide. *Quod credunt credo, quod tenent teneo, quod docent deceo, quod prædicant prædico, istis cedo, & non me cædes, acquiesce istis & quiesce a me.* Lib. 1. contra Jul. cap. 5.

Scripturam habes in Bibliis, Traditionem in universalis Ecclesiæ praxi, unanimem Patrum sententiam in suis scriptis, Canones in Conciliorum Collectione R. P. Labbe Jesuitæ.

2. Prob. Secundus fons Moralis Christianæ est summi Pontificis de aliqua morali controversia solemne iudicium.

Prob. 1. Scrip. Romanus Pontifex debet nos in dubiis circa fidem & mores instituere, est enim Petri successor, cui dictum est: *Pasce agnos meos, id est fideles. Pasce oves meas, id est pastores.* Joan. 21. v. 15. & iterum: *Simon, ego rogavi pro te, ut non deficiat fides tua, & tu aliquando converteris confirma fratres tuos.* Lucæ 22. v. 32. Ergo ubi non adest revelatio, consulendum est summi Pontificis iudicium.

Prob. 2. Ex Conc. Patres Florentini ajunt: *Definimus sanctam Apostolicam Sedem, & Romanum Pontificem in universum orbem tenere primatum, & ipsum Pontificem Romanum successorem esse Beati Petri Principis Apostolorum, & verum Christi Vicarium, totiusque Ecclesiæ caput, & omnium Christianorum Patrem ac Doctorem existere, & ipsi in Beato Petro, pacendi, regendi, ac gubernandi universam Ecclesiam, a Domino nostro Iesu Christo plenam potestatem traditam esse; quemadmodum etiam in gestis œcumenicorum Conciliorum, & sacris Canonibus continetur.* Ergo summus Pontifex audiendus est ut Doctor, & ei obtemperandum est ut Patri.

Prob. 3. Ex Patribus. Silvester II. ait: *Sic lex communis Ecclesiæ, Evangelium, Apostoli, Prophetæ, Canones, Spiritu Dei constituti & totius mundi reverentia consecrati . . . Et Decreta sedis Apostolicæ ab his non discordantia. Inde, ut scribunt Tarraconenses ad sanctum Hilar. P. nihil errore, nihil præsumptione; sed*

Pontificali totum deliberatione præcipitur.

Prob. 4. Ex praxi Ecclesiæ. In dubiis circa fidem & mores semper in Ecclesia quovis sæculo iudicium sum. Pont. diligenter quæsitum, & reverenter exceptum est, ut obvium erit cuique legenti historiam Ecclesiasticam.

Sic primis Ecclesiæ temporibus anno 253. ad Clerum Romanum, Sede etiam vacante, scriptum est a Cypriano quomodo ad poenitentiam lapsi recipiendi essent.

Sic mediis Ecclesiæ temporibus an. 860. Bulgari nuper conversi Nicolaum primum Rom. Pontificem consulunt, ut ab eo quid credendum, quidve agendum in Religione Christiana, quam amplexi fuerant, addiscant.

Sic ultimis Ecclesiæ temporibus Quietistarum illusiones, & quorundam Casuistarum opiniones, summorum Pontificum iudicio proscriptæ sunt: ergo in controversiis moralibus dicendum quod Aug. dicebat in causa Pelagii: *Missum est ad Sedem Apostolicam, inde etiam rescripta venerunt: causa finita est: utinam aliquando finiatur error.* Serm. olim 2. de verbis Apost. jam 131.

Consect. Hinc satis patet, ubi de Morali agitur, 1. Consulendas esse Epistolas Decretales summorum Pontificum, quas quidem collectas habes ratione temporum in compilatoribus Decretalium & in Bullario, digestas ratione materiarum in toto corpore Juris Canonici. 2. Consulendas esse Censuras summorum Pontificum: præcipuas habes collectas in Censura data a Clero Gallicano an. 1700. nosque eas referemus prout occasio sese obtulerit.

3. *Prop.* Tertius fons Moralis Christianæ est iudicium Conciliorum particularium, vel Nationalium, vel Provincialium, vel Diocæsanorum, licet universo Ecclesiæ consensu non sint recepta.

Prob. 1. Scrip. Concilia particularia exhibent iudicium plurimorum Episcoporum, qui propositam questionem examinarunt, non obiter, sed attente quilibet asserendo antiquam Ecclesiæ suæ Traditionem: ergo huiusmodi iudicium in Morali magis faciendum est; præsertim dicente Domino: *Ubi sunt duo vel tres congregati in nomine meo, ibi sum in medio eorum.* Matth. 18. v. 20.

2. Ex praxi Ecclesiæ. Ea fuit Ecclesiæ consuetudo, ut sæpe celebrarentur Concilia Provincialia, quæ essent aut dispositiones ad futurum Concilium generale, aut præteriti Concilii generalis executiones: ergo consulendum est particularium Conciliorum iudicium; quia, ut ait Synodus Arvernensis prima Can. 1. non ob alium finem congrega-

bantur, quam ut ea, quæ ad emendationem vite, ad severitatem regule, vel ad animæ remedia pertinebant, finirentur.

3. *Ratione.* Concilium universale est infallibile, quia universam Ecclesiam repræsentat; quæ, utpote columna fidei & firmamentum veritatis, deficere non potest: ergo & Concilium particulare magnæ quoque est auctoritatis, quia Ecclesiam particularem totam repræsentat. Unde & ipsa Concilia generalia locales seu particulares Synodos magno in honore habuerunt, eisque fideles subijciendo esse decreverunt, ut patet ex septima Synodo Act. 3. ubi Theodorus in Epistola, quam nomine Orientalium exhibuit, quamque ipsa Synodus approbavit, ait *Locales*, id est Provinciales, *Synodos non avversamus: sed magis amamus, amplectimur & recipimus, earum etiam divinitus inspiratas Canonicas constitutiones, orrectiones, & utiles leges summa observantia colimus.* Ex ex octava Synodo, ubi hæc habetur can. 1. *Regulas quæ sanctæ Catholice, & Apostolicæ Ecclesiæ tam a sanctis... Apostolis, quam ab orthodoxorum universalibus, nec non & localibus Conciliis... traditæ sunt, servare seu custodire profitemur... sed & omnes qui christiano censentur vocabulo, pœnis & damnationibus... & justificationibus, quæ per illas prolata sunt... canonicè subijci decernimus.*

Ino factum vidimus plures errores circa mores solis particularibus Conciliis fuisse primo condemnatos, postea vero solemniter & universaliter aliquo Concilio, particularem Synodum approbante, fuisse anathematizatos.

Sic Beguadi & Beguinz omnem libidinem licitam admittentes, in his qui semel essent Deo consecrati, damnati sunt in Concilio Viennensi in Austria, & postea anathematizati sunt in Concilio generali Viennensi in Galliis.

Sic Petrus Oxomensis multos errores docens circa Sacramentum poenitentiae, puta *peccata non esse confitenda Sacerdoti, Confessionem non esse de jure divino*, &c. damnatus in Concilio particulari Conpluti habito an. 1479. Postea vero ejusdem errores solemniter anathematizati in Conciliis generalibus, Lateranensibus scilicet & Tridentino.

Consect. Hinc constat casum arbitris non negligenda esse Concilia particularia, & præcipue ea quæ tractant de moribus; in Conciliis enim, a primo sæculo usque ad octavum, describitur antiqua morum puritas & vetus Ecclesiæ disciplina: in Conciliis vero, ab octavo sæculo usque ad Tridentinum, cernitur, quomodo fideles ab anti-

quis

quis moribus degenerarunt. Deniq; in Conciliis a Tridentino usque ad nos, pristina morum puritas & antiqua disciplina revocanda proponitur.

4. *Prop.* Quartus fons Moralis Christianæ est Episcoporum judicium, præsertim dum plures in idem consentiunt.

Prob. 1. Script. In veteri testamento, dum exoriebatur circa religionem aliquod dubium, mittebantur Judæi ad Sacerdotes. *Veneris*, inquit Deus, ad Sacerdotes *Leviticis generis*, & ad iudicem qui fuerit illo tempore: qui indicabunt tibi iudicii veritatem. Deut. 17. v. 9. Idem iubet Christus. *Super Cathedram Moysis sederunt Scribæ & Pharisei*; omnia ergo quæcumque dixerint vobis, servate & facite. Matth. 23. v. 2. Ergo cum Episcopi in locum Sacerdotum legis Mosaicæ in Ecclesia successerint, audiendi sunt a fidelibus in his quæ pertinent ad doctrinam fidei & morum.

2. Ex Patribus, Ignatius Epist. ad Magnesianos hortatur fideles; ut Episcopis obediant. *Decet iraque & vos, inquit, obedire Episcopo, & in nullo illi refragari.* Et Cyprianus Epist. olim 55. nunc vero 39. ostendit non aliunde oriri hæreses & schismata, quam ex aliquo quod Pastores audire negligamus. *Neque enim alioquin, inquit, hæreses obortæ sunt, aut nata sunt schismata, quam inde quod Sacerdoti Dei non obtemperatur.*

3. *Rat.* Episcopi sunt jure divino Rectores Ecclesiæ, Patres, & Doctores populorum juxta illud Pauli act. 20. v. 28. *Spiritus Sanctus posuit vos Episcopos regere Ecclesiam Dei*; ergo sequendum est Episcoporum judicium in moralibus. Ideo videmus in Ecclesia nascentes contra bonos mores opiniones, plurium Episcoporum judicio, etiam extra Concilium, fuisse condemnatas.

Sic primis Ecclesiæ temporibus Nicolaitæ admittentes communitatem uxorum; Gnostici turpissimas voluptates licitas esse asserentes; Episcoporum, etiam extra Concilium, judicio proscripti sunt. Unde Aug. lib. 4. ad Bonifac. cap. ult. his verbis ridet Pelagianos, Concilium, ubi eorum causa examinaretur, exigentes: *Aut vero congregatione Synodi opus erat, ut aperta perniciēs damnaretur; quasi nulla hæresis aliquando sine Synodi Congregatione damnata sit?*

Consect. Hinc videt in resolvendis casibus audiendos esse Episcopos, nec sine gravi temeritate sperni posse eorum judicia, aut pastoralis eorum Epistolæ; præsertim cum plures in eandem sententiam, aliis non reclamantibus, consentiunt: etenim Episcoporum mandata in subditis sibi Diocæsisbus vim habent co-

activam, quæ obedientiam exigunt: in aliis vero directivam, quæ reverentiam postulat.

5. *Prop.* Quintus Christianæ Moralis fons est Patrum auctoritas, quæ major, aut minor est, prout plures, vel pauciores in idem conveniunt, neque alii contradicunt.

Prob. 1. Script. Patres sunt hi quos Deus posuit in Ecclesia tamquam Doctores juxta illud Pauli 1. ad Corinth. 12. v. 28. *Quosdam quidem posuit Deus in Ecclesia, primum Apostolos, secundo Prophetas, tertio Doctores.* Ergo in moralibus eorum Doctrina reverenter suscipienda est.

2. Ex Greg. lib. 30. Moral. cap. 7. *Et Apostoli, & perfecti Doctores subsequentium populorum pares sunt, tamen præcedentium filii.* Ergo si pares sint, nosque spiritualiter in Christo sua doctrina genuerint, eorum sententiæ debemus in moralibus inhærere.

3. *Rat.* Patres hi sunt qui tum ob eminentem scientiam, tum ob sanctitatem insignem, tum ob venerandam antiquitatem Traditionis custodes habentur. Ergo sicuti dum sunt unanimes auctoritatem faciunt irrefragabilem, sive in fide, sive in moribus; ita, dum plures in idem morum dogma consentiunt, auctoritatem habent non spernendam, sed summiore venerandam.

Ideo videas semper in Ecclesia insigniorum Patrum sententiam magnum pondus habuisse. Sic Bernard. ait in Epist. 77. ad Hugonem de S. Victore. *Ab his ergo duabus columnis, Augustinum loquor & Ambrosium, crede mihi difficile avellere: cum his inquam me aut errare, aut sapere fateor.* Et Epist. 174. *Numquid patribus doctiores, aut devotiores sumus?*

Consect. Hinc patet consulendos esse in quæstionibus moralibus sanctos Patres, eos præcipue qui ex professo materiam aliquam pertrastarunt. Legendus est Cyprianus de pœnitentia, pro antiqua circa lapsos disciplina firmanda. Legendus est Augustinus contra mendacium, aut de alia quacumque tractet materia. Legendus est Ambrosius de variis Christianorum officiis. Legendus Greg. libris Moralium. Legendi demum quantum fieri potest Antiqui, ut, quæ fuerit eorum sententia circa propositam quæstionem, perspectum habeamus. Consulendi sunt Compilatores, qui insigniorum Patrum scripta in certas materias distribuentes, non aliam referunt sententiam, quam eorum Patrum, quorum verba transcripserunt.

6. *Prop.* Sextus Christianæ Moralis fons est Theologorum scholasticorum auctoritas, non eorum qui ex sola ratione; sed eorum qui

ex revelatione doctrinam morum erunt.

Prob. Ex his peti possunt argumenta, mores & fidem spectantia, quos ipsa Ecclesia, ubi de fide & moribus agitur, consulit, quorum vel sententiæ rationem habet, ut patet. At qui Ecclesiæ Theologos scholasticos, ubi de fide & moribus agitur, consulit, eorumque sententiæ rationem habet. Ergo ex Theologis scholasticis peti possunt argumenta morum. Minor patet 1. Ex Concilio Viennensi, ubi Patres sic habent: *Opinionem illam*, scilicet, conferri parvulis gratiam habitalem in baptismo, *tamquam probabiliorē & dictis Sanctorum, ac Doctorum modernorum Theologiæ magis consonam & concordem, sacro approbante Concilio, duximus eligendam.* Clementina unica de sancta Trinitate. 2. Idem patet ex Congregationibus in Romana curia erectis, ubi quæstiones ad fidem & mores pertinentes opera Theologorum consultorum ventilantur, antequam determinentur per solemne summæ Pontificis iudicium.

Dixi, modo conclusiones suas ex fide eruant; nam Theologi, qui solam rationem, quæ corrupta est & cæcutiens, ostentant, nullatenus audiendi: de quibus ita Canus. *Qui Theologiæ dogmata humanis merentur argumentis, nec eis quæ a ratione ducuntur volunt præponderare auctoritatem; hi primum omnem vim Theologiæ & gravitatem amittunt, deinde faciunt ut Theologia, destracta auctoritate, non solum contemnatur, sed ne Theologia quidem sit: nam si vera & legitima Theologia est, a fide descendat oportet, ubi huius facultatis propria principia resident. Quamobrem satis exploratum habere possumus quam male valeant hi de re Theologica aut scribere, aut disputare, qui sacros libros, Apostolorum Traditiones, Conciliorum dogmata, Furis Pontificii decreta, sanctorum veterum Doctorum scripta, vel rejiciunt, vel ignorant. Itaque hoc quidem opinantium genus pellatur e medio; est enim totum improbabile & impium, qui opinantur aptiora Theologo ea argumenta esse quæ ex ratione, quam ea quæ ex auctoritate ducuntur.* lib. 9. de locis Theol. cap. 1.

Et rursus eandem materiam agitans, *Tales inquit, auctores sunt adscriptitii Theologi; qui quæstiones Theologicas frivolis argumentis absolvunt, & cum in his sanctorum Bibliorum testimonia rarissima sint, Conciliorum mentio nulla, nihil ex antiquis Sanctis oleant, nihil ex gravi Philosophia, Theologi tamen vocantur, nec scholastici sunt, qui sophismatum sæces in scholam inferentes, & ad risum viros doctos excitant, & delicatiores ad contemptum. quos ego probare nec deo, nec possum.* lib. 8.

c. 1. Ex quo patet quinam Theologi audiendi sint, qui vero rejiciendi; quod ut melius pateat, sit

Consect. 1. Consulendi sunt insigniores morales Theologi: qui primas tenent, sunt D. Thomas, D. Bonaventura, D. Antoninus, D. Raymundus; nam commendat eos 1. Profunda in rebus divinis eruditio, ut legentibus patet. 2. Commendat eos pura morum integritas, cum Ecclesiæ eos inter Sanctos reposuerit. 3. Spectabiles facit summus, sincerus & fidelissimus veritatis amor: non enim ex contentione scripserunt; sed ex solo veritatis affectu, ut examinanti videbitur. Tales pariter sunt, sed in inferiori gradu, Cajetanus, Sylvester, Soto, Sylvius, Toletus, Comitulus, alique non pauci, doctrina magis, ingenio insignes, & moribus optimis spectabiles; modo ipsi Antiquos nec imitantur, nec eorum auctoritatem in sensus contrarios detorqueant.

Consect. 2. Consulendi sunt clariores Canonistæ, quales sunt Panormitanus, Navarrus, Covarruvias, Fagnanus, Caballutius, alique non pauci; quia Canonistarum auctoritas maximi est ponderis, cum in foro Ecclesiastico soleant consuli quoties de censuris & irregularitatibus agitur, ut notat Canus.

Consect. 3. Magno in pretio habendum est doctrinale iudicium sacræ Theologiæ Facultatum; præcipue si fuerint e numero earum Universitatum quæ sunt toto orbe Christiano doctrina sua venerabiles, quales sunt Lovanienfis, Duacensis, Salmanticensis; sed præsertim Parisiensis, omnium facile princeps, quæ, rerum sacrarum eruditione & purioris moralis studio, inter alias semper eminuit, quam Episcopi & ipsi summi Pontifices consulere non dedignantur, cuiusque opera Ecclesiæ matri numquam defuit, quoties de resellendis tum circa fidem, tum circa mores, erroribus actum est.

7. Prop. Septimus fons Moralis Cristianæ est ratio naturalis.

Prob. 1. Script. Deus in Scripturis peccatores ad conscientiam revocat, juxta illud *redite prædicatores ad cor.* Isai. c. 46. v. 8. Ergo naturalis ratio, etiam per peccatum corrupta, utiliter consuli potest ubi de moribus agitur.

2. Ex Aug. lib. de spiritu & littera c. 28. *Non usque adeo in anima humana imago Dei terrenorum affectuum labe detrita est, ut nulla in ea velut lineamenta extrema remanserint, unde merito dici possit, etiam in ipsa impietate vitæ suæ facere aliqua legis, vel SAPERE.*

Ergo

Ergo ex S. Doctore *sapit* aliquid ratio, etsi per peccatum corrupta, seu quædam morum principia cognoscit. Neque enim, ut tradit D. Th. 2. 2. 10. 2. 4. omnino destructa est hominis ratio, etsi per peccatum corrupta.

3. *Rat.* Naturalis ratio Theologo morali ad multa utilis est. Ergo inter fontes Moralis Christianæ debet adnumerari. Antecedens patet percurrendo ea quæ ratio conferre potest in resolvendis casibus.

1. Suppeditat communia morum principia, qualia sunt ista: *Bonum est faciendum, malum est fugiendum. Quod tibi non vis fieri, alteri ne feceris*; atque ex his morum prænotionibus certissimas conclusiones educit, quibus varia explicat hominis officia. 2. Erga Deum, cujus est creatura. 3. Erga se ipsum, cujus est custos. 3. Erga proximum, quocum necessariam habet societatem. 4. Erga rem publicam, cuius est membrum; & suggerit, quod homo debeat Deo cultum; sibi curam mentis & corporis; proximo benevolentiam, & reipublicæ obsequium.

2. Ratio naturalis ex principiis revelatis conclusiones eruit, quibus manifestat varia hominis christiani officia. 1. Erga Deum, cujus filius est per adoptionem. 2. Erga Christum, cujus est *Acquisitio* per ejus mortem, ut loquitur Petrus. 3. Erga alios homines, quibus est in æternum sociandus per gloriam. 4. Erga Ecclesiam, cujus est & filius & membrum per baptismum: & infert quod christianus Deo debeat honorem & amorem, quia Pater; Christo gratiarum actionem, quia Redemptor; proximo dilectionem, quia frater; Ecclesiæ vero obedientiam, quia mater.

3. Circa remotas conclusiones, in quibus variant Theologorum sententiæ, rationis est perpendere, quid morum præceptis sive naturalibus sive revelatis magis cohæreat. Quod quidem quomodo fieri debeat caput sequens explicabit.

C A P U T II.

Quomodo prædictis Moralis Christianæ principii utendum sit.

Cum prædicti Moralis Christianæ fontes æqualis autoritatis non sint; quo ordine, qua cautione adhibendi sint, explicandum sequitur: quod quidem Regulæ subsequentes aperient.

Reg. 1. Ubi quæstio Moralis solvi potest per expressam revelationem, standum est revelationi, quidquid in contrarium suggerat humana ratio. Revelatio siquidem certissi-

mam morum regulam continet, cum infallibili Dei Verbo nitatur; ratio vero humana errori est obnoxia, ut dictum est supra; sicuti enim Deus verax, ita omnis homo mendax, juxta illud Pauli ad Rom. 3. v. 4. *Est autem Deus verax: omnis autem homo mendax.*

Sic inimicorum dilectio, necessitas ferendi crucem, castigandi corpus, vim continuam sibi inferendi, & alia similia, quantumvis humanæ naturæ dura videantur; humiliter tamen mentis obsequio excipienda sunt, quia scilicet expresse ea tradit revelatio.

Reg. 2. Ubi quæstio proposita ex revelatis principiis per necessariam demonstrationem definiri potest; standum est hujusmodi demonstrationi, quidquid etiam in contrarium suggerat hominis ratio affectibus obsecata. Propositio siquidem, quæ ex propositione revelata necessario sequitur, irrefragabilis est autoritatis: *Hoc enim genus conclusio- num, ut cum rebus fidei colligatur, ad fidem etiam spectat*, ut ait Canus lib. 12. de locis Theolog. cap. 6.

Sic cum ex eo Christi, *gratis accepistis, gratis date*, aperte & evidenter sequatur, non posse res spirituales sub commercium cadere, illicita censeri debent pacta omnia, quibus temporale exigitur pro collatione rei spiritualis, quidquid in contrarium excogitarit humana cupiditas, ut divinæ legis vim elunderet.

Reg. 3. Ubi quæstio Moralis neque per expressum Dei verbum, neque per necessariam ex revelatione demonstrationem definiri potest; audiendi hi sunt, penes quos est in Ecclesia docendi, simul & imperandi potestas, si quid super ea quæstione definierint, hi enim propius ad revelationem accedunt. Et enim cum a Deo in Ecclesia constituti sint, ut germanam Scripturæ & Traditionis sensum aperiant, consulendi sunt ubi manifesta non est revelatio, juxta illud Malachiæ 2. v. 7. *Labia enim sacerdotis custodient scientiam, & legem requirent ex ore ejus: quia Angelus Domini exercituum est.* Deinde cum autoritate polleant imperandi, jus habent ferendi leges, quæ in conscientia ligant, & quibus parere debemus, juxta illud Christi, Luc. 1. v. 16. *Qui vos audit, me audit: & qui vos spernit, me spernit; qui autem spernit me, spernit eum qui me misit: & juxta illud Pauli: Obedite Præpositis vestris, & subjacetis eis.* Heb. 13. v. 17. Ex quo patet quod universa Diocesis Episcopali judicio, multoque magis Diocesanæ Synodo; integra Provincia Provinciali Concilio; totum Regnum nationali subesse debet; & universi fide-

fideles, solemnī summi Pontificis determinationi; hi enim omnes potestatem a Deo acciperunt docendi simul & imperandi.

Reg. 4. Ubi quæstio moralis neque per revelationem expressam, neque per necessariam ex revelatione demonstrationem, neque per ulla Superiorum Decreta definiri potest, eos oportet consulere qui sunt in Ecclesia tum antiquitate, tum doctrina, tum pietate præstantiores; habent enim ab antiquitate quod testes sint & custodes divinæ Traditionis; a doctrina quod sint divinæ Revelationis interpretes; a pietate quod ab humanis affectibus in confutrandis morum regulis liberifuerint. Ex quo patet, quod, cum maior & sanior antiquiorum Patrum & Theologorum pars in aliis morum dogma contentit, ei ad hærendum sit. Unde etiam merito a Clero Gallicano damnata est sequens propositio.... *doctrina fidei a veteribus; doctrina morum magis a junioribus petenda.* Quippe, ut ait Job 12. *in antiquis est sapientia, & in multo tempore prudentia.* Et, ut ait Celestinus 1. Episcopus. *destinat incessere novitas vetustatem.* Et Zosimus, *Apud nos christianos inconvulsis radicibus vivit antiquitas, cui decreta Patrum sanxere reverentiam.*

Reg. 5. Ubi circa quæstionem moralem Patres Patris advertantur, Theologi insignes alii alia tradunt, celebriores Canonistæ & Juristæ diversa opinantur, tunc rationis est quæstionem definire; sed magna cautio opus est.

Ac 1. quidem requiritur, ut res ex pravis nostris affectibus non iudicemus; nihil enim inveniendæ veritati magis contrarium, quam cor affectibus præpeditum: quidquid enim amamus, id *Sanctum* nobis est, ut ait Augustinus. Hoc est amoris nostros, quamvis illicitos, innoxios tamen existimamus; quia scilicet, ut fert vulgare effatum, prout quisque est affectus, ita iudicat: vel ut sanctius loquar, *oculus nequam totum corpus tenebrosum efficit.*

Sic ebrietas excusant vinolenti, libidines impudici, nec recte iudicant de divinæ vocationis necessitate ambitiosi, aut de bonorum Ecclesiasticorum dispensatione avari Beneficarii.

2. Requiritur, ut partium studiis non abripiamur, quibus sit, ut quisque pro susceptis sive jure, sive injuria semel partibus, veritatem stare pertinaciter teneat; eaque omnia respiciat ut falsa, quæ contra sentiunt aliarum partium defensores: *duo enim ut bene nonet Aug. lib. 2. de Trin. c. 1. sunt vitia inimica inventioni veritatis, scilicet præsumptio prius quam veritas pateat, & cum jam patuerit, præsumptio a defensione falsitatis.*

3. Requiritur, ut media, quantum fieri potest, inter laxiores & rigidiores opiniones via incedamus: sicuti enim non sine scelere aggravari potest Christi jugum, quod ipse Dominus dulce esse pronuntiavit; ita nec sine crimine dilatarsi potest Paradisi via, quam Evangelium angustam declarat. Nec minus hi damnandi sunt, qui contra Christi præceptum opera imponunt importabilia, quam qui pristinum disciplinæ frenum solventes *consumunt pulvillus sub omni cubito manus, & faciunt cervicalia sub capite universæ carnis*; quare utroque maledictis insectatur Isaïas cap. 5. v. 20. *Væ qui dicitis malum bonum, & bonum malum: ponentes tenebras lucem, & lucem tenebras: ponentes amarum in dulce, & dulce in amarum;* & sapienter monet D. Bonavent. lib. 2. compend. Theol. c. 32. *Cavendam esse conscientiam nimis largam & nimis strictam, nam prima, inquit, generat præsumptionem; secunda desperationem; item prima sæpe dicit malum bonum, secunda e contra bonum malum; item prima salvat dammandum, secunda e contra damnat salvandum.*

4. Requiritur, ut in illa opinionum ambiguitate quid propius ad revelationem accedat diligenter inquiramus, eique parti religiose adhæreamus, quæ magis legi favere videbitur; utque in dubiis ubi æqualia utrinque animo sese offerunt rationum momenta sequamur id quod tutius, sive quod est eo in casu unicetutum, ut sapienter monet Clerus Gallicanus an. 1700. de opinionum probabilium usu. Verum de his fufius, ubi de probabilitate.

Conclusio hujusce Tractatus.

Ex his, quæ in hoc primo tractatu explicuimus, intelligi facile potest, veram Christianæ Moralis ideam hac definitione contineri.

Moralis Christiana est Doctrina, quæ vel per revelationem proponitur, vel ex revelatione, quantum fieri potest, educitur: quæ docetur quid agendum, quid non agendum, ut salutem æternam consequamur. Morum enim præcepta quæ tradit, non ex ratione per peccatum fieri corrupta, sed ex revelatione, quantum fieri potest, eruit, ut in hoc primo tractatu ostendimus.

TRACTATUS II.

De objecto Moralis Christianæ.

Moralis Christiana tota eo tendit, ut nos ad eam felicitatem, quæ nobis in

in cælis promittitur, quæque una est hominis beatitudo, nos deducat; unde circa ea media tota versatur, quibus ea felicitas vel comparari potest, vel amitti. Cum autem ea media in his actibus posita sint, qui sunt in homine capaces bonitatis & malitiæ, & digni præmio, vel pœna; ideo ut certa cum methodo Christianæ Moralibus objectum explicemus, statuimus. 1. Quinam actus in homine bonitatis & malitiæ capaces sint, seu quid eos, ut ajuat, morales efficiat. 2. Quinam sint boni, quinam mali, seu unde eis adveniat bonitas & malitia. 3. Denique, cum inter ipsos actus & bonos & malos varia occurrant discrimina, seu ut omnino necessaria, neque omnibus virtutibus & omnibus vitiis idem insit bonitatis & malitiæ gradus, ostendemus quomodo boni actus a bonis, mali a malis inter se secerantur; seu unde petatur eorum distinctio, & inæqualitas. Sic enim & morales actus a non moralibus, & bonos a malis, & utroque, id est & bonos, & malos, ab invicem facile distinguemus.

CAPUT I.

Quinam actus in homine morales sint, seu capaces bonitatis & malitiæ.

Advertendum, hominem agere aliquando cum cognitione, aliquando sine cognitione, aliquando cum libertate, aliquando sine libertate.

Tunc homo agit cum cognitione, quando advertit ad ea quæ facit; agit vero sine cognitione, quando ad suos actus nec actualiter, nec virtualiter attendit.

Tunc homo agit cum libertate, quando ita operatur, ut possit non operari si velit; tunc vero agit sine libertate, quando ita operatur, ut non possit abstinere ab actione. His observatis sit.

1. Prop. Soli actus, qui fiunt cum cognitione & libertate, sunt objectum Moralibus Christianæ, seu capaces sunt bonitatis & malitiæ, digni præmio, vel pœna.

Prop. 1. Script. simul & Ratione. Quando homo agit sine cognitione & advertentia rationis, agit ut bruta, de quibus ait Bernardus serm. 81. *sensu aguntur, sentuntur impetu, rapiuntur appetitu*: ergo tunc non magis laude, aut vituperio dignus est homo, quam impii bruta; unde ait Scriptura: *Scienti bonum facere & non facienti peccatum est illi*: Jacob. 4. vers. 17. indicans cognitionem ad peccatum esse necessariam, & proinde ad actum moralem; & Greg. lib. 27. Moral. cap.

16. ait: *Ad iudicium pro actione cur venit, si potuit nescire quod egit?* pro certo habens non peccari sine cognitione.

Quando vero homo agit necessario, tunc non est dominus sui actus: ergo nec meretur laudem, nec vituperium, nec præmium, nec pœnam; *nemo enim*, ut ait August. *vituperandus, nec proinde laudandus, in eo quod vitare non potest*; unde ait Script. *Beatus vir, qui potuit transgredi, & non est transgressus, facere mala, & non fecit*. Eccles. 51. v. 10. nimirum aperte indicans ad meritum, & proinde & demeritum requiri libertatem seu potentiam agendi, & non agendi.

2. Ex D. Thom. 2. 2. q. 154. a. 5. in corp. ubi sic habet: *Sublato iudicio rationis, tollitur ratio peccati, & proinde ratio virtutis, qui utriusque par est causa*. Idem Doctor. 1. 2. q. 75. art. 2. in corp. ad humanum actum duo requirit, *rationem scilicet advertentem, & voluntatem libere operantem*. Et q. 6. de malo art. unico, in corp. declarat hæreticam eam opinionem, quæ tuetur hominem agere libere, licet agat necessario, inodo sponte operetur; *hæc enim opinio*, inquit, *tollit rationem meriti, & demeriti, non enim videtur esse meritum, vel demeritorium, quod aliquis sic ex necessitate agat, quod vitare non possit*: ergo ut actio sit moralis, debet fieri cum cognitione & libertate.

3. Ex summis Pontificibus, qui ad meritum vel demeritum eam exigunt & cognitionem, & libertatem, qua possimus agere, vel non agere: quippe Pius V. & Greg. XIII. & Urban. VIII. damnarunt hanc Baji propositionem: *Quod voluntarie fit, etiam si necessitate fiat, libere tamen fit*; & Innocentius X. hanc proscripsit Jansenii propositionem: *Ad merendum, vel demerendum in statu naturæ lapsæ, non requiritur in homine libertas a necessitate; sed sufficit immunitas a coactione*. Ergo hi soli actus sunt morales, qui fiunt cum cognitione, id est cum advertentia & cum libertate, seu cum potentia agendi vel non agendi.

Consect. 1. Ex eo quod ad meritum, vel demeritum advertentia rationis requiratur, colligi facile potest, sequentes actus non esse morales, seu bonitatis & malitiæ capaces. 1. Actus qui fiunt ab infante ante usum rationis, ab imbecille, a dormiente, a phrenetico, ab ebrio, cujus ebrietas est omnino involuntaria. 2. Actus qui fiunt ex subitis passionibus omnino involuntariis, & omnem usum rationis absorbentibus, v. g. ex metu gravi, & vehementi rationem omnino perturbante, aut ex subito vitæ amore, usumque

que rationis præveniente; dum vita: derrepente violenter impetitur. 3. Actus qui sunt ex ignorantia plane involuntaria, v. g. actio hominis, qui adhibita prudenti cautione & diligentia ne erret, occidit hominem putans bona fide occidere feram: omnes enim prædicti actus sunt sine advertentia rationis.

Consect. 2. Ex eo quod libertas qua possimus agere, vel non agere ad meritum, vel demeritum requiratur, intelligi etiam facile potest, sequentes actus non esse morales. 1. Actus qui sunt violenter, & coacte, v. g. actus qui sunt ab externis membris ex violentia plane involuntaria abreptis, puta, motus quo homo trahitur ad idolum invitatus, & apprehensa & ligata ejus manu, sine propria voluntate, ut loquitur Aug. aut thus adolet, aut aliquid falsum scribit. Item passio qua quis stupro violento corrumpitur. 2. Actus qui sunt in nobis omnino necessario, v. g. omnes motus tam spirituales quam carnales quantumvis inordinati, quibus fortiter resistimus, & quibus aliunde occasionem voluntarie non dedimus, puta motus odii contra caritatem, infidelitatis contra fidem &c. motus luxuriæ contra castitatem, gulæ contra sobrietatem &c. Tamen si eos sentiamus, modo non consentiamus, non sunt morales; omnes enim prædicti actus sunt sine libertate, id est sine potentia agendi, vel non agendi.

2. *Prop.* Et si ad actum morale requiratur cognitio & libertas; tamen ad demeritum non requiritur semper advertentia aut libertas actualis; sed sufficit ea advertentia & libertas, quæ virtualis dicitur, id est ea advertentia, quam homo potuerit & debuerit habere: ea libertas, qua quid electum fuerit in causa per actum priorem.

Hæc nostra propositio extra dubium omne est posita, cum an. 1678: a Sede Apostolica damnata sit sequens propositio, ut videre est in Bullario. *Sine libertatis usu peccatum non est; nec libere vitatur peccatum, nisi ab eo qui novit peccatum, quod menti proponitur*; sed tamen cum gravissimi sit momenti, & ex ea pendeant consecratoria scitu omnino digna, eam per partes more solito probabimus.

Prob. igitur prima pars, scilicet, quod ad demeritum sufficiat ea advertentia quam homo potuerit & debuerit habere.

1. Certum est ex Scripturis & traditione dari peccata ignorantia, ut infra ostendimus, ubi de ignorantia. Atqui in peccatis ignorantia non occurrit advertentia actualis, ut patet. Ergo certum pariter est, ad demeritum non requiri semper advertentiam actualem.

2. Ex D. Thom. 1. 2. q. 76. a. 2. ad 3. *negligentia scientie, vel etiam ipsa inconsideratio, si voluntaria fuerit, est peccatum*: & q. 74. a. 5. *ira cor. Tunc imputatur ei, id est homini, ad peccatum, quando habet ignorantiam, vel errorem circa id quod potest, & debet scire*. Unde Antoninus tanti Doctoris discipulus ait: *Potens, & debens advertere, & non advertens, peccat*.

3. *Authoritate Facultatis Theologiæ Parisiensis, quæ quidem an. 1647. de hac propositione: numquam peccatur nisi præviâ peccati cognitione animus illustretur, ejusque vitandi desiderio exstimuletur*: hocce tulit ex unanimi Magistrorum consensu doctrinale judicium: *Falsum est, & viam aperit ad excusandas excusationes in peccatis*. Quod judicium confirmatum est autoritate plurimorum Episcoporum.

4. Ratione. Ex communi prudentium hominum æstimatione, solent ii rei judicari, qui per inadvertentiam aliquid contra legem commiserunt, quando potuerunt & debuerunt advertere: neque enim, ut vulgare fertur effatum: *Sapientis est dicere, non furabam*.

Consect. 1. Rei sunt qui violant legem naturalem in cordibus scriptam, & eorum mentibus obviâ, licet ad eam ex negligentia non attendant: quibus merito dici potest cum Scriptura, *redite prævaricatores ad cor*. Ilai. 46. v. 8. Sic Paulus inexcusabiles pronuntiat Gentiles Philosophos: *Qui cum cognovissent Deum, non sicut Deum glorificaverunt, aut gratias egerunt; sed evanuerunt in cogitationibus suis & obscuratum est insipiens cor eorum*: ad Rom. 1. v. 21.

Consect. 2. Rei sunt qui legem positivam infringunt, quam vel ex segnitie, vel ex malicia cognoscere noluerunt; illis enim convenit illud Psalmistæ, qui de injusto ait: *Noluit intelligere, ut bene ageret*: Psal. 35. v. 4. Sic non culpa vacant qui præcepta ecclesiastica cognoscere negligentes, non abstinent a carnibus, non jejunant, non ad sunt Missæ sacrificio, cum Ecclesia præcipit.

Consect. 3. Rei sunt peccatores inveterati, quoties ex prava consuetudine inique agunt; licet præ assiduitate peccandi, omnem rationis aciem, cordique sensum sic obtunderint, sic hebetarint, ut ad peccati malitiam actu non advertant, dum peccant, nullumque conscientia morsum experiantur; sed ut bruta animantia in flagitia vel gravissima plerumque ruant, atque ut loquitur Scriptura, *seculus ipsum ut aquam ebibant*. Unde merito a Clero Gallicano an. 1700. proscripta est sequens propositio art. 26. *Si peccatores consummatæ malitiæ, cum blasphemant, & flagitiis sese immergunt, non habent conscientia stimulos, nec mali*

mali quod agunt notitiam, cum omnibus Theologis propugno, eos hisce actionibus non peccare.
¶ Prob. 2. pars, quod scilicet ad peccatum sufficit libertas virtualis, seu ea libertas qua quid voluntarium est in causa ratione actus præteriti.

1. Certum est ex D. Thom. 1. 2. q. 77. a. 7. in corp. & lib. 3. contra gentes cap. 160. *Ebrium non excusari ab homicidio quod per ebrietatem voluntariam committit.* Atqui tamen ebrius libertate actuali non utitur: ergo actuale libertatis exercitium ad demeritum non semper requiritur.

2. Ex Aug. de perfectione iustitiæ hominis c. 6. *Peccatum est, cum vel non est caritas, quæ esse debet, vel minor est, quam debet: siue hoc voluntate vitari possit, siue non possit; quia si potest, præsens voluntas hoc facit; si autem non potest, præterita voluntas hoc fecit:* ergo libertas præterita seu virtualis sufficit ad peccatum.

3. Quando unum sequitur ex alio; vel ut prævitum, sicut aliquando ex ebrietate sequitur blasphemia; vel ut per se connexum, sicut ex ebrietate sequitur perturbatio mentis: tunc qui vult unum censetur velle & aliud, ut passim docet D. Thom. Ergo actus quo quis vult causam est voluntarius, non solum pro causa, sed etiam pro effectu; ac proinde ad demeritum sufficit libertas virtualis, qua effectus in causa eligitur. Ex quo sequentes regulæ colligi possunt.

Consect. 1. Qui libere rem vetitam amplectitur, vel præceptam omittit, huiusmodi commissionis, vel omissionis nedum reus est; sed etiam eorum omnium, quæ hinc per se consequi solent; vel etiam per accidens, cum prævisa fuerunt: quamvis, dum in hæc consequentia prolabitur, libertate actuali non utatur.

Sic ille qui, quoties vino, aut cibo se ingurgitat, ira solet excandescere, libidinis motus experiri, vel turpia in se admittere; reus est non solum intemperantiæ, sed etiam iræ, & luxuriæ, licet in ebrietate libertate actuali non utatur.

Sic qui rei sibi commissæ curam notabiliter negligunt, v.g. pastor ovium, procurator administrationis, rei sunt non solum negligentia; sed etiam damni, quod ex ea, vel contra ipsorum voluntatem consequitur.

Consect. 2. Qui libere occasione sese exponit, quæ secum, quasi quadam connectione necessaria, peccatum trahit; vel ex se, vel ex vitio illius qui periculum adit; reus est peccati quod ex huiusmodi occasione sequitur, licet dum actum peccat, necessitate, ut ajunt, *moralis* se trahi sentiat, neque sui compos videatur; qui enim vult causam, ea etiam censetur

est velle, quæ ex causa necessario consequuntur.

Sic qui ea loca adeunt, puta meretricia, theatra impudica, in quibus vix pudicitia stare potest, rei sunt & occasionis, malæ quam adeunt, & libidinum quibus in huiusmodi locis abripiuntur.

Sic qui ex proprio experimento compertum habet, quod quoties popinam adit, aleas frequentat, vel vino rationem obruit, vel blasphemias evomit, reus est & ebrietatis, & blasphemiar, licet occasione invitum se trahi causeetur: quæ scilicet eam libere adit, & in huiusmodi occasionibus sperare victoriam, non est spes, sed præsumptio: *Qui enim amat periculum, in illo peribit.* Eccles. 3. v. 27.

Consect. 3. Rei sunt qui, pravis cordis sui desideriis libere se tradendo, concupiscentiæ dominium sic in seipis obfirmarunt, ut eis (quod sæpe clamitant quærentes excusationes in peccatis) jam amplius liberum non sit a peccando abstinere; sed, quod & ajunt, affectum impotentium vi, quasi quodam impetu necessario, in scelus abripiantur. Si quæ enim tunc occurrit ad peccandum moralis necessitas, eam præterita voluntas liberam fecit, ut ex Aug. dictum est. Eaque est, ut asserit idem Doctor, *illiis peccati pœna quod nulla necessitate commissum est*, lib. 1. operis imperfecti contra Julian. cap. 105. atque tunc illud evenit quod ait Bernard. ierm. 81. in Cant. *Ut nec necessitas, cum voluntaria sit, excusare valeat voluntatem, nec voluntas, cum sit intellecta, excludere necessitatem: est enim necessitas hæc moralis, quodammodo voluntaria*, imo juxta D. Thom. 1. 2. q. 73. a. 6. ad 2. ubi est maior concupiscentia voluntaria, ibi est majus peccatum: de quo fusius infra, ubi dicemus quando nam passio excuset, minuat, aut aggravet peccatum.

Monit. Non tamen hinc peccatores, quantumvis obdurati, desperationis causam arripiant, sed potius operam omnem in eo ponant ut ferreas solvant peccati catenas, quas propria voluntate sibi nexuerunt. Quantumcumque enim impotentes sibi videantur ad resistendum pravis habitibus, quos contraxerunt, nunquam tamen adest *physica* peccandi necessitas, & si quæ forte *moralis* occurrat, ea facile ab eo pelli potest, cuius gratia, ut loquitur Aug. de prædest. Sanctorum cap. 6. *a nullo duro corde respuitur*, cum ideo datur, ut *duritia cordis penitus auferatur*. Gratiam igitur & votis & gemitibus, & sollicitis precibus ab eo postulent, qui dat spiritum bonum petentibus se, & ipsis etiam obsecratis lucem suam penitus non subtrahit, quandiu sunt in hac vita, ut docet Aug. Enarr. in Plal. 6.

Quæ-

Quæres, utrum sicuti ad demeritum, ita ad meritum sufficiat virtualis tum attentio, tum libertas.

R. 1. affirmative, quod ad virtutalem attentionem attinet; qui enim cepit opus ali- quod bonum attentus, etsi dum opus ceptum prosequitur, ejus animus involuntarie alio distrahatur, mereri non desinit, ut docet D. Thom. 2.2. q. 83. a. 13. in corp. ubi sic loquitur: *Primus quidem effectus orationis, & communis omnibus actibus caritate informatis, est mereri; & ad hunc effectum, non ex necessitate requiritur, quod attentio adsit orationi per totam orationem meritoriam, sicut in aliis meritoriis actibus accidit.*

Respondeo 2. Quod ad libertatem virtutalem attinet, quæstionem videri omnino metaphysicam, quæ nescio, an in praxi contingat.

C A P U T II.

Quinam actus morales sint boni, quinam mali, seu unde peratur actuum humanorum bonitas & malitia.

Certum est, bonitatem & malitiam actuum humanorum peti ex conformitate, aut disformitate cum regulis morum: sicuti enim, actus boni nomine nihil aliud intelligitur, quam ille, qui conformis est regulis morum; ita & malus in eo positus est, quod cum eisdem regulis pugnet. Cum autem humanus actus regulis morum possit convenire vel ratione objecti, circa quod versatur, vel ratione finis, qui intenditur, vel ratione circumstantiarum, quæ eum comitantur, in hoc secundo capite explicabimus, quomodo actus humanus cum lege, seu cum regulis morum consentire debeat, ut bonus sit; quomodo vero ab eisdem dissentire, ut malus habeatur. Sed prius explicandum quid *objecti*, quid *finis*, quid *circumstantiarum* nomine intelligatur.

Observe igitur, omnem actum humanum necessario versari circa *aliquid*, fieri propter *aliquid*, & certis quibusdam *adjunctis* accidentaliter modificari.

Id, circa quod actus versatur, vocatur *objectum*; illius; amor v.g. habet pro objecto *id*, circa quod versatur, puta vel Deum, vel creaturas, vel nos ipsos, vel alios.

Id, propter quod fit actus humanus, vocatur illius *finis*, qui duplex est; alter *finis operis*, alter *finis operantis*.

Finis operis, qui & intrinsecus dicitur, est *id*, ad quod opus ex natura sua ordinatur, v.g. sublevatio alienæ miseriæ: est finis intrinsecus

eleemosynæ; quia ad illud eleemosyna ex sua natura ordinatur.

Finis operantis, qui & extrinsecus dicitur, est *id*, quod operans pro arbitrio sibi proponit, v.g. vana gloria est finis jejunii, & eleemosynæ in hypocrita; quia ad hoc nec jejunium, nec eleemosyna ordinantur, sed solum ex arbitrio operantis.

Adjuncta denique, quibus accidentaliter modificatur actus humanus, circumstantiæ nominantur, eaque hoc versiculo continentur.

Quid, quid, ubi, quibus auxiliis, cur, quomodo, quando.

Quis denotat accidentariam qualitatem operantis, puta, quod operans sit Clericus, vel Laicus; Religiosus, vel Sæcularis; persona publica, vel privata.

Quid denotat accidentariam objecti qualitatem vel quantitatem, puta quod res ablata sit sacra, vel profana; parvi, vel magni pretii; item denotat qualitatem personæ, contra quam peccatur, puta quod persona offensa sit privata vel publica, sacra vel profana; demum *quid* denotat effectus pravor, qui ex peccato consequuntur.

Ubi denotat accidentariam loci conditionem, puta, si locus est publicus, vel privatus; sacer, vel profanus.

Quibus auxiliis denotat accidentaria media, quibus operans utitur ad assequendum finem, v.g. si ad exequendam vindictam utatur ope humana, vel diabolica; ferro, vel veneno.

Cur non denotat finem operis, & intrinsecum; quia idem est ac *objectum*; sed denotat finem operantis & extrinsecum, quem operans sibi pro arbitrio proponit, puta si studeat lucri causa; si oret ob vanam gloriam.

Quomodo denotat accidentarios actus humani modos, puta, si fiat plena, vel semiplena deliberatione; coram pluribus, vel paucis; cum scandalo, vel absque scandalo; cum contemptu, vel absque contemptu legis.

Quando denotat accidentariam temporis quantitatem, vel qualitatem, puta, si quod sit, vel omittitur, eveniat vel tempore sacro, vel non sacro; tempore Missæ, jejunii, vel alio tempore; si opus tum bonum, tum malum, diu, aut paulum duraverit.

1. *Prop.* Ut actus humanus sit bonus, requiritur ut conveniat cum lege, seu cum regulis morum & ratione objecti, & ratione finis, & ratione circumstantiarum: ut autem sit malus, sufficit quod repugnet legi, seu regulis morum vel ratione objecti, vel ratione finis, vel ratione circumstantiarum; & non ratione omnium simul.

1. Probatur auctoritate Scripturarum.

1. Scriptura damnat eos actus, qui obiecta habent contraria Legi, seu regulis morum, puta perjurium, furtum, adulterium, homicidium, & alia hujusmodi, de quibus Paulus ait, quod qui talia agunt, regnum Dei non consequentur.

2. Eadem Scriptura reprobatur eos actus, qui licet boni sint ex obiecto, carent tamen debito fine, quales sunt elemosyna, & oratio dum sunt ob vanam gloriam, ut docet Christus, Matth. 7. v. 1. asserens de hujusmodi hypocritis, quod receperunt mercedem suam.

3. Scriptura quoque eos actus vituperat, qui licet ex obiecto & fine malitiam non habeant, ex aliqua tamen circumstantia vitiantur, ut patet ex facto Petri cum Judæis judaizantis, seu ceremonias Legis observantis: cui quidem Paulus in faciem restitit, quia reprehensibilis erat: etenim factum illud Petri, neque ex obiecto, neque ex fine, sed ex circumstantiis solum vitiosum erat. Ex obiecto quidem pravam non erat, cum ceremoniarum legalem nondum essent mortifieræ; non etiam ratione finis, cum Judæorum salutem Petrus sibi proponeret: sed erat reprehensibile ratione circumstantiarum; quia hujusmodi legalem observatio in his fiebat locorum, & temporum circumstantiis, quibus Petrus cogebat gentes judaizare, ut ait Paul. ad Galat. 2. v. 11. Ergo, ut actus sit bonus, requiritur, ut regulis morum conveniat tum ratione obiecti, tum ratione finis, tum ratione circumstantiarum: ut veros sit malus, sufficit quod in uno tantum deficiat.

Trob. 2. Ex D. Th. 1. 2. q. 18. ar. 9. in corp. *Actus moralis non solum habet bonitatem ex obiecto, a quo habet speciem; sed etiam ex circumstantiis, inter quas ex sancto Doctore finis præcipue locum tenet.* Ergo ut actus moralis sit bonus, debet esse conformis Legi & ratione obiecti, & ratione finis, & ratione circumstantiarum.

Prob. 3. ratione. Ea est boni natura, ut fine omnium perfectionum sibi debitarum concursu non consistat, sed in malum degeneret, si vel in uno tantum deficiat: sic in Physicis corpus v.g. humanum vitiosum dicitur, si careat membro debito, puta oculo, pede: sic etiam in artefactis, tabella v.g. vitiosa censetur, si vel in coloribus, vel in linearum mentis peccet: ergo & in moralibus bonitas actus non nisi ex omnium perfectionum sibi debitarum concursu exurgit; malitia vero ex quocunque defectu: unde celebre illud quod ex Dionysio refert S. Thom. *Bonum ex integra causa, malum autem ex singu-*

laribus defectibus. Dionys. de div. Nom. cap. 4.

Consect. 1. Hinc patet in resolvendis casibus comparandos esse actus humanos cum regulis morum, tum ratione obiecti, quod eligitur; tum ratione finis, qui intenditur; tum ratione circumstantiarum, quæ actum comitantur; & eos tantum bonos esse judicandos, qui undique cum illis consentiant; malos vero esse habendos, qui cum iisdem, vel ex uno tantum capite pugnabunt.

Sic jejunium Judæorum, de quo Isaias cap. 58. v. 3. licet bonum esset ex obiecto, reprobatur tamen fuit a Deo, ratione intentionis pravæ. *Ecce, inquit, ad lies, & contentiones jejunatis*, id est, ut vacetis instruendis litibus, quibus proximos opprimatis.

Sic factum Loth offerentis filias suas, quibus Sodomitæ abuterentur, potius quam infandum crimen contra naturam committerent, licet bonum appareret ex intentione, vitiosum tamen erat ex obiecto; quia fornicatio est ex se mala.

Sic zelus Pauli Legem Mosaicam defendentis, licet bonus esset ex obiecto, quia lex quam tuebatur, erat sancta, juxta illud, *Lex quidem sancta, mandatum justum & bonum*; vituperabilis tamen erat ex circumstantiis. 1. Quidem ex tempore; quia legem æmulabatur eo tempore quo erat interitura. 2. Ex modo; quia ardentior erat paternarum traditionum æmulator.

Sic communia vitæ Christianæ exercitia, puta celebratio Fæstorum, observantia jejuniorum, preces tum privatæ, tum publicæ, sine merito sunt apud Deum, si aut pravo fine, aut vitiosis circumstantiis inficiantur: quam ob causam reprobatur Deus apud Isaiam sacrificia Judæorum. *Quo mihi multitudo victimarum vestrarum? dicit Dominus, c. 1. v. 11. Inquam sententiam ait Greg. in Luc. 11. v. 34. Cum perversa intentione quid vel rectum agitur; etsi splendescere coram hominibus cernitur, apud examen interni judicis obscuratur.*

Consect. 2. Hinc etiam patet nulla intentionis directione, quantumvis ea honesta, aut Christiana appareat, excusari penitus posse quæ aut ex obiecto, aut ex circumstantiis constat esse mala. 1. Enim, ut modo diximus, *Bonum ex integra causa, malum ex quocunque defectu.* 2. Illa mentis, seu intentionis directione nihil in objectis immutat, nec efficere potest, ut quod legi contrarium est, legi non adversetur. Unde Clerus Gallicanus in sua censura an. 1700. art. 15. illam mentis directionem fallacem nominat, quæ scilicet mutantur tantum nomina criminum, non tolluntur.

Iuntur. 3. Si quæ constat esse mala, excusare intentio recta, nihil erit lege prohibitum, quod licite, imo recte, ut ait Aug. fieri non possit. *Quod enim, ait ille Doctör. lib. contra mend. cap. 7. sceleratissimum facinus, quod turpissimum flagitium, quod impiissimum sacrilegium non dicatur posse fieri recte atque iuste, nec impune tantum, verum etiam gloriose ... si semel concesserimus in omnibus malis operibus hominum ideo non quid fiat, sed quare fiat, esse querendum?* Unde ibid. sanctus Doctör ut firmissimum dogma proponit. *Ea quæ constat esse peccata, nullo causæ obtentu, nullo quasi bono fine, nulla velut bona intentione facienda sunt.*

Sic, etsi generatim honestum & licitum sit, conservare vitam, tueri honorem, ius tuum persequi, rem augere; non tamen licitum est aut idolis thus adolere, ut vitam conserves; aut calumniatore occidere, ut honorem tuearis; aut abortum procurare, ne infameris; vel alicui falsum crimen imponere, ut iustitiam tuam defendas; aut usuras exigere, ut ditior evadas. Idololatria enim, cædes quæ sit privata autoritate, calumnia, usura, ex suapte natura sunt mala; ut nos suis locis dicemus, ubi etiam damnatas hac in parte propositiones referemus.

Sic, etsi Christianum sit pauperibus opitulari, templa construere vel reficere, Ecclesiæ ministrare, innocentes ab injusta vexatione eripere, piis bona temporalia procurare, qui christiane his usuri sunt: non tamen licet, aut furari divitibus, ut des elemosynam pauperibus, aut opes per fas & nefas congerere, ut Ecclesiæ construantur; aut simonia tibi ad beneficium viam parare, ut Ecclesiæ deinde ministres & fidelium salutem incumbas; aut falsum testimonium proferre, ut non damnetur innocens, injusta sententia moriturus; aut denique falsa testamenta supponere, vel vera suppressere, ut obveniat dignis hereditas, a quibus, ut loquitur Aug. loco citato, *esuriētes pascuntur, nudi vestiuntur, peregrini suscipiuntur, captivi redimuntur, Ecclesiæ construantur*: hæc enim per se & suapte natura sunt mala; neque, ut ait Paulus, *facienda sunt mala, ut inde veniant bona.*

Sic, etsi honestum sit, mutuis visitationibus, colloquiis, cum cognatis, cum amicis, cum vicinis civilem societatem fovere: licitum tamen non est, reddendis huiusmodi vitæ civilis officiis vacare, in his circumstantiis, in quibus Christianæ vitæ officia alio nos vocant.

Sic, etsi Christianum sit, proximum per correctionem fraternam ad resipiscentiam

vocare, in Ecclesiæ orationes fundere: tamen est vitiosa correctio, si fiat his in circumstantiis, in quibus nocitura potius, quam profutura prævidetur; nec vitio caret oratio, quæ per longum tempus in Ecclesiæ protrahitur, dum res domesticæ, quæ dilationem non patiuntur, domum vocant.

Mon. Dixi, intentionem quantumvis rectam non excusare in his quæ constat esse mala.

1. Quia, ubi adest ignorantia invincibilis, recta operantis intentio excusare potest, quod quidem inferius explicabimus, ubi de ignorantia.

2. Quia operantis finis, si rectus sit, operantem nedum excusat a peccato in his, quæ secundum speciem sunt indifferentia; sed etiam efficit, ut actus, qui ex parte objecti sunt indifferentes, sint recti & boni; ut patet ex deambulatione, quæ a viro pio suscipitur animi relaxandi causa, ut postea vitæ christianæ officiis liberius perfungatur.

Dixi iterum, intentionem quantumvis rectam & piam non excusare penitus; quia finis operantis, si pius sit, etsi non secundum scientiam, interdum minuit peccatum; ut enim optime monet Aug. lib. contra mendac. cap. 8. *Gravius est avaritia, quam misericordia furtum facere;* & Bernard. lib. de præcep. & dispensat. *Quod a nesciente fit, & bonum profus condemnat intentio prava, & malum non penitus excusat recta.*

Consect. 3. Hinc etiam patet triplicem in actibus humanis agnosci debere tum bonitatem, tum malitiam; quarum altera petitur ex objecto, quod lege præcipitur, aut prohibetur; altera ex intentione operantis, quæ est legi conformis, vel difformis; altera ex circumstantiis, quæ cum lege consentiunt, vel discrepant. Quæ quidem triplex tum bonitas, tum malitia, cum non uno & eodem modo actibus humanis conveniat, ideo sit

2. *Prop.* Bonitas, & malitia actuum humanorum, ita ex objecto, fine, & circumstantiis petitur, ut essentialis tum bonitas, tum malitia, ex objecto & fine, accidentaria ex circumstantiis defumatur; nisi circumstantiæ sint ex earum numero, quæ speciem mutant.

Prob. 1. pars, scilicet, quod essentialis tum bonitas, tum malitia ex objecto defumatur.

1. Script. Homines in Sacris Litteris denominantur boni vel mali, iusti vel iniusti, ab objectis quæ eligunt; juxta illud Oleez 9. v. 10. *Facti sunt abominabiles, sicut ea quæ dilexerunt.* Ergo præcipua tum bonitas, tum malitia ab objecto defumatur; eadem enim est ratio, ut dicit D. Thom. 1. 2. q. 18. a. 2. de bonitate, quæ de malitia.

2. Ex D. Thom. 1. 2. q. 18. a. 2. in corp. *Prima bonitas actus moralis attenditur ex objecto legibus convenienti Primum malum in actibus moralibus est quod est ex objecto legibus disconvenienti, sicut accipere aliena*.

3. *Rat.* Ex eo petitur essentialis tum bonitas, tum malitia actuum humanorum a quo actus humanus habet, quod sit ex se conformis, aut discrepans cum regulis morum, ut patet: atqui actus humanus habet ex objecto, quod sit ex se & essentialiter conformis, aut discrepans cum regulis morum; conformis quidem, si obiectum lege præcipiatur; repugnans vero, si lege prohibeatur: sic amor Dei & proximi ex se bonus est, quia lege præcipitur: odium vero tum Dei, tum proximi ex se prævum est, quia lege prohibetur. Ergo.

Prob. 2. pars, scilicet, quod ex fine quoque oriatur essentialis tum bonitas, tum malitia.

1. Ex Script. Christus in Evangelio, ex fine præsertim, bonitatem & malitiam actuum humanorum æstimandam esse docet, dum dicit: *Si oculus tuus fuerit simplex, totum corpus tuum lucidum erit: si oculus tuus fuerit nequam, totum corpus tuum tenebrosum erit.* Matth. 6. v. 22. ubi sicuti per oculum simplicem significatur intentio recta, ita per oculum nequam significatur intentio prava, ut docet post Aug. D. Thom. Ergo ex fine petitur essentialis tum bonitas, tum malitia.

2. Ex Aug. qui tantam vim tribuit fini, ut similiter ex eo præsertim humanos actus pensari velit: *Non enim, inquit, valde attendas quid homo faciat; sed quid, cum facit, respiciat:* in Psal. 31. & lib. contra mendac. cap. 7. *Interest quidem plurimum, quia causa, quo fine, qua intentione quid fiat;* ut inde scilicet cognoscatur, quæ sit bonitas, aut malitia essentialis actuum humanorum; scribens enim contra Iulian. lib. 4. cap. 3. ait: *Noveris non solis officiis, sed finibus a vitiis discernendas esse virtutes: Officium autem est quod sciendum, finis vero propter quod faciendum est.*

3. *Rat.* Finis, ut patet ex antenotatis, duplex est, *operis, & operantis:* atqui ex utroque illo fine delumitur essentialis tum bonitas, tum malitia actuum humanorum: ergo &c. Minor patet quoad utramque partem.

1. Enim ex fine operis petitur essentialis tum bonitas, tum malitia; quandoquidem finis operis ipsum est obiectum, cui proinde eadem, quæ obiecto, competit, tum bonitas, tum malitia, ut patet in eleomolyna, cujus finis proprius est sublevatio alienæ miseræ; & in furto, cujus finis proprius est rapere rem alienam.

2. Ex fine operantis petitur quoque essentialis tum bonitas, tum malitia actuum humanorum; finis enim operantis proprium fit operantis obiectum, ut observat D. Th. 1. 2. q. 16. ar. 6. Unde ibidem docet idem Doctor, post Aristotelem, eum qui furatur, ut adulterium committat, adulterum potius quam furem esse nominandum; quod scilicet adulterium fit obiectum præcipuum, quod fur eo in casu sibi proponit, ordinando nimirum furtum ad adulterium perpetrandum.

Prob. 3. pars. Scilicet, quod accidentaria tum bonitas, tum malitia actuum humanorum petatur ex circumstantiis.

Nomine circumstantiarum, ut diximus, intelliguntur accidentia quædam, quæ humano actui in suo esse morali constituto adveniunt, seu quæ actiones humanas sive bonas, sive malas modificant: ergo sicuti in physicis accidentia entibus physicis perfectionem aut imperfectionem accidentariam tribuunt; ita & in moralibus accidentaria actuum humanorum tum perfectio, tum imperfectio ex circumstantiis peti debet.

Dixi, nisi circumstantiæ sint ex earum numero, quæ speciem mutant; quia tunc circumstantiæ bonitatem, aut malitiam essentialem conferunt: de quo infra.

Mon. Observa, quod licet malitia, quæ ex obiectis petitur, actibus humanis sit essentialis; non tamen eodem modo sit invariabilis; ea enim actuum humanorum objecta, quæ naturali Lege prohibentur, invariabilem prorsus malitiam continent; adeo ut numquam licita fieri possunt. Quæ vero legibus tantum positivis prohibentur, tandiu tantum actus humanos essentialiter vitiant, quandiu vigent leges, quibus prohibentur, adeo ut, cessante vigore legis, licita fieri possint. Cujus rei ea ratio est, quod quæ lege naturali prohibentur, non ideo sint mala, quia prohibentur, sed ideo prohibeantur, quia mala, quæ vero legibus positivis prohibentur, ideo tantum sint mala, quia prohibentur: ex quo fit, ut cessante prohibitione, licita fieri possint: quod quidem fufius explicabitur, ubi de lege.

Observa iterum, quod licet malitia, quæ ex fine operantis petitur, sit etiam actibus humanis essentialis; quia scilicet finis ille proprium sit, ut diximus, operantis obiectum; absolute tamen actioni sit extrinseca, quia nimirum ad operantis arbitrium alio referri actio potest.

Consect. 1. Hinc inferes, actus omnes humanos, qui circa objecta veriantur naturali lege prohibita, licitos numquam fieri posse, nili forte adsit ignorantia invincibilis. Hæc enim

enim objecta invariabilem prorsus malitiam ex Trident. sess. 14. c. 5. peccata mortalia in continent. Sic numquam licet blasphemare, eo a venialibus dissent, quod illa sint mæpejorare, parentes inhonorare, justitiam confessionis necessariam; hæc vero libera; lædere, &c. quia scilicet hæc naturali lege cumque ex eodem Concilio necessario declarandæ sint in confessione, non solum diversæ peccatorum species, sed & eorum numerus; imo juxta probabiliorē & tutiorem Theologorum sententiam aperientiæ quoque sint eæ circumstantiæ, quæ peccatum notabiliter aggravant.

Conscl. 2. Hinc inferes 2. actus omnes humanos, qui circa objecta versantur legibus positivis prohibita, tandiu dumtaxat malos esse, quamdiu vigent Leges positivæ, quibus prohibentur; licitos vero fieri posse, ubi cessat earum vigor vel per abrogationem, vel per dispensationem, &c. Sic vigente Lege Mosaica, Judæis non licebat comedere sanguinem, aut suffocata, quæ tamen comestio licita nunc est, Lege veteri per Evangelicam abrogata.

Conscl. 3. Hinc inferes 3. ea, quæ pravo tantum operantis fine inhiuntur, licita posse fieri, si accedat recta intentio, ut patet in eo, qui ob vanam gloriam elemosynam dare solitus, pravam illam corrigit intentionem, & amore Christi pauperibus deinde opitulatur. Etsi enim malitia, quæ actibus humanis ex fine operantis advenit, sit essentialis, absolute tamen illis est, ut modo diximus, extrinseca.

Conscl. 4. Hinc inferes denique, actus omnes humanos, qui ex circumstantiis tantum vitiosi sunt, bonos fieri posse, si hujusmodi circumstantiæ removeantur; quæ enim actibus humanis ex circumstantiis malitia advenit, eis accidentaria est, ac proinde eam deponere possunt actus humani, ut patet in eo, qui orat indebito tempore; hujus enim oratio recta fiet, si congruo tempore adhibeatur.

C A P U T III.

Quomodo actus sive boni, sive mali inter se invicem distinguantur.

Actus sive boni, sive mali ab invicem distinguuntur vel specificè, vel numericè: & si inter se conferantur, sunt alii aliis aut meliores, aut peiores: quare in hoc tertio capite statuemus. 1. Unde desumenda sit actuum humanorum sive bonorum, sive malorum distinctio tum specificæ, tum numericæ. 2. Unde petenda sit eorumdem inter se inæqualitas tum essentialis, tum accidentaria. 3. Denique, cum e peccatis alia venialia sint, alia lethalia, Regulæ quasdam subjiciemus, quibus mortale peccatum a veniali secerni possit. Quæ quidem tria, etsi metaphysica videantur, scitu tamen sunt omnino necessaria, præsertim, quod ad peccata attinet; cum

§ I.
Unde desumatur actuum humanorum, sive bonorum, sive mali distinctio tum specificæ, tum numericæ.

Nota. Actus humani, sive boni, sive mali, specie distinguuntur, in quantum, sub eodem genere virtutis aut vitii, diversas virtutum, aut vitiorum species constituunt: numero vero, quando intra eandem virtutem, aut vitii speciem multiplicantur.

Sic fides & caritas specie distinguuntur; actus vero caritatis ab alio actu caritatis numerice tantum distinguitur.

Sic e contra, furtum specie differt ab adulterio; furtum vero ab alio furto numericè tantum secernitur.

1. *Prop.* Virtutum & vitiorum specificæ distinctio ex objecto, & fine, & nonnumquam ex circumstantiis petitur.

Prob. Hinc desumi debet specificæ virtutum & vitiorum distinctio, unde desumitur essentialis tum bonitas, tum malitia actuum humanorum; diversæ siquidem essentialiter diversæ constituunt species: At qui actus humani ex objecto, & fine, & nonnumquam ex circumstantiis essentialiter desumunt tum bonitatem, tum malitiam, ut superiori capite demonstratum est: Ergo & distinctionem specificam.

Cons. 1. Ad cognoscendas diversas tum virtutum, tum vitiorum species, primo & præcipue objectum est attendendum. Inde enim specificæ virtutum & vitiorum distinctio præcipue oritur; unde actus humani, sive boni, sive mali, primam & præcipuam habent essentialem tum bonitatem, tum malitiam, ac proinde distinctionem.

Sic virtutes, quæ Theologicæ dicuntur, specificè differunt a virtutibus moralibus; quia illæ immediate circa Deum versantur, aliæ circa media, quæ ducunt ad Deum.

Sic etiam fides, spes, caritas inter se invicem specificè differunt; quia prima circa

veritatem Dei; secunda circa ejus fidelitatem; tertia circa ejus bonitatem versatur.

Sic quoque prudentia, justitia, fortitudo, temperantia specificè inter se discernuntur; quia habent diversum objectum, & diversos effectus producunt. Justitia enim jus suum cuique tribuit; fortitudo dat firmitatem in adeundis periculis & tolerandis laboribus; temperantia delectationum corporearum usum moderatur; prudentia vero modum quibuscumque virtutibus præscribit.

Sic contra, vitia, quæ virtutibus Theologicis opponuntur, distinguuntur specificè a vitiis, quæ virtutibus moralibus adversantur; quia priora immediate Deum ipsum lædunt; posteriora vero ab his mediis nos avertunt, quæ nos ad Deum deducunt.

Sic infidelitas, desperatio, præsumptio, cupiditas inter se discernuntur specificè; quia fidei infidelitas; spei desperatio & præsumptio; cupiditas vero caritati repugnat.

Sic injustitia & intemperantia inter se specificè differunt; quia prior justitiæ, posterior temperantiæ adversatur.

Consect. 2. Ad cognoscendas diversas virtutum & vitiorum species, finis quoque operantis attendendus est. Ex fine enim, ut supra diximus, petitur etiam essentialis tum bonitas, tum malitia actuum humanorum, ac proinde distinctio specificæ.

Sic quod est ex specie sua indifferens, v. g. ambulare, sedere, domi manere, vel domo egredi, speciem boni vel mali assumit, prout bono vel pravo fine dirigitur. Puta, sit bonum, si amici causa facias; malum vero, si motivo pravæ libidinis explendæ præstiteris.

Sic quod est ex se præcise bonum in ordine naturali, v. g. amicos invisere, alienam miseriam levare, ad ordinem evehitur supernaturalem, si ex intentione supernaturali oriatur, v. g. si fiat, ut Deo offenso satisficiamus.

Sic e contra, quod est ex se indifferens, v. g. domi manere, vel domo exire, speciem finis operantis induit, v. g. in furtum, in adulterium degenerant, si fiat animo furandi, animo adulterandi.

Sic etiam, quod est ex se bonum, malitiam contrahit ad operantis intentam, ut patet exemplo illius, qui eleemosynam pauperi virgini erogat, ut ea abutatur. Hujus enim liberalitas stuprum est, non eleemosyna.

Sic denique, quod in aliqua specie mali constituitur, in aliam transit peccati speciem, si finis operantis diversus sit ab objecto peccati, v. g. qui falsum testimonium

dicat coram judice, ut proximo mortem molitur, ille non tam est mendax & perjurus, quam homicida.

Consect. 3. Ad cognoscendam virtutum & vitiorum speciem, circumstantiæ quoque sunt attendendæ; aliquando enim, ut modo diximus, virtutum & vitiorum speciem immutant: quando scilicet, ut docet D. Th. 1. 2. q. 18. a. 10. in corp. *respicunt speciem ordinem rationis, vel pro, vel contra*; hoc est, specialem afferunt cum lege vel convenientiam, vel discrepantiam, quæ neque in objecto, neque in fine occurrat. Unde ad discernendas hujusmodi circumstantias sequentes Regulæ statui possunt.

Reg. 1. Toties circumstantia speciem immutat, quoties per eam fit, ut actus alicuius virtuti sit conformis, vel disformis, cui aliquam nec conformis esset, nec contrarius; tunc enim duplex virtus aut exercetur, aut læditur: quod quidem clarius patebit exemplo.

Sic cum quis jejunat ex voto, ut carnem refrenet, jejunium nedum habet speciem abstinentiæ, sed etiam religionis: quia scilicet, ut utar verbis D. Th. fidelitas in servando voto specialem includit cum lege convenientiam, quæ jejunio nec ratione sui, nec ratione finis intenti conveniat, sed solum ob circumstantiam voti.

Sic e contra, qui furatur in Ecclesia, nedum furest, sed etiam sacrilegus; quia nedum justitiam lædit alienum accipiendo, sed etiam religionem, quæ res sacras violari vetat: ac proinde, in injustitia rei alienæ acceptione specialis occurrit cum lege repugnantia, quæ in furto ratione sui non reperitur.

Sic pariter in sacerdote, in religioso, luxuria nedum est fornicatio, vel stuprum, vel adulterium; sed etiam sacrilegium ratione voti castitatis, quod violatur: & e contra, continentia in sacerdote, & religioso, nedum est castitas; sed etiam virtus religionis ratione voti, per quod utriusque corpus Deo consecratum est.

Sic pariter, qui clericos pauperes eleemosynis juvat, opus elicit misericordiæ & religionis; misericordiæ, quia dat eleemosynam; religionis, quia Ministris Deo sacris opitulatur: e contra qui eosdem clericos debitis stipendiis fraudat, nedum injustus est, sed sacrilegus.

Reg. 2. In uno & eodem actu physico, moraliter spectato, tot sunt virtutes quos observantur præcepta, vel consilia non subordinata, seu eodem non tendentia: & contra, tot sunt peccata, quot violantur præcepta dispartata, seu quæ eodem non tendunt.

Sic in uno & eodem jejunio, quod quis observat, ut obediatur Ecclesiæ, ut injunctam a Confessario pœnitentiam adimpleat, ut impendat caritati, quod subtrahit voluptati, triplex reperitur virtus; obedientia erga Ecclesiam; satisfactio erga Deum; caritas erga pauperes.

Sic e contra, dum pervigilium Divi Matthiæ in Quadragesimam, & in quatuor tempora incidit, si quis ea die jejundet, ut obediatur Ecclesiæ, unam tantum virtutem exercet, licet triplici satisfaciatur præcepto; quia scilicet triplex illud Ecclesiæ præceptum eodem tendit; & si eodem die non jejunaret, unum & non multiplex peccatum committeret.

Sic pariter, qui uno & eodem actu proximum allicit ad blasphemandum, duo peccata committit; alterum in religionem, quam lædit, Deum inhonorando; alterum contra caritatem, quam violat, proximum ad peccatum inducendo.

Sic pariter Sacerdos Beneficiarius omittens horas Canonica, una & eadem omissione duplex peccatum committit; alterum contra religionem, violando obligationem, quæ nascitur ex susceptione Ordinis Sacri; alterum contra iustitiam, violando obligationem, quæ oritur ex Beneficio.

2. *Prop.* Actuum humanorum, sive bonorum, five malorum distinctio numerica desumitur ex morali temporis interruptione, quæ reperitur inter actus voluntatis ad idem objectum tendentis.

Prob. Ex eo habent actus humani, sive boni, sive mali numericam distinctionem, ex quo habent, quod sint intra eandem speciem multiplices: atqui, quod sint intra eandem speciem multiplices, hoc habent ex morali temporis interruptione, quæ inter eos intercedit, dum ad idem objectum tendunt: sicuti enim actus physici intra eandem speciem physice multiplicantur per physicam temporis interruptionem; ita & actus morales intra eandem speciem numerice multiplicantur per moralem temporis interruptionem: ergo &c.

Quod si quæras quid sit moralis temporis interruptio, & in quo a physica temporis interruptione secernantur.

R. In hoc morale interruptionem a physica distingui; quod toties interveniat interruptio physica, quoties inter actus physicos intercedit diversum tempus; quodque, ut accidat interruptio moralis, non sufficiat diversum tempus, sed & præterea requiratur nova voluntatis circa idem objectum determinatio.

Sic ille, qui 1. cogitat de furto committendo. 2. consilium capeffit furandi. 3. media ad furandum assumit, v. g. scalam arripit, perfodit domum, capulam aperit. 4. denum pecuniam surripit & fugit, diversos quidem actus physicos elicit; cum ii diversis temporibus respondeant, sed unum tantum numero peccatum committit; quia scilicet prædicti omnes actus physici ab eadem voluntatis determinatione furandi proficiuntur.

Sic e contra, qui vel intra semi-horam furtum decies proponit, & decies furti pœnitet, decem peccata committit, quia scilicet nedum est diversum tempus, sed etiam nova voluntatis circa idem objectum determinatio. Verum hæc sequentibus confessionariis clariora evadent.

Confess. 1. Toties actus censetur moraliter interruptus, quoties prior voluntas per contrariam revocatur.

Sic qui consilium inquit furandi, si pœnitentia ductus nefariam illam voluntatem revocet, & deinde ad eam redeat, adest inter duos illos actus moralis interruptio, licet exiguum tempus inter utramque illam furandi voluntatem intercefferit; quia scilicet adest & diversum tempus, & diversa circa idem objectum determinatio.

Confess. 2. Toties actus censetur moraliter interruptus, quoties voluntas cessat a priori actu, libere de re aliqua cogitando, quæ nullam habeat cum prior voluntate connexionem.

Sic qui consilium vindictæ inquit, postea studio vacat, nihil cogitans de vindicta; si post studium ultionem de novo meditetur, novum numero peccatum committit: quia posterior ultionis voluntas novo non solum temporis respondet, sed etiam nova determinatione oritur.

Confess. 3. Toties actus censetur moraliter interruptus, quoties a priori actu cessatur involuntarie vi alicujus causæ physica, puta per somnum, per ebrietatem &c.

Sic qui odio in fratrem ante somnum, ante vinum exarsit, & e somno, aut e vino rediens eundem odii actum renovat, duplex numero peccatum committit; quia scilicet inter unum & alium actum tantum temporis intercedit, ut ex prudentum iudicio unus actus cum alio non colligetur, & posterior a nova voluntatis determinatione oriri censetur.

§ II.

Unde petenda sit actuum humanorum sive bonorum, sive malorum inter se inæqualitas.

Not. 1. Actus humanos alios aliis esse vel meliores, vel peiores. Certum siquidem est fide Catholica, nec virtutes esse inter se æquales, nec vitia paria, ut olim Stoicis vitium est. Sicuti enim quibusdam operibus majorem in cælis mercedem Scripturæ passim promittunt, ita & graviore pœnas quibusdam peccatis paratas declarant.

Nota 2. Illam virtutum & vitiorum inæqualitatem duplicem esse, aliam essentialem, aliam accidentariam: prior actibus humanis intrinseca est, eisque convenit ratione sui: posterior actibus humanis extrinseca est, eisque convenit ex accidenti. Unde utraque illa bonitas sumenda sit, sequens propositio explicabit.

Prop. unica. Essentialis virtutum & vitiorum inæqualitas ex objecto & fine, accidentaria vero ex circumstantiis, speciem non variantibus, petitur.

Probat. Ex eodem fonte peti debet virtutum & vitiorum inæqualitas tum essentialis, tum accidentaria, ex quo petitur actuum humanorum bonitas & malitia tum essentialis, tum accidentaria: illa siquidem virtutum & vitiorum inæqualitas nihil aliud est, quam major vel minor gradus bonitas & malitiæ, qui in actibus humanis occurrunt. Atqui actuum humanorum essentialis tum bonitas, tum malitia ex objecto & fine petitur; accidentaria vero ex circumstantiis, speciem non variantibus, ut superiori capite declaravimus: ergo &c.

Consect. 1. Ad metiendam virtutum virtutumque inæqualitatem, primo & præcipue attendenda sunt earumdem virtutum & vitiorum objecta: inde enim primo & præcipue desumitur illa inæqualitas. Ex quo iterum sequitur, quod quo nobilior est virtutis & vitii objectum, eo & nobilior virtus, quæ illud sectatur, & gravius peccatum, quod illud lædit.

Sic virtutes, quæ Deum immediate respiciunt, puta, fides, spes, caritas, sublimiores sunt his virtutibus, quæ nos, vel proximum respiciunt.

Sic contra, peccata, quæ Deum petunt, ut idololatria, blasphemia &c. his graviora sunt, quæ hominem impetunt, & rursus ea, quæ sunt contra hominis vitam, ut homicidium, his graviora sunt, quæ sunt contra

eiusdem hominis exteriora bona, ut furtum.

Consect. 2. Ad metiendum virtutum virtutumque inæqualitatem, maxime etiam attendendus est finis operantis; inde enim essentialiter etiam petitur illa inæqualitas.

Ex quo iterum sequitur, quod, quo melior aut peior est operantis finis, eo ejus actioni major vel minor dignitas aut malitia accedat.

Sic bene facit, qui misericordia motus eleemosynam pauperi erogat; melius, qui ut obtemperet Confessario; sed longe sanctius, qui ducitur amore Christi, superflua pauperibus rogare præcipiens.

Sic contra peccat quidem, qui jocosè mentitur; magis vero, qui ob vanam gloriam mendacia profert; sed longe gravius, qui idem facit, ut proximo damnum inferat.

Consect. 3. Ad metiendam virtutum & vitiorum inæqualitatem, circumstantiæ quoque diligenter sunt attendendæ; licet enim speciem non mutant, notabiliter tamen virtutem aut vitium, intra eandem speciem, sæpe vel augent, vel minuunt.

Ex quo iterum sequitur, actum sive bonum, sive malum, meliorem vel pejorem fieri, prout melioribus, vel pejoribus circumstantiis induitur, ut patet ex inductione sequenti.

Ac 1. quidem ex circumstantia personæ sicuti virtuti nova quædam dignitas, ita & vitio accidit nova quædam deformitas.

Sic virtus in Rege, in Principe, in Magnate, in Magistratu, ceteris paribus, dignitatem habet, quæ in plebeis & obscuris fortis hominibus non reperitur, nimirum ratione boni exempli; unde a Patribus commendari merito solet pœnitentia Davidis Regis, Theodosii Imperatoris, & reliquorum Principum, qui se spectabiles reddiderunt virtutis exercitio.

Si contra, peccata in persona publica, in sacerdotibus graviora sunt, quam in privatis & in laicis, nimirum ratione scandali: unde Salvanus lib. 4. de gubernatione Dei: *Criminosior culpa est, ubi honestior status: si honoratior est persona peccantis, peccati quoque major invidia...* Ubi sublimior prærogativa, major est culpa. Et Bernard. lib. 2. de consid. cap. 13. *Nugæ in ore secularium nugæ sunt: in ore Sacerdotis blasphemie.* Consecrasti tuum Evangelio, talibus aperire illicitum.

Demum Scriptura facis indicat scelera multum crescere ex dignitate personæ, dum dicit: *Potentes potenter tormenta patientur.* Sap. 6. v. 7.

Atque hinc est, quod Patres graviora pronuntiant Christianorum peccata, quam paganorum; quod scilicet Christiani per baptismum fiant membra Christi, & templum Spiritus sancti; neque ullum ignorantia prætextum ut loquitur Tertul. lib. de pœnit. c. 6. *eis patrocinari possit*; eorumque peccata speciale quoddam ingratitudinis vitium in se contineant, quod in paganis non occurrit, ob accepta scilicet specialia beneficia, quæ Paulus commemorat ad Heb. 6. Unde passim docent Scripturæ, Christianos peccatis suis contristare Spiritum sanctum, templum Dei violare, hostiam, seu propitiationem, sibi non reliquam facere, thesaurizare sibi iram in die iræ, & terram esse maledictio proximam, cuius consummatio in combustionem.

2. Ex circumstantia objecti, hoc est, vel ex ejus qualitate, aut quantitate, vel ex dignitate, aut indignitate personæ, cui benefacimus, vel nocemus, sicuti bonis operibus novum pretium, ita & pravis nova malitia additur.

Sic qui divitias liberaliter effundit in pauperem, aut necessariis se fraudat, ut eas egenis largiatur, longe majorem habebit mercedem, quam qui parvus est in elemosynis, aut nihil nisi superflua elargitur. Unde Paulus 2. Cor. cap. 9. v. 6. *Qui parce seminat, parce & metet, & qui seminat in benedictionibus, de benedictionibus & metet*. Et 2. Cor. cap. 8. v. 3. Macedonios Corinthiis laudat, quod non solum secundum virtutem, sed etiam supra virtutem, hoc est, non solum pro viribus, sed etiam supra vires, fratres, qui Jerosolymæ erant, elemosynis suis liberaliter sublevassent.

Sic contra, qui furto ingentem pecunia summam subripit diviti, aut exiguum pauperi, sed ei necessarium, gravius peccat, quam qui levem summam lubripet diviti, & pauperem re non necessaria defraudaret. Unde in Scripturis oppressio pauperum peccatum dicitur in cælum clamans.

Sic etiam, quo humilior, aut dignior est persona, cui benefacimus, puta, si infirmis sortis ægros invisamus, aut intensissimis inimicis opem feramus; eo & excelsior nostra benignitas. Unde Paulus ad Rom. c. 5. v. 8. Dei in nos caritatem commendat, quod cum adhuc peccatores essemus. . . . Christus pro nobis mortuus est.

Sic e contra, peccatum eo gravius, quo dignior est persona, quæ per peccatum læditur, quia quo magis persona læsa Deo conjungitur, vel ratione virtutis, ut Sancti, vel ratione officii, ut Magistratus, illius inju-

ria magis redundat in Deum. Ideo & Sanctis ait Deus per Zach. c. 2. v. 8. *Qui vos tetigerit, tangit pupillam oculi mei*; & injuria contra Magistratus specialiter prohibetur, Exod. 22. v. 28. his verbis: *Principi populi tui non maledices*. In quam sententiam ait D. Th. 1. 2. q. 73. art. 9. incorp. *Peccatum quod fit in personam publicam, puta Regem, vel Principem, quigerit personam totius multitudinis, est gravius, quam peccatum, quod committitur contra unam personam privatam. . . Et similiter injuria, quæ fit alicui personæ summe, videtur esse gravior ex hoc quod in tribulationem plurimorum redundat*.

3. Circumstantia loci novam quoque aetibus humanis bonitatem, aut malitiam affert.

Sic qui publicam agit pœnitentiam, magis meretur, quam qui privatam; & qui in publico peccat, magis delinquit, quam qui privatim.

Ex mediis, quibus utimur ad bene vel male operandum, oritur etiam nova vel rectitudo, vel difformitas.

Sic qui, ut devotionem nutriat, exercitiis utitur vel a Christo, vel ab Apostolis & Patribus traditis, & ubique & semper in Ecclesia receptis, puta, Parochiæ suæ assiduus est, sacramenta frequentat, verbum Dei audit, &c. rectius hand dubie & utilius operatur, quam qui arbitraria pietatis exercitia seligit.

Sic contra, qui ad explendam vel libidinem, vel ambitionem, vel vindictam, vel alios nefarios affectus, multis utitur complicitibus, eosque sui sceleris cooperatores ac socios efficit, criminiosus certe peccat, quam qui solus eadem flagitia perpetrat.

5. Ex accidentario actus humani modo novum meritum, vel demeritum operibus nostris advenit.

Sic qui sponte & ardentem religionis exercitiis vacat, longe magis placet Deo, quam qui non nisi ægre & remisse eadem implet: *Hilarem enim datorem diligit Deus*, ut asserit Paulus 2. Cor. 9. v. 7.

Sic e contra, qui libidine ductus, vel vindicta, insolitum adhibet peccandi modum, puta, occisi inimici sanguinem epotat, & luxuriando insolita patrat, quæ pudor nominare vetat, scelestior est, quam qui eadem scelera non sic inordinate committit.

6. Denique diuturnitas, & qualitas temporis, non leve discrimen virtutibus & vitiis afferunt.

Sic ceteris paribus, quo diuturniora sunt pietatis exercitia, eo & Deo jucundiora;

ra; & qui eo tempore orat, quo tota orat Ecclesia, orationem adhibet utilio- rem, quam si alio tempore oraret; est enim, ut ait Paulus, *tempus acceptabile*, hoc est, quo Deus facilius exorat.

Sic e contra, quo diutius peccatores peccata sua protrahunt, puta dies & noctes in popinis exigit, vindictam per dies solidos, per hebdomadas, per menses, per annum in animo nutriunt, eo & supplicio digniores. Et qui diebus festivis rebus illicitis vacant, vino & cibo v.g. mentem obruunt, dielque sacros in ludis, choreis, aut theatris exigit, gravius peccant, quam si illud idem alio tempore facitarent.

Monit. In eo est circumstantiarum vis, ut malitia, quæ ex his humano actui advenit, nonnumquam absolute loquendo, sit gravior malitia, quam idem actus ex objecto desumit. Interdum enim tam graves circumstantiæ peccatum comitantur, ut licet ratione objecti, & essentialiter minus sit alio; ratione tamen circumstantiarum simplici ex omnibus pensatis gravius sit: ut patet in homicidio, quod licet ratione objecti & essentialiter minus sit peccatum, quam blasphemia; tamen ratione circumstantiarum, quæ illud comitantur, & ratione effectuum, quæ ex eo sequuntur, absolute loquendo gravius est uno blasphemie peccato. Unde & Canones graviores homicidis pœnas decernunt quam blasphemis, ut videre est in Canonibus pœnitentialibus.

5. III.

*Quomodo peccatum mortale a veniali
secerari debeat.*

Not. 1. Certum est ex fide Catholica, e peccatis alia esse mortalia, alia venialia: hoc est, alia esse peccata, quæ spiritualem animæ mortem inferunt, seu creaturæ amicitiam cum Deo dissolvunt & caritatem tollunt, ac proinde morti æternæ, quæ in exclusione a Regno Dei & pœnis æternis posita est, nos adducit: alia e contra, quæ animam quidem vulnerant, sed non ad mortem, quæ licet caritatis fervorem minuant, eam tamen prorsus non extinguunt, nec plane dissolvunt creaturæ cum Deo amicitiam; unde & venialia nominantur, quod scilicet his facile venia concedatur.

1. Enim, quod ad mortalia attinet, clare docet Scriptura, quædam esse peccata, quæ præsentem animæ mortem inferunt, juxta illud 1. Joan. c. 3. v. 14. *Qui non diligit ma-*

net in morte, & illud Sap. 1. v. 11. Os quod mentitur, occidit animam. Deinde aperte quoque eadem Scriptura tradit, quædam esse peccata, in quæ Deus per mortem æternam animadvertit, hoc est, per exclusionem a Regno cælorum, & pœnas inferni, juxta illud Paul. ad Galat. 5. v. 21. *Quantum quæ talia agunt Regnum Dei non consequentur,* & illud Christi Matth. 25. v. 41. *Ite maledicti in ignem æternum . . . ejurati enim estis non dedistis mihi manducare.*

2. Quod ad venialia spectat, docet Paul. 1. Cor. c. 7. in conjugibus culpas esse veniales, seu quibus facile venia indulgetur. Deinde just, dum ex traditione a Christo Domino orta hæc orationis Dominicæ verba recitant, *dimitte nobis debita nostra*, pro peccatis orant venialibus; neque enim cum mortalibus peccatis status gratiæ & justitiæ componi potest.

Not. 2. Certum etiam esse, nihil esse difficilius, quam peccatum mortale a veniali secerare. 1. enim id ingenue fatetur Aug. lib. 21. de civ. Dei c. 27. ubi sic loquitur: *Quæ sunt ipsa peccata, quæ ita impediunt perversionem ad Regnum Dei . . . difficillimum invenire.* Deinde variæ occurrunt rationes, quæ hujusmodi mortalis peccati a veniali discrimen difficillimum efficiunt. 1. Enim mens nostra circa moralia magis æcucit, quam circa alia. *Scimus*, inquit Aug. lib. de natura & gratia c. 4. *leones domare, & nescimus delicta nostra cognoscere.* 2. Voluntas per peccatum corrupta inducit intellectum ad judicandum, prout est affecta; & sæpe non ex regula veritatis, sed ex cupiditate rem metitur. Sic, ut notat Aug. lib. de mend. cap. 18. ebrius damnat quidem furtum, sed excusat ebrietatem: fur vero licet ebrietatem damnet, furtum tamen excusat. 3. Sæpe fit, ut peccata, quamvis gravia, cum in consuetudinem venerint, aut levia, aut nulla esse credantur. *Usque adeo*, inquit August. Enchi. cap. 8. *ut non solum tunc occultanda, verum etiam prædicanda ac dissimulanda videantur.* 4. Demum, ut notat Aug. lib. 2. de civit. Dei cap. ult. ideo voluit Deus difficile nobis esse hujusmodi peccati lethalis a veniali discrimen, *ne studium proficiendi ad omnia peccata cavenda pigresceret.*

Not. 3. Certum pariter esse, nihil magis esse necessarium, quam lethalia peccata a venialibus, quantum fieri potest, discernere; quid enim periculosius, quam in ea re hallucinari, ubi erroris non alia pœna quam mors æterna? Unde Aug. lib. 21. de civ.



cap. ult. *periculosissimum esse*, ait, *definire quæ fornicarii, neque idolis servientes, neque adul-*
mortalia, quæ venialia; quia scilicet, si tor-
re lethalia pro venialibus accipiuntur, mor-
tis æternæ periculum incurritur.

Not. 4. Certum similiter esse, discrimen
 peccati mortalis a veniali, non ex huma-
 na ratione per peccatum corrupta, sed ex
 Scriptura & traditione, aliisque Moralis
 Christianæ fontibus, quantum fieri potest,
 petendum esse. Unde Aug. Ench. c. 78. *Quæ*
sint levia, quæ gravia peccata, non huma-
no, inquit, sed divino pensanda sunt judi-
cio; & lib. 2. cont. Donat. c. 6. Non afferamus
fratres dolosus, ubi appendamus quod
volumus, & quomodo volumus, pro arbitrio
nostro, dicentes hoc grave, hoc leve: sed
afferamus divinam frateram de Scripturis
sanctis. . . & in illis quid sit grave appen-
damus; imo non appendamus, sed appensa
a Domino recognoscimus.

Not. Denique, peccata sive venialia, sive
 lethalia, considerari posse vel in genere, vel
 in individuo; quare, ut lethalia a veniali-
 bus facilius secerni possint, regulas primo
 statuemus, quibus quæ peccata sint secun-
 dum speciem lethalia, quæ vero venialia, di-
 scerni queat. Deinde alias proponemus, qui-
 bus cognosci possit, quando actus hic & nunc
 in individuo lethalis sit, vel venialis.

Regule quibus discerni debet, quæ peccata sint
ex genere suo lethalia, quæ vero venialia.

1. Reg. Ea, quæ in Scripturis dicuntur,
 mortem animæ inferre, odium Dei in nos
 provocare, amicitiam ejus dissolvere, aut
 ejus gratia nos privare, a Regno cælesti
 nos excludere, vel digna sempiterno igne,
 &c. peccata sunt ex genere suo lethalia,
 cum eis propria lethalis peccati effecta con-
 veniant.

Sic odium proximi, mendacium fratri
 noxium, peccata sunt ex genere suo lethalia;
 quia in Scripturis dicuntur, animæ
 præsentem mortem inferre, ut modo est
 observatum.

Sic seminare inter fratres discordiam, se-
 dari ebrietatem, iustificare impium pro
 meritis, &c. peccata sunt ex genere suo
 mortalia; quia odium Dei in nos provo-
 cant: Scriptura enim vix & maledictiones
 contra illos peccatores pronuntiat. Prov.
 6. v. 32. & Ilai. c. v. 8. & 11.

Sic idololatria, adulterium, fornicatio,
 mollicitas, furtum, &c. peccata sunt ex ge-
 nere suo mortalia; quia excludunt nos a glo-
 ria, juxta illud Paul. 1. ad Cor. 6. v. 9. *Neque*

fornicarii, neque idolis servientes, neque adul-
teri, neque molles, neque masculorum concu-
bitores, neque fures, neque avari, neque eb-
riosis, neque maledici, neque rapaces regnum
Dei possidebunt.

Sic incredulitas, homicidium, secundum
 se sunt peccata mortalia. De incredulis &
 homicidis dicit Joan. Apoc. 21. v. 8. *Quod*
illorum erit in stagno ardenti igne & sul-
phure.

2. Reg. Quæ a Patribus scelera, flagitia,
 crimina, vulgo dicuntur, peccata sunt le-
 cundum speciem mortalia lethalia; solis enim
 peccatis lethaliibus Patres hæc odiosa nomi-
 na vulgo tribuunt, ut ex traditione notum
 est. Unde Aug. hom. 41. in Joan. relatus a D.
 Th. 1. 2. q. 88. a. 1. *Crimen est quod meretur dam-*
nationem; & Bern. lib. de dispensatione &
præcepto definit peccatum mortale, Crimina-
lem transgressionem; & Greg. lib. 21. Mor. c.
olim. 9. nunc 12. Actus venialiter malos pec-
cata nuncupat; actus vero mortaliter malos
crimina appellat. . . peccata, ait, animam pol-
luunt, quam crimina exstinguunt.

Sic redditum ecclesiasticorum iniusta ad-
 ministratio peccatum est mortale: quippe
 ab Aug. Epist. 50. ad Bonif. vocatur *damna-*
bilis usurpatio; & juxta D. Bernard. Epist. 2.
ad Falconem: Rapina est, sacrilegium est.

Sic simonia ut peccatum mortale habenda
 est; vocatur enim a Patribus *crimen de-*
testabile; ita Paulus Papa 2. cap. cum dete-
stabile de simonia extrav. comm.

3. Reg. Quæ legibus Canonis gravi pœ-
 na multantur, puta, excommunicatione,
 depositione, degradatione, peccata sunt ex
 genere suo lethalia; neque enim venialibus
 culpis graves adeo pœnæ decerni debent,
 ut de excommunicatione docet D. Th. 4.
 Sent. d. 18. q. 2. a. 1. q. 3. & habetur ex Can.
 Ait.

Sic usura, simonia, gravis percussio Cle-
 ricorum, peccata sunt secundum se mor-
 talia; quia in hujusmodi crimina excom-
 municationis pœnam decernunt Canones.
 Sic hæresis manifestata, Sodomitæ, gravis cal-
 umnia proprio Episcopo irrogata, falsifi-
 catio litterarum Apostolicarum peccata ex
 genere suo mortalia censenda sunt; quia
 in hujusmodi flagitia degradationis vel de-
 positionis pœnas infligunt Canones.

Sic omisio annuæ confessionis, & Pascha-
 lis Communionis, iteratio Sacramentorum
 characterem imprimentium, censenda sunt
 peccata mortalia; quia sub gravibus pœnis
 ab Ecclesiâ prohibentur.

4. Reg. Quæ virtuti opponuntur ad salu-
 tem

tem omnino necessariæ, peccata sunt ex natura sua lethalia; a Regno enim cælesti nos excludunt. Sic infidelitas, desperatio, præsumptio, odium Dei, odium proximi peccata sunt ex genere suo mortalia; quia fidei, amor sui usque ad contemptum Dei, celestis spei, & caritati opponuntur, sine quibus virtutibus salus obtineri nequit. De infidelitate dicitur: *Qui non credit jam judicatus est.* Joan. 3. v. 16. Necessitatem spei indicant hæc verba Pauli ad Rom. 8. v. 24. *Spe enim salvati sumus.* Caritatis vero hæc verba Joannis: *Qui non diligit, manet in morte.*

5. Reg. Quæ ex communi Theologorum sententia lethalia judicantur, lethalia quoque habenda sunt. Ex unanimi enim Theologorum sententia morum argumenta petuntur non spernenda, ut in primo tractatu diximus.

Sic violatio jejunii ecclesiastici, omissio sacri diebus festis, exercitium operum servilium die festivo, peccata ex suo genere mortalia censenda sunt; quia sic censent communiter Theologi.

6. Reg. Quæ prædictis quinque lethalis peccati caracteribus carent, peccata sunt ex genere suo venialia; quia scilicet his propria peccati mortalis effecta non conveniunt, nec signa quibus ea nobis innotescent.

Sic multiloquium, de quo Prov. cap. 10. v. 19. verbum otiosum, de quo Christus Matth. 12. v. 36. stultiloquium, scurilitas, de quibus Paulus ad Ephes. 6. v. 4. peccata censentur ex suo genere venialia; quia Scriptura locis prædictis ea non prohibet subterminatione divini odii aut damnationis æternæ.

Sic loqui, aut tacere, plusquam oportet, pauperem importune perentem exasperare, non solo desiderio filiorum uxorem cognoscere, opera misericordiæ tardius, quam par est exercere, lautioribus cibis se nutrire, in Ecclesia silentium non fervare &c. peccata censenda sunt ex genere suo venialia; a Patribus enim, & præcipue ab Aug. serm. 41. de sanctis inter minuta peccata recensentur.

Regule, quibus discerni potest, quando actus malus hic & nunc in individuo lethalis sit, vel venialis.

1. Reg. Quoties in peccatore plena occurrit deliberatio, & in objecto peccati ex genere suo lethalis adest materiæ gravitas; toties in praxi peccatum lethale est habendum; tunc enim notabiliter, & plena voluntate lex violatur; ac proinde, ut loquitur Aug.

progredditur amor sui usque ad contemptum Dei; in quo ex S. Doctore positum est excludunt. Sic infidelitas, desperatio, præsumptio, odium Dei, odium proximi peccata sunt ex genere suo mortalia; quia fidei, amor sui usque ad contemptum Dei, celestis spei, & caritati opponuntur, sine quibus virtutibus salus obtineri nequit. De infidelitate dicitur: *Qui non credit jam judicatus est.* Joan. 3. v. 16. Necessitatem spei indicant hæc verba Pauli ad Rom. 8. v. 24. *Spe enim salvati sumus.* Caritatis vero hæc verba Joannis: *Qui non diligit, manet in morte.*

Sic qui ex deliberata voluntate vel grave crimen imponit proximo, vel rem alienam, quæ magni sit momenti, subripit, vel vino & cibo mentem obruit, lethali-ter peccat; quia scilicet adest & plena deliberatio ex parte peccatoris, & materiæ gravitas ex parte objecti ex genere suo lethalis; quæ duo ex D. Thom. peccati malitiam complent, hoc est, lethalem efficiunt.

2. Reg. Quoties in peccatore non adest plena deliberatio, virtualis saltem, toties peccatum; etli ex suo genere lethale, ut veniale in individuo habendum est: cum enim sine libertate non sit peccatum; ita nec sine plena deliberatione potest esse plenum & consummatum peccatum, quod generet mortem, ut loquitur Jac.

Sic subiti motus infidelitatis, desperationis, iræ, impudicitæ; nec in se, nec in causa plene voluntarii, quibus prompte non resistimus, peccata sunt in individuo venialia: in solo enim assensu deliberato perficitur ratio peccati mortalis, ut docet D. Thom. q. 15. de verit. ar. 4. ad 2.

3. Reg. Quoties in objecto peccati, ex genere suo lethalis, adest materiæ levitas, hoc est, peccatum ex suo genere mortale, in individuo sumptum, versatur circa leviorem seu parvi momenti materiam; toties in individuo veniale est habendum; sicuti enim peccatum mortale non est sine plena deliberatione; ita nec constat sine gravitate materiæ.

Sic, licet furtum, detractio, ex genere suo lethalia sint, non tamen peccatur nisi venialiter, si adsit vel in furto, vel in detractioe, materiæ levitas: puta, si ponum tantum subripiatur, aut detractio non nisi leve damnum proximo inferat.

4. Rat. Toties peccatum, ex suo genere veniale, fit in individuo mortale, quoties in individuo circumstantia afficitur moraliter culpabili. Quod quidem variis modis contingere potest.

1. Rat. Affectus mortaliter culpabilis, v.g. si peccator ita esset in peccatum veniale affectus interius, ut paratus esset Deum potius deferere, quam ab illo actu temperare. Ita D. Thom. 2.2. q. 88. art. 6. in corp. *Intantum potest libido peccandi crescere, quod ille, qui*

peccat, finem suum constituat in peccato veniali.

Sic fuit affectus Esau, cum Jacob fratri suo primogenita vendidit. *Esau*, inquit Aug. Epist. 86. non esca, sed usque ad contemptum Sacramenti, quod in primatu suo habebat, concupit esca damnavit.

2. Rat. Ordinationis in finem mortaliter malum: v. g. si quis verbum joculum proferat, ut mulierem provocet ad adulterium. D. Thom. ibidem a. 4. in corp.

3. Rat. Conscientiæ erroneæ, ut dum quis actum venialiter malum exercet, quem iudicat (licet falso) esse peccatum mortale. D. Thom. quolib. 13.

4. Rat. Gravis scandali, quod ex actu, licet ex se veniale, oritur, quod fuit eorum peccatum qui coram infirmis idololatra edebant, quibus Paulus 1. ad Corinth. 10. *Ergo peribit in tua scientia frater, pro quo Christus mortuus est: item, si esca scandalizat fratrem meum, non manducabo carnem in æternum.* Unde D. Thom. 2. 2. q. 43. a. 4. in corp. docet: *Quod actio minus recta, qua quis scandalose est occasio cur proximus inducatur ad peccatum mortale, est peccatum mortale.*

5. Rat. Contemptus formalis in legislatorem; cum scilicet quis legem infringit, ut legislatorem injuria afficiat: ubique enim, ut docet Bernard. lib. de præcepto & dispensat. est culpabilis neglectus & contemptus damna-bilis; & Hier. Epist. ad Celant. *Et sane nescio, an possimus leve aliquod præceptum dicere, quod in Dei contemptum admittitur: esseque ille prudentissimus, qui non tam considerat quod iustum sit, quam illum, qui iusserit; nec quantitatem imperii, sed insperantis cogitat dignitatem.*

Mon. 1. Oblerva levitatem materiæ non cadere in quodlibet lethalis peccati obiectum.

2. Enim docent uno ore Theologi, quod in peccatis, quæ Deum vel Religionem ipsam immediate petunt, qualia sunt infidelitas, desperatio, blasphemia, idololatria, dæmonum invocatio, perjurium, simonia &c. non detur levitas materiæ; hæc enim peccata integram in divinam Majestatem irreverentiam in se continent: imo tantum abest, ut ex levitate materiæ minuantur, quin potius interdum ex illi materiæ levitate peccati gravitas augeatur, ut patet in eo qui pro re levissimi momenti, puta pro panno, pro denario, pejerat, blasphemat, dæmonibus se devotet.

3. Communis est etiam celebriorum Theologorum Doctrina, quod in peccatis luxu-

rite nunquam in praxi detur materiæ levitas; luxuria enim, inquit, quantumvis exigua, si plena voluntate eligatur, ob effrenem concupiscentiæ impetum, invictissime voluntatem trahit ad consensum actus completi, ac prout ubi accedit plena deliberatio, nunquam in praxi luxuriæ actibus, quantumvis levissimi momenti videantur, materiæ levitas contingere potest.

Mon. 2. Oblerva, difficile admodum esse hic & nunc in praxi dehiere, quando voluntatis in malum consensum plenus sit, seu ad lethale peccatum sufficiat, & quando non. plenus non sit, & a peccato mortali excuset. Hæc tamen proponi possunt signa, quæ lucem aliquam rei adeo obicure afferre queunt.

1. Si poenitens sic se dignoscit interius habitualiter affectum, ut nolle peccatum committere, etiam si possit commode, signum est, consensum plenum, & ad mortale peccatum sufficientem non adfuisse: si vero sic se interius affectum noverit, ut occasione data peccatum admitteret, signum est e contra, consensum plenum, & ad peccatum mortale sufficientem intervenisse.

2. Si poenitens conscientiæ sit timoratz, soleatque ut plurimum ad peccati conspectum horrescere, conspici potest consensum plenum non fuisse præbitum, licet in repellenda tentatione aliquantulum fuerit negligens; si vero largæ sit, ut ajunt, conscientiæ, nec multum peccata horrere soleat, eum e contra deliberate consensisse quasi pro certo habendum est.

3. Si poenitens tentatus circa peccata carnalia, quæ membris exterioribus complentur, ad externum opus non transiit, etsi id commode, & impune etiam coram hominibus potuerit, signum est, plenum non fuisse consensum; si vero metu solius poenæ oblata peccandi occasione usus non fuerit, periculum est ne plene consenserit.

Conclusio secundi Tractatus.

Ex his, quæ in hoc secundo tractatu explicuimus, intelligi facile potest. 1. Quod actus moralis ille sit, qui sit cum cognitione tum obiecti, tum finis, tum circumstantiarum, & cum ea libertate, qua poni possit vel omitti; ita tamen ut virtualis tum cognitio, tum libertas sufficiat.

2. Quod actus bonus ille sit, qui cum regulis morum plane consentit, tum ratione obiecti, tum ratione finis, tum ratione circumstantiarum: malus e contra ille habendus sit, qui vel in uno deficiat; hoc est, vel in obiecto, vel

vel in fine, vel in circumstantiis, imo vel in una tantum circumstantia.

3. Denique quod virtutum & vitiorum tum distinctio, tum inæqualitas, ex eorundem objectis, finibus, & circumstantiis desumatur; quodque peccatum lethale sit *actus plene deliberatus legi contrarius in materia gravi*; veniale vero sit *actus legi repugnans, vel in materia levi, vel sine plena deliberatione*: quæ quidem tria explicanda susceperamus.

TRACTATUS III.

De interna actuum humanorum regula, seu de conscientia.

Duplex est actuum humanorum regula, interna, & externa: interna est conscientia operantis; externa est ipsa lex. A conscientia orditur, quod interna nobis sit. Atque ut certa cum methodo, quæ de ea tradenda sunt, explicemus, quæremus. 1. Quid & quotuplex sit conscientia. Deinde de singulis conscientiæ speciebus sigillatim agemus; simulque statuemus, quænam conscientia sit certa morum regula; quæ vero non.

CAPUT I.

Quid & quotuplex sit conscientia.

Conscientiæ nomine non hic intelligimus insitam in omnium animis boni & mali notitiam; sed actum, quo mens nostra iudicat aliquid hic & nunc esse agendum tanquam bonum, seu legi conforme; vel omitendum esse tanquam malum, seu legi contrarium. Unde vocatur a Basilio *rationale iudicatorium*, homil. in princip. Proverb. & a Gregorio Nazianz. oratione 15. *verum & domesticum tribunal*.

Cum autem internum illud mentis nostræ iudicium circa bonitatem aut malitiam operis hic & nunc agendi multiplex sit, ideo & multiplex quoque conscientia distinguitur.

1. Enim alia est *vera*, alia *erronea*. *Vera* est conscientia, quando mentis nostræ iudicium legi est conforme; *erronea* vero, quando iudicium illud legi non est conforme.

2. Alia est *certa*, alia *dubia*. *Certa* est conscientia, quando mentis nostræ iudicium de bonitate, aut malitiae operis hic & nunc agendi, certum est seu firmum; *dubia* vero, quando mentis nostræ iudicium circa bonitatem aut malitiam operis hic & nunc agendi

æqualibus utrinque rationum momentis suspenditur, neque mens in unam potius partem, quam in aliam inclinat.

3. Alia est *scrupulosa*, alia *lata*. *Scrupulosa* est conscientia, quando mens nullis innixta rationibus, sed vanis tantum suspitionibus agitata & inanibus mali speciebus delusa, formidat, ne peccatum sit quod re vera non est peccatum, aut ut grave iudicat id quod non est nisi leve: *lata* vero est conscientia, quando mens nostra ex levissimis, & quidem cupiditati faventibus argumentis iudicat hic & nunc id esse licitum quod tamen est illicitum.

4. Denique alia est *probabilis*, alia *non probabilis*. *Probabilis* est, quando mentis nostræ iudicium non evidentibus quidem, sed tamen gravibus nititur rationibus, seu aptis ad determinandum viros pios & prudentes ad assensum, non tamen sine formidine partis oppositæ.

Improbabilis vero, quando mentis nostræ iudicium de bonitate, aut malitia operis, vel nullis, vel levibus nititur rationibus.

Confecta. Ex tradita conscientiæ definitione & divisione facile intelligi potest, quod numquam liceat agere contra conscientiam: nec tamen liceat semper agere ex conscientia qualicumque: quæ duo, cum gravissimi sint momenti, sequentibus propositionibus cum suis consecutariis more solito declarabimus.

1. *Prop.* Numquam liceat agere contra conscientiam quamvis erroneam.

Prob. 1. Script. ex Apost. ad Rom. 14. v. 23. *Omne quod non est ex fide, peccatum est.* Hoc est, ut vulgo tradunt Interpretes, quod non est conforme dictamini conscientiæ, est illicitum. Unde D. Bernard. de dispensat. & præcept. cap. 14. *Sive itaque malum putes bonum quod forte agis, sive bonum, malum quod operaris, utrumque peccatum est, quia neutrum ex fide.*

2. Ex eodem Doctore ibidem: *Ille peccat qui bonum agit quod malum credit*, cuius eam rationem asserit mellissimus Doctor: licet enim rectum sit quod operatur, inique tamen operando, ut ait, seu credendo malum id quod bonum est, *bonum sibi in malum vertit, & tantum malum quantum crediderit.*

3. *Rat.* Quilibet consentit in peccatum, seu qui peccati malitiam amplectitur, haud dubie peccat: Atqui ille qui agit contra conscientiam etiam erroneam libere consentit in peccatum, eiusque malitiam amplectitur, cum illud propria voluntate eligit quod credit esse malum, ac proinde legem contem-

hat, vel ea committendo quæ credit lege præcipi, vel ea admittendo quæ putat lege prohiberi: ergo peccat. Vide D. Thom. 2. 2. q. 19. a. 5.

Consect. 1. Peccat qui bonum facit quod ex conscientia erronea credit esse malum, aut malum omittit, ad quod ex errante conscientia teneri se existimat; quia in utroque casu agit contra dictamen rationis.

Sic peccat qui ex errante conscientia illicitum esse credit hæreticis, infidelibus, peccatoribus etiam in gravi necessitate constitutis opitulari, si stante tali iudicio eis opituleretur: etsi enim elemosyna erga omnes homines sit bona, eam tamen hic & nunc illicitam censet.

Sic etiam peccaret ille, qui coram iudice falsum juramentum non præstaret, si ex conscientia erronea crederet teneri se ad falsum illud juramentum pro conservanda vita tum propria tum aliena; quia scilicet id omitteret, ad quod teneri se existimaret.

Consect. 2. Qui ex conscientia erronea credit se teneri ex præcepto ad aliquid vel faciendum, vel omittendum, ad quod revera non renetur, peccat si primum non faciat, & posterius non omittat; in utroque enim casu agit contra conscientiam.

Sic, qui ex errore conscientia consilia evangelica, ut præcepta habet, peccat si ea non sequatur, v.g. qui putat se teneri ex præcepto ingredi religionem, peccat si non ingreditur.

Sic, qui putat diem esse jejunii, quamvis revera non sit, peccat si non jejundet.

Consect. 3. Qui aliquid omittit, vel facit ex se indifferens: si putet id lege vel præcipi, vel prohiberi, peccat si non faciat quod putat imperatum, vel non omittat quod credit prohibitum; in utroque enim casu agit contra conscientiam.

Sic peccat ignara plebecula, dum profert verba quædam affirmantia, qualia sunt, *certain verité*, &c. etsi sint ex se indifferenter, si ex errante conscientia ea credat illicita.

Sic ex D. Thom. loco supra citato, peccaret ille, qui non levaret festucam, si ex errante conscientia se ad id teneri existimaret.

Consect. 4. Peccatum tale est, quale per conscientiam erroneam iudicatur; voluntas enim fertur in objectum, ut ei proponitur per conscientiam: ergo agens tale peccatum admittit, quale putat admittere; magis enim attendenda est intentio, quam ejus actio: voluntas quippe est, inquit Aug. lib. 1. retract. cap. 9. *quæ peccatur, aut recte vivitur*; homo enim videt quæ parent; Deus autem intuetur cor.

Sic, quia ex conscientia erronea credit id,

quod est tantum veniale, esse mortale, si illud committat, peccat mortaliter. *Error*; inquit D. Thom. *quod creditur esse mortale, quod non est mortale, ex conscientia ligat ad peccatum mortale*, quolib. 9. art. 5.

Prop. 2. Licet nunquam possimus agere contra conscientiam, non tamen licet semper agere ex conscientia.

Prob. 1. Ex Scriptura. *Est via quæ videtur homini justa, novissima autem ejus ducunt ad mortem*. Prov. 14. v. 12. Ergo non semper immunes sumus a peccato, ubi solius conscientia dictamen lequimur.

2. Ex D. Thom. quolib. 8. a. 13. *Quod agitur contra legem, quæ nimium potuit & debuit cognosci, semper est malum, nec excusatur per hoc quod est secundum conscientiam*: Ergo ex D. Thom. non semper immunes sumus a peccato, ubi solius conscientia dictamen lequimur.

3. *Rat.* Conscientia nostra sæpe legi, & ordini vitio nostro adversatur: ergo non semper licet agere ex sola conscientia.

Consect. unicum. Hinc patet, quanti sit momenti inquirere, quænam conscientia sis morum regula, quæ verò non: quod quidem sequentibus capitibus declarare conabimur.

C A P U T II.

Quæ requirantur, ut conscientia sit morum regula.

Prop. 1. Ut conscientia sit morum regula, debet esse vera, seu legi conformis, vel saltem inculpate præsumi vera.

Prob. 1. Ex Scriptura. Matth. 23. v. 14. *Si cæcus cæco ducat, præstet, ambo in foveam cadunt*: Ergo non excusat a peccato conscientia, nisi sit vera, seu legi conformis: cæcus enim est qui lequitur conscientiam legi contrariam; unde Ecclesiastici cap. 37. v. 21. dicitur: *Ante omnia opera verbum VERAX præcedat te*. Quibus verbis innuitur solam veritatem esse morum regulam.

2. *Peccare nihil est aliud quam in veritatis præceptis, vel in ipsa non stare veritate*, ut loquitur Aug. vel saltem Evodius lib. de fide contra Manich. cap. 8. qui liber inter opera Aug. vulgo circumfertur, etsi Evodio tribuatur; unde diabolus dicitur peccare, eo quod in veritate non steterit, ut habetur Joan. 8. v. 44. Reprobi quoque in inferno sic se palam profitentur peccatores: *Ergo erravimus a via veritatis*, Sap. 5. v. 6. De iusto Tobia dicitur: *In captivitate positus, veritatis viam non deseruit*, Tob. 1. v. 2. Et de peccatoribus generali-

ter asseritur: *Errant qui operantur malum*, Prov. 4. v. 21. Ergo, ut operatio sit recta, debet esse secundum veritatem, seu legi conformis.

3. Ex D. Bernardo, lib. de præcepto & dispensat. cap. 14. *Ut interior oculus vere simplex sit*, inquit, & proinde vera regula operandi, duo illi arbitror necessaria esse, caritatem in intentione, & in electione veritatem; nam si bonum quidem diligit, sed verum non eligit; habet quidem zelum Dei, sed non secundum scientiam, & nescio quemadmodum iudicio veritatis vera esse possit cum falsitate simplicitas. Ergo, ut conscientia sit morum regula, debet esse vera, seu legi conformis: inde est quod Scriptura loquens de lege, quæ nobis est agendi regula, dicat quod lex VERITAS est; & Christus Legislator noster de se loquens, dicit: *Ego sum via, VERITAS, & vita*.

4. Rat. Conscientia eatenus tantum est morum regula, quatenus est recta legis applicatio; unde Deus, Deuter. 12. v. 8. sic sancit: *Non facietis ... singuli quod rectum sibi videtur*; sed, ut subiicit v. 32. *Quod præcipio tibi, hoc tantum facito*: Atqui conscientia non est recta legis applicatio, nisi sit eidem legi conformis, aut saltem inculcate præsumatur conformis: Ergo conscientia non est morum regula, nisi sit vera, aut saltem inculcate præsumatur vera.

Dixi, vel saltem inculcate præsumitur vera; quia etsi sola veritas per se sit morum regula, juxta illud Christi, Joan. 12. v. 48. *Sermo quem locutus sum, ille iudicabit eum*, id est, mundum, in novissimo die: & juxta illud Pauli ad Rom. 2. v. 16. *Judicabit Deus occulta hominum secundum Evangelium meum, per Jesum Christum*; a peccato tamen excusatur, ubi ex errore invincibili contra ipsam veritatem, seu legem agimus, juxta illud Christi: *Si non venissem & locutus fuisset eis, peccatum non haberent*, Joan. 15. v. 22. ubi innuitur Judæos per ignorantiam excusandos esse; quia scilicet error invincibilis voluntarium tollit, sine quo non constat peccatum. Quando autem adsit error ille invincibilis, & ubi locum habeat, dicemus postea ubi de lege.

Conseclaria hujus Doctrinae.

Consecl. 1. Toties peccamus, quoties conscientiam sequimur legi non conformem, si error, quo conscientia falsa vera præsumitur, vincibilis sit, seu vinci debuerit ac potuerit: ut enim conscientia sit morum regula, debet esse vera, vel saltem bona fide præsumi vera.

Sic peccant, qui ex conscientia, quam sibi

prohibito efformarunt, ut licitum habent id, quod per quoddam ex decem Decalogi præceptis prohibetur, v. g. idololatriam, perjurium, irreligiositatem, blasphemiam, votorum violationem, parricidia, homicidia, furta, fornicationes, &c. quia quamvis circa hæc infanda crimina nihil eos conscientia remordeat, tamen rei sunt, quia error talis est, ut possit & debeat vinci: si enim malum quod ex ignorantia invincibili facimus, veram peccati deformitatem non habet: ergo, ut optime monet D. Bernardus, non imitandus est, sed irridendus Propheta dicens: *Delicta juventutis mee & ignorantias meas ne memineris*: ergo male Pontifex offerebat sanguinem pro sua & populi ignorantia; ergo non peccavit Saulus quando ignorans persecutus est Ecclesiam Dei, nec misericordiam consequi debuit, sed mercedem, quia innoxius fuit æmulator patrum traditionum; ergo innoxii fuerunt tyranni occisores Apostolorum & Martyrum, quia putabant obsequium se præstare Deo; ergo frustra in cruce Salvator orabat pro suis persecutoribus, quippe nescientibus, ipso teste, quid facerent, & ita nequaquam peccantibus. Numquid hinc apparet, ut concludam cum D. Bernardo, in quantis jaceat ignorantie tenebris, qui ignorat peccari posse interdum per ignorantiam; & proinde conscientiam culpabiliter erroneam non posse esse agendi regulam? Bernard. Epist. 77. ad Hugonem aS. Victore. Verum de his fufius infra, ubi de ignorantia.

Consecl. 2. Toties immunes sumus a peccato, licet forte agamus contra legem, quoties errantem conscientiam sequimur, quam ex errore invincibili bona fide præsumimus veram; quia ut conscientia sit morum regula, sufficit quod vel sit vera, vel bona fide præsumatur vera.

Sic confisi in misericordia Dei possumus ut licitum habere id omne, quod in simplici corde putamus conforme divinæ legi, quamvis forte eidem legi non concordet; si enim ignorantia invincibilis non excusaret, coram Deo male diceret Abimelech: *Domine num gentem ignorantem & justam interficies?* ut excusaret se a detentione Sarai, quam uxoratam ignorabat: male etiam respondisset Deus: *Et ego scio quod simplici corde feceris*. Gen. 10. Male diceretur, peccatum esse voluntarium, cum ibi esset peccatum, ubi nulla esset nec formalis, nec virtualis, ut ajunt, cognitio. Demum male diceretur, quod Deus impossibilia non jubet, cum ea ignorantia nobis imputaretur ad culpam, quam nullo modo possumus vincere.

Non

Non diffiteor tamen sæpissime nos decipi specie recti, & bonam fidem præsumere, ubi non est: sicut enim Sathanas transfiguratur se aliquando in Angelum lucis; ita & concupiscentia induit speciem caritatis, & vitium velat se pallio probitatis: & sæpius evenit, ut docet Greg. lib. 4. Moral. cap. 7. novæ editionis, ut id, quod rectum credimus, causa sit nostræ damnationis. *Nonnumquam, inquit, ea ipsa, quæ recte non agere credimus, an in districti iudicis examine recta sint ignoramus; sæpe enim, sicut & longe superius diximus, opus nostrum causa damnationis est, & profectus putatur esse virtutis; sæpe unde placari iudex creditur, inde ad irascendum placidus infligitur, Salomone attestante, qui ait: Est via quæ videtur homini recta, novissima autem ejus ducunt ad mortem. Unde sancti viri cum mala superant, sua etiam bene gesta formidant: ne cum bona agere appetunt, de actionis imagine fallantur; ne pestifera tabes putredinis sub boni specie lateat coloris.*

Prob. 2. Ut conscientia sit morum regula, debet esse certa, hoc est firmiter & sine formidine partis oppositæ judicare debemus actum quem eligimus, esse legi conformem.

Prob. 1. Ex Scriptura. Eccl. 37. v. 21. *Ante omnia opera tua verbum verax præcedat te, & ante omnem actum CONSILIUM STABILE:* ergo conscientia, ex qua agimus, certa debet esse, & firma; id enim significant voces istæ: *Consilium stabile.* Deinde ait Apostolus ad Rom. 14. v. 23. *Quod non est ex fide, peccatum est:* ergo non excusamur a peccato, dum conscientiam sequimur, quæ certa non est; *ex fide* enim agere, idem est ac *ex Conscientia*, sive ex persuasionem, operari, uti exponit Celerus Gallicanus ann. 1700. in regula de probabilitate usu.

2. Ex Aug. lib. 50. homil. 41. Ubi loquens de eo, qui ad finem vitæ poenitentiam differt, pro certo principio statuit, non agendum esse in dubio, sed a dubio exeundum. *Vis ergo, inquit, a dubio liberari, vis, quod incertum est, evadere, age poenitentiam dum sanus es: si si agis, dico tibi quod securus es: quia poenitentiam egisti eo tempore, quo peccare potuisti: ergo sicut sanctus Doctor vult, ut e statu dubio exeamus, ita & vult, ut sententiam dubiam deponamus, & non agamus secundum sententiam dubiam, & incertam.*

3. Ex Gregor. in cap. 40. Job lib. 32. cap. 18. ubi offendit, perplexitatem provenire a suggestionem Diaboli, & proinde non posse esse agendi regulam: ergo ut conscientia sit morum regula non debet esse dubia, vel perplexa; sed certa, & firma.

4. Ex D. Thom. quolib. 8. a. 13. ubi agens de conscientia, quæ potest esse morum regula, requirit, quod non sit dubia, sed certa. *Ex conscientia, inquit, obligatur aliquis ad peccatum, id est, ligatur tamquam reus peccato; sive habeat certam fidem de contrario: ejus quod agit; sive etiam habeat opinionem cum aliqua dubitatione. . . . Cum autem conscientia ex contrariis opinionibus in nullam dubitationem adducitur, seu cum est certa, agens sic non committit se discrimini, nec peccat:* Ergo, ut conscientia sit morum regula, debet esse certa.

Ex D. Antonino 1. P. tit. 3. §. 10. ubi sanctus Doct. requirit ad licitam operationem, ut quis *ex contrarietate opinionum non inducatur ad dubitandum; sed bonam conscientiam, & credulitatem formet de eo quod credit tamquam probabiliori parti:* Ergo supponit sanctus Doctor ad licitam operationem ita firmum esse debere conscientiæ judicium, ut dubium excludat & formidinem partis oppositæ.

Rar. Qui non est certus, sed timet cum fundamento, ne conscientia ex qua agit, sit legi conformis, exponit se peccandi periculo; actionem enim elicit timens cum fundamento, ne ea sit legi contraria: Ergo conscientia non est morum regula, nisi sit ita certa, ut excludat formidinem partis oppositæ; neque enim conscientia, quæ exponit peccandi periculo, potest esse morum regula.

Deinde, qui timet cum fundamento, ne legi contrarium sit opus quod elicit, legem Dei censetur negligere; quemadmodum is amicum censetur negligere, qui timens ne aliquid ei esset ingratum, illud tamen non omitteret: Atqui non licet negligere legem Dei, ut per se notum est: Ergo non licet agere ex conscientia, quæ non sit certa.

Consecraria hujus Doctrinæ.

Consecr. 1. Ut licita sit operatio, non sufficit actionem, quam elicimus, esse legi conformem; sed & præterea certi esse debemus, quod ea sit legi conformis. Quandiū enim non adest certitudo, sed cum fundamento timeamus, ne legi contrarium sit quod operamur, peccandi periculo nos exponimus, inno legem Dei negligere censetur, si spreta inujusmodi formidine in actum prorupimus.

Sic ex Apostolo 1. ad Corint. 8. v. 7. Licet illicitum non sit idolothytis vesci, peccant tamen qui idolothytis vescuntur cum *conscientia infirma*, hoc est non firma & certa; sed timentes, ne illud illicitum sit.

Consecr. 2. Ut licita sit operatio, non sufficit certitudo qualiscumque de bonitate operis, quod

quod elicimus; sed ea debet dubium excludere, & formidinem partis oppositæ: nec excusamus a peccato, si stante tali dubio, seu formidine in actum prorumpamus, etsi forte sit legi conformis sit: ut enim conscientia sit morum regula, ita certa debet esse, ut firmum sit mentis nostræ iudicium, & formidinem partis oppositæ excludat. Ita D. Thom. quolib. 8. a. 13. ubi supponens S. Doctor quod sententia, quæ assertit, licitum esse plures habere præbendas, sit vera, sic loquitur de eo, qui eam sequitur. *Aur talis, inquit, habet conscientiam de contrario, & sic peccat contra conscientiam faciens, quamvis non contra legem: aut non habet conscientiam de contrario, sed CERTITUDINEM, sed tamen in QUAMDAM DUBITATIONEM inducitur contrarietate opinionum; & sic, si manente DUBITATIONE plures præbendas habet, periculum se committit, & sic procul dubio peccat, utpote magis amans beneficium temporale, quam propriam salutem: aut ex contrariis opinionibus in nullam DUBITATIONEM adducitur, & sic nec committit se crimini, nec peccat.*

Consect. 3. Conscientia dubia non est morum regula, imo nec ea quæ mere probabilis est; neutra enim formidinem excludit partis oppositæ, ut fusc deinde explicabimus.

Prop. 3. Ut conscientia sit morum regula, non est necesse, quod sit semper metaphysice certa; sed sæpe sufficit quod sit solum moraliter certa: quod priusquam probetur.

Nota 1. Conscientiam dici metaphysice certam, quando ex principiis adeo certis & infallibilibus oritur ejus certitudo, ut citra ullum errandi periculum judicemus, id, quod agimus, esse legi conforme; quæ certitudo toties occurrit, quoties aut ex revelatione, aut ex recta ratione evidenter colligimus, actionem quam elicimus esse legi conformem.

Sic ex conscientia metaphysice certa operamur, cum ex hoc fidei principio, *Verbum est incarnatum*, colligimus Christum, ubicumque sit, esse adorandum; aut dum ex hoc principio naturaliter noro, *Quod tibi non vis fieri, alteri ne feceris*, colligimus non esse furandum, non esse mœchandum, &c.

Nota 2. Conscientiam dici moraliter certam, quando oritur ejus certitudo ex principiis absolute quidem fallibilibus, sed ut plurimum certis & raro fallibilibus; quæque viros prudentes movere solent, ut certum ac firmum ferant iudicium. Quæ certitudo toties occurrit, quoties in praxi prudenter & firmiter judicamus, actum quem elicimus, esse legi conformem.

Sic iudex, qui ex actis Notarii publici, &

jurati judicat, conscientiam habet moraliter certam; quia licet absolute Notarius quatenus homo possit fallere, ex eo tamen quod sit Notarius publicus, & juratus, moraliter præsumitur non mentiri: sique viri prudentes de hujusmodi actis judicare solent, quandiu non constet de eorum fallitate.

Prob. itaque propositio 1. ex Scriptura. At Apostolus ad Rom. 14. v. 5. Unusquisque in suo sensu abundet, hoc est, uti explicat Glossa, agat secundum suam conscientiam, vel ut explicat Ambr. quisque suo remittatur consilio; in his scilicet quæ obscura sunt, modo, ut monet Leo Papa distinct. 14. Can. Sicut quædam, in his quæ dubia sunt aut obscura, id non verum sequendum, quod nec præceptis evangelicis contrarium, nec decretis sanctorum Patrum invenitur adversum.

2. Ex D. Th. 1. 2. q. 96. a. 1. ad 3. Non est eadem certitudo querenda in omnibus Unde in rebus contingentibus, sicut sunt res naturales, & res humane, sufficit talis certitudo, ut aliquid sit verum, ut in pluribus, licet interdum deficiat in paucioribus: & q. 105. a. 4. ad 8. sic habet: Dicendum, quod in negotiis humanis non potest haberi demonstrativa probatio & infallibilis, sed sufficit aliqua conjecturalis probabilitas, secundum quod Rethor persuadet; & ideo licet sit possibile duos aut tres testes in mendacium convenire, non tamen est facile nec probabile, quod conveniant; & ideo accipitur eorum testimonium tamquam verum. Ergo ut conscientia sit morum regula sufficit quod sit moraliter certa.

3. Ex D. Antonino 1. P. T. 3. cap. 10. §. 10. in fine. Certitudo, quæ requiritur in materia morali, non est certitudo evidentie, sed probabilis conjecturæ Disciplina optima est in unaquaque re certitudinem querere juxta exigentiam materiæ; æque enim vitiosum est persuadentem querere mathematicum, & moralem demonstrantem; non enim conjungitur certitudo moralis ex evidentiæ demonstrationibus, sed ex probabilibus conjecturis, grossis, figurabilibus, magis ad unam partem quam ad aliam se habentibus. Dicitur autem probabile, quod pluribus & maxime sapientibus apparet verum. Ex his igitur sequitur, quod in humanis agilibus, quæ tantam habent varietatem, teste Aristotele & experientia, sufficit talis certitudo, quæ non semper scrupulos omnes abijciat, sed sufficit, ut contemnat seu superet eos Ista autem certitudo moralis colligitur vel ex alterius auctoritate vel ex propria eruditione vel ex circumspessione circumstantiarum. Ergo ut conscientia sit morum regula, non est necesse quod sit metaphysice certa.

3. *Res.* Impossibile est, ut in omnibus vitæ nostræ actionibus certitudinem habeamus metaphysicam, quod sint legi conformes: ergo sufficit quod habeamus certitudinem moralem; neque enim Deus impossibilia nobis præcipit. Unde merito damnata est a Clero Gallic. hæc propositio tanquam erronea: *Non licet sequi opinionem vel inter probabiles probabilissimam*, qua scilicet innuebatur, solam evidentiae certitudinem esse tutam morum regulam.

Confessoria hujus Doctrinæ.

Confess. 1. Non peccat fideles, qui nullius lethalis culpæ sibi conscii bona fide Sacramenta recipiunt, quæ statim gratiæ requirunt; licet enim certitudinem non habeant evidentiae, quod sint in statu gratiæ, moraliter tamen certi sunt, ubi conscientia nihil remordet, sed bonum testimonium reddit. Idemque dicendum de Sacerdotibus, qui cum eadem certitudine, quod sint in statu gratiæ, vel Missam celebrant, vel Sacramenta fidelibus conferunt. Ita Gersonius de contrahibus proposit. 13. circa medium. *Probabilis*, inquit, *certitudo sufficit in moralibus, ut non exponat se quis periculo, ut dicunt Doctores de celebrante Missam & similibus, ubi requiritur status gratiæ, quod sufficit ad hoc probabilis conjectura; quia certitudo alia sine revelatione non habetur.*

Confess. 2. Non peccat Minister poenitentiae, qui poenitentibus absolutionem impartitur, ubi, habita ratione omnium circumstantiarum, prudenter judicat, eum sufficientem habere de peccatis suis dolorem; licet enim absolute fieri possit, ut poenitens dolorem simulet, poenitenti tamen credendum est, quando nullus occurrat dubitandi locus, quod mentiatur; neque enim Sacerdos aliam in tribunal poenitentiae certitudinem habere potest.

Confess. 3. Non peccat Judex ubi ex depositione duorum testium, aut ex actis publicis judicat, quamdiu nihil est quod testium aut instrumentorum fidem destruat: licet enim, ut supra diximus, & falsi testes, & falsa instrumenta esse possint, iudici tamen sufficit certitudo, quæ ex depositione testium, aut ex actis publicis oritur, quia scilicet alia in rebus civilibus, ut plurimum haberi non potest.

Confess. 4. Non peccat qui in dubio salutis Pastorem suum, vel Confessarium consuluit, quem virum prudentem, ac satis eruditum existimat, si Pastoris sui, vel Confessarii iudicium seu decisionem sequatur. Tunc enim

Pastoris, vel Confessarii autoritas reddit eum moraliter certum de re, de qua antea dubitabat. Deinde sincere facit quod in se est, ut veritatem agnoscat, ac proinde immunis a peccato censi debet. Adde, quod si hæc certitudo non sufficeret, rusticis, & alii omnes rudiores, ac præsertim mulierculæ numquam fere in tuta conscientia esse possent. Neque enim vulgo alios consulere possunt, quam Pastores, & Confessarios; dum dubiis exagitantur. Denique Deus in Scriptura mittit nos ad Pastores, ut in dubiis nostris nos instruant. Et certe si rusticus prudenter facit, si credat quod ei Parochus credendum proponit: quidni igitur prudenter faciet in materia morum, si ex consilio & autoritate ejusdem Parochi operetur?

Mon. Observa tamen non immunem fore a peccato eum, qui Parochi, aut Confessarii sui iudicium sequitur, quando legi non est conformis, si consulens bona fide non agat, & cum sincera veritatis cognoscendæ voluntate. Ut autem bona fide agat, requiritur 1. Ut credat Confessarium esse latis peritum, & pium. 2. Ut Doctores non quærat, quos sciat laxiorum opinionum esse sectatores. 3. Ut cum fundamento non suspicetur acceptam a Parocho, vel Confessario decisionem, contrariam esse rectæ rationi, vel doctrinæ a sanctis Patribus vel a gravioribus Doctoribus traditæ.

Ex quo intelligitur, eum, qui aliquando tuta conscientia decisionem sui Confessarii secutus est, teneri sub pœna peccati conscientiam, & agendi rationem mutare, aut saltem quæstionem melius explorare, statim atque vel ex lectione facta, vel ex concione audita, vel aliunde, justum habuit fundamentum suspicandi, decisionem acceptam non esse cum lege consentaneam; tunc enim ejus conscientia desinit esse moraliter certa, & formidinem non excludit partis oppositæ. v.g. Petrus audit a suo Confessario, vel Parocho, se in talibus circumstantiis licite posse exigere *interesse*, ut dicunt, ex mutuo quod alteri tradidit; deinde vero ab alio audit, se in iisdem circumstantiis nullatenus posse præfatum *interesse* tuta conscientia accipere propter rationes, quæ ipsi explicatæ, graves sibi apparent. Petrus hucusque bona fide agendo non peccavit huiusmodi *interesse* accipiens; immo non teneretur ad restitutionem illius, quod cum tali bona fide consumpsit; sed tamen teneretur hic & nunc propter subortam suspensionem sine negligenti mora examinare, an re ipsa licite possit idem *interesse* exigere. Quod si ex rationibus recenter ipsi exhibitis judicaverit huiusmodi *interesse* illicitum esse, peccabit impositum.

sterum, si priori decisioni velit adherere. Verum de his fusius in sequentibus capitibus, ubi de conscientia dubia, probabili, & scrupulosa acturi sumus.

CAPUT III.

De Conscientia dubia.

Nota 1. Conscientia dubia, ut diximus, est suspensio iudicii de bonitate, aut malitia operis hic & nunc agendi, quæ oritur ex eo, quod mens utrimque rationes vel æqualiter validas, vel æqualiter ambiguas deprehendat, & qua fit, ut in unam potius partem quam in aliam non inclinet; hoc est, incerta sit, licitum ne sit, an illicitum opus, quod hic & nunc agendum occurrit.

Nota 2. Qui conscientiam habet dubiam, vel actionem potest differre, vel agendi necessitate premittitur: quid in utroque illo dubitantis conscientie statu agere nos conveniat, duobus articulis explicabimus.

ARTICULUS I.

Quid agendum sit in dubio, ubi actio differri potest.

Prop. 1. Qui conscientiam habet dubiam, debet abstinere ab actione, si agendi necessitate non prematur, & peccat si alterutrum eligat, priusquam dubium deponatur.

Prob. 1. Ex Scriptura. Ait Apostolus 1. ad Corinth. cap. 8. v. 7. *Quidam cum conscientia usque nunc idoli quasi idolotyrum manducant: & conscientia eorum cum sit infirma, id est, dubia, celsipitans, non plene instructa, ut exponunt interpretes, polluitur: Ergo peccat qui agit ex conscientia dubia.*

2. Ex Clero Gallicano an. 1700. in regula de probabilium usu. *Neque, inquit, Gallicani patres, quisquam in dubio salutis ad actum proficiat, nisi ipso dubio, non ad nutum voluntatis, aut ex cupiditatis instinctu, sed ex recta ratione, deposito, dicente Scriptura: Rationabile obsequium vestrum; & iterum: Sapiens timet & declinat a malo, stultus transibit & confidit. Postremo audiatur Apostolicum illud: Omnia probate, quod bonum est tenete; & iterum: Omne quod non est ex fide, id ex conscientia fit ex persuasionem, peccatum est. Denique testimonium reddente illis conscientia ipsorum, non aliorum utique, sed ipsorum & sua.*

3. Ex S. Antonin. 1. P. tit. 3. cap. 10. §. 10. *Qui agit scienter id, de quo dubitat esse mortale, permanente dubitatione, mortaliter peccat,*

etiamsi illud in se non esset mortale, sumendum proprie & stricte dubitationem, prout rationes sunt æque ponderantes ad utramque partem, nec magis declinat quis ad unam partem, quam ad aliam.

4. Rat. Non licet in actum erumpere, nisi firmus moraliter certi bonum esse opus, quod elicimus, ut supra ostensum est: ergo stante dubio non licet in actum erumpere, ubi agendi necessitate non urgemur.

Deinde peccat ille haud dubie, qui libere, & sponte peccandi periculo se exponit: atqui ille, qui, dum nulla adest agendi necessitas, erumpit in actum, de quo dubitat, an sit licitus, vel illicitus, sponte, & libere peccandi periculo se exponit, si forte illicitus sit actus, quem elicit: ergo in dubio salutis non licet in actum erumpere, nisi prius dubium deponatur. Quod quidem rectæ rationi adeo congruum est, ut ab ipsis paganis ignoratum non fuerit. *Bene præcipiunt, inquit Cicero lib. 1. off. qui vetant quidquam agere, quod dubites æquum sit, an iniquum.*

Confessaria hujus Doctrinae.

Confess. 1. Peccat Confessarii, & Doctores, seu casuum conscientie arbitri, ubi poenitentibus, aut consulentibus respondent aliquid esse licitum, dum dubitant, an idem sit illicitum.

Sic peccaret Doctor, aut Confessarius, qui dubitans, an talis contractus sit usurarius, eum non esse usurarium, poenitenti responderet.

Sic peccaret quoque Doctor, vel Confessarius, qui dubitans, an sufficiat ad sanctificationem festorum, Missæ tantum sacrificio adesse, responderet consulenti, aut poenitenti, id sufficere, & reliqua pietatis officia posse diebus festis citra ullum peccatum omitteri.

Confess. 2. Peccat Sacerdos, qui dubitans, an sit in peccato mortali, quamvis habeat copiam Confessarii, Missam celebrat sine confessione præmissa, licet agendi necessitate non urgeatur; periculo enim se exponit infringendi legem a Tridentino latam, qua hujusmodi confessio præcipitur.

Confess. 3. Peccat poenitens, qui dubitans, an sufficientem habeat contritionem, manente tali dubio, absolutionem sacramentalem recipit; periculo enim se committit reddendi Sacramentum invalidum.

Confess. 4. Peccat omnes, qui in dubio salutis in actum erumpunt, ubi non adest agendi necessitas: v. g. qui retinet duas præbendas du-

dubitans, an id sit licitum, vel illicitum: qui non jejuna dubitans, an sit dies jejunii, aut manducat carnes dubitans, an sit dies abstinentiæ; hi enim omnes periculo se exponunt agendi contra legem.

Prop. 2. In dubio salutis dubium ipsum non ad nutum voluntatis, aut ex cupiditatis instinctu, sed ex recta ratione deponi debet.

Prob. 1. Scriptura. *Rationabile*, inquit Apostolus, *objequium vestrum*: Ergo ubi de dubio salutis agitur, recta ratione nos duci æquum est, non voluntatis nutu, aut cupiditatis instinctu.

2. Ex Clero Gallicano an. 1700. ubi nostra propositio verbis expressis asseritur loco in præcedenti propositione allegato, & in cuius probationem citatur præfatus Apostolus locus.

3. *Rat.* In dubio salutis, qui dubium non ex recta ratione, sed ad nutum voluntatis, aut ex cupiditatis instinctu deponit, nequit esse moraliter certus, bonum esse quod eligit; neque enim voluntas, aut cupiditas rectæ operationis sunt regula, sed potius ad peccatum sollicitant: concupiscentia quippe & a peccato est, & ad peccandum inclinatur, ut tota docet traditio: ergo in dubio salutis, dubium ipsum non ad nutum voluntatis, aut ex cupiditatis instinctu, sed ex recta ratione deponi debet. Recta autem ratio ea censi debet, quæ per seidem est illuminata: ut satis in primo tractatu explicuimus.

Conseſſaria hujus Doctrinæ.

Conseſſ. 1. Conscientia *speculative*, id est in genere dubia, an aliquid sit licitum, vel illicitum, non potest *prædicere*, hoc est hic & nunc in praxi fieri certa, licitum esse idem obiectum per solum imperium voluntatis & per propriam determinationem. Primo enim dubium non potest tolli nisi per novam lucem rationi advenientem, quæ mentis æquilibrium tollat: unde qui versans in dubio *speculativo*, judicat *prædicere* in favorem sui, factum hic & nunc sibi esse licitum abique nova ratione superveniente, non tollit dubium suum, sed quærit excæcare sese, ut sine conscientia remorsu agere possit quod ex cupiditate appetit. Deinde docet recta ratio, impossibile esse, ut quis conscientiam habeat *speculative* dubiam, & *prædicere* certam de eodem facto secundum easdem circumstantias sumpto. Qui enim certo judicat *prædicere* factum illud sibi esse licitum, necesse est, ut judicet idem factum in iisdem circumstantiis esse semper licitum: & viceversa, si dubitet *speculative*,

an tale factum in talibus circumstantiis possit esse licitum, necesse est ut dubitet *prædicere*, an idem factum in iisdem circumstantiis hic & nunc possit sibi esse licitum, nisi saltem adveniat nova ratio, quæ dubium tollat. Verum si ea ratio tollat dubium *prædicativum*, tollit etiam & *speculativum* respectu ejusdem actus.

Sic, si quis dubitet *speculative*, an liceat pro conservanda vita exterius negare Deum, cum urget tyrannus, non potest esse certus *prædicere*, licitum sibi esse pro conservanda vita falsam religionem exterius fingere; quod si forte judicet talem fictionem esse licitam, illud judicium oritur ex inordinato amore mortalis hujus vitæ, & proinde peccat tale judicium terens.

Sic, si quis dubitet *speculative*, liceat ne æquivoce jurare, cum compellitur a iudice iuramentum præstare; ille idem non potest sibi fingere licitum esse, æquivocationem iuramento admiscere; quod si ita judicet, illud judicium ex cupiditate oritur, & non ex recta ratione; & proinde peccat tale judicium sequens.

Conseſſ. 2. Dum agitur de deponendo dubio, sinceram debemus habere inveniendæ veritatis intentionem; primo enim id recta ratio suadet, deinde ad illud nos invitat Scriptura, *Prov. 2. v. 2. Inclina cor tuum ad cognoscendam prudentiam*; & *Eccl. 32. v. 19. Qui quærit legem, replebitur ab ea, & qui insidiosè agit, scandalizabitur in ea.*

Conseſſ. 3. In dubio salutis constituti debemus ad Deum preces sedulas fundere; primo enim recta ratio docet, Deum totius veri luminis esse fontem, unde a Jacobo *Pater luminum* dicitur; secundo, ad illud nos hortatur Scriptura *Eccl. 37. v. 19. Deprecare Altissimum, ut dirigat in veritate viam tuam*, & Jacobus *cap. 1. v. 5. Si quis vestrum, inquit, indiget sapientia, postulet a Deo, qui dat omnibus affluenter, & non impropere, & dabitur ei.*

Conseſſ. 4. In dubio salutis, non negligent, sed sedulo curare debemus, ut veritatem agnoscamus: primo enim postulat recta ratio, ut in negotio salutis non minorem adhibeamus curam, quam in negotiis temporalibus; secundo, his solum Scriptura promittit sapientiam, qui sedulo eam quærunt, juxta illud *Prov. c. 2. v. 4. Si quæseris eam, sapientiam, quasi pecuniam, & sicut thesauros effoderis eam; tunc intelliges timorem Domini, & scientiam Dei invenies.*

Conseſſ. 5. In dubio salutis aliorum consilio uti maxime expedit: primo enim docet recta ratio; ut sicut dum agitur de re tem-

CAPUT IV.

Quid agendum sit in dubio salutis, dum urget agendi necessitas.

Prop. 1. In dubio salutis, dum urget agendi necessitas, tutior pars est eligenda in foro conscientiz, & extra materiam iustitiz commutativæ.

Prob. 1. ex Scriptura, Eccli. 21. v. 2. Quasi a facie colubri fuge peccata: & si accesseris ad illa, suscipient te. Dentes leonis, dentes ejus interficientes animas hominum, quasi rhombæa bis acuta omnis iniquitas. Ergo sicut dum occurrit coluber, vel leo, aut imminet gladius, tutius eligimus, ita & dum periculum est, ne incidamus in peccatum, tutius debemus eligere, dicente præsertim Scriptura: Qui amat periculum, peribit in illo.

2. Ex innumeris Canonibus, ubi assertio nostra expresse traditur. Cap. Ad audientiam, extra de homicidio voluntario, & casuali, sic habetur: Cum in dubiis semitam debeamus eligere tutiorem, vos convenit &c. Cap. Significasti eodem titulo, & cap. Illud extra de Clerico excommunicato ministr. sic habetur: In dubiis via tutior eligenda, etsi delata, &c. Ergo.

3. Ex Aug. qui lib. 2. de baptis. cont. Donatist. c. 3. de Donatista loquens, qui dubitabat, an licite apud Donatistas baptismus susciperetur: Si dubium, inquit, haberet, non illic recte accipi quod in Catholica recte accipi certum haberet, graviter peccaret in rebus ad salutem animæ pertinentibus, vel eo solo, quod certis incerta proponeret: Ergo in dubiis tutior pars est eligenda: unde illud juris axioma sumptum ex Aug. Tene certum & dimitte incertum.

4. Ex Clero Gallicano an. 1700. in regula de probabilium usu, ubi ante omnia præcipiunt Gallicani Præsules: Ut in dubio de salutis negotio, ubi æqualia utrimque animo sese offerunt rationum momenta, sequamur id quod tutius, sive quod est eo in casu unice tutum; neque id consilii, sed præcepti loco habeamus, dicente Scriptura: Qui amat periculum, in illo peribit.

5. Rat. Qui in dubio salutis tutiorem partem non eligit, non est moraliter certus, actionem, quam elicit, esse legi conformem; sed potius manifesto peccandi periculo se exponit, cum incerta certis præponat: Ergo in dubio salutis non licet in actum erumpere, nisi partem eligamus tutiorem.

Deinde non minore debemus adhibere

temporanea, quæ gravis est momenti, propriæ sapientiæ non acquiescimus; ita & dum agitur de salutæ æternæ, aliorum consilium non negligamus: deinde verum omnino est quod vulgo dicitur: Unumquemque in rebus suis cæcure, & alios licet vel minus eraditos videre clarius: unde illud Sapientis Prov. 3. v. 7. Ne sis sapiens apud te ipsum: & illud Christi: Quid autem vides festucam in oculo fratris tui, & trabem in oculo tuo non vides?

Consect. 6. In capellendo consilio, non quoscunque, sed eos, quos novimus & doctiores, & sanctiores, debemus adire: doctiores quidem; si enim suadente ratione doctiores Medicos, & Jurisperitos consulimus, quidni doctiores Theologos consulamus? præsertim dicente Christo: Si cæcus cæco ducatur præfret, ambo in foveam cadunt: sanctiores vero; cum enim, teste Scriptura Sap. 1. v. 11. in malevolam animam non introcat sapientia Dei; a probo potius quam improbo expectandum est consilium æquum, juxta illud Eccli. c. 7. v. 1. Anima viri sancti enuntiat aliquando vera potius quam septem circumspectores sedentes in excelso ad speculandum.

Consect. 7. Qui consilium petit, debet se bona fide gerere, & nihil ei quem consulit dissimulare. Primo enim, sicuti Medicis & Jurisperitis omnia sincere aperimus, si decipimus; ita & in negotio salutis Doctoribus, quos adimus, res sincere est declaranda, si in errorem induci nolumus. Deinde periculum est, ne in præsimulationis nostræ permittat Deus, ut Doctores falsa nobis respondeant, juxta illud Ezech. c. 14. v. 4. Qui posuerit immunditias in corde suo, & scandalum iniquitatis sue statuerit contra faciem suam, & venerit ad Prophetam interrogans me per eum: ego Dominus respondebo in multitudine immunditiarum.

Consect. 8. Peccant qui in dubio salutis varios Doctores adeunt, donec invenerint aliquem, qui cupiditati blandiatur; & sunt e numero eorum, quos Isaias cap. 30. v. 10. sic loquentes inducit: Loquimini nobis placentia, evadentes nobis errores: & de quibus Paulus 2. ad Timoth. c. 4. v. 3. ait: Concervabunt sibi magistros, prurientes auribus, & a veritate quidem auditum avertent, & fabulas autem convertentur: eos enim ex cupiditatis instinctu, non ex recta ratione, dubium depingere certum est.

cautionem, & prudentiam in negotio salutis nostræ, quam in negotiis nostris temporalibus, & ad vitandam jacturam bonorum, aut infamiam, aut ægritudinem, vel mortem: Atqui nemo est adeo imprudens, qui in dubiis, dum versatur in aliqua ancipiti occasione, ubi periculum est perdendi vel fortunam, vel famam, vel vitam, non eligat partem tutiorem: quis enim mercator, v.g. hic conditionibus societatem inire, quas noxias magis, quam utiles judicat? quis escam eligit, quam suspicatur veneno infectam, ubi integra & veneni experte vesci potest? quis viam ingreditur a prædonibus obsitam, aut præcipitiis periculofam, dum tutam ingredi potest? Ergo a fortiori in dubio salutis, viam debemus eligere tutiorem, cum, ut ait Aug. *numquam latius magna est securitas, ubi periclitatur æternitas.*

Confessaria hujus Doctrinæ.

Confess. 1. Prædicta juris regula, *In dubiis tutior pars est eligenda*, strictum est præceptum, non consilium. Primo enim, verba, quibus in jure canonico exprimitur, non merum consilium, sed strictum præceptum important; sic enim loquuntur canones: *Via tutior est eligenda, pars securior est tenenda, semitam debemus eligere tutiorem.* Secundo, sic docet Aug. qui, ut modo dictum est, asserit, eum qui *incerta certis præponis, peccare graviter... certum admittere peccatum.* Tercio, sacri Canones pœnam his infligunt, qui hujusmodi regulæ non obtemperant, ut patet ex cap. *Illud* de Clerico excommunicato ministrante, ubi jubetur deponi Episcopus, qui in dubio, an esset excommunicatus, a Sacris non abstinuerat. Denique verbis expressis sic statuit Clerus Gallicanus an. 1700. ut patet ex loco in probationibus allegato.

Confess. 2. Prædicta juris regula, *In dubiis tutior pars est eligenda*, locum habet non tantum in dubio facti, sed etiam in dubio juris; hoc est, non tantum cum quis dubitat, an actum fecerit, quem constat esse illicitum; sed etiam dum dubitat, an actus eliciendus licitus sit, nec ne: generaliter enim faciunt Canones in dubiis tutiorem partem esse eligendam, immo speciatim in dubiis juris idem decernunt, ut patet ex c. *Illud* de Clerico excommunicato ministrante, ubi in dubio juris, an sententia a delegato, non præmissa monitione, & ante intimationem, liget, nec ne, deciditur tutiorem partem esse eligendam; & Episcopus, qui in tali dubio a Sacris non abstinuerat, jubetur deponi,

ut modo diximus. Et clarius etiam ex Clement. *Exivi*, de verborum significatione: ubi nempe in questione *meri juris*, an Fratres Minores teneantur sub præcepto mortalis peccati ea obviare, quæ B. Franciscus in sua regula verbis imperativis expressit, deciditur, partem tutiorem esse tenendam his verbis: *Ad vitandos graves remorsus conscientie, pars securior est tenenda.*

Confess. 3. Peccat qui postquam duas opinioniones oppositas ponderavit, dubius manet utra verior sit, si non amplectatur eam, quæ tutior est; vel ut illam doceat, si sit Professor: vel ut secundum illam pœnitentium conscientiam regat, si sit Confessarius; vel demum ad ejus normam propriam agendi rationem instituat.

Confess. 4. Peccat peccato sacrilegii, qui dubitans, an confessus sit peccatum aliquod mortale, quod certe cognoscit se commississe, si illud peccatum non confiteatur: idemque esto judicium de eo, qui dubitans, an pœnitentiam sibi a Confessario injunctam impleverit, eam non exequitur; uterque enim tutiorem partem in dubio non eligit.

Confess. 5. Peccat ille, qui dubitans, an incidit in excommunicationem, aut irregularitatem, non se gerit ut excommunicatus, aut irregularis, adeoque non cessat a divinis, donec absolutionem, dispensationemve impetraverit: quia in dubio tutiorem partem non eligit.

Confess. 6. Peccat Clericus, Monachusve, qui tenetur recitare horas Canonicas, si dubitans, an aliquam officii divini partem omiserit, eam non recitat: tunc enim tutiorem partem non eligit.

Confess. 7. Peccat qui dubitans, an aliquod sit impedimentum dirimens ad matrimonium, quod contrahere meditatatur, si, stante illo dubio, matrimonium illud ineat absque dispensatione obtena: quia tutiorem partem non eligit.

Confess. 8. Peccat ille, qui dubitans, an votum valide emisit, non exequitur votum, aut saltem dispensationem non postulat (quæ in tali casu, ab Episcopo concedi potest cum votum sit dubium) quia tutiorem partem non eligit.

Confess. 9. Peccat ille, qui dubitans, an revera peccatum aliquod mortale commiserit, v.g. pravæ alicui cogitationi, aut libidinoso cuidam carnis motui consenserit; aut dubitans, an peccatum illud, quod certo scit se commississe, sit mortale vel veniale, non declarat utrumque in confessione, non quidem tamquam certum, sed tamquam

quam dubium; quia in neutro casu sequitur partem tutiorem.

Mon. Dixi in præcedenti propositione: In dubiis tutiorem partem esse eligendam in foro interno, & extra materiam iustitiæ commutativæ; quia, dum agitur de materia iustitiæ commutativæ, immo & in foro externo, secundum aliam juris regulam est judicandum, uti duabus sequentibus propositionibus explicamus.

Prop. 2. Dum agitur de materia iustitiæ commutativæ, seu de obligatione, qua quis tenetur alteri quidpiam solvere, aut restituere, in dubiis melior est conditio possidentis, si post sufficientem diligentiam, ut detegatur veritas, res maneat dubia.

Prob. 1. Nemo a se ipso deici debet possessione legitima; tamdiu enim id quod possidemus censendum est nostrum, quamdiu non constat illud esse alienum: Ergo nemo tenetur ad aliquid alteri restituendum, vel solvendum, nisi constat hoc illi esse debitum; sed in dubiis illud non constat: ergo in dubiis nemo tenetur id, quod bona fide possidet, alteri tradere.

2. Si in materia iustitiæ commutativæ tutior pars esset eligenda, dum res dubia est, sequeretur, quod intali hypothesi unus tenetur solvere, quod alter non potest accipere: exempli causa, supponamus dubium esse, an Petrus Joanni aliquid restituere debeat, in eo casu tenetur Petrus restituere; quia hæc pars est illi tutior; Joannes vero teneretur non accipere: quia hæc pars sibi tutior est: absurdum consequens: ergo & antecedens.

3. Quando rationes æquales pugnant pro creditore simul ac debitore, tunc possessio questionem dirimit, probabilisque sit, rem esse possessoris; unde non peccat possessor, sit in sui favorem judicet; possessio enim reddit eum moraliter certum, quod res, alioquin dubia, sua sit.

Dixi, si post sufficientem diligentiam res maneat dubia; quia possessor, priusquam in sui favorem judicet, sufficientem debet adhibere diligentiam, ut rei veritatem, quantum potest, detegat; alioquin enim peccandi periculo sponte se exponeret, retinendi nimirum alienum, neque moraliter esset certus, rem, quam retinet, esse suam.

Consect. Hinc intellige, quod si dubites, an prædium, quod possides, tuum sit, an alienum, vel utrum damnum alteri creaveris, nec ne; teneris quidem, quantum potes, rei veritatem explorare: sed si, adhibita diligentia sufficienti, una pars generatim non appareat probabilior quam altera, tunc

in tui favorem judicare licite potes, & nihil alteri restituere, aut solvere; quia scilicet possessio tibi favet, & dubium dirimit.

Monit. Verum adverte, possessorem non semper eum esse dicendum, qui rem detinet; sed eum pro quo præsumptio stat. Præsumptio autem censetur stare pro illa parte, quæ in foro externo potest ad aliam onus probandi transferre.

Sic, v. g. si certus quidem sis, te damnum intulisse, aut mutuum accepisse; dubites autem, an damnum resarciaris, vel mutuum perfolveris; teneris damnum resarcire, & debitum solvere; possessio enim pro creditore stat, & præsumptio contra te pugnat; ex quo enim constat te aliquid debere, tamdiu teneris solvere, quamdiu non probas te solvisse.

Prop. 3. In foro externo iudex tenetur ferre sententiam secundum hanc juris regulam: In dubiis melior est conditio possidentis.

Prob. 1. Ex hac juris regula: cum sunt paritum jura obscura, reo favendum est potius quam actori: Ergo in dubiis iudex sententiam ferre debet in favorem possessoris; reus enim censetur possessor illius rei, quam ab eo actor exigit.

2. *Rat.* Nemo a sua possessione deici debet, quamdiu non constat illud, quod possidet, esse alienum: ergo iudex in dubiis tenetur ferre sententiam in favorem illius, pro quo stat possessio; quamdiu enim dubia est res, non constat rem possessoris esse alienam.

Denique tutior & probabilior pars stat pro possessore in dubiis, cum pro eo stet præsumptio: ergo in dubiis sententiam ferre debet iudex in favorem possessoris.

Conseclaria hujus Doctrinae.

Consect. 1. In dubiis, an homo sit excommunicatus, irregularis, aut suspensus, in foro externo pro non excommunicato, irregulari, aut suspenso habendus est. Possessio enim, & præsumptio stant pro immunitate a censura, cum ille, qui in iudicium vocatur ut excommunicatus, possit ad actorem onus probandi transferre. Secus vero judicandum est in foro interno, & in tribunali poenitentiae, ut supra explicuimus; quia ut tutiorem partem sequatur, qui dubitat, an sit excommunicatus, debet se gerere ut excommunicatus.

Consect. 2. Si constet, aliquem fuisse valide excommunicatum, dubium vero sit, an fuerit absolutus; tunc etiam in foro externo, ut non absolutus habendus est; quia

scilicet præsumptio illi adversatur, & possessio stat pro excommunicatione: si enim constet de censura valide inflicta, illius minus est probare sublatam esse censuram; alioquin semper præsumetur, quod eadem censura irretitus permaneat, juxta hanc juris regulam: *Semel malus semper censetur malus, donec probetur esse non malus.*

Quæres, cur illud axioma, Melior est conditio possidentis, generaliter non admitatur etiam in foro conscientie.

R. Prædictum axioma ideo in foro conscientie ad materiam iustitiæ commutativæ restringi, quia in ea solum materia certitudinem moralem habere possumus, licitam esse partem, quam sequimur, etsi tutiorem non eligamus; quia scilicet, ut diximus, possessio quæstionem dirimit, & dubium tollit.

Deinde dici etiam potest, illud esse discrimen inter forum internum & externum, quod externum intendat poenam, internum vero hominis nocentis emendationem, & sanctificationem; quæ quidem res odiosa non est, quæ restringi debeat, sed favorabilis, quæ, quantum potest, debet assecurari; ac proinde in foro interno tutiori parti est ad hærendum.

Denique, præfatum axioma generaliter etiam ad forum internum transferri poterit, modo possessio supponatur stare semper pro lege, adeo ut id sequamur, quod legi favet, non nostræ libertati; revera enim possessio pro lege stare debet, cum lex, utpote æterna, vim habeat antequam homines libertatis suæ possessione fruantur: in quam sententiam recte Vasquezius 1. 2. disp. 65. §. Nec potest quis, inquit, contra Deum opponere, quod melior sit conditio possidentis: & sane quis imaginari unquam poterit, Deum litigare & contendere nobiscum de anterioritate, aut posterioritate possessionis, quinimmo succumbere in causa, si nostra possessio anterior sit?

Prop. 4. In dubiis; si nulla pars tutior videatur, sed utraque periculosa appareat; hoc est, si conscientia æquale periculum infringendi Dei legem advertat, aut in actu, aut in omissione actus; voluntas in his angustiis constituta, si urgeat agendi necessitas, præmissa divini luminis invocatione, eligere debet actum, qui minus cupiditati favebit, aut juri proximi favorabilior erit.

Prop. Voluntas in prædicto casu ad eam partem debet se determinare, quæ minus periculosa est: atqui voluntas id amplectetur, quod minus est periculosum, si partem sequatur, quæ suæ minus favet cupiditati, aut

juri proximi favorabilior est; tunc enim, quantum in se est, peccandi periculum a se amovebit: ergo, &c.

Confessaria hujus Doctrinæ.

Confess. 1. Si dubitet mulier de matrimonii sui validitate, non potest quidem debitum petere, sed illud teneatur reddere viro, cui periculum est valere huiusmodi matrimonium; alioquin in dubio, aut partem sequeretur, quæ cupiditati favet, si nimirum debitum peteret; aut partem omitteret, quæ juri proximi favet, si negaret: unde & Canones decernunt, ut debitum reddat, minime vero exigat. cap. *Inquisitori* de sententia excom. Cum conscientia pulsat animum, circa impedimentum aliquod matrimonii, ex credulitate probabilis & discreta, quamvis non evidenti & manifesta, debitum quidem reddere potest, sed postulare non debet, ne in alterutro vel contra legem conjugii, vel contra judicium conscientie committat offensam.

Confess. 2. Si puella dubitet, an die Dominica templum adire debeat ad audiendam Missam, an domi se continere ad impediendum, ne adolescens ipsam videat, quem scit ita sui amore flagrare, ut quotiescumque ipsam videt, desideria impudica concipiat, debet in eo casu omittere adire templum: sic enim partem sequeretur, quæ minus cupiditati favet, & proximo favorabilior est. Adde, quod in concursu duorum præceptorum, quorum alterum divinum est, alterum humanum, si utrumque observari nequit, divini parendum sit potius quam humano, ut in sequenti tractatu explicabimus. Ac proinde cum lege divina nobis prohibitum sit, ne proximo simus occasio peccandi, Missæ veto præceptum in die Dominica sit tantum Ecclesiasticum; in casu prædicto puella debet omittere Missam, ne præfato adolescenti sit offensiculo, præcipue si ipsa timeat, ne adiens consensura sit peccato.

C A P U T V.

De Conscientia probabilis.

Nota 1. Conscientia probabilis est iudicium de bonitate aut malitia operis hic & nunc agendi, sed infirmum & titubans, dubioque intermixtum; hoc est, conscientia probabilis iudicium est, quo mens non evidentibus quidem, sed tamen gravibus ducta rationibus, actum aliquem hic & nunc eliciendum licitum esse, vel illicitum pro-

pronuntiat; sed ita tamen, ut cum fundamento timeat, ne falsa sit conscientia quam sequitur. Sicut enim conscientia probabilis in hoc a dubia distinguitur, quod probabilis assensum præbeat, & uni parti adhæreat; dubia vero assensum cohibeat, & inter utramque partem suspensa maneat, quod, ut diximus, vel nulla menti occurrat, vel utrinque æquales rationes animo obversentur: ita & a certa conscientia in eo discernitur, quod probabilis conscientia incertum tantum, & infirmum assensum præbeat, & formidinem importet partis oppositæ; certa vero firmiter assentiatur, & formidinem excludat partis oppositæ. Ex qua conscientia probabilis definitione intelligi potest, eum, qui probabiliter tantum de bonitate, aut malitia operis alicujus judicat, ita se habere, ut licet uni parti adhæreat tanquam vero simili, absolute tamen incertus sit, an licitum sit, vel illicitum opus quod hic & nunc agendum est: unde D. Bernard. lib. 5. de considerat. cap. 3. *Opinio certi nihil habens, verum per verisimilia quærit potius quam apprehendit . . . Et hoc sciendum, quia opinio, si habet assertionem, temeraria est: fides si habet hesitationem, infirma est.*

Nota 2. Quod licet duæ sententiæ oppositæ non possint esse veræ, quia si una sit conformis objecto, necesse est, ut contradictoria eidem non sit conformis; duæ tamen sententiæ contradictoriæ possunt simul esse probabiles; immo si una sit tantum probabilis, opposita necessario probabilis esse debet. Si enim una propositio non appareat nisi probabiliter vera, ejus contradictoria non potest apparere nisi probabiliter falsa. Sic, si probabiliter tantum judicem, licitum esse plures habere præbendas, necesse est, ut probabiliter quoque judicem, illicitum esse plures habere præbendas, verum quo probabilior evadit una, tanto improbabilius evadit altera.

Ex quo intelligi potest, quod dum dicitur, opinionem probabilem gravibus rationibus niti, eo nomine non intelligendæ sunt rationes, quæ absolute & reipsa veræ sint; sed quæ a viris maturi judicii censentur veræ, quamvis falsæ esse possint: omnes enim fatentur opinionem probabilem posse esse falsam: immo e duabus propositionibus probabilibus, contradictorie oppositis, necesse est alterutram esse falsam.

Nota 3. Conscientia probabilis vel humana ratione, vel humana auctoritate nititur: si ex ratione humana petatur, dicitur probabilis *intrinsece*, & tanto major est probabili-

tas, quanto solidiores apparent rationes, quibus nititur: si in nuda Doctorum auctoritate fundetur, vel unus, vel plurimus, dicitur probabilis *extrinsece*, eaque probabilitas eo est major, quo potior habetur illius, cui creditur, auctoritas.

Nota 4. Conscientia, seu opinio probabilis, aliquando favet legi, aliquando libertati. Legi favet, quando asserit rem aliquam esse veritam, quæ forte lege non est vetita; libertati favet, quando asserit actum esse licitum, qui forte legi contrarius est. Sic opinio, quæ tutor est, favet legi; opinio vero, quæ minus tutor est, favet libertati; v.g. opinio hæc, licitum est habere plures præbendas, favet libertati; hæc vero, illicitum est habere plures præbendas, favet legi.

Nota 5. Conscientia, seu sententia probabilior, non est semper idem cum sententia tutiore, seu cum ea, quæ nos magis a peccandi periculo removet; multa enim tutiora sunt, quæ tamen minus probabilia videntur: ut patet de opinione, quæ docet, hominem, qui mortaliter peccavit, teneri statim confiteri; hæc enim opinio tutior est, & tamen a D. Thom. minus probabilis judicatur.

Nota 6. Opinionem probabilem posse modo triplici comparari, ac 1. quidem, Cum opposita æqualiter probabili, sed non æqualiter tuta. 2. Cum opposita minus probabili, & minus tuta. 3. Cum opposita magis probabili, sed minus tuta.

Nota 7. Certum esse, & indubitatum apud omnes, licitum esse sequi semper opinionem, seu conscientiam probabilem, quæ favet legi; quia scilicet, qui sequitur conscientiam probabilem, quæ legi favet, nulli peccandi periculo se exponit, etsi forte falsa sit sua conscientia, seu etsi licitum sit quod reputat illicitum; ut patet in homine, qui abstinere a contractu quem probabiliter quidem, sed falso, ut supponitur, judicat esse usurarium.

Nota 8. Totam contröversiam circa conscientiam probabilem in eo versari, an licitum sit sequi opinionem quamcumque probabilem, quæ libertati favet, contra præceptum. Qui Probabilistæ dicuntur, seu probabilistis fautores, contendunt, opinionem probabilem, eo ipso quod est probabilis, proponi, & assumi posse tamquam tutam morum regulam: immo etsi agentis improbabili intrinsece videatur; modo graves auctores, immo vel unus, ut ajunt, eam probabilem existimant: quia scilicet, ut inquirunt, supponere quisque debet, quod difficultates, quas evadere non potest, facile

voleret Doctor, qui sententiam hanc probabilem pronuntiavit, utpote acutiori ingenio, præstantiorique doctrina pollens.

Ex quo principio inferunt, e duabus opinionibus æqualiter probabilibus, licere sequi eam, quæ libertati favet, & minus tuta est, immo & minus probabilem, minisque tutam in concursu probabilioris simul & tutioris. Quid de hujusmodi Probabilistarum placitis sentiendum sit, sequentibus articulis explicabimus, in quibus expendemus. 1. An probabilitas sit morum regula. 2. Quid in prædicto triplici opinionum probabilitum concursu agere nos conveniat.

ARTICULUS I.

An probabilitas sit morum regula.

Prop. unica. Sola probabilitas, seu opinio, vel conscientia probabilis libertati favens contra præceptum, non est morum regula.

Prob. 1. ex Scriptura. Ex Apostolo 1. ad Thessalon. cap. 6. v. 21. jubetur ab omni specie mali nos abstinere. *Omnia, inquit, probate, quod bonum est tenete, ab omni specie mala abstinete vos.* Atqui conscientia probabilis, quæ libertati favet contra præceptum, prout mere probabilis est, speciem habet mali; cum, ut patet ex prænotatis, ita nos ad assensum determinet, ut cum fundamentò timeamus, ne falsa sit conscientia, quam sequimur, seu legi contraria: Ergo sola probabilitas non est morum regula, seu non licet sequi conscientiam probabilem, quæ libertati favet contra præceptum, prout mere probabilis est.

2. Ex Aug. lib. 3. contra Academicos c. 16. ubi hocce Philosophorum illorum axioma: *Cum agit quisque, quod ei probabile videtur, non peccat, sic impugnatur: Id igitur audiens adolescens insidiatur pudicitie uxoris alienæ. Quid aliud dicturus es: quam non tibi esse probabile, ut id faciat adolescens? At illi probabile est; nam si alieno probabili vivimus, nec tu (Tullium alloquitur) debuisti administrare rem publicam, quia Epicuro visum est non esse faciendum; sed vos (Academicis loquitur) me jocari arbitramini. Libet deserere per omne divitum, nescire me propterea quomodo iste (adolescens adulter) peccaverit; si quisquis id egerit, quod probabile videtur, non peccat: & deinde non solum adulterium, sed & omnia scelera licita fore ostendit, si semel probabilitatis dogma admittatur. Taceo, inquit, de homicidiis, parricidiis, sacrilegiis,*

omnibusque omnino, quæ fieri, aut cogitari possunt flagitiis, & facinoribus, quæ paucis verbis, & quod est gravius, apud sapientissimos iudices defenduntur. Ergo si licitum sit, quod probabile videtur, nullum est crimen, quod exculari non possit.

Ex Cajetano V. Opinio: *In operandis nisi tutiorem partem eligendo, non licet opinionem cuiuscunque assumere ut regulam operis: quoniam ipso, quo operatio regulanda committitur opinioni, committitur regulæ ambiguae; quia opinio omnis ambigua est, utpote cum formidine partis oppositæ; & quia præsupponitur, quod non eligatur tutior pars, consequens est, ut operatio committatur regulæ ambiguae ad casum peccati, ac per hoc exponatur periculo peccandi, quod constat esse illicitum; & si de mortali agitur, constat esse mortale.*

Rat. Quod est indifferens ad veritatem, & falsitatem, non est morum regula; siquidem sola veritas per se est morum regula, & per accidens id quod inculpat & firmiter, hoc est, sine formidine partis oppositæ existimatur veritas, ut patet ex ante dictis: atqui conscientia probabilis libertati favens contra præceptum, prout mere probabilis est, indifferens est ad veritatem aut falsitatem; cum fatentibus omnibus opinio probabilis falsa esse possit; immo e duabus opinionibus probabilibus necesse sit, aliam esse veram, aliam falsam: ergo conscientia probabilis, quæ libertati favet contra præceptum, prout mere probabilis est, non est morum regula.

Deinde conscientia non est morum regula, nisi sit certa saltem moraliter de bonitate actionis, quam elicit, ut supra est demonstratum: atqui conscientia probabilis, quæ libertati favet contra præceptum, non est moraliter certa de bonitate actionis, quam elicit; siquidem, ut patet ex observatis, conscientia probabilis importat formidinem partis oppositæ, seu qui probabiliter tantum assentitur, is cum fundamento timet, ne falsa sit conscientia, quam sequitur, & absolute incertus est, licitus ne sit, an illicitus actus, quem elicit: ergo &c.

Denique, si sola probabilitas sive intrinseca sive extrinseca sit morum regula, nullum erit scelus, quod tuta conscientia patrari non possit. Quod enim est flagitium, cui ratio aliqua aut taltem Doctoris alicujus suffragium non patrocinetur, ut satis patet ex tot propositionum censuris, quas Doctores aliqui Catholici in medium protulerant, atque ut probabiles tuiti erant?

Confectura hujus Doctrinae.

Confect. 1. Hinc patet quam vanum sit & a vera Morali procul amandandum principium illud, quo statuitur, licere tuto sequi opinionem quamcumque probabilem, hoc ipso quod est probabilis sive intrinsece, sive extrinsece; quamque merito hæc propositio: *Generatim dum probabilitate sive intrinseca, sive extrinseca, quantumvis tenui, modo a probabilitatis finibus non exeat, confisi aliquid agimus semper prudenter agimus:* hac specia- li censura notata fuerit a Clero Gallicano ann. 1700. 2. 5. *Hæc propositio falsa est, temeraria, scandalosa, & perniciose: novam morum regulam, novumque prudentie genus, nullo Scripturarum, aut traditionis fundamento, cum magno animarum periculo, statuit.*

1. Enim si probabilitas sola non est morum regula, ut modo demonstravimus, quomodo quæcumque probabilitas, quantumvis minuta, morum regula esse poterit?

2. Omni probabilitati indiscriminatim ad hærerem, quid aliud est, quam contra præceptum Apostolicum: *Omni spiritui credere: omnique doctrinae vento circumferri;* & reclamante tota traditione, salutis viam arbitrariam facere; atque celobre illud Patrum effectum: *Quod ubique, quod semper, quod ab omnibus,* irritum reddere?

Confect. 2. Hinc etiam patet, non minus vanum esse alterum illud dogma, quo statuitur licere sequi opinionem, quæ vel uni Doctori probabilis videtur, etsi nobis improbabili- bus videatur, quamque merito ab eodem Clero Gallicano ibidem hac gravi censura notatæ sint duæ sequentes propositiones.

Ex auctoritate unius tantum potest quis opinionem in praxi amplecti, licet, a principis intrinsecis falsam, & improbabilem existimet.

Hæc propositio, Sexdecim ad probabilitatem requiruntur, non est probabilis. Si sufficiunt sexdecim, sufficiunt quatuor; si sufficiunt quatuor, sufficit unus... Ad probabilitatem sufficiunt quatuor: sed quatuor immo viginti & supra restantur unum sufficere: ergo sufficit unus. Quibus propositionibus hæc censura infligitur: *Hæc propositiones falsæ sunt, scandalosæ, perniciosæ: sprete veritate, quæstiones morum ad numerum auctorum exigunt, & innumeris corruptelis viam aperiunt.*

1. Enim si propria probabilitas per se non sit morum regula, quomodo alienum probabile, quod nobis improbabile videtur, recta agendi norma esse poterit?

2. Ad alienam probabilitatem contra pro-

priam conscientiam mores exigere, quid est aliud, quam illud Apostoli: *Quod non est ex fide, peccatum est:* aperte violare, & contra ipsam rationem id sequi, quod legi magis contrarium, quam conforme nobis videtur?

Denique, si semel admittatur illud principium, poterit quicumque tuto amplecti innumeras illas morum corruptelas, quas Doctores varii, ut probabiles tradiderunt, licet sibi improbables, immo & falsæ, ut revera sunt, videantur.

Confect. 3. Ubi occurrit sententia probabilis libertati favens contra præceptum, non licet secundum eam operari, nisi prius diligenter observatum fuerit, an opposita sententia sit æque vel magis vel minus probabilis.

1. Enim cum probabilitas per se non sit morum regula, dum occurrit aliquid probabile tantum, hoc est, quod importet formidinem partis oppositæ, necesse est, ut oppositam sententiam examinemus, ut scilicet eam eligamus, quam veritati magis consentaneam duxerimus, uti jubet Clerus Gallicanus in regula de probabilitum usu.

2. Qui meræ probabilitati statim acquiescit, non examinando sententiam oppositam, exponit se peccandi periculo, & in negotio salutis eam admittit negligentiam & imprudentiam, quam nemo in negotiis temporalibus patitur; quis enim est qui dum agit de conservandis bonis, fama, vita, meræ probabilitati statim acquiescat, & non prius diligenter exploret, an pars opposita sit convenientior?

Denique, qui sine prævio examine meræ probabilitate contentus in actum erumpit, levitatis reus est, quam reprobatur Scriptura his verbis: *Qui credit cito, levis corde est, & minorabitur.* Eccl. 19. v. 4. Et spernit illud Aug. monitum lib. 22. de civit. cap. 23. *Debemus esse continuis vigiliis accubantes, ne opinio vero-similis fallat, ne decipiat sermo versutus, ne se tenebræ alicujus erroris offundant, ne quod bonum est, malum aut quod malum est, bonum esse credatur.*

Cum autem peracto illo examine necessum sit, ut mens vel maneat suspensa æquali probabilitate hinc inde affecta, vel majorem probabilitatem simul & securitatem in alterutra ex oppositis opinionibus deprehendat, vel majorem quidem probabilitatem, sed minorem securitatem in una parte perscipiat; ideo quid in hoc triplici opinionum probabilitum concursu agere nos conveniat, tribus sequentibus articulis explicabimus.

ARTICULUS II.

Quid agendum sit in concursu duarum opinionum æqualiter probabilium, quarum una fuit legi, altera libertati.

Prop. unica. In concursu duarum opinionum æqualiter probabilium, quilibet tenetur eam legi, quæ pro lege stat, nec potest sine peccato eam amplecti, quæ libertati favet.

Prob. 1. Scriptura. Qui amat periculum peribit in illo. Eccl. c. 3. v. 27. quem locum ita explicat Antoninus 1. P. tit. c. 10. §. 10. Hinc est, quod beatus Thomas & alii dicunt, quod ille qui agit id, de quo est dubium, utrum sit mortale, vel non, peccat mortaliter, quia periculo se exponit mortalis. Cum ergo in aliqua materia morali sunt variae, & contrariae opiniones, ille qui adhaeret opinioni latioris vice, videtur se exponere periculo mortalis, quia est in dubio; cum possit illa opinio esse falsa, & contraria vera: Ergo cum mens fluctuat inter duas opiniones contrarias æque probabiles, sequenda est opinio tutior.

2. Ex jure Canonico. In his quæ dubia sunt, quod certius existimamus, tenere debemus: ita Eugenius Papa. Innocentius vero III. sic decernit: Nos, inquit, in hoc dubitabili casu quod tutius est sequentes, mandamus, &c. Ergo cum occurrunt duæ opiniones contrariæ æque probabile, insistendum est opinioni, quæ magis nos removet a peccato.

3. Ex D. Th. quodlib. 8. a. 13. ubi sic habet: Ille, qui in quamdam dubitationem inducitur contrarietate opinionum, si manente dubitatione plures prebendas habet, periculo se committit, & sic procul dubio peccat; utpote magis amans beneficium temporale, quam propriam salutem.

Nec dici potest, prædictas auctoritates locum de eo, qui est in dubio; quippe juxta D. Th. quoties movetur duabus opinionibus æque probabilibus, vere sumus in dubio; quia mens in unam partem non inclinatur magis, quam in aliam.

Rat. Certum est ex dictis, in dubiis tutiorem partem esse eligendam: atqui in concursu duarum opinionum æqualiter probabilium mens dubia est, cum propter æquale pondus rationum neutri parti assentiatur, sed suspensa maneat: ergo in concursu duarum opinionum æqualiter probabilium tutior pars est eligenda; sed pars tutior ea est, quæ legi favet: ergo in concursu duarum opinionum æqualiter probabilium ea sequenda est, quæ legi favet.

Nec obstat quod ajunt, illud esse discrimen inter intellectum dubium, & opinantem; quod intellectui dubio nullæ ex utraque parte rationes occurrant; opinanti e contra plures obversentur: namque, ut supra dictum est, non minus intellectus est dubius, cum illi æquales occurrunt utrinque rationes, quam dum ei nulla ratio pro una vel altera parte obversatur. Sicut enim non minus in æquilibrio remanent lances, dum nullum neutri, quam dum æquale utrique pondus imponitur; ita & intellectus non minus est dubius, dum inter duas opiniones æque probabiles constituitur, quam dum nulla ex his duabus opinionibus ei videtur probabilis.

Deinde, non licet in actum erumpere, nisi simus moraliter certi de bonitate actus, quem elicimus, ut constat ex dictis: atqui ille, qui in concursu duarum opinionum æqualiter probabilium eam deserit quæ stat pro lege, ut eam sequatur quæ libertati favet, non est moraliter certus de bonitate actionis, quam elicit; cum æquale rationum pondus necessario dubium afferat, ut modo diximus; sed potius manifeste peccandi periculo se exponit, cum dubia conscientia in actum erumpat: ergo in concursu duarum opinionum æqualiter probabilium non licet eam deferere partem, quæ stat pro lege, ut eam sequamur, quæ libertati favet.

Confessaria hujus Doctrinæ.

Confess. 1. Peccat qui post examen sedulum pro sententiis oppositis rationes æqualiter validas utrinque advertens, eam omittit sententiam, quæ pro lege stat, ut eam sequatur, quæ libertati favet; tunc enim cupiditati obsequitur, non rationi.

Confess. 2. Peccant ob eandem rationem illi omnes, qui dum in dubio salutis a duobus vel Doctoribus vel Confessariis, quos æqualiter pios & eruditos existimant, circa quendam conscientiam suæ causam oppositas sententias acceperunt; adeo ut unus licitum quid, aliud e contra illicitum judicet; peccant, inquam, si nulla propria adveniente nova ratione pro ea parte non stent, quæ legi favet.

Confess. 3. Peccant ipsi Doctores, & Confessarii, qui, dum consuluntur, non suadent consulentibus, ut eam partem sequantur, quæ legi favet, ubi circa rem, quæ eis proponitur, æqualia utrimque occurrunt rationum momenta.

ARTICULUS III.

Quid agendum sit in concursu duarum opinionum, quarum altera est minus probabilis & minus tuta.

Prop. unica. In concursu duarum opinionum, quarum una probabilior est simul ac tutior, altera minus probabilis & minus tuta, quilibet sub pœna peccati tenetur eligere probabilio-rem, quæ tutior est, seu quæ legi faver, nec potest sequi minus probabilem, quæ minus est tuta, seu quæ libertati faver.

Prob. 1. Ex Script. Eccli. 37. v. 20. *Ante omnia opera verbum VERAX præcedat te.* Atqui huic præcepto, quo jubemur veritatem sectari, satisfieri non potest, nisi opinionem eligamus probabilio-rem simul & tutio-rem in concursu minus probabilis & minus tutæ: quomodo enim ille sectari veritatem dici potest, qui neglecta opinione probabilio-ri, hoc est, quæ magis ad veritatem accedit, minus probabilem amplectitur, hoc est, eam quæ magis a veritate recedit? Ergo, &c.

2. Ex Concil. Viennensi simul & Clero Gallicano ann. 1700. in regula de probabilitum usu, ubi Gallicani Præsules circa rectum usum probabilitum opinionum hanc regulam statuunt: *Ut circa probabiles de Christiana Doctrina sententias sequamur id, quod Viennense Oecumenicum Concilium circa infusas tam parvulis, quam adultis in baptismo virtutes, decrevit his verbis: Nos hanc opinionem... tamquam PROBABILOREM, & dictis Sanctorum, ac Doctorum modernorum Theologiæ magis consonam & concordem, duximus eligendam: Ergo, ut ibidem concludunt Galliani Patres, non licet in praxi eam sequi sententiam, quam nec ipsi ut probabilio-rem eligendam judicemus.*

3. *Rat.* Non licet sequi conscientiam, quæ moraliter certa non sit de bonitate operis, quod elicit, ut sæpius dictum est: Atqui ille, qui opinionem sequitur minus probabilem & minus tutam in concursu probabilioris & tutioris, non est moraliter certus de bonitate actionis, quam elicit; si enim opinio probabilis in concursu alterius æque probabilis dubia sit, ut propo- sitione præce. enti declaravimus, a fortiori dubia est opinio probabilis in concursu probabilioris simul & tutioris: Ergo non licet sequi opinionem minus probabilem & minus tutam in concursu opinionis probabilioris & tutioris.

Deinde, qui minus probabilia & minus tu-

ta sequitur, ubi se offerunt probabiliora simul & tutiora, agit contra rectam rationem & prudentiam: sicuti enim non imprudens modo, sed & insanus haberetur, qui navem conscenderet vel ventis, aut vetustate pene disiectam, ubi tutam & securam potest conscendere; vel pecunias ei committeret, quem non esse solvendo probabiliter prævideret, ubi sine ullo periculo alteri potest eas committere: ita & insania & imprudentia reus est, qui, dum agitur de salute æternæ, minus probabilia, minisque tuta probabilioribus simulque tutioribus anteposit. Si enim, ut optime Chrysostomus homil. 44. in Matth. *vestimenta empturus, gyas unum negotiorum & alterum, & ubi meliores vestes inven- ris, & pretio viliori, ab illo comparas: an non oportet populum circuire omnes Doctores, & inquirere, ubi sincera veritas Christi venum- detur, & ubi corrupta, & verio-rem eligere plusquam vestimentum?*

Denique, qui minus probabilia minisque tuta probabilioribus simulque tutioribus anteposit, manifesto peccandi periculo se exponit; cum eam partem eligat, quam esse legi contrariam probabilis judicat.

Sicuti manifesto mortis periculo se committit, qui cibis vescitur, quos probabilis judicat esse veneno infectos, ubi integri occurrunt.

Conseſſaria hujus Doctrinæ.

Conseſſ. 1. Peccat qui in conferendis sacramentis sequitur opinionem minus probabilem, relicta probabiliori simul & tutiori. 1. Quia generatim non licet sequi opinionem minus probabilem & minus tutam. 2. Quia sequens hæc propositio damnata est: *Non est illicitum in sacramentis conferendis sequi opinionem probabilem de valore Sacramenti, relicta tutiori, nisi id veteris lex, conventio, aut periculum gravis damni incur- rendi.* 3. Quia, qui sequitur opinionem minus probabilem & minus tutam, relicta probabiliori simul & tutiori, dum agitur de valore Sacramenti, peccat contra Religionem debitam Sacramento; addit enim periculum exponendi sacramentum nullitati. Peccat quoque contra caritatem debitam proximo; quippe, cum proximus est in extremo salutis periculo, eique potest conferre subsidium certo profuturum, certum scilicet Sacramentum, confert dubium. Peccat demum contra justitiam; etenim, dum exponit sacramentum nullitati, subtrahit fidelibus sub- sidium, ad quod fideles habent jus.

Con-

Confess. 2. Non licet iudici sequi opinionem minus probabilem relicta probabiliori. 1. Quia generatim non licet sequi opinionem minus probabilem & minus tutam. 2. Quia damnata est hæc propositio ab Alexandro VII. *Quando litigantes habent pro se opiniones æque probabiles, potest iudex pecuniam accipere pro ferenda sententia in favorem unius præ alio ... probabiliter existimo iudicem posse judicare iuxta opinionem etiam minus probabilem.* Iudex est minister Dei in terris; unde necesse est, ut imitetur Deum, qui veritas est, & non probabilitas.

Confess. 3. Non licet Medico in medicinae praxi minus probabilem opinionem sequi, præbendo medicamenta, quæ probabilius nocitura sunt ægroto, quam profutura. 1. Quia generatim non licet sequi opinionem minus probabilem & minus tutam. 2. Quia leges mutant Medicos, qui perperam. ut fuerint medicamento.

Confess. 4. In administratione Sacramenti poenitentiae non licet Confessario sequi opinionem minus probabilem, relicta opinione probabiliori & tutiori. 1. Quia generatim non licet sequi opinionem minus probabilem & minus tutam. 2. Quia Confessarius est minister Sacramentorum, & in Sacramentis ministrandis non licet sequi opinionem minus probabilem & minus tutam. 3. Quia Confessarius est Iudex & Medicus, quibus non licet sequi opinionem minus probabilem & minus tutam.

Confess. 5. Non licet Theologo consilium dare secundum opinionem, quæ ipsi minus probabilis, minusque tuta videtur. 1. Quia generatim non licet sequi opinionem minus probabilem & minus tutam pro seipso: ergo neque pro aliis. 2. Quia Theologus, qui dat consilium, vices gerit Christi, & proinde debet loqui sermones Dei, & non sermones hominum. 3. Qui dat consilium, est Angelus a Deo missus in ministerium eorum, qui hæreditatem capiunt salutis: & ille, qui petit consilium, est fidelis, qui optat salutem consequi: ergo ambo debent mutuo se adjuvare, iste suadendo, alter obediendo, ut viam tutiorem inveniant. Totum illud Ambrosius confirmat his verbis: *Hoc est consilium Dei habere, explorare diligenter omnia, & quæ meliora sunt suadere, quæ tutiora demonstrare*; ideo damnatae sunt sequentes propositiones a Clero Gallicano.

Licet consultori consilium dare secundum eam opinionem, quæ ipsi minus probabilis minusque tuta videatur.

Si quis vult consuli secundum eam opinionem, quæ sit faventissima, peccat qui non secun-

dum eam consultat. Potest etiam ad libitum consulere, modo secundum unam, modo secundum aliam sententiam, dummodo caveat, ne incurrat levitatis notam.

Confess. 6. Non licet varios adire Doctores ea intentione, ut ex eorum opinionibus ea eligatur, non quæ probabilior & tutior, sed quæ commodior visa fuerit. 1. Quia generatim non licet sequi opinionem minus probabilem & minus tutam. 2. Quia, qui ita legērunt, imitantur Balac, qui itæpius Balaam interrogavit, ut ab eo responsum acciperet iuxta depravati cordis concupiscentiam: imitatur impios Iudæos, de quibus ita Iſaias c. 30. v. 9. *Populus ad iracundiam provocans est, & filii mendaces, filii nolentes audire legem Dei. Qui dicunt videntibus: nolite videre, & assipientibus: nolite aspicere nobis ea, quæ recta sunt: loquimini nobis placentia, videte & obis errores.*

ARTICULUS IV.

Quid liceat in concursu duarum opinionum, quarum altera est longe probabilior, sed minus tuta, altera vero longe minus probabilis, sed magis tuta.

NOta, quod duplex potest esse probabilioritas, ut dicunt: altera Theologica, altera non Theologica.

Probabilioritas Theologica est, quæ fundatur in aliquo loco Theologico v. g. in Scriptura, Traditione, Concilio, Patribus, &c.

Probabilioritas non Theologica est, quæ meris ratiunculis nititur, quas humana cupiditas suggerit.

Prop. unica. Licet sequi opinionem probabiliorē licet minus tutam, in concursu opinionis minus probabilis, licet magis tuta, modo probabilioritas sit Theologica.

Prob. 1. autoritate Cleri Gallicani de opinionem probabilium usu. *Abst. vero*, inquit, *ut probemus eorum errorem, qui negant, licere sequi opinionem vel inter probabiles probabilissimam*: Ergo licet aliquando agere secundum opinionem, quæ nobis probabilior apparet.

2. Ex Anton. r. p. tit. 3. de conscientia §. 10. ubi sic habet: *Cum bona conscientia potest quis tenere unam partem alicujus opinionis, & secundum eam operari, excluso saltem scandalo: quæ scilicet pars habeat pro se notabiles Doctores, dummodo talis opinio non sit contra auctoritatem expressam sacræ Scripturæ, nec contra determinationem Ecclesiæ Catholicæ, & quod etiam ex contrarietate talium opinionum, non inducatur ad dubitandum; sed bonam sibi conscientiam & credulitatem formet de eo, quod*

credita, tamquam de probabiliori parte: & precipue, quando quis adhibet diligentiam inquirendo, an liceat: nec invenit aliquid quod eum sufficiens moveat ad hoc, quod sit illicitum.

Nec obstat, inquit idem Antoninus ibidem, id, quod dicit D. Thom. scilicet, quod quando induz opiniones contrariæ de eodem, oportet alteram esse veram, alteram vero falsam: Si ergo ille, qui facit contra opinionem Magistrorum, ut puta, in habendo plures prebendas, faciat contra veram opinionem, non excusatur a peccato; cum faciat contra legem Dei, quamvis non faciat contra conscientiam.

Sic enim respondet Antoninus. *Hæc enim, inquit, verba B. Thomæ non possunt intelligi nisi de his, ubi manifeste patet ex Scriptura, vel Ecclesiæ determinatione, quod sit contra legem Dei: & non de illis intelligit, ubi non apparet; alias sibi contradiceret in eodem libro, quod non est credendum.*

3. Rat. 1. Ratio. Licet sequi conscientiam, quæ moraliter certa sit de bonitate suæ operationis, ut sæpius diximus: atqui ille, qui sequitur opinionem probabilioris probabilioritate Theologica, licet minus tuta sit, moraliter certus est de bonitate suæ operationis; etenim post maturum examen amplectitur id, quod Scripturæ & traditioni, ac proinde legi conformius videtur: ergo licet sequi opinionem probabilioris, licet minus tutam, modo de probabilioris sit Theologica.

2. Ratio. Recta ratio permittit, ut sicut probabiliora amplectimur assensu; ita & possimus amplecti affectu: etenim sicut intellectus potest sine culpa probabilioribus adherere, ita & voluntas potest sine peccato probabiliora amplecti.

Et licet forte contingat tunc hominem agere contra legem, excusabitur ob bonam fidem & ignorantiam, ut dicit Antoninus loco supradicto. *Item, inquit, Ulricus in summa dicit, quod si quis de aliquo agendo dubius magis peritos consulat, de quo nullam habet expressam auctoritatem, utrum ita sit, an non: dummodo formet sibi bonam conscientiam, etiam si res aliter se habeat, quam id, quod sentit, & quod sibi consultum fuerit, excusatur; quia fecit quod potuit, & Deus plus non requirit.*

3. Ratio. Si probabilioritas Theologica non esset tuta regula operandi, sequeretur, 1. Quod non liceret uti iuramento illius, qui verum per falsos Deos iuraturus est. 2. Quod non liceret injustum aggressorem, cum modamine inculpate tutelæ se defendendo, occidere. 3. Quod ubi in mortale peccatum lapsi sumus, non liceret expectare tempus commodi confessionis, sed statim teneremur adire

Sacerdotem: prædictæ enim opiniones, licet minus probabiles, sunt tamen magis tutæ; quia magis nos remouent a peccato: atqui hujusmodi sequelas communiter rejiciunt Theologi, ut notat D. Antoninus loco supradicto: ergo licet sequi opinionem probabilioris in concursu minus probabilis, licet magis tutæ.

Monita circa usum prædictæ propositionis.

Mon. 1. Ut probabilioritas sit morum regula, debet esse Theologica; quia si probabilioritas fundetur solis ratiunculis, quas humana cupiditas suggerit, tunc non est regula operandi: Moraliter enim christiana non alias debet regulas agnoscere, quam eas, quæ ex revelatione vel mediate vel immediate emanant, ut docent SS. Patres. Sic enim habet Leo Magnus Epist. 6. *Frequenter quidem, inquit, in diversarum questionum ambiguo fratrum corda titubantia spiritu Dei instruite solidabimus, responsum formas vel ex sanctarum Scripturarum disciplina, vel ex Patrum regulis colligentes.* Idem dicit Gregorius VII. lib. 3. Epist. 1. ad Henricum Regem. *Ad sanctorum Patrum decreta, inquit, doctrinamque recurrimus, nihil nobis, nihil ab inventionem nostram statuentes.* Et idem Gregorius scribens cuidam Principi, sic eum præmonet: *Nihil tibi præter quod sancta Scriptura, & sacri Canones præcipiunt, respondere possumus: nulli licentiam peccandi dare possumus, aut debemus, cum ipsi tam non habeamus.*

Sic probabilioritas Academicæ, quæ vulgo oritur ex disputandi prurigne, non potest esse agendi regula: talis est ea probabilioritas, quæ vulgo reperitur in aliquibus authoribus, qui res morales problematicæ tractant; & ex arbitrio, quod magis placet, probabilius pronuntiant.

Sic probabilioritas carnalis, quæ ex pravis affectibus oritur, non potest esse agendi regula: talis est ea probabilioritas, quam efformant sibi homines carnales; affectus enim efficit, ut id appareat probabilius, quod magis cupiditati favet.

Mon. 2. Ut probabilioritas etiam Theologica sit morum regula, non debet esse tenuis, sed longe excedens; adeo ut mentem moraliter certam efficiat de bonitate operationis, excludatque omne dubium, omnemque suspensionem proprii amoris subtiliter illudentis; fieri enim potest, ut amor proprius præsentet id, de quo agitur, probabilius quam re ipsa sit. Unde probabilioritas non potest esse tuta morum regula, nisi sit maxime excedens; de quo ita loquitur P. Gisbertus Societatis Jesu in suo Antiprobabilismo p. 341.

Qua-

ARTICULUS UNICUS.

Quomodo deponenda sit Conscientia scrupulosa.

Quare, inquit, apud bonas & religiosas mentes principium esto, libertatem non sequi postposita lege, nisi probabilitas libertatis notabiliter excedat probabilitatem legis; nimirum ubi non apparet notabilis excessus unius supra alterum ceneri debent in pari causa; in causa vero pari habet lex Divina jus prelationis supra libertatem humanam. Et ibidem inquirens, qualis excellus requiratur, respondet: *Excessum illum apparentem, ita debere esse notabilem, ut equivaleat testimonio duorum aut trium testium.*

Sic quando duæ opiniones oppositæ conferuntur ad invicem, quarum altera est rigidior & favet legi, altera benignior & favet libertati: v. g. *Licetum est occidere injustum aggressorem: non licetum est occidere injustum aggressorem:* ut opinio favens libertati habeatur probabilior probabilitate, quæ sit morum regula, illa probabilioritas, qua dicitur licetum esse occidere injustum aggressorem, tanta debet esse, ut opposita sententia vix videatur probabilis. Oportet enim, ut non pronuntiemus minus tutum esse licitum, nisi prius viderimus minus tutum & urgentioribus argumentis, & auctoritatibus gravioribus roborari.

Monit. 3. Ut probabilioritas & Theologica & excedens sit morum regula, opinio proposita debet esse circa quæstiones, an liceat, & non circa quæstiones, an valeat; quia quando quæritur, an aliquid liceat, ut homo excusetur peccato, sufficit quod ejus actio sit juxta regulas prudentiæ; etenim quamvis post diligens examen contingere possit, quod actio, quæ creditur licita, sit contra legem Dei; tamen non imputabitur ad peccatum, quia bona fides a peccato excusat: immo poterit imputari ad meritum, ut patet ex actione Jacob. Iam suppositam pro Rachele carnaliter cognoscentis; ille enim concubitus erat contra legem Dei, & tamen ob bonam fidem Jacob Patriarcha immunis fuit a peccato: immo actio ejus, si facta fuerit in gratia, & motivo reddendi debitum conjugale, potuit esse meritoria.

Sed quando quæritur, an aliquod Sacramentum valeat, non est eadem ratio; quia valor Sacramenti desumitur, non ex bona fide operantis, sed ex determinatione Christi, qui instituit Sacramenta: ideo quando agitur de valore Sacramenti, sequendum semper id, quod est tutius.

NOta. Conscientia scrupulosa est ea, quæ licet certa, vel metaphysice, vel moraliter, ut dicunt, aliquid esse licitum; levibus tamen conjecturis anxia, suspicatur illicitum esse, quod jam prudenter judicaverat licitum.

Prop. unica. Conscientia scrupulosa non est audienda, sed prudenter deponenda.

Prob. 1. Script. *Quod non est ex fide, peccatum est*, ad Rom. 14. v. 23. atqui quod sit ex conscientia scrupulosa, non est ex fide; quia scrupuli impediunt, ne conscientia certa sit & firma: ergo quod sit ex conscientia scrupulosa, est peccatum: ergo conscientia scrupulosa est deponenda.

2. Ex jure Canonico cap. *per tuas* de Simoniacis. Ubi decernitur, eum, qui Ordinem recepit ab Episcopo, quem simoniacum credebatur, debere conscientiam scrupulosam deponere. *Nos*, inquit Innocent. III. *respondemus, ut idem in Ordine sic suscepto secure ministrat: sed contra conscientiam ad superiores Ordines non ascendat, ne forte edificet ad gehennam, licet ex eo quod conscientiam nimis habuerit scrupulosam in difficultatem hujusmodi sit lapsus: quam utique non evadet, nisi deponat errorem.* Ergo conscientia scrupulosa est prudenter deponenda.

3. Rat. Ut conscientia sit morum regula, debet esse certa, saltem moraliter: atqui conscientia scrupulosa non est moraliter certa, ut patet: ergo non potest esse agendi regula: ergo est prudenter deponenda.

Quæ observanda in deponendo Conscientiam scrupulosam.

1. Considerandum, unde scrupuli oriantur. Si scrupuli veniant a Deo sic ordinante vel ut puniat, vel ut probeat, unicum remedium est oratio. *Omni tempore benedic Deum, & pete ab eo, ut dirigat vias tuas, & omnia consilia tua in ipso permanent.* Tob. cap. 4. v. 20.

Si scrupuli veniant a Diabolo suggerente, & tranquillitatem animæ interturbante, præfens remedium est fiducia in Deum, juxta illud Petri: *Diabolus circumit tamquam leo rugiens...* cui resistite fortes in fide.

Si scrupuli veniant ex defectu scientiæ, inquirendum a sapientioribus, quid agendum sit, ut monet Tobias: *Consilium semper a sapiente perquire*: Iob. cap. 4. v. 19. eique contra omnes inanes scrupulos fideliter obtemperandum: *Fili ne imitaris prudentiæ tuæ*, ut inonet Sapiens Prov. 3. v. 5.

Si scrupuli veniant ex corporis constitutione, scilicet ex melancholia, quæ vulgo solet ad vanos terrores incitare, remedia corporalia adhibenda sunt, quæ atrum illum humorem evacuent; etenim, ut monet Scriptura, *Altissimus de terra creavit medicamenta*, & *vir prudens non abhorrebit illa*. Eccl. c. 38. v. 4.

2. Considerandum est, an conscientia, remorsus fundamentum habeant, nec ne.

Si proprio vel alieno lumine videamus, non inanes esse, sed fundatas conscientia remordentis monitiones, non spernendæ sunt, sed his salubriter utendum. *Beatus*, inquit Scriptura, *homo ille, qui semper est pavidus*; & *rursus*: *Initium sapientiæ timor Domini*.

Si e contra proprio, vel alieno lumine constet, inanes esse, nulloque innixos fundamento conscientia nostræ tumultus; tunc non audiendæ, sed spernendæ sunt conscientia agitata suspiciones, nec de illis, si fieri potest, cogitandum; quanto enim attentius consideras, tanto vehementius cruciaris; ubi enim semel imaginatio movetur, multi motus consequuntur, qui vix compesci possunt; sicut in lateribus ordine contextis uno cadente cæteri cadunt. Inde est, quod conscientia scrupulosa cogitando potius inflammetur, quam quiescat.

3. Considerandum, circa quam materiam versentur scrupulosi illi timores: an circa præteritum, an circa præsens, an circa futurum; nam juxta Bonaven. *Conscientia accusat de præterito, obmurmurat de præsentis, præcavet de futuro*.

Si conscientia accuset de præterito, inaniter torquens nos, quod nec de peccatis præteritis doluerimus, ut oportet, nec ea Sacerdoti declaraverimus, ut Deus exigit, ideoque esse iterum examini, iterum confessioni subjicienda; non infumendum est tempus iterandis confessionibus; sed in Deo fidenter quiescendum; & dicendum cum Psalmista: *Si iniquitates observaveris Domine, Domine, quis sustinebit?*

Si conscientia obmurmuret de præsentis, inaniter inspirans, opera omnia, quibus insistimus, quantumvis in se bona, mala esse, quia fiunt a nobis non movente caritate, sed occulta cupiditate alliciente, & ideo ab his operibus, etiam aliunde sanctis, abstinendum; riden-

da est stulta illa cogitatio, & interim instandum bonis operibus, juxta illud: *Quodcumque potest manus tua, instanter operare*. Eccl. 9. v. 10. Non tamen de illis operibus præsumendum, juxta illud Job c. 9. v. 28. *Verebar omnia opera mea*. Operare semper quali certus tibi a lesse gratiam: time semper, quali ignarus, ne restiteris oblata gratia.

Si conscientia præcaveat de futuro, mentemque nostram sollicitet, nos certo dammandos esse, quia sumus de numero reproborum; remedium quæramus in Christo, ut docet Paulus ad Rom. c. 5. v. 1. *Iustificati ergo ex fide pacem habeamus ad Deum per Dominum nostrum Jesum Christum*. . . *Si enim cum inimici essemus, reconciliati sumus Deo per mortem filii ejus: multo magis reconciliati, salvemur in vita ipsius*.

TRACTATUS IV.

De Lege.

Divisio Tractatus.

QUæ de Lege dicturi sumus, ad septem capita reducemus. In primo quæremus, quid & quodplex sit Lex. In secundo, quæ sit Legum in homines auctoritas, seu an Leges ligent in conscientia. In tertio, quomodo Lex obliget. In quarto, quantum Lex quælibet pateat: qui sint actus, quæ objecta, quæve personæ ad quas Lex extendatur. In quinto, quomodo sit observanda. In sexto, quomodo Lex sit interpretanda. In septimo denique, quæ excusent a transgressionem Legis.

CAPUT I.

Quid & quodplex sit Lex.

§. I.

Definitur Lex.

LEX generatim sumpta potest definiri, regula agendorum vel omitterendorum. Sicut enim artifex habet regulas, ad quas debet opus suum exigere; ita creatura rationalis habet regulam aliquam, qua debet actus suos morales dirigere, & hæc regula dicitur Lex. Unde Lex a D. Thom. 1. 2. q. 90. a. 1. definitur: *Regula aut. mensura actuum humanorum, per quam ad agendum id quod est rectum, & ad omitterendum id quod est præteritum, dirigitur*.

§. II.

§. II.

Quomodo Lex a Præcepto distinguatur.

Lex a præcepto distinguitur multis modis. 1. Lex semper datur alicui communitati perfectæ, hoc est, alicui societati hominum, qui certo fœderis alicujus vinculo connectuntur: hujusmodi est Regnum, Provincia, Urbs, quæ communitates sæculares vocantur: hujusmodi quoque est Ecclesia, Diœcesis, ordo Religiosus, quæ communitates Ecclesiasticæ dicuntur. Præceptum vero simplex uni vel pluribus tantum datur: cuiusmodi fuit præceptum impositum Abrahamo de immolando filio.

2. Lex non fertur nisi ab eo, qui jurisdictionem habet, vel politicam, ut Rex; vel Ecclesiasticam, ut Episcopus. Præceptum vero fertur etiam ab eo, qui talem jurisdictionem non habet: sic pater-familias potest domesticis suis præcepta imponere, minime vero Legem statuere.

3. Lex perpetuitatem aliquam habet: unde & præsentibus & posteris respicit: ideo post mortem Legislatoris vigorem habet. Præceptum vero non datur nisi præsentibus, nullumque vigorem habet post mortem præipientis.

4. Lex datur in utilitatem communitatis: præceptum vero sæpius fertur in utilitatem præipientis.

Si ergo quis Legem per oppositionem ad præceptum definire voluerit, sic eam describere poterit.

Lex est quedam rationis ordinatio, directæ ad perfectam communitatem ab eo, qui jurisdictionem habet supra ipsam, debite promulgata, bonumque ipsius spectans, præcipiens quid sit agendum, vel omittendum.

§. III.

Dividitur Lex.

Lex generatim dividitur in naturalem, & positivam.

Lex naturalis generatim ea est, quæ non libere, sed necessario imponitur, præcipiens quæ sunt ex se bona, vetans vero quæ sunt ex se mala. Talis est Lex contenta in Decalogo.

Lex naturalis duobus modis spectari potest, vel in Deo, vel in nobis.

Lex naturalis, in Deo spectata, est summa Dei ratio, exhibens primas & immutabiles

morum regulas, dictans, quid rectum sit, quid honestum, quid pravum, quid illicitum.

Lex naturalis, in nobis spectata, nihil aliud est, quam lumen naturale, seu inserta menti nostræ Legis æternæ notitia, qua quid rectum quid pravum sit, naturaliter intelligimus.

Vulgo dicitur cum D. Thom. 1. 2. q. 91. a. 2.

Participatio Legis æternæ in rationali creatura: quæ quidem sic accipienda non sunt, quasi lumen naturale, seu recta nostra ratio sit quedam quali pars rationis æternæ a Deo decisa, quæ in hominem migraverit; sed recta hominis ratio, eo sensu Legis, seu rationis æternæ participatio dicitur, quod sicuti lege æterna Deus primas & immutabiles morum regulas perfectissime novit, & juxta eas homines regit; ita & menti nostræ naturalem earum notitiam impresserit, ut ad eas actiones nostras dirigeremus.

Lex positiva ea est, quæ imponitur libere a legitimo Superiore, præcipiens, vel vetans ea, quæ sunt ex se indifferentia. Talis est Lex, quam dedit Deus in veteri testamento per Moysen, in novo testamento per Christum. Talis est Lex Ecclesiastica statuta per Concilia, per Papam, per Episcopum. Talis est Lex civilis statuta per Imperatorem, per Rempublicam.

§. IV.

Varia inter Legem naturalem & positivam discrimina.

Varie sunt differentiæ inter Legem naturalem & positivam: hæc sunt præcipuæ. Lex naturalis necessario imponitur; Lex positiva libere. Lex naturalis vetat, quæ sunt ex se mala, jubet, quæ sunt ex se bona; Lex positiva jubet aut vetat, quæ sunt ex se indifferentia; Lex naturalis est omnium temporum, omnium locorum, omnium nationum; Lex positiva est eorum tantum temporum, locorum & populorum, ad quæ Legislator vult eam extendi. Lex naturalis est immutabilis; Lex positiva est mutabilis. Lex naturalis ignorari nequit sine culpa, saltem quoad communem præcepta; quia scripta est in corde cuiuscumque hominis; Lex positiva ignorari potest sine culpa; quia non est scripta in cordibus nostris.

§. V.

Quotuplicis generis sint præcepta Legis cum naturalis, tum positivæ.

In Lege tum naturali, tum positivæ, alia sunt

sunt præcepta affirmativa, alia negativa. Præcepta negativa sunt ea, quæ vetant actum vitiosum: Præcepta affirmativa sunt ea, quæ præcipiunt actum virtuosum, ut docet D. Thom. his verbis: *Præcepta affirmativa inducunt ad actus virtutis: præcepta negativa prohibent adus peccatorum*. 2. 2. q. 33. a. 3. in corp.

Præcepta affirmativa obligant ad semper & non pro semper; negativa vero obligant ad semper & pro semper; id est, præcepta affirmativa obligant toto tempore, quo vigent, sed non pro omnibus temporum circumstantiis: v.g. toto tempore vitæ teneor honorare parentes, sed in singulis instantibus non teneor exercere actus interiores vel exteriores honoris erga parentes: præcepta negativa obligant toto tempore, quo vigent, & in singulis temporum circumstantiis: v.g. toto tempore vitæ debeo abstinere a periurio, immo nulla est temporis differentia, in qua possum perjurium committere.

§. VI.

Quæ sit Lex iusta, quæ iniusta.

Lex iusta ea est, quæ est conformis Legi æternæ: iniusta vero ea est, quæ est contraria Legi æternæ.

Sic Lex positiva divina est semper iusta, quia Deus agit semper conformiter ad suam legem æternam: & ita Lex Mosaica iusta fuit toto tempore; quo Deus voluit illam durare, scilicet, usque ad illud tempus, quo Christus eam abrogatam voluit. Sic Lex evangelica est iusta toto tempore, quo duratura est: habemus autem ex revelatione, quod semper duratura sit.

Sic Lex naturalis, etiam spectata prout est in nobis, est semper iusta, quia est participatio Legis æternæ.

Sic Lex positiva humana, sive ecclesiastica, sive civilis, eatenus est iusta, quatenus conformis est Legi æternæ.

Ut Lex positiva humana, sive ecclesiastica, sive civilis, sit iusta, quatuor requiruntur, ut docet D. Thom. 1. 2. q. 96. a. 4.

1. Debet esse iusta ex auctore; quia debet imponi a legitimo Superiore, qualis est v.g. Deus, Christus, Respublica vel Ecclesiastica, vel civilis.

2. Debet esse iusta ex fine; quia debet institui in bonum commune, qualis est vel salus hominum, quæ intenditur per Legem positivam divinam, & ecclesiasticam; vel quies Reipublicæ; quæ intendi semper debet per Legem civilem.

3. Debet esse iusta ex objecto; quia debet præcipere ea, quæ ad iustitiam possunt deducere, vetare vero ea, quæ ad malitiam possunt inclinare, determinando in particulari ea, quæ per Legem naturalem in communi vel præcipiuntur, vel vetantur.

4. Debet esse iusta ex modo; quia debet ita se attemperare viribus, & facultatibus subditorum, ut singulis imponantur onera iuxta statum & facultatem cuiuslibet.

Lex autem humana potest esse iniusta, vel ex auctore, scilicet, quando fertur ab eo, qui non habet legitimam auctoritatem; vel ex fine, scilicet, quando non fertur propter bonum commune; vel ex objecto, scilicet, quando præcipitur aliquid, quod est malum, vel vetatur aliquid, quod est bonum; vel ex modo, scilicet, quando non attemperatur viribus & facultatibus subditorum.

CAPUT II.

Quæ sit Legum tam iustarum, quam iniustarum in homines auctoritas.

ARTICULUS I.

Quid sit discriminis inter Legem & consilium.

Prop. unica. Ea est inter Legem iustam & merum consilium differentia, ut Lex iusta obliget in conscientia ad sui observantiam, minime vero consilium.

Prob. 1. auctoritate Scripturæ. Christus, Matth. 19. v. 16. aperte tradidit Legem necessario observandam, consilia vero liberæ observationis esse constituit: ibi enim interrogatus ab adolescente his verbis: *Magister bone, quid boni faciam, ut habeam vitam æternam?* sic respondet: *Si vis ad vitam ingredi, serva mandata.* Quæ quidem responsio pertinet ad necessariam mandatorum observantiam. Cum autem dicit illi adolescens v. 20. *Omnia hæc custodivi a juventute mea, quia adhuc mihi deest?* ait illi Iesus v. 21. *Si vis perfectus esse, vade, & vende omnia, quæ habes, & da pauperibus, & habebis thesaurum in celo, & veni, & sequere me.* Ubi Christus distinguens inter præceptum & consilium, declarat præceptorum observationem ad salutem consequendam esse necessariam, minime vero consiliorum observantiam: ergo Lex iusta obligat, minime consilium.

2. Ex factis ex Scriptura desumptis. Quando Christus loquitur de statu virginitatis, non necessitatem imponit, sed libertatem relinquit. *Sunt, inquit, Eunuchi, qui seipsos castra-*
ve-

verunt propter regnum Caelorum : qui potest capere capiat. Et Paulus de eodem statu loquens 1. ad Corinth. 7 v. 25. ait: De Virginibus autem: præceptum Domini non habeo: consilium autem do, tamquam misericordiam consecutus a Domino. Christus paupertatem Evangelicam liberam pariter voluit, non necessariam. Si vis perfectus esse, inquit, vade & vende omnia. Et Petrus Act. 5 v. 4. sic compellat Ananiam: Nonne manens tibi manebat, & venditum erat in tua potestate? Ergo Lex ligat, minime consilium.

3. Ex Greg. Nazianzeno orat. 3. quæ est prima adversus Julianum Apostatam. Quomodo, inquit, non animadvertis, quod in Legibus nostris alia parendi necessitatem imponunt, nec sine periculo prætermitti possunt; alia non necessitatem habent, ut qui ea custodierint, honore & præmio afficiantur, qui autem minus ea expleverint, nihil periculi pertimescant?

4. Ex Hieronymo lib. 1. adversus Jovinianum, ita loquente: Ubi consilium datur, offensivum arbitrium est, ubi præceptum, necessitas est servientis.

5. Rat. Lex est mensura agendorum & omitendorum: Ergo necessarium est, ut ad eam homo se componat. Et sicut artifex tenetur sequi regulas artis, dum operatur, ut artifex; ita homo tenetur sequi suam regulam seu Legem, dum operatur, ut homo liber & rationalis.

Consecutaria hujus Doctrinæ.

Consect. 1. Lex naturalis obligat omnes homines adultos, id est, usum rationis habentes. Primo, quia est vera Lex, cui adulti omnes subjiciuntur. Secundo, quia est iusta ex omni parte. 1. *Ex autore*, cum sit participatio Legis æternæ in hominum mentibus impressa per inspirationem lucis & amoris. 2. *Ex obiecto*, cum præcipiat id, quod est ex se bonum, & vetet id, quod est ex se malum. 3. *Ex modo*, quia nihil jubet, nisi juxta vires cujuslibet hominis, qui manifestatur. 4. *Ex fine*, cum statuat modum vivendi juxta regulas honestatis. Denique Lex naturalis est hujusmodi, ut infractores illius puniantur in hoc mundo conscientia stimulis interdum remordentibus; in altero vero, verbe, qui nunquam moriturus est: Ergo lex naturalis obligat omnes adultos.

Ad eam legem mittit nos Isaias 47. v. 8. *Redite*, inquit, *prævaricatores ad cor*. Ad eam pariter nos advocat Christus, dicens: *Quæcumque vultis, ut faciant vobis homines, & vos facite illis*. Eodem nos mittit pariter Paulus ac

Rom. 2. ubi sic habet: *Gentes, quæ Legem, scilicet scriptam, non habent, naturaliter ea, quæ sunt Legis, faciunt: hujusmodi Legem non habentes, ipsi sibi sunt Lex; qui ostendunt opus Legis scriptum in cordibus suis, testimonium reddente illis conscientia ipsorum, & inter se invicem cogitationibus accusantibus, dum scilicet male operantur, aut etiam defendentibus, dum bene operantur*. De hac Lex ita Trillius lib. 3. de Repub. qui liber periit, sed fragmentum istud refertur a Lactantio lib. 6. Instit. cap. 8. *Est quidem vera Lex, recta ratio naturæ congruens, diffusa in omnes, constans, sempiterna, quæ vocet ad officium jubendo, vetando a fraude deterreat; quæ tamen neque probos frustra jubet, aut vetat; neque improbos jubendo, aut vetando movet*. Huic Legi nec propagari fas est, neque derogari ex hac aliquid licet, neque tota abrogari potest per Senatum, aut per populum solvi hac Lex possumus. Neque est quærendum explanator, aut interpretes ejus alius. Nec erit alia Lex Romæ, alia Athenis, alia nunc, alia post hæc; sed & omnes gentes. Communi tempore una Lex, & sempiterna, & immutabilis continebit. De eadem Lex ita Ambr. Epist. 41 ad Irenæum: *Ea igitur Lex non scribitur, sed innascitur, nec aliqua percipitur lectione, sed profluit quodam naturæ fonte in singulis exprimitur, & ingentiis humanis hauritur*. ... *Est enim sancta sine verjuria, sine fraude consors est, expers iniquitatis*. Denique talis est Lex naturalis, ut nec violari possit sine peccato, nec per peccatum penitus aboleri. Numquam enim, inquit Aug. lib. 8. de Genesi ad litteram cap. 23. *ita punit Deus voluntatem malam, ut naturæ ferimat dignitatem*.

Consect. 2. Lex positiva divina, sive data olim Judæis per Moysen, sive data nunc Christianis per Christum, obligat omnes homines, quibus imponitur. Primo, quia est vera Lex, Secundo, quia est iusta ex omni parte. 1. *Ex autore*, cum feratur a Deo, cui omnes homines tenentur subesse. 2. *Ex fine*, quia dirigit homines ad finem supernaturalem. 3. *Ex obiecto*, Deus etenim non jubet, nisi quod sanctum est. 4. *Ex modo*, quia Deus est Legislator disponens omnia suaviter. Denique Lex positiva divina talis est, ut infractores illius puniantur in hoc mundo aliquando poenis temporalibus, semper vero in altero poenis in æternum duraturis: ergo obligat sub peccato.

De lege positiva, a Deo statuta, ita loquitur Psalmista: *Lex Domini immaculata, convertens animas, testimonium in fidele sapientiam præstans parvulis*. Psal. 17. Quem locum sic explicat D. Thom. 1. 2. q. 91. a. 4. in corp. *Lex Domini immaculata, id est, nullam pec-*

tati turpitudinem permittens: convertens animas, quia non solum exteriores actus, sed etiam interiores dirigit: testimonium Domini fidele, propter certitudinem veritatis & rectitudinis; sapientiam præstans parvulis, in quantum ordinat hominem ad supernaturalem finem & divinum, mediis quidem sanctis, sed non æque perfectis, ut replicat Ambrosius lib. 1. de offic. c. 18. ubi late ostendit / quo pacto in lege Moïsaica, Evangelica, & in cælesti patria Deus homines ad se attrahat. *Hic umbra*, inquit, *hic imago*, illic veritas; *umbra in lege*, *imago in Evangelio*, *veritas in cælestibus*. Ante Agnus offerebatur, offerebatur vitulus; nunc Christus offertur, sed offertur quasi homo, quasi recipiens passionem, & offert se ipse quasi Sacerdos, ut peccata nostra adimat. *Hic in imagine*, ibi in veritate, ubi apud Patrem pro nobis quasi advocatus intervenit. *Hic ergo in imagine ambulantes*, in imagine videmus; illic facie ad faciem, ubi plena perfectio, quia perfectio omnis in veritate est: & Hieron. lib. 1. cont. Pelag. c. Christus in lege promittitur, in Evangelio impletur: ibi initia, hic perfectio est: in illa operum fundamenta jaciuntur, hic fidei & gratia culmen imponitur.

Consect. 3. Lex Ecclesiastica obligat omnes fideles baptizatos. Primo quia est vera Lex. Secundo quia est Lex justa ex omni parte. *Ex auctore*, Superior enim Ecclesiasticus, qualis est Papa in tota Ecclesia, Episcopus in sua Diocesi, Concilium generale in tota Ecclesia, Concilium nationale in tota sua natione, Diocesenum in tota sua Diocesi: Superior, inquam, Ecclesiasticus accepit potestatem a Deo condendi leges; nam Papæ dictum est in persona Petri: *Quodcumque ligaveris super terram, erit ligatum & in cælis*. *Quodcumque solveris super terram, erit solutum & in cælis*. Matth. 16. v. 10. De Episcopis vero dicitur: *Attendite vobis & universo gregi, in quo vos Spiritus Sanctus posuit Episcopos regere Ecclesiam Dei*. Act. 20. v. 28. Patres vero in Concilio congregati confidenter pronuntiant: *Visum est Spiritui sancto & nobis...* ut abstineatis vos ab immolatis simulacrorum, & sanguin: & suffocato. Act. 15. v. 28. 2. Est justa ex fine, cum Ecclesia, utpote sancta, nihil aliud intendat per suas Leges, quam fideles ad sanctitatem adducere. 3. Est justa ex objecto, cum Ecclesia, utpote infallibilis, nihil veter, nisi quod iniquum, nihil jubeat, nisi quod sanctum. 4. Est justa ex modo, cum Ecclesia, utpote pia mater, nihil præcipiat nisi juxta facultatem fidelium. Demum Lex Ecclesiastica ejusmodi est, ut infractores illius puniantur in hoc mundo per censuras,

semper vero in altero igne perpetuo; habendi enim sunt ut Ethnici & Publicani.

De legibus ab Ecclesia statuendis sic loquitur Christus contra eum, qui eis subesse noluerit: *Si autem Ecclesiam non audierit, sit tibi sicut Ethnicus & Publicanus*. Matth. 18. v. 17. & rursus: *Qui vos audit, me audit; qui vos spernit, me spernit; qui autem me spernit, spernit eum, qui me misit*. Luc. 10. v. 16. Et iterum: *Super Cathedram Moysi sederunt Scribæ & Pharisei: quaecumque dixerint vobis, servate & facite*. Matth. 23. v. 3. Si ergo Synagoga vim habuerit condendi Leges, uti facit instituendo novos festivos dies, nova jejunia, ut æternere est in libro Eithet c. 9. in lib. Judith c. 16. in lib. 1. Machab. c. 4. quid n. Ecclesia habeat potestatem condendi legem, quam quilibet baptizatus religiose observare teneatur? non enim habet Deum Patrem, qui Ecclesiam noluerit habere Matrem. Ideo Tridentinum sess. 6. can. 20. anathema pronuntiat contra eos, qui docuerint, homines justificatos non teneri ad observantiam mandatorum Dei & Ecclesiæ.

Consect. 4. Lex civilis & politica justa obligat omnes libi subditos. Primo, quia est vera Lex. Secundo, quia, ut supponitur, est justa ex omni parte. 1. Quidem ex auctore, quia Superior politicus, qualis est legitimus Princeps, a Deo accepit vim condendi Leges: *Per me Reges regnant, & legum conditores justa decernunt*, inquit Sap. Prov. 8. v. 15. Ideo Paulus dicit Rom. 13. v. 5. *Subditi estote Principibus, non solum propter iram, sed etiam propter conscientiam*. 2. Est justa ex fine; quia, ut supponitur, Princeps nihil aliud intendit per legem, quam tranquillitatem publicam, & quietem temporalem Civium simul vitam degentium, quod utique bonum est. 3. Est justa ex objecto, quia, ut supponitur, nihil præcipit, nisi quod bonum Reipublicæ promovet. 4. Est justa ex modo, quia, ut supponitur, æqualem servat onerum munerumque distributionem. Demum Lex civilis ejusmodi est, ut infractores illius, Deo volente, in hoc sæculo poenis temporalibus puniantur; ut enim monet Paulus ad Rom. 13. v. 4. *Princeps non sine causa gladium portat; in futuro vero sibi damnationem acquirunt juxta eundem Paulum: Qui autem resistunt potestati, ipsi sibi damnationem acquirunt: Ergo Lex civilis ligat in conscientia*.

Quam religiose observanda sit Lex civilis, modo nihil contra bonos mores præcipiat, ostendit Petrus his verbis, Ep. 1. c. 2. *Subjetti igitur estote omni humanæ creaturæ propter Deum; sive Regi quasi præcellent; sive ducibus*

tamquam ab eo missi ad vindictam malefactorum, laudem vero bonorum; quia sic est voluntas... Deum time: Regem honorificare: Illud idem ostendunt antiqui Christiani, qui nulla persecutionum acerbitate a deferendo Principibus etiam Ethnicis obsequio potuerunt dimoveri, modo nihil injungeretur, quod divinæ Legi repugnaret. Sic enim Polycarpus Herodem alloquitur, teste Euseb. lib. 4. hist. c. 15. Tibi quidem rationem reddere non me piget; præceptum enim nobis est, ut Magistratibus & Potestatibus a Deo constitutis honorem debitum exhibeamus, qui nobis ipsis nihil noceat, ut noceret, si esset obedientia illa contra bonos mores. Sanctus Theophilus Episc. Antioch. lib. 1. ad Autolicum hæc habet: Quæ cum ita sint, magis honorabo Regem, sive Cæsarem, non tamen eum adorabo: verum pro eo oro Deum, qui vere Deus est, & quia vere verus est Deus, adorabo, sciens Cæsarem ab ipso fuisse ordinatum.

ARTICULUS II.

Qualiter coram Deo reus sit, qui Legem justam infringit.

Prop. unica. Quicumque Legem justam infringit, peccat mortaliter, vel venialiter.

Mortaliter quidem, si cum plena deliberatione violetur lex in materia gravi, vel si in materia levi interveniat contemptus, aut scandalum: venialiter vero, si lex violetur in materia levi, vel si cum violatur in materia gravi, non adsit plena deliberatio.

Prob. Prima pars. 1. Ex Script. Paulus scribens ad Rom. c. 2. v. 13. *Non enim auditores Legis justii sunt apud Deum, sed factores Legis justificabuntur*, & c. 14. v. 15. ait: *Lex enim iram operatur. Ubi enim non est Lex, nec prævaricatio.* Ergo Lex per gratiam Christi observata justos homines efficit; per malitiam vero nostram violata peccatores efficit & prævaricatores: Ergo pie agit quicumque per gratiam Christi observat legem; peccat vero quicumque legem malicia sua infringit.

2. Ex August. lib. de virginitate c. 5. ubi ita scribit: *Præceptum est enim hoc, cui non obedi peccatum est; non consilium, quo si uti volueris, minus boni adipisceris, non mali aliquid pervertrabis.* Ergo peccat quicumque legem infringit, minime vero, qui propositum consilium non amplectitur.

3. Rat. Omnis Lex secum affert obedientiæ præceptum: ergo obediens est, qui observat legem; inobediens vero & prævarica-

tor, qui eam violat: Ergo peccat, qui infringit legem; quia non obedire est haud dubie peccare.

Prob. Secunda pars ex dictis, ubi de differentia inter peccatum mortale & veniale. Ad peccatum mortale duo requiruntur, scilicet, & plena deliberatio, & materiæ gravitas: ad peccatum veniale sufficit vel materiæ levitas, vel indeliberatio: Ergo violatio legis erit peccatum mortale, si cum plena deliberatione Lex in materia gravi infringatur; erit vero peccatum veniale, si Lex vel in materia levi omittatur, vel sine plena deliberatione non observetur. Et quia scandalum & contemptus rem ex se levem gravem efficiunt, violatio Legis semper erit mortalis, quoties interveniet scandalum aut contemptus.

Consequæ hujus Doctrinæ.

Conseq. 1. Peccant omnes adulti, quoties non observant Legem naturalem in Decalogo expressam; quia præcepta Decalogi sunt naturalia, si determinationem sabbati excipias, ut dicitur suo loco: licet enim homines adulti nihil de Deo audierint, nihil de Scripturis legerint, tamen, ut monet Paulus ad Rom. 2. *Ejusmodi legem non habentes, ipsi sibi sunt Lex.* Teste enim Eusebio lib. 6. de præpar. Evang. c. 6. *Divina Lex... lampadis instar facit, quæ conjunctæ in clamat subinde ac monet interius, uti regia incedat via, nec ad sinistram aut dexteram ullatenus declinet...* quippe naturalem hanc Legem, qua suis in actionibus uteretur, animæ cuilibet, tamquam auxiliatricem, universi molitor impressit: adeo ut sine Doctore exterius personante sciamus, quod in Decalogo scribitur, teste Chrysost. hom. 12. ad populum Antioch. *Non opus habemus, inquit, discere, quod malum est fornicari, & bonum continentia*, (idem dic de aliis præceptis Decalogi) *sed ab initio hoc scimus.*

Non peccant tamen non adulti carentes usu rationis, v.g. infantes, amentes, licet videantur exterius agere contra Decalogum, quia eis Lex naturalis non innoteſcit, cum per solum rationis exercitium nobis pateat, & ut dicunt, intimetur.

Conseq. 2. Peccant omnes, qui non observant Legem positivam divinam sufficienter cognitam; quia Lex divina ligat omnes homines, quibus innoteſcit. Sic peccat homo quicumque, cui sufficienter prædicatum est Evangelium, si ejus non observet præcepta: Lex enim evangelica est a Deo, cui omnis homo subesse debet. Dicitur enim Apostolis: *Prædicate Evangelium omni creature...* & post-

& postea additur: *qui non crediderit, condemnabitur*. Matth. 15. v. 16.

Non tamen peccat infidelis *negative*, qui nihil audivisset, vel audire potuisset de Evangelio, etiam si non observaret præcepta per Legem Evangelicam imposita; Lex enim, ut infra dicitur, non obligat nisi promulgata. Ideo dicitur: *Quomodo ergo invocabunt, in quem non crediderunt; quomodo credent ei, quem non audierunt; quomodo autem audient sine predicante?*

Consect. 3. Peccat quicumque baptizatus, si sit hæreticus, si sit catholicus, si non observet Leges universales Ecclesiæ; quia subditur Ecclesiæ. Sicut enim juxta Paulum Circumcisus tenebatur olim observare Legem omnem Moysis, ut monet Apostolus his verbis: *Testificor autem rursus omni homini circumcidenti se, quoniam debitor est universæ Legis servandæ*; ita baptizatus tenetur observare Legem Ecclesiæ.

Et ita peccant infantes, modo rationis usum assecuti fuerint, si non audiant Missam festis diebus, si non consiteantur peccata tempore ab Ecclesiâ designato, si non abstineant a carnibus statutis diebus; vere enim subiunguntur Ecclesiæ, ut docet Tri. sess. 7. can. 14. his verbis: *Si quis dixerit, hujusmodi parvulos, cum adoleverint, interrogandos esse, a ritum habere velint, quod patrini eorum nomine, dum baptizarentur, polliciti sunt; & ubi se nolle responderint, suo esse arbitrio relinquendos, nec alia interim pœna ad Christianam vitam cogendos, nisi ut ab Eucharistiæ aliorumque Sacramentorum perceptione arceantur, donec resipiscant: anathema sit.*

Non peccat tamen, qui nondum baptizatus, non observat leges Ecclesiæ; quia non subditur legi ecclesiasticæ, juxta illud Pauli: *Quid enim mihi de his, qui foris sunt, judicare non ne de his, qui intus sunt, vos judicatis?*

Consect. 4. Peccat personæ omnes sæculares, quæ non observant statuta Principum, quæ ad bonum Reipublicæ regimen pertinent, quales sunt Leges, quæ feruntur vel circa contractus ineundos, vel circa res forenses tractandas, vel circa merces aut vendendas, aut emendas, vel circa disciplinam militarem, &c. quia ista omnia pertinent ad bonum Reipublicæ, & personas respiciunt, quæ Principibus sæcularibus subesse debent, juxta illud Pauli: *Admone illos, Principibus & Potestatibus subditos esse, & dicto obedire.*

Sic, quando viget aliqua Lex civilis, præcipiens aliquas formalitates in quibuscumque contractibus observandas, peccat quicquid formalitates non observat; quia tenetur legi

subesse: immo si lex illa sit irritans, seu declaret contractus sine illis formalitatibus irritos, tunc contractus erit nullus, ut dicemus, ubi de contractibus.

Sic peccat iudex, si in ferenda sententia non servet normam regiis edictis præscriptam.

Sic peccat mercator, qui sine Regis licentia vendit merces, quas Principis edictum vendi prohibet, v. g. arma tempore belli, liberos sine Regis privilegio, tabacum, sal, &c. vel qui habens licentiam a Rege vendit merces altiori pretio, quam Magistratuum auctoritate taxatæ sint.

Sic peccant milites, Duces, Præfetti, &c. qui statuta Regia circa disciplinam militarem non observant.

Consect. 5. Peccant personæ sacræ, quæ Leges civiles non observant in his, in quibus non sunt exemptæ vel ex dignitate status, vel ex concessione Principum; quia personæ sacræ ex consecratione non desinunt esse membra Reipublicæ; immo ex statu suo habent, quod exemplo Christi & Apostolorum potestatis politicis fidelibus sublint, & ad eam obedientiam suo exemplo populos componant, & obedientia sua gratiam Principum pro Ecclesiâ commodis mereantur: de quo ita Chryl. hom. 13. in epist. ad Rom. 13. *Omnia anima Potestatibus supereminentibus subdita sit, etiam si Apostolus sis, si Evangelista, si Propheta, sive quisquis tandem fueris; neque enim pietatem subvertit ista subditio.* Et Theodor. m. c. 3. ad Rom. ait: *Sacerdos, & Antistes, & monasticam vitam professus, iis debent parere, quibus demandati sunt Principatus.*

Non tamen peccant Clerici vel Monachi, quando non observant Leges civiles, a quibus aut ex concessione Principum, aut ex dignitate sui status exemptuntur, in quo observandus est mos cujuscumque Regni.

Consect. 6. Peccant quicumque subditi, qui vectigalia & tributa a Regibus iuste imposita non persolvunt; docet enim Christus, Luc. 20. v. 25. censum Cæsari esse tribuendum. *Reddite ergo*, inquit, *quæ sunt Cæsaris, Cæsari, & quæ sunt Dei, Deo*: unde Justinus apolog. ad Antoninum sic scribit: *Vestigalia sane & collationes eis, qui a vobis sunt ordinati, exactoribus, præ omnibus inferre contendimus, quemadmodum ab illo, id est Christo, sumus instituti; & Tatianus in Apolog. Atqui Rex si jubeat tributum pendere, paratus sum inservire & ministrare.*

Consect. 7. Peccat quicumque membrum alicujus communitalis vel civilis, vel Ecclesiasticæ, vel Monasticæ, non observat Leges ejusdem communitalis, cuius est

membrum, quia, ut optime ait Aug. lib. 3. Confess. c. 8. *Turpis est omnis pars suo inverso non congruens.*

Sic peccat Gallus leges Galliz non observans, Hispanus leges Hispaniz &c.

Sic peccat Clericus non observans statuta suæ Ecclesiæ, & Monachus statuta sui Monasterii.

Non peccant tamen, qui transeuntes ad aliam communitatem, non servant leges prioris communitatis, quam deserunt, sed novæ, quam ingrediuntur; quia non sunt membra prioris communitatis, sed posterioris.

Confess. 8. Peccat quicumque transiens ad aliam communitatem, & in aliquo etiam obiter degens territorio, cum scandalo aliquo infringit leges illius communitatis & territorii, quia toto tempore, quo degit in territorio, censetur subesse legibus illius loci: unde ait Aug. scribens ad Casul. *Ad quancumque Ecclesiam veneritis & locum, ejus morem servate, si pati scandalum non vultis, aut facere.*

Sic qui veniunt ad aliquam urbem vel ut ibi lites defendant suas, vel ut studeant, aut aliquid aliud operentur, licet domicilium ibi statuere non intendant, tamen tenentur festa & jejunia ejus loci observare.

Non peccant tamen, si non observent leges, quæ directe respiciunt personas illius loci, v. g. leges municipales, quæ pro solis feruntur civibus.

Confess. 10. Peccant viatores, qui eo tempore, quo manent in territorio, non servant Leges hujus territorii, si maneant per tempus sufficiens, ut censeantur obligari: v. g. si maneant integro die, tenentur Missam audire, si ibi sit festum: tenentur & jejunare, si sit dies jejunii; quia ut ait Aug. lib. 3. conf. c. 8. *Lex justa talis debet esse, ut nulla civis aut peregrini libidine violeatur.*

Non tamen peccarent, si ita obiter manerent, ut non persisterent sufficienti tempore, quo Lex censeatur obligare: v. g. licet viatores illic manerent per unicum horam, non tenerentur audire Missam, aut observare jejunium.

Per oppositam rationem manentes in aliquo loco sufficienti tempore quo Lex censeatur obligare, possunt uti privilegiis illius loci; quia juxta regulam juris, qui sentit onus, debet sentire & commodum.

Sic manens Parisiis, possum vesci carnibus certis Sabbatis secundum usum Ecclesiæ Parisiensis: manens in Hispania, possum vesci intestinis animalium die Sabbati secundum usum Ecclesiæ Hispanicæ.

Confess. 10. Peccat Legislator sive civilis,

sive ecclesiasticus, qui non observat Leges directivas quas ipse statuit; quia Legislatori dicitur: *Patere Legem, quam tuleris*; & hi increpantur a Christo: *Qui dicunt, & non faciunt.* Matth. 23.

Sed non peccat, si ipse non subeat pœnas, quas contra infractores legis decernit; quia nullus proprie a se ipso pœnis subicitur: v. g. Episcopus censuris a se infligendis non ligatur, nec Princeps pœnis per ipsum destinatis contra infractores legis subesse debet. Ita D. Th. 1. 2. q. 96. a. 5. ad 3.

Confess. 11. Peccant, qui leges justas nolunt ex contumacia recipere; quia hæc contumacia est rebellio contra legem; ideo damnata est sequens propositio ab Alexandro VII.

Populus non peccat, etiam si usque ulla causa non recipiat legem a Principe promulgatam.

Sic peccant Laici & Clerici, qui pertinaciter obstant, ne Leges civiles justæ introducantur & recipiantur.

Sic peccant Monaci & Moniales, qui resistunt Superioribus legitimis volentibus justam regularem observantiam introducere; quia ex Trident. sess. 25. de reform. c. 5. gravissimis censuris afficiuntur quotquot tam salutari reformationi resisterint.

Non peccant tamen, qui secluso omni scandalo & contumacia, veras causas & certa privilegia proponunt, quibus possunt eximi a tali Lege, quæ statuitur; quia tunc nulla rebellio. Sic varii sunt Canones circa disciplinam, quæ in certis regionibus non videntur. Vide Dominum Marca lib. 2. de Concord. c. 16. & 17.

ARTICULUS III.

An Lex, manifeste injusta, sit observanda. Constat, legem injustam non habere vim obligandi; sed quomodo id intelligendum sit, sequentes propositiones aperient.

Prop. 1. Quoties Lex est injusta ex objecto, præcipiens aliquid, quod est ex se male, vel vetans aliquid, quod est ex se bonum, quæque est aperte contraria Legi vel naturali, vel divinæ, vel ecclesiasticæ, nullatenus est observanda.

Prob. 1. Ex Scriptura. Prædicta Lex est injusta ex objecto; de Lege autem injusta ex objecto, dictum est Act. 4. v. 29. *Obedire oportet Deo, magis quam hominibus*: Ergo prædicta Lex nullatenus est observanda.

2. Ex Hieron. in c. 6. Epist. ad Ephes. *Non audiat servus carnalem dominum, si contraria Dei præceptis voluerit imperare.*

3. Ex. D. Thom. 1. 2. q. 96. art. 3. in c. ubi habet: *Leges possunt esse injustæ per contrarietatem ad bonum divinum, sicut Leges tyrannorum inducentes ad idololatram, vel ad quodcumque aliud, quod sit contra Legem divinam: & tales Leges nullo modo licet observare.*

4. Ratione. Lex injusta, ex objecto, non est recta rationis ordinatio; sed e contra est rationis deordinatio: ergo non est observanda, sed spernenda.

Consecratoria hujus Doctrinæ.

Consect. 1. Honorandus est Legislator, qui Legem statuit, sed non est audiendus; quod statuit aliquid contra Legem naturalem. Honorandus, quia habet dignitatem: non audiendus in tali casu; quia non habet auctoritatem. Quod uno verbo ita dixerit Tertullianus in lib. ad Scapulum cap. 1. *Colimus ergo & Imperatorem sic, quomodo nobis licet, & ipsi expedit, ut hominem a Deo secundum, & quidquid est, a Deo consecutum, & solo Deo minorem.*

Sic generatim spernenda est Lex Imperatoris contraria legi naturæ, ut docet Origenes lib. 5. contra Celsum. Cum, inquit, *sint duæ Leges in genere, altera natura, & cuius Deus lator est, altera scripta, valens in civitatibus: ubi cumque scripta Lex Legi Dei non adversatur, decet accommodare se civibus, nec affectare leges externas: ubi vero scripta contrarium naturæ... imperat, vide, an non ratio dicat, ut... Legislatori Deo te committens, vivas juxta illius præscriptum, etiamsi id faciendum sit cum innumeris periculis, laboribus, mortibus, ignominiiis.*

Sic in particulari spernenda est Lex, quæ idololatram imperat, qualis fuit Antiochi in veteri testamento, & Lex Ethnicorum Imperatorum in novo testamento, de quo ita Theophilus Episcopus Antioch. l. 1. ad Autochthonem. *Dices ergo, inquit quare Regem, sive Cæsarem adorare recusas? quia non ad id est institutus, ut adoretur, sed ut legitimo, qui ipsi congruit, bonoretur honore: Rex enim, sive Cæsar, Deus non est, sed meminervis se esse hominem a Deo in hanc dignitatem promotum, non ut adoretur, sed ut juste, quemadmodum iustitia exigit, iudicet.*

Sic pariter spernenda est Lex, quæ præperet occidi innocentes, qualis fuit Lex Pharaonis jubentis occidi omnes infantes masculos Judæorum, ut habetur Exod. 1. v. 16. qualis fuit etiam Lex Saulis jubentis occidi Sacerdotes Domini, ut habetur 1. Reg. 22. v. 18. qualis demum fuit Lex tyrannorum jubentium occidi eos omnes, qui Christi religionem profiterentur; dicitur enim Exod. 23. *Insonnem & iustum non occides.*

Tomo I.

Consect. 2. Non audiendus est Imperator, quando statuit Legem Legi positivæ divinæ contrariam. Id dilectis verbis explicat Augustinus in expositione quarundam propositionum Epistolæ ad Rom. ubi sic habet: *Si quis ergo putat, quoniam Christianus est, non sibi esse vestigial reddendum, aut tributum, aut non esse exhibendum honorem debitum illis, qui hæc curant, potestatis, in magno errore versatur. Item, si quis se se putat esse subdendum, ut etiam in sua fide habere potestatem nrbisretur eum, qui temporalibus administrandis aliqua sublimitate præcellit, in majorem errorem labitur; sed modus iste servandus est, quem Dominus ipse præscribit, ut reddamus Cæsari, quæ sunt Cæsaris, & Deo, quæ Dei sunt.*

Sic generatim loquendo, non observanda est Lex humana Legi divinitus traditæ contraria; sed dicendum cum Apostolis: *Si iustum est in conspectu Dei vos potius audire, quam Deum, iudicate.* Act. 4. v. 19.

Sic in specie loquendo, spernenda esset Lex, qua juberetur Scripturas Sacras non servari, uti iussit Julianus Apostata, teste Augustinus lib. 18. de civ. cap. 52. iussit enim Deus Sacros Codices fideliter servari.

Sic pariter spernenda esset Lex, qua juberetur, homines non instrui circa religionem, fidelibus Sacramenta non conferri, &c. uti jubent multi Ethnici Imperatores; contrarium enim iussit Christus, dicens: *Docete omnes gentes, baptizantes eos, &c.*

Consect. 3. Non audiendus pariter Legislator politicus, quando statuens circa materiam sibi non subjectam, condit Legem Constitutionibus Ecclesiasticis contrariam, ut habetur in Capitulo Hadriani num. 39. *Constitutiones contra Canones & Decreta Præsulum Romanorum, vel bonos mores, nullius sint momenti.*

Consect. 4. Quantacumque sit iniquitas humanarum Legum, quibus aut res ex se mala præcipiatur, aut res ex se bona prohibeatur, abstinendum quidem a malo, & faciendum bonum; sed nulla unquam in iniquum Legislatorem molienda est rebellio, sed patienter sustinenda est persecutio. In hoc enim vitæ genus, inquit Petrus 1. cap. 2. v. 21. *vocati estis, ut patiamini: Quia & Christus passus est pro nobis, vobis relinquens exemplum, ut sequamini vestigia ejus, qui peccatum non fecit, nec inventus est dolus in ore ejus. Qui cum malediceretur, non maledicebat: cum pateretur, non comminabatur: tradebatur autem vel Pilato, iudicanti se injuste, vel Patri iudicanti se iuste, ut explicat Menoch. Recognite, inquit Paul. ad Hebr. 12. eum, qui talem recognovit a*

D 3

pecca-

peccatoribus adversus semetipsum contradidit. *omnem, ut ne fatigemini animis vestri deficientes.* Et alibi exemplo suo Paulus compellans nos, ait: *Persecutionem patimur, & sustinemus, blasphemamur, & obsecramus.* Ideo nunquam vilium in Ecclesia Catholica a fidelibus motum esse vel minimam seditionem contra nequiores & faviores tyrannos.

Prop. 2. Quando Lex non est injusta ex objecto, seu cum Lex nihil præcipit mali, sed injusta solum est vel ex auctore, vel ex modo, vel ex fine. Ex auctore, cum Legislator fert legem ultra sibi commissam potestatem: ex modo, ut cum Legislator injuste distribuit onera aliunde justa: ex fine, ut cum Legislator in ferenda lege non quærit utilitatem Civium, sed propriam. Tunc ea Lex observari quidem potest; sed citra peccatum licet ejus observantiam omittere, modo non timeatur vel scandalum, vel perturbatio; quo in casu esset ex necessitate observanda.

Prob. 1. Scriptura. 1. Petr. cap. 2. v. 19. ubi sic habetur: *Hæc est enim gratia, id est, id gratum Deo est, si propter Dei conscientiam, id est, fidem & religionem Dei, sustinet quis tristitiam, patientiæ injussu, ut explicat Menoch.* Ergo ut concludit D. Thom. ex isto textu, Lex etsi aliunde injusta, observari utiliter potest.

2. Ex D. Thom. 1. 2. q. 96. a. 4. in corp. ubi sic habetur: *Hujusmodi Leges, injustæ scilicet vel ex auctore, vel ex fine, vel ex modo, magis sunt violentiæ, quam Leges: sicut Aug. dicit de lib. arbit.* Lex esse non videtur, quæ justa non fuerit. *Unde tales Leges non obligant in foro conscientiæ, nisi forte propter vitandum scandalum, vel turbationem, propter quod etiam homo juri suo debet cedere, secundum illud. Matth. 5.* Qui angariaverit te mille passus, vade cum eo alia duo, & qui abstulerit tibi tunicam, da ei & pallium. Ergo Lex injusta aliquo modo ex prædictis observari debet ex necessitate, ubi timetur scandalum & perturbatio; extra illum casum observari tantum debet ex consilio.

3. *Rat.* Lex in tantum ligat, in quantum Legislator accipit a Deo jurisdictionem, juxta illud Pauli: *Omnis ordinatio a Deo est.* Atqui Deus non concessit jurisdictionem ad condendam Legem injustam vel ex auctore, vel ex fine, vel ex modo; quia quæ sunt a Deo ordinata sunt: Ergo hujusmodi Lex non ligat in conscientia; & ita potest citra peccatum omitti, modo non interveniat scandalum, vel perturbatio.

Quia tamen quisque potest juri suo cedere, cum ea Lex, ut supponitur, nihil præ-

cipiat mali, poterit sine peccato, immo cum laude observari: ideo Paulus ad hujusmodi observantiam hortatur his verbis: *Ut quid non magis injuriam patimini?*

Et quia rursus quisque debet juri suo cedere ad vitandum scandalum & perturbationem, hujusmodi Lex etsi injusta, ex necessitate observanda est, quoties timetur vel scandalum, vel perturbatio.

Conseñaria hujus Doctrinæ.

Conseñ. 1. Quoties Legislator vel non habet absolute potestatem legem statuendi, vel non habet potestatem super illos, quibus imperat, vel non habet potestatem super eam rem, quam imperat; tunc ea lex non ligat: quia non est justa ex auctore.

Sic Lex lata a privato homine, nullatenus ligat; quia privata persona nullam habet auctoritatem condendi Legem: de hoc ita D. Thom. 1. 2. q. 90. art. 3. in corp. Lex, inquit, proprie, primo, & principaliter respicit ordinem ad bonum commune: ordinare autem aliquid in bonum commune, est vel totius multitudinis, vel alicujus gerentis vicem totius multitudinis; & ideo condere legem, pertinet ad totam multitudinem, vel pertinet ad personam publicam, quæ totius multitudinis curam habet.

Sic Lex lata a persona quidem publica, sed circa sibi non subditos, non ligat: v. g. Lex Ecclesiastica non ligat non baptizatos. Lex alicujus Regni non ligat eos, qui ad regnum nullatenus pertinent: de hoc ita D. Thom. 1. 2. q. 96. a. 6. Illi, inquit, qui sunt de civitate vel regno, non subduntur Legibus Principis alterius Civitatis, vel Regni, sicut nec ejus Dominio.

Sic Lex lata a legitimo Legislatore, sed circa materiam non sibi subditam, non ligat; quia est injusta ex auctore: v. g. Lex lata ab Episcopis circa res temporales, aut Lex Principis lata circa res religionis, non ligat; quia est injusta ex auctore; de quo Canon. Nos c. 2. q. 1. *Sicut Reges, inquit, præjunt in rebus sæculi, ita Sacerdotes in rebus Dei.* Ad quæ extendat lex Ecclesiastica, & civilis, dicitur infra.

Conseñ. 2. Quoties Legislator in imponendis oneribus non servat justam æqualitatis proportionem, toties Lex illa non ligat, quantum ad eam partem, in qua exceditur; quia tunc Lex est injusta ex modo: ligat vero quantum ad eam partem, in qua non exceditur; quia circa id non est injusta.

Sic tributa legitime imposita solvenda sunt a quolibet secundum eam quantitatem, quæ

quæ servata proportionem ipsi competere debet.

Sic pariter si Lex vergat in gravamen injustum aliquorum tantum, & non omnium, obligat eos, quos non gravat, quamvis alios non obliget.

Consect. 3. Quoties Legislator in ferenda Legge non querit finem legis, nullumque commodum commune assignari potest, tunc Lex non ligat in conscientia; quia Lex non esset justa ex fine.

Sic, v.g. statuta est gabella ad struendos muros civitatis; constructis muris, si Cives sine auctoritate idem tributum exigant, tunc injusta esset, inquit Cajetanus, exactio; quia cessavit finis, propter quem impositum est tributum.

Consect. 4. Quando Lex est justa ex objecto, ex auctore, ex fine generali, ex modo, sed injusta solum ex motivo particulari Legislatoris, quia scilicet Legislator tulit legem pravo motivo; tunc Lex illa justa ex objecto, ex auctore, ex fine generali, ex modo, est observanda; quia est vera Lex, & proinde ligans in conscientia. Et quamvis Legislator peccet condendo tali motivo legem aliunde justam; tamen per peccatum non amittit jurisdictionem, & proinde vim obligandi subditos.

Sic quamvis Episcopus ex odio, vel malitia, qua flagraret erga sibi subditos, jejunium præciperet, aut diem festivum observandum mandaret; hæc Lex, etsi injusta ex motivo particulari, esset observanda.

Consect. 5. Quando Lex est injusta ex auctore tantum, semper est observanda, donec manifeste declaretur, auctorem Legis nullam habere jurisdictionem; quia alias subditi infinitas causarentur excusationes, quibus se ab observantia legum liberarent.

Sic Lex legitimi Principis est observanda, quamvis dure, immo tyrannice regat imperium; quia veram habet jurisdictionem: & hoc est, quod jubet Petrus r. c. 11. v. 18. *Subditi essote in omni timore Domini, non tantum bonis & molestis, sed etiam discoloris.*

Sic Lex etiam tyranni, qui injuste regnum invasit, est observanda, quamdiu est possessor pacificus; quia Respublica illum tolerando, censetur in illum jurisdictionem transferre.

CAPUT III

De modo, secundum quem Lex obligat.

Vidimus Legem singulos sibi subditos obligare in conscientia: jam, quo pacto eos liget, videamus.

ARTICULUS I.

Secundum quam intentionem vel expressam, vel interpretativam, obliget Lex.

Prop. unica. Lex non ligat, nisi juxta intentionem rationalem Legislatoris.

Prob. 1. Scriptura. *Littera occidit*, inquit Paulus, *spiritus autem vivificat*. Ergo Lex est observanda, non secundum sensum externum verborum, sed juxta intentionem a Legislatore rationaliter intentam, & per sensum obvium verborum propositam.

2. Ex Hilario relato a D. Th. 1. 2. q. 92. art. 1. *Intelligentia dictorum ex causis est assumenda dicendi*: Ergo Lex debet sumi, non secundum externum verborum sonum, sed secundum mentem Legislatoris expressam vel per seipsum, vel per ejus verba in sensu obvio accepta.

3. Rat. Prima Ratio. Legislator præcipit obedientiam; obedientia autem exigit, ut obsequamur juxta intentionem præcipientis: Ergo lex ligat juxta intentionem Legislatoris juxta præcipientis.

2. Ratio. Legislator nihil potest ultra exigere, quam ut ejus subditi ei plane subjiciantur; ei autem plane subjiciuntur, si legem observent juxta suam ipsius legislatoris intentionem: ergo Lex ligat juxta intentionem legislatoris.

3. Ratio. Legislator se habet in communitate, sicut Deus in mundo, anima in corpore, pater in domo, præfectus in exercitu: ergo sicut perfecta est subordinatio, cum milites sequuntur nutum præfecti, filii nutum patris, corpus nutum animæ, & creaturæ nutum Dei; ita perfecta est obedientia, cum sequimur nutum legislatoris: ergo lex ligare non potest, nisi juxta intentionem legislatoris.

Consectaria hujus Doctrinæ.

Consect. 1. Ille est prævaricator Legis, qui verbis legis exterius adhærens, intentionem Legislatoris non sequitur; quia, ut dicitur lege *Contra ff. de legibus. In fraudem legis facit, qui salvis verbis legis sententiam ejus circumvenit*. Sic adulter relinquens alicui hæreditatem ea Lege, ut suo spurio reddatur, in Legem peccat, quamvis verba legis videatur servare. Sic Sacerdos filio transmittens beneficium, non perse, sed per alium, verbis legis obsequitur, sed ipsam legem violat; dicitur enim de Reg. Juris in 6. Reg. ultima:

Certum est, quod is committit in Legem, qui Legis verba complectens, contra Legis nititur voluntatem; quia ut ait JurisConsultus: Scire Leges, non est verba earum tenere, sed vim ac potestatem.

Consect. 2. Toties observantia Legis omit-
ti potest, quoties occurrunt casus particu-
lares, in quibus, si prudens legislator in-
terrogaretur, responderet, se non habuisse
intentionem obligandi in tali casu; quia Lex
non ligat, nisi juxta intentionem legislatoris.

Sic contra verba Legis agendum, quo-
ties in rigore accepta, noceret bono com-
muni; v. g. contra verba legis aperiendæ
fuisse fores urbis obfessæ, si egressi cives ab
hostibus laceßiti, velint in eam recipi:
non est reddendum depositum, cum depo-
sitor vult eo uti vel ad sui, vel ad alte-
rius perniciem.

Consect. 3. Lex non ligat sub peccato,
nisi post legitimam & sufficientem promul-
gationem; quia talis debet esse intentio ra-
tionalis Legislatoris: iniquum enim esset ad
Legem incognitam obligare; & ita

Lex naturalis non ligat antequam ratio-
nis, per quam Lex naturalis nobis manife-
statur.

Lex Mosaica non ligabat Gentiles, qui-
bus erat incognita, sed solos Judæos, qui-
bus in monte Sinai fuerat promulgata.

Lex Evangelica non ligabat infideles, apud
quos non erat prædicata; immo juxta
Bernardum Epist. 77. licet Hierosolymis pro-
mulgata, non obligabat, nisi postquam fuit
toto orbe annuntiata.

Lex Ecclesiastica non ligat, nisi ubi cum
debitis solemnitatibus promulgata est: v. g.
Lex de continentia Diaconorum non liga-
bat, nisi post promulgationem. *Hic igno-
rationis venia remittitur*, inquit Innoc. I.
ita ut de cetero penitus incipiant abstinere.
Epist. 3. Lex de suppressendis matrimoniis
clandestinis non ligabat, nisi post triginta
dies a prima die promulgationis, ut docet
expresse Triden. sess. 24. cap. 1.

Sic juxta Dominum de Marca lib. 2. de
Concor. c. 15. qui in confirmationem suæ
sententia citat Panormitanum, Sylvestrum,
Cajetanum, Soto, Axorium, Serarium,
&c. Lex Romani Pontificis non ligat, ni-
si fuerit solemniter promulgata apud eos
populos, qui ei subesse debent.

Sed qualis debeat esse in Gallia sollemnis il-
la promulgatio, non apud omnes convenit:
alii censent requiri, ut constitutiones Papa-
les a Parliamentis acceptentur: alii vero cen-
sent sufficere, quod ab Episcopis accepten-

tur, & ab eisdem populo proponantur; sed
quidquid sit de illa controversia, illud est om-
nino certum, Constitutiones Papales editas
contra Janenitas, contra Quietistas, con-
tra laxiores aut rigidiores Casuistas, plenum
& integrum Legis robur habere, & eos gra-
viter peccare, qui dictis Constitutionibus re-
ligiose non obtemperant; quia & a Parlamen-
tis acceptaæ sunt, & in sollemnioribus Cle-
rici Gallicani comitiis nedum humiliter & re-
ligiose exceptaæ fuerunt, sed etiam justum
est ut eis fideles omnes acquiescerent.

Sic Lex civilis non ligat, nisi promulgata.
Tunc, inquit Justinian. *Leges valere jubentur, cum in communi factæ sunt manifestæ*:
Novel. 66. Inde est, quod apud Gallos edi-
cta Regum mittuntur ad Parlaamenta, a
Parlaamentis ad Curias inferiores.

Sic Lex derogatoria tum consuetudinis ha-
bentis vim legis, tum privilegii eximentis a
Lege, non habet robur nisi promulgata; quia
est instar legis: ideo qui habet facultatem
absolvendi a reservatis, hac uti potest, do-
nec revocatio illius illi fuerit cognita.

Consect. 4. Lex positiva sive ecclesiastica,
sive civilis, si sit privati juris, & aliunde non
sit bonis moribus necessaria, non ligat,
cnn, seclusa omni pertinacia & scandalo,
moribus utentium non est recepta; quia
talis est intentio Legislatoris: qui enim ta-
cet, consentire videtur, si lubens & spon-
te taceat; de quo ita Gratianus Can. *In illis*.
*Leges Ecclesiasticæ infirmuntur, cum promul-
gantur: firmantur, cum moribus utentium re-
cipiuntur*. Et Julianus *L. Ex quibus ff. de le-
gibus: Leges ipsæ nulla alia ex causa civiles nos
tenent, quam cum judicio populi receptæ sunt*.

Sic Leges ecclesiasticæ aliæ valens in oc-
cidente, aliæ in oriente: olim Romæ seju-
nabatur Sabbato, minime vero alibi. Lex
erat de ordinandis cantoribus in oriente,
de non ordinandis in occidente.

Si autem Leges sint non privati juris, quo
privatum bonum singulorum quaeri debet,
sed sint juris publici, quo bonum univer-
sale quaeritur; tunc nullatenus necessari-
us est populi consensus, ut Leges illæ obligent;
quia esto Lex privati juris nihil aliud sit,
ut dicit Papinianus, *Quam communis Rei-
publicæ sponso*; Lex vero publici juris ni-
hil est aliud, ut dicit Plato, quam salus to-
tius etiam cum periculo partis.

Sic Leges istæ publici juris, v. g. de bello,
de pace, de foederibus, de vestigalibus, de
Regum eminenti dominio, &c. ad solum Prin-
cipum arbitrium pertinent, sola populis obse-
qui gloria relicta, & obligare censentur etiam.

fi injuste obmurmurent populi; quia intentio rationalis Legislatoris est, ut bonum universale totius Reipublicæ procuraretur, etiam cum dispendio boni privati & particularis.

Consect. 5. Lex positiva sive ecclesiastica, sive civilis, non rescindit, ut plurimum, antiquas locorum consuetudines, si aliunde nihil mali contineant; quia talis est intentio Legislatoris. Ipsa quippe mutatio consuetudinis, etiam quæ adjuvat utilitate, novitate perturbat, inquit Aug. Epist. ad Januar. Ita sine schismate particulares Ecclesiæ servant suos ritus, & sine rebellionis crimine particulares Provinciæ suis moribus adherent: alii sunt ritus in Ecclesia Græca, alii in Ecclesia Latina.

Consect. 6. Lex fundata in falsa præsumptione non ligat, quando constat, Legislatorem non habiturum fuisse intentionem obligandi, si falsitatem præsumptionis cognovisset; quia tunc Legislator non habet intentionem obligandi.

Sic sententia lata ex falso allegatis, & probatis, non ligat in foro conscientiæ, nisi ut scandalum vitetur, si sit illius periculum: proinde secluso scandalo possum non solvere quod iudex jubet, si vere non debeam. Sic sententia iubens aliquid secundum se bonum, sed in talibus circumstantiis illicitum, v. g. iubens matrimonium Monacho incognito ut tali, non ligat; quia nititur falsa præsumptione.

Sic sententia iubens reddi debitum conjugale, non ligat eos, qui non vere contraxerunt, quia inter eos non est verum matrimonium.

Consect. 7. Nulla præcepta affirmativa Legis naturalis obligant ad sui observantiam cum aperto vitæ discrimine in his circumstantiis, in quibus eorum omissio nec honori Dei, nec utilitati proximi contrariatur; quia talis est intentio Legislatoris: *Præcepta affirmativa obligant ad semper, sed non pro semper*, idest, urgent in aliquibus instantibus, & non in omnibus: ergo intentio Legislatoris talis est, ut cesset obligatio tunc exercendi actus pro legem imperatos, quando tale exercitium citra necessitatem periculum vitæ induceret.

Sic præceptum confitendi fidem, celebrandi nomen divinum, honorandi parentes, reddendi depositum, restituendi ablatum, cum periculo vitæ non ligat semper & in omni instanti; sed tunc solum urget, cum honor Dei & utilitas proximi contrarie subtraherentur, ut loquitur D. Thom. agens de professione fidei 2. 2. q. 3. a. 2.

Consect. 8. Nulla præcepta affirmativa Le-

gis positivæ vel ecclesiasticæ, vel civilis ligant ad sui observantiam cum evidenti vitæ discrimine, nisi in his circumstantiis, in quibus eorum omissio vel honori Dei, vel utilitati proximi, vel bono publico insigniter contrariatur: quia talis est, aut esse debet rationalis intentio Legislatoris; minus enim ligat Lex positiva, quam naturalis.

Sic præceptum ecclesiasticum celebrandi exterius festa, audiendi Missam, confitendi peccata, communicandi, recitandi horas canonicas, recedendi ab excommunicatis, &c. non ligat imminente periculo vitæ, modo nihil fiat his præceptis contrarium.

Sic præceptum civile, quo statuuntur servitutes tum urbanæ, tum agrestes, cessat hoc ipso, quod ad ejus observantiam intervenit præsens vitæ periculum.

Consect. 9. Præcepta negativa juris naturalis obligant ad sui observantiam, etiam in ipso vitæ discrimine, quia, cum *Præcepta negativa obligant ad semper, & pro semper*, & vetent quod est ex se malum, talis est intentio Legis, ut obligent etiam cum vitæ dispendio.

Sic debemus potius mortem obire, quam hæc præcepta naturalia negativa infringere: non habebis Deos alienos coram me: non perjurabis: non inhonorabis parentes: non fornicaberis: non mentieris; non concupisces, &c.

Consect. 10. Præcepta negativa juris positivi tunc solum obligant ad sui observantiam, etiam instante periculo vitæ, cum ex eorum ommissione secutura est vel contumelia contra Deum, vel læsura salutis æternæ proximi, vel periculum boni universalis; quia talis est intentio Legislatoris: honor enim Dei, salus æterna proximi, & bonum universale Reipublicæ, debent conservari illæsa, etiam dispendio vitæ nostræ.

Sic fidelis baptizatus debet potius mortem subire, quam non abstinere a carnibus diebus ab Ecclesia vetitis, quam non abstinere a servilibus diebus festis, quam non abstinere ab idololatriis, si ad hoc cogatur, non ut satisfaciat necessitati naturali, sed solum in derisum religionis Catholicæ. Ita se gessit Eleazarus, abstinens a carnibus porcinis.

Sic debemus potius mori, quam non abstinere ab aliquo indifferenti, quod scandalum est fratri: ita docet Paulus. *Ergo peribis*, inquit, *infirmus in tua scientia frater, propter quem Christus mortuus est?* ad Corinth. 8. v. 12. & rursus: *Noli cibo tuo illum perdere, pro quo Christus mortuus est*, ad Rom. 14. v. 16.

Sic miles in statione difficili & periculo-

fa constitutus, debet potius mortem oppetere, quam eam deferere, si ex ejus fuga securura sit deletio exercitus, aut periculum Reipublicæ. Ita præstitit Judas Machabæus. *Quoniam, inquit, melius est nos mori in bello, quam videre malagentis nostræ & sanctorum.* 1. Mach. cap. 3. v. 59.

Sic tempore pestis, Medicus debet potius vitam suam periculo mortis exponere, quam cives sine remedio deferere: debet, inquam, hoc ex justitia, si sit pretio conductus; ex caritate vero, si non sit pretio conductus.

Sic simplex Sacerdos ex caritate, Parochus vero ex justitia debet potius vitam suam periculo mortis exponere, quam fideles sine Sacramentis deferere. *Nisi forte*, inquit Aug. Epist. 228. ad Honoratum, *quisquam contenderit non esse ministrum impium, qui tunc subtrahat ministerium pietati necessarium, quando est magis necessarium*; debemus enim Christum imitari, qui vitam suam pro nobis posuit.

ARTICULUS II.

De modo, secundum quem Lex pœnalis obliget. Quomodo & quando pœne per Legem inflicte, sint subeundæ.

NOta. Lex pœnalis ea est, quæ præcipit aut vetat aliquid, infligendo infractoribus pœnam aliquam, quæ habeat rationem vindictæ, v.g. exilium, mutilationem, & multam pecuniariam, &c.

Lex pœnalis, alia est mere pœnalis, alia mixta.

Lex mere pœnalis ea est, quæ non est præceptiva, sed tantum pœnalis, ut cum Legislator non habet intentionem obligandi, sed solum infligendi pœnam.

Lex pœnalis mixta ea est, quæ simul præceptiva est & pœnalis, ut cum Legislator habet intentionem obligandi sub peccato, & simul infligendi pœnam. Legislator autem censetur semper habere intentionem obligandi sub peccato, quando legem statuit, nisi expresse exprimat se non habere intentionem obligandi sub peccato.

Prop. unica. Lex mere pœnalis obligat solum ad pœnam juxta rationalem intentionem Legislatoris subeundam: Lex vero pœnalis mixta obligat ad culpam simul & pœnam subeundam pariter juxta intentionem rationalem Legislatoris.

Prob. Omnis Lex obligat juxta intentionem rationalem Legislatoris, ut patet ex dictis: atqui Legislator habet intentionem obligandi solum ad pœnam, cum condit Legem

mere pœnalem, habet vero intentionem obligandi ad culpam simul & pœnam, quando condit Legem pœnalem mixtam, ut patet ex prænotatis: ergo Lex mere pœnalis obligat tantum ad pœnam, Lex vero pœnalis mixta obligat ad culpam simul & pœnam. Et quia Lex non obligat nisi juxta intentionem rationalem Legislatoris, culpa non contrahitur, & pœna non est subeunda, nisi juxta intentionem rationalem Legislatoris.

Conseſſaria hujus Doctrinæ circa vim obligationem Legis & mere pœnalis, & mixtæ.

Conseſſ. 1. Lex mere pœnalis, in qua Legislator expresse aſſerit se nolle obligare sub peccato, non ligat sub reatu culpæ; quia talis est intentio Legislatoris.

Sic statuta multorum Religioſorum, v.g. Dominicanorum, Patrum Doctrinæ Chriſtiannæ, non obligant sub peccato; quia ita expresse fertur in Constitutionibus, modo absit scandalum & contemptus.

Conseſſ. 2. Lex pœnalis disjunctive, in qua Legislator expresse aſſerit, se velle obligare vel ad culpam, vel ad pœnam, non obligat ad utrumque, sed solum ad alterutrum, vel ad pœnam, vel ad culpam: sicuti votum pœnale obligat tantum vel ad culpam, vel ad pœnam, quia talis est intentio Legislatoris.

Sic ista lex: nemo frumentum extra Regnum eſſerat, vel si eſſerat, solvat centum nummos; cogit vel ut non eſſeras frumentum, vel si eſſeras, ut solvas argentum præscriptum.

Conseſſ. 3. Lex pœnalis mixta, in qua Legislator expresse aſſerit, se velle obligare subditos juxta formam juris, obligat sub peccato; quia Lex tunc censetur præceptiva & pœnalis.

Sic peccant, qui contra vetitum cædunt ligna in sylvis, qui piscantur in fluminibus, qui sal, tabacum emunt, aut vendunt; quia edita regia, edita circa hæc, vulgo secundum formam juris exprimuntur.

Conseſſ. 4. Lex pœnalis mixta, in qua Legislator non expresse aſſerit ad quid velit obligare, an ad culpam solum, an ad pœnam solum, an ad culpam simul & pœnam, est examinanda, ut constet de intentione Legislatoris; quia Lex ligat juxta intentionem Legislatoris.

Regule ad dignoscendum, quando nam Lex pœnalis sit mere pœnalis, quando vero sit mixta.

1. Reg. Si Legislator intendat vere Legem

con-

condere, tunc Lex pœnalis est mixta, & obligat sub peccato; quia, ut ait Bellarminus lib. 3. de Laicis cap. 11. *Ex intentione Legislatoris pendet, an revera velit imperare Sed non est in ejus potestate impedire, quin Lex obliget, & tantum abest quod appositio eximat a culpa, quin immo indicat violationi Legis inesse peccatum; omnis enim pœna si justa, peccati pœna est, inquit August. lib. 2. retract. cap. 9.*

Sic omnis Lex naturalis, cui additur conscientie remorsus: omnis Lex divina, cujus violationi additur pœnæ æternæ inflictiō: omnis Lex ecclesiastica, cui additur excommunicatio: omnis Lex civilis, cui additur pœna vel diffamans, vel corporalis; obligat sub peccato. 1. Quia Lex pœnalis obligat. 2. Quia nemo ita est dominus tum sui corporis, tum suæ famæ, ut possit voluntaria Legis violatione exponere se aut subeundæ pœnæ corporali, aut infamæ incurrendæ.

2. *Regula.* Si Legislator non intendat vere Legem condere; sed concessionem stabilire, qua acquirit pecunias, & ærarium augeat; tunc videtur non velle obligare ad culpam, sed solum ad solvendam summam taxatam pro obtinenda concessione: tunc, inquit Soto de Just. & Jure lib. 1. q. 6. a. 6. intentio Legislatoris non est Legem condere, quæ liget ad culpam, sed conventionem inire, qua pretio licitum fiat id, quod sine tali pretio esset illicitum: tales sunt vulgo Leges, quas statuunt Principes instantibus & quasi cogentibus publicanis.

3. *Regula.* In dubio, an edictum Principis liget vel ad culpam solum, vel ad pœnam solum, an velit Legem condere, vel solum media invenire, quibus ærarium augeat; tunc judicandum est edictum obligare ad culpam: quia in dubiis tutior pars est amplectenda, ut dicitur ubi de probabilitate.

Conseſſaria circa obligationem subeundi pœnas per Legislatorem infligtas.

Conseſſ. 1. Quando Lex pœnalis statuit contra infractores pœnas aliquas temporales, auferentes bona; quæ transgressor actu possidet, v.g. statuit mortem, exilium, mutilationem, carcerem, bonorum fortunæ expilationem: licet Lex dicat, *ipso facto*; tamen transgressor non tenetur illam pœnam subire, nisi post juridicam sententiam: quia talis est rationalis intentio Legislatoris; alias quicumque in hanc legem peccaret, simul in seipsum judex esset, & reus, quod nec natura patitur, nec conditio nocentis sustinet: unde ait Gregorius cap. *Susceptis*, de causarum possessione & proprie-

tate: *Contra inauditam partem nihil possumus definire.*

Sic Leges pœnales contra Hæreticos, contra Sicarios, contra eos, qui nefarias nuptias contrahunt, contra raptores, contra fautores infidelium, privantes illos *ipso facto* omnibus bonis temporalibus, non ita ligant, ut pœna illa statim subeat ut infractoribus, sed solum post laram sententiam; potest enim reus multas excusationes allegare, quæ vigorem juris temperant.

Conseſſ. 2. Quando Lex pœnalis conditionalis statuit contra infractores pœnas temporales impediētes aut acquisitionem, aut retentionem bonorum, quæ nec acquiri, nec retineri possunt, nisi per observantiam Legis conditionalis: illæ, inquam, pœnæ, sunt subeundæ a transgressoribus ante juridicam sententiam, quia rationalis intentio Legislatoris est, ut nec acquirantur, nec retineantur bona, nisi ab his, qui Legem aut conditionem statutam observaverint. Ita Soto de justitia & jure lib. 1. q. 6. ar. 6. in responsione ad objecta.

Sic pœnæ latæ contra Simoniacos, privantes illos aut beneficiis simoniace acceptis, aut fructibus eorumdem beneficiorum vel perceptis, vel a diligenti possessore percipiendis, sunt subeundæ ante sententiam Judicis; quia talis est intentio Legislatoris: ita videtur docere D. Th. 2. 2. q. 100. art. 6. ad 3. Collatio enim simoniaca est non solum illicita, sed etiam invalida & nulla: si collatio est nullæ, ergo recipiens beneficium nullum jus acquirit circa illud, nec circa ejus fructus: sicque ante judicis sententiam tenetur beneficio renuntiare, & quod accepit, utpote alienum, restituere.

Sic Lex vetans, ne temporale recipiatur pro collatione Ordinum, vel Beneficii, pro ingressu in religionem: vel jubens, ut temporale acceptum restituatur Ecclesiæ, cui facta est injuria: illa, inquam, Lex pœnalis est observanda ante judicis sententiam; quia jus reddit recipientem incapax tale pretium recipiendi, & a dante remover facultatem datum temporale repetendi, utrumque in pœnam ex ipso delicto incurrendam: ita videtur docere D. Thom. q. 100. art. ad 4.

Sic Lex lata contra Clericos alienantes bona ecclesiastica, privans illos *ipso facto* omni Beneficio ecclesiastico: Lex data contra judices ferentes sententiam pro pecunia, vetans, ne pecunias accipiant, aut jubens, ut acceptam pecuniam restituant: Lex lata contra Clericos non residentes, non recitantes horas Canonicas, vetans, ne redditus Ecclesiasticos suos faciant: hæc, inquam, pœnæ sunt sub-

subeundæ ab infractoribus ante juridicam sententiam, quia talis est intentio Legislatoris: unde damnata est hæc propositio a Cl. Gal. art. 22. *Restitutio a Pio V. imposita Beneficiatis non recitantes officium, non debetur in conscientia ante sententiam declarationem, eo quod pœna sit.*

Sic conditio pœnalis statuta a fundatore Collegii, ut qui tale crimen commiserit, sit *ipso facto* privatus juribus Collegii: item conditio statuta a testatore, ut hæres aut legatarius frui bonis testatoris non valeat, si rem talem omittat, aut talem faciat; adimplenda est ante juridicam sententiam: quia talis est rationalis intentio vel fundatoris, vel testatoris, quæ vim habet Legis.

Consect. 3. Quando Lex pœnalis statuit contra infractores pœnas solum spirituales, vel inhabilitatem ad aliquod spirituale *ipso facto* incurrendam, illæ pœnæ subeundæ sunt ante sententiam juridicam; quia talis est rationalis intentio Legislatoris: talis quippe pœna non postulat actionem ipsi reo valde contrariam, sed exigit solum cessationem spiritualis alicujus exercitii, v. g. cessationem a divinis, absentiam a choro: & æquum est, ut Ecclesia absque strepitu foræ possit bona spiritualia, quorum est dispensatrix, largiri filiis obedientibus, & eisdem bonis privare filios contumaces.

Sic simoniacus confidentialis, simoniacus in electione Papæ, simoniacus recipiendo aliquid pro examine Parochorum, ante sententiam judicis privatur omnibus beneficiis, quæ habet, & redditur inhabilis ad alia. Primum casum determinat Bulla Pii V. Secundum vero, Concilium Lateranense sub Julio II. Tertium autem, Concilium Tridentinum. Sic censuræ *ipso facto* incurrendæ, incurruntur in foro conscientie ante juridicam sententiam.

Sic pœnæ spirituales leves, ipsiſque infractoribus utiles, v. g. jejunium, oratio, &c. sunt subeundæ ante sententiam juridicam; quia levitas pœnæ, & peccantis utilitas id videntur exigere.

Consect. 4. Quando Lex nomine tenus pœnalis, statuit inhabilitatem aliquam incurrendam ab illo, qui istud aut illud fecerit, inhabilitas illa contrahitur *ipso facto*, ante juridicam sententiam: quia talis est rationalis intentio Legislatoris, ut qui id fecerit, fiat incapax talis dignitatis.

Sic iudex damnans reum morte, *ipso facto*,

sit irregularis: homo contrahendo secundas nuptias, & natus nascens ex turpi commercio, *ipso facto* eundem defectum incurrit.

Consect. 5. Quando Lex pœnalis statuit contra infractores pœnas aliquas spirituales, quæ irriterent *ipso facto* actus judiciales, aut quasi judiciales, elicitos, aut eliciendos, non habet suum effectum, nisi post juridicam sententiam; quia rationalis intentio Legislatoris talis est, aut esse debet, ut potestas judicialis, aut quasi judicialis non cesseret, nisi actu judiciali.

Sic ante sententiam juridicam acta interna Parochi, v. g. absolutio sacramentalis, acta publica electoris, v. g. electio activa, vel passiva, habentur ut valida, si fiant ab eo, qui habet titulum vel verum, vel coloratum, licet peccaverit contra Legem veterantem aliquid sub pœna privationis Beneficii, vel officii, vel potestatis eligendi, *ipso facto* incurrenda. Absolutio sacramentalis est valida, ut consulatur conscientiarum quieti: ita Natalis lib. 4. reg. 13. Electio est valida; alioquin vix ulla tuta esset electio; quia dubitandi locus esset in omni electione, num aliquis ex electoribus inhabilis occulte esset ad eligendum.

ARTICULUS II.

Quomodo obliget Lex, quando plures Leges concurrunt, & una vel determinatur, vel emendatur, vel roboratur per aliam.

NOta 1. Quod homo quadruplici jure dirigitur, scilicet, jure naturali, jure gentium, jure civili, & jure ecclesiastico.

Si homo consideretur quatenus animal, dirigitur jure naturali præcise; quo jure masculus & femina conjunguntur, natos procreant, & nutriunt: ut natura duce cernimus animalia facere.

Si homo consideretur ut rationalis, dirigitur jure naturali determinato per jus gentium; quo jure fidem servamus, pacta non frangimus, Deum, patriam, & parentes observamus & colimus: uti fieri videmus apud gentes etiam maxime barbaras.

Si homo consideretur quatenus pars alicujus Reipublicæ, dirigitur jure naturali & gentium determinato per jus civile; quo jure Romanus jure Romanorum vivit, Gallus jure Gallorum.

Si homo consideretur quatenus Christianus, dirigitur jure naturali, jure gentium, jure

jure civili, determinatis per jus ecclesiasticum; quo jure homo ad æternam salutem consequendam destinatur.

Nota 2. Quod prædictæ leges, scilicet Lex naturalis, Lex gentium, Lex civilis, Lex ecclesiastica, ita se habent, ut sæpe versentur circa idem objectum: v. g. jus naturale, jus gentium, jus civile, jus ecclesiasticum versantur circa matrimonium; & jus quodlibet determinat aliquid circa matrimonium. v. g. Jus naturæ jubet tantum vage, ut masculus cum femina ejusdem speciei, & non alterius, connubium ineat. Jus gentium jubet insuper, ut matrimonia maris & feminæ cum certis pactis celebrentur. Jus civile artius matrimonium limitat, & jubet fieri, ut Regni & Civitatis commodum postulat. Jus ecclesiasticum matrimonium adhuc strictius frangat, & jubet fieri matrimonium, non modo masculi cum femina, ut natura suggerit, non solum cum certis pactis, ut ratio suadet, non solum pariter juxta Civium placita, ut civilis utilitas postulat; sed adhuc cum sacris solemnitatibus, uti salus æterna contrahentium exigit.

Nota 3. Quod quando plures Leges versantur circa eandem rem vel præceptam, vel prohibitam, hæ leges ita se habent ad invicem, ut vel minus vaga determinet magis vagam, vel magis perfecta emendet minus perfectam, vel demum altera alteram corroboret & confirmet.

Sic in exemplo allato matrimonii, jus naturale per jus gentium, jus gentium per jus civile, jus vero civile per jus ecclesiasticum determinantur.

Sic Lex Mosaica per Evangelicam emendatur, & Lex civilis per Ecclesiasticam in multis corrigitur.

Sic denum sæpe Lex Ecclesiastica & civilis mutuo se juvant. Ecclesia civiles Leges potestate sua spirituali venerandas efficit, infligendo scilicet censuras his, qui potestatibus resistunt. Item Princeps Ecclesiasticas Leges tremendas reddit, infligendo multas, exilia, mortem his, qui Ecclesiæ resistunt: istud paucis verbis expressit Julius III. *Sicut Leges, inquit, non dedignantur Sacros Canones imitari, ita & Sacrorum statuta Canonum Principum constitutionibus adjuvantur.* His prænotatis, quæ fusius infra discutientur, sit ergo

Prop. 1. Quando Lex magis universalis determinatur per minus universalem, v. g. jus naturale per jus gentium, jus gentium per jus civile, jus civile per ecclesiasticum: tunc oportet Legem magis universalem observare

juxta modum, secundum quem determinatur per minus universalem.

Prob. 1. Exemplo desumpto ex Scriptura. Constat, quod Lex naturalis Decalogi observabatur a Judæis juxta modum, secundum quem determinabatur per Legem Mosaicam; observatur modo a Christianis juxta modum, secundum quem determinatur per Legem evangelicam: ergo Lex magis universalis observanda est juxta modum, secundum quem determinatur per Legem minus universalem.

2. Rat. Homo debet tendere ad beatitudinem supernaturalem; quia ob illam creatus est: atqui non potest tendere ad illam beatitudinem, nisi observet Leges juxta modum, secundum quem una determinatur per aliam, v. g. jus naturæ per jus gentium, jus gentium per jus civile, jus civile per jus Ecclesiasticum, quia alias homo non circa sua omnia munia dirigeretur: homo quippe dirigitur ut animal per jus naturale, ut rationalis per jus gentium, ut civis per jus civile, ut Christianus per jus Ecclesiasticum: ergo homo debet Legem magis universalem observare juxta modum, secundum quem determinatur per minus universalem. Adde, quod Lex non dirigit hominem, ut oportet, nisi munia omnia ab homine exequenda explicet: quod Lex minime facit, nisi consideretur quatenus magis vaga determinatur per minus vagam, & magis universalis per minus universalem.

Consequarium hujus Doctrinae.

Jus naturæ, jus gentium, jus civile non observantur, ut oportet, nisi considerentur quatenus per Leges particulares determinantur.

Sic jus naturæ vage & generatim inspirat, quod homo debeat Deo religionem, sibi ipsi curam mentis & corporis, æqualibus amorem, superioribus observantiam, Reipublicæ subjectionem. Sed ea omnia munia, quæ natura inspirat, ut par est, exerceri non possunt, nisi observentur juxta modum, secundum quem per Leges particulares determinantur: v. g. Qualis debeat esse pietas nostra erga Deum, determinat Ecclesia, festa instituendo, certa pietatis exercitia, quibus festa celebrentur, præscribendo; dispositiones, quibus instituta a Christo Sacramenta recipiantur, decernendo. Qualis debeat esse cura nostri tum corporis, tum animi determinat Ecclesia, decernendo quædam abstinentiæ & jeju-

niorum tempora, corporibus animisque curandis salubriter instituta. Qualis debeat esse amor erga æquales, observantia erga superiores, subiectio erga Rempublicam, determinat Ecclesia, dum sigillatim istæ omnia munia suis Canonibus præscribit.

Sic bella, servitutes, &c. ius gentium indicit, ut remotis perduellionibus quiete & pacifice vivamus; sed qualia debeant esse bella, quibusve conditionibus fieri debeant servitutes, ius civile & ecclesiasticum determinant.

Sic ius civile commune, contractus, testamentum, donationes, &c. introducit, quibus rerum dominia transferuntur: sed ius civile peculiare certas conditiones contractibus, testamentis, donationibus, &c. apponit, quæ iuxta locorum & temporum diversitatem variantur.

Prop. 2. Quando aliqua Lex emendatur per aliam, v.g. civilis per ecclesiasticam; tunc oportet Legi juxta modum, secundum quem emendatur, obtemperare.

Prop. 1. Exemplo desumpto ex Scriptura: Lex Mosaica in multis emendata est per Legem Evangelicam: nunc autem Mosaicam Legem non sequimur, nisi juxta emendationem a Christo traditam: ergo cum Lex emendatur per aliam, non est audienda, nisi juxta modum, secundum quem emendatur.

2. Ratione. Quoties potentia, per quam dirigimur, est fallibilis, eam in his, in quibus fallitur, non sequimur, nisi prout emendatur per superiorem potentiam; quia imprudentis est his, qui semel deceperunt, leviter credere. Sic sensum in his, in quibus fallitur, non sequimur, nisi prius emendetur per intellectum. Sic intellectum pariter non sequimur in his, in quibus errat, nisi prout emendatur per fidem: ergo cum Lex aliqua est fallibilis, in his, in quibus fallitur, non est sequenda, nisi prout per Legem superiorem emendatur.

Consequarium hujus Doctrinæ.

Quoties Lex civilis emendatur per ecclesiasticam, toties sequenda est præcise juxta modum, secundum quem emendatur; alias sequemur regulam fallacem, etiam in eo, in quo fallitur.

Sic ius civile usucapiones & præscriptiones instabit; & hoc quidem merito; scilicet, ne dominia rerum maneant in incerto, ne lites fiant immortales: & in hoc servanda est Lex civilis, quia iusta. Sed jure civili receptum est, quod sufficiat a principio bona

fides, non autem quod necessaria sit ad perficiendam, sive complendam præscriptionem: & in hoc corrigenda est Lex civilis per Ecclesiasticam, quæ exigit, ut & initio, & successu, & demum toto tempore præscriptionis possessor sit bonæ fidei; hoc est, quod existimet, rem, quam possidet, esse suam, & non alienam, juxta hanc regulam: *Possessor male fidei ullo tempore non præscribit.* Reg. 11. in 6.

Sic Leges extant civiles de non alendis liberis a parentibus, ex incestu, vel alias a Legibus damnato concubitu natis, scilicet, ut incestuosæ copulæ horrorem ingenerent.

Iustæ Leges in eo, quod horrorem contra incestum animis hominum velint imprimere; sed injustæ, quod prolem innocentem puniant: & in hoc corrigendæ sunt per ius ecclesiasticum, quo parentes hujus criminis rei poenitentæ addicuntur, incestuosæ proli alimenta ministrantur, sed titulus hæreditarius ei interdicatur.

Sic Leges civiles tolerant, & impunitum relinquunt patrem, qui filiam suam in adulterio deprehensam interficit. ff. de adult. L. *Pater.*

Iustæ quidem Leges in hoc, quod velint adulterium puniri; sed injustæ in hoc, quod homini privato jus conferant puniendi adulterii: & circa hoc corrigendæ per ius ecclesiasticum, quo nec adulter, nec adultera occiditur, sed thorus separatur, & femina ad poenitentiam agendam in arctissimum Monasterium detruditur.

Sic Leges aliquæ civiles usuras solutas repeti posse prohibent: venditiones, & emptiones, modo non sint infra, vel supra dimidium iusti pretii, non rescindunt. C. de rescin. vend. L. 2.

Iustæ quidem in eo Leges, quod in odium litium pro modica læsione actionem dari non permittant; sed injustæ in hoc, quod vel minimum damnum illatum proximo reparari non jubeant: & circa hoc corriguntur per ius ecclesiasticum, quo habetur usuras injuste acceptas restitui; & in emptione & venditione res ad æqualitatem reduci.

Sic circa matrimonium ius civile permittit, filium germani unius posse contrahere matrimonium cum filia germani alterius. Inst. de nup. §. *Inter eas.* Lex vero Canonica vetat.

Ius civile interdicat puellam raptam posse contrahere cum suo raptore. C. de rap. Virg. L. unica. Lex vero Canonica permittit, modo in loco tuto reddita fuerit.

Jus civile viduam nubentem intra annum luctus damnat infamia. C. de secund. nupt. L. 1. & 2. Jus vero Canonicum a tali infamia liberat; quia, ut permittit Apostolus: *Nubat mulier, cui voluerit, in Domino*.

Sic jus civile permittens homini soluto concubinam habere, ut in auth. quibus mod. nat. est. sui §. *Si quis* Coll. VII. corrigitur per jus canonicum, quo illicita declaratur simplex fornicatio. Item jus civile permittens maleficia circa imbres fugandas, ventos retinendos, grandines arcendas, C. de mal. L. *Eorum*, per jus canonicum corrigitur, quo interdicitur omne cum Dæmone commercium.

Sic demum quoties Leges civiles conscientiam, ut oportet, non dirigunt, utpote externam potius policiam attendentes, quam internam coram Deo iustitiam exigentes, toties ex ipsomet etiam Justiniano emendandæ sunt per Jus Ecclesiasticum; sic enim Nov. 131. de Eccles. titulus §. *Sancimus* igitur, inquit: *vicem Legum obtrine sanctas Ecclesiasticas regulas, quæ a sanctis quatuor Conciliis expressitæ sunt aut firmatæ*, Nicæno scilicet, Constantinopolitano, Ephesino, & Chalcedonensi; idem dicitur de aliis: *Prædictarum quatuor Synodorum dogmata, sicut sanctas Scripturas, accipimus, & regulas sicut Leges observamus*.

Prop. 3. Quando Lex ecclesiastica est accessoria Legi civili, vel Lex civilis accessoria Legi ecclesiasticæ, tamdiu viget Lex accessoria, quamdiu viget Lex principalis; & hoc ipso Lex accessoria vigorem amittit, quo vigere cessat, Lex principalis.

Prob. 1. Ex communi effato juris: *Accessorium sequitur naturam principalis*: Ergo lex accessoria viget quamdiu viget principalis, abrogatur vero, abrogata principali.

2. Rat. Lex accessoria est quasi medium, Lex vero principalis est quasi finis, cum Lex accessoria sit propter principalem: atqui tamdiu durat medium, quamdiu durat finis; cessat vero, cessante fine: ergo tamdiu viget Lex accessoria, quamdiu viget Lex principalis, cessat vero Lex accessoria, hoc ipso quo cessat principalis.

Conseſſaria hujus Doctrinæ.

Conseſſ. 1. Leges ecclesiasticæ infligentes censuras, eo præcise fine, ut robur addant Legibus civilibus, easque magis venerandas populis reddant, cessant censuras infligere hoc ipso quod vel per auctoritatem Principis, vel per non ulum abrogatæ sunt Leges illæ civiles.

Sic teste D. de Marca lib. 4. Conc. cap. 14

qui ob violatam treguam & pacem excommunicabantur, vel ob alia crimina cadebant in censuras, eas censuras Principibus ab Ecclesia postulantibus illæ, inquam, excommunicationes, illæ censuræ cessabant, hoc ipso quod qui eas censuras incurrerant admittentur a Principibus ad communionem, ad mensam; quia Ecclesia non alio fine censuras statuerat, quam ut Regum voluntati faveret.

Conseſſ. 2. Leges civiles infligentes pœnas temporales præcise eo fine, ut robur addant quibusdam Legibus ecclesiasticis, cessant hoc ipso quod vel per auctoritatem Præstulorum, vel per consuetudinem legitimam Leges illæ ecclesiasticæ vigere desinunt.

Sic Leges imperiales de Diaconissarum ætate, ut quinquaginta sint annorum, de ætate Presbyterorum, ut sint triginta quæque annorum, de ætate professionis in Monasterio, ut non fiat ante annum vigesimum: hæc, inquam, & aliæ multæ Leges civiles, & pœnæ ab ipsis inflitæ cessant; quia hæc Leges non latæ sunt nisi ad confirmandas Leges ecclesiasticas, quæ non amplius vigent, aliter Ecclesia disponente.

Conseſſ. 3. Qui voluerint Jus Canonicum & civile addicere methodo, quæ viris Ecclesiasticis conveniat, poterunt utriusque juris Concordantiam efformare: ita præstitit Joannes Antiochenus, & Photius uterque in suo Monacatione: eam nos Methodum uberior trademus in quarto Tom. ubi compendium utriusque juris elaborabimus pro nostro modulo.

ARTICULUS IV.

Quomodo obligent Leger, quando plures concurrunt, quæ invicem videntur opponi, quæque simul servari non possunt.

Prop. unica. In concursu Legum, quæ invicem videntur opponi, & quæ simul servari non possunt, Lex fortior est observanda, alia vero omittenda.

Prob. 1. Scriptura. *Si justum est*, inquit Apostoli, *in conspectu Dei vos potius audire, quam Deum, judicate*: Act. 4. v. 19. indicantes Legem divinam, utpote fortiolem, esse humanæ præferendam: & proinde cum Leges invicem videntur opponi, eam esse observandam, quæ fortior est, & minus esse dispensabilem.

2. Ex Greg. lib. 2. Moral. *Dum mens per majora & minora peccata constringitur, & non est aditus evadendi, minora semper eligantur.*

3. Ratione. Lex ligat juxta intentionem

rationalem Legislatoris: intentio autem Legislatoris, si iusta sit, talis debet esse, ut Lex fortior fortius liget; quia inferior potestas cessat vim habere, accedente superiore.

Conseſſaria huius Doctrinae.

Conseſſ. 1. Præcepta negativa fortius ligant, quam affirmativa ejusdem generis; quia ista obligant *Ad semper*, & *pro semper*, minime alia: ideo omittuntur affirmativa, ut observentur negativa ejusdem generis.

Sic, Conserva vitam tuam, præceptum est affirmativum juris naturæ: non habebis Deos alienos coram me, non perjurabis, non inhonorabis parentes, non mœchaberis, non falsum testimonium dices, non concupisces, præcepta sunt negativa ejusdem juris naturæ. Debemus prætermittere præceptum affirmativum de conservanda vita, & mori potius quam violare aliquod ex prædictis præceptis negativis.

Sacerdos non celebret Missam nisi jejunos, præceptum est negativum Juris positivi Ecclesiastici: fideles Missam audiant diebus festis, præceptum est affirmativum ejusdem juris positivi: satius est prætermittere istud præceptum affirmativum, Missam audito, quam violare istud negativum, nullus celebret post communionem; satius est, ut aliquis privatus fidelis non audiat Missam, sed vacet aliis piis exercitiis, quam ut Missa celebretur a Sacerdote non jejuno.

Conseſſ. 2. Præcepta naturalia fortius ligant, quam præcepta positiva; quia jus naturale vetat, quod est ex se malum, & jubet quod est ex se bonum: jus vero positivum jubet, aut vetat, quod est indifferens: ideo omittuntur præcepta positiva, ut observentur naturalia.

Sic præceptum observandi festa, audiendi Missam, confitendi peccata, communicandi, jejunandi, & abstinendi a carnibus certis diebus, sunt præcepta positiva juris Ecclesiastici: si non potes aliquod ex illis præceptis servare sine violatione præcepti naturalis, debes prætermittere præceptum positivum, ut observes naturale; v.g. debes vacare servilibus diebus festis potius, quam omittere defensionem patriæ ab hostibus devastandæ, uti fecerunt Machabæi bellantes fortiter die Sabbati; debes Missam omittere potius, quam proximum graviter ægrotantem sine auxilio solium deserere; debes manducare carnes potius, quam fame obire; debes non jejungere potius, quam jejunio indifcreto tibi vitam eripere.

Conseſſ. 3. Præcepta positiva juris divini

fortius ligant, quam positiva juris Ecclesiastici: & positiva juris Ecclesiastici fortius ligant, quam positiva juris civilis: quia lex divina est fortior humana, & Ecclesiastica lex haud dubie prævalet imperiali.

Sic præceptum Christi est, ut Sacramentum Eucharistiæ semel inceptum perficiatur, ne Sacrificium derelinquatur imperfectum; præceptum Ecclesiæ est, ut Sacerdos non celebret nisi jejunos; si Sacerdos jejunos post consecrationis, vel panis solum, vel panis simul & vini in sincopem incideret, ita ut non posset Sacrificium inceptum perficere, vel perfectum consummare, & non adesset alius Sacerdos jejunos; debet Sacerdos etiam non jejunos persequi, speciem non consecratam consecrare, & si ambæ sint consecratæ, eas sumere, omittendo præceptum Ecclesiasticum, quo cavetur, ut Sacerdos jejunos celebret; id quidem ut observetur divinum præceptum, quo interdicitur, ne Sacrificium inceptum relinquatur imperfectum.

Sic præceptum est, ut Sacramenta conferantur rite dispositis, & opus tali remedio habentibus: præceptum Ecclesiasticum est, ut eadem Sacramenta conferantur cum solemni quodam ritu: instat mortis periculum, non potes rigus omnes ab Ecclesia præscriptos peragere, debes illos ritus omittere, & sola requisita ad Sacramenti substantiam adhibere potius, quam permittere, ut fidelis sine Sacramento decedat.

Conseſſ. 4. Præcepta magis necessaria fortius ligant, quam minus necessaria: & ita si concurrant duo præcepta invicem opposita sive ejusdem, sive diverſi generis, illud præceptum est observandum, ejus transgressio magis noceret, illud vero omittendum, cujus observantia minus prodesset; nam præceptum eo magis urget, quo magis ejus violatio est noxia, cum præcepta observentur ad vitandū periculum animæ.

Sic, non expones salutem proximi, præceptum est caritatis: non expones Sacramentum nullitati, præceptum est religionis; oportet potius exponere Sacramentum nullitati, quam salutem proximi, tum quia præceptum caritatis magis urget, quam præceptum religionis, tum quia Sacramenta sunt propter hominem, & non homo propter Sacramenta.

Sic, non sines perire infantem sine baptismo, præceptum est Christi: baptizabis in aqua vera & naturali, est pariter præceptum Christi: occurrit tibi infans proxime moriturus, non habes nisi aquam dubiam, debes potius baptizare in aqua dubia, quam permitte-

re infantem decedere sine Baptismo; quia tutius est, eam baptizari baptismo dubio, quam nullo: ob idem principium damus absolutionem moribundo sub levi conjectura, eum esse contritum; quia melius est eum sic absolvi, quam non absolvi.

Sic non dabis Sacramenta adultis, nisi sis moraliter certus, eos esse dispositos: nam præceptum est Christi, dicentis: *Nolite dare sanctum canibus.*

Accedit adultus sanus corpore, petens Sacramentum sibi absolute necessarium, v. g. baptismum, vel poenitentiam: dubitas prudenter, an sit sufficienter dispositus, debes differre, donec constet de dispositione; quia nihil periculis differendo, sed periculis maxime præcipitando.

Accedit adultus brevi moriturus, vel perse, per alios petit Sacramentum sibi absolute necessarium, v. g. Baptismum, aut poenitentiam: si tibi non constet, eum positive indignum, debes incunctanter conferre Sacramentum; quia satius est exponere Sacramentum, quam salutis proximi æternum periculum facere.

CAPUT IV.

Quantum extendatur quelibet Lex.

ARTICULUS I.

Ad quæ se extendat voluntas Dei & quatenus causa, & quatenus Lex.

NOTA. Voluntas Dei potest considerari ut causa, & potest considerari ut Lex. Voluntas Dei ut causa, est principium vel effectivum, vel permissivum omnium, quæ in mundo evenire cernimus.

Voluntas Dei ut Lex, est regula omnium vel agendorum, vel omittendorum.

Prop. unica. Voluntas Dei considerata ut causa, est principium effectivum bonorum omnium, quæ auxilio Dei facimus, & principium permissivum peccatorum omnium, quæ malicia nostra committimus: considerata vero ut Lex, est regula omnium, quæ aut agere debemus, aut omittere.

Probat. I. Scriptura. *Esther 13. v. 9. Dominus Rex omnipotens, in ditione tua cuncta sunt posita: & non est qui possit tuæ resistere voluntati, si decreveris salvare Israel:* Ergo, si omnia sint sub ditione Dei, omnia subjiciuntur voluntati Dei, quatenus est Lex: quod si nihil possit resistere voluntati Dei, omnia, quæ fiunt in mundo, voluntate divina, prout est causa vel effectiva, vel permissiva, eveniunt.

Tomo I,

2. Ex Aug. qui loquens de voluntate Dei ut est causa, sic habet: *Nihil fit, nisi Omnipotens fieri voluerit, vel sinendo, ut fiat, vel ipse faciendo.* Loquens vero de voluntate Dei ut est lex, sic scribit lib 19. de Civ. c. 22. *Nullo modo aliquid Legibus summi Creatoris, ordinationique subtrahitur, a quo pax universitatis administratur:* Ergo voluntas Dei ut causa, vel efficit, vel permittit omnia; ut lex, est regula omnium.

3. Ratione. Deus est causa universalis: ergo est principium effectivum omnium bonorum; ideo dicitur Jacob. 1. v. 17. *Omne datum optimum, & omne donum perfectum, desursum est, descendens a Patre lumine.* Est vero principium permissivum peccatorum; ideo dicitur Amos 3. v. 6. *Si erit malum in civitate, quod non fecerit Dominus.* Deus est supremus Legislator, quem in omnibus debemus consulere, juxta illud Psal. 118. v. 27. *Viam justificationum tuarum instrue me, & exercebor in mirabilibus tuis; & v. 66. Bonitatem, & disciplinam, & scientiam doce me:* Ergo voluntas Dei ut causa, vel efficit, vel permittit omnia; ut lex, est regula omnium.

Conseſſaria hujus Doctrinæ.

Conseſſ. 1. Voluntas Dei ut causa, efficit, vel permittit omnia: ergo in omnibus, quæ in mundo eveniunt, adoranda est, & non curiosius scrutanda. *Altiora te ne quaesieris,* inquit Sapiens, & fortiora te ne scrutatus fueris: *Eccli. 3. v. 22.* etenim, ut dicit idem Sapiens: *Sicut qui mel multum comedit, non est ei bonum; sic qui scrutator est majestatis, opprimetur a gloria.* Prov. 25. v. 27.

Ideo voluntas Dei in operibus naturæ, tam rite & sapienter concinnatis, est & contemplanda, & laudanda, juxta illud Psal. 91. v. 3. *Quia delectasti me Domine in factura tua, & in operibus manuum tuarum exultabo: & rursum Psal. 103. v. 25. Quoniam magnificata sunt opera tua Domine, omnia in sapientia fecisti: impleta est terra possessione tua.*

In operibus gratiæ, in quibus Deus cujus vult miseretur, & quem vult indurat, ad Rom. 9. v. 28. non audienda est ratio humana superbe ratiocinans, sed auscultanda fides Catholica humiliter credens, audiendus est Christus dicens: *Confiteor tibi Pater Domine cæli & terræ, quia abscondisti hæc a sapientibus & prudentibus, & revelasti ea parvulis; ita Pater, quoniam sic placitum fuit ante te.* Matth. 11. v. 25. Audiendus Paulus exclamans: *O altitudo divitiarum sapientiæ & scientiæ Dei, quam incomprehensibilia sunt judicia ejus & investigabiles.*

E

biles

biles viæ ejus, ad Rom. 11. v. 33. Audiendus est Aug. tract. 26. in Joan. sic nos sapienter monens: *Quare hunc trahat, & illum non trahat, noli velle dijudicare, si non vis errare.*

In operibus iustitiæ, in quibus Deus punit peccatores, & remunerat iustos, non accusandus, quod, ut loquitur Paulus ad Roman. 9. v. 22. *volens offendere iram, & notam facere potentiam suam, iussit in multa patientia vasa iræ apta in interitum;* sed laudandus & benedicendus, quod *offenderit divitias gloriæ suæ in vasa misericordiæ, quæ preparavit in gloriam.* Gratia ægendæ Deo, quod misericorditer per gratiam Christi salvet quamplurimos, qui in peccatum peccati Adami potuissent perdere singulos.

In peccatis, quæ permittit, adoranda est suprema Dei bonitas, ut docet Aug. Ench. c. 11. ubi docet, quod, *Deus adeo est potens, quod etiam bona potest facere de malis;* sed nequam inculpandus, quod ea etiam peccata puniat, quæ permittit, ut docet Paulus ad Rom. 3. v. 5. his verbis: *Si autem iniquitas nostra iustitiam Dei commendat, quid dicemus? numquid iniquus est Deus, qui infert iram? (secundum hominem dico) absit, alioquin quomodo iudicabit Deus hunc mundum?*

Consect. 2. Voluntas Dei ut Lex, est regularia omnium, quæ agere debemus, aut omittere: ergo est totis viribus scrutanda, ut monet Sapiens his verbis: *Quæ præcepit tibi Deus, illa cogita semper: & in pluribus operibus ejus ne fueris curiosus.* Eccli. 3. v. 22.

Sic consulenda & inquirenda voluntas Dei, seu Lex æterna, ut nos ipsos dirigamus, juxta illud Psal. 24. v. 4. *Vias tuas demonstra mihi, & semitas tuas edoce me:* & juxta illud Pauli Act. 9. v. 6. *Domine, quid me vis facere?*

Sic consulenda & inquirenda pariter est voluntas Dei, seu Lex æterna, ut alios dirigamus exemplo Salomonis, de quo sic habetur 3. Reg. cap. 3. v. 7. *Et nunc Domine Deus, inquit, tu regnare fecisti servum tuum Ego autem sum puer parvulus, & ignorans egressum & introitum meum Dabis ergo servo tuo cor docile, ut populum tuum iudicare possit, & discernere inter bonum & malum.*

Et quia Lex æterna manifestatur primo per Legem naturalem omnibus insitam; ideo quænam sint officia, quæ præcipiuntur per Legem naturalem, ostendamus.

ARTICULUS II.

Ad quæ officia extendat se Lex naturalis.

PRop. unica. Ad ea omnia officia se extendit Lex naturæ, quæ homo sine lumine

fidei; & sui conscius, se debere cognoscit sibi, Deo, & proximo tum superiori, tum æquali: v. g. Lex naturalis inspirat etiam sine fide, quod homo debeat sibi curam mentis & corporis, Deo reverentiam, superioribus obedientiam, æqualibus amorem, singulis æquitatem & iustitiam.

Prob. 1. Scriptura. Quando Scriptura loquitur vel de cura, quam sibi debet homo, vel de reverentia, quæ Deo exhibenda est, vel de officiis proximo rependendis; sæpius Textus Sacer ad notiones naturaliter cognitæ recurrit: v. g. docens, quam curam sui ipsius homo habere debeat, ait Eccles. 14. v. 5. *Qui sibi nequam est, cui alii bonus erit?* Loquens vero de reverentia erga Deum, sic habet Malach. 1. v. 6. *Filius honorat patrem, & servus Dominum suum: si ergo Pater ego sum, ubi est honor meus? & si Dominus ego sum, ubi est timor meus?* Et agens de mutuis officiis, quæ homines sibi debent impendere, sic omnes alioquitur: *Omnia ergo quaecumque vultis ut faciant vobis homines, & vos facite illis.* Matth. 7. v. 12. Quæ omnes rationes naturales sunt, & sine lumine fidei cognitæ: ergo Lex naturalis ad prædicta munia se extendit.

2. Ex D. Thom. 1. 2. q. 94. a. 2. ad 3. *Sub legerationis, id est naturali, continentur omnia ea, quæ ratione, nude sumpta, regulari possunt:* atqui prædicta munia dirigi possunt per rationem nude sumptam, ut patet ex scriptis paganorum, qui varia documenta, & quidem utilia circa curam erga nos, circa reverentiam erga Deum, circa iustitiam & amorem erga proximum tradiderunt: ergo prædicta officia præcipiuntur per Legem naturalem.

3. Rat. Lex naturalis est ratio nude sumpta, inspirans homini, quid agendum, quid non agendum: atqui ratio nude sumpta inspirat, quod homo debeat sibi curam mentis, & corporis; quia est sui ipsius custos: Deo cultum; quia est illius effectus: superioribus obedientiam; quia est illis subditus: æqualibus amorem; quia est illis similis: singulis æquitatem & iustitiam; quia nulli nocendum est: ergo lex naturalis præcipit homini omnia prædicta munia, scilicet, sibi curam, Deo reverentiam, superioribus obedientiam, æqualibus amorem, singulis æquitatem, & iustitiam.

Statuuntur quædam principia naturaliter nota, ex quibus inferuntur magis in particulari quæ debeant esse officia hominis erga se ipsum, erga Deum, & erga proximum tum superiorem, tum inferiorem, tum æqualem.

Princip. 1. Homo quilibet debet iustam & ra-

rationalem curam gerere tum suæ mentis, tum corporis : quia est sui ipsius custos : *Ex quo inferitur.*

1. Ut homo & conservet, & perficiat se, quatenus est intelligens & volens.

Debet ea addiscere, quæ pertinent ad bonos mores : mens enim non aliter perficitur, & integra perseverat, quam per cognitionem virtutis, quam exerceat, & per cognitionem vitii, quod fugiat.

Debet ea omnia omittere, quæ rationis usum aut tollunt, aut præpediunt : v. gr. numquam potest rationem vino sepelire, nimio cibo prægravare, luxuria hebetare, effrenatis moribus excæcare : demum debet homo ea omnia sibi interdicare, quæ præcipiam sui partem, mentem scilicet, possent labefactare.

2. Ut homo conservet se, perficiatve quoad corpus.

Debet ea omnia inquirere, sibi que providere quæ ad vitam sustentandam judicantur secundum rectam rationem necessariam, v. g. vidum, & vestitum.

Numquam debet sibi permittere quæ vel valetudinem corporis minuant, vel naturalem prolis generationem pervertant : quia custos est sui corporis, non dominus ; minister prolis generandæ, non inordinatæ voluptatis percipiendæ : atque ideo illicitus est omnis potus & cibus quantumvis delectabilis, quibus sanitas alteratur : illicita omnis seminis effusio, ex qua humana proles nasci nullatenus potest.

Princ. 2. Homo debet Deo cognito, etiam præcise prout est author naturæ, assensum, fiduciam, amorem, & reverentiam : assensum ; quia est verax in dictis ; fiduciam ; quia est firmus in promissis : amorem ; quia est bonus : reverentiam ; quia est excelsus : *Ex quo inferitur*

1. Ut homo rependat Deo debita,

Debet Deo loquenti credere, promittenti fidere, beneficientem redamare, & utpote supereminentem omnibus supremo honore venerari.

Numquam debet Deo loquenti discredere, promittenti diffidere, Deum tam beneficium odio habere, aut creaturam magis quam Deum diligere : demum numquam debet Deum inhonorare, aut cultum Deo debitum in creaturam transferre.

Princ. 3. Homo debet aliis hominibus æqualibus amorem, superioribus filialem obedientiam, inferioribus paternam providentiam, omnibus æquitatem & justitiam ; quia alias stare non potest ea, ad quam nati omnes sumus, societas *Ex quo inferuntur isthæc omnia.*

Homo debet cuilibet homini amorem.

Oportet ergo, quod prudenter ei procuret bonum, quod poterit & quoad corpus, & quoad animam ; quia amare est velle bonum.

Oportet vero, quod pariter absteineat ab eo omni, quod proximo nociturum videt.

Homo debet superioribus filialem obedientiam, & inferioribus paternam providentiam : ergo oportet, quod servi erga Dominos, subditi erga Reges filiorum animos habeant : & vice versa, quod Domini erga servos, & Reges erga subditos paternam viscera induant.

Oportet vero, quod singuli numquam a mutuis illius officiis desistant.

Homo debet cunctis hominibus æquitatem & justitiam : ergo oportet, quod vitam, famam, & bona temporalia proximi juxta regulas æquitatis & justitiæ tueatur.

Numquam vero aliquid moliat, quod vel vitæ, vel famæ, vel bonis temporalibus proximi tantisper noceat.

Sic nequit vitam proximi privata auctoritate vel verberando alterare, vel mutilando minuere, vel occidendo perdere.

Sic nequit famam proximi minuere vel temerarie de eo judicando, vel occulta ejus crimina manifestando, vel calumniando, vel falso accusando, vel falsum contra ipsum testificando, aut verum pro tuenda ipsius innocentia non declarando.

Sic nequit bona temporalia proximi iniuste vel accipere, vel retinere, neque clanculum furando, neque palam rapiendo, neque iniquis contractibus circumveniendo.

Sic demum nihil potest attentare, quod humanam societatem perturbet, vel gravem efficiat sive promissa violando, sive mentiendo, sive iniustis æquivocationibus illudendo, &c.

Hæc est summa Legis naturalis, quam quilibet homo in seipso advertit, sed ut plurimum negligit Legem illam consulere : ideo in suppetias veniunt aliæ Leges.

Quia vero Lex naturalis per Legem civilem determinatur ; ideo sit

ARTICULUS III.

Ad quæ officia Lex civilis extendatur.

S. I.

Quas personas, quas res, quas actiones attingat, vel non attingat jurisdictio civilis, & politica.

Prop. unica. Lex civilis & politica solum ad ea omnia se extendit, quæ ad communica-

nitatem civilem hominum vel constituendam, vel jam constitutam conservandam, intervenire possunt; minime vero ad alia, quibus homo virtutibus vel moralibus, vel supernaturalibus interioribus dirigitur.

Prob. 1. Ex D. Thom. 1. 2. q. 100. a. 2. in c. *Lex humana*, inquit, *ordinatur ad communitatem civilem, quæ est hominum ad invicem.* Ergo lex civilis solum ad ea se extendit directe & per se, quæ ad communitatem civilem hominum inter se possunt intervenire.

2. *Rat.* Homo potest considerari, ut animal ratione, ut membrum alicujus sæcularis Reipublicæ, ut Christianus, & ut hospes futurus cælestis gloriæ; ut animal rationale dirigitur jure naturali & gentium; ut membrum Reipublicæ, jure civili; ut Christianus, jure Ecclesiastico; ut hospes cæli futurus, jure divino: ergo jus civile ad ea omnia se extendit, quæ ad Rempublicam vel constituendam, vel constitutam conservandam intervenire possunt.

Consequæntia hujus Doctrinæ.

Consect. 1. Lex civilis se extendit ad eas omnes personas, ad eas omnes res, ad eas omnes actiones, quæ concurrunt ad communitatem civilem, quæ est hominum ad invicem: & ita extendit se primo ad personas, quæ constituunt familias; ad familias, quæ constituunt civitates; ad civitates, quæ constituunt provincias; ad provincias, quæ constituunt vel Imperia, vel Regna, vel Respublicas. Secundo se extendit ad res illas, sive mobiles, sive immobiles, quæ sunt in hominum commercio. Tercio se extendit ad eas omnes actiones, quæ mutuum cum hominibus commercium fovere possunt; quia isthæc omnia ad communitatem civilem hominum inter se concurrunt.

Quæ sit divisio personarum, rerum, & actionum, dicemus ubi de Justitia & Jure.

Consect. 2. Lex civilis non se extendit ad actus interiores virtutis moralis, quos lex naturalis inspirat, nec ad actus supernaturales, quos lex divina imperat; sed ad exteriores actus ad publicam pacem requisitos: quia pax, quam homo habet cum conscientia propria per virtutes morales, vel quam habet cum Deo per virtutes supernaturales, non est finis Legis civilis, sed solum ea pax, quam homines habent inter se; de quo ita D. Thom. 1. 2. quæst. 98. a. 1. in c. *Est autem*, inquit, *sciendum, quod alius est finis Legis humane, alius est finis Legis divine; Legis enim humane finis est*

temporalis tranquillitas civitatis, ad quem finem pervenit Lex, cohibendo exteriores actus quantum ad illa mala, quæ possunt perturbare pacificum statum Civitatis.

Consect. 3. Eadem personæ, eadem res, eadem actiones, quæ pertinent ad jus civile, quatenus concurrunt ad communitatem civilem vel constituendam, vel constitutam conservandam, possunt ex aliquo superaddito pertinere ad Legem aliquam superiorem, v. g. ad jus Ecclesiasticum: sicut enim, quod est juris naturæ, v. g. pactum ex addita solemnitate, quam præcipit jus civile, fit juris civilis; ita quod est præceptum juris civilis, ex addita aliqua circumstantia pertinente ad jus Ecclesiasticum, fit juris Ecclesiastici.

Sic homo quilibet, quatenus ad civilem societatem natus, pertinet ad jus civile: quatenus baptizatus, quatenus Clericus, quatenus Monachus, pertinet ad jus Ecclesiasticum.

Sic fundus ad Ecclesiam pertinens, quatenus est in commercio hominum, pertinet ad jus civile; quatenus consecratus divinis officiis, vel destinatus ad nutriendas personas Deo sacras, pertinet ad jus Ecclesiasticum.

Sic *matrimonium*, ut notat D. Thom. in 4. dist. 34. q. 1. a. 1. ad 4. in quantum est in officium naturæ, statuitur jure naturæ; in quantum est in officium communitatis, statuitur jure civili; in quantum est Sacramentum, statuitur jure divino: *Et ideo*, sicut *ex qualibet dictarum Legum, naturalis, humane, & divine, potest persona effici ad matrimonium illegitima*; ita persona, res, & actio eadem ex diversa consideratione poterit ad diversas Leges pertinere.

§. I I.

An Principibus sæcularibus competat jus aliquod ad Leges suo arbitratu condendas in his, quæ fidem aut disciplinam Ecclesiasticam respiciunt.

Prop. unica. Post constitutam a Christo Regalis & Pontificalis potestatis divisionem, Reges ex vi sæcularis autoritatis nullam habent potestatem contendendi Leges circa spiritualia ad religionem pertinentia, nullamque iurisdictionem, nisi ad suppetias ferendas Ecclesiæ.

Probatur 1. Scriptura. Ad Apostolos, eorumque successores, & non ad Principes sæculares dictum est: *Qui vos audit, me audit.* Luc. 10. v. 16. Item non Reges, sed Apostoli di-

dicant: *Visum est Spiritui Sancto, & nobis* &c. Aët. 15. v. 28. Ergo non Reges, sed Episcopi potestatem habent condendi Leges circa spiritualia ad religionem pertinentia.

2. Ex Ambrosio epist. 35. lib. 5. ubi refert referentem Valentinianum: *In causa fidei, inquit, vel ecclesiastici alicujus ordinis, cum judicare debere, qui nec munere impar sit, nec jure diffimilis; hac enim verba recripti sunt, hoc est, Sacerdotes de Sacerdotibus voluit judicare. Et mox sic audacter pronuntiat: Quis est, qui ab utraque causa fidei, in causa inquam, fidei, Episcopos solvere de Imperatoribus Christianis, & non Imperatores de Episcopis judicare? ... Si conferendum de fide, Sacerdotum debet esse ista collatio.*

3. Ex confessione Principum, qui passim factentur, non ad se, sed ad Episcopos pertinere de rebus ad religionem pertinentibus Leges & judicium ferre. Sic enim habet Constantinus Magnus Donatistis perentibus, ut de Cæciliano judicium ferret, teste Optato lib. 1. *Judicium a me petitis in seculo, cum ego ipse Christum judicem expecto?* Et August. teste, Epist. 68. idem Imperator hac responsione eosdem Donatistas repulit: *Dico, ut se veritas habet. Sacerdotum judicium ita debet haberi, ac si Dominus ipse residens per Episcopos judicet.* Valentinianus vero senior interpellatus ab Hypatiano, Episcoporum Orientalium Legato pro referenda fide, quam Constantinus pessum dederat, respondit, teste Sozomeno lib. 6. *Sibi, qui unus e Laicorum numero erat, non licere se ejusmodi negotiis interponere.* Theodosius vero junior Candidianum Comitum Synodo Ephesino interesse iussit, ea lege & conditione, ut cum questionibus & controversiis, quæ circa fidei dogmata incidunt, nihil quidquam commune habeat. *Nefas enim est, inquit, eum, qui sanctissimorum Episcoporum catalogo descriptus non est, ecclesiasticis negotiis & consultationibus sese immiscere.* Constantinus vero, teste Rufino lib. 1. hist. sic allocutus est Patres Nicænos: *Deus vos constituit Sacerdotes, & nobis a Deo dati estis judices: & conveniens non est, ut homo judicet Deos; sed ille solum, de quo scriptum est: Deus stetit in Synagoga Deorum, in medio autem Deos judicavit.* Et Basilius Imp. allocutione ad octavam Synodum, Aët. 10. Laico cuicumque, inquit, nulla ratione de Ecclesiasticis causis disputare fas est. Demum, cum in Concilio Chalcedonenſi, Aët. 4. istud pronuntiatum esset: *Contra regulas pragmaticum nihil valebit, regulæ Patrum teneant;* Marcianus Imperator ann. 454. illud edicto suo confirmavit, ut habetur L. privilegia C. de Sacros. Eccles. cujus hæc sunt verba: *Omnes*

Pragmaticas Sanctiones, quæ contra Canones Ecclesiasticos interveniunt gratiæ & ambitionis elicitæ sunt, robore suo & firmitate vacuatas cessare præcipimus. Ergo constat ex confessione Principum, quod Lex civilis, jurisdictio politica ad spiritualia extendenda non sit, nisi ad suppetias Ecclesiæ ferendas, ut infra explicabimus.

4. Ratione. Lex naturalis eo tendit, ut homo habeat pacem cum semetipso; Lex divina, ut homo habeat pacem cum Deo; Lex civilis, ut habeat pacem cum ceteris hominibus: ergo Lex civilis ea solum potest attingere, quæ publicam pacem fovere inter homines possunt; relinquuntur vero legi naturali, vel ecclesiasticæ, vel divinæ, quod hominem cum semetipso, vel cum Deo concordem efficere potest. Adde quod potestas Regum est secularis, & non spiritualis: ergo secularia, & non spiritualia debet attingere. Et ut scribit Felix summus Pontifex ad 3. Zenonem. *Certum est, inquit, hoc rebus vestris esse salutare, ut cum de causis Dei agitur, juxta ipsius constitutum, regiam voluntatem Sacerdotibus Christi studeatis subdere, non præferre, & Sacro-Sancta per eorum Præsules discere potius quam docere: Ecclesiæ formam sequi, non huic humanitus sequenda præferre, neque ejus sanctionibus velle dominari.*

Consecraria hujus Doctrina.

Consecr. 1. Principes sæculares non habent potestatem neque circa verbum divinum prædicandum, neque circa Sacramenta ministranda; quia oves sunt, & non pastores, ut facetur Basilius Imperator in Concil. Gener. 8. Aët. 10. *Quantecumque enim, inquit, Religionis & sapientiæ Laicus existat, vel etiam si universa interius virtute polleat, donec Laicus est, ovis vocari non desinet.*

Consecr. 2. Principes sæculares non habent potestatem neque in Conciliis, neque extra Concilia determinandi quæstiones ad religionem pertinentes, quia discipuli sunt, & non magistri: de quo ita idem Basilius ibidem. *De vobis, inquit, Laicis, tam qui in dignitatibus, quam qui absolute conversamini, quid amplius dicam non habeo, quam quod nullo modo vobis licet de Ecclesiasticis causis sermonem movere, neque penitus resistere integritati Ecclesiæ, & universali Synodo adversari.* Hæc enim investigare, & querere, Patriarcharum, Pontificum, & Sacerdotum est, qui regimini officium sortiti sunt; qui sanctificandi, qui solvendi, & ligandi potestatem habent, qui Ecclesiasticas & cælestes adepti sunt claves: non nostrum, qui pasci debemus, qui sanctificari, qui ligari, vel a ligamento solvi egemus.

Consect. 3. Principes sæculares non habent potestatem neque per seiplos consecrandi ministros, qui sacra exerceant: quocirca piissimus Sacerdos 2. Paralyp. sic Oziam sacra affectantem deterret. *Non est, inquit, officii tui, Ozia, ut adoleas incensum coram Domino, sed Sacerdotum, hoc est filiorum Aaron, qui consecrati sunt ad huiusmodi ministerium.*

Consect. 4. Principes sæculares non habent potestatem iudicandi Sacerdotes, Episcopos, &c. cum agitur de degradatione, suspensione, interdicto, excommunicatione, aliisque pœnis spiritalibus, quibus Ecclesia rebelles & contumaces filios punire solet; quia circa id non iudicare debent, sed iudicari: de quo ita scribit Honorius Imperator ad Arcadium fratrem in causa Chrysol. *Si quid, inquit, de causa religionis inter Antislites ageretur, episcopale oportuit esse iudicium: ad illos enim divinarum rerum interpretatio, ad nos religionis spectat obsequium.* De penis vero infligendis personis ecclesiasticis ob crimina pacem publicam perturbantia agemus infra.

§. III.

An defenso Ecclesiæ, ejusque decretorum, Principibus sæcularibus competat.

Prop. unica. Principes sæculares possunt, immo debent Leges condere circa & personas & res sacras, modo id faciant in suppetias Ecclesiæ, non ut Doctores fidei, sed ut defensores, non ut conditores Canonum, sed ut vindices.

Probatur 1. Scriptura. Paulus 1. ad Tim. 2. sic habet: *Obsecro igitur primum omnium fieri obsecrationes, orationes, postulationes, & gratiarum actiones pro omnibus hominibus, pro Regibus & omnibus, qui in sublimitate sunt, ut tranquillam vitam agamus in omni pietate, & castitate:* Ergo pertinet ad Reges, ut curent populos tranquillos vivere in pietate & castitate: ergo ad eos spectat Leges condere, quibus & personæ, & res sacræ, & fides, & mores, disciplinave in tuto sint posita.

2. Ex Aug. qui ita loquitur contra Cresconium lib. 3. cap. 51. *In hoc, inquit, Reges, sicut eis divinitus præcipitur, Deo serviunt in quantum Reges sunt, si in regno suo bona jubeant, mala prohibeant, non solum quæ pertinent ad humanam societatem, verum etiam quæ pertinent ad divinam Religionem.* Et Lec. Epist. 82. scribit ad Leonem Imperatorem his verbis: *Debes incunctanter advertere, Regiam potestatem tibi non solum ad mundi regi-*

men, sed etiam maxime ad Ecclesiæ præsidium esse collatam, ut abusus nefarios comprimendo, & quæ bene sunt statuta defendas, & veram pacem iis, quæ sunt turbata, restituas: Ergo ad Reges pertinet Leges condere in defensionem Ecclesiæ.

3. Ex titulis, qui Imperatoribus tribuuntur. Constantinus vocatur ab Eusebio, *Communis Episcopus*, idest; invigilans bono totius Ecclesiæ. Marcianus vocatur a Concilio Chalcedonensi, *Imperator & Sacerdos*. Clovisæus a Remigio dicitur non solum *Predicator fidei, sed Defensor*. Sed instat omnium sit iste titulus, quem sibi gloriosum putat Ludovicus VII. Galliæ Rex, sic enim fatetur: *Ludovicus Dei gratia Francorum Rex. Omnibus in perpetuum digna vox est majestate regnantis, Dei servum & Ecclesiæ defensorem se Principem profiteri.* Ita Baluzius in additionibus D. de Marca l. 2. cap. 13. Ergo Regum est, Leges pro defensione Ecclesiæ statuere.

4. Rat. Tanta est inter Regalem & Ecclesiasticam dignitatem connexio, ut vix una sine altera possit consistere: Ecclesia enim inspirat populis amorem erga Reges, & Reges Ecclesiastica statuta populis tremenda efficiunt. Quod mutuum utriusque autoritatis commercium sic eleganter describit Arnulphus Lexoviensis Episcopus. *Dignitas, inquit, Ecclesiastica Regiam provehit potius, quam adimit dignitatem; & Regalis dignitas Ecclesiasticam conservare potius consuevit, quam tollere libertatem.* Etenim quasi quibusdam invicem sibi complexibus dignitas Ecclesiastica & Regalis occurrunt; cum nec Reges saltem sine Ecclesia, nec Ecclesia pacem sine protectione Regia consequatur. Ergo Regum est Leges condere, quibus Ecclesiam tueantur; & ut ait Greg. VII. Epist. 19. lib. 1. *sicut duobus oculis humanum corpus temporali lumine regitur, ita his duabus dignitatibus in pura Religione concordantibus, corpus Ecclesiæ spiritali lumine regi & illuminari probatur.*

Conseffaria bujus. Doctrina.

Consect. 1. Principes possunt & debent, non quidem verbo insilire, sed concionatoribus verbi divini suppetias ferre, eosque regia protectione defendere.

Sic Josaphat, 2. Paral. 17. v. 9. mittit Doctores legis, qui populum doceant. *Doccebantque populum, inquit Textus Sacer, habentes librum legis Domini, & circuibant cunctas urbes Judæ, atque erudiebant populum.* Itaque factus est pavor Domini super omnia regna terrarum Nec audebant bellare contra

tra Josaphat. Ut enim monet Celestius Papa Theodosium Imperatorem: Major debet esse sollicitudo fidei, quam Regni, & amplius pro pace Ecclesiæ deces esse sollicitum, quam pro securitate terrarum, subsequenter enim omnia prospera, si penitus, quæ Deo sunt curata, servantur.

Consect. 2. Principes possunt & debent infestare Conciliis, quando sunt necessaria, convocandis: opem ferre eidem Conciliis, dum actu habentur, reprimendo contumaces hereticos: ubi vero finita sunt Concilia, executionem eorum sedulo procurare, infligendo pœnas temporales his omnibus, qui auiu temerario contradicere tentaverint.

Sic Constantinus Nicænam Synodum convocandam curavit, convocatum adjuvit, & pertinaces Arianos decretis Synodi resistentes, variis pœnis multavit. Socrat. lib. 1. c. 6.

Sic Marcianus triplici edito Synodum Chalcedonensem confirmat, & pœnas in Clericos & Laicos contumaces infligit: ita editum Marc. Act. 4. & ut notat Hermianus lib. 12. cap. 3. Ecclesiasticorum Canonum voluit esse executor, non conditor, non exactor.

Sic Justinianus sententiam adversus Anthemium laram Imperialem effecit: Imperialibus legibus corroboravit, perinde ac si ab ipso ipso provenisset.

Consect. 3. Principes sæculares possunt Leges speciales ferre circa eas omnes materias, circa quas Ecclesia suas statuit regulas, v. g. circa fidem, circa mores, circa disciplinam: quæ Leges sint quasi accessoriæ ad Leges Ecclesiasticas jam statutas, & media, quibus efficacius executioni mandentur: quæ leges non condant Canones, sed conditos toveant, conservent, & custodiendos jubeant.

Sic tot Leges Imperiales in corpore juris sparsæ circa res mere ecclesiasticas, non sunt signum auctoritatis, quam Reges habeant circa sacra, sed signum zeli & amoris, quem habuerunt erga Ecclesiam; ut enim præmonet Justinianus: *Nos tutores sumus*, inquit, *vetustatis, & vindices*. Jussio Just. pro Concil. Bizac.

Sic tot capitularia Regum Galliarum, cum ex Episcoporum, tum ex optimatum Regni consilio, lata circa res omnino ad Ecclesiam pertinentes, non sunt argumenta Regiæ auctoritatis in rebus fidei aut disciplinæ Ecclesiasticæ, sed solum indicia, quibus Reges nostri se protectores Ecclesiæ profitebantur; unde effectum est, ut Leo IV. Papa C. de capitulis, dist. 10. apud Gratianum spondeat se *Capitula illa & præcepta Lotharii, ejusque predecessorum in omnibus observaturum*. Et

Synodus Mendensis an. 845. cap. 78. postulet: *Ut capitula Ecclesiastica a Domino Carolo Magno Imperatore, nec non a Domino Ludovico pio Augusto promulgata, obnoxie observari præcipiantur; sicut & legalia observanda esse noscuntur*.

Sic demum tot edita Regum nostrorum, sive Aurelianensis, sive Blesensis, illa pariter edita quæ Ludovicus XIV. edidit contra Janenistas, Quietistas, &c. licet in rebus ad Religionem pertinentibus, auctoritatem Ecclesiasticam non offendunt, sed defendunt; non minuunt, sed augent: viris probis reddunt venerandam; improbis vero terribilem exhibent.

Consect. 4. Principes sæculares, ut tutores Ecclesiæ possunt & debent personis sacris injuste vexatis suppetias ferre, Canonum violationi, & bonorum Ecclesiasticorum direptioni fortiter se opponere.

Ex eo quod Imperatores sint personarum Ecclesiasticarum defensores factum vidimus: quod Paulus injuste vexatus a Judæis Cæsarem appellaverit: quod Athanasius injuste condemnatus in Tyrio conciliabulo Constantinum Augustum provocaverit. Ath. Apol. 2. Quod Eusebius Dorilæi Episcopus exagitatus a Dioscoco, & Eunomius Episcopus Nicomediæ male habitus ab Anatolio Neocæsariensi, Marcianum Imperatorem adierint, ut ab eo jus exposcerent. Concil. Chalc. Act. 1. & 11. & alii multi Episcopi ad Principes sæculares recurrerunt: quibus in casibus solebant Principes vel Clericos judices nominare, ut fecit Constantinus in causa Donatistarum, vel prioris Concilii judicatum suspendere, nova Synodo indita, ut fecit Theodosius in causa Nestorii: immo si Episcopi durius agerent cum Clericis, isti aliquando ad Principes recurrerant auxilium postulantes, ut habet Concil. Francof. cap. 6. ann. 794. ubi jubetur, ut si Clerici male habeantur ab Episcopis, ad Metropolitanum provocent; & si Metropolitanus rem non possit corrigere, vel pacificare, tunc tandem veniant accusatores eum accusato ad domnum Regem, ut sciat veritatem rei.

Ex eo quod Principes sint tutores Canonum, & bonorum Ecclesiasticorum, vidimus leges edidisse, quibus violatio Canonum, & direptio bonorum Ecclesiasticorum districtius inhiabetur. Sic Codex Theod. L. Omni 45: ita loquitur: *Omni innovatione cessante vetustatem & Canones pristinos Ecclesiasticos servari præcipimus*.

ARTICULUS IV.

*Ad quæ extendatur, vel non extendatur Lex
& potestas Ecclesiastica.*

§. I.

De potestate spirituali Ecclesiastica.

Prop. unica. Ecclesia iure divino habet potestatem spirituales, per quam fidelibus potest præcipere quicquid ad eorum salutem conducere potest.

Prob. 1. Scriptura. *Omnis potestas mihi data est in celo & in terra*, inquit Christus Matth. 28. v. 18. Ergo si Christus habet potestatem spirituales supra fideles, cum eo tantum si venerit, ut eos salvos faceret, Ecclesiæ Pastores eam pariter habent potestatem; quia ita eos alloquitur Christus: *Sicut misit me Pater, & ego mitto vos*: Joan. 20. v. 21. & rursum: *Qui vos audit, me audit: qui vos spernit, me spernit; qui autem me spernit spernit eum, qui me misit*. Luc. 10. v. 16. Ergo Ecclesia habet potestatem spirituales supra fideles.

2. Ex Osio Cordub. in Epist. ad Constan. & Athan. qua eadem autoritate utitur Athan. in Apolog. ad Constant. ubi sic habet: *Tibi Deus imperium commisit; nobis, quæ sunt Ecclesiæ, concedere dedit*: & Gelasius 1. Ad Anastasium Imperatorem: *Duo quippe sunt, Imperator Auguste*, inquit, *quibus mundus hic regitur, autoritas sacra Pontificum, & Regalis potestas*: Ergo sicut Imperialis potestas ad temporalia se extendit, ita Ecclesiastica auctoritas ad spiritualia debet se extendere.

3. Rat. Omnis Respublica habet potestatem supra suos subditos; & talem quidem, qualis est Respublica; alias, ut optime ita Aug. sine tali potestate Regna non essent Regna, sed latrocinia; nec essent multitudo bene ordinata, sed congeries confusa: atqui Ecclesia est Respublica spiritualis a Christo fundata: ergo debet habere potestatem spirituales supra suos subditos, scilicet baptizatos, circa ea, quæ baptizatos ad salutem æternam conducere possunt: & si Ecclesia sit sponsa, cuius Christus est sponsus; Regnum, cuius Christus est Rex; corpus, cuius Christus est caput; nullam ne habebit potestatem circa fideles, qui sunt & filii, & membra, & subditi per baptismum?

Conseclaria hujus Doctrinæ.

Consecl. 1. Ecclesia habet potestatem in verbo & in Sacramentis, id est, habet potesta-

tem docendi quæ a Christo didicit, & ministrandi Sacramenta, quæ a Christo accepit. Hanc potestatem contulit Christus Ecclesiæ his verbis: *Euntes, docete omnes gentes, baptizantes eos in nomine Patris, & Filii, & Spiritus Sancti*. Matth. 28. v. 19. Ea potestate usi sunt Apostoli, & Episcopi, eorumque successores, quæ in omnem terram exiit sonus eorum, & quæ mundus ex pagano factus est Christianus.

Consecl. 2. Ecclesia habet potestatem circa quæstiones fidei, & morum, & disciplinæ; seu habet potestatem determinandi quæ pertinent ad fidem, ad mores, & ad disciplinam; & fideles tenentur decisionibus ab Ecclesia statutis acquiescere: *Si quis enim Ecclesiam non audierit, habendus est, ut Ethnicus, & publicanus*.

Exercitium hujus autoritatis expresse describitur Act. cap. 15. ubi habes formam Concilii; qui scilicet debeant Concilio interesse; quo modo debeant Concilia procedere; quæ autoritate definire; de qua materia tractare; & quam obedientiam Concilii debeant populi exhibere. 1. Non Laici, sed Apostoli, & seniores conveniunt. Surrexerunt, inquit Lucas, quidam de hæresi Phariseorum, qui crediderunt, dicentes: *quia oportet circumcidi eos, præcipere quoque servare legem Moysi, conveniuntque APOSTOLI, ET SENIORES videre de verbo hoc*. Proceduntque, non tumultuose, sed maxima cum prudentia & diligentia. Cum autem inquisisset, ait Lucas, quæstione mature perpensa difficultatem resolvunt, non proprio lumine, sed divino, non autoritate propria, sed Dei. **VISUM EST**, inquit, **SPIRITUI SANCTO ET NOBIS**. Materiam tractant non sæcularem, sed Ecclesiasticam, scilicet, quæstiones pertinentes ad fidem, ad mores, ad disciplinam. Ad fidem quidem, dum statuunt infallibilitatem Ecclesiæ. Ad mores, dum res ex se malas interdiciunt, fornicationem scilicet, & idololatriam. Ad disciplinam, dum, ut Synagoga quodam cum honore sepeliant, a sanguine & suffocato, licet res essent indifferentes, volunt fideles abstinere: quam determinationem paucissimis his verbis comprehendunt in Epist. Synodica. *Visum est*, inquit, *Spiritui Sancto & nobis, nihil ultra imponere vobis oneris, quam hæc necessaria: ut abstineatis vos ab immolatis simulacrorum, & sanguine & suffocato, & fornicatione; a quibus custodientes vos, bene ageris: valete*... Illtergo, id est Paulus & Barnabas, congregata multitudo tradiderunt epistolam, quam cum legissent, non resisterunt, sed gavisi sunt super consolatione. Et Paulus perambulabat Syriam,

& Ciliciam, confirmans Ecclesias: præcipiens custodire præcepta Apostolorum, & seniorum. En obediencia fidelium erga Ecclesiam, quoties determinat aliquid circa fidem, mores, & disciplinam.

Consect. 3. Ecclesia habet potestatem constituendi Prælatos, & ministros, ad ædificationem corporis Christi, scilicet Ecclesiæ, necessarios, ut docet Paulus ad Ephes. 4. v. 11. *Et ipse dedit quosdam quidem Apostolos, quosdam autem Prophetas, alios vero Evangelistas, alios autem Pastores, & Doctores, ad consummationem Sanctorum, in opus ministerii, in ædificationem Corporis Christi.* Ea potestate utitur Ecclesia, & sic interrupta permansit successio Pastorum ab Apostolis usque ad nos.

Consect. 4. Ecclesia habet potestatem iudicandi quoscunque baptizatos circa participationem Sacramentorum, excludendo indignos, & admittendo dignos; quæ potestas non obscure significatur his verbis: *Quodcumque ligaveris super terram, eris ligatus & in cælis.* Matth. 16. v. 19.

Ea potestate utuntur ministri Ecclesiæ, quoties fideles vel arcant a Sacramentis, vel eos ad Sacramenta admittunt.

Consect. 5. Ecclesia habet potestatem iudicandi in foro secreto & interiori de peccatis tam occultis quam publicis, vel remittendo per absolutionem, vel retinendo per dilationem absolutionis, iuxta dispositiones consentitum, quas Christus & Ecclesia præscribunt; quæ potestas satis aperte his verbis declaratur: *Quorum remisistis peccata, remittuntur eis; quorum retinueritis, retenta sunt.* Joan. 20. v. 23.

Ea potestate utuntur Confessarii in tribu- nali poenitentiae.

Consect. 6. Ecclesia habet potestatem iudicandi in foro publico & contentioso de peccatis publicis, infligendo poenas spirituales, scilicet excommunicationes Laicis contumacibus, excommunicationes & suspensiones & irregularitates Clericis pariter contumacibus; quæ potestas videtur exprimi his verbis: *Dic Ecclesie: si Ecclesiam non audierit, sit tibi sicut Ethnicus & publicanus.* Matth. 18. v. 17.

Ea auctoritate usus est Paulus contra Corinthium incestuosum. *Judicavi, inquit Script. 1. ad Corinth. 5. v. 5. tradere hujusmodi in interitum carnis, ut spiritus salvus sit in die Domini nostri Jesu Christi.*

Eadem potestate utuntur Episcopi, infligendo censuras.

Consect. 7. Ecclesia habet potestatem iudicandi circa materiam pure spirituales, ut

pote & sponsa & corpus, & regnum Christi, qui auctoritate exercere voluit, non temporalem, sed spirituales, dicens: *Regnum meum non est de hoc mundo.* Jo. 18. v. 36.

Ea potestate utitur Ecclesia, dum iudicat de validitate & invaliditate Sacramentorum, de decentia vel indecentia officii Ecclesiastici.

Eadem potestate utuntur iudices ecclesiastici, v. g. Officiales, dum in suo territorio etiam contentiose judicant de eadem materia, & poenis quibusdam ab Ecclesia determinatis addicunt fideles, qui non recipiunt Sacramenta temporibus ab Ecclesia determinatis, v. g. non communicant in paschate, non consentiunt semel in anno: & eos fideles, qui non observant Constitutiones mere spirituales ab Ecclesia editas, v. g. non observant festa, non observant jejunia. Item Clericos tam regulares, quam seculares in contentioso foro judicant, si in verbo prædicando, in sacramentis ministrandis non sequantur statuta Ecclesiæ.

Consect. 8. Ecclesia habet potestatem iudicandi circa materiam partim spirituales, partim temporalem, attingendo præcise quod est spirituale: Christus enim spirituales jurisdictionem exercuit, sed circa res temporales iudicium ferre recusavit: dum enim ei quis diceret: *Dic fratri meo, ut dividat mecum hæreditatem; at ille dixit: Homo, quis me constituit iudicem, aut divisorem super vos?* Luc. 12. v. 13.

Ea potestate utuntur Ecclesiæ iudices, v. g. Officiales, dum in foro etiam contentioso iudicant de validitate sponsalium, de validitate matrimonii, aut declarant, quando desponsati possint dissolvere sponsalia, quando conjugati debeant cohabitare, vel ab invicem separari, modo sistant intra limites spiritualitatis; nam si attingat temporale, in Gallia esset *abusus*, ut dicunt, id est, abusus potestatis spiritualis, quæ ad solum spirituale & non temporale debet extendi.

Sic Ecclesia posset iudicare de decimis, de beneficiis ecclesiasticis; sed propter connexionem, quam hæ res habent cum temporali, lites circa beneficia, circa decimas, agitantur in foro civili, & non ecclesiastico in Gallia.

6. II.

De modo, secundum quem in Ecclesia Gallicana exercetur potestas spiritualis Ecclesiastica.

Nota, quod auctoritas Ecclesiæ circa fidem,

dem, mores, & disciplinam est indubitata apud omnes Catholicos, sed qualis debeat esse illius potestatis usus, quæ applicatio, quodve ejus exercitium, non apud omnes convenit: alii volunt, eam per Papam, utpote supremum Pastorem, Monarchico regimine exercendam esse: alii vero, per Papam & per Episcopos Monarchico quidem regimine, sed aristocratia temperato exercendam esse contendunt; ita tamen, ut Episcopi omnes Romano Pontifici, tamquam capiti, jure divino subjiciantur, ut fateatur D. de Marca Præfat. 2. n. 7.

Qualis sit circa id præfens Ecclesiæ Gallicanæ praxis sequenti Paragrapho ostendam, eorumque illud ex probatis auctoribus edocui, temperans ab odiosis quæstionibus, sistens intra eos limites, qui ad resolvendos calūs conscientiæ inservire possunt.

Prop. unica. Potestas ecclesiastica spiritalis talis est juxta Gallos Doctores & præcipue Sorbonicos; ut in sui exercitio debeat juxta statuta Patrum, & antiquos Canones exerceri.

Probatur 1. Scriptura. *Reges gentium*, inquit Christus, *dominantur eorum*, scilicet despoticè, *vos autem non sic*; sed moderate secundum regulas per traditionem ab Apostolis acceptas, vel in Conciliis statutas.

2. Auctoritate Patrum. 1. Offert se Innocentius I. qui Chrysostomi condemnationem in Synodo ad Quercum latam, vel ob id solum rejicit, quod non esset juxta Canones. *Nam longe præstiterit*, inquit, *vel ea condemnare, fratres carissimi, quæ recte facta sunt, quam ea robur ullum sortiri, quæ adversus Canones gesta sunt*. Ita apud Sozom. lib. 8. cap. 16. Innocentium sequitur Zosimus ep. 7. *Apud nos enim*, inquit, *inconvulsis radicibus vivit antiquitas, cui statuta Patrum sanxere reverentiam*. Zosimo consentit Bonifacius Epist. 3. ad Hilarium Narbon. Epist. *Convenit nos*, inquit, *paternarum sanctionum diligentes esse custodes*: & Leo Epist. ad Anatolium loquens de Canonibus Nicænis sic pronuntiat: *Omni penitus inquit, auctoritate sit vacuum quicquid ab illorum fuerit constitutione diversum*. Ergo constat ex Patribus, qui Romanam rexerunt Ecclesiam, auctoritatem Ecclesiasticam juxta Canones esse exercendam.

3. Ratione. Regimen bene ordinatum debet esse temperatum per Legem in Comitibus generalibus institutas; quia regimen monarchicum temperatum per Aristocratiam, id est per consilium Majorum, est perfectissimum, habet enim dotes Monarchiæ & Aristocratix: atqui Ecclesiæ regimen est perfectissimum, utpote a Christo Domino institutum:

ergo Ecclesiæ regimen debet esse temperatum per Leges vel a traditione Apostolorum acceptas, vel in Conciliis constitutas; & proinde potestas spiritalis ecclesiastica talis est ut debeat juxta Canones exerceri.

Ex hoc principio educuntur Confectaria, quibus explicatur, quomodo in Gallia exerceatur potestas spiritalis Ecclesiastica. Vide D. de Fleury in suis Institutionibus Canonicis 3. p. cap. 25. Vid. Dom. de Mari de Concord.

Confect. 1. Agnoscunt Galli, Romanum Pontificem jure divino esse universalis Ecclesiæ caput, & proinde Gallicanæ, quæ illius est membrum. Caput etiam omnium Domini Sacerdotum. Potissimum Sacerdotem cæteris Pontificibus in orbe constitutis reverentiorum. Christi Vicarium, Petri successorem, &c. quas Dotes multis argumentis probat D. de Marca Tomo primo Concor. lib. 7. Sed his potissimum primo affert Cyp. Epist. 2. vel 55. edit. Pamel. ubi dicit: *Ecclesiam Romanam Petri esse Cathedralam principalem, unde unitas sacerdotalis exorta est*. 2. Affert Optatum Milev. lib. 2. cont. Parm. ubi ait: *Romanam Ecclesiam eam esse, in qua una Cathedralis unitas ab omnibus servaretur*. ... *Ut iam Schismaticus & peccator esset, qui contra singulorum Cathedralam alteram collocaret*; & ideo, ut ait Heronymus Epist. ad Damas. *Quicumque extra hanc domum agnum comederit profanus est*; si quis in Arca Noe non fuerit peribit regnante diluvio. adeoque, ut optime ait Natalis Alexander in Histor. Eccles. sæcul. XIII. & XIV. disert. IX. **DE NECESSITATE SALUTIS EXISTIT, OMNES CHRISTI FIDELES ROMANO PONTIFICI SUBESSE, PROUT DIVINÆ SCRIPTURÆ ET SANCTORUM PATRUM TESTIMONIO EDOCEMUR.**

Sed non admittunt Galli Doctores, quod Papa dominium habeat directum, vel indirectum in Regum temporalia; sed juxta eundem Alexandrum, alterum est dogma & Scripturæ Sacræ, & traditioni omnino consonum; fideique proximum, & apud Gallos indubitatum, scilicet: **SUPREMA EST ET A SOLO DEO PENDENS REGUM AUCTORITAS, ITA UT NULLAM PENITUS ETIAM INDIRECTAM IN EORUM TEMPORALIA POTESTATEM HABEANT ROMANUS PONTIFEX, VEL ECCLESIA.** De hoc infra sequenti Paragrapho.

Confect. 2. Admittunt Galli, quod Papa habeat auctoritatem condendi leges: & hoc mu-

triplici titulo; quia est totius Ecclesiæ caput, & specialis Ecclesiæ occidentalis Patriarcha, ita D. de Marca, in cuius rei probationem affert relictum Valentiniæ, cuius hæc sunt verba: *Omniibusque pro lege sit quidquid sanxit, vel sanxerit Apostolicæ sedis auctoritas; & affert etiam hæc a Greg. VII. dictata in digesto: Illi soli, id est Romanæ sedis, licet pro temporis necessitate novas leges condere.* Quibus legibus Galli acquiescendum credunt; ut enim ait Irenæus Lugdunensis Episcopus. *Ad Romanam Ecclesiam propter potentioris principalitatem necesse est omnem convenire Ecclesiam*, lib. 3. c. 1. Eamque obedientiam præcipiat Concilium Turon. 11. Can. 2. his verbis: *Quis Sacerdotum contra decreta talia, quæ a Sede Apostolica processerunt, agere præsumat?* Idemque jubeant Regum capitularia, adeo ut Synodo Galliarum a Pipino & Carolo Magno coacta an. 743. Galli protesti sunt: *Unitatem & subjectionem Romanæ Ecclesiæ sine tenus vite velle servare: Sancto Petro, & ejus Vicario velle subijci*, ut dicit Bonifacius Mogunt. Episcopus. 105.

Sed non admittunt Galli quod vigorem stricte legis habeat quidquid in omni curiæ Romanæ Tribunali geritur aut resolvitur, si antiquo Ecclesiæ usui sit contrarium; quemadmodum enim Græci non Schismatici, sed post unionem Florentinam Romano Pontifici subiecti, primatum Ecclesiæ Romanæ ejusque decreta suscipiunt, *salvis privilegiis & juribus Patriarcharum*; ita Galli supremam Papæ auctoritatem agnoscunt & colunt, *salvis juribus & libertatibus Ecclesiæ Gallicanæ*. Quæ libertates ad duo capita reducuntur. Primum scilicet est: Papa non habet dominium supra temporale Regum. Secundum: Papæ tradita est a Christo plena potestas exercenda, quemadmodum & in gentis æcumenicorum Conciliorum, & in Sacris Canonibus continetur; unde sic

Consect. 3. Admittunt Galli omnes Canones Conciliorum generalium, immo particularium, quæ universali Ecclesiæ consensu admittuntur, siue Canones illi fidem, vel sanctos mores respiciant; quia una & eadem & invariabilis est doctrina totius Ecclesiæ circa fidem, & sanctos mores.

Sed non admittunt Galli omnes Canones Conciliorum circa disciplinam; quia non una nec eadem, nec invariabilis est disciplina Ecclesiæ: disciplinam enim Ecclesiasticam vocamus in Republica Christiana, quod in Republica sæculi vocatur politica; est autem politica Principatus ea consuetudo, secundum quam decet unumquemque civium conversari: patet autem, quod non sit eadem in

unaquaque Ecclesia consuetudo, alii enim sunt ritus Ecclesiæ Latinæ, alii Ecclesiæ Græcæ: & quemadmodum quælibet Ecclesia suos ritus sequitur; ita Ecclesia Gallicana suam æmulat disciplinam: itaque

Galli recipiunt antiquos circa disciplinam Canones, quales sunt in antiqua collectione Dionysii Exigui, Hincmari, & in Bibliotheca Justelli, quia antiquam continent disciplinam

Venerantur Galli, sed non recipiunt saltem ut legem recentiores circa meram disciplinam Canones, quales sunt in collectione decreti Gratiani, in decretalibus, in sexto, in Clementinis, in Extravagantibus, nisi concordent antiquo Gallorum usui: quia, inquit, Gratianus multis scatet mendis, & ea, quæ affert, vim legis non habent ab auctore collectionis, sed solum ex instrumentis, quæ citat: constitutiones vero, quæ sparsæ sunt in Decretalibus, in sexto, in Clementinis, in Extravagantibus, si fidem vel mores respiciant, a Gallis humiliter suscipiuntur; si vero disciplinam spectent, a Gallis non recipiuntur nisi quatenus usui Gallorum concordant.

Sic pariter Galli non recipiunt omnes regulas Conciliarum Romanæ, omnes censuras in Bulla in Cœna Domini contentas, decreta Inquisitionis, regulas indicis librorum, Constitutiones Congregationum regularium, nisi quatenus concordant usui Gallorum: ita expressis terminis D. de Fleury loco citato. Unum quod moneo istud esse, scilicet, quod quamvis omnium Curiarum Romanarum decisiones vigorem Legis in Gallia non habeant, quando tractant de rebus ad meram disciplinam pertinentes, tamen apud nos auctoritatem debent habere quam maximam, tum quia sunt effata Curia maxime venerandæ, & ratiocinia virorum in jurisprudentia canonica consummatorum. Deinde, si hæc decisiones vel in edictis Regiis, v. g. Blesensibus, Aurelianensibus, aut Concilio aliquo particulari Gallia determinentur, tunc incipiunt vigorem Legis habere: demum attendendum est, an disciplina Italica, tali decisione præscripta, propius ad disciplinam antiquam, quam usus Gallicanus, videatur accedere, & tunc præferri debet disciplina Italica Gallicanæ.

§. III.

An Ecclesia jure divino potestatem habeat vel directæ vel indirectæ circa Regum temporalia, vel circa temporale subditorum, etiam sine consensu Regum.

Nota. Quod non eadem est omnium Theolo-

logorum circa hanc quæstionem doctrina: aliqui volunt, Ecclesiam habere dominium saltem indirectum circa Regum temporalia: hæc fuit sententia Bonifacii VIII. in Bulla, quæ incipit *Unam sanctam*; sed Clemens V. Bulla quæ incipit, *Meruit*, decretalem Bonifacii revocavit, quatenus Regiæ dignitati, ac iuribus officere poterat; ideo sit

Prop. unica. Post constitutam a Christo Regalis & Pontificalis potestatis divisionem, Ecclesiastica autoritas jure divino neque directe, neque indirecte extendi debet ad temporale vel Regum, vel etiam subditorum, line consensu Regum.

Prob. 1. Scriptura. *Regnum meum non est de hoc mundo*, inquit Christus, Joan. 18. v. 36. *Reddite*, inquit, *quæ sunt Cæsari Cæsari*: & *quæ sunt Dei Deo*. Matth. 22. v. 21. Ergo cum Christus omne dominium temporale abjecerit, immo cum vellent eum Regem facere aufergerit, & cum in hoc Apostoli eorumque immediate successores Christum rigide imitati fuerint, signum est, autoritatem Ecclesiæ non esse ad temporale Regum vel subditorum extendendam in iuris Regibus.

2. Ex differentia, quam statuunt Patres inter Regnum & Ecclesiam, Regnum ascribentes Principibus sæcularibus, Ecclesiam vero Præsulibus. Athanasius citans Osum, sic Constantinum in sua Apolog. alloquitur: *Tibi Deus imperium commisit, nobis quæ sunt Ecclesiæ concedidit*. . . . *Neque enim fas est nobis in terris imperium tenere, neque tu thymiamatum & sacrorum potestatem habere, Imperator.* Synesius Epist. 57. Illi, id est, Imperatores, in negotiis, nos in oratione collocari sumus. Symmachus in Apol. advers. Anast. comparans Imperatorem cum Sacerdote, sic concludit: *Postremo tu, Imperator, humana administras, ille tibi divina dispensat.* Greg. II. Epist. ad Leonem Itaurum Imper. comparato Sacerdotio cum Imperio, sic concludit: *Idcirco Ecclesiis præfati sunt Pontifices, a Reipublicæ negotiis abstinere, ut Imperatores similiter ab Ecclesiasticis abstineant.* Demum Nicolaus I. Epist. ad Michaelen Imperatorem, quod sit munus distinctum utriusque, Imperatoris & Præsulis in novo Testamento, licet forte in veteri conjungeretur, eleganter describit his verbis: *Fuerunt hæc ante adventum Christi, ut quidam typice Reges simul ac Sacerdotes existerent, quod sanctum Melchise dec fuisse sacra prodit historia.... sed cum ad verum ventum esset eundem Regem atque Sacerdotem, ultra sibi nec Imperator jura Pontificatus arripuit, nec Pontifex nomen Imperatorum usurpavit; quoniam idem mediator Dei & hominum homo*

Christus Jesus, sic actibus propriis, & dignitatibus distinctis, officia potestatis utriusque discrevit, ut & Christiani Imperatores pro æterna vita Pontificibus indigerent, & Pontifices pro cursu temporalium tantummodo verum Imperialibus Legibus uterentur, quatenus spiritualis actio carnalibus disaret incurfusibus. Ergo, sicut post divisam a Christo Regiam & Ecclesiasticam dignitatem, Principes sæculares jure divino non habent potestatem circa spiritualia ita nec Præsules circa temporalia.

3. Rat. Respublica instituta a Christo eo fine, ut ejus subditi beatitudinem spirituales consequantur, non debet auctoritatem suam nisi ad spiritualia extendere: quorsus enim ad temporalia, quæ magis abducunt a cælo, quam adducunt? Atqui Ecclesia est hujusmodi Respublica: Ergo auctoritatem, quam accepit a Christo, ad spiritualia non ad temporalia debet extendere. Ea fuit D. Bernardi cautio scribendo ad Eug. IV. lib. 4. de consid. cap. 3. *Fac opus*, inquit, *Evangelicæ, & pastoris opus implesti*. . . *Aggrede verbo, non ferro*: & lib. 2. cap. 6. *Disce sarculo tibi opus esse, non sceptro, ut opus facias Prophetæ: & quidem ille non regnaturus ascendit, sed extirpaturus*. Et ut ostendat Regna temporalia jure divino Pontificibus etiam supremis non competere, sed solum aliis titulis, i. Regno aliquando potantur: *Esse*, inquit, *ut alia quacumque ratione hoc tibi vindices, sed non Apostolico jure; nec enim tibi ille, scilicet Petrus, dare quod non habuit, potuit: quod habuit, hoc dedit, sollicitudinem, ut dixi, super Ecclesias; nunquid dominationem super Regna.*

Conseñaria, quæ ex hoc principio educunt Doctores Galli, ut videre est apud Dominum de Fleury in suis institutionibus Juris Canonici 3. P. cap. 25.

Conseñ. 1. Ecclesia nullatenus potest exercere suam potestatem supra Reges, vel subditos non baptizatos; quin nullam habet supra illos jurisdictionem. *Quid mihi*, inquit, *Paulus 1. ad Corin. 5. de illis, qui foris sunt, judicare?* & quidem prioribus sæculis Ecclesia nihil contra Imperatores Paganos molita est, sed eis in temporalibus humiliter obsequabatur.

Conseñ. 2. Ecclesia non potest exercere suam auctoritatem juridicam circa temporale Regum, vel subditorum etiam baptizatorum; quia Reges in temporalibus solum Deum agnoscunt superiorem, a quo immediate vim regnandi accipiunt, juxta illud Sap. 6. v. 4. *Quoniam data est a Domino potestas ve-*
bis,

bit, & virtus ab Altissimo; & juxta illud Paul. ad Rom. 13. v. 1. Non est enim potestas nisi a Deo, Ut enim eleganter dicit Tertul. in Apol. Inde est Imperator, unde & homo antequam Imperator; inde potestas illi, unde spiritus. Et Augustinus nihil distinguens inter Imperatorem Paganum & Christianum, crudelem & mitem, sic universaliter pronuntiat lib. 5. de Civ. cap. 21. Qui Augusto imperium dedit, inquit, ipse & Neroni: qui Vespasiano vel patri vel filio suavisimis Imperatoribus, ipse & Domitiano crudelissimo. Et subditi in temporalibus solos Reges habent superiores. Omnis anima, inquit Paulus ad Rom. 13. potestatibus sublimioribus subdita sit; & Petrus: Subditi estote omni creaturæ, sive Regi quasi præcellentis, sive ducibus tamquam ab eo missis. 1. Pet. 2. Tertul. ad Scapulam cap. 2. agnoscit primo Deum, secundo Imperatorem in temporalibus, nequaquam vero Præules. Colimus, inquit, sic Imperatorem ut hominem a Deo secundum, & quidquid est a Deo consecutum, solum Deo minore. Immo Innoc. III. summus Pontifex cap. Novit. de judiciis, eandem doctrinam ut constantem supponit. Cum Rex, inquit, superiorum in temporalibus neminem recognoscit, &c.

Consect. 3. Ecclesiæ ministri, v. g. Papa, Episcopi, possunt Reges baptizatos eorumque subditos iustis de causis excommunicare; quia hoc iudicium est pure spirituale: sed non possunt in pœnam contumaciæ Reges excommunicatos regno temporali privare, aut subditos ab Regis obsequio dimovere; quia hæc sententia temporale Regum attingeret: Christus autem non iussit, ut Apostoli eorumque successores huiusmodi pœnis uterentur; non enim, ut canit Ecclesia, eripit mortalia qui regna dat cælestia. Nec est quod dicatur, Athalia fuisse, jubente Jojada, abdicatam; vel Oziam usurpantem sacra fuisse ab Azaria Sacerdote & folio ejectum: tum quia non valet consecutio, a veteri Testamento ad novum; Christus enim dignitatem regiam & Sacerdotalem in Evangelio voluit esse abinvicem discretas, licet in veteri Testamento essent quasi conjunctæ: deinde Athalia non ejecta est & folio legitimo, sed & folio quod usurpaverat, & Joas legitimus princeps in thronum patris evectus est; Ozias vero non ejectus est, sed implet leprosus habitavit segregatus a populo, ut Lex jubebat.

Consect. 4. Ecclesiæ ministri, v. g. Papa, Episcopi, non possunt subditos Regis excommunicati absolvere a juramento fidelitatis; quia sic privaretur Rex bono suo temporali,

(subditi enim sunt Regis dominium. Et sic, ut Reges, licet excommunicati, non desinunt esse homines civiles, ita neque Reges; quia auctoritas Regia juris est gentium, quod non tollitur per jus ecclesiasticum.

Nec est quod dicatur, quod in Concilio Lateranensi 4. & in Concilio Lugdunensi videatur determinari, Reges privari posse suo regno, si vel labantur in hæresim, vel hæreticis suppeticis ferant; ut enim late probant Doctores Sorbonici, vel Concilium ibi loquitur comminatorie, non decretorie: vel id propositum solum fuit, & non decicium: vel demum Concilium, quoad hoc, non recipitur in Gallia.

Consect. 5. Ecclesiæ ministri, v. g. Papa, Episcopi, non possunt invitis Regibus prohibito contra statuta Regni de redditibus Ecclesiæ disponere, v. g. extra regnum transferendo, alienigenis impertiendo; quia pertinet ad Regem quod ejus hostes non ditentur bonis Ecclesiasticis.

Consect. 6. Ecclesiæ ministri, v. g. Papa, Episcopi, non possunt de personis baptizatis contra statuta Regni disponere; quia personæ baptizatae non desinunt esse Regi subditæ, & ita, invito Rege, simplices fideles, Clerici, Monachi non possunt e Regno exire.

Consect. 7. Ecclesiæ ministri, v. g. Papa, Episcopi, non possunt invito Rege beneficia Ecclesiastica, immo nec prælaturas monasticas personis, quæ non sunt Regnicolæ, conferre; quia, sicuti ad Regem spectat, ut nullus alienigena, ipso invito, in ejus Regno degat, negotietur; ita ad Regem spectat, ut nullus alienigena ipso invito beneficium aut prælaturam possideat: quod ita exprimit Glossator Pragmaticæ Sanctionis. Rex Franciæ habet privilegium, inquit, quod exterius & alienigena non potest beneficiari in suo regno sine ejus permissione.

Consect. 8. Ecclesiæ ministri, v. g. Papa, Episcopi, personæ, quæ jure civili sunt inhabiles ad aliquod officium, non possunt ad idem officium habiles reddere: quia habiles reddendo, temporale quodammodo attingerent.

Sic infames, jure civili inhabiles ad successionem, non possunt per solam dispensationem Papæ, si consensus Regis non interveniat, fieri habiles.

Sic spurii, jure civili inhabiles ad hereditatem patris, sine consensu Regis per solam dispensationem Papæ non possunt ad eam hereditatem fieri habiles. D. de Marc. L. 2. Conc. cap. 3.

olim Clerici flagitiosi detrudebantur in monasterium. Tertio, pœnam ejektionis; sic Clerici jubentur in suam Diœcesim se recipere. Quarto, pœnam pecuniarum, non per modum multæ, sed per modum elemosynæ.

3. Circa crimina ita exercetur.

Judex Ecclesiasticus non potest judicare nisi de his criminibus, quibus præcise violantur constitutiones Ecclesiasticæ. Talis est, v. g. venatio Lege civili non vetita, popinarum frequentatio, &c. quia cum hæc crimina nihil involvant contra edicta Regum, per solos judices Ecclesiasticos judicanda sunt.

Judex Ecclesiasticus olim judicabat de hæresi, de schismate, blasphemia, apostasia, sacrilegio, superstitione, simonia, homicidio, adulterio, usura, &c. sed cum hæc crimina Legibus etiam civilibus prohibeantur, & insuper Reges gloriantur se esse protectores Canonum, hæc omnia crimina commissa, etiam a Clericis, judicantur per judices civiles, sed una cum judice Ecclesiastico.

4. Circa res temporales ita exercetur.

1. Judex Ecclesiasticus in causa civili nullam litem attingere potest. Primo, quæ sit inter duos Laicos, quia sic attingeret temporale. Secundo, quæ sit inter Laicum & Clericum, si Clericus sit actor; quia actor debet se qui forum rei. Tertio, neque inter Clericos, si actio sit realis, id est respiciens res temporales; quia sic attingeret temporale. Quarto, neque inter Clericos, etiam si actio sit personalis, si hæc actio fundata sit in contractu inito coram Notario Regio; quia actio illa, utpote Regia, transfert litem ad judicem Regium.

2. Judex Ecclesiasticus in causa civili potest litem dirimere. Primo, si sit inter duos Clericos habentes ad invicem solum actiones personales; quia persona Clerici subijcitur foro Ecclesiastico. Secundo, si sit inter Laicum & Clericum, & Laicus habeat solam actionem personalem contra Clericum; quia actor sequitur forum rei.

5. Circa modum procedendi ita exercetur.

In judicio Ecclesiastico, uti in civili, debent esse judex, actor & reus, & modus procedendi.

Judex Ecclesiasticus ordinarius est Episcopus erga sibi subditos, Abbas erga suos monachos, & Capitulum exemptum erga Clericos ejusdem Capituli.

Judex Ecclesiasticus delegatus est Vicarius Generalis in jurisdictione voluntaria, Officialis in jurisdictione contentiosa.

Actor est ille, qui in judicio petit id, quod sibi debitum putat. Reus est is, a quo res exigitur in judicio.

Modus procedendi in jure Ecclesiastico est fere idem qui in jure civili, præcipue in Gallia, ubi Officiales tenentur formulis a Rege præscriptis adhærere. Proceditur ergo vel accusatione, vel denunciatione, vel inquisitione.

Accusatio est delatio rei de crimine per actorem respondentem, se illud probaturum: si probet, condemnatur reus; si deficiat in probatione, talionis pœnæ accusator addicitur.

Denunciatio est delatio rei de crimine per actorem non suscipientem onus probandi.

Inquisitio est informatio contra criminum auctores; quia judex satagit devenire ad plenam probationem.

Hæc executio sum multis, ut qui aliquando vel inviti coguntur vel judicare, vel litigare, sciant, quomodo procedendum sit in tribunali Ecclesiastico.

Quoties autem judex Ecclesiasticus prædictos terminos transgreditur, sit provocatio ad judicem sæcularem, & hoc vocant: *Appel comme dabus*. Legat, si quis ea materia egeat, Ferret.

ARTICULUS V.

Ad quæ extendatur Lex positiva divina.

Prop. unica. Lex positiva divina extenditur ad ea omnia, quæ nos ad salutem consequendam conducere possunt.

Prob. 1. Scriptura. Lex positiva divina nihil est aliud, quam divina revelatio, in Scriptura & traditione contenta, docens quid agendum, quid non agendum: atqui divina hæc revelatio extenditur ad ea omnia, quæ nos ad salutem possunt conducere, juxta illud Pauli ad Timot. 2. c. 3. v. 16. *Omnis Scriptura divinitus inspirata, utilis est ad docendum, ad arguendum, ad corripiendum, ad erudiendum in justitia, ut perfectus sit homo Dei, ad omne opus bonum instructus*. Ergo Lex positiva divina extendit se ad ea omnia, quæ nos ad salutem consequendam conducere possunt.

2. *Rat. Lex positiva divina, cum nihil aliud sit, quam divina revelatio, manifestans quid agendum, quid non agendum, Legem æternam in Deo latentem nobis exterius Scriptura & traditione manifestat; Legem naturalem in corde nostro involutam, revelatione nobis per Ecclesiam manifestata, evolvit; Legem positivam, tum civilem, tum Ecclesiasticam in multis deficientem, perficit infallibili sua veritate: ergo debet se extendere ad ea omnia, quæ nos ad salutem consequendam conducere possunt, ut eam salutem infallibiliter assequamur.*

Consecrarium unicum hujus Doctrina.

Cum Lex positiva divina sit idem ac divina revelatio contenta in Scriptura & traditione, docens quid agendum, quid non agendum, oportet, ut homo talis sit erga divinam Legem positivam, qualis esse debet erga divinam revelationem. Vide quæ circa illud officium diximus primo tractatu, & quæ distrixi sumus in ultimo tractatu.

ARTICULUS VI.

De extensione Legis quoad actus, sive de actibus, quos una & eadem Lex vetat, aut jubet; simulque explicatur, quomodo Lex per actus internos & externos virescat.

Prop. 1. Quælibet Lex justa præcipit actus virtuosos, qui per se conducunt ad finem Legis; vetat vero actus vitiosos, qui per se abducunt a fine Legis.

Prob. 1. Scriptura. Declina a male & fac bonum: Plal. 36. v. 27. ubi Scriptura innuit actus virtuosos imperari, vitiosos vero vitari.

2. Ex D. Th. *Proprius effectus Legis est bonos facere eos, quibus datur, vel simpliciter, vel secundum quid. 1. 2. q. 92. a. 1.* Ergo Lex præcipit actus virtuosos, qui per se ducunt ad finem legis, vetat vero eos, qui abducunt; quia non aliter possunt homines boni & virtuosus fieri, nisi exercendo actus virtuosos, fugiendo vitiosos.

3. *Rat. Lex est regula actionum humanarum, sicuti ars est regula artefactorum: ergo sicuti ars præcipit artificii actus, qui per se conducunt ad conficiendum artefactum, vetat vero eos, qui remouent a confectioe artefacti; ita Lex præcipit homini eos actus, qui per se conducunt ad finem legis, vetat vero eos, qui abducunt hominem a fine legis.*

Consecraria hujus Doctrina.

*Consect. 1. Lex naturalis præcipit virtutes morales ordinis naturalis, v.g. prudentiam, justitiam, fortitudinem, & temperantiam; quia per se conducunt ad honestatem: vetat vero vitia his virtutibus opposita; quia *Honeste vivere, neminem ledere, est finis Legis naturalis.**

Consect. 2. Lex supernaturalis præcipit virtutes supernaturales infusas, quales sunt virtutes Theologicæ, fides, spes, caritas, & quales sunt virtutes morales infusæ, scilicet, prudentia, justitia, fortitudo, temperantia: & vetat vitia iis virtutibus opposita; quia finis legis divinæ est videre Deum, ut est in se. Ad quod obtinendum requiritur, ut prædictæ virtutes exerceantur, & vitia eis opposita vitentur.

Consect. 3. Lex Ecclesiastica præcipit ea, quæ conducunt per se ad cultum vere religiosum, & prohibet ea, quæ abducunt ab eo cultu; quia finis Ecclesiæ est verum cultum religiosum inter homines fovere.

Consect. 4. Lex civilis virtutes politicas præcipit, quæ per se conducunt ad quietem Reipublicæ; vetat vero ea, quæ eam perturbant; quia finis legis civilis est fovere quietem, & pacem inter Cives.

Consect. 5. Lex naturalis per se directe præcipit actus interiores & exteriores virtutum moralium; quia actus interior & exterior est necessarius ad veram honestatem.

Consect. 6. Lex divina supernaturalis per se directe præcipit actus interiores, & exteriores virtutum supernaturalium; quia illi actus sunt necessarii ad finem supernaturalem obtinendum.

Consect. 7. Lex Ecclesiastica per se directe præcipit actus externos ad religiosum cultum peragendum requisitos; quia illi actus sunt necessarii ad obtinendum finem, quem Ecclesia sibi proponit, scilicet, cultum sensibilem Deo dignum.

Consect. 8. Lex civilis per se directe præcipit actus externos ad quietem publicam inducendam necessarios; quia talis quies est ejus finis.

Consect. 9. Lex ecclesiastica & civilis indirecte præcipiunt actus inter nos necessario requisitos ad hoc, ut actus externi sint liberi & morales, ea libertate, & moralitate, quæ competit actui qui præcipitur; quia, cum directe præcipitur aliquod opus externum, præcipitur indirecte id, quod exigitur, ut opus externum fiat; actus autem interior

Consect. 3. Principes sæculares non habent potestatem neque per seiplos exercendi sacra, neque per se ipsos consecrandi ministrum, qui sacra exerceant: quocirca piissimus Sacerdos 2. Paralyp. sic Oziam sacra affectantem deterret. *Non est, inquit, officii tui, Ozia, ut adoleas incensum coram Domino, sed Sacerdotum, hoc est filiorum Aaron, qui consecrati sunt ad huiusmodi ministerium.*

Consect. 4. Principes sæculares non habent potestatem iudicandi Sacerdotes, Episcopos, &c. cum agitur de degradatione, suspensione, interdicto, excommunicatione, aliisque poenis spiritalibus, quibus Ecclesia rebelles & contumaces filios punire solet; quia circa id non iudicare debent, sed iudicari: de quo ita scribit Honorius Imperator ad Arcadium fratrem in causa Chrysostr. *Si quid, inquit, de causa religionis inter Antifites ageretur, episcopale oportuit esse iudicium: ad illos enim divinarum rerum interpretatio, ad nos religionis spectat obsequium.* De penis vero infligendis personis Ecclesiasticis ob crimina pacem publicam perturbantia agemus infra.

§. III.

An defensio Ecclesiæ, ejusque decereturum, Principibus sæcularibus competat.

Prop. unica. Principes sæculares possunt, immo debent Leges condere circa & personas & res sacras, modo id faciant in suppetias Ecclesiæ, non ut Doctores fidei, sed ut defensores, non ut conditores Canonum, sed ut vindices.

Probatur i. Scriptura. Paulus 1. ad Tim. a. sic habet: *Obsecro igitur primum omnium fieri obsecrationes, orationes, postulationes, & gratiarum actiones pro omnibus hominibus, pro Regibus, & omnibus, qui in sublimitate sunt, ut tranquillam vitam agamus in omni pietate, & castitate:* Ergo pertinet ad Reges, ut curent populos tranquillos vivere in pietate & castitate: ergo ad eos spectat Leges condere, quibus & personæ, & res sacræ, & fides, & mores, disciplinae in tuto sint posita.

2. Ex Aug. qui ita loquitur contra Cresconium lib. 3. cap. 51. *In hoc, inquit, Reges, sicut eis divinitus præcipitur, Deo serviunt in quantum Reges sunt, si in regno suo bona jubeant, mala prohibeant, non solum quæ pertineant ad humanam societatem, verum etiam quæ pertinent ad divinam Religionem.* Et Leo Epist. 82. scribit ad Leonem Imperatorem his verbis: *Debes incunctanter advertere, Regiam potestatem tibi non solum ad mundi regi-*

men, sed etiam maxime ad Ecclesiæ præsidium esse collatam, ut abusus nefarios comprimendo, & quæ bene sunt statuta defendas, & veram pacem iis, quæ sunt turbata, restituas: Ergo ad Reges pertinet Leges condere in defensionem Ecclesiæ.

3. Ex titulis, qui Imperatoribus tribuuntur. Constantinus vocatur ab Eusebio, *Communis Episcopus*, idest, invigilans bono totius Ecclesiæ. Marcianus vocatur a Concilio Chalcedonensi, *Imperator & Sacerdos*. Clodovæus a Remigio dicitur non solum *Prædicator fidei, sed Defensor.* Sed instat omnium sit iste titulus, quem sibi gloriosum putat Ludovicus VII. Galliarum Rex, sic enim fatetur: *Ludovicus Dei gratia Francorum Rex. Omnibus in perpetuum digna vox est majestate regnantis, Dei servum & Ecclesiæ defensorem se Principem profiteri.* Ira Baluzius in additionibus D. de Marca L. 2. cap. 13. Ergo Regum est, Leges pro defensione Ecclesiæ statuere.

4. Rat. Tanta est inter Regalem & Ecclesiasticam dignitatem connexio, ut vix una sine altera possit consistere: Ecclesia enim inspirat populis amorem erga Reges, & Reges Ecclesiastica statuta populis tremenda efficiunt. Quod mutuum utriusque autoritatis commercium sic eleganter describit Arnulphus Lexoviensis Episcopus. *Dignitas, inquit, Ecclesiastica Regiam provehit potius, quam adimit dignitatem; & Regalis dignitas Ecclesiasticam conservare potius consuevit, quam tollere libertatem.* Etenim quasi quibusdam invicem sibi complexibus dignitas Ecclesiastica & Regalis occurrunt; cum nec Reges salutem sine Ecclesia, nec Ecclesia pacem sine protectione Regia consequatur. Ergo Regum est Leges condere, quibus Ecclesiam tueantur; & ut ait Greg. VII. Epist. 19. lib. 1. *sicut duobus oculis humanum corpus temporali lumine regitur, ita his duabus dignitatibus in pura Religione concordantibus, corpus Ecclesiæ spiritali lumine regi & illuminari probatur.*

Consejlaria bujus Doctrinæ.

Consect. 1. Principes possunt & debent, non quidem verbo insilire, sed concionatoribus verbi divini suppetias ferre, eosque regia protectione defendere.

Sic Josaphat, 2. Paral. 17. v. 9. mittit Doctores legis, qui populum doceant. *Docebantque populum, inquit Textus Sacer, habentes librum legis Domini, & circuibant cunctas urbes Judæ, atque erudiebant populum.* Itaque factus est pater Domini super omnia regna terrarum. Nec audebant bellare contra

tra Josaphat. Ut enim monet Caelestinus Papa Theodosium Imperatorem: Major debet esse sollicitudo fidei, quam Regni, & amplius pro pace Ecclesiae decet esse sollicitum, quam pro securitate terrarum, subsequenter enim omnia prospera, si penitus, quae Deo sunt cariora, servantur.

Consect. 2. Principes possunt & debent infestare Conciliis, quando sunt necessaria, convocandis: opem ferre eisdem Conciliis, dum actu habentur, reprimendo contumaces hereticos: ubi vero finita sunt Concilia, executionem eorum sedulo procurare, infligendo poenas temporales his omnibus, qui auiu temerario contradicere tentaverint.

Sic Constantinus Nicænam Synodum convocandam curavit, convocatum adjuvit, & pertinaces Arianos decretis Synodi resistentes, variis poenis multavit. Socrat. lib. 1. c. 6.

Sic Marcianus triplici edicto Synodum Chalcedonensem confirmat, & poenas in Clericos & Laicos contumaces infligit: ita edictum Marc. Act. 4. & ut notat Hermianus lib. 12. cap. 3. *Ecclesiasticorum Canonum voluit esse executor, non conditor, non exactor.*

Sic Justinianus sententiam adversus Anthimum latam Imperialem effecit: *Imperialibus legibus corroboravi, perinde ac si ab imperio ipso provenisset.*

Consect. 3. Principes saeculares possunt Leges speciales ferre circa eas omnes materias, circa quas Ecclesia suas statuit regulas, v. g. circa fidem, circa mores, circa disciplinam: quæ Leges sunt quasi accessoriae ad Leges Ecclesiasticas jam statutas, & media, quibus efficacius executioni mandentur: quæ leges non condant Canones, sed conditos foveant, conservent, & custodiendos jubeant.

Sic tot Leges Imperiales in corpore juris sparsæ circa res mere ecclesiasticas, non sunt signum auctoritatis, quam Reges habeant circa sacra, sed signum zeli & amoris, quem habuerunt erga Ecclesiam; ut enim præmonet Justinianus: *Nos tutores sumus, inquit, veterastis, & vindices.* Jussio Just. pro Concil. Bizac.

Sic tot capitularia Regum Galliarum, cum ex Episcoporum, tum ex optimatum Regni consilio, lata circa res omnino ad Ecclesiam pertinentes, non sunt argumenta Regis auctoritatis in rebus fidei aut disciplinae Ecclesiasticæ, sed solum indicia, quibus Reges nostri se protectores Ecclesiarum profitebantur; unde effectum est, ut Leo IV. Papa C. de capitulis, dist. 10. apud Gratianum spondeat se *Capitula illa & precepta Lotharii, ejusque predecessorum in omnibus observaturum.* Et

Synodus Meldenensis an. 845. cap. 78. postulet: *Ut capitula Ecclesiastica a Domino Carolo Magno Imperatore, nec non a Domino Ludovico pio Augusto promulgata, obnoxie observari præcipiantur; sicut & legalia observanda esse noscuntur.*

Sic demum tot edicta Regum nostrorum, sive Aurelianensia, sive Blesensia, illa pariter edicta quæ Ludovicus XIV. edidit contra Janfenistas, Quietistas, &c. licet in rebus ad Religionem pertinentibus, auctoritatem Ecclesiasticam non offendunt, sed defendunt; non minuunt, sed augent: viris probis reddunt venerandam; improbis vero terribilem exhibent.

Consect. 4. Principes saeculares, ut tutores Ecclesiarum possunt & debent personis sacris iniuste vexatis suppetias ferre, Canonum violationi, & bonorum Ecclesiasticorum direptioni fortiter se opponere.

Ex eo quod Imperatores sint personarum Ecclesiasticarum defensores factum vidimus: quod Paulus iniuste vexatus a Judæis Cæsarem appellaverit: quod Athanasius iniuste condemnatus in Tyrio conciliabulo Constantinum Augustum provocaverit. Ath. Apol. 2. Quod Eusebius Dorilæi Episcopus exagritus a Dioscuro, & Eunomius Episcopus Nicomediae male habitus ab Anatolio Neocaesariensi, Marcianum Imperatorem adierint, ut ab eo jus exposcerent. Concil. Chalc. Act. 1. & 11. & alii multi Episcopi ad Principes saeculares recurrerunt: quibus in casibus solebant Principes vel Clericos judices nominare; ut fecit Constantinus in causa Donatistarum, vel prioris Concilii judicatum suspendere, nova Synodo indicta, ut fecit Theodosius in causa Nestorii: immo si Episcopi durius agerent cum Clericis, isti aliquando ad Principes recurrerant auxilium postulantes, ut habet Concil. Francof. cap. 6. ann. 794. ubi jubetur, ut si Clerici male habeantur ab Episcopis, ad Metropolitanum provocent; & si Metropolitanus rem non possit corrigere, vel pacificare, tunc tandem veniant accusatores cum accusato ad domum Regem, ut sciat veritatem rei.

Ex eo quod Principes sint tutores Canonum, & bonorum Ecclesiasticorum, vidimus leges edidisse, quibus violatio Canonum, & direptio bonorum Ecclesiasticorum districtius inhibetur. Sic Codex Theod. L. omni 45: ita loquitur: *Omni innovatione cessante veterastatem & Canones pristinos Ecclesiasticos ... servari præcipimus.*

ARTICULUS IV.

*Ad quæ extendatur, vel non extendatur Lex
& potestas Ecclesiastica.*

§. I.

De potestate spirituali Ecclesiastica.

PROp. unica. Ecclesia iure divino habet potestatem spirituales, per quam fidelibus potest præcipere quicquid ad eorum salutem conducere potest.

Prob. 1. Scriptura. *Omnis potestas mihi data est in celo & in terra*, inquit Christus Matth. 28. v. 18. Ergo si Christus habet potestatem spirituales supra fideles, cum eo tantum fine venerit, ut eos salvos faceret, Ecclesiæ Pastores eam pariter habent potestatem; quia ita eos alloquitur Christus: *Sicut misit me Pater, & ego mitto vos*: Joan. 20. v. 21. & rursum: *Qui vos audit, me audit: qui vos spernit, me spernit; qui autem me spernit spernit eum, qui me misit*. Luc. 10. v. 16. Ergo Ecclesia habet potestatem spirituales supra fideles.

2. Ex Ofio Cordub. in Epist. ad Constan. & Athan. quæ eadem autoritate utitur Athan. in Apolog. ad Constan. ubi sic habet: *Tibi Deus imperium commisit; nobis, quæ sunt Ecclesiæ, concedit*: & Gelasius 1. Ad Anastasium Imperatorem: *Duo quippe sunt, Imperator Auguste*, inquit, *quibus mundus hic regitur, autoritas sacra Pontificum, & Regalis potestas*: Ergo sicut Imperialis potestas ad temporalia se extendit, ita Ecclesiastica autoritas ad spiritualia debet se extendere.

3. Rat. Omnis Res publica habet potestatem supra suos subditos; & talem quidem, qualis est Res publica; alias, ut optime ita Aug. sententiæ potestate Regna non essent Regna, sed latrocinia; nec essent multitudo bene ordinata, sed congeries confusa: atqui Ecclesia est Res publica spiritualis a Christo fundata; ergo debet habere potestatem spirituales supra suos subditos, scilicet baptizatos, circa ea, quæ baptizatos ad salutem æternam conducere possunt; & si Ecclesia sit sponsa, cuius Christus est sponsus; Regnum, cuius Christus est Rex; corpus, cuius Christus est caput; nullam ne habebit potestatem circa fideles, qui sunt & filii, & membra, & subditi per baptismum?

Consequæ hujus Doctrinæ.

Conseq. 1. Ecclesia habet potestatem in verbo & in Sacramentis, idest, habet potesta-

tem docendi quæ a Christo didicit, & ministrandi Sacramenta, quæ a Christo accepit. Hanc potestatem contulit Christus Ecclesiæ his verbis: *Euntes, docete omnes gentes, baptizantes eos in nomine Patris, & Filii, & Spiritus Sancti*. Matth. 28. v. 19. Ea potestate usi sunt Apostoli, & Episcopi, eorumque successores, quia in omnem terram exivit sonus eorum, & quæ mundus ex pagano factus est Christianus.

Conseq. 2. Ecclesia habet potestatem circa quæstiones fidei, & morum, & disciplinæ; seu habet potestatem determinandi quæ pertinent ad fidem, ad mores, & ad disciplinam; & fideles tenentur decisionibus ab Ecclesia statutis acquiescere: *Si quis enim Ecclesiam non audierit, habendus est, ut Ethnicus, & publicanus*.

Exercitium hujus autoritatis expresse describitur Act. cap. 15. ubi habes formam Concilii; qui scilicet debeant Concilio interesse; quo modo debeant Concilia procedere; quæ autoritate definire; de qua materia tractare; & quam obedientiam Conciliis debeant populi exhibere. 1. Non Laici, sed Apostoli, & seniores conveniunt. *Surrexerunt*, inquit Lucas, *quidam de heresi Phariseorum, qui crediderunt, dicentes: quia oportet circumcidi eos, præcipere quoque servare legem Moysi, conveniuntque APOSTOLI, ET SENIORES videre de verbo hoc*. Proceduntque, non tumultuose, sed maxima cum prudentia & diligentia. *Cum autem inquisitio fieret*, ait Lucas, quæstione mature perpenſa difficultatem resolvunt, non proprio lumine, sed divino, non autoritate propria, sed Dei. *VISUM EST*, inquit, *SPIRITUI SANCTO ET NOBIS*. Materiam tractant non sæcularem, sed Ecclesiasticam, scilicet, quæstiones pertinentes ad fidem, ad mores, ad disciplinam. Ad fidem quidem, dum statuunt infallibilitatem Ecclesiæ. Ad mores, dum res ex se malas interdiciunt, fornicationem scilicet, & idololatriam. Ad disciplinam, dum, ut Synagoga quodam cum honore sepellant, a sanguine & suffocato, licet res essent indifferentes, volunt fideles abstinere: quam determinationem paucissimis his verbis comprehendunt in Epist. Synodica. *Visum est*, inquit, *Spiritui Sancto & nobis, nihil ultra imponere vobis oneris, quam hæc necessaria: ut abstinatis vos ab immolatis simulacrorum, & sanguine & suffocato, & fornicatione; a quibus custodientes vos, bene ageris: valete*. . . . Iller-go, idest Paulus & Barnabas, congregata multitudine tradiderunt epistolam, quam cum legissent, non resisterunt, sed gavisi sunt super consolatione. Et Paulus perambulabat Syriam,

& Ciliciam, confirmans Ecclesias: præcipiens custodire præcepta Apostolorum, & seniorum. En obediencia fidelium erga Ecclesiam, quoties determinat aliquid circa fidem, mores, & disciplinam.

Consect. 3. Ecclesia habet potestatem constituendi Prælatos, & ministros, ad ædificationem corporis Christi, scilicet Ecclesiæ, necessarios, ut docet Paulus ad Ephes. 4. v. 11. *Et ipse dedit quosdam quidem Apostolos, quosdam autem Prophetas, alios vero Evangelistas, alios autem Pastores, & Doctores, ad consummationem Sanctorum, in opus ministerii, in ædificationem Corporis Christi.* Ea potestate usæ est Ecclesia, & sic interrupta permansit successio Pastorum ab Apostolis usque ad nos.

Consect. 4. Ecclesia habet potestatem iudicandi quoscunque baptizatos circa participationem Sacramentorum, excludendo indignos, & admittendo dignos; quæ potestas non obscure significatur his verbis: *Quodcumque ligaveris super terram, erit ligatus & in cælis.* Matth. 16. v. 19.

Ea potestate utuntur ministri Ecclesiæ, quoties fideles vel argent a Sacramentis, vel eos ad Sacramenta admittunt.

Consect. 5. Ecclesia habet potestatem iudicandi in foro secreto & interiori de peccatis tam occultis quam publicis, vel remittendo per absolutionem, vel retinendo per dilationem absolutionis, iuxta dispositionem consensuum, quas Christus & Ecclesia præscribunt; quæ potestas satis aperte his verbis declaratur: *Quorum remisistis peccata, remittuntur eis; quorum retinueritis, retenta sunt.* Joan. 20. v. 23.

Ea potestate utuntur Confessarii in tribu-
nali pœnitentiæ.

Consect. 6. Ecclesia habet potestatem iudicandi in foro publico & contentioso de peccatis publicis, infligendo pœnas spirituales, scilicet excommunicationes Laicis contumacibus, excommunicationes & suspensiones & irregularitates Clericis pariter contumacibus; quæ potestas videtur exprimi his verbis: *Dic Ecclesiæ: si Ecclesiam non audierit, sit tibi sicut Ethnicus & publicanus.* Matth. 18. v. 17.

Ea auctoritate usus est Paulus contra Corinthium incestuosum. *Judicavi, inquit Script. 1. ad Corinth. 5. v. 5. tradeshujusmodi in interitum carnis, ut spiritus salvus sit in die Domini nostri Jesu Christi.*

Eadem potestate utuntur Episcopi, infligendo censuras.

Consect. 7. Ecclesia habet potestatem iudicandi circa materiam pure spirituales, ut-

pote & sponsa & corpus, & regnum Christi, qui auctoritatem exercere voluit, non temporalem, sed spirituales, dicens: *Regnum meum non est de hoc mundo.* Jo. 18. v. 36.

Ea potestate utitur Ecclesia, dum iudicat de validitate & invaliditate Sacramentorum, de decencia vel indecencia officii Ecclesiastici.

Eadem potestate utuntur iudices ecclesiastici, v. g. Officiales, dum in suo territorio etiam contentiose iudicant de eadem materia, & pœnis quibuscumque ab Ecclesia determinatis addicunt fideles, qui non recipiunt Sacramenta temporibus ab Ecclesia determinatis, v. g. non communicant in paschate, non consistentur semel in anno: & eos fideles, qui non observant Constitutiones mere spirituales ab Ecclesia editas, v. g. non observant festa, non observant jejunia. Item Clericos tam regulares, quam seculares in contentioso foro iudicant, si in verbo prædicando, in sacramentis ministrandis non sequantur statuta Ecclesiæ.

Consect. 8. Ecclesia habet potestatem iudicandi circa materiam partim spirituales, partim temporales, attingendo præcisè quod est spirituale: Christus enim spirituales jurisdictionem exercuit, sed circa res temporales iudicium ferre recusavit: dum enim ei quis diceret: *Dic fratri meo, ut dividat mecum hereditatem; aut ille dixit: Homo, quis me constituit iudicem, aut divisorem super vos?* Luc. 12. v. 13.

Ea potestate utuntur Ecclesiæ iudices, v. g. Officiales, dum in foro etiam contentioso iudicant de validitate sponsalium, de validitate matrimonii, aut declarant, quando desponsati possint dissolvere sponsalia, quando conjugati debeant cohabitare, vel ab invicem separari, modo sistant intra limites spiritualitatis; nam si attingat temporale, in Gallia esset *abusus*, ut dicunt, id est, abusus potestatis spiritualis, quæ ad solum spirituale & non temporale debet extendi.

Sic Ecclesia posset iudicare de decimis, de beneficiis ecclesiasticis; sed propter connexionem, quam hæ res habent cum temporali, lites circa beneficia, circa decimas, agitantur in foro civili, & non ecclesiastico in Gallia.

§. II.

De modo, secundum quem in Ecclesia Gallicana exercetur potestas spiritualis Ecclesiastica.

Nota, quod auctoritas Ecclesiæ circa fidem,

dem, mores, & disciplinam est indubitata apud omnes Catholicos, sed qualis debeat esse illius potestatis ulus, quæ applicatio, quodve ejus exercitium, non apud omnes convenit: alii volunt, eam per Papam, utpote supremum Pastorem, Monarchico regimine exercendam esse: alii vero, per Papam & per Episcopos Monarchico quidem regimine sed aristocratica temperato exercendam esse contendunt; ita tamen, ut Episcopi omnes Romano Pontifici, tamquam capiti, jure divino subficiantur, ut faretur D. de Marca Præfat. 2. n. 7.

Qualis sit circa id præiens Ecclesiæ Gallicanæ praxis sequenti Paragrapho ostendam, eorumque illud ex probatis auctoribus educto, temperans ab odiosis quæstionibus, sistens intra eos limites, qui ad resolvendos casus conscientiæ inservire possunt.

Prop. unica. Potestas ecclesiastica spiritalis talis est juxta Gallos Doctores & præcipue Sorbonicos; ut in sui exercitio debeat juxta statuta Patrum, & antiquos Canones exerceri.

Probatur 1. Scriptura. *Reges gentium*, inquit Christus, *dominantur eorum*, scilicet despote, *vos autem non sic*; sed moderate secundum regulas per traditionem ab Apostolis acceptas, vel in Conciliis statutas.

2. Auctoritate Patrum. 1. Offert se Innocentius I. qui Chrysoltoni condemnationem in Synodo ad Quercum latam, vel ob id solum rejicit, quod non esset juxta Canones. *Nam longe præstiterit*, inquit, *vel ea condemnare, fratres carissimi, quæ recte facta sunt, quam ea robur ullum sortiri, quæ adversus Canones gesta sunt*. Ita apud Sozom. lib. 8. cap. 16. Innocentium sequitur Zosimus ep. 7. *Apud nos enim*, inquit, *inconvulsis radicibus vivit antiquitas, cui statuta Patrum sanxere reverentiam*. Zosimo consentit Bonifacius Epist. 3. ad Hilarium Narbon. Epist. *Convenit mos*, inquit, *paternarum sanctionum diligenter esse custodes*: & Leo Epist. ad Anatolium loquens de Canonibus Nicænis sic pronuntiat: *Omni penitus*, inquit, *auctoritate sit vacuum qui quid ab illorum fuerit constitutione diversum*. Ergo constat ex Patribus, qui Romanam rexerunt Ecclesiam, auctoritatem Ecclesiasticam juxta Canones esse exercendam.

3. Ratione. Regimen bene ordinatum debet esse temperatum per Legem in Comitibus generalibus institutas; quia regimen monarchicum temperatum per Aristocratiam, id est per consilium Majorum, est perfectissimum, habet enim dotes Monarchiæ & Aristocratix: atque Ecclesiæ regimen est perfectissimum, utpote a Christo Domino institutum:

ergo Ecclesiæ regimen debet esse temperatum per Leges vel a traditione Apostolorum acceptas, vel in Conciliis constitutas; & proinde potestas spiritalis ecclesiastica talis est ut debeat juxta Canones exerceri.

Ex hoc principio educuntur Consecratoria, quibus explicatur, quomodo in Gallia exerceatur potestas spiritalis Ecclesiastica. Vide D. de Fleury in suis institutionibus Canonis 3. p. cap. 25. Vid. Dom. de Mar. de Concord.

Consect. 1. Agnoscunt Galli, Romanum Pontificem jure divino esse universalis Ecclesiæ caput, & proinde Gallicanæ, quæ illius est membrum. Caput etiam omnium Domini Sacerdotum. Potissimum Sacerdotem cæteris Pontificibus in orbe constitutis reverentiorum. Christi Vicarium, Petri, successorem, &c. quas Dotes multis argumentis probat D. de Marca Tomo primo Concor. lib. 7. Sed his potissimum primo affert Cyp. Epist. 2. vel 55. edit. Pamel. ubi dicit: *Ecclesiam Romanam Petri esse Cathedram principalem, unde unitas sacerdotalis exorta est*. 2. Affert Optatum Milev. lib. 2. cont. Parm. ubi ait: *Romanam Ecclesiam eam esse, in qua una Cathedra unitas ab omnibus servaretur... Ut iam Schismaticus & peccator esset, qui contra singulorum Cathedram alteram collocaret*; & ideo, ut ait Hieronymus Epist. ad Damas. *Quicumque extra hanc domum agnum comederit profanus est*, si quis in Arca Noe non fuerit peribit regnante diluvio. adeoque, ut optime ait Natalis Alexander in Histor. Eccles. sæcul. XIII. & XIV. dissert. IX. DE NECESSITATE SALUTIS EXISTIT, OMNES CHRISTI FIDELES ROMANO PONTIFICI SUBESSE, PROUT DIVINÆ SCRIPTURÆ ET SANCTORUM PATRUM TESTIMONIO EDOCEMUR.

Sed non admittunt Galli Doctores, quod Papa dominium habeat directum, vel indirectum in Regum temporalia; sed juxta eundem Alexandrum, alterum est dogma & Scripturæ Sacræ, & traditioni omnino consonum; fideique proximum, & apud Gallos indubitatum, scilicet: SUPREMA EST ET A SOLO DEO DEPENDENS REGUM AUCTORITAS, ITA UT NULLAM PENITUS ETIAM INDIRECTAM IN EORUM TEMPORALIA POTESTATEM HABEANT ROMANUS PONTIFEX, VEL ECCLESIA.

De hoc infra sequenti Paragrapho. *Consect. 2.* Admittunt Galli, quod Papa habeat auctoritatem condendi leges: & hoc mu-

triplici titulo; quia est totius Ecclesiæ caput, & specialis Ecclesiæ occidentalis Patriarcha, ita d. de Marca, in cuius rei probationem affert rescriptum Valentiniani, cuius hæc sunt verba: *Omnibusque pro lege sit quidquid iussit, vel sanxerit Apostolicæ sedis auctoritas*; & affert etiam hæc a Greg. VII. dictata in digesto. *Illi soli, id est Romanæ sedis, licet pro temporis necessitate novas leges condere*. Quibus legibus Galli acquiescendum credunt; ut enim ait Irenæus Lugdunensis Episcopus. *Ad Romanam Ecclesiam propter potentioris principatutem necesse est omnem convenire Ecclesiam*, lib. 3. c. 1. Eamque obedientiam præcipiat Concil. Turon. 11. Can. 2. his verbis: *Quis sacerdotum contra decreta talia, quæ a Sede Apostolica processerunt, agere præsumat*? Idemque iubeant Regum capitularia, adeo ut Synodo Galliarum a Pipino & Carolo Magno coacta an. 743. Galli professi sunt: *Unitatem & subjectionem Romanæ Ecclesiæ sine tenus vite velle servare*; *Sancto Petro, & ejus Vicario velle subisci*, ut dicit Bonifacius Mogunt. Episcopus. 105.

Sed non admittunt Galli quod vigorem strictæ legis habeat quidquid in omni curiæ Romanæ Tribunali geritur aut resolvitur, si antiquo Ecclesiæ usui sit contrarium; quemadmodum enim Græci non Schismatici, sed post unionem Florentinam Romano Pontifici subiecti, primatum Ecclesiæ Romanæ ejusque decreta suscipiunt, *salvis privilegiis & iuribus Patriarcharum*; ita Galli supremam Papæ autoritatem agnoscunt & colunt, *salvis iuribus & libertatibus Ecclesiæ Gallicanæ*. Quæ libertates ab duo capita reducuntur. Primum scilicet est: Papa non habet dominium supra temporale Regum. Secundum: Papæ tradita est a Christo plena potestas exercenda, quemadmodum & in gestis œcumenicorum Conciliorum, & in Sacris Canonibus continetur; unde fit

Consect. 3. Admittunt Galli omnes Canones Conciliorum generalium, immo particularium, quæ universalis Ecclesiæ consensu admittuntur, sive Canones illi fidem, vel sanctos mores respiciant; quia una & eadem & invariabilis est doctrina totius Ecclesiæ circa fidem, & sanctos mores.

Sed non admittunt Galli omnes Canones Conciliorum circa disciplinam; quia non una nec eadem, nec invariabilis est disciplina Ecclesiæ: disciplinam enim Ecclesiasticam vocamus in Republica Christiana, quod in Republica sæculi vocatur politica; est autem politica Principatus ea consuetudo, secundum quam decet unumquemque civium conversari: patet autem, quod non sit eadem in

unaquaque Ecclesia consuetudo, alii enim sunt ritus Ecclesiæ Latinæ, alii Ecclesiæ Græcæ: & quemadmodum qualibet Ecclesia suos ritus sequitur; ita Ecclesia Gallicana suam æmulator disciplinam: itaque

Galli recipiunt antiquos circa disciplinam Canones, quales sunt in antiqua collectione Dionysii Exigui, Hincmari, & in Bibliotheca Justelli, quia antiquam continent disciplinam. Venerantur Galli, sed non recipiunt saltem ut legem recentiores circa meram disciplinam Canones, quales sunt in collectione decreti Gratiani, in decretalibus, in sexto, in Clementinis, in Extravagantibus, nisi concordent antiquo Gallorum usui: quia, inquit, Gratianus multis scater mendis, & ea, quæ affert, vim legis non habent ab auctore collectionis, sed solum ex instrumentis, quæ citat: constitutiones vero, quæ ipsarum sunt in Decretalibus, in sexto, in Clementinis, in Extravagantibus, si fidem vel mores respiciant, a Gallis humiliter suscipiuntur; si vero disciplinam spectent, a Gallis non recipiuntur nisi quatenus usui Gallorum concordant.

Sic pariter Galli non recipiunt omnes regulas Concelliariæ Romanæ, omnes censuras in Bulla in Cœna Domini contentas, decreta Inquisitionis, regulas indicis librorum, Constitutiones Congregationum regularium, nisi quatenus concordant usui Gallorum: ita expressis terminis d. de Fleury loco citato. Unum quod moneo istud est, scilicet, quod quamvis omnium Curiarum Romanarum decisiones vigorem Legis in Gallia non habeant, quando tractant de rebus ad meram disciplinam pertinentes, tamen apud nos auctoritatem debent habere quam maximam, tum quia sunt effata Curiarum maxime venerandarum, & ratiocinia virorum in jurisprudentia canonica consummatorum. Deinde, si hæc decisiones vel in edictis Regiis, v. g. Blesensibus, Aurelianensibus, aut Concilio aliquo particulari Galliæ determinantur, tunc incipiunt vigorem Legis habere: demum attendendum est, an disciplina Italica, tali decisione præscripta, propius ad disciplinam antiquam, quam usus Gallicanus, videatur accedere, & tunc præsertim debet disciplina Italica Gallicanæ.

§. III.

An Ecclesia jure divino potestatem habeat vel directe vel indirecte circa Regum temporalia, vel circa temporale subditorum, etiam sine consensu Regum.

Nota. Quod non eadem est omnium Theolo-

bis, & virtus ab Altissimo; & juxta illud Paul. ad Rom. 13. v. 1. *Non est enim potestas nisi a Deo*. Ut enimeleganter dicit Tertul. in Apol. *Inde est Imperator, unde & homo antequam Imperator; inde potestas illi, unde spiritus*. Et Aug. nihil distinguens inter Imperatorem Paganum & Christianum, crudelem & mitem, sic universaliter pronuntiat lib. 5. de Civ. cap. 21. *Qui Augusto imperium dedit, inquit, ipse & Neroni: qui Vespasiano vel patri vel filio suavisissimis Imperatoribus, ipse & Domitiano crudelissimo*. Et subditi in temporalibus solos Reges habent superiores. *Omnis anima, inquit Paulus ad Rom. 13. potestatibus sublimioribus subdita sit; & Petrus: Subditi estote omni creaturæ, sive Regi quasi præcellenti, sive ducibus tamquam ab eo missis*. 1. Pet. 2. Tertul. ad Scapulam cap. 2. agnoscit primo Deum, secundo Imperatorem in temporalibus, nequaquam vero Præules. *Colimus, inquit, sic Imperatorem ut hominem a Deo secundum, & quidquid est a Deo consecutum, solo Deo minorem*. Immo Innoc. III. summus Pontifex cap. *Novit* de judiciis, eandem doctrinam ut constantem supponit. *Cum Rex, inquit, superiorum in temporalibus neminem recognoscit, &c.*

Consect. 3. Ecclesiæ ministri, v. g. Papa, Episcopi, possunt Reges baptizatos eorumque subditos iustus de causis excommunicare; quia hoc iudicium est pure spirituale: sed non possunt in pœnam contumaciæ Reges excommunicatos regno temporali privare, aut subditos ab Regis obsequio dimovere; quia hæc sententia temporale Regum attingeret: Christus autem non iussit, ut Apostoli eorumque successores huiusmodi pœnis uterentur; non enim, ut canit Ecclesia, eripit mortalia qui regna dat cælestia. Nec est quod dicatur, Athalia fuisse, jubente Jojada, abdicatam; vel Oziam usurpantem sacra fuisse ab Azaria Sacerdote e solio ejectum: tum quia non valet consecutio, a veteri Testamento ad novum; Christus enim dignitatem regiam & Sacerdotalem in Evangelio voluit esse abinvicem discretas, licet in veteri Testamento essent quasi conjunctæ: deinde Athalia non ejecta est e solio legitimum, sed e solio quod usurpaverat, & Joas legitimus princeps in thronum patris evectus est; Ozias vero non ejectus est, sed ipsemet leprosus habitavit segregatus a populo, ut Lex jubebat.

Consect. 4. Ecclesiæ ministri, v. g. Papa, Episcopi, non possunt subditos Regis excommunicati absolvere a juramento fidelitatis; quia sic privaretur Rex bono suo temporali,

subditi enim sunt Regis dominium. Et sic, ut Reges, licet excommunicati, non desinunt esse homines civiles, ita neque Reges; quia auctoritas Regia juris est gentium, quod non tollitur per jus ecclesiasticum.

Nec est quod dicatur, quod in Concilio Lateranensi 4. & in Concilio Lugdunensi videatur determinari, Reges privari posse suo regno, si vel labantur in hæresim, vel hæreticis supplicias ferant; ut enim late probant Doctores Sorbonici, vel Concilium ibi loquitur comminatorie, non decretorie: vel id propositum solum fuit, & non decisum: vel demum Concilium, quoad hoc, non recipitur in Gallia.

Consect. 5. Ecclesiæ ministri, v. g. Papa, Episcopi, non possunt invitis Regibus prohibito contra statuta Regni de redditibus Ecclesiæ disponere, v. g. extra regnum transferendo, alienigenis impertiendo; quia pertinet ad Regem quod ejus hostes non ditentur bonis Ecclesiasticis.

Consect. 6. Ecclesiæ ministri, v. g. Papa, Episcopi, non possunt de personis baptizatis contra statuta Regni disponere; quia personæ baptizatæ non desinunt esse Regi subditæ, & ita, invito Rege, simplices fideles, Clerici, Monachi non possunt e Regno exire.

Consect. 7. Ecclesiæ ministri, v. g. Papa, Episcopi, non possunt invito Rege beneficia Ecclesiastica, immo nec prælaturas monasticas personis, quæ non sunt Regnicolæ, conferre; quia, sicuti ad Regem spectat, ut nullus alienigena, ipso invito, in ejus Regno degat, negotietur; ita ad Regem spectat, ut nullus alienigena ipso invito beneficium aut prælaturam possideat: quod ita exprimit Glossator Pragmaticæ Sanctionis. *Rex Franciæ habet privilegium, inquit, quod exterius & alienigena non possit beneficiari in suo regno sine ejus permissione*.

Consect. 8. Ecclesiæ ministri, v. g. Papa, Episcopi, personæ, quæ jure civili sunt inhabiles ad aliquod officium, non possunt ad idem officium habiles reddere: quia habiles reddendo, temporale quodammodo attingerent.

Sic infames, jure civili inhabiles ad successionem, non possunt per solam dispensationem Papæ, si consensu Regis non interveniat, fieri habiles.

Sic spurii, jure civili inhabiles ad hæreditatem patris, sine consensu Regis per solam dispensationem Papæ non possunt ad eam hæreditatem fieri habiles. D. de Marc. L. 2. Conc. cap. 3.

§. IV.

An Clerici humano jure possint ditiones & Principatus obtinere, & proinde jurisdictionem aliquam circa res non mere spirituales exercere.

Prop. unica. Humano jure possunt Clerici ditiones, aut Principatus obtinere, titulo v.g. donationis, emptionis, cessionis, labore proprio, demum aliis titulis, quibus ceteri homines acquirunt rerum dominium.

Prob. 1. Scriptura. In veteri testamento Levitis datae sunt urbes in possessionem. Num. 35. Jeremias Propheta, & Sacerdos, patrielis agrum emere iussus est. Jerem. 32. Machabæi supremam auctoritatem obtinuerunt.

In novo Testamento nulla est Lex, quæ Clericos a dominio rerum temporalium amoveat; quin immo iustum declarant Christus, & Paulus, ut qui altari serviunt, de altari vivant: ergo Clerici possunt ditiones & Principatus obtinere iisdem titulis, quibus alii homines obtinent: & proinde possunt jurisdictionem circa res mere spirituales exercere.

3. *Rat.* Clerici non sunt pejoris conditionis quam ceteri homines: ergo cum ceteri homines ditiones & Principatus obtinere possint, ita & Clerici.

Sic jure justæ retributionis acquirunt oblationes, quæ eis ad victum & vestitum decentem dantur a populis.

Sic jure donationis acquisitum est jus circa Principatus, circa Regna, quæ multi Reges vel summo Pontifici, vel aliis Præsulibus contulerunt.

Sic jure emptionis acquisitum est dominium eorum Principatuum, quos aliquando Clerici compararunt.

Conseſſaria hujus Doctrinæ.

Conseſſ. 1. Quando Clerici habent alienius vel Regni, vel Principatus dominium, tunc possunt Leges circa temporalia statuere, & circa eadem temporalia jurisdictionem ordinariam exercere; quia non sunt pejoris conditionis quam Principes sæculares: Principes autem sæculares possunt & leges condere & jurisdictionem exercere: ergo & Clerici, quando habent principatus & Regna in sua ditione: de quo ita D. Th. 2. 2. q. 60. a. 6. ad 3. *Potestas secularis subditur spirituali, sicut corpus animæ; & ideo*

non est usurpatum judicium, si spiritualis Prælati se intromittat de temporalibus, quantum ad ea, in quibus subditur ei secularis potestas, vel quæ ei a seculari potestate relinquuntur.

Sic Papa, quatenus Christi Vicarius, potestatem spirituales habet in tota Ecclesia, quatenus Patriarcha Occidentis potestatem habet Patriarchalem in toto Occidente, quatenus Romanus Episcopus potestatem habet Episcopalem in suo Episcopatu, quatenus Princeps temporalis potestatem habet temporalem circa temporale eorum, qui sibi subjiuntur: inde est, quod Leges etiam civiles, quas condit, ligent Cives sibi subditos & non ligent eos, qui ei temporaliter non subjiuntur.

Sic Papa, Episcopi, Abbates, si habeant Principatus terrenos, possunt, non secus ac Principes sæculares, judicare, & Vicarios iudices statuere.

Conseſſ. 2. Licet Clerici non habeant Principatus, vel ditionem temporalem, tamen possunt a Principibus auctoritatem judicandi ex delegatione accipere; quia si Princeps sæcularis possit personam sæcularem delegare, ut judicet: ergo & Ecclesiasticam, modo habeat dotes ad judicandum necessarias. Illud præstitum fuit a Principibus sæcularibus; ut patet ex Codice de Episc. Audient. L. 22. 23. 24. 25. 26. 27. & 33.

Conseſſ. 3. Licet Clerici nec ditiones temporales habeant, nec delegentur a Principe sæculari, possunt, ut arbitri, judicare; quia quilibet homo potest eligi ut iudex arbitrarius, modo habeat dotes ad judicandum necessarias. Si id possit quilibet homo, quidni Clericus? & ita tempore Pauli fideles judicabantur per arbitros: & tempore Justiniani permissum erat Clericis, ut tamquam arbitri judicarent. Cod. L. 7. & 8. de Episc. audient.

Hinc ego constat, quod ecclesiasticæ personæ potestatem habeant spirituales, qua judicant spiritualia; & potestatem temporalem, qua judicant temporalia, quando sunt Principes; potestatem delegatam, quando delegantur a Principibus; potestatem arbitrorum, quando eliguntur ut arbitri. Hinc fit quod personæ Ecclesiasticæ tribunal habeant, in quo judicant contentiose; sed quo modo exerceatur hæc potestas judicandi in Gallia, sequenti Paragrapho ostendemus.

§. V.

De modo, secundum quem Ecclesia in Gallia exercet potestatem judicandi, quando non est quæstio de rebus omnino spiritualibus, sed de rebus, quæ aliquam habent cum temporalis connexionem.

Prop. unica. Juxta præsentem Ecclesiæ Gallicanæ praxim, jurisdictio Ecclesiastica circa causas non mere spirituales certis limitibus adstringitur.

Prob. 1. *Authoritate D. de Marca, qui in prolegom. ad suum opus de Conc. pag. 80. ita loquitur: Sane dissimulandum non est in variis causarum figuris cognitionem adversus Clericos a Regis Magistratibus suscipi, lites de possessione Beneficiorum, & jurium Ecclesiasticorum motas ab iisdem dirimi, & alia quædam nonnulla in foro disceptari, quæ jure communi ad jurisdictionem Ecclesiasticam pertinent; sed eam potestatem usurpant tum ex privilegio atque indulgentia Sedis Apostolicæ, tum ex pactis cum eadem Sede initis; quam alioquin, quatenus Decretis, & Canonibus esset contraria, sine dubio abjicerent: ergo jurisdictio Ecclesiastica in Gallia quibuscumque limitibus adstringitur.*

2. Rat. Authoritas, quæ in aliquo pendet ex concessione Principum, potest juxta beneplacitum Principis, præcipue consentiente Papa, limitari: atqui authoritas Ecclesiastica circa causas non mere spirituales pendet in aliquo ex concessione Principum; quia potestas Ecclesiæ propria est solum spiritualis: ergo authoritas Ecclesiastica potest certis limitibus constringi, præcipue si interveniat, ut supponimus, consensus Papæ & concordatum cum ipso. Quomodo autem exerceatur, videamus.

Explicatur exercitium jurisdictionis Ecclesiasticæ in Gallia.

1. Circa personas ita exercetur.

Jurisdictio Ecclesiastica in causa criminis extenditur

1. Ad Clericos, non qualescumque, sed solum ad eos, qui fruuntur privilegio Clericorum. Tales sunt primo, omnes in majoribus Ordinibus constituti. Secundo, omnes Beneficiati. Tertio, studentes in aliqua Universitate. Quarto, alicui officio Clericali addicti, v. g. qui solemniter ministrant sacris. Ducalsè in suo opere de Jurisdictione Ecclesiastica.

2. Ad Regulares, non qualescumque, sed eos, qui eximuntur a privilegio Regularium. Tales sunt primo, Monachi Curati in aliqua Parochia. Secundo, qui reclamant a votis monasticis. Tertio, qui extra claustrum labuntur in crimen aliquod enorme. Quarto, Moniales, quæ sunt extra claustra sine licentia Episcopi. Ducalsè ibid.

3. Ad Laicos, non omnes; sed eos solum, qui non observant constitutiones mere spirituales. Tales sunt primo, qui non communicant tempore Paschatis. Secundo, qui non continentur semel in anno. Tertio, qui contra jura Ecclesiæ sponsalia ineunt. Quarto, qui in matrimonio ineundo non servant statuta Ecclesiæ. Ducalsè ibid.

Jurisdictio Ecclesiastica in causa criminis extendi non potest.

1. Ad Laicos, qualescumque sint, nisi sit quæstio de causa mere spirituali; quia Laici ut pote sæculares subiaciuntur iudicibus sæcularibus.

2. Ad Clericos qualescumque, reos criminis privilegiati, ut dicunt: tale est crimen læsæ majestatis Regiæ, crimen falsi in Moneta, rebellio contra Regem aut Judices Regios, immo, juxta Julium Clarum, omne crimen merens pœnam capitale, dicitur & censetur privilegiatum.

3. Ad Regulares reos criminis intra claustra commissi; quia tale crimen puniunt a Regularibus.

4. Clericus vel Monachus, qui rei sunt vulgaris criminis merentis pœnam inflictivam judicantur ab Officiali Episcopi, & a iudice civili.

2. Circa pœnas ita exercetur.

1. Judex Ecclesiasticus in causa criminis cujuscumque non potest infligere etiam Clericis, primo, pœnam capitale vel mutilationem; quia Ecclesia abhorret a sanguine. Secundo, pœnam exilii; quia Ecclesia proprie non habet territorium. Tertio, pœnam flagellationis infligendæ per carnificem; quia pœna est diffamatoria. Quarto, multam pecuniariam; quia pœna hæc respicit temporale.

2. Judex Ecclesiasticus in causa criminis potest infligere suis Clericis primo pœnam flagellationis per modum paternæ correctionis: sic juxta Aug. Episcopi jubebant juniores Clericos virgis cædi, & Abbates Monachos. Secundo, pœnam incarcerationis; sic olim

olim Clerici flagitiosi detrudebantur in monasterium. Tertio, poenam ejectionis; sic Clerici iubentur in tuam Diocesim se recipere. Quarto, poenam pecuniarum, non per modum multæ, sed per modum elemosynæ.

3. Circa crimina ita exercetur.

Judex Ecclesiasticus non potest judicare nisi de his criminibus, quibus præcise violantur constitutiones Ecclesiasticæ. Talis est, v. g. venatio Lege civili non vetita, popinarum frequentatio, &c. quia cum hæc crimina nihil involvant contra edita Regum, per solos judices Ecclesiasticos judicanda sunt.

Judex Ecclesiasticus olim judicabat de hæresi, de schismate, blasphemia, apostasia, sacrilegio, superstitione, simonia, homicidio, adulterio, usura, &c. sed cum hæc crimina Legibus etiam civilibus prohibeantur, & insuper Reges gloriantur se esse protectores Canonum, hæc omnia crimina commissa, etiam a Clericis, judicantur per judices civiles, sed una cum judice Ecclesiastico.

4. Circa res temporales ita exercetur.

1. Judex Ecclesiasticus in causa civili nullam litem attingere potest. Primo, quæ fit inter duos Laicos, quia sic attingeret temporale. Secundo, quæ fit inter Laicum & Clericum, si Clericus sit actor; quia actor debet sequi forum rei. Tertio, neque inter Clericos, si actio sit realis, id est respiciens res temporales; quia sic attingeret temporale. Quarto, neque inter Clericos, etiam si actio sit personalis, si hæc actio fundata sit in contractu inito coram Notario Regio; quia actio illa, utpote Regia, transfert litem ad judicem Regium.

2. Judex Ecclesiasticus in causa civili potest litem dirimere. Primo, si fit inter duos Clericos habentes ad invicem solum actiones personales; quia persona Clerici subijcitur foro Ecclesiastico. Secundo, si fit inter Laicum & Clericum, & Laicus habeat solam actionem personalem contra Clericum; quia actor sequitur forum rei.

5. Circa modum procedendi ita exercetur.

In judicio Ecclesiastico, uti in civili, debent esse judex, actor & reus, & modus procedendi.

Judex Ecclesiasticus ordinarius est Episcopus erga sibi subditos, Abbas erga suos monachos, & Capitulum exemptum erga Clericos ejusdem Capituli.

Judex Ecclesiasticus delegatus est Vicarius Generalis in jurisdictione voluntaria, Officialis in jurisdictione contentiosa.

Actor est ille, qui in judicio petit id, quod sibi debitum putat. Reus est is, a quo res exigitur in judicio.

Modus procedendi in jure Ecclesiastico est fere idem qui in jure civili, præcipue in Gallia, ubi Officiales tenentur formulis a Rege præscriptis adhærere. Proceditur ergo vel accusatione, vel denunciatione, vel inquisitione.

Accusatio est delatio rei de crimine per auctorem respondentem, se illud probaturum: si probet, condemnatur reus; si deficiat in probatione, talionis poenæ accusator addicitur.

Denunciatio est delatio rei de crimine per auctorem non suscipientem onus probandi.

Inquisitio est informatio contra criminum auctores; quia judex satagit devenire ad plenam probationem.

Hæc executus sum multis, ut qui aliquando vel invitati coguntur vel judicare, vel litigare, sciant, quomodo procedendum sit in tribunali Ecclesiastico.

Quoties autem judex Ecclesiasticus prædictos terminos transgreditur, fit provocatio ad judicem sæcularem, & hoc vocant: *Appel comme dabus*. Legat, si quis ea materia egeat, Ferret.

ARTICULUS V.

Ad quæ extendatur Lex positiva divina.

Prop. unica. Lex positiva divina extenditur ad ea omnia, quæ nos ad salutem consequendam conducere possunt.

Prob. 1. Scriptura. Lex positiva divina nihil est aliud, quam divina revelatio, in Scriptura & traditione contenta, docens quid agendum, quid non agendum: atqui divina hæc revelatio extenditur ad ea omnia, quæ nos ad salutem possunt conducere, juxta illud Pauli ad Timor. 2. c. 3. v. 16. *Omnis Scriptura divinitus inspirata, utilis est ad docendum, ad arguendum, ad corripiendum, ad erudiendum in justitia, ut perfectus sit homo Dei, ad omne opus bonum instructus*: Ergo Lex positiva divina extendit se ad ea omnia, quæ nos ad salutem consequendam conducere possunt.

2. Rat.

2. *Rat. Lex positiva divina*, cum nihil aliud sit, quam divina revelatio, manifestans quid agendum, quid non agendum, Legem æternam in Deo latentem nobis exteriori Scriptura & traditione manifestat; Legem naturalem in corde nostro involutam, revelatione nobis per Ecclesiam manifestata, evolvit; Legem positivam, tum civilem, tum Ecclesiasticam in multis deficientem, perficit infallibili sua veritate: ergo debet se extendere ad ea omnia, quæ nos ad salutem consequendam conducere possunt, ut eam salutem infallibiliter assequamur.

Conseclarium unicum hujus Doctrinæ.

Cum Lex positiva divina sit idem ac divina revelatio contenta in Scriptura & traditione, docens quid agendum, quid non agendum, oportet, ut homo talis sit erga divinam Legem positivam, qualis esse debet erga divinam revelationem. Vide quæ circa illud officium diximus primo tractatu, & quæ dicturi sumus in ultimo tractatu.

ARTICULUS VI.

De extensione Legis quoad actus, sive de actibus, quos una & eadem Lex vetat, aut jubet; simulque explicatur, quomodo Lex per actus internos & externos violetur.

Prop. 1. Quælibet Lex justa præcipit actus virtuosos, qui per se conducunt ad finem Legis; vetat vero actus vitiosos, qui per se abducunt a fine Legis.

Prob. 1. Scriptura. Declina a malo & fac bonum: Psal. 36. v. 27. ubi Scriptura innuit actus virtuosos imperari, vitiosos vero vitari.

2. *Ex D. Th. Proprius effectus Legis est bonos facere eos, quibus datur, vel simpliciter, vel secundum quid. 1. 2. q. 92. a. 1. Ergo Lex præcipit actus virtuosos, qui per se ducunt ad finem legis, vetat vero eos, qui abducunt; quia non aliter possunt homines boni & virtuosus fieri, nisi exercendo actus virtuosos, fugiendo vitiosos.*

3. *Rat. Lex est regula actionum humanarum, sicuti ars est regula artefactorum: ergo sicuti ars præcipit artificii actus, qui per se conducunt ad conficiendum artefactum, vetat vero eos, qui remonent a confectione artefacti; ita Lex præcipit homini eos actus, qui per se conducunt ad finem legis, vetat vero eos, qui abducunt hominem a fine legis.*

Conseclaria hujus Doctrinæ.

Consecl. 1. Lex naturalis præcipit virtutes morales ordinis naturalis, v.g. prudentiam, justitiam, fortitudinem, & temperantiam; quia per se conducunt ad honestatem: vetat vero vitia his virtutibus opposita; quia honeste vivere, neminem ledere, est finis Legis naturalis.

Consecl. 2. Lex supernaturalis præcipit virtutes supernaturales infusas, quales sunt virtutes Theologicæ, fides, spes, caritas, & quales sunt virtutes morales infusæ, scilicet, prudentia, justitia, fortitudo, temperantia: & vetat vitia iis virtutibus opposita; quia finis legis divinæ est videre Deum, ut est in se. Ad quod obrinendum requiritur, ut prædictæ virtutes exerceantur, & vitia eis opposita vitentur.

Consecl. 3. Lex Ecclesiastica præcipit ea, quæ conducunt per se ad cultum vere religiosum, & prohibet ea, quæ abducunt ab eo cultu; quia finis Ecclesiæ est verum cultum religiosum inter homines fovere.

Consecl. 4. Lex civilis virtutes politicas præcipit, quæ per se conducunt ad quietem Reipublicæ; vetat vero ea, quæ eam perturbant; quia finis legis civilis est fovere quietem, & pacem inter Cives.

Consecl. 5. Lex naturalis per se directe præcipit actus interiores & exteriores virtutum moralium; quia actus interior & exterior est necessarius ad veram honestatem.

Consecl. 6. Lex divina supernaturalis per se directe præcipit actus interiores, & exteriores virtutum supernaturalium; quia illi actus sunt necessarij ad finem supernaturalem obtinendum.

Consecl. 7. Lex Ecclesiastica per se directe præcipit actus externos ad religiosum cultum peragendum requiritos; quia illi actus sunt necessarij ad obtinendum finem, quem Ecclesia sibi proponit, scilicet, cultum sensibilem Deo dignum.

Consecl. 8. Lex civilis per se directe præcipit actus externos ad quietem publicam inducendam necessarios; quia talis quies est ejus finis.

Consecl. 9. Lex ecclesiastica & civilis indirecte præcipiunt actus inter nos necessario requiritos ad hoc, ut actus externi sint liberi & morales, ea libertate, & moralitate, quæ competit actui qui præcipitur; quia, cum directe præcipitur aliquod opus externum, præcipitur indirecte id, quod exigitur, ut opus externum fiat; actus autem interior

terior præexigitur, ut actus externus sit liber & moralis.

Consect. 10. Quando Lex Ecclesiastica & civilis determinat solum Legem naturalem & divinam, tunc directe præcipiunt actus interiores & exteriores, sicuti & ipsamet Lex naturalis & divina; quia tunc Lex Ecclesiastica & civilis nihil aliud sunt, quam ipsamet Lex naturalis, vel divina applicata.

Sic quando Ecclesia præcipit orationem, celebrationem festorum, Sacramentorum receptionem, Ecclesia jubet rem præceptam fieri eo modo, & his actibus, quibus fieri deberet, si Deus præciperet; quia tunc tantum determinatur in particulari, quod Deus jubet in communi.

Sic quando Lex positiva determinat honorem erga parentes, iustitiam erga proximum, Legislator præcipit rem fieri eo modo, & his actibus, quibus facienda esset, si præciperetur a Deo; quia tunc determinatur in particulari id, quod Deus jubet in communi.

Prop. 2. Actus internus libere & voluntarie elicited, repugnans legi, est peccatum, licet exterius non adimpleatur.

Prob. 1. Scriptura. *Homo qui viderit mulierem ad concupiscendam eam, jam mœchatus est eam in corde suo.* Matth. 5. Ergo, si homo ille coram Deo sit mœchus in corde, actus internus sufficit ad peccatum, licet exterius non adimpleatur.

2. Ex Aug. lib. 2. de Libero Arbit. cap. 3. *Ut intelligas, inquit, libidinem in adulterio malum esse, si cuiquam non contingat facultas concumbendi cum conjuge aliena, planum tamen aliquo modo sit id eum cupere, & si potestas datur, facturum esse, non minus est reus, quam si ipso facto deprehenderetur.* Ergo ad peccatum sufficit actus internus.

3. Rat. Peccatum est actus liber repugnans Legi: ergo cum actus ille, de quo loquimur, licet internus, sit vere liber, & repugnans huic legi, *Non concupisces*, talis actus est peccatum.

Deinde homines vident ea, quæ exterius patent; Deus autem supremus Legislator intuetur eor: ergo, si internus corde jam conceptum sit peccatum, homo ille coram Deo reus est, ut dicit Aug. L. de continent. c. 1. & 2. loquendo de hominibus, qui actus internos non externos Legi contrarios eliciunt. *Quantum in ipsis est, inquit, membra sua exhibent arma iniquitatis peccato: quia hoc volunt, quod propterea non exhibent, quia non possunt.*

Consectaria hujus Doctrinae.

Consect. 1. Cogitationes voluntariæ & liberae de rebus vanis & inutilibus, etiam contra affectum, sunt peccata venialia; quia sunt actus interni vani, otiosi: si enim verbum vanum & otiosum sit peccatum veniale, de quo homines in die iudicii reddent rationem, cogitationes otiosæ & inutilis sunt etiam peccatum veniale.

Consect. 2. Omnis cogitatio libera de objecto illicito cum affectu circa illud, est peccatum ejus speciei & gravitatis, cujus est objectum: ait enim Iſaias 1. v. 16. *Auferite malum cogitationum vestrarum:* & Christus: *Ut quid cogitatis mala in cordibus vestris?* Matth. 9. v. 4. *Non enim solum factis, sed cogitatione delinquimus, si eis illicite occurrentibus delectemur,* ut ait Iſidorus lib. 2. de summo bono c. 25.

Sic cogitatio libera de objecto, quod est peccatum veniale, est pariter peccatum veniale, v. g. cogitatio de mendacio jocosio, de furto rei exiguae &c.

Sic cogitatio libera de objecto, quod est peccatum mortale, v. g. de homicidio, de furto &c. est peccatum mortale; quia deliberatus consensus in his, quæ sunt peccata mortalia ex genere suo, est peccatum mortale. D. Th. 2. 2. q. 74. a. 10. *Perversæ enim cogitationes separant a Deo,* inquit Sap. 1. 3. Solùm autem peccatum mortale a Deo separat.

Consect. 3. Omnis cogitatio libera de peccato commisso, vel committendo, vel a se, vel ab alio cum affectu circa illud, est peccatum veniale, si peccatum patratum, vel perpetrandum, sit veniale; mortale vero, si peccatum patratum, vel perpetrandum, fuerit mortale. Ita docet D. Th. *Nullus delectatur nisi in eo, quod est conforme appetitui ejus; quod autem aliquis ex deliberatione eligat quod affectus suus conformetur his, quæ secundum se sunt peccata mortalia, est peccatum mortale: unde talis consensus in delectationem peccati mortalis est peccatum mortale.* 2. 2. q. 74. a. 9.

Dixi, si fiant cum affectu ad objectum, vel actum prohibitum; nam si cogitatio sit ab omni pravo affectu aliena, non est peccatum, immo potest esse utilis, ut si quis citra omne periculum cogitet de objecto prohibito, ut de eo disputet, prædicet, aut ad ejus horrorem & se, & alios excitet. Ita D. Th. ibidem. Rursus aliud est delectari de objecto, vel actu prohibito, aliud de modo actus; si enim modus non sit prohibi-

tus, possumus de eo licite cogitare, puta, si quis furtum & homicidium abhorrens, indultiriam in furando, dexteritatem in homicidio perpetrato delectatur audire; potest enim modus placere, & actus vitiosus displicere: sicuti comedix rapræsentantes bella possunt esse licitæ, bella vero illicita. Ita Nicolai in D. Thom.

Confess. 4. Delectatio morosa plene voluntaria de actu malo, sine voluntate exequendi actum cogitatum, est peccatum mortale, si actus, de quo quis cogitando delectatur, sit peccatum mortale, puta, adulterium, furtum, homicidium, &c. Peccatum vero veniale, si actus, de quo quis cogitando delectatur, sit peccatum veniale, puta, jocari verbis lætis, comedere laute, &c. Quod morosa delectatio plane deliberata in materia gravi sit peccatum mortale, certum est. De hac morosa delectatione, *Totus homo damnabitur.... nisi hæc peccata per mediatoris gratiam remittantur*, inquit Augustinus lib. 12. de Trinit. cap. 12. & D. Thom. ait: *Consensus in delectationem, quæ procedit ex complacentia actus homicidii cogitati, est peccatum mortale.* 2. 2. q. 74. art. 8. ad 5. Idem censet Clerus Gallicanus, art. 29. de cogitationibus morosis.

Unde mortaliter peccant qui delectantur cogitatione operis pro nunc illiciti, quod antea erat licitum, vel aliquando erit licitum, v. g. vidua, quæ delectatur de præteritis actibus conjugii; desponsati, qui delectantur de futura commixtione carnali inito matrimonio. Ita Natalis.

Confess. 5. Desiderium absolutum, propositum absolutum faciendi aliquid prohibitum, est peccatum; quia est actus internus contrarius legi. *Si propterea non facis*, inquit Aug. *furtum, quia times ne videaris, intus fecisti, in corde fecisti; furti teneris, & nihil tulisti.*

Confess. 6. Desiderium conditionatum, propositum conditionatum de re ex se mala, & lege naturæ prohibita, est peccatum mortale, si adsit materiæ gravitas, & plena deliberatio, nisi forte conditio apposita tollat malitiam ab objecto; quia est actus internus liber Legi contrarius; & quia conditio apposita huiusmodi desideriis, & propositis non potest tollere malitiam ab objecto: *Et ponit in voluntate affectum volendi peccatum illud*, inquit Cajetanus.

Sic ista desideria & proposita sunt peccata mortalia, vellem blasphemare, pejerare, mœchari, furari, &c. si hæc non punirentur temporaliter in hoc mundo, vel in perpetuum in altero; quia huiusmodi conditiones non impediunt, quin id, quod

optatur, vel intenditur, non sit ex se malum. Idem dicendum de istis conditionatis desideriis: si non essem Sacerdos, inebriarer: si non essem monachus, luxuria non resisterem; quia pariter conditio apposita non aufert malitiam ab objecto.

Confess. 7. A desiderio conditionatis, in quibus etiam conditio apposita tollit malitiam ab objecto, omnino abstinendum est; quia periculum est, ne huiusmodi desideria inordinate excitent concupiscentiam.

Sic abstinendum est, tamquam a peccato, vel ad minus tamquam a periculosa tentatione, ab huiusmodi desideriis: vellem blasphemare, si actus ille non esset legi contrarius: vellem venari, si liceret Clerico: vellem nubere, si liceret Sacerdoti, &c. de quo ita Author Epist. ad Demetriadem: *Assuecat animus sollicita privilegia custodia discernere cogitationes suas: & ad primum animi motum, vel probare, vel reprobare, quæ cogitat, ut bonas cogitationes alat, vel statim extinguat malas.*

Confess. 8. Cogitationes liberæ de objecto illicito cum affectu circa illud, cogitationes liberæ de peccato commisso, vel committendo, delectationes de actu malo sine voluntate exequendi, desiderium absolutum, vel conditionatum faciendi aliquid prohibitum, sunt peccata ejusdem speciei, cujus sunt objectum: sed illa peccata eo sunt graviora, quo sunt magis voluntaria; quia cum peccatum ortum trahat a voluntate, eo debet esse gravius, quo est magis voluntarium.

Sic cogitationes quantumvis perversæ, quibus fortiter resistimus, nullatenus sunt peccata; quia nullatenus sunt liberæ, ut patet ex stimulis carnis colaphizantibus Paulum: hæc enim tentatio nihil nocuit Paulo; nec nobis pariter nocet, si ei fortiter resistamus.

Sic cogitationes de objecto mortaliter culpabili, quibus segnitè resistimus, sunt peccata venialia, tanto graviora, vel leviora, quanto major, vel minor est in resistendo negligentia.

Sic cogitationes de objecto mortaliter culpabili, quæ mentem subeunt ex occasione periculosa, quam non fugimus, sunt peccata mortalia, cum eis promptè non rejicimus: ut patet exemplo David, qui cum deambularet in solario domus regis, vidit mulierem se lavantem, ex adverso super solarium suum. . . . Tulit eam dormivitque cum ea. 2. Reg. cap. 11. v. 2. 3. 4.

Sic cogitationes de objecto mortaliter cul-

pabili, quas non modo rejicimus cum occurrunt, sed quas sponte & ex industria evocamus, sunt peccata mortalia, tanto graviora; quanto magis infirmus in illis accersendis. Hujusmodi erant cogitationes pravæ, quas fovebant, & in se excitabant senes lascivi castissimam Susannam deperuentes. Dan. 13.

Prob. 2. Actus exterior difformis legi, quo actum interiore aperiendam.

Probatur 1. De corde exiunt cogitationes male, homicidia, adulteria, fornicationes, furta, falsa testimonia, blasphemie; hæc sunt, quæ coinquant hominem. Matth. 15. v. 19. Ergo Evangelium declarat externa hæc peccata coinquinare hominem: ergo sunt in confessione aperienda.

2. Ex Aug. lib. 13. de Trin. cap. 6. Mala voluntate vel sola miser quisque efficitur; sed inferior potestate, qua desiderium male voluntatis impletur: ergo si actus exterior inferiores nos efficiat, reddit & nequiores, & ita est in confessione aperiendus.

3. Actus exterior bonus addit bonitatem aliquam actui interiori; perfectius enim est virginitatem servare & affectu, & re, quam solo affectu: ergo actus exterior malus addit malitiam aliquam actui interiori.

4. Ex actu exteriori addito interiori multæ emanant circumstantiæ, quas necessum est in confessione explicare, v.g. hebetantur sensus, & potentia sunt ad peccandum promptiores, ut quilibet experitur. **2.** Frequenter generatur scandalum, quod non fit per actus mere internos. **3.** Interdum etiam obligatio reparandi damnum, ut fit in peccatis contra justitiam; quam obligationem numquam trahit actus mere internus. **4.** Aliquando incurritur excommunicatio, irregularitas; quod numquam fit per actus mere internos: ergo actus externus addit interno malitiam in confessione aperiendam.

Conseclarium hujus Doctrinae.

Vitanda est periculosa illa tentatio, quam diabolus solet aliquando suggerere, scilicet, quod cum jam interius peccato consenserimus, exterius peccatum, consummandum est; cum eorum Deo tota malitia actus exterioris proveniat ab actu interiori: quia hac fraude utitur Dæmon ut nos ad peccandum ardiores efficiat; vix enim fieri potest, ut voluntas peccandi opere suo non augeatur. Hug. a Sancto Victore lib. 11. de Sacra. cap. 6.

ARTICULUS VII.

De extensione Legis quoad objecta, sive de his, quæ una & eadem Lex vetantur, aut præcipiuntur.

Prop. unica. Quando plura inter se necessariam habent connexionem, si Lex præcipiat unum, præcipit & aliud; si prohibeat unum, prohibet & aliud.

Prob. 1. Scriptura. Cum Scriptura loquitur de his, quæ necessario connectuntur, uno, & eodem præcepto utrumque attingit.

Sic quia exercitium virtutis, & fuga vitii connectuntur, inde est, quod Deus uno & eodem loco vitium prohibet, & virtutem imperat his verbis: *Declina a malo, & fac bonum*: & quia timor divinus excludit timorem mundanum, inde est, quod Christus uno & eodem loco his verbis unum præcipit, & alterum prohibet: *Nolite timere eos qui occidunt corpus, sed potius timete eum, qui potest & animam & corpus perdere in gehennam*. Matth. 10. v. 28. Ergo quando plura inter se necessariam habent connexionem, si Lex præcipiat unum, præcipit & aliud; si prohibeat unum, prohibet & aliud.

2. Ex Jure Canonico. Cum quid prohibetur, prohibentur omnia, quæ sequuntur ex illo. Reg. 39. de Reg. juris in 6.

3. *Rar.* Imprudentissimum est velle separare quæ ex se conjunguntur: cum ergo Lex sit actus prudentiæ in debitum finem dirigentis, non disjungit quæ conjunguntur, sed quando plura sunt connexa, si præcipiat unum, præcipit & aliud; si prohibeat unum, prohibet & aliud.

Conseclaria hujus Doctrinae.

Consecl. 1. In præceptis affirmativis negativa, & in negativis affirmativa continentur Quia necessario connectuntur. Sic istud præceptum affirmativum: *Dominum Deum tuum adorabis & illi soli servies*, includit istud negativum, *non habebis Deos alienos coram me*. Istud præceptum affirmativum, *per nomen Dei tui jurabis*, includit istud negativum, *non assumes nomen Dei tui in vanum*, & sic de aliis præceptis Decalogi.

Consecl. 2. Quando præcipitur aliqua virtus in specie, simul prohibetur vitium huic virtuti contrarium Quia hæc duo connectuntur. Cum præcipitur prudentia, justitia, fortitudo, temperantia, eadem Lex vetatur imprudentia, injustitia, pusillanimitas, & intemperantia.

Consect. 3. Quando præcipitur aliquid, quod habet necessariam relationem cum alio, utrumque sub præceptum cadit.

Sic cum præcipitur ministris Ecclesiæ, ut prædicent Evangelium; præcipitur & populis, ut prædicatum Evangelium audiant, & fuscipiant.

Dum dicitur plebi, ut legitimo subfit Principi; dicitur & Principi, ut plebem sibi commissam tueatur.

Dum natis præcipitur filialis affectus erga parentes; parentibus item demandatur paternus affectus erga filios &c. Quia hæc relative connectuntur.

Consect. 4. Quando vitium aliquod prohibetur, prohibentur pariter ea omnia, quæ sunt vel causa vel occasio inducentes per se ad illud, quod est prohibitum. Item quando aliqua virtus præcipitur, præcipiuntur pariter ea, sine quibus virtus illa non potest consistere; quia hæc invicem connectuntur. Sic quando Lex vetat peccatum, vetat simul ea, in quibus periculum est, ne pecces, quia, ut monet Sapiens, *Qui amat periculum, peribit in illo*. Et optime consulit Aug. *In occasione peccandi apprehende fugam, si vis invenire victoriam*: v.g. qui vetat idololatriam, vetat commercium cum idololatriis cogentibus ad idololatriam: qui vetat fornicationem, vetat ea, quæ ad fornicationem trahunt, &c.

Quando Lex jubet fidem, spem, caritatem, religionem, jubet simul orationem, verbi divini meditationem, Sacramentorum usum, & alia hujusmodi, sine quibus prædictæ virtutes stare non possunt.

Consect. 5. Præceptio alicujus virtutis in specie, includit præceptionem cognatæ virtutis: & prohibitio alicujus peccati in specie, includit prohibitionem cognati vitii quia connectuntur.

Sic quando præcipitur prudentia, justitia, fortitudo, temperantia, præcipiuntur & aliæ virtutes cum illis connexæ, quæ solent vocari a Theologis partes vel integrantes, vel subjectivæ, vel potentiales superioris virtutis.

Quando prohibentur vitia capitalia, superbia, avaritia, luxuria, gula, invidia, acedia; prohibentur simul & alia vitia, quæ ab istis tamquam a suis radicibus pullulant.

ARTICULUS III.

De extensione Legis quoad personas.

Prop. unica. Quando Lex vetat aut præcipit aliquid, alloquitur non solum factores, sed etiam & cooperatores: & ita peccant, non solum qui faciunt rem vitatam, sed etiam ii, qui cooperantur. Similiter peccant, non solum qui omittunt rem præceptam, sed etiam qui faciendæ rei præceptæ debebant cooperari.

Prob. 1. Scriptura. *Digni sunt morte*, inquit Paulus, *non solum qui faciunt, sed qui consentiunt facientibus*, ad Rom. 1. Ergo Lex alloquitur non solum factores, sed cooperatores.

2. Ex lure Canonico, facientem & consentientem par poena constringit. Canon. *Notum*.

3. *Rat.* Quando Lex prohibet aliquid fieri, eo tendit, ut impediatur, ne malum illud committatur: ergo debet ligare non solum eos, qui faciunt malum, sed eos etiam, qui cooperantur malo faciendo, quia & qui faciunt malum, & qui cooperantur malo faciendo, sunt causa mali; proinde resistent Legi, & peccant.

Quando Lex pariter præcipit aliquid, eo tendit, ut res præcepta fiat, & non omitatur: ergo debet obligare & eos qui rem præceptam debent facere, & eos qui rei faciendæ debent cooperari, ut non interveniat omisio rei præceptæ; quia si interveniat, omnes resistent Legi, & proinde peccant.

Qui aliquo ex prædictis modis violant Legem, exprimuntur his versibus.

Jussio, consilium, consensus, palpo, recursus.

Participans, mutus, non obstant, non manifestans.

Consectaria hujus Doctrinæ.

Consect. 1. In quo explicatur hæc vox, *jussio*. Qui jubent committi aliquod peccatum, peccant, licet per seipsos malum non faciant: quia sunt causa mali, juxta illud juris: *Is damnandus est, qui jubet dari*. Ideo Herodes in Scriptura dicitur amputasse caput Joannis, eo quod injustum illud homicidium præceperat. Matth. 14. Herodes censentur graviter peccasse, dum jussit occidi infantes a bimatu, & infra. Matth. 2. & Pharaocensetur occidisse, quos jussit aquis submergi. Exod. Sic peccant

1. Parentes, qui præcipiunt filiis, ut inimicis familiæ non parcant, ut bona male parta retineant, &c.

2. Hæri, qui imperant servis suis aliquid vitium, v.g. opera servilia diebus festis: qui non præcipiunt servis suis, ut exerceant virtutes, quas tenentur exercere, v.g. non curant, ut sejunent diebus ab Ecclesia præceptis, &c.

3. His qui opificibus præcipiunt diebus festis servilia ut habeant vestes, quibus vestiantur superbe, & cibos quibus lautissime & ultra modum nutrantur.

Consect. 2. In quo explicatur hæc vox, *consilium*. Qui consulunt aliquid illicitum, peccant, licet ipsi rem prohibitam, quam consulunt, non faciant; quia sunt causa mali, juxta illam regulam juris civilis: qui facit per alium, est perinde ac si faciat per semetipsum; ideo Scriptura reprehendit Prophetam Balaam, qui Regi Balac suavit, ut pulchriores feminas Moabitidas in Judæorum castra traderet, quibus Hebræi ad fornicationem simul & idololatricam pellicerentur. Num. 24. Vituperatur & Caiphas, qui Christi mortem consuluit. Joan. 11. Sic peccant

1. Qui docent falsa dogmata, juxta illud: *Væ qui dicitis bonum malum, & malum bonum.*

2. Qui injustas lites consulunt, uti solent facere aliquando causarum patroni.

3. Qui demonstrant quibus modis peccata committi possunt; v. g. aperiunt junioribus incognitos modos tum libidinis, tum ebrietatis, tum furti &c.

Consect. 3. In quo explicatur hæc vox, *consensus*. Peccant, qui consensuunt rei illicitæ, quando possunt & debent eam impedire; quia juxta Aug. in Psal. 139. Consensione ad peccatum alterius suum fit peccatum. Ideo Scriptura Aaronem damnat, quod erigendo aureo vitulo consensisset: & sic peccant.

1. Caupones, qui consensuunt comestationibus, ebrietatibus, blasphemis, quæ in eorum domibus committi solent.

2. Peccant, qui inita societate cum detractoribus, blasphemis, ebriosis, &c. eorum peccatis non se fortiter opponunt.

3. Viri & feminae, qui aut lascivis colloquiis, aut impuris aspectibus mutuo se ad libidinem provocant.

Consect. 4. In quo explicatur hæc vox, *palpo*. Peccant, qui vel laudando vitium, vel vituperando virtutem, alios ad peccandum excitant; quia sunt causa mali. Illud vitium vehementer Psalmista detestatur, dicens: *Ladatur peccator in desideriis animæ suæ, & iniquus benedicitur.* Psal. 10. Ideo Scriptura factum Jezabel arguit, quæ Regem Achab & laudibus & desideriis eo adduxit, ut vineam Naboth usurparet. Sic peccant

1. Confessarii, qui peccatores excusant, & toti sunt ad excusandas excusationes in peccatis, juxta illud: *Væ qui consunt pulvillo sub omni cubito manus, & faciunt cervica-*

lia sub capite universæ ætatis ad capiendas animas. Ezech. 13. v. 18.

2. Hi, qui rident homines vere pios; impios vero non erubescunt laudibus efferre.

3. Hi, qui ex professione impii, alios insectantur, eosque vituperant, eo quod non sint ad peccandum satis audaces.

Consect. 5. In quo explicatur hæc vox, *recursus*. Graviter peccant, qui peccatores recipiunt, eisque suppetias ad peccandum libellius offerunt; quia sunt causa peccati. Ideo Scriptura nobis exhibet Tobiam furivos recursus ita reprehendentem: *Videte, ne habetis furivos sitis, reddite eum dominis suis; quia non licet nobis aut edere ex furto aliquid, aut contingere.* Tob. 2. v. 12. Sic peccant

1. Peccato hæreticos, qui hæreticis suppetias administrant: peccato rebelliones, qui Christianos contra Ecclesiam rebelles tuentur: peccato furti, qui furibus auxilium promittunt.

2. Peccant, qui aut a filiis familias, aut a servis accipiunt, quæ ipsi subfurati sunt.

3. Caupones, & alii, apud quos eduntur aut consumuntur ea, quæ sciunt esse furto ablata.

Consect. 6. In quo explicatur hæc vox, *participans*. Peccant, qui una cum aliis mutuo se excitando peccatum committunt; quia sunt causa mali. Ideo Scriptura proditorem Judam inter eos, qui Christum occiderunt, annumerat; quia tanti criminis particeps fuit: & Aug. dicit, quod Paulus magis sæviebat in Stephanum Judæos adjuvando, quam suis manibus lapidando. Sic peccant

1. Servi, qui dominis suis inserviunt in his, quæ sunt ab intrinseco mala: v. g. inserviunt libidini exultandæ, fovendæ vindictæ, &c.

2. Milites, qui duces & præfectos exercitus adjuvant in his, quæ manifeste iura belli non permittunt.

3. Hi, qui suo suffragio suoque calculo injusti contra plebem exactionibus coope-

Consect. 7. In quo explicatur hæc vox, *mutus*. Peccant, qui cum possent & deberent peccata proximi utili correctione impedire, ea tamen non impediunt, sed silent, dum loqui oporteret. Ideo Scriptura Heli vituperat, quod peccantes filios paternis ammonitionibus fortiter a peccando non retraxerit: increpat pariter omnes pastores, qui tamquam canes muti non valentes latrare, populum peccantem non arguunt, non increpant cum omni patientia. Sic peccant

1. Fidelis quilibet, qui cum posset fratrem suum opportuna correctione a peccato aver-

vertere, illam tamen fraternam correctionem omittit.

2. Peccant parentes, & qui loco parentum sunt, qui sibi subditos paternam auctoritate a peccato non retrahunt.

3. Peccant Superiores Ecclesiastici & politici, qui silent, dum sibi subditi peccatum aliquod committunt, quod solo verbo possent impedire.

Consect. 8. In quo explicatur hæc vox, *non obstant*. Peccant hi, qui peccata non impediunt, quæ possunt auctoritate sua impedire; quia connivendo sunt causa peccati, juxta illud vulgare dictum: negligere, cum possis deturbare perverlos, nihil aliud est, quam fovere; nec caret scrupulo societatis occultæ, qui manifesto desinit obviare. Ideo Scriptura vituperat Regem Joas, quod cum potuisset, & debuisset excelsa destruere, ea tamen non abstulit. *Fecitque Joas*, inquit Scriptura, *rectum coram Domino cunctis diebus, quibus docuit eum Joasadas Sacerdos; verumtamen excelsa non abstulit.* 4. Reg. c. 22. Ideo his verbis Scriptura Prælatos omnes commonet: *Noli fieri iudex, si non valeas pervumpere iniquitatem.* Sic peccant

1. Omnes, qui ex officio suo peccata debent impedire, & non impediunt? quales sunt Superiores Ecclesiastici & politici.

2. Omnes, qui ex naturali, quam habent supra sibi subditos, auctoritate eorum peccata non impediunt: quales sunt parentes erga filios, & heri erga servos.

3. Omnes, qui ex conventionem inita eorum peccata non impediunt, quorum curam susceperint: tales sunt v.g. tutores erga pupilos, magistri erga discipulos.

Consect. 9. In quo explicatur hæc vox, *non manifestans*. Peccant hi, qui peccata ab aliis commissa, vel committenda, legitimis superioribus non denuntiant, cum oportet; quia tali silentio sunt causa peccati. Ideo Scriptura eos peccati confisos declarat. *Si peccaveris*, inquit, *anima, & audierit vocem jurantis, testisque fuerit, quod aut ipse vidit, aut consensus est: nisi indicaveris, portabit iniquitatem suam.* Lev. 5. & Paulus ad Ephes. 5. *Nolite communicare operibus instructuosis tenebrarum, sed magis redarguite;* & ita peccant

1. Qui ex officio tenentur revelare peccatores, & non revelant: tales sunt, qui huic officio præficiuntur a Republica.

2. Qui ex conventionem ad idem munus tenentur: tales sunt v.g. servi erga resibi ab heris suis commissas.

3. Qui ex præcepto civili vel ecclesiastico tenentur testimonium proferre vel pro

tuendo innocente, vel pro reo accusando.

Consect. 10. In quo explicatur, quandonam prædicti teneantur restituere. Prædicti omnes peccant; quia sunt causa peccati: sed aliquando non solum peccant, sed insuper tenentur interdum ad restitutionem, scilicet, quoties peccantes contra justitiam fuerunt causa efficax damni illati proximi circa ejus bonam vel corporis, vel animæ, vel fortunæ, vel honoris; quia, ut dicitur ubi de restitutione, duo requiruntur ad inducendam obligationem restituendi.

Primum est damnum illatum proximo. Secundum, violatio justitiæ: & ita si prædicti cooperatores peccaverint contra virtutem veritatis a justitia, excusantur a restitutione; & si peccaverint contra justitiam, & damnum revera ex eorum peccato secutum non fuerit, excusantur pariter a restitutione.

Sic qui ex solo defectu caritatis aut silent, aut non obstat, dum fit damnum proximo, aut non revelat, dum factum est; peccat quidem, sed non tenetur restituere: quia non peccavit contra justitiam. Si vero damnum illud teneretur impedire vel ex officio, vel ex conventionem, obligatio restituendi incumberet; quia peccasset contra justitiam.

Sic qui peccat contra justitiam, sed non est causa efficax damni, eximitur pariter a restitutione: v.g. qui jubet, aut consultat, sed jussum retrahat, & consilium corrigit: qui consentit, adulatur, participat damno, quod seclusa ejus consensione, adulatione, & opæ, æque contingeret; quia non est causa efficax damni. De hoc fuse agemus, ubi de restitutione.

CAPUT V.

De modo, secundum quem Lex debet observari.

ARTICULUS I.

De requisitis ad observantiam Legis.

Prop. unica. Lex observanda est juxta rationalem intentionem Legislatoris, ita ut res præcepta exerceatur ea libertate, honestate, intentione, quæ requiritur, ut actus præceptus sit in ea specie virtutis, quæ præcipitur.

Prob. 1. Script. *Iuste, quod iustum est persequeris.* Deuter. c. 16. v. 20. *Qui custodierint iusta iuste, justificabuntur.* Sap. cap. 6. v. 11. Ergo, ut observetur Lex, res præcepta debet fieri ea libertate, honestate, & intentione, quæ requiritur, ut

actus præceptus sit in ea specie virtutis, quæ præcipitur; alias non fieret iuste, nec observantem iustificaret.

2. Ex Aug. *Quidquid fit ab homine, & non propter hoc fit, propter quod fieri deberet, vera sapientia præcipit, eisi officio videatur bonum, ipso non recto sine peccato est.* lib. 3. contra Julia. c. 4. Ergo Lex debet observari juxta intentionem rationalem Legislatoris; alias, qui eam exterius observat, non exculatur a peccato.

3. Rat. Lex ligat juxta rationabilem intentionem Legislatoris, quia aliquis actus virtutis præcipitur; quia Lex co tendit, ut reddat homines virtuosos: ergo ut observetur Lex, res præcepta debet fieri ea libertate, honestate, iustitia, & intentione, ut actus præceptus sit in specie virtutis, quæ imperatur.

Consequæ hujus Doctrinæ.

Consecl. 4. Ad satisfaciendum Legi, qualiscumque sit, necesse est, ut substantia rei præceptæ fiat, non physice solum, sed moraliter; non coacte, sed libere; non derisorie, sed serio; non cum rebellionem, sed cum subjectione animi ad legem: quia quilibet Legislator omnes illas condiciones exigit, utpote necessarias ad hoc, ut actio imperata sit virtuosa & honesta. *Intentio Legis*, inquit D. Th. est, ut homines ad virtutem inducantur; ad virtutem autem non sufficit, ut actus virtutis qualitercumque fiat, sed oportet, ut homo sciens & volens propter debitum finem operetur.

Sic legem non observaret, qui faceret rem præceptam sine advertentia; quia faceret rem physice, & non moraliter: & ita qui servaret votum, honoraret parentes, audiret Missam, qui actum virtuosum præceptum a jure vel Ecclesiastico, vel civili eliceret, ebrius, dormiens, non sui compos, nec attendens moraliter ad id, quod agit, non satisfaceret præcepto; quia sicuti inadvertentia involuntaria excusat a violatione præcepti, ita impedit observantiam præcepti: ideo si agnoscat culpa in Legem admissa, urgente adhuc tempore præcepti, iteranda sunt quæ sine debitis circumstantiis fuerunt exereita; si vero tempus effluxerit, poenitendum.

Sic legem non observaret, rem præceptam faciendo violententer, coacte, cum absoluto renifu voluntatis contra Legem; quia faceret rem tantum physice, & non moraliter: libertas enim est radix moralitatis: & ita qui invitus observat præcepta vel naturalia, vel positiva, non satisfacit Legi: v. g. qui invitus servat Decalogum, invitus ser-

vat Legem Ecclesiasticam vel civilem, non satisfacit præcepto; quia in illis casibus deest libertas, quæ sicut necessaria est ad peccatum, ita ad observantiam Legis, juxta illud Pauli: *Non ex tribuna, bilarem enim datorem diligit Deus.* 2. ad Cor. c. 9. v. 7. & Aug. *Si fornicetur ea, quæ Deus jubet, manibus fiant, & in corde non fiant; nemo est tam insulsus, qui præcepta arbitretur implere.* Quæst. 54. Deuter.

Sic legem non observaret, qui faceret rem præceptam derisorie; quia non faceret rem moraliter: moralitas quippe præscripta per Legem exigit rem fieri serio, & non mimize; & ita qui deridendo vacaret rebus divinis die festo, honoraret parentes, non satisfaceret Decalogo; qui indigne reciperet Sacramenta, v. g. Poenitentiam, Eucharistiam; qui irridens Missam audiret, non satisfaceret præcepto Ecclesiæ: quia Legislator vult, non ut eum irrideas, sed ut ei morem geras; unde damnatae sunt sequentes propositiones: *Qui facit confessionem voluntarie nullam satisfacit præcepto Ecclesiæ. Præcepto communionis annuæ satisfacit per sacrilegam Domini manducationem.*

Sic Legem non observaret, qui faceret exterius rem præceptam cum intentione formali & explicita non satisfaciendi Legi; quia primo requiritur intentio saltem interpretativa servandi Legem: secundo, intentio illa, utpote directe opposita Legi, est quædam rebellio contra Legem, & proinde peccatum; quia Legislator vult subditum subesse legi, & non ei resistere. Ideo dicit Scriptura: *Respexit Dominus ad Abel, & ad munera ejus.* Genes. c. 4. v. 4. Quia Deus prius respicit intentionem dantis, quam ejus munera: quippe, ut ait Gregorius, lib. 22. moralium: *Dantis corde, id quod datur, accipitur;* & Hieronymus Epist. 26. ad Pammachium: *Si offeramus Christo opes cum anima nostra, libenter suscipiet, si autem quæ foris sunt Deo, quæ intus sunt diabolo demus, non est æqua partitio.*

Notandum tamen, quod in prædictis casibus qui physice tantum, qui violententer, qui coacte, qui derisorie tributum solvissent, aut pecunias dedisset, ut restitutioni satisfaceret, peccasset quidem; quia non adimplet Legem, ut debet: sed non teneretur novas pecunias solvere; quia ad solutionem tributum, vel solutionem ablati, sufficit quod detur tributum, restituantur ablatum, quomodocumque fiat; sed poeniteat oportet, quod non habuit intentionem, quam debebat habere.

Consecl. 2. Ad satisfaciendum Legi, qualiscumque sit, actus virtuosus debet fieri motivo

tivo virtutis, quæ præcipitur; quia moti-
vum virtutis est de intrinseca ratione illius:
ideo ait Aug. *Cum itaque facit homo aliquid,
ubi peccare non videtur; si non propter hoc facit,
propter quod facere debet, peccare convincitur:
quæ tu non attendens, fines ab officiis se-
parasti, & virtutes veras sine finibus appeten-
das esse dixisti.* Lib. 3. in Julian. cap. 4.

Sic cum præcipitur actus virtutis Theo-
logicæ, debet fieri motivo virtutis Theo-
logicæ, v. g. actus fidei motivo fidei, actus
spæi motivo spæi, actus caritatis motivo
caritatis.

Sic cum præcipitur actus virtutis moralis,
actus ille debet elici motivo illius virtutis,
quæ præcipitur, v. g. actus prudentiæ moti-
vo prudentiæ, actus iustitiæ motivo iustitiæ,
actus temperantiæ motivo temperantiæ;
&c. quia motivum virtutis moralis est de
intrinseca ratione virtutis moralis.

Consect. 3. Ad satisfaciendum Legi neces-
se est, ut res præcepta, & omnia, quæ
sunt de essentia rei præceptæ, fiant nedum
quoad opus externum, uti fit ab hypocri-
tis, sed quoad opus internum, uti decet
fieri a Christianis.

Primo illud certum est quoad præcepta na-
turalia & positiva juris divini; Deus enim
externam Judæorum obedientiam repudiat,
& internam obedientiam requirit his ver-
bis Isaïæ 1. *Populus hic labiis me honorat,
cor autem illorum longe est a me.* Matth.
23. c. v. & 8. & Ecclesi. cap. 17. v. 7.
*Posuit oculum suum super corda eorum...
Spiritus rimentium Deum quæritur, & in
respectu illius benedicetur.* cap. 34. v. 14. &
ubique Scripturarum dicitur: *Deus intrue-
tur cor.* 1. Reg. cap. 17. v. 7.

Illud pariter certum est quoad præcepta
Ecclesiastica; Ecclesia quippe nihil præci-
pit, nisi in ordine ad cultum Dei, quem debet
esse internum, & non mere externum. *Spi-
ritus enim est Deus... Veri adoratores adora-
bunt Patrem in spiritu & veritate.* Joan.
cap. 4. v. 24. Deinde Ecclesiæ Prælati dictum
est in persona Apostolorum: *Qui vos audit,
me audit; qui vos spernit, me spernit.* Luc.
cap. 10. v. 16. & rursus: *Sicut me misi Pa-
ter, & ego mitto vos.* Cum ergo Christus
internum & non externum solum cultum
præcipiat, Ecclesia pariter & internos &
externos actus potest præcipere, quamvis
non soleat nisi de actibus externis conten-
tiose judicare; juxta illud vulgare dictum:
Ecclesia non judicat de internis.

Illud pariter constare videtur quoad Le-
gem civilem; quia Apostolus jubet Christia-

nos Superioribus etiam discipulis subesse in-
terno affectu, & non solum exteriori ha-
bitu: *Non tantum propter iram, sed etiam
propter conscientiam,* ad Rom. cap. 13. v.
5. quando honesta præcipiunt; quia licet,
ut videtur docere D. Thom. 1. 2. q. 1. art. 4.
solum Deus actus internos directe præcipe-
re valeat, quia solus intuetur cor; tamen
homines possunt indirecte actus internos
præcipere, quatenus interior actus est ne-
cessarius, ut actus exterior sit non solum
phylicus, sed liber & moralis.

Sic legem naturalem non observaret, qui
solum exterius opera per Decalogum præce-
pta perageret, & interius iisdem operibus
contraderet: v. g. Deum exterius adora-
ret, nomen ejus veneraretur, dies festos
observaret, parentes honoraret, adulteria,
furta, homicidia, falsa testimonia effugeret;
interius vero operibus a se palam elicitis dis-
sentiret; quia Lex naturalis obedientiam,
non externam tantum, sed internam exigit;
quia Lex naturalis est Lex conscientiæ, quæ
interna est, & internos cordis motus dirigit:
ideo dicit Deus in Scriptura: *Præbe fili mi
cor tuum mihi.* Prover. cap. 33. v. 26.

Sic legem Evangelicam non observaret,
qui exterius solum & non interius præce-
pta Evangelicæ custodiret, v. g. Sacramen-
ta externo solum ritu, & non interno cul-
tu conferret, vel reciperet.

Sic legem Ecclesiasticam non observaret,
qui solum exterius opera per Ecclesiam præ-
cepta perageret, & iisdem operibus non con-
sentiret: quæ v. g. audiret Missam sine atten-
tione & affectu; Sacramenta sine debitis dis-
positionibus reciperet, dies festos sine ullo
interno devotionis exercitio observaret, con-
tentus solo operis exterioris exercitio.

Sic legem civilem non observare videtur,
qui solum exterius opera honesta per jus civi-
le præscripta perageret, si iisdem operibus
honestis interius contradiceret; sic enim lo-
quitur Scriptura: *Non ad oculum servientes,
quasi hominibus placentes:* ad Eph. cap. 6. v. 6.
Aug. propositione 74. Epist. ad Rom. addit,
non solum propter iram, sed propter con-
scientiam, id est, non solum ad iram evaden-
dam, quod potest simulate fieri; sed ut in
conscientia tua certus sis illius dilectione te
tacere, cui subditus fueris jussu Domini.

Consect. 4. Nulli Legi aut præcepto satis-
fieri potest per actum moraliter vitiosum;
quia Legi non satisfiit, nisi quando obser-
vatur id, quod præcipit Legislator. Pru-
dens autem Legislator præcipit, non ma-
lum, sed bonum; virtutem, non vitium;
jubet

jubet rem fieri bene, vetat rem fieri male; adeoque prohibet iniquam illam & solum externam Legis observantiam, quam rejicit Iſaias cap. 10. v. 13. *Ne feratis ultra sacrificium frustra, incensum abominatio est mihi.* Et damnati sunt qui dicunt, per sacrilegam confessionem & communionem satisfieri præcepto Ecclesiæ.

Sic qui facit externum opus præscriptum a Lege, vitiando illud aliqua circumstantia mortaliter culpabili, non satisfacit Legi; quia lex præcipit opus bonum; ex Dionysio autem bonum ex integra causa, malum ex quocumque defectu conjungitur: & ita juxta D. Th. qui adit Ecclesiam, & divinum officium celebrat propter distributiones, tamquam propter finem principaliter intentum, simoniam committit, & proinde non satisfacit præcepto: *Si enim hujusmodi distributiones recipit, quasi finem operis principaliter intentum, simoniam committit.* Quolibeto 8. art. 11. Juxta Antoninum: *Non satisfacit præcepto audiendi Missam qui Ecclesiam adit principaliter ad videndum, aut alloquendum aliquam feminam, aut ob aliquod aliud quodvis illicitum motivum, si in eo perseveret.* Juxta omnes, non satisfacit præcepto orationis qui voluntarie labiis tantum, & non mente orat; quia attentio & devotio est de essentia orationis.

Sic qui vel ex poenitentia sibi injuncta a Confessario, vel ex voto, quod elicitur, obligatur ad aliquod opus sanctum, v. g. ad orationem, ad eleemosynam, ad jejunium, non satisfacit suæ obligationi, si eadem opera vitiet aliqua circumstantia mortaliter culpabili, v. g. si illud faciat motivo vanæ gloriæ, quæ fit mortale peccatum; quia prava circumstantia impedit, ne opus sit sanctum.

Et D. Thom. docet, quod *Actus interior*, in peccato factus, quia totaliter transit, nullo modo vivificatur, sed oportet, ut iteretur. Actus vero externus, quale est jejunium & eleemosyna, non est iterandus, licet in peccato factus; quia ex jejunio manet corporis debilitatio, & ex eleemosyna substantiæ diminutio: & quantum ad hoc quod de eis manet, per poenitentiam Deo accepta sunt.

Sic qui vult gratiam Jubilæi & Indulgentiam consequi, nihil consequitur, si opera injuncta eliciat, ea vitiando circumstantia mortaliter culpabili; quia sicut peccatum mortale impedit, ne Sacramenta producant gratiam; ita impedit, ne indulgentiæ remittant poenam.

Consect. 5. Ut lex observetur, non est necesse, quod res præcepta observetur cum ea perfectione, qua observatur in cælis a San-

ctis, nec cum ea perfectione, quæ observata fuisset in statu innocentiae, si perseverasset, nec ea perfectione, ut excludat omnem defectum venialem; sed sufficit, ut nihil fiat contra ordinem virtutis præceptæ: quia modus operandi proprius Beatis est impossibilis viatoribus; modus operandi naturæ innocentis est impossibilis naturæ corruptæ; modus operandi immunis ab omni defectu veniali collective sumpto, est impossibilis seculo privilegio. Id videtur docere D. Th. his verbis: *Præceptum impletur perfecte, quando pervenitur ad finem, quem intendit præcipiens. Impletur autem, sed imperfecte, quando etsi non pertingat ad finem præcipientis, non tamen receditur ab ordine ad finem: v. g. miles perfecte implet præceptum ducis, qui nedum pugnat, quod jubet Princeps, sed etiam pugnando hostem vincit, quod intendit Princeps: imperfecte vero implet, si nil agat contra disciplinam militarem, licet non victoriam referat.* D. Th. 2. 2. quæst. 44. art. 6. in corp.

Sic præceptum prudentiæ, justitiæ, fortitudinis, temperantiæ, fidei, & caritatis observatur, si nihil agatur contra ordinem virtutis præceptæ. Peccatum autem veniale non est contra ordinem, sed solum præter ordinem virtutis.

Sic qui vult gratiam Jubilæi & Indulgentiarum consequi, eam non quidem integre, sed aliquatenus consequitur, si opera injuncta eliciat, ea vitiando circumstantia venialiter culpabili; quia sicut peccatum veniale non tollit totum effectum Sacramentorum, sed impedit integrum; ita non tollit totum effectum indulgentiarum, sed impedit integrum.

ARTICULUS II.

De his quæ non requiruntur ad observantiam Legis.

Prop. unica. Ad satisfaciendum speciali præcepto, quod datur de actu alicujus virtutis, non est necesse in rigore, quod actus imperatus fiat vel habitu virtutis præceptæ, vel ex motivo alterius virtutis; sed sufficit, quod fiat motivo virtutis, quæ præcipitur: v. g. ut satisfiat præcepto jejunii non est necesse quod jejunium procedat ex habitu temperantiæ, vel fiat in caritate, vel motivo caritatis; sed sufficit, quod fiat speciali motivo jejunii, modo non excludatur motivum generale caritatis.

Prop. 1. Autoritate D. Thom. Dicendum, inquit, quod sub præcepto, quod datur de actu

ali-

alicujus virtutis, non cadit modus, quem habet ille actus ex alia superiori virtute; cadit tamen sub præcepto modus ille, qui pertinet ad rationem propriæ virtutis, & talis modus significatur, cum dicitur: diliges Dominum Deum tuum ex toto corde tuo. Et 1. 2. q. 100. a. 9. ad 1. Modus, inquit, faciendi actum justitiæ, qui cadit sub præcepto, est, ut fiat aliquid secundum ordinem juris, non autem quod fiat ex habitu justitiæ.

2. *Rat.* Si requireretur, quod actus præceptus fieret ex habitu virtutis præceptæ, numquam homo posset acquirere habitus naturales, nec se disponere ad habitus supernaturales; quia teneretur semper habere habitus: utrumque falsum est; quia secundum Philosophos, habitus naturales acquiruntur per actus, & juxta Theologos adulti disponunt se ad habitus infusos. Si requiratur pariter, quod actus virtutis præceptæ fiat vel in habitu caritatis, vel ex motivo caritatis, omnia, quæ sunt ante justificationem vel inceptam, vel completam, essent peccata; quia essent sine caritate initiati: quod damnatur in Tridentino sess. 6. Can. 7. *Si quis dixerit, opera omnia, quæ ante justificationem sunt, quacumque ratione facta sint, vere esse peccata; anathema sit.*

3. *Rat.* D. Thom. Omnis virtus specialis inferior caritate habet duplicem finem, alterum intrinsecum, alterum extrinsecum. Finis intrinsecus est, quod actus virtutis cadat supra debitam materiam, & vestiatur debitis circumstantiis, ut loquitur D. Th. v. g. quod fiat a sciente; quod enim aliquis facit ignorans, per accidens facit: quod fiat a volente & eligente; quod enim aliquis facit nolens & coactus, potius in eo fit, quam ab eo fiat. Finis extrinsecus est, quod fiat v. g. ex habitu virtuoso firmiter radicato, quod fiat vel in habitu, vel ex habitu superioris virtutis, nimirum caritatis. Rex patet exemplo jejuniæ. Finis intrinsecus jejuniæ est, quod fiat a sciente & volente exercere actum abstinentiæ. Finis extrinsecus est, quod fiat ex firmo habitu abstinentiæ, vel ab homine existente in caritate, vel agente motivo caritatis. Finis intrinsecus virtutis est de præcepto; quia est de intrinseca ratione virtutis. Finis extrinsecus non est de præcepto; quia est extra rationem virtutis.

Consecratoria hujus Doctrinæ.

Consecr. 1. Qui est sine habitu virtutis potest satisfacere præcepto, quo jubetur, ut exerceatur actus virtutis: quia habitus virtutis non cadit sub præcepto.

Sic præcepto fidei, spei, caritatis, religio-

nis, justitiæ, temperantiæ, fortitudinis, potest satisfieri etiam ab eo, qui caret hujusmodi habitibus, modo earum virtutum actus eliciat. Ita firmitas, inquit D. Thom. proprie pertinet ad habitum, ut scilicet aliquis ex habitu radicato operetur: & quantum ad hoc, modus virtutis non cadit præcepto. 1. 2. quest. 100. art. 9.

Consecr. 2. Qui est extra habitum caritatis potest satisfacere præcepto, quo jubetur, ut exerceatur actus distinctus a caritate, v. g. actus fidei, spei, religionis, justitiæ, fortitudinis, & temperantiæ; quia ut actus sit bonus, non est necesse, quod fiat ab homine actualiter justificato: alias, ut dictum est, opera omnia, quæ ante justificationem sunt, essent vere peccata, quod damnatur in Trid. sess. 6. can. 7. Item damnatur hæc propositio Baji: *Non est vera Legis obedientia, quæ fit sine caritate.* Pr. 16.

Consecr. 3. Qui non agit motivo caritatis, modo agat motivo virtutis præceptæ, potest satisfacere præcepto, quo jubetur, ut exerceatur actus fidei, spei, religionis, actus justitiæ, fortitudinis & temperantiæ; quia non semper præcipitur, ut agamus motivo caritatis. In hoc præcepto, inquit D. Th. *honora patrem, non includitur, quod honoretur pater ex caritate, sed solum quod honoretur pater: unde qui honorat patrem, licet non habeat caritatem, non efficitur transgressor hujus præcepti: etsi sit transgressor præcepti, quod est de actu caritatis, propter quam transgressionem meretur penam: hypothetice quod pro tunc urgeat, & ad 2. Cum ista duo præcepta, honora parentes, diliges Dominum, sint affirmativa, non obligantia ad semper, possunt pro diversis temporibus obligare: & ita potest contingere, quod aliquis implens præceptum de honoratione parentum, non tunc transgrediatur præceptum de omissione modi caritatis... Quod de præcepto honorandi parentes dicit D. Thom. ad alia præcepta potest proportionaliter applicari.*

Consecr. 4. Qui non agit motivo caritatis, non potest satisfacere præcepto exercendi actus caritatis; quia motivum caritatis cadit sub præcepto caritatis. *Actus caritatis*, inquit D. Th. 1. 2. q. 100. art. 10. *dupliciter considerari potest. Uno modo secundum quod est quidem actus per se, & hoc modo cadit sub præcepto Legis, quod de hoc specialiter datur, scilicet, diliges Dominum Deum tuum, diliges proximum tuum: & quantum ad hoc primi Auctores verum dixerunt, nimirum, modum caritatis esse sub præcepto. Alio modo potest considerari actus caritatis, secundum quod est modus ad quem aliarum virtutum... Et hoc modo ve-*

rum

rum est... quod modus caritatis non cadit sub præcepto.

C A P U T V I.

Quomodo Lex sit interpretanda.

Interpretatio est explicatio Legis, cum non clare appareat rationalis mens Legislatoris.

A R T I C U L U S I.

Quandonom Lex sit interpretanda.

Prop. 1. Tunc solum interpretatione utendum est, cum ex verbis Legis non clare appareat rationalis intentio Legislatoris; minime vero, si clare appareat.

Prob. 1. Scriptura. *Non addetis ad verbum, quod vobis loquor, nec auferetis ex eo: custodite mandata Domini Dei vestri: quæ ego præcipio vobis.* Deuter. cap. 4.

2. Ex D. Thom. Interpretatio locum habet in dubiis, in quibus non licet absque determinatione Principis a verbis Legis recedere; sed in manifestis non est opus interpretatione, sed executione. 2. 2. q. 120. a. 1. ad 3.

3. Rat. Interpretatio eo solum fine adhibenda est, ut pateat intentio Legislatoris: ergo, cum ex verbis Legislatoris, aut aliquis gerentis vicem Legis clare appareat, non est adhibenda interpretatio.

Consecutaria hujus Doctrinae.

Consect. 1. Quando Lex ita clara est, ut nullum relinquit dubium circa rationalem mentem Legislatoris, verba Legis debent sumi ut sonant; ita Aug. Lib. 2. contra duas epistol. Pelag. *Quæ ad pietatem bonosque mores pertinent, non ad aliquam significationem ulla interpretatione sunt referenda; sed ut dicta sunt, facienda sunt.* Sic verba Legis divinæ accipienda sunt ut Ecclesia proposuit, & non ut cupiditas suggerit.

Consect. 2. Quando obscura verba Legis fuerint expolita per Legislatorem, observanda sunt secundum interpretationem Legislatoris; quia interpretatio Legislatoris, facta imperativè, vim habet Legis.

Sic matrimonium debet esse indissolubile, & unius cum una; quia Legem matrimonii ita Christus interpretatus est.

Consect. 3. Quando obscura verba Legis fuerint explicata per consuetudinem legitimam, sunt observanda secundum eandem consue-

tudinem; quia consuetudo legitima vim habet Legis.

Sic verba Legis, quæ Apostoli prohibuerunt usum sanguinis & suffocari, observata sunt secundum consuetudinem Ecclesiæ, scilicet, quamdiu metus fuit, ne usus sanguinis & suffocati esset scandalo Judæis recenter conversis.

Consect. 4. Quando obscura verba Legis fuerint expolita per sententiam juridicam, sunt ab eo, qui subditur judici, observanda juxta sententiam judicis; quia sententia judicis vim habet Legis.

Consect. 5. Quando obscura verba Legis non fuerint expolita nec per Legislatorem, nec per consuetudinem, nec per judicem, si dubium moram patiatur, subditus Legi debet Superiorem consulere; quia quantum fieri potest, interpretatio Legis debet fieri ab eo, a quo processit Lex: Interpretatio juris ad eum pertinet, ad quem juris constitutio. Cap. Inter alia, de sententia excommunic.

Si dubium moram non patiatur, & ad Superiorem recurri non possit, tunc licet Legem interpretari.

A R T I C U L U S I I.

Quomodo oporteat Legem interpretari.

Prop. 1. Non licet Legem interpretari secundum privatos affectus, sed solum iuxta æquiorum iusti Legislatoris intentionem.

Prob. 1. Scriptura. *Omnis sermo Dei ignitus, clypeus est sperantibus in se.* Idem de Legedici potest. 1. *Non addes quidquam verbis illius, ne arguaris, inveniriisque mendax.* Prov. cap. 30. v. 6. Ergo Lex interpretanda est, non juxta privatum affectum, sed æquiorum iusti Legislatoris intentionem. 2. *Non facietis singuli quod rectum tibi videtur.* Deut. cap. 12. *Sed quod præcipio tibi, hoc tantum facito: nec addas quidquam, nec minuas:* Ergo Lex non interpretanda est ex affectu proprio, sed juxta intentionem Legislatoris.

2. Ex Patribus. 1. Ex Tertulliano in lib de præscript. cap. 6. ubi sic loquitur: *Nobis vero nihil ex nostro arbitrio inducere licet, sed nec eligere quod aliquis de arbitrio suo induxerit: Apostolos Domini habemus auctores, qui nec ipsi quidquam ex suo arbitrio, quod inducerent elegerunt; sed acceptam a Christo disciplinam fideliter Nationibus assignaverunt.* Eandem veritatem confirmat Vincentius Lirinensis in suo communitorio his verbis: „Annuntians, ergo aliquid Christianis Catholicis, præter id, quod acceperunt, numquam licuit, nusquam licet, numquam licebit: ergo &c.“

3. Rat.

3. *Rat.* Si liceret cuilibet Legem secundum privatos affectus interpretari, nulla esset Lex, quæ privatis interpretationibus non posset eludi. Inde est, quod Scriptura teste, Michas interpretando Legem juxta suum affectum, idololatriam in Israel invexit. *In diebus illis, inquit textus Sacer, non erat Rex in Israel, sed unusquisque, quod sibi rectum videbatur, hoc faciebat.* Judicum cap. 17. v. 16. Ergo Lex interpretanda est, non ex affectu proprio, sed juxta rationalem intentionem Legislatoris.

Consecratoria hujus Doctrinæ.

Consect. 1. Lex generalis quoad personas generaliter est interpretanda, & quæ omnes respicit, non est ad aliquos solum restringenda; ibi enim dici potest, quod Christus dicebat Apostolis: *Quod vobis dico, omnibus dico;* & quod ait Bernardus lib. 2. de considerat. *Nihil excipitur, ubi distinguitur nihil.*

Sic Lex naturalis, ut pote generalis, ligat omnes homines, & in singulis casibus; nisi Deus author Legis vel per se, vel per Ecclesiam, exemptionem doceat. Ideo de quolibet Decalogi præcepto dici potest quod Aug. dicit de homicidio: *Homicidium omnibus interdicitur, his exceptis, quos vel justa Lex generaliter, vel ipse fons justitiæ specialiter occidere jubet.* lib. 1. de civit. cap. 22.

Sic Lex positiva divina, ut pote generalis, ligat omnes homines Deo subditos, nisi Deus author Legis eos dispense; & ita nullus est casus, in quo quis eximatur ab observatione Evangelii, vel in quo liceat Evangelium violare, de quo ita Tertul. lib. 2. de spectac. *Numquam & nusquam excusatur quod Deus damnat*

Sic Lex positiva Ecclesiastica, quando est generalis, obligat omnes & singulos Christianos in singulis casibus, nisi ipsam Ecclesiam dispensationem largiatur. *Scians universi, Sacratissimos Canones exaltes & ab omnibus indistincte observandos esse.* Trident. sess. 25. cap. 18.

Sic Lex positiva civilis, quando est generalis, obligat omnes sibi subditos, & in singulis casibus, nisi Legislator ipsemet exceptionem adhibeat; ideo dicitur, *L. dissentientis* Cod. de repud. Quod Lex non dicit, non est ab homine præsumendum.

Consect. 2. Lex generalis quoad objectum ex se prohibuit generaliter est interpretanda, nec excusandus est qui rem suapte natura prohibitam facit, quoquo motivo eam faciat. Si enim quod est ab intrinseco malum, fieret, quærere.

ex intentione agentis licitum, nullum esset crimen adeo nefarium, quod excusari non posset; nulla est enim actio adeo mala, quæ patrari non possit ex intentione boni finis. Incestus filiarum Loth fuit ex intentione boni finis. Gen. 19. v. 32. scilicet, ut in terra servarent ex patre suo semen. Cædes Christianorum in honorem Dei sæpe patrat. Joan 16. v. 2. Ergo.

Consect. 3. Lex in per se malis est generaliter interpretanda, nec quovis motivo violanda.

Sic cum generaliter vetatur, ne quis sibi viam pareat ad Beneficium per pecunias, illud ita prohibetur, ut nullo modo neque per se ipsum, neque per alios dare liceat pecunias, quibus ad Beneficium pertingatur. Et cum generaliter vetatur omne pactum, in quo temporale datur pro spirituali, vetatur, quocumque motivo detur temporale ex pacto, si detur tamquam pretium, si detur tamquam compensatio.

Sic cum prohibetur curiosa librorum prohibitorum lectio, si nequeas illos per te ipsum legere sine periculo subversionis, non potes alios legentes audire quandiu manet idem periculum.

Sic cum prohibetur aliquid ultra sortem exigere ex vimutui, prohibetur itidem ne illud extorqueas debitoribus quocumque motivo, sive exigas motivo gratitudinis, sive motivo benevolentiae.

Sic cum generaliter prohibetur homicidium injustum, prohibetur quocumque motivo injusto illud facias, sive ad sumendam vindictam, sive ad vitandam infamiam, sive ad ostendendas vires corporis.

Sic cum Ecclesia generaliter censuris percutit omnes farios, eosque privat altaris profugio, censuræ illæ quocumque feriunt farios, quocumque motivo homicidium perpetrent, sive id faciant conducti pecunia, sive id præstent, ut rem gratam amico exhibeant.

Sic cum excommunicantur Religiosi, qui habitum Religiosum exuunt sine causa, censuram non effugiet qui habitum monachalem dimittit, ut liberius furetur, fornicetur, &c.

Consect. 4. Lex naturalis interpretanda est non juxta rationem cæcutientem acceptam ab Adamo generante, sed juxta illuminationem fidei acceptam a Christo regenerante; quia concupiscentia, cum qua nascimur, a peccato est, & ad peccatum inclinat: & proinde non potest esse certa regula Legem naturalem interpretandi, sed oportet eam regulam non in concupiscentia, sed in fide quærere.

Sic in interpretanda Lege naturali uti quidem possumus autoritate Aristotelis, Platonis, & aliorum Philosophorum, non tamquam regula infallibili, sed tamquam regula, quæ fidem non faciat, nisi fuerit per revelationem confirmata: ita fecit D. Th. qui morali Aristotelis utitur, sed eam emendando per principia fidei.

Consect. 5. Leo positiva divina non aliter interpretanda est, quam per universalem Ecclesiæ praxim, & per unanimum Sanctorum Patrum consensum; quia Lex positiva divina, utpote divinitus revelata, continetur vel in Scriptura, vel in traditione, ubi omnis continetur revelatio. Scriptura autem & traditio, non aliter explicantur, quam per praxim universalem Ecclesiæ, & per unanimum Sanctorum Patrum consensum.

Consect. 6. Lex positiva civilis, & Lex positiva Ecclesiastica interpretandæ sunt juxta glossam, quæ est in corpore utriusque juris; quia hæc glossa continet interpretationem Doctorum, quæ magis in utroque jure claruerunt.

ARTICULUS III.

Quæ consuetudines observandæ, quæ tollendæ, quid vigoris habeat consuetudo legitima in Lege interpretanda.

Consuetudo in genere est continuata frequentatio actuum humanorum.

Consuetudo alia est bona, alia est mala, alia indifferens.

Consuetudo bona ea est, quæ nulli Legi repugnat, & ad bonum deducit: talis est, v. g. observantia quadragesimæ: Nam ut quadragesima illi dies ante pascha observentur Ecclesiæ consuetudo roboravit, ait Aug. Epist. 19.

Consuetudo mala est ea, quæ alicui Legi repugnat: talis est v. g. consuetudo contra fidem, vel bonos mores.

Consuetudo indifferens est ea, quæ nulli quidem Legi repugnat, sed quæ non ad sanctitatem deducit: tales sunt vanæ consuetudines populorum.

Propos. 1. Consuetudo bona est observanda.

Probat 1. Scriptura. *Quod bonum est, tenete.* 1. ad Thess. cap. 5. v. 21. Ergo legitima consuetudo est observanda.

2. Ex Basilio Epist. ad Diodorum, ubi docet, non licere, demortuæ uxoris sororem matrimonio ducere propter morem, qui vim Legis habet: ergo bona consuetudo vim habet Legis: ergo est observanda.

3. *Rat.* Certum est, quod in civilibus rebus, & in Ecclesiasticis, aliqua ordine & canone tenentur, aliqua vero consuetudine firmata sunt, ut dicitur in præmio Concilii Africani: ergo cum jus utrumque, scilicet civile & canonicum, constet ex Lege & consuetudine; sicut Legem justam observari oportet, ita & consuetudinem.

Conseclaria hujus Doctrinæ.

Consect. 1. Observandæ sunt ab omnibus fidelibus universales Ecclesiæ consuetudines, quarum origo non reperitur; quia ex Aug. 118. *Illæ, quæ non scriptæ, sed traditæ custodiuntur toto terrarum orbe, datur intelligi vel ab ipsis Apostolis, vel plenariis Conciliis, quorum est saluberrima autoritas, commendata, atque statuta retineri.* Hujusmodi sunt celebratio festorum Christi, qualia sunt Nativitas, Circumcisio, Passio, Resurrectio, observantia quadragesimæ, observantia impedimentorum matrimonialium, & alia istius generis.

Consect. 2. Observandæ sunt a quolibet privato particulares suæ Ecclesiæ consuetudines. *Quod enim, inquit Aug. Ep. 117. neque contra fidem, neque contra bonos mores injungitur, indifferenter est habendum, & pro eorum, inter quos vivitur, societate servandum est.... Hujusmodi sunt jejuniis Sabbato observatum, communio quotidiana, &c.*

Consect. 3. Consuetudo sancta, sive olim fuerit instituta, sive jam de novo proponatur instituenda, si non perturbet novitate, amplectenda est. *In his, inquit Aug. Epist. 119. saluberrima regula tenenda est: ut quæ non sunt contra fidem, neque contra bonos mores, & habent aliquid ad exhortationem vite melioris, ubicumque institui videmus, vel instituta cognoscimus, non solum non improbemus, sed etiam laudando & imitando sequemur, si aliquorum infirmitas non ita impedit, ut amplius detrimentum sit.* Idem docet Gregorius Epist. ultima ad Aug. Anglicæ Apostolum, ubi sic habet: *Si aliquid inventi sit in Romana, sive in Gallicana Ecclesia, quod plus omnipotenti Deo placere possit, sollicite eligas, & in Anglorum Ecclesia, quæ adhuc in fide nova est, institutione præcipua, quæ de multis Ecclesiis colligere potuisti, infundas.*

Hinc patet, erectiones confraternitatum, v. g. Sacramenti Eucharistiæ, Rosarii, Scapularii, Angelorum, &c. non esse culpandas; sed si approbante Episcopo erigantur, maxime laudandas, & adhortandos esse fideles ad hujusmodi pietatis exercitia, modo ratione.

men id fiat sine præjudicio munerum, & officiorum Parochiæ perfolvendorum.

Monet tamen prudenter Aug. Epist. 119. ut huiusmodi pietatis exercitium nunquam nobis adimatur libertas Evangelicæ, nec habeamus ut necessaria quæ sunt indifferentia, neque ut Sacramenta Christi quæ pia sunt tantum exercitia a piis hominibus excogitata. *Quod autem instituitur, inquit, præter consuetudinem, ut quasi observatio Sacramenti sit, apprehendere non possum.*

Prop. 2. Consuetudo mala, ex quocumque capite sit vitiosa, tollenda est, & nullatenus observanda.

Prob. 1. Scriptura. Advertendum est, inquit Patres, quod Dominus dicit: *Ego sum veritas, & vita*; nusquam vero dixit: ego sum consuetudo: ergo consuetudo non est observanda, nisi quatenus veritati concordat, seu quatenus est bona.

Prob. 2. Ex Aug. lib. 4. de Bapt. contra Donatistas cap. 4. *Hec plane verum, inquit, quod ratio & veritas consuetudini præponenda est.*

3. Rat. Consuetudo, quæ observari debet, est ius moribus utentium introductum, quod pro lege habetur, ubi Lex desideratur, & deficit: ergo quoties consuetudo erit mala, toties erit tollenda.

Conservatoria bujus Doctrinæ.

Conserv. 1. Omnis consuetudo contraria Legi vel naturali, vel divinæ, est tollenda; quia, ut loquitur D. Th. *Lex naturalis & divina procedit a voluntate divina*; unde non potest mutari per consuetudinem procedentem a voluntate hominis, sed solum per voluntatem divinam: & inde est, quod nulla consuetudo vim Legis obtinere potest contra Legem divinam, vel naturalem. 1. 2. q. 97. a. 3. ad 1.

Sic nulla consuetudo potest prævalere contra Decalogum; quia est lex naturalis: nec contra Evangelium; quia est lex positiva divina.

Sic nulla consuetudine licita possunt fieri quæ sunt contra virtutes morales, scilicet, prudentiam, iustitiam, fortitudinem, & temperantiam; quia sunt virtutes naturales: neque quæ sunt contra fidem, spem, & caritatem; quia sunt virtutes supernaturales.

Conserv. 2. Omnis consuetudo illegitima est tollenda, sive sit illegitima ex auctore, sive ex fine, sive ex objecto, sive ex modo; quia ex quocumque capite sit vitiosa, prava est. *Decet, inquit Ildorus lib. 2. Synonim. cap. 16. ut non*

consuetudo prava Legem, sed Lex pravam consuetudinem vincat; cedat consuetudo auctoritati; pravam usum Lex & ratio vincat: adime consuetudinem, & serva Legem.

Sic consuetudo permittens aliquid ex natura sua malum, v. g. consuetudo blasphemandi, furandi, &c. consuetudo vetans actus naturæ suæ virtuosos, v. g. consuetudo impediens exercitium religionis: hæc, inquam, consuetudo est tollenda; quia est vitiosa ex Objecto.

Sic consuetudo inducta, non per Legislatorem, aut per saniores populi partem, sed per rebellantes subditos, v. g. consuetudo non solvendi decimas inducta per hæreticos, consuetudo non ferendi habitum Clericalem inducta per inobedientes Clericos: hæc, inquam, consuetudo est tollenda; quia est iniusta ex Auctore.

Sic consuetudo periculosa inclinans vel semper, vel ut plurimum ad peccandum, qualis est consuetudo vacandi ludis, & tripudiis diebus festis, qualis est etiam consuetudo ducendi choreas, adeundi comœdias, &c. hæc, inquam, consuetudo est tollenda; quia est iniusta ex Fine.

Sic consuetudo non sufficienter præscripta, qualis est, v. g. consuetudo, quæ non duravit per decem annos in his, quæ pertinent ad ius civile, & per quadraginta annos in his, quæ pertinent ad ius canonicum, ut patet ex cap. *Audistis*. Extra de præscript. hæc, inquam, consuetudo est tollenda; quia est iniusta ex Modo.

Prop. 3. Consuetudo legitima, quæ nihil habet contrarium civilibus & canonicis institutis, abrogat Legem in rebus indifferentibus, quæ sunt solum per Legem positivam vel præceptæ, vel prohibita.

Prob. 1. Ex Jure Canonico. Una ex conditionibus Legis est, ut sit secundum patriæ consuetudinem, loco, temporisque conveniens. Can. *In istis* dist. 4. Ergo consuetudo abrogat Legem, quandoquidem nulla est Lex, quæ in rebus indifferentibus non sit consuetudini conveniens.

2. Ex Glossa in caput *Pastoralis*, ubi sic habetur: Si decretalis aliqua obviet consuetudini regionis, debet prævalere consuetudo.

3. Ratione. Consuetudo legitima vim habet Legis: ergo sicuti Lex iusta est recta agendi regula; ita & consuetudo legitima: & proinde potest Legem in rebus indifferentibus abrogare; & ita licet Legem interpretari juxta consuetudinem legitimam.

Conseſſaria hujus Doctrinæ.

Conſeſſ. 1. Conſuetudo legitima multas Leges Eccleſiaſticas abrogavit, quæ olim vigeant; nunc vero vigorem nullum habent.

Sic Can. Rogationis præcipiebatur jejunium & ceſſatio ab operibus ſervilibus tribus Rogationum diebus: conſuetudine legitime introducta id amplius non obſervatur.

Sic Can. Pronunciandum integra Paſchalis hebdomada ut feſtiva celebranda erat: contrarium obſervatur ob conſuetudinem legitime introductam.

Olim cautum erat, ne baptiſmus extra caſum neceſſitatis ſolemniter conferretur, niſi tempore Paſchatis, Pentecoſtes, & in aliquibus Eccleſiis tempore Epiphaniæ: jam per uſum contrarium confertur omni tempore.

Conſeſſ. 2. Multæ ſunt Leges civiles, quæ olim vigeant: quæ conſuetudine contraria jam vigorem nullum habent.

Sic variæ Leges, quæ actiones litigantium dirigeant, in Gallia uſu contrario non obſervantur, ubi non alia viget litigandi formula quam ea, quam Rex ſuis edictis præſcripſit.

Sic varias Leges, quæ proprietatem theſaurorum inventorum figebant, quæ alluviones dirigeant, uſu contrario in Gallia non vigent, ſed ſolum ea diſta, quæ Rex conſtituit. Plura dicemus in ſynopſi juris civilis.

Conſeſſ. 3. Conſuetudo legitima ex auctoritate, ex objecto, ex fine, ex modo, poteſt eſſe certa & tuta regula interpretandi Legem, in his quæ pertinent ad jus præciſe poſitivum; quia conſuetudo legitima abrogat jus poſitivum.

Sic in his, quæ ſpectant ad meram diſciplinam Eccleſiaſticam, attendendum eſt non ad id, quod antiqui Canones præſcribunt, quia vel ſunt emendati contrariis Canonibus, vel uſu contrario vigorem ſuum amiſerunt; ſed attendendum eſt, quid præſens Eccleſiæ uſus exigat.

Sic v. g. in ceremoniis adhiberi conſuetis in ſolemni Sacramentorum collatione & receptione, non attendendum, quid antiquitus fiebat in Eccleſia, ſed quid jam Eccleſia jubet obſervari.

Sic pariter in feſtorum celebratione non attendendum quid olim fiebat in Eccleſia, ſed quid jam Eccleſia fieri jubet.

Sic in officii ſolemniſis recitatione non attendendum, quomodo olim in Eccleſia diſtribuebantur Horæ Canonice; ſed quomodo

jam ſint diſtributæ ſecundum uſum hujus Eccleſiæ, in qua miniſtramus.

Sic in Monachorum privilegiis non attendendum, qualis eſſet ſubjectio Monachorum Episcopis, ſed qualis ſit præſens Eccleſiæ uſus circa hanc ſubjectionem, circa hæc privilegia.

Sic in determinando, qua ætate Clerici ſint ordinandi, quibus veſtibis ſint veſtendi, quibus modis ſint ad Beneficia admittendi; non attendendum eſt, qualis fuerit olim circa id Eccleſiæ diſciplina, ſed qualis ſit præſens Eccleſiæ uſus, & Episcoporum zelum Dei habentium conſuetudo: cum enim iſta omnia ad meram diſciplinam pertineant, juxta varias Eccleſiæ determinationes mutari potuerunt, & juxta uſum præſentem ab Eccleſiâ approbatum obſervari debent. De hoc plura dicemus in ſequenti tractatu cap. 2. in quo oſtendemus, quomodo intelligendi ſint Canones ad meram diſciplinam pertinentes.

C A P U T VII.

De his, quæ excuſant ad obſervantia Legis.

Multa ſunt quæ poſſunt ab obſervantia Legis excuſare, v. g. ignorantia, paſſio, ſeu concupiſcentia, metus, privilegium, diſpenſatio. De his omnibus ſequentibus articulis agemus.

A R T I C U L U S I.

Quandonam ignorantia excuſet a peccato quandonam minuat, aut aggravet peccatum.

Nota. Cognitio generatim eſt operatio animæ, per quam objectum nobis propoſitum & quali in nobis depiſtum cognoscimus.

Cognitio juxta Aug. lib. 1. Retraſt. cap. 15. duplex eſt: alia facti, alia peccati.

Cognitio facti eſt ea, quæ verſatur circa actum phyſice; ut dicunt, ſpectatum, quia nimirum cognoscimus nos quidem rem talem peragere: v. g. cognoscimus nos talem proſtere ſermonem, talem cibum potumve ſumere, tali concupiſcentiæ motu agitari; quin tamen cognoscamus aut advertamus, an res, quæ a nobis peragitur, ſit licita vel illicita.

Cognitio peccati ea eſt, qua hæc duo, ſcilicet rem & peccatum cognoscimus: v. g. cognoscimus nos rem talem agere, & eandem rem,

tem, quam agimus, nobis esse prohibitam. Talis est actio illius, qui rite conficius hujus præcepti negativi: *Non furtum facies*, & illius præcepti affirmativi: *Omnia in gloriam Dei facite*, se determinat vel ad furandum, vel ad non referendum actionem suam ad Deum.

Ignorantia nihil est aliud, quam defectus & privatio cognitionis. Et sicuti ex Aug. cognitio alia est facti, alia peccati; ita ignorantia alia est facti, alia peccati.

Ignorantia facti ea est, qua latet nobis factum ipsum physice, ut dicunt, spectatum: v. g. manducat quis non advertens se manducare, loquitur non advertens se loqui: ignorantia est facti.

Ignorantia peccati ea est, qua latet nobis, an id, quod agimus, sit Lege prohibitum: v. g. manducat quis, advertit se manducare, delectatur in cibo; sed nescit aut non advertit, an cibum, quem sumit, sit lege vetitus, nec ne: ignorantia est peccati.

Rursus ignorantia est multiplex: alia est negativa, alia est privativa.

Ignorantia negativa est nescientia rerum, quas scire aliquis vel non potest, vel non debet: sic pueri, amentes, &c. dicuntur ignorantem ignorantia negativa.

Ignorantia privativa est privatio cognitionis earum rerum, quas quis scire & potest & debet, ut decenter operetur. Talis est ignorantia illius, qui nescit ea, quæ sunt sui officii, & negligit ea addiscere.

Ignorantia privativa, alia est facti, alia est juris.

Ignorantia facti est ea, quæ versatur circa ipsius facti qualitatem aut circumstantias: ut dum quis sciens Legem prohibuisse factum aliquod, ignorat tamen actionem hanc, quam elicit, habere conditiones requisitas ad hoc, ut sit actio illius speciei, quæ Lege prohibetur.

Ignorantia juris est ea, quæ versatur circa Legis dispositionem; ut dum quis ignorat Legem prohibuisse factum, quod perpetrat, vel imperasse factum, a quo abstinet.

Sic veteres Pagani ignorantem fornicationem esse illicitam, congregando cum meretricibus, ignorantiam juris habebant, non facti. Jacob vero probe sciens fornicationem esse illicitam, concumbens cum Lia, quam sibi desponsatam credebat, ignorantiam juris non habuit, sed facti.

Rursus ignorantia tum juris, tum facti, alia est vincibilis, alia invincibilis.

Ignorantia vincibilis est ea, quæ humano studio & diligentia vinci potest. Talis est ignorantia legis naturæ circa prima princi-

pia, & circa conclusiones faciles, quas quilibet potest facili negotio cognoscere, si ad seipsum redire voluerit.

Ignorantia invincibilis est ea, quæ ea industria, ea diligentia, quæ potest & debet adhiberi, vinci non potest. Talis est ignorantia Mysteriorum fidei in eo, qui nihil addidit de fide.

Rursus ignorantia alia est, ut loquuntur, antecedens, alia concomitans, alia consequens.

Ignorantia antecedens est ea, quæ nullo actu antecedenti quæsitæ aut affectatæ, est tamen causa volendi aliquid, quod sit, quodve alias non heret. Talis est ignorantia illius, qui summam adhibet diligentiam, ut cognoscat, an actus elicendus sit licitus, vel illicitus, & ignorans facit actum illicitum, putans esse licitum: v. g. occidit hominem, putans occidere feram; manducat carnem, putans manducare piscem: hæc ignorantia tollit voluntarium, & facit involuntarium, & proinde excusat a peccato.

Ignorantia concomitans est ea, quæ præcise concomitatur actum malum, nec causat, nec impedit illum; sed concomitanter se habet ad actum. Talis est ignorantia illius, qui ira accensus occidit inimicum putans occidere feram, sed nesciens occidere inimicum, quem forte vellet occidere.

Hæc ignorantia nec facit voluntarium, nec involuntarium, sed concomitanter se habet ad voluntarium, & involuntarium: proinde, nec facit peccatum; nec excusat a peccato, nec aggravat peccatum; sed extrinsece se habet ad illud.

Ignorantia consequens, seu volita, ut dicunt, per actum voluntatis, est voluntaria carentia alicujus cognitionis, quæ est causa actus mali.

Talis est ignorantia illius, qui ignorat illud, quod poterat & debebat addiscere.

Ignorantia consequens, alia est directe volita, alia indirecte volita.

Ignorantia directe volita est ea, in quam fertur voluntas plena deliberatione, quam ultro amplectitur, & affectat.

Talis est ignorantia illius, qui non vult cognoscere ea, quæ sunt sui officii, ut dispensetur a suo officio, juxta illud: *Noluit intelligere ut bene ageret*. Psal. 35. v. 3.

Ignorantia indirecte volita est illa, quæ est volita non ultro & in se, sed est volita ratione negligentiae.

Talis est ignorantia illius, qui ductus amore rerum sensibilium, negligit addiscere ea, quæ sunt sui officii.

Prop. unica. Ignorantia invincibilis & omnino involuntaria excusat totaliter a peccato.

Prob. 1. Ex Scriptura. Gen. 20. ubi acceptatur a Deo excusatio Abimelech dicentis: *Domine nongentem ignorantem, & iustam interficis*, subditur enim: *Dixitque ad eum Deus: & ego scio, quod simplici corde feceris.*

Et rursum: *Si non venissem, & locutus fuisset eis, peccatum non haberent; nunc autem excusationem non habent de peccato suo.* Joan. 13. Ergo sicut Abimelech simplici corde & ignoranter agens excusatus est a peccato: & sicut Iudæi, qui Christum prædicantem non audierant, excusati similiter fuissent a peccato infidelitatis; quia invincibiliter Evangelium ignorassent: Ita universaliter dicendum, quod in omni casu ignorantia invincibilis excusat a peccato.

2. Ex D. Thoma: *Non imputatur homini ad negligentiam, si nesciat ea, quæ scire non potest; unde hrrum ignorantia invincibilis dicitur, quia studio superari non potest: & propter hæc talis ignorantia, cum non sit voluntaria, eo quod non est in potestate nostra eam repellere, non est peccatum* 1. 2. q. 66. a. 2.

3. Rat. Nullum est peccatum, nisi sit voluntarium: nullum est voluntarium, ubi est ignorantia omnino involuta; quia voluntarium est illud, quod procedit a voluntate cum cognitione finis: ergo nullum est peccatum, ubi est ignorantia invincibilis.

Consequæria hujus Doctrinæ.

Consequ. 1. Si quis ignoret invincibiliter conclusiones remotissimas difficillime eductas ex præceptis Decalogi non peccat, licet agat contra Legem Dei; quia ignorantia invincibilis tum juris, tum facti, excusat a peccato.

Sic excusatur a peccato ebrietatis Noe; quia potionis, qua inebriatus est, vim nesciebat.

Sic excusatur a peccato Jacob Liam Rachelis loco substitutum cognoscens carnaliter; quia Liam uxorem suam esse credebatur.

Consequ. 2. Si quis ignoret invincibiliter constitutiones Ecclesiæ non peccat, nec censuras incurrit, licet agat contra constitutiones Ecclesiæ; quia ignorantia invincibilis excusat a peccato, ut docet D. Th. his verbis: *Si quis sufficiens habeat impedimentum, propter quod scire non potuerit constitutionem Papæ, puta, si fuit in carcere, vel in terris extraneis, ad quas constitutio non pervenit, vel propter aliquod impedimentum simile; talis i-*

gnorantia excusat, ut non peccet contra constitutionem Papæ agens. Quolibeto 1. art. 19. Idem habet Jus canonicum: *Ut animarum periculis obviatur, sententis per statuta quorumcumque Ordinariorum prolatis, ligari nolumus ignorantes.* Cap. Ut animarum. De constitutionibus in 6.

Consequ. 3. Si quis ignorat invincibiliter jus civile, non peccat, licet agat contra jus civile; quia ignorantia invincibilis excusat a peccato.

Consequ. 4. Si quis ignorat invincibiliter aliquam circumstantiam facti, excusatur a deformitate, quæ actui suo competeret, si agendo illam circumstantiam cognovisset; quia ignorantia invincibilis excusat a peccato.

Sic Judas cognoscens carnaliter Thamarum nurum suam, quam meretricem esse putabat, peccavit quidem peccato luxurizæ, quia accessit ad mulierem non suam, sed non peccavit peccato incestus, quia non poteram nurum suam cognoscere, eo quod faciem suam velaverat.

Sic qui manducat carnes die Veneris, ut dicatur peccare, requiritur, ut non solum vel actualiter, vel virtualiter advertat se manducare carnes, sed etiam se manducare carnes die ab Ecclesiâ prohibito.

Sic, ut homo peccet loquendo falsum, requiritur non solum quod advertat, se loqui, sed etiam quod advertat, se loqui falsum. Ad hoc ut homo peccet verba blasphematoria vel imprecatoria proferendo, requiritur non solum, ut advertat se loqui, sed etiam ut advertat aliquo modo ad significationem verborum, quæ profert; si tamen inadvertentia sit vel directe vel indirecte voluntaria, non excusatur a peccato.

Prop. 2. Ignorantia aliquo modo affectata, vel aliquo modo vincibilis, non omnino excusat a peccato, sed solum minuit peccatum: non excusat a toto, sed a tanto: excusat a mortali, si negligentia fuerit tantum venialis: minuit mortale, si negligentia fuerit mortalis.

Prob. 1. Ex Scriptura. *Verumtamen dico vobis, quia terre Sodomorum remissus erit in die judicii, quam tibi o Capharnaum.* Matth. 11. v. 24. Ergo ignorantia Sodomitarum, quia fuit indirecte volita, ob negligentiam puniendæ est, sed remissus, quam si fuisset directe volita: ergo ignorantia illa non omnino tollit peccatum, sed minuit: non excusat a toto, sed a tanto.

Conseſſaria hujus Doctrinae.

Conſeſſ. 1. Rari ſunt caſus, in quibus excuſentur totaliter a peccato illi, qui violant ex ignorantia juſ naturale; quia illa ignorantia vinci poteſt vel per ſtudium proprium, ſuam interrogando conſcientiam, vel per inſtructionem aliorum, conſulendo doctiores, vel per frequentes orationes, deprecando Dominum hac, aut ſimilibus precibus: *Domine quid me vis facere? Vias tuas demonſtra mihi, & ſemitas tuas edoce me.*

Conſeſſ. 2. Rari ſunt caſus apud Catholicos, in quibus excuſentur totaliter a peccato Catholici, qui ex ignorantia violant juſ Eccleſiaſticum; quia illa ignorantia eſt ſere ſemper aliquo modo voluntaria: nam aut Parochi proprii, aut ſaltem vicini inſiſtunt populum circa præcepta Eccleſiaſtica; ideo damnata eſt hæc propoſitio ab Innoc. XI. *Absolutionis capax eſt homo, quantumvis laboret ignorantia Myſteriorum fidei, etiam ſi per negligentiam culpabilem neſciat myſterium Trinitatis & Incarnationis Domini Noſtri Jeſu Chriſti.* Hoc enim inſinuat, ignorantiam voluntariam non excuſare a peccato, & Catholicos frequenter ex propria negligentia ignorare myſteria fidei.

Prob. 3. Probabiliſſimum eſt, dari de facto ignorantiam inculpabilem juſis naturæ; non relative ad præcepta communia, qualia ſunt iſta: bonum eſt faciendum, malum fugiendum; nec relative ad conclusiones facile eductas ex primis principiis, quales ſunt iſtæ: non eſt blaſphemandum, pejerandum, furandum, adulterandum, &c. ſed relative ad conclusiones longe remotas a primis principiis, quales ſunt multæ quæſtiones, quæ a gravibus & piis authoribus agitantur, in quibus alii licitum putant quod alii putant illicitum; tales ſunt multæ quæſtiones morales nondum ab Eccleſia expreſſe determinatæ.

Prob. 1. Authoritate Alexandri VIII. qui ſequentem propoſitionem damnavit: „Tameſi detur ignorantia invincibilis juſis naturæ, hæc in ſtatu naturæ lapſæ operantem ex ipſa non excuſat a peccato formalis: ergo ſupponit ſummus ille Pontifex aliquando dari ignorantiam invincibilem juſis naturæ.

2. D. Thom. Lec. 11. cap. 5. lib. 3. Ethic. ubi hæc habet: „Difficilia juſis non teneri omnes ſcire; quia nec poſſunt:“ & 1. 2. q. 100. art. 11. „Præceptorum moralium triplex eſt gradus: nam quædam ſunt comuniſſima, & adeo manifeſta, quod editione non indigeant; ſicut mandata de dilectione Dei &

proximi, & alia hujusmodi, ut ſupra dictum eſt, quæ ſunt qualiſi fines præceptorum; unde in eis nullus poteſt errare ſecundum judicium rationis. Quædam vero ſunt magis determinata, quorum rationem ſtatim quilibet etiam popularis poteſt de facili videre; & tamen quia in paucioribus circa hujusmodi contingit judicium humanum perverſi, hujusmodi editione indigent; & hæc ſunt præcepta Decalogi. Quædam vero ſunt, quorum ratio non eſt adeo manifeſta cuilibet, ſed ſolum ſapientibus; & iſta ſunt præcepta moralia ſuperaddita Decalogo, & tradita a Deo populo per Moyſem & Aaron.“ Haſtenus D. Thom.

Præcepta primi generis non poſſunt ignorari invincibiliter, ut dicit ibidem Sanctus Thom. quia ſunt adeo manifeſta, ut editione non indigeant.

Præcepta 2. generis non poſſunt ignorari invincibiliter, ut docet D. Thom. 1. 2. q. 4. art. 4. quia, ratio non deficit niſi in paucioribus, propter hoc quod aliqui habent depravatam rationem ex paſſione, ſeu ex mala habitudine naturæ.

Præcepta 3. generis poſſunt invincibiliter ignorari; quia, ut ait D. Th. 1. 2. q. 91. a. 2. ad 1. homo participat Legem æternam ſecundum quædam communia præcepta, non autem ſecundum particulares directiones ſingularum, quatenus in Lege divina continentur: & quia, ut ait idem Doctor q. 94. a. 6. quædam ſunt, ad quorum judicium multa requiruntur conſideratio diverſarum circumſtantiarum, quas conſiderare diligenter non eſt cujuſlibet, ſed ſapientum; ſicut conſiderare particulares ſcientiarum conclusiones non pertinet ad omnes, ſed ad ſolos Philoſophos. Idem docet Albertus 2. diſt. 22. a. 16. Idem Antoninus 1. parte nuni. 3. cap. 10.

Conſeſſaria hujus Doctrinae.

Conſeſſ. 1. Actus contrarius Legi divinæ, ſi bona fide credatur vel præceptus, vel permiſſus, poteſt eſſe bonus, & meritorius, non bonitate intrinſeca, ſed bonitate apprehenſa: ſicuti enim actus intrinſece bonus, v. g. credere Chriſto, ex conſcientia erronea elicitus, eſt malus, non malitia intrinſeca, ſed ſolum extrinſeca; ita actus intrinſece malus, ſi bona fide eliciatur, poteſt eſſe bonus, non bonitate intrinſeca & objectiva, ſed extrinſeca. Et hoc eſt quod dicit Bernardus lib. de præcep. & diſpen. cap. 18. Et quidem laudem plane condigna remuneratione fraudabitur.

tur in opere quoque non bono ipsa bona voluntas.

Dixi, bona fide: nam si ignorantia proveniat vel a passione vel a concupiscentia, vel a pravo habitu, tunc non excusatur; quia est voluntaria.

Consect. 2. Dum inter audiendo confessiones occurrit pœnitens, qui contra jus naturale peccasse deprehenditur, asserens tamen se bona fide credidisse licitum, quod jam ei declaratur illicitum, tunc maxima cautione Confessario opus est.

Oportet 1. Considerare, num actus ille illicitus contra Legem naturalem ex ignorantia culpabili potius quam ex bona fide processerit: raro enim contingit, quod ignorantia juris naturæ ex aliqua culpa personali non procedat; aut enim nimis inhæremus sensibilibus, quæ nos avertunt a cognitione veritatis; aut ad conscientiam arguentem obsurdescimus; aut saltem preces negligimus, quibus a Deo officii nostri cognitionem impetramus: in illo ergo dubio pœnitens accusetur se illius ignorantia, prout coram Deo reus judicatur. 2. Instruat ipsum Confessarius circa ea omnia, quæ ejus sunt officii. 3. Si Confessarius agnoscat ignorantiam juris naturalis esse voluntariam, tunc debet pœnitentem præmonere, eique indicare, hanc ignorantiam non excusare coram Deo, sed accusare, & nullas esse confessiones, in quibus non declaravit peccata ex ignorantia culpabili commissâ.

Prop. 4. Ignorantia affectata non excusatur a peccato; sed qui agit aliquid contra Legem ex ignorantia affectata, peccat tanto gravius, quanto pertinacius affectavit ignorantiam Legis, quam violat.

Prob. 1. Scriptura Job 21. v. 13. Ducunt in bonis dies suos, & in puncto ad inferna descendunt. Qui dixerunt Deo: recede a nobis, scientiam viarum tuarum nolumus. Et Paulus ad Romanos cap. 1. Revelatur ira Dei de cælo super omnem impietatem & injustitiam hominum eorum, qui veritatem Dei in injustitia detinent; affectando nimirum ignorantiam divinæ veritatis: ergo, cum juxta Scripturam ignorantia affectata tam severe a Deo puniatur, non excusatur a peccato.

2. Ex Hilario in Psal. 118. ubi sic habet: Non habet veniam ignorantio voluntatis; quia sub scientiæ facultate nescire, repudiatur magis, quam non reperta scientiæ est reatus.

3. Ex D. Thom. quæst. 3. de malo art. 8. ubi sic loquitur: „Cum aliquis vult directe ignorare, ut a peccato per scientiam non detrahatur; talis ignorantia non excusatur pec-

catum nec in toto, nec in parte, sed magis augeat. “ Ergo, &c.

Prima Ratio. Illud non excusatur peccatum, sed augeat & aggravat, quod efficit peccatum magis voluntarium; quia peccatum ceteris paribus eo est gravius, quo magis est voluntarium: ergo cum ignorantia affectata reddat peccatum magis voluntarium, quia, ut ait D. Thom. ibidem, ex magno amore peccandi videtur contingere, quod aliquis detrimentum scientiæ pati velit ad hoc quod libere peccato adhæreat: ergo ignorantia affectata aggravat peccatum.

Secunda Ratio. Si ignorantia affectata excusaret a peccato, utile foret, cognitionem Legis, Deique notitiam a nostris mentibus procul amovere; hinc enim fieret, ut actuum nostrorum deformitatem non attenderemus, adeoque vix unquam peccaremus, quamvis facta in seipsis nefanda perpetraremus: impium consequens, ut pater ex his verbis Apostoli: *Exacerbavit Dominum peccator: non est Deus in conspectu ejus iniquitæ sunt viæ illius in omni tempore.* Et ex istis verbis Apostoli: *Ignorans ignorabitur: & rursus, qui sine lege sunt, sine lege peribunt.* Excusandi essent pariter hi, qui Apostolos, qui Martyres, ex inordinato zelo occiderunt, putantes obsequium se præstare Deo. Excusandi quoque essent indurati & excæcati, qui ex affectata, ut plurimum, agunt ignorantia. Quæ cum ita sint: *Hoc qui sentit, ut loquitur Augustinus, non cernit, quam contra Apostolum sentiat. Quod quidem non ipse sentis, sed hoc sequitur illa, quæ sentis: muta ergo antecessoria, si vis cavere consequentia.* Lib. 1. de adulter: conjugii num. 3. alias cap. 4.

Consecraria hujus Doctrinæ.

Consect. 1. Peccat qui ignoranter violat principia communia juris naturalis: v.g. malum est fugiendum, bonum est agendum: quod tibi non vis fieri, alteri ne feceris: quia hæc ignorantia est affectata: nam, ut ait D. Th. 1. 2. q. 94. a. 6. quantum ad illa præcepta communia Lex naturalis nullo modo potest a cordibus hominum deleri in universali.

Consect. 2. Ille peccat, qui ignoranter violat præcepta Decalogi: v.g. idololatriam committit, pejerat, inhonorat parentes, occidit proximum, fornicatur, calumniatur, furatur, mentitur, &c. etenim qui ignoranter hæc violat præcepta, agit ex ignorantia affectata: possunt enim hujusmodi mandata studio addisci, etiam sine Doctore, sine Prædicante, solam consulendo conscientiam,

tiam, juxta illud Isaïæ: *Redite prævaticatores ad cor*. Quod si legem non videant, inquit D. Thom. hoc provent ex eorum culpa; *deletur tamen in particulari operabili, secundum quod ratio impeditur applicare commune principium ad particulare operabile propter concupiscentiam, vel aliquam aliam passionem*.

Consect. 3. Peccat qui ignorat ea, quæ sunt sui officii, quæ debet, & potuit addiscere, & agit cum illa ignorantia. Peccat, quia illa ignorantia est affectata: tenetur illam vincere, aut desistere suum officium, aut suspendere exercitium sui officii, donec sit sufficienter eruditus; quia, ut docet D. Th. 1. 2. quæst. 76. ar. 2. Quicumque negligit habere, vel facere id, quod tenetur habere vel facere, peccat peccato omissionis: unde propter negligentiam ignorantia eorum, quæ aliquis scire tenetur, est peccatum; ideo peccant qui hic subsciuntur.

1. Fidelis quilibet ignorans orationem Dominicam, Symbolum Apostolicum, præcepta Decalogi, & Ecclesiæ Sacramenta, quæ recepit, vel debet recipere; quia sunt ea, quæ, ut ait D. Thom. 2. 2. quæst. ar. 7. *Communiter in Ecclesia solemnizantur, & publice proponuntur*.

Sic si non confiteatur peccata quoad speciem, quoad numerum, quoad circumstantias necessario exprimendas, & id omittat ex negligentia culpabili mortaliter, non excusatur a sacrilegio.

2. Episcopus, qui nescit ea, quæ debet inferioribus Sacerdotibus explicare: *Oportet enim Episcopum esse Doctorem*, 1. ad Timoth. 3. *Ut potens sit exhortari in doctrina sana, & cor, qui contradicunt, arguere*, ad Titum 1.

3. Parochus, qui nescit ea, quæ debet plebi explicare: *Labia enim Sacerdotis custodiunt scientiam, & Legem requirunt de ore ejus*.

Sic Clericus patrum aliquod simoniacum faciens, ignorans illud esse prohibitum, non excusatur a peccato, ut habetur in capite *Per tuas*, de simonia.

Sic ignorantia Canonum circa prohibitionem venationis factam Clericis, circa legitimum usum bonorum Ecclesiasticorum, circa censuras, irregularitates, circa residentiam in Beneficiis, circa legitimam vocationem ad statum Clericalem, circa Canonicam Beneficiorum resignationem aut collationem, non excusat Clericos aut Sacerdotes; quia ea omnia officia & possunt & debent scire vel consulendo, vel studendo.

4. Confessarius, qui nescit casus conscientiarum, oportet enim, ut quatenus iudex spiritualis discernat inter lepram & lepram.

5. Demum Advocatus, qui nescit Leges, & tamen officium advocati exercet. Iudex, qui nescit formam juris exercendi. Notarius, qui nescit formam conficiendi instrumenta publica. Medicus, qui nescit Medicinam, & tamen eam exercet; quia isthæc officia nequeunt inculpabiliter sine competenti scientia exercere.

Peccant, inquam, non continuo, sed solum quando est tempus acquirendi scientiam, quam habere tenentur, & quam negligunt acquirere. Immo peccant quotiescumque cum tali ignorantia agunt dissimuliter ad Legem, & tenentur ad restitutionem quoties ignoranter damnum intulerunt proximo. D. Th. 1. 2. 76. art. 2. ad 5.

Immo peccant quandiu manent in tali ignorantia affectata, & in voluntate exercendi officium; quia ut ait D. Thom. *Aliquis scire tenetur illa, sine quorum scientia non potest debitum actum exercere debitis: unde omnes tenentur scire communiter ea, quæ sunt fidei, & universalis juris præcepta; singuli autem ea quæ ad eorum statum, vel officium spectant*. 1. 2. q. 76. ar. 2.

Immo quamvis per accidens prædicti homines non agant dissimuliter ad Legem, peccant tamen quoties exercent suum officium infelici; quia se exponunt periculo peccandi: ideo debent desistere suum officium, vel saltem suspendere, donec didicerint ea, quæ sunt sui officii.

Consect. 4. Qui ex ignorantia affectata ignorat præcepta Ecclesiæ, quæ potuit, & noluit addiscere, peccat; quia ignorantia affectata non excusat a peccato. *Non tibi imputatur ad culpam quod ignoras invirtus; sed quod negligis querere quod ignoras*. Aug. lib. 3. de libero arb. cap. 19.

Sic qui ex ignorantia affectata non observat jejunia Ecclesiastica, dies festos ab Ecclesia institutos &c. peccat.

Consect. 5. Qui ex ignorantia affectata aliquid facit, cui annexa est censura, non excusatur a censuris; quia qui vult peccatum, censetur velle poenam annexam peccato: ita declarat jus Canonicum cap. *Ut animarum*, de constitut. in 6. ubi sic habetur: *Ut animarum periculis obviaret, sententiis quoque Ordinariorum ligari nolumus ignorantes; dum tamen eorum ignorantia crassa non fuerit & supina*.

Consect. 6. Ignorantia facti non excusat eos, qui sufficienter non adhibent diligentiam ad cognoscendum quod debebant & poterant cognoscere.

Sic Sacerdos, qui baptizaret puerum jam

baptizatum, consecraret acetum in Missa, abolutionem impertiret homini non sufficienter disposito; non excusatur a peccato, si omiserit ea examinare, quæ debebat & poterat examinare.

ARTICULUS II.

Quandonam concupiscentia excuset a peccato: quandonam minuat, aut aggravet peccatum.

Concupiscentia generatim est appetitus boni.

Concupiscentia alia est sensitiva, alia intellectualis.

Concupiscentia intellectualis est vis spiritualis appetens bonum propositum per intellectum.

Concupiscentia sensitiva est vis materialis appetens bonum sensibile, & fugiens malum sensibile.

Concupiscentia sensitiva alia est iusta, alia est vitiosa.

Concupiscentia sensitiva iusta est vis appetens bonum sensibile, & fugiens malum sensibile secundum regulas rationis.

Concupiscentia sensitiva vitiosa est vis appetens bonum sensibile, & fugiens malum sensibile contra regulas rationis.

Concupiscentia vitiosa alia est voluntaria, alia involuntaria.

Concupiscentia vitiosa involuntaria est appetitus inordinatus, sed indeliberatus boni sensibilis, inclinans ad desiderium inordinatum, & indeliberatum.

Concupiscentia vitiosa voluntaria est appetitus deliberatus & inordinatus boni sensitivi, ortus ex pravo actu voluntatis.

Prop. 1. Passio omnino involuntaria, & omnino absorbens usum rationis, excusat totaliter a peccato.

Prob. Ex supra dictis. Peccatum debet esse voluntarium vel formaliter, vel virtualiter; ubi autem est passio omnino involuntaria, & omnino absorbens usum rationis, non potest esse libertas: ergo nec peccatum.

Prop. 2. Passio aliquo modo voluta, vel relinquens usum aliquem rationis, non tollit omnino peccatum, sed minuit; non excusat a toto, sed a tanto.

Prob. 1. Scriptura. Apostolus ad Rom. 7. vocat passiones peccatorum; quod dici non posset, si passiones a peccato totaliter excusarent: ergo passiones non totaliter a peccato excusant.

2. Ex D. Thom. *Passio minuit peccatum in quantum minuit voluntarium.* 1. 2. q. 77. art. 6.

in corp. ergo si passio sit aliquo modo voluta, non tollit omnino peccatum, sed minuit.

3. Rat. Passio omnino involuta, & totaliter absorbens usum rationis, excusat totaliter a peccato; quia tollit libertatem: ergo passio aliquo modo voluta, vel relinquens usum aliquem rationis, non totaliter excusat a peccato, sed ad summum minuit peccatum.

Conseclaria hujus Doctrinae.

Consecl. 1. Rari sunt casus, in quibus homo agens ex passione totaliter excusatur a peccato; quia passio ut plurimum est voluntaria vel positive in causa, vel negative, in eo quod homo neglexerit ea, quæ passionem temperare potuissent; neglexerit scilicet v. g. preces, & exercitium virtutis, &c. quibus passio retineri potuisset.

Consecl. 2. Peccatum ex animi perturbatione commissum, si ex genere suo mortale sit, ita excusatur, ut fiat veniale, si committatur ex motu subito; quia motus subitus impedit usum rationis deliberatæ: & ita excusatur, ut tamen sit mortale, si non fiat ex motu subito; quia tunc ratio potest passioni occurrere, eamque moderari. Ita D. Thom. his verbis: *Quia ratio deliberans non potest occurrere, quod contingit in subditis motibus, peccatum est veniale. Cum autem ex passione aliquis procedit ad actum peccati, vel ad consensum deliberatum, hoc non fit subito; unde ratio deliberans potest hic occurrere; potest enim excludere, vel saltem impedire passionem: unde si non occurrat, est peccatum mortale, sicut videmus, quod multa homicidia, multa adulteria per passionem committuntur.* 1. 2. q. 77. art. 8.

Prop. 3. Passio voluntarie affectata adauget peccatum, & eo magis aggravat, quo est magis voluntarie affectata.

Prob. 1. Ex peccato duorum senum, qui exarserant in concupiscentiam Susanna: quod peccatum ideo gravius reputatur, quia longiori tempore fuerat animo preparatum; ideo uni ait Daniel: *Inveterate dierum malorum;* & alteri: *Semen Chanaam,* & non Juda. Daniel. 13. v. 16.

2. Ex D. Th., Passio autem consequens non minuit peccatum, sed magis auget. 4. Ibid.

3. Rat. Illud adauget & aggravat peccatum, quod efficit peccatum esse magis voluntarium; quia peccatum cæteris paribus eo gravius est, quo est magis voluntarium: denotat enim vehementem affectum & ardorem peccandi; passio autem affectata efficit, ut peccatum sit magis voluntarium: ergo aggravat peccatum.

Consecraria hujus Doctrinae.

Consect. 1. Qui violat Legem ex passione affectata, non excusatur a peccato, sed gravius peccat, quam qui violat ex infirmitate; quia peccatum illud est magis voluntarium, & quasi ex industria commissum: ideo ait Greg. lib. 25. moralium cap. 11. Gravius quidem infirmitate, quam ignorantia; sed multo gravius studio, quam infirmitate peccatur.

Consect. 2. Qui violat Legem ex passione affectata, non excusatur ex eo quod non habeat actualem advertentiam ad Legem, vel ex eo quod nullis stimulis a peccando deterreatur; quia ad peccandum non requiritur actualis advertentia, ut dictum est; potens enim, & debens advertere, & non advertens, peccat, inquit Antoninus.

Sic non immunes fuerunt a peccato Judæi, qui Christum ex passione affectata noluerunt ut Messiam agnoscere, Scripturam, quæ reddebat testimonium Christo, in pravis sententiis detorquendo, & miracula Christi in artem Daemonum refundendo.

Sic non immunes fuerunt a peccato tum Gentiles, tum Judæi, qui nullo servato juris ordine ex passione affectata Christum crucifixerunt.

Sic non immunes fuerunt a peccato Tyranni, qui contra omnes juris regulas Christianos crudelibus affecerunt suppliciis: etsi forte iidem Tyranni putarent obsequium se prestare Deo.

Sic non immunes sunt peccato indurati, & obcæcati, qui sine ullo scrupulo Legem violant.

Prop. 4. Qui sentit inesse sibi pravum aliquem habitum, seu pravam aliquam consuetudinem, qua obtrahatur in aliquo genere peccati, v. g. blasphemiarum, perjurii, vindictæ, &c. tenetur sub peccato pravum illum habitum extirpare, pravamque illam consuetudinem vincere: quod si neglexerit, non excusatur a peccato, quoties etiam incogitanter erumpit in actum, ad quem ex pravo habitu inclinatur.

Prob. 1. Scriptura Prov. 18. v. 3. *Impius, cum in profundum venerit, contemnit*: sed contemptus reddit homines nocentiores: ergo & mala consuetudo, quam vincere non conamur, hoc facit: quæ consuetudo per hanc vocem, *Profundum*, in Scripturis designatur.

2. Ex Chrysostomo homilia 4. ad baptizandos, ubi hæc sibi objicit: *Sed inquit: dura res est consuetudo, & quæ facile mutari non possit, quæ nonnumquam & invitos trahit, &*

nolentes committere cogit illicita. Quibus ita respondet sanctus Patriarcha: *Igitur tanto te hujus mali reatu liberare festina, quanto consuetudinis vim necessitatemque cognoscis, & ad aliam consuetudinem migrare propera.* Quibus verbis sanctus Doctor ostendit, nos debere pravos habitus extirpare, & insinuat, non excusari eos, qui ex pravo habitu operantur.

3. *Rat.* Malum voluntarium est totis viribus ab anima nostra evellendum, ut patet: atqui prava hæc consuetudo est malum voluntarium, ut supponitur: ergo est totis viribus evellenda.

Quod vero minime excusetur a peccato, quoties etiam incogitanter sequimur pravum habitum voluntarium, patet. Primo quia hæc prava consuetudo voluntaria est in causa. Secundo quia actualis advertentia non requiritur ad peccandum. Tertio quia sicut consuetudo bene agendi quantumvis robusta, non impedit quominus actus virtutis sit voluntarius & honestus, quia scilicet bona hæc consuetudo voluntaria est in causa: ita prava consuetudo quantumvis obfirmata, si sit voluntaria in causa, non impedit, quominus actus pravi inde pullantes non sint culpabiles. Quarto quia hinc sequeretur, vitiosos homines non leve commodum ex suis pravis habitibus relatores, cum eo essent magis innoxii, quæ essent magis in malo obfirmati.

Dixi pravum habitum, quem non conamur extirpare, non excusare a peccato; quia si conemur eum extirpare, tunc desinit esse voluntarius: & actus, qui nobis invitis ex illo habitu pullulant, non imputantur ad peccatum; quia non sunt voluntarii.

Consecraria hujus Doctrinae.

Consect. 1. De peccatis cordis. Quicumque labitur in peccata interna vel ex passione voluntaria, vel ex habitu pravo, quem non conatur extirpare, v. g. labitur in peccata infidelitatis, odii, desperationis, irreligionis, quæ sunt mortalia ex suo genere, peccat mortaliter; quia censetur ex malitia peccare. De hoc ita D. Thom. 1. 2. quæst. 78. art. 2. in corp. *Quandocumque*, inquit, *quis utitur habitu vitioso, necesse est quod ex certa malitia peccet.* Et D. Antoninus ait 2. part. tit. 3. cap. 3. §. 15. *Nec tamen talis consuetudo excusat, vel minuit peccatum, sed potius aggravat.* Immo juxta Bernardum serm. 81. in Cantica, *non excusatur homo, quod morali necessitate alleclus operetur: est enim necessitas hæc quodammodo voluntaria, est favorabilis*

bilis vis quædam, premendo blandiens, & blandiendo premens: hæc enim voluntaria peccandi necessitate plectitur inordinatus animus eo merito, quo volens in eam illabatur, ut ait Aug.

Confess. 2. De peccatis oris. Qui habet consuetudinem jurandi, detrahendi, &c. debet illam consuetudinem quasi mortiferam judicare, eamque totis viribus eradicare, & actibus contrariis vincere.

Quod mortifera sit hæc consuetudo, declarat Aug. his verbis serm. 30. de verbis Apostoli: Furavimus & nos passim, habuimus istam deterrimam consuetudinem, & mortiferam. Dico caritati vestræ, ex quo Deo servire capimus, & quantum malum sit perjurii vidimus, timuimus vehementer, & veternosissimam consuetudinem timore frænauimus. Sed quanta cura eradicanda sit prava verborum consuetudo, ibidem explicat Aug. asserendo locum istud Jacobi: Lingua est ingens malum. Ante omnia, inquit, cautos nos facit adversus linguam nostram: lingua nostra in udo posita est, facile in lubrico labitur. Quanto illa citius & facilius movetur, tanto adversus illam fixus est. Domabis, si vigilabis, si timebis: timebis, si Christianum te esse cognoveris.

Confess. 3. De peccatis operis. Qui habet pravum aliquem habitum inclinantem ad peccata externa ex suo genere mortalia, v.g. ad furandum, fornicandum, &c. debet pravum illum habitum ut mortaliter viciosum intueri, & eniti totis viribus, ut eum eradicet, & actibus bonis contrariis vincat. De hoc ita loquitur D. Paulus ad Rom. cap. 6. v. 19. Humanum dico propter infirmitatem carnis vestræ, sicut enim exhibuistis membra vestra servire iniquitati, & iniquitati ad iniquitatem: ita nunc exhibete membra vestra servituti iustitiæ in satisfactionem.

Sic, ut optime monet idem Apostolus ad Eph. 4. v. 28. Qui furabatur, jam non furetur: magis autem laboret, operando manibus suis quod bonum est, ut habeat unde tribuat necessitatem patienti.

Sic, ut optime monet idem Apostolus ad Ephes. 5. v. 4. qui incontinentiæ deditus fuit, hoc præceptum debet exacte observare: Fornicatio autem, & omnis immunditia, aut avaritia, nec nominetur in vobis, sicut decet sanctos, aut turpitudinem, aut stultiloquium, aut scurrilitatem, quæ ad rem non pertinet; sed magis gratiarum actio: Ergo quicumque inclinatur aliquo vicioso habitu pravo, debet contrariis actibus talem habitum vincere.

ARTICULUS III.

Quandonam metus excuset a peccato: quando vero non excuset.

Metus est mentis trepidatio ratione periculi imminantis.

Metus alius est veniens ab intrinseco, alius ab intrinseco.

Metus veniens ab intrinseco est ille, qui nobis ab ipsa ratione suggeritur: qualis est, cum timeo, ne cibus aliquis mihi noceat, ab hujusmodi cibo abstinendum esse per rationem judico.

Metus veniens ab intrinseco ille est, quæ causa extrinseca nobis injicit: qualis est mortis metus a latrone volente nummos eripere incussus, aut a iudice mortem reo minitante. Metus ab extrinseco, alius est iuste, alius iniuste incussus.

Metus extrinsecus iniuste incussus ille est, qui sine causa incutitur: qualis est metus, quem latro viatori injicit, ut ab eo pecunias extorqueat.

Metus iuste incussus ille est, qui iusta de causa incutitur: talis est metus incussus a iudice mortem reo minitante, qui virginem defloravit, si nolit damnum illatum reparare.

Metus alius est gravis, alius levis. Metus est gravis, quando periculum vel malum grave moraliter imminet: qualia sunt mors, servitus, deonestatio per stuprum, &c.

Metus levis est, quando periculum est leve, vel malum non grave; aut si grave, non proxime imminet.

Metus gravis solet vocari metus cadens in constantem virum. Porro homo constans est ille, qui ratione ductus minus malum sustinet, ut majus malum fugiat, v.g. eligit mortem, etsi præsentem, potius quam damnationem etsi futuram.

Homo inconstans est ille, qui levi imaginatione ductus, minus malum præsens renuit sustinere, ut majus malum futurum fugiat: sic v.g. inconstans propter metum pænæ corporalis mavult peccatum committere, quam pænâ corporalem sustinere, licet peccatum sit majus malum, quam pænâ corporalis.

Prop. 1. Metus gravis, seu, ut dicunt, cadens in constantem virum, numquam excusat totaliter a violatione præcepti tum negativum, tum affirmativum juris naturalis: seu, quod idem est, homo quilibet tenetur etiam cum dispendio vitæ observare præceptum tum affirmativum, tum negativum juris naturalis.

Probatur 1. Script. Potius timeo eum, qui potest

potest corpus & animam perdere in gehennam: & iterum: Timidis, & incredulis pars erit in flagno ignis & sulphuris, quod est mors secunda. Apocalyp. 13.

2. Ex Jure Canonico. Debemus potius qualibet mala tolerare, quam malo consentire. Canone Iane, causa 32. q. 5.

3. Ex D. Thom. Si aliquis propter timorem, quo refugit periculum mortis, vel quodcumque aliud temporale malum, sic dispositus est, ut faciat aliquid prohibitum, vel prætermittat aliquid, quod est præceptum in Lege divina, talis timor est peccatum mortale. 2. 2. q. 125. art. 3. in corp.

4. Ratione. Violatio præcepti tum negativi, tum affirmativi juris naturæ, est intrinsece & essentialiter mala; & ita nunquam potest permitti: & proinde quantumvis gravis sit metus, non omnino excusat a peccato, nisi penitus absorbeat usum rationis: diminuit tamen peccatum, ut supra diximus de passione: ideo ait D. Thom. 2. 2. q. 125. art. 4. Diminuitur secundum aliquid ejus peccatum; quia minus voluntarium est quod ex timore agitur: imponitur enim homini quædam necessitas aliquid faciendi propter timorem imminentem. Ideo poenitentia minuebantur lapsi ex timore vel mortis, vel pœnarum. In cuius rei testimonium asserri potest locus iste Cypriani de lapsis: *Caro me, inquit lapsus, in colluctatione deserui, infirmitas viscerum cessit, nec animus, sed corpus dolore desecit*: ad quod ita respondit Cyprian. *Potest cito proficere ad veniam causa talis: potest ejusmodi excusatio esse miserabilis.*

Consecraria hujus Doctrinæ.

Consecr. 1. Quoad præcepta negativa semper & pro semper obligantia.

Peccat qui metu gravi mortis, exilii, &c. violat præceptum negativum Decalogi, v.g. blasphematur, pejeratur, &c. quia hæc omnia sunt directe contra jus naturale.

Peccat qui metu mortis, exilii, &c. violat præcepta positive divina vel ecclesiastica, quæ secum important violationem juris naturalis negativi, v.g. Sacerdos, qui revelat confessionem, celebrat Missam ad sortilegium, dat indigno absolutionem, &c. quia tunc hæc omnia important violationem juris naturalis negativi.

Consecr. 2. Quoad præcepta affirmativa juris naturæ semper, sed non pro semper obligantia.

Peccat qui ex metu gravi cadente in virum constantem non observat præceptum affir-

mativum juris naturalis, quando hæc observatio est necessaria ad tuendum bonum universale communitatis tum Ecclesiasticæ, tum civilis; quia hæc inobstantia est ex se mala, & conjungitur cum violatione hujus præcepti negativi: conservatio boni universalis non est deferenda.

Sic etiam cum propriæ vitæ dispendio tenetur miles stationem difficilem non deserere: Pastor Ecclesiasticus suis ovis tenetur spiritualiter succurrere: Medicus tempore pestis ab urbe non discedere, motivo justitiæ, si sit conductus a Republica, motivo caritatis, si non sit conductus; id enim exigit bonum universale. De his fufius ubi de homicidio.

Prop. 2. Metus gravis, v. g. mortis, exilii, &c. excusat ab observatione præcepti positivi Ecclesiastici, vel civilis, modo ejus violatio non importet præjudicium bono universali.

Probatur 1. Scriptura. Licet Ecclesia, Actor. cap. 15. v. 20. jussisset a suffocato abstinere & sanguine, nullum tamen legimus Christianum mortem oppetisse pro tuenda hujus præcepti observatione; sicuti videmus Eleazarum vitam profudisse potius, quam contra præceptum divinum carnes porcinas edere: ergo lignum est præcepta Ecclesiastica non obligare cum periculo vitæ.

2. Ex D. Thom. *Præcepta Dei*, inquit, sunt præcepta juris naturalis, quæ secundum se sunt de necessitate salutis; sed præcepta Ecclesiæ sunt deiis, quæ per se non sunt de necessitate salutis, sed solum ex institutione Ecclesiæ; & ideo possunt esse aliqua impedimenta, propter quæ aliquis ad observanda jejunia & hujusmodi non tenetur. Quod de jejuniiis dicit sanctus Doctor potest intelligi de aliis præceptis Ecclesiasticis, & a fortiori de præceptis civilibus. 2. 2. q. 137. ar. 40. ad 1.

3. Ratione. Omnis Lex positiva præcipit, vel prohibet aliquid de se indifferens, & ita non debet observari cum vitæ dispendio; quia pro tunc Legislator censetur dispensare ab observatione Legis.

Consecraria hujus Doctrinæ.

Consecr. 1. Qui metu mortis non observaret præcepta Ecclesiæ, manducaret carnes diebus prohibitis, non jejunaret, communicaret civiliter cum hæreticis & excommunicatis; non peccaret: quia hoc præceptum non ligat cum vitæ periculo.

Consecr. 2. Clericus, qui metu mortis non recitaret officium, non deserret vestem Cle-

Clericalem , coronam attonfam , &c. non peccaret propter eandem rationem.

Consect. 3. Si Tyrannus in derisum Religionis vellet cogere ad violationem præcepti Ecclesiastici, tunc etiam cum dispendio vitæ præceptum Ecclesiæ esset observandum; quia contemptus Religionis cedit in detrimentum & præjudicium Reipublicæ Christianæ: & rursum, non observare præcepta Ecclesiæ in prædictis circumstantiis est quasi fidem negare. Exempla habemus multorum Martyrum, qui præceptum mere ceremoniale & positivum etiam cum vitæ dispendio observaverunt; eo quod ejus violatio cederet in detrimentum Christianæ Religionis, & in scandalum juventutis.

ARTICULUS IV.

De dispensatione & privilegio.

Dispensatio juxta Raymundum est juris communis relaxatio, concessa a legitimo Superiore justa de causa.

Privilegium est exemptio a Lege servanda facta in favorem aliquorum per modum legis perpetuæ.

S. I.

An licita sit dispensatio & privilegium.

Prop. unica. Dispensationum & privilegiorum usus antiquus est in Ecclesia.

Probatur 1. Scriptura. Corinthius incestuosus severæ addictus fuerat pœnitentiæ; judicaverat enim Paulus: *Tradere hujusmodi Satane in interitum carnis, ut spiritus salvus sit.* 1. ad Corint. 5. v. 5. Postea vero ex dispensatione Paulus severiorem illam mitigavit pœnitentiam: *Cui autem aliquid donastis, & ego; nam & ego quod donavi, si quid donavi, propter vos in persona Christi.* 2. ad Corint. 2. v. 10. Ergo dispensatio erat in usu tempore Apostolorum.

2. Ex Paschali ad sanctum Anselmum Epistola 42. ubi sic habetur: *Dispensationis modus nulli unquam sapientum displicuit; novimus enim sanctos Patres nostros, & ipsos Apostolos pro temporum articulis & qualitatibus personarum dispensationibus usos:* Ergo antiquus est usus dispensationum.

3. Ratione Augustini, qui sic habet Epistola 50. *De tractandum, inquit, est aliquid severitari, ut majoribus malis sanandis caritas sincera subveniat.* Etenim uti qui navigant, urgente tempestate in mare quædam projiciunt, ut

navim incolumem servant; ita in quibusdam dispensatur, ut robur Legis permaneat.

4. Ex factis. Ex vi dispensationis multa fieri in Ecclesia contra Canones cernimus.

1. Ambrosius et si Neophitus ordinatus est. 2. Multi hæretici conversi permixti sunt redire ad suam Episcopalem sedem. 3. Post vastatam Italiam Monachi non servatis interdictis post annum facti sunt Sacerdotes; Laici vero post decem & octo menses ad eundem honorem ascendunt, ut docet Gelasius Epistola 1. 4. Adolescentes post peractam pœnitentiam publicam permixti sunt uxores ducere, quod utique non licebat juxta antiquos Canones, ut docet Leo Epistola ad Rusticum Narbonensem cap. 13. Ergo ex vi dispensationis multa facta sunt contra Canones Ecclesiæ. Vide Marcum lib. 3. Concordiæ c. 14.

Ex vi privilegiorum contra communem regulam hæc & similia facta in Ecclesia cernimus.

1. Monachis permixtum est Oratoria habere ad vitandas sæcularium frequentationes; ita Alexander III. 2. Monachis permixtum est Laicos apud se sepelire; ita Lucius III. 3. bona temperalia Monachorum ab Episcoporum jurisdictione substracta sunt ob varios abusus, ut docet Greg. quæstione. 41. multique factis probat Launojus: ergo ex vi privilegiorum contra communem Legem facta sunt multa in Ecclesia.

Consect. unicum. Licet dispensatio & privilegium sint exemptio a Lege communi; non tamen culpanda est omnis dispensatio, nec culpandum omne privilegium: quia & dispensatio & privilegium possunt esse vel in bonum commune Ecclesiæ, vel in privatam utilitatem aliquorum, quæ in bonum Ecclesiæ redundabit.

S. II.

An licita sit omnis dispensatio, & omne privilegium.

Prop. unica. Licet antiquus sit in Ecclesia & dispensationum & privilegiorum usus; tamen non omnis dispensatio est licita, nec omne privilegium licitum haberi debet.

Probatur 1. Ex Scriptura. Deus exigit, ut Prælati & dispensatores sint fideles, juxta illud: *Queritur jam inter dispensatores ut fidelis quis inveniat.* Ergo Scriptura censet, quod non omnis dispensatio sit licita, nec omne privilegium sit licitum; sed tunc solum, quan-

quando fit fideliter, & juxta regulas a Deo & ab Ecclesia præscriptas.

2. Ex Bernardo lib. 3. de consideratione, ubi hæc sibi objicit. *Quid, inquit, prohibes dispensare? Non, sed dissipare. Non sum tam rudis, ut ignorem positos vos dispensatores; sed in edificationem, & non in destructionem.* Ergo non omnis dispensatio est licita, sed ea, quæ fit juxta regulas a Deo & Ecclesia præscriptas.

3. Ratione. Qui dat dispensationem, vel concedit privilegium, gerit quodammodo vires Legislatoris. ergo sicuti non omnis Lex ligat, sed ea, quæ est justa ex auctore, ex objecto, ex fine, ex modo, ut diximus ubi de lege; ita non omnis dispensatio est licita, non omne privilegium est licitum; sed tunc solum, quando fit juxta regulas a Deo & ab Ecclesia præscriptas.

Consect. unicum. Sicut non culpanda est omnis dispensatio, nec vituperandum omne privilegium; ita non laudanda est omnis dispensatio, sed examinanda, an conditiones habeat, quas Ecclesia requirit: unde dicitur, Bellarminum scripsisse nepoti suo: tutam sibi non habendam esse omnem dispensationem, sed suspectam esse aliquando. *Poterat, inquit, ire in infernum sine dispensatione; nunc autem sibi cum dispensatione.* Ut autem tuta sit dispensatio juxta Doctores, tria requiruntur; res justa, autoritas legitima, & causa rationalis.

§. III.

Circa quæ dari & peti potest dispensatio valida & licita.

Nota 1. Quod quæ facienda sunt ab hominibus, & a quibus homines dispensari volunt, sunt duplicis generis.

Alia pertinent ad jus naturale, vel positivum divinum: alia pertinent ad jus positivum humanum.

Nota 2. Quod quæ pertinent ad jus naturale, & ad jus positivum divinum, sunt etiam duplicis generis.

Alia sunt necessaria ad salutem ex sola ordinatione Dei.

Sic præcepta Decalogi primæ & secundæ tabulæ, & præcepta Evangelica sunt necessaria ad salutem ex sola ordinatione Dei, dicitur enim: *Si vis ad vitam ingredi, serva mandata.*

Alia sunt necessaria ad salutem ex ordinatione Dei simul & ex nostra electione. Talis est observantia votorum & juramentorum;

tenemur enim vota quidem observare, sed non tenemur vovere. Non tenemur vovere juxta illud Deut. 23. *Si nolueris polliceri, absque peccato eris.* Sed votum semel emissum tenemur servare juxta illud: *Melius est non vovere, quam post vota promissum non reddere.*

Nota 3. Quod quæ pertinent ad jus positivum humanum, vel Ecclesiasticum, vel civile, alia sunt generalia, alia particularia.

Generalia sunt Leges, quæ totam Rempublicam tangunt. Tales sunt, v.g. Canones respicientes observantiam festorum, observantiam jejuniorum, &c.

Particularia sunt ea, quæ personas particulares respiciunt. Tales sunt Canones, quibus cavetur, ne tale beneficium saculare detur Regulari, ut qui talem, vel talem rem fecerit, irregularitatem contrahat. His positum sit

Prop. 1. Dispensatio non potest licite dari, nec peti circa ea, quæ pertinent ad jus vel naturale, vel positivum divinum, & quæ sunt necessaria ad salutem ex sola Deo ordinatione.

Probatur 1. Scriptura. Ex Paulo 2. ad Timoth. 2. v. 13. *Deus fidelis permanet; negare se ipsum non potest:* negaret autem seipsum, si concederet licentiam dispensandi in his, quæ statuit ipsemet, ut absolute necessaria ad salutem.

Probatur 2. Ex D. Th. 1. 2. q. 100. ar. 8. in corpore: *Præcepta Decalogi sunt omnino indispensabilia.* Idem dici potest de præceptis Evangelicis: ergo dispensatio nec dari, nec peti potest licite circa præcepta Decalogi, & circa præcepta Evangelica ad salutem nostram ex sola Dei ordinatione necessaria.

3. Ratione. Illa sunt indispensabilia, quæ continent primam intentionem Legislatoris; quia dispensatio fit cum occurrit casus, in quo si Lex servaretur, fieret præter intentionem Legislatoris: atqui præcepta juris naturæ, & præcepta Evangelica continent primam intentionem Legislatoris; nam præcepta Decalogi primæ tabulæ statuunt, quomodo homo debet se habere in ordine ad Deum, v.g. quia pietate debeat eum colere: præcepta secundæ tabulæ statuunt, qualiter homo debeat se habere in ordine ad alios homines, quam æquitate debeat eum colere relative ad illos: præcepta Evangelica statuunt, qualiter homo debeat se habere erga Deum Redemptorem, recipiendo ejus Sacramenta, & observando ejus leges; quæ omnia pertinent ad primam intentionem Legislatoris: Ergo dispensationem non patiuntur.

Consect.

Consecratoria hujus Doctrinae.

Nulla unquam debet dari, vel peti dispensatio circa praecepta Decalogi, vel circa praecepta Evangelica; quia continent immutabilem Legislatoris voluntatem. Sicuti nunquam venit in mentem dare, vel petere dispensationem circa istam legem: *Conservanda est Respublica, Civitas non est tradenda hostibus.*

Prop. 2. Dispensatio licite potest dari, & peti circa ea, quae pertinent ad jus naturale, & ad jus politicum divinum necessarium ad salutem nostram, ex Dei ordinatione, & simul ex libera nostri electione; qualia sunt vota simplicia, & juramenta.

Probatur 1. Scriptura. *Quodcumque solveris super terram erit solutum & in caelis.* Matth. 16. v. 17. Quae verba Interpretes non solum ad absolutionem peccatorum, sed ad votorum dispensationem extendunt: ergo dispensatio in votis simplicibus & juramentis & peti potest & dari cum causa.

2. Ex Jure Canonico. Toto titulo, *De voto & voti redemptione*, patet, quod vota simplicia peregrinationis, v.g. in locum aliquem sacrum, vel ad Sanctum Sepulchrum, vel votum bellandi pro recuperatione Terrae Sanctae, possunt aut elemosynis redimi, vel in alia pia opera commutari: ergo ex praxi praesentis Ecclesiae dispensatio in votis simplicibus & juramentis & peti potest, & dari. Idem videtur ex praxi antiquae Ecclesiae: non enim credibile est, eos qui post votum simplex castitatis emissum, matrimonium illicite contraxerant, & qui, juxta Aug. lib. de bono viduitatis cap. 20. a conjugibus sine peccato separari non poterant, relictos esse absque dispensatione, qua possent conjugale debitum petere, sicuti tenebantur reddere.

3. Rat. Fideles se votis obligant aliquando deliberate quidem, sed ex zelo ardentiori, qui saepius refrigerit: aliquando deliberate quidem, sed ex zelo imprudenti, non attendentes, an id quod vovent sit materia voti, nec ne, an sit res quae sit vel mala, vel inutilis, vel majoris boni impeditiva: aliquando nec illi, an sufficientem deliberationem habuerint in voyendo; in his omnibus casibus expedit, ut sit in Ecclesia potestas vel relaxandi obligationem veri voti simplicis, cum a voyente observari non potest, vel auctoritas declarandi vel votum nullum esse, vel votum imprudens non esse observandum; alias enim Deus non sufficienter Ecclesiae providisset: contra admissa illa potestate in Ecclesia, ut loquitur Cypria-

nus de relaxatione poenitentiae, Epist. 51. ad Maximum: *Lapsi, & his qui voverunt, nec censura deest quae increpet, nec Medicina quae sanet.* Ita enim in votis dispensatur, ut semper pia aliqua bona opera praescribantur.

Consecratoria hujus Doctrinae.

Quando fideles ligantur votis simplicibus, vel juramentis, habentque causas legitimas dispensationis, tunc & dari & peti potest dispensatio; quia, ut ait Paulus 1. ad Corinth. 7. *Quod si non se continent, nubant; melius est enim nubere, quam uri.* Et ut ait Cyp. lib. 1. Epist. 11. ad Pomponium loquens de virginibus, qui votum simplex continentiae elicerant: *Si autem perseverare nolunt, ex causa iusta, vel non possunt, melius est ut nubant, quam in ignem delicias suis cadant.* Et Aug. lib. de Sancta Virginitate cap. 34. de quibusdam Virginibus ligatis voto simplici, & non juxta voti obligationem viventibus: *Melius nubere, quam urerentur.*

Monit. Locutus sum solum de votis simplicibus; quia circa vota solemnia adharendum puto sententiae D. Th. 2. 2. q. 88. ar. 11. ubi docet, quod in votum solemne non cadit dispensatio; quia quod Deo semel consecratum est id perpetuo debet consecratum manere sine ulla cujusquam retractatione, atque adeo consecratum homini voto solemni non potest dispensari. D. Thom. concordat Innoc. 3. cap. *Cum ad Monasterium*, de statu Monachorum, cujus haec sunt verba: *Abdicatio proprietatis, sicut & custodia castitatis, adeo est annexa regule Monachali, ut contra eam nec etiam summus Pontifex possit licentiam indulgere.*

Quod si summus Pontifex rescripta det, quibus voti solemnitis tollat obligationem, non proprie, inquit Thomista, dispensat, sed vel declarat vota esse nulla, quia non sunt elicita cum debitis conditionibus, vel judicat, quod id quod materia voti videbatur, non sit materia voti in tali & tali circumstantia.

Prop. 3. Dispensatio potest & peti & dari circa ea, quae pertinent ad jus politicum humanum tum Ecclesiasticum, tum civile, sive generale, sive particulare.

Probatur ex praxi Ecclesiae. Ecclesia primis, mediis, & ultimis temporibus varias dispensationes concessit circa Canones Conciliorum etiam generalium, ut late probat Dominus de Marca lib. 3. Concordiae cap. 14. & 15.

Damalus precibus D. Chrysostomi remisit vitium ordinationis Fabiani, qui ordinatus erat Antiochenus Episcopus, dum adhuc viveret Paulinus ejusdem urbis Praelatus. Leo

Leo precibus Marciani Imperatoris remittit vitium ordinationis Anatolii, cujus ordinatione celebrata fuerat a Conciliabulo Ephesino., cujus acta recita fuerant. Ita docet Leo Epistola ad Marcianum Augustum.

Hilarius Epistola ad Alcanium permittit, ut Episcopi ordinatio facta sine licentia Metropolitanis valida sit; licet Canones Nicæni Concilii contrarium docerent.

Undecimo sæculo frequentiores cœperunt esse dispensationes; adeo ut Ivo epist. 214. hanc statuatur regulam: *Tunc possunt, inquit, Præfules Legum rigorem propter necessitates Ecclesiasticas temperare, quando ipsa Legum remissio nihil continet contra fidei veritatem, vel morum honestatem.*

Demum a trecentis ab hinc annis & ultra receptus est usus in Curia Romana, ut praeæque dispensationes concedantur, quibus v.g. irregularitates tolluntur, impedimenta consanguinitatis & affinitatis in tertio & quarto gradu amoveantur, Beneficiorum pluralitas conceditur, & pœnæ a Canonibus constitutæ contra quædam crimina vel minuantur, vel tolluntur: ergo ex praxi Ecclesiæ dispensatio & peti & dari potest circa ea, quæ pertinent ad jus positivum.

Consecratoria bujus Doctrinæ.

Licet Ecclesia in concedendis dispensationibus circa ea, quæ pertinent ad jus positivum, non tam rigida sit, quam olim fuerit; non tamen culpanda est hæc Ecclesiæ benignitas: uti enim olim rationes habebat, quibus ad severiorem illam disciplinam movebatur; ita & nunc rationes habet, propter quas benigniore disciplina utitur.

Et sicut immunes sunt a peccato qui secuti præsentem Ecclesiæ usum quadragesimam observant, non juxta severiorem antiquæ Ecclesiæ rigiditatem, sed secundum præsentis Ecclesiæ indulgentiam; ita immunes sunt a peccato qui agunt juxta benigniorem præsentis Ecclesiæ disciplinam.

S. IV.

Quæ autoritas & jurisdictio requiratur, ut dispensatio sit valida.

Nota. Jurisdictio generatim est vis & autoritas jus dicendi.

Jurisdictio est duplex, fori interni, & externi.

Jurisdictio fori interni est vis & autoritas jus dicendi in eo tribunali, cujus solus Deus

offensus, & homo offensus, & Sacerdos judex consensit sunt; & talis Jurisdictio exercetur in tribunali poenitentiarum; talis Jurisdictio non exercetur nisi ab eo, qui habet characterem Sacerdotalem.

Jurisdictio fori externi est vis & autoritas jus dicendi in eo tribunali, cujus judicium non solum Deo, sed & hominibus innotescere potest; & talis Jurisdictio exercetur extra tribunal poenitentiarum, & non supponit characterem Sacerdotalem, sed solum dignitatem aliquam hierarchicam in Ecclesia, v.g. Prælaturam vel Ecclesiasticam, vel Monachalem.

Jurisdictio fori externi alia est contentiosa, alia gratiosa seu voluntaria.

Jurisdictio contentiosa ea est, quæ exigit processum forensem & judicium strepitum: talis est ea, quæ exercetur ad instantiam partium litigantium, ut cum jus dicitur inter litigantes.

Jurisdictio gratiosa ea est, quæ non exigit processum forensem aut strepitum juridicum, & exercetur vel ex motu proprio Prælati, vel ad preces supplicantis conceditur dispensatio in voto occulto in irregularitate occulta.

Prop. 1. Ut dispensatio sit valida, supponit in dispensante legitimam autoritatem, & externi fori jurisdictionem vel contentiosam, vel gratiosam.

Probat. 1. Scriptura. Autoritas dispensandi juxta Interpretes probatur his verbis desumptis ex Matth. 16. v. 8. *Tu es Petrus, & super hanc Petram ædificabo Ecclesiam meam. Et tibi dabo claves regni celorum, & quodcumque ligaveris super terram, erit ligatum & in cælis; & quodcumque solveris super terram, erit solutum & in cælis:* Atqui hæc verba important autoritatem legitimam, & externi fori Jurisdictionem vel contentiosam, vel gratiosam & in Petro, & in Apostolis, eorumque successoribus, quibus adaptantur: ergo ut dispensatio sit valida, supponit in dispensante autoritatem legitimam, & Jurisdictionem externi fori aut contentiosam aut gratiosam: inde est quod Lucas cap. 12. loquens de servo fidei in familia Dei ministrante, vult quod sit constitutus a Domino, id est, quod habeat legitimam autoritatem, & consequenter Jurisdictionem externi fori. *Quis putas, inquit, est fidelis servus & prudens quem constituit Dominus super familiam suam?*

2. Ex D. Bernardo lib. de præcepto & dispensatione cap. 2. *Non cuilibet, inquit, homini istud mutare, id est dispensare, fas sit, nisi solis dispensatoribus mysteriorum Dei; id est, Præpositis.* Ergo ex D. Bernardo, ut quis valide dispense, debet esse Præpositus seu Præ-

Prælati: ergo debet habere auctoritatem legitimam, & externi fori Jurisdictionem contentiosam, vel gratiosam.

3. Ex Jure Canonico. Vis dispensandi in Legge, in votis, juramentis, &c. est actus Jurisdictionis contentiosæ vel ordinariæ, vel delegatæ. Id supponit tamquam certum Alexander tertius in c. *De Peregrinationis*, & in cap. *Ex multa*, de voto & voti redemptione; ideo Trident. sess. 24. c. 29. de reformat. causas matrimoniales & criminales, utpote pertinentes ad forum contentiosum, ad Episcopos remittit. *Causæ*, inquit, *matrimoniales & criminales* (idem dic de dispensationibus) *non Diaconi, Archidiaconi, aut aliorum inferiorum judicio etiam visitando, sed Episcopi tantum examini, & Jurisdictioni relinquantur*. Ideo Caballutus lib. 1. Theoria & praxis Juris Canon. c. 8. num. 20. In summa, inquit, *competit, solis Ecclesiæ Prælati Jurisdictionem externi fori habentibus, illa siue relaxandi siue commutandi voti potestas, cum sit ista dispensatio actus Jurisdictionis*.

4. Rat. Talis esse debet qui dispensat ab observantia Legis, qualis est qui condit Legem; quia dispensator & Legislator sunt unum & idem, eo solum discrimine, quod Legislator attendit ad casus communes, dispensator vero ad casus particulares, qui a Legislatore prævideri non poterunt: ergo sicut ille, qui condit Legem, debet habere legitimam auctoritatem, & fori externi Jurisdictionem vel contentiosam, vel gratiosam; ita & ille qui dispensat.

Non est tamen necesse, quod semper dispensatio fiat processu contentioso: quando enim nulla intercessit, aut intercedere potest litis contestatio, tunc dispensatio potest fieri sine processu contentioso per solam declarationem factam ei, qui dispensatur; quando vero intercessit aut intercedere potest litis contestatio, tunc dispensatio debet fieri in foro contentioso, & scribi in instrumentis publicis. Inde est quod dispensatio voti, v. g. occultæ, detur occulte; voti vero publici, publice.

Consecratoria hujus Doctrinæ.

De casibus, in quibus valida est dispensatio.

Consecr. 1. Toties valida est dispensatio, quoties datur ab eo, qui supponitur habere & legitimam auctoritatem, & externi fori Jurisdictionem contentiosam, quamvis non detur processu contentioso; quia ad dispensationem validam requiruntur solum hæc

duo, & auctoritas legitima, & Jurisdictio externi fori vel contentiosa, vel gratiosa.

Sic dispensatio data a Rege, a Republica in his, quæ pertinent ad jus positivum, quod ipse Rex, vel Respublica statuit, est valida; quia habent auctoritatem circa illa: v. g. Rex & Respublica possunt dispensare contrahentes in solemnitatibus quibusdam requisitis solo jure positivo: item eximere possunt aliquas personas particulares a vestigalibus solvendis, a tributis impendendis, modo illa exemptio non redundet in præjudicium aliorum.

Sic dispensatio data a Papa, a Concilio generali, est valida in his, quæ pertinent ad jus positivum, quod ipse Papa, vel Concilium statuit. Unde ait D. Thom. quæst. 88. a. 12. ad 3. *Dicendum, quod quia summus Pontifex* (idem dici potest de Concilio generali legitimo) *gerit plenarie vicem Christi in tota Ecclesia, ipse habet plenitudinem potestatis dispensandi in omnibus dispensabilibus votis; & proinde in aliis, quæ jure Ecclesiastico constituntur, siue fideles, siue Clericos, siue Episcopos Leges illæ respiciant; siue cæremonias Sacramentorum, siue celebrationem festorum, siue observantiam sejuniorum Leges illæ præscribant; siue excommunicationes, suspensiones, irregularitates & impedimenta matrimonialia statuant: ita enim loquitur Innocentius c. *Proposuit*, de concessione Præbendæ: *Secundum plenitudinem potestatis, de jure possumus supra jus dispensare*. Item Papa & Concilium generale potest dispensare in votis simplicibus & in juramentis; quia, ut loquitur D. Tho. Juramenta, & vota simplicia sunt dispensabilia: an dispensatio possit cadere supra votum solemne, dicitur infra.*

Sic dispensatio data ab Episcopo, a Synodo Diocesana circa ea, quæ Episcopus, vel Synodus statuit, est valida; quia Episcopus & Synodus auctoritatem habent in ea Ecclesiæ portione, quæ Episcopo & Synodo commissa est; juxta illud Pauli. Act. 20. v. 28. ubi sic Episcopos alloquitur: *Attendite vobis, & universo gregi, in quo vos posuit Spiritus sanctus Episcopos regere Ecclesiam Dei, quam acquisivit sanguine suo*. Et can. 11. Ap. *Præcipimus, ut Episcopus res Ecclesiæ in potestate habeat: nam si pretio hæ hominum animæ ejus fidei committende sunt; multo utique magis oportuerit & de pecuniis mandatum dare, ut illius arbitratu dispenseretur*. Et Concilium Lateranense sub Calisto II. c. 7. sic habet. *Immo sicut sanctis Canonibus constitutum est, cura, & rerum ecclesiasticarum dispensatio in Episcopi judicio. Et potestate permansant; ideo Episcopus potest*

dispensare in omnibus, quæ sibi non reservavit summus Pontifex. Ita docet Panormitanus in c. *In quibusdam*, de pœnis; ibidem in textu dicitur: quod posteri illius advocati, qui Prælatum occiderant, quique in pœnam illius homicidii perpetrati, erant a beneficio exclusi, poterunt tamen Beneficium illud occupare, *si cum eis fuerit dispensatum*. Dispensatio illa, inquit Panormitanus, ab Episcopo concedi potest, quia non reservatur a Papa. Idem docet Joannes Andreas in eap. *Lices Canon*, ubi textus dicit: *Quod ordinarius poteris super residentia dispensare*: Et quia, inquit Andreas, Papa non sibi reservat hanc dispensationem, ab Episcopo potest concedi: etenim generaliter dicitur in c. *Nuper*, de sententia excommunicationis, quod ubi *Conditor Canonis ejus absolutionem sibi specialiter non retinuit, eo ipso concessisse videtur aliis facultatem relaxandi*.

Sic Papa electus & nondum consecratus, & Episcopus confirmatus a sede Apostolica, quamvis non consecratus, poterunt dispensare in his, quæ sunt Jurisdictionis, immo eam potestatem aliis delegare; quia hæc potestas, ut pote Jurisdictioni fori externi, non supponit caracterem Ordinis, sed solum dignitatem vel Ecclesiasticam, vel Monachalem.

Sic Abbas potest dispensare cum suis subditis in his, quæ pertinent ad monasticas observantias non necessario & essentialiter observandas; quia possunt intervenire casus, in quibus est necessaria hujusmodi dispensatio: habet enim circa id auctoritatem & Jurisdictionem, immo potest aliquando absolvere in his, quæ reservantur Pontifici; ideo Monachos sead invicem percutientes absolvit Abbas, c. *Monachi*, de sententia excommunicationis: & Fratres Hospitalis Jerololymitani excommunicati pro injectione manuum in Clericum seu confratrem, absolvi possunt per Priorem, nisi excessus fuerit enormis, c. *Canonica constitutio*, de sententia excommunicationis.

De casibus, in quibus invalida est dispensatio.

Consect. 2. Toties dispensatio est invalida & nulla, quoties datur ab eo, qui non habet vel auctoritatem legitimam, vel Jurisdictionem contentiosam circa eam materiam, circa quam cadit dispensatio; quia non est major defectus in dispensante, quam defectus auctoritatis.

Sic dispensatio data a Laico in his, quæ spectant jus Canonicum, & dispensatio pari-

ter data a Superiore Ecclesiastico in his quæ spectant jus civile, est invalida & nulla; quia Laicus non habet auctoritatem circa spiritualia, nec Superior Ecclesiasticus, ex vi solius potestatis Ecclesiasticæ, circa temporalia hujus sæculi.

Sic dispensatio data a Rege, a Republica circa ea, quæ pertinent ad jus naturale & divinum, est invalida & nulla; quia Superior politicus juri naturali dominari non debet, sed subesse: ideo non potest dispensare circa conditiones in contractibus essentialiter & necessario observandas.

Sic dispensatio data a Superiore Ecclesiastico, v.g. a Papa, a Concilio generali, ab Episcopo, a Synodo Diocesana in his, quæ pertinent ad jus naturale & positivum divinum, est invalida & nulla; quia Superior Ecclesiasticus juri naturali & divino positivo dominari non debet, sed subesse.

De jure naturali quoad prima principia & generalia præcepta sic loquitur D. Th. 1. 2. q. 97. a. 4. ad 3. *Dicendum autem, quod Lex naturalis, in quantum continet præcepta communia, quæ numquam fallunt, dispensationem recipere non potest; in illis vero præceptis, quæ sunt quasi conclusiones præceptorum communium, quandoque per hominem dispensatur, puta, quod mutuum non reddatur proditori patriæ, vel aliquid ejusmodi.*

De his vero, quæ absolute quamdam deformitatem important, quæque videntur contraria juri naturæ, qualis est pluralitas Præbendarum in eodem Beneficiario, qualis est non residentia Clericorum in suo Beneficio; ita censet D. Th. scilicet, quod dispensatio sit valida, si reperiuntur omnes circumstantiæ deformitatem Legi naturali oppositam abstergentes; invalida vero, si absit aliqua ex illis circumstantiis. *Quia dispensatio, inquit D. Th. ad jus naturale non pertinet, sed solum ad jus positivum.* Quodlibeto 6. a. 15. Idem docet Fagnanus ad cap. *Quia*, de præbendis num. 13. *Cessantibus, inquit, ejusmodi circumstantiis, quæ deformitatem, seu inordinationem tollunt, licitum non est plures Præbendas tenere, etiam cum dispensatione, quod dispensatio non auferat ligamen juris naturalis, sed solum juris positivi.* Idem dicendum de residentia Clericorum; quam supponimus juris esse naturalis.

De præceptis juris positivi divini, v.g. de præceptis Evangelicis, ita loquitur D. Th. 1. 2. q. 79. a. 4. docens dispensationem circa illa præcepta esse invalidam, nisi constet, quod Deus talem dispensationem dispensatori commiserit. *Ad legem divinam, inquit,*

ita se habet quilibet homo, sicut persona privata ad Legem publicam, cui subicitur; unde sicut in Lege humana publica non potest dispensare nisi ille, a quo Lex auctoritatem habet, vel ille, cui ipse commiserit; ita in præceptis, quæ sunt juris divini, nullus potest dispensare, nisi Deus, vel is, cui ipse specialiter commiserit.

Sic dispensatio generalis data ab Episcopo in his, quæ pertinent ad totam Ecclesiam, v. g. in festis solemnioribus universali Ecclesiæ consensu institutis, in observantia quadragesimæ & jejuniorum quatuor temporum: illa, inquam, dispensatio generalis est invalida & nulla; quia Episcopus non habet auctoritatem, supra Leges universali Ecclesiæ consensu constitutas.

Dixi, *Dispensatio generalis*; quia possunt contingere casus in aliqua Diocesi, v. g. penuria, sterilitas, & alia hujusmodi, in quibus Episcopus subditis suis declarare potest, quod Leges Ecclesiasticæ vel de jejuniis, vel de abstinentia in talibus circumstantiis non ligent.

Sic dispensatio data ab Abbate circa res pertinentes ad Jurisdictionem vel Episcopalem, vel Papalem est nulla; quia non habet auctoritatem circa ea, quæ ad Papam vel Episcopum pertinent.

Sic dispensatio data a Superiore vel politico, vel Ecclesiastico, v. g. a Rege, a Republica, a Papa, ab Episcopo in præjudicium tertie personæ, quæ jus habet naturale exigendi quod exigitur, est invalida & nulla; quia est contra jus naturale: v. g. qui sciens & volens juxta Leges promissit aliquid alteri, vel cum alio contraxit, non potest liberari ab illo promisso, vel ab illo contractu per solam politici Superioris dispensationem. Item qui juramento libere & non coacte spondit aliquid alteri, non potest ab hoc juramento absolvi a Superiore Ecclesiastico contra voluntatem illius, cui facta est promissio juramento firmata.

Sic dispensatio in votis simplicibus, in juramentis, in lege Ecclesiastica, vel civili facta a Confessario, qui habet solum in foro interno Jurisdictionem vel ordinariam ex vi Beneficii, ut Parochi, vel delegatam ex vi approbationis, ut simplices Sacerdotes approbati tantum ad audiendas confessiones, est nulla; quia non habet auctoritatem legitimam & Jurisdictionem contentiosam, quæ requiritur: ideo quando Confessarius reperit poenitentem vere ligatum vel voto, vel juramento, vere irritum vel excommunicatione sibi reservata, aut suspensione, aut irregularitate, non debet eum absolvere, quia non

est in statu, in quo possit recipere absolutionem; nec potest ei dispensationem concedere, quia non habet auctoritatem; sed debet poenitenti declarare, quod ei recurrendum sit vel ad Papam, si res sit de Jurisdictione Papali, vel ad Episcopum, si res sit de Jurisdictione Episcopali, vel ad Abbatem, si res sit de Jurisdictione Abbatis.

Consect. 3. Toties dispensatio est invalida & nulla, quoties datur ab inferiore Prælato circa ea, quæ Prælatus superior sibi iuste & legitime reservavit; quia post reservationem Prælatus inferior nec Jurisdictionem habet, neque auctoritatem.

Sic Episcopus non potest dispensare in his, quæ Papæ vel de jure, vel ex consuetudine reservantur; potest vero dispensare in his, quæ Papæ non reservantur.

Ithæc autem vota reservantur summo Pontifici; primo, omne votum solemne; secundo, votum perpetuæ castitatis; tertio, votum ingrediendi religionem approbatam; quarto, votum peregrinationis vel ad limina Apostolorum, vel ad Jerusalem, vel ad sanctum Jacobum. Ita D. Thom. 2. 2. q. 88. art. 12.

Papæ istæ pariter reservantur. 1. Dispensatio in impedimento matrimonium dirimentibus. 2. Dispensatio deducta ad forum contentiosum, immo occulta, quæ provenit ex homicidio voluntario.

Papæ reservantur casus sequentes juxta usum Ecclesiæ Gallicanæ. 1. Gravis & mediocris percussio Clerici, vel Monachi, ac violentia, si sit publice nota. 2. Simonia realis & confidentialis publice nota. 3. Crimen incendii ex deliberata malitia post denuntiationem Ecclesiasticam. 4. Rapina rerum Ecclesiasticarum cum effractione post denuntiationem Ecclesiasticam.

In prædictis votis & impedimentis matrimonialibus, & in dictis irregularitatibus Episcopus non potest dispensare; quia reservantur Papæ: in casibus similiter prædictis non potest absolvere; quia reservantur Papæ.

Sed Episcopus potest hæc omnia, quæ subsequuntur. 1. Dispensare in omnibus votis simplicibus, exceptis his, de quibus supra. 2. Dispensare in omnibus irregularitatibus occultis quantumvis olim reservatis; quia jam ex Triden. non reservantur. 3. Dispensare in quarto, immo tertio gradu affinitatis & consanguinitatis, si talis sit usus antiquus suæ Dioceseos, non aliter. 4. Absolvere in levi percussione Clerici publice nota, immo in gravi & mediocris non publice nota.

5. In incendio non denunciato. 6. In rapina rei Ecclesiasticæ sine effractione, vel cum effractione, si non sit denunciata.

Demum Episcopus potest vel dispensare, vel absolvere in reservatis Papæ, quando dispensandi, vel absolvendi non possunt facile ad summum Pontificem recurrere vel ob juvenilem, aut senilem ætatem, vel ob infirmitatem, vel ob pauperiem.

Sic propter similem rationem Confessarii sive habentes jurisdictionem ordinariam ut Curati, vel delegatam ut Sacerdotes approbati ab Episcopo, non possunt absolvere in tribunali pœnitentiæ a casibus Papæ reservatis; quia non habent auctoritatem, nec jurisdictionem circa illos: casus autem Papæ reservati, sunt quatuor supra dicti.

Confessarii non possunt pariter absolvere a casibus Episcopo communiter reservatis: casus autem communiter Episcopis reservati, sunt septem sequentes. 1. Clerici percussio levis. 2. Incendium non denunciatum. 3. Rapina in Ecclesia cum effractione non denunciata. 4. Crimen hæresis. 5. Duelum. 6. Violatio clausuræ regularis. 7. Abortus procuratus fœtus animati.

Confessarii non possunt similiter absolvere a casibus ab Episcopo sibi specialiter reservatis; quia non habent auctoritatem & jurisdictionem circa illos: casus autem specialiter Episcopo reservati sunt illi, quos quilibet Episcopus sibi reservat pro bono suæ Dioceseos, quos quilibet Confessarius teneatur scire. Hæc cursim attigimus, quia videbantur sequi ex principio supra statuto; sed ea fusius suo loco tractabimus.

S. V.

An licita sit dispensatio data sine causa in his, quæ pertinent ad jus naturale, vel positivum divinum, necessarium ad nostram salutem ex ordinatione Dei, & ex electione nostra.

Juxta omnes Authores dispensatio non potest vel dari, vel peti sine causa circa ea, quæ pertinent ad jus vel naturale, vel positivum divinum, inductum ex ordinatione Dei & ex nostra electione, qualia sunt vota & juramenta.

Probatur 1. Scriptura. Dispensans debet esse fidelis & prudens. Lucæ 12. Ergo dispensans debet habere aliquam causam, ut dispense.

2. Ex Bernardo ad Eugenium lib. 3. cap. 4. *Ubi necessitas urget, inquit, excusabilis dispensatio: ubi utilitas provocat communis, & non propria, est fidelis dispensatio; Ergo si*

Tom. I.

nulla dispensatio possit peti, vel dari licite sine causa, a fortiori ea quæ cadit in ea, quæ pertinent ad jus naturale vel positivum divinum, inductum ex ordinatione Dei & ex nostra electione.

3. Ratione. Dispensatio in votis & juramentis vel est relaxatio strictæ obligationis facta a legitimo Superiore, ut tenent quidam Canonistæ; vel est declaratio facta a legitimo Superiore, qua Superior legitimus declarat votum & juramentum in tali casu non obligare, ut explicat D. Thom. Atqui neutrum potest fieri sine causa: nam si Superior dispense, ut volunt Juristæ, cum nullum habeat jus circa jus naturale, quale est jus servandi vota & juramenta, non potest sine causa circa illud dispensare: & si Superior tantum declarat vota & juramenta in tali casu non obligare, ut explicat D. Th. talis declaratio non potest fieri pariter sine causa.

Demum, si dispensatio fiat per relaxationem, sive fiat per declarationem; & relaxans, & declarans esse debet minister fidelis ædificationem procurans, & non destructionem: ergo non potest dispensare sine justa causa.

Confessaria hujus Doctrinæ.

Confess. 1. Si Papa dispense in votis, & in juramentis sine ulla causa, dispensatio est illicita. De hoc ita D. Th. 2. 2. q. 88. a. 12. ad 2. *In manifestis*, inquit, *dispensatio Prælati non excusaret a culpa: puta si Prælati dispensaret cum aliquo super voto de ingressu Religionis, nulla apparenti causa obstante.* Ergo censet D. Th. quod dispensatio in votis & juramentis data sine causa est illicita, & non excusat a peccato. Cui concordat D. Bernardus scribens nepoti suo Epist. 1. ubi sic habet: *Quid tibi frustra quispiam blanditur de abolitione Apostolica, cujus conscientiam divina tener ligatum sententia?*

Confess. 2. Si delegatus a Papa dispense in votis, & in juramentis sine ulla causa, dispensatio est illicita; quia delegatus non habet majorem auctoritatem, quam Papa.

Confess. 3. In Congregationibus nuper erectis, qualis est Congregatio Doctrinæ Christianæ, Missionis, &c. in quibus subditi earum Congregationum eliciunt vota simplicia castitatis, paupertatis, obedientiæ, & juramentum in ea Congregatione perseverandi, vota, inquam, eliciunt simplicia, & juramentum dispensandum vel a summo Pontifice, vel a capitulo generali, vel a definitorio; dispensatio, inquam, illa vel data, vel petita sine ulla causa, est illicita, sive detur a Papa, sive a

H

capi-

capitulo generali, sive a definitorio; quia generaliter omnis dispensatio in votis, & juramentis debet fieri cum causa.

Consect. 4. Relaxatio juramenti perseverandi in dicta Congregatione, petita, vel data sine ulla causa, est illicita; quia juramentum illud non est merus contractus civilis, qui per mutuum contrahentium voluntatem rescindatur, vel merum juramentum, cujus vis relaxetur per concessionem Congregationis, in cujus utilitatem factum est, sicut juramentum promissorum relaxatur per concessionem illius, in cujus commodum fit; sed juramentum perseverandi in dictis Congregationibus est actus religionis, quo subditus Congregationis ingreditur talem statum potius quam alium, ut se Deo consecrat, ut sociari Ecclesiastica, scilicet, Congregationi spiritualiter serviat, & Ecclesiae utilior evadat, & ut firmius propositum illud figat, Deum vocat in testem juramenti sui: ergo juramentum illud non potest relaxari sine aliqua causa, quae cedat in bonum spirituale jurantis, in utilitatem spiritualem Congregationis, & in aedificationem Ecclesiae, ut docet D. Th. 2. 2. q. 89. a. 9. ad 2. ubi ait, quod cum illud, quod promittitur, cedit in honorem Dei, tunc ille, cui promittitur, non potest absolvere promittentem, quia promissio non est facta ei principaliter, sed Deo.

§. VI.

Quae causa requiratur, ut dispensatio sit licita in his, quae pertinent ad jus naturale & positum divinum, qualia sunt vota & juramenta.

Nota. Dicemus, ubi de voto & juramento, quod votum & juramentum non obligent quoties sunt de re, quae est vel mala, vel inutilis, vel majoris boni impeditiva, ut loquitur D. Th. 2. 2. q. 83. art. 9. Hæc tria suo loco explicabuntur. Hic jam quaeritur, quæ causa, quodve motivum movere debeat Superiorem ad dispensandum in votis & juramentis; ideo sit

Prop. unica. Triplex causa potest esse motivum dispensandi in votis & juramentis, scilicet utilitas spiritualis illius, qui dispensatur, bonum Ecclesiae, & promotio gloriæ Dei.

Probat. I. Scriptura. Videmus, quod in dispensatione, quæ facta est Corinthio incestuoso, cui non quidem votum, aut juramentum remissum est, sed remissa est poenitentiae pars, cui additus fuerat: videmus, inquam, ad triplicem illam causam attendisse Paulum; nam attendit primo ad bonum spirituale Co-

rinthii, ut denotat his verbis: *Ne forte abundantiori tristitia absorbeatur, qui ejusmodi est.* Secundo attendit ad bonum Ecclesiae, & gloriam Dei, ut denotat his verbis: *Nam ego quod donavi, si quid donavi, propter vos in persona Christi: & addit, ut non circumveniamur a Satana; non enim ignoramus cogitationes ejus.* Quæ omnia denotant, Paulum in hujusmodi remissione quævisse bonum spirituale Corinthii, bonum Ecclesiae, & gloriam Dei: ergo in dispensatione votorum & juramentorum debent Superiores simili motivo duci:

2. Ex D. Bernardo lib. 3. de Confid. ubi sic habetur: *Ubi utilitas provocat, dispensatio laudabilis est, utilitas dico communis, qualis est utilitas spiritualis illius, qui dispensatur, bonum Ecclesiae, & promotio gloriæ Dei; non propria, qualis est utilitas temporalis illius, qui dispensat, vel dispensatur. Nam cum nihil bonum est, idest, cum non intervenit triplex illa utilitas spiritualis; non plane fidelis dispensatio, sed crudelis dissipatio est, inquit idem Bernardus.*

3. Ratione. Dispensatio in votis & juramentis debet esse non in destructionem, sed in aedificationem: ergo hujusmodi dispensatio debet cadere in utilitatem spiritualem illius, qui dispensatur, in bonum Ecclesiae, in qua fit dispensatio, & in gloriam Dei, in cujus autoritate fit dispensatio.

Conseclaria hujus Doctrinae.

Consect. 1. Illicita est dispensatio in votis & juramentis, cum dispensans solam attendit utilitatem temporalem, quam ex tali dispensatione colligit. Primo, quia omnis dispensatio debet fieri gratis, juxta illud: *Gratis accepistis, gratis date:* quia ita jubet Tridentinum sess. 24. cap. 5. *Gratis a quibuscumque, ad quos dispensatio pertinebit, erit præstandum.* Secundo, quia ubi dispensatio vel in votis, vel in juramentis, vel in pænis pecunia emittitur, statim, ut monet Arnobius lib. septimo, via sceleribus aperitur. *Crescit enim, inquit, peccantium multitudo, cum redimendi peccati spes datur: & facile iur ad culpas, ubi est venalis ignoscendum gratia.*

Consect. 2. Illicita est dispensatio in votis & juramentis, quæ datur, non in utilitatem spiritualem illius, qui dispensatur, sed ad fovendam ejus negligentiam; quia maledictionem minuitur Deus Prælati omnibus, qui subditorum peccatis adulantur. Ideoque qui dispensatur, debet, ut ait Conc. Colonien- se, examinare, num a dispensatore quaerat *velamentum potius, quam medicamentum; licentiam*

tiam potius, quam scientiam; suavitatem potius, quam veritatem, ut ait Bernardus ep. 7.

Consequenter 3. Dispensatio est licita, quando causa spiritualis dispensandi est vel necessaria, vel sufficiens, vel dubia; quia tunc dispensans non agit sine causa. Causa est necessaria, cum reperitur major utilitas spiritualis, dando dispensationem, quam denegando; & tunc nedum potest, sed debet dari dispensatio; v. g. vovit quis castitatem, longo experimento constat, quod nequeat se continere; melius est, ut solutus a voto per dispensationem, legitimum matrimonium contrahat, quam ligatus voto turpibus scortationibus se detur. *Melius est enim nubere, quam uri*. Causa est sufficiens, cum æqualis reperitur utilitas spiritualis, dando dispensationem, quam denegando; v. g. vovit quis religionis ingressum, statim ac religionem cogitat vix est sui compos, tristitia afficitur, exercitiis spiritualibus vacare non potest; tunc dari & peti potest dispensatio, ut dispensatus pietatis exercitiis tranquillius vacet.

Causa dubia est, cum dispensans dubitat quid magis proficiat, an dispensationis concessio, an ejus negatio: tunc in tali dubio dispensans potest commutare votum in æquale, vel in melius bonum. *Si autem*, inquit D. Th. 2. 2. q. 88. a. 12. ad 2. *esset causa apparens dispensandi, per quam saltem in dubium verteretur, an licita sit dispensatio, nec ne, posset dispensatus stare in judicio Prælati dispensantis, vel commutantis votum; non tamen judicio proprio.*

§. VII.

An licita sit dispensatio data a supremo Legislatore, quando dispensatio est circa ea, quæ pertinent ad jus positivum.

Prop. 1. Juxta Panormitanum, Felinum, & alios, dispensatio data a supremo Legislatore, etiam sine causa, est licita: v. g. dispensatio data a Rege circa jus civile: dispensatio data a Papa circa jus Ecclesiasticum: valida est, inquit, & licita: talis dispensatio ex plenitudine potestatis; sed hæc sententia juxta alios graviores auctores est minus probabilis, & minus tuta. Itaque in praxi dicendum, quod dispensatio data sine causa, etiam a Legislatore supremo, circa jus positivum, est illicita: v. g. dispensatio data a Papa sine causa circa ea, quæ pertinent ad jus positivum vel generale, vel particulare. De Regia potestate non loquimur; quia circa id possunt esse rationes speciales.

Probatur 1. Ex Scriptura. Qui dispensat

in lege debet esse fidelis & prudens, juxta illud Luc. 12. *Quis, putas, est fidelis dispensator & prudens, quem constituit Dominus super familiam suam?* Infidelis erit dispensator, inquit D. Th. si non habet intentionem ad bonum commune; imprudens autem, si rationem dispensandi ignoret. 1. 2. q. 97. a. 4. in corp. Ergo supremus etiam dispensans, qualis est Papa in spiritualibus, non potest dispensare etiam in iure positivo sine causa, & sine cognitione.

2. Ex Trid. sess. 25. cap. 18. ubi loquens de dispensatione a Lege in certis casibus facienda, sic habet: *Quod siurgens justaque ratio, & major quandoque utilitas possulaverit, cum aliquibus dispensandum esse, id causa cognita, ac summa maturitate atque gratis a quibuscumque, ad quos dispensatio pertinebit, erit præstandum; aliter facta dispensatio subreptitia censetur.* Ergo dispensatio a quocumque data sine causa est illicita.

3. Ratione. Autoritas suprema, quam habet Papa circa spiritualia, venit a Deo; quæ autem a Deo sunt, ordinata sunt: ergo hæc potestas suprema est in ædificationem, & non in destructionem, ut dicit Paulus: ergo talis est, ut valeat, non quidem vigorem Legis destruere, sed cum causa suppetit, temperare.

Et sicuti Lex lata a supremo etiam Legislatore, si sit injusta, non obligat; ita dispensatio data a supremo dispensante, seu Papa, si sit injusta, non abolvit. Ratio est D. Th. 2. 2. q. 97. a. 4. in corpore.

Consequenter hujus Doctrinæ.

Illicita est dispensatio data sine ulla causa etiam a summo Pontifice circa ea, quæ sunt statuta a Canonibus universalium Conciliorum; licita vero, si detur cum aliqua causa justa. De hoc ita D. Bernardus lib. de Præcep. & dispensat. ubi citans Leonem & Gelasium sic habet: *Ubi necessitas non est, inconvertibilia Sanctorum Patrum manent decreta. Ubi necessitas non est, nullo modo Sanctorum Patrum constituta violentur.* Et inde inferit: *Ubi ergo necessitas fuerit, ad utilitatem Ecclesiæ, qui potestatem habet, ea dispense: ex necessitate enim fit mutatio legis.* De hoc idem fere habet Symmachus ad Anonium Episcopum Arelatensem scribens his verbis. *Quod sit præter regulam, inquit, modo sit ex justa causa, non infringit regulam, quam sola pervercia & antiquitatis contemptus dirigit. Nam quamvis a Patribus statuta diligentibus observatione, & observanti diligentia sint custodienda, nihilominus propter aliquod bonum de rigore Legis aliquid*

relaxatur: quod & ipsa Lex cavisset, si prænovisset. Et sepe crudele esset insistere Legi, cum observantia ejus esse prejudicialis Ecclesie videtur.

Illicita est pariter dispensatio data sine causa ab Episcopo circa ea, quæ statuta sunt per Synodum Dioecesanam; licita vero, si detur cum legitima causa.

Illicita est pariter dispensatio data sine causa ab Abbate circa ea, quæ sancita sunt per regulam; licita vero, si detur cum causa. De licita dispensatione sic loquitur Gosfridus Vindocinensis in opus. c. 5. *Dispensationes*, inquit, aliquando faciendæ sunt in Ecclesia; non quidem amore pecunie, vel quolibet humano favore, sed pia & misericordi intentione: tunc enim a Pastore Ecclesie dispensatio pie & misericorditer fieri dicitur, cum aliquid minus perfecte ad tempus fit ab illo, vel fieri permittitur, non voluntate sua, sed aliorum necessitate, ne ipsi videlicet fides Christiana periclitetur.

De illicita dispensatione sic loquitur Bernardus lib. de dispens. & præcept. c. 4. *Supra fratrum sane transgressionem*, inquit, non supra Patrum traditiones constituitur qui Abbas eligitur, mandatorum cultor, & ultor vitiorum. Arbitror namque sanctas illas observationes Prælatorum, providentiæ & fidei tuæ creditas, non subditas voluntati.

S. VIII.

Quæ causa requiratur, ut dispensatio data vel a Papa, vel ab inferioribus Prælatiis circa ea, quæ pertinent ad jus positivum, sit licita.

Prop. Ut dispensatio data vel a Papa, vel ab inferiori Prælato sit licita, sufficit, quod causa dispensandi sit proportionata & personæ & rei, circa quam fit dispensatio: v. g. quod causa sit communis, si dispensatio fiat circa Legem communem, quod causa sit particularis, si dispensatio fiat circa Legem particularem, quod usus sit communis, si dispensatio fiat circa rem, quæ solo usu & consuetudine constat.

Probatur. Tunc causa censetur justa, quando rei, cui comparatur æquiponderat: ergo dispensatio data circa Legem communem ob causam communem, circa Legem particularem ob causam particularem, circa rem sola consuetudine vigentem ob consuetudinem, debet censi justæ.

Conseclaria hujus Doctrinæ.

Consecl. i. Juxta D. Thom. illicita est dis-

pensatio data circa Legem communem & generalem sine causa communis & generali. En verba Sancti Doctoris 1. 2. q. 97. a. 4. ad 3. *Quando cum aliquo dispensatur, ut legem communem non servet, non debet fieri in præjudicium boni communis, sed ea intentione, ut ad bonum commune proficiat.*

Sic dispensatio data alicui nationi vel circa abstinentionem a carnibus, vel circa observantiam jejuniorum, vel circa celebrationem festorum, esset illicita, si non daretur ob causam communem.

Consecl. 2. Juxta D. de Marca lib. 3. Concord. cap. 14. & 15. Dispensatio data a summo Pontifice alicui singulari personæ circa Canones Conciliorum generalium, etiam sine causa publica, est valida & licita; dummodo hæc dispensatio non tendat ad labefactandam Ecclesie statum, sed sit causa aliqua particularis, quæ possit cedere in bonum ipsius Ecclesie: quia pro dispensatione circa personam particularem sufficit causa particularis.

Sic privatum meritum Ambrosii & Nestarii efficit, ut licet Neophiti, ordinarentur.

Sic ex cap. *Innovit* de electione, multa inducere possunt ad dispensationem, scilicet, litterarum scientia, morum honestas, vitæ virtus, & fama personæ. Sic cap. *Multa* de Præbendis: sublimitas & litteratura personæ potest esse causa dispensandi in pluralitate Beneficiorum. *Circa sublimes tamen & litteratas personas, quæ majoribus Beneficiis sunt honorandæ, cum ratio postulaverit, per sedem Apostolicam poterit dispensari*, inquit Canon.

Sic juxta eundem Dominum de Marca, licitæ sunt variæ dispensationes circa Canones Conciliorum universalium ex solo usu jam in Romana curia vigente; quia consuetudo legitima ex auctore, ex objecto, ex fine, ex modo, vim habet Legis.

Sic Episcoporum consecratio, quæ juxta Nicænam sine Metropolitano fieri non debet, post abrogatam Pragmaticam-Sanctionem inconsulto Metropolitano tribus Episcopis ad arbitrium Papæ committitur.

Sic duabus Ecclesiis adscribuntur frequenter Clerici contra Canones Concilii Chalcedonensis.

Sic pluralitas Beneficiorum contra Canones Lateranenses & Tridentinos ex dispensatione cum causa permittitur.

Sic novi Ordines Religiosi contra Concilium Lateranense ex dispensatione Papæ instituti.

Sic resignationes in favorem olim in Ecclesia incognitæ, solo usu, autoritate Papæ jam frequentissimæ.

Sic

Sic impedimenta matrimonii solo jure positivo Ecclesiastico indulta, per dispensationem Papæ tolluntur; adeo ut post talem dispensationem, & matrimonia habeantur valida, & liberi procreati censeantur legitimi.

§. IX.

De variis causis & motivis dispensandi & concedendi privilegia.

Causæ dispensandi ad sex reduci possunt capita. Primum est generalis quædam consuetudo, seu conducentia, ut loquitur Cyprianus. Sic nostro tempore facile dispensantur pœnitentes ab exercitio solemnioris pœnitentiæ, quam olim Episcopi insignioribus peccatoribus imponebant; & in hoc sequimur exemplum Cypriani, qui ita loquitur Epist. 35. ad Cornelium: *Remitto omnia; multa dissimulo, studio & voto colligendæ fraternitatis, etiam quæ in Deum commissæ sunt, non pleno judicio religionis examino: delictis plusquam oportet remittendis penæ ipse delinquo: amplexor prompta & plena dilectione cum pœnitentia revertentes, peccatum suum satisfactione humili & simplici confitentes.*

Secundum est amor pacis. Periculum schismatis motivum est dispensandi. Sic solebat pœnitentia olim remitti, quando periculum schismatis inerat, ut docet Aug. lib. contra Parmenianum; & quando timebatur, ne pœnitentes ab Ecclesia dicerentur, ut docet Basilii Can. 3. de quo ita Hildebertus Cenomanensis Episcopus relatus in Spicilegio Dacherii, Tom. 4. p. 250. *Multa, inquit, ex loco, ex tempore, differentiis fiunt; reditor Ecclesie numquam aut dissimulabit, aut faciet quæ accusat; cum viderit malum Schismatis imminere, Canonum scita mutabit; debet cessare censura, cum dissolvitur unitas, caritas læditur, pax vacillat.*

Tertium, utilitas vel fidelium, vel Ecclesiæ. Sic facile dispensantur hæretici a quibusdam Ecclesiæ observantiis, v. g. ab abstinentia ovorum, lacticiuorum, ut promptius ad Ecclesiam redeant. Exemplum dedit August. Epist. 50. restituens Sacerdotes lapsos in gradum pristinum. *Hoc non fieret, inquit, quoniam fieri non debet, nisi pacis ipsius compensatione sanaretur.* Hoc fecit pariter Cyprianus, qui Trophimum Episcopum lapsum in Idololatriam, recepit ad Communionem, quia cum tota sua plebe rediit ad Ecclesiam. Ita Cyprianus Epist. ad Antoninum. Id confirmat Bernardus his verbis, lib. de dispensat. & præcepto cap. 1. *Novi fidelis servus & prudens ibi tantum usurpare dispensationem, ut ille bonam possit habere recompensationem.*

Tom. I.

Quantum qualitas personæ est motivum dispensandi. Sic inter Magnates facile dispensatur in impedimentis affinitatis & consanguinitatis, matrimonium solo jure Ecclesiastico impediens: de quo ita Arnulphus Lexov. Epist. 26. ad summum Pontificem, ubi sic habet. *Tunc enim, inquit, in potestate judicis est mollire sententiam, & mitius judicare, quam Leges, cum rerum & personarum merita possulant, aut instantia necessitatis extorquet.*

Quintum. Multitudo est motivum dispensandi. Sic quando sunt multi in eodem reatu, facile cum illis dispensatur in his, quæ juxta rigidioris disciplinam essent observanda: de quo ita Innoc. I. Epist. 22. ad Episcopos Macedoniæ cap. 6. *Quoties, inquit, a populis, aut a turba peccatur; quia in omnes propter multitudinem non potest vindicari, inultum solet transire.*

Sextum. Religionis status est motivum dispensandi. Sic dispensantur Religiosi ab ea irreglaritate, quæ non provenit ex proprio delicto, v. g. ex defectu natalium; adeo ut filii Presbyterorum ex sola status religiosi professione promoveri possint ad Ordines sine dispensatione, ut habetur c. *Uti filii Presbyterorum*, de filiis Presbyterorum; sed non ad dignitates sive prælationes. Cap. *Nimis in tua*, eodem titulo.

§. X.

Quando nam cesset dispensatio & privilegium.

Dispensatio & privilegium debent cessare hoc ipso, quo præsumitur Superiorem nolle julte privilegium & dispensationem ulterius valere: nam sicuti Lex non ligat, nisi juxta rationalem intentionem Legislatoris; ita dispensatio & privilegium non debent valere, nisi juxta rationalem intentionem Legislatoris dispensantis.

Ideo in sequentibus casibus cessant dispensationes & privilegia.

1. Si per subreptionem fuerint concessæ, id est, per expressionem falsi, vel per obreptionem, id est, reticentiam veri; quia tum Superior, utpote deceptus, non censetur vellem dispensare. Cap. *Ex parte* de re scriptis.

2. Si dispensatio & re scriptum contrarietur constitutioni; & nulla fiat mentio constitutionis; nam tunc dispensatio præsumitur subrepta. Cap. *Cum nos*, de his, quæ sunt a Prælati sine consensu Capituli.

3. Si dispensatio tollat consuetudinem, ejusque mentionem non faciat; quia tunc Superior præsumitur deceptus. Cap. *Licet*, de constitutionibus in 6.

H 3

4. Si

4. Si dispensatio sit contra sententiam laicam, ejusque mentionem non faciat; nam tunc Superior præsumitur deceptus. Cap. *Inter dilectas*, de fide instrumentorum.

5. Si dispensatio detur lite pendente, & non fiat mentio litis; quia Superior præsumitur deceptus. Cap. *Causam*, de testibus.

6. Dispensatio cessat, cessante motivo principali dispensationis; quia cessat tunc ratio dispensandi. Cap. *Cum cessante*, extra de appellationibus.

Sic dispensatus in castitate, religione, juramento propter morbum, cessante morbo, non manet dispensatus; secus si ratio minus principalis cessaverit.

7. Cessat dispensatio & privilegium, cum nocet illi, cui concessum est; nam quod conceditur ob gratiam alicujus, non est in ejus dispendium retorquendum.

8. Dispensatio & privilegium cessant per revocationem expressam dispensantis, etiam si sine justa causa revocetur.

9. Cessat per renunciationem ejus, cui conceditur dispensatio. Cap. *numquam*. De decimis.

10. Amittitur privilegium per abusum; nam privilegium meretur omnino amittere qui permixta abutitur potestate.

§. XI.

Quid faciendum Confessario, ad quem accedit pœnitens, qui eget dispensatione.

Primo. Confessarius debet præmonere pœnitentem, eas dispensationes, in quibus vel verum reticetur, vel falsum adducitur, nullius valoris esse coram Deo, magisque nocivas animarum salutem, quam profuturas; quia omnis dispensatio conceditur sub hac conditione tacita, vel expressa: *Si preces veritate nitantur*: afferendumque est pœnitenti exemplum Ananiz & Saphiræ, qui subita morte perierunt, eo quod, inquit Scriptura, mentiti essent non hominibus, sed Deo.

Secundo. Confessarius post auditum pœnitentem de casu, circa quem dispensationem postulat, debet supplicationem, ut dicunt, efformare, in qua factum, circa quod petitur dispensatio, nitide & sincere exponatur, ut Superior dispensaturus clare cognoscat id, circa quod petitur dispensatio. Si pœnitens causas habeat petendi dispensationem, afferendæ sunt in supplicatione sine ulla fraude, sine ullo dolo; si vero nullam causam habeat, non excogitanda sunt motiva ficticia, sed dispensatio petenda est loco gratiæ.

Tertio. Confessarius debet supplicationem illam, in qua exponitur casus, circa quem petitur dispensatio, asserre Episcopo, vel ejus Vicario Generali, si dispensatio pertineat ad Episcopum; vel eam asserre ad expeditionarium, vel, ut dicunt, Bancarium Romanæ Curiz, si dispensatio pertineat vel ad Papam, vel ad Pœnitentiariam Romanam.

Quarto. Confessarius debet pœnitentem præmonere, necessariam omnino esse, ut observet singula, quæ in litteris dispensationis a Superiore dispensante præscribuntur.

Si casus sit occultus, & dispensatio detur vel ab Episcopo, vel ab ejus Vicario Generali, Confessarius debet in Sacramento pœnitentiæ pœnitenti dispensationem consecuto ea præscribere, quæ Superior dispensans ordinaverit.

Si vero casus sit publicus, & dispensatio danda sit ab Episcopo, debet scribi in charta, & Officiali offerri, & ab eo publicari, seu, ut dicunt, fulminari, ut ii, quorum interest, videant, an petentes dispensationem, falsum dixerint, vel verum necessario dicendum tacuerint.

Si casus sit publicus, & dispensatio detur a summo Pontifice, dispensatio scribitur in membrana cum sigillo plumbeo, & ad Officialem dirigitur, qui eam Bullam in Pronao publicat, seu, ut dicunt, fulminat, ut hi, quorum interest, videant, utrum petentes dispensationem falsum dixerint, vel verum necessario dicendum tacuerint.

Quinto. Confessarius delegatus vel ab Episcopo, vel ab ejus Vicario Generali, vel a Papa, vel a Pœnitentiaria Romana, delegatus, inquam, ad dispensandum aliquem, debet eum absolvere a peccatis, si indigeat, postea vero eum dispensare; & ut id faciat cum aliquo ritu ceremoniali, potest sequentem formam adhibere.

Eadem auctoritate declaro te absolutum; & dispensatum in dicto voto, quod eliciisti In dicto impedimento matrimoniali, quod contraxisti In dicta vel irregularitate, vel suspensione, vel excommunicatione, quam incurristi, in nomine Patris, & Filii, & Spiritus Sancti. Amen.

Et si velit ritum illum ceremonialem clarius adhuc exprimere, poterit naturam rei, in qua datur dispensatio, explicitè declarare hoc modo:

Declaro te dispensatum in voto Religionis, quod eliciisti, adeo ut possis licite remanere in seculo, & nubere in Domino In voto castitatis, quod eliciisti, adeo ut possis valide & licite matrimonium contrahere, debitum conjugale reddere,

dere, & exigere . . . In matrimoniali impedimento, adeo ut possis valide & licite matrimonium cum tali affini, vel cognato contrahere, & in eo debitum conjugale reddere, & exigere.

Ego eadem auctoritate absolvo te a vinculo vel excommunicationis, vel suspensionis, vel interdicti, vel irregularitatis, quam incurristi ob tale factum (hic asserendum est factum) & restituo te Sacramentis Ecclesie, communioni fidelium, executioni tuorum Ordinum, vel officiorum, vel beneficiorum, in nomine Patris, & Filii, & Spiritus Sancti. Amen.

§. XII.

Referuntur varia motiva, ob quæ dari solent dispensatio.

Dispensationes solent vulgo circa triplitem materiam peti, scilicet, 1. Circa vota. 2. Circa impedimenta matrimonialia, vel præcedentia matrimonium, vel supervenientia matrimonio jam contracto. 3. Circa excommunicationes, suspensiones, interdicta, & irregularitates.

Motiva dispensandi in voto, v. g. intrandi Religionem, sunt hæc, aut similia: paupertas parentum, v. g. patris, matris, fratris, sororis, quibus, qui vovit, posset in sæculo manens auxilium ferre: debilitas virium, ob quas vovens non potest onera religionis sustinere: metus incontinentiæ: defectus dotis necessariæ, ut recipiatur in religione.

Motiva dispensandi in voto perpetuæ castitatis sunt, metus incontinentiæ, graves circa luxuriam tentationes, &c.

Motiva dispensandi in impedimentis matrimonialibus, quæ matrimonium præcedunt, sunt hæc, & similia: extinctio litium vel odii, si matrimonium inter agnatos aut affines contrahatur: inæqualitas conditionum partium matrimonium contrahentium, nisi consanguineis, vel affinibus nubatur: defectus dotis competentis: arctitudo loci, quo fit, ut non nisi difficulter matrimonium inestur nisi vel inter cognatos vel affines: conservatio facultatum in eadem cognitione.

Motiva dispensandi in impedimentis matrimonialibus matrimonio jam contracto supervenientibus sunt hæc, aut similia: ablatio scandali, quod oriretur, si dissolveretur matrimonium: metus incontinentiæ vel in altero, vel in utroque conjugē, si uterque non haberet jus reddendi, & exigendi debitum conjugale.

Motiva dispensandi & absolviendi in excommunicationibus, suspensionibus, inter-

dictis, irregularitatibus sunt hæc, aut similia: sinceritas poenitentiae in eo, qui petit dispensationem: desiderium satisfaciendi parti læsæ: necessitas ministrorum Ecclesiae, & utilitas, quam Ecclesia percipere potest ex ministris dispensationem obtinentibus; melius est enim uti ministris, quibus dispensationes conceduntur, quam novos ministros ordinare, qui non ita utiliter Ecclesiae ministrarent.

§. XIII.

Varie formulæ supplicationum.

Laborant vulgo Confessarii in efformandis supplicationibus, quibus utendum est ad petendam dispensationem vel ab Episcopo, vel a Papa, vel a Poenitentiaria Romana; ideo placuit, exemplaria aliquot hujusmodi supplicationum hic apponere, ad quorum instar poterit quilibet juxta casum sibi propositum supplicationem cingere nomine sui poenitentis.

Formula supplicationis ad dispensationem obtinendam circa votum Papæ reservatum.

Beatissime Pater, devotus in Christo Filius N. N. *Hic apponi debet nomen oratoris, vel oratrici. Si casus sit occultus, apponitur solum nomen baptismatis. Si casus sit publicus, apponitur nomen & baptismatis, & familie.* Diocesis N. exhibet Sanctitati vestræ, quod natus anno N. *Hic apponi debet ætas, qua votum fuit elicatum.* Plena deliberatione votum elicitum. *Hic exprimitur natura voti, v. g. votum perpetuæ castitatis, votum intrandi Religionem approbatam, &c.* Idemque humilis orator supplicat Sanctitati vestræ, ut dignetur eum a tali voto gratiose absolvere, & illud in alia pietatis exercitia commutare. *Si orator vel oratrix motiva particularia habeant petendi dispensationem, hic apponi debent sine fuco & mendacio.* Hanc expectat gratiam humilis in Christo orator, si hæc motiva videantur Sanctitati vestræ sufficientia, cuius iudicio & auctoritati vult semper acquiescere. Datum N. die N. mensis N. anno N.

Formula supplicationis ad obtinendam dispensationem pro impedimento matrimoniali Papæ reservato, & matrimonium præcedente.

Beatissime Pater, devotus in Christo Filius N. N. *Hic apponi debet nomen & cognomen sponsi.* Diocesis N. & devota in Christo Filia.

H 4 Hic

Hic apponi debet nomen & cognomen sponsæ. Diœcesis N. scientes se esse in secundo, vel tertio consanguinitatis, vel affinitatis gradu, volunt tamen matrimonium inter se contrahere. Cum id nequeant juxta Canones sine licentia Sedis Apostolicæ, supplicant humiliter Sanctitati vestræ, ut dignetur hanc eis facultatem gratiose concedere. Si orator & oratrix motiva habeant petendi hanc dispensationem, hic apponi debent hæc motiva sine suco & mendacio: & exprimi debet, si sint nobiles, vel pauperes, an intervenit copula carnalis, & quo motivo, an ex sola passione, an ex desiderio facilius obtinendi dispensationem. Hanc expectant gratiam humiles in Christo orator & oratrix, si allata motiva videantur sufficientia Sanctitati vestræ, cujus auctoritati & judicio volunt semper acquiescere. Datum N. die N. mensis N. an. N.

Formula supplicationis ad obtinendam dispensationem pro impedimento matrimoniali Papæ reservato, & matrimonio jam contracto supervenienti.

Beatissime Pater, devotus in Christo Filius N. N. Diœcesis N. matrimonio conjunctus cum N. N. exhibet Sanctitati vestræ, quod matrimonio illi jam contracto supervenerit impedimentum publicum Sedi Apostolicæ reservatum. *Hic apponi debet natura impedimenti.* Idemque humilis orator supplicat Sanctitati vestræ, ut dignetur eum a tali impedimento absolvere, adeo ut possit valide & licite debitum conjugale & reddere, & exigere. Hanc expectat gratiam humilis orator a Sanctitate vestra, cujus judicio & auctoritati vult semper acquiescere. Datum N. die N. mensis N. anno N.

Formula supplicationis ad obtinendam absolutionem & dispensationem circa excommunicationem, suspensionem, interdictum, irregularitatem Papæ reservatam.

Beatissime Pater, devotus in Christo Filius N. N. Diœcesis N. exhibet Sanctitati vestræ, quod excommunicationem, vel suspensionem, vel interdictum, vel irregularitatem Sedi Apost. reservatam, ob tale factum incurrerit. *Hic debet sine suco & mendacio exprimi factum, ob quod lapsus est in excommunicationem, vel suspensionem, vel interdictum, vel irregularitatem.* Idemque humilis orator supplicat Sanctitati vestræ, ut dignetur eum a tali excommunicatione, vel suspensione, vel interdicto, vel irregularitate absolvere,

imposita congrua parti læsæ satisfactione, & salutari poenitentia. Hanc expectat gratiam humilis in Christo orator a Sanctitate vestra, cujus judicio & auctoritati vult semper acquiescere. Datum N. die N. mensis N. anno N.

Formula supplicationis exhibendæ Episcopo, vel Archiepiscopo, vel ejus Vicario Generali in casibus Sedis Apostolicæ non reservatis.

Reverendissime in Christo Pater, devotus in Christo Filius N. N. hujusce Diœcesis exhibet celsitudini vestræ, quod in casum inciderit Sedi Apostolicæ non reservatum, cujus absolutionem, vel dispensationem a Celsitudine vestra obtinere potest. *Hic exprimi debet casus sincere & sine suco, ut Ordinarius videat, an valeat circa talem casum auctoritatem suam exercere.* Motiva petendi hujusmodi dispensationem, vel absolutionem sunt hæc. *Hic afferri debent motiva, quæ habet orator petendi dispensationem vel absolutionem.* Hanc expectat gratiam humilis in Christo orator, si prædicta motiva videantur sufficientia Celsitudini vestræ, cujus judicio & auctoritati vult semper acquiescere. Datum N. die N. mensis N. anno N.

DE DECALOGO

PROOEMIUM.

Postquam de Lege generatim egimus, Decalogum explicandum aggredimur, qui primam & præcipuam Legis speciem nedum continet, sed etiam legum omnium fons est & summa: præcepta autem Decalogi habes sic descripta, Exod. cap. 20. v. 2. Ego sum Dominus Deus tuus. . . . Non habebis Deos alienos coram me. Non assumes nomen Dei tui in vanum. Memento ut diem sabbati sanctifices. . . . Honora patrem tuum, & matrem tuam. Non occides. Non mœchaberis. Non furtum facies. Non loqueris contra proximum tuum falsum testimonium. Non concupisces domum proximi tui. Nec desiderabis uxorem ejus, non servum, non ancillam, non bovem, non asinum, nec omnia quæ illius sunt.

Præcepta Decalogi in duabus tabulis fuere exarata, quarum prima continebat præcepta quæ Deum, secunda vero quæ proximum respiciebant. Quæ divisio sic potest ordinari.

In Decalogo præcipitur cultus immediatus erga Deum, & officium erga proximum, propter Deum.

Cultus immediatus erga Deum potest esse du-

duplex: internus & externus, qui posterior ab ipso recipiunt, & ad hoc statuitur præceptum de sanctificatione sabbati, in memoriam receptorum beneficiorum: *memento tuum adorabis, non habebis Deos alienos coram me*. Externus hoc præcepto dirigitur: *Non assumes nomen Dei tui in vanum*. Demum quales esse debeat cultus publicus hoc præcepto ostenditur: *Memento ut diem sabbati sanctifices*.

Officium exhibendum proximo propter Deum est duplex: externum & internum. Officium externum consistit in multis. 1. In mutuis officiis superiorum erga inferiores, & inferiorum erga superiores; quæ quidem officia declarantur his verbis: *honora patrem tuum & matrem tuam*. 2. In conservatione vitæ & salutis nostræ, & alienæ, quod docemur his verbis: *non occides*. 3. In conservatione castitatis, quod demonstrant hæc verba: *non machaberis*. 4. In conservatione rerum & possessionum proximi, quod utique monemur hoc præcepto: *non furaberis*. 5. In conservatione veritatis, quam illæsam conservat hoc mandatum: *non loqueris contra proximum tuum falsum testimonium*.

Officium vero internum erga proximum situm est in moderatione & rectitudine cupiditatum, ne quis expetat, aut cogitet aliquid contra præcepta priora; & internum ille affectus nobis satis aperte indicatur his verbis: *non concupisces*.

D. Th. 1.2. q. 100. art. 5. aliam insinuat Decalogi divisionem, quam juvat sic paucis contrahere. Decalogus, inquit, ordinat hominem ad quamdam communitatem hominum sub Deo. . . . sicut Lex politica ordinat hominem ad quamdam communitatem sub Principe. Ad hoc autem quod aliquis bene commoretur in aliqua communitate, duo requiruntur. 1. Ut bene se habeat ad eum qui præest communitati. 2. Ut bene se habeat ad alios socios communitatis. Ut autem homo bene se gerat erga Deum summum Regem, & erga omnes homines sibi socios, oportet quod in Lege divina primo ferantur præcepta ordinantia hominem & ad Deum, & ad alios, scilicet proximos simul viventes sub Deo.

Principi autem communitatis tria debet homo. 1. Fidelitatem. 2. Reverentiam. 3. Famulatum.

Fidelitas erga Deum consistit in eo quod honor principatus ad alium non deferatur; ideo dicitur: *non habebis Deos alienos coram me*. In hoc vero sita est reverentia Deo debita, ut nihil injuriosum in eum committatur; unde dicitur: *non assumes nomen Dei in vanum*. Famulatum autem Deo debent homines in compensationem beneficiorum, quæ

ab ipso recipiunt, & ad hoc statuitur præceptum de sanctificatione sabbati, in memoriam receptorum beneficiorum: *memento tuum adorabis, non habebis Deos alienos coram me*, ut diem sabbati sanctifices.

Ad proximos autem bene se habet aliquis & generaliter, & specialiter quidem, prout ad alios est debitor, eis reddendo debitam observantiam; & sic ponitur præceptum de honorandis parentibus: *honora patrem tuum*. Generaliter vero, ut nulli inferatur nocumentum corde, verbo, vel opere. Non quantum ad personam propriam, propter quod dicitur: *non occides*. Non quantum ad personam ipsi conjunctam, propter propagationem proles, unde additur: *non machaberis*. Non quantum ad res possessas, unde: *non furtum facies*. Quantum autem ad nocumentum cordis, dicitur: *non concupisces*. Et quantum ad nocumentum oris, additur: *non loqueris contra proximum falsum testimonium*.

DE PRIMO DECALOGI

PRÆCEPTO.

Primum præceptum Decalogi observatur, inquit Augult. Enchirid. cap. 3. *per fidem, spem, & caritatem*. Ideo ad explicandum primum præceptum de prædictis virtutibus sigillatim agemus. Cum autem virtus religionis conducat maxime ad observantiam primi præcepti Decalogi; ideo hic officia religionis breviter etiam exponemus.

Circa quamcumque ex illis virtutibus quatuor agemus.

1. Explicabimus quæ sit earum natura. 2. Quod earum objectum. 3. Quinam sint earumdem actus a christiano eliciendi. Denique quinam sint actus iis virtutibus oppositi.

TRACTATUS V.

De Fide.

CAPUT I.

De natura Fidei & de ejus assensu.

Assensus generatim est ad hæc intellectus ad verum.

Assensus est duplex: assensus ex propria convictione, assensus ex autoritate aliena.

Assensus ex propria convictione est ille qui procedit ex clara objecti propositi perceptione. Talis est actus, quo judico totum esse majus sua parte; adhæreo enim huic veritati, quia ita rem esse clare video.

Assen-

Affensus ex autoritate aliena est ille qui fundatur, non in clara objecti propostii perceptione, sed in autoritate dicentis. Talis est actus, quo assentior *Solem moveri*; non quia id clare video, sed quia Aristoteles, cui credo, illud dixit.

Affensus fundatus in autoritate humana non est ex se firmus; quia semper est timendi locus, ne ille, cujus autoritate nitimur, vel fallatur, vel fallat: ille assensus dicitur fides humana.

Affensus fundatus in autoritate divina est semper firmus; quia certum est, quod Deus non potest falli, nec fallere. Non potest falli, quia est infinite sciens: non potest fallere, quia est infinite bonus: hic assensus dicitur fides divina.

Fides divina est donum Dei, quo assentimur veritatibus nobis a Deo revelatis, & per Ecclesiam propostis. Duo sunt præcepta fidei: alterum affirmativum, alterum negativum.

Præceptum affirmativum fidei in eo positum est, ut homo addiscat veritates fidei, eisque assentiatur, atque easdem palam constiteatur, cum oportet.

Præceptum vero negativum vetat, ne ignoremus veritates fidei, ne his umquam interius dissentiamur, aut eas umquam negemus etiam exterius.

Fides alia est implicita, alia explicita. Fides explicita ea est, per quam cum actuali assensu & convictione aliquid directe credimus, cum actuali, non quidem clara, sed distincta objecti crediti perceptione. Talis est actus, quo convictus Deum esse unum & trinum, assentior interius Deum esse unum & trinum; certus enim sum lumine fidei, quod Deus est unus & non tres, & quod tres sunt personæ & non una solum.

Fides implicita est fides, per quam cum actuali assensu & convictione aliquid directe credimus, & in præparatione animi omnia alia, quæ proponuntur per fidem, sine actuali objecti crediti perceptione. Talis est actus fidei, quo directe credens Ecclesiam esse infallibilem, credo omnia, quæ revelantur nobis a Deo, & per Ecclesiam proponuntur, licet nec sigillatim nec distincte credenti nota sint.

Fides alia est formata, alia informis.

Fides formata, seu viva, est fides conjuncta cum caritate.

Fides informis, seu mortua, est fides separata a caritate.

Objectum fidei est illud omne quod fides attingit.

Objectum primum fidei est Deus obscure revelatus: objectum secundarium sunt myste-

ria omnia vel intra Deum, vel extra Deum existentia, quæ nobis obscure revelantur per fidem.

Objectum formale, seu ratio & motivum credendi, est veritas prima, quatenus revelans; quia nihil credimus, nisi quatenus Deus id revelavit.

Fides alia est habitualis, alia actualis. Fides habitualis est habitus inclinans ad actus fidei. Fides actualis est actuale exercitium fidei.

Exercitium autem actuale fidei est actus fidei vel elicited, vel imperatus. Actus elicited est ille, qui fit a sola fide elicited. Talis est actus, quo credimus Deum esse unum & trinum. Actus fidei imperatus est ille, qui fit a virtute distincta quidem a fide, sed ex motione & imperio fidei. Talis est actus, quo ex motivo fidei exercemus actus virtutum moralium.

C A P U T II.

Quodnam sit objectum fidei, seu quinam sint articuli credendi a quolibet fidei.

Prop. Omnes & singuli Christiani tenentur omnes & singulos articulos Symboli Apostolorum, saltem quoad substantiam, explicite credere.

Prob. 1. ex praxi Ecclesiæ, quæ ab omnibus catechumenis adultis, ante quam baptizentur, exigit, ut recitent Symbolum Apostolorum, & respondeant, an assentiuntur prædictis articulis; & cum hi, qui baptizandi sunt, usum rationis non habent, illud idem exigitur ab eorum patrinis & sponsoribus: ergo signum est, quod Ecclesia exigit ab adultis, quod credant explicite illos articulos.

2. Ex Patrum sententia. Apostoli ediderunt Symbolum. 1. Ut omnes unam eandemque fidei regulam omnibus populis proponerent. 2. Ut singuli fideles brevem hanc fidei formulam memorizæ mandarent facilius, ac frequentius profiterentur. 3. Ut brevi hac formula, veluti clypeo, adversus omnes hæreticorum fraudes præmuniri possent. 4. Ut signum, quo discernerentur fideles ab infidelibus, haberent; v. g. si quis occurreret statim recitando suum Symbolum, agnosceretur, an esset hostis, an socius: ergo ex his omnibus constat quemlibet fidelem teneri explicite prædictos Symboli articulos credere.

3. Ex Conciliis provinc. Concilium Forojulienſe sub Adriano 1. an. 791. post Symbolum fidei sic habet: *Symbolum vero & oratione*

nem Dominicam omnis Christianus memoriter sciat, omnis etas, omnis sexus, omnique conditio, masculi, feminae, juvenes, senes, servi, liberi, pueri, conjugati, inimpriaeque puella; quia sine hac benedictione nullus poterit in caelorum regno percipere portionem.

Conc. Moguntiacum an. 813. Can. 45. ait: *Symbolum, quod est signaculum fidei, & orationem Dominicam discere semper admoveant Sacerdotes populum Christianum. Volumusque, ut disciplinam condignam habeant qui haec discere negligunt, sive in jejuniis, sive in alia castigatione emendentur.* Et Conc. Rhem. an. 813. jubet, ut *Orationem, quam Dominus noster Jesus Christus discipulos suos orare docuit, verbis discerent, & sensu bene intelligerent; quia illam ignorare nulli Christiano licet.* Concil. Bituric. an. 1584. de fide Can. 7. sic habet: *Omnis Christianus prima fidei rudimenta, orationem Dominicam, salutationem Angelicam, Symbolum Apostolorum, & Decalogum studiose perdiscat.* Demum Augustodun. an. 1548. Can. 19. in medio, sic loquitur: *Qui Dominicam orationem, & Symbolum Apostolorum ex desidia, aut contemptu discere nolunt, poterunt, idest, debebunt a suo Confessore sacra Communionem prohiberi donec ea addiscant.*

Et quidem merito; etenim qui praedicta ignorant non excusantur: ideo enim ignorant, non quia difficile est, sed quia voluntas adversa est. Aug. in Psal. 35.

4. Ex D. Th. 2. 2. q. 2. a. 5. in corp. *Quantum ad prima credibilia, quae sunt articuli fidei, tenetur homo explicite credere, sicut & tenetur habere fidem: quantum autem ad alia credibilia, non tenetur explicite credere, sed solum implicite, vel in preparatione animi, in quantum paratus est credere quicquid divina Scriptura continet; sed tunc solum hujusmodi tenetur explicite credere, quando hoc ei constitit in doctrina fidei contineri.*

5. Ex Rat. Quando aliqua virtus est de precepto, determinatio actus virtuosius circa id, quod est objectum proprium & per se, est de precepto: minime determinatio actus virtuosius circa id, quod est objectum per accidens. Sic v.g. quando fortitudo est de precepto, actus quoque primarii fortitudinis, quales sunt aggredi hostes Reipublicae, eorum impetus sustinere, etiam cum periculo vitae, si hoc exigat bonum Reip. sunt de precepto: minime vero actus secundarii, quales sunt incedere armatum, vel inermem; illi enim actus non sunt de precepto, nisi tempore & loco. Cum ergo fides sit de precepto, ille actus erit de precepto, quo attingitur id, quod est per se objectum fidei: Symbolum autem Aposto-

lorum est per se objectum fidei: ergo credere explicite ea, quae sunt in Symbolo, erit de precepto. Ratio haec est D. Thom. loco citato.

Conseclaria bujus Doctrinae.

Consecl. 1. Non sufficit ad salutem fides Dei prout est author naturae, sed necessaria est ides Dei prout est author gratiae: Scriptura enim & Concilia exigunt fidem, juxta illud: *Sine fide impossibile est placere Deo.* Ad Hebr. 11. v. 6. *Ex fide justificat gentes.* Ad Galat. 3. v. 8. & juxta illud Trid. sess. 6. cap. 7. *Sine fide nulli unquam contigit justificatio: sed Scriptura & Concilia exigunt fidem, non qualemcumque, sed supernaturalem. Gratia, inquit Paul. ad Ephes. 2. v. 8. estis salvati per fidem, & hoc non ex vobis, donum enim Dei est.* Et Trident. anathema pronunciat in eum, qui dixerit: *Sine praeviente Spiritus Sancti inspiratione atque adjutorio hominem credere, sperare, diligere, aut penitere posse sicut oportet, ut ei justificationis gratia conferatur.* Sess. 6. Can. 3. Ideo damnata est ab Innoc. XI. & a Clero Gallicano sequens propositio: *Fides late dicta ex testimonio creaturarum, similis motivo ad justificationem sufficit.* Art. 3. Et quidem merito: nam si gratia justificans nos in terris, & clara Dei visio beatificans nos in caelis sit supernaturalis; fides disponens nos ad justificationem, & conducent nos ad gloriam debet esse pariter supernaturalis: dispositio enim est ejusdem ordinis cum forma, ad quam disponit, & medium ejusdem ordinis cum fine, ad quem conducit.

Consecl. 2. Non sufficit ad salutem credere in communi quicquid credit Mater Ecclesia, quia explicite credenda sunt praecipua mysteria fidei, ut patet ex dictis: illud enim damnatum est, ut refert Eymericus in directorio inquisitionis par. 2. q. 8. *Ostava, inquit, heresis est, quod Laicus non tenetur ad aliquem fidei articulum explicite credendum; sed sufficit sibi ista conclusio in genere, ut credat quicquid credit sancta Mater Ecclesia;* quia cum fides sit medium ad beatitudinem assequendam, aequum est, ut credat explicite quae futura sunt objectum primarium suae beatitudinis.

Consecl. 3. Non sufficit ad salutem credere in unum Deum explicite, sed insuper fides explicita de Deo ut remuneratore est simpliciter necessaria adulto, ut salutem consequatur, juxta illud: *Sine fide impossibile est placere Deo; credere enim oportet accedentem ad Deum, quia est, & inquirentibus se remunerator sit.* Heb. 11. v. 6. Ideo damnata est haec propositio

tio ab Innoc. II. Non nisi fides unius Dei necessaria videtur necessitate medii; non autem explicita remuneratoris. Quia, cum fides sit medium ad beatitudinem, omnis fidelis debet credere in Deum ut remuneratorem.

Consect. 4. Non sufficit ad salutem credere in Deum, ut remuneratorem, nisi fide explicita credamus Deum esse unum in essentia, & Trinum in personis, juxta illud: *Euntes docete omnes gentes, baptizantes eos in nomine Patris, & Filii, & Spiritus sancti.* Matth. ult. Baptizandi quippe cathecumeni docendi sunt Trinitatem: Ergo debent eam explicitè credere. Unde dicit D. Th. 2. 2. q. 2. art. 8. *Post tempus gratiæ divulgata tenentur omnes ad explicitè credendum mysterium Trinitatis:* quia, cum fides sit medium ad beatitudinem consequendam, æquum est, ut explicitè credamus in Deum, quatenus erit objectum nostræ beatitudinis; Deus autem beatos non efficit, non quatenus unus præcise, sed quatenus unus & trinus: *Videbimus enim eum sicuti est.*

Consect. 5. Fides explicita de Deo incarnato est ad salutem necessaria, juxta illud Joan. 3. v. 16. *Sic enim Deus dilexit mundum ut Filium unigenitum daret, ut omnis qui credit in illum non pereat, sed habeat vitam æternam:* & rursus: *Qui credit in Filium habet vitam æternam; qui autem incredulus est Filio non videbit vitam, sed ira Dei manet super eum.* Joan. 3. v. 36.

Consect. 6. Fides explicita de Christi morte & resurrectione & aliorum mysteriorum Christi, quæ vulgo cum solemnitate celebrantur in Ecclesia, ad salutem est necessaria, juxta illud: *Quia si confitearis in ore tuo Dominum Jesum, & in corde tuo credideris, quod illum Deus suscitavit a mortuis, salvus eris.* Ad Rom. 10. v. 9. Per mortem enim Christi redempti sumus, & per resurrectionem ipsius spem habemus resurgendi: ergo debemus hæc Christi mysteria explicitè credere, & alia quæ communiter in Ecclesia cum solemnitate celebrantur. Ideo ait D. Thom. 2. 2. q. 2. art. 7. *Post tempus gratiæ revelatæ tam majores quam minores, id est, tam Pastores, quam oves, tenentur habere fidem explicitam de mysteriis Christi, præcipue quantum ad ea, quæ communiter in Ecclesia solemnizantur, & publice pronuntiantur, sicut sunt articuli incarnationis.* Pro eadem sententia stat Aug. lib. 2. de peccato originali contra Pelagium & Cælestium cap. 24. *Sine fide incarnationis & mortis & resurrectionis Christi, nec antiquos iustos, ut iusti essent a peccatis, potuisse mundari, & Dei gratiæ iustificari, veritas scri-*

ptiana non dubitat: sive in eis iustis, quorundam Scriptura commemorat; sive in eis iustis, quos quidem illa non commemorat.... Sicut fuerunt Prophetæ.... Sicut fuit Job.

Ex quo satis intelligitur, quod fideles catholici sine salutis dispendio ignorare non possunt necessitatem baptismi & poenitentiae, realem Christi præsentiam in Eucharistia, post consecrationem non remanere panem & vinum sub speciebus sacramentalibus; nec fas est eos ignorare piam & non idololatricam esse eam invocationem & venerationem Sanctorum, quæ in universa exercetur Ecclesia, usumque indulgentiarum esse salutarem, Purgatorium existere, animas ibi detentas juvari posse Ecclesiæ suffragiis, & præcipue Missæ sacrificio; quia hæc omnia communiter in Ecclesia solemnizantur, ut utar verbis Divi Thomæ.

Consect. 7. Fides explicita de Sacramentis jam receptis, vel proxime recipiendis, est necessaria: quia Sacramentum debet ab adultis recipi cum debitis dispositionibus; dispositio autem primaria ad Sacramentum est fides Sacramenti. Quomodo autem sancte reciperetur id, cuius natura penitus ignoraretur?

C A P U T III.

De actibus Fidei a Christiano eliciendis.

NOta, actus fidei alios esse interiores, alios exteriores. Actus interiores fidei sunt, addiscere veritates fidei ad salutem consequendam necessarias, & easdem non ignorare, assentiri fidei veritatibus sufficienter propositis, & eisdem nunquam dissentire.

Actus fidei exteriores sunt, confiteri fidem cum oportet, & nunquam eam negare.

§. I.

De actibus interioribus Fidei.

Prop. 1. Non sufficit ad salutem, ut Christianus adultus habeat fidem habitualement; sed frequenter debet actus interiores fidei elicere vel explicitè, vel implicitè; per se quando obligatio oritur ex ipsa fide; per accedens, quando obligatio oritur ex alia virtute.

Prob. 1. Script. Rom. 10. v. 10. *Corde creditur ad iustitiam.* Hæc autem vox creditur denotat actum, & non solum habitum: Ergo ad salutem non sufficit solum habitus fidei, sed requiritur ut aliquando eliciantur actus fidei. Rursus dicitur Gal. 3. v. 11. *Tu-*

fuit ex fide vivit; fides ergo est nutrimentum animæ: Ergo sicuti tenetur homo, non semel, sed frequenter cibos sumere, ut vitam corporalem foveat; ita & homo fidelis tenetur, non solum semel, sed frequenter animam suam actibus fidei nutrire.

2. Ex Aug. serm. nunc 38. alias 235. c. 3. *Hoc est primum præceptum, hoc est initium religionis, & vitæ nostræ: fixum habere cor in fide: Ergo si fides est primum præceptum, debemus frequenter actus fidei elicere: Adde, quod sequentes propositiones damnatæ sunt a summo Pontifice & a Clero Gallicano, art. 8. Homo nullo unquam vitæ suæ tempore tenetur elicere actum fidei, spei, caritatis, ex vi præceptorum divinorum ad eas virtutes pertinentium.*

Fides non censetur cadere sub præceptum speciale secundum se. Satis est, actum fidei semel in vita elicere.

3. Rat. Ex D. Th. 2.2. q. 2. a. 5. *Præcepta legis, quæ homo tenetur implere, dantur de actibus virtutum, qui sunt via perveniendi ad salutem: rursus: Præcepta non dantur de habitibus virtutum, sed de actibus. 2.2. q. 31. a. 4. ad 1. Atqui fides est virtus necessaria ad salutem; Quia sine fide impossibile est placere Deo: Ergo aliquando actus fidei præcipitur, & non solus habitus fidei. Primi autem actus fidei sunt illi, quibus interiori Deo credimus.*

Conseñaria hujus Doctrinæ.

Conseñ. 1. Peccat quilibet homo sive baptizatus, sive non baptizatus, qui assecutus annos discretionis non credit Deum existeret; quia tunc ei interiori Deus proponitur ut existens, cum existentia Dei non possit invincibiliter ignorari. De hac obligatione ita loquitur D. Thom. 1. 2. q. 89. a. 6. ad 3. Dicendum, quod ab aliis peccatis mortalibus potest puer, incipiens habere usum rationis, per aliquod tempus abstinere: sed a peccato omissionis prædictæ, scilicet convertendi se ad Deum, non liberatur, nisi quam cito potest se convertat ad Deum. Primum enim quod occurrit homini discretionem habenti est, quod de se ipso cogitet ad quem alia ordinet sicut ad finem.... Et ideo hoc est tempus pro quo obligatur ex Dei præcepto affirmativo se convertere ad Deum, quo Dominus dicit: Conver-

timini ad me, & ego convertar ad vos. Zach. 1.

Conseñ. 2. Peccat quilibet homo sive baptizatus, sive non baptizatus, qui sufficienter edoctus mysteria fidei, eis non assentitur; quia actus fidei est assentiri rebus fidei quando proponuntur. Si autem adultus non sit sufficienter instructus, & inculpabiliter ignoret mysteria fidei, non peccat; quia juxta D. Th. infidelitas negativa excusatur a peccato 2. 2. q. 10. a. 1. in corp. ubi sic habetur. Si autem infidelitas accipitur secundum negationem puram, sicut in illis, qui nihil audierunt de fide, non habet rationem peccati, sed magis penæ; quia talis ignorantia divinorum ex primi parentis peccato consecuta est. Qui autem sit sunt infideles, damnantur quidem propter alia peccata, quæ sine fide remitti non possunt, non autem damnantur propter infidelitatis peccatum.

Conseñ. 3. Peccat quilibet homo sive baptizatus, sive non baptizatus, si sit sufficienter instructus, qui tentatus circa res fidei, non elicit tunc actum fidei (a), quia tunc tentatio non potest ut plurimum aliter vinci, & quia dubitare in fide est quædam infidelitas; ideo in illis tentationibus debemus dicere: Domine adauge nobis fidem. Luc. 17. v. 5. Credo Domine, adjuva incredulitatem meam. Mar. 9. v. 23.

Conseñ. 4. Peccat homo, qui in reliquis gravibus tentationibus nullos unquam actus fidei elicit; quia præcipuum remedium contra tentationes est fides, juxta illud: Induite vos armaturam fidei, ut possitis stare adversus insidias diaboli. Eph. 6. 11. & Aug. tract. 49. in Jo. ait disertis verbis: „Si fides in nobis, Christus in nobis: quando credimus, Christus est in nobis vigilans: quando non credimus, Christus est in nobis dormiens, ut dormiebat in Petri navi, quæ agitabatur fluctibus:“ ideo fidelis tentatus debet clamare cum Apostolis: Domine salva nos, perimus. Matth. 8. v. 15.

Conseñ. 5. Peccat qui obligatus elicere actum virtutis præsupponentis essentialiter virtutem fidei, v.g. actum spei, caritatis, orationis, &c. non prius elicit actum fidei vel implicitum vel explicitum (b), quia uti fides habitualis præcedit spem & caritatem habituales; ita & fides actualis præcedit actus spei, & caritatis, religionis, &c.... Ideo ait Aug. serm. 8. de decem plagis & præceptis

Do-

M O N I T A

Circa quædam, quæ Autori relegenti visa sunt explicatione indigere.

(a) Hoc debet intelligi, quando tentatio est gravis, & non potest aliter vinci; nam si tentatio non sit gravis, & vinci possit alio virtutis actu, tunc non urget præceptum fidei.

(b) Actus explicitus fidei est actus, quo assentior rebus propositis; actus vero implicitus est quædam interior dispositio, qua mens ita est affecta, ut sit propensa ad assentiendum his, quæ sunt proposita, vel quæ proponerentur ab Ecclesia.

Domini, cap. 10. *Inter omnes tamquam natos cordis nostri primogenita fides est; nemo enim bona operatur nisi fides præcesserit.*

Confess. 6. Peccat qui compos sui non elicit actum fidei circa Sacramentum quod recepturus est, v.g. Baptismum, Confirmationem, Eucharistiam, Pœnitentiam, Extremam-unctionem, Ordinem, Matrimonium; quia præcipua dispositio ad Sacramenta novæ legis est fides Sacramenti: de qua ita Aug. *Sine fide Catholica si quis ad baptismum accedit, idem dic de aliis Sacramentis, ipse contra se indulgentie januam claudit*, lib. 3. de symb. c. 10. & juxta Trid. Sacramenta sunt signa, per quæ omnis vera justitia vel incipit, vel capta augetur, vel amissa reparatur. Sess. 6. in præmio: Ergo, ut Sacramenta sint fructuosa, oportet saltem credere eam vim inesse Sacramentis.

Confess. 7. Peccat qui compos sui non elicit actum fidei in mortis articulo; quia tunc maxime vigent tentationes, ad quas vincendas requiritur præceptio fides. *Hæc est victoria quæ vincit mundum fides nostra*, 1. Jo. 5. v. 4. quia tunc maxime debemus ad Christum credendo accedere, dicentes cum Paulo: *Desiderium habeo dissolvi & esse cum Christo*, Phil. 1. v. 23.

Confess. 8. Peccat qui ita esset affectus, ut mysteriis revelatis nollet credere, nisi clare ea videret; quia fides debet esse de non visis. *Fides est argumentum non apparentium*, ad Hebræos c. 11. v. 1. & juxta Gregorium: *Divina operatio si ratione comprehenditur, non est admirabilis, nec fides habet meritum, cui humana ratio præbet experimentum*. Homil. 26. in principio. Fides est lucerna, quæ quidem lucet in caliginoso loco, & quæ contra in aperto obcuratur: sicuti fax radiis solaribus exposita lumen omne suum extinguit, in tenebrosis vero locis inclusa radios suos longe lateque dispergit.

Confess. 9. Peccat qui absolute renuit credere revelatis, vel non habet tam promptam voluntatem ad credendum, nisi moveatur humanis ratiociniis & argumentis. Etenim, ut ait D. Th. 2.2. q. 2. art. 10. *Ratio præcedens fidem minuit meritum fidei; ratio vero subsequens adauget meritum fidei*. Sicuti passio præcedens electionem in virtutibus moralibus minuit laudem actus virtuosus; passio vero subsequens adauget meritum. *Melior est fidelis ignorantia, quam temeraria scientia*, Aug. serm. nunc. 27. alias de verbis Apo. serm. 20. & Tertull. lib. de præscript. cap. 8. *Cedat curiositas*

fidei gloria saluti..... Adversus regulam nihil scire omnia scire est. (a) Et lib. de anima cap. 1. *Præstat per Deum nescire, quia non revelaverit; quam per hominem scire, quia præsumpsit.*

Confess. 10. Cum juxta August. tract. 29. in Joan. 10. 9. vet. edit. actus fidei sint credere Deum, credere Deo, credere in Deum; oportet ut frequenter nos ad hujusmodi actus excitemus, ut sic crescamos in fide, juxta illud Pauli ad Colos. 6. v. 10. *In omni opere bono fructificantes, & crescentes in scientia Dei*.

Credere Deum, ait Aug. est credere quia ipse est Deus. De illo actu loquitur Paulus, cum dicit: *Accedentem ad Deum oportet credere, quia est, & inquirentibus se remunerat* sit, ad Heb. 11. v. 6. & Joan. 6. v. 7. *Nos credimus, & cognovimus, quia tu es filius Dei*.

Credere Deo, est credere vera esse quæ loquitur. Aug. ibid. De illo actu loquitur Genesis 15. v. 6. *Credidit Abraham Deo*: & Exodus 19. v. 9. *Audiat me populus loquentem ad te & credat tibi in perpetuum*; & Eccles. 2. v. 6. *Credat Deo, & recuperabit te*.

Credere in Deum est diligere illum. Aug. ibidem. De illo actu dicitur 2. Paral. 16. v. 9. *Oculi Domini contemplantur universam terram, & præbens fortitudinem his, qui corde perfecti credunt in eum*; & cap. 20. *Credite in Dominum, & securi eritis*; & Joan. 6. v. 35. *Qui credit in me, non sitiet*.

Confess. 11. Hinc patet quam vana sit Quietistarum illusio, qui fidem, quia justus vivit, omni prorsus actione destituunt, eamque in mera quiete, ut ajunt, sitam esse contendunt; unde & a Sede Apostolica merito proscripta est sequens propositio: *In oratione opus est manere in fide obscura & universali, cum quiete & oblivione cuiuscumque cogitationis particularis ac distinctionis attributorum Dei ac Trinitatis; & sic in Dei presentia manere ad illum adorandum, & amandum, eique inserviendum, sed absque productione actuum; quia Deus in his sibi non complacet*. Ita in constit. Innoc. 1. r. quæ incipit *Celestis Pastor*, Prop. 21. & quidem nihil capitalius Scripturæ, Concilii, & Patribus adversatur; Scriptura enim docet: *Fidem esse argumentum, id est convictionem non apparentium*, ad Hebr. 11. v. 1. convictio autem mentis actionem exprimit, minime vero cessationem ab omni actu. Deinde Conc. Trid. sess. 6. Can. 4. anathema pronuntiat contra eos omnes, qui dixerint: *Liberum hominis arbitrium a Deo motum, & excitatum nihil cooperari*,

(a) Non excludo motiva credibilitatis; quin immo optimum puto ea addiscere, ea meditari; sed intendo solum, quod tota ratio credendi innitatur auctoritati divinx, & non humanis ratiociniis.

vi, assentiendo Deo excitanti, atque vocanti. Sed veluti inanime quoddam nihil omnino agere, mereque passive se habere. Demum Aug. cit. a D. Th. 2. 2. q. 2. a. 1. ait: *Credere est cum firmo assensu cogitare*: Ergo exercitium fidei in operatione, & non in celsatione ab omni-actu consistit.

Hinc patet etiam, fidei exercitium, quod Deus a nobis exigit, non in eo præcise situm esse, ut propositis mysteriis firmiter solum assentiamur; sed insuper requiri, ut eas exerceamus virtutes, ad quas fides inclinatur. Fides enim, inquit Jacob, sine operibus mortua est. Et Paulus docet hominem iustum fieri per eam solum fidem, quæ per caritatem operatur. Conc. vero Trid. anathema protulit contra eum, qui dixerit: *Hominem iustificatum... non teneri ad observantiam mandatorum Dei & Ecclesie; sed tantum ad credendum*. Sess. 6. Can. 20. & cap. 11. sic loquitur: *Nemo sibi in sola fide blandiri debet, putans fide sola se heredem esse constitutum, hereditatemque consecuturum, etiam si Christus non compatiatur, ut & congruatur*; propterea Apostolus ait: *Sic currite ut comprehendatis*. Item Princeps Apostolorum Petrus: *Satagite, ut per bona opera certam vestram vocationem & electionem faciat. Hæc facientes non peccabitis aliquando*.

S. I I.

De professione exteriori Fidei.

1. Prop. Tenemur ex præcepto affirmativo fidei profiteri coram hominibus veritates fidei, quando auctoritate publica interrogamur, & quoties honor Dei, & utilitas proximi ex nostro silentio privative, vel contrarie subtraherentur, ut loquitur D. Th. idest, *Fides non promoveretur cum deberet promoveri, & obex fidei non solum non tolleretur, sed etiam poneretur*.

Prob. 1. Script. Corde enim creditur ad iustitiam, ore autem confessio fit ad salutem: dicit enim Scriptura: *omnis qui credit in illum non confundetur*. Ad Rom. 10. v. 10.

2. Ex Patribus. Ambros. lib. 8. in Lucam prope finem ait: quod Christus interrogavit Zachæum ut crederemus, neminem nisi consentientem posse salvari. Et Aug. cont. mendac. cap. 6. ait: *Catholicam hanc autem veritatem Catholicus sicut in corde loquitur, quia ita credit; ita & in ore debet, ut ita prædicet*.

3. Rat. D. Th. 2. 2. q. 3. a. 22. *Confiteri fidem non semper, neque in quolibet loco est de necessitate salutis, sed in aliquo loco & tempore; quando scilicet per omissionem confessionis subtrahere-*

tur honor debitus Deo, & utilitas proximis impendenda: puta, si quis interrogatus de fide taceret; & ex hoc crederetur vel quod non haberet fidem, vel quod fides non esset vera, vel alii per huiusmodi taciturnitatem averterentur a fide; in huiusmodi enim casibus confessio est de necessitate salutis. Ideo damnata est hæc propositio: *Si a potestate publica quis interrogetur, fidem ingenue confiteri ut gloriosum consulo; tacere, ut peccaminosum per se, non damno*. Vide cens. Cleri Gallicani.

Conseſſaria huius Doctrinæ.

Conseſſ. 1. Tenemur etiam cum vitæ temporalis dispendio religionem nostram confiteri in sequentibus casibus.

1. Si a potestate publica vel publice, vel privatim interrogemus de fide; tunc enim maxime non debemus erubescere Evangelium: alias juxta Lucam 9. v. 26. Christus nos non agnosceret. *Qui me erubuerit, & meos sermones, inquit, hunc filius hominis erubescet, cum venerit in maiestate sua, & Patris & Sanctorum Angelorum*.

2. Cum ab impiis exercitia pietatis ridentur, tunc oportet audentius religionem exercere. Contra eos, qui in his circumstantiis negligunt fidem proſterti, affertur exemplum Pauli, qui ait de seipſo: *Non erubescio Evangelium*. Rom. c. 1. v. 16. Exemplum Davidis: *Loquebar de testimoniis tuis in conspectu Regum, & non confundebam*. Psal. 118. v. 48.

3. Quando fideles, vel infideles exterius aspernantur sacra & sancta, & ex confessione expectatur emendatio infidelium, vel fidelium vacillantium confirmatio in fide, quia talem confessionem exigit maiestas Dei, per talem confessionem honoranda, & utilitas proximi per eandem professionem procuranda. Vide D. Th. 2. 2. q. 3. a. 4. ad 2.

4. Præcepto Ecclesiastico expresso in Trident. sess. 24. cap. 12. & ex Constitutione Blesensi articulo 10. professio fidei edenda est in manus Ordinarii ab eo, qui Beneficium Ecclesiasticum suscipit, debetque in actis publicis hæc professio insinuari: & si agatur de dignitate, personatu, officio, vel præbenda Ecclesiæ Cathedralis, vel Collegiata, iteranda erit similis professio fidei coram Capitulo: faciendi vero ista fidei professio a presente ante aditam possessionem; ab absente autem, duobus saltem mensibus post sumptam possessionem.

2 Prop. Quando non interrogamur iuridice, & sumus extra illos casus, in quibus honor Dei, vel utilitas proximi contrarie subtra-

heren-

herentur, possumus prudenter ea præstare, quæ nos vel ab injusta citatione coram iudice vindicant, vel a præpostera confessione dispensant.

Prob. 1. Scriptura. Ecce ego mitto vos sicut oves in medio luporum: estote prudentes sicut serpentes, & simplices sicut columbæ. Matth. 10. v. 19. ergo, ut exipat Nicolaus de Lira: Aliquando prudenter declinanda est malitia persecutorum; sicut Paulus videns militiam Judeorum volentium eum interficere sine causa, appellavit Cæsarem. Act. 15.

3. Ex Clem. Alexand. Hanc autem confessionem operum sequitur etiam singularis confessio fidei, quæ fit apud potestates, si opus fuerit, & ratio impulerit. Clemens Alexand. lib. 4. Stromatum cap. 5. ergo hæc confessio fidei debet fieri prudenter.

3. *Rat.* Tunc solum actus alicujus virtutis est de præcepto, quando prudenter judicator necessarius ad finem caritatis; quia finis præcepti est caritas: ergo, cum extra prædictos casus confessio fidei non conducit vel ad honorem Dei, vel ad salutem proximi, confessio fidei non erit de præcepto. Ratio est D. Th. 2. 2. q. 3. a. 2. ad 1.

Confessaria hujus Doctrinæ.

Confess. 1. In persecutione contra Ecclesiam, fideles non tenentur sponte sua se offerre Tyranno, ut coram ipso fidem confiteantur; quia Christus non jubet ut adeamus Tyrannum, sed ut ducti fidem profiteamur. *Tradent vos.... ad Reges ducemini,* inquit Christus. Matth. 10. v. 18. Qui enim sese offert est audax & temerarius, & inconsulte se in manifesta pericula conjiciens. Clem. Alex. ibid.

Confess. 2. Si aliquis specialiter quæritur, ejusque præsentia non sit necessaria ad confirmandos fideles, potest fugere. Ita iussit Christus, dicens: *Cum autem persequerentur vos in civitate ista, fugite in altam.* Sic Elias sese abscondit a furore Jezabel. 3. Reg. c. 19. Sic Christus infans fugit in Ægyptum. Matth. 2. v. 15. Et vir factus abscondit se a Judæis volentibus eum occidere. Jo. 12. v. 36. Iam præstiterunt Apostoli. Idem factum cernimus a sanctissimis viris, Athanasio, Basilio, Sylvestro, &c. de quare Chrysost. ait serm. 151. *Fugiente Domino, fugere indignum non putet servus.* De eadem re sic loquitur Chrysost. serm. 151. *Martyr comprehensus debet tenere constantiam, non comprehensus debet fugere persecutionem; ut & persecutori indulgeat respiciendi tempus, & sibi tempus non auferat supplicandi.*

Confess. 3. Si Tyrannus liberum religionis exercitium nolit permittere nisi accepta pecunia, poterunt fideles eam pecuniam pendere, modo secreto fidem non negent, ut faciebant olim quidam libellatici; licet enim se argento ab injusta vexatione redimere. Id videtur docere Salomon Prov. 23. v. 8. *Redemptio anime viri, divitiæ suæ.*

Confess. 4. Peregrinando apud infideles possumus prudenter non prodere fidem: possumus uti rebus, vestibus, & signis nationi propriis, (modo non sint signa, & tessera professionis infidelitatis) id enim fecerunt Joseph & Daniel viventes inter infideles. *Penes nos quoque fideles,* inquit Tertullianus, *si necesse fuerit, poterit puerilis prætexta concedi, & puerilis stola; nativitas insignia, non potestatis generis, non honoris; ordinis, non superstitionis.* De idololatria cap. 18.

C A P U T IV.

De actibus fidei contrariis.

Prop. Peccant graviter quicumque eliciunt actus fidei contrarios: v. g. qui fidem negant, qui fidem impugnant, qui fidei propositæ dissentiant, & qui eisdem peccatis se exponunt.

Prob. Scriptura. De negatione fidei sic loquitur Matth. cap. 10. v. 33. *Qui autem negaverit me coram hominibus, & ego negabo eum coram Patre meo.*

De impugnatione fidei sic loquitur Paulus ad Rom. 2. v. 8. *Iis autem, qui sunt ex contentione, & non acquiescunt veritati, credunt autem iniquitati, ira & indignatio.*

De dissensu fidei sic loquitur Joan. 3. v. 18. *Qui non credit jam judicatus est.* De periculo exponendi se peccato sic loquitur Sapiens: *Qui amat periculum, peribit in illo.*

2. Ex D. Th. Sicut præcepta negativa legis prohibent actus peccatorum, ita præcepta affirmativa inducunt ad actus virtutum. 2. 2. q. 33. a. 2. in corp. Ergo sicut fides præcipit actus fidei, ita prohibet actus fidei contrarios.

3. *Rat.* Negare fidem, impugnare fidem, dissentiri fidei, exponere se periculo perdendi fidem, sunt actus contrarii virtutis Theologicæ: ergo sunt peccata ex suo genere mortalia.

Confessaria hujus Doctrinæ.

Confess. 1. Peccant mortaliter qui interrogati vel privatim, vel publice, verbis, vel nutibus suam negant religionem, ut se e-

manibus tyrannorum eripiant; de quibus sic Aug. serm. 179. *Quid prodest corde credidisse ad iustitiam, si os dubitat proferre id quod corde conceptum est? Intus fidem Deus videt, sed parum.... Egrote quomodo sanaberis, qui de medicamento tuo rubescis?* Ita Augustinus citatus a Natali Alexand. de Decalogo Reg. 15.

Confess. 1. Peccant pariter gravissime qui interrogati vel privatim, vel publice, verbis, vel nutibus, vel factis falsam religionem simulat, quamvis interius veram religionem se retinere & retenturos proponant; etenim simulatio falsæ religionis est quædam negatio veræ fidei, & mendacium perniciosum, quo honor Deo debitus violatur, & infertur scandalum proximo; ideo damnati sunt Hellesæritæ & Libellatici, qui putabant licitum esse simulare falsam religionem, ut effugerent tyrannorum persecutionem. Confessionis fidei exemplum habemus egreium in Eleazar, qui mori maluit, quam aliquid contra Judaicam religionem simulare. *Non enim, inquit, ætati nostræ dignum est fingere, ut multi adolescentium arbitantes Eleazarum nonaginta annorum transisse ad vitam alienigenarum, & ipsi propter meam simulationem decipiantur, & per hoc maculam atque execrationem meæ conscientie conquiram. Nam etsi in præsentem tempore supplicis hominum eripiar, sed manum Omnipotentis nec vivus nec defunctus effugiam.* 2. Machab. cap. 6. v. 14.

Confess. 3. Peccant gravissime qui nec privatim nec publice interrogati, ut cautius veram religionem occultent, utuntur ceremoniis & ritibus falsæ religionis: v. g. ritibus Paganorum apud Paganos, Judæorum apud Judæos, Mahumetanorum apud Mahumetanos: vestiuntur indumentis destinatis ad profitendam falsam religionem, v. g. vestibus Sacerdotalibus, vestibus in quibus depingitur aut idolum quod adorandum proponitur, aut aliquid aliud ad religionem pertinens; quia usus ille exterior rituum falsæ religionis, quamvis vera religio interius retineatur, non potest in dictis circumstantiis non haberi tamquam falsæ religionis protestatio, & veri Numinis negatio. Ideo Sedes Apostolica an. 1643. proscripsit praxim quorundam apud Sinas Missionariorum, qui contendebant licere Christianis adorationem idolis exhibere, modo adorantis intentio dirigeretur ad verum Deum depictum in imagine, quæ vel sub adorantis vestibus, vel in altari prope idolum latitat. Simile quid vituperat Dominus in Assiriis Samariam missis, qui cum colerent Dominum, diis quoque suis serviebant juxta consuetudinem gentium. 4. Reg. cap. 17. v. 33. Il-

lud idem reprobat Paulus 2. ad Corinth. 6. v. 15. his verbis: *Quæ autem conventio Christi ad Belial? aut quæ pars fidei cum infidelis? qui autem consensus templo Dei cum idolis?*

Confess. 4. Non excusantur penitus a peccato qui degentes apud infideles, veriti ne interrogentur de religione, semper omitunt solita Catholicæ religionis indicia: v. g. diebus jejunii non jejunant, diebus Veneris & Sabbati manducant carnes, ut non dignoscantur tamquam Catholici, quamvis interius in corde veram religionem retineant; quia ommissio illa est perpetua veræ religionis occultatio, & quasi falsæ religionis professio. Vide dicta de Lege.

Confess. 5. Gravis peccati rei sunt qui oppugnant id, quod universa tenet Ecclesia, sive per praxim omnium fidelium, sive per Concilium generale, sive per summum Pontificem mentem suam aperiat. 1. Quia universa Ecclesia est infallibilis in rebus pertinentibus ad fidem & bonos mores; est enim sponsa Christi per fidem, sicut scriptum est: *Desponsabo te mihi in fide.* Christum habet semper præsentem. Ecce ego vobiscum sum usque ad consummationem sæculi. Matthæi ult. v. 20. Habet Spiritum Sanctum docentem omnem veritatem, juxta illud: *Ille docebit vos omnem veritatem.* Jo. 16. v. 13. ideo dicitur a Christo, Matt. 18. v. 27. *Si autem Ecclesiam non audierit, sit tibi sicut ethnicus & publicanus.* Tales sunt 1. Hæretici, qui fidei Ecclesiæ pertinaciter contradicunt.

2. Schismatici, qui se ab universali Ecclesia per inobedientiam separant.

3. Apostatæ, qui a statu fidei temerarie recedunt.

Confess. 6. Peccant gravissime homines illi perveraces & opiniosi, qui fidem Christianam sufficienter propositam non admittunt: quique eam, quam a Deo per Prophetas, per Christum, per Apostolos edocti sumus religionem, morosius quam par est ad examen revocant, huicque parere renunt. Injuria quidem; quid enim abrogatur fides huic religioni, quam tot miracula comprobant, tot sæculorum consensus firmat, tot Prophetarum oracula demonstrant, tot Martyrum sanguis obsignat, quam tot eruditorum hominum scripta ita certam & indubitam efficiunt, ut plusquam satis superque examinata habenda sit? quæque demum prædicata non in humanæ sapientiæ verbis, sed in simplicitate sermonis, in mundo suscepta est, invita Imperator. autoritate, contradicente Philosophorum. sapientia, sevientem demonum invidia, & repugnantem singulorum hominum natura; quæ tam obscura

myſteria, ut crederet, tōtque virtutes primo aſpectu ab humanis ſtudiis ita alienas exerce- ret, aut tam inſperatam ſalutem expectaret, citra miraculum adduci non poterat. Ergo inexcusabiles omnino qui fidem Chriſtianam ſufficienter propoſitam non admittunt.

Hi ad tres claſſes reducuntur a D. Thom.

2.2. q.1. a. 5. Prima claſſis eſt eorum, qui re- nitentur fidei nondum ſuſceptæ: & talis eſt infidelitas Paganorum, ſive Gentilium.

Secunda eſt eorum, qui renitentur fidei Chriſtianæ ſuſceptæ in figura: & talis eſt infidelitas Judæorum.

Tertia eſt eorum, qui renitentur fidei ſuſceptæ non ſolum in figura, ſed in ipſa manifeſtatione veritatis, qualis haberi poteſt in terris: & talis eſt infidelitas hæreticorum, ac proinde in ſtatu damnationis ſunt iſti omnes, quos hic ſubjicio.

Atheus qui negat Deum exiſtere. Deïſta qui negat Deum eſſe trinum. Politeïſta qui negat Deum eſſe unum. Arrianus qui negat Verbum eſſe Patri conſubſtantialem. Sabel- lianus qui negat Perſonas divinas eſſe inter ſe diſtinctas. Demum quicumque hæreticus, qui ſufficienter de doctrina Chriſti inſtructus, negat pertinaciter aliquid eorum, quæ ut cre- enda ſancta & univerſalis proponit Eccleſia. Quod peccatum infidelitatis quam graviſſi- mum ſit, accipe his verbis Apoſt. ad Tim. 1. c. 6. v. 3. *Si quis aliter docet, & non acquieſcit ſanis ſermonibus Domini Noſtri Jeſu Chriſti, & ei quæ ſecundum pietatem eſt doctrinæ, ſuper- bus eſt, nihil ſciens, ſed langueas circa queſtio- nes & pugnas verborum.* Et D. Th. 2.2. q. 10. a. 3. *Tanto aliquod peccatum eſt gravius, quanto per ipſum homo magis a Deo ſeparatur; per infide- litatem autem maxime homo a Deo elongatur, qui non veram Dei cognitionem habet, ſed fal- ſam; per falſam autem cognitionem ipſus non appropinquat Deo, ſed magis elongatur.*

Conſecl. 7. Peccati lethalis reatum incur- runt etiam quicumque, exponunt ſe aperto pe- riculo imbibendi errores fidei contrarios vel converſando cum infidelibus, vel cum eis di- ſputando, vel eorum libros legendo & reti- nendo, vel eorum templa adeundo. Sic

1. Peccant non quidem firmi, ſed infirmi, qui ſine neceſſitate & cum probabili ſubver- ſionis periculo civile etiam commercium ha- bent cum infidelibus: de quibus ita loquitur D. Thom. *Si aliqui fuerint firmi in fide, ita quod ex communione eorum cum infidelibus con- verſio infidelium magis ſperari poſſit, quam fide- lium a fide averſio, non ſunt prohibendi infide- libus communicare, qui fidem non ſuſcep- erunt, ſcilicet, Paganis vel Judæis, & maxime ſi ne-*

ceſſitas urgeat: ſi autem ſint ſimplices, & in- firmi in fide, de quorum ſubverſione probabi- liter timeri poſſit, prohibendi ſunt ab infide- lium communione, & præcipue, ne magnam familiaritatem cum illis habeant, vel abſque neceſſitate eis communicent. 2.2. q. 10. art. 9. de quo nos ita præmonet Paulus: *Neſciitis quia modicum fermentum totam maſſam cor- rumpit.* 1. ad Corinth. 5. v. 6.

2. Peccant non quidem docti, qui diſpu- tant cum infidelibus zelo defendendæ verita- tis, ſed indocti, qui vel indiſcreti zelo, vel dubii in fide, diſputationem cum eis ineunt; quia ſe exponunt periculo ſubverſionis: de quibus ſic loquitur D. Th. 2.2. q. 10. a. 7. *Ex parte diſputantis conſideranda eſt intentio; ſi enim diſputet tanquam de fide dubitans, & verita- tem fidei pro certo non ſupponens, ſed argumen- tis experiri intendens, procul dubio peccat tan- quam dubius in fide, & infidelis: ſi autem diſpu- tat aliquis de fide ad conſutandum errores, vel etiam ad exercitium, laudabile eſt. Quod ita debet intelligi, modo abſit omne pericu- lum ſubverſionis.*

3. Peccant qui libros hæretica dogmata continentes retinent, legunt abſque Superio- rum licentia: immo qui retinent, legunt cum licentia Superioris, ſi advertant ex illorum le- ctione ſibi imminere periculum ſubverſionis; quia exponunt ſe periculo infidelitatis: ideo utrique tenentur illos libros Superioribus dare, aut comburere ex conſilio prudentis viri, qui de illa librorum utilitate, aut inutilitate judicabit; uti factum legimus a primis fide- libus. Multi ex his qui fuerant curioſa ſectati, contulerunt libros & combuſſerunt eorum omni- bus. Aſt. 19. v. 19. Eaque fuit conſans Eccle- ſiæ praxis, ut libros pernicioſos igni addiderit.

Sic juſſu Concil. Gener. 5. Coll. 8. combu- ſti ſunt libri hæreticorum. *Ambulabitis, in- quiunt Patres alloquentes hæreticorum ſcri- ptas, in lumine ignis veſtri, & per flammam quam accenditis.* Et in Concilio Romæ habito, ut reſert Anaſtaſius S. R. E. Bibliothecarius in Adriano II. *Liber Fotii in ignem conſectus eſt; & cum ſorte locus inundatione pluvix naturali- ter debuiffet extingui, ad pluviam quaſi ad gut- tas olei flamma convulſit. . . . Et miraculi ſtu- por omnium corda reſolvit.* Combuſtos pariter fuiſſe juſſu Eccleſiæ libros Berengarii docet Lanfrancus, lib. de corpore & ſanguine Chri- ſti. Simile experta ſunt ſententiam, D. Bernardo procurante, Abailardi ſcripta, ut docet Gauſfredus in vita Bern. lib. 3. c. 5. *Apo- ſtolicus præſuſ, inquit, ſcripta incendio, ſcripto- rum ſilentio condemnavit.* Conſtantinus Impe- rator Porphyrii & Arrii libros comburendos juſſit

fuisset; Theodosius vero & Valentinianus Nestorii libros voverunt sollicitè inquiri, & publice cremari. Denique hanc habes legem contra impios libros, Novella 42. tit. 21. *Amputatio manus, qui hæc scripserint, pœna erit.* Videant ergo qui libros prohibitos nihil verentur aut retinere, aut legere, quanta cum cautione Ecclesia mala hinc nascentia præcavere voluit & impedire: & observent quod iussit Tridentinum statutis circa hoc decem regulis. Has consule. Hæ regulæ eo tendunt, ut libri prohibiti non legantur nisi ab his qui licentiam habuerint, & hi libri prohibiti censeantur qui sunt vel contra fidem, vel contra bonos mores, quique vel a Concilio, vel a Papa, vel ab Ordinariis damnati sunt.

4. A fortiori peccant quicumque habent nudum civile, sed etiam religiosum commercium cum infidelibus & hæreticis; quia rem naturæ suam malam faciunt. Tales sunt qui adeunt templa infidelium, v.g. Paganorum, Judæorum, Mahumetanorum, eorumque ritibus intuantur, quæ enim societas lucis ad tenebras, quæ autem conventio Christi ad Belial? 2. ad Cor. c. 6. v. 14. Tales sunt qui adeunt templa hæreticorum eorumque ritibus interfunt; v.g. recipiunt baptismum a Calvinistis, aut Lutheranis, vel cœnam cum ipsis celebrant.

CAPUT V.

De Hæresi, Schismate, & Apostasia.

Nota 1. Hæreticus ab hæresi, idest electione, dictus, est ille, qui sibi eligit doctrinam singularem a sensu Catholicæ Ecclesiæ alienam, eamque pertinaciter defendit. Cap. hæresis 24. q. 3.

Nota 2. Schisma est baptizati discessio ab unitate Ecclesiæ, retenta Christianæ fidei professione, rejecta vero unitate disciplinæ: ita Dominus de Marca de Concordia Sacerdotii & Imperii lib. 4. c. 8.

Nota 3. Apostasia generatim est recessus ab aliquo statu sancto. Apostasia est triplex: a Fide, a Monachatu, ab Ordine.

Apostasia a Fide est cum fides Christiana deseritur, & hæc apostasia subjicitur iidem pœnis quibus hæresis.

Apostasia a Monachatu est cum status religiosus deseritur; & subjicitur excommunicationi ob habitus dimissionem.

Apostasia ab Ordine est cum Ordo sacer deseritur, & fit reditus ad statum sæcularem. Sed quia circa talem materiam sæpius erratur ex zelo, qui non est secundum scientiam, multi reputantur hæretici aut schismatici, qui tamen nec schismatici sunt, nec hæretici; ideo hæc materia paulo fufius agitando est.

S. I.

De his quæ requiruntur, ut quis possit dici hæreticus.

Nota. Certum esse ex Scriptura multos vocari hæreticos, qui tamen veri sunt Catholici. Nam Paulus factus Christianus, tamquam hæreticus accusabatur a Judæis, ut constat ex Actis c. 24. v. 14. *Confiteor autem hoc tibi, quod secundum sectam, quam dicunt hæresim, sic deservio Patri, & Deo meo, credens omnibus quæ in lege & Prophetis scripta sunt.* Ideo operæ pretium est hic statuere quæ requirantur, ut quis dicatur hæreticus. Duo ad illud crimen incurrendum requiruntur. 1. Pertinacia ex parte personæ. 2. Contrarietas ad fidem ex parte opinionis, quæ propugnatur. Quorum si alterum delit non erit hæresis. Ideo fit

1. *Prop.* Ut aliquis dicatur hæreticus, requiritur ex parte personæ, quod sit pertinax in tuenda sententia, quæ fidei contradicit.

Prob. 1. Ex Script. *Hæreticum hominem post unam & secundam correctionem devota, sciens, quia subversus est, qui hujusmodi est.* ad Tit. 3. v. 10. Ergo supponit Paulus requiri pertinaciam, ut quis pro hæretico habeatur, cum non nisi post unam aut alteram correctionem vitandum præcipiat.

1. *Ex Aug.* Qui sententiam suam quamvis falsam atque perversam nulla pertinaci animositate descendit, præsertim quam non audacia sua præsumptionis perceperunt, sed a seductis & in errorem lapsis parentibus acceperunt, quæ erunt autem cauta sollicitudine veritatem, corrigi parati cum invenerint. nequaquam sunt inter hæreticos deputandi. Habetur in decreto 24. q. 3. c. *Dixit Apost.* Idem docet D. Th. 2. 2. q. 11. a. 2.

3. *Rat.* Hæreticus venit a voce Græca hæresis, quæ idem sonat ac electio cum pertinacia propugnata: Ergo ad hoc, ut quis dicatur hæreticus, debet esse pertinax.

Confessaria hujus Doctrinæ.

Confess. 1. Attente distinguendum est inter personam & scripta: nam persona potest esse hæretica, & scripta Catholica: item scripta possunt esse hæretica, & persona Catholica. Persona erit Catholica, si se humiliter Ecclesiæ subiciat. Scripta erunt Catholica si nihil contra communem Ecclesiæ sensum contineant.

Sic persona Origenis Catholica habetur a pluribus auctoribus, quamvis multa ejus scripta sint erronea: persona est Catholica,

quia humiliter censuit obediendum esse revelationi; scripta vero sunt erronea, quia multos errores continent vel ex errore Originis, vel ex malitia hæreticorum.

Sic persona Tertulliani est hæretica, & multa ejus scripta catholica: persona est hæretica, quia pertinaciter Ecclesiæ resistit lapsus in Montanismum; scripta vero ejus quam plura sunt catholica, quia multa solide scripsit antequam laberetur in hæresim.

Consect. 2. Non statim habendus est ut hæreticus auctor aliquis, eo quod hæreseos accusetur, sed prius attente examinandum est, an dogmata fidei contraria pertinaciter docuerit: hoc est enim insignium virorum satum quod hæreseos accusentur, ut illorum persona, vel illorum libri, etsi Ecclesiæ utiles, contemnuntur. Sic olim Meletius accusatus est ut Sabellianus ab Arrianis. Sic sanctus Basilius accusatus est quasi Triteita, eo quod tres hypostasies admitteret. Sic sanctus Hieronymus accusatus est damnare matrimonium, eo quod cælibatum matrimonio præferret. Sic Augustino impositum est, quod negaret libertatem, eo quod admitteret gratiam: vel quod damnaret nuptias, eo quod admitteret transgressionem peccati originalis.

Monitum observandum hic. Qui falso accusantur hæreseos, debent statim totis viribus eniti, ut calumniam illam a se depellant; quia quilibet debet habere curam suæ famæ: *curam habe de bono nomine.* Deinde hæreseos infamatus sit inutilis Ecclesiæ. Idem docet Hieron. *Nolo in suscipione hæreseos quemquam esse patientem, ne apud eos, qui ignorant innocentiam ejus, dissimulatio conscientie judicaretur, si taceat; licet superfluum sit ejus præsentiam querere & extorquere silentium cujus apud te litteras teneas.* Epist. alias 61. nunc 38. ad Pamachium.

2. Prop. Ut aliquis dicatur hæreticus, requiritur ex parte objecti, quod veritatem fidei pertinaciter impugnet. Sed illud omne & solum est de fide divina, quod est & divinitus revelatum, & universaliter Ecclesiæ consensu propositum fidelibus, ut credatur.

Prob. 1. Script. Revelatio divina requiritur, juxta illud Pauli: *Fides ex auditu, auditus autem per verbum Christi,* sive Dei, ad Rom. 10. v. 17. Res revelata debet nobis per Ecclesiam proponi, quia Ecclesia est custos divinæ revelationis, a qua debemus eam accipere; juxta illud Pauli 1. ad Tim. c. 3. v. 15. *Ecclesia Dei vivi est columna fidei & firmamentum veritatis,* & Magistra a qua debemus eandem revelationem addicere; juxta illud Christi, Matth. 18. v. 17. *Si autem*

Ecclesiam non audierit, sit tibi sicut ethnicus & publicanus.

2. Ex Aug. cont. Epist. fund. 5. ubi dicit: *Ego vero Evangelio non crederem, nisi me Ecclesiæ Catholicæ commoveret auctoritas.* Ergo Aug. supponit quod ad fidem duo requirantur, Evangelium scilicet, & Ecclesiæ auctoritas, id est, divina revelatio ab Ecclesiâ propostâ.

3. Rat. Fides debet esse infallibilis, cum sit nobis regula & agendorum, & credendorum: Ergo debet resolvi in solam auctoritatem divinam, quia solus Deus est infallibilis. Eadem fides debet nobis opportuno aliquo medio communicari, alias Deus non sufficienter nobis provideret: Ergo debet hominibus sensibilibus proponi per Ecclesiam sensibilem; & ita, ut aliquid sit de fide, debet esse & divinitus revelatum, & nobis per Ecclesiam propositum: ideo ait Cyrillus in suis Catechesibus, Cath. 5. *Custodi fidem a sola Ecclesiâ tibi nunc traditam & ex omni Scriptura munitam.*

Consecraria bujus Doctrinæ.

Consect. 1. Nihil potest esse de fide, nisi continetur vel in Scriptura, vel in traditione: quia sola Scriptura, sola traditio divina, sunt medium continens divinam revelationem. Et ita quæ continentur in Symbolo Apostolorum, in Canonibus Conciliorum, in operibus Sanctorum Patrum, non sunt de fide, nisi quatenus vel continent vel explicant divinam revelationem in Scriptura & traditione præ contentam.

Consect. 2. Nullæ privatæ revelationes, etiam si divinitus factæ, sunt de fide; quia etiam si sint infallibiles. cum supponantur procedere a Deo; non sunt tamen de fide, quia non proponuntur nobis per Ecclesiam.

Consect. 3. Nulla veritas illata ex Scriptura & traditione est de fide, si consideretur quatenus illata; quia fides est ex auditu per verbum Christi, & non ex illatione ex verbo Christi.

Consect. 4. Nulla Decretalis veniens a Summo Pontifice, sive in corpore juris Canonici continetur, sive extra corpus juris Canonici habeatur, est de fide, nisi aliunde accedat totius Ecclesiæ consensus; quia etsi Romanus Pontifex sit caput Ecclesiæ, Christi Vicarius, & humiliter audiendus cum res pertinentes ad religionem expiat, non est tamen universalis Ecclesia. Certum quippe est de fide, Ecclesiam universalem esse infallibilem; sed non est expresse definitum, Romanum Pontificem esse infallibilem.

Consect. 5. Nullum Concilium Diocesanicum, nullum Provinciale, nullum Concilium

lium Nationale, nisi aliunde accedat totius Ecclesie consensus, *est de fide*; quia particulare Concilium, non universale, sed particularem solum Ecclesiam representat.

Consect. 6. Concilium universale legitime congregatum & habitum, *est de fide* in suis decisionibus; motiva vero & rationes & argumenta, quibus firmat suos Canones, non sunt de fide; quia Ecclesie creditur docenti & desinenti, & non argumentanti: ea tamen ratiocinia non sunt spernenda, sed censenda sunt longe efficaciora quam ratiocinia cuiuscumque privati Doctoris.

Consect. 7. Quæ *directe & per se* sunt posita in Canonibus Conciliorum universalium, explicando divinam revelationem, sunt de fide: minime vero quæ sunt apposita *vel incidenter, vel per modum clausulæ*. Sic certum de fide, non idololatrium esse usum Ecclesie, *pingendi Angelos*, ut habetur in Nicæno II. *act. 5*. Sed ratio quæ hic affertur, scilicet, depingi posse, *quia sunt corporei*, non est de fide, sed potius falsa, cum Angeli sint spirituales.

Sic certum est in Ecclesia Romana, veram esse de baptismo Doctrinam, ut dicitur in Trid. *sess. 7. Can. 3*. Sed clausula illa, *quæ omnium Ecclesiarum est mater & magistra*, est quidem vera, sed non est de fide ex vi illius Canonis, quia ibi incidenter tantum est inserta.

Consect. 8. Nihil est de fide in Canonibus Conciliorum universalium, ex vi decisionis, nisi quæ in sensu obvio exprimentur; quæ vero reticent, & Theologis disputanda relinquunt, non sunt de fide.

Sic certum de fide, ex Trid. hominem justificari *per iustitiam inherentem*; quia hoc dicit expresse *sess. 6. cap. 11*. Incertum, an forma iustificans sit qualitas, sit habitus; quia circa hoc nihil decernit Concilium Trid.

Sic certum de fide, Corpus Christi esse *vere realiter substantialiter*, *sess. 13. Can. 1*. in Eucharistia. Incertum, an sedens, an jacens; quia de hoc reticet Concilium Trid.

Sic certum est, animas fidelium iuvare in Purgatorio per nostra suffragia. Sed incertum, an ignis purgatorii sit verus, proprius, & ejusdem speciei cum nostro; quia circa hoc silet Concilium.

Sic certum est, pium & utile esse Sanctos cum Christo regnantes invocare; quia hoc dicit Concilium. Sed incertum, an nostras preces audiant, vel eadem preces eis vel a Deo revelentur, vel ab Angelis deferantur; quia circa hoc reticet Concilium Trident.

Sic certum est, imagines Sanctorum esse venerandas, quia hoc dicit Concilium, non utique cultu qui Deo debetur, sed inferiori.

Tomo I.

ri. Sed an cultus ille veneratio solum dici debeat, & adoratio dici nequeat, res est Theologis discutienda.

Sic certum est, reliquias Sanctorum esse venerandas; quia hoc statuit Concilium. Incertum vero, an reliquæ in hac Ecclesia conservatæ, sint reliquæ alicuius Sancti, an sint reliquæ illius Sancti, vel alterius; nam circa hoc omnino silet Concilium, utpote factum mere historicum, nequaquam divinitus revelatum.

Consect. 9. Non habendum est ut de fide quod in una schola tenetur, alia schola docente contrarium, si Ecclesia sciens neutram partem prohibeat; quia hæc omnia inter opiniones Theologicas sunt reputanda.

Sic de fide non sunt quæ docentur a Thomistis contradicentibus Scotistis, nec ea quæ docentur a Scotistis, Thomistis contradicentibus.

S. II.

Quæ requirantur, ut aliquis possit dici schismaticus.

Certum est ex Script. Schisma generaliter nihil aliud esse, quam dissensionem vel in fide, vel in disciplina. Ait enim Paulus *1. ad Corinth. v. 10. Obsecro vos ut id ipsum dicatis omnes, & non sint in vobis schismata*: &c. *11. v. 18. Audio scissuras esse inter vos, & ex parte credo: nam oportet hæreses esse*. Ideo quid requiratur, ut schisma incurratur, hic determinandum est.

Prop. 1. Ut aliquis dicatur schismaticus, requiritur ex parte personæ, non solum quod dissentiat vel in fide, vel in disciplina a fidelibus, sed etiam quod per rebellionem auctoritatem Ecclesie respuat.

Prob. 1. Auctoritate Pauli dicentis, hæreticum & schismaticum non esse vitandum, nisi postquam frequentes admonitiones respuit.

2. Ex Cypr. Epil. 69. *Inde enim schismata & hæreses oboritur & oriuntur, dum Episcopus qui unus est, & Ecclesie præest, superba quorundam presumptione contemnitur, & homo dignatione Dei honoratus indignus ab hominibus judicatur*.

3. Ex D.Dh. 2. 2. q. 39. a. 1. ad 2. *Dicendum, quod non obedire præceptis, cum quadam rebellionem constituit schismatis rationem Dico autem cum rebellionem, cum & pertinaciter Ecclesie præcepta contemnit, & iudicium ejus subire recusat. Hoc autem non facit: quilibet peccator; unde non omne peccatum est schisma*.

4. Rat. Schisma venit a voce græca *schizo*, quæ

quæ idem sonat ac violenter, lacero: Ergo ut aliquis dicatur schismaticus debet violenter & cum rebellionem unitatem Ecclesiæ scindere, & Christi tunicam inconsutilem non fortiri, sed scindere, ut ait Cyp. lib. de unitate Ecclesiæ.

Consecrarium hujus Doctrinæ.

Consecr. 1. Attente distinguendum est inter Scripta & Personam. Nec statim habendus est ut schismaticus, qui de schismate accusatur. Eadem cautio adhibenda est ubi de schismate agitur, quam adhibendam volumus de hæresi.

Consecr. 2. Non omnes fideles, qui diverse circa fidem, aut mores, aut disciplinam sentiunt, aut scribunt, sunt schismatici; sed hi solum, qui diversa sentientes, Ecclesiæ autoritati renuntiant se subijcere.

Sic qui ante Ecclesiæ Decretum observabant Pascha die decima quarta Iunæ Martii, more ab Ecclesiâ Romana diverso, non erant schismatici; quia, ut Irenæus ait Epist. ad Victorium, teste Euseb. lib. 5. Hist. Eccles. c. 24. hoc fiebat sine rebellionem contra Ecclesiâ.

Sic qui ante universalis Ecclesiæ determinationem baptizabant omnes ad hæreticis jam baptizatos contra consuetudinem Ecclesiæ Romanæ, non erant schismatici; quia in his nullus erat rebellionis animus, sed sincera erga Ecclesiâ subiectio. Unde licet Cyprianus & Stephanus diversa circa hanc questionem sentirent, neuter erat schismaticus, teste Aug. lib. 5. contra Donatistas cap. 25. Sic tamen, ait, vicit pax Christi in cordibus eorum, ut nullum inter eos malum schismatis oriretur.

Sic omnes Catholici scriptores, licet diversa aut sentiant, aut scribant in questionibus nondum ab Ecclesiâ determinatis, non censendi sunt schismatici; modo scripta Ecclesiæ iudicio subijciant.

Consecr. 3. Omnes baptizati, qui contra universalem Ecclesiæ determinationem cum pertinaci rebellionem vel sentiunt, vel scribunt, sunt schismatici; quia Ecclesiæ unitatem scindunt.

Prop. 2. Ut aliquis dicatur schismaticus, sufficit quod in rebus pertinentibus ad disciplinam ab Ecclesiâ pertinaciter dissentiat; & schisma illud in hæresim degenerat, si fidei dogmata impugnentur.

Prop. 1. Ex Hieronymo in Commentariis ad cap. 3. Epist. ad Titum: Inter hæresim & schisma, hoc interesse arbitramur, quod hæresis peruersum dogma habeat, schisma propter

episcopalem dissensionem ab Ecclesiâ pariter separet. Quod quidem in principio aliqua ex parte intelligi potest diversum. Ceterum nullum schisma non sibi aliquam confingit hæresim, ut recte ab Ecclesiâ recessisse videatur. Et Aug. docet lib. 2. c. 7. contra Cresconium: In veteratum schisma esse ipsammet hæresim. Idem Basilii Epist. ad Amphilochoium, Manichæos, Valentinos, Marcionistas, & Peputianos inter hæreticos recenset; quia de ipsa in Deum fide controversiam movent, & a cæteris Christianis dissentiunt: Novatianos autem sive Catharos schismaticis ascribit; quia de disciplina tantum cum Ecclesiâ contende-bant, nempe, an lapsi ad poenitentiam beneficium admittendi essent.

Consecraria hujus Doctrinæ.

Consecr. 1. Schismaticus est schismate universalis qui se ab Ecclesiâ in capite & in membris separat. Schismatici dicuntur qui subesse renuntiant summo Pontifici, & qui membris Ecclesiæ ei subiectis communicare recusant. 2. 2. q. 39. a. 10. Quod debet intelligi in rebus pertinentibus ad religionem, minime in his, quæ pertinent ad regnum temporale. Sic Græci, & demum omnes, qui negant Romanum Episcopum esse summum Pontificem, eique parere recusant in his, quæ spectant religionem, sunt schismatici.

2. Schismaticus est schismate particulari qui se ab Ecclesiâ suâ, seuque Episcopo separat, & cum Fidelibus suæ Parochiæ vel Dioceseos communicare recusant in his, quæ spectant religionem; ait enim Ignatius Epist. 7. ad Smyrnenles, Fideles omnes debere Episcopo tamquam Domino esse subiectos. Omnes, ait, Episcopum sequimini, ut Christum Patrem.

Sic schismatici sunt Laici, qui se separant a suo Paroco. Item Parochi, qui se separant a suo Episcopo, & Episcopi, qui se separant ab aliis Episcopis & a Papa.

3. Schismaticus est schismate manifesto exteriori & completo qui non venit in conventum Fidelium, & peculiarem facit ipsemet congregationem diversam a congregatione vel suæ Parochiæ, vel suæ Dioceseos. Ita Ignatius Epist. ad Ephesios: qui igitur in Conventum non venit, hic jam superbia elatus est, & se ipsum separavit; scriptum est enim: Superbis autem Deus resistit. Studeamus igitur Episcopo non resistere, ut simus subiecti Deo.

Sic schisma externum molitur qui contradicente Paroco, Episcopo dissentiente, Papa non approbante, Confraternitates erigunt, ut populum a Parochia avertant.

De Spe.

CAPUT I.

Explicatur natura spei, simulque variæ traduntur notiones ad intelligentiam hujus Tractatus necessariae.

Spes naturalis est efficax desiderium boni absque arduo & possibili, cum fiducia illius assequendi.

Spes Theologica est donum Dei, quo Deum, & ea quæ ducunt ad Deum, nobis, seu propter nos diligimus: vel spes est virtus divinitus infusa, per quam certa cum fiducia nostræ salutis & æternæ vitæ bona expectantur.

Duplex est præceptum spei: aliud affirmativum, aliud negativum.

Præceptum affirmativum spei est, in Deo ejusque bonis confidere & sperare. Sperare autem est boni ardui obtinendi fiduciam habere. Fiducia autem est promptitudo voluntatis orta ex persuasione assequendi bona.

Præceptum negativum spei est, de Deo ejusque bonis non diffidere vel non desperare, in creatura non confidere, de se non præsumere.

Desperatio est boni ardui obtinendi diffidentiam habere. Diffidentia autem est animi desponsio orta ex impossibilitate assequendi boni, malive vitandi.

Confidere in creatura est nisi auxilio creatoris potiusquam Creatoris.

Præsumere est temere expectare salutem, & ea quæ ducunt ad salutem, inaitendo nimium viribus nostris, vel inordinate divinam misericordiam expectando.

Objectum spei est illud omne, quod attingit spes.

Objectum spei primum est Deus, quatenus nos beatificans, & ut a nobis possidendus.

Objectum vero secundarium sunt media, quibus ducimur ad Deum.

Objectum formale spei, seu ratio, & motivum sperandi, est auxilium divinæ potestatis: quoties enim supernaturalia speramus, in divina virtute debemus confidere.

Spes alia est actualis, alia habitualis.

Spes habitualis est habitus inclinans ad sperandum.

Spes actualis est actuale exercitium spei. Actuale autem exercitium spei est aliquando actus elicitus, aliquando actus imperatus.

Actus elicitus spei est ille, qui elicitur a solo habitu spei. Talis est actus per quem speramus salutem, & ea quæ ducunt ad salutem.

Actus spei sunt, in Deo sperare & confidere, de Deo numquam desperare, in creatura non confidere, de se non præsumere.

Actus spei imperatus est ille, qui fit a virtute diversa ab habitu spei. Talis est actus, quo moti per spem exercemus virtutes morales.

CAPUT II.

De objecto spei, seu de rebus a quolibet fidei sperandis.

Prop. unica. Omnes & singuli fideles tenentur omnes & singulas orationis dominicæ petitiones scire, saltem quoad substantiam; & proinde bona, quæ his petitionibus continentur, petere, & sperare.

Prob. 1. Ex praxi Ecclesiæ, quæ, teste Aug. serm. 56. 57. 58. omnibus Catechumenis adultis tradebat orationem Dominicam una cum Symbolo Apostolorum. Quæ oratio post octo dies a competentibus recitabatur, ut Christiani ante baptismi receptionem nossent non solum quid credere, sed quid sperare deberent: ergo sicuti fideles tenentur credere ea, quæ sunt in Symbolo, ita & sperare quæ continentur in oratione Dominica.

2. Ex Patribus. Oratio Dominica est totius legis Evangelicæ compendium; ita Cypr. de oratione Dom. Est forma desideriorum; ita ut non liceat petere aliud, quam quod ibi scriptum est: ita Aug. serm. 56. Ergo quilibet fidelis tenetur scire orationem Dominicam.

3. Ex Conciliis Provin. Concilium Remense an. 873. can. 11. Nulli Christiano orationem Dominicam ignorare licet. Ex Capitularibus cap. 170. libr. 5. Presbyteris providendum est, ut omnes, qui Christiano nomine consentur, orationem Dominicam & Symbolum memoriter teneant & intelligant. Ex Carolo Bor. in Actibus Eccles. Mediol. Non licet absolvere ignorantes orationem Dominicam. Ergo sicuti tenemur credere quæ sunt in Symbolo, ita & sperare quæ sunt in oratione Dominica.

4. Rat. Sicuti Symbolum Apostolorum est norma fidei, ita oratio Dominica est norma spei nostræ, ut docet Aug. Enchyrid. cap. 114. Ea tantum ad spem pertinent, quæ in oratione Dominica continentur. Ergo sicuti quilibet fidelis tenetur credere quæ sunt in Symbolo, quia est norma fidei; ita & petere & sperare quæ sunt in oratione Dominica, quia est norma spei nostræ.

Conseſſaria hujus Doctrinæ.

Petenda & speranda sunt a Deo ea omnia, quæ hic subiunguntur.

Consect. 1. Omnia bona tum spiritualia, tum temporalia speranda sunt a solo Deo: est enim Deus is a quo bona cuncta procedunt, juxta illud: *Omne datum optimum & omne donum perfectum desursum est descendens a Patre luminis.* Ep. Jac. c. 1. v. 17.

Consect. 2. Bona spiritualia, scilicet gratia & gloria, absolute & sine conditione & speranda, & petenda sunt a Deo; quia, ut ait D. Th. *Res sunt quibus male uti non possumus, & quæ malum eventum habere non possunt*; ideo absolute sunt petenda. Gloriam absolute petimus, his verbis. *Offende nobis faciem tuam, & salvi erimus.* Gratiam pariter sine conditione petimus his verbis: *Deduc me in semitam mandatorum tuorum.* Psal. 118. v. 35.

Consect. 3. Bona temporalia, honores scilicet, divitiæ, sanitas corporalis, petenda sunt conditionate, scilicet, si ad gloriam Dei & ad salutem nostram conducant; quia, ut ait D. Th. sunt res quibus male uti possumus. *Pro hoc licet orare quod licet desiderare*, inquit idem Doctor; *temporalia autem licet desiderare, non quidem principaliter, ut in eis finem constituamus, sed sicut quedam adminicula, quibus adjuvamus ad tendendum ad beatitudinem; in quantum scilicet per ea vita corporalis sustentatur, & in quantum nobis organice deserviunt ad actus virtutum.* 2. 2. q. 83. a. 6.

Consect. 4. Demum determinate debemus & petere, & sperare quicquid in oratione Dominica continetur; in ea enim explicatur quicquid nos desiderare, petere, & sperare oporteat.

In omni quippe proposito tria spectare possumus: primo finem: secundo media ad finem: tertio remotionem impedimentorum, quæ nos ab intento sine possunt trahere. Hæc omnia ad salutem necessaria mira conexione conclusit Christus in oratione sua.

1. Ultimus finis est & gloria Dei in se, & gloria Dei nobis communicata. Petimus gloriam Dei in se, dum dicimus, *sanctificetur nomen tuum.* Petimus gloriam Dei nobis communicari, dum dicimus, *advéniat Regnum tuum.*

2. Media conducentia ad salutem sunt, observantia mandatorum, & gratia qua fit ut observemus mandata. Petimus observantiam divinæ Legis, dum dicimus, *fiat voluntas tua sicut in celo & in terra.* Petimus gratiam, qua divinam Legem impleamus, dum dicimus, *panem nostrum quotidianum da nobis hodie*: quippe sicuti per panem naturalem significamus quicquid ad vitam corporalem conducit, ita, optando panem spirituale, optamus quicquid ad vitam supernaturalem spe-

ctat, scilicet Gratiam, Sacramenta &c.

3. Impedimenta salutis sunt peccata commissa, tentationes inclinantes ad peccandum, diabolus continuo nobis insidians. Petimus peccata commissa remitti, dum dicimus, *dimitte nobis debita nostra, sicut & nos dimittimus debitoribus nostris.* Petimus nos nullis tentationibus superari, his verbis, *& ne nos inducas in tentationem.* Petimus tandem a diabolo, ab interno, a peccato liberari, dum dicimus, *sed libera nos a malo.*

C A P U T III.

De actibus spei.

Prop. unica. Spes habitualis non sufficit adulto ad salutem; sed tenemur aliquando vel per se, vel per accidens, elicere actum spei, confidentes in Deo, & de nobis diffidentes: per se quidem, quando obligatio oritur ex ipsa spe: per accidens, quando obligatio oritur ex alia virtute.

Prob. 1. Scriptura. *Spera in Domino & fac bonitatem*, Plal. 36. v. 3. *Perfekte sperate in eam qua vobis offertur gratiam*, 1. Petr. v. 13. Quæ verba denotant operationem, & proinde actum spei esse necessarium, & solum habitum non sufficere ad salutem.

2. Ex Aug. *De fide quam multa mandata sunt, quam multa de spe.* Tract. 83. In Joan.

3. Rat. Homini ad finem supernaturalem destinato imponitur præceptum fidei, qua credat sibi esse promissam beatitudinem supernaturalem: ita & ei imponitur præceptum spei, qua in illam tendat beatitudinem: Ergo uti beatitudinem supernaturalem credere nequit, nisi per actum supernaturalem fidei: ita nec eam sperare, nisi per actum supernaturalem spei. Præcepta enim dantur de actibus, ut supra diximus ex D. Th. Rursus, spes est virtus Theologica: virtus autem est propter operationem: ergo spes non potest esse semper sterilis; sed debet in actum aliquem erumpere. Ideo Sancti, actus spei esse ad salutem necessarios, passim consentiunt. *Spe salvi facti sumus.* Ad Rom. 8. v. 24. *Confingimus ad tenendam propositam spem, quam sicut anchoram habemus anime tutam ac firmam.* Ad Hebr. 7. v. 19. *Ut pie & iuste vivamus in hoc seculo expectantes beatam spem.* Ad Titum 2. v. 13. De impio vero non sperante dicitur, *quod nec speravit in Domino, propter quod interfecit eum.* Paralipom. 10. v. 14.

Conseclaria hujus Doctrinae.

Consect. 1. Peccat qui assuecutus usum rationis

tionis non elicit actum spei; tunc enim Deus ei proponitur ut finis ultimus, ut diximus supra ex D. Thom.

Confess. 2. Peccat quilibet homo sive baptizatus, sive non baptizatus, qui sufficienter instructus circa objectum spei, nimirum circa salutem & media ad salutem conducentia, ea aut parvi ducit, aut in his non sperat; tunc enim omisso actus spei elicit contemptus interpretativus nostræ beatitudinis.

Confess. 3. Peccat qui non elicit actum spei, cum urget gravis tentatio desperationis vel circa gratiam non dandam a Deo, vel circa beatitudinem numquam obtinendam, vel de falsa persuasionem, quod sit de numero reprobatorum &c. quippe tunc tentatio debet vinci per actum oppositum; tunc enim has & similes preces debemus effundere: *In Domino sperans non infirmabor. Domine Deus meus in te speravi. Mibi adhaerere Deo bonum est, & ponere in Domino spem meam.*

Confess. 4. Peccat qui non elicit actum spei, quando urget gravis aliqua tentatio, licet non sit contra spem, cui ne consentiat evidens est periculum, nisi eliciatur actus spei ad illam superandam necessarius: non enim fas est recipere medium ad vincendam tentationem necessarium; sed tunc oportet, ut ad spem prompte recurramus, sicut ad anchoram tutam, ac firmam, dicentes cum Davide: *Si confiscent adversum me castra, non timebit cor meum: si exurgat adversum me praelium, id hoc ego sperabo.* Psal. 26. v. 3.

Confess. 5. Peccat qui non elicit actum spei, cum tenetur elicere actum virtutis, ad quem requiritur spes vel explicita, vel implicita; v. g. cum tenetur justificari, cum tenetur elicere actum contritionis, vel attritionis, orationis &c. quia ad hæc omnia prærequiritur spes vel formalis, vel virtualis, ut innuit Trid. less. 6. c. 6. *In spem eriguntur fidentes Deum sibi propter Christum propitium fore, illumque tanquam omnis iustitie fontem diligere incipiunt.* De hac dispositione scriptum est: *Accedentem ad Deum oportet credere, quia est, & quod inquirentibus se remunerator sit.* Heb. c. 11. v. 6. *Confide fili, remittuntur tibi peccata tua.* Matth. 9. v. 2.

Confess. 6. Peccat adultus, qui non elicit actum spei, quoties vel ex necessitate, vel ex devotione recipit aliquod Sacramentum; quia sicut accedentes ad Sacramenta, debemus credere gratiam conferri per Sacramenta; ita & eandem gratiam sperare.

Confess. 8. Peccat qui non elicit actum spei in mortis articulo; quia tunc maxime urgent

tentationes diaboli; & quia tunc præstat maxime Deo nos conjungi.

CAPUT IV.

De actibus spei contrariis.

P*rop. unica.* Peccant graviter quicumque eliciunt actus spei contrarios, desperando de Deo, præsumendo de se, & in creatura magis quam in Deo confidendo, & iisdem peccatis se exponendo.

Prob. 1. Scriptura. De diffidentia erga Deum sic loquitur Paulus: *Spiritus malus, qui nunc operatur in filios diffidentiae.* Eph. 2. v. 2. De præsumptione sic loquitur Sapiens proverb. 28. v. 26. *Qui confidit in corde suo, stultus est.* Et Paulus Galat. 6. v. 3. *Si quis existimat se aliquid esse, cum nihil sit, ipse se seducit.* De nimia fiducia in creatura sic loquitur, Aggæi 48. v. 7. *Pro eo enim quod habuisti fiduciam in munitioibus tuis, & in thesauris tuis, tu quoque capieris.*

2. *Rat.* Omnes prædicti actus repugnant virtuti Theologicæ, nimirum spei: ergo sunt peccata ex suo genere mortalia.

Confessaria bujus Doctrinæ.

Confess. 1. Desperant hi omnes, quos hic subijcio.

1. Qui comparantes supremam beatitudinem cum vilitate naturæ humanæ, non audent beatitudinem supernaturalem sperare: contra quos facit illud Scripturæ, Gen. c. 15. v. 1. *Ero merces tua magna nimis.* Si Deus hoc nobis promiserit, non est quod de tam fideli promissore diffidamus.

2. Qui attempta peccatorum multitudine non audent veniam peccatorum suorum sperare: contra quos faciunt verba illa Prophetæ Ezechiel. 33. v. 11. *Nolo mortem impij, sed ut convertatur impius a via sua & vivat: si autem impius egerit penitentiam ad omnibus peccatis suis, quæ operatus est, & custodierit omnia præcepta mea, & fecerit iudicium, & iustitiam, vita vivet, & non morietur.* Ezechiel. 18. v. 21. Contra eosdem faciunt detestanda exempla Caini, Saulis, & Judæ Iscariotis, qui, juxta Patres, enormius peccarunt desperando, quam committendo peccata, ob quorum mercedem lapsi sunt in desperationem. *Pro clementia Domini hoc dico,* inquit Hyeron. in Psal. 108. *quia magis ex hoc offensis Judas prodidit.*

3. Qui animo despondentes, viam salutis

tis asperam reputantes, se in omni vitiorum ceno volutant: qui sic apud Jeremiam 18. v. 12. loquuntur: *Desperavimus, post cogitationes nostras ibimus, unusquisque juxta pravitatem cordis sui mali faciemus*; de quibus pariter sic loquitur Paulus: *Desperantes tradiderunt semetipsos impudicitiae, in operationem immunditiae omnis*. Eph. 4. v. 19.

4. Qui animo despondentes, vel viam salutis non audent ingredi, vel ingressi retro abeunt, desperantes se posse in Domino perseverare: contra quos sic loquitur Isai. c. 40. v. 31. *Qui sperant in Domino, mutabunt fortitudinem, assumunt pennas sicut aquila, current & non laborabunt, ambulabunt & non deficient*.

5. Qui diffidentes, ab oratione desistunt, eo quod differat Deus concedere quod postulant, contra quos facit exemplum Abraham: *Qui in spem contra spem credidit*: ad Rom. c. 4. v. 18. & sic longanimiter ferens adeptus est re-promissionem. Hebr. c. 6. v. 15. Contra eisdem facit exemplum Christi, qui adeo perseveranter orabat, ut pernoctaret in oratione; & morti proximus, in terram prostratus, eundem sermonem dicens, oraverit.

6. Hi omnes, qui investigabilia praedestinationis arcana scrutari & penetrare tentant, & ejus immobilitate territi, omnem salutis spem abjiciunt: contra quos illud facit Eccl. c. 3. v. 22. *Altiora te ne quaeris; & fortiora te ne scrutatus fueris; sed quae praecepit tibi Deus, illa cogita semper, & in pluribus operibus ejus ne fueris curiosus, non est enim tibi necessarium ea, quae abscondita sunt, videre oculis tuis*.

Consect. 2. De se praesumunt hi, quos hic subijcio.

1. Qui tendunt in aliquod bonum ut possibile per potentiam divinam, quod tamen non est possibile; sicut cum aliquis sperat se veniam obtinere sine poenitentia, & gloriam sine meritis. Haec autem praesumptio, juxta D. Th. 2. 2. q. 21. a. 1. est proprie species peccati in Spiritum Sanctum. Contra hos facit illud Scripturae: *Nedicas, miseratione Domini magna, multitudinis peccatorum meorum miserabitur; misericordia enim & ira ab illo cito proxima sunt, & in peccatores respicit ira illius*. Ecclesiast. 1. v. 6.

2. Qui volunt quidem converti, sed de die in diem differunt: contra quos facit illud Scripturae: *Non tardes converti ad Dominum, ne differas de die in diem; subito enim veniet ira illius, & in tempore vindictae disperdet te*. Ecclesiast. 15. v. 8.

3. Qui crimina sua non abjiciunt, & media ad gratiam consequendam, qualia sunt Sa-

cramenta, & bona opera aspernantur: contra quos facit illud Pauli: *An divitias bonitatis ejus & patientiae & longanimitatis contemnis?* ad Rom. 2. v. 4.

Consect. 2. In creatura magis quam in Deo confidunt hi, quos hic subijcio.

1. Qui confidunt in amicis, magis quam in Deo: contra quos est illud Jeremiae 17. v. 5. *Maledictus homo qui confidit in homine, & ponit carnem brachium suum, & a Domino recedit cor ejus; & Isai. 36. v. 6. Ecce confidis super baculum arundineum contractum istum, super Aegyptum, cui si innixus fuerit homo, intrabit in manum ejus, & perforabit eum: sic Pharao Rex Aegypti omnibus qui confidunt in eo*.

2. Qui confidunt in divitiis suis: contra quos sic loquitur Paulus 1. Tim. 6. v. 17. *Divitiis hujus saeculi praecepe non sublime sapere, neque sperare in incerto divitiarum; sed in Deo vivo, qui praestat nobis omnia abunde ad fructum. Et Amos 6. v. 1. Vae qui opulenti estis in Sion, & confiditis in monte Samaria. Hoc vitium ita detestatur Job 31. v. 24. Si putavi aurum robur meum, & obrizo dixi, fiducia mea. Si latatus sum super multis divitiis meis, & quia plurima reperit manus mea*.

3. Qui studendo magis confidunt in propriis ingenii viribus, quam in Deo, qui docet hominem scientiam. Psal. 93. v. 10. *Et quia scientiarum est Dominus. Psal. 93. v. 12. Quippe beatus homo quem tu erudieris Domine, & de Legge tua docueris eum; & rursus narraverunt mihi iniqui fabulationes, sed non ut lex tua*. Psal. 118. v. 85.

4. Qui in negotio salutis superbe putant se aliquid posse sine gratia: contra quos est illud Christi: *Sine me nihil potestis facere*. Joan. 15. v. 5. Et David: *Nisi Dominus edificaverit domum, in vanum laboraverunt qui aedificant eam*. Psal. 126. v. 1.

Consect. 4. Qui hic subijciuntur, exponunt se periculo vel desperandi de Deo, vel temere de se praesumendi, & confidendi magis in creaturis quam in Deo.

1. Qui magis inhaerent terrenis quam caelestibus; qui ita comparati sunt ut desideret perpetuo in hac vita degere; & caelo renuntiarent, si terrenis frui semper liceret: quos frequenter deceret in hanc Ecclesiae orationem erumpere: *Fac, ut sic transeamus per bona temporalia, ut non amittamus aeterna... Da ut per mundanas varietates, ibi nostra fixa sint corda ubi vera sunt gaudia*.

2. Qui luxuriae inhaerent; proprium quippe est luxuriae, animum a divinis avocare, & ad desperationem adigere; quia, ut ait D. Thom.

Th. 2. 2. q. 15. a. 9. in corp. *Dum aliquis nimis detinetur carnalibus delectationibus, non curat pervenire ad spirituales, sed assiduis.*

TRACTATUS SEPTIMUS.

De Caritate.

TRactatus iste, quoniam longiorem postulat explicationem, methodi causa in quatuor partes dividetur. *In prima* agitur de caritate generatim. *In secunda*, de caritate erga Deum. *In tertia*, de caritate erga nos. *In quarta*, de caritate ergo proximum.

PARS PRIMA.

De Caritate generatim.

CAPUT I.

Explicatur natura Caritatis, simulque traduntur notiones variae ad intelligentiam hujus tractatus necessariae.

Caritas juxta omnes nihil aliud est, quam amor seu dilectio; amor autem est boni volitio, & ita amare est velle bonum. Amor est triplex, complacentiae, benevolentiae, & concupiscentiae.

Amor complacentiae est volitio boni in se, quod per se & non alterius causa appetitur.

Amor concupiscentiae est volitio boni in commodum amantis.

Amor benevolentiae est volitio boni in commodum amati redamantis.

Caritas supernaturalis est donum Dei, quod Deum tanquam ultimum finem diligimus, non propter nos, sed propter ipsum Deum: vel caritas est virtus divinitus infusa, qua Deus propter se diligitur, & creatura se ipsam & proximum diligit propter Deum.

Deus est supremum ens, a quo omnia emanant.

Proximus est quævis persona intellectualis æternæ beatitudinis capax, vel particeps, & ita quilibet homo, quilibet Angelus, modo non sit actualiter damnatus, debet a nobis ut proximus haberi.

Præceptum caritatis est duplex: affirmativum, & negativum.

Præceptum caritatis, quatenus affirmativum, præcipit, ut diligamus Deum super omnia, seu tanquam ultimum finem: quia ultimus finis est omnibus præferendus: dilectio autem nostra erga Deum est actus, quo voluntas complacet sibi in summo bono quod habet Deus.

Præceptum caritatis erga Deum, quatenus negativum, prohibet, ne Deum aliquando odio habeamus.

Actus caritatis erga Deum, est dilectio Dei super omnia, per quem actus voluntas complacet sibi in summo bono, quod Deus possidet.

Actus caritati erga Deum oppositus, est odium Dei; odium autem Dei est actus, quo voluntas creata displicet sibi ob summum bonum, quod habet Deus.

Præceptum caritatis erga nos & proximum, quatenus affirmativum, præcipit, ut cum debito ordine diligamus & nos, & proximum in ordine ad Deum, id est, ut nobis & proximo velimus beatitudinem, & hoc propter Dei gloriam.

Præceptum caritatis erga nos & proximum, quatenus negativum, prohibet, ne neglecto ordine nos, vel proximum odio habeamus in ordine ad Deum, id est, ne a nobis vel a proximo beatitudinem amoveamus; & hoc propter gloriam Dei.

Obiectum caritatis est illud omne quod caritas attingit.

Obiectum primarium est Deus, secundarium nos ipsi & proximum.

Obiectum formale, seu ratio & motivum diligendi Deum & creaturas, est essentialis & infinita Dei bonitas; quia per caritatem omnia diligimus propter Deum.

Caritas alia est actualis, alia habitualis.

Caritas actualis est actuale exercitium caritatis habitualis.

Caritas habitualis est habitus inclinans nos ad amandum Deum propter se; nos vero & proximum propter Deum.

Actuale exercitium caritatis est aliquando actus elicitus, aliquando actus imperatus.

Actus elicitus a caritate est actus ille, qui fit a sola caritate. Talis est actio, qua Deo, nobis, & proximo bonum volumus.

Actus imperatus est actus ille, qui fit a virtute distincta a caritate, sed ex imperio & motivo caritatis. Talis est actus fidei, spei, justitiae, productus ex motivo caritatis.

CAPUT II.

De obiecto Caritatis, seu de his quæ a nobis amore Caritatis diligenda sunt.

Prop. unica. Obiectum caritatis his tribus continetur, Deo scilicet, nobis ipsis, & proximo, seu reliquis omnibus creaturis rationalibus, & beatitudinis capacibus.

Prop. 1. Script. Diliges Dominum Deum

tuum ex toto corde tuo ... Proximum tuum tamquam te ipsum: Ergo non alia caritatis amore diligenda sunt quam Deus, nos ipsi, & proximus; in his enim duobus præceptis, ut ait Christus, *universa Lex pendet & Prophetæ* Marc. 12. v. 30.

2. Ex Aug. lib. de Do&. Chriſt. cap. 26. *Finis itaque præcepti est dilectio, & ea gemina, & Dei, & proximi. Quod si te totum intelligis, id est animam & corpus tuum, & proximum tuum, id est animam & corpus ejus, homo enim ex anima constat & corpore; nullum rerum diligendarum genus in his duobus præceptis prætermisum est.* Ergo triplex est objectum caritatis, scilicet Deus, nos ipsi, & proximus.

3. Ex Div. Thom. 2.2. q. v. a. 12. in corp. ubi post Aug. sic loquitur: *Quatuor sunt diligenda, unum quod est supra nos, nempe Deus; alterum quod nos sumus, nempe natura rationalis; tertium quod juxta nos est, nempe proximus; quartum quod infra nos est, nempe corpus nostrum, & corpus proximi.*

4. Rat. Ea tantum per caritatem diligenda sunt, quæ nata sunt habere bonum vitæ æternæ, ut loquitur D. Thom. 2.2. q. 25. a. 3. ad 3. seu quibus competit beatitudo; caritas enim nihil aliud est quam amor summi boni, quatenus nobis & aliis communicari potest.

Atqui Deo tantum, nobis ipsis, & proximo competit beatitudo; Deo quidem, qui beatificat; nobis vero & proximo, qui beatitudinis capaces sumus: ergo Deus, nos ipsi, & proximus, tria hæc, & non alia, per caritatem amanda sunt.

Conſeſſaria hujus Doctrinæ.

Conſeſſ. 1. Angeli sancti a nobis ex caritate diligendi sunt: primo enim beatitudine fruuntur & ad eorum societatem divina misericordia destinati sumus: deinde Angelos sanctos non minus esse proximum nostrum quam ipsi homines, docet Aug. cum juxta ejus doctrinam, proximi nomine non is tantum intelligendus sit, cui possumus exhibere officium misericordiae, sed etiam ille, a quo misericordiae officium recipere possumus, uti probat Aug. exemplo Samaritanis lib. 1. de Do&. Chr. cap. 30. ubi deinde sic habet: *Fam vero si vel cui præbendum est, vel a quo nobis præbendum est officium misericordiae, recte proximus dicitur, manifestum est hoc præcepto, quo jubemur diligere proximum, etiam sanctos Angelos contineri; a quibus tanta nobis misericordiae impenduntur officia, quanta multis divinarum Scripturarum locis animadvertere facile est.*

Conſeſſ. 2. Non solum ex caritate diligenda est anima nostra & proximi, sed etiam corpus nostrum & proximi: corpus enim nostrum & proximi, sicut in hac vita in societatem venit meriti; ita & in societatem mercedis admittendum est in alia. Unde Aug. lib. 7. civ. Dei cap. 22. *Corpus, inquit, nostrum, quia quodammodo particeps est beatitudinis, potest dilectione caritatis amari.* Non diligimus autem corpus per caritatem ex eodem Aug. nisi quatenus ejus concupiscentiis resistimus, illudque facimus spiritui subjugatum: lib. 1. de Do&. Chriſt. cap. 34. ubi sic concludit: *Quia enim hoc erit post resurrectionem, ut corpus omnimodo cum quære summa spiritui subditum immortaliter viveat; hoc etiam in hac vita meditandum est, ut consuetudo carnalis mutetur in melius, nec inordinatis moribus resstat spiritui.*

Conſeſſ. 3. Nec dæmones, nec animæ damnatæ possunt a nobis ex caritate diligere; quia his beatitudinem optare non licet. Unde D. Th. 2.2. q. 25. a. 11. *Illud autem, inquit, bonum vitæ æternæ, quod respicit caritas, spiritibus illis a Deo eternaliter damnatis ex caritate velle non possumus; hoc enim repugnat caritati Dei, per quam ejus justitiam approbamus.*

Conſeſſ. 4. Creaturæ omnes corporeæ a nostro & proximi corpore divertæ, a nobis ex caritate diligere non possunt. Ita D. Th. 2. 2. q. 25. a. 3. ubi sic loquitur: *Caritas fundatur super communicatione æternæ beatitudinis, cujus creatura irrationalis capax non est: unde amicitia caritatis non potest haberi ad creaturam irrationalem.*

Non tamen hujusmodi creaturas corporeas odisse debemus, cum sint Dei opus, eisque uti nobis necesse sit.

C A P U T III.

De ordine Caritatis, seu quis ordo servandus sit inter objecta Caritatis.

Prop. unica. Caritas debet esse bene ordinata, id est, debemus debito ordine & Deum, & nos, & proximos diligere.

Prob. 1. Script. Ordinavit in me caritatem. Cant. 2. v. 4. Eo textu utitur Aug. lib. 1. cap. 27. de Do&. Chriſt. ubi sic habet: *Ipse est autem qui ordinatam dilectionem habet: ne aut diligat quod non est diligendum, aut non diligat quod est diligendum, aut amplius diligat quod minus est diligendum, &c.*

2. Ex Hieron. *Naturæ quoque super hoc probatur affectus, ut ordine caritatis ... post verum parentem Deum, carnis quoque pater diligatur & mater, filius & filia, frater & soror.* In Ezech. cap. 44.

3. Rat.

3. *Rat. Caritas a Deo est; quæ autem sunt a Deo, bene ordinata sunt*, ad Ro. c. 13. v. 1. ac proinde caritas ita debet esse ordinata, ut excellentiores aliis præferamus, & magis egentibus minus egentibus præponamus, ut monet Bernard. serm. 30. *Vera in hoc caritas est, ut qui indigent amplius, accipiant prius: & rursus in eo clara apparet veritas, si ordinem tenemus affectu, quem illa ratione.*

Consecratoria hujus Doctrinæ.

Consecr. 1. Si habeatur comparatio inter creaturam & Deum, Deus est præ omnibus diligendus, quia, cum sit supremum bonum, debet omnibus præferri. *Qui amat patrem aut matrem plusquam me, non est me dignus*, ait Christus, Matth. 10. v. 37. & rursus: *Si quis non odit, idest dilectionis affectu mihi anteponit, patrem suum & matrem... adhuc autem & animam suam, idest se ipsum, non potest meus esse Discipulus*. Luc. 14. v. 26. Ideo dicit Paulus ad Philip. 3. v. 8. *Propter quem*, Christum scilicet, *omnia detrimentum feci & arbitror ut stercora, ut Christum lucrifaciam.*

Consecr. 2. Si habeatur comparatio inter nos & proximum, debemus diligere 1. Animam seu salutem nostram, deinde animam proximi. 2. Vitam nostram naturalem, postea vitam naturalem proximi. Deinde bona nostra temporalia, postea vero bona temporalia proximi; & hæc omnia in ordine ad salutem; quia optimus ordo exigit, ut nobiliora ignobilioribus præferamus. Prædictum autem ordinem docet Aug. lib. 1. de Doct. Christi. c. 27. *Omnis homo in quantum homo est diligendus propter Deum; Deus vero propter se ipsum; & si Deus amplius omni homine diligendus est, amplius quisque debet diligere Deum, quam se ipsum; item amplius alius homo diligendus est quam corpus nostrum, quia propter Deum omnia ista diligenda sunt, & potest nobiscum alius homo Deo perfrui, quod non potest corpus, quia corpus per animam vivit, qua fruimur Deo.*

Consecr. 3. Si fiat comparatio inter consanguineos, debemus 1. Patrem diligere, deinde matrem. 2. Uxorem. 3. Liberos. 4. Propinquos, præferendo semper propinquiores remotioribus; quia ita exigit ordo caritatis; pater enim habet rationem principii activi; mater rationem principii passivi aut saltem minus præcipui; uxor habet rationem partis, & filii rationem effectus. Ita Divus Thom.

Consecr. 4. Si fiat comparatio inter extraneos, 1. Convices. 2. Comprompiales. 3. Extraneos debemus diligere, quia ita postu-

lat ordo caritatis. *Omnes autem*, inquit, Aug. lib. 1. de Doct. Christi. cap. 28. *æque diligendi sunt; sed cum omnibus prodesse non possis, his potissimum consulendum est, qui pro locorum, & temporum, vel quarumlibet rerum opportunitatibus restrictius tibi quasi quadam sorte junguntur.*

Consecr. 5. Si habeatur ratio diversæ religionis, Catholicos ante Christianos, Christianos ante Infideles, debemus diligere, quia id postulat rectus ordo caritatis. Catholici enim nobis magis uniuntur quam Christiani tantum, & Christiani magis quam Infideles.

Consecr. 6. Si habeatur ratio pietatis, pios magis quam impios debemus diligere, si modo cætera sint paria; quia exigit ordo caritatis. Multo sanctiori magis indigentiam patienti, & magis utili ad commune bonum est magis eleemosyna danda; quam personæ propinquiore, maxime si non sit multum conjuncta, cujus cura specialis nobis non imminet, & si magnam necessitatem non patiatur. 2. 2. q. 32. att. 9.

PARS SECUNDA.

De Caritate erga Deum.

QUæ de caritate erga Deum dicturi sumus, ad duo capita revocabimus. In primo ostendemus, ad quid obliget caritas erga Deum. In secundo, quæ vitia divinæ caritati sint opposita explicabimus; sed prius observa caritatem, prout Deum respicit, duplicem esse. *affectivam, & effectivam.*

Affectiva caritas est motus, quo mens nostra divinas perfectiones vel admiratur, vel in ipsis sibi complacet, hisque frui desiderat.

Effectiva caritas est motus, quo anima ita erga Deum afficitur, ut in omnibus ejus gloriam quærat.

CAPUT I.

Ad quid obliget Caritas erga Deum.

PROPOSITUM. 1. Non sufficit ad salutem, ut Christianus adultus habeat caritatem habituales; sed insuper necessarium est, ut frequenter eliciat actus caritatis erga Deum.

Prob. 1. Script. *Diliges Dominum Deum tuum ex toto corde tuo, in tota anima tua, & in tota mente tua. Hoc est maximum & primum mandatum.* Matth. 22. v. 37. Ergo si alia

si alia præcepta in sui observantia exigant actum specialem, a fortiori primum & maximum mandatum.

2. Ex Aug. lib. 2. Doctr. Christi. cap. 10. *Caritatem voco motum animi ad fruendum Deo propter ipsum.* Motus autem actum significat: ergo, &c.

3. Ex multiplici principio desumpto ex D. Thom. 1. Præceptum dilectionis Dei est præceptum juris naturalis: ergo exigit ad sui observantiam actum aliquem positivum, cum præcepta naturalia vix observentur sine actu positivo. 2. 2. q. 147. a. 4. 2. Præceptum dilectionis est omnium mandatorum maximum, ut probat D. Th. 2. 2. q. 44. a. 1. & quia ad illud præceptum omnia alia referuntur, juxta illud: *finis præcepti est caritas*: ergo nequit observari sine actu positivo; quia præceptum maximum exigit actum, si minora præcepta sine actibus observari non possint. 3. Præceptum dilectionis est præceptum speciale, ut probat D. Th. 2. 2. q. 44. art. 1. ergo exigit actum specialem.

4. Ex Clero Gallicano, a quo an. 1700. sequentes propositiones damnatae sunt, art. 4.

Sufficit ut actus moralis tendat in finem ultimum interpretative. Hunc homo non tenetur amare neque in principio, neque in decursu vite sue moralis.

An peccet mortaliter, qui actum dilectionis Dei semel tantum in vita eliceret, condemnare non audeamus.

Præceptum amoris Dei per se tantum obligat in articulo mortis.

Probabile est, ne singulis quidem rigorose quinquenniis per se obligare præceptum caritatis erga Deum.

Præceptum affirmativum amoris Dei & proximi non est speciale, sed generale, cui per aliorum præceptorum adimpletionem satisficit.

Tunc solum obligat, quando tenemur justificari, & non habemus aliam viam, qua justificari possimus.

5. Ratione desumpta ex D. Th. Præcepta Legis, quæ homo tenetur implere, dantur de actibus virtutum, qui sunt via perveniendi ad salutem. Atqui caritas est via perveniendi ad salutem, quia ille, qui non diligit, manet in morte: Ergo actus caritatis præcipitur aliquando, & non solum habitus caritatis.

6. Homo adultus non potest salvari, nisi actus religionis exerceat, juxta illud Matth. 4. v. 10. *Adorabis Dominum Deum tuum, & illi soli servies*: Ergo debet actus amoris erga Deum elicere, juxta illud Aug. Ep. 120. ad Honor. c. 18. *Pietas cultus Dei est: nec colitur ille nisi amando.* Finis præcepti est caritas de corde pu-

ro, & conscientia bona, & fide non ficta. Tim. 1. c. 1. v. 5. *Caritas quippe facit per seipsam immediate, ut Deo tantquam ultimo fini inhæreamus, facit per alias virtutes, quod eligamus media necessaria ad consequendum finem illum; & ita dat nobis: cor purum a terrenis, conscientiam bonam in omnibus, & fidem non fictam in divino cultu.*

7. Denique. Nihil magis necessarium, nihil magis justum, quam actualis amor erga Deum. *Justum est, inquit, author serm. de Baptis. Christi. inter Cypriani opera, Domine, ut diligamus te, quia & tu nos diligis ... Hoc natura, hoc ratio, hoc, Domine, clamat verbi tui auctoritas; & Aug. ait: Non præcipit Scriptura nisi caritatem, nec culpatur nisi cupiditatem.*

Conseclaria hujus Doctrinae.

Consecl. 1. Peccat quilibet homo adultus, si ve baptizatus, si ve non baptizatus, qui affectus annos discretionis non elicit actum amoris erga Deum, ita D. Th. 2. 2. q. 89. a. 6. ad 3. in corp. *Cum vero usum rationis habere puer incepit, non omnino excusatur a culpa venialis & mortalis peccati. Sed primum quod tunc homini cogitandum occurrit, est deliberare de se ipso; & si quidem se ipsum ordinaverit ad debitum finem per gratiam, consequitur remissionem originalis peccati: si vero non ordinet se ipsum ad debitum finem, secundum quod in illa ætate est capax discretionis, peccabit mortaliter non faciens quod in se est.*

Consecl. 2. Peccat quilibet homo si ve baptizatus, si ve non baptizatus, qui instructus de beneficiis a Deo tam copiose acceptis, non redamat Deum tam beneficium. Unde Aug. lib. 4. Conf. c. 9. *Hoc est quod diligitur in amicis, & sic diligitur, ut rea sibi sit humana conscientia, si non amaverit redamantem, aut si amantem non redamaverit.* Ideo Josue 13. v. 11. post enumerata beneficia, quæ Judæi a Deo acceperunt, sic compellat Judæos: *Hoc tantum diligentissime præcavete, ut diligatis Dominum Deum vestrum; & David ait: Benedic anima mea Domino, & noli oblivisci omnes retributiones ejus.* Pl. 102. v. 2.

Consecl. 3. Peccat quilibet homo, si ve baptizatus, si ve non baptizatus, si sit sufficienter instructus, qui tentatus odio contra Deum; actum amoris erga Deum non eliceret, quia ut plurimum hæc tentatio non vinci potest nisi per actum contrarium. Dicendum est igitur cum D. Paulo ad Rom. 8. v. 3. *Quis nos separabit a caritate Christi? tribulatio? an angustia? an fames? an nuditas? an periculum? an persecutio? an gladius? ... Sed in his omnibus se-*

peramus propter eum qui dilexit nos. Dicendum est cum Davide : *Diligam te Domine fortitudo mea, Dominus firmamentum meum, & refugium meum & liberator meus.* Psal. 17. v. 2.

Consect. 4. Peccat homo, qui in reliquis gravibus tentationibus, quæ nequeunt vinci, nili per actum amoris, nullum actum amoris elicitur; quia tunc necessarius est, ut supponitur, actus amoris : tunc enim dicendum est cum Paulo, ad Rom. 8. v. 38. *Certus sum, quia neque mors, neque vita, &c. poterit nos separare a caritate Dei, quæ est in Jesu Domino nostro*; vel cum Davide: *Dilexi, quoniam exaudiet Dominus.* Psal. 114. v. 104.

Consect. 5. Peccant Christiani, qui lapsi in peccatum mortale, nec possunt Sacramenta, quibus iustificentur, recipere: peccant, inquam si urgente conversionis præcepto non eliciunt actum caritatis; quia peccator extra Sacramentum non potest sine actu caritatis iustificari; ut enim ait Aug. serm. olim 3. de verbis Apost. nunc in apendice 117. *Pœnitentiam certam non facit, nisi odium peccati & amor Dei.* Unde Scripturæ remissionem peccatorum actuali caritati tribuunt: *remittuntur ei peccata multa, quoniam dilexit multum*, ait Christus de Magdalena pœnitente, Luc. 7. v. 47. Et Petrus 1. cap. 4. v. 8. *Caritas operit multitudinem peccatorum.*

Consect. 6. Peccant qui vel ad baptismum, vel ad pœnitentiam accedunt, quin ullum amoris actum elicere satagant; cum ex Trid. sess. 6. c. 6. necesse sit in utroque Sacramento, ut præter fidei & spei actus, pœnitentes incipiant diligere Deum tamquam totius iustitiæ fontem, uti explicat Clerus Gallicanus, ann. 1700. in declaratione de dilectione Dei in pœnitentiæ Sacramento requisita. Neque enim, ut ibi loquuntur Præsules Gallicani, satis adimpleri potest utrique Sacramento necessarium vitæ novæ inchoandæ, ac servandæ mandata divina propositum, si pœnitens primi ac maximi mandati, quo Deus toto corde diligitur, nullam curam gerat; nec sit saltem animo ita præparato, ut ad illud exequendum divina opitulante gratia se excitet ac provocet.

Consect. 7. Qui vel ex necessitate, vel ex devotione recipiunt Sacramentum Eucharistiæ peccant, si toto tempore vel præcedente, vel concomitante, vel subsequente Communionem, nullum actum amoris eliciant : tantum quippe Sacramentum vix potest debite sine actu caritatis recipi; est enim pignus amoris Christi erga nos, juxta illud Joan. 13. v. 1. *Cum dilexisset suos, qui erat in mundo, in finem dilexit eos*: ergo exigit a nobis aliquem actum amoris.

Item cum alia Sacramenta, Confirmationem scilicet, Extremam-Unionem, Ordinem, & Matrimonium recipimus, cum hæc sacra Symbola sint signum amoris Dei erga nos, debemus Deum autorem Sacramento- rum in pignus gratitudinis redamare.

Consect. 8. Culpa non caret qui non eliciunt actum aliquem amoris erga Deum, cum audiunt Deum impeti blasphemias, cum vident inhonorari & contemni gravissimis sceleribus; hoc enim exigit amor divinus, ut patet exemplo Davidis, qui amore incensus dicebat, Pl. 118. v. 139. *Tabescere me fecit zelus meus, quia oblitus sum verba tua inimici mei.* Illud etiam docent exempla Phinees, Eliæ, Mathariæ & Christi. Phinees enim divino zelo inflammatus occidit eos, qui iniuriabantur Beelphegor, num. 25. Elias vero dicebat: *zelus zelatus sum pro Domino exercituum, quia dereliquerunt pactum tuum filii Israel.* Reg. 3. cap. 19. v. 14. Mathathias autem accensus zelo trucidavit super aram Judæum quemdam idolis sacrificantem, & virum, quem Antiochus miserat, qui Judæos cogebat immolare, & zelatus est Legem sicut fecit Phinees. Machab. 1. cap. 2. v. 24. Demum zelum illum erga gloriam Dei toto vitæ suæ decursu docuit Christus, de quo dicitur: *Zelus domus tuæ comedit me.* Joan. 2. v. 17.

9. Peccant qui in mortis periculo constituti non eliciunt actum amoris; quia tunc præcipue entendum est, ut ad Deum per amorem tendamus, & Deo per sacrificium amoris offeramus nos. Id videtur docere Paulus dicens Rom. 14. v. 8. *Sive enim vivimus, Domino vivimus, sive morimur, Domino morimur; sive ergo morimur, sive vivimus, Domini sumus*, scilicet consecrando nos Deo per amorem; in illo quippe mortis articulo pœnitere nos debet, Deum non amasse, usurpantes verba illa Aug. *Sero te amavi pulchritudo tam magna, tam antiqua. Sero te amavi.*

10. Peccant qui maximam vitæ partem exigunt quin ullum eliciant amoris actum: non enim certe implent illud Eccl. *Omni vitâ tuâ dilige Deum, in voca illum in salute tua.* Eccl. 13. v. 18. Et gravem habent timendi causam, ne omni Dei amore prorsus destituantur; neque enim, ut bene movet Aug. in Psal. 31. & c. 21. *Dilectio vacare potest, da mihi vacantem amorem & nihil operantem? Nec potest vacare amor in anima amantis.*

11. Peccant juxta plurimos, qui non eliciunt actum amoris in sequentibus casibus. 1. Diebus festis, quibus tenentur Deum peculiariter colere. 2. Qui in statu peccati mortalis affectum peccati per actum amoris non ab- jiciunt

jiciunt, cum volunt audire Sacrum. 3. Cum volunt aliquod opus magni momenti aggredi: quæ quidem sententia tuta omnino est & magnæ utilitatis; ideoque in praxi consulenda.

Unde hortandi sunt fideles. 1. Ut diebus Dominicis & festis actus amoris eliciant: ad quod persuadendum non parum inserviunt hæc verba Isaï. cap. 1. v. 16. ubi loquens quæ sanctitate dies festivi celebrandi sint, ait: *Lavamini, mundi estote, auferite malum cogitationum vestrarum ab oculis meis: quiescite agere perverse* De hoc infra ubi de sanctificatione festorum.

2. Hortandi sunt peccatores, ut affectum peccati mortalis abjiciant, cum volunt Missæ sacrificio interesse, ut una cum Sacerdote sacrificium offerant Deo: ad quod suadendum inservire possunt hæc verba Samuelis 1. Reg. 16. v. 5. *Sanctificamini, inquit, & venite mecum, ut immolem*, innuens, plebem Sacerdoti debere conjungi, ut cum eo Sacrificium offerat. De hoc fusius infra, ubi de auditione Missæ.

3. Hortandi sunt fideles, ut actum caritatis eliciant cum ingens aliquod negotium suscipiunt; quia tunc maxime ad Deum recurrunt: quod maxime evincunt hæc verba Isaïæ 30. v. 1. *Vae filii desertores, dicit Dominus, ut faceretis consilium & non ex me, & ordiremini telam & non per spiritum meum.*

4. Hortandi sunt fideles, ut interdum in confessione Sacramentali accusent se de omissione actuum caritatis erga Deum, incerti an illud impleverint: pium illud exercitium suadet Navarrus Enchyrid. c. 11. n. 7.

Prop. 2. Deus consideratus prout est suprema bonitas exigit, ut mens nostra in ipsum diversis affectibus moveatur, eique per illos affectus adhæreat, & ab eo separari formidet.

Prob. 1. Scriptura. *Ecce, inquit David Psal. 72. v. 26. qui elongans se a te peribunt, perdidisti omnes qui fornicantur abste; mihi autem adhærere Deo bonum est;* Ergo pessimum malum est elongari a Deo, & unicum bonum est cum eo conjungi: quod utique non fit nisi piis affectibus; ad Deum si quidem, ut docet passim Aug. non itur pedibus, sed affectibus: ergo mens nostra debet in Deum diversis affectibus amoris moveri, eique adhærere.

2. Ex Aug. serm. olim. 13. de verb. Apost. cap. 7. nunc vero cap. 56. *Dicebat Epicureus, mihi frui carne bonum est: dicebat Stoicus, mihi frui meamente bonum est: dicebat Apostolus Paulus, mihi abhærere Deo bonum:* Ergo præcipuum hominis officium est adhærere Deo variis amoris affectibus, *Ei enim inherens, ut*

docet idem Aug. libr. 2. de lib. arb. c. 13. *tamquam obliuiscitur cætera, & in illo simul omnibus fruatur.*

3. *Rat.* Bonitas mentem nostram ad se attrahit, ejusque affectus excitat: ergo cum Deus sit suprema bonitas, exigit ut mens nostra in ipsum diversis affectibus moveatur.

Non omnes, sed aliquos affectus, in quos mens nostra potest erumpere, percurreremus.

Consecratoria hujus Doctrinæ.

Consect. 1. Oportet ut mens nostra excelsam Dei majestatem consideret, de qua Psalmista ait: *Magnus Dominus, & laudabilis nimis, & magnitudinis ejus non est finis.* Et in hac excelsa Dei eminentia ultro sibi complaceat, uti verus filius gaudet, & lætatur de fortuna patris: id juxta Aug. epist. 121. exprimunt hæc verba orationis Dominicæ: *Pater noster, quies in cælis;* idem enim est ac si diceremus, *Pater non minus gaudeo, quod sis in cælis, omnibusque longe emineas, quam filius gaudeat ob fausta, quæ patri obveniunt.* Aperte affectum illum exprimunt hæc verba Abacuc: *Ego in Domino gaudebo, & exultabo in Deo Jesu meo.* Idemque exprimit Canticum Beatorum in cælis decientium: *Alleluja, salus, & gloria, & virtus Deo nostro* Et rursum: *Laudem dicite Deo nostro omnes servi ejus; & qui timetis eum pusilli, & magni.* Apocal. 19. v. 2. & 5.

Consect. 2. Oportet ut mens nostra optet hanc Dei eminentiam omnibus innotescere, & nomen sanctorum ejus in dies magis ac magis manifestari: quod desiderium his verbis exprimimus, juxta Aug. Epist. 121. *Sanctificetur nomen tuum, secuti exemplum Christi, qui non suam, sed Patris gloriam in omnibus lætabatur.* Honorifico, inquebat, *Patrem meum, ego non quero gloriam meam.* Joan. 4. v. 34. Et Paulus non in alium quam in Deum veram gloriam refundebat. *Regi seculorum, inquebat, immortalis invisibili, soli Deo, honor & gloria.* 1. ad Timoth. 1. v. 17.

Consect. 3. Oportet ut mens nostra ita sit affecta erga Deum, ut sanctissimam ejus voluntatem in omnibus adimpleri desideret, & ab ipso numquam separari per peccatum ardentius possulet. Juxta Aug. ibidem primum affectum ita exprimimus: *Fiat voluntas tua sicut in cælo & in terra.* Secundum vero historite verbis excitare possumus. *Et ne nos inducas in tentationem, sed libera nos a malo.* Affectus illi ex amore & timore coalescunt: sic enim inquit Aug. *Patres a se*

a filiis piis & timentur & amantur; sic conjux pudica virum & timet, ne ab illo deseratur, & amat ut fruatur. Si ergo & pater homo, & conjux homo & timeri & amari debent, multo magis Pater noster qui est in cælis, & ipse sponsus, non carne præ filiis hominum, sed virtute formosus. Ita patet in suis operibus Aug. sed præcipue in Psal. 118. Hom. 31.

Prop. 3. Deus consideratus pro ut est nostra beatitudo exigit, ut mens nostra in ipsum diversis affectibus inclinetur, v.g. amando, desiderando eam beatitudinem, cunctisque bonis creatis præferendo.

Prob. 1. Scriptura. Quid mihi est in cælo, inquit David, & a te, id est præter te, quid volui super terram? Deus cordis mei, pars mea Deus in æternum. Psal. 73. v. 24. Ergo tenemur ad exemplum Davidis Deum quatenus est nostra beatitudo & amare & desiderare, cunctisque bonis creatis præferre. Quod vero pium illud exercitium sit non solum de consilio, sed etiam de præcepto, patet ex eo quod statim subjungit Psalmista: Quia ecce qui elongant se a te peribunt; indicans perituum eum qui secus fecerit.

2. Ex Aug. in Psal. 134. Ipsa merces tua summa, Deus ipse eris, quem gratis diligis, & sic amare debes, ut ipsum pro mercede desiderare non desinas, qui solus te satiet. Ergo oportet ut mens nostra Dei possessionem amet, desideret, eamque cunctis bonis creatis præferat.

3. Rat. Illud debemus in terris amare, optare, bonisque terrestribus præferre, quod nobis in cælis promittitur, Deus enim nihil promittit nisi quod nos amare, desiderare, & magni facere oporteat: atqui Deus ipse nobis promittitur ut nostra beatitudo, juxta illud dictum Abrahæ: Ego protector tuus sum, & merces tua magna nimis. Gen. 15. Ergo oportet, ut mens nostra ipsam Dei possessionem & amet, & desideret, & cunctis bonis creatis præferat.

Non omnes, sed aliquos affectus, in quos mens nostra potest erumpere erga Deum, quatenus est nostra beatitudo, percurreremus.

Consecrarium hujus Doctrinæ.

Consecr. 1. Oportet ut mens nostra sæpius eam mercedem, quæ non alia est quam Deus ipse, exoptet & sitiat. Ex Aug. Epist. 121. Id videtur præcepisse Christus dum iussit, ut beatitudinem illam enixe a Patre postulemus hac prece frequenter repetita: Adveniat regnum tuum. Idem suadent sancto-

rum Virorum exempla. Erit mihi Dominus in Deum, inquit Jacob Gen. 28. & Paulus: Cupio dissolvi & esse cum Christo. Pios illos affectus ita exprimit Aug. soliloq. c. 1. Dominus meus, Rex meus, Pater meus, causa mea, spes mea, res mea, honor meus, domus mea, patria mea, salus mea, lux mea, vita mea jam te solum amo, te solum sequor, te solum quero, tibi solum servire paratus sum.

Similia reperies quam plurima in Psalmis, in libris Confess. Aug. & alibi.

Consecr. 2. Mens nostra ita debet esse affecta erga Deum, qui futurus est nostra beatitudo, ut eum bonis quibuscumque creatis præferat, malitque omnia mala perpeti, bonisve omnibus spoliari, quam a Deo seungi: de hac obligatione ita Paul. ad Rom. 8. v. 35. Qui nos separabit a caritate Christi? Tribulatio? An angustia? An fames? An nuditas? An periculum? An persecutio? An gladius? sicut scriptum est: quia propter te mortificamur tota die, estimati sumus sicut oves occisionis: sed in his omnibus superamus propter eum qui dilexit nos. Et ut firmitatem & constantiam illius adhesionis cum Deo clarius patefaciat, subjungit: Certus sum enim quia, neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare a caritate Dei; quæ est in Christo Jesu Domino nostro. Et alibi: Omnia arbitraturs sum ut stercora, ut Christum lucrificarem.

Consecr. 3. Hinc sequitur, non peccare eos, qui intuitu æternæ retributionis operantur, nihilque eo intuitu caritati erga Deum detrahi.

1. Non peccant: Deus enim vult ut eam nobis sæpius mercedem proponamus, quo alacrius virtutem amplectamur, exemplo Christi, & sanctorum. Christus enim, propositio sibi gaudio sustinuit crucem. Heb. 12. Moyses aspicebat in remunerationem: Heb. 11. David de se ipso ait: Inclinaui cor meum ad faciendas justificationes tuas propter retributionem. Psal. 118. Apostoli mercedem nedum abiciunt, quin imo postulant. Ecce, inquit, nos reliquimus omnia, & secuti sumus te; quid ergo erit nobis? Matth. 19. v. 27. Et Paulus mercedem non rejicit, sed expectat: Reposita est mihi, inquit, corona iustitiæ. 2. Tim. 4. v. 8. Et Colossenses ad virtutem adhortatur proponens certam spem, quæ reposita est eis in cælis. 1. v. 5. Reipa, ut optime. ait Amb. lib. 5. super Luc. 6. studia ipsa virtutum sine remuneratione torpescunt. Et

Greg.

Greg. Homil. 37. *Delectet mentem magnitudo premiorum, sed non deterreat certamen laborum.* Demum Concil. Trident. sess. 6. can. 13. ita habet: *Si quis dixerit iustificatum peccare, dum intuitu eterne mercedis bene operatur, anathema sit.*

2. Spes retributionis eternæ, si hæc retributio sit Deus ipse, nihil caritati detrahit, ut optime explicat Bonav. in 3. dist. 37. a. 2. q. 2. ubi sic habet: *Si enim per affectum amicitie homo servit amico, eumque diligit sine intuitu præmii, aut ait Philosophus, multo fortius amore caritatis homo vult bonum Deo sine intuitu alicuius retributionis. Sed per hoc non excluditur, quin caritas amore concupiscentiæ exoptet, & desideret illam summam mercedem apprehendere, ad quam finaliter intendit pervenire.* Tum quippe, ut monet Aug. in Psal. 72. *gratis amamus Deum.* Ipsum enim amamus propter ipsum. Et juxta Bernard. lib. de dilig. Deo c. 7. *Tunc anima amans Deum aliud præter Deum sui amoris præmium non requirit.* Ubi, inquit Aug. in Psal. 72. *factum est cor castum, gratis jam amatur Deus, non ab illo petit aliud præmium.... Quid ergo nullum præmium Deit nullum præter ipsum, præmium Dei ipse est Deus. Hoc amat, hoc diligit: si aliud dilexerit, non erit castus amor.*

Prop. 4. Si Deum consideretur, uti re vera est, tamquam finis ultimis omnium, quoties homo agit ex deliberata ratione, toties debet omnia opera sua in Deum vel actualiter, vel virtualiter referre: actualiter quidem, eligendo actum expressum, quo opus suum ordinet in Deum: virtualiter vero, faciendo opus suum ex vi prioris intentionis.

Prob. 1. Scriptura. Paulus de hac obligatione ita loquitur: *Sive manducatis, sive bibitis, sive aliud quid facitis, omnia in gloriam Dei facite:* 1. Cor. 19. v. 21. & c. ult. v. 17. *Omnia vestra in caritate fiant.* Et Col. 3. v. 17. *Omne quodcumque facitis in verbo, aut in opere, omnia in nomine Domini Jesu Christi, gratias agentes Deo, & Patri per ipsum.* Ergo ex Scriptura debemus omnes actiones nostras in Deum dirigere.

Prob. 2. Ex Divo Aug. in Enchirid. c. 121. *Quod vero ita sit vel timore pænæ, vel aliqua intentione carnali, ut non referatur ad illam caritatem quam diffundit Spiritus sanctus in cordibus nostris, nondum sit quemadmodum oportet fieri, quamvis fieri videatur.* Et lib. 1. de Doct. Christ. c. 2. *Hæc enim regula dilectionis divini constituta est, ut omnes cogitationes tuas, & omnem vitam, & omnem intellectum in illum conferas, a quo habes ea ipsa quæ confers.*

Cum ait, ex toto corde, tota anima, tota mente, nullam vitæ nostræ partem reliquit, quæ vacare debeat, & quasi locum dare, ut alia re velit frui; sed quidquid aliud diligendum venerit, illic rapiatur quo totus dilectionis impetus currit.

3. Ex D. Th. Præceptum, inquit 1. 2. q. 100. a. 10. ad 2. *caritatis impleri non potest, nisi omnia referantur in Deum.* Et rursus 1. 2. q. 102. a. 6. ad 7. *Celestis intentio omnibus operibus nostris debet adungi.* Ergo ex vi præcepti caritatis debemus omnes nostras actiones in Deum referre.

4. Ratione Javelli, ut clare pateat in hac lententia ab antiquis Theologis minime nos dissentire. En verba Javelli: *Nullus est actus bonus perfecte moralis, nisi factus sit intentione recta. Intentio non est recta nisi sit cum dilectione rationis rectæ. Ratio recta dicit omnem actum moralem faciendum ultimate, propter summum ultimum & optimum finem, qui non gratia alterius, sed gratia sui diligendus est: hic autem est Deus: ergo nullus est actus bonus perfectus moralis, nisi fiat ultimate actu, vel habitu propter Deum &c. Et ex quibus corollarie sequitur, nulla esse opera vere, & perfecte moraliter bona nisi ultimate fiant ex Dei dilectione actuali, vel habituali; unde Aug. super psalmos: Ea quippe sola opera bona dicenda sunt, quæ per dilectionem Dei fiunt.* Et in libro de spiritu, & littera inquit: *Non est fructus bonus qui de caritatis radice non surgit.* Ita Javellus de Philosophiæ Christianæ celsitudine c. 6.

5. Omnis homo vel est peccator, vel iustus: si peccator, tenetur converti ad Dominum, juxta illud: *Non tardes converti ad Dominum, ne differas de die in diem.* Eccles. 6. v. 8. & juxta illud Pauli ad Hebræos 12. v. 1. *Ideoquæ & nos... deponentes omne pondus & circumstantias nostras peccatorum, per patientiam curramus ad propositum nobis certamen.* Si iustus, tenetur in accepta iustitia crescere, juxta illud Proverb. 4. v. 18. *Iustusur semita, quasi lux splendens, procedit, & crescit usque ad perfectum diem:* & juxta illud Psalmi 83. v. 8. *Ibunt de virtute in virtutem; & juxta illud Petri 2. c. 3. Crescite in gratia & in cognitione Domini nostri Salvatoris Jesu Christi.* Conversio autem a statu peccati ad statum gratiæ, augmentum in gratia non habetur, nisi actione supernaturali propter Deum elicitæ: ergo omnis homo sive peccator, sive iustus tenetur opus referre in Deum vel actualiter, vel virtualiter, quoties agit ex deliberata ratione & in ordine ad vitam æternam; hic enim non a quo de actibus bonis præciæ bonitate morali

rali naturali (a), quia Moralis Christiana, qualis est nostra, bonitatem supernaturalem inquirat, non naturalem; & si quæ sint quæstiones circa bonitatem præcise naturalem, eas Philosophis agitandas relinquo.

Consecratoria hujus Doctrinæ.

Consect. 1. Non dantur actus indifferentes in individuo, id est, quoties homo deliberate agit, toties vel peccat, vel bene operatur: de quo ita D. Thom. 1. 2. q. 18. a. 9. *Actus a ratione deliberata procedens, si non sit ad debitum finem ordinatum, ex hoc ipso repugnat rationi, & habet rationem mali: si vero ordinetur ad debitum finem, convenit cum ordine rationis, unde habet rationem boni. Necessè est autem quod vel ordinetur, vel non ordinetur ad debitum finem, unde necessè est omnem actum hominis a deliberativa ratione procedentem, in individuo consideratum, bonum esse, vel malum.* Aug. aliud principium adhibet ad illud idem probandum. Quidquid facit homo, inquit lib. 9. de Trin. cap. 7. est aut a caritate, aut a cupiditate; si a caritate, est bonum; si a cupiditate, est malum, cum creatura amatur. Si ad Creatorem refertur ille amor, non jam cupiditas, sed caritas erit; tunc enim est cupiditas cum propter se amatur creatura; tunc non utentem adjuvat, sed corruptum facientem. Basiliius vero, Ambrosius, & Gregorius eandem veritatem probant isto principio, scilicet: quod omnis actio, quæ non cedit in gloriam Dei, est otiosa; si otiosa, ergo mala: de omni enim verbo otioso reddituri sumus rationem in die iudicii. Demum Bernardus, & alii idem evincunt hoc principio omnibus obvio. Omnia quæcumque aut habemus, aut facimus, Deo multis titulis debita sunt, tum quia a Deo vivimus, movemur, & sumus, tum quia ab ipso redempti sumus. Si totum me debeam, ait Bern. pro me facto, quid addam jam? & pro respectu, & respectu hoc modo? Ergo: si quid Deo subtraham, eique non of-

feram, furtum est, inquit, & proinde peccatum.

Consect. 2. Ut observemus hoc præceptum, quo tenemur omnia in Deum referre, quoties deliberate agimus, curare debemus, ut omnia fiant a caritate vel elicitive, vel imperative, ut ajunt: de quo ita D. Thom. 2. 2. q. 23. a. 4. ad 2. *Caritas habet pro objecto finem ultimum humane vite, scilicet beatitudinem æternam; ideo se extendit ad actus totius vite humane per modum imperii: ac proinde in actibus, qui non fiunt ex imperio caritatis, deest debita ordinatio ad ultimum finem.*

Monit. 1. Duos hic extrema vitanda sunt: quorum primum est, ne credamus vagam intentionem sufficere, ut opus nostrum referatur in Deum; alterum vero, ne credamus intentionem actualem, & formalem semper requiri, ut opus nostrum referatur in Deum.

De primo sic loquitur D. Bonav. in 2. diff. 41. a. 1. q. 3. *Non sufficit, si quis ad initium anni, vel mensis, vel etiam diei, generali, id est, vaga quadam intentione referat omnia opera sua futura in Deum; sed necessè est, ut illud ipsum opus particulare, quod postea faciendum est, referatur in Deum: tunc enim dicuntur opera virtute in Deum relata, cum intentione procedens est vera causa operum.*

De secundo sic habet D. Thom. 1. 2. q. 1. a. 6. ad 3. *Non oportet ut semper aliquis cogitet de ultimo fine, quando cumque aliquid appetit, vel operatur: sed virtus primæ intentionis, quæ est respectu ultimi finis, manet in quolibet appetitu cujuscumque rei, etiam si de ultimo fine actu non cogitet: sicut non oportet, quod qui vadit per viam, in quolibet passu cogitet de fine: & 1. 2. q. 88. a. 1. ad 2. ait: Sicut Medicus, dum colligit herbas, actu intendit conficere potionem, nihil fortassis cogitans de sanitate; virtualiter tamen intendit sanitatem propter quam potionem dat; ita &c. Utiliter ergo circa hoc monent Theologi, ut frequenter & devote orationem Dominicam recitemus, quæ omnia nostra in*

K. 2.

Deum

(a) Dixi: *Hic non ago de actibus nostris bonis bonitate morali naturali.* Numquid illud additum ex industria, ut eludam hanc quæstionem: an omnia opera peccatoris sint peccata? an omnia opera infidelium sint peccata?

Non is meus sensus fuit: miserat solum lectorem non fatigare his quæstionibus, quæ parum aut forte nihil intervniunt ad Moralem Christianam. Ut ut sit, ut quæ mea sit sententia circa prædictas quæstiones plane pateat, adhæreo Trid. dicenti: *Si quis dixerit omnia opera, quæ ante justificationem sunt, quæcumque ratione facta sint, vera esse peccata... anathema sit.* Adhæreo summis Pontificibus damnantibus istam propositionem: *Omnia opera infidelium sunt peccata.* Adhæreo D. Th. qui 2. 2. q. 10. a. 4. docet ex professo, quod tamen infideles divina gratia careant, quia tamen ex infidelitate non corrumpitur totum naturæ bonum, possunt aliquid boni operari, quamquam id non sit meritum vite æternæ.

Deum ordinamus, si qua decet attentione, corde, & ore effundatur: monent etiam ut recitemus frequenter istud canticum, *Gloria Patri, & Filio, & Spiritui Sancto*, aut alias similes orationes ferventes, quibus omnia opera nostra dirigamus in Deum.

Monit. 2. Circa amorem Dei duæ etiam illusiones vitandæ: altera qua creditur Deum amari, quia id mens cogitat: altera, qua creditur Deum minime amari; quia sensibili commotione non afficimur: utraque illa amoris divini notio fallax est, & a vero longissime aberrans.

Amor Dei nec in cogitatione situs est, qua nobis persuademus Deum a nobis diligere, dum voluntas in ipsum nullum affectum movetur; nec in exteriori verborum sono, quo ita loquimur: *dilige te Domine ex toto corde*, dum interius Dei mandata & negligimus, & violamus; sed amor Dei actus est voluntatis, quo in Deum ferimur, & pondus aliquod, quo in Deum inclinamur, ejusque mandatis etiam minimis obtemperamus, nulla licet sensibili affectio sanguinem agitet, aut cor nostrum commoveat. De vera caritate sic scribit Joannes 1. c. 3. v. 18. *Filioli mei, non diligamus verbo, neque lingua, sed opere, & veritate.* Qui ergo cælestem caritatem dignoscere voluerit, eam ex terrenis affectibus metiatur: uti enim amicum diligere dicimur, cum de eo frequenter loquimur, de eo frequenter cogitamus, cum ejus causam licet abientis suscipimus, cum ei adhærere cupimus, dum quod ei placet ultro amplectimur, quod ei displicet exacte vitamus; ita tales oportet nos esse erga Deum, si cum vere dilexerimus: tales enim exhibuerunt se Sancti erga Deum, quem diligebant. De Deo sapius cogitabant, juxta illud Sap. 4. v. 16. *Cogitatio illorum apud Altissimum.* Deum frequenter recordabantur, juxta illud Psal. 41. v. 5. *Hæc recordatus sum, & effudi in me animam meam.* De Deo, rebusque divinis loquebantur, uti faciebant discipuli euntes Emmaus. *Et ipsi*, inquit Lucas 24. v. 14. *loquebantur ad invicem de his omnibus quæ acciderant Jesu.* Deo offenso, condebant, juxta illud Psal. 118. v. 13. *Tabelcere me fecit zelus meus, quia soliti sunt verba tua inimici mei.* Deo glorificato, congaudebant, juxta illud Psal. 96. v. 1. in quo David & gaudet, & ad gaudium excitat orantes populos ob stabilitum regnum Dei: *Dominus regnavit, exultet terra, letentur insule multe.* Deum quærebant assidue, uti dictum de sponsa: *Quæsi quem diligit anima mea.* Inventum non deserebant, sed caste amplexabantur: *Tenui eum, neq. dimittam.* Cant. 1.

Deo adhærere cupiebant. *Quemadmodum desiderat cervus ad fontes aquarum*, inquit David Psal. 41. v. 2. *ita desiderat anima mea ad te Deus.* Tandem, quæ Deo placebant, sectabantur, quæ autem Deo displicebant, avertebantur. Uti enim matres vere & filios, & sponsos dicuntur diligere, dum illos sollicitè & amanter curant, dum illis ægrois anguntur, convalescentibus gaudent, dum periclitantibus metunt, dum absentes deliderant; ita & nos Deum diligere dicimur, cum similibus affectibus erga Deum movemur.

Cavendum tamen ne his aut similibus signis præsumat quis, & certo statuat se esse in caritate. *Nemo enim scit, utrum amore, vel odio sit dignus, & a nemine nisi ex speciali revelatione sciri potest; Quos Deus sibi elegerit: & rursum, ut monet Trident. post Apost. Qui existimant se stare, videant ne cadant; & cum timore, ac tremore salutem suam operentur.* Scilicet 6. cap. 13.

C A P U T V.

De adibus contrariis caritati erga Deum.

Actus divino amor erga Deum contrarii sunt hi, qui amorem Dei tum affectivum, tum effectivum directe impetunt; redduntque animam ita male affectam erga Deum, ut eum instar inimici habeat: rara quidem, & infrequens est hæc humani cordis pravitas; sed quia eo malitiæ aliquando progreditur, ideo hic de adibus caritati erga Deum adversantibus agendum.

1. Prop. Graviter peccant qui actus amoris affectivo erga Deum contrarios eliciunt.

Prob. 1. Script. Omissio amoris affectivi erga Deum in his circumstantiis, in quibus debet elici, est peccatum mortale, juxta illud Joan. 1. c. 3. v. 14. *Qui non diligit, manet in morte: & juxta illud Paul. 1. ad Corinth. 16. v. 22. Si quis non amat Dominum nostrum Jesum Christum, sit anathema:* ergo a fortiori actio directe contraria amoris divino affectivo erit peccatum mortale.

2. Ex Greg. lib. 25. Moral. cap. 16. ubi sic habet: *Sicut nonnumquam gravius est peccatum diligere, quam perpetrare; ita nequius est odisse justitiam, quam non fecisse:* ergo & odisse Deum gravius est, quam aliquod ex ejus mandatis violare; unde ait D. Thom. 2. 2. q. 34. a. 2. in corp. *Odium Dei inter alia peccata est gravius.*

3. Rat. Omnis actus virtutis contrarius est peccatum, & tanto gravius, quanto sublimior est virtus, quæ per peccatum impeditur.

titur: ergo cum caritas sit omnium virtutum maxima, odium Dei, caritati Dei contrarium, debet esse omnium peccatorum gravissimum.

Confessaria bujus Doctrinae.

Confess. 1. Graviter peccant qui ita depravato sunt corde, ut Deum odio habeant; quia ab illis, ut ait D. Thom. *Apprehenditur tamquam peccatorum prohibitor & poenarum infligator*. Debent enim sanctissimam Dei Legem amare, & poenas ab illo inflatas patienter tolerare: de quibus ita Aug. tract. 90. in Joan. *O miseros homines, qui cum volunt esse mali, nolunt esse veritatem, quia damnantur mali; nolunt enim eam esse quod est, cum se ipsos debeant nolle esse quod sunt, ut ipsa manente muerentur, ne ipsa judicante damnentur*; de quibus ait Deus: *Odio habuerunt me gratis, id est, sine causa*. Joan. 13. v. 25.

Confess. 2. Peccant graviter qui ita sunt affecti erga Deum, ut quod Deo placet, onerosum habeant, jucundum vero, quod Deo odiosum est; quia actus ille maxime amoris divino affectivo adversatur.

Tales sunt hi, qui ita invidi sunt erga Deum, ut doleant maxime divinam ejus celsitudinem omnibus eminare; tantoque magis crescat eorum pravitas, quanto sublimior eis apparet divina excellentia: de quibus ait David, Psal. 73. *Superbia eorum qui te oderunt, ascendit semper*.

Tales sunt hi, qui Regnum Christi, & Dei ita onerosum habent, ut lætentur cum videatur decrescere, doleant vero, cum videtur latius extendi: de quibus ita Christus, Joan. 15. v. 24. loquens de Judæis: *Nunc autem & viderunt, & oderunt me, & Patrem meum*.

Tales etiam sunt hi, qui sanctissimam Dei Legem, non modo ipsi violant, sed ab aliis violari cupiunt. Tales erant Pharisei, quibus sic improperebat Christus, Matth. 23. v. 15. *Vae vobis Scribæ & Pharisei hypocritæ, quia circumcitis mare & aridam, ut faciatis unum proserlyum; & cum fueris factus, facitis eum filium gehennæ duplo quam vos*.

Confess. 3. Graviter peccant qui ita sunt erga Deum affecti, ut eum quidem odisse nolint, sed eum actu positivo diligere nihil curent: etenim perennis illa divini amoris voluntaria cessatio, & erumpentis sponte ardoris retentio maxime caritati adversatur; caritas enim ignis est, ergo æstuet oportet; virtus est, ergo prorumpat in actus necessum est, arbor est, ergo nequit esse omnino sterilis, & infructuosa.

Prop. 2. Peccant quicumque actus effectivos amoris erga Deum contrarios eliciunt; & quidem mortaliter, si caritatem extinguant; venialiter vero, si caritatis ardorem solum minuant.

Prob. 1. Script. Christus interrogatus ab uno ex Scribis, *Quod esset primum omnium mandatum*, respondit: *Diliges Dominum Deum tuum ex toto corde tuo, & ex tota anima tua, & ex tota mente tua, & ex tota virtute tua*. Marc. 2. v. 30. Quod utique fit, inquit D. Th. opusc. 18. c. 5. 1. si omnes affectus cordis referantur in Deum sicut in finem. 2. Si mentem suam homo Deo subiciat captivando intellectum in obsequium fidei. 3. Si quicumque homo amat, in Deo amet. 4. Si omnia exteriora verba, & opera ex divina caritate firmantur. Demum, si nihil nobis desit ad divinam dilectionem, quod actu, vel habitu in Deum referamus; & hujus divine dilectionis perfectio datur homini in præcepto: ergo si quid agamus contra prædicta, peccamus contra amorem Deo debitum; mortaliter quidem, si extinguatur caritas; venialiter vero, si solum ardor caritatis minuatur, ut passim explicat D. Thom.

2. Ex Aug. lib. 2. cont. Faust. cap. 78. ubi sic habet: *Fit homo iniquus, cum propter seipsas diligit res propter aliud assumendas; & propter aliud diligit res propter seipsas diligendas*. Sic enim quantum in ipso est, perturbat in se ordinem naturalem, quem Lex æterna conservari jubet: ergo peccat quicumque agit contra amorem Dei effectivum; quo fit, ut ibidem docet Aug. *Ut ob aliud homo non appetat rebus uti, nisi propter quod divinitus instituitur sunt: ipso autem Deo frui propter ipsum, seque & amico in ipso Deo propter ipsum Deum*.

3. **Rat.** Amor effectivus jubet non modo nihil diligere plusquam Deum, sed etiam nihil omnino diligere nisi propter Deum, & omnia ad ejus gloriam dirigere: Deo enim tamquam Creatori, tamquam Redemptori, tamquam supremo omnium bono, debetur omnis animæ motus, omnis affectus, nullaque amoris nostri pars sine injuria Creatoris in creaturam derivatur: ergo peccant quicumque aliquid contra illum amorem moluntur. Unde Leo Magnus ait serm. 5. de jejunio septimi mensis: *Rationalis animus, qui sine dilectione esse non potest, aut Dei amator est, aut mundi; in dilectione Dei, nulla nimia; in dilectione mundi, cuncta sunt noxia*: ergo peccant quicumque actus eliciunt effectivo amoris erga Deum contrarios; mortaliter quidem, si suum amorem sistant in creatura; venialiter vero, si non adhæreant ul-

mate creaturæ. Vide quæ diximus ubi de distinctione peccati mortalis & venialis.

Confessaria hujus Doctrina.

Confess. 1. Peccant pigri, qui de bono spirituali tristantur, vel qui laborem animum cum observantia divinæ legis refugiunt: quos sic loquentes inducit David, Pl. 118. v. 18. *Dormitavit anima mea præ tadio.* Hæc tristitia est peccatum mortale, inquit Cajet. quando inducit mortalem omissionem, puta, cum quis horret bona spiritualia ad quæ tenetur, aut cum inducit ad mortalem commissionem, ad desperationem, aut ad contemptum beneficiorum Dei.

Confess. 2. Peccant luxuriosi, gulosi, ebriosi, &c. qui carnalibus voluptatibus hebentati spirituales fastidiunt delicias, virtutis exercitia nihil omnino curant: de quibus ait David, Plal 106. v. 18. *Omnem escam abominata est anima eorum.*

Confess. 3. Peccant qui rebus creatis potius quam Deo tamquam ultimo fini adhaerent, in quibus cupiditas dominatur, & non caritas; hic enim animæ status, hæc cordis nostri affectio divino amori maxime adversatur, ut docet S. Franciscus Salesius Genevensis Antistes lib. 6. de divino amore. *Hoc, inquit, a nobis poscit Deus, ut inter omnes amores divinus præcipuum in corde locum obtineat, ut toti nimirum dominetur cordi.... Omnes nimirum facultates mancipans.... Singulis sufficiens est ille amor, sed omnibus necessarius ad salutem: ita enim oportet nos esse affectos erga creaturas, inquit Paul. 1. Cor. 7. v. 31. ut qui utuntur hoc mundo, tamquam non utantur; præterit enim figura hujus mundi: & juxta Aug. lib. 1. de Doct. Christ. cap. 3. utendum est hoc mundo & non fruendum. Frui enim est, inquit, amore alicui rei inherere propter seipsam; uti autem, quod in usum venerit, ad id quodamas obtinendum reserere, si tamen amandum est.*

Confess. 4. Peccant demum contra amorem Dei effectivum quicumque peccatum aliquod mortale committunt, ut docet Gerson in Oculo triplici. cujus hæc sunt verba: *Præceptum est, inquit, Diliges Dominum Deum tuum ex toto corde tuo, &c. hoc est non velle scienter rem quamcumque amare plusquam Deum, quo Dei amorem perdas. Hoc autem præceptum convenienter ab homine servatur, & non aliter, si legem Dei, & alia præcepta operibus impleat; quisquis enim mortaliter peccat, præceptum hoc infringit, quia voluntatem suam divinæ voluntati oppositam anteponit. Hæc*

Gerson. Amorem illum perversum mortalem esse pronuntiat Christus, apud Matth. c. 10. v. 37. *Qui amat patrem, aut matrem plusquam me, non est me dignus; & qui amat filium, aut filiam suam super me, non est me dignus.*

PARS TERTIA.

De caritate erga nos.

DE caritate erga nos eodem ordine agemus, quo de caritate circa Deum. Statuamus 1. Ad quid obliget caritas erga nos. 2. Quæ vitia illi opponantur.

CAPUT VI.

Ad quid obliget caritas erga nos.

PRæcepto non opus est, ut notat Aug. lib. 1. de Doct. Christ. c. 26. *ut se quisque & corpus suum diligit.... Quoniam id quod sumus inconcussa naturæ lege diligimus; idcirco lex non imponit præceptum, quo nos diligamus; sed modum statuit, quo dilectio erga nos dirigatur.*

1. *Prop.* Ut homo recte se diligit, tenetur se diligere propter Deum, in cuius possessione polita est ejus beatitudo.

Prob. 1. Script. Christus ut caritatem nostram erga nos ipsos dirigat, ita nostros affectus ordinat, ut velit nos odio habere ea omnia, quæ nos a Deo separant, eaque diligere, quæ Deo nos possunt conjungere: sic enim loquitur apud Marc. 8. v. 25. *Qui enim voluerit animam suam salvam facere in æternum, perdet eam temporaliter; qui autem perdidit animam suam propter me, & Evangelium, salvam faciet: & Petrus I. v. 12. observantiam caritatis in eo sitam esse contendit, ut animas sanctas, Deoque placentes efficiamus: Animas, inquit, vestras castificantes in obedientia caritatis: & Judas Apostolus vult ut dilectio nostra semper ad beatitudinem tendat: Vosmetipsos, inquit, in dilectione Dei servate, expectantes misericordiam Domini nostri Jesu Christi in vitam æternam: ergo ut homo recte se diligit, debet se in ordine ad Deum diligere.*

2. *Ex Aug. lib. 1. de Civ. Dei c. 4. ubi sic loquitur: Ut homo se diligere possit, constitutus est ei finis, quo reserret omnia, quæ ageret, ut beatus esset: ergo ut homo recte se diligit, debet se propter Deum diligere: & lib. 1. de Doct. Christ. rem eandem distinctius explicat his verbis: Sed nec se ipso quisquam*

quam frui debet, si liquido advertas: quia nec seipsum debet propter seipsum diligere, sed propter illum quo fruendum est; tum est quippe optimus homo, cum tota vita pergit in incommutabilem vitam, & toto affectu inheret illi: ergo homo non recte se diligit, nisi se diligit propter Deum.

3. Rat. Homo recte non se diligit, nisi quatenus vult sibi bonum; quo beatus fiat; homo autem non vult sibi bonum, quo beatus fiat, nisi se diligit propter Deum; quia extra Deum homo beatus esse non potest, juxta illud Aug. Conf. 13. c. 8. Hoc autem scio, quia male mihi est præter te, non solum extra me, sed & in meipso, & omnis copia, que Deus meus non est, mihi egestas est: ergo homo non recte se diligit, nisi diligit propter Deum.

Confessaria hujus Doctrinæ.

Confess. 1. Primum officium caritatis hominis erga seipsum est, ut desideret supremam beatitudinem, & in inquirenda illa beatitudine totos nervos intendat. Querit primum regnum Dei, & justitiam ejus, inquit Christus, & hæc omnia adjiciuntur vobis. Primum, id est, ante omnia, super omnia, & in omnibus; & Eccles. 12. v. 13. Finem loquendi pariter omnes audiamus: Deum timere, & mandata ejus observare; hoc est enim omnis homo. Ad hoc, inquit Hier. natus est omnis homo; & Bern. serm. 20. in Cant. Ergo si hoc est omnis homo, absque hoc nihil omnis homo; igitur ut optime monet Eucher. Epist. parænetica ad Valerian. Primas apud nos curas, que prima habentur, obtineant, summasque sibi sollicitudinis partes salus, quæ summa est, vindicet. Hæc nos occupet in præsidium, & tutelam sui, jam non plane prima, sed sola: cura enim salutis nostræ negotium est, non multiplex, & vagum, sed unicum; non vanum, & indifferens, sed plane necessarium; non temporale, sed æternum; non extraneum, sed proprium.

Negotium salutis unicum est, cunctisque hominibus omnino necessarium; unde Christus ait Matthæ cibos quibus ipse aleretur præparanti (quo tamen nihil sanctius Martha, Martha sollicita es, & turbaris circa plurima; porro unum est necessarium), scilicet, cura salutis.

Negotium salutis proprium est, & non extraneum, quo cadente omnia cadunt, quantumvis prospere succedere videantur, juxta illud Christi: Quid prodest homini, si universum mundum lucretur, animæ vero suæ detrimentum patiarur?

Demum negotium salutis, non tempus recipit quod brevi finiet; sed æternitatem quæ semper duratura est; unde ait Christus: Nolite thesaurizare vobis thesauros in terra, ubi erugo, & tinea demolitur, & fures effodiunt & furantur: thesaurizate autem vobis thesauros in Cælo, ubi neque erugo, neque tinea demolitur, & ubi fures non effodiunt, nec furantur. Matth. 6. v. 19. Ideo Salomon, attendens, quod salutis suæ curam neglexisset, ait: Stultissimus sum omnium hominum. Ipsimet reprobi pariter eandem veritatem inviti inter flamas confitentur: Ergo erravimus, inquit, a via veritatis; itaque qui prudens sibi sapit, suæ salutis ante omnia invigilat, & sic le recto ordine diligit.

Confess. 2. Secundum officium caritatis erga nos in eo situm est, ut quilibet beatitudinem optet, non vago, sed certo desiderio, mediæque ad eam beatitudinem perducendi efficacis electione assumat, & obices ab ea removens efficaciter horrore longe abiciat, servetque constanti proposito mandata omnibus hominibus imposita, & ea quæ ad ipsius statum pertinent. Si vis, inquit Christus, ad vitam ingredi, serva mandata: & loquens de dilectione Dei & proximi, ait: fac hoc & vires.

Quæ sint mandata omnes homines spectantia, dicemus, explicando Decalogum; quæ vero sint mandata cuilibet statui peculiaria, ostendemus, agendo de variis hominum statibus.

Confess. 3. Tertium caritatis officium erga nos ipsos est, ut corpus animæ, animam vero Deo subiciamus: de quo ita D. Thom. 2. 2. q. 25. a. 7. Secundum hoc, boni diligunt seipsos secundum interiorem hominem; quia volunt ipsum servari in sua integritate; & optant ei bona, quæ sunt bona spiritualia: & etiam ad ea assequenda intendunt, & delectabiliter ad cor proprium redeunt, quia ibi inveniunt bonas cogitationes in presenti, & memoriam bonorum præteritorum, & spem futurorum bonorum, ex quibus delectatio causatur. Similiter etiam non patiuntur in seipsis voluntatis dissensionem, quia tota anima eorum in unum tendit, scilicet in Deum.

Confess. 4. Quartum officium caritatis erga nos est, ut in dilectione nostri Deum; Christum, Sanctos nobis in exemplum proponamus; adeo ut talis sit amor erga nos, qualis est amor Dei, amor Christi, & amor Sanctorum erga seipsos. Efficit, inquit Paulus, imitatores Dei, quasi filii carissimi: ad Ephel. 5. v. 1. & rursus: imitatores mei esto, sicut & ego Christi: Ergo sicut Deus:

K. 4. omnia.

omnia propter semetipsum operatus est, sicut Christus omnia operatur propter gloriam Patris, sicut Sancti omnia in gloriam Dei referunt; ita & nos omnia nostra referamus in eam beatitudinem, quam non alibi quam in Deo reperiemus.

Deum autem imitabimur, si de rebus judicemus, ut ipse judicat; si de eis loquamur, ut ipse loquitur in Scripturis; si contemnamus quod ipse contemnit; si magni faciamus quod ipse æstimat; si demum non rationem incertam, sed fidem infallibilem audiamus; neque corruptis affectibus quos cupiditas suggerit, sed piis motibus quos caritas inspirat, obtemperemus.

Christum imitabimur, si Adamum, in quo fuimus carnaliter geniti, exuamus; Christum vero, in quo fuimus spiritualiter regenerati, induamus: si opera carnis, qualia sunt superbia, avaritia, luxuria, gula, ira, acedia, fugiamus; sectemur vero opera spiritualia, qualia sunt humilitas, liberalitas, continentia, temperantia, patientia, zelus in spiritualibus: quæ omnia officia Paulus ad Rom. 13. v. 13. his verbis complexus est: *Induimini Dominum Iesum Christum, & carnis curam ne feceritis in desideriis*. Si demum ita nobis in cunctis proponamus Christum, ut nihil ardentius optemus quam ut formetur Christus in nobis: ad Gal. 4. v. 15. ut possimus dicere cum Paulo: *Vivo ego, jam non ego, vivit vero in me Christus*: ad Gal. 2. v. 20. Christum enim *est via, veritas, & vita: via*, per exempla, quæ nobis exhibuit: *veritas*, per doctrinam quam tradidit: *vita*, per gratiam quam nobis meruit. *Qui ergo dicit se in ipso manere; debet sicut ille ambulavit, & ipse ambulare*.

Sanctos imitabimur, ut oportet, si beatitudinem, cujus sunt participes, sitiamus; si accessum, quem habent ad Deum, precibus sollicitemus, si iidem utamur mediis, quibus ipsi ad cælos pervenerunt; si quæ fuerint in illis peccata, hæc horreamus, sicut & ipsi horruerunt; si quæ fuerint in eis vicia non vulgares, miremur, & non imitemur, communibus vero eorum virtutibus, statumque nostro convenientibus insistamus.

C A P U T VII.

De vitiis oppositis caritati erga nos.

Pro. unica. Tunc homo inordinate se diligit, cum non diligit se propter Deum.

Prob. 1. Script. *Qui diligit iniquitatem, odit*

animam suam. Psal. 10. v. 6: & Joan. 13. v. 25. *Qui amat animam suam, perdet eam*: ergo ille homo, qui non se diligit propter Deum, inordinate se diligit.

2. Ex Aug. Epist. 52. ad Maced. ubi sic loquitur: *In dilectione Dei ex toto corde, ex tota anima, ex tota mente, & proximi tamquam sui ipsius, intelligitur nullam esse aliam dilectionem, qua quisque diligit seipsum, nisi quod diligit Deum; qui enim aliter se diligit, potius se odisse dicendus est: sit quippe iniquus, privaturque luce justitie, qui a potiore, & præstantiore bono averfus, atque inde vel ad seipsum conversus, ad inferiora utique, & egena convertitur: sitque in ipso quod veracissime scriptum est: Qui amat iniquitatem, odit animam suam*. Et ibidem: *Nemo nisi Deum diligendo diligit seipsum*.

3. Rar. Tunc homo inordinate se diligit, cum removet a se bonum, sine quo beatus esse non potest, omnis enim recta dilectio ad veram beatitudinem tendit: atqui quando homo non se diligit propter Deum, amovet a se bonum sine quo beatus esse non potest, quia extra Deum haberi nequit beatitudo: ergo tunc homo se inordinate diligit, cum diligit se sine ordine ad Deum. Siquidem, ut ait Aug. lib. de moribus Eccles. c. 26. *Ille se satis diligit, qui sedulo agit, ut summo, & vero persuatur bono; quod si nihil sit, quam tu Deus.... quis cunctari potest, quin se amet, qui amator est Dei? & quin se oderit, qui non est amator Dei?*

Consecraria hujus Doctrina.

Consect. 1. Ille homo inordinate se diligit, qui beatitudinem, quam sponte optat, alibi, quam in Deo, collocat, v. g. in aliquo objecto creato, puta, divitiis, voluptatibus, &c. quod ita infectabatur olim David, Psal. 143. v. 15. *Beatum dixerunt populum, cui hæc bona temporalia sunt, cum revera infelix sit. Beatus vero populus cujus Dominus Deus ejus*: Psal. 83. v. 13. & rursus: *Domine virtutum, beatus homo qui sperat in te*.

Consect. 2. Ille homo inordinate se diligit, qui statuens quidem beatitudinem in Deo, quærit tamen in Deo eam beatitudinem, quam natura corrupta appetit, non eam, quam nobis fides promittit, idest, quærit beatitudinem carnalem, non spiritualementem, qualem filiis cupiebat mater filiorum Zebedæi Matth. 20. v. 2. sic enim orabat: *Dixit ut sedent hi duo filii mei, unus ad dexteram tuam, & alius ad sinistram in regno tuo: qualem ve hi duo Apostoli petierunt, juxta Marc. 10.*

v. 37. *Da nobis, ut unus ad dexteram tuam, & alius ad sinistram tuam sedeamus in gloria tua.* Inordinatus est ille amor, quo concupiscentia non reprimitur, sed differtur: de quo ita Aug. serm. 74. vulgo de tempore super hæc verba, *Multis venient ab oriente & occidente, ubi sic loquitur: Recumbent, inquit, requiescent. Non enim debemus illic carnales epulas cogitare, aut aliquid tale in illo concupiscere, ut non vitia mutemus virtutibus, sed vitia subdamus: aliud enim est desiderare Regnum cælorum propter sapientiam, & vitam æternam; aliud propter sollicitudinem æternam, alias terrenam, quasi illic habeamus opulentiorum, atque meliorem; si dixerim te in illo Regno futurum putas, cupiditatem non amputas, sed mutas, & tamen dives eris, & non nisi illic dives eris.* & in Psal. 110. sic loquitur. idem Sanctus Doctor: *Nolo te fallas, nec tetram fluentem lac & mel carnaliter cogites, non amena prædialia, non hortos fructuosos, & opacos, nec tale aliquid mediteris adipisci, quale solet hic oculus avaritiæ concupiscere; cum enim sit radix omnium malorum cupiditas, perimendia est, ut hic consumatur; non differenda, ut ibi satietur.*

Consect. 3. Ille homo inordinate se diligit, qui, præconcepto vago desiderio consequendæ beatitudinem, negligit media ad eam beatitudinem assequendam necessaria: de quo ita Sapiens Prov. 13. v. 4. *Vult & non vult piger, id est, vult salutem, & non vult media conducentia ad salutem.*

Consect. 4. Ille homo inordinate se diligit, qui pluris facit corpus quam animam: qui exteriorum hominem carnalem & corruptum fovet, interiorum vero hominem spirituales non audit: de quo ita D. Th. 2. 2. q. 25. a. 7. *Mali non volunt conservari in integritate interioris hominis, neque appetunt ejus spiritualia bona, neque ad hoc operantur, neque delectabile est eis secum convivere redeundo ad cor; quia inveniunt ibi mala & præsentia, & præterita, & futura, quæ abhorrent, neque etiam sibi ipsis concordant propter conscientiam remordentem.*

Consect. 5. Ille homo inordinate se diligit, qui indifferetio zelo ductus pluris facit salutem æternam proximi quam suam; nemini enim licet salutem suam æternam pro salute etiam æterna proximi amittere, nec propriæ damnationi proximorum causa acquiescere. *Etenim hoc est,* inquit D. Th. in c. 9 ad Ro. v. 3. *contra ordinem caritatis, quo quis tenetur diligere Deum super omnia, & suam salutem plusquam salutem aliorum.* Nec est quod opponatur vel Moyses Deum sic orans pro Judæis in idolo-

latrariis lapsis: *Aut dimitte eis hanc noxam, aut si non facis, dele me de libro tuo quem scripsisti.* Exod. 32. v. 31. vel Paulus sic zelum suum erga Israelitas attestans ad Röm. 9. v. 3. *Optabam enim ego ipse anathema esse a Christo pro fratribus meis.* Uterque enim, inquit Hieron. Moyses scilicet & Paulus, *vult perire in carne, ut alii salventur spiritu; uterque vult suum sanguinem fundere, ut multorum animæ conserventur.* Quod sacrificium est gratum Deo; etenim, ut ait Christus, Joan. 15. v. 13. *maiores hac dilectionem nemo habet, ut animam suam ponat quis pro amicis suis.* Est etiam utile ei, qui pro proximo migrat e vita hac temporalis; qui enim odit animam suam in hoc mundo, in vitam æternam custodit eam. Jo. 12. v. 25. Sed nec Paulus, nec Moyses pro salute fratrum voluerunt perire in perpetuum, inquit Hieron. Hoc enim sacrificium inculpandum est Deo, qui salutem nostram optat, non damnationem: inutile proximo; *Qui enim sibi nequam est, cui bonus eris?* Eccli. 14. v. 5. eique noxium qui vana illusione deceptus salutem suam æternam pro aliorum salute devovet: etenim, inquit Salomon, Proverb. 9. v. 12. *Si sapiens fueris, tibi metipsi feris.* Unde damnata est hæc propositio Quietistarum: *Qui suum liberum arbitrium Deo donavit, de nullo debet curam habere, nec de inferno, nec de paradiso; nec debet desiderium habere propriæ perfectionis, nec virtutis, nec propriæ sanctitatis, nec propriæ salutis, cujus spem purgare debet.*

Consect. 6. Ille homo inordinate se diligit, qui Adamum imitatur, non Christum, qui carni obsecundat non spiritui, qui mundum audit non Evangelium, qui cupiditate ducitur non caritate, a quibus nos deterret Joannes his verbis 1. cap. 2. v. 15. *Nolite diligere mundum, neque omnia quæ in mundo sunt; quoniam omne quod est in mundo concupiscentia carnis, est, concupiscentia oculorum, & superbia vitæ.* Per concupiscentiam carnis intelligit Aug. quidquid ad libidinem & molliorem pertinet, v.g. luxuriam, theatra, ludos, choreas. Per concupiscentiam oculorum intelligit quod pertinet ad avaritiam, ad ornatum vestimentorum ædificiorum nimiamque elegantiam. Per superbiam vitæ, intelligit Aug. omne genus arrogantiae, fastus, & despectus aliorum.

P A R S Q U A R T A.

De Caritate erga proximum.

Eodem ordine hic procedemus, quo jam de caritate erga Deum & erga nos egimus, hoc est, de caritate erga proximum ostendimus. 1. Ad quid obliget caritas erga proximum. 2. Quæ vitia sint illi opposita.

C. A. P. U. T VIII.

Ad quid obliget Caritas erga proximum.

Nota. Actus caritatis erga proximum alii sunt interiores, solum, alii interiores simul & exteriores.

Actus interiores caritatis erga proximum sunt illi, quibus bonum salutem proximo & petimus a Deo, & ei optamus.

Actus interiores simul & exteriores sunt illi, quibus ex affectu caritatis bonum proximo nedum petimus a Deo eique optamus, sed etiam facimus, v.g. eleemotynam corporalem impendendo, correctionem adhibendo, bonis exemplis præluendo. De quibus omnibus singulatim agendum.

A R T I C U L U S I.

De actibus interioribus Caritatis erga proximum.

Prop. 1. Quilibet homo tenetur actu interiori & positivo proximum diligere, & ei velle bonum spirituale in ordine ad beatitudinem.

Prob. 1. Scriptura. Christus apud Matth. 22. v. 37. sic caritatem nostram erga Deum & proximum ordinat: *Diliges Dominum Deum tuum ex toto corde tuo... Proximum tuum sicut te ipsum*; atqui debemus ex dictis diligere nos in ordine ad beatitudinem; ergo & debemus proximum diligere in ordine ad beatitudinem, optando scilicet ei & procurando media, quibus ad Deum, qui est nostra beatitudo, deducatur.

Prob. 2. Ex Aug. *Beati profusus omnes esse volumus*, inquit lib. 19. liber. arb. cap. 21. *Ad hoc bonum debemus, & a quibus diligimur ducti, & quos diligimus ducere*. lib. 10. de Civ. cap. 4. Ergo debemus diligere proximum, eique beatitudinem supernaturalem optare, & quantum in nobis est procurare.

Prob. 3. Ratione. 1. Ratio. Caritas erga proximum est virtus; virtus autem est propter

operationem: ergo caritas erga proximum non potest semper esse sterilis, sed aliquando debet in actum erumpere: & quia diligere est velle bonum conforme naturæ, quæ diligitur; si vere diligamus proximum, debemus ei beatitudinem, & bonam conducentiam ad beatitudinem optare. *Ille enim*, inquit. Aug. serm. de temp. alias 256. nunc 336. cap. 2. *veraciter amat amicum, qui Deum amat in amico, aut quia est in illo, aut ut sit in illo*.

2. Ratio. Debemus proximum diligere, sicuti Deus dilexit nos; juxta illud Joan. 14. v. 11. *Carissimi, sic Deus dilexit nos, & nos debemus alterutrum diligere*: atqui Deus dilexit nos actu interiori & positivo, ordinando nos ad beatitudinem æternam, & conferendo media conducentia ad illam; juxta illud Jerem. 31. v. 3. *In caritate perpetua dilexi te, & ideo attraxi te miserans*: ergo debemus proximum actu interiori & positivo diligere, optando ei beatitudinem, & media conducentia ad illam.

Ubi diligenter adverte, quod amor Dei & amor Christi erga nos debet esse regula amoris nostri erga proximum: & proinde sicut Deus & Christus ita diligunt homines, ut velint sincere eorum salutem æternam; ita & nos debemus salutem æternam proximi optare, & quantum in nobis est procurare.

Confessaria hujus Doctrinæ.

Confess. 1. Peccaret qui numquam proximum suum actu interno diligeret, optando ei beatitudinem & media conducentia ad beatitudinem; quia nullum eliceret actum caritatis erga proximum. Ideo damnata est hæc propositio ab Innoc. XI. & a Clero Gallic. art. 5. *Non tenemur proximum diligere actu interno & formali*. Et quidem merito: si enim Scripturam consulas, nullum Sanctum invenies, qui occasionem proximo bene faciendi ardentem non quaesierit, & oblatam avide non suscepit: Sic cum Abraham intellexisset a Deo Sodomam subvertendam, ex caritate erga proximum ait ad Deum: *Namquid perdes justum cum impiis?* Gen. 18. Sic Moyses videns Deum iratum contra populum ob commissam idolatriam, ex caritate incensus ait: *Cur Domine transis furor tuus super populum?* Eslo placabilis super nequitia populi... Aut dimitte illis hanc noxam, ne dele me de libro tuo quem scripsisti: Exod. 32. Quam non exhibuit caritatem David erga Saulem persecutorem, erga Absalonem rebellem? Quam misericordiam non exhibuit Tobias erga contaptivos? Dico.

us Paulus erga Christianos? Hic omnibus omnia factus est, ut omnes lucrī faceret. Deum, quam non exhibuit Christus caritatem erga nos omnes? Tradidit enim semetipsum pro nobis.

Consect. 2. Peccaret qui nullum eliciens actum internum erga proximum, solis actibus exterioribus contentus esset; actus enim illi exterioris emanantes ab alio principio quam a caritate, non sufficiunt ad oblationem præcepti caritatis. Unde ait Petrus: *In fraternitatis amore simplici ex corde invicem diligite.* 1. Petri cap. 1. v. 22. & Paulus ait: *Nemini quidquam debeatis nisi ut invicem diligatis.* ad Rom. 13. v. 8. Ideo damnata est hæc propositio ab Innoc. XI. & a Clero Gall. art. 7. *Præcepto proximum diligendi satisfacere possumus per solos actus externos.* Deus enim & Christus diligunt nos, non amore solum externo, sed interno & sincero, exigunt que ut simili amore proximum diligamus. Pessima exempla solius illius externi & fallacis amoris erga proximum habes 1. in Labano erga Jacob: *At illi Laban, inveniam gratiam in conspectu tuo: experimento didici quia benedixisti mihi Deus propter te:* Gen. 31. v. 27. & interim dolose agebat contra illum; immutavit enim mercedem decem vicibus. Gen. 31. v. 42. 2. In Saule erga David: spondet ei fraudulentè filiam suam in uxorem mediantebus centum præputiis Philistinorum. *Saul autem repñtabat dicens, non sit manus mea in eum, sed sit super eum manus Philistinorum.* 1. Reg. cap. 18. v. 18. 3. In Absalone erga Ammonem quem vocat ad convivium, & inter epulas trucidat. 2. Reg. cap. 13. v. 23. 4. In Joab erga Abner. *Adduxit eum ad medium portæ ut loqueretur ei in dolo, & percussit illum ibi in inguine.* 2. Reg. cap. 3. v. 27.

Consect. 3. Peccant qui diligunt proximum actu positivo & effectivo, sed carnali solum; ei optando, vel procurando bona temporalia sine ordine ad salutem æternam; amor enim noster erga proximum non alio debet tendere quam ad beatitudinem. *Non enim,* inquit Aug. tract. 1. in epist. Joan. *dilectio nostra carnalis esse debet ... Sic diligite inimicos tuos, ut fratres optes, sic diligite inimicos tuos, ut in societatem tuam vocentur; sic enim dilexit ille qui pendens in cruce ait: Pater ignosce illis, quia nesciunt quid faciunt.*

Consect. 4. Peccant qui non nituntur proximum ad Deum adducere; quia non eliciunt debitum actum caritatis erga proximum: etenim sicut tenemur nobis ipsis procurare media conducuntia ad salutem, ita & proxi-

mo. *Sic ergo & nos invicem diligamus,* inquit Aug. *ut quantum possumus invicem ad habendum in nobis Deum cura dilectionis attrahamus.* Tract. 62. in Joan.

Consect. 5. Peccant qui nullis amoris affectibus moventur erga peccatores, erga penitentes, erga justos: si enim caritas Christi urget nos, debemus omnes omnino homines brachiis caritatis amplecti; nam sumus omnes creaturæ unius & ejusdem Dei, filii ejusdem Patris, actus, vel potentia, domestici ejusdem Ecclesiæ; membra ejusdem Christi, & demum in spe hæredes ejusdem Regni: ergo debemus omnes & desideris optare, & precibus a Deo postulare fidem, qua illuminentur infideles, gratiam, qua convertantur peccatores, & auxilium, quo iusti in iustitia finaliter perseverent: ut simus omnes ex numero eorum, de quibus loquitur Paulus ad Rom. 8. v. 30. *Quos autem prædestinavit, hos et vocavit: quos vocavit, hoc et iustificavit: quos autem iustificavit, illos et glorificavit;* ut simul aliquando regnemus cum Patre, qui nos creavit, & Filio qui nos redemit, & Spiritu Sancto qui in nos effusus est, quo tendit præceptum caritatis erga proximum. Totum illud ita explicat Aug. lib. 1. de Doctr. Christ. cap. 29. *Velle debemus, inquit, ut omnes diligant nobiscum Deum, & totum quod vel eos adjuvamus, vel adjuvamus ab eis, ad unum illum finem referendum est; idque explicat exemplo isto. Si enim, inquit, in theatris nequitie qui aliquem diligit histrionem, & tamquam magno, vel etiam summo bono ejus arte perfruitur, omnes diligit qui eum diligunt secum, non propter illos, sed propter eum quem pariter diligunt; & quanto est in ejus amore ferventior, tanto agit quibus potest modis ut a pluribus diligatur, & tanto pluribus cupit eum plerendere, & quem frigidiorē videt excitat eum quantum potest laudibus illius. Si autem invenerit contravenientem, odit in illo vehementer odium dilecti sui, & quibus modis valeat, instat ut auferat: quid nos in societate dilectionis Dei agere convenit, quo perfrui beate vivere est, & a quo habent omnes qui eum diligunt & quod sunt & quod eum diligunt, de quo nihil metuimus ne cuiquam possit agnitus displicere, & qui se vult diligi, non ut sibi aliquid, sed ut eis qui eum diligunt, æternum præmium conferatur, hoc est ipse quem diligunt?*

Prob. 2. Caritas nostra erga proximum debet se extendere ad omnes creaturas intellectuales capaces beatitudinis supernaturalis.

Prob. 1. Script. Ex 1. Joan. cap. 4. v. 21. *Hoc mandatum habemus a Deo, ut qui diligit Deum, diligit & fratrem suum:* atqui omnis creatura intel-

intellectualis loco fratris habenda est; quia nobis similis est per naturam; & similior potest fieri per gratiam: ergo caritas nostra debet se extendere ad omnes creaturas intellectuales capaces beatitudinis supernaturalis; & ita omnes homines viatores, omnes animæ beatæ, omnes Angeli sunt a nobis diligendi; & solos damnatos possumus a caritate nostra excludere.

Prob. 2. Ex Aug. lib. 1. de Doct. Christ. c. 3. *Cum dicitur, diliges proximum tuum sicut teipsum, manifestum est omnia hominem proximum esse deputandum*; & ibidem ait, sanctos Angelos eo præcepto contineri: ergo caritas nostra debet se extendere ad omnes creaturas intellectuales capaces beatitudinis.

3. Rat. Caritas nostra erga proximum extendit, ut beatitudinem supernaturalem velimus proximo: ergo debet se extendere ad eos omnes qui sunt capaces beatitudinis. Quod fit utrique hoc pacto. Lætatur cum his qui eam felicitatem possident. Optamus his qui eam non possident. Viatores quantum in nobis est ad supremam illam felicitatem ducimus. Comprehensores ad eam pervenisse gestimus.

Consecratoria hujus Doctrinæ.

Consecr. 1. Peccant qui solis affectibus naturalibus ducti, ab amore suo eos excludunt, quibuscum aut propter naturales quosdam defectus, aut morum contrarietatem, aut occultam aliquam antipathiam non conveniunt; nam omnes homines, quantumcumque moribus nobis dissimiles nobisve onerosos, loco proximi habere debemus. Unde Paulus ad Galat. 6. vers. 2. ait: *Alter alterius onera portate*; & ipse omnibus omnia factus est ut omnes Christo lucrifaceret, ut habetur 1. Cor. 9. vers. 6. Neque enim Christus, ut idem docet Paulus ad Philip. 2. v. 2. in amore suo considerare debet quæ sua sunt, sed ea quæ aliorum.

Consecr. 2. Peccant qui indifferetio zelo animati peccatores ab amore suo excludunt: licet enim sint peccatores, non tamen delinunt esse proximi, amandi in ordine ad salutem; sed odio habendum peccatum quo a salute abducunt. *Omnis peccator*, inquit Aug. lib. 1. de Doct. Christ. cap. 27. *in quantum peccator est, non est diligendus: & omnis homo, in quantum homo est, diligendus est propter Deum.* Etsi enim, inquit Greg. indignationem debemus vitiiis, compassionem tamen debemus naturæ. Sic salvo recto dilectionis ordine peccatorem & diligimus & odio habemus. *Amor*,

inquit D. Thom. 2. 2. q. 34. a. 3. *debetur proximo secundum quod habet a Deo, id est secundum naturam & gratiam; non autem secundum id quod habet a se ipso & Diabolo, seu secundum peccatum & iustitiæ defectum: & ideo, licet odio habere peccatum in peccatore, & omne illud quod pertinet ad defectum divine iustitiæ; sed ipsam naturam & gratiam patris non potest aliquis odio habere sine peccato.* Hac distinctione explicantur imprecationes Scripturarum contra peccatores. v.g. *convertantur peccatores in infernum*, ita ut sensus sit, inquit D. Thom. 2. 2. q. 26. a. 6. ad 3. ut ea verba sint verba prophetantis, & non optantis; vel si optantis, referantur non ad pœnam peccatoris patientis, sed ad iustitiam Dei punientis; vel si referantur ad peccatorem, eo vergat ut desideremus interitum peccatoris, non quatenus homo est; sed quatenus peccator est.

Quod Aug. paucis verbis ita explicat in Psal. 138. v. 22. *Perfecto odio oderam illos: Quid est perfectio odio? Oderam in eis iniquitatem eorum, diligebam conditionem tuam, id est quod a te acceptant*; & Greg. hom. 37. in Evang. eandem veritatem ita explicat: *Sic nimirum exhibere proximis nostris odii discretionem debemus, ut in eis diligamus quod sunt, & habeamus odio id, quod in Dei nobis iniungere obstat.*

Consecr. 3. Peccant qui inimicos ab amore suo excludunt; licet enim inimici sint, tamen loco proximi habendi sunt, & ex speciali Christi præcepto diligendi; ita enim habet supremus ille Legislator: *Ego autem dico vobis, diligite inimicos vestros, benefacite his qui oderunt vos, orate pro persequentibus & calumniantibus vos*; quod ut pateat, rem distinctius explicemus.

Inimici nostrorum criminum, quales sunt ii qui nos arguunt, increpant, a vitiis remouent, audiendi sunt, eisque potius quam fraudulentis amicis obtemperandum. *Fili mi*, inquit Sapiens Prov. 1. v. 10. *si te laudaverint peccatores, ne acquiescas illis.* Et rursum cap. 13. v. 18. *Egestas & ignominia ei qui deserit disciplinam; qui autem acquiescit arguenti, glorificabitur.*

Inimici nostræ salutis, quales sunt hi, qui nobis pariunt scandalum, sunt fugiendi. Si, inquit Sapiens, peccatores dixerint tibi, Prov. 1. v. 11. *Veni nobiscum, insidiemur sanguini, abscondamus tendiculas contra innocentem frustra, deglutiamus eum sicut infernus viventem* ... *Fili ne ambules cum eis; prohibe pedem tuum a semitis eorum.* Et Petrus Act. 2. v. 38. ad Judæos dicebat: *Pœnitentiam agite,*

& his

& baptizetur unusquisque vestrum in nomine Jesu Christi... Salvamini, id est, recedite a generatione ista prava. Sic Abraham eductus est de Ur Chaldæorum, ne periret cum illis idololatriis. Gen. 12. Loth eductus est ab Angelo & Sodoma, ne periret in scelere civitatis. Gen. 19. Et Judæi obedientes recesserunt a tabernaculis impiorum, ne involverentur in peccatis eorum. Num. 16. v. 26.

Inimici vero vel vitæ nostræ, vel famæ, vel fortune sunt tolerandi: non exalperandi injuriis, sed emolliendi beneficiis. *Noli vinci a malo, sed vince in bono malum.* Rom. 12. v. 21. Amor Dei & Christi erga nos, debet esse regula amoris nostri erga hujusmodi inimicos; cuique ista debemus. 1. Qui est laceratus debet inimici conversionem & optare, & eam a Deo precibus postulare: optat enim Deus conversionem peccatoris. *Vivo ego, dicit Dominus: nolo mortem impii, sed ut convertatur impius a via sua, & vivat.* Ezech. 33. v. 11. 2. Debet inimicum veniam petentem sponte & benigne excipere, ut facit Christus. *Eum, inquit, qui venit ad me, non ejiciam foras.* Joan. 6. v. 37. & alloquens Petrum, & nos omnes, ait: *non dico tibi ut parcas usque septies, sed usque septuagies septies.* Matth. 18. v. 22. 3. Debet per se vel per alium offerre inimico reconciliationem, si speret futurum, ut id ad ejus conversionem inserviat. Id enim præstat Deus erga peccatores, quos temper ad poenitentiam adhortatur, & quibus etiam pertinacissimis gratiam offert. *Ecce, inquit, sto ad ostium, & pulso. Si quis audierit vocem meam, & aperuerit mihi januam, intrabo ab illum, & cenabo cum illo, & ipse mecum.* Apoc. 3. v. 20. & Proverb. 18. 26. *Præbe fili mi cor tuum mihi.* 4. Non potest negare reconciliationem inimico veniam petenti, nec communia amoris indicia, imo nec specialia, cum hinc nasceretur scandalum, vel obex poneretur, quo retardaretur conversio inimici.

Qui vero injuste offendit proximum, debet 1. vel per se, vel per alios reconciliationem postulare. 2. Condignam satisfactionem offerre & exhibere; ea enim omnia exigit ordo caritatis & justitiæ. 3. Decens est, ut qui offensus est condonet injuriam, non rigidam exigens satisfactionem. Ea omnia observata cernimus in reconciliatione inita inter Joseph & fratres ejus post mortem Jacob. Primo enim fratres, qui Joseph offenderant, petierunt tum per se, tum per alios reconciliationem. *Mandaverunt enim, inquit Script. Gen. 50. vers. 16. ad Joseph, dicens: pater noster præcepit nobis antequam mor-*

reretur, ut hæc tibi verbis illius diceremus: obsecro ut obliviscaris sceleris fratrum tuorum, & peccati, atque malitiæ, quam exerceverunt in te: nos quoque oramus ut servis Dei patris tui dimittas iniquitatem hanc. 2. Debitam satisfactionem & obtulerunt, & exhibuerunt, ut testatur Scriptura ibid. v. 18. *Veneruntque ad eum fratres sui, & prout adorantes in terram dixerunt: servi tui sumus.* 3. Joseph omnem injuriam benigne condonavit; etenim, auditis nunciis fratrum, flevit, & ipsis fratribus dixit: *nolite timere, ego pascam vos & parvulos vestros, consolatusque est eos, & blande ac leniter locutus est.*

Confess. 4. Peccant qui animas in purgatorio existentes ab amore suo excludunt; nam quamvis a nobis incolatim absint, non tamen a nobis caritate separantur, sed nobis intime per Christum uniuntur, proinde debemus eas nostris suffragiis adjuvare; suffragia enim proficere mortuis testatur Aug. lib. 1. de cura pro mortuis cap. 4. Illud idem confirmat lib. Conf. cap. 12. ubi asserit, Monicam matrem suam petiisse, ut pro ipsa offerretur Missæ sacrificium. Media autem, quibus possumus animabus in purgatorio existentibus opitulari, sunt quæ plurima.

1. Sacrificium Altaris: ex ipsomet exemplo Judæ Machabæi, qui pro peccatis eorum, qui in prælio ceciderant, jussit offerri sacrificium; sic concludens: *Sanctæ ergo & salubris est cogitatio pro defunctis exorare, ut a peccatis solvantur.* 2. Mach. 12. v. 46.

2. Eleemosyna, ut patet exemplo Tobie, qui filium sic præcipiendo alloquebatur. Tob. 4. vers. 18. *Panem tuum & vinum super sepulturam justis constitue, & noli ex eo manducare & bibere cum peccatoribus, uti faciunt pagani; sed potius ea largire pauperibus in solatium defuncti, & mortuo non prohibeas gratiam.* Eccli. cap. 7. v. 37.

3. Pœnalibus operibus, qualia sunt jejunia, orationes, &c. Hoc enim juxta Ephrem & Dionysium Carth. videntur innuere ista verba Pauli 1. ad Corint. 15. 29. *Alioquin quid facient qui baptizantur pro mortuis, si omnino mortui non resurgunt? Ut quid baptizantur pro illis?* Hæc enim verba sensum hunc faciunt, inquit Eustius in Paulum: Frustra quidam pro mortuis juvandis orando, jejunando, & alia quædam dura subeundo se fatigant & affligunt, si mortui non resurgunt: ita inquit Carthusianus, Catharinus, alique nonnulli... Sed ipse Eustius hanc expositionem improbens, aliam addit non longe dissimilem; ait enim consuetudine receptum apud Judæos, ut si quis le-

galiter immundus moreretur, priusquam ab ea immunditia ablutus esset, alius quispiam pro eo baptizaretur, id est, lavaretur, quod existimarent huiusmodi lotionem proficere mortuo ad emundationem: ergo si in Synagoga is vivebat usus, ut viventes pro mortuis sublevandis affligerentur, idem a fortiori fieri debet a Christianis, qui credunt purgatorium.

Consect. 5. Peccant hi, qui Angelos animasque beatas in suo amore affectivo non includunt, licet enim a nobis distent incolatu, non tamen abintus famulatu; etsi nos viatores, illi vero comprehensores, sumus tamen ejusdem Dei creaturæ, ejusdem Christi servi, unius & ejusdem Ecclesiæ cives: Ecclesia enim in cælis regnans, in purgatorio patiens, in terris pugnans, unum & non multiplex corpus constituit, cujus Christus est caput: ergo oportet, inter viatores & comprehensores caritatis affectibus sanctum foveri commercium. Dumque Sancti cumulant nos beneficiis, debemus nos gratiarum actiones pro acceptis officiis exhibere. Dumque illi amorem beneficium impendunt, debemus nos amorem affectum rependere. Quamdiu illi in monte constituti levant manus ad Deum dum pugnamus contra dæmones, ut olim manus levabat Moyses dum populus pugnaret contra Amalech, debemus nos adjuutores nostros interdum invocare. Dumque, si Scriptura teste gaudium sit in cælis super uno peccatore penitentiam agente, gaudium debet esse in terris super cunctu Beatorum immobiliter Deo fruentium.... Vide infra de cultu erga Sanctos..

ARTICULUS II.

De elemosyna corporali..

§. I.

Explicatur quid sit elemosyna corporalis, simulque varice traduntur notiones ad intelligentiam eorum necessariæ, quæ de elemosyna dicturi sumus..

Eleemosyna corporalis late sumpta actum omnem significat, quo proximo corporaliter egenti corporaliter succurrimus, vel nutriendi, dum eget, vel vestiendo, dum est nudus, vel redimendo, dum est captivus, vel hospitio recipiendo, dum caret, vel visitando, dum ægrotat aut detinetur in carcere, vel denique sepeliendo, dum est mortuus. Unde hic versiculus:

Visto. poto, cibo, redimo, tego, colligo, condo.
Elemosyna strictè sumpta eam opem significat, quæ ex superfluis nostris, seu rebus nobis non necessariis corpoream proximi necessitatem levamus vel ei dando quod possumus, vel commodando & mutuum dando, vel denique debita, dum in infortunium incidit, condonando.

Unde elemosyna in duobus fundatur: in superfluo divitum, & necessitate pauperum.

Superfluum est multiplex: superfluum naturæ, superfluum conditionis.

Superfluum naturæ est illud, sine quo homo se ipsum & suos alere potest & vestire, sine quo potest honestam habere sustentationem.

Superfluum conditionis est illud, quod non est necessarium statui & conditioni conservandæ, juxta regulas Evangelicas.

Necessitas in paupere est multiplex: extrema, gravis, & vulgaris.

Necessitas extrema est ea, in qua pauper brevis est moriturus, aut casurus in morbum, vel deliquium, nisi ei succurratur.

Necessitas gravis est ea, qua pauper eaderet suo statui, & insigniter deprimeretur, nisi ei succurratur.

Necessitas vulgaris seu communis est ea, qua laborant ut plurimum mendicantes, etiam tempore quo sterilitate terra non affligitur.

§. II.

An elemosyna sit de consilio vel de præcepto..

Prop. unica. Elemosyna est in quibusdam casibus non tantum de consilio, sed etiam de præcepto.

Prob. 1. Script. *Non deerunt pauperes in terra habitationis tuæ: idcirco ego præcipio tibi, ut aperias manum fratri tuo egeno & pauperi qui tecum versatur in terra.* Deut. cap. 15. v. 11.

Declina pauperi sine tristitia aurem tuam, & redde debitum tuum. Eccle. c. 4. v. 8. Si elemosyna sit debitum, non est solum consilium.

Christus in fine mundi dicturus est reprobis: *Ite maledicti in ignem æternum; esurivi enim, & non dedistis mihi manducare; sitiivi, & non dedistis mihi potum.* Matth. c. 25. v. 42. Itaque cum nemo damnatur ob solam omissionem eorum, quæ sunt tantum de consilio, & homines damnantur ob omissionem elemosynarum; dare elemosynam non est tantum de consilio, sed etiam de præcepto.

In exemplum hujus veritatis afferri potest: incendium Sodomitarum, & detrusio divitis in.

in infernum. Scriptura quippe hæc supplicia in omissionem eleemosynæ refundit. Ezech. 16. v. 49. *Hæc fuit iniquitas Sodomæ sororis tuæ, superbia, saturitas panis & abundantia, & otium ipsius, & filiarum ejus, & manum egeno & pauperi non porrigebat. Item mortuus est dives, & sepultus est in inferno.* Luc. 16. v. 22. *scilicet ob avaritiam suam erga pauperes*, ut explicat Chrylogus serm. 121.

Prob. 2. Ex Greg. Naz. An tu benignitatem seu beneficentiam in pauperes, non necessariam, sed tibi liberam esse putas? An non legem, sed consilium? Hoc quoque ipse magnopere vellem & existimarem; sed me sinistra illa manus terret, & hædi & probra, quæ ab eo, a quo sunt illic collocati, conjiciuntur: non quia manus in aliena bona intulerunt, nec quia templa diripuerunt; sed quia Christum in pauperibus, seu per pauperes minime craverunt. Gregor. Naz. Orat. 16.

*Prob. 3. Ratione. 1. Ratio. Homines debent se mutuo juvare, sicuti juvant le mutuo membra unius & ejusdem corporis; omnes enim procedimus ab eodem creatore Deo, nascimur ab eodem parente Adamo, regeneramur spiritualiter in eodem Salvatore Christo, vivimus in eadem domo, nimirum Ecclesia, ad quam omnes homines vocantur, constituiamus unum & idem corpus morale sub uno, & eodem capite Christo Jesu, vocati ad eandem hæreditatem, gloriam nimirum æternam. Creaturæ ergo ejusdem Dei, filii ejusdem Patris, domestici ejusdem Ecclesiæ, membra ejusdem corporis, cohæredes ejusdem gloriæ, tenemur in violabili lege mutuo nobis suppetias ferre. Ideo dicit Christus: *Caritatem, quam dedisti mihi, dedi eis, ut sint unum, sicut & nos unum sumus.* Joan. cap. 17. v. 22. Ideo dicit Paulus ad Galat. 5. v. 2. *Alter alterius onera portate*, mutuo scilicet juvando vos.*

Exemplum hujus mutux caritatis exhibuit Ecclesia Jerusalem. *Multitudinis autem credentium erat cor unum, & anima una. Nec quicumque eorum quæ possidebat, aliquid suum esse dicebat, sed erant illis omnia communia.* Act. cap. 4. v. 32. Neque enim quisquam egens erat inter illos. Hoc exemplo stimulati debent modo Christiani mutuis se officiis juvare, diligentes se in veritate. *Filioli mei non diligamus verbo, neque lingua, sed opere, & veritate.* 1. Joan. 3. v. 18.

2. Ration. Omnes homines natura sua sunt æquales, sed Deus voluit, ut homines essent conditione inæquales, ut illa inæqualitate posita inopes subsidium acciperent a divitibus, & divites occasione sanctificationis invenirent in pauperibus. Idcirco dicit Chryso-

stomus, quod vir dives se gerere debeat ad instar quæstoris cujuspiam, qui ab ipso Deo pecunias pauperibus erogandas acceperit; quapropter si majorem ejusmodi pecuniarum copiam, quam poscat sua ipsius necessitas, suos in usus convertat, se gravissime peccandum esse noverit. Serm. 2. de Laz. Dispensator autem tenetur ex officio, non solum ex consilio bona commissa dispensare juxta beneplacitum Domini. Tenetur itaque divites ex præcepto in eleemosynas impendere bona ipsis superflua. Exemplum humilce rationis a Deo exigendæ indicat parabola de villico, cui dicitur: *Redde rationem villicationis tuæ.* Constat igitur, quod eleemosyna non est tantum de consilio, sed etiam de præcepto: non justitiæ, adeo ut omittens dare eleemosynam teneatur ad restitutionem; sed caritatis, adeo ut graviter peccet qui negligit dare eleemosynam, quando tenetur dare; quia, ut docet D. Thom. *Dare eleemosynam proprie est actus misericordiæ, & non justitiæ, 2. 2. quæst. 32. art. 1. in corpore.*

Confessaria bujus Doctrinæ.

Confess. 1. Christianus quilibet tenetur coram Deo vel solus, vel cum Confessario, vel cum erudito aliquo Doctore determinare, quid sibi necessarium, quid sibi superfluum, ut utatur necessariis, & largiatur superflua; quia, ut ait August. in Psal. 147. *Superflua divitum, necessaria sunt pauperum: res alienæ possidentur, cum superflua possidentur.*

Confess. 2. Confessarius tenetur manifestare poenitentibus suis, quo fine Deus illis bona temporalia concesserit, juxta illud Pauli 1. ad Timoth. cap. 6. v. 17. *Divitibus bujus sæculi præcipe, non sublime sapere, neque sperare in incerto divitiarum; sed in Deo vivo, qui præstat nobis omnia abunde ad fruendum, bene agere, divites fieri in operibus bonis, facile tribuere, communicare, thesaurizare sibi fundamentum bonum in futurum, ut apprehendant vitam æternam.*

Confess. 3. Constat, quod pauci sunt homines, qui non teneantur præcepto faciendi eleemosynam, quia pauci sunt qui in aliqua re indigenti proximo succurrere non valeant. *Quomodo corrueris, ita esto misericors: si multum tibi fuerit, abundanter tribue: si exiguum tibi fuerit, etiam exiguum impertiri libenter aude.*

§. III.

Quandonam urgeat præceptum eleemosynæ.

Prob. 1. Ut præceptum dandi eleemosynam urgeat, duo requiruntur. Primum, ut sit superfluum in dante: secundum, ut sit necessitas in recipiente; superfluum, inquam, vel in natura, vel in conditione; necessitas vero vel extrema, vel media, vel vulgaris.

Prob. 1. Script. *Qui habuerit substantiam hujus mundi, & viderit fratrem suum necessitatem habere, & clausit viscera sua ab eo: quomodo caritas Dei manet in illo?* 1. Joan. cap. 3. v. 17. Ubi Apostolus duo exigit ad eleemosynam: superfluum in divite, & necessitatem in paupere.

Prob. 2. Ex Basilio in hæc verba, *Destruam horrea mea: Cur tu abundas, ille vero mendicat, nisi ut tu bonæ dispensationis merita consequaris; ille vero pœnitentiæ brevius decoretur? Est panis famelici, quem tu tenes; nudi tunica, quam tu in conclavi servas; discalceati calceus, qui penes te marcescit; indigentis argentum, quod tibi possides inhumatum: quo circa tot injuriarum, quot dare vales.* Tunc ergo eleemosyna est in præcepto, quando dives abundat, & pauper eflurit, ut superfluum unius suppleat necessitatem alterius.

Prob. 3. Ratione. Finis eleemosynæ est, ut abundantia unius reparet indigentiam alterius: ergo tunc tantum eleemosyna erit in præcepto, quando superfluum est in dante, & necessitas in recipiente: & sicuti in corpore humano sine magistro, & natura sola duce pars sana infirmam juvat, retento tamen sibi necessario; ita qui dives est, sic pauperem juvare debet, ut necessarium sibi retineat.

Ex quo constat 1. Quod eleemosyna debet fieri de superfluo, juxta illud Christi: *Quod superest date.* 2. Quod eleemosyna passim non debet fieri de necessariis, juxta illud Pauli: *Date, non ut aliis sit remissio, vobis autem tribulatio, sed ex æqualitate.* 2. ad Corinth. c. 8. v. 13.

Conseñaria hujus Doctrinæ.

Conseñ. 1. Peccaret graviter qui nunquam daret superflua naturæ, etsi aliunde necessaria conditioni; quia aliquando eleemosyna debet fieri de superfluo naturæ, etiam si statui necessarii. Ita videtur docere Hieron. Epist. ad Hedibiam 2. c. 2. *Præceptum est, ne cogitetis de crastino: si plus habes quam tibi ad victum vestimentumque necessarium est, illud eroga, & in illo debitricem te esse noveris.*

Conseñ. 2. Peccaret graviter qui nunquam daret superfluum conditioni, sed quæcumque haberet ea cupide retineret vel ut frueretur illis bonis, vel ut ad altiorum statum ambitione concenderet; quia aliquando eleemosyna debet fieri de superfluo statui.

Dives, inquit Cajet. non dispensans superflua, non solum illicite agit propter libidinem dominandi, & inordinatum amorem pecunie; sed mortaliter peccat contra proximorum indigentiam, occupando superflua, quæ pauperibus debentur, ex hoc ipso quod sunt superflua. In 2. a. q. 118. a. 4.

Monit. Etsi sit difficile admodum determinare præcisè quæ sint superflua; sequentia tamen ab omnibus haberi debent ut non necessaria, & proinde ut debita pauperibus.

1. Bona quibus vulgo utimur ad peccandum, v. g. argentum quod infumimus ad fovendam libidinem, ebrietatem, ambitionem, &c. quia divitiæ non nobis datæ sunt ut Deum offendamus.

2. Bona quibus vulgo utimur ad delicias vel vitas, vel ad minus periculosas, v. g. ad comædias, ad choreas, comestationes, ludum; quia bona temporalia non data sunt nobis a Deo, ut exponamus nos periculo peccandi.

3. Bona quibus vulgo utimur, ut sine vocatione cum salutis dispendio ad statum altiorum ascendamus; quia bona temporalia non data sunt, ut sint nobis occasio perveniendi ad statum, cui Deus non nos sua vocatione destinavit.

4. Bona quæ ex incuria perire permittimus, v. g. frumentum quod in horreo corrumpitur; vinum quod in cella accescit; victualia quæ in domo putrescunt; vestimenta quæ tineis consumuntur, &c.

Conseñ. 3. Nullus debet facere eleemosynam ex bonis simpliciter necessariis ad conservandam vitam tum propriam, tum illorum qui ad ipsum pertinent; quia eleemosyna non debet fieri de necessariis. *Inordinatum esset autem, si aliquis tantum de propriis bonis sibi subtraheret, ut aliis largiretur, quod de residuo non posset vitam transigere convenienter secundum proprium statum & negotia occurrentia: nullus enim inconvenienter vivere debet; sed ab hoc tria sunt excipienda: quorum primum est. Quando aliquis ingreditur religionem omnia relinquens propter Christum. 2. Quando de facili sperat resarcire necessaria quæ largitur. 3. Quando est extrema necessitas. 2. 2. quæ est. 32. art. 6.*

Conseñ. 4. Quando duo sunt in æquali necessitate, si sint æqualis dignitatis, & utilitatis Reipublicæ, neuter obligatur sibi subtrahere necessarium naturæ, ut alteri lar-

giatur; quia elemosyna non debet fieri de necessariis, nisi forte, ut docet D. Thom. talis casus immineret, ubi subtrahendo sibi necessaria, daret aliquid magnae personae, per quam Ecclesia, vel Respublica sustentaretur; quia pro talis personae liberatione se ipsum & suos laudabiliter periculo mortis exponeret, cum bonum commune sit proprio praefereendum. 2. 2. q. 32. a. 6.

§. IV.

Ad quid teneantur divites in extrema pauperum necessitate.

Prop. 1. Quando pauper est in extrema necessitate constitutus, dives cui sufficienter innotefecit extrema hujus pauperis necessitas, tenetur ei elemosynam impertiri ex superfluis suae conditionis.

Prob. 1. Script. *Quod superest date elemosynam.* Luc. c. 11. v. 41. Ergo saltem erogandum est quod superfluum est conditioni.

Prob. 2. Ratione. Caritas bene ordinata exigit ut vitam proximi nostris bonis temporalibus praefereamus: quia quo res est excellentior, eo pluris est facienda. Patet autem, quod si dives non daret superflua conditioni egeno in extrema necessitate constituto, non praeferreret vitam proximi bonis temporalibus; proinde dives tenetur dare bona superflua conditioni pauperi in extrema necessitate constituto. Et sicuti membrum sanum, sola natura duce, numquam denegat sibi superfluum membro infirmiori; a fortiori homines sub gratia constituti tenentur ex superfluis suae conditionis suppetias ferre pauperibus in extrema necessitate constitutis; & hoc est, quod Paulus suo exemplo docuit: *Quis infirmatur, & ego non infirmor? Quis scandalizatur, & ego non uror?* 2. Corinth. 11. v. 29.

Conseclaria hujus Doctrinae.

Consecl. 1. Peccant divites, qui pauperibus in extrema necessitate constitutis non opitulantur, sed bona sua temporalia impendunt in sequentes usus: in lautissimas epulas, in splendidas vestes, in lusus immoderatos, in comédias, in lascivias, in choreas, in venationes excedentes, in aedes ultra statum & conditionem magnificentiores, in suppellectilia longe quam par est pretiosiora, & in alia hujusmodi, quae homines excogitarunt potius ut cupiditatem acuerent, quam ut servirent necessitati; quia hi om-

nes non dant cum oportet superflua conditioni; quos ita alloquitur Scriptura: *Ve qui opulenti estis in Sion... Qui dormitis in lectis eburneis, & lascivitis in stratis vestris. Qui comeditis agnum de grege, & vitulos de medio armenti, qui canitis ad vocem psalterii, sicut David... bibentes vinum in phialis, & optimo unguento delibuti, & nihil patiebantur super contritione Ioseph.* Amos cap. 6. vers. 4.

Consecl. 2. Peccant graviter divites, qui in eadem necessitate nulla moti misericordia divitias suas recondunt, frumenta reservant, vendere renuunt, donec ad extremam caritatem annona pervenerit; qui ingravescente miseria bona temporalia pauperum viliori emunt pretio; quique demum extrema utuntur miseria pauperum, ut ditiores evadant... Hi omnes graviter peccant; quia pauperes non juvant, sed potius gravant; quos omnes ita commonet Scriptura: *Perde pecuniam propter fratrem & amicum tuum, & non abscondas illam sub lapide in perditionem. Pone thesaurum tuum in praeceptis Altissimi, id est in elemosynis, & proderit tibi magis quam aurum.* Eccl. cap. 29. v. 13. *Qui abscondit frumenta maledicetur in populis, benedictio autem super caput vendentium.* Prov. cap. 11. vers. 26. In ignem aeternum detrudentur, inquit Chrysostomus, uti coguntur ipsi aliquando putrefactum frumentum projicere; & verne perpetuo corrodentur, uti siverunt frumentum a cuculione corrodere. Hos omnes elegantissime infestatur Ambr. lib. 3. de Offic. cap. 6. ubi ostendit, pravam illam cupiditatem nequitiam esse, crudelitatem redolere, iram Dei & hominum excitare; & concludit sic compellans avarum: *Lucrum tuum damnnum publicum est.*

Consecl. 3. Peccant divites, qui in eadem necessitate nullam adhibent sollicitudinem, ut pauperibus in extrema necessitate constitutis succurratur, cum possent commode vel omnes capitatum, vel singuli privatim miseriam pauperum sublevare; quia non juvant pauperes cum possunt, & debent. Eos ita exhortatur Scriptura: *Erue eos qui ducuntur ad mortem, sive ducantur oppressi paupertate, vel iniquo iudicio, & qui trahuntur ad interitum, liberare ne cesses; & si dixeris, vires non suppetunt, qui inspector est cordis ipse intelligit, & servatore animae tuae nihil fallit, reddetque homini iuxta opera sua.* Prov. cap. 24. vers. 11.

Consecl. 4. Peccaret graviter Medicus, qui pauperem, quem videret ab o-

nibus desertum, & quem coniceret ab omnibus deferendum, gratis non inviseret.... Peccaret similiter Pharmacopola, qui pauperi in eodem miseriz articulo constituto, remedia vulgaria gratis non exhiberet.

Peccaret similiter Advocatus, qui gratis non patrocinaretur pauperi in extrema necessitate constituto.... Peccaret denique quicumque posset succurrere tali pauperi, & non succurreret. D. Th. 2. 2. q. 71. a. 1. *Advocatus non tenetur semper causæ pauperum patrocinium præstare, sed solum concurrentibus conditionibus prædictis; alioquin oporteret eum omnia alia negotia prætermittere, & solis causis pauperum juvandis intendere: & idem dicendum est de Medico quantum ad curationem pauperum.*

Consect. 5. Peccant graviter divites, qui in eadem necessitate renuunt dare elemosinas, neque etiam mutuo dant nisi sub spe lucrari, & in securitatem rei mutuatae rem pauperum usus necessariam in pignus exigunt, ac diu retinent, aut alios excogitant modos, quibus non tam pauperibus opitulanti student, quam avaritiam suam fovere: ii bis peccant, primo ob negatam elemosinam, secundo ob usuram exactam: quod quidem vitium Scriptura execrat, Deut. 15. vers. 7. *Si unus de fratribus tuis ad pauperitatem venerit, non obdurabis cor tuum, nec contrahes manum; sed aperies eam pauperi.... Nec ages quippiam callide in ejus necessitatibus sublevandis, ut benedicat tibi Dominus Deus tuus in omni tempore, & in cunctis ad quæ manum miseris.* Et ibid. cap. 24. v. 11. *Si autem pauper est, non pernoctabit apud te pignus, sed statim reddes ei ante solis occasum, ut dormiens in vestimento suo benedicat tibi, & habeas iustitiam coram Domino Deo tuo.*

Prop. 2. In illo ipso extremæ necessitatis articulo tenentur divites non solum superflua conditionis, ut dictum est, erogare pauperibus, sed etiam necessaria statui, minuendo scilicet aliquid ex iis, quæ sunt aliquo modo necessaria ad retinendam statum sui decentiam.

Prob. 1. Script. *In præsentem tempore vestra abundantia illorum inopiam suppleat, ut & illorum abundantia vestra inopia sit supplementum, ut fiat æqualitas, sicut scriptum est de illis qui colligebant manna: Qui multum non abundavit, & qui modicum non minoravit.* 2. Ad Corinth. cap. 8. v. 14. Cum itaque ex Apostolo debeat esse æqualitas inter divitem, & pauperem, unus non debet abundare superfluis, cum alter eget necessariis; sed æquum est, ut dives mi-

nuat quæ ad decentiam status pertinent, ut pauperem penuriam in victu & vestitu patientem sublevar.

Prob. 2. Ex Hieron. epist. ad Hedibiam: *Si plus habes quam tibi ad victum & vestitum necessarium est, illud eroga, & in illo debitorum esse te noveris:* Ergo a fortiori tenemur minuere quod pertinet ad status decentiam, ut fiat elemosyna pauperibus in necessitate extrema existentibus.

3. Ex D. Th. in 4. dist. 15. q. 2. art. 1. q. 4. ubi ait: *Præceptum legis obligat, quod etiam necessitati extraneorum absolutæ primo subveniatur, quam necessitati propriæ, vel propinquorum conditionatæ.* Hic autem necessitatem naturæ vocat necessitatem absolutam, & necessitatem conditionatam vocat necessitatem conditionis.

4. Rat. 1. Ratio. Debitus ordo postulat, ut corpus proximi magis quam nostri status decentiam diligamus; quia ex Aug. sic debet ordinari caritas, ut excellentiora vilioribus præferamus: ideo debemus. 1. Deum diligere. 2. Animam nostram. 3. Animam proximi. 4. Corpus nostrum. 5. Corpus proximi. Postremo ea quæ pertinent ad status nostri decentiam. Magis autem diligeremus status nostri decentiam, si nihil vellemus de ea minuere, ut succurreremus proximo, in victu & vestitu necessitatem extremam patienti. Necessarium est ergo ut in tali necessitate eam minuamus.

2. Ratio. Non magis debemus diligere ea quæ pertinent ad status nostri decentiam; quam sanctiores Episcopi dilexerunt ea quæ pertinent ad decus, & ornamentum templorum; quia haud dubie decet domus Dei esse præterendum decori, & ornamento hominum. Sanctiores autem Episcopi Exuperius, Ambrosius, &c. passim venderunt ornamenta Ecclesiæ, v.g. Calices, Cruces, ut illorum pretio pauperibus in necessitate constitutis succurrerent; quanto magis decet nos minuere aliquid de his, quæ ad nostri status ornatum pertinent, ut pauperibus ad necessitatem extremam reductis succurramus?

Consecrarium hujus Doctrinæ.

Consect. 1. Peccant divites, qui in tali necessitate nihil minuunt de canum venaticorum numero, de inutilium fervorum stipatu, de superbiorum suppellectilium apparatu. Hos ita alloquitur Greg. Nyssenus de pauperibus amandis. *Usui vitæ modum imponite, nec omnia vestra existimate. Sit pars etiam*

etiam pauperum, & amicorum Dei; illius enim vere sunt omnia, nos autem fratres sumus.... Ille frater non est, sed acerbus tyrannus, immitis, barbarus, immo vere inexplibilis fera qui vult fratres ab hereditate avertere; immo & lupo scior: lupo enim socium habet in voranda praeda.

Consect. 2. Peccant divites, qui in eadem necessitate non modo non minuunt quod pertinet ad status decentiam, sed insuper miseris illis temporibus adaugent expensas inutiles in lufibus, comediis, venationibus, &c. Hos ita admonet Aug. in Psal. 147. Multa superflua habemus, si nonnisi necessaria teneamus; nam finantia quæramus, nihil sufficit. Fratres, queritis quod sufficit operi Dei, non quod sufficit vestra cupiditati.

Consect. 3. Peccant divites, qui in eadem necessitate præ avaritia retinent divitias metu futuræ egestatis, sollicitius quam par est in futurum providentes. Non oportet, inquit D. Th. futuræ necessitatis occasione prætereunda ultra probabilia signa; quia hæc est superflua sollicitudo quam Dominus prohibet. In 4. Dist. 15. q. 2. a. 1. q. 4. ad 4.

Consect. 4. Peccant divites, qui in eadem necessitate præ ambitione nihil minuunt de pertinentibus ad status decentiam; sed divitias illas retinent, ut ambitiose ascendant ad statum superiorem, ad quem vel parum sunt idonei, vel forte non sunt divinitus vocati. Bona temporalia, inquit D. Th. quæ homini divinitus conferuntur, ejus quidem sunt quantum ad proprietatem, sed quantum ad usum, non solum debent esse ejus, sed etiam aliorum, qui ex eis sustentari possunt, ex eo quod ei superfluum est. 2. 2. q. 32. a. 5. ad 2. Ideo damnata sunt sequentes propositiones ab Academia Lovaniensi & Parisiensi, an. 1657. Superfluum non est quod homines servant pro status sui vel parentum qualitate habita, vel adipiscenda; ideoque vix poterunt inveniri inter seculares, qui superfluum habeant.

Prop. 3. In extremæ necessitatis articulo tenentur divites non solum minuere aliquid eorum, quæ conducunt ad conservandam status sui decentiam; sed tenentur insuper minuere aliquid eorum, quæ ad largum victum & ad sumptuosum vestitum pertinent: idest, non tenentur quidem sibi subtrahere simpliciter necessaria ad victum & vestitum; sed tenentur subtrahere secundum quid necessaria, ut ea erogent pauperibus alioquin morituris, vel in deliquium lapsuris.

Prob. 1. Script. Panis egentium vita pauperum est: qui defraudat illum, homo sanguinis est. Eccl. c. 34. v. 25.

2 Ex Patribus, super illud Luc. 11. v. 47. Verumtamen quod superest, date elemosynam: ita habent Batilius, Hieron. Aug. Beda, & alii: Nisi subveneris egenti, prout tuæ serenitatis, nusquam debitum impleveris. Videtur autem esse in cujuslibet facultate subtrahere sibi aliquid parum naturæ necessarium, quam permittere fratrem inedia perire.

3. *Rat. 1.* Ratio. Bonus ordo postulat, ut bona proximis indigentibus tamquam fratribus partiamur, in hoc enim sita est carnalium fratrum unio, ut ex bonis paternis quisque prout indiget accipiat; quo pacto autem ordo ille caritatis servabitur, si nihil minuamus de necessariis secundum quid, ut proximo jam jam morituro succurramus? Itaque in extremo necessitatis articulo tenentur divites sibi subtrahere aliquid de necessariis secundum quid, tum ad victum, tum ad vestitum, ut proximo jam jam morituro succurratur.

2. Ratio. Homines tenentur sese juvare mutuo, sicuti juvant se membra unius & ejusdem corporis; quia omnes homines constituunt unum corpus morale sub uno capite Christo Jesu. Videmus autem, quod membra corporis ita se mutuo juvant, ut sanum membrum sibi subtrahat aliquid necessarij ut infirmo opituletur; ita & homines divites debent aliquid necessarij sibi subtrahere, ut pauperibus alioquin morituris auxilientur.

Consectaria hujus Doctrinæ.

In extrema necessitate, civitatum capita, & primates tenentur, cum beneplacito Principum, providere de cura pauperum insumendo ad hoc reipublicæ redditus. Quid enim tam decorum, atque honestum quam collatione locupletum juvare egentes, ministrare victum esurientibus, nulli cibum desore? Amb. L. 3. de offic. c. 7.

Tempore famis non decet peregrinos expelli, si subtrahit civium superfluo possint simul cives & indigenæ nutrir: ita Amb. lib. 3. offic. c. 7. Illi, inquit, qui peregrinos urbibus prohibent, nequam probandi; malum haud dubie est, expellere eo tempore quo deberent juvare, separare commercij communis parentis, suos omnibus partus negare.... Ferè non expellunt seras: homo excludit hominem.

§. V.

Ad quid teneantur divites in gravi pauperum necessitate.

Prop. unica. In necessitate gravi tenentur

tur divites dare eleemosynam de superfluis statui, & conditioni.

Prob. 1. Script. Qui habuerit substantiam hujus mundi, & viderit fratrem necessitatem habere, & clauferit viscera sua ab eo, quomodo caritas Dei manet in illo? Joan. Epist. 1. c. 3. v. 17. ubi necessitas denotat quamlibet necessitatem, extremam, vulgarem, & mediam.

Prob. 2. Ex Aug. Elumit frater tuus in necessitate positus, fortassis suspenditur, a creditore angustiat. Ubi angustia a creditore, non extremam, sed gravem necessitatem indicat; tamen Aug. ita loquitur contra tenaces illos avaros: Quid ad me pertinet? forte dicis. Ego daturus sum pecuniam meam, ne ille molestiam patiat? Si hoc tibi responderit, cor tuum, dilectio Patris non in te manet. Tract. 1. in Epist. Joan.

3. Ex D. Th. Dicendum, quod est aliquod tempus, in quo mortaliter quis peccat, si eleemosynam dare omittat: ex parte eisdem recipientis, cum apparet evidens, idest extrema, &urgens, idest media necessitas, nec apparet in promptu qui ei subveniat: ex parte vero dantis, cum habet superflua quæ secundum statum præsentem non sunt sibi necessaria. 2.2. q. 32. a. 5. ad 3. Ergo superfluum dandum est de præcepto in urgenti necessitate.

Nec est quod dicas, D. Th. in eadem questione docere eleemosynam esse solum de præcepto in extrema tantum necessitate; alias autem eleemosynas dare est in consilio, sicut & de quolibet meliore bono dictum est; nam, ut optime notat ibi Cajet. & Sylvius, D. Th. vult tantum docere, quod præceptum dandi eleemosynam huic determinato pauperi urgeat hic & nunc, cum pauper est in extrema necessitate, non vero cum pauper est in media, vel vulgari necessitate; tenetur tamen dives in omni necessitate media, & vulgari, dare eleemosynam vel illi, vel isti pauperi, juxta prudens rationis suæ consilium. Ita se explicat D. Th. 2. 2. q. 66. a. 7. „Quia multi sunt necessitatem patientes, & non potest ex eadem re omnibus subveniri, committitur arbitrio uniuscujusque dispensatio propriarum rerum.“

Ordo caritatis exigit, ut multo plus doceamus gravem necessitatem proximi, quam amemus vanam conditionis nostræ decetiam: ergo debemus proximo subvenire, nobis subtrahendo ea quæ sunt necessaria ad solam status nostri decetiam.

Conseclaria hujus Doctrina.

Pauperibus in gravi necessitate constitutis,

in eleemosynas consecrandæ sunt omnes illæ expensæ, quas diabolus, mundus, & caro excogitarunt inter homines: quales sunt omnes expensæ, quæ sœvent concupiscentiam carnis, concupiscentiam oculorum, & superbiam vitæ.

Pauperibus in gravi necessitate existentibus, in eleemosynas infundendæ sunt omnes expensæ, quæ sunt in sustinenda exteriori pompa, exteriori apparatu, qui communiter reprobat a viris probis ejusdem status, & ejusdem conditionis: quales sunt expensæ, quibus homines inferioris conditionis æquant se hominibus superioris conditionis.

§. VI.

Ad quid teneantur divites in communi pauperum necessitate.

Prop. unica. Divites habentes superflua tenentur ex præcepto, & non solum ex consilio, facere eleemosynam pauperibus communem necessitatem patientibus.

Prob. 1. Script. Si unus de fratribus tuis ad pauperiorem devenit, non obdurabis cor tuum, nec contrahes manum, sed aperies eam pauperi. Deut. 15. v. 7. & Matth. c. 25. v. 41. *Discedite maledicti in ignem æternum, esurivi &c.* Quæ omnia disjunctive sumpta, ut patet, non indicant nisi communem necessitatem; & tamen Christus excludit a gloria eos, qui in tali necessitate eleemosynas non largiuntur: Ergo tenemur ex præcepto eleemosynam impertiri in vulgari necessitate.

2. Ex Patribus. Divites sunt quasi ærarii regii custodes: juxta Chrylost. sunt quasi dispensatores bonorum: ergo sicuti custodes ærarii, & dispensatores bonorum Reipublicæ, tenentur ea bona elargiri, cum Reipublica jubet; ita & omnes divites tenentur bona sua superflua in communi necessitate elargiri, cum Deus dicat absolute: *Quod superest date.*

3. Ex triplici ratione desumpta ex Evangelio secundum Luc. cap. 16. Prima est, ut divitiis utamur ad consequendum cælum: *Ego dico vobis facite vobis amicos ex mammona iniquitatis; ut cum descenderit recipiant vos in æterna tabernacula.* 2. Ut simus fideles in distributione bonorum temporalium: *Qui fidelis est in minimo, in majori fidelis est; & qui in modico iniquus est, in majori iniquus est.* Si ergo in iniquo mammona fideles non fuistis, quod verum est, quis credet vobis? 3. Ne nimium hæreamus divitiis, quia, inquit, non potestis servire Deo & mammonæ.

Conseſſaria bujus Doctrina.

Conſeſſ. 1. Multi ſunt divites in perpetuo ſtatu damnationis ex eo tantum quod eleemoſynam non faciant in vulgari neceſſitate pauperum, ut patet exemplo divitis epulonis, qui ſepultus eſt in inferno, non quod rapinas, vel furta, homicidia, vel adulteria commiſerit, ſed quia Lazaro mendicanti non opem tulerit. Ita in caput Lucæ 16. varii Interpretes in Evangelio: Dives quod ſua non dedit torqueretur. Gloſſa.

Conſeſſ. 2. Recogitare debent divites illud Chriſti: Amen dico vobis, quia dives difficile intrabit in Regnum Cælorum. Matth. 19. v. 23. Facilius eſt camelum per foramen acus tranſire, quam divitem intrare in Regnum Cælorum.

Conſeſſ. 3. Recogitare debent nullum opulentum inter Sanctos recenſeri, niſi qui ad elargiendas eleemoſynas maxime proclivis extiterit. Sic Abraham & Loth divites valde in poſſeſſione auri & argenti, peregrinos apud ſe recipiebant, ipſique miniſtrabant. Job ditiffimus erat, ſed de ſe ſic loquitur: Pater eram pauperum. Job 29. v. 19.

S. VII.

Ex quibus bonis eleemoſyna fieri poſſit & debeat.

Nota, quod quatuor ſunt ſpecies bonorum.

1. Bona legitime poſſeſſa, acquiſita juſto titulo, & ſecundum jura; v. g. bona accepta a parentibus, bona acquiſita juſto labore, bona gratuito nobis donata a legitimo poſſeſſore.

2. Bona injuſte poſſeſſa, acquiſita cum ſola legis poſitivæ violatione; v. g. bona ſimoniace accepta, bona accepta ob ſententiam latam a iudice contra regulas juris.

3. Bona acquiſita cum violatione juſtitiz commutativæ; v. g. bona acquiſita furis, rapinis, iniquis contractibus.

4. Bona turpiter acquiſita cum ſola violatione virtutis diverſæ a juſtitia commutativa; v. g. bona acquiſita per meretricium, per lenocinium.

Prop. generalis. Eleemoſyna debet fieri non de bonis alienis, ſed de bonis propriis, quorum bonorum qui largitur eleemoſynam ſit verus dominus.

Prop. 1. Script. Ex ſubſtantia tua fac eleemoſynam, & noli avertere faciem tuam ab ullo paupere. Tob. 4. v. 7. Frange eſurienti panem tuum, & egenos vagosque induc in domum tuam. Iſa. 58. v. 7. Eleemoſyna ergo debet fieri de

noſtra ſubſtantia & non de aliena, de pane noſtro & non de alieno, idelt, de bonis propriis & non alienis.

De juſtis laboribus facite eleemoſynam, ex eo quod veſtre habetis date, Aug. ſerm. 2. alias 35. de verb. Domini in Evangelium ſecundum Lucam, nunc vero 113. Eleemoſyna facta ex bonis alienis ad dulcem fructum non proſicit, quia per virus peſſiferae radicis amareſcit. Greg. Paſt. par. 3. adm. 22.

Qui eſt ſub poteſtate conſtitutus de re, ſecundum quam ſuperiori ſubjicitur, eleemoſynam facere non debet, niſi quatenus ei a ſuperiore fuerit permiſſum. D. Thom. 2. 2. q. 32. a. 8.

Non ſunt facienda mala, ut inde veniant bona; hoc autem fieret, ſi bona auferrentur legitimis poſſeſſoribus, ut ea deinde darentur pauperibus. In hujus veritatis exemplum aſſerri poteſt actio Zachari dicentis, Luc. 19. v. 8. Ecce dimidium bonorum meorum do pauperibus, & ſi quem defraudavi, reddo quadruplum: bonorum meorum (ait) & non alienorum.

Sic ſe habet coram Deo eleemoſyna data de bonis alienis, ſicuti holocauſtum factum ex bonis alienis, quia utrumque involvit furtum & rapinam: ergo cum Deus deteſtetur furtum in holocauſtum, juxta illud: Ego Dominus diligens judicium, & odio habens rapinam in holocauſtum: Iſa. cap. 61. v. 8. ita & deteſtatur furtum factum in eleemoſynam.

Ex hac propoſitione generali aliæ ſequuntur minus generales, ex quibus propria pendunt conſeſſaria.

Prop. 1. illata. Nemo alterius poteſtati ſubditus poteſt facere eleemoſynas de bonis ſuperioris contra voluntatem ipſiusmet ſuperioris, niſi in caſibus in quibus voluntas ſuperioris eſſet injuſta; quia, ſi faceret eleemoſynam contra voluntatem rationalem ſuperioris, faceret eleemoſynam non de bonis propriis, ſed alienis.

Conſeſſaria bujus Doctrina.

Conſeſſ. 1. Monachus non poteſt facere eleemoſynas de bonis communis, quia non eſt dominus illorum bonorum. Monachus, inquit D. Th. ſi habeat diſpenſationem a Præſbitero commiſſam poteſt eleemoſynas facere de rebus Monaſterii ſecundum quod eſt ſibi commiſſum; ſi vero non habeat diſpenſationem, quia nihil proprium habet, tunc non poteſt facere eleemoſynam ſine licentia Abbatis vel expreſſe habita, vel probabiliter præſumpta, niſi forte in articulo extremæ neceſſitatis. 2. 2. q. 32. a. 8. ad 1.

Conſeſſ. 2. Uxor contra juſtam voluntatem mariti non poteſt facere eleemoſynam

ex bonis dotalibus, nec ex aliis bonis, quorum maritus est dominus quoad administrationem; quia non est domina illorum bonorum. Si uxor (inquit D. Th.) *habeat alias res præter dotem, quæ ordinentur ad sustinenda onera matrimonii, vel ex proprio lucro, vel ex quocumque alio licito modo, potest dare eleemosynam, etiam irrequisito assensu mariti; moderatas tamen, ne ex earum superfluitate vir depauperetur: alias autem non debet dare eleemosynas sine consensu viri vel expresso, vel præsumpto, nisi in articulo necessitatis, sicut de Monacho dictum est. Quamvis enim mulier sit æqualis viro in actu matrimonii, tamen in his quæ ad dispositionem domus pertinent, vir est caput mulieris.* lb. ad 2.

Consect. 3. Filiis familias contra iustam voluntatem parentum non possunt facere eleemosynas ex bonis parentum; quia non sunt illorum bonorum domini. *Ea quæ filiis familias, inquit D. Th. sunt patris: & ideo non potest eleemosynam facere nisi forte modicam, de qua præsumere potest, quod patri placeat, nisi alicujus rei esset sibi a patre commissæ dispensatio.* Ibid. ad 3.

Consect. 4. Pupilli, minores non possunt facere eleemosynam ex bonis suis absque consensu tutoris, vel curatoris; quia non habent illorum bonorum dominium absolutum, sed suspensum.

Consect. 5. Famuli non possunt facere eleemosynam ex bonis dominorum; quia non sunt domini illorum bonorum, sed solum custodes. *Dicendum, inquit D. Th. de servis, & ancillis, & etiam famulis, quamvis sint liberæ conditionis, quod non possunt facere eleemosynas de rebus dominorum sine eorum consensu, nisi panem & hujusmodi, quæ non inferunt sensibile nocumentum, quia tunc fit dispensator rerum, non tamen ponitur dispensator quasi potestatem habens aliquam in re domini, sed quasi tractans eam ad utilitatem domini; de pretio autem servitii sui constat quod potest eleemosynam dare.* In 4. diff. 15. q. 2. a. 5. q. 3.

Prop. 2. illata. Inferior potest facere eleemosynam de bonis superioris contra voluntatem iustam superioris; quia tunc illa bona verius sunt pauperis indigentis, quam divitis iniuste detinentis.

Consectaria hujus Doctrinæ.

Consect. 1. Monachus, uxor, filiusfamilias, pupillus, minor, famuli possunt in communi, in urgenti, & a fortiori in extrema necessitate, facere eleemosynas ex illis bonis, quæ superior per incuriam perire sinit,

& quæ conservata per curam inferioris possunt pauperum miseriam sublevare; quia tunc superior iniuste prohiberet piam illam curam, malens res illas perire, quam pauperibus erogari: de quibus ita Basilus supra laudatus: *Esuriens est panis quem tu retines*, addiderim ego, & qui apud te putrescit.

Consect. 2. Monachus, uxor, filiusfamilias, pupillus, minor, famuli possunt in urgenti, a fortiori in extrema necessitate, *facere sine consensu superiorum* tenues eleemosynas ex bonis superiorum, quando illæ eleemosynæ non asserunt, ut dicit D. Thom. *sensibile nocumentum superioribus*; quia alias superiores essent irrationabiliter inviti.

Consect. 3. Monachus, uxor, filiusfamilias, pupillus, minor, famuli possunt in extrema necessitate facere eleemosynas de bonis superiorum absque illorum consensu; quia in extrema necessitate licitum est uti bonis alienis, ut datur eleemosynæ. Ita D. Th. 2. 2. q. 32. a. 8. ad 1.

Consect. 4. Monachus, uxor, filiusfamilias, pupillus, minores, famuli possunt non consultis superioribus facere eleemosynas ex bonis superiorum, in quacunque necessitate, quando probabiliter præsumunt tales eleemosynas non displicitur superioribus suis, quia tunc non agunt contra voluntatem superiorum.

Prop. 3. illata. Inferior potest contra voluntatem superioris facere eleemosynam de bonis, quorum vel est dominus, vel habet dispensationem; quia tunc facit eleemosynas non de bonis alienis, sed de bonis propriis, aut quasi propriis. Si quis vero, inquit D. Th. *habeat aliquid secundum quod voluntati superioris non substat, jam secundum hoc non est potestati subjectus, quantum ad hoc proprii juris existens, & de hoc potest eleemosynas facere.* 2. 2. q. 32. a. 8.

Consectaria hujus Doctrinæ.

Consect. 1. Monachus habens beneficium suo Monasterio unitum potest sine licentia superioris nimium tenacis pauperibus erogare eam portionem, quæ eis ex jure debetur; quia facit eleemosynam de bonis, quorum habet dispensationem. Monachus nedum potest illas eleemosynas facere, immo & debet; quia tenetur ex officio esse dispensator fidelis reddituum Ecclesiasticorum.

Consect. 2. Filiisfamilias habens Beneficium Ecclesiasticum potest, immo debet sine licentia patris erogare pauperibus eam portionem, quæ eis competit; quia facit ele-

eleemosynam de bonis, quorum habet dispensationem. Carolus Borromæus laudatus quod id fecerit.

Consect. 3. Uxor potest, & debet eleemosynam facere de bonis paraphernalibus, sive quæ sunt extra dotem; quia est domina illorum bonorum. *Si uxor*, inquit D. Raym. *habet res paraphernales, idest, proprias extra dotem, potest de illis etiam inuito marito facere eleemosynam*. L. 2. de Furt. Item uxor potest facere eleemosynam sine licentia mariti de bonis familiaræ, quando maritus est amens, vel prodigus, vel iram Dei in familiam nimia avaritia concitaret; ita fecit Abigail, quæ Davidi cibaria sapienter detulit quæ Nabal maritus suus stulte negaverat. 1. Reg. cap. 25.

Consect. 4. Filius familias potest facere eleemosynam sine licentia patris de bonis castrensibus, aut quasi castrensibus, idest, de bonis acquisitis exercendo militiam, exercendo artem liberalem, v.g. Medicinam, Jurisprudentiam, vel de bonis donatis a Principe; quia est dominus illorum bonorum.

Non potest tamen facere eleemosynam de bonis adventitiis, idest, de bonis quæ ei adveniunt ex lucro extraordinario, quod non procedit nec ex malitia, nec ex exercitio artis liberalis, sed aliunde; quia filius familias habet quidem dominium prædictorum bonorum, sed non administrationem, ut docet Justinianus.... Non potest pariter facere eleemosynam de bonis profectitiis, idest, de bonis quæ ei obveniunt vel cura parentum, vel ei donantur intuitu parentum; quia filius familias est quidem dominus illorum bonorum, sed fructus, & usus nondum ad illum pertinent.

Prop. 4. illata. Inferior potest sine licentia superioris facere eleemosynas de bonis, quæ ei dedit superior; quia tunc censetur esse illorum bonorum dominus.

Consectaria hujus Doctrinæ.

Consect. 1. Monachus extra Monasterium existens potest facere eleemosynam de bonis quæ ei dantur a superiore; quia, cum dantur ei expensæ, committitur ei earum dispensatio. Ita D. Th. in 4. dist. 15. q. 2. a. 5. q. 4.

Consect. 2. Quando ex condicto maritus assignat uxori aliqua bonatum ad sui, tum ad familiaræ sustentationem, mulier potest ex illis bonis sibi aliquid subtrahere, & dare pauperibus; quia ex condicto fit domina illorum bonorum.

Consect. 3. Quando parentes dant filiis familias aliqua bona tum ad sustentationem,

tum ad suorum studiorum cûrsûm peragendum, vel ad aliquid aliud, ad quod providere tenentur parentes, filii possunt prudenter aliquid sibi ex illis bonis subtrahere, & ex illis eleemosynam dare; quia sunt quasi domini illorum bonorum.

Prop. 5. illata. Nemo potest facere eleemosynas ex illis bonis, quæ acquisivit turpi lucro, peccando contra justitiam commutativam; sed debet bona illa veris dominis reddere.

Prop. 1. Script. Sicut aqua extinguit ignem; ita eleemosyna extinguit peccatum: Ergo sicut aqua limpida lavat, lutosa vero deturpat; ita eleemosyna facta ex bonis propriis remittit peccata, facta vero ex bonis alienis adaugat peccata. Ita Hieronymus.

Prop. 2. Ratione. Si injuste lucratus est, non est dominus illorum bonorum; & proinde non potest bona illa in eleemosynas impendere. Ita docet D. Th. *Dicendum, quod tripliciter aliquid potest esse illicite acquisitum; uno enim modo id, quod illicite acquiritur, debetur ei a quo est acquisitum, nec potest retineri ab eo qui acquisivit: sicut contingit in rapina, furto, & usuris: & de talibus cum homo teneatur ad restitutionem eleemosyna fieri non potest.* 2. 2. q. 32. a. 7.

Consectaria hujus Doctrinæ.

Consect. 1. Ille qui aliquid obtinuit via injusta, agendo contra illud præceptum, *non fursum facies*, non potest ex illis bonis eleemosynam facere; quia non est illorum bonorum dominus.

Consect. 2. Ille qui ludendo lucratus est aliud ab illa persona, quæ de rebus suis non potest disponere, qualis est filius familias, minor, pupillus, perpetuo morbo laborans, Monachus, uxor, ille (inquam) non potest ex bonis per ludum acquisitis eleemosynas facere, sed ea tenetur vero domino restituere. *In his casibus tenetur ad restitutionem, & non potest de eo eleemosynam facere*, inquit D. Th. 2. 2. q. 32. ad 8.

Consect. 3. Ille qui ludendo lucratus est aliquid ab illa persona, quæ de rebus suis potest disponere, sed quam ad ludum vel dolose, vel violenter attraxit, tenetur eidem personæ restituere, & non potest tale lucrum in eleemosynas impendere; quia illud lucrum est injustum, cum violentia, vel fraude lucrum præceperint. *Si aliquis*, inquit D. Th. *trahat alium ex cupiditate lucrandi ad ludum, & quod fraudulenter ab eo lucratur, tenetur ad restitutionem, & de eo non potest eleemosynam facere.* Ibid.

Consect. 4. Illa quæ acquiruntur ex meretricio & lenocinio, si dentur vel accipiantur injuste, v. g. si dentur ab his qui non sunt domini rerum suarum, v. g. a filiis familias, a minoribus, a pupillis, &c. si extorqueantur vel dolose, vel violentè; neque retineri, neque in elemosynas impendi possunt, sed debent veris dominis restitui; quia eadem est ratio, sicuti de ludo.

Prop. generalis. Bona quæ illicitè & data, & accepta sunt contra expressam legis etiam positivæ prohibitionem, debent ex rigore juris in elemosynas impendi; quia ita jubet lex cui obediendum est. **Altero modo**, inquit D. Th. est aliquid illicitè acquisitum; quia ille qui acquisivit retinere non potest; nec tamen debetur ei, a quo acquisivit, quia scilicet contra justitiam legalem scilicet accepit; & alter contra justitiam dedit, sicuti contingit in simonia, in qua dans & accipiens contra justitiam legis Divinæ agit: unde non debet fieri restitutio ei qui dedit, sed debet in elemosynam erogari: & eadem ratio est in similibus, in quibus datio & acceptio est contra legem. D. Th. 2. 2. q. 32. a. 7.

Consecraria hujus Doctrinæ.

Consect. 1. Quæcumque acquisita sunt per simoniam, debent in elemosynas impendi; quia lex vetat illa bona retineri, & jubet pauperibus distribui: ita D. Thom.

Consect. 2. Bona acquisita per ludos prohibitos debent in elemosynas impendi; quia lex ita prohibet ludum, ut jubeat non retineri quod per ludum acquiritur, quæ lex, si viget, est observanda. Ita docet D. Bonav. Dicendum, quod in illis passionibus, quas habent aleatores, ludentes ludis prohibitis, bona non transferuntur in invicem, sed in usus pauperum convertuntur propter ludi inonestatem, & juris interdictionem. In 4. dist. 15. q. 1.

Idem docet D. Th. 2. 2. q. 32. a. 7. ad 2. de illo ludo, qui per jus civile vigorem suum habens prohibetur... nam si ludus non prohibeatur jure civili, vel consuetudo contrarium permittat, conventiones factæ a ludentibus sunt observandæ, cum ludus sit quidam contractus. Ubi tamen observa, quod consuetudo, de qua Div. Th. debet esse legitima, & his doriibus prædicta, de quibus nos ubi de consuetudine.

Consect. 3. Quod accipitur a iudice contra Edicta Principis, si datum fuerit ad extorquendum ab eo sententiam injustam, illud omne est in elemosynas impendendum; quia iniquum est, ut illud lucrum a iudice retineatur, cum sit ei a lege prohibitum;

injustum pariter, ut reddatur clienti; quia eo privari debet in poenam pravæ suæ intentionis, quia voluit injustam sententiam extorquere. Si quid enim datum esset iudici a cliente, ut iusta sententia daretur, vel ut vitaretur injusta sententia; tunc iudex deberet clienti restituere id quod accepisset, & cliens non deberet eo privari, quia dedit non ut injustum extorqueret, sed ut iustum obtineret, vel liberaret se ab injusta vexatione.

Prop. 6. illata. Bona quæ sunt inhoneste acquisita, si peccatum fuerit contra aliquam virtutem diversam a iustitia obligant ad restitutionem, v. g. contra castitatem, illa, inquam, bona, licet illicitè acquisita, possunt licite retineri, & ex illis bonis potest fieri elemosyna; quia qui acquisivit illa bona verus est dominus illorum bonorum.

Consecraria hujus Doctrinæ.

Consect. 1. Bona citra fraudem & violentiam acquisita ex meretricio, ex lenocinio, possunt licite retineri, & in elemosynas impendi; quia, ut supponitur, acquiruntur quidem peccando contra virtutem, sed non contra justitiam obligantem ad restitutionem. Ita docet D. Th. Quod enim mulier meretricium exerceat, turpiter agit, & contra legem Dei: sed in eo quod recipit non injuste agit, nec contra legem; unde quod sic illicitè acquisitum est, retineri potest, & de eo elemosyna fieri. 2. 2. q. 32. a. 7. Equum tamen esset, ut non retineretur, sed daretur pauperibus.

Quod innuit Scriptura vetans Sacerdotibus sumere aliquid de hostia oblata, vel pro suis, vel pro populi peccatis; quia, inquit D. Th. 1. 2. q. 102. a. 3. ad 8. Tunc enim totum comburebatur; non enim debebant in usum Sacerdotum venire ea, quæ pro peccato eorum offerebantur, ut nihil peccati in eis remaneret, & quia hoc non esset satisfactio pro peccato; si enim cederet in usum eorum, pro quorum peccatis offerebatur, idem esse videretur ac si non offerretur.

Consect. 2. Quod citra fraudem & violentiam acquisitum est per ludos nimios, sed non expresse per legem interdictos, potest retineri, & de eo potest elemosyna fieri; quia ludus legibus permissus transfert dominium rei quæ ludæ exponitur.

S. VIII.

Quibus pauperibus danda sit elemosyna.

Prop. unica. Elemosyna impertienda est veris tantum pauperibus, sive fideles sint, sive

sive infideles, sive iusti, sive peccatores, præferendo tamen iustos peccatoribus, si modo cetera sint paria.

Prob. 1. Script. Noli avertere faciem tuam ab illo paupere: ita enim fiet ut nec a te avertatur facies Domini. Tob. 4. v. 7. *Dum tempus habemus operemur bonum ad omnes, maxime ad domesticos fidei.* Ergo si elemosyna debet ad omnes se extendere, nulli est neganda, si vere sit pauper.

2. *Ex Aug. Discite Christiani sine discretionem, nimium curiosi, exhibere hospitalitatem, ne forte cui domum clauderis, ipse sis Christus.* Aug. lib. 5. de Heres. cap. 4.

3. *Rat. Non minus debet extendere se elemosyna quam caritas; quia elemosyna est exercitium caritatis: caritas autem Christiana debet se extendere ad omnes homines; quia sunt creati a Deo, geniti ab eodem parente, redempti ab eodem Salvatore; proinde elemosyna debet se extendere ad omnes egenos: & sicut Deus Solem suum oriri facit super bonos & malos, pluit super iustos & iniustos; ita & elemosyna nostra debet se extendere ad omnes egenos fideles & infideles, iustos & iniustos, eo fine ut iusti perseverent, & iniusti convertantur.* Pachomius enim adhuc idololatram, perspecta benevolentia, qua Christiani sese mutuo iurabant, conversus est ad fidem.

Consecraria hujus Doctrinæ.

Consect. 1. Neganda est elemosyna mendicantibus robustis & validis laborare nolentibus, quia non sunt veri pauperes. Si quis non vult operari, nec manducet. 2. ad Thesal. cap. 3. v. 10. & Lex Civilis. l. 1. t. 25. imponit poenas corporales validis mendicantibus.

Consect. 2. Neganda est elemosyna erroribus, & addicendi sunt quibusdam operibus; erronei enim, qui nolunt laborare, non sunt veri pauperes. Servo malevolo tortura & compedes; mitte illum in operationem ne vacet; multam enim malitiam docuit otiositas. Eccli. 33. v. 28.

Consect. 3. Non est danda elemosyna mendicantibus ex avaritia, qui mendicant non ut vivant, sed ut lucrentur pecunias; quia non sunt veri pauperes.

Consect. 4. Neganda est elemosyna avaris, suis rebus ad victum & vestitum uti nolentibus; quia non sunt veri pauperes.

Consect. 5. Neganda est elemosyna peccatori, quando hæc non nisi ad fovendum peccatum inservit; quia alias cooperaremur ejus peccato. Hoc facit, inquit Aug. in Pl.

102. *Qui donat bistronibus, qui donat auri-
gis, qui donat meretricibus. Quare donat?
numquid non & ipse hominibus donat? &
respondet Aug. negative, & rationem sub-
jungens, ait: non tamen ibi attendunt natu-
ram operis Dei, sed nequitiam operis hu-
mani.* Ab illa indiscrcta elemosyna sic nos
dehortatur Scriptura: *Ne suscipias pecca-
torem.... Ne receperis peccatorem.... Non
dederis impio, prohibe panes illi dare, ne
in ipsis potentior te sit.* Eccli. 12. v. 4.

*Consect. 6. Si tamen qui occurrunt veri sunt
pauperes, debemus eis elemosynas imper-
tiri, sive sint iusti, sive peccatores; quia ii
omnes sunt proximi. Caritas requirit, in-
quit D. Th. ut etiam si non actu aliquibus
beneficiat, habeat in animi preparatione ut
beneficeret cuicumque, si tempus adesset.... sic
ut cum oramus pro omnibus fidelibus & infide-
libus.... subvenientium est peccatori quantum
ad sustentationem naturæ, non quantum ad so-
lumentum culpæ.* 2. 2. q. 33. a. 2. & Aug. enar-
ratione in Psal. 102. *Ne pigrescant in hoc viscera
misericordiæ, quia tibi peccator occurrit;
tibi enim homo peccator occurrit. Cum dico, oc-
currit tibi homo peccator, duo nomina dixi. Hæc
duo nomina non superflua sunt, aliud quod ho-
mo, aliud quod peccator: quod homo, opus est
Dei: quod peccator, opus est hominis: da ope-
ri Dei, noli dare operi hominis.*

*Consect. 7. Non neganda est elemosyna
peregrinis, nec tempore famis urbe expel-
lendi sunt, si satis annonæ suppetat, vel
comparari possit, ut iis simul & indigenis
subveniantur.* Ita Ambr.

*Consect. 8. Non obviis tantum pauperibus
eroganda est elemosyna; sed pauperes juxta
Aug. querendi sunt: alius ad te venit, ut pe-
tat, alium præveni, ne petat. Quod quomodo
sit intelligendum accipe a D. Th. Nullus au-
tem sufficit omnibus indigentibus misericordiæ
opus impendere; & ideo sicut Aug. dicit 1. de
Doctrina Christiana c. 28. Cum omnibus pro-
desse non possis, his potissimum consulendum est,
qui pro locorum, & temporum, vel quarumlibet
rerum opportunitatibus confectius tibi
quasi quadam sorte junguntur. Dicit pro locorum
opportunitatibus; quia non tenetur homo per
mundum querere indigentes quibus subveniat,
sed sufficit si eis qui ibi occurrunt misericordiæ
opus impendat: unde dicitur Exod. 23. v. 4.
Si occurreris bovi inimici tui aut asino erranti,
reduc ad eum. Addit autem, & temporum
quia non tenetur homo futuræ necessitati alte-
rius providere, sed sufficit, si præsentis neces-
sitati succurrat: unde dicitur 1. Jo. c. 3. v. 17.
qui viderit fratrem suum necessitatem habentem,*

tem, & clausit viscera sua ab eo, &c. subdit autem, vel quatumlibet rerum; quia homo sibi conjunctis quacumque necessitudine maxime debet curam impendere, secundum illud: Si quis suorum, & maxime domesticorum curam non habet, fidem negavit. 2.2.9.71. a.1. Ex his omnibus patet, quomodo debeamus pauperes querere; non hac & illuc indefinite, nec ubique terrarum, sed ubi id facile fieri posse caritas suggerit.

§. IX.

Quæ conditiones eleemosynam comitari debeant.

Prop. unica. Ut eleemosyna Deo placeat, sequentes debet habere conditiones.

1. Debet esse copiosa juxta facultatem dantis. In presenti tempore vestra abundantia illorum inopiam suppleat, ut illorum abundantia vestre inopie sit supplementum, ut fiat æqualitas, sicut scriptum est: Qui multum, non abundabit, & qui modicum, non minorabit. 2. ad Corinth. c. 8. v. 14. Talis erat eleemosyna Christianorum Ecclesie Jerusalem, apud quos omnia erant communia. Eleemosyna est ad instar fontis semper novas aquas effundentis, & si haurias, numquam tamen exhauris, inquit Glemens Alexand. lib. 1. Pædag.

2. Eleemosyna debet esse prompta. Prov. c. 3. v. 28. Ne dicas amico tuo: Vade, & revertere, cras dabo tibi: tum statim possis dare. Bis enim dat qui cito dat.

3. Eleemosyna debet fieri cum hilaritate: In omni dato hilarem fac vultuum tuum, & in exultatione sanctifica decimas tuas: Eccli. cap. 35. v. 12. Hilarem enim datorem diligit Deus. 2. ad Corinth. cap. 9.

4. Eleemosyna debet fieri cum humilitate & sine ostentatione. Cum facis eleemosynam, noli tuba canere ante te, sicut hypocrite faciunt in synagogis, & in vicis, ut honorificentur ab hominibus. Amen dico vobis, receperunt mercedem suam. Te autem faciente eleemosynam, nesciat sinistra tua quid faciat dextera tua. Matth. 6. vers. 2.

5. Eleemosyna debet esse sine arrogantia. Talis erat eleemosyna, quam impendebat Job. 31. v. 19. Si despexi preteritum meo, quod non habuisti indumentum, & absque operimento pauperem. Quisquis enim, inquit Greg. super eum; cui tribuit, fastu se elationis extollit, majorem culpam intrinsecus superbiendo peragit, quam exterius largiendo mercedem. Lib. 21. Moralium cap. 19.

ARTICULUS III.

De eleemosyna spirituali, seu correctione proximi.

§. I.

Explicatur quid sit eleemosyna spiritualis, simulque variæ traduntur notiones ad intelligentiam eorum necessarias, quæ dicenda sunt.

Eleemosyna spiritualis, seu correctio fraterna est actus caritatis, quo proximo spiritualiter egenti spiritualiter, seu quoad animam succurrimus consulendo, arguendo, docendo, consolando, condonando, orando: unde ille versiculus:

Consule, carpe, doce, solare, remitte, ser, ora.
Agemus tamen hic solum de correctione, aut de iis quæ reduci possunt ad correctionem.

Sicuti proximus potest esse in necessitate corporali vel vulgari, vel media, vel extrema; ita potest esse in spirituali necessitate vulgari, media, & extrema.

Necessitas spiritualis vulgaris est status, in quo proximus lapsus est probabiliter in peccatum mortale, nisi ei succurratur spirituali auxilio, v.g. consilio, correctione, &c. quod tamen peccatum posset vitare solus, sed difficulter.

Talis est status, in quo sunt vulgariter homines, qui communibus tentationibus mundi, carnis, & diaboli agitantur.

Necessitas spiritualis gravis est hujusmodi status, in quo proximus certo sit in peccatum mortale lapsus, nec possit facile peccatum illud vitare, nisi ei subveniatur spirituali auxilio, v.g. consilio, correctione, &c.

Talis est status illius hominis, qui amicitiam init cum muliere impudica, ex cuius societate corrumpetur, nisi præmoneatur.

Necessitas spiritualis extrema est hujusmodi status, in quo proximus certo damnandus sit, nisi ei subveniatur spirituali auxilio, v.g. consilio, correctione, &c.

Talis est status hominis brevi morituri, qui exibat in sæculo, nec tamen faciet restitutionem ad quam teneretur, quam tamen faceret, si fraterna correctione admoneretur.

Correctio generatim est actus misericordie, quo monitione salutari peccator ad emendationem inducitur.

Correctio est triplex: fraterna, paterna, & juridica.

Correctio fraterna est actus caritatis, quo quæ-

quæritur emendatio peccati, quatenus peccatum est malum ipsius peccantis; & hæc fit ex caritate, & exerceri debet ab omni homine, qui potest peccatorem a peccato revocare, licet nullam habeat auctoritatem supra proximum qui emendatur.

Correctio paterna est actus, quo quæritur emendatio peccati, & facta ab eo qui habet in peccantem auctoritatem aliquam, vel naturalem, ut pater, vel spirituali, ut Prælati; vel civilem, ut Magistratus: & hæc correctio fit ex officio, sed absque processu contentioso, ut dicunt; unde ad fraternam reducitur.

Correctio juridica est emendatio peccati vergentis in nocumentum communis boni: & hæc correctio fit ex iustitia, & fieri debet solum ab eo homine, qui habet auctoritatem Prælationis, & contentiose, ut dicunt, potest procedere: qualis est Prælati Ecclesiastici, & civilis.

S. II.

De correctione fraterna.

Prop. unica. Correctio fraterna non est tantum de consilio, sed etiam de præcepto, & obligat non solos Prælatos, sed omnes & singulos Christianos quando adsunt omnes circumstantiæ requisitæ; adeo ut quilibet sive superior, sive æqualis, sive inferior teneatur fratrem suum peccatorem corrigere.

Prob. 1. Script. Mandavit Deus unicuique de proximo suo, Eccli. 17. v. 12. & Matth. 18. v. 15. Si peccaverit in te frater tuus, vade & corripe eum inter te & ipsum solum: ergo correctio fraterna est de præcepto.

2. Ex Anacleto. (a) *Tam Sacerdotes, quam reliqui fideles omnes summam debent habere curam de his qui pereunt, quatenus eorum redargutione aut corripantur a peccatis, aut si incorrigibiles appareant, ab Ecclesia separentur.*

3. Ex Aug. lib. de verbis Domini serm. 82. alias 16. c. 4. *Si neglexeris corrigere, peior es factus eo qui peccavit; peior tacendo, quam illo conviciando.*

4. Ex D. Thom. 2. 2. q. 33. a. 3. *Correctio est actus caritatis, quæ specialiter tendit ad emendationem fratris delinquentis per simplicem admonitionem: & talis correctio pertinet ad quemlibet caritatem habentem, sive sit subditus, sive Prælati.*

5. Rat. Prima ratio. Tenemur ex caritate

proximum diligere in ordine ad beatitudinem, procurando ei bona quibus ducatur ad Deum, & averiendo ab ipso mala quibus abducitur a Deo: utrumque fit per correctionem fraternam in legitimis circumstantiis exercitam: ergo correctio fraterna est de præcepto.

Secunda ratio. *Omnes unum corpus sumus in Christo, singuli autem alterius membra, ut ait Paulus 1. ad Corinth. c. 12. v. 15. Ergo sicut in corpore humano pro invicem sollicita sunt membra, & si quid patitur unum membrum, compatiuntur omnia membra; sic in Ecclesia fideles debent esse ad invicem solliciti, & curare ne frater in peccatum labatur.*

Tertia ratio. Tenemur ex præcepto caritatis elemosynam corporalem largiri proximo indigenti: tenemur ergo a fortiori largiri proximo indigenti elemosynam spirituales, & proinde eum in debitis circumstantiis fraterna correctione corrigere.

Conseſſaria hujus Doctrinæ.

Conseſſ. 1. Peccant generatim omnes, qui urgente necessitate, tempore ac loco opportunis, proximum per correctionem non abducunt a peccato vel quod jam commisit, vel quod commissurus est. Illud docet D. Thom. 2. 2. q. 33. a. 2. *Correctio fraterna ordinatur ad fratris emendationem: ideo hoc modo cadit sub præcepto secundum quod necessaria est ob istum finem, non autem ita quod quolibet loco vel tempore frater delinquentis corrigatur.*

Sic generatim peccat fidelis quilibet, qui proximum non corrigit, sive superior, sive inferior, sive æqualis existat proximus egens correctione.

Conseſſ. 2. Peccant gravius Prælati naturales, ut patres; Ecclesiastici, ut Pastores; civiles, ut Magistratus, qui in debitis circumstantiis non corrigunt subditos suos; quia ad id tenentur & ratione caritatis & ratione officii, ut ait D. Th. 2. 2. q. 33. a. 3. ad 3. *Sicut enim temporalia beneficia potius debet aliquis exhibere illis, quorum curam temporalem habet; ita etiam beneficia spiritualia, puta, correctionem, doctrinam, & alia hujusmodi, magis debet providere illis qui sunt spirituali suæ curæ commissi.... Idem docet Aug. 1. de Civit. Dei cap. 9. Quia in re, inquit S. Doctor, non utique parem, sed longe gravio rem habent causam, qui populorum Præpositi constituti sunt in Ecclesiis,*

ut

(a) Scio Decretales omnes antiquas usque ad Siricium apud Doctos haberi ut Apocriphas, ut ipsemet docebo in synopsis Juris Canonici, sed eam laudo, ut monumentum antiquum, cuiuscumque sit auctoris.

ut non parcant objurando peccata nec ideo tamen ab ejusmodi culpa penitus alienus est, qui licet præpositus non sit, arguenda negligit.

Sic gravissime peccant patres, non corrigendo filios; Tutores non corrigendo pupillos; Curatores, minores; heri, servos; Magistratus, subditos; Pastores Ecclesiastici, oves sibi subditas.

Consect. 3. Peccant subditi, qui servata debita reverentia, & mansuetudine, non corrigunt Prælatos in debitis circumstantiis; quia sicuti debent exercere caritatem erga Prælatos, ita & correctionem: ideo dicit Aug. in regula ad servos Dei: *Non solum vestri, sed etiam ipsius Prælati miseremini, qui inter vos quanto in loco superiori, tanto in periculo majori versatur.* Et D. Thom. 2. 2. q. 33. a. 4. ait: *Quod correctio fraterna, tam debet se extendere quam caritas.* Et ibidem, *Sed quia virtuosus, inquit, debet esse moderatus debitis circumstantiis; ideo in correctione, qua subditi corrigunt Prælatos, modus debet congruus adhiberi; ut scilicet non cum protervia & duritia, sed cum mansuetudine & reverentia corripiantur:* unde Apostolus, 1. Timoth. 5. dicit: *Seniorem ne increpaveris, sed obsecra ut patrem.* Sic potest filius patrem, privatus Magistratum, & populus Sacerdotem modeste corrigere.

Consect. 4. Peccant subditi, qui non corrigunt etiam publice Prælatos, cum imminet periculum fidei: ita docet D. Thom. ibidem: *Sciendum tamen est, quod ubi immineret periculum fidei, etiam publice essent Prælati a subditis arguendi; unde & Paulus, qui erat subditus Petro, propter imminens scandalum periculum circa fidem publice arguit, ad Galat. 2. Supra quod Aug. dicit: Ipse Petrus exemplum majoribus præbuit, ut sic ubi tramitem rectum reliquissent, non de dignentur a posterioribus corripiri.*

Consect. 5. Peccant mortaliter fideles, tunc maxime, cum prætermittunt correctionem ex metu vel cupiditate, cum ad illam tenentur, scilicet, quando probabiliter præsumunt, quod possunt proximum a peccato retrahere. *Prætermittitur,* inquit D. Thom. 2. 2. q. 33. a. 2. ad 3. *fraterna correctio cum peccato mortali, quando formidatur judicium vulgi, & carnis cruciatio, vel peremptio; dum tamen hæc ita dominantur in animo, quod fraternæ caritati præponantur; & hoc videtur contingere, quando aliquis probabiliter præsumit de aliquo delinquente, quod possit eum a peccato revocare, & tamen propter timorem vel cupiditatem prætermittit:* quæ quidem obligatio strictius urget eum, qui habet auctoritatem vel naturalem, ut pater; vel spirituales, ut Prælati; vel civilem, ut Magistratus.

Consect. 6. Peccant venialiter qui ad correctionem fraternam sunt tardiores propter timorem & cupiditatem; quia qui tunc omittunt correctionem, ita sunt affecti, ut eam non negligerent, si constaret quod fraternam caritatem amitterent. *Tertio modo,* inquit D. Thom. *correctio omittitur esse peccatum veniale, quando timor & cupiditas tardiores faciunt hominem ad corripienda delicta fratris; non tamen ita quod si constaret, quod fratrem posset a peccato retrahere, propter timorem vel cupiditatem omitteret, quibus in animo suo præponit caritatem fraternam; & hoc modo quandoque veri Sancti negligunt corrigere delinquentes* Et ideo Aug. 1. de Civit. Dei cap. 4. ut culpabile reprehendit corripienda dissimulare, cum potentum inimicitias devitamus, ne impediatur & nocent in rebus, quas adipisci adhuc appetit cupiditas, aut amittere formidat infirmitas.

Consect. 7. Non peccant, sed meritorie agunt, qui omittunt correctionem, quam prævident magis nocituram quam profuturam: ita Aug. de Civit. Dei cap. 9. lib. 1. *Si propterea quisque objurandis & corripiendis male agentibus parcat, quia opportunius tempus inquirat, vel eisdem ipsis metuit, ne deteriores ex hoc efficiantur, vel ad bonam vitam & piam erudiendos impediatur alios infirmos & premant, atque averiant a fide, non videtur esse cupiditatis occasio, sed consilium caritatis.*

§. III.

De correctione juridica.

Prop. unica. Correctio juridica non solum est de præcepto caritatis, sed etiam de præcepto iustitiæ.

Prob. Script. *Fili hominis speculatorem de die domui Israel, audies ex ore meo sermonem, & præmonstrabis eis ex me in eo. Cum dixerim peccatori, morte morieris, & non fueris locutus ut caveas impius a via sua; ille facinorosus in suo facinore morietur, sanguinem autem ejus de manu tua requiram.* Ezech 33. v. 7. *Noli quærere fieri iudex, nisi valeas virtute irrumpere iniquitates; ne forte extimescas potentes, & ponas scandalum in equitate tua* Eccli. c. 7. v. 6. Unde jubetur Moyses eligere de omni plebe viros potentes & timentes Deum, in quibus sit veritas, & qui oderint avaritiam, qui judicent populum omni tempore absque acceptatione personarum. Exod. cap. 18. v. 21. Ergo Prælati tenentur ex præcepto iustitiæ ad correctionem juridicam.

2. Ex Patribus. *Quod Christiani sumus, inquit Aug. serm. 46. de tempore, propter nos est, quod*

quod præpositi sumus, propter vos est: in eo quod Christiani sumus, attenditur utilitas nostra; in eo quod præpositi, non nisi vestra: Ergo præpositi tenentur ad correctionem juridicam, cum necessitas exigit, ex iustitia & non solum ex caritate.

3. Ex D. Th. 2. 2. q. 33. a. 3. Est autem alia correctio, quæ est actus iustitiæ, per quam intenditur bonum commune; & talis pertinet ad solos Prælatos, qui non solum habent admonere, sed etiam corrigere puniendo: Ergo correctio juridica est de præcepto.

4. Rat. Correctio juridica pertinet ad iustitiam distributivam, quia duplex est actus iustitiæ distributivæ: alter punire malos, alter vero remunerari bonos: atqui exercitium iustitiæ distributivæ est penes Prælatos, qui utpote capita Reipublicæ gerunt vices Reip. Ergo correctio juridica est penes Prælatos. Ergo Prælati tenentur adhibere correctionem juridicam ex præcepto non solum caritatis, sed etiam iustitiæ.

Consecraria hujus Doctrinæ.

Consecr. 1. Peccant iudices tum Ecclesiastici, tum civiles, qui dissimulant peccata subditorum, quos tenentur corrigere: ita docet Aug., Videtis, ait, quam sit periculosum parcere. Moritur ille (id est subditus) & recte moritur, in impietate sua & peccato suo moritur: negligentia enim sua occidit eum: sed cum fuerit negligens non admonente illo qui ad hoc est præpositus, & speculator ut admoneat; & ille iuste moritur, & iste iuste damnatur.

Consecr. 2. Peccant iudices Ecclesiastici & civiles, qui in correctione juridica incidunt in acceptionem personarum, reos absolunt, & damnant innocentes; quia agunt contra iustitiam. Prov. cap. 17. v. 15. Qui iustificat impium, & qui condemnat iustum abominabilis est uterque apud Deum.

Consecr. 3. Peccant iudices Ecclesiastici & civiles, qui iuridice non corripiunt & puniunt etiam publice peccata quæ committuntur publice; quia illam publicam pœnam merentur peccata publica. Auferes, inquit Deus, Deut. 13. v. 5. malum de medio ut omnis Israel audiens timeat. Quippe, ut ait Aug. ipsa corripienda sunt coram omnibus, quæ peccantur coram omnibus. Serm. 82. 7. alias 16. de verbis Domini c. 7. Idem docet D. Th. Remedium adhibetur & peccatoribus, ne peccent, & aliis in quorum notitiam devenit peccatum, ut non scandalizentur.

Consecr. 4. Peccant iudices Ecclesiastici &

civiles, qui dimittunt correctionem juridicam propter perturbationem ejus qui corripitur; quia, ut ait D. Th. correctio pertinet ad Prælatos, quæ ordinatur ad bonum commune, & habet vim coactivam, non est dimittenda propter perturbationem ejus qui corripitur; tum quia si propria sponte emendari nolit, cogendus est per pœnas ut peccare desistat; tum etiam quia, si incorrigibilis sit, bono communi per hoc providetur, dum servatur ordo iustitiæ, ut unius exemplo alii deterreantur: unde iudex non prætermittat ferre condemnationem in peccantem, propter timorem,urbationem ipsius, vel etiam amicorum.

Et Aug. Can. Ipsa pietas 23. q. 4. Furenti phrenetico Medicus, & Pater indisciplinato filio molestus est, ille ligando, iste cedendo, sed ambo diligendo: si autem illos negligant & parire permittant, ista potius manuetudo fallax, & crudelis est. Cui consonat illud Greg. Pastoral. 2. p. cap. 6. Necessè est, inquit, ut Rectores a subditis timeantur, quando ab eis Deum minime timeri deprehendunt; ut humana saltem formidine peccare metuant quæ divina iudicia non formidant.

Ne tamen exoriat rebellionem vel perturbationem, sequendum est consilium Greg. lib. 2. Moral. c. 8. Miscenda est, inquit, lenitas cum severitate, faciendumque quoddam ex utroque temperamentum, ut neque multa asperitate subditi exulcerentur, neque nimia benignitate solvantur: sit, inquit, amor, sed non emolliens: sit rigor, sed non exasperans: sit zelus, sed non immodice serviens: sit pietas, sed non plusquam expedit parcens.

§. IV.

De modo secundum quem debet fieri correctio fraterna.

Prop. unica. Modus procedendi in correctione fraterna sic est expressus a Christo: Si peccaverit in te frater tuus, vade, & corripe eum inter te & ipsum solum: si te audierit, lucratus eris fratrem tuum. Matth. c. 18. v. 15.

Consecraria hujus Doctrinæ.

Consecr. 1. Solum peccatum est objectum correctionis, juxta illud: Si peccaverit; & ita peccant. 1. Qui zelo inordinato proximum exasperant arguendo pro defectibus nullius momenti, & gravia peccata excusant. 2. Prælati, & Patres qui veniales etiam culpas non impediunt, si per hoc vigor disciplinæ minuatur. Caritas, ex Aug. in 1. Epist. Joan.

Joan. tract. 7. non debet esse desidia, *non est ista caritas, inquit, sed languor.*

Consect. 2. Peccatum debet esse cognitum, & non dubium & incertum, juxta illud: *Si peccaveris in te, id est coram te, te sciente, ut explicat Aug. 32. c. 10. alias ferm. 15.* Ideo peccant qui proximum arguunt sub levibus suspitionibus; nec enim decet nos esse exploratores vitæ aliorum, sed solum admonitores. *Prov. 24. v. 25. Non queras impietatem in domo iusti; & vases ejus requiem.* Et Aug. ferm. 82. c. 1. alias 16. *Admonet nos Dominus nosse non negligere invicem nostra peccata; non querendo quid reprehendas, sed videndo quid corrigas.*

Consect. 3. Solum peccatum fratris est obiectum correctionis, regulariter loquendo, juxta illud: *Si peccaveris in te frater tuus; ideo licet, ut dictum est, teneamur ex caritate Prælatos aliquando publice, aliquando privatim arguere; non tamen id debet fieri indiscriminatim; sed personæ ætate, pietate, prudentia graviores, & Prælati magis familiares debent suscipere munus illud correctionis erga Prælatos. Unde qui habet specialiter curam alicujus, inquit D. Th. hic art. 2. ad 4. debet eum querere ad hoc quod eum corrigat a peccato, exemplo Christi, de quo dicitur: Vadit ad eam quæ perierat; sed communitur non oportet nos querere quos corrigamus, sed sufficit quod impendamus correctionem eis, qui nobis occurrunt.* Ita D. Thom.

Consect. 4. Correctio debet fieri privatim & non publice, si peccatum fuerit occultum, juxta illud: *Vade, & corripe eum inter te & ipsum solum;* quia, ut ait Hieron. corripiendus est frater seorsum, ne si semel pudorem ac vercundiam amiserit remaneat in peccato; & (ut ait Aug.) ferm. de verbis Domini c. 6. *Quia secretum fuit quando peccavit in te, secretum quæ cum corrigis quæ peccavit, parcens pudori, studens correctioni.* Denique, ut ait D. Th. 2. 2. q. 33. art. 8. in corp. dum proximum corrigimus, ejus famæ consulendum est; quia fama est necessaria proximo. 1. Ad bona temporalia, quia diffamati a civili commercio arcentur. 2. Ad conscientiam, quia diffamati irreverenter peccant. 3. Ad bonum Ecclesiæ, quia patefacto uniuius peccato, alii ad peccandum provocantur. Ita D. Th.

Consect. 5. Correctio debet fieri verbis suavis & non injuriis, juxta illud: *Vade, & corripe eum.* Ideo ait Paulus ad Galat. 6. *Fratres, si preoccupatus fuerit homo in aliquo delicto, vos qui spirituales estis, hujusmodi instruite in spiritu lenitatis, considerans te ipsum, ne & tu sentieris: quem locum sic exponit Ang. Quid-*

quid lacerato animo dixeris, punientis est impetus, non caritas corrigentis: Dilige, & dic quod voles; etenim, ut docet Seneca de benef. cap. 3. ut corporum, ita animorum molliter vitia tractanda sunt.

Consect. 6. Correctio fraterna debet fieri solo motivo fratrem emendandi, juxta illud: *Si te audieris, lucratus eris fratrem tuum* Noli arguere derisorem ne oderit te; ideo ait D. Th. *Ubi probabiliter estimatur quod peccator admonitionem non recipiat, sed ad peiora labitur, est ab ejusmodi correctione desistendum.* 2. 2. q. 33. a. 6. & Aug. ferm. 82. alias 16. de verbis Domini cap. 7. *Quare illum corripis? quia tu doles quod peccaveris in te? absit. Si amore tui id facis, nihil facis; si amore illius facis, optime facis.*

Consect. 7. Correctio fraterna peccatoribus pertinacioribus non est deneganda sub spe futuræ eorum emendationis, juxta illud: *Si te audieris, lucratus eris fratrem tuum.* Id videtur docere D. Paulus ad Thesal. 5. v. 14. his verbis. *Corripite inquietos, consolamini pusillanimes, suscipite infirmos, patientes estote ad omnes: & Aug. de correct. & gratia c. 15. Omnibus, ne pereant, vel ne alios pereant, adhibenda est a nobis medicinaliter severa correctio.*

Consect. 8. Si admonitio privata inter te & ipsum solum, suum effectum non habeat, propterea non omittenda est fratris correctio, sed adhibenda sunt alia media, quæ ad emendationem judicabuntur magis idonea.

1. Iteranda sæpius est privata correctio, juxta illud Pauli 2. ad Timoth. c. 4. v. 2. *Insta opportune, importune, argue, obsecra, increpa in omni patientia; imitandi enim sunt Medici, qui & volentibus, & nolentibus curam adhibent.*

2. Si inutilis est iterata correctio inter te & ipsum solum, corrigendus est coram uno, vel duobus testibus, juxta illud: *Si autem te non audierit, adhibe tecum adhuc unum, vel duos testes, ut in ore duorum vel trium stet omne verbum: & D. Th. 2. 2. q. 33. a. 8. ad 1. Post admonitionem secretam semel vel pluries factam, quamdiu spes probabiliter habetur de correctione per secretam admonitionem procedendum est . . . ex quo autem probabiliter jam cognoscere possumus, quod secreta admonitio non valet, procedendum est ulterius, quantumvis sit peccatum occultum, ad testium inductionem, nisi forte probabiliter estimetur, quod hoc ad emendationem fratris non proficeret, sed exinde deterior redderetur; quia propter hoc totaliter est a correctione cessandum.*

3. Si proximus nolit acquiescere prædictis admonitionibus, denuntiandum est Superiori, juxta

juxta illud: *Si non audierit eos, dic Ecclesie*: quod quo modo fieri debeat sequens paragraphus aperiet.

S. V.

De denunciatione.

Denunciatio est criminis latentis facta judici non observata formula accusandi. Denunciatio triplex est: denunciatio Evangelica, Canonica, & Civilis.

Denunciatio Evangelica ea est, quæ fit Præfato tamquam patri, qua scilicet rogatur Præfatus, ut paterna sua auctoritate peccantem fratrem ad salutarem penitentiam excitet: ut cum uxor occultum mariti adulterium Sacerdoti denunciat. Ita Can. *Si peccaverit*.

Denunciatio Canonica ea est, qua peccator denunciatur Præfato Ecclesiastico, eo fine ut Præfatus pœnis Canonicis peccatorem ad penitentiam excitet; veluti si quis denunciet eos, qui volunt in gradu prohibito matrimonium contrahere.

Denunciatio Civilis ea est, quæ reus denunciatur judici laico, eo fine ut iudex laicus malos puniat & pacem publicam tueatur; ut cum quis denunciat malefactores judici civili.

Prop. 1. Quantum fieri potest post adhibitam fraternam correctionem, si bonum spirituale proximi, aut utilitas publica exigat ut proximus denunciatur, isto ordine procedendum est: denunciatio Evangelica debet præcedere Canonica, & Canonica, civilem: Civilis vero denunciatio magna eget cautela, nec adhibenda est nisi de consilio prudentis viri.

Prob. Ordo caritatis exigit, ut mitioribus quantum fieri potest mediis fratres nostros ad resipiscentiam reducamus. *Si secus feceris*, inquit Aug. serm. 16. de verbis Domini, *non es corrector sed proditor. Attende quemadmodum vir iustus Joseph tanto flagitio, quod de uxore fuerat suspicatus, tanta benignitate peperciit antequam sciret unde illa conceperat, quam gravidam senferat, & se ad illam non accessisse noverat. Resabat itaque certa adulterii suspicio: & tamen quia ipse solus senferat, ipse solus sciebat, quid de illo ait Ev. Joseph autem cum esset vir iustus & nollet eam traducere, id est divulgare, voluit occulte dimittere eam. Ergo sicuti Joseph in urgentissima etiam suspitione iudicem non adiit; ita & nos non adeamus iudices nisi in extremis tantum, & cum ad id teneri ex prudentum consilio compertum habuerimus.*

Monit. 1. Quando peccatum est occultum vergens in periculum aliorum vel corporale, vel spirituale, denunciandum est absque admonitione prævia: ita docet D. Th. 2. 2. q. 33. a. 7. In talibus in quibus mora denunciationis est periculosa, non oportet expectare admonitionem, sed statim procedere ad denunciationem; nec hoc est contra præceptum Christi propter duo. Primo quidem, quia peccatum illud, quod vergit in periculum multorum, non est solum in te, sed in multos; Dominus autem dicit: *si peccaveris in te frater tuus*. Secundo, quia Dominus non loquitur de culpa futura cavenda, sed de præterita jam commissa.

Monit. 2. Quando peccatum est occultum, nec vergit in perniciem aliorum, tunc licet peccatum fratris superiori denunciare non ut judici, sed ut patri, si prævideatur quod superior paterna caritate fratrem errantem revocavit, & præsumo secretam meam monitionem futuram illi inutilem: ita D. Th. quodlib. 11. q. 10. a. 2. *Si ego scio*, inquit S. Doctor, *quod frater per me corrigitur, tunc non debeo hunc denunciare Præfato; si autem videtur quod hoc melius fiet per Præfatum, & Præfatus nihilominus sit pius, & spiritualis, & non habens rancorem, seu odium adversus illum subditum, tunc licite potest denunciari.*

ARTICULUS IV.

De bono exemplo.

Prop. unica. Quilibet homo tenetur aliis hominibus bono exemplo præluere.

Prob. 1. Script. *Exemplum dedi vobis*, inquit Christus Joan. 13. v. 15. *ut quemadmodum ego feci, ita & vos faciatis*. Ergo cum amor Christi erga nos sit regula amoris nostri erga proximum, que madmodum Christus nobis omnibus multa pietatis exempla præbuit; ita & nos debemus pietatis exempla aliis præbere hominibus.

2. Ex Gregorio Homilia 16. in Evangelium, ubi sic loquitur: *Nemo dicat, admonere non sufficio, exhortari idoneus non sum: quantum potes exhibe vel adjuvamenta, vel bona exempla: vobiscum alios trahite in via Domini, socios habere desiderate, curate ne ad Deum soli veniatis, sicut etiam scriptum est, qui audit, dicat, veni.*

3. Rat. Caritas nostra erga proximum debet ex diis eo tendere, ut quantum in nobis est, proximum ad Deum attrahamus: unde dicit Augustinus concione 2. in Psal. 33. *Si amatis Deum, rapite omnes ad amorem Dei...*

ac...

accipite, adducite, attrahite quos potestis: Ergo debemus fratribus nostris bono exemplo præluere; ut enim optime monet D. Th. 1.2. q. 34. a. 1. in corp. in operationibus & passionibus humanis, in quibus experientia plurimum valet, magis movent exempla quam verba; unde vulgare dictum: validiora sunt exempla quam verba, & plenius docetur opere quam sermone: & Seneca epist. 53. ait, Magistrum talem esse eligendum, quem magis admiretur cum videris, quam cum audieris.

Confectaria hujus Doctrinæ:

Confect. 1. Quilibet homo etiam privatus tenetur ita pietatis opera exercere, ut possint alii ejus exemplo ad virtutem inflammar: unde Christus ait Matth. 5. v. 16. *Sic luceat lux vestra coram hominibus, ut videant opera vestra bona & glorificent patrem vestrum qui in calis est; quilibet enim ita se gerere debet erga eos quibuscum commoratur, sicut Ruth gessit se cum concivibus suis, de qua scriptum est: sit in exemplum virtutis in Ephrata, & habeat celebre nomen in Bethleem.* Ruth 4. v. 16. quibus verbis Scriptura non tam desiderium exprimit, quam quid futurum esset prænunciat.

Confect. 2. Superior politicus tenetur strictius quam homo privatus exemplo præluere iis omnibus quibus præest; talis est enim vulgo populus, qualis est superior politicus, juxta illud Eccli. 10. v. 2. *Secundum judicem populi, sic & ministri ejus, & qualis Rector est civitatis, talis & inhabitantes in ea.* Rex inspiens perdet populum suum.

Confect. 3. Superior Ecclesiasticus strictius tenetur quam superior politicus exemplo præluere his quibus præest; Christus enim, exemplar omnium Pastorum, cepit prius facere, postea docere: & Paulus ad Tim. 1. 4. v. 12. *Exemplum esto fidelium in verbo, in conversatione, in caritate, in fide, in castitate: & ad Tit. 2. v. 7. In omnibus te ipsum præbe exemplum bonorum operum; tenetur enim lucere, inquit Chrysostomus, Homil. in Matth. quem Dominus voluit habere officium lucernæ. Vide dicenda de officio Pastorum.*

C A P U T IX.

De actibus caritati erga proximum contrariis.

Actus caritati erga proximum contrarii, alii sunt interiores, alii exteriores. Actus interiores sunt hi qui latent in cor-

de: exteriores sunt hi qui per opus aliquod externum exterius manifestantur.

Actus interiores contrarii caritati erga proximum sunt odium, invidia, inimicitia interius retenta, quæ prodit se per actus exteriores caritati contrarios.

Actus exteriores contrarii caritati erga proximum sunt ira, vindicta, discordia, contentio, rixæ, de quibus sigillatim agemus; & quia scandalum caritati pariter adversatur, materiam scandalii pertractabimus.

A R T I C U L U S I.

De odio contra proximum.

Odium proximi est actus, quo malum optamus proximo.

Prop. unica. Odium proximi, quo ei optamus ingens malum, est peccatum ex suo genere mortale.

Prob. 1. Script. Omnis qui odit fratrem suum homicida est, & scitis quoniam omnis homicida non habet vitam æternam in semetipso manentem. 1. Joan. 3. v. 15. Ergo cum odium proximi comparetur homicidio, & homicidium sit peccatum mortale, odium proximi est peccatum mortale.

2. Ex D. Th. 2.2. q. 34. a. 4. ubi sic loquitur: *Peccatum quod committitur contra proximum, habet rationem mali ex duobus: uno quidem modo ex deordinatione ejus qui peccat: alio modo ex documento quod inferitur ei contra quem peccatur.* Ergo odium contra proximum debet mensurari ex deordinatione voluntatis, & ex documento quod optamus inferre proximo. Ergo odium proximi erit peccatum mortale, si sit plane deliberatum, & ingens sit malum quod ei optamus.

3. *Rat.* Omnis actus contrarius virtuti est peccatum: ergo cum caritas erga proximum sit maxima virtus, odium proximi oppositum caritati debet esse maximum vitium, & proinde peccatum ex suo genere mortale.

Confectaria hujus Doctrinæ.

Confect. 1. Peccant qui gaudent de malo proximi, & tanto gravius, quanto majus est malum proximi, de quo lætantur. Contra pravam hunc cordis nostri affectum ita loquitur Script. Prov. 24. v. 17. *Cum cecideris inimicus tuus ne gaudeas, & in ruina ejus ne exultes cor tuum, ne forte videat Dominus & displiceat ei, & auferat ab eo iram suam, & eandem iram in te transferat, inquit Duhamel in suis Adnotationibus in Scripturam.*

Con-

Confess. 2. Peccant qui optant aliquid malum proximo, & tanto gravius quanto majus est malum quod optant proximo; *caritas enim*, inquit Paulus 1. ad Corinth. 13. v. 4. *patiens est, benigna est, non cogitat malum.*

Sic peccant graviter qui optant malum temporale proximo, gravius qui optant ei mortem, gravissime vero qui optaret proximo æternam damnationem, neque possunt prava hæc desideria recto motivo excusari: unde damnata est sequens propositio a Sede Apostolica, & a Clero Gallicano. *Si cum debita moderatione facias, potes absque peccato mortali de vita alicujus trisari, & de illius morte naturali gaudere, illam inefficaci affectu petere, & desiderare, non quidem ex displicentia personæ, sed ob aliquod emolumentum temporale.*

ARTICULUS II.

De invidia erga proximum.

INvidia est tristitia de bono proximi quatenus bonum nostrum proprium minuire videtur.

Prop. unica. Invidia est peccatum mortale quoties cum plena deliberatione invidemus bonum aliquod insigne vel spirituale, vel temporale proximi; veniale vero si sit levitas materiæ, & indeliberatio.

Prob. 1. Script. *Invidiæ, homicidia, ebriitates, comestiones, & his similia, quæ prædicant vobis, sicut prædixi: quoniam qui talia agunt, regnum Dei non consequentur.* ad Galat. 5. v. 21. Ergo cum invidia excludat nos a Regno cælorum, debet esse peccatum mortale.

2. Ex Greg. 3. part. Regulæ pastoralis, admonitione 11. Quam grave sit peccatum invidiæ patet: ex hoc, quod invidi, inquit, alieno proventus deficiunt, aliena exultatione tæbescunt ... melioratione proximi deteriorantur.

3. Rat. D. Th. 2. 2. q. 36. a. 3. in corp ubi sic loquitur: *Invidia ex suo genere est peccatum mortale; genus enim peccati ex objecto consideratur; invidia autem secundum rationem sui objecti contrariatur caritati, per quam est vita animæ spiritualis, secundum illud Joan. 3. Nos scimus quoniam translati sumus de morte ad vitam, quoniam diligimus fratres ...* Unde manifestum est, quod invidia ex suo genere est peccatum mortale; sed sicut in quolibet genere peccati mortalis invenitur aliqui imperfecti motus in sensu: ita et in istis, qui sunt peccata venialia ... ita etiam in genere invidiæ: Ergo invidia est peccatum ex suo genere mortale; veniale ve-

ro vel ob levitatem materiæ, vel ob indeliberationem.

Confessaria hujus Doctrina.

Confess. 1. Peccant gravissime qui dolent dona Spiritus Sancti in aliis abundare; & hoc peccatum ponitur inter peccata contra Spiritum Sanctum: ita D. Thom. ibid. a. 4. ad 2. Tale fuit peccatum Cain dolentis holocaustum Abelis magis Deo placere, quam sacrificium quod ipse offerebat. *Ad Cain autem*, inquit Scriptura, & ad munera ejus non respexit Deus: iratusque est Cain vehementer, & concidit vultus ejus. Gen. 4. v. 5.

Confess. 4. Peccant gravissime qui dolent proximum bonis spiritualibus abundare: tales sunt qui ægre ferunt Evangelium prædicari, confessiones audiri &c. ab aliis quam a seipsis. Contra hoc facit exemplum Moysis, cui cum Josue annunciasset quod Eldad & Medad prophetabant in castris, eique dixisset: *Domini mi Moyses, prohibeoos*; Moyses respondit: *Quid, inquit, æmularis pro me? Quis tribuit ut omnis populus prophetet, & det eis Dominus spiritum suum?* Tales sunt etiam hi, qui ex invidia nolunt scientiam, quam habent, aliis communicare. Contra hos facit exemplum Sapientis, qui loquens de sapientia ait: *Quam sine invidia communico, & honestatem illius non abscondo.* Sap. 7. v. 13.

Confess. 3. Peccant qui dolent temporalia in aliis abundare. Talis fuit invidia Palæstinarum, qui dolebant quod Isaac dives evassisset; juxta illud Script. *Habuitque possessiones ovium & armentorum, & familie plurimum: ob hoc invidentes ei Palæstini omnes puteos patris Abraham obstruxerunt.* Gen. 26.

Confess. 4. Peccant qui dolent alios sibi vel forma corporis, vel doctrina, vel autoritate præminere. Talis fuit invidia Fratrum Joseph. Videntes ... quod Joseph plus amaretur cunctis filiis, oderant illum. Gen. 37. v. 4: Talis fuit invidia Rachel: *Cernens autem Rachel quod infecunda esset, invidit forori suæ.* Gen. 30. v. 1. Talis fuit invidia Saul contra David: *Dederunt David decem millia, mihi mille dederunt.* 1. Reg. 18. v. 8.

Monit. 1. Non peccant tamen peccato invidiæ, qui timent bonum alienum sibi vel aliis viris probis nociturum. *Evenire plerumque solet*, inquit Greg. Moral. 1. 22. cap. 11. *ut non amissa caritate, & inimici nos ruina lætificent, & rursum ejus gloria sine invidiæ culpa contristet, cum ruente eo quodam bene erigi credimus, & proficiente illo plerumque injulte opprimi formidamus.* Sic Elther & Mardochæus dolebant de

ritate impij Aman, a quo sibi & toti Judæorum genti cladem imminere prævidebant.

Monit. 2. Non peccant pariter peccato invidiæ qui tristantur de bono alterius, non quod ille habeat illud bonum, sed quod sibi desit illud bonum; nam tristitia illa proprie zelus dicitur, qui si sit circa bona honesta, laudabilis est, juxta illud 1. Cor. c. 12. v. 31. *Emulamini charismata meliora*; si autem fuerit de bonis temporalibus, potest esse cum peccato & sine peccato. Si fiat ordinate, caret peccato, est vero cum peccato si fiat inordinate: ordinate autem bona temporalia cupimus, cum ea operamus ob gloriam Dei; inordinate vero, cum ea cupimus ob aliquod pravum motivum.

Monit. 3. Peccamus quando tristamur de bono alterius, quatenus ille, cui accidit illud bonum, est eo indignus: quia gaudere debemus quod bona spiritualia indignis obveniant, cum per ea peccator ad conversionem disponatur: gaudere pariter debemus quod bona temporalia indignis obveniant, quia ut dicit D. Th. 2. 2. q. 36. a. 2. in corp. *Secundum Doctrinam fidei, temporalia bona, que indignis proveniunt, ex justa Dei ordinatione disponuntur vel ad eorum correctionem, vel ad eorum damnationem* (a): & hujusmodi bona nihil sunt in comparatione ad bona futura, quæ reservantur bonis.

Monit. 4. Cum aliquis tristatur de bono alicujus, in quantum alter excedit ipsum in bonis, tunc proprie est invidia, & istud semper est prævium.... Quia dolet de eo, de quo est gaudendum, scilicet de bono proximi.

ARTICULUS III.

De Inimicitia.

Inimicitia est status animæ, quo male afficimur erga eos, qui nobis adversantur: & inimicitia coincidit cum odio, eo solum discrimine, quod odium actum significat, inimicitia vero permanentiam in eodem odio.

Prop. unica. Inimicitia contra proximum sive interius latens, sive exterius prodens se, si sit plene deliberata & in materia gravi, est peccatum mortale.

Prob. 1. Script. *Qui odit fratrem suum, in tenebris est*, inquit Joan. 1. 2. v. 11. & in tenebris ambulat, & nescit quo eat: quia tenebræ obcæcaverunt oculos ejus; sed status ille denotat peccatum mortale: ergo inimicitia contra proximum est peccatum mortale.

2. Ex D. Th. 2. 2. q. 34. a. 3. in corp. *Simpliciter accipiendo odium fratris, semper est cum peccato*: ergo si interveniat plena deliberatio & materia gravitas, permanentia in tali odio seu inimicitia, erit peccatum mortale.

3. Inimicitia seu status ille permanens, quo proximo adversamur, est status oppositus caritati: ergo est peccatum ex suo genere mortale.

Consequæ hujus Doctrinæ.

Conseq. 1. Peccamus graviter si interius fovemus inimicitias contra proximum, quantumvis nobis adversentem; tenemus enim ex præcepto Christi inimicos diligere: *Ego autem dico vobis*, inquit, *diligite inimicos vestros*. Matth. 5. v. 44.

Conseq. 2. Peccant qui negant reconciliationem inimico veniam petenti; agunt enim contra illud Luc. 17. v. 4. *Si septies in die peccaverit in te, & septies in die conversus fuerit ad te, dicens: pœnitet me; dimitte illi*. Et Aug. ait ferm. 36. alias 48. de diversis: *Dilige hominem qui tibi dicit: frater, peccavi, ignosce mihi; tunc si non ignoveris, non dico, deles orationem de corde tuo; sed deleberis de libro Dei*.

Conseq. 3. Peccant qui inimicis etiam veniam non petentibus non actu exhibent communia Christianæ dilectionis signa, & specialia in præparatione animi; immo qui ea signa non conferunt actualiter si ad eorum conversionem, vel imbecillam ædificationem absolute necessaria judicentur, tunc denegatio illorum signorum esset certum latentis odii testimonium. Sic enim de communibus dilectionis signis loquitur D. Th. 2. 2. q. 25. a. 9. in corp. *Sunt quædam signa, vel beneficia dilectionis, quæ exhibentur proximis in communi, puta, cum aliquis orat pro omnibus fidelibus, vel pro toto populo, aut cum aliquod beneficium impendit aliqui toti communitati; & talia beneficia, vel dilectionis signa inimicis exhibere est de necessitate præcepti*. Si enim non exhiberentur inimicis, hoc pertineret ad livorem vindictæ, contra id quod dicitur Levi. 9. v. 18. *Non queras ultionem, & non memor eris injuriæ civium tuorum*. De beneficiis vero specialibus sic loquitur ibid. *Alia vero sunt beneficia, vel dilectionis signa, quæ quis exhibet regulariter aliquibus personis; & talia beneficia, vel dilectionis signa inimicis exhibere non est de necessitate salutis, nisi secundum præparationem animi, ut subveniatur eis in articulo necessitatis, secundum*

(a) Si hæc bona cedant ad eorum damnationem, non de eorum damnatione gaudere licitum est, sed laudare possumus Deum, qui jussit omnia disponit.

candum illud Prov. 25. Si esurieris inimicus tuus, cibillum; si sitis, potum da illi.

Sic peccant qui inimicis negant communia beneficia, qualia sunt quæ Christiano debentur a quolibet Christiano in communi, concivi a concive, cognato a cognato, vicino a vicino.

Sic peccant qui negant inimicis specialia beneficia, quando hinc sequitur scandalum, quale contingit, quando alioes, vicini, &c. salutationem, colloquia, aliaque officia tibi negant: *Vae homini illi, per quem scandalum venit*, inquit Christus, Matth. 19. a. 7.

Sic peccant qui negant inimicis specialia signa dilectionis, cum ea infervere possent ad eorum conversionem: *unicuique Deus mandavit de proximo suo*. Si ergo possis inimicum tuum ad Deum convertere, & non facias, *sanguinem ejus de manu tua requirit Dominus*; si occurreris bovi inimici tui, vel asino erranti, *reduc ad eum; si videris asinum odientis te jacere sub onere, non pertransibis, sed sublevabis*, ait Script. Ergo a fortiori debemus animam inimici nostri specialibus dilectionis argumentis ab odio, quo exurit, reducere, & a pondere peccati, quo premitur, sublevare.

ARTICULUS IV.

De Vindicta.

Vindicta est actus justitiæ, quo justa pena rependitur pro punienda culpa.

Prop. 1. Vindicatio, quæ fit vel ex livore, vel ex odio, vel ex malevolentia, est peccatum tanto gravius, quando major est ulciscens se malevolentia.

Prob. 1. Script. *Non quaras*, inquit Deus, Lev. 19. v. 18. *ultionem, nec memor eris injurie civium tuorum*: & Paul. ad Thessal. 1. c. 5. v. 15. *Videte ne quis malum pro malo alicui reddat; sed semper quod bonum est se semini invicem & in omnes*: Ergo vindicatio, quæ fit ex motivo odii, est semper peccatum.

2. Ex D. Th. 2. 2. q. 108. a. 1. *In vindicatione considerandus est vindicantis animus: si enim ejus intentio feratur principaliter in malum illius, de quo vindictam sumit, & ibi quiescat, est omnino illicitum, quia delectari in malo alterius pertinet ad odium, quod caritati repugnat, qua omnes homines debemus diligere. Nec aliqui excusatur, si malum intendat illius, qui sibi iniuste intulit malum, sicut non excusatur aliquis per hoc quod odit odientem se: debemus enim non vinci a malo, sed vincere in bono malum.*

3. Rat. Vindicta quæ fit vel ex odio, vel ex livore, opponitur caritati: ergo est peccatum.

Confessaria hujus Doctrinae.

Confess. 1. Peccant privati, qui autoritate propria volunt sibi usurpare exercitium vindictæ; Deus enim injuriarum ultionem sibi reservavit, juxta illud ad Rom. 12. v. 19. *Vindicta mihi; ego retribuam*. Deinde, hi qui acceptas volunt implere ulcisci injurias, non ducuntur zelo justitiæ, sed odio & livore, ergo peccant.

Confess. 2. Peccant privati homines, qui vindictam coram judice pro acceptis injuriis persequuntur, non ex zelo justitiæ, sed ut irato satisfaciunt animo; tunc enim propriæ serviunt cupiditati: qui enim ultionem coram judice persequitur, debet id facere cum dilectione hominum & solo odio vitiorum, debet sibi proponere solum bonum justitiæ, solum bonum pacis, ut alii non audeant contra bonos insurgere, & ne impunitas delictorum pariat incentiva vitiorum.

Prop. 2. Vindicta, quæ fit non autoritate privata, sed publica, non animo nocendi, sed solum animo cohibendi malos & tuendi, bonos, non est peccatum.

Prob. 1. Script. ex Psal. 57. v. 11. *Lætabitur justus, cum viderit vindictam, manus suas lavabit in sanguine peccatoris*: Ergo vindicta est aliquando licita, cum justus ex Psalmista possit de ea gaudere, immo ex Paulo possit eam exigere a judice: dicitur enim ad Rom. 13. quod Princeps terrenus Dei minister est, *vindex in iram ei, qui male operatur*.

2. Ex D. Th. 2. 2. q. 108. a. 1. in corp. *Si intentio vindicantis feratur principaliter ad aliquod bonum, ad quod pervenitur per poenam peccantis, puta, ad emendationem peccantis, vel saltem ad cohibitionem ejus, & quietem aliorum, & ad justitiæ conservationem, & Dei honorem, potest esse vindicatio licita, aliis debitis circumstantiis servatis*.

3. Rat. Cum vindicta fit cum prædictis circumstantiis, est actus justitiæ: ergo non est peccatum, sed actio licita.

Confessaria hujus principii.

Confess. 1. Non peccant privati etiam homines, qui coram judice condignam exigunt injuriarum satisfactionem; possunt quidem, si velint, injuriam condonare, sed licite possunt pariter satisfactionem exigere: immo

id aliquando postulat ordo iustitiæ, ut scelerati timore pœnæ a bonorum vexatione abstineant.

Sic videmus in veteri testamento constitutos iudices, coram quibus læsi debitam satisfactionem perquirebantur; idemque jus vigere in novo testamento cernimus, cum apud Christianos iudices sint & tribunalia: immo Ecclesia interdum infligit censuras contra eos, qui pro injuriis satisfacere recusant.

Consect. 2. Non peccant personæ publicæ, qui pro accepta injuria debitam satisfactionem exigunt; immo peccarent, si non exigerent, cum eorum injuria vel in Deum, vel in Ecclesiam, vel in rempublicam redundat: tunc enim debent ipsimet eam injuriam ulcisci juxta regulas prudentiæ vel propriæ vel alienæ.

Sic Elias non ex odio, sed ex instinctu divinitus inspirato jussit ignem de cælo descendere in eos, qui eum comprehensuri venerant. Sic Elifæus maledixit pueris eum irridentibus, qui statim ab urbis devorati sunt. Sic Sylvester Papa excommunicavit eos, qui eum in exilium miserunt. Ita D. Thom. 2. 2. 108. a. 1. ad 4.

Ubi tamen cavere debent qui in auctoritate sunt constituti, ne sub specie boni publici privatas ulciscantur injurias.

Consect. 3. Cum ira sit appetitus vindictæ, idem dicendum de ira quod de vindicta diximus. Unde ira est licita, vel illicita & ex parte objecti, & ex parte modi, ut docet D. Thomas 2. 2. q. 158. a. 1. Si aliquis, inquit, appetat quod secundum ordinem rationis fiat vindicta, est laudabilis iræ appetitus, & vocatur ira per zelum. Si autem aliquis appetat, quod fiat vindicta qualitercumque contra ordinem rationis, puta, si appetat puniri eum, qui non meruit, vel ultra quam meruit, vel etiam non secundum legitimum ordinem, vel non propter debitum finem, qui est conservatio iustitiæ, & correctio culpe, erit appetitus iræ vitiosus, & nominatur ira per vitium. Alio modo attenditur ordo rationis circa iram quantum ad modum irascendi, ut scilicet motus iræ non immoderate fervescat, nec interius; quod quidem si permittatur, non erit absque peccato, etiam si aliquis appetat iustam vindictam.

Et art. 3. in responsionibus ad argumenta, idem S. Doctor fuse docet, iram esse peccatum mortale. Primo. Quando vehementes motus excitat, qui omnino perturbant rationem; juxta illud Job. 17. v. 7. Caligavit ab indignatione oculus meus. Secundo. Quando ingens malum causat proximo; juxta illud Christi, Matth. 5. v. 12. Omnis qui irascitur

fratri suo, scilicet malum ingens ei optando, reus erit iudicio; & juxta Paulum talem iram inter opera carnis recentem esse ad Galat. 5. Tertio demum. Quando ira ita est deordinata, ut dilectioni vel Dei, vel proximi repugnet; tunc enim, ut dicit Jacob. 1. v. 20. Ira viri, idest hominis carnalis, iustitiam Dei non operatur.

Sic peccat qui ex zelo inordinato vel non irascitur cum oportet, vel irascitur cum non oportet: de quo ait Bernar. Epil. 69. Peccabis non minus nimis irascendo, quam omnino non irascendo; siquidem non irasci ubi irascendum sit, est nolle emendare peccatum: plus vero irasci quam irascendum sit, peccatum peccato addere est. Tales sunt qui ne irascantur vel gravissima permittunt scelera, & hi qui non nisi cum amaro zelo culpas vel levissimas arguunt. Utrumque extremum qui evitare voluerit imitetur Christum, qui & cum zelo expulit e templo vendentes & ementes, & cum suavitate quoscumque excipiebat peccatores: sequatur illud Pauli 1. ad Timot. 4. v. 2. Argue, obsecra, increpa in omni patientia.

Consect. 4. Cum discordia oriatur ut plurimum ex ira, juxta illud Prov. 15. v. 18. Vir iracundus provocat rixas: qui patiens est mitigat suscitatas: eodem modo loquendum de discordia, quo de ira: & ita peccant graviter qui concordēs in bono hominum voluntates, discordes efficiunt, juxta illud Prov. 6. Dominus odit proferentem mendaciam, rixam saltem, & cum qui seminat inter fratres discordias. Et D. Th. 2. 2. q. 37. a. 1. in corp. ait: Per se discordat aliquis a proximo, quando sciens & ex intentione dissensit a bono divino, & a proximi bono, in quo debet consentire: & hoc est peccatum mortale ex suo genere, propter contrarietatem ad caritatem, licet primi motus hujus discordiæ, propter imperfectionem actus, sint peccata venialia. Non peccant vero qui homines in malo concordēs separant, modo viis non utantur iniquis. Hoc enim exemplo suo Christus nos edocuit. Non veni, inquit, pacem mittere, sed gladium; veni enim separare hominem adversus patrem suum, & filiam adversus matrem suam. Matth. 20. v. 34. Et D. Thom. 2. 2. q. 37. a. 1. ad 1. sic loquitur: Cavere discordiam, per quam tollitur mala concordia, scilicet in mala voluntate, est laudabile; & hoc modo laudabile fuit, quod Paulus posuit dissensionem inter eos qui erant in malo concordēs.

De scandalo agemus ubi de homicidio.

TRACTATUS OCTAVUS.

De Religione.

CAPUT I.

Explicatur quid sit Religio, simulque variae traduntur notiones ad intelligentiam hujus tractatus necessariae.

Religio, de qua hic agimus, est virtus moralis divinitus infusa, qua honor Deo debitus redditur, rebusque sacris in ordine ad Deum.

Objectum Religionis Christianae est illud, quod per Religionem colitur.

Objectum primum Religionis Christianae est Deus supereminens omnibus: unus in essentia, & trinus in personis: humanitas Christi, quatenus divinitati hypostatice unita.

Objectum secundarium Religionis Christianae sunt omnes Sancti, & omnes res sacrae, in quibus specialiter rebruet aliquid divinitatis: quales sunt sancti Angeli, animae beatae, res sacrae, v. g. Sacramenta Ecclesiae, Biblia, &c.

Objectum formale Religionis, seu motivum venerandi res sacras, est suprema divinitatis excellentia omnibus rebus longe supereminens; quidquid enim cultu Religioso veneramus, hoc ideo facimus, quia in eo rebruet vel divinitas, vel aliquid emanans specialiter a divinitate.

Religio alia est habitualis, alia actualis.

Religio habitualis est habitus inclinans ad actus Religionis, & aversens ab actibus Religionis oppositis.

Religio actualis est exercitium actuale Religionis; exercitium autem Religionis est actus vel elicitus a Religione, vel imperatus per Religionem.

Actus imperatus a Religione est actus quilibet bonus factus ex motivo Religionis.

Actus elicitus a Religione est actus, quo honor Deo debitus rependitur vel supremum ejus dominium super omnia, v. g. devotio, oratio.

CAPUT II.

De objecto Religionis, sive de his quae cultum Religiosum merentur.

ARTICULUS I.

De substantiis spiritualibus quae cultum nostrum merentur.

Prop. 1. Sola divinitas potest & debet supremo patri cultu adorari.

Prob. 1. Script. Dominum Deum suum timetis, & illi soli servietis. Deut. 6. v. 13.

2. Ex Concil. Constantinop. Credimus in Spiritum Sanctum Dominum & vivificantem, ex Patre procedentem, & cum Patre & Filio adorandum, & conglorificandum: Ergo Deus unus in essentia, & trinus in personis, est adorandus & conglorificandus.

3. Ex Aug. lib. 10. de Civit. Dei c. 1. Quaeque Latrae Graece nuncupatur, & Latine interpretatur servitus; sed ea quae colimus Deum hanc ei tantum Deo debere dicimus, quae verus Deus est, facitque suos cultores deos.

4. Rat. 1. Ille solus vere supremum meretur cultum, qui omnibus eminet, qui est causa omnium, & qui est ultimus omnium finis; quia supremum cultus supremam illam exigit & supponit eminentiam: patet autem, quod solus Deus omnibus emineat, omnium sit causa, & ultimus omnium finis: soli ergo Deo supremum cultum exhibere possumus. Hanc rationem innuit Paulus dicens: Quoniam ex ipso, & per ipsum, & in ipso sunt omnia; ipsi gloria in saecula. Ad Rom. 11. v. 36.

Consequaria hujus Doctrinae.

De his quae debent adorari cultu latrae.

Consect. 1. Pater, Filius, & Spiritus Sanctus, debent adorari supremo latrae cultu; quia quilibet ex illis personis est verus Deus: unde Aug. serm. contra Arrianos cap. 29. Cum igitur & Patri, & Filio, & Spiritui Sancto ista, quae latra vocatur, servitute serviamus, audiamusque legem Dei precipientem, ut nulli alteri, sed soli Domino Deo nostro hanc exhibeamus; praecul dubio unus & solus Dominus Deus noster est ipsa Trinitas, cui uni, & soli talem servitutem pietatis jure debemus.

Consect. 2. Verbum Divinum subsistens in natura divina & humana supremo latrae cultu adorandum est; quia est verus Deus & verus Homo: verus Deus ratione naturae

acceptæ a Patre: verus homo ratione naturæ humanæ acceptæ a Maria, juxta illud Joan. 1. v. 14. *In principio erat verbum, & verbum erat apud Deum, & Deus erat verbum, v. 1. Et verbum caro factum est.* Unde Paulus ad Philip. 2. v. 10. *In nomine Jesu omnes genuflectatur caelestium, terrestrium, & infernorum;* & ad Hebr. 1. v. 6. de Christo ait: *& adorent eum omnes Angeli Dei.*

Consect. 3. Christus, etsi verus homo, constans ex corpore & anima, sicuti nostrum quilibet, tamen vere & proprie cultu latriæ adorandus est, etenim in humanitate Christi, ut dicit Paulus, *inhabitat omnis plenitudo divinitatis*, non figurative, sed corporaliter, id est vere & realiter, ad Coloss. 2. v. 9. Deinde humanitas Christi a divinitate sejungit non potest, unde Athan. *Non enim creaturam adoramus, absit, in Ethnicos, & Arianos istiusmodi delirium competit: sed Dominum verum creaturam, Verbum Dei incarnatum adoramus... neque Verbum adoratur, Verbum a carne longe seponimus; sed cum sciamus Verbum carnem esse factum, illud jam in carne situm Deum agnoscimus. Quis igitur tam recors est, ut Domino ita loquatur: absiste a corpore, ut te adorem; aut quis ita impius est, ut cum Judeis propter corpus dicat ei: cur tu, homo cum sis, facis te ipsum Deum? Atqui non istiusmodi moribus leprosus te adoravit; adoravit enim Verbum in corpore, adoraverunt Apostoli, imo adoraverunt & Angeli. Epist. ad Adelphum.*

Consect. 4. Christus sive in cruce pendeat, sive in Eucharistia lateat, sive sedens ad dexteram Patris regnet, semper est adorandus cultu latriæ; quia Christus ubicunque sit, est verus Deus. Ita de Christo crucifixo Ambrosius loquitur: *Non signum Crucis, sed Christum passum adoramus. Regem adoravit Helena: non lignum utique; quia hic Gentilis est error, & vanitas impiorum, sed adoravit illum qui pendit in ligno, scriptus in titulo.* Ambros. de obitu Theodosii Imperatoris circa finem. Christum autem sub sacramentalibus speciebus velatum adorari ab Angelis, testes sunt sancti Patres passim in suis operibus; sed instat omnium sit istud Augustini dictum in Psal. 98. *Nemo autem illam carnem manducat, nisi prius adoraverit...* non solum non peccamus adorando; peccamus non adorando. Christum autem regnantem in Cælis chorus omnis, & Angelorum & Beatorum perenni adoratione prosequitur, uti testatur Symbolum Apostolorum his verbis: *Sedet ad dexteram Patris*, ei omnino æqualis, ibique cum Patre & Spiritu Sancto adoratur & conglorificatur.

Consect. 5. Actiones Christi teandricæ, id est humano-divinæ, salutis nostræ operatrici, etsi transierint, tamen in memoriam revocatz, supremæ latriæ cultu una cum Christo sunt adorandæ; quia unum cum Christo efficiunt. Ita Abbas Cluniacensis Epist. contra Petrobullanos: *Etenim cum dico, Mortem Domini, Resurrectionem Domini, Ascensionem Domini adoro, non aliud quam mortuum Dominum, resurgentem Dominum, ascendentem Dominum adorare me prescribit. Simili intellectu, cum ante Crucem humiliatus proster-nor, eum, qui in ipsa olim pro requie nostra tortus est, pro vita nostra mortuus est, ut Deum & Dominum, cui hoc solum debetur, adoro.*

Consecraria hujus Doctrinæ.

De his quæ non possunt cultu latriæ adorari.

Consect. 1. Nulla res creata sive sit supra nos, ut Angelus, sive sit infra nos, uti res corporeæ, sive sit juxta nos, uti anima humana, potest supremo latriæ cultu honorari; quia hæc omnia esse nequeunt nostra beatitudo, & suprema veritas, immobiliter figens intellectum creatum. Ita Aug. lib. de vera Relig. cap. 55. *Non sit nobis Religio in Phantasmatis nostris. Melius est enim qualecumque verum, quam omne quidquid pro arbitrio fingi potest. Et tamen animam ipsam, quamvis anima vera sit, cum falsa imaginatur, colere non debemus...* non sit nobis Religio humanorum operum cultus. Meliores enim sunt ipsi artifices, qui telia fabricantur, quos tamen colere non debemus... non nobis sit Religio, cultus scilicet latriæ, hominum mortuorum: quia si pie vixerunt, non sic habentur, ut tales quærant honores; sed illum a nobis coli volunt, quo illuminante letantur, meriti sui nos esse consortes: honorandi ergo sunt propter imitationem, non adorandi propter Religionem... Non sit Religio in Angelis; neque enim & nos videndo Angelum beati sumus, sed videndo veritatem, quæ etiam ipsos diligimus Angelos, & his gratulamur... & rursum Deus verus colendus est, quo solo fruens beatus fit cultor ejus, & quo solo non fruens; omnis mens misera est, qualibet alia re perfruatur. Lib. 2. contra Faust. cap. 52.

Consect. 2. Nullus Sanctus sive Patriarcha, sive Propheta, sive Apostolus, sive Martyr, quantacumque sanctitate emineat, quantacumque miracula operetur, potest latriæ cultu adorari; quia res creata est qua utendum, & non res increata qua fruendum: ideo & Angeli, & Sancti non patiuntur se adorari; sed e contra prohibent; sic enim habet

bet Joannes: *Et cecidi ante pedes ejus, scilicet Angeli, ut adorarem eum; & dicit mihi: vide ne feceris: conservus tuus sum & fratrum tuorum habentium testimonium Jesu: Deum adora.* Ap. 19. v. 10. Paulus & Barnabas Litribus volentibus eis sacrificare, fortiter resisterunt, dicentes: *Viri quid hæc facitis? & nos mortales sumus, similes vobis homines, annuntiantes vobis ab his vanis converti ad Deum vivum.* Act. 14. v. 14. quod ita paucis explicat Aug. contra Faust. lib. 20. cap. 21. *Colimus ergo Martyres eo cultu dilectionis, & scietatis ... at eo cultu, quæ Græce latría dicitur, Latine dici uno verbo non potest, cum sit quædam proprie divinitati debita servitus, nec colimus, nec colendum docemus, nisi unum Deum.*

Prop. 2. Cultus supremæ Deo debitus in nomine Christi mediatoris nostri exhibendus est sanctissimæ Trinitati.

Prob. 1. Script. *Ego sum via, veritas, & vita. Nemo venit ad Patrem, nisi per me.* Jo. 14. 6. *Ego sum ostium: per me si quis introierit, salvabitur.* Cap. 10. v. 9. & rursus: *Non est in alio aliquo salus; nec enim aliud nomen est sub cælo datum hominibus, in quo oporteat nos salvos fieri.* Act. 4. v. 12. *Unus enim Deus; unus & mediator Dei & hominum homo Christus Jesus.* 1. ad Tim. 2. v. 5. Ergo omnis cultus noster erga Deum per Christum exhibendus est.

2. Traditione. Ex perenni Ecclesiæ præxi patet, cultum omnem in nomine Christi exhibendum sanctissimæ Trinitati; ideo omnes orationes sic concludit: *Per Dominum nostrum Jesum Christum.*

3. Ex Aug. *Sicut enim, inquit Aug. diabolus superbus hominem superbientem reduxit ad mortem; ita Christus humilis hominem obediens reduxit ad vitam: quia sicut ille elatus cecidit, & deiecit consentientem; sic ille humiliatus surrexit & erexit credentem.* Lib. 4. de Trin. c. 10. Ergo per Jesum Christum cultus noster erigatur necessarium est: & rursus idem Aug. *Oratio autem, quæ non fit per Christum, non solum non potest delere peccatum, sed etiam ipsa fit in peccatum.* in Psal. 108. v. 9.

4. Rat. 1. Rat. Mediator inter Deum, & homines debet esse simul & Deus & homo; quia medium de utroque extremo participat. Solus autem Christus est simul Deus, & homo, Deus ratione naturæ acceptæ a Patre, homo ratione naturæ acceptæ a Maria: solus ergo Christus potest esse mediator inter Deum & homines: & proinde per Christum omnis cultus noster Deo est exhibendus.

2. Ratio. Homo lapsus per peccatum a iustitia originali, in qua constitutus fuerat,

eget mediatore, quo resurgat ab illo infelici statu, in quem detrusus est: hunc mediatorem in homine solo reperire non potuit, quia homo peccator est; in dæmone quærere non debuit, quia dæmon illusor est; in Angelo ambire non oportuit, quia Angelus ministris est, & servus in domo Dei: ergo in solo Christo, Deo simul & homine, verus mediator occurrere potuit, ut docet Paulus: *Talis enim debebat, ut nobis esset Pontifex, sanctus, innocens, impollutus, segregatus a peccatoribus.* ad Heb. 7. v. 26.

Consecratoria bujus Doctrinæ.

Consecr. 1. Ut cultus religiosus sit Deo acceptus, debet in nomine Christi exhiberi. *Per ipsum ergo, ait Paulus, offeramus hostiam laudis semper Deo placentem, id est fructum labiorum consistentium nomini ejus.* ad Heb. 13. v. 15. Sic in lege naturæ, sacrificium Abel, sacrificium Enoc, sacrificium Noe offerebatur in nomine Christi, qui promissus fuerat, his verbis: *Inimicitiam ponam inter te, & mulierem, & semen tuum, & semen illius; ipsa conteret caput tuum, & tu insidiaberis calcaneo ejus.* Gen. 3. v. 14.

Sic in lege Mosaicæ omnia sacrificia fiebant in fidem Christi venturi, qui eis per Moysen promissus fuerat, his verbis. *Prophetam de gente tua, & de fratribus tuis sicut me suscitabit tibi Dominus Deus tuus, ipsum audies.* Deut. 18. v. 15.

Sic in lege Evangelica nihil fit sancte, nisi in nomine Christi. *Nemo venit ad Patrem, nisi per me.* Joan. 14. v. 6.

Sic demum in cælo perenne laudis sacrificium ab omnibus electis perenniter offerendum, non nisi per Christum, & in nomine Christi offeretur. *Talem, inquit Paulus, habemus Pontificem, qui consedit in dextera Sedis magnitudinis in cælis, Sanctorum Minister, & tabernaculi veri, quod fixit Dominus, & non homo.* Ad Heb. cap. 8. v. 1. Hinc est, quod Joannes vidit agnum stantem in medio throni tamquam occisum, Apoc. 5. v. 7. id est, oblatum a prædestinatis, & offerentem prædestinatos.

Consecr. 2. Nullum est exercitium spirituale in Christiana Religione, quod magis apud Deum valeat, quam pietas erga Deum per Christum. Hæc est illa pietas, quæ utilis est ad omnia. Hoc illud est ostium, per quod si quis non introierit, ille fur est & latro. Hoc illud est altare, extra quod si quis sacrificaverit, pollutus erit & profanus; stat enim firmum illud Christi effatum: *Qui non colligit mecum, dispergit.* Luc. 11. v. 23.

Prop. 3. Quamvis solus Deus supremus La-

triæ cultu venerandus sit per Christum, & in nomine Christi; tamen Maria, Angeli, animæ beatæ, & res sacræ inanimes possunt sine idololatriæ vitio honorari, cultu tamen longe inferiori. Delatus Virgini, Hyperdulia nuncupatur; delatus vero Angelis & animabus sanctis, Dulia dicitur; delatus vero rebus insensibilibus ad Deum vel Sanctos specialiter pertinentibus, cultus dicitur honorarius vel respectivus.

Prob. 1. Script. Mibi autem nimis honorati sunt amici tui, Deus, nimis confortatus es principatus eorum. Psal. 138. v. 17. Ergo Sanctos, utpote Dei amicos, venerari possumus.

2. Ex Concil. Trid. sess. 25. de invocatione Sanctorum, ubi mandat his, qui curam docendi habent, ut fideles omnes diligenter instruant, docentes eos Sanctos una cum Christo regnantes, orationes suas pro hominibus Deo offerre; bonum atque utile esse suppliciter eos invocare; & ob beneficia impetranda a Deo per Filium ejus Jesum Christum Dominum nostrum, qui solus nostre Redemptor & Salvator est, ad eorum orationes, opem, auxiliumque confugere.

3. Ex perenni praxi Ecclesiæ patet semper in honore habitos fuisse Sanctos. Dicitur enim in confessione publica: *Adeo precor beatam Mariam semper virginem, & omnes Sanctos.* Quod omni tempore fuisse observatum adeo certum est, ut inimici Ecclesiæ hanc consuetudinem, ut ridiculam, a Paganis derivatam voluerint. *Ridiculum esse dicebant, inquit Theodoretus, quod honore Martyres prosequamur, & insignis stultitia, si viventes ab his, qui vita sancti sunt, ullum sibi commodum comparare contendant.* Prolog. Græcar. affect. & juxta Aug. Manichæi nos eodem convicio verberabant, ut constat ex lib. 20. contra Faust. cap. 4. *Descendentes a gentibus, ... sacrificia eorum vertistis in Agapes, idola in Martyres, quos votis similibus colitis, defunctorum umbras vino placatis, & dapibus.*

Rem illam ex professo tractat Hieron. contra Vigilantium c. 3. *Dicis, inquit, in libello tuo, quod dum vivimus, mutuo pro nobis orare possumus; postquam autem mortui fuerimus, nullius sit pro alio exaudienda oratio, præsertim cum Martyres ultionem sui sanguinis obsecrantes, impetrare non quiverint.* En obiecto Vigilantium, cui ita respondet Hieron. *Si Apostoli & Martyres, adhuc in corpore constituti, possunt orare pro ceteris, quando pro se adhuc debent esse solliciti; quanto magis post coronas, victorias, & triumphos? ... Meliorque erit Vigilantium cumis vivens, quam Paulus leo mortuus. Recte hoc de Ecclesiæ se proponere, si Paulum in spiritu mortuum consideret. Denique Sancti non*

appellantur mortui, sed dormientes; cui concordat Amb. dicens: Obsecrandi sunt Angeli pro nobis. ... Martyres obsecrandi, quorum videmus nobis quodam corporis pignore patrocinium vindicare; possunt pro peccatis rogare nostris, qui proprio sanguine etiam, si quæ habuerint, peccata laverunt. ... non erubescamus eo intercessores nostræ infirmitatis adhibere; quia ipsi infirmitatem corporis, etiam cum viverent, cognoverunt. Lib. de Viduis cap. 9.

4. Rat. 1. Ratio. Cultus religiosus includit fidem, spem, & caritatem, ut docet Eccli. cap. 2. v. 8. his verbis: *Qui timetis Dominum, creavite illi qui timetis Dominum, sperate in illum qui timetis Dominum, diligite illum:* sed nihil vetat nos exhibere Mariæ, Angelis, & Sanctis fidem, spem, & caritatem, modo id fiat cum subordinatione ad Deum: Ergo nihil vetat, ut eis cultum religiosum exhibeamus. Totum patet hac inductione.

Deo credimus, quia verax est: sed qua fide Deo revelanti credimus, eadem Sanctis & Angelis revelationem nobis Divinam communicantibus assentimur. *Spiritu Sancto quippe inspirati locuti sancti Dei homines;* quod si præconibus Divinæ revelationis fidem negamus, Deo pariter negemus necessarium est. In Deum speramus, quia omnipotens: sed qua spe in Divino auxilio confidimus, eadem in Sanctis, nobis a Domino in auxilium missis, intrepidi confirmamur; scriptum est enim: *Angelis suis Deus mandavit de te, ut custodiant te in omnibus viis tuis.* Psal. 90. v. 11. Deum diligimus, quia est summe bonus: sed qua dilectione Deum diligimus, eadem Sanctos, divinæ bonitatis per beatitudinem immobiliter participes, diligamus necessarium est; unde Jo. 1. c. 4. v. 21. *Hoc mandatum habemus a Deo, ut qui diligit Deum, diligit & fratrem suum, id est, una & eadem dilectione Deum & proximum diligit.*

2. Ratio. Cultus Deo debitus, in spiritu, & veritate exercendus, non singularis esse debet, sed communis; non privatus, sed publicus; oblatum per nos Christo, & per Christum Deo: adeo ut omnes Sancti, tam comprehensores, quam viatores sese offerant Christo; & Christus & Sanctos, & sese offerat Patri indissolubili oblatione, qualem decet esse inter caput & membra. *Ita multi unum corpus sumus in Christo.* Ad Rom. 12. v. 5. Sicut ergo unus, & ejusdem corporis membra mutuo se juvant spiritu animalium commercio; ita Sancti omnes mutuis se juvant apud Deum precibus. Et rursum uti membra ignobiliora honorem deferunt nobilioribus; ita viatores homines honorem,

norem deferant Sanctis comprehensoribus iustum est.

In illa autem precum communione, in illa erga Sanctos reverentia, sicut esse cultum Dulzæ, & Hyperdulzæ contendimus: qui cultus nihil habet, quod idololatriam sapiat; nec enim, ut opinantur perperam heretici, Angelis, aut Sanctis vel immenitatem, vel omnipotentiam, vel omnium rerum scientiam attribuimus, quæ & preces audire, & exaudire valeant; quod vident, Deo revelante vident; quod faciunt, Deo operante faciunt; quibus præsto sunt, Deo adjuvante opitulanti: & ideo cum Mariam, Angelos, vel Sanctos veneramus, non in creaturis cultum nostrum sistimus, sed solam sapientiam, potentiam, misericordiam Dei, in ipsis relucens, & per eos ad nos derivatam, veneramus, ut docet Aug., de Trin. l. 18. c. 6.

§. I.

De cultu Mariæ.

Nihil est in Ecclesia firmitus stabilitum, quam cultus specialis Hyperdulzæ, qui a singulis fidelibus deferitur Virgini Mariæ: quia Maria est quidem Christo inferior, sed est omnibus puris creaturis excellentior in donis supernaturalibus; ideoque maiorem meretur reverentiam. Christus meretur cultum supremum; quia in Christo, ut dicit Paulus, *inhabitavit omnis plenitudo divinitatis corporaliter*. Col. 2. 9. Maria meretur cultum inferiorem; quia per novem menses in ea habitavit Divinitas, juxta illud Angeli: *Dominus tecum*. Christus habet omnem plenitudinem gratiæ pertinentem ad officium Redemptoris: *Vidimus eum plenum gratiæ & veritatis*. Jo. 1. v. 14. Maria habet plenitudinem gratiæ pertinentem ad officium Matris Dei, juxta illud Angeli: *Ave Maria gratia plena*. Christus est collocatus, non in ordine naturali præcise, uti res, quæ istum mundum constituunt; non in ordine gratiæ præcise, uti res, quæ ad salutem nos conducunt: sed insuper situs est in ordine hypostatice, ut dicunt, subsistens ea subsistentia, quæ verbum subsistit. Maria pariter habet, quod quodammodo ad ordinem hypostaticum pertineat, cum vere mater sit, non hominis solum, sed Dei; quæ dignitate nihil altius. Christus magnus fuit, non divitiis, sed virtutibus, non potestate, sed sanctitate, quæ dotes verum cultum merentur. Ita & Maria in omnibus fuit Christo simillima, manens tamen pura creatura. Mariæ dignitatem, simulque honorem ei debitum his verbis complexa est Ec-

clesia, quæ illi hæc Scripturæ verba accommodat: *Aurora fulgens, pulchra ut Luna, electa ut Sol, terribilis ut castrorum acies ordinata*. Dicitur 1. *Aurora fulgens*: sicuti enim Aurora est prænuntia Solis venturi; ita Maria & prænuntia, & Mater fuit Christi, qui est Sol & lux spiritualis, *illuminans omnem hominem venientem in hunc mundum*. Jo. 1. v. 9. 2. *Pulchra ut Luna*: nam sicuti nullum est sydus Soli similis quam Luna; ita nullus Sanctus Christo similior, quam Maria. 3. *Electa ut Sol*: etenim sicuti in Sole collegit Deus omnem copiam lucis in variis dispersam syderibus; ita in Maria voluit Deus longe uberiorem reperiri gratiarum collectionem, quam in omnibus Sanctis. 4. *Terribilis, ut castrorum acies ordinata*; quia hæc est, de qua scriptum legitur: *Inimicitias ponam inter te & mulierem... Ipsa conteret caput tuum*. Gen. 3. v. 15.

§. II.

De cultu Angelorum.

2. Nihil est in Ecclesia antiquius statutum, quam cultus Dulzæ sanctis Angelis exhiberi solitus: Angeli quippe, ut ait Paulus, *sunt administratorii spiritus in ministerium missi propter eos, qui hereditatem capiunt salutis*. Ad Hebr. 1. 14. quapropter reverentiam eis per sanctiores homines exhibitam legimus: *Jacob ait: Angelus, qui eruit me de cunctis malis, benedicat pueris istis*. Gen. 48. v. 16. & Joannes innuens gratiam & pacem ad nos ministerio Angelorum derivare, ait: *Gratia vobis & pax ab eo, qui est, qui erat, & qui venturus est, & a septem spiritibus, in conspectu throni ejus*. Apoc. 14. Deus enim ita ordinem suæ providentiæ disposuit, ut Synagogam, Ecclesiam, immo cælestem Jerusalem, non nisi Angelorum ministerio dirigat. Angeli olim Synagogæ præciebantur, juxta illud dictum Moysi: *Ecce ego mittam Angelum meum, qui præcedat te, & custodiat in via, & introducat in locum, quem paravi*. Exod. 23. v. 20. Nunc Angeli Ecclesiæ continuo ministrant; tum eam a malis purgando, ut indicant hæc Christi verba: *Mittere filius hominis Angelos, & colligent de regno ejus omnia scandala, & eos qui operantur iniquitatem*, Matth. 13. 41. tum parvulis, id est iustis, opitulando. *Angeli eorum semper vident faciem Patris mei*, Matth. 18. v. 10. ut eos scilicet adjuvent. Demum Angeli cælestem Jerusalem ornant, throno Domini semper assisendo, ut testatur Jo: cum ait: *Er vidi, & audiui in circuitu throni vocem Angelo-*

g^elorum multorum decipere ... Dignus est agnus, qui occisus est, accipere virtutem. & divinitatem. Apoc. 5. v. 11. Unde vix dici potest, quot beneficia Angeli hominibus conferant. Debiles potentia sua sustinent; & in hoc imitantur Patrem, cui attribuitur potentia. Cæcipientes sua luce illuminant; & in hoc imitantur Filium, cui attribuitur sapientia. Tepidos suo ardore inflamment; & in hoc æmulantur Spiritum Sanctum, cui attribuitur amor.

Iustos promovent ad virtutem, eorumque orationes Deo offerunt, juxta illud: *Stetit Angelus ante altare habens thuribulum aureum, & data sunt illi incensa multa, ut daret de orationibus Sanctorum omnium.* Apoc. 8. v. 3. Peccatores a vitiis advocat, & pro eis omnipotentem orant: *Usquequo tu non misereberis Jerusalem, & urbem Juda, quibus iratus es?* ait Angelus Zach. 1. v. 12.

Singulos, si fas est, percurramus homines. Quis est homo, quem Angeli singulari beneficentia non devinciant? Unumquemque nostrum a nativitate custodiunt, juxta illud Psal. 90. v. 11. *Angelis suis mandavit de te, ut custodiant te in omnibus viis tuis.* Quæ verba etsi Augustinus de Christo ad honorificentiam intelligat, Theodoretus & Bernard. ad omnes homines referunt. Et ita fideliter custodiunt, ut nec pertinaciores peccatores desistant, donec, quantum in ipsis est, eos post mortem suscipiunt, ut Deo offerant, juxta illud Luc. 16. v. 22. *Factum est, ut moreretur mendicus, & portaretur ab Angelis in sinum Abrahæ.* Dum sic contra aereas decertantius potestates, obfessos a dæmonibus majiori & fortiori numero cingunt nos, uti cingebant Elifæum. Et ecce mons plenus equorum & curruum igneorum in circuitu Elifæi. 4. Reg. 6. v. 17. Circumstantes dæmones aut ligant, ut Raphael ligavit Asmodæum in deserto, Tob. 8. v. 3. aut eorum ora vorantia concludunt, uti fecerunt in gratiam Danielis, qui ait: *Deus meus misit Angelum suum, & conclusit ora leonum & non nocuerunt mihi.* Dan. 6. v. 22. 8. Concupiscentiæ flammæ temperant, tristicitiæ acorem mitigant, uti flammæ fornacis Babylonice cohibuerunt, ne nocerent pueris, & ab eis omnem doloris & tristicitiæ causam longe averterunt, juxta illud: *Et fecit medium fornacis, quasi ventum roris flantem, & non tetigit eos omnino ignis, neque contristavit, nec quidquam molestie intulit.* Dan. 3. v. 50. Errantes revolvant, uti reduxerunt Agar ad Saram Gen. 16. v. 9. 10. Periclitantes a discrimine peccati liberant, uti liberarunt Loth a Sodomis; sic enim loquitur Scriptura: *Cogebant eum An-*

geli, dicentes: surge, tolle uxorem tuam & duas filias, quas habes, ne & tu pariter pereas. Gen. 19. v. 13. 11. Detentos peccatis liberant, uti Petrum eduxerunt e carcere: de quo ita Script. A. 12. v. 7. *Et ecce Angelus Domini assistit, & lumen resulsit in habitaculo; percussitque latere Petri, excitavit eum, dicens: surge velociter: & ceciderunt catenæ de manibus ejus.*

Denique multa similia conferunt beneficia, quæ omnia gratum animi cultum haud dubio promerentur. An enim, ut optime quidam recentior ait, vetabimus gratias illis habere, qui nos tot obruunt officiis? An orabunt illi pro nobis, nec ut orent, orari & compelli poterunt? An nostras commendabunt orationes, suisque exaggerabunt, nec tantum beneficium fas erit nobis vel prece aliqua demereri, vel postea gratiarum actione commemorare? An ergo grata Deo non est Religio nostra, nisi ingrata? Numquid ut pii simus, abdicanda pietas est, & obdurandus animus, ut adjutores, fautores, præsidēs, gratulatoresque salutis nostræ, sanctos Angelos, taciti, duri, brutique prætermittamus, & aspernemur? Ita Thomasinus de Incarn. l. xi. c. 4 n. 3.

S. III.

De cultu Sanctorum.

Nihil justius stabilitum est in Ecclesia cultus Dulciæ erga Sanctos beatitudinis æternæ participes; eadem enim est ratio de animabus Sanctis, quæ est de Angelis: Sancti enim sunt in cælo Angelis æquales, juxta illud Matth. 22. v. 30. *Erunt sicut Angeli Dei in cælo.* Deinde Sanctorum invocationem suadere non operosum est. 1. Christus intercedit pro nobis secundum humanitatem: *semper vivens ad interpellandum pro nobis.* ad Hebr. 7. v. 25. *Si quis peccaverit, advocatum habemus Jesum Christum justum.* 1. Joan. 2. v. 1. Si ergo caput nostrum orat pro nobis, cur non etiam membra ejus, Sancti scilicet cum eo regnantes, & se se Christo conformantes, non orarent pro nobis? 2. Vivi orant pro se invicem: *Orate pro invicem, ut salvemini.* Jacobi 5. v. 16. Cur animæ beatæ caritate perfectiores, apud Deum serventiores, intentione puriores, obmutescunt? Aut Sancti non orant pro nobis in cælis, ut orabant in terris, vel quia res est eis indigna, & ita oratio illa non conveniet Christo; aut quia res est tantæ excellentiæ, ut soli Christo & non aliis conveniat: quod si ita sit, ergo non conveniet nobis viatoribus: aut quia res est impossibilis puris creatu-

ris preces nostras ignorantibus, quasi Deus revelare non possit Sanctis presentia, qui revelavit Prophetis futura; revelare, inquam, vel in verbo, vel extra verbum, ut loquuntur Theologi.

Quomodo autem Sancti possunt & preces nostras audire Deo revelante, & exaudire Deo approbante, incertum est; illud solum pro certissimo habendum, Sanctos & preces nostras audire, nobis posse suppetias terre. Preces nostras audiri a Sanctis docet Aug. lib. de cura pro mortuis c. 15. Illud idem docet Greg. Dial. 4. c. 35. lib. 2. Moral. cap. 3. Quomodo, inquit, non omnia videant, qui videntem omnia vident? Et Amb. serm. 14. sancti Nazarii, & Celsi: Non clauditur locus Martyr, qui diffunditur meritis: invocasti ubique Martyrem, ubique te exaudiet ille, qui honoratur in Martyre.

Sanctos autem nobis ubique suppetias ferre, testis est Hieron. contra Vigil. Si agnus ubique, ergo & hi, qui cum agno sunt, ubique esse credendi sunt, non immensitate nature, uti Deus, sed celeritate operationis, uti servi Domini: & cum diabolus, & demones toto vagentur orbe, & celeritate nimia ubique presentes sint; Martyres post effusionem sui sanguinis area operientur inclusi, & inde exire non poterunt? & Ambr. serm. de sanct. Nazario & Celso ita nos ad Martyrum venerationem adhortatur: Nemo autem sibi de absentia blandiatur. Præsentior est qui se animis inserit, quam qui oculis protestatur. Omnia suadent, Sanctos vita sanctos ardentius pro nobis orare, quam dum viverent; quippe nunc major est eorum caritas, major autoritas, major securitas, universalior provida eorum cura: soli orabant in terris, in cælis omnes simul: hic dissipabantur curis, ibi solo Deo occupantur.

S. IV.

De cultu exhibito corporibus Sanctorum.

4. Non idololatrica, sed pia est, quæ redditur corporibus Sanctorum, veneratio: fuit enim, teste Hieronym. contra Vigilant. & in Synagoga apud Judæos, & in Ecclesia apud Christianos perenniter observata: de hoc enim alia loquitur contra illum hæreticum: Si non sint honorandæ reliquie Martyrum, quomodo legimus: pretiosa in conspectu Domini mortuorum ejus? Si ossa mortuorum polluant contingentes, quomodo Eliseus mortuus mortuum suscitavit, & vitam dedit corpus, quod juxta Vigilantium jacebat immundum? Ergo

omnia castra Israelitici exercitus, & populi Dei fuere immunda; quia Josephi, & Patriarcharum portabant corpora in solitudine, & ad terram sanctam immundos cineres pertulerunt. Joseph quoque, qui in typo præcessit Domini salvatoris nostri, sceleratus fuit, qui tanta ambitione Jacob in Hebron ossa portavit, ut immundum patrem avo, & atavo sociaret immundis, & mortuum mortuis copularet. A Synagoga trahit ad Ecclesiam. Ergo Martyrum immundæ sunt reliquie, & quid passi sunt Apostoli, ut immundum Stephani corpus tanta funeris ambitione præcederent, ut faceret et planctum magnum, ut eorum luctus in nostrum gaudium verteretur. Sacrilagus dicendus est nunc Augustus Arcadius, qui ossa beati Samuelis longo post tempore de Judea transtulit in Tberciam. Scilicet omnium Ecclesiarum populi, qui occurrerunt sanctis reliquis. Mortuum suspicaris, & idcirco blasphemari: lege Evangelium, Deus Abraham, Deus Isaac, Deus Jacob non est Deus mortuorum, sed vivorum. An vivent Sanctorum reliquie ad beneficia præstanda, & non ad obsequia recipienda? Et ne Hieronymus solus de hac re scripsisse putetur, audiatur Basilii in Plal. 115. In priori lege dicebatur Sacerdotibus & Nazareis illud: si quis tetigerit cadaver, immundus erit. Nunc e converso, Martyris ossa qui quis attigerit, ob gratiam corpori insidentem fit quadratenus sanctificationis percipere. Et Chryl. Hom. in Sanctum Julianum docet, nos per ossa Sanctorum inflammari ad pietatem, sicuti imbelles per arma cruentata excitantur ad pugnam; & beatos illos cineres Christianis sanctam pandere Philosophiam. Et hom. 26. in 2. Cor. c. 12. fuisse docet, honorem Sanctorum reliquis exhibitum in ipsam Christi gloriam redundare. Regnat, inquit, gloriose Christus, cum corpora Sanctorum a vivis Imperatoribus impensius honorantur, cum ad Sanctorum sepulcrum Reges advolvuntur.

S. V.

De cultu Reliquiarum.

5. Non idololatrica, sed pia est ea Ecclesiæ consuetudo, qua rebus inanimis specialem aliquem ordinem vel ad Deum, vel ad Sanctos dicentibus, cultus impenditur. Quanta Sanctorum virtus, inquit Chryl. Hom. 8. ad Popul. Antioch. Non solas propter verba corpora, sed & ipsa induventa creatura omni perpetuo venerabilia sunt. Eliæ Melore Jordani nem divisi Eliseus. Calceamenta trium pueros rum ignem conculecaverunt. Elisei lignum aquas

mutavit, & ut ferrum in superficie portarent, effecit. Moysi virga mare rubrum dividit, petram scindit. Pauli vestimenta languores expulerunt. Umbra Petri mortem fugavit. Eidem argumento insitit Hieron. Epist. ad Marcellam hortando, ut commigret Bethleem. Venerabantur quondam Judæi Sancta Sanctorum quia ibi erant Cherubim, & Propitiatorium, & Arca testamenti, Manna, Virga Aaron, & Altare aureum. Nonne tibi venerabilis videtur sepulcrum Domini; quod quotiescumque ingredimur, toties facere in syndone cernimus Salvatorem?

§. VI.

De Cruce, in qua Christus pendit: de lancea, clavis, aliis instrumentis Passionis Christi, quæ sunt quasi Christi reliquæ.

Ipsa Crux, in qua Christus pendit; lancea, quæ ejus latus perforatum est; spinæ, quibus caput opertum est; clavi, quibus manus & pedes Christi Cruci affixi sunt; demum hæc omnia instrumenta, quibus Christus salutem nostram in Cruce operatus est, magno in honore in Ecclesia semper habita sunt.

Probatur 1. Ex Cyrillo, qui docet lignum Crucis Christi ad diversas orbis regiones particulatim missum; ita enim loquitur Catechesi quarta. Ligno crucis universus tandem orbis terrarum particulatim oppletus est: & Catechesi decima ait: studium illud sumendi particulas Crucis Christi ex fide procedere.

2. Ex Chrysostomi libro, quod Christus sit Deus. Totus orbis, inquit, exiguas Crucis particulas habere contendit, & qui parvum quiddam ex illo habent, hoc auro includunt. Omnes eo magis ornantur, quam diadematum coronis, vel multis gemmarum monilibus & torquibus.

3. Ex Theodoro in caput 1. Isaïæ, ubi loquens de Jerusalem ait: Ad illam confluent homines, videre gestientes non murorum amplitudinem, neque turrium sublimitatem, &c. Sed sepulcrum Dominicum, & Crucis formam Dominicæ, & parvum illud, sed fama celeberrimum, præsepe.

4. Ex Paulino scribente ad Severum epist. 11. eique mittente particulam de ligno Crucis, cui donum illud ita commendat, Accipite, inquit, magnum in modico munus, & in segmento pene atomi bassule brevis sumite munimentum presentis, & pignus æternæ salutis. Non angustetur fides vestra carnalibus oculis parva cernentibus, sed interna acie totam in minimo vim Crucis videat. Tubello aureolo rem tanta benedictionis inclusimus, &c. Et i-

dem Paulinus docet, quod experimento resurrectionis inventa & probata Crux Christi est, dignoque mox ambitu consecratur, condita passionis loco Basilica. Arcano postquam sacratio crucem servat, quam Episcopus urbis ejus adorandam populo Princeps ipse venerantium promittit.

5. Ex Ambrosio serm. de obitu Imperatoris Theodosii, ubi describens zelum Helenæ, ait: Sapienter Helena egit, quæ crucem in capite Regum levavit & locavit, ut crux Christi in Regibus adoraretur, &c.

6. Ex Rustico, qui contra Acephalos disputans ait: Clavos, quibus Christus crucifixus est, & lignum venerabilis Crucis, omnis per totum mundum Ecclesia absque ulla contradictione adorat.

7. Ex Hieron. Epistola ad Marcellam, eam adhortans ut commigret Bethleem, ubi ait: Venerabantur quondam Judæi Sancta Sanctorum, &c. Nonne tibi venerabilis videtur sepulcrum Domini?

Probatur demum ratione D. Thomæ. Honor seu reverentia, inquit S. Doctor, non debetur nisi rationali naturæ; creaturæ autem insensibili non debetur honor vel reverentia, nisi ratione spiritualis naturæ, quam vel repræsentat, vel cum qua conjungitur; unde homines venerantur imaginem, quæ Regem repræsentat, & vestimentum, quæ cum eo uniuntur. Sic ergo, si loquamur de cruce, in qua Christus crucifixus est, utroque modo a nobis veneranda est; uno scilicet modo, in quantum nobis repræsentat figuram Christi extensis in ea; alio modo, ex contactu ad membra Christi, & ex hoc quod ejus sanguine perfusa est.

Si quæras, quo cultu hæc crux adoranda sit? Respondeo, juxta aliquos, eadem adoratione adoratur, qua Christus; quia Christus una cum cruce unum efficit: causa enim principalis, ut ajunt, & instrumentalis, unum & adæquatum efficiunt principium. Juxta alios, adoratur solum adoratione respectiva; quia aspersa Christi sanguine Christum vividius in mentem revocat, quam aliæ cruces, quæ ipsum repræsentant.

ARTICULUS II.

De usu & cultu symbolorum & imaginum.

Symbolum est signum sensibile aliquid spirituale subobscure exhibens. Tales sunt metaphoricæ locutiones, quibus Divinitas nobis in Scriptura depingitur.

Imago est rei corporeæ similitudo ad instar illius expressa. Talis est imago hominem representans,

S. I.

De usu Symbolorum.

Prop. 1. Licitum est Symbola efformare, quibus Dei naturam, ejusque proprietates sub figuris sensibilibus exprimamus.

Prob. 1. Script. Licitum est sub his signis sensibilibus Deum repræsentare, sub quibus Scriptura eum repræsentat, & quibus Deus ipse voluit apparere hominibus: atqui Scriptura sub signis sensibilibus Deum nobis sæpe repræsentat, & ipse sub his voluit nobis apparere: Ergo, &c. Probat per partes.

Primo. Deus dicitur in Scripturis habere vultum, oculos, pedes, manus, &c. non eo sensu, quod Deus figuram humanam habeat, sed eo sensu, quod membra humana Deo adscripta proprietates divinas significant; v.g. oculi significant providam ejus curam super justos, juxta illud: *oculi Domini super justos*; significant etiam vim penetrandi omnia, juxta illud: *oculi Domini Sole lucidiores*. Aures designant paternam promptitudinem in exaudiendis nostris precibus, juxta illud: *& aures ejus in preces eorum*. Nares, odoratulse designant gratam tum precum, tum sacrificiorum approbationem, juxta illud: *odoratus est Dominus odorem suavitatis*. Os, loquelave designant claram divinæ voluntatis manifestationem, juxta illud dictum de Moyse: *ore ad os loquor ei*. Vultus, & facies designant modo iram Dei, modo Dei misericordiam, juxta diversos modos, secundum quos describuntur: vultus iratus Dei iram, vultus benignus Dei misericordiam exprimit.

Manus & dextera significant efficacem operationem virtutis divinæ, juxta illud: *Memento ... quod te eduxerit Deus de Egypto in manu forti & brachio extenso*. Pedes, incessus, festinatio designant tum auxilium Dei erga pios, tum ultionem divinam erga impios, juxta illud: *Domine ad adjuvandum me festina*, id est, mihi prompte succurre.

Secundo. Deus sub multiplici specie corporea apparuit hominibus. Apparuit enim Deus Adamo innocenti deambulans in Paradiso, & familiari conversans colloquio. Apparuit & Adamo peccatori dicens: *Ecce Adam quasi unus ex nobis factus est*: ejicit illum e Paradiso voluptatis, ejusque ingressum vetat flammeo gladio atque versatili. Abeil apparuit juxta multos in igne oblatas hostias inflammante. Noemo visus est sensibiliter, futurum prænuncians diluvium. Ad Abraham venit sub hominis forma, & sub hospitis figura. Jacob

viatorem exeuntem e domo paternâ comitatur, & cum eo redeunte colloquitur. Moysen, modo in rubo ardenti, modo in monte accenso alloquitur, modo digito suo descriptum præbet Decalogum.

3. Ex Synod. 7. Aet. 6. ubi Epiphanius Diaconus probat licitum esse uti Symbolis & imaginibus, ex eo quod licitum sit sacram Scripturam legere; sic enim ratiocinatur: *Si Evangelium legendum Patres minime tradiderunt, nec imagines figurandas: at si hoc & illud; sequitur enim titulationis, vel picture formatio Evangelicam relationem, & hæc picture narrationem: utraque bona ac honorabilis*. Et Adrianus Papa scribit ad Patres ejusdem Concilii Aet. 11. his verbis: *Sicuti Divina Scripturae libros, ipsas imagines ob memoriam venerationis habemus, nostræ fidei puritatem servantes*: Ergo sicuti licitum est haud dubie sacræ Scripturæ usus divinas perfectiones legentibus exhibentis; ita & licitus est symbolorum usus res spirituales quibuscumque intuitibus exhibentium.

4. **Rat.** Ea est hominis natura, saltem post peccatum Adami, ut spirituales Dei perfectiones, nonnisi per sensibiles figuras sibi depingere valeat, ut quilibet expeditur; unde ait Paulus ad Rom. 1. v. 29. *Invisibilia Dei a creatura mundi, per ea quæ facta sunt, intellecta conspiciuntur, sempiterna quoque ejus virtus & divinitas*: Cum ergo Deus naturæ hominum sese accommodet, non vetat, immo permittit, ut perfectiones divinas, licet spirituales, nobis sub his sensibilibus signis, seu symbolis, quæ Scriptura commemorat exhibeamus.

Consellaria hujus Doctrinæ.

Consell. 1. Illicitus est eorum symbolorum usus, quibus divinæ perfectiones depinguntur, si nullum fundamentum habeat neque in Scriptura, neque in traditione, sed in sola vel pictorum imaginatione, vel hominum ad idolatriam proclivio.

Unde ait Scriptura Deut. 4. v. 15. *Non vidistis aliquam similitudinem in die, qua locutus est Dominus vobis in Horeb de medio ignis, ne forte decepti faciatis vobis sculptam similitudinem, aut imaginem masculi, vel femine, similitudinem omnium jumentorum ... Et errore deceptus adores ea & colas quæ creavit Dominus Deus tuus in ministerium cunctis gentibus, quæ sub celo sunt*. Et Itai. 40. v. 18. *Cui ergo similem fecistis Deum? aut quam imaginem ponetis ei?* & v. 25. *Cui assimilastis me, & adæquastis? dicit Sanctus: & Paul. Aet. 17. v. 19. Genus ergo cum finis Dei,*

Dei, non debemus æstimare auro, aut argento, aut lapidi, sculpturæ artis, & cogitationis hominis, Divinum esse simile. Et Synodus 7. Act. 6. Si animam, præsertim cum sit creata, impossibile est depingere; quanto magis incomprehensibilem & inuestigabilem Unigeniti Filii Divinitatem? Et Damascenus oratione prima de imaginibus ait: Imaginatione non Divinitatem invisibilem, sed carnem visibilem exprimo.

Consect. 2. Licitus est eorum Symbolorum usus, quibus Divinitatis perfectiones his figuris exprimimus, quæ fundamentum habent vel in Scriptura, vel in traditione. Sic depingi potest Pater æternus crine niveo, senecta veneranda & antiquitate, sedens in Throno, coram quo libri omnes aperti sunt, septus Angelis, ignitus sede; quia sic Danieli apparuit: quia visio, inquit Catechismus Concilii, significatur Dei æternitas, & infinita ejus cognitio, qua omnes hominum & cogitationes & actiones, ut de iis judicium ferat, intuetur.

Sic Spiritus Sanctus potest depingi sub specie nubis, sub specie columbæ, sub specie ignis quia apparuit sub specie nubis obumbrantis Virginem, sub specie columbæ designantis Christum, & sub specie linguarum ignitarum inflammantium Apostolos.

Prop. 2. Licitus est usus vel Symbolorum, vel Imaginum, quibus nobis depinguntur Angeli.

Probat Script. Licitus est sub his signis sensibilibus Angelos representare, sub quibus Scriptura eos representat, & sub quibus ipsi apparuerunt hominibus: atqui Scriptura Angelos representat sub signis sensibilibus, ipsique sub iisdem signis hominibus apparuerunt: Ergo licitus est Angelos sub signis sensibilibus depingere. Minor patet: Angeli apparuerunt Abrahamo & Loth sub specie hominum peregrinantium.

Consectaria bujus Doctrinæ.

Consect. 1. Illicitus est horum Symbolorum usus, quibus Angeli, eorumque perfectiones depinguntur, si nullum fundamentum habeat nec in Scriptura, nec in traditione, sed in sola vel pictorum vel hominum imaginatione; unde videmus, quod Moyses in Scriptura nullam Angelorum picturam faciat, nisi ubi cœperunt nobis sub specie humana apparere, indicans eas picturas non hominum arbitrio esse relinquendas, sed ex divina determinatione pendere.

Consect. 2. Licitus est eorum Symbolorum aut Imaginum usus, quibus Angelos exprimi-

mus, quæ fundamentum habent vel in Scriptura, vel in traditione. Sic depingi possunt Angeli sub specie humana, eisque alæ affingi, ut intelligant fideles, inquit Catechismus Trident. quam propensi sunt in humanum genus, & quam parati ad ministeria Domini exequenda; omnes enim ad ministratores sunt spiritus propter eos, qui hæreditatem capiunt salutis.

Sic depingi pariter possunt igniti, ut indicetur, quantum divino amore ardeant.

Prop. 3. Solent animæ beatæ depingi vel sub specie columbæ, ut earum innocentia ostendatur, vel sub specie formosissimæ virginis, ut interior earum pulchritudo illis exterioribus coloribus delineetur. Animæ vero damnatæ, & dæmones depinguntur ignibus circumfusi, & vultu horridi, ut pateat horrore conscientiarum quo interius agitantur, & ardor ignium, quibus divinitus torquentur.

§. II.

De usu Imaginum.

Prop. unica. Licitus est usus earum Imaginum, quæ Christum, Crucem Christi, Mariam, & Sanctos representant.

Probat 1. Script. *Moses jussu Dei duos Cherubim aureos fecit, & unum ex utraque parte arcæ posuit.* Exod. 25. crexit serpentem æneum. Num. 12. Salomon Cherubim leones, palmas, malograna in Templo jussu Domini sculpsit, & auro texuit. 3. Reg. Ergo licitus est imaginum & statuarum usus.

Nec obstat quod Scriptura dicat, *Lev. 26. v. 1. Non facietis vobis idolum, & sculpsile, nec titulos erigitis, nec insigne lapidem ponitis in terra vestra; causam enim addit, ut adoretis eum; ut faciunt idololatæ, dicentes ligno: pater meus es tu: & lapidi: tu me genuisti.* Jerem. 7. v. 27. & rursus: *Homo plantavit pinum, quam pluvia nutrit. Medium ejus combussit igni. Reliquum autem ejus Deum fecit & sculpsile sibi: curvabitur ante illud, & adorabit illud, & obsecrabit, dicens: libera me, quia Deus meus es tu.* Isai. 44. v. 14. Vetatur ergo idolum & sculpsile, quod ut verum Deum adoras; non quo uteris, ut verum Deum, quem solum adoras, in mentem revoces.

2. Ex factis historicis usus imaginum approbantibus Eusebius asserit; Seth, qui justus esse habebatur, imagines Deo fecisse. Idem refert Evagrius cap. 23 lib. 4. histor. Ecclesiast. Christum imaginem sui Agabaro Edessenorum Regi misisse. Quamvis autem hæc Agabari historia a multis apocrypha, & suspecta falsitatis ha-

habeatur, id tamen ostendit tempore Eusebii usum imaginum viguisse in Ecclesia, quod ad præsentem institutum sufficit. Idem Eusebius testatur l. 7. hist. Eccl. c. 18. fervari in Ecclesia imagines Petri, Pauli, & Christi, colorum varietate expressas. Tertulianus lib. de pudicitia c. 7. depictam dicit in calicibus vitreis imaginem pastoris ovem errantem super humeros deferentis. Hieron. in cap. 4. Joan. v. 16. in ipsis eucurbitis Apostolorum imagines adumbratas docet. Greg. ad Serenum Epist. 9. lib. 9. ait: *Quod imagines adorari vetuisset, omnino laudavimus, fregisse vero reprehendimus.* Denum Ecclesia Iconoclastas, id est fractores imaginum, ut hæreticos damnavit.

3. Ex Conciliis. Synodus 7. Aët. 4., Sanctas & venerabiles Iconas recepimus, recipimus, & salutamus, atque amplectimur secundum antiquam traditionem sanctæ catholicæ Dei Ecclesiæ. Et Trid. sess. 25. *Imagines Christi, Deiparæ Virginis, & aliorum Sanctorum, in templis præsertim habendas & retinendas jubet.*

4. Rat. Ea est imaginum utilitas, quod instruant simplices, admoncant scientes, afficiant omnes, ut quilibet experitur: Ergo retinendus est imaginum usus.

Consecratoria hujus Doctrinæ.

Consecr. 1. Illicitus est earum imaginum usus, quibus aut falsa dogmata, aut periculosi errores statuuntur. De hoc ita Trid. sess. 25. *In his autem sanctas & salutaris observationes si qui abusus irrepserint, eos prorsus abolere sancta Synodus vehementer cupiit, ita ut nullæ falsæ dogmatis imagines, & rudibus periculosi erroris occasionem præbentes statuatur.*

Sic illicitus est usus earum imaginum, quæ lasciviam inspirant potius quam pietatem. Omnis, inquit Trid. sess. 25. *lascivia vitetur, procaci venustate imagines non pingantur, nec ornentur.*

Consecr. 2. Licitus & retinendus est earum imaginum usus, quibus populus vel in fide roborari, vel ad virtutis exercitium inflammari potest. Nam quod legentibus scriptura, hoc idiotis præstat pictura cernentibus. Greg. lib. 9. Epist. 9.

Sic possumus uti imaginibus sive sculptis, sive depictis, quibus Christum, Mariam, & Sanctos præsentemus. Depingimus, inquit Adrianus Aët. 27. Synod. *sacram imaginem Domini Dei Salvatoris nostri Jesu Christi secundum incarnationem ejus humanam formam, & in aula Dei constituimus, simulque sancta Dei Genitricis, atque beatorum Apostolorum, & Prophetarum, Martyrum, Confessorum vultum, ut per vi-*

sibilem vultum ad invisibilem divinitatis majestatem mens nostra rapiatur spirituali affectu.

Sic possumus crucis signum vel manibus efformare, vel imaginibus depingere, vel sculptilibus elaborare, uti perenniter observatum est in Ecclesia. Non pudeat nos, inquit Cyrillus Jerosolym. Catech. 13. *Crucifixum confiteri, sed in fronte confidenter digitis signaculum imprimatur, & in alitis omnibus crux fiat, in panibus comedendis, & in poculis bibendis, & in ingressu & egressu, ante somnum recumbendo, & surgendo, cundo, & quiescendo. Signo isto utere tum edens & bibens, tum sedens ac cubans, de lecto surgens, loquens, ambulans, & ut simul dicam, in omni re.* Et Tertullianus lib. de corona militis cap. 4. *Quæcumque nos conversatio exerceat, frontem crucis signaculo terimus.* Et Hierony. ad Eustoch. cap. 16. *Ad omnem actum, ad omnem incessum, manus pingat crucem.*

§. III.

De cultu Symbolorum & Imaginum.

Prop. 1. Symbola Deum, resque divinas præsentantia, imagines Christum, ejusve crucem, Mariam, aut Sanctos præsentantes, merentur honorem, non civilem solum, sed religiosum.

Prob. 1. Script. Cherubim in arca collocati, serpens æneus erectus apud Judæos, non civiliter solum, sed religiose colebantur: ergo ea symbola, eæque imagines, quibus res Dei, & Sanctorum nobis exhibentur, debent cultu religioso honorari.

2. Ex Concil. 7. Synod. aët. 4. ait: *Sanctas & venerabiles Iconas recipimus & salutamus.* Et Trident. sess. 25. decernit imaginibus honorem & venerationem debitam esse impertientiam: Ergo cultus erga symbola & imagines debet esse non civilis solum, sed religiosus.

3. Rat. Symbola, imagines, de quibus hic agimus, Deum aut Sanctos præsentant: ergo si Deus & Sancti honorem mereantur non civilem solum, sed religiosum; religiosus est, & non civilis solum honor, qui eorum symbolis & imaginibus deferitur.

Prop. 2. Cultus, qui symbolis & imaginibus Deum vel Sanctos præsentativus deferitur, non est absolutus, sed respectivus.

Prop. 1. Ex Basilio lib. de Spiritu Sancto c. 18. *Imaginis honor ad exemplar primum transi.*

2. Ex Damasceno lib. 4. Orthodoxæ Fidei c. 17. Deus invisibilis hominem visibilem ad sui imaginem condidit, ut honor, qui homini deferitur, ad Deum ultimo referatur. Sic altare con-

construunt ab Abraham Deum præsentem illi Patriarchæ reddebat; & honor non altari, sed Deo rependebatur. Sic Circumcisio signum erat fœderis inter Deum & hominem; & honor non signo, sed significato cedebat.

3. Ex Authore quæstionum apud Athanasium quæst. 39. „Non ut Deos adoramus imagines, ut Ethnici faciunt; sed solummodo affectionem & amorem animi nostri erga exemplar imaginum significamus.“

4. Ex Tridentino ita veneramus imagines, non quod credatur in eis esse aliqua divinitas, vel virtus, propter quam sint colendæ, vel quod ab eis sit aliquid petendum, vel quod fiducia in imaginibus sit figenda, veluti olim fiebat a gentibus, quæ in idolis spem suam collocabant; sed quoniam honos, qui eis exhibetur, refertur ad prototypa, quæ illæ repræsentant: ita ut per imagines, quas osculamur, & coram quibus caput aperimus, & procumbimus, Christum adoremus, & Sanctos, quorum illi similitudinem gerunt, veneremur.

5. Rat. Res respectiva nihil habet, nisi propter terminum, ad quem ordinatur: ergo cum symbolum & imago sint aliquid respectivum ad prototypa, nihil habent, nisi in ordine ad prototypum: ergo honor, qui eis deferitur, transit ad prototypa; unde hi versiculi:

Hoc Deus est, quod imago docet, sed non Deus ipse;

Hoc recolās, sed mente colās, quod cernis in illa.

Consecraria hujus Doctrinæ.

Consecr. 1. Talis debet esse cultus respectivus erga imagines & symbola, qualis est cultus absolutus prototypi, quod per imagines repræsentatur.

Sic imago Christi veneranda est cultu latriæ respectivo; quia Christus, quem exhibet, adorandus est cultu latriæ absoluto. Id evincitur tum factis, quod refert Eusebius, tum determinatione Synodi. Eusebius enim Cæsariensis lib. 7. hist. Eccl. cap. 18. refert, quod mulier Hemoroiissa Christo statuam æneam erexit, ad cuius basim cretcebat planta ignota, quæ præstantissimum erat remedium quibuscumque morbis depellendis.

Sic vero loquitur 8. Synodus can. 2. *Sacram Domini nostri effigiem eadem, qua sancta Evangelia, veneratione colendam statuimus: ut enim per syllabas in Evangelio scriptas salutem consequuntur omnes; ita per imagines arte, coloribusque pictas, & expressas, docti juxta & indocti ex objectæ re utilitatem percipiunt.... Ergo quicumque Christi Salvatoris imaginem non adorāt, is*

in secundo Christi adventu non videat ipse faciem.

Sic Crux repræsentans Christum crucifixum adoratur cultu latriæ respectivo, quia Christus crucifixus, quem exhibet, adorandus est cultu latriæ absoluto. Inde canit Ecclesia: *Ecce lignum crucis; venite adoremus.* Et rursus: *O crux ave spes unica.* Inde est etiam, quod Aug. eleganter docet quod crux non sit jam opprobrium, sed gloriæ. *Cum enim, inquit in Plal. 30. serm. 2. sub antiquis scelerati crucifigerentur, modo nullus crucifigitur. Honorata est, & finita est. Finita est in penas, manet in gloria: a locis suppliciorum fecit transitum ad frontes Imperatorum.* Et Tertullianus crucis cultum sic lib. 3. adversus Marcionem confirmat. Vim crucis, inquit, præfiguravit arca lignea Noe, homines a diluvio liberans, tabernaculum ligneum Judæos protegens, Moyses manibus in crucem extensis contra Amalecitas orans, serpens æneus in crucem elatus vulneratos a venenosis moribus sanans. Denum vim crucis ostendunt omnia novæ legis Sacramenta, in quibus juxta Aug. doctrinam nihil efficitur, nisi adhibito crucis signo. *Quod signum Crucis nisi adhibeatur, siue frontibus credentium, siue oleo, quo unguuntur, siue sacrificio, quo aluntur, nihil eorum rite perficitur.* Tract. 118. in Joan.

Sic Sanctæ Virginis, Angelorum, & Sanctorum imagines cultu inferiori latriæ veneramus; quia Maria, Angeli, & Sancti non adorandi sunt, sed venerandi: de hoc ita Synod. 8. can. 2. *Eadem ratione, inquit Concilium, intemeratæ Genitricis illius effigiem, sanctorum Angelorum; ac sanctorum omnium veneramus & colimus. Qui aliter sentiunt, anathema sunt.*

Consecr. 2. Illicitus est omnis contemptus imaginum tum Christi, tum Crucis, tum Mariæ, tum Angelorum, tum Sanctorum. Greg. enim Epif. 9. lib. 9. ad Severum his verbis scribit: *Perlatum ad nos fuerat, quod inconsiderato zelo succensus, sanctorum imagines, hæc quasi excusatione, ne adorari debuissent, confregis.... Imagines fregisse reprehendimus. Dic, frater, a quo factum sacerdote aliquando auditum est, quod fecisti?*

§. IV.

In quo ex principiis supra statutis colligitur, qualis debeat esse cultus noster religiosus erga Deum, erga Christum, & erga Sanctos.

Ex dictis patet, objectum quodlibet Religionis nostræ non esse æqualis dignitatis, nec æqua.

æquali cultu parique necessitate esse venerandum.

1. Deus unus in essentia, & trinus in personis, debet necessario ab omnibus cultu patriæ adorari, tamquam prima omnium causa, & ultimus omnium finis.

2. Christus Deus & homo debet necessario quoque adorari cultu patriæ, tamquam mediator & salvator, sine quo nemo salvari potest.

3. Virgo Maria, Angeli, & Archangeli, animæ beatæ possunt cultu a patriâ longe diverso & inferiori honorari, tamquam amici Dei. Cultus Dei, & Christi est necessarius & indispensabilis. Cultus Sanctorum bonus, utilis, & non spernendus. Totum hoc docet Trid. sess. 25. c. 2. præcipit quippe, ut prædicetur: *Sanctos una cum Christo regnantes orationes suas pro hominibus Deo offerre; bonum atque utile esse suppliciter eos invocare, & ob beneficia impetranda a Deo per Filium ejus Jesum Christum Dominum nostrum, qui solus noster Redemptor, & Salvator est, ad eorum orationes, opem, auxiliumque confugere: illos vero qui negant, Sanctos, æterna felicitate in cælo fruantes, invocandos esse: aut qui asserunt vel illos pro hominibus non orare, vel eorum, ut pro nobis etiam singulis orent, invocationem esse idololatricam, vel pugnare cum verbo Dei, adversarique honori unius mediatoris Dei, & hominum Jesu Christi: vel stultum esse, in cælo regnantibus voce vel mente supplicare, impie sentire.* Quibus verbis quatuor inculcantur. 1. Ut Deus adoretur. 2. Ut Christus tanquam solus mediator & redemptor inspicatur. 3. Cultus Sanctorum consultur. 4. Contemptus sanctarum Reliquiarum & Imaginum vetatur.

Illud idem discrete describit Damascenus orat. 3. de imaginibus. Primum genus adorationis est quod per latriam exhibetur, quæ per naturam adorando uni Deo tribuitur.... Quam multæ autem & quot modis adorentur res procreatæ, in sacra Scriptura deprehendimus. Primum enim adorantur, in quibus requievit Deus, qui solus est Sanctus, & in Sanctis conquiescit, ut in sancta Dei Genitricis, & in omnibus Sanctis, &c. Adorantur, non quod natura sint adorandi, sed quoniam illum, qui natura adorandus est, in se ipsis habent; sicut ferrum ignitum non natura ejusmodi est, ut tangi nequeat, & comburat, sed quia particeps ignis factum est, qui comburendi naturam habet, &c. Alter adorationis modus est, quo res, per quas, & in quibus salutem nostram Deus, vel ante Domini adventum, vel post assumptæ carnis

consilium executus est, veneramur & colimus. Ut montem Sinai, Nazareth, prælepe in Bethleem, crucis lignum, & clavos, vestes, sanctum illud monumentum fontem nostræ Resurrectionis, &c. hæc & his similia veneror, & adoro, & omne Templum Dei sanctum, & omnia loca, in quibus Deus nominatur, non propter naturam ipsorum, sed quoniam actionis divinæ sunt receptacula, & per se ipsa, & in ipsis placuit Deo salutem nostram transigere. Nam & Angelos, & homines, & omnem materiam actionis divinæ participem, atque administram salutis nostræ, propter actionem divinam veneror & adoro. Tertius adorationis modus est, quo adoramus ea, quæ Deo dicata sunt, ut sacra Evangelia Dei, pocula, thuribula, lucernas, &c.... hæc enim esse sacra peripicuum est. Vide enim, quomodo Deus, cum Balthasar populo valis lacris ministrare fecisset, regnum ejus everterit.... Quartus modus est, quo imagines adorantur a Prophetis perfectæ: imaginum enim intuitu Deum cernebant, & rerum imagines; ut virga Aaron, quæ quidem imago Virginis mysterium exprimebat.... Et Jacob adoravit fastigium virgæ, quod Servator significabatur. Hoc modo pretiosam crucis formam, corporeæque Dei mei figuræ similitudinem, & deiparæ, & servorum ejus imagines adoramus. Quintus modus, quo nos vicissim, ut Deum patrem habentes, & ad Dei factos imaginem adoramus, atque inter nos submissile gerimus, legi caritatis obtemperantes. Sextus modus est, quem Principibus & in potestate constitutis exhibemus.... Ita enim Jacob tum Esau fratrem majorem natu, tum Pharaonem a Deo constitutum principem adoravit.... Septimus modus est, quo servi dominos, & bene meritos, quorum egent auxilio, prosequuntur: sic Abraham adoravit filios Heth, cum ab illis speluncam duplicem emeret. Hætenus Damasc. qui vult omnes prædictos adorationis modos, non politicos esse, sed religiosos; quia cultus ille omnis & a Deo emanat, & ad Deum tanquam totius perfectionis fontem revertitur. Idem addit ibidem. Denique, ut simpliciter dicam, adoratio est timoris, & desiderii, & honoris signum, & animi submissi atque humilis argumentum. Verum neminem oportet ut Deum adorare, nisi eum, qui natura Deus est: omnibus autem honorem debitum habere propter Dominum. Sic igitur imagines adoremus, ut non ipsi materiæ, sed iis, quos imagines referunt, adorationem tribuamus.

C A P U T III.

De actibus Religionis .

In hoc capite explicabimus quinam sint actus Religionis , & quomodo utiliter ad salutem exercendi sint .

A R T I C U L U S I.

In quo statuitur actus Religionis esse ad salutem obtinendam necessarios .

P*rop. unica . Non sufficit adulto ad salutem consequendam , ut habeat religionem habituales ; sed insuper debet frequenter actus religionis elicere .*

Prob. 1. Dominum Deum tuum adorabis , & illi soli servies : Matth. 4. 10. Vox illa adorabis , vox illa servies non sterilem habitum , sed operationem crebrius repetitam innuit .

2. Ex D. Th. Religio venit juxta aliquos a relegere ; eo quod per eam frequenter legamus quæ Deo debeamus . Juxta alios ab eligere ; eo quod per eam frequenter eligamus quæ Deo offerre debemus . Juxta alios a religare , eo quod per Religionem Deo tamquam indeficienti operationum nostrarum regulæ conjungamur . Ita D. Th. 2. 2. q. 81. Atqui hæc omnia non tantum otiosum habitum , sed frequentes operationes innuunt : Ergo Christianus adultus debet frequenter actus religionis elicere :

3. Religio importat fidem , spem , & caritatem : patet autem ex dictis supra , quod adultis ad salutem non sufficiat habere habitum fidei , spei , & caritatis , sed quod frequenter debeant elicere actus earundem virtutum , quia scilicet præcepta dantur de actibus , & non de habitibus solum , ut docet D. Th. Ergo ad salutem non sufficit adulto , ut habitum religionis habeat , sed frequentes actus religionis debet elicere . Hic de adultis solum loquimur ; quia credimus non adultos salvari per solos habitus supernaturales eis per baptismum una cum gratia infusos .

Conseclaria hujus Doctrinae .

Consecl. 1. Christianus adultus debet elicere actus & interiores & exteriores religionis : interiores , quibus animam , exteriores vero , quibus corpus Deo subiciat ; quia Religio debet totum hominem Deo subicere , & proinde inclinare ad actus , quibus corpus , &

anima Deo subint . Illud innuit Psal. dicens : Cor meum & carnea exultaverunt in Deum vivum . Psal. 83. v. 3. Actus interiores ad cor , exteriores vero ad carnem pertinent .

Consecl. 2. Homo adultus debet exercere religionem , non privatam solum , sed etiam publicam ; non soli Deo cognitam , sed etiam aliis hominibus manifestam , juxta illud : Luceat lux vestra coram hominibus , ut videant opera vestra bona , & glorificent Patrem vestrum , qui in caelis est . Matth. 5. 16.

Ergo homo adultus debet actus interiores religionis elicere , quibus soli Deo placeat ; & actus exteriores interioribus adungere , quibus in unum religionis commercium cum aliis hominibus societur : quia , ut optime docet Aug. lib. 19. contra Faust. cap. 11. *In nullum nomen religionis , seu verum , seu falsum , coagulari homines possunt , nisi aliquo signaculorum , vel sacramentorum visibilibus consortio colligentur : quorum sacramentorum vis inenarrabiliter valet plurimum ; & ideo contempta sacrilegos facit . Impie quippe contemnitur , sine qua non potest perfici pietas , & ita actus interni religionis , devotio scilicet & oratio , actus externi religionis , scilicet adoratio , oblatio , sacrificium , &c. sunt de præcepto . De quibus sigillatim agemus .*

A R T I C U L U S II.

De devotione .

P*rop. unica . Devotio non solum est de consilio , sed etiam de præcepto ; quia devotio est actus religionis , quo voluntas prompte exequitur ea , quæ pertinent ad Dei famulatum . Quam animi promptitudinem ambire debent præcipue Christiani ad exemplum filiorum Israel , de quibus sic habetur Exod. 35. 21. Obstruerunt mente promptissima atque devota primitias Domino .*

Non solum devotio est de præcepto , sed etiam conditiones requisitæ ad veram devotionem ; quia quando aliqua virtus est de præcepto , omnia quæ cum illa virtute connectuntur , sunt pariter de præcepto Unde quæ possunt devotionem in nobis aut augere , aut fovere , si pendeant a nobis , sunt de præcepto .

Causa autem devotionis est duplex , extrinseca , & intrinseca .

Causa extrinseca devotionis est Deus ; quia ut ait Jac 1. v. 17. *Omne datum optimum & omne donum perfectum desursum est , descendens a patre luminum .* Ideo dicit Ambr. super Lucam c. 9. *Deus quos dignatur , vocat ; & quem vult , religiosum facit ; nam si voluisset ,*

Samaritanos ex indevotis devotos fecisset: Ergo petenda est a Deo devotio.

Causa intrinseca dispositiva devotionis est meditatio mysteriorum Dei, juxta illud Ps. 38. v. 11. *In meditatione mea exardescet ignis, scilicet devotionis. Voluntas enim;* ut ait Aug. lib. 14. de Trin. c. 8. *oritur ex intelligentia, & ideo,* inquit D. Th. 2. 2. q. 82. a. 3. *neceste est, quod meditatio sit devotionis causa, inquantum scilicet homo per meditationem concipit, quod se tradat divino obsequio. Ad quod quidem inducit duplex consideratio. 1. Divinæ bonitatis, excitans ad amorem Dei, juxta illud Psal. 72. Mibi adhaerere Deo bonum est, & ponere in Domino Deo spem meam. 2. Infirmitatis humanæ, excitans ad sui diffidentiam, & ad fiduciam in Deo, juxta illud Ps. 120. Levavi oculos meos in montes, unde venit auxilium mihi: auxilium meum a Domino, qui fecit Cælum & Terram.*

ARTICULUS III.

De Oratione.

Prop. unica. Oratio, non solum est de consilio, sed etiam, de præcepto; quia est actus religionis, quo petimus a Deo quæ decet nos habere.

Præceptum orandi sic inculcat. 1. Script. *Oportet semper orare, & non deficere.* Luc. 18. v. 1. *Vigilate itaque, omni tempore orantes.* Luc. 21. v. 17. *Sine intermissione orate.* 1. Thes. cap. 5. v. 17. *Quomodo autem continua debeat esse oratio, infra dicitur.*

2. Idem præceptum innuit Ecclesia, dum in Missæ sacrificio fideles omnes præmonet, orationis exercitium præceptum esse, & non consilium. *Præceptis,* inquit, *salutaribus moniti, & divina institutione formati, audemus dicere: Pater noster.*

3. Christus & Apostoli hanc orandi necessitatem suis exemplis tradiderunt; de Christo enim dicitur: *Et erat pernoctans in oratione Dei:* Luc. 6. v. 12. de Apostolis vero & fidelibus: *Hi omnes erant perseverantes unanimiter in oratione & obsecratione.* Act. 1. v. 14.

4. Orationem præcepti esse, & non consilii, ratio convincit; cum enim multis egeamus bonis, & commodis ad animum & corpus tuendum necessariis, eaque a nobis ipsis habere nequeamus, a Deo precibus obtineamus necessarium est: beneficio quippe orationis & æterna, & temporalia a Deo consequimur.

1. Oratione prædestinatio Divina non imutatur quidem, quia infallibilis, sed im-

pletur: unde Greg. *Obtineri nequaquam possunt, quæ prædestinata non fuerint; sed ea, quæ sancti viri orando efficiunt, ita prædestinata sunt, ut sanctorum precibus obtineantur.* 1. Dial. cap. 8.

2. Gratia, utpote gratuita, oratione non prævenitur quidem, sed impetratur, & impetrata commendatur: unde Aug. *Agende sunt gratiæ, quia data est potestas, & orandum, ne succumbat infirmitas.* Tract. 53. in Joan.

3. Fides oratione firmatur. *Fides fundit orationem, fusa oratio fidei impetrat firmitatem,* inquit Aug. serm. 115. alias serm. 36. de verb. Dom. 4. Oratione spes erigitur, juxta illud: *Omnia quæcumque orantes petitis, credite, quia accipietis.* Marc. 11. 5. Oratione caritas inflammatur: unde Aug. ait: *Verbis orationis nos ipsos admonentes in id quod desideramus intendere, ne quod tepescere cœperat, omnino frigescat, & penitus extinguatur, nisi crebrius inflammetur.* Epist. 130. ad Probam.

6. Oratione perseverantia obtinetur. *Ipsius sancti Petri,* inquit Prosper, *ardentissima fides in temptationibus defecisset, nisi pro eo Dominus supplicasset.* Epist. ad Rufin. *Necessarium est ergo quod oratio sit creature intellectusualis indispensable exercitium, & hoc incensum indelinenter offerat: Dirigatur oratio mea, sicut incensum in conspectu tuo.* Ps. 140. v. 2. In cælo comprehensores orationi vacant, Deum quem possident, perpetuo laudantes: *Sanctus, Sanctus, Sanctus Dominus Deus exercituum.* Isa. 6. 3. Viatores in terris ab oratione non desistunt, Deum, quem non possident, sitientes: *Quemadmodum desiderat cervus ad fontes aquarum, ita desiderat anima mea ad te Deus.* Ps. 41. v. 2. Iusti in oratione se totos Deo exhibent, exemplo Davidis: *Effundam in conspectu ejus orationem meam, & tribulationem meam ante ipsum pronuntio.* Psal. 141. v. 3. Peccatores exemplo Publicani peccatorum suorum veniam exposcunt: *Propitius esto mihi peccatori.* Omnibus demum sive hilaribus, sive tristibus oratio præcipitur. *Tristatur aliquis vestrum? oret; æquo animo est? psallat.* Jac. 5. v. 13.

Conseclaria.

Non modo oratio est in præcepto, sed & conditiones, quæ ad veram orationem requiruntur; quia quando aliquid præcipitur, ea pariter præcipiuntur, quæ sunt cum illo connexa. Oratio autem necessario exigit certas quasdam conditiones. 1. Ex parte orantis. 2. Ex parte illius, qui oratur. 3. Ex parte illorum, pro quibus oramus.

4. Ex parte loci & temporis, quo debet vel fieri vel durare oratio. 5. Denique ex parte bonorum, quæ petuntur: quæ conditiones, si abfuerint, oratio non modo vana, & cassa efficitur; sed etiam ut Deo exola rejicitur, & in peccatum imputatur.

§. I.

Quæ requirantur conditiones ex parte illius, qui orat.

1. Orans debet se ad orationem præparare, peccatum, aut saltem affectum peccati e corde suo excludere. *Ante orationem præpara animam tuam, & noli esse quasi homo, qui tentat Deum.* Eccli. 18. v. 23. *Iniquitatem si aspexi in corde meo, non exaudivit Dominus.* Pl. 65. v. 18. & e contra: *Si iniquitatem, quæ est in manu tua, abstuleris a te, & non manserit in tabernaculo tuo iniquitas; tunc levare poteris faciem tuam absque macula, & eris stabilis, & non timebis.* Job. 11. v. 14. *Qui declinat aures suas, ne audiat legem, oratio ejus erit execrabilis.* Prov. 28. qualis fuit oratio Antiochi, de quo dicitur: *Orabat autem hic sceleratus Dominum, a quo non esset misericordiam consecuturus.* 2. Machab. 9. v. 13.

2. Orans debet internam mentis attentionem adhibere. *Spiritus est Deus: & eos, qui adorant eum, in spiritu & veritate oportet adorare.* Jo. 4. 24. *Orabo spiritu, orabo & mente, psallam spiritu, psallam & mente.* 1. ad Corinth. 14. v. 15. Orantes vero sine attentione ira rejicit Deus: *Populus hic labiis me honorat; cor autem eorum longe est a me.* Matth. 23. 8. Hanc fixam attentionem orando sibi adesse gaudebat David, abesse vero vehementer dolebat: *Quoniam inveni Domine cor meum, ut orarem ad te.* 2. Reg. 7. en gaudium. *Quoniam cor meum dereliquit me.* Psal. 39. v. 13. an tristitia. Qualis autem debeat esse illa attentio, docet D. Th. 2. 2. q. 83. art. 13.

3. Orans debet internam mentis humilitatem & externam corporis modestiam adhibere. *Oratio humiliantis se nubes penetrabit.* Eccli. 35. v. 21. *Ad quem autem respiciam, nisi ad pauperulum, & contritum spiritu, & tremantem sermones meos?* Isa. 66. v. 2. Talis erat oratio Davidis coram Deo suo inquit mendici silentis fide: *Ego autem mendicus sum & pauper.* Ps. 39. v. 18. & rursus: *Ego vero egenus & pauper sum; Deus adjuva me.* Psal. 69. v. 6. Talis erat pariter oratio Abraham & mente & corpore coram Deo prosternebat: *Lo quar ad Dominum meum, cum sim pulvis & cinis.* Gen. 18. v. 27.

§. II.

Quinam sunt illi, ad quos possumus orationes nostras dirigere.

1. Deum solum debemus orare, tanquam bonorum omnium, quæ petere debemus, verum, & unicum præcipuum auctorem. *Omne datum optimum & omne donum perfectum desursum est descendens a patre luminum.* Jac. 1. v. 17. Oratio enim directe tendit, ut vel gratiam, vel gloriam postulemus, Deus autem solus utrumque dare potest: *Gratiam & gloriam dabit Dominus.* Pl. 83. v. 12.

2. Omnia in nomine Christi postulanda sunt: *Quodcumque petieritis Patrem in nomine meo, hoc faciam, ut glorificetur Pater in Filio.* Joan. 14. v. 18. *Non est aliud nomen sub cælo datum, in quo oporteat nos salvos fieri.* Act. 4.

3. Sanctos possumus tanquam amicos Dei invocare: *Et ascendit fumus incensorum de orationibus Sanctorum de manu Angeli coram Deo.* Apoc. 8. v. 4.

§. III.

Quinam sunt illi, pro quibus possumus & debemus orare.

1. Orandum universaliter pro omnibus. *Obsecro igitur primum omnium fieri obsecrationes, orationes, postulationes, gratiarum actiones pro omnibus hominibus.* 1. Tim. 2. vers. 1.

2. Orandum pro inimicis. *Orate pro persequentibus, & calumniantibus vos.* Matth. 5. vers. 44.

3. Pro Magistratibus civilibus, pro Regibus, & omnibus, qui in sublimitate constituti sunt. *Orate pro Regibus, & omnibus, qui in sublimitate sunt, ut quietam, & tranquillam vitam agamus, in omni pietate & castitate.* 1. Tim. 2. v. 2.

4. Pro Superioribus Ecclesiasticis. *De cetero, fratres, orate pro nobis, ut sermo Dei currat, & clarificetur, sicut & apud vos.* 2. Thessal. 3. v. 1.

5. Denique debemus omnes pro nobis invicem orare. *Orate pro invicem, ut salvemini; multum enim valet deprecatio justis assidua.* Jacob. 5. v. 16.

§. IV.

Quo in loco possumus & debeamus orare.

1. Oratio privata potest fieri in omni lo-

co. *Volo ergo viros orare in omni loco, levantes puras manus, sine ira & disceptatione.* 1. Timoth. 2. v. 8.

2. Oratio publica debet fieri in loco ad hoc munus consecrato. Sic in lege naturæ Abraham in loco sibi a Domino designato sacrum fecit. *Abit in locum, quem præceperat ei Deus.* Gen. 22. v. 3. Jacob sacrum fecit in Bethel. *Terribilis est locus iste, non est hic aliud, nisi domus Dei & porta cæli, appellavitque nomen urbis, Bethel, idest domus Dei.* Gen. 28. Sic in lege scripta non licebat sacrum facere, nisi in loco speciali: *Non poteris immolare Phæse in qualibet urbium tuarum, sed in loco, quem elegerit Dominus Deus tuus, ut habites nomen ejus ibi.* Deut. cap. 16. v. 5. Sic Deum in lege Evangelica sacrificium & oratio sunt in templo, ut patet ex praxi totius Ecclesiæ: quod Christus confirmavit illo textu Iai. *Domus mea, domus orationis vocabitur.* Lucæ 19. v. 46.

§. V.

Quo tempore fieri debeat oratio, & quanto tempore durare.

1. Oratio privata potest fieri omni tempore. Per omnem orationem, & obsecrationem orantes, omni tempore in spiritu, & in ipso vigilantes in omni instantia, & obsecrationis pro omnibus sanctis. Ad Eph. 6. v. 18.

2. Oratio privata debet semper durare, si attendatur principium, a quo emanat; non autem, si attendatur ejus exercitium. Ita D. Th. 2.2. q. 83. a. 14. *De oratione dupliciter loqui possumus: uno modo secundum se ipsam: alio modo secundum causam suam. Causa autem orationis est desiderium caritatis, ex quo procedere debet oratio, quod quidem in nobis debet esse continuum vel actus, vel virtute. Manet enim virtus hujus desiderii in omnibus, quæ ex caritate facimus: omnia autem debemus in gloriam Dei facere, ut dicitur 1. ad Corinth. 10. & secundum hoc oratio debet esse continua.* Unde Aug. dicit ad Probam epist. 121. cap. 9. *In ipsa fide, & caritate, continuato desiderio semper oramus: sed ipsa oratio secundum se considerata non potest esse assidua; quia oportet aliis operibus occupari.*

3. Oratio publica debet durare tempore ab Ecclesia determinato; quia ad Ecclesiam pertinet determinare quantum debeat durare oratio communis per comparisonem ad populi devotionem, & ad Christi verba: *Oportet semper orare, & non deficere.* Luc. 19. v. 1.

Tomo I.

Oratio autem potest esse continua multiplicit. 1. Ratione pii desiderii in Deum, juxta illud Aug. in Psal. 37. v. 14. *Ipsius desiderium tuum oratio tua est, & si continuum desiderium tuum, continua est oratio.*

2. Ratione certi temporis precibus destinati, juxta illud Aug. *Per certa interval-la horarum, & temporum, etiam verbis vocamus Deum, ut illis rerum signis nos ipsos admoneamus; quantumque in hoc desiderio profecerimus, nobis ipsis innotescamus; & ad hoc augendum nos ipsos acris excitamus.* Ep. 130. ad Probam cap. 9.

3. Ratione effectus per orationem in nobis producti; orans enim, inquit sanctus Th. remanet post orationem magis devotus. 2.2. q. 83. a. 14. ad 4.

4. Ratione communionis, quam habemus cum Christo, cum Ecclesia, & cum fidelibus. Quoties enim Christus, Ecclesia, fideles orant, toties & nos orare censetur. Cum autem oratio Christi, Ecclesiæ, & Sanctorum sit continua, nostra pariter oratio perpetua censenda est.

§. VI.

De determinatione Ecclesiæ quoad tempus & durationem orationis.

Quæ sit Ecclesiæ determinatio quoad tempus & durationem orationis relative ad clericos dicemus, cum agemus de obligatione recitandi horas canonicas; sed quæ sit Ecclesiæ determinatio relative ad laicos, vix explicari potest. Dicam hic historice quæ variis temporibus fuerit orandi assiduitas in privatis fidelibus, ut hinc quilibet conjiciat, quo, quantove tempore orationi vacare debeat.

Primis Ecclesiæ temporibus fideles omnes solebant horis precibus destinatis interesse: eas horas vocamus modo horas canonicas.

Constitutiones Apostolicæ ita præcipiunt fidelibus: *Preces facite, mane, tertia hora, ac sexta, & nona, & vespere, atque ad galli cantum.* Lib. 8. c. 34.

Tertullianus loquens de Christianis ait: *Ita saturant, ut meminerint etiam per noctem adorandum sibi esse Deum.* in Apolog. cap. 39. Basilius: „Fideles ad psalmodiam de nocte instituantur, & nunc quidem in duas partes divisi, alternis succincentes, psallunt.“ Epist. 57. Et Aug. serm. 55. de temp. juxta Lovanienses: *Ad vigiliis matutinis surgite, ad tertiam, ad sextam, ad nonam,*

N 3

ante

ante omnia convenite; nullus se a sancto opere subtrahat, nisi quem infirmitas, aut publica utilitas, aut forte certa & grandis necessitas tenuerit occupatum.

Author Epistolæ ad Demetriadem de virginitate servanda ait: „Præter psalmorum, & orationis ordinem, quod tibi hora tertia, sexta, nona, ad vespertim, medianocte, & mane semper est exercendum, statue, quot horis sanctam Scripturam ediscere debeas.“

Et quamvis hæc orandi instantia non esset ita rigide sub præcepto, ut asseramus peccare singulos fideles, qui his horis canonicis desissent; tamen verba Augusti. innuunt, fideles vulgo saltem diebus festis huic officio non desisse, nisi grandi necessitate detentos. Sed quæ esset oratio cuiuscumque fidelis quacumque die, habemus ex Cypriano de oratione Dominica in fine. *Mane orandum est, ut Resurrectio Domini matutina oratione celebretur... Recedente item Sole, ac die cessante necessario orandum... ut super nos lux denuoveniat, idest, Christi precamur adventum lucis eterne gratiam præbiturum.* Jam ex praxi communi Ecclesiæ fideles omnes mane orant & vespere, ut imitentur sacrificium vespertinum & matutinum Judæorum. Additur & oratio meridiana, ut ad instar Danielis, tribus temporibus in die flectamus genua, & adoremus Dominum. Enitatur quilibet fidelis, quantum poterit, æmulari antiquam illam primorum Christianorum in orando sollicitudinem.

ARTICULUS IV.

De Adoratione, & Sacrificio.

Prophetica. Adoratio divinitatis tum interna, tum externa, tum privata, tum publica, non est de consilio solum, sed de præcepto, eoque naturali, si attendatur quoad substantiam; sed quoad modum relinquitur Ecclesiæ determinationi. Item sacrificium Deo oblatum tum internum, tum externum, tum privatum, tum publicum, non est de consilio solum, sed etiam de præcepto naturali, si attendatur quoad substantiam; sed quoad modum relinquitur Ecclesiæ determinationi: ita docet D. Th. 2. 2. q. 85. a. 1.

1. Adoratio enim & sacrificium sunt actus Religionis; actus autem Religionis sunt de præcepto legis naturæ.

2. Per adorationem, per sacrificium, Deum

agnoscimus tanquam primum authorem sanctitatis, tanquam primam causam, & ultimum finem omnium: atqui præceptum est, & non consilium, ut Deum tanquam authorem totius sanctitatis, ut primam causam, & ultimum finem omnium agnoscamus: ergo adoratio & sacrificium sunt non solum de consilio, sed de præcepto legis naturæ.

Quod autem ad Ecclesiam pertineat & adorationis & sacrificii determinare modum, patet; quia juxta diversum Ecclesiæ statum diversus fuit & adorandi & sacrificandi modus.

Abraham jussu Dei unigenitum filium Isaac sacrificare voluit; sed prohibitus manu suam extendere super filium suum, loco filii obtulit arietem inter vepres hærentem. Gen. 22. v. 13.

Sic in lege Mosaica, Judæi, utpote obstricti lege positiva, Sacrificia juxta præscriptum Moysis offerebant quam plurima.

1. Holocaustum, quod in honorem Dei tanquam authoris vitæ, & mortis, incendebatur totum. Lev. c. 1.

2. Sacrificium expiatorium, seu pro peccato, cujus aliquæ partes in usum Sacerdotum cedebant, & ab eis comedeantur, nisi Sacrificium pro peccato totius populi, aut pro peccato ipsius Sacerdotis offerretur; quia tunc hostia pro peccato integra comburebatur. Lev. v.

3. Sacrificium pacificum, quod ad obtinendum aliquod bonum offerebatur.

4. Sacrificium Eucharisticum, quod ad reddendas gratias pro beneficio accepto immolabatur.

Sic in lege Evangelica Christiani, utpote astricti lege a Christo data, Sacrificium semel a Christo oblatum cruento in cruce, in altari una cum Sacerdote incruente renovant, offerunt se se Christo, & a Christo offeruntur Patri. De hoc Sacrificio Christianorum, quod in altari cordis nostri solo caritatis igne crematur, loquitur Aug. lib. 10. de civ. Dei c. 4. & 6. Verum, inquit, sacrificium est omne opus, quod agitur ut sancta societas inhercamus Deo: relatum scilicet ad illum finem boni quo veraciter beati esse possumus. Unde & ipsa misericordia, qua homini subvenitur, si propter Deum non fit, non est sacrificium: & c. 4. Cum ad illum, inquit, sursum est, ejus est altare cor nostrum: ejus Unigenitum cum Sacerdote placamus, & suavissimum adolemus incensum, cum in ejus conspectu pio, sanctoque amore flagramus, ei sacrificantes Hostiam divinitatis & laudis in ara cordis igne fervide caritatis: & c. 6.

Pro-

Profectio efficitur, ut tota ipsa redempta civitas, hoc est aggregatio, societasque Sanctorum, universale sacrificium offerat Deo per Sacerdotem magnum, qui etiam ipsum obtulit in passione pro nobis, ut tanti capitis corpus essemus secundum formam servi.... Hoc est Sacrificium Christianorum.... Quod etiam in Sacramento altaris fideliter nostra frequentat Ecclesia. Non modo Sacrificium, & adoratio sunt de præcepto, sed etiam conditiones, quæ ad adorationem, & Sacrificium requiruntur: quia quando aliquid præcipitur, ea pariter præcipiuntur, quæ sunt cum illo connexa. Eadem autem sunt conditiones adorationis, & Sacrificii, quas supra adscripsimus devotioni, & orationi.

ARTICULUS V.

De voto.

§. I.

Definitur votum.

Votum est promissio deliberata facta Deo de meliori bono. Ita D. Th. 2.2. q.8. a.2.

1. Est promissio deliberata; quia promissio, utpote obligatoria, debet esse libera.
2. Est promissio facta Deo; quia votum est actus latræ, quæ soli Deo debetur. Ideo si quid voveamus Sanctis, votum illud ad Deum ultimam terminatur, qui vult per Sanctos, quibus vovemus, honorari.

3. Est promissio de meliori bono; quia oportet, ut melius, & perfectius sit, facere rem, quam vovemus, quam non facere: votum enim semper debet ad maiorem Dei gloriam cedere.

§. II.

Dividitur votum.

Votum aliud est necessarium, aliud voluntarium.

Votum necessarium est illud, quod fit in baptismo, dum is, qui baptizatur, fatatur, & eius operibus renuntiat, ac se fidelem fore, & divina præcepta servaturo promittit. Ita Can. *Spiritus Sanctus*.

Votum voluntarium est illud, quod quis sponte sua facit, se adstringens ad id, ad quod ante votum non tenebatur, v.g. ad continentium, peregrinandum. Ita Can. *Non solum*, 32. q. 8.

Votum voluntarium aliud est solemne, aliud non solemne, seu simplex.

Votum solemne est illud, quod solemnizatur vel per ordinis susceptionem, vel per professionem in Religione approbata. Cap. *Quod de voto*, in 6.

Votum simplex est illud, quod tali solemnitate caret: tale est votum quodlibet diversum a voto elicto vel in professione Religionis, vel in susceptione ordinis.

Votum solemne consideratur ut matrimonium actu cum Deo initum.

Votum simplex consideratur ut sponsalia cum Deo inita.

Votum solemne reddit personam voventem inhabilem ad omnes contractus repugnantes voto: v. gr. votum castitatis reddit inhabilem ad matrimonium: votum paupertatis reddit inhabilem ad contractum transferentem dominium rei temporalis, v. g. ad contractum emptionis, & venditionis: votum obedientiæ reddit inhabilem ad contractum transferentem usum propriæ personæ, v. g. ad contractum locationis sui ipsius.

Votum simplex non reddit personam voventem, absolute inhabilem ad contrahendum valide, sed ad contrahendum licite. Sic votum simplex castitatis non reddit matrimonium nullum, sed illicitum: votum simplex paupertatis non reddit venditionem nullam, sed illicitam: votum simplex obedientiæ, non reddit locationem sui nullam, sed illicitam.

Votum absolutum est illud, cui nulla apponitur conditio: v. g. voveo me daturum eleemosynam.

Votum conditionatum est illud, cui aliqua apponitur conditio: v. g. voveo me ingressurum religionem, si pater convalescat.

Votum aliud est personale, aliud reale, aliud mixtum, aliud pœnale.

Votum personale est illud, quo vovetur aliqua actio personæ: v. g. voveo peregrinationem. Votum personale non transit ad heredes, quia est onus sequens personam.

Votum reale est illud, quo vovetur res pertinet ad voventem: v. g. voveo me daturum pauperibus, vel Ecclesiæ hanc pecuniam. Votum reale, si notum fuerit, transit ad heredes, quia est onus sequens hereditatem. Cap. *Licet de voto*.

Votum mixtum est illud, quo & res, & actio personæ vovetur: v. g. voveo me iturum in talem Ecclesiam, & talem pecuniæ summam daturum.

Votum pœnale est votum, quo aliquid promittitur sub pœna: v.g. vovet quis se non lufurum. sub pœna recitandi Rosarium, vel dandi elemosynam pauperi; si ludat, tenebitur sub peccato pœnam subire, scilicet, recitare Rosarium, vel dare elemosynam: & hoc, quoties rem voto promissam omittet.

S. III.

De conditionibus requisitis ad votum ex parte subjecti, seu ex parte illius qui vovet.

Prop. 1. Omne votum Deo factum ita debet esse liberum ex parte voventis, ut quidquid tollit libertatem, tollat & votum.

Prob. 1. Script. *Non poteris comedere in oppidis tuis omnia, quæ voveris, & sponte offerre volueris.* Deut. 12. v. 17. ubi Scriptura inquit, votum debere esse spontaneum.

2. Ex jure Canonico. Jus Canonicum statuit vota nulla esse, nisi fiant plena libertate. Ita cap. *Cum simus de regularibus.* Et Trid. sess. 25.

3. Rat. Votum est promissio; promissio autem debet esse essentialiter libera: ergo votum debet esse liberum.

Deinde votum est actio obligatoria; actio autem obligatoria debet esse libera: ergo votum debet esse liberum.

Consecratoria hujus Doctrinæ.

Consecr. 1. Votum coacte, & violenter exterius extortum est nullum: quia coactio & violentia tollunt libertatem: & ita qui coactus exterius, & voce tantum diceret se vovere, & interius voto reniteretur, non teneretur voto; quia votum esset nullum coram Deo: peccaret tamen graviter ita vovendo; quia mentiretur in materia Religionis.

Consecr. 2. Votum elicium ignoranter est nullum; quia ignorantia tollit libertatem: & ita, si infans ante usum rationis, si ebrius, si amens, sine usu rationis, exterius voverent, non tenerentur voto; quia votum coram Deo esset nullum. *Votum*, inquit, D. Thom. non ligat propter defectum rationis, sicut patet ex suis rationibus & amentibus, qui se voto obligare non possunt ad aliquid, dum sunt in furia & amentia. 2. 2. q. 88. a. 9.

3. Votum elicium ex errore tollente libertatem, non ligat; quia, ut supponitur, non est liberum.

Error autem censetur tollere libertatem, si cadat circa substantiam rei, minime vero,

si cadat circa accidentia, ut fuse dicitur ubi de contractibus; quia error circa substantiam facit involuntarium simpliciter: error vero circa accidentia facit involuntarium secundum quid.

Sic si voveam Calicem, putans erronee esse argenteum, qui tamen est aureus, non teneor ex voto dare Calicem; quia error est circa substantiam.

Si vero voveam Calicem, putans erronee valere tantum decem nummos, qui tamen valet duodecim, teneor ex voto dare Calicem; quia error est circa accidentia.

Sic si voveam calicem ob restitutam sanitatem Patris, quem erronee putabam ægrotare, qui tamen non ægrotabat, non teneor ex voto dare calicem; quia error est circa substantiam finis.

Si vero voveam calicem a me deferendum in urbem Romam, ut ibi simul videam fratrem Romæ conimorantem, teneor voto, licet comperiam, quod frater non commoretur Romæ; quia error est circa accidentia finis.

Sic denique qui nescit, quid sit status Religionis, quantum ad vota substantialia castitatis, obedientiæ, & paupertatis, si voveat Religionem, non tenetur voto; quia error est circa substantiam: si sciat in communi, quid sit votum castitatis, paupertatis, & obedientiæ, licet ignoret particulares constitutiones status Religiosi, si voveat Religionem, tenetur voto; quia error est tantum circa accidentia.

Consecr. 3. Ad hoc ut votum simplex soli Deo factum sit validum, sufficit ea ætas, & ea libertas, quæ sufficit ad peccatum plene liberum; quia votum simplex est solum promissio facta soli Deo sine solemnitate. Ut autem promissio liget, sufficit plena libertas ex parte promittentis, modo sit dominus eorum, quæ promittit. Ita docet D. Thom. 2. 2. q. 88. a. 9. *Si vero puer ante annos pubertatis usum rationis attingit, potest quidem, quantum in ipso est, se obligare; sed votum ejus potest per parentes irritari, quorum curre remanet adhuc subjectus.*

Consecr. 4. Nemo ligatur voto alieno, nisi votum illud ratum habeat; quia votum factum per alienam voluntatem non est sufficienter liberum.

Prop. 2. Omne votum solemne Deo factum, & ab Ecclesia acceptandum, nedum debet esse plene liberum, sed insuper debet esse vestitum conditionibus ab Ecclesia determinatis, quæ si absint, votum est omnino nullum, nec acceptatur a Deo.

Prob.

Prob. Votum solemne addit supra votum exterioriorem solemnitatem, sicut contractus civilis addit supra promissionem simplicem externas aliquas circumstantias: ergo sicuti contractus civilis est nullus in foro civili, si careat conditionibus a jure præscriptis; ita votum solemne est nullum, si careat conditionibus ab Ecclesia requisitis. Et quia Deus non acceptat vota solemnia, nisi per ministerium Ecclesiæ; tunc censetur ea non acceptare, cum carent solemnitatibus ab Ecclesia requisitis.

Consecratoria hujus Doctrinæ.

Consect. 1. Votum solemne extortum ex gravi metu injuste incusso est invalidum, validum vero, si eliciatur ex levi metu, vel ex gravi iuste incusso; quia ita determinatur c. *Perlatum, de his quæ vi, metuque causa sunt.*

Sic, si quis ex metu mortis incusso ad extorquendum votum vel Religionem professus fuerit, vel Subdiaconatum susceperit, si violentiam probare valeat, votum ejus nullum declarabitur; quia metus ille & est gravis, & est injuste incussus, nisi tamen ab initio, vel post facto libere consensisset voto.

Sic, si quis ingreditur Religionem, vel Subdiaconatum suscipiat, timens mortem æternam, vel crudelem conscientie remorsum, nisi statum illum amplectatur, quantumvis gravis sit ille metus, votum est validum; quia metus ille, etsi gravis, non est injuste incussus ab aliqua causa libera. Ita Fagnanus.

Sic, si quis ex levi metu, vel ex suasio- ne non cogente, solemniter voveat, ligatur voto; quia metus non est gravis.

Consect. 2. Votum solemne Religionis elicitum ante decimum-seximum annum, & non completo Novitiatu anno, est nullum; quia non acceptatur ab Ecclesia, nisi post illud tempus. Ita Trid. sess. 25. c. 15. de Regularibus: *In quacunque Religione tam virorum, quam mulierum, professio non fiat ante decimum-seximum annum expletum; nec qui minore tempore, quam per annum post susceptum habitum in probatione steterit, ad professionem admittatur: Professio autem antea facta sit nulla, nullamque inducat obligationem ad alicujus regule, vel Religionis, vel ordinis observationem, aut alios quoscumque effectus.* Et juxta ejusdem Concilii declarationes, Novitiatu debet esse continuus, & non intermissus. Numeratur tamen tempus, quo Novitius ægro-

tans exisset e Monasterio convalescendi causa. Multa alia dicemus, quæ spectant ad professionem Religiosam, ubi de statu Religioso.

Monitum. Nota ex Cajet. quod quantumcumque impubes sit doli capax, ante annos pubertatis non potest se obligare voto solemnii Religionis. Et scito, inquit, idem Author, quod votum solemne Religionis, quod non valet pro solemnii, propter defectum ætatis, non remanet habens vim voti simplicis, declarante seu statuente hoc Ecclesia, cap. *Is qui de Regul.* in 6. ubi dicitur, quod Professus ante completum tempus statutum ab Ecclesia potest redire ad sæculum; quod non diceret Ecclesia, si talis, quantum in ipso est, teneretur ad Religionem, aut continentiam. Hæstenu Cajet.

Si tamen impubes plene instructus de differentia voti simplicis & solemnii, actu expresso diceret: si non possum me obligare voto solemnii, volo me obligare voto simplici; tunc ligaretur voto simplici: ad sunt enim requisita ad votum simplex.

Prop. 3. Nemo potest per votum se obligare in iis, in quibus subijcitur alteri, nisi interveniat consensus Superioris.

Probatur 1. Script. *Mulier, si quippiam voverit, & se constrinxerit juramento, si cognoverit pater & tacuerit, voverit rea... sine autem contradixerit pater, vota & juramenta ejus irrita erunt.* Num. 30.

2. Ex D. Th. Votum est promissio quædam facta Deo de meliori bono. Nullus autem potest per promissionem se firmiter obligare ad id, quod est in potestate alterius, sed solum ad id, quod est omnino in sua potestate: quicunque autem est subiectus alicui, quantum ad id, in quo est subiectus, non est sue potestatis facere quod vult, sed dependet ex voluntate alterius; & ideo non potest se per votum firmiter obligare in his, in quibus alteri subijcitur, sine consensu sui Superioris. 2. 2. q. 88. a. 8. in c.

3. Si vovens voveret ea, quæ sunt alterius, contra voluntatem veri domini, non faceret actum virtutis Religionis, sed actum injustitiæ, subtrahendo alteri quod ei debetur.

Consecratoria hujus Doctrinæ.

Consect. 1. Si fervus voveat sine consensu domini in his, in quibus subijcitur domino, v. g. si quid voveat, quod impediatur labore quotidiano, aut reddat eum incapacem serviendi, nullum est votum.

tum. Ita D. Th. ibidem ad 2. *Servus, quia est in potestate domini, etiam quantum ad personales operationes, non potest se voto obligare ad religionem, per quam ab obsequio domini sui abstraheretur.* Idem statuitur Can. Ex antiquis dist. 54.

Consect. 2. Nulla sunt impuberum vota elicitia contradicentibus parentibus vel tutoribus, etsi usu rationis fruantur impuberes; sunt enim, inquit D. Th. naturaliter sub cura parentum, vel tutorum, qui sunt eis loco parentum, & proinde eorum vota rubeo non habent ex defectu dominii. 2. 2. q. 88. a. 9.

Consect. 3. Nulla sunt puberum vota, si voveant, sine consensu parentis vel tutoris, aliquid repugnans gubernio domestico, v. g. abstinentiam a cibis, quibus alii utuntur: minime vero, si voveant aliquid, quod ad perpetuum eorum statum pertineat; quia pubes dominus sui est circa ea, quæ pertinent ad statum eligendum, & non circa gubernium domus. Ita D. Th. ibid. a. 8. ad 3. Ex quo homo venit ad annos pubertatis, si sit liberæ conditionis, est suæ potestatis quantum ad ea quæ pertinent ad suam personam, puta, quod obliget se religioni per votum, vel quod matrimonium contrahat; non autem est suæ potestatis quantum ad dispositionem domesticam: unde circa hoc non potest aliquid vovere, quod sit ratum, sine consensu patris.

Consect. 4. Nullum est Episcopi votum, si sine consensu Papæ voveat Ecclesiam suam relinquere; quia in hoc subijcitur Papæ. Cap. *Nisi cum pridem* de renunt. ubi dicitur Nidrosiensis Archiepiscopo, quod liberum non habeat ad solitudinem volatum sine licentia Sedis Apostolicæ.

Consect. 5. Nullum est Religiosi votum, si voveat sine consensu Prælati aliquid contra regulam Monachalem. Ita D. Thom. ibid. a. 8. ad 3. *Religiosus subditus est Prælati quantum ad suas operationes secundum professionem regulæ; & ideo etiam si aliquis ad horam aliquid facere possit, quando ad alia non occupatur a Prælati, quia tamen nullum tempus exceptum est, in quo Prælati non possit cum circa aliquid occupare, nullum votum Religiosi est firmum, nisi sit de consensu Prælati: sicut nec votum puellæ existens in domo nisi de consensu patris: nec uxoris, nisi sit de consensu viri.* Potest tamen Monachus vovere ingressum in Religionem arctiorem; quia non subditur quoad hoc Prælati, & Prælati voluntas esset injusta.

Consect. 6. Nullum est votum, si alter conjugum voveat continentiam sine consensu

partis suæ. Ita D. Th. *Dicendum, quod in his, in quibus uxor viro tenetur, & e converso, neuter potest vovere sine mutuo consensu, sicut patet de voto continentie. Sed quia in dispensatione domus & regimine vitæ, mulier est subdita viro, & non e converso; ideo vir potest in talibus vovere sine consensu uxoris; sed non e converso.* In 4. dist. 38. q. 1. a. 1. q. 3. ad 4.

S. IV.

De conditionibus requisitis ad votum, ex parte objecti; seu ex parte rei, quæ voto promittitur.

Prop. 1. Votum de re impossibili, de re illicita, vel vana est nullum.

Prob. 1. Script. *Displicet ei, idest Deo, infidelis & stulta promissio.* Eccles. 5. v. 3. Votum autem de re impossibili, vel illicita, vel vana, est promissio stulta: ergo tale votum est nullum.

2. Ex D. Th. 2. 2. q. 88. a. 2. *De nullo illicito, nec de aliquo indifferenti debet fieri votum, sed solum de aliquo actu virtutis...* Id pariter, quod est absolute necessarium esse, vel non esse, nullo modo sub voto cadit: Ergo res illicita, res indifferens, res impossibilis non potest esse materia voti.

3. *Ras.* Votum est promissio deliberata de meliori bono: ex eo quod dicitur deliberata, res impossibilis non potest cadere sub voto; quia circa impossibilia non exercetur deliberatio: ex eo quod dicitur de meliori bono, res illicita, vel vana non potest esse materia voti; quia res illicita non potest esse melius bonum.

4. Deus per votum rei impossibilis, vel illicitæ, potius irridetur, quam honoratur: ergo votum non potest esse de re illicita, vel impossibili.

Consecratoria hujus Doctrinæ.

Consect. 1. Votum de re impossibili ex jam dictis est nullum, quia materia voti debet esse objectum deliberationis; res autem impossibilis nequit sub deliberationem cadere: ergo votum in sequentibus casibus est nullum.

Sic votum de re impossibili physice est nullum, v. g. votum numquam manducandi, numquam bibendi; quia citra miraculum homo non potest semper a cibis abstinere.

Sic votum de re impossibili moraliter, est nullum, v. g. votum numquam peccandi venialiter; quia citra privilegium speciale

cialis homo non potest vitare omnia peccata venialia collective sumpta.

Sic votum de re impossibili ex aliena voluntate non ligat; quia materia voti non est in nostra potestate: v.g. votum intrandi tale Monasterium non ligat, si Monachi illius Monasterii nolint votum recipere. Ita D. Th. ibidem. *Ille, qui vovit Monasterium aliquod intrare, debet dare operam, quantum potest, ut ibi placet; & siquidem intentio sua fuit se obligare ad Religionis ingressum principaliter, & ex consequenti elegit hanc Religionem, vel hunc locum, quasi magis sibi congruentem, tenetur, si non potest ibi recipi, aliam intrare Religionem.* Sin autem principaliter intendit se obligare ad hanc Religionem, vel ad hunc locum, propter specialem complacentiam hujus Religionis, vel loci, non tenetur alibi Religionem intrare, si eum illi recipere nolunt.

Sic votum de re impossibili ex propria culpa non ligat, nisi ad poenitentiam culpæ præteritæ, & ad exactam observantiam illius, quod superest observandum; quia præteritum non est in potestate, bene tamen futurum. Ita D. Th. ibid. *Si vovens incidit in impossibilitatem implendi votum ex propria culpa, tenetur insuper de propria culpa præterita poenitentiam agere: sicut mulier, quæ vovit virginitatem, si postea corruptatur, non solum debet servare quod potest, scilicet perpetuam continentiam, sed etiam de eo, quod amisit peccatum, poenitere.*

Consect. 2. Votum de re ab intrinseco mala, vel ex eventu illicita, est nullum ex dictis; res enim, quæ est voti materia, debet Deo placere, & non displicere: ergo votum in sequentibus casibus est nullum.

1. Res ab intrinseco mala non potest esse materia voti. Ita D. Th. *Quædam sunt in omnem eventum mala, sicut ea, quæ secundum se sunt peccata; & hæc nullo modo possunt sub voto cadere:* & ita vota ista sunt nulla, v.g. voveo occisionem inimici, voveo furtum, &c. quia sunt ab intrinseco mala: voveo eleemosynam ad obtinendam injustam vindictam; quia votum esset malum ex fine.

2. Res ex eventu mala non potest esse materia voti: Ita D. Th. ibid. Votum Jephte erat secundum se validum, sed ex eventu non erat observandum; neque enim, ut ait Hieron. in c. 7. *Jere. Sicanis, asinus, aut immundum quolibet animal tunc occurrisset, illud offerre debebat Deo.*

3. Votum de re secundum se licita, quæ tamen ex aliquibus circumstantiis fieri potest illicita, est validum, sublati tamen circumstantiis vitiis: de quo ita D. Th. de macera-

tionis corporis. *Maceratio proprii corporis, puta per vigiliis, & jejuniis, non est Deo accepta, nisi in quantum cum debita discretionis fit, ut scilicet concupiscentia refrenetur, & natura non nimis graveur; & sub tali tenore possunt hujusmodi sub voto cadere.* Propter quod Paulus ait ad Rom. 12. *postquam dixerat: Exhibeatis corpora vestra, Hostiam viventem, sanctam, Deo placentem, addit: rationabile obsequium vestrum.* Sed quia in his, quæ ad seipsum pertinent, de facili fallitur homo in judicando, talia vota congruentius secundum arbitrium superioris sunt vel servanda, vel prætermittenda: ita tamen quod si ex observatione talis voti magnum & manifestum gravamen sentiret, & non esset facultas ad superiorem recurrendi, non deberet homo tale votum servare. 2. 2. q. 88. a. 2. ad 3.

Consect. 3. Votum de re vana, & inutili, ex dictis est nullum, deridendum potius quam observandum; quia votum debet esse de meliori bono: ita lidorus: *Stulta vota frangenda sunt:* & D. Th. ibid. *Vota quæ sunt de rebus vanis & inutilibus, deridenda sunt, potius quam observanda:* Ergo votum est nullum in sequentibus casibus.

1. Votum nunquam petendi crines, nunquam lavandi manus, nunquam ambulandi, est nullum; quia hæc vota sunt de rebus vanis.

2. Votum ducendi uxorem, exercendi mercaturam, est nullum; quia non est de meliori bono. Potest tamen fieri validum, si adjungatur circumstantia, quæ faciat rem meliorem: v.g. voves ducere in uxorem virginem, quam deflorasti, votum est de re meliori, quia melius est satisfacere voves mercaturam, ut lucrum inde nascens des pauperibus, votum est bonum, quia est de re meliori; melius enim est dare eleemosynam ex bonis juste acquisitis, quam non dare.

Consect. 4. Votum de meliori bono secundum se, seu ex objecto, ut dicunt, est validum, quamvis res illa fiat ex circumstantia accidentali illicita, quia res secundum se est bona, & solum ex accidenti mala. Res secundum se bona est observanda, circumstantia mala evitanda.

Sic validum est votum dandi eleemosynam ex vanagloria. Eleemosyna est danda, vanagloria evitanda.

Sic votum de re meliori factum inter peccandum, ligat, quia non est malum ex objecto, sed solum ex circumstantia: v.g. vovet quis in duello, se intraturum in Religionem, si exeat incolumis ex duello; votum ejus est validum. Vovet quis inter furandum, se intraturum Religionem, si non deprehendatur in fur-

furto: votum validum est; quia in utroque calu res voto promissa est bona ex objecto.

S. V.

De obligatione Voti.

Prop. unica. Votum obligat sub peccato juxta rationalem intentionem voventis.

Prob. 1. Script. Quod semel egressum est de labiis tuis, observabis, & facies sicut promissisti Domino Deo tuo, & propria voluntate, & ore locutus es. Deut. 23. v. 22. Quodcumque voventis, redde; multoque melius est non vovere, quam post votum promissa non reddere. Eccles. 5. 4.

2. Ex Innoc. Epist. ad Vitricium. Inter homines bonæ fidei solent contractus nulla ratione dissolvi; quanto magis ista pollicitatio, quam cum Deo pepigit virgo, sine vindicta solvi non debet?

3. Votum frangere, ex Aug. in Psal. 83. est retro respicere; retro autem respicere juxta phrasim evangelicam est in infernum descendere, & a Paradiso deviare: & proinde votum frangere est gravissime peccare. Alius, inquit Aug. ex munere Dei vocat, statuit nec nuptias pati: non damnaretur, si duxisset uxorem: post votum, quod promissit Deo; si duxerit, damnabitur: quare, nisi quia respexit retro?

4. Votum est privata lex, quam sibi præfigit voventis: ergo sicut lex ligat juxta intentionem rationalem legislatoris, ita votum ligat juxta intentionem rationalem voventis.

Conseclaria hujus Doctrinæ.

Consecl. 1. Peccat peccato sacrilegii quicumque infringit votum; quia hæc est rationalis voventis intentio, ut vovendo constringat se Deo nexu Religionis, sicuti promittendo constringit se homini vinculo fidelitatis: ac proinde infringens votum fit reus sacrilegii, sicuti infringens promissum est reus infidelitatis.

Consecl. 2. Quicumque infringit votum, peccat peccato mortali, si materia sit gravis: peccat veniali, si materia sit levis; quia votum ligat juxta rationalem intentionem voventis, sicuti lex ligat juxta intentionem rationalem Legislatoris. Ergo sicut lex obligat sub mortali in materia gravi, sub veniali in materia levi; ita & votum. Ita D. Th. Qui votum recte factum prætermittit, mortaliter peccat, scilicet in materia gravi; quia fidem, quam cum Domino iniit, frangit. In 4. d. 38. q. 1. a. 2. Si vero materia sit levis, peccat venialiter, inquit Sorus; quia votum non potest magis urgere,

quam lex Ecclesiastica, vel divina, quæ ligant tantum sub veniali in materia levi.

Consecl. 3. Quicumque infringit votum solemne, gravius peccat, quam qui infringit votum simplex, quia promissio solemnis fortius ligat, quam promissio simplex: ita tamen quod utriusque voti violatio sit peccatum mortale, si materia sit gravis. Ita D. Th. Votum solemne fortius habet obligationem apud Deum, quam votum simplex: & gravius peccat qui illud transgreditur. Quod autem dicitur, quod votum simplex non minus obligat apud Deum, quam solemne; intelligendum est quantum ad hoc, quod utriusque transgressor, scilicet in materia gravi, peccat mortaliter. 2. 2. q. 88. a. 7. ad 1.

Consecl. 4. Quicumque infringit votum vel simplex, vel solemne, si votum sit de re jam præcepta, bis peccat. 1. Contra præceptum. 2. Contra votum: quæ circumstantia, utpote varians speciem, debet in confessione explicari, ut jubet Tridentinum; quia intentio voventis aliquid jam præceptum, est novo vinculo se obligare ad exequendam rem præceptam, novoque peccato se innodare, si violatur res præcepta. Sic qui vovit castitatem, si utatur delectatione venerea, peccat contra castitatem & contra Religionem.

Consecl. 5. Quicumque votum elicit, tenetur illud adimplere juxta terminos suæ intentionis, quando expressa est voventis intentio; quia, ut docet D. Th. 2. 2. q. 88. a. 3. ad 3. obligatio voti ex propria voluntate & intentione causatur.... & ideo si in intentione & voluntate voventis est obligare se ad statim solvendum, tenetur statim solvere: si autem ad certum tempus, vel sub certa conditione, non statim tenetur solvere, sed nec tardare debet ultra quam intendit se obligare. Dicitur enim Deut. 23. Cum votum voveris Domino Deo tuo, non tardabis reddere; quia requirit illud Dominus Deus tuus, & si moratus fueris, reputabitur tibi ad peccatum.

Sic qui vovit rem certam determinatam, v.g. hunc calicem, tenetur rem illam, & non aliam dare. Itaque si casu pereat res illa, non tenetur aliam substituere: si vero vovens rem illam vendidisset, teneretur dare pecuniam, quam accepit; quia intentio voventis fuit rem illam determinatam dare, vel ejus pretium restituere, si rem Deo per votum destinatam alio diverteret.

Sic qui vovit aliquid certo loco, certo tempore, tenetur juxta determinatum locum, & tempus rem voto promissam facere; & si prædicto loco, vel tempore fieri nequeat, non tenetur aliud substituere; v.g. qui vovit jejunare certo die, & transacto, non tenetur alio

alio die jejunare. Qui vovit talem Religionem, repulsus ab illa non tenetur aliam ingredi, quia intentio voventis ad rem tali tempore, talive loco exequendam ferebatur.

Consect. 6. Quando intentio voventis non est expressa, & determinata, qui votum elicit tenetur illud adimplere non juxta rigidior, vel laxiorem sensum verborum, quibus vovendus est, sed secundum communem, & usitatam acceptionem eorumdem verborum; quia votum est privata lex, quam vovens sibi præfigit; lex autem ligat non juxta rigidior, vel laxiorem interpretationem, sed juxta communem acceptionem: ergo & votum ligat eodem modo.

Sic, qui vovit aliquid in genere, non determinando qualitatē illius generis, satisfacit voto, dando, aut faciendo aliquid illius generis, modo illud quod fit, non sit adeo vile, aut parvum, ut votum videatur potius irrideri, quam solvi; quia intentio voventis aliquid in genere ea est, ut nec optimum, nec vilissimum, sed commune illius generis offeratur.

Ac proinde, qui vovit Religionem in genere, pie se geret, si ingrediatur rigidior; imprudenter, si ingrediatur laxior; sed voto satisfacit modo ingrediatur Religionem, in qua observantur vota essentialia Religionis.

Similiter, qui vovit triticum, &c. non tenetur dare optimum, sed satisfacit voto, si det commune, minime vero, si det plane vilissimum.

Denique, qui vovit argentum, triticum &c. non determinando quantitatem, non tenetur dare omnem eam quantitatem, quam potest, sed satisfacit voto, si det id quod commodum potest; minime vero, si ita parum daret, ut votum videretur irridere potius, quam solvere.

Consect. 7. Qui vovit aliquid sub conditione futura, tenetur voto, si ponatur conditio: non ligatur voto, si citra culpam voventis non ponatur conditio; quia intentio voventis ea est, ut ligetur non absolute, sed conditionate.

Sic, vovisti religionem, si pater convalescat; teneris voto, si pater convalescat, secus, si aliter eveniat.

Consect. 8. Qui vovit aliquid sub conditione futura, si malitia, vel dolo, vel vi impediatur, ne ponatur conditio, tenetur voto; quia intentio rationalis voventis talis debet esse, ut voto sese innodatum judicet, si conditionem, a qua dependet votum, fraudulenter impediatur: nemini enim sua fraus debet patrocinari.

Sic, vovet quis religionem, si sanitatem recuperet intra mensem; postea dolo, malitiave, ex intemperantia, eam non obtinet, tenetur voto.

Sic, vovet quis religionem, si a fornicatione per annum abstineat; ex malitia, & prava intentione non abstinet, tenetur voto.

Consect. 9. In dubiis circa vota tutior pars est amplectenda; quia rationalis intentio voventis talis debet esse, ut velit potius favere legi, quam libertati. Id docet D. Th. his verbis: *Si dubitet, quomodo se in vovendo habuerit, debet tutiorem viam eligere, ne se discrimini committat.* in 4. sent. dist. 38. q. 1. a. 3. q. 1. ad 6.

Sic, quando aliquis certus est se vovisse, dubitat autem, quam habuerit intentionem in vovendo, tenetur votum observare; quia præsumitur se habuisse intentionem requisitam ad vovendum; & quia hæc via est tutior.

Sic, quando vovens certus est se vovisse, sed dubitat, an habuerit sufficientem deliberationem, an votum ex metu processerit, an metus fuerit gravis, vel levis, tenetur votum observare; quia possessio stat pro voto, quod emissum fuisse constat; & quia via hæc tutior est.

Sic, quando vovens dubitat, an adimpleverit votum, quod certo scit eliciuisse, tenetur adimplere; quia possessio stat pro voto: & via hæc tutior est.

Sic si dubitet quis, an emisit votum, in dubio debet saltem dispensationem petere, quia hæc via est tutior.

S. VI.

De cessatione voti ex parte objecti.

Prop. unica. Obligatio voti cessat, quoties objectum, quod est materia voti, fit vel impossibile, vel illicitum, vel vanum.

Prob. 1. Script. *Displicet Deo stulta & infidelis promissio.*

2. Ex D. Th. *Qui vovet, quodammodo statuit sibi legem, obligans se ad aliquid, quod est secundum se, & in pluribus bonum; tamen potest contingere, quod in aliquo casu sit vel simpliciter malum, vel inutile, vel majoris boni impeditivum, quod est contrarium ejus, quod cadit sub voto: & ideo necessarium est, quod determinetur in tali casu, votum non esse servandum.* 2. 2. q. 88. a. 10. in corp.

3. Adimpletio voti eo tendit ut colatur Deus; quia votum est actus religionis: in talibus autem circumstantiis Deus non coleretur, sed irrideretur: ergo votum tunc non obligat.

Consect.

Confessaria hujus Doctrinae.

Confess. 1. Obligatio voti cessat ex supra dictis, quando obiectum, quod est materia voti, est impossibile ei, qui votum elicit: ergo cessat in sequentibus casibus.

Vovisti dare eleemosynam, & factus es pauper, non teneris voto, nisi juxta tuas facultates... Vovisti jejunium, factus es inermis, non teneris voto... Vovisti virginitatem, post votum illicite contraxisti matrimonium, non teneris servare virginitatem, abstinendo omnino a copula conjugali; quia injuriam faceres comparti; sed teneris servare votum, in quo potes: debes abstinere a petendo debito conjugali, ut satisfacias voto, & debes reddere debitum conjugale comparti postulanti, ut satisfacias justitiae.

Confess. 2. Quando votum extendit se ad principale & accessoria, si principale sit impossibile, non ligat quoad accessoria; quia accessorium sequitur principale.

Sic, vovisti construere Ecclesiam, & dare ornamenta Ecclesiae constructae, non potes construere Ecclesiam, potes tamen dare ornamenta alteri Ecclesiae; non teneris dare ornamenta.

Sic, vovisti peregrinationem facere accinctus cilicio, non potes peregrinari, potes tamen cilicio accingi; non teneris accingi cilicio.

Confess. 3. Quando materia voti sit illicita ei, qui votum elicit, votum non ligat ex dictis; quia votum debet esse de majori bono: ergo cessat in sequenti casu & similibus.

Sic existens in saeculo, vovisti te datum pauperibus quidquid labore manuum tuarum acquireret, factus religiosus non teneris voto: quia illicitum est religioso disponere de bonis, quae labore suo acquirit: quia quidquid acquirit Monachus, Monasterio acquirit.

Confess. 4. Votum non ligat ex dictis, quando materia voti sit vana, & indifferens, & non conducens ad gloriam Dei: ergo votum cessat in sequenti casu &c. Vovisti te non transitorium per aliquam viam, quia ibi occurrit tibi mulier, te alliciens ad peccandum: moritur illa mulier, nullaque superest nascens ex ea via occasio peccandi, votum non ligat, quia materia hujus voti vana est & indifferens.

§. VII.

De cessatione voti interventu auctoritatis humanae.

Nota. Votum cessat interventu auctoritatis humanae multipliciter. 1. Irritatione. 2. Commutatione. 3. Dispensatione.

De irritatione voti.

Nota. Irritatio generatim est actio, qua superior declarat se contradicere, & tollere, quantum in se est, votum emissum a suo inferiori.

Irritatio est duplex, directa, & indirecta.

Irritatio directa est actio, qua superior dominans voluntati inferioris, declarat se rescindere votum emissum a suo inferiore: talis est actio, qua pater rescindit votum filii impuberis.

Irritatio indirecta est actio, qua superior dominus, non voluntatis, sed obiecti, quod est materia voti eliciti a suo inferiore, auctoritate sua declarat se nolle obiectum, cuius est dominus, esse materiam voti sui inferioris: talis est actio, qua uxor habens potestatem, non circa voluntatem, sed circa corpus viri sui, declarat, se nolle acquiescere voto castitatis, quod maritus post initum matrimonium elicit.

Prop. 1. Superior, qui habet dominium supra voluntatem inferioris, potest directe, si velit, irritare quodlibet votum inferioris.

Prob. 1. Script. Si contradixerit pater, vota & juramenta filiorum irrita erunt. N. 30. v. 6.

2. Ex D. Th. Si puer, vel puella ante annos pubertatis nondum habeat usum rationis, nullo modo potest ad aliquid voto se obligare: si vero ante annos pubertatis attingit usum rationis, potest quidem, quantum in se est, se obligare; sed votum ejus irritari potest per parentes, quorum cura remanet subiectus. 2. 2. q. 88. a. 9.

3. Rat. Qui non est sui juris, non potest se obligare juramento vel voto, nisi dependenter a superiore; quia aliter superiori faceret injuriam: quod si inferior invito superiori se voto ligaverit, poterit ejus votum, utpote injustum, declarari nullum ab ejus superiore.

Confessaria hujus Doctrinae.

Confess. 1. Pater, & mater, avi, tutores possunt irritare vota quaecumque filiorum impuberum sibi subditorum; quia nondum sunt

sunt sui juris. Non tamen possunt irritare vota filiorum puberum; quia sunt sui juris.

Consect. 2. Dominus potest irritare omnia vota mancipiorum; quia non sunt sui juris.

Consect. 3. Superior spiritualis, v.g. Papa, Episcopus, Abbas, Prior, possunt directe irritare vota suorum inferiorum; quia hi non sunt sui juris: non possunt tamen irritare vota elicita circa ea, quæ eis non subijciuntur: v.g. Papa non potest irritare votum de re aliunde præcepta, v.g. votum non furandi, votum non mœchandi; quia in hoc Papa non est dominus. Episcopus non potest irritare votum, quod non est contra bonum suæ Dioceseos; quia in hoc Episcopus non est dominus. Abbas & Prior non possunt irritare vota Novitiorum; quia Novitii non subduntur Prælati. Non possunt pariter irritare vota, quæ Religiosi eliciunt transiendi ad strictiorem Religionem; quia Religiosi non subduntur quoad hoc Abbati vel Priori.

Monit. Votum irritatum directe, non reviviscit; quia declaratum fuit nullum. Si ratificetur eo tempore, quo vovens non est sui juris, non ligat, nisi consentiat superior: si vero ratificetur eo tempore, quo vovens est sui juris, ligat; quia tunc novum votum elicitur. Sic, si impubes & mancipium rata habeant vota directe irritata, quando facti sunt sui juris, tenentur voto; quia votum irritatum nova promissione reviviscit.

Prop. 2. Superior, qui habet dominium supra materiam voti, potest indirecte votum sui inferioris irritare.

Prob. 1. Ex D. Th. *Quicumque autem subiectus est alicui, quantum ad id, in quo subiectus est, non est potestatis suæ facere quod vult, sed dependet ex voluntate alterius; & ideo non potest se firmiter obligare per votum in his, in quibus alteri subijciuntur, sine consensu sui superioris.* 2. 2. q. 88. a. 8. Ergo potest superior materiam illius voti sibi reservare: & hoc est irritare votum indirecte.

2. Rat. Qui non est Dominus objecti, quod est materia sui voti, non potest citra injustitiam eam Domino offerre: ergo votum ejus potest irritari indirecte per illum, qui habet auctoritatem supra talem materiam.

Consecratoria hujus Doctrinæ.

Consect. 1. Pater, & mater, avus, tutor possunt irritare indirecte ea vota, quæ filii, nepotes, pupilli elicerunt post annos pubertatis, si eadem vota contrariantur recto familiæ gubernio; quia ea materia eis subijcitur: minime vero vota, quæ non repugnant familiæ

gubernio; quia hæc materia non eis subijcitur: ita D. Thom. *Ex quo homo venit ad annos pubertatis, si sit libera conditionis, est suæ potestatis quantum ad ea, quæ pertinent ad suam personam; puta, quod se obliget religioni per votum, vel quod matrimonium contrahat; non autem est suæ potestatis, quantum ad dispositionem domesticam: unde circa id non potest aliquid vovere, quod sit ratum sine consensu patris.* 2. 2. q. 88. a. 8. ad 2.

Consect. 2. Superior Religionis potest indirecte irritare omnia vota Novitiorum, quæ impediunt exercitia Novitiatum; quia hæc materia illi subijcitur: minime alia vota, quæ Novitius elicit, v.g. intrandi in Religionem strictiorem; quia hæc materia non ei subijcitur.

Consect. 3. Uxor potest irritare indirecte vota omnia mariti, quæ repugnant statui conjugali, v.g. votum castitatis, quod eliciisset inito matrimonio, non vero quod eliciisset ante matrimonium; quia ante matrimonium nullam habebat auctoritatem supra corpus mariti, bene tamen post matrimonium initum.

Consect. 4. Dominus potest indirecte irritare vota, & juramenta servorum, quibus servii sunt inhabiles ad servitium. *Servus autem,* inquit D. Thom. *quia est in potestate domini, etiam quantum ad personales operationes, non potest se voto obligare ad Religionem, per quam ab obsequio domini sui abstraheretur.* Ibid. Quod debet intelligi de mancipiis, non vero de servis, quibus vulgo utimur; hi enim habent haud dubie potestatem providendi suæ salutari, sicuti filii familias, etiam subrahendo se a servitio dominorum suorum.

Consect. 5. Papa potest irritare omnia vota, quæ possent torius Ecclesiæ bono obesse, verb. grat. votum manendi in aliqua peculiari Diocesi, in aliqua peculiari congregatione, si votum illud impediatur bonum Ecclesiæ, verb. grat. si Papa opus haberet, ut talis operarius serviret Ecclesiæ in alio loco; quia Papa auctoritatem habet circa ea, quæ spectant universalis Ecclesiæ regimen: sicut pater familias habet auctoritatem circa ea, quæ spectant domus gubernium.

Consect. 6. Episcopus potest irritare indirecte omnia vota elicita a suis subditis, si illa vota bono suæ Dioceseos præjudicium afferrent, v.g. votum serviendi alicui peculiari Ecclesiæ, quia Episcopus habet auctoritatem circa ea, quæ spectant regimen suæ Dioceseos: sicut pater familias circa ea, quæ spectant gubernium domus.

Monit.

Monit. Vota indirecte irritata reviviscunt hoc ipso quod cessat iniuria, & præjudicium personæ irritantis; quia votum non irritatur indirecte, nisi ut impediatur iniustitia, quæ a vovente committeretur, si tum votum observaretur.

Sic, vir conjugatus vovit castitatem, votum illius irritatur indirecte ab uxore; maritus misset liber a voto vivente uxore: moritur uxor, votum reviviscit, & tenetur servare castitatem.

Sic, minor vovet se daturum pecunias pauperibus, votum illud irritatur a tutore; minor liber est a voto durante minoratu, sed transacto minoratu minor tenetur dare pauperibus quod promissit.

De commutatione voti.

Nota. Commutatio voti est substitutio rei bonæ & honestæ in locum rei per votum promissæ: ut quando peregrinatio voto promissa mutatur in elemosynam.

Prop. unica. Quilibet potest commutare votum in rem meliorem, si Deo hic & nunc judicetur magis accepta. In rem minorem vel æqualem non potest mutare, nisi solus superior.

Prob. prima pars, quod scilicet quilibet potest commutare votum in rem meliorem. Bern. Epist. 57. *Non arbitror Deum exigere quodcumque promissum votum, si pro eo aliquid melius fuerit persolverum.*

2. *Rat.* Ratio id convincit; quia tunc major honos Deo rependitur.

Sic, vovisti peregrinationem, potes tua autoritate mutare votum peregrinandi in alia pietatis exercitia, quæ ad salutem magis conducent, quam peregrinatio: v. g. si per dies aliquos in pium locum secedas, ibique unice de reformanda vita cogites.

Prob. secunda pars, scilicet, quod solus superior Ecclesiasticus possit mutare votum in rem vel æqualem, vel minorem.

1. Ex D. Th. 2.2. q. 88. a. 12. ubi sic loquitur: *Prælati in Ecclesia gerit vicem Dei, & ideo in commutatione, vel dispensatione votorum requiritur Prælati autoritas, qui in persona Dei determinet quid sit Deo acceptum.*

2. *Rat.* Commutatio voti in minus vel in æquale, est actus jurisdictionis, quo declaratur Deum potius acceptaturum id quod offertur post commutationem, quam id quod voto oblatum fuerat: ergo ad hanc declarationem juridicam requiritur, non solum doctrina prudentis viri, uti sufficit cum votum mutatur in rem meliorem;

sed necessum est etiam, ut interveniat Prælati autoritas.

Consecraria hujus Doctrinæ.

Consect. 1. Quando evidenter constat votum in rem meliorem, & Deo gratiorem commutari, non est recurrendum ad superiorem; sed sufficit recurrere ad prudentem virum, vel ad proprium iudicium: tunc enim, ut ait Cajet. verbo *votum: Deo, cui facta est promissio, satisficit plenius, dando majus, & acceptius ei bonum.*

Sic, quodcumque votum eliqueris, potes illud propria autoritate mutare in votum Religionis, quam proferitis; omnia enim vota particularia, quantumcumque perfecta sunt, mutantur in melius, cum mutantur in professionem Religiosam. Dicendum, inquit D. Th. *quod omnia alia vota sunt quorundam particularium, sed per Religionem homo totam suam vitam Dei obsequio deputat; particularis autem, in universali continetur. Ideo Decretalis dicit: Reus voti facti non habetur, qui temporale obsequium in perpetuam Religionis observantiam commutat; nec Religionem ingrediens tenetur implere vota vel jejuniorum, vel orationum, vel aliorum ejusmodi, quæ in sæculo fecit.* 1. 2. q. 88. a. 12. ad 1.

Consect. 2. Quando non constat, sed dubitatur, an votum mutetur in rem meliorem, tunc recurrendum est ad superiorem, qui genere vices Dei talem mutationem acceptet.

Observa ex Cajetano, verbo *votum*, quod commutatio non tollit vinculum voti, sed mutat materiam voti: unde etsi de rigore juris commutatio sufficiens videatur, si fiat in aliquid æquale; tamen ut commutans tutior sit, commutet semper in aliquid melius.

De dispensatione.

Nota. Dispensatio est relaxatio vinculi voti, seu condonatio obligationis erga Deum a vovente contractæ.

Prop. unica. Solus Prælati Ecclesiasticus habens jurisdictionem potest dispensare.

Prob. 1. Script. *Nam & ego*, inquit Paulus, quod donavi, propter vos in persona Christi. 2. Corinth. c. 2. v. 10. Ergo in condonatione, seu dispensatione requiritur autoritas veniens a Christo.

2. *Rat.* & author. D. Th. 2.1. q. 88. a. 12. *Fortum est promissio facta Deo de aliquo, quod sit Deo acceptum. Quid sit autem in aliqua promissione acceptum ei, cui promittitur, ex seipso pendet arbitrio. Prælati autem in Ecclesia*

clesia gerit vicem Dei : & ideo in commutatione , vel dispensatione votorum requiritur Prælati auctoritas , qui in persona Dei determinet , quid sit Deo acceptum .

3. *Kar.* Sicut lex obligat ad aliquid faciendum ; ita & votum : sed ad dispensandum in præcepto legis requiritur auctoritas superioris : ergo pari ratione etiam in dispensatione voti .

Consecraria hujus Doctrinæ .

Consect. 1. Papa potest dispensare in omnibus votis dispensabilibus ; quia habet universalem auctoritatem in Ecclesia . Ita D. Th. *Dicendum , quod quia summus Pontifex gerit plenarie vicem Christi in tota Ecclesia , ipse habet plenitudinem potestatis dispensandi in omnibus dispensabilibus votis ; aliis autem inferioribus Prælati committitur dispensatio in votis , quæ communiter sunt , & indigent frequenti dispensatione , ut habeant de facili homines ad quem recurrant , sicut sunt vota peregrinationum , jejuniorum , & aliorum hujusmodi .* 2. 2. q. 88. a. 12. ad 3.

Vota autem , quæ reservantur summo Pontifici , sunt . 1. Votum absolutum perpetuæ castitatis . 2. Votum Religionis promissæ . 3. Votum peregrinationis Terræ sanctæ , ad limina Apostolorum , & ad sanctum Jacobum Compostellanum .

Consect. 2. Papa potest dare potestatem dispensandi in prædictis votis ; quia qui habet supremam auctoritatem , & non est delegatus , uti est Pontifex , potest alium delegare .

Sic Papa dat aliquando cuilibet Sacerdoti potestatem dispensandi in votis tempore Jubilæi , & alio tempore aliquibus Confessariis a se deputatis .

Consect. 3. In minoribus & communibus votis dispensare possunt Episcopi suos subditos , & Prælati regulares suos pariter subditos , quia utrique habent jurisdictionem relative ad suos subditos ; Episcopi quidem jure divino , posuit enim Deus Episcopos regere Ecclesiam Dei ; Prælati Regulares ex jure Ecclesiastico , quia ex privilegio Regulares subjiuntur suis Abbatibus .

Consect. 4. Tria sunt vota , in quibus solus Romanus Pontifex , ordinarie , non quidem ex aliquo jure scripto , sed ex consuetudine , quæ æquivalet reservationi vir-

tuali , potest dispensare . Ea sunt ex jam dictis . 1. Votum castitatis perpetuæ . 2. Votum dandi nomen Religionis approbatæ . 3. Votum peregrinationis ad limina Apostolorum , ad S. Jacobum , ad urbem Hierosolymitanam ; quia ea vota ex usu , quæ æquivalent legi , reservantur summo Pontifici .

Consect. 5. In quibuscumque aliis votis possunt fideles a suis Episcopis dispensari ; quia circa illa vota Episcopi habent auctoritatem episcopalem jure divino nulla reservatione restrictam . Unde ab Episcopo dispensabilia sunt . 1. Votum non nubendi . 2. Votum castitatis ad tempus . 3. Votum non petendi debitum conjugale . 4. Votum suscipiendi Ordinem sacrum , licet ex institutione Ecclesiæ annexum habeat votum solemne castitatis . (a) Votum conditionatum perpetuæ castitatis , conditione manente adhuc in suspensio ; minime vero adimpleta conditione : v. g. si filius aut filia voverit perpetuam continentiam , si pater ex bello vel captivitate redeat , Episcopus conditione non posita potest dispensare ; conditione posita non potest dispensare , quia votum conditionatum posita conditione transit in absolutum ; in incertum vero & conditionatum , conditione manente in suspensio . 6. Votum Religionis strictioris , v. g. Carthusianorum , modo intretur in mitoriorem Religionem ; quia non est dispensatio circa Religionem , sed circa circumstantias Religionis . 7. Votum dubium & ambiguum : ut si dubitetur , utrum sufficiens præcesserit deliberatio in promittente . 8. Votum emissum in gratiam alicujus tertię personæ , si votum illud non acceptaverit neque per se , neque per aliam vices ejus gerentem . Ratio prædictorum omnium est , juxta Cabasilum lib. 1. c. 8. Theoriæ & praxis juris n. 14. quia absoluta & discrete concepta vota esse convenit , ut Papæ reservata censeantur , & quia ita necesse esse compertum est ob gravia animarum pericula , quibus se quamplurimos implicare videmus ex nimia facilitate , & præcipiti fervore se votis adstringendi .

Consect. 6. Abbas potest dispensare suos Monachos in votis omnibus summo Pontifici non reservatis ; quia Abbas habet jurisdictionem supra suos Monachos quasi episcopalem .

Consect. 7. Capitulum potest sede vacante dispensare in eisdem votis , in quibus Episcopus , quia habet jurisdictionem Episcopi .

(a) Loquor secundum vulgarem opinionem . Scio secundum aliquos Authores , Subdiaconos , & Diaconos , & Presbyteros non teneri ad servandam continentiam ex vi voti , sed ex Lege Ecclesiastica , quæ a Syricio vocatur inviolabilis .

Quæ causæ requirantur ad hoc ut valida & licita sit & commutatio & dispensatio, dictum est ubi de dispensatione legis; eadem enim est ratio utriusque, cum votum sit quasi quædam lex; quam sibi vovens constituit. Motivum vero commutandi & dispensandi in votis debet esse major Dei gloria, utilitas Ecclesiæ, & bonum spirituale illius, qui vovit.

CAPUT IV.

De vitiis oppositis Religioni.

Vitia opposita Religioni sunt Superstitio, & irreligiositas. Superstitio opponitur Religioni per excessum: irreligiositas per defectum.

ARTICULUS I.

De Superstitione & ejus speciebus.

Superstitio est cultus vitiosus per excessum, quo vel creatura colitur ut Deus, vel Deus aliter colitur, quam oporteat. Superstitio est vitiosa vel ratione objecti, vel ratione modi.

Superstitio vitiosa ratione objecti test, quando colitur falsum Numen, quod contemnendum est potius, quam colendum.

Superstitio vitiosa ratione modi est, quando verum Numen aliter colitur, quam oporteat.

Actus superstitionis vitiosæ quoad objectum sunt idololatria, divinatio, vana observantia, maleficium, magia.

Idololatria est actus, quo cultus Deo debitus redditur creaturis.

Divinatio est actus, quo tacite, vel expresse invocatur dæmon ad cognoscendam futura contingentia.

Vana observantia est actus, quo tacite vel expresse invocatur dæmon, observando aliquid non conducent & insufficiens ad id, quod expectatur.

Maleficium est actus, quo tacite, vel expresse invocatur dæmon ad nocendum aliis.

Magia est actus, quo tacite vel expresse invocatur dæmon ad operandum mira & stupenda.

Actus superstitionis vitiosæ quoad modum sunt cultus perniciosus, & cultus superfluous.

Cultus perniciosus est cultus Deo exhibitus contra veritatem fidei: ut si quis Christum jam natum suis ceremoniis quasi venturum expectaret, ut faciunt Judæi.

Cultus superfluous est cultus Deo exhibitus contra solum Ecclesiæ morem: ut si quis agat contra Rubricas Ecclesiæ vel in Missa celebranda, vel in Officio recitando.

ARTICULUS II.

De regulis ad dignoscendam superstitionem ex objecto.

Prop. 1. Toties actus est superstitiosus ex objecto, quoties res quæ fit, non habet virtutem inducendi effectum, qui expectatur, virtutem, inquam; vel ex natura sua, vel ex Dei elevatione: quæ elevatio divina non debet præsumi, nisi in eis, quæ Deus se elevaturum promissit.

Prob. authorit. & ratione D. Thom. 2. 2. q. 96. a. 2. In his, quæ sunt ad aliquos effectus particulares inducendos, considerandum est, utrum videantur possē naturaliter effectus tales causare; sic enim non erit illicitum, licet enim causas naturales adhibere ad proprios effectus: unde si naturaliter non videantur posse tales effectus causare, consequens est, quod nec adhibeantur ad hos effectus causando tanquam causæ, sed solum quasi signa; & sic pertinent ad pacta significationum cum demonibus inita. Unde S. Aug. lib. 21. de Civit. Dei cap. 6. scribit: Illicuntur demones ad inhabitandum per creaturas, quas non ipsi, sed Deus condidit, delectabilibus pro sua diversitate diversis, non ut animalia cibis, sed ut spiritus signis, quæ cujusque delectationi congruunt per varia genera lapidum, herbarum, lignorum, animalium, carminum, rituum. Ergo juxta D. Aug. & D. Th. toties præsumi, vel timeri debet superstitio, quoties res quæ fit, non habet vim neque naturalem, neque supernaturalem inducendi effectum, qui expectatur. 2. 2. q. 96. a. 2. in corp.

Conseclaria hujus Doctrinæ.

De his, in quibus non est superstitio.

Consecl. 1. Non est superstitio expectare gratiam a Sacramentis; quinimo actus Religionis est: quia Sacramenta ex Dei promissione facta Ecclesiæ, eleantur divinitus ad producendam gratiam.

Consecl. 2. Non est superstitio attendere ad tempus Jubilæi, Indulgentiarum, Festivitatum, &c. ut eo tempore ferventius orationi vacemus, & gratiam a Deo expectemus; quia non illa tempora ferviliter observamus, ut Judæi, sed ea potius inspicimus, quæ temporibus significuntur, ut docet Aug.

con-

contra Adimantum cap. 16. *Nos quoque Dominicam diem, & Pascha solemniter celebramus; & quaslibet alias Christianas dierum festiuitates; sed quia intelligimus, quod pertineant, non tempora observamus, sed quæ illis significantur temporibus.*

Consect. 3. Non est superstîtio figuram Crucis secum deferre, sanctum Dei Evangelium, Rosarium, Scapulare, si pio animo fiat, nullisq; vanis circumstantiis adjunctis vitietur; in his enim actionibus tota fiducia in Deo collocatur. Eadem est ratio ex D. Thom. de reliquiis Sanctorum, quæ ex devotione portantur; ita enim loquitur 2. 2. q. 96. a. 4. ad 3. *Quia si portentur ex fiducia Dei & Sanctorum, quorum sunt reliquæ, non erit illicitum: si autem circa hoc attenderetur aliquid aliud vanum, puta, quod vas esset triangulare, aut aliquid aliud bujusmodi, quod non pertineret ad reverentiam Dei, & Sanctorum, esset superstîtiosum & illicitum.* Et Aug. Tract. 7. in Joan. *Cum caput tibi dolet, laudamus si Evangelium ad caput tibi posueris, & non ad ligaturam cucurreris.*

Consect. 4. Non est superstîtio observare Lunam, aut tempora aptiora colligendis herbis, purgandis corporibus, dandis remediis, cædendis arboribus, &c. v. g. observare crescentem aut decreascentem Lunam; quia longior multorum experimento constat, causas naturales vim efficaciorẽ habere certo tempore, quam alio.

Consect. 5. Non est superstîtiosum uti cælestibus signis, & volatu avium ad cognoscendum certos effectus naturales; quia iuxta omnes ex syderum inspectione & avium volatu prænuntiari possunt tempestatum mutationes, pluvix, grandines, &c. Altra prænuntiant certos futuros effectus naturales, quales sunt eclipes, pluvix, &c. quippe ex Dei institutione facta sunt, ut sint in signa, & tempora, & dies, & annos, Gen. i. v. 14. Illos eisdem effectus aves prænuntiare possunt; hyrundo enim adventans, ver adventare significat; & recedens, hyemem denotat. Hinc est, quod Jer. c. 8. v. 7. dicitur: *Milvus in cælo cognovit tempus suum, turtur, & hirundo, & ciconia custodierunt tempus adventus sui.*

Consect. 6. Vana quidem curiositas est uti astrorum aspectu, situ, & influxu in puncto nativitatis alicujus ad cognoscendum etiam conjecturaliter ejus temperamentum; quia astrorum distantia, rapidissimus illorum motus, & plures alii obices impediunt, ne certo cognoscamus, quis fuerit aspectus astrorum: in puncto conceptionis, & nativitatis illud:

illius, cujus temperamentum indagamus; sed absolute non est superstîtio uti hac inspectione: etenim si altra influat in hæc inferiora, ut multi tenent Philosophi, possunt aliquid in corporeis humoribus efficere, & ad cognoscendum temperamentum inservire; unde vulgo dicitur, quod qui nascuntur sub Marte, sunt ad bellum proclives, &c.

Consect. 7. Vana quidem curiositas est uti lineamentis manuum, frontis, &c. ad cognoscendum etiam conjecturaliter temperamentum hominis; quia, ut fert vulgare effatum, frons, oculi, vultus persæpe mentiuntur: sed uti lineamentis ad cognoscendum conjecturaliter habitualem propensionem, non est absolute superstîtio; humores enim multum conducunt ad habitualem propensionem: humores autem produunt se exteriori in carne; unde natum illud effatum: *Qualis prævaleat humor in corpore, talis perhibetur in cute.*

Consect. 8. Non est superstîtio uti virga salicæ, vel amygdalinæ ad inveniendas aquas in terra latentes; imo ad inveniendas fodinas metallorum; id enim fieri cernimus a certis hominibus sub certo signo cælesti nativitate, quin tamen ullum cum Dæmone pactum, vel explicitum, vel implicitum fecerint. Sed non idem dicendum de his, qui quosvis thesauros a se condunt a Dæmone, ut dicunt, custoditos jactitant se inventuros: ibi enim est superstîtio, ut infra dicitur.

Consect. 9. Non est superstîtio adhibere herbas, lapillos, &c. ad sanitatem inducendam, morbosque depellendos; quia possunt habere talem vim naturaliter, licet nobis incognitam: nec statim conjicienda est superstîtio, modo nihil sit ridiculum, in precibus; & si quid sit ridiculum, debet emendari.

Consecratoria bujus Doctrinæ.

De his, in quibus est superstîtio.

Consect. 1. Superstîtio divinatoria est sperare cognitionem futurorum aliunde quam a Deo; quia solus Deus est qui cognoscit futura. *Annuntiate quæ ventura sunt in futurum, & sciemus, quia Dii estis vos.* Mai. 4. v. 23.

Consect. 2. Superstîtio artis notoriæ est sumere potionem, vel bolum, vel deferre ligaturam, ut repente has doctus; quia hæc non habent secundum se virtutem causandi scientiam, ut docet D. Th. 2. 2. q. 96. a. 1. in corpore. Deus enim est qui scientiam infundit, juxta:

Consect. 3. Superstitio est deferre ligaturas, ut fias invulnerabilis, inviolabilis, impenetrabilis; quia hæc non habent virtutem ad inducendum talem effectum: *Sturritatem in rebus gerendis, fortunæ certum ac penes enim illi effectus a solo Deo provenire possunt.* D. Th. ibid. a. 2. ad 1.

Consect. 4. Superstitio vanæ observantiæ est habere dies alios tanquam faustos, alios tanquam infaustos; quia dies non possunt inducere infortunium: & variæ illæ observantiæ, ut loquitur D. Th. *videntur esse quedam reliquæ idololatriæ, secundum quam observabantur auguria, & quidam dies fausti, vel infausti.* 2. 2. q. 96. a. 3. in corp.

Consect. 5. Superstitio vanæ observantiæ est deferre imagines astronomicas, Gallice *talismans*, ex ære, vel plumbo, vel auro, vel ex alia materia confectas cum ignotis characteribus, expectando insolitos effectus ab illis; quia *totum hoc*, inquit Aug. *perinet ad Dæmones ludificatores animarum fibimet subditarum.* Lib. 10. de civitate Dei cap. 11. & juxta D. Thom. *Imagines, quas astronomicas vocant, ex operatione dæmonum habent effectum; cujus signum est, quod necessarium est eis inscribi quosdam characteres, qui naturaliter ad nihil operantur.* 2. 2. q. 96. a. 2. ad 2.

Consect. 6. Superstitio est adhibere preces aliquas, quibus tu, vel animalia tua laudentur, nisi preces illæ sint ab Ecclesia approbatæ; quia, ut ait Hilarius, in hæc verba plat. 64. *Te decet hymnus Deus in Sion. Vota tantum Ecclesiasticæ Religionis utilia sunt, quæ cum & dignis Deo cantionibus, & propositis in Ecclesia observantiæ studio probantur.* Ideo Concilium Bithuricense, an. 1586. jubet, *ne pretextu pietatis ulli exorcismi fiant, nisi qui ab Ecclesia probati sunt.* Tit. 4. Can. 3.

Consect. 7. Superstitio est deferre res aliquas nominibus aliquibus ignotis insignitas: talia sunt *bai, gloi, &c.* & alia hujusmodi ridicula: hæc enim non habent vim inducendi effectus qui expectantur.

Consect. 8. Superstitio est deferre Rosarium, Scapulare & alia sacrarum Fraternitatum insignia, si ea credulitate gerantur, quod numquam damnabuntur qui ea ferunt, vel quod in mortis articulo sinceram pœnitentiam agent, quamvis toto vitæ curriculo pœnitentiam neglexerint, contenti externis Fraternitatum illarum insignibus; quia hæc insignia non habent virtutem inducendi talem effectum. Ideo Concil. Cameracense an. 1565. ait: *Abominandum esse eorum vanitatem ac superstitionem,*

qui certo pollicentur, non ex hac vita migraturos sine pœnitentia & Sacramentis illos, qui hunc illumve ex vivis coluerint, qui secutem ad inducendum talem effectum: Sturritatem in rebus gerendis, fortunæ certum ac optatum eventum iisdem promittunt, & si quæ alia hujusmodi proferantur & credantur.

Præscriptaque Missarum forma aut precum affirmant certas designatasque animas semper e purgatorio liberari.

Prop. 2. Quoties stupendus aliquis effectus contingit, non statim temerarie pronuntiantur, non statim temerarie pronuntiantur, sed prudenter omnia sunt examinanda.

Prob. Multi sunt mirabiles & stupendi effectus, quos rude & imperitum vulgus in magiam refundit, qui tamen diligenter inspecti a causis mere naturalibus procedere dignoscuntur, ut fusc probari potest ex libro, qui scribitur, *magia Schoti*, ubi stupendi effectus recententur a causis mere naturalibus procedentes, qui tamen videntur non ab alio quam a dæmone posse provenire: ne ergo Confessarii errent hæc in parte, nihil determinandum est præcipiti iudicio, sed omnia prudenti examine ponderanda sunt.

M O N I T A

Quibus determinatur, quid agendum tam a Confessario, quam a pœnitente, cum præsumitur superstitio.

Monit. 1. Si adhibeantur causæ naturales, consulendi sunt Medici, & Phyci, ut ab ipsis sciatur, an causæ adhibitæ vim naturalem habeant inducendi effectum, qui inspicitur evenire. Si causæ adhibitæ vim habeant naturalem producendi illum effectum, non est superstitio.

Monit. 2. Si adhibeantur preces, consulendi sunt Doctores Theologi, ut sciatur ab illis, an preces illæ sint conformes, vel diffformes universalis Ecclesiæ ritui. Si preces nihil habeant diffforme Ecclesiæ ritibus, non est superstitio.

Monit. 3. Si nec Philosophi nec Theologi consuli possunt, & iterum urgeat necessitas adhibendi aliqui, quod superstitio- tum videri potest, qui rem illam insolitam aggredditur, debet fusc ad Deum precibus procreitari, se nolle ullum habere cum dæmone commercium.

Monit. 4. Circa personas interrogandas. Hi omnes, quos hic subicio, sunt interrogandi circa superstitionem; quia vulgo adhibent remedia, in quibus sæpius læcet superstitio.

1. Pastores, qui certas adhibent causas, ut pecora servant a lupis, a scabie, &c.

2. Fabri ferrarii, qui insolitis utuntur mediis, ut sanent pecora.

3. Vetulae, quae parituras circa mulieres, vel parturientes, vel matrice, ut dicunt, laborantes, insolita adhibent remedia.

4. Imperiti Medici, qui stupenda jactant remedia.

5. Milites, qui deferunt secum obscura nomina, ut fiant invulnerabiles.

6. Hi omnes, qui stupendum quid jactant, vel in ferendis ponderibus, vel in itinerariis celerrime conficiendis.

Monit. §. circa modum interrogandi pœnites in materia superstitionis.

Personae suspectae superstitionis ita interrogandae sunt, ut horrorem superstitionis concipiant; tanti vero vitii naturam non addicant: & proinde

1. Videndum, utrum insolitum illud, quod peragunt, refundi possit in causas naturales: si a causis naturalibus procedere valeat, permitti debet; si vero non nisi a Dæmone procedere possit, debet prohiberi.

2. Si constet superstitiosum esse, videndum, an pactum expressum habuerint cum Dæmone, an solum tacitum.

3. Si pactum cum Dæmone expresse inierint, interrogandi, an id fecerint ex ignorantia affectata, aut non affectata? an ex malitia, v.g. ex odio contra Deum, vel proximum? an ex curiositate? an pactum obsignaverint vel sua manu, vel suo sanguine, vel alio quovis signo exteriori & sensibili? an pactum habeant apud se, vel apud aliquem, qui illud custodiat? debet ab illis exigi pactum, ut ei renuntient.

4. Debent ab illis exigi libri, si quos habeant de illis arcanis tractantes: debent exigi characteres, & alia hujusmodi, & comburi, vel ad Episcopum deferri, ut cum peritioribus videatur quid agendum.

ARTICULUS III.

De regulis ad dignoscendam superstitionem ex modo.

Prop. unica. Toties actus est superstitionis ex modo, quoties cultus Deo exhibitus ab Ecclesia reprobatur, vel quia est falsus, vel quia est superfluous.

Prob. 1. Script. Matth. 18. v. 17. Si quis Ecclesiam non audierit, sit tibi sicut ethnici & publicanus. Ergo cultus noster erga Deum debet approbari ab Ecclesia: Ergo

si per eam reprobetur, debet censeri superstitiosus, non ex objecto, cum Deo exhibeatur: ergo ex modo, quia exhibetur aliter, quam debet exhiberi.

2. Ex Aug. lib. 1. de consensu Evangelistarum c. 18. *Socratis sententia est, unumquemque Deum sic coli oportere, quo modo se ipse colendum esse praeceperit: Ergo, si Deus aliter colatur, quam exigit, cultus ille debet censeri superstitiosus.*

3. *Rat. Deus exigit ab homine cultum religiosum, non qualemcumque, sed eum, quem Deus nobis revelavit, & per Ecclesiam proponit, qui cultus debet esse in spiritu & veritate: ergo toties cultus noster erga Deum erit superstitiosus, quoties pugnet contra Ecclesiae determinationem: erit falsus, si per illum aliquid falsum significetur: erit vero superfluous, si non sit proportionatus gloriae Dei, qui est finis cultus divini.*

Conseffaria hujus Doctrinae.

Conseff. 1. Ultimum falsum exercent hi, qui in exercitio religionis aliquid falsum significant; quia praeceptum in cultu religioso est veritas.

Sic juxta D. Thom. 2. 2. q. 93. a. 1. in corp. Perniciosum est uti ceremoniis veteris legis, quibus Christi mysteria figurabantur futura; sicuti etiam perniciosum esset, si quis non confiteretur Christum esse passum.

Sic juxta eundem D. Th. superstitionis est, falsa miracula proponere, falsas reliquias ostentare, Sanctos nondum canonizatos, ut loquuntur, venerari; sicut falsarius esset qui aliqua proponeret ex parte alicujus, quae non essent ei commissa. Ibidem.

Conseff. 2. Cultum superfluum exercent qui religionem statuunt in his exercitiis, quae nec mentem ad Deum elevant, nec corpus Deo subjiciunt; quia finis divini cultus est, ut homo Deo det gloriam, eique se subjiciat & mente & corpore.

Tales sunt cantus molles, qui interdum in Ecclesia audiri solent. Tales sunt choreae, tripudia, & alia hujusmodi, quibus imperitum vulgus fessis diebus indulget.

Tales sunt ceremoniae ab hominibus excogitatae, & non ab Ecclesia approbatæ; ut si dicatur bis alleluja, ubi non debet dici; aut si in Missa fiat signum Crucis, ubi non debet fieri, &c.

ARTICULUS IV.

Quale peccatum sit superstitio vitiosa ex modo.

Prop. 1. Superstitio vitiosa ex modo, si inducat falsitatem, est peccatum mortale ex suo genere.

Prob. 1. Ex Script. Veritas est Deus, juxta illud Joan. 4. v. 24. *Ego sum via, veritas, & vita. Spiritus est Deus, & eos, qui adorant eum, oportet in spiritu, & veritate adorare.* Ergo cultus vitiosus continens falsitatem non proficit, sed officit; non salvat, sed damnat.

2. Ex Ambrosio. *Paulus indignum esse dicit, qui aliter celebrat mysterium quam a Christo traditum est.* In Epist. 1. ad Corinth. cap. 11. v. 27. Ergo si cultus ille indignus Deo non efficiat, est peccatum mortale.

3. **Rat.** Mendacium perniciosum est haud dubie peccatum mortale; cultus autem falsus est mendacium perniciosum, cum religioni noceat: Ergo est peccatum mortale.

Consecraria hujus Doctrinae.

Consect. 1. Peccarent mortaliter qui modo colerent Deum ceremoniis Judaicis, quæ significabant Christum venturum, quippe legalia observata post veritatem Evangelii sunt mortifera, ut docet ex professo Aug. Epist. ad Hieron. 82. alias 19. & Paulus ad Galat. 5. v. 2. Si circumcidamini, Christus nihil vobis proderit.

Consect. 2. Peccant quoque mortaliter qui vel falsis miraculis, vel supposititiis reliquiis verum Dei cultum promoveri querunt; quia veritas Dei nostris non eget mendaciis, mendacium autem in materia religionis est maxime perniciosum, & proinde peccatum mortale.

Consect. 3. Qui mutaret materiam, vel formam Sacramentorum, vel nollet adhibere ceremonias in Ecclesia usitatis; peccaret mortaliter: hæc enim omnia, inquit Sylvius, cultum veri Dei aliqua falsitate commaculant, & sunt ex genere suo peccata mortalia; venialia tamen vel ob imperfectionem actus, vel ob ignorantiam.

Prop. 2. Superstitio vitiosa ex modo, si cultum inducat superfluum tantum, peccatum est communiter veniale tantum, si absit contemptus & scandalum.

Prob. 1. Ex Aug. lib. 2. de Doctrina Christi. cap. 18. *Quisquis bonus, verusque Christianus est, etiam in litteris sacris superstitiosa, id est, superflua signenta repudiet:* Ergo pecca-

tum est, superfluum in cultu divino adhibere, non mortale quidem, ut satis indicant Aug. verba, qui acrioribus verbis scelera prohibere solet.

2. **Rat.** D. Thom. In cultu divino, absolute loquendo, nihil potest esse superfluum; quia quicquid impendimus Deo, semper est minus eo, quod illi debetur: sed relative potest esse superfluum, scilicet, id omne, quod nec ex natura sua, nec ex Dei, Ecclesiae institutione ad gloriam Dei ordinetur. Si quid autem superfluum, vel minus rectum in tali cultu observetur, quod nec scandalum aliis inducat, nec contemptum contineat, talis cultus, inquit Cajet. non est contra, sed præter divinam reverentiam: ergo non est peccatum mortale, sed veniale tantum.

Consecraria hujus Doctrinae.

Consect. 1. Peccatur venialiter cum in Missa v. g. nimis anxie observatur certus numerus candelarum, certus imaginum situs, certus color absque ordinatione Ecclesiae.

Consect. 2. Cum in horis Canonicis, vel in Sacrificio dicitur *Gloria in excelsis, Credo, Alleluja*, cum non est dicendum, vel omittitur, cum est dicendum.

ARTICULUS V.

Quale peccatum sit superstitio vitiosa quoad objectum.

Prop. unica. Superstitio vitiosa quoad objectum est de se peccatum mortale.

Prob. 1. Ex Script. *Dominum Deum tuum adorabis, & illi soli servies:* & iterum: *Soli Deo honor & gloria:* Ergo cum per superstitionem vitiosam ex objecto non Deus, sed creatura colatur sine ordine ad Deum, hæc superstitio erit peccatum mortale.

2. Ex Aug. qui loquens de magicis artibus ait: *Omnes igitur artes hujusmodi, vel nugatorie, vel noxie superstitionis ex quadam pestifera societate hominum & daemonum, quasi pacta quedam infidelis & dolose amicitiae constituta, penitus sunt repudianda.* Lib. 2. de Doctrina Christi. cap. 203.

3. **Rat.** Per talem superstitionem aut exhibetur dæmoni honor aliquis, qui soli Deo debetur, aut saltem habetur cum inimico Dei, scilicet dæmone, aliquid commercium: Ergo est peccatum mortale.

Deinde talis superstitio est mendacium in materia religionis; quia significat aliquid contra-

trarium veritati revelatæ, nimirum, dæmonem aliquid posse invito Deo; mendacium autem in materia religionis est peccatum mortale: ergo & supersticio vitiosa ex objecto.

Consecraria bujus Doctrinæ.

Omnes species superstitionis vitiosæ ex objecto sunt ex genere suo peccata mortalia. Itaque peccatum mortale est

1. Idololatria; quia est cultus divinus creaturæ exhibitus.

2. Divinatio; quia est usurpatio notitiæ divinæ ope dæmonis.

3. Vana observantia; quia est expectatio eventus ope dæmonis eventuri.

4. Maleficium; quia est nocumentum proximi ope dæmonis procuratum.

5. Magia; quia est opus stupendum ope dæmonis præstitum. Quod ut fufius pateat, explicabuntur omnes species superstitionis sequentibus articulis.

ARTICULUS VI.

De Idololatria.

Prop. unica. Idololatria sive actus, quo creatura tanquam Deus colitur, est peccatum mortale quocumque modo fiat; quia est supersticio vitiosa ex objecto.

Prob. 1. Ex Scriptura. Deformitatem tantæ vitii Scriptura satis significat his verbis: *Foris canes, & venefici, & idolis servientes*. Apocal. 22. v. 15. ergo est peccatum mortale, cum excludat a gloria.

2. Ex Patribus. Crimen illud vocatur a Tertulliano *summus seculi reatus*: a Nazianzeno *extremum & primum malorum*: a Lactantio *scelus inexpiabile*: a Synodo Illiberitana *crimen capitale*. Ergo est peccatum mortale.

3. Rat. D. Th. 2. 2. q. 64. a. 3. in corp. *sicut enim*, inquit, *in terræna republica gravissimum esse videtur, quod aliquis honorem regum alteri impendat, quam vero Regi; quia quantum in se est, totum Reipublicæ perturbat ordinem: ita in peccatis, quæ contra Deum committuntur, quæ tamen sunt maxima, gravissimum esse videtur, quod aliquis honorem divinum creaturæ impendat; quia quantum in se est, facit alium Deum in mundo, minuens principatum divinum.*

Quot modis committatur idololatria.

Idololatria committi potest tripliciter.

1. Ignoranter; ut cum quis credit crea-

turam esse Deum: sed talis ignorantia non excusat a peccato; quia talis ignorantia & potest, & debet vinci: *Vani enim sunt omnes homines, in quibus non subest scientia Dei*. Sap. 13. v. 1.

2. Scienter, & malitiose; ut cum quis adoratur creaturam in odium Dei, & hoc culpabiliter; quia debet illud odium deponere, cum nulla causa sit odii habendi Deum, juxta illud: *Odio habuerunt me gratis*. Joan. 15. v. 25.

3. Simulate exterius solum, & non interius, ut cum quis adoratur falsum Deum exterius, execrans interius illum cultum supersticiosum, imo cupiens cultum omnem ad verum Deum ordinari; sed hæc simulatio est lethalis, quia, ut docet D. Thom. *externus cultus est signum interioris: sicuti est perniciosum mendacium, si quis verbis asserat contrarium ejus, quod per veram fidem tenet in corde; ita est perniciofa falsitas, si quis exteriorem cultum exhibeat alicui contra id, quod sentit in mente*. 2. 2. q. 94. in corp. nam, ut ait Tert. de idololat. cap. 22. *Negat quicumque dissimulat in quacumque causa pro Ethnico habitus*.

De his, qui sunt quasi idololatæ.

Ad idolatras reduci possunt

1. Hæretici, qui novas opiniones in fide, vel in moribus periculosas cogitant, eisque pertinaciter adhærent; etenim, inquit Hieron. *sicut idola sunt manu artificis; ita hæreticorum perversa doctrina quodcumque simulaverit, vertit in idolum, & facit pro Christo adorari Antichristum*. In c. 13. Zachar. Tunc enim nova illa opinio est quasi Deus recenter excogitatus, & quasi novum idolum in mente erectum, & adoratum.

2. Parentes, qui filios suos adrentius, quam par est, depereunt, quibus exprobrari potest, quod Heli dictum est: *Honorasti filios tuos magis quam me*. Idololatæ sunt parentes, qui filios vitiosos non castigant. Ejusdem criminis rei sunt, qui mortuos filios, aut parentes, magis quam par est, lugent; acerbus enim ille luctus originem dedit idololatriæ. *Acerbo enim luctu pater rapti cito sibi filii fecit imaginem*. Sap. 14. v. 15.

3. Avari, qui thesauris suis impensius adhærent. *Argentum suum, & aurum suum fecerunt sibi idola, ut intrent*. Oleez c. 8. v. 4. *Radix omnium malorum cupiditas, quam quidam appetentes erraverunt a fide*. 1. ad Tim. 6. v. 10.

4. Gulosi, quorum Deus ventris est, ut

loquitur Paulus ad Philip. 3. v. 9. Et qui Christo Domino non serviunt, sed suo ventri, ut loquitur idem Paul. ad Rom. 16. v. 18.

5. Impuris amoribus irretiti. 1. Quia semper suos amores cogitant, rarissime autem Deum in mente habent. 2. Quia corpus suum offerunt voluptati, quod Deo offerre debuissent. 3. Quia ex se ipsis Deum ejiciunt per pravam libidinem; homo enim est templum Dei. 4. Quia faciunt membra sua, quæ sunt membra Christi, membra meretricis. 5. Quia sicut Adrianus Crucem Salvatoris deiecit, & in loco Crucis erexit statum Adonis; ita impudici illi amatores e corde suo Crucem ejiciunt, eique Venerem, vel Adonidem substituant.

ARTICULUS VII.

De Divinatione.

Prop. unica. Divinatio, sive actus, quo tacite, vel expresse Dæmon invocatur ad cognoscendum res, quæ naturaliter cognosci nequeunt, v.g. futura contingentia, actus liberos, &c. est peccatum mortale; quia est cultus superstitiosus. ratione objecti: solus quippe Deus cognoscit futura contingentia, & actus liberos, juxta illud 1. Reg. cap. 16. v. 7. *Homo videt ea, quæ parent, Deus autem intuetur cor.* Quam grave peccatum sit divinatio

Prob. 1. Scriptura. Deut. 28. *Non invenitur in te, qui Ariolos sciscitetur; nec qui Pythones consulat, nec Divinos, nec quærat a mortuis veritatem: omnia enim hæc abominatur Dominus.*

2. Ex Concilijs. Synodus Romana secunda an. 721. sub Greg. 2. Can. 12. ait: *Si quis ariolos, arupices, incantatores observaverit, aut phylacterijs usus fuerit; anathema sit: & responderunt omnes tertio: anathema sit.*

3. Rat. D. Thom. Omnis, inquit, divinatio ex operatione Dæmonum provenit, vel quia expresse dæmones invocantur ad futura manifestanda, vel quia Dæmones ingerunt se vanis inquisitionibus futurorum, ut mentes hominum implicent vanitate. 2. 2. q. 95. a. 2. Nulla autem, ut optime addit idem Doctor, utilitas temporalis potest comparari detrimento spiritalis salutis, quod imminet ex inquisitione occultorum per Dæmonum invocationem.

Quot modis Dæmon expresse invocetur in ordine ad divinandum.

Dæmon invocatur expresse quando roga-

tur, ut sensibilibus appareat ad docendum rem, cujus cognitionem peroptamus.

1. Apparet dæmon per præstigium, perstringendo oculos, offendendo quod est absens quasi præsens. Ita fecisse præstigiatores Pharaonis multi credunt, dum projecti ab ipsis baculi serpentes exhibebant. Exod. 7. v. 11.

2. Apparet dæmon per somnium, commovendo phantasmata, & offendendo quod vult edocere. De diabolicis somniis ita scriptum est: *Non augurabimini, nec observabitis somnia:* Lev. 19. v. 26. Quod ut pateat, sciendum, multiplex esse somnium, scilicet, naturale, divinum, & diabolicum.

Somnium naturale est illud, quod provenit a causa naturali, vel intrinseca, quales sunt humores; vel extrinseca, qualis est aer, & alia corpora ambientia. Credere somnio naturali non est malum; medici quippe possunt ex somniis naturalibus morbos diagnosticare, & cordis affectus conjicere.

Somnium divinum est illud, quod provenit a Deo, aliquod absconditum manifestante.

Tale fuit somnium Abimelech, in quo vidit Saram conjunctam esse matrimonio cum Abraham. Gen. 20.

Tale fuit pariter somnium Pharaonis, quod dens septem vaccis pinguibus, & toridem macilentis, septem spicis aridis, & plenis totidem, docuit septem annos steriles septem annis fecundis successuros. Gen. 41. Credere somnio divinitus immisso, nedum illicitum, quinimo necessarium, juxta illud: *Si quis fuerit inter vos Propheta Domini, in visione apparebo ei, vel per somnium loquar ad illum.* Num. 12. 6.

Cum vero difficillimum sit distinguere inter somnium divinum & diabolicum, melius est nunquam credere somniis, nisi ab Altissimo fuerit emissæ visitatio. *Ne dederis in illis cor tuum, multos enim errare fecerunt somnia & exciderunt sperantes in illis.* Eccles. v. 6. Quod præcipue contingit, ut optime monet Cajet. verbo, *somnium; dum paulatim tantum homo credit somniis, ut somniis utatur pro regulis actionum, ut pro his aut omittat, aut committat contra aliquid, ad quod tenditur.*

3. Apparet dæmon in corporibus mortuis, agitando corpus mortuum, & per illud offendendo quod vult offendere. Talis forte fuit visio, in qua Samuel mortuus Sauli morituro apparuit operatione magica. 1. Reg. cap. 28. v. 11. Ille quippe Samuel, qui Saulem allocutus est, non erat verus Dei Prophetæ. 1. Quia animæ iustorum non subiacent operationibus magicis, nec sunt in potestate

te diaboli. 2. Quia dixit impio Sauli : *cras mecum eris* ; Saul autem non abiit in sinum Abraham, ubi erat Samuel, sed abiit in infernum.

4. Apparet dæmon per elementa, imprimendo elementis varias figuras, quibus significat quod vult ostendere. Apparet autem modo in igne, modo in aere, modo in aqua, modo in terra. Apparitio in igne vocatur Pyromantia, in aere Acromantia ; in aqua Hydromantia ; in terra Geomantia : utri autem illis apparitionibus, esse credere illicitum. In omnibus ergo istis Doctrinis Societas dæmonum formidanda est, atque vitanda ; ut loquitur Aug. lib. 2. de Doct. Christ. c. 23.

Quot modis dæmon implicite invocetur in ordine ad divinandum.

Dæmon invocatur implicite, quando assumitur aliquid in ordine ad sciendum futura libera, quod nec ex natura sua, nec ex institutione Dei potest nos ad incognitum deducere. Et hoc fit multipliciter. Per Astrologiam, per Chyromantiam, per Auguria, per Sortes, de quibus sigillatim.

Prop. 1. Divinatio per Astrologiam judiciariam, qua quis utitur astris ad cognoscenda futura libera, est gravissimum peccatum.

Prob. 1. ex Scriptura ita loquente : *A signis celi nolite metuere, quæ timent gentes ; quia leges populum vana sunt.* Jerem. x. v. 2. Ergo Scriptura, inquit Duhamel, hic damnat Genethliacos, qui vi siderum omnia putant gubernari.

2. Ex Patribus, qui passim diabolicam hanc artem condemnant : de ea ita loquitur Ambr. lib. 4. Hexamer. c. 4. *Nonnulli nativitatum tentaverunt exprimere qualitates, qualis futurus sit unusquisque, qui natus sit, cum hoc non solum vanum, sed etiam inutile sit querentibus, impossibile pollicentibus.* Et Aug. lib. 2. Doct. Christ. cap. 22. *Ex ea notatione velle nascentium mores, actus, eventa prædicere, magnus error, & magna dementia est.*

3. Ex Conciliis. Concilium enim Toletanum I. sic habet Can. 15. *Si quis Astrologia, vel Mathematica existimat esse credendum, Anathema sit.* Idem habet Mediolanense, Rhemense, Burdigalense, Narbonense, Tolosanum, & Constitutio Sixti V. quæ incipit *Cæsi & terra.*

4. Demum autoritate & ratione D. Th. Si quis, inquit, *consideratione utatur Astrorum ad præcognoscendos futuros casuales vel fortuitos eventus, aut etiam ad cognoscendum per*

ceritudinem futura opera hominum, procedit hoc ex falsa, & vana opinione ; & sic operatio dæmonis se immisceat : unde erit divinatio superstitiosa & illicita. 2. q. 95. a. 5. in corp. & cum ibi Dæmon se immisceat, peccatum erit mortale.

Confessaria bujus Doctrinae.

Confess. 1. Peccant mortaliter, juxta Cajetanum, qui ita insistant astrorum observationi, ut res tum præteritas, tum præsentes, tum futuras ad Religionem pertinentes, in ipsa astris relundant. Hoc enim est, inquit ille Author, contra spiritualitatem Christianæ Religionis, quæ super cælos est, potens ipsos cælorum cursus immutare, minime vero ab ipsis tantisper concuti, juxta id, quod scriptum est : *Confessio ejus super cælum & terram* : & quidem experientia teste, non ab influxu cælorum dependet Christiana Religio, sed quæcumque in mundo fieri cernimus, hæc omnia Christianæ inserviunt Religionis : impiissimi enim Christiani nominis persecutores, dum serviunt cupiditati, famulantur Religioni ; sanguisque Martyrum, quos occidunt, fit semen Christianorum.

Confess. 2. Peccant & quidem mortaliter, juxta eundem Cajetanum, qui insistant astrorum observationi, ut hinc certo velint conjicere futura contingentia, actusque liberos ; hoc enim est contra veritatem fidei, qua certissimus hominem liberi esse arbitrii, & quæ concilii fumus actus nostros liberos influxibus astrorum minime subjacere.

Confess. 3. Peccant quoque mortaliter, inquit Cajetanus, qui ita observationi astrorum insistant, ut actiones suas dirigant secundum cælorum motus, variasque astrorum vices quasi pro lege habeant ; Christiani enim non aliam debent legem agnoscere, quam fidem, juxta illud : *Justus meus ex fide vivit.* Sicuti enim, inquit idem Cajetanus, errarum subijciendo nos passionibus iræ, odii, spei, timoris, aliosque impetus passionum pro lege habentes ; ita erramus turpiter, si impressiones cælorum pro lege habeamus ; corpora enim sunt, quæ per modum passionum inclinant nos.

Prop. 2. Divinatio per Chiromantiam, qua quis utitur lineamentis, quæ sunt in corpore hominis, ut quid sit et eventurum certo pronunciet, est omnino illicita.

Prob. 1. Scriptura, quæ prohibet nos ab alio, quam a Deo futura inquirere. *Ne declinetis ad Magos, nec ab Ariolis sciscitamine futura, ut polluamini per eos.* Lev. 19.

2. Ex constitutione Sixti V. quæ incipit, *Celi & Terræ*, sic habetur: Cum futuros eventus in se ipsis considerare, antequam fiant, sit proprium Dei, dum quis quocumque modo præsumit illa prænuntiare, sit, ut Divina majestas graviter lædatur, fidei integritas violeetur, & animabus exitum importetur.

3. Rat. Sarisberienlis lib. 2. de nugis curialium c. 27. qui sic loquitur: Chiromantici vera, quæ in rugis manuum latent, se nosse gloriantur, quorum errorem, quia ratione non nititur, non necesse est rationibus impugnare, licet eo ipso illos expugnet ratio, quod deficient ratione.

4. Rat. D. Th. Lineamenta manuum nullam habent connexionem necessariam cum futuris, quæ prænuntiatur: Ergo iis uti non possumus ad prænuntianda futura.

Consuetudinae hujus Doctrinae.

Consuet. 1. Peccant, & quidem mortaliter illicitiores illi homines, qui horoscopos faciunt, & jactant se ex lineamentis corporis certo cognoscere, quid cuilibet eventurum sit; quia artem illam exercere non possunt, quin aliqd cum Dæmone habeant commercium, ignaramque plebem decipiant: utrumque autem ingens malum est. Divinationem fieri ope Dæmonum relictis ait Origenes Homil. 16. in Numeros. *Est quædam, inquit, operatio Dæmonum in ministerio præsentia; & quæ artibus quibusdam ab his, qui se Dæmonibus manciparunt, nunc per sortes, nunc per auguria, nunc ex contemplatione umbrarum, comprehenditur. Hæc autem omnia operatione Dæmonum fieri non dubito.*

Consuet. 2. Peccant qui Ægyptios de fortuna consulunt; & quidem mortaliter, si id fiat cum firma fide, & cum scandalo, juxta illud Script. Levit. 20. *Anima, quæ declinaverit ad Magos & Ariolos, quales sunt vulgo illi, qui ex lineamentis volunt certo actus liberos conjicere, & fornicata fuerit cum eis; ponam faciem meam contra eam, & interficiam eam de medio populi sui: si tamen id fieret sine scandalo, & ex risu solum, non esset peccatum mortale; quia fides non adhibetur vanis illis illusionibus.*

Consuet. 3. Divinatio, quæ fit per auguria, per virgas, per annulos, per cribrum farinariam, &c. est peccatum mortale.

Prob. 1. Script. Eccli. 34. v. 5. *Divinatio erroris, & auguria, mendacia, & somnia malescientium vanitas est:* Ergo vanum est fidem illis adhibere; & quia ibi latet pactum cum Dæmone, ibi est peccatum mortale.

2. Ex Cyrillo Hierosoly. prima Catechesi Mystagoga, ubi sic habet: *Auguria, divinationes, omnia amuleta, aut incantationes in solis, aut aliæ male artes, & cætera hujusmodi, cultus Diaboli sunt:* Ergo cum importent cultum Dæmonis sunt peccata mortalia.

3. Rat. Basilii in cap. 2. Isai. ubi sic loquitur: *Amorum probitate est alienum prorsus eum, qui penes se habet consultationem ex Dei justificationibus, ad discernendum de rebus agendis sibi in consiliarios adhibere brutos animantes; immo ne his quidem tamquam consiliariis uti, sed ut Doctoribus & Legumlatoribus.*

Consuetudinae hujus Doctrinae.

Consuet. 1. Peccatur, & quidem mortaliter, quoties vanis auguriis plena fide credimus, eisque tamquam regula agendi utimur: quippe, ut ait Basilii ibid. olim Moïsaica lege istiusmodi auguria, divinationes, ominationes, atque auspicia, infamia notabantur tamquam inventa Dæmone: Ergo qui his utitur tamquam regula agendi, foveat cum Dæmone commercium: Ergo peccat mortaliter.

Sic a gravi peccato non sunt immunes, qui certo credunt, & pronuntiant sibi infaulta obventura, si Sacerdos, Monachus, virgo, lepus, buso, aut serpens occurrerit, si corvus supra domum crocitaverit, aut pica ad sinistram volaverit, si in mensa sal effusum fuerit: hæc enim omnia & similia, ut ait Aug. lib. de Doct. Christ. cap. 24. *plena sunt pessifera curiositatis, cruciantis sollicitudinis, & mortifera servitutis.*

Consuet. 2. Graviter peccant qui virgis utuntur divinatoriis, annulis, cribro farinario, &c. ad detegendum furem occultum, homicidam incognitum longe distantem, ad cognoscendam virginitatem puellæ, ad cognoscendum futurum sponsum, &c. hæc enim omnia fieri nequaquam possunt sine implicito, vel explicito cum Dæmone commercio.

De divinatione per Sortes.

Nota, quod ex D. Thom. 2. 2. q. 95. a. 8. in corp. *Sortes propriè dicuntur, cum aliquid fit, ut ejus eventu considerato aliquid occultum innotescat; unde sortes, juxta D. Th. pertinent ad divinationem.*

Sortes est triplex: divinatoria, consultoria, divinatoria.

Sortes divinatoria est, quando queritur, quid cuilibet sit exhibendum.

Sortes consultoria est, quando queritur, quid in arduo aliquo negotio sit agendum.

Sortes

Sors divinatoria est, quando quaeritur, quid sit futurum.

Prop. 1. Uti sortibus non est ab intrinseco, & ex natura sua malum.

Prob. 1. Scripti. Multi sancti homines usi sunt sortibus, nec factum illorum reprehenditur. Josue praecepto Dei, & indicio sortium crimen Achan cognovit. Josue 7. Matthias sorte ab Apostolis electus est. Act. 1. Ergo uti sortibus non est ab intrinseco malum.

2. Ex Aug. in Psal. 30. *Sors non est aliquid mali... nam & sortes miserunt Apostoli:* & lib. 1. de Doct. Christi. cap. 28. ait: *Si tibi abundaret aliquid, quod oporteret dari ei, qui non haberet, nec duobus posset, si tibi occurrerent duo, quorum neuter alium vel indigentia, vel erga te aliqua necessitudine superaret, nihil iustius faceres, quam ut sorte eligeres, cui dandum esset quod dari utrique non posset.*

3. *Rat.* Uti sortium adhibitus in certis circumstantiis nullam virtutem violat, nulli legi opponitur: Ergo non est peccatum.

Consecraria hujus Doctrinae.

Consecr. 1. Sors divinatoria non est illi cita, quoties ex speciali instinctu adhibetur, & non ab alio expectatur quam a Deo cognitio futuri... Talis fuit usus sortium factus a Josue, & ab Apostolis.

Consecr. 2. Sors divinatoria est licita, quoties urgente necessitate adhibetur prudenter, iuste, & religiose. Sic, inquit Aug. Epist. ad Honor. 180. quando aliter disceptatio fieri non potest, & cum omnia sunt utrique aequalia, sorte eliguntur Sacerdotes, qui debeant manere in Ecclesia, & ministrant fidelibus, dum saevit tyrannus. Dum vero pestis grassatur, sorte eliguntur Medici, qui debeant manere in urbe, ut ministrant civibus. Dum saevit famelae, sorte determinatur qui pauperes in urbe sint nutriendi, qui ejiciendi ex urbe, cum omnes simul nutriti non possunt. Cum vero multi damnati sunt ad mortem, sorte determinatur qui sint liberandi, qui vero puniendi, cum omnes liberari non possunt.

Consecr. 3. Sortes consultoriae sunt aliquando licitae. Ita Sylvius in D. Th. 2.2. q. 95. a. 8. Sortes consultoriae tunc sunt licitae, inquit, quando Deus inspirat esse illis utendum, veluti in detegendo Achan. Videtur idem licere in casu magnae necessitatis, quando super re necessario agenda humanum iudicium non sufficit, si servantur sequentes conditiones. 1. Si adhibeatur debita reverentia ad Deum. 2. Si servetur modus proportionatus, v. g. non utendo sacris ad temporalia. 3. Si non fiat sor-

titio pro beneficiis, quae per electionem conferri debent.

Prop. 2. Uti sortibus est per accidens peccatum, quoties virtus aliqua vel Moralis, vel Theologica violatur; & peccatum est tanto gravius, quanto excellentior est virtus, cui opponitur; v. g. peccatum erit veniale, si violetur sola prudentia; mortale, si violetur iustitia, Religio, &c.

Prob. Actus de se indifferens fit peccatum ex oppositione ad virtutem: bonum enim ex integra causa, malum ex quocumque defectu. Ergo usus sortium de se indifferens fiet illicitus ex oppositione ad virtutem.

Consecraria hujus Doctrinae.

Consecr. 1. Uti sortium est illicitus, si passim & temere adhibeatur; violatur enim prudentia. Ita Aug. Epist. 119: ad Januarium cap. 20. *Illam mihi displicet consuetudo, ad negotia secularia, & ad vitae hujus vanitatem divina Oracula velle convertere.*

Consecr. 2. Uti sortium est illicitus, si contra formam juris adhibeatur; quia violatur iustitia: v. g. si in praemiis distribuendis, in poenis infligendis recurratur ad sortes, cum aliter quam per sortes jus cuilibet reddi potest, vel cum partes non sunt omnino aequales.

Consecr. 3. Uti sortium est illicitus, cum adhibetur contra leges; quia actio de se indifferens fit illicita, si prohibeatur per legem. Sic peccatur, si in electionibus Ecclesiasticis, quae ex Spiritus Sancti inspiratione debent fieri, aliqui sortibus utantur; hoc enim prohibetur cap. Ecclesia de sortilegiis.

Consecr. 4. Uti sortium est illicitus, quoties non adhibetur religiose; quia violatur Religio: v. g. si eventus, qui inquiritur, expectetur a dispositione stellarum; actus enim hominum dispositionis stellarum non subduntur, inquit D. Th. 2.2. q. 95. a. 8. si ad sortes recurratur absque necessitate; quia hoc videtur ad rationem Dei pertinere. D. Thom. ibid. Si in necessitate hoc fiat absque reverentia, v. g. non suis ad Deum precibus. Unde Beda relatus a D. Thom. *Si qui necessitate aliqua compulsi, Deum putant sortibus exemplo Apostolorum esse consulendum, videant, hoc ipsos Apostolos, non nisi collectio fratrum ceterum & precibus ad Deum suis, egisse.*

Prop. 3. Divinatio per sortes, quae non fit expresso Dei jussu, uti aliquando factum vidimus in Scriptura; sed quae fit ex curiositate cognoscendi futura, est peccatum ex suo genere mortale.

Prob.

ARTICULUS VIII.

De vana observantia.

Prob. 1. Script. Osee 4. v. 12. loquens de sortibus divinatoriis, quibus utebantur Judæi ad cognoscendum futura, ait: *Populus meus in ligno suo interrogavit, & baculus ejus annuntiavit ei: Spiritus enim fornicationis, id est diabolus, decepit eos, & fornicati sunt a Deo suo.* Fornicari autem a Deo, est ab illo recedere, & peccare mortaliter: ergo divinatio per fortes est peccatum mortale.

2. Ex jure Canonico Can. *Sortes 25. q. 4.* ubi sic habetur: *Sortes, quibus cuncta vobis vestris discriminatis judiciis, quas Patres damnavunt, nihil aliud, quam divinationes, & maleficia decernimus. Et ne exerceantur, sub anathematis interdicto prohibemus.* Ergo si fors divinatoria sub pœna anathematis prohibetur, est peccatum mortale.

3. *Rat.* Sortes divinatoriæ, v.g. taxillorum projectio & dispositio, sagittarum aut palearum commixtio, ad cognoscendum futurum, v.g. quis sit obtenturus victoriam, quis sit futurus sponsus &c. ea, inquam, omnia neque ex natura rei, neque ex Dei, vel Ecclesiæ institutione intervniunt rei futuræ cognoscendæ: ergo sunt medium disproportionatum: ergo si hinc habetur futuri cognitio, hoc fit ob raciram Dæmonis invocationem; permittit enim aliquando Deus, ut Dæmon invocatus per fortes futura nobis patefaciat, uti olim patefecit Diabolus futurum Regi Babiloniæ, ut refert Ezechiel 2. v. 21. *Stetit, inquit, Rex Babilonis in bivio, in capite duarum viarum, divinationem querens, commiscens sagittas, interrogavit idola, extra consuluit, ad dexteram ejus facta est divinatio super Jerusalem.* Ergo si in divinatione per fortes consulatur Dæmon, vel implicite, vel explicite, divinatio per fortes est peccatum mortale.

Conseſſaria hujus Doctrinæ.

Conseſſ. 1. Peccant, & quidem gravissime, qui sortibus divinatoriis conantur addiscere, quam compartem in matrimonio habituri sint, ibi enim semper immiscetur Dæmon in usu illarum sortium.

Conseſſ. 2. Peccant item gravissime hi, qui sortibus divinatoriis tentant cognoscere, an futuri sint felices vel infelices in eis negotiis, quæ suscipiunt; a Deo enim, & non a sortibus expectandus est faustus rerum, nostrarum successus.

Conseſſ. 3. Peccant quoque gravissime milites, qui sortibus divinatoriis nituntur addiscere, an incolmes ab hostibus evasuri sint; a solo enim Deo & non a sortibus expectandus est felix bellorum eventus.

P *Prop. unica.* Vana observantia five æstus, quo aliquid observatur, quod nec ex natura sua, nec ex Dei institutione vim habet inducendi effectum, qui expectatur, est peccatum ex suo genere mortale.

Prob. 1. Script. Gravitate hujus peccati demonstrat Isaias cap. 2. v. 6. *Projecisti populum tuum, domum Jacob; quia repleti sunt, ut olim, vanis nimirum observantiis, & augures habuerunt, ut habitatores Philistim.* Deus autem non rejicit, nisi propter peccatum mortale.

2. Ex Conciliis. Vana observantes excommunicantur. *His enim utiles observantiis anathemate Apostolica decreta percussos ab Ecclesia pelli præcipiunt, ut loquitur Nicolaus I. ad consulta Bulgarorum art. 79.* Christiani autem non excommunicantur nisi ob peccatum mortale.

3. Ex Chrysoſto. qui Homil. 8. in Epist. ad Coloss. ait, quod vanis observantiis *Christus fuit ejus Deus, & introducit Anus ebria & delirans: conculatum est nostrum mysterium, & choro ducit fraus Diaboli.*

4. *Rat.* Per vanam observantiam expectatur aliquid, quod nec a Deo, nec a creatura provenit: ergo illud a Diabolo expectatur: ergo habetur cum Diabolo commercium: ergo peccatur mortaliter.

Conseſſaria hujus Doctrinæ.

Conseſſ. 1. Peccant mortaliter qui utuntur arte notoria, quæ sit, cum quis ad acquirendam statim scientiam utitur mediis ad illam causandam insufficentibus, certis v.g. figuris, vanis orationibus, jejuniis, &c. De hac arte sic loquitur D. Th. 2. 2. q. 96. a. 1. *Ar. notoria est illicita & inefficax. Illicita quidem est, quia utitur quibdam ad scientiam acquirendam, quæ non habent secundum se virtutem causandæ scientiæ, sicut in inspectione quarundam figurarum & prolatione quorundam ignotorum verborum, & aliis hujusmodi; & ideo hujusmodi ars non utitur his ut causis, sed ut signis, non autem ut signis divinitus institutis, sicut sunt Sacramentalia signa: unde relinquitur, quod sint supervacua signa, & per consequens pertinentia ad pacta quædam significationum cum demonibus placita, atque fœderata; & ideo ars notoria penitus est repudianda, & fugienda a Christiano. Est etiam hujusmodi ars inefficax ad scientiam*

scientiam procurandam; solius enim Dei est scientiam infundere, & homines sine ullo studio doctos efficere.

Consect. 2. Peccant mortaliter qui utuntur observantia sanitatum, quod fit, cum quis media inania ad procurandam sanitatem adhibet, quæ media nihil vigoris habeant nec ex natura sua, nec ex divina promissione; ut si quis, v.g. quædam vana carmina recitet, vanas imagines secum deferat, vanos ritus adhibeat ad mitigandum dolorem dentium, dolorem capitis, curanda animalia, sistendum sanguinem. Ad hanc observantiam videtur Paulus alludere, dum dicit 1. Cor. 10. v. 20. *Nolo autem vos socios fieri dæmonum*; quippe, ut ait Aug. lib. 2. de Doct. Christ. cap. 2. *ad molimina magicarum artium pertinent omnes ligaturæ atque remedia, quæ Medicorum quoque disciplina condemnat, sive in præcantationibus, sive in quibusdam notis (quas characteres vocant) sive in quibusdam rebus suspendendis arguendis, vel etiam aptandis quodam modo, non ad temperationem corporum, sed ad quasdam significationes aut occultas, aut etiam manifestas*. Et Chrysost. Homil. 8. in Epist. ad Coloss. laudat mulierem, cuius infans ægrotavit, nec fecit amuleta. Reputatur ei ad Martyrium, inquit; mente enim sacrificavit filium, & maluit infantem videre mortuum, quam pati idololatram. Chrysostomus quippe per amuleta vana media intelligit, quibus utimur ad procurandam sanitatem, & quæ idololatriam nominat; quia non sine quadam dæmonis invocatione adhibentur.

Consect. 3. Peccant, & quidem mortaliter, nisi ob simplicitatem rulticam excusentur, qui ita sunt addicti dierum, mensium, annorumve observationi, ut eam pro regula suarum operationum adhibeant: habent aliquos dies ut faustos, alios ut infaustos: negotia sua retardant, aut penitus omittunt juxta vanam illam, quam sibi fingunt, dierum, mensium, annorumve differentiam.

Vanam illam observantiam reprobant Apostolus his verbis: *Dies observatis, & menses, & tempora, & annos; timco vos ne forte sine causa laboraverim in vobis*. Ad Galat. cap. 4. v. 10. Locus enim ille, juxta Aug. intelligi potest & de Judæis, qui observabant ceremonias Moysis, & de Gentilibus, qui observabant dies juxta morem Paganorum; quia, ut ait Chrysost. Homilia in eos, qui noviluniam observant: *Dies bonus, & malus est, non sua quadam & propria natura, nihil enim dies a die differt, sed nostra vel diligentia, vel ignavia; si iustitiam sequeris, bonus tibi dies erit; sin peccatum designaveris, malus & supplicii plenus*. Et D. Th. 2. 2.

q. 96. a. 3. *Manifestum est omnes hujusmodi observationes superstitiosas esse, & illicitas, & videntur esse quædam reliquie idololatriæ, secundum quam observabantur auguria, & quidam dies fausti, vel infausti*. Et Nicolaus I. Diei & horæ observationes, atque auguria operationes diaboli sunt, quibus, Deo gratias, jam in Baptismo abrenuntiastis. Cap. 25. ad consilium. Bulgarorum. Unde peccant qui putant inausulta esse matrimonia die Mercurii, mense Maji, &c. habita; qui nolunt die Sabbati quædam opera facere: qui anxie observant, quo pede mane terram tangant, quid primo occurrat exeunti domo, an bestia, an homo, an animal bipes, aut quadrupes, & alias hujusmodi observantias adhibent, ad rem, quæ expectatur, nihil omnino pertinentes.

ARTICULUS IX.

De Maleficio.

Prop. 1. Maleficium, id est actus quo operæ dæmonis nocemus proximo, est peccatum mortale.

Prob. 1. Ex Script. Maleficos non patieris vivere, nec inveniatur in te qui ariolos sciscitetur & observet somnia atque auguria, nec sit maleficus, nec incantator, nec qui Pythonibus consulat. Deut. 18. v. 10. Ergo cum Deus jubeat maleficos occidi, maleficium est peccatum mortale.

2. Ex jure Canonico & civili. Si quis hæc, id est ligaturas, & maleficia, exercuerit, Clericus degradetur, Laicus anathematizetur. Can. admoncant, caus. 26. q. 7. Jus vero civile ita loquitur: *Eorum est scientia punienda, & severissimis merito legibus vindicanda, qui magicis accincti artibus, aut contra salutem hominum moliti, aut pudicos animos ad libidinem deflexisse deregentur*. L. multis de maleficiis.

3. Rat. Per maleficium homo habet commercium cum Dæmone, & per maleficium homo nocet proximo: ergo ex duplici capite maleficium est peccatum mortale. 1. Quia opponitur religioni. 2. Quia opponitur caritati.

Quot sint species maleficii.

Maleficium est multiplex.

1. Maleficium amatorium, quo impurus amor, vel injustum odium excitatur: hoc enim potest dæmon efficere, non quidem voluntatem directe cogendo, quia voluntas non potest cogi, sed objective movendo, eique exhibendo ea, quæ vel amore, vel odium excitare possunt: de hoc maleficio videtur loqui

Ba-

Baruch cap. 6. v. 42. *Mulieres autem*, inquit, *circumdant funibus in viis sedent*, succedentes offa *chazarum*, ut scilicet amorem vel odium excitarent, ut vulgo doceat Interpretes.

2. Maleficium ligaminis, quo ita ligantur conjugati, ut actum conjugalem exercere non valeant. Hoc enim potest Dæmon efficere vel impediendo motum membrorum ad generationem infervientium, vel interponendo corpus aliquod inter virum & mulierem: de hoc maleficio Can. *Si per fortitias*.

3. Maleficium hostile, quo inducuntur morbi vel hominibus, vel bestiis, quo occiduntur infantes antequam recipiant Baptismum, &c. hæc enim potest Dæmon operari, imprimendo motum corporibus eos effectus inducentibus.

4. Maleficium elementare, quo interturbantur elementa, & excitantur tempestates, & grandines, quod diabolo nequaquam est impossibile, quia corpora elementaria subijciuntur Angelis quantum ad motum localem: de quo ita Iustinianus Leg. 6. de maleficiis. *Multi magicis artibus usi, elementa turbare, vitam insontium labefactare non dubitant, & manibus accitis audent ventilare, ut qui que suos conficiat malis artibus inimicos: hos, quoniam nature peregrini sunt, sexualis castis absumat*. Et Beda ait: *Emissores tempestatum septem annis pœniteant*. In suo penitentiali cap. 7.

Prop. 2. Non licet maleficium: maleficio tollere.

Prob. 1. Script. *Non declinetis ad magos, nec ab ariolis aliquid discitemini, ne polluamini per eos; ego Dominus Deus vestrus*. Levitici cap. 19. v. 31.

2. Ex D. Thom. *Nullò modo debet aliquis Dæmonis auxilium per maleficia invocare*. In 4. dist. 34. art. 3. ad 3. Et Facultas Parisiensis ait: *Errorem esse, quod licitum sit, & etiam permittendum, maleficia maleficiis repellere*. ann. 1498.

3. *Rat.* Cum maleficium sit ab intrinseco malum, non licet maleficium altero maleficio tollere nec positive, nec permissively cooperando, quæcumque expectetur utilitas; quia non sunt facienda mala, ut deinde veniant bona.

Consecraria hujus Doctrinae.

Consect. 1. Non licet rogare magum, ut tollat maleficium altero maleficio, nec illud permittere, si sciatur, vel dubitetur, quod sit usus maleficio: sic enim cooperaremur ejus maleficio.

Consect. 2. Licet uti precibus Ecclesiae ad

tollendum maleficium. Ita habetur Canone. *Si per fortitias atque maleficias, occulto, sed nunquam iniusto, Dei iudicio permittente, & diabolo preparante, concubitus non sequitur, hortandi sunt, quibus ista eveniunt, ut corde contrito, & spiritu humiliato Deo & Sacerdoti de omnibus peccatis suis puram confessionem faciant, & profusis lacrymis, & largioribus elemosynis, & orationibus, atque jejuniis, Domino satisfaciant; & per exorcismos, ac cetera Ecclesiastica Medicinæ munia, ministri Ecclesie, tales, quantum Dominus annuerit, qui Abimelech, & domum ejus Abrahæ orationibus sanavit, sanare procurent*.

Consect. 3. Licet inventum maleficium incontentum, & detestationem magicæ superstitionis comburere; quia hoc non est communicare cum diabolo, sed opera ejus perdere: ita docet Rituale Roman. *Illam maleficia sunt extrahenda & comburenda*, dum dicitur Psalmus, *Exurgat Deus, & dissipentur inimici ejus*. Et Deus Deut. 7. & 12. jubet omnia idololatrica monumenta, aras, lucos, statuas penitus eripendi. Et Josias Rex, qui præceptum hoc diligenter & fideliter executus est, multum eo nomine commendatur. 4. Reg. 23. unde Jo. 1. Ep. 3. v. 8. ait: *In hoc apparuit filius Dei, ut dissolvat opera diaboli, scilicet peccata, & instrumenta peccatorum, artes scilicet magicas*.

Licetum pariter videtur, maleficia destrueretub ea spe, quod nocumentum cessabit, modo spes in solo Deo statuatur, nec aliquid a Dæmone expectetur: cuius beneficia, inquit, Leo, sunt omnibus vulneribus nocentiora.

ARTICULUS X.

De Magia.

Prop. unica. Magia diabolica, qua opere Dæmonis fit aliquid stupendum, est peccatum mortale; minime vero magia naturalis, qua per artem fit aliquid stupendum, applicando, ut dicunt, activa principia passivis.

Prob. 1. Script. Magia illa diabolica commercium aliquod cum Dæmone supponit, ut inquit illud Isaie: *Percussus sum sædus cum morte, & cum inferno fecimus pactum*. cap. 28. vers. 15. Ergo est peccatum mortale.

2. Ex jure Canonico. *Qui autem talibus, idest magicis operationibus, credunt, scientes fidem Christianam & Baptismum prævaricare*. Can. *Non observetis*. Ergo magia diabolica est peccatum mortale.

3. *Rat.* Opus magicum, de quo loquimur, nec.

nec fit ope naturæ, nec ope divina: ergo fit ope Dæmonis: ergo est peccatum mortale.

Magia est diabolica, quoties opus præstitum excedit vim eorum corporum, quæ applicari possunt ab homine; quia infuerti illi effectus aut a Deo, aut ab homine, aut a diabolo procedunt; non procedunt a Deo, quia non sunt nomine Dei; non sunt ab homine, quia homo non potest applicare, ut supponitur, hæc corpora: ergo sunt a diabolo.

Talis fuit apparitio Samuelis facta Sauli: Talis fuit virtus Simonis magi, qua decipiebat Samaritanos, ut habetur Act. 8. v. 6.

Magia est naturalis, quoties opus præstitum non excedit vim eorum corporum, quæ possunt applicari ab homine; quia in illis operibus natura est principium, ars vero ministra.

CAPUT V.

De Irreligiositate.

Irreligiositas est irreverentia commissa vel contra Deum, vel contra res sacras.

Irreverentia contra Deum est tentatio Dei, perjurium, & blasphemia.

Irreverentia contra res sacras est sacrilegium & simonia. De his agemus sigillatim, excepto perjurio & blasphemia, de quibus agemus explicando secundum præceptum Decalogi.

ARTICULUS I.

De tentatione Dei.

Tentatio est actus, quo exploramus, an conveniat Deo aliqua perfectio, quæ revera ei convenit, v.g. veracitas, bonitas, omnipotentia.

Tentatio Dei est duplex: formalis, & interpretativa.

Tentatio Dei formalis est, quando quis expresse dubitans de aliqua Dei perfectione, eam experiri cupit; v. g. si quis peteret miraculum, ut fieret certus de veritate divinæ revelationis.

Tentatio Dei interpretativa est, quando aliquis non expresse dubitans de Dei perfectione aliquid tamen agit, quo Dei perfectionem videtur experiri; v. g. si quis in morbo nolle sumere medicinam vulgarem.

Prop. unica. Tentatio formalis, qua quis expresse dubitat de aliqua Dei perfectione, est peccatum mortale.

Prob. 1. Deut. 6. v. 16. *Non tentabis Dominum Deum tuum.*

2. Ex D. Thom. *Tentare est experimentum sumere; nullus autem experimentum sumit de eo, de quo est certus, & ideo omnis tentatio ex aliqua ingnorantia, vel dubitatione procedit. Ignorare autem, vel dubitare de his, quæ pertinent ad Dei perfectionem, est peccatum; unde manifestum est quod tentare Deum ad hoc, quod ipse tentans cognoscat Dei virtutem, est peccatum.* 2. 2. q. 97. a. 2.

3. Rat. Talis tentatio importat dubium de Dei perfectione: & dubium in rebus revelatis est peccatum mortale: tentatio igitur Dei est peccatum mortale.

Conseſſaria hujus Doctrinæ.

Conseſſ. 1. Peccaret qui peteret miraculum, ut confirmaretur in Christiana religione; quia tale dubium est injuriosum Deo. *Generatio mala & adultera signum querit, & signum non dabitur ei, nisi signum Jone Prophetæ.* Matth. 12. v. 39. Jam enim post tot miracula præstita sufficit Ecclesiæ testimonium & auctoritas.

Conseſſ. 2. Peccaret qui daret se præcipitem e turri, projiceret se in flumen, ut experiretur, an Deus sit omnipotens, vel misericors ad eum liberandum: ideo Christus Dæmone compellente noluit constitutus in templi pinaculo se mittere deorium, dicens Dæmoni: *Non tentabis Dominum Deum tuum.* Deut. 6. v. 16.

Conseſſ. 3. Peccaret qui vellet innocentiam suam probare duello, ferro candenti, aqua fervente, aliisque hujusmodi purgationibus. Nec obstat, quod olim viri pii hujusmodi purgationibus ex instinctu speciali usi fuerint; quippe jam reprobæ sunt per Ecclesiam, ut contat cap. *Ex tuarum*. de purg. vulgari: & quidem merito. 1. Quia continent tentationem Dei. 2. Quia ad tuendum bonum commune sufficit, ut de crimine, aut de innocentia constet per depositionem testium, aut per juramentum, aut per alia media communiter usurpata.

Conseſſ. 4. Peccaret qui nollet laborare, ut nutriendo, & vestiendo corpori provideret; quia Deus nutrit volatilia, & vestit lilia agri. Ita Aug. lib. de opere Monach. cap. 27. *Si nos per aliquam infirmitatem, vel occupationem non possumus operari; sic ille nos pascet, & vestiet, quemadmodum aves, & lilia, quæ nihil operantur hujusmodi, cum autem possumus, non debemus tentare Deum nostrum.*

Conseſſ. 5. Peccarent, qui ægrotantes nolent

lent vulgaria fumere remedia, sine quibus convalescere non possent; quia, ut ait Script. *Altissimus creavit de terra medicamenta: vir prudens non abhorrebit illa.* Eccles. 38. v. 4. In quo duo extrema vitiosa fugienda sunt; alterum est erga carnem nimius amor, quo ægroti non tam quarimus remedia, quam delicias; alterum, inordinatum carnis odium, quo remedia, vel alimenta necessaria nobis subtrahimus. Possent prædicta omnia excusari, si fierent instinctu Spiritus Sancti; ille enim divinus ardor suam secum affert dispensationem. Sic B. Agatha noluit medicinam carnalem suo corpori adhiberi. Idem præstiterunt multi Martyres, idemque præstant sancti viri, qui ex pio instinctu, neglectis medicinarum remediis, acres dolores patiuntur, ut exhibeant Deo corpora sua, Hostiam sanctam, & Deo placentem.

Consect. 6. Peccarent qui temere se offerrent Martyrio, irritando, & turbando infidèles absque necessitate fidei vel fidelium; quia caritas nihil agit perperam. Debemus, cum honor Dei, & utilitas proximi exigunt, fidem confiteri. Possumus, cum neutrum illorum intervenit, fugere. Sic Christus fugit, & latuit: & fugiendo, & latendo, hominis instruebat infirmitatem, ut loquitur Aug. lib. 22. cont. Faustum cap. 36.

Consect. 7. Peccant qui ante tempus orationis ad orationem non se præparant. *Ante orationem præpara animam tuam, & noli esse quasi homo, qui tentat Deum.* Eccles. 18. v. 23. & D. Thom. ait: *Ille, qui ante orationem suam non præparat se, dimittendo si quid ad verbum aliquem habet, vel alias ad devotionem se non disponendo, non facit quod in se est, ut exaudiat a Deo; & ideo quasi interpretative tentat Deum.* 2. 2. q. 97. a. 3. ad 2.

ARTICULUS II.

De Sacrilegio.

Sacrilegium est violatio rei Deo dicatæ. Sacrilegium est triplex; personale, quo persona Deo sacra; locale, quo locus Deo dicatur; reale, quo res Deo consecrata violatur.

Prop. unica. Quando opus specialiter repugnat cum sanctitate rei, quæ violatur, sacrilegium est peccatum ex suo genere mortale, tanto gravius, quanto res sacra, in quam peccatur, majorem obtinet sanctitatem.

Prob. 1. Ex Scriptura. *Offendas ei, id est civitati Jerusalem, omnes abominationes suas.* Inter quas ponit hæc sacrilegia: *Sanctuarium*

mea; sprevisti: Sabbata mea polluvisti. Ezech. 2. 2. Ergo, cum sacrilegia recensentur inter abominationes, & hæc haud dubie sint peccata mortalia; sacrilegia erunt peccata mortalia.

4. Juxta D. Th. 2. 2. q. 99. art. 4. Sacrilegis per jus Ecclesiasticum infigitur excommunicatio, & multa pecuniaria; secundum jus civile pœna capitalis: ergo sacrilegium est peccatum mortale.

3. Legimus Heliodorum ærarium templi expoliare nitentem divina virtute durissime cælum. 2. Machab. cap. 3. Item legimus Andronicum occisorem Oniæ sacerdotis purpura exutum per totam civitatem circumductum fuisse, & deinde vita privatum. Mach. 2. cap. 4. Ergo hæc pœnæ inflicte sacrilegis denotant sacrilegium esse peccatum mortale.

4. Per sacrilegium læditur specialis virtus, nimirum religio, quæ est præcipua inter virtutes morales: Ergo est peccatum mortale.

Consecraria hujus Doctrinæ.

Consect. 1. Qui offendit personam sacram in eo, in quo consecrata est, peccat peccato sacrilegii personalis; quod peccatum est tanto gravius, quanto excellentior est persona, quæ offenditur.

Sic peccat sacrilegio personali qui percutit Clericum, Monachum: quia percussio specialiter repugnat sanctitati Clericorum, & Monachorum, qui, cum carnalibus armis renuntiaverint, æquum est, ut spiritualibus armis tegantur; & hi sacrilegi habeantur, & excommunicationem incurrant, qui eos percutere voluerint, ut habetur Can. *Si quis suadente diabolo* caus. 17. q. 4. Hujus sacrilegii reus fuit Saul, cujus iussu Doeg Idumæus irruit in Sacerdotes, & trucidavit in die illa octoginta viros vestito Ephod lineo. 1. Reg. cap. 22. v. 18.

Sic peccat sacrilegio personali qui luxuriose violat personam voto castitatis consecratam; quia luxuries specialiter repugnat castitati, quam vovit. *Formaliter autem & proprie,* inquit D. Th. 2. 2. q. 99. a. 3. ad 3. *illud solum peccatum sacre persone sacrilegium est, quod agitur directe contra ejus sanctitatem, puta, si virgo Deo dicata fornicetur: & eadem est ratio in aliis.*

Consect. 2. Sacrilegium locale committit qui culpabiliter polluit locum Deo sacrum vel per homicidium mortaliter culpabile, quo violatur immunitas Ecclesiæ, vel per effusionem mortaliter culpabilem proprii aut alterius

terius sanguinis, qua pariter violatur ejus immunitas, vel per culpabilem feminis effusionem, qua violatur loci sacri sanctitas, vel per sepulturam excommunicati, qua ejus pariter sanctitas violatur... Quandonam autem ita polluat Ecclesia, ut nova consecratione egeat, dicemus alibi.

Quoddam genus sacrilegii videntur committere qui seditiones in Ecclesia excitant, qui loco sacro utuntur ad stabulationes pecorum, qui in loco sacro incendia, effusiones, spoliationes faciunt; contra quos facit illud Christi: *Domus mea, domus orationis vocabitur; vos autem fecistis eam speluncam latronum.* Matth. 21. 13.

Consect. 3. Sacrilegium reale committit quicumque tractat rem sacram aliter quam oportet: quod fit tribus modis.

1. Cum res sacra subripitur a loco sacro, v.g. calix ab Ecclesia. Tale fuit furtum Achan, qui quidam occultavit, & sibi retinuit ex anathemate Jerico. Jos. cap. 6. & 7.

2. Cum res sacra subripitur a loco non sacro, v.g. Calix sacraus subripitur edomino Sacerdotis. Tale videtur esse furtum Ananix & Saphiræ, Act. 5. qui pretium Deo sacrum retinuerant.

3. Cum res non sacra subripitur in loco sacro, v.g. argentum furtim vel palam in Ecclesia eripitur. Quantum sit crimen hoc sacrilegium, conjici potest ex supplicio Heliodori, qui ausus est ea eripere, quæ erant in templo deposita; non minus enim Deus vult sacra esse quæ in templis deponuntur, quam quæ sibi consecrantur. Vide cap. 4. lib. 2. Machab.

Consect. 4. Sacrilegium reale committit quicumque res sacras ad profanum usum adhibet; quia tractat illas aliter quam oportet. Tale fuit sacrilegium Balthassar vasis sacris in convivio profano abutentis. Daniel. c. 5. Tale est pariter eorum sacrilegium, qui *Scripturam Sacram ad locos, ad scurrilia, ad detractiones, ad libellos famulos detorqueant.* Tales autem verbi Domini corruptores Conc. Trid. *pænis juris & arbitrii subjicit.* Sess. 4.

ARTICULUS III.

De Simonia.

§. I.

Definitur Simonia.

Simonia est studiosa voluntas vendendi, aut emendi aliquid spirituale, vel aliquid temporale spirituali annexum.

Tomo I.

1. Dicitur studiosa voluntas, idest, deliberata voluntas.

2. Dicitur vendendi, aut emendi: quibus verbis intelligitur omnis contractus non gratuitus, ultero citroque obligatorius, excepta permutatione; quia permutatio in rebus sacris est licita, servatis servandis.

3. Dicitur spirituale: quo nomine intelligitur non res opposita corpori, qualia sunt v.g. opera Poetica, Historica, Philosophica; sed nomine spiritualis intelligitur res supernaturalis ad salutem hominum ordinata.

Spirituale, prout hic sumitur, & prout idem est ac supernaturale, est donum Dei intrinsece ordinatum ad salutem hominum. Sic gratia gratis data, gratia gratum faciens sunt aliquid supernaturale, seu spirituale.

Spirituale, prout idem est ac supernaturale, est quadruplex, spirituale essentialiter, spirituale causaliter, spirituale executive, spirituale unitive.

Spirituale essentialiter est ens, cujus natura est spiritualis.... Sic gratia gratum faciens, idest gratia ordinata ad sanctificationem recipientis, est aliquid spirituale formaliter.... Sic gratia gratis data, idest gratia ordinata non ad sanctificationem recipientis, sed ad sanctificationem aliorum, est res formaliter spiritualis.... Sic gratia vel habitualis vel actualis, fides, spes, caritas, virtutes morales insulæ tam actuales quam habituales, sunt ens spirituale formaliter, pertinet ad gratiam gratum facientem. Sic sermo sapientiæ, sermo scientiæ, fides, gratia sanitatum, operatio virtutum, prophetia, discretio spirituum, genera linguarum, interpretatio sermonum, sunt gratiæ gratis datæ, juxta Paulum.

Sic potestas Ordinis, v.g. vis conferendi Sacramenta, vis prædicandi, vis serviendi altaribus. Sic potestas jurisdictionis, v.g. vis inferendi censuras, excommunicationes, irregularitates, suspensiones, interdicta, vis impertiendi indulgentias, vis præstandi, eligendi, & confirmandi, & instituendi aliquem in beneficio, vis dispensandi in votis, in impedimentis matrimonialibus, sunt aliquid spirituale formaliter; quia ista omnia reducuntur ad gratias gratis datas.

Spirituale executive est exercitium actualis potestatis spiritualis.

Sic actualis inflictio censurarum, actualis concessio indulgentiarum, actualis dispensatio in votis, actualis nominatio ad beneficia, actualis collatio Sacramentorum, actualis prædicatio, res sunt spirituales executive.

Spirituale causaliter est illud, quod licet

P

na-

naturale, immo & corporeum, potest tamen virtute divina producere effectum supernaturalem.

Sic Sacramenta, v. g. Baptismus, Confirmatio, &c. sunt aliquid spirituale causaliter.

Sic Sacramentalia, nimirum oratio, confessio publica, eleemosyna, res benedictæ, v. g. aqua benedicta, panis benedictus, benedictio Episcopalis, Abbatialis, sunt aliquid spirituale causaliter.

Spirituale unitive est illud, quod unitur cum aliquo corporeo, se habente cum re spirituali vel *antecedenter*, vel *concomitanter*, vel *consequenter*.

Temporale antecedenter unitum spirituali est illud, quod præsupponitur spirituali, sicut subiectum recipiens spirituale... Sic ysaia sacra, fundus patronatus, sepulchrum sunt aliquid temporale antecedenter, & spirituale in unione; quia ea omnia præcedunt spiritualia; & conjunguntur cum spiritualibus ipsis supervenientibus.

Temporale concomitanter unitum spirituali est illud, quod inseparabiliter conjungitur cum spirituali... Sic labor corporalis inseparabilis a collatione Sacramentorum, ab exercitio virtutum, est spirituale in unione, & temporale formaliter.

Sic redditus temporales beneficii sunt formaliter temporales & spirituales in unione.

Temporale consequenter est illud, quod consequitur ad spirituale præsuppositum.

Sic jus spirituale quodcumque vivendi ex altari, habendi decimas, beneficia Ecclesiastica, &c. est spirituale præsuppositive.

Sic jus percipiendi pensiones ex redditibus Ecclesiæ est spirituale præsuppositive; quia ex constitutione Pii V. quæ incipit *Ex proximo*, omnes pensionarii tenentur ad officium aliquod spirituale, Clerici ad munera clericalia, non Clerici ad recitationem officii Beatæ Mariæ.

Sic jus, quod habet persona professa, ut nutriatur in Monasterio, est formaliter temporale, & spirituale præsuppositive; quia fundatur in Professione Religiosa.

S. I I.

Dividitur Simonia.

Simonia est quadruplex: mentalis, conventionalis, realis, & confidentiaria.

Simonia mentalis, quæ ad effectum externum non est perducta, est tantum desiderium internum dandi aliquid spirituale pro temporali consequendo, vel aliquid temporale pro

spirituali consequendo. Sic desiderium internum, quo aliquis vult dare rem sacram, quam habet, ut obtineat temporale, quod non habet, est simonia mentalis: v. g. actus internus, quo Petrus Clericus Beneficiatus vult dare Beneficium, quod habet, ut obtineat argentum, quod non habet, est simonia mentalis. Sic actus internus, quo aliquis vult dare temporale, quod habet, ut acquirat spirituale, quod non habet, est simonia mentalis: v. g. actus internus, quo Petrus vult dare argentum, quod habet, ut obtineat Beneficium, quod non habet, sed quod vellet consequi, est simonia mentalis.

Simonia conventionalis, in qua pactum intercedit, est conventio duorum aut trium de tradenda re spirituali pro temporali, vel de tradendo temporali pro spirituali. Hæc conventio dicitur pura, si neutra pars exequatur conventionem: dicitur mixta, si altera pars exequatur conventionem: dicitur realis simonia, si utraq; pars consummet conventionem.

Simonia igitur realis est conventio duorum vel trium tacita vel expressa de tradenda re spirituali pro temporali, vel de tradendo temporali pro spirituali, conventio, inquam, actualiter ex utraq; parte executioni mandata: ubi vides, quod simonia realis supponit conventionalem, & conventionalis mentalem.

Simonia fiduciaria est ea, qua datur aliquid spirituale cum onere dandi illud idem spirituale alteri, vel cum onere dandi aliquos fructus ex tali spirituali provenientes. Sic dare Beneficium Petro, cum onere, ut aliud resignet Paulo, vel cum onere, ut det dimidium fructuum, vel solvat pensionem, est simonia fiduciaria.

Simonia alia est subiecta Canonibus Ecclesiæ & ultioni divinæ, alia est subiecta soli ultioni Divinæ & non Canonibus. Simonia subiecta ultioni Divinæ & pœnis Ecclesiasticis est ea, propter quam incurruntur censuræ Ecclesiasticæ, & ultio Divina. Simonia non subiecta pœnis Ecclesiasticis est ea, propter quam incurritur sola ultio Divina, & non censuræ Ecclesiasticæ.

Simonia alia est juris mere Ecclesiastici, alia est juris naturalis, & Divini.

Simonia juris naturalis, & Divini ea est, quæ jure naturali, & Divino prohibetur. Talis est omnis emptio, aut venditio rei vel spiritualis, vel spirituali annexæ.

Simonia juris mere Ecclesiastici ea est, quæ solum ab Ecclesia prohibetur ad fundandam omnem simoniarum speciem.

Talis est actio, qua res spirituales venduntur, aut recipiuntur, uti Ecclesia jubet,

V. g.

v. g. permutatio Beneficii cum alio Beneficio sine auctoritate Superioris Ecclesiastici. Cap. *Questum de rerum permutatione*. Item resignatio Beneficii cum pensionis reservatione. Cap. *Pactiones de pactis*. Resignatio in favorem in manibus alterius a Papa. Item Beneficiorum collationes, & praesentationes cum aliquo pacto.

Talis est pariter actio, qua res, non quidem sacra, sed affinis rei sacrae, emitur, aut venditur contra Ecclesiae vetitum, v. g. emptio, vel venditio officiorum Sacristae, Oeconomi, &c. Can. *Salvator* 1. q. 3.

§. III.

Statuitur, quam grave crimen sit Simonia.

Simonia deliberate commissae est de se peccatum mortale.

Prob. 1. Verbis Petri acri reprehensione vitium illud in Simone Mago fulminantis. Act. 8. v. 20. *Pecunia tua tecum sit in perditionem; quoniam donum Dei existimasti pecunia possideri.*

2. Ex eodem D. Petro, peccatum illud in Balaam his verbis execrante. *Balaam mercedem iniquitatis amavit, correptionem vero habuit suae vesaniae subjugale mutum animal, quod in hominis voce loquens prohibuit Prophetiae insipientiam.* 2. Petri c. 2. 15.

3. Exemplo Giesi, qui ob illud crimen lepra percussus est.

4. Ex Itharaso Can. *Eos (a) qui per pecunias*. Simoniacus est peior Macedoniano, & aequalis Judae proditori Macedonias haereticas sentit Spiritum Sanctum esse creaturam, & simoniacus vendit Spiritum Sanctum quasi foret suum mancipium. Judas vendidit Christum; simoniacus vendit Spiritum Christo consubstantialem: unde, ut docet disertis verbis D. Th. Simoniacus est haereticus, non secundum opinionem, quae credit Deum esse venalem; sed quia ita se gerit, ac si Deus venalis esset. 2. 2. q. 100. a. 1. ad 1.

5. Irreligiositas est de se peccatum mortale: quia opponitur Religioni: atqui simonia est irreligiositas; quia per simoniam res sacra, cunctis opibus longe praestantior, habetur ut venalis: Ergo simonia est peccatum mortale. Tertullian. Apolog. cap. 13. probat, Ethnicos Deorum, quos se colere profitebantur, re-

vera fuisse illusores; quia Deos illos emebant & vendebant. Potiori ratione Religionis illusor est Christianus, qui res sacras venales habet. *Quis enim non vile esse putat quod emitur? quis denuo venderetur quod venditur?* Greg. lib. 7. epist. 115.

6. Furtum est peccatum mortale; quia opponitur iustitiae: atqui simonia est furtum; quia per simoniam homo vendit quod non ejus est, sed quod est Dei: ergo simonia est peccatum mortale.

7. Pervertere naturam rei spiritualis est peccatum mortale; quia tale peccatum non est contra medium indifferens, sed est contra finem, vel contra medium connexum cum fine: atqui simonia pervertit naturam rei spiritualis; quia dat titulo pretii quod gratis est dandum, juxta illud Matth. 10. v. 8. *Gratis accepistis, gratis date*: Ergo omnis simonia est peccatum mortale.

§. IV.

Statuitur, quae simonia subijciatur poenis Canonici, & quae sint poenae illae Canonicae.

Tribus poenarum generibus jus Ecclesiasticum in simoniacos animadvertit, ut patet ex Extravag. 1. quae incipit, *Sane*, & ex Extravag. 2. quae incipit, *Detestabile*, de simonia.

Prima poena est privatio rerum, qua quis per simoniam acquisivit. Secunda poena est restitutio pretii, quod acceptum est. Tertia poena est excommunicatio latae sententiae, si sit Laicus; suspensio vero ab exercitio Ordinum, si sit Clericus.

Sunt aliqui Theologi, qui tuentur duas priores poenas juris esse naturalis, & incurri etiam si jus positivum Ecclesiasticum eas non intelligeret; sed cum hoc controversatur, agamus primo de his, quae certa sunt, postea discutiamus quae sunt dubia.

Prop. 1. Ut simonia subijciatur poenis Canonici, debet esse. 1. Realis & completa. 2. Debet esse vel in Ordinis Sacramento, quales sunt minores, & majores Ordines; vel in Beneficiis, qualia sunt Episcopatus, Abbatia, Praebenda, Prioratus & Praeturae regulares; vel in ingressu, aut professione Religiosa.

Probatur. 1. Ex jure Canonico. Ut incur-

P 2

(a) Citando jus canonicum sic habeo, Canon *Eos*, nihil ultra addens, quia id sufficere credidi; sed imposterum addam vel dist. vel caus. v. g. Can. *Eos qui*. 1. q. 1. ut vulgo Canonistae solent.

currantur pœnæ Canonicae contra simoniacos infliguntur. 1. Simonia debet esse realis; nam si sit pure mentalis in eo casu, *Delinquentibus*, ait Greg. IX. *sufficit per solam pœnitentiam suo satisfacere Creatori*. cap. Mandata, de simonia.

2. Simonia debet esse vel in beneficiis, vel in Ordinibus, vel in receptione, aut professione Religiosa; quia Ecclesia nullam aliam prohibuit simoniam sub pœnis Canoniciis, ut patet ex Extravagant. de simonia prima, & secunda: siquidem prima quæ incipit, *Sane*, subjicit pœnis Canoniciis eos, qui dant, aut accipiunt aliquid pro ingressu in Religionem; secunda quæ incipit, *Cum detestabile*, subjicit pœnis Canoniciis eos, qui ordinantur, aut eliguntur ad beneficia simoniace. Ergo ut simonia sub professione pœnis Canoniciis debet esse. 1. Realis. 2. Commissa vel in Ordinibus, vel in receptione, aut professione Religiosa.

2. Ex D. Th. 2. 2. q. 100. a. 6. ad 6. *Dicendum*, quod quoad Deum sola voluntas facit simoniacum; sed quoad pœnam pure ecclesiasticam & exteriorem non punitur ut simoniacus, qui est solius mentalis simoniæ conscius, adeo ut abrenuntiare teneatur beneficiis simoniace mente desiderato, si ei postea canonice conferatur; sed debet de mala intentione pœnitere: Ergo ex D. Th. ut simonia subdatur pœnis Canoniciis debet esse realis. Et in responsione ad 1. & 5. argum. idem sanctus Doctor non aliam simoniam subiectam pœnis Canoniciis recenset, nisi eam, quæ committitur vel in receptione, aut collatione Ordinum aut beneficiorum, vel in ingressu aut professione Religiosa.

3. Ex Canonistis & Theologis non alia admittitur simonia subiecta pœnis Canoniciis, nisi ea, quæ est realis, & commissæ vel in collatione aut receptione Ordinum aut beneficiorum, aut in ingressu aut professione Religiosa: ergo hæc sola simonia subdatur pœnis Canoniciis.

4. *Rat.* Ratio cur hæc triplex simonia, & non alia subdatur pœnis Canoniciis, non alia est quam voluntas Legislatoris; motivum autem esse potuit, quod triplex illa simonia graviora mala infert Ecclesiæ: ergo debuit pœnis Canoniciis coerceri.

Consecratoria hujus Doctrinæ.

Consecr. 1. Simonia sive realis, sive conventionalis, sive mentalis commissæ circa res quascumque spirituales, diversas ab Ordinibus sacris, a beneficiis, ab ingressu in Religionem, non subdatur pœnis Canoniciis;

quia sola simonia in beneficiis, in Ordinibus, in ingressu in Religionem subdatur pœnis Canoniciis.

Sic simonia commissæ in vasis sacris emendis, vel vendendis, in sepulturis, in concionibus, in Missis, &c. est quidem grave peccatum, sed non subdatur pœnis Canoniciis.

Consecr. 2. Simonia etiam circa beneficia, circa Ordines, circa ingressum in Religionem; si sit omnino pure mentalis, & nullatenus in externum opus prodeat, est quidem grave peccatum, quia adjunctum habet animum deliberatum vendendi, aut emendi aliquid spirituale, quod gravissimum scelus est; sed non subdatur pœnis Canoniciis, quia Ecclesia non judicat de internis: sicuti homicidium internum, hæresis interna, quantumvis aliunde gravissima scelera, non tamen subduntur pœnis Canoniciis, licet hæresis exterioria, aut homicidium externum censuris subdantur. Unde hæc regula apud omnes recepta: *Cogitationis pœnam nemo patitur*. Can. *Cogitationis* de pœnit. dist. 1. q. 3.

Consecr. 3. Simonia etiam circa beneficia, circa Ordines, circa ingressum in Religionem, mere mentalis, etiam exterius imperata & exercita, modo interius lateat venenosa intentio, inquit Cajetanus, quamvis rempropolitam assequatur, est quidem grave peccatum, quia per spirituale paratur via ad temporale, vel per temporale ad spirituale; sed non subdatur pœnis Canoniciis, quia inter simonias mentales collocatur, inquit Cajetanus, verbo *Simonia*.

Sic si servit aliquis Episcopo, aut munus offert pro spirituali consequendo, vel e contrario, spirituale dat pro temporali consequendo, non tamen declarat pravam suam intentionem nec implicite, nec explicite, scilicet, quod intentione emendi aut vendendi hoc faciat; peccat graviter, sed non incurrit censuras Ecclesiasticas.

Consecr. 4. Simonia pure conventionalis, in qua facta est conventio de dando spirituali, & accipiendo temporali, in qua tamen neque res spiritualis, neque pretium tradita fuerunt, est quidem grave peccatum, quia omnis simonia est peccatum; sed non subdatur pœnis Canoniciis, inquit Cajetanus, quia non est realis & completa.

Consecr. 5. Simonia conventionalis mixta, in qua facta est conventio de dando spirituali, & accipiendo temporali, quæ completa est solum ex parte ementis, qui dedit pretium, & non ex parte vendentis, qui daturus erat spirituale, est quidem grave peccatum, quia est simonia; sed non subdatur,

tur, inquit Cajetanus, pœnis Canonicis, quia non est realis & completa.

Confess. 6. Simonia conventionalismixta, in qua facta est conventio de dando spiritali, & accipiendo temporali, quæ quidem completa est ex parte vendentis spirituale, & non ex parte ementis, sive in qua datum est spirituale, sed in qua non datum est temporale; est quidem, juxta omnes, grave peccatum, quia est simonia; sed non convenit inter auctores, an sit subiecta pœnis canonicis, necne.

Juxta Cajetanum & alios, hæc simonia conventionalis, non subicitur pœnis canonicis, quia, ut ajunt, pœnæ non infliguntur, nisi actibus consummatis; simonia autem non censetur consummata, nisi ab utraque parte datum fuerit quod promissum est: & talis est, inquit, stylus Curie Romanæ.

Juxta alios prædicta simonia conventionalis subicitur pœnis canonicis; quia, inquit, contractus emptionis & venditionis perfecte consummatus censetur, quando res est tradita emptori, etiamsi pretium nondum fuerit venditori persolutum, sed tantum promissum.

Monit. Constat ex dictis ubi de probabilitate, quod in dubiis & in æque probabilitutior pars est sequenda: ergo qui conficiunt simoniam conventionalis, quæ completa est solum ex parte vendentis, & in qua datum est spirituale, & non persolutum temporale, neque in toto, neque in parte: ii, inquam, debent ita se gerere, ac si incurrisent simoniam realem, & proinde recurrere ad sedem Apostolicam, ut quid opus sit facto a summo Pontifice accipiant: nulla enim satis magna securitas ubi periclitatur æternitas.

Prop. 2. Illi omnes pœnas canonicas latas contra simoniacos incurrunt, qui committunt simoniam realem, & completam, vel in Ordinibus, vel in beneficiis, vel in professione Religiosa, vel qui sunt ejusdem realis simoniæ mediatores.

Prop. 1. Ex Jure Canonico. Ut incurrantur pœnæ canonicæ contra simoniacos, sufficit quod simonia sit circa vel Ordines, vel beneficia, vel professionem Religiosam, ut patet ex Extravagan. 2. *Cum detestabile*, de simonia, modo ut realis & completa: ergo prædicti incurrunt pœnas contra simoniacos. Sufficit pariter ad incurrendas easdem pœnas, quod quis sit mediator, ut habetur eodem cap. Ergo &c.

Illud idem habetur in Concilio Chalcedonensi, ut refertur Can. *Si quis. Si quis vero me-*

diator tam turpibus, tam nefandis datis, vel acceptis extiterit; si quidem Clericus fuerit, proprio gradu decedat: si vero Laicus, aut Monachus, anathematizetur.

De prima pœna contra Simoniacos, scilicet excommunicatione, & suspensione.

Confess. 1. Simoniace scienter ordinans, & simoniace scienter ordinatus simonia reali & completa, etiamsi eam simoniam occulte incurrerint, excommunicantur excommunicatione reservata summo Pontifici, & suspenduntur ordinans a collatione quorumcumque Ordinum, immo primæ Tonsuræ, & ordinatus ab exercitio Ordinis recepti. Mediatorum eisdem pœnis subijciuntur. Illud patet ex Extravagan. 2. *Cum detestabile*, de simonia. *Declaramus*, inquit Paulus Papa II. *quod omnes illi, qui simoniace ordinati fuerint, seu provocaverint, sententiam excommunicationis incurrant, a qua, nonnisi a Romano Pontifice pro tempore existente, non possint absolvi, præterquam in mortis articulo constituti.*

Confess. 3. Receptus, aut recipiens simoniace scienter ad professionem religiosam, excommunicantur eadem excommunicatione, si sint singulares personæ; si vero sit Capitulum, aut Conventus, suspenditur ab officio capitulari ad jurisdictionem vel ad administrationem Ecclesiasticam pertinente. Ita Extravagan. 1. de Simonia, quæ incipit *Sane*, ubi Urbanus IV. jubet, ut omni pœnitione cessante fiat ingressus in religionem: qui secus fecerint, si sint singulares personæ tam dantes, quam accipientes, hujusmodi excommunicationis; si capitulum, vel conventus fuerit, suspensionis sententiæ eo ipso decernimus subjacere, a quibus, præterquam in mortis articulo, absolvi nequeant absque Sedis Apostolicæ licentia speciali.

De secunda pœna contra Simoniacos, scilicet de privatione rei per Simoniam acceptæ.

Confess. 4. Simoniace scienter ordinati recipiunt quidem characterem Ordinis, quia est effectus necessarius Sacramenti; sed non possunt uti Ordine simoniace accepto, quia suspenduntur, ut patet ex cap. *Detestabile*.

Confess. 5. Qui simoniace scienter recepti sunt in statu religioso, non eximuntur ab obligatione voti, quia valide voverunt.

Et ne evagentur in sæculo, inquit D. Th. debent vel in arctiori monasterio recipi, ut iussit Concilium Lateranense, vel in eodem monasterio, ut permittit Urbanus IV. post peractam poenitentiam recipi. cap. *Sane*.

Consect. 6. Qui simoniace scienter beneficium aliquod Ecclesiasticum accepit, tenetur protinus, nulla expectata sententia Judicis, illud resignare in manibus Prælati; quia non habet titulum, quo illum retineat, & fructus restituere, quos mala fide percepit. *Tenetur*, inquit D. Th. *resignare beneficium, quod est consecutus, cum fructibus extantibus*. Et paulo superius: *Tenetur*, inquit, *ad restituendos fructus non solum perceptos, sed etiam eos, qui percipi poterunt a possessore diligenti*. 2. 1. q. 100. a. 6. ad 3.

Nota, quod qui recipit simoniace scienter beneficium, fit inhabilis ad idem beneficium; quia ita determinat Jus Canonicum.

Sed non privatur beneficiis, quæ antea habebat, nec fit inhabilis ad alia beneficia; quia nulla est Lex Canonica istam poenam apponens: poenæ autem non sunt extendendæ. *Can. Pœnæ* & cap. *Odia* de regulis juris in 6.

Sola simonia confidentialis ex iussu Pii V. item simonia commissæ in electione summi Pontificis, ut statuit Concil. Later. sub Julio II. sess. 5. tandem simonia, per quam examinatores futurorum Parochorum aliqui ab eis recipiunt, sive ante, sive post examen, ut statuit Trid. sess. 24. cap. 18. de reformat. habent hanc poenam propriam, et privent reos hujusce simoniæ quibuscumque beneficiis antea obtentis, & inhabilitatem inducant ad futura recipienda.

De tertia pœna contra Simoniacos, scilicet de restitutione pretii per Simoniam accepti.

Consect. 7. Simoniaci ordinans tenetur restituere pretium acceptum pro collatione Ordinum; non enim potest retineri.

Consect. 8. Pretium acceptum pro ingressu in religionem non potest retineri ab Abbate, vel Priore; sed debet in bonum Communitatis impendi, ut jubet Urbanus IV.

Consect. 9. Pretium acceptum pro collatione beneficii, aliove actu ad hunc finem ordinato, ut sunt electio, præsentatio, confirmatio, &c. retineri non potest, ut habetur cap. *de hoc*, de simonia. *Acceptum illud*, inquit Alexand. III. *sine gravi salutis sue periculo retinere non possunt*. Sed pretium illud debet dari vel Ecclesiæ, quæ laica est, inquit D. Thomas, vel pauperi-

bus, quibus certa portio beneficiorum destinata est.

§. V.

Inquiritur, utrum ex vi solius juris naturalis incurratur a Simoniacis duplex hæc pœna, scilicet privatio rerum spiritualium, quas quis per Simoniam acquisivit, & obligatio restituendi pretii, quod simoniace acceptum est.

Prop. unica. Juxta gravissimos auctores non solum jure Ecclesiastico, sed etiam jure Divino & Naturali omnis venditio & emptio simoniaca est nulla; atque adeo ex vi solius juris Naturalis simoniacus tenetur vero domino reddere & spirituale, quod simoniace acquisivit, eo modo quo reddi potest, & temporale, quod simoniace consecutus est.

Prob. 1. Script. Res spiritualis nec emi potest, nec vendi, sed solum gratuito donari, juxta illud: *Gratis accepistis, gratis date*. Ergo omnis emptio & venditio rei spiritualis est ex jure Naturali & Divino nulla.

2. Ex Jure Can. c. *Pactiones* de pactis, ubi sic habetur: *Pactiones factæ a vobis pro quibusdam spiritualibus obtinendis, cum in hujusmodi omnis pactio, omnisque conventio debeat omnino cessare, nullus penitus sunt momenti*. Postea additur: *Pactum turpe, vel rei turpis, aut impossibilis de jure, vel de facto, nullam obligationem inducit*. Ergo sicut pactio rei impossibilis est nulla, ita & venditio, vel emptio rei spiritualis.

3. Ex D. Th. 2. 2. q. 100. a. 6. in corp. *Dicendum*, quod nullus potest licite retinere id, quod contra voluntatem domini acquisivit; puta, si aliquis dispensator de rebus domini sui daret alicui contra voluntatem domini sui, ille, qui acciperet, licite retinere non posset. Dominus autem, cujus Ecclesiarum Prælati sunt dispensatores & ministri, ordinavit, ut spiritualia gratis darentur... Et ideo, qui muneris interveni spiritualia quæcumque assuequitur, ea licite retinere non potest. Ergo ex D. Th. emptio & venditio rei spiritualis est nulla, sicut donatio rei alienæ.

4. Ratione allata per Covarruviam, ad regulam *Pœccatum*, p. 2. §. 8. Simoniacæ Sacerdotiorum collatio, & aliarum dignitatum & beneficiorum simoniacæ concessio, est nulla, nec jus aliquid tribuit ei, cui facta fuit, non quidem in poenam criminis, sed quia ex natura rei pure ipso Naturali hæc acquisitio impeditur divina voluntate, sine qua spiritualia vendi nequeunt; & quia, inquit idem author, res spiritua-

lis materia invendibilis est: ergo si res spiritualis, tum natura sua, tum voluntate Dei, vendi non possit, omnis venditio & emptio rei spiritualis est nulla.

Nec obstat, quod Sacramenta simoniace collata, v. g. Baptismus, Confirmatio, & Ordo characterem conferant; quia tria illa Sacramenta eam vim habent, non ex vi venditionis, aut emptionis, quæ nulla est, sed ex vi institutionis Christi, qui voluit, quod triplex hoc Sacramentum, modo validum, licet informe, ut dicunt, characterem produceret.

Nec obstat pariter, quod matrimonium, licet simoniace collatum, sit validum, & Professio Religiosa, licet simoniaca, sit valida; quia id provenit, non ex pactione simoniaca, quæ nulla est, sed ex eo, quod & matrimonium, & professio Religiosa acceptantur ab Ecclesia, si certis solemnitatibus muniantur, quamvis simoniaca conventio, si quæ intercesserit, ab Ecclesia reprobetur.

Consuetudina hujus Doctrinae.

Consuet. 1. Simonia mentalis cum opere subsecuto est restitutioni obnoxia. Ita docent Adrianus VI. Dominicus, Covarruvias, Estius, alique quamplures, reclamantibus licet plerisque Canonistis.

Sic si quis non pacificatur expresse de pretio, sed munus quasi liberaliter offerat, mente tamen simoniaca, qua intendat munere tamquam pretio beneficium sibi comparare, is obnoxius sit restitutioni, nec beneficium retinere potest; quia acceptio beneficii fuit simoniaca: beneficium autem sine canonica institutione retinere non possumus. Et sicuti, inquiunt, qui ea mente dat mutuam, ut aliquid speret ultra sortem, usuram mente committit, & ad restitutionem tenetur ejus, quod tali intentione acceperit, etiam si expresse conventio non intercesserit, ut docet Urbanus III. cap. *Consuluit* de usuris; ita idem sentiendum de eo, qui simoniam mentalem committit cum opere subsecuto.

Consuet. 2. Qui beneficium aliquod accipit simoniace, non sciens, sed ignorans, non per simoniam a se, sed ab alio commissam, nisi id fuisset factum fraudulenter, & in ejus odium, aut nisi ipse expresse tali simoniace pactioni contradixisset: is, inquam, tenetur beneficium dimittere hoc ipso, quod cognoscit simoniam; quia institutio non fuit canonica, sed simoniaca; beneficium autem sine canonica institutione obtineri non potest.

Sic pueri tenentur ea beneficia dimittere, quæ eis omnino pactionem simoniacam igno-

rantibus per parentes simoniace acquisita sunt. Sicuti, si alienum ignoranter detineamus, tenemur id restituere hoc ipso, quod cognoscimus non nostrum esse, sed alienum. De prædicto casu ita loquitur D. Th. *Si eo nesciente per alios alicujus promotio simoniace procuratur, caret quidem Ordinis executione, & tenetur resignare beneficium, quod est consecutus cum fructibus extantibus; non autem tenetur restituere fructus consumptos: quia bona fide possedit; nisi forte inimicus ejus fraudulenter pecuniam daret pro alicujus promotione, vel nisi ipse expresse contradixisset; tunc enim non tenetur ad renuntiandum, nisi forte postmodum pacto consenserit, solvendo quod fuit promissum.* 2.2. q. 100. art. 6. ad 3. Idem habes cap. *Nobis fuit*, & cap. *Sicut suis liberis*, de simonia.

Consuet. 3. Pretium simoniace acceptum retineri non potest; cum enim emptio, & venditio simoniaca sit nulla, venditor rei spiritualis non acquirit vi venditionis dominium pretii, quod accipit.

Quæres, cui restitutio fieri debeat tum rei spiritualis, tum pretii.

Respondeo. Si solum jus naturale spectemus, restitutio rei simoniace acceptæ facienda esset ei, a quo accepta est, sicut & Judas fecit, referendo triginta argenteos Principibus Sacerdotum; sed quia æquum est, ut restitutio facienda ob crimen simoniæ determinetur per Ecclesiam, cujus est de hujusmodi flagitiis judicare; ideo hæc restitutio debet fieri hoc pacto.

Primo quoad beneficia. Si simonia realis fuerit, beneficium ecclesiasticum simoniace acceptum redit ad jus collatoris, vel superioris; alioquin ad priorem possessorem reverti debet. Ita Estius in 4. dist. 26. §. 18.

Secundo quoad pretium. Si simonia realis fuerit, & ex utraque parte completa, pretium debet dari vel Ecclesie, cui facta est injuria, vel pauperibus. Ita D. Thom. 2.2. q. 100. a. 6. ad 4. *Dicendum, quod pecunia, vel possessio, vel fructus &c. simoniace accepti, debent restitui Ecclesie, in cujus injuriam data fuerunt. Si vero Prelatus & totum Collegium sunt in culpa, tunc debet cum auctoritate Superioris vel pauperibus, vel alteri Ecclesie erogari.*

Si vero simonia non sit realis ex utraque parte, sed datum fuerit pretium, & non acceptum spirituale; tunc, inquit Cajetanus, pretium restituendum est ei, a quo acceptum est: non enim datum est nisi supposita conditione, quæ adimpleta non est. Item, cum datum est temporale pro spirituali, quod quis ex iustitia conferre teneba-

tur, v. g. datum est argentum Parocho, ut conferret Sacramenta; vel si simplex Sacerdos, aut etiam Parochus exigunt pro collatione rei spiritualis aliquid ultra consuetudinem, vel taxam, tunc temporale debet restitui ei, qui dedit.

S. VIII.

Stabilitur propositio fundamentalis, qua penetrata innoscitur, quibus in casibus committatur Simonia tum mentalis, tum conventionalis, tum realis.

Prop. unica. Crimen simoniæ incurritur quotiescumque ex pacto datur temporale pro spirituali, vel spirituale pro temporali, quacumque mente detur, si interveniat contractus vel explicitus, vel implicitus.

Prob. Script. Toties ex Script. simonia committitur, quoties spirituale datur non gratis, juxta illud Matth. 10. 8. *Gratis accepistis, gratis date:* atqui spirituale non datur gratis, quando datur ex contractu & pacto, ut patet, quodcumque interveniat motivum, libertas enim dandi, vel non dandi, & necessitas dandi opponuntur: Ergo toties simonia committitur, quoties ex contractu & pacto datur temporale pro spirituali, vel spirituale pro temporali, quocumque motivo detur. Ridenda enim est explicatio quorundam, qui, ut refert Damianus lib. 1. Epist. 13. ajunt: *Non emitur Sacerdotium, sed possessio prædiorum.... Penalia sunt, unde sint divites; gratis accipiunt, unde fiant Sacerdotes.*

2. Ex Canonibus. Canones vetant dari pro spirituali consequendo quodlibet præmium, quolibet modo, quocumque modo: Ergo Canones supponunt committi simoniam, quoties ex pacto datur temporale pro spirituali: quod patet 1. ex Concilio Toletano. 8. cap. 3. *Quicumque pro recipienda dignitate quolibet præmium detectus fuerit obtulisse, ex eodem tempore anathematis se noverit opprobrio condemnatum.* 2. Ex Conc. Tolos. anno 1506. Can. 1. *Si quis Episcoporum accepta quocumque modo pecunia ordinaverit, subiacet pœnis simoniacorum.* 3. Gregorius lib. 4. Epist. 8. *Fraternitati vestre commoda quolibet modo subrepant, ne laqueis simoniace (quod absit) hæreseos alligetur.*

5. Ex propositionibus damnatis a summis PP: & a Clero Gallicano art. 15. Ad simoniam contrahendam sufficit, quod detur temporale non pro beneficio, sed pro temporali, quod cum beneficio connectitur. Ita determinavit Alexander VII. damnando hanc

propositionem: *Non est contra justitiam beneficium Ecclesiasticum non conferre gratis, quia collator conferens illa beneficia Ecclesiastica pecunia interveniente, non exigit illam pro collatione beneficii, sed veluti pro emolumento temporali, quod tibi conferre non tenebatur.*

Ad simoniam incurrendam sufficit quod detur temporale tanquam motivum, licet non detur tanquam pretium. Ita determinavit Innocentius XI. damnando sequentes propositiones. *Dare temporale pro spirituali non est simonia, quando temporale non datur tanquam pretium, sed duntaxat tanquam motivum conferendi, vel efficiendi spirituale; vel quando temporale sit solum gratuita compensatio pro spirituali, aut e contra.*

Et id quoque locum habet, etiamsi temporale sit principale motivum dandi spirituale; immo etiam si sit finis ipsius rei spiritualis, sicut illud pluris æstimetur, quam res spiritualis.

6. Rat. Quotiescumque intervenit illud pactum, *do, ut des*, vel *do, si des*, toties intervenit contractus, ut patet: atqui contractus in rerum spiritualium traditione & receptione inducit simoniam: Ergo quotiescumque intervenit pactum, *do, ut des*, vel *do, si des*, committitur simonia, ad quam non requiritur pactum expressum, sed sufficit tacitum, ut docet Damianus Opusc. 31. cap. 5. *Sunt nonnulli, inquit, qui nullum pacti sunt commodum; postmodum vero tanquam a debitoribus exigunt.... Hi non dubitent se Giesi crimen incurere.*

Sic cum solo pacto implicito Simon Magus peccavit peccato simoniæ; quia usus est temporali, scilicet pecunia, ut obtineret spirituale, scilicet vim operandi miracula: quam pecuniam Petrus rejecit, dicens: *Pecunia tua tecum sit in perditionem.* Act. 8. v. 20. Giesi vero sine pacto pariter explicito peccavit peccato simoniæ; quia accepit temporale, scilicet pecuniam, & velles propter spirituale, quod datum fuerat ab Eliseo, scilicet pro miraculosa sanitate corporis & animæ, quam Naaman receperat: cui Giesi dixit Eliseus: *Accepisti argentum, accepisti vestes, ut emas oliveta, & vineas, & oves, & boves, & servos, & ancillas; sed & lepra Naaman adhaerebit tibi & semini tuo usque in sempiternum.* Et egressus est Giesi ab eo, scilicet Eliseo, leprosus quasi nix. 4. Reg. 5. v. 26.

Consecraria generalia hujus Doctrinae, quæ sunt totidem principia Consecratorum particularium.

Consecr. 1. Simoniam committunt consecrantes.

rentes rem spiritualement vel formaliter, vel executive, vel unitive, vel causaliter, ut ajunt, si conferant propter aliquod commodum temporale, v. g. ob munus a manu, ob munus a lingua; ob munus ab obsequio; quia non dant gratis rem spiritualement.

Consect. 1. Simoniam committunt recipientes rem spiritualement, vel spirituali annexam propter commodum temporale, quod rependunt, v. g. propter munus a manu, a lingua, ab obsequio; quia recipiunt rem spiritualement non gratuito. Ita Canon *Salvator* . i. q. 3.

Per munus a manu intelliguntur omnia bona temporalia, sive mobilia, sive immobilia, v. g. pecunia, fundus, supellex, redditus, debita, aut res alia quælibet, quæ solet esse materia contractuum.

Per munus a lingua intelliguntur preces, non manifestantes solum meritum personarum, quibus conferri solent res sacræ; sed preces urgentes, intercessionem Magnatum, commendationes, laudes, adulationes, & alia hujusmodi, quibus flectitur animus conferentium res spirituales.

Per munus ab obsequio intelliguntur omnia obsequia ad alterius utilitatem temporalem spectantia: *Munus a manu pecunia, munus ab obsequio obedientia subjectionis, munus a lingua favor adulationis significant*, inquit Damianus lib. 2. Epist. 21.

S. VII.

En quo applicando propositionem superius stabilitam fit descensus ad casus particulares, in quibus committitur simonia vel mentalis, vel conventionalis, vel realis.

Constat ex dictis, quod vendere aut emere aliquid spirituale, vel in natura sua, vel in causa, vel in effectu, vel in unione, sit simonia. Spirituale inquam in natura: cujusmodi sunt gratia gratis data, & gratia gratum faciens. In causa: cujusmodi sunt Sacramenta & Sacramentalia. In effectu: cujusmodi est exercitium actuale potestatis spiritualis. In unione: cujusmodi sunt beneficia, jus patronatus, &c.

Consectaria hujus Doctrinae.

Consect. 1. Simoniam committit qui intendit vendere, aut emere (si fieri posset) spirituale in natura. 1. Donum gratum faciens, nimirum gratiam, spem, caritatem, virtutes morales, & actus earundem virtutum. 2. Gratias gratis datas, v. g. donum lingua-

rum, operationes virtutum, Prophetiam, &c. 3. Potestatem jurisdictionis, v. g. vim ferendi censuras, excommunicationes, irregularitates, suspensiones, interdicta, vim impertiendi indulgentias, vim perducendi ad beneficia vel per prælationem, vel per collationem, vel per confirmationem, vim dispensandi in votis, in impedimentis matrimonialibus. 4. Potestatem Ordinis, v. g. vim conferendi Sacramenta, vim prædicandi, vim serviendi altaribus, quia hæc omnia sunt actualia spirituale formaliter, ut dicuntur.

Consect. 2. Simoniam committit qui vendit, vel emit exercitium potentia & virtutis spiritualis; qualia sunt 1. Exercitium potentia Ordinis, v. g. collatio actualis Sacramentorum, actualis prædicatio, actualis inflictio censurarum, excommunicationis, suspensionis, irregularitatis, interdicti, absolutio a censuris, dispensatio in votis, in impedimentis matrimonialibus, benedictio Papalis, largitio Indulgentiarum; quia ista omnia sunt spiritualia executive, ut loquuntur.

Consect. 3. Simoniam committit qui vendit, aut emit aliquid, quod est causa rei spiritualis, verbi grat. qui vendit Sacramenta, aut Sacramentalia; quia hæc omnia sunt aliquid spirituale effective, ut ajunt, seu ratione effectus producti.

Consect. 4. Simoniam committit quicumque vendit, aut emit aliquid spirituale conexum cum temporali, si vendat temporale carius ratione spiritualitatis sibi annexæ: sic vendere vasa sacra, vestes sacras carius ob spiritualitatem adjunctam, est simonia; quia hæc sunt spiritualia in unione, seu, ut dicunt, unitive.

Consect. 5. Vendere temporale, quod præcedit spirituale, non est simonia; modo carius non vendatur, bene tamen si carius vendatur, quia in primo casu non venditur spirituale, sed solum temporale: in secundo vero casu est simonia; quia venditur spirituale: & ita non est simonia vendere, aut emere ista omnia, v. g. vasa sacra, vestes sacras, terram sepulture, prædium, domum, urbem, cui annexum est jus patronatus, materiam Sacramentorum, v. g. aquam ad Baptismum, oleum ad Confirmationem, panem & vinum ad Eucharistiam; nec simonia est dare dotem pro contractu matrimoniali; quia in his omnibus casibus, temporale, quod venditur, præcedit spirituale, cum quo venditur: at si hæc omnia carius venderentur propter spirituale annexum, esset simonia; quia venderentur carius ratione spiritualitatis. *Ilud constat ex Alexandro III. cap. Ea que extra de simo-*

simonia. *Audivimus, inquit, quod nummos pro Chrismate ab Ecclesiasticis extorqueatis. ... Quia vero hoc simoniacum esse cognoscitur, mandamus quatenus pretextu alicujus consuetudinis, vel praelationis præscriptos denarios nullatenus exigatis.*

Consect. 6. Non est simonia vendere temporale annexum spirituali, modo non carius vendatur ratione spiritualitatis; quia sicuti res temporalis potest separari a spirituali, ita & vendi: & ita non est simonia vendere ista omnia, v. g. vendere laborem extrinsecum non solum adhiberi in collatione Sacramentorum, in celebratione Missarum, in consecratione Ecclesiarum; justum namque est, ut illi consequantur stipendium, qui pro tempore suum commodare reperiuntur obsequium, & ita potest iniiri pactum ob laborem longioris itineris, ob cantum extraordinarium, ob obligationem celebrandi Missam tali & tali hora; quia iste labor est extrinsecus, & separabilis a collatione rei spiritualis: cavendum tamen aturpi lucro sic juxta Cajet. *Absque simonia fieri potest locatio operum in illis exercitiis spiritualibus, quæ principaliter sunt corporalia, ut patet de officio Sacrifice, Judicis, Doctoris in Theologia, & aliis hujusmodi, in quibus debentur certa stipendia, & possunt fieri conventiones; quia de corporali, ac venali opere pactio fit, non de re spirituali.* V. *Simonia.*

Consect. 7. Simonia est vendere, aut emere aliquid temporale intrinsece annexum rei spirituali, & inseparabile a re spirituali; quia sicuti illud temporale non potest separari a re spirituali, ita nec vendi: & ita simonia est vendere ista omnia, v. g. corporis laborem absolute necessarium ad celebrationem Missæ, ad celebrationem Sacramentorum, ad recitationem Officii.

Consect. 8. Simonia est vendere aut emere temporale se habens consequenter ad spirituale; quia cum spirituale præcedat temporale, adeo ut temporale non possit haberi, nisi prius habeatur spirituale, qui emit aut vendit temporale, censetur pariter vendere spirituale. Et ita simonia est vendere ista omnia. 1. Beneficia, seu jus percipiendi redditus Ecclesiasticos, quia in beneficiis spirituale præcedit temporale; id enim quod ante omnia concipitur in beneficio est potestas spiritualis exercendi sacra. 2. Jus quod quis habet post Professionem Religiosam ut nutriatur in Monasterio. 3. Jus quod beneficiatus habet nominandi ad beneficia; quia utrumque jus fundatur in aliquo spirituali. Hanc Doctrinam tradit D. Thom. 2. 2. q. 100. a. 2.

in corp. Aliquid potest esse annexum spiritualibus... sicut ex spiritualibus dependens: sicut habere beneficia Ecclesiastica, dicitur spiritualibus annexum, quia non competit nisi habenti officium Clericale: unde hujusmodi nullo modo possunt esse sine spiritualibus, & propter hoc ea nullo modo vendere licet; quia eis venditis, intelliguntur etiam spiritualia venditioni subijci.

S. VIII.

In quo magis adhuc in particulari percurruntur casus, in quibus committitur simonia vel mentalis, vel conventionalis, vel realis.

DE SIMONIA

Ex parte dantium spirituale pro temporali.

Prop. 1. Fundamentalis illata ex principiis superius positis.

Quicumque dat, vel exercet aliquid spirituale propter commodum temporale principaliter intentum, sive illud temporale sit munus a manu, sive a lingua, sive ab obsequio, simoniam committit; quia non gratis dat rem spirituales quam habet, sed eam confert ob temporale emolumentum.

Conseclaria hujus Doctrine.

Conseclarium 1. De munere a manu.

Illi omnes simoniam committunt per munus a manu, qui dant aliquid spirituale, ut obtineant temporale; quia per spirituales parant sibi viam ad temporale: & ita isti omnes sunt simoniaci.

1. Fideles omnes, si quis sint, qui exercent actus virtutum, pietatis, & religionis principaliter propter commodum temporale quales sunt hypocritæ, qui ficta pietate extorquent eleemosynas, aliaque commoda temporalia.

2. Omnes qui recitant officium, cantant in choro, celebrant Missam principaliter propter emolumentum temporale, v. g. propter retributiones. Si quis enim istiusmodi distributiones respiciat, quasi finem sui operis principaliter intentum, simoniam committit, & mortaliter peccat, inquit D. Th. quolibeto 8. q. 6. art. 10.

3. Clerici omnes, sive Sacerdotes, sive Episcopi, qui exercent potestatem Ordinis,

nis, vel jurisdictionis principaliter propter emolumentum temporale, v. g. prædicant propter retributionem temporalem, conferunt Sacramenta propter pecunias, conferunt Ecclesiis, dant Indulgentias, & dispensationes propter utilitatem temporalem sibi obvenientem. Sacerdotes, qui de pretio paciscuntur, ut Missas celebrent; & Parochi, qui pro Sacramentorum administratione, vel funere, vel sepulturis, exigunt præter ea, quæ de jure, vel consuetudine laudabili conferuntur, habeantur simoniaci; non autem si oblata recipiant. Concil. Rhemense ann. 1583. cap. de simoniis.

4. Clerici omnes, qui denegant conferre Sacramenta, sepulturam, &c. veriti, ne non recipiant retributiones temporales. Ita Conc. Illiberitanum Canon. 48. Emendari placuit, ut qui baptizantur, nummos in concham non mittant (ut fieri solebat) ne Sacerdos, quod gratis accepit, pretio distrahere videatur. Et Gelasius 1. Epistola ad Episcopos per Lucaniam & Siciliam constitutos cap. 5. ait: Baptizandis, consignandisque fidelibus pretia nulla præstare. Idem vetat Concil. Lateran. secundum, & Londinense.

Et Paulus V. in suo Rituali vetat, ne quavis ex causa ministri Ecclesiæ aliquid directe, vel indirecte exigant, aut petant in Sacramentorum administratione, sed Sacramenta gratis administrent.

5. Confessarii, qui poenitentibus non imponunt salutare poenitentiam, sed in temporale aliquid donum sibi Confessariis obventurum immutant: quod quidem expresse prohibet jus Canonicum cap. 14. extra. de simonia; ubi sic habetur: Nemo presbyterorum xenium, vel emolumentum quodlibet temporale, imo spirituale detrimentum, a quocumque publice peccante accipiat, ut Episcopo vel ministris ejus peccatum illius celet... quia simoniacum est: cui consentire videtur Scriptura dicens: Declinaverunt post avaritiam, acceperunt munera, & perverterunt iudicium: 1. Reg. cap. 3. & rursum Paulus ait, loquens de avaris ministris: Universas domos subvertunt, docentes quæ non oportet, turpis lucri gratia: ad Tit. c. 1. v. 11. Ideo Concilia prohibent, ne Confessarii imponant pro poenitentia Missas ab ipso Confessario celebrandas. Prohibemus, in-

quit Synodus Cantuariensis, anno 1195. Canon. 3. ut Sacerdos laico ad poenitentiam venienti, obtentu cupiditatis, injungat, ut Missas celebrare faciat. Et Synodus Londinensis 1200. Canon. 4. idem vetat his verbis: Adjudicamus ad Sacerdotum cupiditatem refræmandam, ut Missæ non injungantur in poenitentiam his, qui non sunt Sacerdotes.

6. Collatores omnes beneficiorum quorumlibet, qui conferunt beneficia ob pecuniam, vel aliud quodcumque temporale acceptum, vel accipiendum. Qui conferunt beneficium hoc pacto, vel intentione, ut exinde suis consanguineis provideant, simoniam committunt. D. Thom. 2. 2. quæst. 100. a. 5. ad 2.

7. Qui permutant beneficia ob terrenum commodum alterius partis. Est in permutatione simonia, si pro aliquo terreno commodum utriusque, vel alterius partis fiat. (a) ait D. Th. in 4. dist. 25. q. 3. a. 3. ad 8.

8. Qui conferunt beneficia sub onere pensionis, quando non habent jus ponendi onus pensionis: ita Concilium Rothomagense: Omnes pensiones, & portiones super beneficiis, in quibus non intervenit Sedis Apostolicæ approbatio, illicitas & simoniacas declaramus. De Episcoporum officiis n. 2.

9. Qui paciscuntur de redimenda pensionem: ita Conc. Rothomagense an. 1581. n. 17. Resignationes quorumcumque beneficiorum cum reservatione fructuum, vel pensione, quæ postea ab illis, qui resignationes illas acceperint, præsentis pretio sine Sedis Apostolicæ autoritate redimitur, simoniacas judicamus.

10. Qui habentes jus ponendi pensionem, dant beneficium sub onere pensionis, non Clerico digniori, per quem dignius Ecclesiæ ministraretur, sed Clerico ditioni, per quem pensio exactius persolvatur.

Prædicti omnes simoniam contrahunt per munus a manu: quia utuntur aliquo spiritali, quod habent, ut ad temporale, quod non habent, perveniant.

Confessarium 2. De munere a lingua.

Illi omnes simoniam committunt per munus a lingua, qui dant aliquid spirituale, quod

(a) Fiunt vulgo permutationes pro comodo aliquo temporali, v. g. sanitate, vicinia suorum, servitio commodiore, &c. Episcopo has permutationes approbante. Sed manet semper D. Thomæ sententia, si illud commodum temporale non referatur ad majorem Ecclesiæ utilitatem.

quod habent, principaliter propter preces urgentes, & rationem pretii habentes; quia per illud spirituale viam sibi parant ad commodum temporale, quod evenit ex illis precibus. Dixi, preces habentes rationem pretii; quia aliunde preces, quamvis nefariae, inquit Cajet. inducunt quidem peccatum, sed non simoniam; quia ubi non intervenit pretium, ibi non est simonia. Sic isti omnes sunt simoniaci.

1. Fideles illi hypocritae, qui sperantes commodum temporale ex ficta pietate eventurum, simulant pietatem coram Confessariis, coram Magnatibus, a quibus temporale expectant se recepturos. Sic enim spirituali parant sibi viam ad temporale, nihil pietatem curant, sed solum commodum terrenum intendunt.

2. Clerici illi hypocritae, qui actus clericales exercent, v.g. intersunt choro, recitant officium, &c. non ut Deum precibus flectant, vel mentem oratione nutriant, sed solum ne retributionibus temporalibus priventur, vel ut favore eorum inean, a quibus sperant se ad dignitates ecclesiasticas evehendos; spiritualibus enim exercitiis quaerunt sibi parare viam ad temporales redditus.

3. Sacerdotes illi timidi, qui veriti, ne priventur commodo aliquo temporali, vel emoluiti precibus, vel deterriti minis, Sacramenta conferunt indignis, aut omittunt ea, quae sunt officii; sic enim per spirituale, quod male exercens, parant sibi viam ad temporale.

4. Episcopi illi timidi, qui veriti pariter, ne priventur aliquo temporali emolumento, aut minis territi, aut precibus carnalibus inflexi, indignos ad Ordines promoveant, & vigorem ecclesiasticae disciplinae omnino languescere permittunt.

5. Collatores beneficiorum, qui moti non dignitate personae, sed precibus urgentibus, vel per suffragium, vel collationem, vel per confirmationem, vel per nominationem aliquem ad beneficium evehant, vel procurant evehendum. Quando, inquit D. Th. *Fiunt preces pro indigno, vel ab aliquo potente, qui periculum comminatur, quae dicuntur preces armatae, manifeste simonia committitur.* In 4. dist. 23. q. 3. a. 3. ad 4. Simoniaci quoque sunt collatores, qui conferunt beneficia, ut apud Magnates gratiam obtineant. *Qui autem, inquit D. Th. ibid. dat aliquid spirituale pro favore, vel laude acquirenda, non est dubium, quin simoniam committat.*

6. Praedicatores, qui ob preces minasve urgentes non arguunt populos, sed eorum vitii adulantur.

7. Fideles omnes, qui ob preces urgentes non deserunt publicos peccatores ad superiores.

Hi omnes simoniam committunt per munus a lingua; quia dant spirituale, quod habent, ut perveniant ad temporale, quod non habent, nimirum ad favorem Magnatum.

Consiliarium 3. De munere ab obsequio.

Illi omnes simoniam committunt per munus ab obsequio, qui dant aliquid spirituale quod habent, propter obsequium temporale quod accipiunt, vel quod sperant se accepturos; quia per spirituale, quod habent, parant sibi viam ad temporale, quod non habent: & ita isti omnes sunt simoniaci.

1. Fideles omnes, si qui sint, qui exercerent actus virtutum ob aliquod obsequium temporale, quod ab aliis acciperent, v.g. confiterentur, reciperent Eucharistiam, vel exigerent ab aliquo ministerium temporale.

2. Clerici omnes, qui exercerent actus Clericorum, v.g. recitarent officium, adessent choro in gratiam aliquorum, qui eis obsequium temporale ministrarent; v. gr. colerent eorum vineas, agros, &c.

3. Sacerdotes omnes, qui exercerent actus Sacerdotes, v.g. conferrent Sacramenta obsequium temporale, quod acciperent, v.g. darent Sacramenta rusticis sub ea conventionem, ut isti agros, vineas eorum colerent; Magnatibus ea conditione, ut lites ipsorum peragerent.

4. Collatores beneficiorum, qui conferunt beneficia, ut obsequium temporale accipiant, v.g. Curati, qui dant beneficia Vicariis ad solveanda stipendia Vicariatus. Episcopi, qui dant beneficia famulis suis, aut filiis famulorum, ad solveanda stipendia famulatus. Magnates, qui curant dari beneficia pedagogis filiorum suorum, aut filiorum consanguineorum, & amicorum ad solveanda stipendia pedagogis. Si quis beneficium propter obsequium, vel impense servitutis mercedem consecat, simoniacus esse censetur. Concil. Rhemense ann. 1583. titulo 23.

Hi omnes simoniam contrahunt; quia dant spirituale quod habent, pro obtinendo temporali quod non habent.

DE SIMONIA

Ex parte dantium temporale pro obtinendo spirituali.

Prop. 2. illata ex principiis superius positis.

Quicumque dat temporale, quod habet, pro obtinendo spirituali, quod non habet, sive illud temporale sit munus a manu, sive munus a lingua, sive munus ab obsequio, simoniam committit; quia non gratis obtinet spirituale, quod non habebat, sed ad illud viam sibi parat per temporale.

Confectaria hujus Doctrinae.

Confectarium 1. De munere a manu.

Simoniam committit per munus a manu quicumque dat aliquid temporale pretio æstimabile pro obtinendo spirituali; quia parat sibi viam ad spirituale per temporale: & ita isti omnes simoniam contrahunt.

1. Qui dant pecuniam, fundum, &c. ut obtineant vi emptionis rem spiritualement, qualis est potentia Ordinis, potentia jurisdictionis, &c.

2. Qui dant fundum, pecuniam, &c. ut obtineant rem spiritualement, v. g. beneficium, potestatem Ordinis, &c. quocumque prætextu dent, si per talem pecuniarum largitionem parent sibi viam ad rem spiritualement, quam non habent.

3. Qui dant pecunias pro redimenda licet de re spirituali, v. g. de beneficio nondum legitime possessio: ita Alexander III. cap. Cum pridem. De pactis. Cum quidam Clericus, & Mohachi pro causa, quæ inter illos vertebatur super Ecclesia, ad nostram præsentiam accessissent, inter se convenerunt, quod ei dem Clerico pro expensis, quas fecerat, tres marchæ argenti solverentur, & sic cederet. Cumque compositionem ipsam autoritate Pontificia peteret confirmari, nos eam non duximus admittendam pro eo, quod videbatur pravam illicitæ passionis speciem continere. Et idem Alex. III. Super eo quod quesivisti, utrum de Ecclesiastico beneficio in legitimum deducto possit fieri transactio, tale damus responsum, quod transigi super re sacra & litigiosa non potest: etenim res sacræ, ut possideantur, aliquo dato, vel retento, sive promisso, speciem credimus habere simoniae. Cap. Super eo. Extra. de transactionibus.

Sic litigantes super alicujus beneficii pos-

sessorio, inter se convenire absque simonia non possunt, ut pacis causa alter beneficium, alter pensionem super beneficio habeat; quia sic paratur via ad beneficium per aliquid temporale; & quia hujusmodi conventiones liti sedanda causa tunc solum permittuntur, dum sunt autoritate vel Episcopi, vel judicium arbitrariorum. Vide Fagnanum in cap. Nisi esset. De Præbendis lib. 3. decret. n. 130. ubi notat. 1. Quod hæc compositio debet sumere initium, non quidem ex pactione partium, sed ex iussione judicium, non ordinariorum, qui debent secundum rigorem juris judicare, sed arbitrorum, qui tamquam amiables compositores pronuntiant. 2. Quod debet hæc compositio fieri pro bono pacis; quod si nulla sublit causa, non potest pensio imponi. 3. Quod pensio illa sit duratura tantum ad vitam litigantis, & non transitura ad ejus successorem. Itaque in praxi melius, & tutius est, ut omnes illæ conventiones autoritate Papæ confirmantur.

4. Qui fundat beneficium, v. g. Præbendam, Canonatum, ea conditione, vel pacto, ut illud idem beneficium ei postea conferatur. Ita Innoc. III. Si quis Clericus conditione, vel pacto, largiatur aut offerat bona sua Ecclesiæ, ut postmodum illa bona pro Præbenda detineat, & in Canonicum admittatur, hujusmodi obligatio, vel receptio fieri non poterit sine vitio simoniae, cum in talibus omnis pactio, aut conventio cessare debeat juxta canonicas Sanctiones. Extra c. Tua nos, de simonia.

5. Qui oppignorat redditus fundi sui, aut beneficii sui, ut ei beneficium conferatur.

6. Qui non dat præsentem pecuniam, sed dat schedulas obligatorias, vel promittit pecunias se mutuo daturum.

7. Qui promittit solvere resignanti expensas facta pro beneficio.

8. Qui promittit collatori se daturum aliquam partem reddituum beneficii, se daturum pensionem; se non exacturum decimas & bonis collatoris, se daturum aliud beneficium.

9. Qui capaces beneficii accipiunt illud cum onere expresse, vel implicito illud conferendi alicui personæ designatæ, vel designandæ ab ipso collatore, v. g. nepoti, amico, quando capax factus fuerit beneficii recipiendi. Ita in Concil. Rhemenſi supra citato cap. de simoniis.

10. Qui dant, aut promittunt aliquid temporale pro institutione, aut admissione ad possessionem. Ita Concil. Lateran. sub Alex. III. can. 7. Horribile nimis est, quod in quibusdam Ecclesiis locum venalitis perhibetur

Quæ fuerit Ecclesiæ consuetudo circa retributionem pro celebratione Missarum, paucis accipe.

Temporibus Apostolorum Fideles offerebant panem & vinum pro sacrificio, & quod supererat cedebat in usum ministrorum, & aliquid pretio æstimabile, est simonia; quia pauperum: qui mos viget adhuc in Missis defunctorum. Non solum panis & vinum offerebatur, sed & alia, ut constat ex Can. 4. Apostolorum: *Offerri non liceat aliquid ad altare præter novas spicas, & uvas, & oleum ad luminaria, & Thymiana, id est incensum, tempore quo sancta celebratur oblatio.* Postea loco panis, & farinæ, denarii oblati sunt. Statutum est denarios formari, ut populus pro oblatione farinæ denarios offerret, inquit Honorius Augustodunensis in gemma animæ cap. 58. Tandem usu statutum est, ut pro celebratione certum statueretur stipendium: & a quibusdam Episcopis taxatum est honorarium pro Missa celebrata, quod honorarium citra simoniam accipitur.

Consect. 9. Citra ullam simoniam Pana potest annatas pecuniarias recipere ad sustentanda onera Pontificatus, vel ob alias rationes, sicut in veteri lege, Num. 18. summo Sacerdoti offerebantur decimarum decimæ.

Consect. 10. Quicumque habens spirituale, confert illud dignioribus, principaliter ob gloriam Dei, minus principaliter ob emolumentum temporale sibi obventurum, modo absit omnis pectio, non peccat, nec est simoniacus: non peccat; quia, ut lex jubet, dat spirituale dignioribus: non est simoniacus; quia ad simoniam incurrendam requiritur, ut interveniat conventio, quæ ibi nulla est.

Et ita nec peccat, nec est simoniacus, qui dat spiritualia hominibus, expectans, 1. Æternam retributionem a Deo. 2. Temporalem retributionem ab hominibus; quippe (ut ait Christus) *Dignus est operarius mercede sua* Luc. 10. v. 7. Et æquum est (ut ait Paulus) 1. Cor. 9. v. 11. ut qui spiritualia seminamus, metamus temporalia; nemo enim militat stipendiis suis. 1. Corinth. 9. v. 7.

Dignoscitur autem, quod homo intendat primario gloriam Dei, & secundario tantum temporale, quando pari affectu confert spiritualia pauperibus, & divitibus, nullam personarum acceptionem faciens, æque contentus tenui stipendio quam pingui, æque ardentem laborans in vinea Domini, si ve offeratur, si ve negetur honorarium, exemplum Christi imitatus, cui magis placuit pauper vidua, quæ duo minuta in Gazophylacium miserat, quam

potentes divites, qui ingentes thesauros derant.

Mon. 1. In omnibus casibus prædictis, in quibus scilicet titulo gratitudinis, liberalitatis, eleemosynæ, retributionis, honorarii, injustæ vexationis, pœnalitatis, consuetudinis approbatæ, datur aut recipitur ex pacto aliquid pretio æstimabile, est simonia; quia quoties in rebus spiritualibus conferendis, aut recipiendis, ex pacto inducitur vis obligatoria, toties intervenit simonia. Illud Gratianus multis Canonibus offendit. 1. Caus. q.

3. 1. Refert auctoritatem Greg. Can. *audivimus*, ubi sic habetur: *A sacrilegio quoque hoc facinus non dispar dixerim, cum id, quod sponte, & sacra deliberationis arbitrio gratis fieri debuit, sub pecunie passionem casuisset.* Et Can. *quæ*, ibidem dicitur: *Quidquid ergo vel in Sacris Orantibus, vel in Ecclesiasticis rebus vel data, vel promissa pecunia acquisitum est, nos irritum esse, & nullas unquam vires habere censemus.* Greg. dicit: passim declinandum est, non sub obtentu eleemosynæ peccata simoniacæ hæreticos perperemus: & Conc. Tolet. ann. 1224. ait: *Prohibemus, ne quis Presbyter pro Missis celebrandis (idem dic de quolibet alio spirituali) pecuniam exigat, vel rem aliam temporalem, sed gratis accipiat, si aliquid per facientem Missas celebrare oblatum sibi fuerit caritative, absque compaſſio, & conventionem quacunque.* Can. 6 & Trid. ait sess. 22. decreto de observandis, & evitandis in celebratione Missarum: *Atque ut multa paucis comprehendantur, in primis quod ad avaritiam pertinet, cuiusvis generis mercedum conditiones, pacta, & quidquid pro Missis celebrandis datur, nec non importunas atque illiberales eleemosynarum exactiones, potius quam postulationes, aliaque ejusmodi, quæ a simoniaca labe, vel certe a turpi questu non longe absunt, omnino prohibeant.*

Mon. 2. Item in prædictis casibus intervenit si non simonia, saltem turpis questus, quoties pro spiritualibus collatis in receptione temporalem intervenit avaritiæ affectus; quia gregem Christi pascimus non sponte nec secundum Deum, sed turpis lucris gratia, ut ait Petrus 1. Epist. 5. v. 2. *Et priorem facinus cibum, & posterius regnum Dei*, ut ait Aug. lib. 2. de serm. Domini in monte c. 16. Toties autem intervenit avaritiæ affectus, ut loquitur Alvarus Pelagius de planctu Ecclesiæ cap. 5. quoties collationem rerum spiritualium, ut questuariam, habet Clericus: quoties de celebratione Missarum, & collatione spiritualium artem facit de pane lucrando: quoties ad sancta accedit, sicut artifex ad artificium, lucris scilicet gratia: *querens* (ut ait Bonav.)

non caelestem panem, sed terrenum; non spirituum, sed lucrum; non Dei honorem, sed suam ambitionem; non salutem animarum, sed questum pecuniarum. Tract. de preparatione ad Missam.

Mon. 3. Si gratuita etiam retributio sit vetita ab Ecclesia, peccatum esset eam dare vel accipere: ideo licet tempore Gregorii licitum esset accipere gratis oblata pro collatione Ordinum; illud jam est illicitum ex decreto Tridentini veterem illam consuetudinem abrogantis, sess. 21. cap. 1. de reform. *Quoniam ab Ecclesiastico Ordine omnis avaritiæ suspicio abesse debet, nihil pro collatione quorumcumque Ordinum, etiam Clericalis Tonsuræ, nec pro litteris dimissoriis, aut testimonialibus, aut pro sigillo, nec aliâ quacumque de causa etiam sponte oblatum, Episcopi & alii Ordinum collatores, aut eorum ministri quovis pretextu accipiant.* Decima tamen pars aurei potest dari Notario, si salarium non habeat aliunde, modo hinc Episcopo nihil lucri vel directæ, vel indirectæ obveniat. Idem dicitur de examinatore, quando fit examen, ut eligatur dignior ad Ecclesiam Parochialem dandam in concursu. Caveant, ne quidquam prorsus occasione hujus examinis nec ante, nec post recipiant; alioquin simonie vitium tam ipsi, quam alii dantes incurrant, a qua absolvi nequeant, nisi dimissis beneficiis, quæ quomodocumque etiam antea obtinebant, & ad alia in posterum inhabiles reddantur. Sess. 24. c. 18. Item Episcopi prohibetur aliquid accipere etiam titulo stipendii pro dispensationibus, aliisve functionibus Ecclesiasticis. Cap. *Jacobus* de simonia.

De munere a lingua.

Prop. 2. Quicumque adhibet preces non urgentes, sed solum manifestantes meritum, & dignitatem personæ, quæ proponitur, ut ei aliquid spirituale præ alio conferatur; non est simoniacus, nec ibi ullum reperitur peccatum.

1. Nullum ibi committitur peccatum; quia licitum est manifestare meritum personarum utilium Ecclesiæ, immo illud est necessarium.

2. Nulla ibi est simonia, tum quia non est conventio, tum quia non est simonia in precibus, nisi quando non attenditur ad dignitatem personæ, sed ad favorem humanum, ut loquitur D. Th. 2. 2. q. 90. a. 5. ad 3.

Tomo I.

Illud idem docet Gratianus (a) cap. 1. q. 1. post. Can. 122. *Non quorumlibet precibus Ordinationes factæ falsæ dijudicantur; sed hæc deum, quæ precibus ordinandi, vel ejus amici, non spirituali, sed carnali affectu porrectis, sunt cum alias futura non essent, quas non caritas interveniens, sed ambitio supplicans extorquet.*

Confessaria hujus Doctrinæ.

Confess. 1. Non peccat, nec simoniacus est, qui manifestat meritum alterius, ut ei conferatur beneficium, præbenda, prælatura, potestas prædicandi, conferendi sacra, modo aliunde nullum sit prævum motivum vitians illam actionem.

Confess. 2. Non peccant Curati, qui exhibent, & manifestant Episcopis Clericos aptos ad beneficia, ad conferenda Sacramenta, ad concionandum, &c. immo bene agunt, modo non sit prava intentio.

Confess. 3. Non peccant superiores religiosi, qui Episcopis exhibent religiosos sui Ordinis idoneos ad prædicandum, & conferendum Sacramenta; quia illi omnes non adhibent, ut supponimus, preces urgentes, immo bene agunt, modo non sit prava intentio; quia hi omnes in prædictis casibus nihil aliud intendunt, quam offerre bonos operarios, sequentes in hoc præceptum Christi, Luc. 10. 2. *Rogate Dominum messis, ut mittat operarios in messiam suam.*

An vero aliquis possit exhibere seipsum Episcopis, & offerre se ad beneficium recipiendum, ad conferenda Sacramenta, ad concionandum, &c. si ducatur puro, & sincero zelo animarum, illud potest; imitatur enim Prophetam Isaiam dicentem, 6. v. 8. *Ecce ego, mitte me; sed evadendum maxime, ne spes largitæ sub specie zeli.*

De munere ab obsequio.

Prop. 3. Quicumque exhibet obsequium honestum, & spirituale, principaliter propter gloriam Dei, & secundario propter emolumentum temporale, non peccat, nec est simoniacus.

Prop. 1. Non peccat, cum per se primo intendat gloriam Dei. 2. Non est simoniacus, cum nullum ibi interveniat pactum.

2. Quicumque dat spirituale digniori- bus propter obsequium honestum, & spiritua-

Q

ritua-

(a) Gratianus author est privatus, non habet auctoritatem irrefragabilem, nec fidem facit, uti facit Jus Canonicum; sed ejus sententia non est omnino spernenda, præcipue cum cohæret Canonibus, quos explicat.

Et ne evagentur in sæculo, inquit D. Th. debent vel in arctiori monasterio recipi, ut iussit Concilium Lateranense, vel in eodem monasterio, ut permittit Urbanus IV. post peram penitentiam recipi. cap. *Sane*.

Consect. 6. Qui simoniace scienter beneficium aliquod Ecclesiasticum accepit, tenetur protinus, nulla expectata sententia Judicis, illud resignare in manibus Prælati; quia non habet titulum, quo illum retineat, & fructus restituere, quos mala fide percepit. *Tenetur*, inquit D. Th. *resignare beneficium, quod est consecutus, cum fructibus extantibus*. Et paulo superius: *Tenetur*, inquit, *ad restituendos fructus non solum perceptos, sed etiam eos, qui percipi poterunt a possessore diligent*. 2. 1. q. 100. a. 6. ad 3.

Nota, quod qui recipit simoniace scienter beneficium, fit inhabilis ad idem beneficium; quia ita determinat Jus Canonicum.

Sed non privatur beneficiis, quæ antea habebat, nec fit inhabilis ad alia beneficia; quia nulla est Lex Canonica istam pœnam apponens: pœnæ autem non sunt extendendæ. **Can. Pœnæ** & cap. *Odia* de regulis juris in 6.

Sola simonia confidentialis ex iussu Pii V. item simonia commissi in electione summi Pontificis, ut statuit Concil. Later. sub Julio II. sess. 5. tandem simonia, per quam examinatores futurorum Parochorum aliquid ab eis recipiunt, sive ante, sive post examen, ut statuit Trid. sess. 24. cap. 18. de reformat. habent hanc pœnam propriam, ut privent reos hujusce simoniæ quibuscumque beneficiis antea obtentis, & inhabilitatem inducant ad futura recipienda.

De tertia pœna contra Simoniacos, scilicet de restitutione pretii per Simoniam accepti.

Consect. 7. Simoniace ordinans tenetur restituere pretium acceptum pro collatione Ordinis; non enim potest retineri.

Consect. 8. Pretium acceptum pro ingressu in religionem non potest retineri ab Abbate, vel Priore; sed debet in bonum Communis impendi, ut jubet Urbanus IV.

Consect. 9. Pretium acceptum pro collatione beneficii, aliove actu ad hunc finem ordinato, ut sunt electio, præsentatio, confirmatio, &c. retineri non potest, ut habetur cap. *de hoc*, de simonia. *Acceptum illud*, inquit Alexand. III. *sine gravi salutis sue periculo retinere non possunt*. Sed pretium illud debet dari vel Ecclesiæ, quæ laica est, inquit D. Thomas, vel pauperi-

bus, quibus certa portio beneficiorum destinata est.

§. V.

Inquiritur, utrum ex vi solius juris naturalis incurrat a Simoniaci duplex hæc pœna, scilicet privatio rerum spiritualium, quas quis per Simoniam acquisivit, & obligatio restituendi pretii, quod simoniace acceptum est.

Prop. unica. Juxta gravissimos auctores non solum jure Ecclesiastico, sed etiam jure Divino & Naturali omnis venditio & emptio simoniaca est nulla; atque adeo ex vi solius juris Naturalis simoniacus tenetur vero domino reddere & spirituale, quod simoniace acquisivit, eo modo quo reddi potest, & temporale, quod simoniace consecutus est.

Prob. 1. Script. Res spiritualis nec emi potest, nec vendi, sed solum gratuito donari, juxta illud: *Gratis accepistis, gratis date*: Ergo omnis emptio & venditio rei spiritualis est ex jure Naturali & Divino nulla.

2. Ex Jure Can. c. *Pactiones de pactis*, ubi sic habetur: *Pactiones factæ a vobis pro quibusdam spiritualibus obtinendis, cum in hujusmodi omnis pactio, omni que conventio debeat omnino cessare, nullus penitus sunt momenti*. Postea additur: *Pactum turpe, vel rei turpis, aut impossibilis de jure, vel de facto, nullam obligationem inducit*: Ergo sicut pactio rei impossibilis est nulla, ita & venditio, vel emptio rei spiritualis.

3. Ex D. Th. 2. 2. q. 100. a. 6. in corp. *Dicendum*, quod nullus potest licite retinere id, quod contra voluntatem domini acquisivit, puta, si aliquis dispensator de rebus domini sui daret alicui contra voluntatem domini sui, ille, qui acciperet, licite retinere non posset. Dominus autem, cujus Ecclesiarum Prælati sunt dispensatores & ministri, ordinavit, ut spiritualia gratis darentur... Et ideo, qui muneris intervenus spiritualia quæcumque æsequitur, ea licite retinere non potest: Ergo ex D. Th. emptio & venditio rei spiritualis est nulla, sicut donatio rei alienæ.

4. Ratione allata per Covarruviam, ad regulam *Pœccatum*, p. 2. §. 8. Simoniaca Sacerdotiorum collatio, & aliarum dignitatum & beneficiorum simoniaca concessio, est nulla, nec jus aliquod tribuit ei, cui facta fuit, non quidem in pœnam criminis, sed quia ex natura rei pure ipso Naturali hæc acquisitio impeditur divina voluntate, sine qua spiritualia vendi nequeunt; & quia, inquit idem author, res spiritualia

lis materia invendibilis est: ergo si res spiritualis, tum natura sua, tum voluntate Dei, vendi non possit, omnis venditio & emptio rei spiritualis est nulla.

Nec obstat, quod Sacramenta simoniace collata, v. g. Baptismus, Confirmatio, & Ordo characterem conferant; quia tria illa Sacramenta eam vim habent, non ex vi venditionis, aut emptionis, quæ nulla est, sed ex vi institutionis Christi, qui voluit, quod triplex hoc Sacramentum, modo validum, licet informe, ut dicunt, characterem produceret.

Nec obstat pariter, quod matrimonium, licet simoniace collatum, sit validum, & Professio Religiosa, licet simoniaca, sit valida; quia id provenit, non ex pactione simoniaca, quæ nulla est, sed ex eo, quod & matrimonium, & professio Religiosa acceptantur ab Ecclesia, si certis solemnitatibus muniantur, quamvis simoniaca conventio, si quæ intercesserit, ab Ecclesia reprobetur.

Consuetudina hujus Doctrinae.

Consect. 1. Simonia mentalis cum opere subsecuto est restitutioni obnoxia. Ita docent: Adrianus VI. Dominicus, Covarruvias, Estius, alique quamplures, reclamantibus licet plerisque Canonistis.

Sic si quis non pacificatur expresse de pretio, sed munus quasi liberaliter offerat, mente tamen simoniaca, qua intendat munere tamquam pretio beneficium sibi comparare, is obnoxius sit restitutioni, nec beneficium retinere potest; quia acceptio beneficii fuit simoniaca: beneficium autem sine canonica institutione retinere non possumus. Et sicuti, inquiunt, qui ea mente dat mutuum, ut aliquid speret ultra sortem, usuram mente committit, & ad restitutionem tenetur ejus, quod tali intentione acceperit, etiam si expressa conventio non intercesserit, ut docet Urbanus III. cap. *Consuluit* de usuris; ita idem sentiendum de eo, qui simoniam mentalem committit cum opere subsecuto.

Consect. 2. Qui beneficium aliquod accipit simoniace, non sciens, sed ignorans, non per simoniam a se, sed ab alio commissam, nisi id fuisset factum fraudulenter, & in ejus odium, aut nisi ipse expresse tali simoniacæ pactioni contradixisset: is, inquam, tenetur beneficium dimittere hoc ipso, quod cognoscit simoniam; quia institutio non fuit canonica, sed simoniaca; beneficium autem sine canonica institutione obtineri non potest.

Sic pueri tenentur ea beneficia dimittere, quæ eis omnino pactionem simoniacam igno-

rantibus per parentes simoniace acquisita sunt. Sicuti, si alienum ignoranter detineamus, tenemur id restituere hoc ipso, quod cognoscimus non nostrum esse, sed alienum. De prædicto casu ita loquitur D. Th. *Si eo nesciente per alios alicujus promotio simoniace procuratur, caret quidem Ordinis executione, & teneatur resignare beneficium, quod est consecutus cum fructibus extantibus; non autem tenetur restituere fructus consumptos: quia bona fide possedit; nisi forte inimicus ejus fraudulenter pecuniam daret pro alicujus promotione, vel nisi ipse expresse contradixisset; tunc enim non tenetur ad renuntiandum, nisi forte postmodum pacto consenserit, solvendo quod fuit promissum.* 2.2. q. 100. art. 6. ad 3. Idem habes cap. *Nobis fuit*, & cap. *Sicut suis liberis*, de simonia.

Consect. 3. Pretium simoniace acceptum retineri non potest; cum enim emptio, & venditio simoniaca sit nulla, venditor rei spiritualis non acquirit vi venditionis dominium pretii, quod accipit.

Quæres, cui restitutio fieri debeat tum rei spiritualis, tum pretii.

Respondeo. Si solum jus naturale spectemus, restitutio rei simoniace acceptæ facienda esset ei, a quo accepta est, sicut & Judas fecit, referendo triginta argenteos Principibus Sacerdotum; sed quia æquum est, ut restitutio faciendi ab crimine simoniæ determinetur per Ecclesiam, cujus est de hujusmodi flagitiis judicare; ideo hæc restitutio debet fieri hoc pacto.

Primo quoad beneficia. Si simonia realis fuerit, beneficium ecclesiasticum simoniace acceptum redit ad jus collatoris, vel superioris; alioquin ad priorem possessorem reverti debet. Ita Estius in 4. dist. 26. §. 18.

Secundo quoad pretium. Si simonia realis fuerit, & ex utraque parte completa, pretium debet dari vel Ecclesiæ, cui facta est injuria, vel pauperibus. Ita D. Thom. 2.2. q. 100. a. 6. ad 4. *Dicendum, quod pecunia, vel possessio, vel fructus &c. simoniace accepti, debent restitui Ecclesiæ, in cujus injuriam data fuerunt. Si vero Prælati, & totum Collegium sunt in culpa, tunc debet cum auctoritate Superioris vel pauperibus, vel alteri Ecclesiæ erogari.*

Si vero simonia non sit realis ex utraque parte, sed datum fuerit pretium, & non acceptum spirituale; tunc, inquit Cajetanus, pretium restituendum est ei, a quo acceptum est: non enim datum est nisi supposita conditione, quæ adimpleta non est. Item, cum datum est temporale pro spirituali, quod quis ex iustitia conferre teneba-

tur, v. g. datum est argentum Parocho, ut conferret Sacramenta; vel si simplex Sacerdos, aut etiam Parochus exigunt pro collatione rei spiritualis aliquid ultra consuetudinem, vel taxam, tunc temporale debet restitui ei, qui dedit.

S. VIII.

Stabilis propositio fundamentalis, qua penetrata innotescit, quibus in casibus committitur Simonia tum mentalis, tum conventionalis, tum realis.

Prop. unica. Crimen simoniae incurritur quotiescumque ex pacto datur temporale pro spirituali, vel spirituale pro temporali, quacumque mente datur, si interveniat contractus vel explicitus, vel implicitus.

Prob. Script. Toties ex Script. simonia committitur, quoties spirituale datur non gratis, juxta illud Matth. 10. 8. *Gratis accepistis, gratis date:* atqui spirituale non datur gratis, quando datur ex contractu & pacto, ut patet, quodcumque interveniat motivum, libertas enim dandi, vel non dandi, & necessitas dandi opponuntur: Ergo toties simonia committitur, quoties ex contractu & pacto datur temporale pro spirituali, vel spirituale pro temporali, quocumque motivo datur. Ridenda enim est explicatio quorundam, qui, ut refert Damianus lib. 1. Epist. 13. ajunt: *Non emitur Sacerdotium, sed possessio praediorum.... Venalia sunt, unde sint divites; gratis accipiunt, unde fiunt Sacerdotes.*

2. Ex Canonibus. Canones vetant dari pro spirituali consequendo quodlibet praemium, quolibet modo, quocumque modo: Ergo Canones supponunt committi simoniam, quoties ex pacto datur temporale pro spirituali: quod patet r. ex Concilio Toletano. 8. cap. 3. *Quicumque pro recipienda dignitate quolibet praemium detulisset fuerit obviis, ex eodem tempore anathematis se noverit opprobrio condemnatum.* 2. Ex Conc. Tolos. anno 1106. Can. 1. *Si quis Episcoporum accepta quocumque modo pecunia ordinaverit, subiacet poenae simoniacorum.* 3. Gregorius lib. 4. Epist. 8. *Fraternitati vestrae commoda quolibet modo subrepant, ne laqueis simoniace (quod abst) herefeseos alligetur.*

5. Ex propositionibus damnatis a summis PP: & a Clero Gallicano art. 15. Ad simoniam contrahendam sufficit, quod datur temporale non pro beneficio, sed pro temporali, quod cum beneficio connectitur. Ita determinavit Alexander VII. damnando hanc

propositionem: *Non est contra justitiam beneficia Ecclesiastica non conferre gratis, quia collator conferens illa beneficia Ecclesiastica pecunia interveniente, non exigit illam pro collatione beneficii, sed veluti pro emolumento temporali, quod tibi conferre non tenebatur.*

Ad simoniam incurrendam sufficit quod datur temporale tanquam motivum, licet non datur tanquam pretium. Ita determinavit Innocentius XI. damnando sequentes propositiones. *Dare temporale pro spirituali non est simonia, quando temporale non datur tanquam pretium, sed duntaxat tanquam motivum conferendi, vel efficiendi spirituale; vel quando temporale sit solum gratuita compensatio pro spirituali, aut e contra.*

Et id quoque locum habet, etiam si temporale sit principale motivum dandi spirituale; imo etiam si sit finis ipsius rei spiritualis, sic ut illud pluri aestimetur, quam res spirituales.

6. Rat. Quotiescumque intervenit illud pactum, *do, ut des*, vel *do, si des*, toties intervenit contractus, ut patet: atqui contractus in rerum spiritualium traditione & receptione inducit simoniam: Ergo quotiescumque intervenit pactum, *do, ut des*, vel *do, si des*, committitur simonia, ad quam non requiritur pactum expressum, sed sufficit tacitum, ut docet Damianus Opuscul. 31. cap. 5. *Sunt nonnulli, inquit, qui nullum pacti sunt commodum; postmodum vero tanquam a debitoribus exigunt.... Hi non dubitent se Giesi crimen incurere.*

Sic cum solo pacto implicito Simon Magus peccavit peccato simoniae; quia usus est temporali, scilicet pecunia, ut obtineret spirituale, scilicet vim operandi miracula: quam pecuniam Petrus rejecit, dicens: *Pecunia tua tecum sit in perditionem.* Act. 8. v. 20. Giesi vero sine pacto pariter explicito peccavit peccato simoniae; quia accepit temporale, scilicet pecuniam, & velles propter spirituale, quod datum fuerat ab Eliseo, scilicet pro miraculosa sanitate corporis & animae, quam Naaman receperat: cui Giesi dixit Eliseus: *Accipisti argentum, accipisti vestes, ut emas oliveta, & vineas, & oves, & boves, & servos, & ancillas; sed & lepra Naaman adhaerebit tibi & semini tuo usque in sempiternum.* Et egressus est Giesi ab eo, scilicet Eliseo, leprosus quasi nix. 4. Reg. 5. v. 26.

Consecraria generalia hujus Doctrinae, quae sunt eorundem principia Consecratorum particularium.

Consecr. 1. Simoniam committunt conferentes.

rentes rem spiritualement vel formaliter, vel executive, vel unitive, vel causaliter, ut ajunt, si conferant propter aliquod commodum temporale, v. g. ob munus a manu; ob munus a lingua; ob munus ab obsequio; quia non dant gratis rem spiritualement.

Consect. 2. Simoniam committit recipientes rem spiritualement, vel spirituali annexam propter commodum temporale, quod rependunt, v. g. propter munus a manu, a lingua, ab obsequio; quia recipiunt rem spiritualement non gratuito. Ita Canon *Salvator* . i. q. 3.

Per munus a manu intelliguntur omnia bona temporalia, sive mobilia, sive immobilia, v. g. pecunia, fundus, supellex, redditus, debita, aut res alia quolibet, quæ solet esse materia contractuum.

Per munus a lingua intelliguntur preces, non manifestantes solum meritum personarum, quibus conferri solent res sacræ; sed preces urgentes, intercessionis Magnatum, commendationes, laudes, adulationes, & alia hujusmodi, quibus flectitur animus conferentium res spirituales.

Per munus ab obsequio intelliguntur omnia obsequia ad alterius utilitatem temporalem spectantia: *Munus a manu pecunia, munus ab obsequio obedientia subjectionis, munus a lingua savor adulationis significant*, inquit Damianus lib. 2. Epist. 21.

S. VII.

Ex quo applicando propositionem superius stabilitam si descensus ad casus particulares, in quibus committitur simonia vel mentalis, vel conventionalis, vel realis.

Constat ex dictis, quod vendere aut emere aliquid spirituale, vel in natura sua, vel in causa, vel in effectu, vel in unione, sit simonia. Spirituale inquam in natura: ejusmodi sunt gratia gratis data, & gratia gratum faciens. In causa: ejusmodi sunt Sacramenta & Sacramentalia. In effectu: ejusmodi est exercitium actuale potestatis spiritualis. In unione: ejusmodi sunt beneficia, ius patronatus, &c.

Consecratoria hujus Doctrinae.

Consect. 1. Simoniam committit qui intendit vendere, aut emere (si fieri posset) spirituale in natura. i. Donum gratum faciens, nimirum gratiam, spem, caritatem, virtutes morales, & actus earundem virtutum. 2. Gratias gratis datas, v. g. donum lingua-

rum, operationes virtutum, Prophetiam, &c. 3. Potestatem jurisdictionis, v. g. vim ferendi censuras, excommunicationes, irregularitates, suspensiones, interdicta, vim impertiendi indulgentias, vim perducendi ad beneficia vel per præstationem, vel per collationem, vel per confirmationem, vim dispensandi in votis, in impedimentis matrimonialibus. 4. Potestatem Ordinis, v. g. vim conferendi Sacramenta, vim prædicandi, vim serviendi altaribus, quia hæc omnia sunt aliquid spirituale formaliter, ut dicuntur.

Consect. 2. Simoniam committit qui vendit, vel emit exercitium potentia & virtutis spiritualis; qualia sunt 1. Exercitium potentia Ordinis, v. g. collatio actualis Sacramentorum, actualis prædicatio, actualis inflictio censurarum, excommunicationis, suspensionis, irregularitatis, interdicti, absolutio a censuris, dispensatio in votis, in impedimentis matrimonialibus, benedictio Papalis, largitio Indulgentiarum; quia ista omnia sunt spiritualia executive, ut loquuntur.

Consect. 3. Simoniam committit qui vendit, aut emit aliquid, quod est causa rei spiritualis, verb. grat. qui vendit Sacramenta, aut Sacramentalia; quia hæc omnia sunt aliquid spirituale effective, ut ajunt, seu ratione effectus producti.

Consect. 4. Simoniam committit quicumque vendit, aut emit aliquid spirituale connexum cum temporali, si vendat temporale carius ratione spiritualitatis sibi annexæ: sic vendere vasa sacra, vestes sacras carius ob spiritualitatem adjunctam, est simonia; quia hæc sunt spiritualia in unione, seu, ut dicunt, unitive.

Consect. 5. Vendere temporale, quod præcedit spirituale; non est simonia; modo carius non vendatur, bene tamen si carius vendatur; quia in primo casu non venditur spirituale, sed solum temporale: in secundo vero casu est simonia; quia venditur spirituale: & ita non est simonia vendere, aut emere ista omnia, v. g. vasa sacra, vestes sacras, terram sepulturae, prædium, domum, urbem, cui annexum est ius patronatus, materiam Sacramentorum, v. g. aquam ad Baptismum, oleum ad Confirmationem, panem & vinum ad Eucharistiam: nec simonia est dare dotem pro contractu matrimoniali; quia in his omnibus casibus, temporale, quod venditur, præcedit spirituale, cum quo venditur: at si hæc omnia carius venderentur propter spirituale annexum, esset simonia; quia venderetur carius ratione spiritualitatis. Illud constat ex Alexandro III. cap. *Eaque* extra de simo-

simonia. *Audivimus, inquit, quod nummos pro Chrismate ab Ecclesiasticis extorqueris. ... Quia vero hoc simoniacum esse cognoscitur, mandamus quatenus pretextu alicujus consuetudinis, vel praelationis præscriptos denarios nullatenus exigatis.*

Consect. 6. Non est simonia vendere temporale annexum spirituali, modo non carius vendatur ratione spiritualitatis; quia sicut res temporalis potest separari a spirituali, ita & vendi: & ita non est simonia vendere ista omnia, v. g. vendere laborem extrinsecum non solitum adhiberi in collatione Sacramentorum, in celebratione Missarum, in consecratione Ecclesiarum; iustum namque est, ut illi consequantur stipendium, qui pro tempore suum commodare reperiuntur obsequium, & ita potest iniiri pactum ob laborem longioris itineris, ob cantum extraordinarium, ob obligationem celebrandi Missam tali & tali hora; quia iste labor est extrinsecus, & separabilis a collatione rei spiritualis: cavendum tamen aturpi lucro sic juxta Cajet. *Abque simonia fieri potest locatio operarum in illis exercitiis spiritualibus, quæ principaliter sunt corporalia, ut patet de officio Sacrificæ, Judicis, Doctoris in Theologia, & aliis hujusmodi, in quibus debentur certa stipendia, & possunt fieri conventiones; quin de corporali, ac venali opere pacto fit, non de re spirituali.* V. *Simonia.*

Consect. 7. Simonia est vendere, aut emere aliquid temporale intrinsece annexum rei spirituali, & inseparabile a re spirituali; quia sicut illud temporale non potest separari a re spirituali, ita nec vendi: & ita simonia est vendere ista omnia, v. g. corporis laborem absolute necessarium ad celebrationem Missæ, ad celebrationem Sacramentorum, ad recitationem Officii.

Consect. 8. Simonia est vendere aut emere temporale se habens consequenter ad spirituale; quia cum spirituale præcedat temporale, adeo ut temporale non possit haberi, nisi prius habeatur spirituale, qui emit aut vendit temporale, censetur pariter vendere spirituale. Et ita simonia est vendere ista omnia. 1. Beneficia, seu jus percipiendi redditus Ecclesiasticos, quia in beneficiis spiritualis præcedit temporale; id enim quod ante omnia concipitur in beneficio est potestas spiritualis exercendi sacra. 2. Jus quod quis habet post Professionem Religiosam ut nutriatur in Monasterio. 3. Jus quod beneficiatus habet nominandi ad beneficia; quia utrumque jus fundatur in aliquo spirituali. Hanc Doctrinam tradit D. Thom. 2. 2. q. 100. a. 2.

in corp. Aliquid potest esse annexum spiritualibus... sicut ex spiritualibus dependens: sicut habere beneficia Ecclesiastica, dicitur spiritualibus annexum, quia non competit nisi habenti officium Clericale: unde hujusmodi nullo modo possunt esse sine spiritualibus, & propter hoc ea nullo modo vendere licet; quia eis venditis, intelliguntur etiam spiritualia venditioni subijci.

S. VIII.

In quo magis adhuc in particulari percurruntur casus, in quibus committitur simonia vel mentalis, vel conventionalis, vel realis.

DE SIMONIA

Ex parte dantium spirituale pro temporali.

Prop. 1. Fundamentalis illata ex principiis superius positis.

Quicumque dat, vel exercet aliquid spirituale propter commodum temporale principaliter intentum, sive illud temporale sit munus a manu, sive a lingua, sive ab obsequio, simoniam committit; quia non gratis dat rem spirituales quam habet, sed eam confert ob temporale emolumentum.

Conseclaria hujus Doctrine.

Conseclarium 1. De munere a manu.

Illi omnes simoniam committunt per munus a manu, qui dant aliquid spirituale, ut obtineant temporale; quia per spirituale parant sibi viam ad temporale: & ita isti omnes sunt simoniaci.

1. Fideles omnes, si qui sint, qui exercent actus virtutum, pietatis, & religionis principaliter propter commodum temporale quales sunt hypocritæ, qui fista pietate extorquent eleemosynas, aliaque commoda temporalia.

2. Omnes qui recitant officium, cantant in choro, celebrant Missam principaliter propter emolumentum temporale, v. g. propter retributiones. *Si quis enim istiusmodi distributiones respiciat, quasi finem sui operis principaliter intentum, simoniam committit, & mortaliter peccat,* inquit D. Th. quolibeto 8. q. 6. art. 10.

3. Clerici omnes, sive Sacerdotes, sive Episcopi, qui exercent potestatem Ordinis,

nis, vel jurisdictionis principaliter propter emolumentum temporale, v. g. prædicant propter retributionem temporalem, conferunt Sacramenta propter pecunias, conferunt Ecclesiis, dant Indulgentias, & dispensationes, propter utilitatem temporalem sibi obvenientem. *Sacerdotes, qui de pretio paciscuntur, ut Missas celebrent, & Parochi, qui pro Sacramentorum administratione, vel sumere, vel sepulturi, exigunt præter ea, quæ de jure, vel consuetudine laudabili conferuntur, habeantur simoniaci; non autem si oblata recipiant.* Concil. Rhemense ann. 1583. cap. de simoniaciis.

4. Clerici omnes, qui denegant conferre Sacramenta, sepulturam, &c. veriti, ne non recipiant retributiones temporales. Ita Conc. Illiberitanum Canon. 48. *Emendari placuit, ut qui baptizantur, nummos in concham non mittant (ut fieri solebat) ne Sacerdos, quod gratis accepit, pretio distrabere videatur.* Et Gelasius I. Epistola ad Episcopos per Lucaniam & Siciliam constitutos cap. 5. ait: *Baptizandis, consignandisque fidelibus pretia nulla præstentur.* Idem vetat Concil. Lateran. secundum, & Londinense.

Et Paulus V. in suo Rituali vetat, ne quavis ex causa ministri Ecclesiæ aliquid directe, vel indirecte exigant, aut petant in Sacramentorum administratione, sed Sacramenta gratis administrent.

5. Confessarii, qui poenitentibus non imponunt salutare poenitentiam, sed in temporale aliquid donum sibi Confessariis obventurum immutant: quod quidem expresse prohibet jus Canonicum cap. 14. extra. de simonia, ubi sic habetur: *Nemo presbyterorum renium, vel emolumentum quodlibet temporale, imo spirituale detrimentum, a quocumque publice peccante accipiat, ut Episcopo vel ministris ejus peccatum illius celes... quia simoniacum est: cui consentire videtur Scriptura dicens: Declinaverunt post avaritiam, acceperunt munera, & pervertierunt judicium: 1. Reg. cap. 3. & rursus Paulus ait, loquens de avaris ministris: Universas domos subvertunt, docentes quæ non oportet, turpis lucri gratia: ad Tit. c. 1. v. 11. Ideo Concilia prohibent, ne Confessarii imponant pro poenitentia Missas ab ipso Confessario celebrandas. Prohibemus, in-*

quit Synodus Cantuariensis, anno 1195. Canon. 3. *ut Sacerdos laico ad poenitentiam venienti, obtentu cupiditatis, injungat, ut Missas celebrare faciat.* Et Synodus Londinensis 1200. Canon. 4. idem vetat his verbis: *Adjicimus ad Sacerdotum cupiditatem refrenandam, ut Missæ non injungantur in poenitentiam his, qui non sunt Sacerdotes.*

6. Collatores omnes beneficiorum quorumlibet, qui conferunt beneficia ob pecuniam, vel aliud quodcumque temporale acceptum, vel accipiendum. *Qui conferunt beneficium hoc pacto, vel intentione, ut exinde suis consanguineis provideant, simoniam committunt.* D. Thom. 2. 2. quæst. 100. a. 5. ad 2.

7. Qui permutant beneficia ob terrenum commodum alterius partis. *Est in permutatione simonia, si pro aliquo terreno commodum utriusque, vel alterius partis fiat. (a)* ait D. Th. in 4. dist. 25. q. 3. a. 3. ad 8.

8. Qui conferunt beneficia sub onere pensionis, quando non habent jus ponendi onus pensionis: ita Concilium Rothomagense: *Omnes pensiones, & pensiones super beneficiis, in quibus non intervenit Sedis Apostolicæ approbatio, illicitas & simoniacas declaramus.* De Episcoporum officiis n. 2.

9. Qui paciscuntur de redimenda pensione: ita Conc. Rothomagense an. 1581. n. 17. *Resignationes quorumcumque beneficiorum cum reservatione fructuum, vel pensione, quæ postea ab iis, qui resignationes illas acceptaverunt, presenti pretio sine Sedis Apostolicæ autoritate redimuntur, simoniacas judicamus.*

10. Qui habentes jus ponendi pensionem, dant beneficium sub onere pensionis, non Clerico digniori, per quem dignius Ecclesiæ ministraretur, sed Clerico ditiori, per quem pensio exactius persolvatur.

Prædicti omnes simoniam contrahunt per munus a manu: quia utuntur aliquo spirituali, quod habent, ut ad temporale, quod non habent, perveniant.

Consecrarium 2. De munere a lingua.

Illi omnes simoniam committunt per munus a lingua, qui dant aliquid spirituale, quod

(a) Fiunt vulgo permutationes pro comodo aliquo temporali, v. g. sanitate, vicinia suorum, servitio commodiore, &c. Episcopo has permutationes approbante. Sed manet semper D. Thomæ sententia, si illud commodum temporale non referatur ad majorem Ecclesiæ utilitatem.

quod habent, principaliter propter preces urgentes, & rationem pretii habentes; quia per illud spirituale viam sibi parant ad commodum temporale, quod evenit ex illis precibus. Dixi, preces habentes rationem pretii; quia aliunde preces, quamvis nefariae, inquit Cajet. inducunt quidem peccatum, sed non simoniam; quia ubi non intervenit pretium, ibi non est simonia. Sic isti omnes sunt simoniaci.

1. Fideles illi hypocritae, qui sperantes commodum temporale ex ficta pietate eveniunt, simulant pietatem coram Confessariis, coram Magnatibus, a quibus temporale expectant se recepturos. Sic enim spirituali parant sibi viam ad temporale, nihil pietatem curant, sed solum commodum terrenum intendunt.

2. Clerici illi hypocritae, qui actus clericales exercent, v.g. inter sunt choro, recitant officium, &c. non ut Deum precibus flectant, vel mentem oratione nutrant; sed solum ne retributionibus temporalibus priventur, vel ut favorem eorum inean, a quibus sperant se ad dignitates ecclesiasticas evehendos; spiritualibus enim exercitiis quaerunt sibi parare viam ad temporales redditus.

3. Sacerdotes illi timidi, qui veriti, ne priventur commodo aliquo temporali, vel emolli precibus, vel deterriti minis, Sacramenta conferunt indignis, aut omittunt ea, quae sunt officii; sic enim per spirituale, quod male exerceant, parant sibi viam ad temporale.

4. Episcopi illi timidi, qui veriti pariter, ne priventur aliquo temporali emolumento, aut minis territi, aut precibus carnalibus inflexi, indignos ad Ordines promoveant, & vigorem ecclesiasticae disciplinae omnino languescere permittunt.

5. Collatores beneficiorum, qui moti non dignitate personae, sed precibus urgentibus, vel per suffragium, vel collationem, vel per confirmationem, vel per nominationem aliquem ad beneficium evehant, vel procurant evehendum. Quando, inquit D. Th. *Fiunt preces pro indigno, vel ab aliquo potente, qui periculum comminatur, quae dicuntur preces armatae, manifeste simonia committitur.* In 4. dist. 25. q. 3. a. 3. ad 4. Simoniaci quoque sunt collatores, qui conferunt beneficia, ut apud Magnates gratiam obtineant. Qui autem, inquit D. Th. ibid. *dat aliquid spirituale pro favore, vel laude acquirenda, non est dubium, quin simoniam committat.*

6. Praedicatores, qui ob preces minasve urgentes non arguunt populos, sed eorum vitiiis adulantur.

7. Fideles omnes, qui ob preces urgentes non deferunt publicos peccatores ad superiores.

Hi omnes simoniam committunt per minus a lingua; quia dant spirituale, quod habent, ut perveniant ad temporale, quod non habent, nimirum ad favorem Magnatum.

Confessarium 3. De munere ab obsequio.

Illi omnes simoniam committunt per minus ab obsequio, qui dant aliquid spirituale quod habent, propter obsequium temporale quod accipiunt, vel quod sperant se accepturos; quia per spirituale, quod habent, parant sibi viam ad temporale, quod non habent: & ita isti omnes sunt simoniaci.

1. Fideles omnes, si qui sint, qui exercerent actus virtutum ob aliquod obsequium temporale, quod ab aliis acciperent, v.g. confiterentur, reciperent Eucharistiam, ut exigerent ab aliquo ministerium temporale.

2. Clerici omnes, qui exercerent actus Clericorum, v.g. recitarent officium, adessent choro in gratiam aliquorum, qui eis obsequium temporale ministrarent, v.g. colerent eorum vineas, agros, &c.

3. Sacerdotes omnes, qui exercerent actus Sacerdotes, v.g. conferrent Sacramenta ob obsequium temporale, quod acciperent, v.g. darent Sacramenta rusticis sub ea conventionem, ut isti agros, vineas eorum colerent; Magnatibus ea conditione, ut lites ipsorum peragerent.

4. Collatores beneficiorum, qui conferunt beneficia, ut obsequium temporale accipiant, v.g. Curati, qui dant beneficia Vicariis ad solveanda stipendia Vicariatus. Episcopi, qui dant beneficia famulis suis, aut filiis famulorum, ad solveanda stipendia famulatus. Magnates, qui curant dari beneficium pedagogis filiorum suorum, aut filiorum consanguineorum, & amicorum ad solveanda stipendia pedagogis. Si quis beneficium propter obsequium, vel impen- servitutiis merc-dem consecrat, simoniacus esse censetur. Concil. Rhemense ann. 1183. titulo 21.

Hi omnes simoniam contrahunt; quia dant spirituale quod habent, pro obtinendo temporali quod non habent.

DE SIMONIA

Ex parte dantium temporale pro obtinendo spirituali.

Prop. 2. illata ex principiis superius positis.

Quicumque dat temporale, quod habet, pro obtinendo spirituali, quod non habet, siue illud temporale sit munus a manu, siue munus a lingua, siue munus ab obsequio, simoniam committit; quia non gratis obtinet spirituale, quod non habebat, sed ad illud viam sibi parat per temporale.

Confessaria hujus Doctrinae.

Confessarium 1. De munere a manu.

Simoniam committit per munus a manu quicumque dat aliquid temporale pretio æstimabile pro obtinendo spirituali; quia parat sibi viam ad spirituale per temporale: & ita isti omnes simoniam contrahunt.

1. Qui dant pecuniam, fundum, &c. ut obtineant vi emptionis rem spiritualement, qualis est potentia Ordinis, potentia jurisdictionis, &c.

2. Qui dant fundum, pecuniam, &c. ut obtineant rem spiritualement, v.g. beneficium, potestatem Ordinis, &c. quocumque prætextu dent, si per talem pecuniarum largitionem parent sibi viam ad rem spiritualement, quam non habent.

3. Qui dant pecunias pro redimenda lite de re spirituali, v.g. de beneficio nondum legitime possessio: ita Alexander III. cap. Cum pridem. De pactis. Cum quidam Clericus, & Mohachi pro causa, quæ inter illos vertebatur super Ecclesia, ad nossem præsentiam accessissent, inter se convenerunt, quod ei dem Clerico pro expensis, quas fecerat, tres marchæ argenti solverentur, & sic cederet. Cumque compositionem ipsam auctoritate Pontificia peteret confirmari, nos eam non duximus admittendam pro eo, quod videbatur pravam illicitæ passionis speciem continere. Et idem Alex. III. Super eo quod quesivisti, utrum de Ecclesiastico beneficio in legitimum deducto possit fieri transactio, tale damus responsum, quod transigi super re sacra & litigiosa non potest: etenim res sacræ, ut possideantur, aliquo dato, vel retento, siue promisso, speciem credimus habere simoniae. Cap. super eo. Extra. de transactionibus.

Sic litigantes super alicujus beneficii pos-

sessionis, inter se convenire absque simonia non possunt, ut pacis causa alter beneficium, alter pensionem super beneficio habeat; quia sic paratur via ad beneficium per aliquod temporale; & quia hujusmodi conventiones litis sedandæ causa tunc solum permittuntur, dum sunt auctoritate vel Episcopi, vel iudicium arbitrariorum. Vide Fagnanum in cap. Nisi esset. De Præbendis lib. 3. decret. n. 130. ubi notat. 1. Quod hæc compositio debet sumere initium, non quidem ex pactione partium, sed ex iussione iudicium, non ordinariorum, qui debent secundum rigorem juris judicare, sed arbitratorum, qui tamquam amiables compositores pronuntiant. 2. Quod debet hæc compositio fieri pro bono pacis; quod si nulla subit causa, non potest pensio imponi. 3. Quod pensio illa sit duratura tantum ad vitam litigantis, & non transactura ad ejus successorem. Itaque in praxi melius, & tutius est, ut omnes illæ conventiones auctoritate Papæ confirmantur.

4. Qui fundat beneficium, v.g. Præbendam, Canonicatum, ea conditione, vel pacto, ut illud idem beneficium ei postea conferatur. Ita Innoc. III. Si quis Clericus conditione, vel pacto, largiatur aut offerat bona sua Ecclesiæ, ut postmodum illa bona pro Præbenda detineat, & in Canonicum admittatur; hujusmodi oblatio, vel receptio fieri non poterit sine vitio simoniae, cum in talibus omnis pactione, aut conventioni cessare debeat juxta canonicas Sanctiones. Extra c. Tua nos, de simonia.

5. Qui oppignorat redditus fundi sui, aut beneficii sui, ut ei beneficium conferatur.

6. Qui non dat præsentem pecuniam, sed dat schedulas obligatorias, vel promittit pecunias se mutuo daturum.

7. Qui promittitolvere resignanti expensas factas pro beneficio.

8. Qui promittit collatori se daturum aliquam partem reddituum beneficii, se daturum pensionem; se non exacturum decimas & bonis collatoris, se daturum aliud beneficium.

9. Qui capaces beneficii accipiunt illud cum onere expresso, vel implicito illud conferendi alicui personæ designatæ, vel designandæ ab ipso collatore, v.g. nepoti, amico, quando capax factus fuerit beneficii recipiendi. Ita in Concil. Rhemenſi supra citato cap. de simoniis.

10. Qui dant, aut promittunt aliquid temporale pro institutione, aut admissione ad possessionem. Ita Concil. Lateran. sub Alex. III. can. 7. Horribile nimis est, quod in quibusdam Ecclesiis locum venalitis perhibetur

betur habere; ita ut pro Episcopis, pro Abbatibus, seu quibuscunque personis Ecclesiasticis ponendis in sede, & introducendis Presbyteris in Ecclesiam aliquid exigatur. Consequendo hæc quantumvis inveterata non excusat.

Hi omnes simoniam committunt; quia dant temporale quod habent, ut obtineant spirituale quod non habent, & quia parant sibi viam ad rem spiritualement per aliquid temporale.

Confessarium 2. De munere a lingua.

Simoniam committit per munus a lingua quicumque utitur urgentibus, & pretio æstimabilibus precibus ad obtinendum aliquid spirituale; quia non accipit gratis spirituale quod non habet. Ideo ait Chrysost. hom. in act. Apostolorum: *Cogita quid acciderit Simoni mago; quid autem refert, si non das pecuniam, sed pecuniæ loco adularis, subornas, multaque machinaris?* Et ita isti omnes simoniam committunt.

1. Iste, qui dignus alicujus rei spiritualis, v.g. dignus, qui Sacramenta recipiat, dignus, qui mittatur ad prædicandum, dignus, qui eligatur, præsentetur, confirmetur in aliquo beneficio, recipiatur in aliqua religione, adhibet ad obtinendum spirituale, quod meretur, preces adulatorias, urgentes, & non solum manifestantes meritum personæ, sed insuper quamdam necessitatem inferentem collatori rei spiritualis; quia non accipit gratis rem spiritualement, sed per preces urgentes. Unde ait D. Th. *Conferre beneficium ad preces alterius, licet illæ fiant pro digno, si non attendatur ad dignitatem personæ, sed ad favorem humanum, simonia est saltem in intentione.* 2. 2. q. 100. a. 5. ad 3.

2. Qui pro se indigno, vel pro alio indigno adhibet preces urgentes; quia non accipit gratis rem spiritualement. Et qui pro se, vel pro alio indigno adhibet preces urgentes, præter simoniam, peccatum committit acceptionis personarum; quia causa est, cur indignus eleveatur ad consequendas res spirituales.

Confessarium 3. De munere ab obsequio.

Simoniam committit per munus ab obsequio quicumque adhibet obsequium temporale, ut aliquid spirituale consequatur; quia non accipit gratis spirituale, quod non habet, sed ad illud per aliquid temporale pervenit. Et ita isti omnes simoniam committunt.

1. Famuli Magnatum, pedagogi, &c. qui suas impendunt curas tum in ministrando rei

domesticæ, tum in docendis filiis Magnatum, nepotibus Episcoporum, sub spe consequendi aliquid beneficium. *Infelix Clericus*, inquit Damianus opus. 22. c. 2. *quos servitia fucate humilitatis exhibuit, quasi tot pecuniarum summas appendit.*

2. Sacerdotes, qui exhibent Episcopis famulatum temporalem, expectantes pro retributione aliquid spirituale, v.g. beneficium, munus prædicandi, &c. *Si vero servitium sit inhonestum*, inquit D. Thom. *vel ad carnalia ordinatum, puta, quia servit Prælo ad utilitatem consanguineorum suorum, vel patrimonii sui, vel ad aliquid hujusmodi, erit munus ab obsequio, & est simoniacum.* 2. 2. q. 100. a. 5. ad 1.

3. Sacerdotes Vicarii, qui serviunt Curatis, expectantes pro retributione se ab iisdem Curatis recepturos aliquid beneficium.

4. Religiosi, qui exhibent famulatum temporalem suis superioribus, expectantes se ab illis nominandos, eligendos ad aliquam Prælaturam.

5. Religiosi, qui munera pretio æstimabilia eisdem superioribus conferunt, vel iis qui vocem habent in Capitulo, ut iisdem muneribus eos alliciant, ut suffragium in sui favorem emittant, &c. Hi omnes simoniam committunt; quia per aliquid temporale perveniunt ad aliquid spirituale.

6. IX.

De casibus, in quibus videtur committi simonia & tamen non committitur.

De munere a manu.

Prop. 1. Quicumque dat temporale pro spirituali, vel spirituale pro temporali, si det illud exclusa omni obligatione, exclusio omni contractu oneroso, non peccat, nec est simoniacus.

Prob. 1. Ex responso Alexandri III. dato Strigoniensi Archiepiscopo, extra de simonia c. *Et si quasiones*, ubi innuitur, quod quoties munere voluntatem movere, & inclinare, animique allicere non possunt, toties simonia non inducitur.

2. **Rat.** Simonia consistit in contractu oneroso, quo venditur, aut emitur aliquid spirituale, vel aliquid spirituali annexum. Contractus autem tria importat, 1. Intentionem, 2. Conventionem, 3. Executionem: ex eo enim, quod humanus actus est, intentionem requirit, ut fiat, hoc est, ut intendat quis vendere, aut emere: ex eo quod commutatio voluntaria est, oportet partes convenire utriusque

quede pretio, vel implicite vel explicite: ex eo quod actus talis exterior ad alterum est, exigitur ad sui consummationem datio, & acceptio rei, quæ venditur, & pretii, quod impenditur; quia emptor acquirit rem, venditor acquirit pretium. Ita Cajet. Ergo simonia non committitur quoties datur, aut accipitur aliquid exclusa omni passione tam explicita, quam implicita.

Conseſſaria hujus Doctrinæ.

Conseſſ. 1. Non est simonia dare, vel recipere aliquid temporale pro spirituali motivo gratitudinis, modo illud fiat excluso omni contractu oneroso, & obligatorio, & postquam gratis collatum est spirituale.

Conseſſ. 2. Non est simonia dare, vel recipere aliquid temporale pro spirituali motivo liberalitatis, modo illud fiat excluso omni contractu oneroso, & obligatorio, postquam gratis collatum est spirituale.

Conseſſ. 3. Non est simonia dare, vel recipere aliquid temporale pro spirituali motivo elemosinæ, modo illud fiat excluso omni contractu oneroso. *Noverint omnes Christiani non libertatis esse, sed debiti, ministranti Sacramento, atque alia spiritualia stipendium aliquod solvere.* Conc. Rothomagenſe anno 1581. c. de Curatorum officiis, num. 26.

Conseſſ. 4. Non est simonia dare aliquid temporale pro redimenda injusta vexatione. *Postquam*, inquit D. Th. 2. 2. q. 100. a. 2. ad 5. *jus in rebus spiritualibus alicui est acquisitum, licet per pecuniam injusta impedimenta removeret.*

Sic possum dare temporale, ut vitem, ne mihi infligatur injusta excommunicatio, vel ut injuste excommunicatus absolvar.

Sic possum dare temporale, ut extinguam litem injustam circa beneficium, quod legitime, & pacifice possideo.

Conseſſ. 5. Non est simonia dare aliquid temporale, aut illud recipere titulo retributionis taxatæ ab Ecclesia post collationem rei sacræ, modo non interveniat contractus onerosus, & obligatorius; si quid vero nomine elemosinæ, aut devotionis studio peracto jam Sacramento, a fidelibus sponte offeratur, id licite pro consuetudine locorum minister accipere poterit, inquit Paulus V.

Conseſſ. 6. Immo non est simonia exigere coram judice retributiones taxatas ab Ecclesia, modo id fiat post collationem rei sacræ; quia hoc non fit vi contractus onerosi, sed ex vi consuetudinis justæ.

Sic licet exigere retributiones taxatas possi-

Sacramenta collata, minime ante Sacramenta collata. *Accipere, aut dare aliquid pro sustentatione ministrantium spiritualia, secundum ordinem Ecclesiæ, ut consuetudinem approbatam, licitum est, ita tamen quod deſit intentio emptionis, & venditionis, & quod ab initio non exigatur per spiritualium subtractionem, hoc enim haberet quandam venditionis speciem: gratis tamen spiritualibus datis, licite possunt statui, & consuetæ oblationes, & quicumque alii proventus exigi a nolentibus, solvere, autoritate superioris interveniente.* D. Thom. 2. 2. q. 100. a. 3. in corp.

Simoniam tamen redoleret se præbere difficilem in conferendis Sacramentis, aliisque rebus sacris ministrandis, præcipue erga pauperes, et eos avaritiæ arguere, qui dona non offerunt; immo juxta Raymundum simoniaca censenda sunt statuta, quibus dicitur, quod non fiat processio, nisi tanta pecunia detur, quod talis crux non deferatur, nisi talis retributio detur; quia, ut ait Tertullianus in Apol. cap. 39. *Neque enim pretio ullo res Dei constat... Nemo compellitur dare, sed sponte conferri.*

Conseſſ. 7. Non est simonia dare, vel recipere, immo exigere aliquid temporale titulo pœnalitatis & multæ, v. g. exigere multam pecuniariam ab eo, qui dispensatur in votis, in impedimentis matrimonialibus; quia hoc non fit titulo contractus onerosi: Ecclesia enim illud permittit, non ut vendens spiritualia, sed ut multans, & puniens aliqua pœna eos, qui volunt eximi a lege communi, & gaudere privilegiis. *Pecunia* (inquit D. Thom.) *non exigitur ab eo, qui absolvit, quasi pretium absolutionis, hoc enim esset simoniacum; sed quasi pœna culpæ præcedentis, pro qua fuit excommunicatus.* 2. 2. q. 100. a. 2. ad 3.

Conseſſ. 8. Non est simonia, si secluso omni pacto detur aut accipiat aliquid temporale titulo stipendii honorarii, sive hoc fiat pro celebratione Missæ, sive pro prædicatione divini verbi, sive pro ministerio Vicariatus, sive pro mortuorum sepultura, &c. *Facere passionem de celebranda Missa esset Simoniacum semper; si tamen Clericus non habet alios sumptus, & non teneatur ex officio Missam cantare, potest accipere denarios, sicut conducti Sacerdotes faciunt, non quasi pretium Missæ, sed quasi sustentamentum vitæ.* in 4. dist. 25. q. 3. a. 2. ad 4. In hoc D. Thom. secutus est usum sui temporis.

Quæ fuerit Ecclesiæ consuetudo circa retributionem pro celebratione Missarum, paucis accipe.

Temporibus Apostolorum Fideles offerebant panem & vinum pro sacrificio, & quod supererat cedebat in usum ministrorum, & pauperum: qui mos viget adhuc in Missis defunctorum. Non solum panis & vinum offerebatur, sed & alia, ut constat ex Can. 4. Apostolorum: *Offerri non liceat aliquid ad altare præter novas spicas, & uvas, & oleum ad luminaria, & Thymiamam, id est incensum, tempore quo sancta celebratur oblatio.* Postea loco panis, & farinæ, denarii oblati sunt. Statutum est denarios formari, ut populus pro oblatione farinæ denarios offerret, inquit Honorius Augustodunensis in gemma animæ cap. 58. Tandem usu statutum est, ut pro celebratione certum statueretur stipendium: & a quibusdam Episcopis taxatum est honorarium pro Missa celebrata, quod honorarium citra simoniam accipitur.

Consect. 9. Citra ullam simoniam Pana potest annatas pecuniarias recipere ad sustentanda onera Pontificatus, vel ob alias rationes, sicut in veteri lege, Num. 18. summo Sacerdoti offerebantur decimarum decimæ.

Consect. 10. Quicumque habens spirituale, confert illud dignioribus, principaliter ob gloriam Dei, minus principaliter ob emolumentum temporale sibi obventurum, modo absit omnis pectio, non peccat, nec est simoniacus: non peccat; quia, ut lex jubet, dat spirituale dignioribus: non est simoniacus; quia ad simoniam incurrendam requiritur, ut interveniat conventio, quæ ibi nulla est.

Et ita nec peccat, nec est simoniacus, qui dat spiritualia hominibus, expectans, 1. Æternam retributionem a Deo. 2. Temporalem retributionem ab hominibus; quippe (ut ait Christus) *Dignus est operarius mercede sua* Luc. 10. v. 7. Et æquum est (ut ait Paulus) 1. Cor. 9. v. 11. ut qui spiritualia seminamus, metamus temporalia; nemo enim militat stipendiis suis. 1. Corinth. 9. v. 7.

Dignoscitur autem, quod homo intendat primario gloriam Dei, & secundario tantum temporale, quando pari affectu confert spiritualia pauperibus, & divitibus, nullam personarum acceptionem faciens, æque contentus tenui stipendio quam pingui, æque ardentem laborans in vinea Domini, si vefferatur, si ve negetur honorarium, exemplum Christi imitatus, cui magis placuit pauper vidua, quæ duo minuta in Gazophylacium miserat, quam

potentes divites, qui ingentes thesauros derant.

Mon. 1. In omnibus casibus prædictis, in quibus scilicet titulo gratitudinis, liberalitatis, elemosinæ, retributionis, honorarii, injustæ vexationis, pœnalitatis, consuetudinis approbata, datur aut recipitur ex pacto aliquid pretio æstimabile, est simonia; quia quoties in rebus spiritualibus conferendis, aut recipiendis, ex pacto inducitur vis obligatoria, toties intervenit simonia. Illud Gratianus multis Canonibus offendit. 1. Caus. q. 3. 1. Refert autoritatem Greg. Can. *audivimus*, ubi sic habetur: *A sacrilegio quoque hoc facinus non dispar dixerim, cum id, quod sponte, & sacra deliberationis arbitrio gratis fieri debuit, sub pecunie passionis casu situr.* Et Can. *ea quæ*, ibidem dicitur: *Quidquid ergo vel in Sacris Orantibus, vel in Ecclesiasticis rebus vel data, vel promissa pecunia acquisitum est, nos irritum esse, & nullas unquam vires habere censemus.* Greg. dicit: passim declinandum est, non sub obtentu elemosinæ peccata simoniacæ hæreticos perperemus; & Conc. Tolet. ann. 1224. ait: *Prohibemus, ne quis Presbyter pro Missis celebrandis (idem dic de quolibet alio spirituali) pecuniam exigat, vel rem aliam temporalem, sed gratis accipiat, si aliquid per facientem Missas celebrare oblatum sibi fuerit caritative, absque compaſſo, & conventionem quacunque.* Can. 6 & Trid. ait sess. 22. decreto de obervandis, & evitandis in celebratione Missarum: *Atque ut multa paucis comprehendantur, in primis quod ad avaritiam pertinet, cuiusvis generis mercedum conditiones, pacta, & quidquid pro Missis celebrandis datur, nec non importunas atque illiberales elemosinarum exactiones, potius quam postulationes, aliaque ejusmodi, quæ a simoniaca labe, vel certe a turpi quæſtu non longe absunt, omnino prohibeant.*

Mon. 2. Item in prædictis casibus intervenit si non simonia, saltem turpis quæſtus, quoties pro spiritualibus collatis in receptione temporalium intervenit avaritiæ affectus; quia gregem Christi paſcimus non sponte nec secundum Deum, sed turpis lucri gratia, ut ait Petrus 1. Epist. 5. v. 2. *Et priorem facimus cibum; & posterius regnum Dei*, ut ait Aug. lib. 2. de serm. Domini in monte c. 16. Toties autem intervenit avaritiæ affectus, ut loquitur Alvarus Pelagius de planctu Ecclesiæ cap. 5. quoties collationem rerum spiritualium, ut quæſtuariam, habet Clericus: quoties de celebratione Missarum, & collatione spiritualium artem facit de pane lucrando: quoties ad sancta accedit, sicut artifex ad artificium, lucri scilicet gratia: *querens* (ut ait Bonav.)

non caelestem panem, sed terrenum; non spiritum, sed lucrum; non Dei honorem, sed suam ambitionem; non salutem animarum, sed quæstum pecuniarum. Tract. de præparatione ad Missam.

Mon. 3. Si gratuita etiam retributio sit vetita ab Ecclesia, peccatum esset eam dare vel accipere: ideo licet tempore Gregorii licitum esset accipere gratis oblata pro collatione Ordinum; illud jam est illicitum ex decreto Tridentini veterem illam consuetudinem abrogantis, sess. 21. cap. 1. de reform. *Quoniam ab Ecclesiastico Ordine omnis avaritiæ suspicio abesse debet, nihil pro collatione quorumcumque Ordinum, etiam Clericalis Tonsuræ, nec pro litteris dimissoriis, aut testimonialibus, aut pro sigillo, nec alia quacumque de causa etiam sponte oblatum, Episcopi & alii Ordinum collatores, aut eorum ministri quovis pretextu accipiant.* Decima tamen pars aurei potest dari Notario, si salarium non habeat aliunde, modo hinc Episcopo nihil lucri vel directæ, vel indirectæ obveniat. Idem dicitur de examinatioibus, quando fit examen, ut eligatur dignior ad Ecclesiam Parochialem dandam in concursu. *Caveant, ne quidquam prorsus occasione hujus examinis nec ante, nec post recipiant; alioquin simoniæ vitium tam ipsi, quam alii dantes incurrant, a qua absolvi nequeant, nisi dimissis beneficiis, quæ quomodocumque etiam antea obtinebant, & ad alia in posterum inhabiles reddantur.* Sess. 24. c. 18. Item Episcopis prohibetur aliquid accipere etiam titulo stipendii pro dispensationibus, aliisve functionibus Ecclesiasticis. Cap. *Jacobus* de simonia.

De munere a lingua.

Prop. 2. Quicumque adhibet preces non urgentes, sed solum manifestantes meritum, & dignitatem personæ, quæ proponitur, ut ei aliquid spirituale præ alio conferatur; non est simoniacus, nec ibi ullum reperitur peccatum.

1. Nullum ibi committitur peccatum; quia licitum est manifestare meritum personarum utilium Ecclesiæ, immo illud est necessarium.

2. Nulla ibi est simonia, tum quia non est conventio, tum quia non est simonia in precibus, nisi quando non attenditur *et dignitatem personæ, sed ad favorem, humanum*, ut loquitur D. Th. 2. 2. q. 30. a. 5. ad 3.

Tome I.

Illud idem docet Gratianus (a) cap. 1. q. 1. post. Can. 122: *Non quorumlibet precibus Ordinationes factæ falsæ adjudicantur, sed hæc deum, quæ precibus ordinandi, vel ejus amici, non spirituali, sed carnali affectu porrectis, sunt cum aliis futuræ non essent, quas non caritas interveniens, sed ambitio supplicans extorquet.*

Conseclaria hujus Doctrina.

Consecl. 1. Non peccat, nec simoniacus est, qui manifestat meritum alterius, ut ei conferatur beneficium, præbenda, prælatura, potestas prædicandi, conferendi sacra, modo aliunde nullum sit pravum motivum vitians illam actionem.

Consecl. 2. Non peccant Curati, qui exhibent, & manifestant Episcopis Clericos aptos ad beneficia, ad conferenda Sacramenta, ad concionandum, &c. immo bene agunt, modo non sit prava intentio.

Consecl. 3. Non peccant superiores religiosi, qui Episcopis exhibent religiosos sui Ordinis idoneos ad prædicandum, & conferendum Sacramenta; quia illi omnes non adhibent, ut supponimus, preces urgentes, immo bene agunt, modo non sit prava intentio; quia hi omnes in prædictis casibus nihil aliud intendunt, quam offerre bonos operarios, sequentes in hoc præceptum Christi, Luc. 10. 2. *Rogate Dominum messis, ut mittat operarios in messiam suam.*

An vero aliquis possit exhibere se ipsum Episcopis, & offerre se ad beneficium recipiendum, ad conferenda Sacramenta, ad concionandum, &c. si ducatur puro, & sincero zelo animarum, illud potest; imitatur enim Prophetam Isaiam dicentem, 6. v. 8. *Ecce ego, mitte me; sed cavendum maxime, ne spes lucri latitet sub specie zeli.*

De munere ab obsequio.

Prop. 3. Quicumque exhibet obsequium honestum, & spirituale, principaliter propter gloriam Dei, & secundario propter emolumentum temporale, non peccat, nec est simoniacus.

Prob. 1. Non peccat, cum per se primo intendat gloriam Dei. 2. Non est simoniacus, cum nullum ibi interveniat pactum.

3. Quicumque dat spirituale digniori- bus propter obsequium honestum, & spiritua-

Q

(a) Gratianus author est privatus, non habet auctoritatem irrefragabilem, nec fidem facit, uti facit Jus Canonicum; sed ejus sententia non est omnino spernenda, præcipue cum cohæret Canonibus, quos explicat.

rituale redditum Ecclesiæ, non peccat, nec est simoniacus; sed e contra bene agit.

Prob. 1. Non peccat, cum tamquam procurator fidelis provideat Ecclesiæ bonos operarios, eosque remunerans temporali illa retributione, sequitur illud Christi, Luc. 10. v. 7. *Dignus est operarius mercede sua.*

2. Non est simoniacus; simonia enim consistit in venditione, & emptione rei sacræ; hic autem non intervenit emptio vel venditio.

Utramque prædictæ propositionis partem confirmat jus canonicum his verbis, Can. *Ecclesiasticis*. 12. q. 2. *Ecclesiasticis utilitatibus desudantes, ecclesiastica dignum est remuneratione gaudere, ut qui se voluntariis obsequiorum necessitatibus sponte subiciunt, digne nostris provisionibus consolentur.*

Consecraria hujus Doctrinæ.

Consect. 1. Clericus, qui servit Altari, v. g. prædicat, audit confessiones, servit Episcopis in rebus pertinentibus ad utilitatem Ecclesiæ, non est simoniacus, licet ei ob retributionem talis obsequii obveniat beneficium. Ecclesiasticis utilitatibus deservientes (inquit D. Th.) dignum est Ecclesiastica remuneratione gaudere. Si aliquis Clericus alicui Prælati impendat obsequium honestum & ad spiritualia ordinatum, puta, ad Ecclesiæ utilitatem, vel ministrorum ejus auxilium, ex ipsa devotione obsequii redditur dignus beneficio Ecclesiastico. 2. 2. q. 100. a. 5. ad 1.

Consect. 2. Religiosus, qui exacte servat regulam, moremgerit superiori in omnibus, non est simoniacus, licet ob retributionem talis obsequii ei obveniat Prælatura.

Consect. 3. Qui dat Sacramenta dignioribus ob zelum, quem vider in ipsis, non peccat, nec est simoniacus, sed sancte se gerit.

Consect. 4. Qui dat beneficium Clericis, v. g. Vicariis, attendendo ad obsequium spirituale, quod exhibuerunt Ecclesiæ, non peccat, nec est simoniacus.

Consect. 5. Episcopus, qui dat beneficium Sacerdoti, quia ei ministravit in visitanda Diocesi, in concionibus, in missionibus, non peccat, nec est simoniacus.

Consect. 6. Episcopus, qui dat stationes ad prædicandum Sacerdotibus, Religiosis, &c. qui laborant spiritualiter in Diocesi, potius quam extraneis, nec est simoniacus, nec peccat.

In prædictis casibus nulla est simonia; quia nullum est pactum: immo est sancta administratio rerum spiritualium; quia res sacræ conferuntur juxta meritum dignioris personæ.

9. X.

De Simonia fiduciaria.

Prop. 1. Simonia fiduciaria incurritur quoties quis confert beneficium, ea conditione, ut ille aut alteri illud idem beneficium, aut sibi aliquid conferat, aut beneficii fructus, aut partem fructuum ab alio percipi sinat.

Prob. 1. Script. Toties ex Scriptura simonia committitur, quoties spirituale non datur gratis, juxta illud: *Gratis accepistis, gratis date*: atqui illud contingit in prædicto casu: ergo in prædicto casu incurritur simonia.

2. Ex Urbano III. an. 1186. *Generaliter*, inquit, *itaque teneas, quod commutationes præbendarum de jure fieri non possunt, præsertim passionem præmissa, quæ circa spiritualia, vel connexa spiritualibus, labem semper continet simoniæ*. Capite *Quæstum*, de rerum permutatione.

3. Ex Concilio Rhemensi. Si quis beneficium in compensationem collationis etiam alteri conferendum exigat, vel aliam quamlibet pactiorem a Sede Apostolica non approbatam fecerit, simoniacus esse censetur. Ider determinat Pius IV. Bulla, quæ incipit *Romanum Pontificem* & Pius V. Bulla, quæ incipit *Intolerabilem*.

4. Ratione. In spiritualibus omnis pactio, omnisque conventio cessare debet, & omnes pactiones nullius penitus sunt momenti: ita jus canonicum. Extra. de pactis.

Consecraria hujus Doctrinæ.

Consect. 1. Qui resignat beneficium cum lege retrocessionis, id est, ea lege, quod sibi liceat illud idem beneficium occupare, est simoniacus; quia illud prohibetur prædictis Bullis.

Consect. 2. Qui resignat beneficium ea lege, ut alteri conferatur, ut illius fructus, vel pars eorum aliis conferantur, vel pensiones illiicite ex eisdem fructibus solvantur, est simoniacus; quia omnis conventio abesse debet in resignationibus. Cap. *Quæstum*. Extra. De rerum permutatione, & cap. *Pactiones*. Extra. de pactis. Quandonam pensiones sint licitæ, dicemus ubi de beneficiis, ubi agemus de statu Clericorum.

Consect. 3. Qui confert beneficium legē tacitam, vel expressam, ut illud beneficium, aut aliud alteri, vel per se, vel per alium, personæ a collatore designandæ, conferatur, est simoniacus. Item qui ita paciscitur: ego nunquam consentiam, ut talis, quem proponis, sit

sit Canonicus, nisi vicissim ipse consentias, ut talis, quem ego propono sit Canonicus; quia ex pactiōne sunt confidentiariæ.

Consect. 4. Qui acceptat beneficium ea conditione, ut non recipiat fructus, sed ut alius fructibus, vel eorum portione sub ipsius nomine gaudeat, est simoniacus confidentiarius: quia ita determinatur in prædictis Bullis.

Consect. 5. De simonia fiduciaria suspecti sunt Qui sine intentione clericandi beneficia ad tempus retinent, in cognatos tandem resignanda, eoque modo d: uno ad alium transferenda, & perpetuo in eadem domo quasi hereditario jure possidenda. Concil. Burdigalense anno 1624. cap. de simonia num. 2.

Consect. 6. Simoniam committunt duo collatores, qui ad prælaturam spirituales sibi mutuo suffragari paciscuntur. Ita declaravit Alexander III. dicens: quod Episcopus Oxoniensis erat simoniacus, eo quod Archidiacono beneficium, & Clerico cuidam Prioratum promiserat, si ambo suæ electioni consentirent. Capite De hoc autem de simonia.

Idem declaravit Facultas Parisiensis, damnamus hanc propositionem: *Simonie rei non sunt viri duo religiosi, qui in hunc modum paciscuntur: suffragare mihi, ut sim Provincialis: & tibi suffragabor, ut sis Prior.* Hi simoniam committunt; quia rem spirituales conferunt non gratis, sed cum pactiōne.

Nota. Simoniam fiduciariam non committit qui beneficium remittit in manu collatoris sine ullo pacto tacito, vel expresso, quamvis speret patronum illud beneficium collaturum ei, quem ad hoc beneficium promoveri desiderat; quia ibi nullum est pactum.

§. XI.

De penis Simonie fiduciariæ.

1. Simoniacus fiduciarius excommunicatur excommunicatione reservata summo Pontifici. 2. Privatur quibuscumque beneficiis, etiam alias canonice obtentis. 3. Restituere cogitur omnes fructus beneficii simoniace accepti. 4. Reddatur inhabilis ad alia beneficia, a solo summo Pontifice rehabilitandus. 5. Extra Galliam collatio beneficii simonia fiduciaria accepti devolvitur ad Papam, in Gallia vero ad Ordinarium. Illa omnia constant ex Bullis supra citatis.

§. XII.

De Simonia, quæ committi potest in ingressu ad Religionem.

Prop. 1. Omnis conventio, & pactio tradendi pecuniam pro ingressu in religionem tam in Monasteriis pauperibus, quam divitibus, est simoniaca.

Prop. 1. Ex Script. Omnis res spiritualis debet dari gratis, juxta illud: *Gratis accepistis, gratis date*: atqui ingressus in religionem est res spiritualis: ergo debet gratis concedi; & ita simonia committitur quoties fit pactum dandi pecuniam.

2. Ex Concilio Nicæno secundo actiō. 7. & ultima, Canone 19. *Si quis, inquit Concilium, inventus fuerit hoc faciens, id est, dans, vel accipiens pecuniam pro ingressu in religionem; si quidem Episcopus, vel Abbas extiterit, aut quilibet de sacro Collegio, aut designat, aut deponatur.*

3. Ex Concilio Lateranensi sub Alexandro III. Can. 10. *Monachi, inquit, non pretio recipiuntur in Monasterio. Si quis autem exactus pro sua receptione aliquid dederit, ad Sacros Ordines non ascendat. Is autem, qui receperit, officii sui privatione mulctetur.*

4. Ex Concilio Lateranensi sub Innocentio III. Can. 64. *Quoniam simoniaca labe adeo plenasque Moniales infecit, ut vix aliquas sine pretio recipiant in sorores paupertatis prætextu, volentes hujusmodi vitium palliare: ne id de cætero fiat, prohibemus.* Et ibidem contravenientes detruduntur in locum arctioris regulæ, ad agendam perpetuam penitentiam.

5. *Rat.* Ingressus in religionem est aliquid spirituale, ad quod per temporale non licet pervenire.

Prop. 2. Pro victu, & vestitu Novitiorum, & Novitiarum toto probationis anno congrua pensio exigi, & recipi potest sine simonia a quibuscumque Monasteriis & divitibus & pauperibus.

Prop. 1. Ex Concil. Triden. sess. 25. c. 16. *Sed neque ante professionem excepto victu, & vestitu Novitii, vel Novitiæ illius temporis, quo in probatione est, quocumque prætextu a parentibus, vel propinquis, aut curatoribus ejus, Monasteria aliquid ex bonis ejusdem tribuatur.*

2. *Rat.* Novitius & Novitiæ non habent jus, ut ex Monasterii bonis alantur; illud quippe jus non habetur, nisi per professionem: ergo potest aliquid recipi, immo exigi pro pensione vitalitia.

Prop. 3. Quoties in Monasterio diviti erunt

erunt superflua, & Novitius vel Novitia ob paupertatem non poterunt congruam pensionem etiam pro anno Novitatus solvere, toties Monasterium tenebitur ex caritate nil exigere vel recipere pro pensione Novitatus; immo neque pro dotali, vel vitalitia pensione, si Monasterium valeat illam elemosynam impendere.

Prob. 4. Pensiones vitalitæ consuetae, & legitimæ elemosynæ non solum recipi, sed exigi possunt a Monasteriis inopibus, & tenuibus.

Prob. 1. Ex Concil. Senonensi an. 1528. *Si qua enim puella ultra numerum constitutum, in Monasterium se recipi petat, id permittunt, dummodo secum congruam afferat pensionem, qua cum ceteris religiosis numerariis alatur.* Titulo de decretis morum c. 28.

2. Ex Concil. Trid. sess. 25. cap. 3. *In Monasteriis & domibus tam virorum, quam mulierum bona immobilia possidentibus, is tantum numerus constituatur, ac in posterum conservetur, qui vel redditibus propriis Monasteriorum, vel ex conductis elemosynis commode posse sustentari.* Ex quo videtur sequi, quod si quis velit recipi in Monasterio inopi, debeat redditus afferre, quibus cum aliis commode alii possit. Sicut cernimus, quod cum quis Clericus non habet beneficium, sub cuius titulo Subdiaconatum accipiat, Ecclesia exigit titulum patrimoniale, ut licite ordinari possit.

3. Ex D. Thom. 2. 2. q. 100. a. 3. ad 4. *Dicendum, quod pro ingressu Monasterii non licet aliquid exigere, vel accipere quasi pretium; licet tamen, si Monasterium fit tenue quod non sufficit ad tot personas nutriendas, gratis quidem ingressum Monasterii exhibere, sed accipere aliquid pro victu persone, quæ in Monasterio fuerit recipienda, si ad hoc non sufficiant Monasterii opes.*

Consecraria hujus Doctrinae.

Consecr. 1. In Monasteriis, in quibus præfixus est numerus Monialium, vel Religiosorum, potest recipi, immo exigi dos, vel pensio vitalitia pro ea persona, quæ ultra numerum voluerit recipi.

Consecr. 2. A fortiori aliquid potest recipi ab ea persona, quæ ob protractam ætatem, vel ob graves infirmitates habituales, vel ob

ingenii tarditatem, & hebetudinem, aliaque rationes, prævidetur onerosa Monasterio; quia iustum est, ut Monasterium servetur indemne.

Prop. 5. In Monasteriis, in quibus præfixus est numerus personarum religiosarum, quæ ex redditibus, & elemosynis ali possunt, simonia non committitur, si dos, vel pensio vitalitia recipiatur etiam pro ea persona, quæ non excedit numerum definitum, modo certæ conditiones observentur infra determinandæ.

Prob. Illud definivit Congregatio Cardinalium interpr. Concilii Tridentini, ut refert Fagnanus, cujus hæc sunt verba: Hanc difficultatem sustulit postea sacra Congregatio super negotiis Episcoporum, & Regularium, quæ animadvertens sanctimonialium Monasteria sine dotium subsidio diu sustineri non posse, & propter ingruentes necessitates & casus inopinatos plerumque ad inopiam redigi, summis Pontificibus approbantibus, prudenter sanxit, ut dotalis elemosynæ a numerariis Monialibus persolverentur, tametsi numerus esset taxatus ad mensuram reddituum Monasterii; ex penuria enim multa proveniunt mala, præsertim in Monasteriis dominarum, inquit Ostiensis hic in finem. Hactenus Fagnanus in cap. *Non amplius*. Extra de institutionibus num. 24. Idem docent Sorus, & Sylvester; quia, inquit, hæc taxatio fit titulo sustentationis. Verum hæc sententia Fagnani ita videtur determinanda.

1. Quoties in Monasterio erunt superflua, & persona, quæ vult proficere religionem, non poterit pensionem vitalitiam solvere, toties Monasterium debet illam gratis admittere, si professæ non sit futura oneri Monasterio. *1.* Quia ex caritate Monasterium debet elemosynam dare, & non potest elemosynam Deo graviorum efficere. *2.* Quia debet omnem speciem simoniæ longe amovere, quod utique fiet, si dum se exhibet occasio, gratis pauperes personas ad professionem admittat.

2. Quando licebit Monasterio pensionem vitalitiam exigere, hæc pensio non debet esse nec arcta, nec excedens, sed solum sufficiens ad moniale decenter nutriendam, & juxta piam, & christianam locorum consuetudinem taxandam. *Habentes autem alimenta & quibus tegamur, his contenti simus.* 1. Timoth. 6. v. 8. Et Trid. in temporalibus Monasteriorum facultatibus eam incundam esse rationem ait, ut Monialium numerus commode sustentari possit. Sess. 25. c. 3.

3. Extirpanda est illa consuetudo, vel potius corruptela, qua fit, ut quo Monasteria sunt ditiora, eo opulentiores, & pinguiore pensiones exigant: qua fit pariter ut idoneæ personæ rejiciantur, si dotem, taxatam non habeant, ineptæ vero admittantur, modo dotem afferant; quia sic vere venditur ingressus in religionem, & contra illum præsertim abusus statuti sunt Canones, qui referuntur c. *Quoniam simoniaca*, de simonia.

4. Extirpanda est sceda illa consuetudo, qua exigitur pecunia pro extruendis conviviis in die vestitionis, aut professionis. Num scius esset (inquit Navarrus) modesta quædam humilique temperantia spiritali conjuncta contemplationi, quam pomposa intemperantia mundanæ curiam admixta voluptati, in funeralibus ejus, quæ per professionem moritur mundo; & nascitur, vel excrescit Deo.

§. XIII.

De Bursarum venditione.

Bursæ sunt annuum subsidium, munificentia fidelium fundatum, ut pauperes scholastici studiorum suorum cursum possint peragere sub eo onere, quod scholastici bursarii tenentur statutis fundatorum obedire.

Prop. 1. Bursarum venditio non est simoniaca.

Prob. Bursæ non sunt proprie beneficia: beneficium quippe ecclesiasticum est potestas spiritualis exercendi ministerium ecclesiasticum cum jure percipiendi redditus temporales. Bursa vero est subsidium temporale datum pauperi, ut studiorum cursum peragere valeat: quæ duo maxime differunt.

Illud pariter videtur probasse Sorbona: cum enim Baccalaureus quidam, nomine Clitoraus, has propositiones alleruisset: *Non est illicitum in lege divina & naturali vendere beneficia: Item non est illicitum in lege divina & naturali bursas vendere.* Facultas Sorbonica determinavit primam propositionem simoniacam labem inducere; secundam vero turpe lucrum fovere: quam distinctionem non adhibuisset Sorbona, si talis venditio esset simoniaca.

Conseflaria hujus Doctrinæ.

Venditores bursarum non subijciuntur iisdem pœnis canonicis supra relatis, quibus subijciuntur venditores beneficiorum; quia talis venditio non est vere simoniaca.

Tomo I.

Prop. 2. Bursarum venditio est turpe lucrum prorsus illicitum.

Prob. Turpe lucrum dicitur, vel quod ex turpi commercio provenit, quale est lucrum meretricis, vel quod ex animo ita cupidus quaeritur, ut etiam ex alia quacumque re paratus sit homo sic operans divitias sibi parare. Utraque autem labes in bursarum venditione reperitur: turpe quippe est venumdare bursas in pauperum subsidium institutas; & istud commercium arguit hominem ita avarum, ut nihil curet, modo lucrum faciat.

Illud idem expresse determinavit Sorbona, sequentem propositionem censura afficiens: *Non est illicitum lege divina aut naturali bursas vendere.* Hæc propositio, ait, est scandalosa, & turpe lucrum impie fovens.

Conseflaria hujus Doctrinæ.

Venditores bursarum non possunt retinere pecuniam, quam acceperunt ex bursarum venditione; sed debent eam pauperibus distribuere, aut in bonum Collegii destinare, 1. Non possunt eam pecuniam retinere; quia non sunt domini bursarum. 2. Debent eam pecuniam vel pauperibus distribuere, vel in bonum Collegii destinare; id enim videtur exigere recta & iusta intentio fundatoris.

Prop. 3. Scholares bursarii tenentur exacte institutis fundatorum parere, alioquin peccant, & tenentur ad restitutionem.

Prob. Fideles, qui subsidia illa suis munificentis in perpetuum stabilierunt, voluerunt eas elemosynas largiri cum certo onere: & proinde, qui eas elemosynas recipiunt, non sunt eorum bonorum domini, nisi impostam conditionem adimpleant.

Et sicuti beneficiatus omittens sine causa horas canonicas tenetur ad restitutionem fructuum ex beneficio provenientium, ut statutum est in Concil. Lateranensi sub Leone X. ita & bursarii officii sui non perfuncti tenentur ad restitutionem.

Conseflaria hujus Doctrinæ.

Consefl. i. Bursarii, qui non habent dotes requiritas a fundatoribus, tenentur fructus perceptos restituere; quia impositas conditiones non implent.

Sic bursarii divites tenentur restituere, quando bursæ sunt fundatæ pro inopibus, non pro divitibus.

Sic bursarii unius Diœceseos tenentur restituere, quando bursæ sunt fundatæ pro personis

Q 3

sonis alterius Diœceseos, quarum locum in-
iuste detinent.

Sic bursarii non Clerici tenentur restituere, quando bursæ sunt fundatæ pro solis Clericis.

Sic bursarii, qui non habent animum clericandi, tenentur restituere, quando bursæ sunt fundatæ pro iis solum, qui volunt in Sacerdotio ministrare Ecclesiæ.

Consect. 2. Quando bursæ sunt fundatæ ad obtinendos gradus, v. g. Baccalaureatus, Doctoratus, &c. illi, qui talem gradum consecuti sunt, debent abdicare bursas, & eas digniori resignare; quia alias intentionem fundatoris non exequuntur.

Consect. 3. Quando bursæ sunt destinatæ ad spiritualis alicujus scientiæ studium, bursarii tenentur huic scientiæ, & non alteri studere: v. g. si bursa fuerit fundata ad studendum Theologiæ, non debet studere Medicinæ; quia alias non satisfacit intentioni fundatoris, nisi forte eo sine studeat, ut per studium unius scientiæ disponatur ad studium alterius scientiæ.

Consect. 4. Quando bursæ sunt fundatæ ad procurandos fideles operarios in vinea Domini, quando bursarius consecutus est scientiam necessariam ad ministrandum Ecclesiæ, debet in vinea Christi operari, & bursam suam abdicare; quia alias non satisfaceret intentioni fundatoris.

S. XIV.

De remediis contra Simoniam.

Præcipuum remedium contra simoniam est, ut qui vel conferunt, vel recipiunt spiritualia, nullum lucrum quaerant, sed solam Dei gloriam ambient.

1. *Gratis accepistis, gratis date*, idest, ut ait Gennadius, *Non a me hoc vobis venditum est, vos quoque ipsum aliis vendite; si autem gratis accepistis, gratis date.*

En præceptum impositum his, qui conferunt spiritualia; audi modo præceptum recipientibus spiritualia impositum: *Pascite, qui in vobis est, gregem Dei, providentes non coacte, sed spontaneè, secundum Deum, neque turpis lucri gratia, sed voluntarie.* 1. Pet. 5. v. 2.

Quapropter, si *Evangelium* (idem dic de aliis spiritualibus bonis) *propter cibum quaerimus, priorem facimus cibum, posterius Regnum Dei; si evangelizamus, ut manducemus, vilius habemus Evangelium, quam cibum.* Aug. lib. 2. de serm. in monte cap. 16. Ergo &c.

Qui enim officium ecclesiasticum eo qua-

rit, aut tenet animo, eoque intuitu, ut huic vitæ habeat necessaria, perverso nimis ordine caelestibus terrena mercatur.

TRACTATUS NONUS.

DE SECUNDO DECALOGI PRÆCEPTO.

Secundum Præceptum Decalogi his verbis exprimitur: *Non assumes nomen Dei tui in vanum; nec enim insonem habebit Dominum, qui assumpsit nomen Dei sui frustra.* Exod. c. 20.

Hoc Præceptum aliquid præcipit, aliquid vetat: præcipit, ut Dei nomen honoretur: prohibet, ne nomen Dei contemnatur; nomen autem Dei honoratur fide, spe, caritate, & religione, de quibus supra: contemnitur vero blasphemia, juramenti illicitis, imprecatione, de quibus omnibus hic agemus.

CAPUT I.

De Blasphemia.

ARTICULUS I.

Explicatur natura blasphemiae, simulque traduntur variae notiones ad blasphemiam pertinentes.

Blasphemia est injuriosa tum in Deum, tum in res sacras, vel interna, vel externa locutio.

Blasphemia alia est cordis, seu interior: alia oris, seu exterior.

Blasphemia interior ea est, qua interiori male sentimus de Deo, rebusve divinis. Talis est cogitatio interior eorum, qui Deum sibi fingunt vel misericordem sine iustitia, vel iustum sine misericordia. Talis est blasphemia illius, de quo David Psal. 13. *Dixit insipiens in corde suo: non est Deus.*

Blasphemia exterior ea est, qua vel verbis, vel scriptis, vel cantu, vel sono inarticulato, aliove signo sensibili aliquid injuriosum vel contra Deum, vel contra res sacras profertur. Talis est actio eorum, qui verbis suis, aut signo aliquo sensibili, Deo, aut rebus sacris contumeliam irrogant.

Blasphemia tum interior, tum exterior, seu tum cordis, tum oris, alia est enuntiativa, alia imprecativa, alia deonestativa, alia hereticalis, alia non hereticalis, ut dicunt.

Blasphemia enuntiativa ea est, qua Deo rebusve divinis attribuitur aliqua imperfectio, quæ

quæ eis minime convenit; aut de Deo rebusque divinis negatur aliqua perfectio, quæ eis maxime convenit: ut si quis asseritive dicat, quod Deus est injustus, quod Sacramenta sint inutilia; vel si neget, quod Deus sit sanctus, quod Sacramenta conferant gratiam.

Blasphemia *imprecativa* ea est, qua Deo rebusque divinis malum aliquod imprecatur: ut si quis sanctum nomen Dei maledictis impetatur.

Blasphemia *debonestativa* ea est, qua membra Christi, vel Sanctorum inhoneste nominantur.

Blasphemia *hereticæ* ea est, qua asseritur aliquid fidei contrarium, vel negatur aliquid ad fidem pertinens.

Blasphemia *non hereticæ* ea est, quæ nihil continet contra fidem. Talis est ea blasphemia, quæ fit optando, vel imprecando, aliquid mali Deo, itemque ea, quæ ex iracundia proficitur in despectum Dei, nulum tamen errorem in fide continens.

ARTICULUS II.

Quam grave sit peccatum Blasphemie.

Prop. unica. Blasphemia est peccatum ex suo genere mortale.

Prob. 1. Ex Script. *Est & alia loquela, blasphemiarum scilicet, contraria morti, id est, mortifera. Non invenitur in hereditate Jacob.* Ecclesiastici 23. v. 15. Et ad Ephes. 4. v. 30. *Nolite contristare Spiritum Sanctum Dei... Omnis amaritudo... & blasphemia tollatur a vobis.* Ergo cum blasphemia juxta Ecclesiasticum sit mortifera, & juxta Paulum contristet Spiritum Sanctum, debet esse peccatum mortale.

2. Ex Aug. lib. contra mendacium cap. 19. *Idcirco autem pejus est blasphemare, quam pejorare; quoniam pejorando falsæ rei addibitur testis Deus; blasphemando autem de ipso falsa dicuntur Deo:* Ergo blasphemia est peccatum mortale, cum sit pejus perjurio.

3. Rat. Per blasphemiam negatur Deo, aut rebus divinis perfectio, quæ eis debetur; aut eis tribuitur imperfectio, quæ eis non convenit: ergo cum id sit maxime injuriosum Deo, rebusque divinis, blasphemia est peccatum mortale.

Prob. 4. Ex pœnis destinatis contra illud vitium. Blasphematōres in lege Mosaica morte puniebantur. *Qui blasphemaverit nomen Domini, morte moriatur.* Lev. 24. v. 16. In lege Evangelica, Blasphemia in Spiritum Sanctum non remittitur neque in hoc seculo, neque

in futuro. In jure Canonico can. *Si quis, 22. q. 1. determinatur, quod si quis per capillum Dei, vel caput juraverit, vel alio modo blasphemia contra Deum usus fuerit, si in Ecclesiastico ordine est, deponatur, si Laicus, anathematizetur.* Et cap. *Statuimus de maledictis*, statuitur gravis pœnitentia, quam si blasphemus nolit adimplere, interdicitur ei *ingressus Ecclesie, & in morte privatur Ecclesiastica sepultura*. Item blasphemum non posse absolvi sine gravissima pœnitentia decrevit Concil. Lateranense.

In jure civili, qui rei sunt blasphemie, sapissime damnantur pœna capitis: unde S. Ludovicus Rex Gallie contra blasphemos constituit pœnam *igniti cauterii* in fronte, ut habetur cap. *Statuimus de maledictis*: similemque zelum pro extirpanda a Regno suo blasphemia adhibuerunt Ludovic. XIII. & XIV. ut patet ex eorum Edictis: & quidem merito, nam, ut optime ait Aug. lib. 5. civit. c. 24. *is felix & magnus Rex est, si suam potestatem ad Dei cultum maxime dilandum majestati ejus famulam faciat*: ergo graves illæ pœnæ contra blasphemos destinatæ denotant blasphemiam esse peccatum mortale ex genere suo; potest autem fieri veniale ex sola indeliberatione, minime vero *ex levitate materiae*: sicut enim perjurium etiam in minima re gravem continet malitiam; ita quoque blasphemia in quacumque materia gravem in Deum injuriam involvit.

Consecratoria hujus Doctrina.

Consect. 1. Peccant mortaliter qui interius aliquid negant Deo, vel rebus sacris, quod eis tamen revera convenit; v.g. qui interius dicunt: *Deus non est justus, Evangelium non est sacrum, &c.* Talis est blasphemia damnonum interius divinam bonitatem & justitiam execrantium, ut dicitur Apoc. 16. *Effuaverunt astu magno, & blasphemaverunt nomen Domini.* Talis est etiam blasphemia eorum, qui de Deo, rebusque sacris non satis alte sentiunt, inter quos numerari potest Rex Tyri, quem ita jussu Dei alloquitur Ezech. 28. v. 2. *Hæc dicit Dominus Deus: eo quod elevarum es cor tuum, & dixisti: Deus ego sum... Cum sis homo & non Deus, & dedisti cor tuum quasi cor Dei... Morte incircumcisorum morieris.* v. 10.

Consect. 2. Peccant mortaliter qui exterius voce vel scripto negant aliquid, quod aut Deo, aut rebus sacris convenit, vel affirmant aliquid, quod Deo rebusque divinis minime convenit. Talis fuit blasphemia

Pharaonis supremum dominium Deo abnegantis his verbis : *Nescio Dominum & Israel non dimittam.* Exod. 5. v. 2. Talis item fuit blasphemia Nabuchodonosor infirmitatem Deo attribuentis : *Et quis est Deus*, inquit, *qui eripiat vos de manu mea?* Dan. 3. v. 15. Talis quoque fuit blasphemia Sennacherib, qui comparans Deum verum cum Diis gentium dicebat : *Non conturbet vos Ezechias dicens : Dominus liberabit nos.* Numquid liberaverunt Diis gentium unumquique terram suam de manu Regis Assyriorum? Itai. 36. v. 18.

Consect. 3. Peccant mortaliter qui signo aliquo exteriori Deum, aut res sacras aspernantur, v.g. expuunt in cælum, in crucem, in imagines, in reliquias, in Sacramenta, &c. quia hæc contra res sacras contumelia blasphemiam redolet. Talis erat Judæorum contra Christum cruci affixum contumelia, qui juxta Matth. 27. v. 39. *Præterientes blasphemabant eum moventes capita sua.* Talis fuit pariter blasphemia Juliani apostatæ, qui vulneratus sagitta propiciebat sanguinem suum in cælum, dicens : *vicisti Galilæe, vicisti.*

Consect. 4. Peccant mortaliter qui ex impotenti animo, ex ira, aut alio pravo motu verba contumeliosa in Deum, aut res sacras proferunt : hi dicuntur blasphemare in Patrem, cui attribuitur omnipotentia, cui videtur expressius opponi blasphemia impotentis animi. Talis fuit blasphemia illius, qui jussu Dei lapidatus est ; jurgatus enim cum Israelita blasphemavit : res ad Moysem desertur, qui interrogat Dominum : consultus Dominus respondet, dicens : *Educ blasphemum extra castra, & ponant omnes qui audierint manus suas super caput ejus, & lapidet eum populus universus.* Lev. 24. v. 14.

Consect. 5. Peccant peccato blasphemie qui ex ignorantia verba contumeliosa in Deum proferunt : hi dicuntur blasphemare in Filium, cui attribuitur sapientia, cui videtur expressius opponi blasphemia ex ignorantia. Talis fuit blasphemia Pauli ante ejus conversionem, utiple taceatur 1. ad Tim. 1. v. 13. *Qui prius blasphemus fui, & persecutor, & contumeliosus : sed miserecordiam Dei consecutus sum, quia ignorans feci in incredulitate.*

Consect. 6. Peccant peccato blasphemie quæ malitia verba contumeliosa in Deum proferunt, attribuentes Spiritui maligno id quod venit ex Spiritu Sancto : & hi dicuntur blasphemare in Spiritum Sanctum, cui attribuitur bonitas, qui expressius opponitur blasphemia ex malitia. Talis erat bla-

spheemia Judæorum opera Christi in Beelzebub refundentium. *In Beelzebub principe Dæmoniorum, asebant, efficit Dæmonia.* Luc. 11 v. 3.

Consect. 7. Peccant peccato blasphemie qui assumunt nomen Dei, aut Christi ad execrationes. *Immanis est blasphemia*, ex Concil. Trecenti. apud Bochartum, *cum sanctum Dei nomen & virtus Dei, & salutaris Christi passio, & adoranda vulnera, & devotus pro hominum salute sanguis ejus, & reverenda Christi Sacramenta ad execrationes & maledictiones assumuntur.*

Consect. 8. Peccant peccato blasphemie, aut reducto ad blasphemum, qui in Deum, aut Sanctos contumeliosa verba proferunt, eorum significationem advertentes, quamvis intentionem actuali non habeant blasphemandi; nam ad peccatum non requiritur advertentia actualis : D. quippe Paulus taceatur se reum esse blasphemie, quamvis ignoranter egisset. *Cum aliquis*, inquit D. Th. 2. 2. q. 13. a. 2. ad 3. *subito ex aliqua passione in verba imaginata prorumpit, quorum significationem non considerat, tunc est peccatum veniale, & non habet proprie rationem blasphemie* : alio modo, quando edvertit hoc esse blasphemiam, considerans significata verborum, & tunc non excusatur a peccato mortali, sicuti negille, qui ex subito motu aliquem occidit juxta se sedentem.

Consect. 9. Peccant peccato ad blasphemiam pertinente qui Dei nomen incommunicabile, aut attributum aliquod divinum creaturis ascribunt ; quia de Deo non loquuntur uti decet. Exemplum habemus in Herode Agrippa, qui Tyriis & Judæis pacem postulantibus, & populo acclamante, *Dei voces, & non hominis, confessus percussus fuit ab Angelis Domini, & ex eo quod non dedisset honorem Deo, consumptus verminibus expiravit.* Act. 12. v. 22. Simili inquinantur peccato viles illæ animæ, quæ hominibus mortalibus laudes soli Deo debitas tribuunt. Id præstant aliquando prædicatores in suis concionibus, Authores in suis libris.

Consect. 10. Peccant peccato ad blasphemiam pertinente qui ut asserant, aut negent aliquid etiam verum, sic proloqui non pertimescunt : *Hoc magis verum est, quam Deus sit verax, quam Evangelium sit verum, quam res fidei sit vera, &c. Ego sum magis innocens, quam Christus, quam Virgo* ; hæc enim impia & injusta comparatio est Deo, rebusque divinis quæ maxime injuriosa : non videtur autem blasphemie reus qui asserendo sic loquitur : *Hoc ita est verum & certum, sicuti*

certum

certainum est Evangelium, si intelligatur cum quadam proportionem, ita ut sensus sit: hoc esse verum suo modo, sicut Deus est verax, sicut Evangelium est verum: est tamen abstinendum a tali loquendi formula; impium enim aliquid sapit istæ assertio.

Consect. 11. Peccant peccato blasphemie qui maledicunt creaturis, quatenus sunt opus Dei: ita D. Th. 2. 2. quæst. 76. a. 2. in corpore. *Maledicere autem*, inquit, *rebus irrationalibus, in quantum sunt creaturæ Dei, est peccatum blasphemie: maledicere autem ei secundum se consideratis, est otiosum & vanum, & per consequens illicitum.*

Consect. 12. Peccant blasphemia operis fideles, qui infidelibus sunt scandalum, Sacerdotes, qui laicis scandalum pariunt, & deum omnes, qui aliis non præbent exemplum: de quibus sic loquitur Paulus ad Rom. 2. v. 23. *Qui in lege gloriaris, per pravariationem legis Deum inhonoras; nomen enim Dei per vos blasphematur inter gentes, sicut scriptum est.*

CAPUT II.

De Juramento.

ARTICULUS I.

Explanatur quid sit Juramentum, simulque traduntur variae notiones ad Juramentum pertinentes.

Juramentum est divini Numinis attestatio ad faciendam fidem circa rem assertam, promissionemve firmandam circa rem promissam: unde jurare, juxta Chrysostomum & Augustinum, est accipere Deum in testem, eumque dare quasi testem rei assertæ, & fidei iustorem rei promissæ.

Juramentum aliud est per Deum, aliud per creaturas.

Juramentum per Deum est attestatio divini Numinis in se vel in attributo suo: v. g. juro per Deum viventem, per veritatem Dei, per omnipotentiam, &c.

Juramentum per creaturam est attestatio creaturæ, quatenus in ea relucet specialiter

Divinitas (a), v. g. juro per Mariam, quæ est mater Dei, per Angelos, qui sunt ministri Dei, per sancta Evangelia, in quibus continetur veritas divinitus revelata.

Juramentum sive per Deum, sive per creaturas Deum specialiter repræsentantes, aliud est assertorium, aliud promissorium.

Juramentum assertorium est attestatio divini Numinis in se, vel in creatura reluctantis ad faciendam fidem circa rem, quæ assertitur.

Juramentum promissorium est attestatio divini Numinis in se, vel in creatura reluctantis, ad firmandam rem, quæ promittitur.

Juramentum sive assertorium, sive promissorium, aliud est simplex, aliud solemne.

Juramentum simplex est attestatio divini Numinis absque cerimonia notabili. Tale est iuramentum quod fit in vulgari cum hominibus colloquio.

Juramentum solemne est attestatio divini Numinis cum aliqua cerimonia notabili v. g. coram Notario, testibus, per contactum Evangelii, Reliquiarum, Crucifixi, &c.

Juramentum tam simplex, quam solemne aliud est formale, aliud materiale, ut dicunt.

Juramentum materiale est divini Numinis attestatio externa sine deliberatione, intentione ve jurandi.

Juramentum formale est divini Numinis attestatio deliberata cum intentione jurandi.

Conditiones juramenti aliæ sunt ex parte personæ quæ jurat, aliæ ex parte rei per quam juramus, aliæ ex parte rei ob quam juratur.

ARTICULUS II.

An Juramentum vestitum circumstantiis requisitis tum ex parte personæ quæ jurat, tum ex parte rei per quam juratur, tum ex parte rei ob quam juratur, sit licitum vel illicitum.

Prop. unica. Juramentum non est illicitum, quando vestitur circumstantiis requisitis tum ex parte personæ quæ jurat, tum ex parte rei per quam juratur, tum ex parte rei ob quam juratur.

1. Provis.

(a) Non is meus sensus est, quod velim indicare per aliquas solum creaturas verum fieri juramentum; nam cum omnis creatura Deum ut autorem suum respiciat, sub tali respectu per quamlibet creaturam verum potest fieri juramentum: sed solum id volui indicare, quod juramentum per creaturam soleat fieri per eam, in qua specialiter relucet Divinitas. Vide D. Th. 2. quæst. 89. art. 96. ubi docet, quod juramentum per simplicem contestationem, non nisi per Deum principaliter, secundario autem per creaturas, ut in ipsis relucet divina veritas, perficitur. In juramento autem per execrationem induci solent ea, quas diligimus, creaturæ, ut contra eas divinum exerceatur judicium.

1. *Prob. 1. Script. Dominum Deum tuum timebis, & per nomen ejus jurabis.* Deut. 6. & David ait: *Laudabuntur omnes, qui jurant in eo.* Plal. 62. v. 12. Et Itajas 19. v. 18. vaticinans de gentibus convertendis ait: *In die illa erunt quinque civitates in terra Ægypti loquentes lingua Chanaan, & jurantes per Dominum exercituum.*

2. *Exemplis desumptis ex Scriptura.* Antequam legem, Abraham juravit Regi Sodorum his verbis: *Levo manum meam ad Dominum meum Deum excelsum possessorem celi & terræ, quod non accipiam ex omnibus que tua sunt, ne dicas, ego ditavi Abraham.* Gen. 14. v. 22. Post legem Moyli datam, David ad perjurium per consuetudinem delabatur: in juravit Sauli, quod non destrueret semen ejus. *Jura mihi in Domino,* inquit Saul, *ne deleas semen meum post me Et juravit David Saul.* 1. Reg. 24. v. 22. In lege Evangelica Paulus juravit sæpius his verbis: *testis est mihi Deus.* Ad Rom. 1. v. 9. Angelus juravit per viventem in sæcula sæculorum. Apoc. 1. v. 6. Immo Deus cum non habeat majorem, juravit per semetipsum Abrahamo dicens: *nisi benedicens benedicam te.* Ut scilicet filii promissionis per duas res immobiles, scilicet, promissionem & juramentum, fortissimam spem salutis æternæ conciperent. Ergo ex tot exemplis constat juramentum non esse ex se malum.

3. *Ex Concilio Constantiensi, in quo damnatur illa propositio: Juramenta illicita sunt, que fiunt ad roborandum humanos contractus, & civilia commercia.*

4. *Rat.* Quando juramentum fit cum debita reverentia ex parte jurantis, cum attestatio veri Dei per quem juramus, cum veritate, judicio, & justitia ex parte rei ob quam juratur, est actus religionis quo Deus invocatur tamquam prima veritas & testis veracissimus, qui non potest decipi, quia est infinitus sciens; nec potest decipere, quia est iniuncte bonus: cum ergo actus religionis non sit prohibitus, ita nec juramentum.

Consecratoria hujus Doctrinæ.

Consecr. unicum. Quando Scriptura dicit: *Ego autem dico vobis non jurare omnino, sit sermo vester, est, est, non, non:* tunc Scriptura non prohibet absolute juramentum; sed ideo dicitur, *est est, non non,* ut duplicata affirmatio significet firmiter asserendum esse quod verum est, & duplicata negatio, firmiter negandum esse quod falsum est: vel ideo dicitur bis, *est, est, non, non,* ut quod ore affirmas, operibus probas, & quod verbis

negas, factis non probes: cum autem addit, *quod amplius est, a malo est,* scilicet jurantis, cum leviter & sine reverentia jurat: item a malo illius qui exigit juramentum, cum temere & sine causa exigit juramentum; sed Scriptura solum prohibet illicita juramenta, ea scilicet, quibus assuescimus jurationi, contra illud Scripturæ: *Jurationi ne assuescat os tuum; multi enim casus in illa:* & ea insuper, quibus decipimus proximum, juxta illud Pl. *Qui jurat proximo suo, & non decipit.* Ita ergo intelligitur præcepisse Dominum, ne juratur, inquit Aug. *Ne quisquam sicut bonum appetat jurjurandum, & assidue jurandi ad perjurium per consuetudinem delabatur.* in Pl. 109. Sed non prohibet juramentum factum in debitis circumstantiis, de quibus jam agendum uberius.

ARTICULUS III.

Quæ conditiones requirantur ex parte jurantis, ut licitum sit Juramentum.

Prop. unica. Ut attestatio divini Numinis veram juramenti rationem habeat, requiritur ex parte jurantis deliberata intentio jurandi.

Prob. 1. Scriptura. Jurabis, vivit Dominus, in veritate, in justitia, & in judicio. In judicio, id est, cum discretionem & deliberationem: ergo jurans debet habere intentionem jurandi.

2. *Ex D. Th. 2. 2. q. 89. a. 3. in corp.* ubi sic habet: *Juramentum non est bonum nisi ei, qui bene utitur juramento. Ad bonum autem usum juramenti duo requiruntur; primo quidem, quod aliquis non leviter, sed ex necessaria causa, & discrete juret; & quantum ad hoc requiritur judicium scilicet discretionis ex parte jurantis.* Judicium autem discretionis includit intentionem: ergo jurans debet habere intentionem deliberatam jurandi.

3. *Juramentum est actus religionis: ergo importat intentionem deliberatam.*

4. *A juramento judiciali excluduntur impuberes, cum pueri ante an. 14. non cogantur jurare.* Concil. Illiberitanum an. 305. Ergo jura requirunt maturam deliberationem in his, qui jurant: ergo intentionem jurandi.

5. *Damnata est sequens propositio: Cum causa, licitum est jurare, sine animo jurandi, sive res sit levis, sive gravis: centura Cleri Gallic. art. 12.*

Consecratoria hujus Doctrinæ.

Consecr. 1. Peccat peccato perjurii, qui jurat

jurat exterius sine intentione jurandi, pro quacumque re juret. 1. Quia magna est irreverentia in Deum, quod quis utatur testimonio primæ veritatis ad fallendum. 2. Quia talis modus jurandi simulate est perniciosus & contrarius fini juramenti. 3. Quia si semel permitteretur dolosa illa juratio, proflus evertetur fructus omnis juramenti, & securitas quæ ex juramentis expectatur: unde a summis Pontificibus & a Clero Gallicano art. 12. damnata est sequens propositio: *Qui jurandi intentionem non habet, licet falso juret, non pejerat, est aliocrimine tenetur, puta mendacii alicujus.*

Sic qui ex conventionem a legitimo iudice simulat juramentum, bis peccat. Primo, contra religionem, quia irreligiose tractat rem sacram, scilicet juramentum. Secundo, contra obedientiam, quia non morem gerit legitimo superiori.

Sic qui ex conventionem tenetur jurare super aliquo contractu, qui initur, si simulate juret, bis pariter peccat. Primo, contra Religionem quam tractat irreligiose. Secundo, contra publicam fidem, quam violat.

Sic qui ultro nec exterius jurat etiam pro veritate, si sine intentione interiori jurandi exterius proferat verba juratoria, gravissime peccat, quia irreligiositas, quæ est in juramento illo simulato, abstrahit per se ab eo, an sit verum, vel falsum quod profertur: & censetur ex genere suo esse mortalis; quia semper est illusio divini Numinis, etiam quando reperitur in materia vera: semperque adversatur fini juramenti, continetque mendacium, quo decipitur ille, cui fit juramentum; recipit enim ille simulatum juramentum, cum credit sincerum accipere.

Consect. 2. Qui juramento promittit aliquid, quod dubitat se posse exequi, peccat mortaliter; quia exponit se periculo pejerandi: & si ibi interveniat jurandi intentio, non intervenit saltem intentio sincera exequendi quod juramento promittitur.

Consect. 3. Peccat mortaliter qui juramento promittit aliquid, quod sibi videtur impossibile dum promittit; quia tunc aut non habet intentionem jurandi, aut si habeat intentionem jurandi, scienter se exponit periculo pejerandi, & proinde ex utroque capite gravissime peccat: de quo ita D. Thom. *Si est, inquit, talis res, quæ in ejus potestate non fuit, deest juramento discretionis judicium; nisi forte quod erat ei possibile, quando juravit, reddatur ei impossibile per aliquem eventum: puta, cum*

aliquis jurat se pecuniam soluturum, quæ ei post modum vi, vel furto subtrahitur; nam tunc videtur excusatus a faciendo quod juravit, licet teneatur facere quod in se est. 2. 2. q. 89. a. 7.

ARTICULUS IV.

De conditionibus requisitis ex parte rei per quam juratur.

Prop. unica. Ut attestatio, quæ adhibetur veram & integram juramenti rationem habeat, res, per quam juratur, debet esse vel Deus ipse, vel creatura aliqua, in qua specialiter relucent divinitas (a). Relucet autem Dei majestas in rebus sacris; quia sunt media, quibus Deus utitur ad sanctificandos homines: relucet pariter in cælis, in elementis, igne, aere, aqua, & terra; quia sunt partes præcipue universi.

Prob. 1. Scriptura. *Dominum Deum tuum timebis, & ei soli servies, ipsique adhaerebis, jurabisque in nomine illius.* Deut. 10. v. 20. & rursum: *Per nomen externorum deorum non jurabis.* Exod. 23. Ergo non licet jurare, nisi per Deum, vel per aliquid, in quo specialiter relucent divinitas.

2. Ex Aug. *Quid ergo tu facis, cum juras & testaris Deum; hoc est jurate, Deum testari,* in Psal. 10. v. 9.

3. *Rat.* Juramentum proprie est invocatio, qua petitur, ut is, qui vocatur in testem, tamquam unicus cordium inspector testimonium det veritati, & falsum juramentum puniat, cordium autem inspectio, criminum punitio, ad solum Deum pertinent: unde Deus solus est, qui in attestacionibus potest juramento compelli.

Consecratoria hujus Doctrinæ.

Consect. 1. Possumus jurare per tres personas Trinitatis, scilicet, Patrem, Filium, & Spiritum Sanctum; quia quælibet persona divina est Deus. Sic Paulus videtur per tres personas Trinitatis jurasse. *Testis est mihi Deus Pater,* inquit ad Phil. 1. v. 8. en prima persona: *quomodo cupiam vos in visceribus Jesu Christi:* en secunda persona. Et ad Rom. 9. *Veritatem dico in Christo, non mentior, testimonium mihi perhibente conscientia mea in Spiritu Sancto:* en tertia persona.

Consect. 2. Possumus jurare per res sacras, v. g. per sanctos Angelos, per animas beatarum, per sanctas Ecclesias, per Evangelium, per Crucem,

(a) Notanda eadem explicatio in fine pag. 249.

cem, &c. ratione enim sanctitatis, quam habent, specialem dicunt ordinem ad Deum, qui testis est irrefragabilis veritatis. Eo sensu loquitur Paulus I. ad Tim. 5. *Testor coram Deo, & Christo Jesu, & electis Angelis ejus.*

Consect. 3. Possumus jurare per partes insigniores Universi, v.g. per Cælum, per Terram, &c. cum enim in illis creaturis reluceat divinitas, hoc ipso quod compellantur, Deus censetur compellari. Eo forte alludit Christus, dum dicit: *Ego autem dico vobis, non jurare, neque per Terram, quia scabellum est pedum ejus.* Matth. 5. v. 34. quia, ut ait Marth. c. 23. *Qui ergo jurat in altari, jurat in eo, & in omnibus, quæ super illud sunt, & quicumque juraverit in Templo, jurat in illo, & in eo qui habitat in ipso; & qui jurat in Cælo, jurat in throno Dei, & in eo, qui sedet super eum.* Eodem sensu Moyses Deuter. 30. *Testes invocat Cælum & Terram; & Paul. 22. q. 1. Can. Si quis, dicitur: Si quis per creaturam, quatenus scilicet in ea rellucet Dei majestas, juraverit, accerrime castigetur.*

Consect. 4. Qui utitur illis dicendi formulis: per fidem receptam in baptismo, per fidem, quæ Sacerdoti debetur, vere videtur jurare; & ideo perjuris censendus est, si falso juret: quippe fides recepta in baptismo, & fides Sacerdotis, res est maxime sacra, quæ non ob aliud finem adhibetur, quam ut id, quod dicimus, facilius audientibus inuadeamus. Ita docet Regum Francorum Capitulare, cap. 62. de perjuris. *Sunt aliqui, qui per caritatem & veritatem jurant, & cavent se a juramento nominis Dei, & nesciunt, quod idem est Deus, quod caritas & veritas, dicente Joanne Apostolo: quia Deus caritas est.* Item ipse Dominus in Evangelio ait: *Ego sum veritas, & vita; ideo qui in veritate & caritate jurat, in Deo jurat.* Qui tamen utitur istis loquendi formulis: *En verité.... par ma foy.... certes, &c.* non videtur jurare; voces enim illæ non videntur juramenta, sed solum quædam asserendi formulæ, a quibus tamen est abstinendum: in quibus tamen loquendi formulis verum est juramentum, si qui iis utitur intentionem jurandi habeat.

Consect. 5. Gravissime peccant qui jurant per idolum, aut per creaturam quancumque: nisi ea creatura inspicitur, quatenus in ea specialiter relucet Divinitas.

Monit. 1. Advertens autem, inquit Cajet. verbo jurare, quod crimen istud ad blasphemiam reducitur: quia dum aliquis intendit vere jurare, intendit testimonium infallibile asserre; & dum per creaturam quancumque, aut falsum Deum jurat, profectur creaturam illam, seu il-

lum æstimatum Deum esse infallibilem testem, quod est proprium Dei veri; ac per hoc attribuit quod est proprium Dei, alteri, quod est blasphemare. Est ergo jurare per creaturas, aut falsum Deum, plusquam perjurium, quia est peccatum blasphemie.

Monit. 2. Qui jurat per idolum, aut per creaturas, si juret contra veritatem, perjurus est, & tenetur servare quod promittit, si licitum sit. Ita Aug. serm. de verbis Apost. nunc 180. ubi sic habet: *Multi in hoc falluntur, & putant, quia nihil est id per quod jurant, non scilicet crimine teneri perjurii. Prorsus perjurus es, quia per id, quod sanctum putas, falsum juras.*

ARTICULUS V.

De conditionibus ex parte rei, ob quam juratur.

Prop. unica. Res, ob quam juratur, debet esse vera; discreta, id est, alicujus momenti; & iusta, id est, non illicita.

Prob. 1. Script. *Jurabis, vivit Dominus, in veritate, in iudicio, & in justitia.* Jer. 4. v. 2. id est, jurabis pro re, quæ sit vera, quæ sit magni momenti, & quæ sit licita.

2. Ex Hieron. *Simulacrum advertendum, ait, quod iurandum hos habeat comites, veritatem, iudicium, atque justitiam. Si ista deseruerint, nequaquam erit iuramentum, sed perjurium.* In c. 4. Jeremiæ.

3. Rat. Res, ob quam juratur. 1. Debet esse vera; quia iuramentum est ad confirmandam veritatem. 2. Debet esse alicujus momenti; quia non debemus pro rebus exiguis, seu vanis, nomen Dei assumere. 3. Debet esse iusta, seu licita; quia non debemus assumere nomen Dei ad rem illicitam aut præstandam, aut confirmandam.

Conseclaria bujus Doctrinæ.

Consect. 1. Toties possumus jurare, quoties videmus rem, ob quam juratur, veram esse, discretam, & iustam; quippe tunc iuramentum habet omnes conditiones, quas exigit Deus, ut sit licitum. Si sine scrupulo possumus in sequens casibus jurare.

1. Pro confirmanda veritate ad bonum publicum conducente, v.g. pro confirmanda veritate fidei & morum. Sic Paulus juravit prædicando Evangelium. ad Rom. 1. v. 9.

2. Pro amicitia contrahenda. Sic Jacob iniens

inens pacem cum Laban juravit, & Principes pacem ineuntes, scdus suum solent juramento confirmare.

3. Pro pace renovanda. Sic Judas Machabæus pacem renovans cum Romanis juravit, & Principes pacem renovantes solent promissa sua juramento fācīre.

4. Pro stabiliendo fidelitatis obsequio. Sic subditi solent Regibus obedientiam & subjectionem jurare. Cap. Nullus de jurejurando. Cap. Legebatur de majoritate & obedientia.

5. Pro conservandis legibus & statutis Ecclesiæ. Sic fideles solent jurare se observaturos Constitutiones Ecclesiasticas.

6. Pro infamia purganda. Sic accusati solent se purgare juramento, titulo de juramento purgatorio.

7. Pro dirimenda litis contestatione. Sic quando dubia & incerta sunt litigantium iura, digniori parti defertur juramentum, ut hoc pacto omnis controversia dirimatur.

Consect. 2. Toties nobis juramentum interdicatur, quoties caret aliqua ex prædictis conditionibus, scilicet vel veritate, vel iudicio, vel iustitia: bonum enim ex integra causa; malum vero ex quocumque defectu. Quocirca ait D. Th. 2. 2. q. 89. a. 3. in C. Iudicio caret juramentum incautum; veritate autem juramentum mendax; iustitia autem juramentum iniquum, sive illicitum. Unde in sequentibus casibus non licet usurpare juramentum.

1. Si res confirmanda per juramentum sit falsa, vel nobis dubia.

2. Si res confirmanda per juramentum sit exigui momenti.

3. Si res confirmanda per juramentum sit illicita, vel majoris boni impeditiva.

Consect. 3. Juramentum quamvis munitum prædictis circumstantiis, scilicet veritate, iudicio, & iustitia, non est expetendum tamquam per se bonum, sed cum cautela maxima adhibendum tamquam aliquid per accidens necessarium. Unde ait D. Thom. 2. 2. q. 89. a. 5. in C. Id quod non queritur nisi ad subveniendum infirmitati vel defectui, non numeratur inter ea, quæ sunt per se appetenda, sed inter ea, quæ sunt necessaria, sicut patet de medicina, quæ queritur ad subveniendum infirmitati; juramentum autem queritur ad subveniendum alicui defectui, quo scilicet unus homo alteri discredet: & ideo juramentum est habendum non inter ea, quæ sunt per se appetenda, sed inter ea, quæ sunt huic vitæ necessaria, quibus indebita utitur quicumque eis utitur ultra terminos necessitatis; ideo audi Consequium Aug. Noli jurare falsa juratio exitiosa est, vera juratio peri-

culosa est, nulla juratio secuta est. De verbis Apoll. Ierm. 28.

§. I.

Quale peccatum sit juramentum factum contra veritatem.

Prop. unica. Juramentum factum contra veritatem est peccatum mortale ex suo genere, quantacumque sit levitas rei, ob quam juratur.

Prob. 1. Script. Maledictio, dicit Dominus, veniet ad domum furis, & ad domum jurantis in nomine meo mendaciter, & commorabitur in medio ejus, & consumet eam, & ligna ejus, & lapides ejus. Zach. c. 5. v. 4. Ergo cum maledictio divina non incurrat nisi per peccatum mortale, juramentum contra veritatem est peccatum mortale.

2. Ex Concil. Constantiensis sess. 45. ubi habetur: Quod quilibet suspectus de erroribus Vviclei interrogandus sit: An credat, quod perjurium scienter commissum ex quacumque causa, vel occasione pro conservatione vitæ corporalis, vel propriæ, vel alterius, etiam in favorem fidei, sit mortale peccatum.

3. Ex Aug. Perjurium peccatum esse, & grande peccatum nemo dubitat. Sermone nunc 180. de verbis Apoll. Jacobi. Ergo cum juramentum contra veritatem perjurium sit, ut mortale peccatum habendum est.

4. Ex D. Th. Quidquid pertinet ad contemptum Dei est peccatum mortale: perjurium autem ex se importat contemptum Dei: ergo perjurium est peccatum mortale. 2. 2. q. 98. a. 3.

5. Rat. Juramentum factum contra veritatem, ut peccatum mortale censendum est.

1. Quia tunc itur contra finem principalem juramenti, qui est confirmatio veritatis. 2. Quia Deus adducitur, quasi falsus testis, quo nihil indignius contra Deum excogitari potest.

Immo notandum maxime, quod parvitas materiæ non minuit peccatum, quinimmo quodammodo aggravat: indignius enim est Deum adduci in falsum testem pro re exigui, quam pro re magni momenti, sicuti indignius est Regem vilibus officiis mancipari, quam ingentibus negotiis occupatum detineri.

Consectaria hujus Doctrinæ.

Consect. 1. Qui falso jurat pro re quamvis exigua, peccat mortaliter, quamvis per

per tale iuramentum non noceat proximo; quippe tunc iuramentum privatur fine suo, præcipuo, qui est confirmatio veritatis. *Ille, qui ioseph perjurat*, inquit D. Th. 2. 2. q. 98. a. 3. ad 2. *non exiit divinam irreverentiam, sed quantum ad aliquid magis augeat; & ideo non excusatur a peccato mortali*; quapropter damnata est sequens propositio ab Innoc. XI. an. 1679. prop. 24. *Vocare Deum in testem mendacii levis non est tanta irreverentia, propter quam velit, aut possit damnare hominem*.

Consect. 2. Qui ex lapsu linguæ jurat falsum, si perspectam habeat falsitatem, quam jurat, lethalis perjurii reus est; si autem non advertat, nec intentionem jurandi habeat, venialiter peccat: ita docet D. Th. ibid. *Ille autem qui ex lapsu linguæ falsum jurat, si quidem advertat se jurare, & falsum esse quod jurat, non excusatur a peccato mortali, sicut nec a Dei contemptu; si autem hoc non advertat, non videtur habere intentionem jurandi, & ideo a crimine perjurii excusatur*.

Consect. 3. Qui jurat pro re dubia mortaliter peccat; exponit enim se periculo pejorandi: ita Catechismus Concilii Tridentini: *Simili quoque ratione pejerat qui id jurat, quod verum existimat, & tamen revera falsum jurat, nisi quantum potuit, curam & diligentiam adhibuerit, ut totam rem compertam, atque exploratam haberet: quamvis enim ipsius oratio menti consentiat, tamen huius præcepti reus est.* part. 3. de 2. præcep. n. 32.

Consect. 3. Qui jurat modo pro re vera, modo pro re dubia, & contrahit habitum jurandi quacumque data occasione, est in statu peccati mortalis; exponit enim se occasione pejorandi: quippe, ut monet Innoc. III. cap. *Et si Christi*. extra de iure jurando: *Ex incauta iuratione perjurium sæpe contingit*.

Consect. 4. Bis peccat paganus & quicumque alius, qui contra veritatem jurat per idolum: de quo ita Aug. Epistol. ad Publicolam 154. *Nunc vero quia iuravit per quos non debuit, & contra pollicitam fidem fecit quod non debuit, bis utique peccavit*. 1. Jurando per idolum, quod falsum numen est. 2. Falsitatem firmando iuramento, quod utique pro confirmanda sola veritate adhibendum est.

§. II.

An licitum sit iuramentum simulatum, seu falsum cum æquivocatione, vel restrictione mentali.

Nota 1. Iuramentum aliud est sincerum, aliud simulatum: iuramentum est sincerum,

quando iurans nulla utitur simulatione nec ex parte *intentionis*, nec ex parte *verborum*, quibus iurando utitur.

Iuramentum est simulatum, quando iurans utitur simulatione vel ex parte *intentionis*, vel ex parte *verborum*, quibus iurando utitur.

Nota 2. Iuramentum simulatum potest esse duplex. 1. Ex *defectu intentionis*, quæ simulatur adesse, cum tamen non adfit. 2. Ex *significatione, vel usu verborum*, quibus utitur ille qui jurat; quando scilicet iuramentum exprimitur verbis, quæ in uno sensu sumuntur a jurante; in alio vero sensu ab his quibus juratur, seu qui accipiunt iuramentum.

Nota 3. Iuramentum simulatum *defectu intentionis*, potest esse multiplex. 1. Quando quis jurat seu profert verba juratoria sine intentione jurandi. 2. Quando quis profert verba juratoria cum intentione quidem jurandi, sed sine intentione obligandi se per iuramentum: vel si intendat se obligare, intendit non adimplere promissum, vel assertum.

Iuramentum simulatum *ex significatione vel usu verborum*, quibus iuramentum exprimitur, potest esse multiplex. 1. Per *restrictionem mentalem*. 2. Per *æquivocationem seu amphibologiam*.

Iuramentum est simulatum per *restrictionem mentalem*, quando verba, quæ duplicem sensum non patiuntur, sumuntur ab eo, cui juratur, in sensu obvio, ab illo vero, qui jurat, in sensu a se interius excogitato: v. g. si iurans dicat, testor Deum, me illud non fecisse, subintelligens in mente, *antequam natus essem, vel non feci, ut tibi illud dicerem, &c.*

Iuramentum est simulatum per æquivocationem, vel amphibologiam, quando phrasis, vel verba, quibus iurans utitur, duplicem sensum patiuntur, & iurans ex intentione fallendi sumit in uno sensu; ille vero cui iuratur sumit in alio: talis fuisse fertur istud oraculum Dæmonis: *Ajo te Æacida Romanos vincere posse*. De his plura dicemus ubi de mendacio.

Prop. unica. Dato, quod æquivocatio verbalis, vel restrictio mentalis esset licita, de quo ubi de mendacio, non liceret tamen jurare nec cum æquivocatione verbali, nec cum restrictione mentali; sed jurare oportet secundum sanum intellectum ejus, cui iuramentum fit. Si juret æquivoce, fit vere perjurium, & proinde peccatur mortaliter.

Prob. 1. Script. Ille solus salvabitur, qui jurat proximo, & non decipit, qui pecuniam suam non dedit ad usuram. Psal. 14. v. 4. Ergo sicuti illicitum est pecuniam dare ad usuram;

ram; ita illicitum est jurare vel cum æquívocatione verbali, vel cum restrictione mentali: tali quippe juramento proximus semper decipitur; & sicuti iura est peccatum ex suo genere mortale; ita & juramentum factum cum æquívocatione, vel restrictione mentali.

2. Ex Aug. Epist. olim 124. jam 125. *Perjuri sunt, qui servatis verbis expectationem eorum, quibus juratum est, decepturunt*: Ergo non licet jurare contra tantum sensum ejus, cui juratur; & qui jurat incurrit crimen perjurii.

3. Ex Concilio Constantiensi sess. 15. in fine, ubi damnatur sequens articulus: *Quilibet Tyrannus potest, & debet licite, & meritorie occidi per quicumque vasallum suum, vel subditum non obstante quocumque PRÆSTITO JURAMENTO Adversus hunc errorem injurgens sancta Synodus declarat, & definit, hujusmodi doctrinam erroneam esse in fide, & moribus; ipsamque tamquam hereticam, scandalosam, & ad fraudes, DECEPTIONES, MENDACIA, PRODITIONES, PERJURIA, vias dantem, reprobatur & condemnat.*

4. Ex Clero Gallic. a quo damnatur sequens propositio art. 12. *Qui mediante commendatione, vel munere, ad magistratum, vel officium publicum promotus est, poterit cum restrictione mentali prestare juramentum, quod de mandato Regis à similibus solet exigi, non habito respectu ad intentionem exigentis; quia non tenetur fateri crimen occultum.*

5. Ex Facultate Lovaniensi. Accademia Lovaniensis, consultata à Parochis Lovaniensibus, juramentis æquívocis, sic respondet: *Cui, quando, quomodo, quisquam jurato credit, si neque juratis hic tute credi potest? si, inquam, licet hic commentitio verborum suco Principis & Reipublice, atque omnium bonorum expectationem fallere, & de cæpis interrogatum de aliis jurare; hoc enim non est JURARE, sed PEJERARE est; nam, ut optime verissimeque ait Aug. Expectationem eorum quibus juratur quisquis decipit, perjurus est.*

6. Ratione. Finis juramenti non alius esse potest quam aut confirmare veritatem, aut terminare controversiam, juxta illud Pauli ad Hebr. 6. v. 16. *Homines enim per majorem sui jurant, & omnes controversie eorum finis ad confirmationem est juramentum.* Si autem

juramentum fiat æquívoco, non confirmatur veritas, sed fallitas; non expeditur controversia, sed fovetur dolus & injustitia: Ergo fit prævus usus juramenti: Ergo perjurium: Ergo peccatum mortale.

Deinde mendacium est, quando ex conscientia respondentis responsum non conformatur verò sensui illius, qui iuste & legitime interrogat, juxta illud Aug. *Quapropter ille mentitur, qui aliud habet in animo, & aliud verbo, vel quibuslibet significationibus enuntiat.* Lib. de Mendacio cap. 3. Sed mendacium firmatum juramento est vere perjurium & peccatum mortale: Ergo, &c.

Conseclaria hujus Doctrinæ.

Consecl. 1. Peccat mortaliter, qui a nemine interrogatus jurat æquívoco; quia nulla est causa, quæ eum ad jurandum æquívoco impellat (a). Unde damnata est sequens propositio ab Inn. XI. & a Clero Gall. art. 12. *Si quis vel solus, vel coram aliis sive interrogatus, sive propria sponte, sive recreationis causa, sive quocumque alio fine juret non fecisse aliquid, aliud intelligendo, quod non fecit, vel aliam viam ab ea, in qua fecit, vel quodvis aliud additum verum, revera non mentitur, nec est perjurus.* ... Ubi Pontifex duo declarat. 1. Ibi esse mendacium. 2. Ibi esse perjurium.

Consecl. 2. Peccat mortaliter qui in communi colloquio interrogatus circa aliquid indifferens, v. g. an habeat pecunias, quas det mutuo, an Titius sit domi nec ne, jurat æquívoco se non habere, scilicet, ut mutuo det; quia nulla ibi est causa aut æquívocandi, aut pejerandi. Et rursus in communi colloquio debemus proximo veritatis manifestationem. Unus enim homo ex honestate debet alteri veritatis manifestationem, ut ait Aug. contra Mendacium c. 18. & Tertul. lib. 4. contra Marcionem c. 38. *Iusta & digna præscriptio est in omni questione ad propositum interrogationis pertinere debere sensum responsionis; cæterum aliud consulenti, aliud respondere, dementis est.*

Consecl. 3. Peccati mortalis reus est qui interrogatus à legitimo superiore, & à legitimo iudice jurat æquívoco; quia tenetur respondere sincere & sine fraude superiori legitime interroganti. Qui autem legitime interroganti non venientur vel cum æquívocatione,

(a) Non is meus sensus est, ut velim indicare juramentum æquívocum aliquando licitum esse, si aliqua interveniat causa; nam contrarium doceo in sequentibus conseclariis; sed is est meus sensus, quod velim indicare, eum, qui jurat æquívoco sine causa, gravius peccare eo, qui jurat æquívoco cum causa, quamvis uterque perjurus sit.

ne, vel cum restrictione mentali jurare, in mentem revocant miseram Arij mortem, qui in poenam subdole jurationis oppressus interfuit. Hic enim, ut testatur Socrates lib. 1. Hist. Eccles. c. 38. interrogatus ab Imperatore, Num decretis Nicænæ fidei consentiret: nihil cunctatus alacri animo coram Imperatore subscripsit ea quæ de fide in Concilio statuta fuerant callide ludificans. Cumque Imperator admiratione captus jurejurando in super eum adigeret, ille per FRAUDEM ac SIMULATIONEM istud etiam præstitit. Porro fraus ac simulatio, quæ usus est scribendo, sicut ipse accepit, hujusmodi fuit: opinionem suam Arius in charta conscriptam gerens sub ala occultabat: juravit ergo se animo ita sentire ut scripserat, in carta scilicet, quam sub ala gestabat; ideo teste Athanasio: *Egressus statim utpote poenam perjurii daturus, corruit, atque ita suspensus mediis discrepuit.* Et teste Gregor. Nazian. Oratione. Paneg. pro S. Athan. Arius petulantis & effrenis linguæ in obscenis & impuris locis extinctus est: atque orationis non morbi viribus oppressus ob eandem verbi prodicionem disruptus est.

Confess. 4. Peccat mortaliter qui hostes etiam publicos fallit juramentis æquivocis; quia ex eo, quod hostes sint, non desinunt esse proximi: & ut optime ait Ferrandus Eccles. Carthag. Diaconus: *Fixus sit & immutabilis sermo, cujus fidei est adhibitus testis Deus.* Et Aug. Epist. olim 244. jam 125. laudat Romanos, qui eum dignitate Senatoria privarunt, qui post juramentum etiam æquivoce factum Pœnorum castra repetere noluit. *Non attenderunt, inquit, qui eum Senatu pepulerunt, quid ipse jurando cogitasset, sed quid ab illo quibus juraverat expectarent; nec legerant quod nos usquequaque cantamus: Qui jurat proximo tuo, & non decipit.*

Confess. 5. Qui interrogatur injuste, v. g. reus a iudice illegitimo, viator a latronibus, mulier occulte adultera a marito, &c. hi omnes non possunt jurare æquivoce; quia injusta interrogatio non dat jus fraudandi juramentum suo fine, sed possunt prudenter celare veritatem. Tales perjuros Aug. vocat belluas ab hominum societate expellendas. „Da alium, inquit, qui scit falsum esse, & dicit verum esse, & jurat tamquam verum sit quod scit falsum esse; videtis quam detestanda illa bellua sit, & de rebus humanis exterminanda: quis enim hoc fieri velit? omnes homines talia detestantur.“ *Serm. 28. id. verbis Apost.*

Confess. 6. Quando interrogatur a poenitentibus, quo pacto jurare oporteat, hortandi sunt poenitentes, ut nunquam æquivoce ju-

rent, sed veritatem præcipue in juramentis plusquam omnia diligant: & cavendum maxime ne consulti modum jurandi vel per æquivocationem, vel per restrictionem mentalem doceamus. De hoc ita Aug. cont. Mend. cap. 18. *Et sunt in eis docti, qui etiam regulas figant, sineque constituant, quando debeat, quando non debeat pejerari? Ubi essis fontes lacrymarum? & quid faciemus? quo ibimus? ubi nos occultabimus ab ira veritatis? si non solum negligimus cœvere mendacia, sed audemus insuper docere perjuriam?*

Confess. 7. Cum agitur de juramentis ambiguis & æquivocis, si quæstio sit de juramento taciendo, abstinendum omnino a juramento æquivoco; quia est verum perjurium: si vero quæstio sit de juramento æquivoce facto, servanda est hæc regula, quam tradidit D. Th. 2. 2. q. 89. a. 7. ad 4. *Quando non est eadem jurantis intentio, & ejus, cui juratur, si hoc proveniat ex dolo jurantis, debet juramentum servari secundum sanum intellectum ejus, cui juramentum præstatur. . . . Si autem jurans dolum non adhibeat, obligatur secundum intentionem jurantis.*

§. III.

An peccatum sit jurare pro re vera, sed levis & exigui momenti.

Prop. unica. Peccat quicumque jurat pro re vera, si sit vana, & exigui momenti.

Prob. 1. Script. *Non usurpabis nomen Domini Dei tui frustra; quia non erit impunitus, qui super re vana nomen ejus assumpserit.* Deut. 5. vers. 11.

2. Ex Concil. Troslejano ann. 909. Can. 11. *Ille nomen Dei sui in vanum assumit, qui in qualibet frivola re & in dolo iurans proximo suo, aliquando in causa non necessaria, vel in verbo otioso, nomen sanctum ejus in tali vanitate assumere non pavescit.*

3. Ex Catechis. Triden. *Nisi consideratio, ac diligens animadversio antecesserit, sanè jusjurandum præceptis ac temerarium erit; cuiusmodi est illorum irreligiosa affirmatio, qui in re levissima & inani, nulla ratione aut consilio, sed prava quadam consuetudine jurant. Id passim quotidie a venditoribus & emptoribus fieri videmus.*

3. *Rat.* Ea res vilis & vulgaris habetur, quæ usibus quibuslibet applicatur: Ergo nomen Dei vile & vulgare redditur, cum veris quidem, sed supervacaneis rebus adhibetur; & proinde peccat qui pro re vana attestanda, etiam veris, juramento utitur. Et si vilitatis dignitatem quandam præferentibus non uta-

utatur, nisi in solemnioribus occasio-
bus; a fortiori decet nos sanctissimum Dei
nomen non nisi in urgentissimis casibus at-
testari, ut monet Theodoret. interrog. 41.
in Exodum. Cum autem juramentum pro
re vana, sed vera, non privetur sine prin-
cipali, qui est confirmatio veritatis, ju-
ramentum vanum, sed verum censetur
vulgo peccatum duntaxat veniale.

Confessaria hujus Doctrina.

Confess. 1. Peccant saltem venialiter qui
extra necessitatis casum jurant, etiam si
verum jurent, sive id fiat ex levitate, si-
ve ex voluptate, sive ex consuetudine; quia
temeratur Dei nomen, si promissive in
colloquiis nostris interferatur.

Confess. 2. Quando juraturi sumus, de-
bemus non solum attendere, an res vera
sit, sed insuper, an sit adeo insignis & ne-
cessaria, ut juramentum mereatur.

Confess. 3. Hæc est optima jurandi cautio,
ut nunquam juremus, nisi vel in causa publi-
ca, vel cum Dei honor, aut utilitas proximi
juramentum exigunt, uti factum vidimus a
viris sanctis.... Sic Abraham & Isaac cum
Abimelech publico nomine juramento tæ-
dus ineunt. Gen. 21. Sic Laban & Jacob,
licet privati forte homines, juramento tædus
fanciunt. Gen. 31. Sic Booz, licet vir priva-
tus, promissum conjugum Ruth confirmat.
Ruth. 3. Sic Abdias licet privatus, jura-
mento asseverat quod vult Eliæ persuadere.
3. Reg. 18. In causis vero levibus non videmus
viros pios juramenta usurpasse.

S. IV.

Quale peccatum sit jurare pro re illicita.

Prop. unica. Qui jurat pro re injusta &
illicita facienda, peccat mortaliter, si res
facienda sit peccatum mortale.

Prob. 1. Script. Exemplo Jezabel & Hero-
dis: hæc jurando mortem Naboth, hic vero
jurando mortem Joannis Baptistæ, graviter
peccarunt; sed gravius deliquerunt nefan-
dum juramentum exequendo.

2. Ex Concilio Illerdensi ann. 524. Can. 7.
*Qui sacramento se obligavit, ut litigans cum
quolibet ad pacem nullo modo redeat, pro per-
jurio uno anno a communione corporis & san-
guinis Domini segregatus, reatum suum eleemo-
sintis, & fletibus, & quantis poterit jejuniis
absolvat; ad caritatem vero, quæ operis multi-
tudinem peccatorum, sceleriter vivere sescinet....*

Temo 1.

quæ omnia satis indicant juramentum illud
esse peccatum mortale.

3. Ex D. Thom. 2. 2. q. 98. art. 2. ad 2. *Ille
qui jurat se facturum aliquid illicitum, juran-
do incurrit perjurium propter defectum justitiæ:
& si non impleat quod juravit, in hoc perjurium
non incurrit; quia hoc non erat tale quid, quod
sub juramento cadere posset.*

4. **Rat.** Qui de illicita re jurat, facit Deum fau-
torem & approbatorem illius, quod lege pro-
hibuit: atque ita facit Deum sibi contradicen-
tem; quia petit, ut Deus ipsum puniat, si fa-
ciat quod præcipit, vel si non faciat quod pro-
hibuit, quod est Deo maxime injuriosum.

Præterea, qui sic jurat, aut habet propo-
situm faciendi contra Dei præceptum, quod uti-
que peccatum est, aut non habet: quod si ita
est, jurando allegat Deum testem mendacii;
quo nihil Deo indignius.

Confessaria hujus Doctrina.

Confess. 1. Peccat mortaliter qui jurat se
commisurum peccatum mortale, v.g. se com-
missurum blasphemiam, furtum, homicidium,
&c. & novum peccatum committeret, si in-
justum juramentum exequeretur. *Juramen-
tum enim, inquit D. Thom. non est servandum
in eo casu, quo est peccatum, vel boni impediti-
vum; secundum enim sanctum Aug. utrumque
horum vergit in deteriori exitum.*

Confess. 2. Peccat mortaliter qui jurat se
nunquam observaturum consilia Evangelica,
se nunquam Religionem ingressurum, se nun-
quam Prælationem accepturum, etsi illud
expediat ad Ecclesiæ utilitatem. *Si quis autem,
inquit D. Thom. jurat se non facturum aliquid
melius bonum, quod tamen facere non tene-
tur; peccat quidem jurando, in quantum ponit
obicem Spiritui, qui est boni propositi inspirator;
non tamen peccat juramentum servando, sed
multo melius facit, si non servet 2. 2. q. 89. a. 7.
ad 2.*

Confess. 3. Videtur peccare mortaliter
qui scienter jurat se facturum aliquid, quod
cognoscit esse peccatum veniale; quia non
levis videtur Deo irrogari injuria, si tan-
tum nomen invocetur quasi in peccati pa-
trocinium: & sicut semper est peccatum
mortale confirmare aliquam falsitatem au-
thoritate Divini testimonii; ita idem di-
cendum videtur, si quis se in malo autho-
ritate Divini testimonii confirmet.

Confess. 4. Juramentum promissorium
de re mala non est adimplendum; quia ju-
ramentum non potest esse vinculum ini-
quitatis.... *David, inquit August. juravisti*

R

15-

temere se occisurum Nabal, sed non implevit juramentum, majori pietate non servavit Serm. de decollatione sancti Joan.

ARTICULUS VI.

Quæ conditiones requirantur ex parte jurantis, ut licitum sit juramentum.

Prop. unica. Ut attestatio Divini Numinis veram juramenti rationem habeat, requiritur ex parte jurantis deliberata intentio jurandi.

Prob. 1. Script. Jurabis, vivit Dominus, in veritate, in justitia, & in judicio: in judicio, idest, cum discretionem & deliberationem: ergo jurans debet habere intentionem jurandi.

2. Ex D. Thom. 2. 2. q. 79. a. 3. in corp. ubi sic habet: Juramentum non est bonum, nisi ei qui bene utitur juramento. Ad bonum autem usum juramenti duo requiruntur. Primo quidem, quod aliquis non leviter, sed ex necessaria causa, & discrete juret: & quantum ad hoc requiritur judicium, scilicet discretionis ex parte jurantis. Judicium autem discretionis includit intentionem: ergo jurans debet habere intentionem deliberatam jurandi.

3. Juramentum est actus Religionis: ergo importat intentionem deliberatam.

4. A juramento judiciali excluduntur impuberes, cum pueri ante an. 14. non cogantur jurare. Concil. Illiberitanum an. 305. Ergo jura requirunt maturam deliberationem in his, qui jurant: ergo intentionem jurandi.

5. Damnata est sequens propositio: Cum causa licita est jurare sine animo jurandi, si res sit levis, si res sit gravis. Censura Cleri Gallic. art. 12.

Consecratoria hujus Doctrinae.

Consecr. 1. Peccat peccato perjurii qui jurat exterius sine intentione jurandi, pro quacumque jurat. 1. Quia magna est irreverentia in Deum, quod quis utatur testimonio primæ veritatis ad fallendum. 2. Quia talis modus jurandi simulate, est perniciosus & contrarius fini juramenti. 3. Quia si semel permitteretur dolosa illa juratio; prorsus evertetur fructus omnis juramenti, & securitas, quæ ex juramenti expectatur. Unde a summis Pontificibus & a Clero Gallic. a. 12. damnata est sequens propositio. Qui jurandi intentionem non habet, licet falso juret non pejerat, nisi alio crimini teneatur, puta, mendacii aliquis.

Sic qui interrogatus a legitimo iudice simulat juramentum, bis peccat: primo, contra Religionem; quia irreligiose tractat rem sacram, scilicet, juramentum: secundo, contra obedientiam; quia non morem gerit legitimo superiori.

Sic qui ex conventionem tenetur jurare super aliquo contractu qui initur, si simulate jurat, bis pariter peccat: primo, contra Religionem quam tractat irreligiose: secundo contra publicam fidem quam violat. Sic qui ultronee exterius jurat etiam pro veritate. Si sine intentione interiore jurandi exterius proferat verba juratoria, gravissime peccat; quia irreligiosas, quæ est in juramento illo simulatio, abstrahit per se ab eo, an sit verum, vel falsum quod proferatur, & censetur ex genere suo esse mortalis; quia semper est illusio divini nominis etiam quando reperitur in materia vera, semperque adversatur fini juramenti, continetque mendacium, quo decipitur ille cui sit juramentum: recipit enim iste simulatum juramentum cum credit sincerum accipere.

Consecr. 2. Qui juramento promittit aliquid, quod dubitat se posse exequi, peccat mortaliter; quia exponit se periculo pejerandi: & si ibi interveniat jurandi intentio, non intervenit saltem intentio sincera exequendi quod juramento promittitur.

Consecr. 3. Peccat mortaliter qui juramento promittit aliquid, quod sibi videtur impossibile dum promittit; quia tunc aut non habet intentionem jurandi, aut si habeat intentionem jurandi, scienter se exponit periculo pejerandi, & proinde ex utroque capite gravissime peccat. De qua ita D. Th. Si est, inquit, talis res, quæ in ejus potestate non fuit, deest juramento discretionis judicium; nisi forte quod erat ei possibile quando juravit, reddatur ei impossibile per aliquem eventum, puta, cum aliquis jurat se pecuniam soluturum, quæ ei postmodum vi, vel furto subtrahitur; tunc enim videtur excusari a faciendo quod juravit, licet teneatur facere quod in se est. 2. 2. q. 89. a. 7. in corp.

ARTICULUS VII.

De juramento promissorio.

Juramentum promissorium speciales habet difficultates, quas sequentibus paragraphis resolvemus.

§. I.

Quæ sit obligatio adimplendi juramentum promissorium.

Prop. unica. Qui juramento promisit rem licitam, tenetur illam adimplere, nisi dispenseatur.

Prob. 1. Scriptura. *Si in vacuum iuraveris fratri tuo, non justificabitur; replebitur enim retributione pessima domus ejus.* Eccl. 13. & surius.... *Reddes autem Domino juramentum tuum.* Matth. 5. Ergo tenemur adimplere id, quod juramento promittitur.

2. Ex D. Antonino. *Quando juramentum omni ex parte est licitum tam ex parte jurantis quam ex parte recipientis, & ex parte materiae super qua præstatur, tunc absolutio non est impendenda, sed compellendus est jurans ad ejus observationem.... Immo, nulla apparente causa intrinseca, etiam Papa a tali juramento absolute non potest.* 2. P. Tit. 10. cap. 6. §. 1.

3. Rat. Sicut in juramento alicuius tenemur cavere a falsitate, ne faciamus Deum mendacem, & falsum testem: ita in juramento promissorio tenemur exequi id, quod promittimus, ut impediamus, ne Deus falsus testis, & sponzor inidelicus habeatur, & rem juratam exequi, quoties id fieri potest alique peccato.

Conseclaria hujus Doctrinae.

Consecl. 1. Peccat quicumque promisit juramento rem licitam, eamque sciens & volens non exequitur; & peccatum eo gravius est, quo res promissa est majoris momenti; quia qui promittit, debet stare promissis, & debet impedire, ne juramentum promissorium privetur suo fine.

Consecl. 2. Qui juramento promisit se facturum rem indifferentem, etsi forte non teneatur eam adimplere ex natura rei promissæ, tenetur eam exequi ex vi juramenti, ne Deus fiat falsus testis. *Si juramentum abbeatur,* inquit D. Th. 2. 2. q. 89. a. 7. ad r. *propter reverentiam divini testimonii, quod invocatur, obligatur homo, ut faciat verum id, quod juravit secundum suam possibilitatem, nisi in deterio-rem exitum vergat, ut dictum est.*

Sic qui juravit, se non bibiturum vinum, se non manducaturum carnes, &c: tenetur adimplere juramentum: quia res illa, etsi indifferens in se, ligat ratione juramenti.

Sic pariter qui non ex pravo motu, sed iusta ex causa sibi subdito minatus est poenam

v.g. pater filio, herus servo, magister discipulo, tenetur sub peccato adimplere juramentum, modo talis punitio non sit causatura aut scandalum, aut rixam, aut aliquid detrimentum ei, qui corrigitur.

Consecl. 3. Qui juramento promisit rem illicitam vel in se, vel ratione circumstantiarum, non tenetur ex dictis adimplere juramentum. *Jurabis,* inquit Ezech. *in veritate & in iustitia.* Ex D. Th. *Si vero, id, quod juratur, sit quidem possibile fieri, sed fieri non debeat vel quia est per se malum, vel quia est boni impeditivum; tunc juramento deest iustitia; & ideo juramentum non est servandum in eo casu, quo est peccatum, vel boni impeditivum.* ibid. *Juramentum enim; ut habet regula juris in 6. non potest esse in nulum iniquitatis.*

Sic si quis juraverit se facturum aliquid, quod sit peccatum vel mortale, vel veniale, non tenetur exequi juramentum.... Item si juravit aliquid, quod impediat exercitium virtutis, non tenetur stare juramento. Sic qui juravit aliquid iratus, quo Deus possit offendi, servare juramentum non tenetur, v.g. si juraveris te non parciturum inimico, &c. *Magister sic jurasse pœniteat, dum complere, quod juraveris, pudet.* Ferrandus Carthaginensis Diaconus ad Reginum comitem.

§. II.

De conditionibus requisitis, ut juramentum promissorium sit vere obligatorium.

Prop. unica. Ut juramentum promissorium obliget & coram Deo, & coram hominibus, debet sponte & scienter elici.

Prob. 1. Scripti. *Si quis virorum votum Deo dederit, aut se constrinxerit juramento, non faciet irritum votum suum, sed omne quod promissum implebit.... Sin autem, statim ut audieris contradixerit pater, vota & juramenta ejus irrita erunt.* Num. 30. Quo indicatur juramentum debere esse liberum, ut sit obligatorium.

2. Ex capite. *Cum contingat, extra de jure jurando, ubi dicitur: Mulieres ipsæ servare debent hujusmodi juramenta sine vi & dolo, sed sponte præstita, cum in alterius præjudicium non redundent, nec observata vergant in dampnum salutis æternæ.* Ex quo recte colligitur a contrario: si hujusmodi juramenta vel vi, vel dolo extorta fuissent, ea non esse robore ejusdem.

3. Rat. D. Thom. *In juramento, quod quis coactus facit, est duplex obligatio, inquit sanct. Doctor. Una quidem, qua obligatur homini, cui aliquid promittitur, & talis obligatio*

R. 2

gatio

gatio tollitur per coactionem; quod ille, qui vim iniussit, hoc meretur, ut ei promissum non servetur. Alia autem est obligatio, qua quis Deo obligatur, ut impleat quod per ejus nomen promissit, & talis obligatio non tollitur in foro conscientie, quia magis debet damnum temporale sustinere, quam juramentum violare: potest tamen in judicio repetere quod solvit, vel Prælati denuntiare, non obstante quod contrarium juravit; quia tale juramentum vergetur in deterioris exitum: esset enim contra justitiam publicam. 2. 2. q. 89. a. 7. ad 3.

Conseſſaria hujus Doctrina.

Conseſſ. 1. Juramentum violententer extortum ligat, non quidem ratione promissi facti proximo, sed ratione juramenti facti Deo; sed juramentum illud debet a superiore relaxari, ut docet D. Thom. 2. 2. q. 89. art. 7. ad 3. ubi sic habet: *Romani Pontifices ab hujusmodi juramentis homines absolverunt, non quasi decernentes hujusmodi juramenta non esse obligatoria, sed quasi obligationem ex justa causa relaxantes.*

Conseſſ. 2. Juramentum factum ex dolo, & ignorantia terminata ad substantiam rei, non ligat; ligat vero, si ignorantia terminatur solum ad circumstantias rei, quæ juramento promittitur; quia ignorantia, quoad substantiam facit involuntarium, minime vero ignorantia quoad circumstantias, ut patet exemplo juramenti, quod Josue & Principes Israelitarum præstiterunt Gabaonitis: error enim verlabatur circa accidentia, scilicet, circa locorum distantiam; non vero circa substantiam, scilicet, quod essent Gentiles; ideo ait Josue: *Juravimus eis in nomine Domini Israel, & ideo non possumus eos contingere.* Et ita jurans se daturum annulum, quem putabat argenteum, qui tamen erat aureus, non tenetur juramento; quia error est circa substantiam: jurans e contra se daturum argentum Petro, quem putabat pauperem, tenetur dare, licet sit dives, modo pauperies non fuerit principale motivum promittendi; quia tunc error est circa accidentales circumstantias.

Conseſſ. 3. Juramentum metu gravi extortum non ligat, si metus totaliter absorbeat usum rationis; quia quando metus absorbet usum rationis, tunc promissio non est libera, & proinde non potest vim obligatoriam inducere.

Conseſſ. 4. Juramentum metu levi factum ligat; quia metus levis non tollit usum rationis, nec proinde libertatem.

Conseſſ. 5. Juramentum metu etiam gravi factum ligat, modo metus non absorbeat usum rationis; quia quod ex metu facimus, voluntarie facimus; qui tamen ex metu juraverunt, possunt a superiore petere damni, si quod passi sint, reparationem. Totum hoc patet ex capite; Debitores. extra: *De jurejurando*, ubi dicitur: *eos, qui simplici promissione obstrinxerunt se ad usuras solvendas, non debent cogi ad solvendum, bene tamen si juraverint; sed eos interim posse, quas solverint usuras, coram iudice repetere.*

§. III.

De modo secundum quem obliget juramentum promissorium.

Prop. unica. Juramentum promissorium obligat juxta intentionem rationalem jurantis promissum, & juxta sanum intellectum illius, qui idem promissum acceptat.

Prob. 1. Script. *Non perjurabis, reddes autem Domino juramenta tua.* Matth. 5. & de votis dicitur, *vota mea Domino reddam.* Ergo sicut votum obligat juxta intentionem rationalem voventis, ita & juramentum obligat juxta intentionem rationalem jurantis promissum.

2. Ex D. Thom. 2. 2. q. 89. a. 7. ad 4. *Si autem jurans dolum non adhibeat, obligatur secundum intentionem jurantis.* Et quæst. 98. a. 2. ad 4. sic habet: *Canonici, qui jurat se servaturum statuta edita in aliquo Collegio, non tenentur ex juramento ad servandum futura, nisi intendat se obligare ab omnia statuta præterita & futura; tenentur tamen ea servare ex ipsa vi statutorum, quæ habent coactivam virtutem.* Ergo, juramentum obligat juxta intentionem rationalem jurantis.

3. **Rat.** Juramentum & votum sunt quasi quædam lex, quam sibi quilibet privatus homo constituit: ergo sicuti lex ligat juxta intentionem rationalem Legislatoris, votum pariter & juramentum obligant juxta intentionem rationalem voventis & jurantis; cum autem juramentum promissorium cedat in bonum alterius, attendendus est sanus intellectus illius, qui acceptat promissum.

Conseſſaria hujus Doctrina.

Conseſſ. 1. Juramentum simulatum, quod fit absque intentione jurandi, non inducit per se obligationem; quia juramentum sine intentione jurandi non est juramentum.

mentum, sed perjurium: deinde generaliter verba non habent vim inducendi obligationem nisi ratione consensus; consensus autem non reperitur ubi non est intentio.

Dixi, *per se*, quia in juramento simulato potest esse obligatio ex causis extrinsecis, v. g. ratione iniustitiæ, quæ inde sequitur; puta, si quis ob tale juramentum dānum aliquod patiat, ut si puella consenserit in petitionem adolescentis, qui dolose & sine intentione promisit & juravit se illam ducturum. 2. Ratione scandali, quod enascetur, si iurans non adimpleret quod juramento promississe creditur.

Consect. 2. Qui vere habet intentionem jurandi, quamvis intentionem habeat non se obligandi, tenetur tamen adimplere quod juravit; quia licet in hominis voluntate sit jurare vel non jurare, non est tamen in ejus voluntate aut potestate juramento præstito non obligari; naturali enim quadam necessitate sequitur obligatio ex juramento, & irrationalis est voluntas non obligandi se per juramentum; non enim potest esse vis validior obligans quam divina Religio: & sicut cum quis utitur juramento assertorio obligatur ad dicendum verum, & perjurus est si dicat falsum; ita cum quis utitur juramento promissorio, tenetur verum efficere quod jurando promisit: circa quod Aug. ait super illud, Domini est terra. *In dolo jurat qui aliter quam facturus est promittit, cum perjurium sit nequit decipere credentem:* & super Psal. 51. *Quid est, inquit, lingua dolosa? ministra fallaciæ est lingua dolosa, aliud in corde habentium, aliud ore promittentium.*

Consect. 3. Juramentum promissorium, quamvis absolute factum, importat quasdam conditiones rationaliter subintellectas; quia hæc est iusta jurantis intentio.

Prima est, *Si potuero*, quia ad impossibile nemo tenetur. Hinc qui juravit se daturum pecunias, non ligatur juramento, si fiat pauper.

Secunda est, *Salvo jure Superioris*. Hinc qui jurat se servaturum secreta ei commissa non tenetur juramento, si secreta commissa vergant vel in damnum communis Reipublicæ, vel in damnum privatum alicujus terti, quod iurans teneatur impedire. Id constat ex cap. *venientes de jure* jurando, ubi dicitur, quod in juramento intelligitur jus superioris exceptum.

Tertia *Si res notabiliter mutata non sint*, ut patet ex D. Thom. 2. 2. q. 110. a. 3. ad 5. ubi dicitur, quod *ut homo teneatur facere quod promisit, requiritur quod omnia immutata per-*

maneant. Hinc sponsus post jurata sponsalia potest resiliere, si ejus compars labatur in fornicationem, vel in gravem morbum; quia res non manet eadem. Hinc qui juravit se ad carcerem redditurum non prævilio mortis periculo, si postea prævideat, non tenetur; quia res non manet eadem.

Quarta. *Si res promissa non repugnet statui perfectionis*. cap. ex publico de conversi. conjug. Hinc per sponsalia jurata non obstat quominus quispiam possit intrare in Religionem.

Consect. 4. Reus non est perjurii, qui ob justam legitimamque causam juramentum non implet; quia sicuti ob justam legitimamque causam dispensatur a lege, ita & a juramento promissorio.

Sic juxta Raymundum, lib. 1. de juramento & perjurio, non teneor servare fidem ei, qui fidem prior infringit: *Promissum*, inquit, & *firmatum* nobis invicem fidem & pacem: *fregisti mihi, non teneor posse servare*: additque: *nec tu ei, etiamsi promissum tuum juramento, vel fidei obligatione interposita conditione firmasses, aliquatenus teneris, si constat cum conditioni minime paruisse*.

Consect. 5. Cum juramentum promissorium cedit in solam Dei gloriam, potest sicut votum mutari in melius sola autoritate jurantis: in æquale, vel in minus bonum autoritate superioris; quia intentio Dei acceptantis juramentum promissorium hæc est, ut iurans possit semper ad statum perfectionis tendere, & ut pariter rem juratam ex sola dispensatione possit licet omittere.

Sic jurasti te statum Clericalem amplexurum, potes autoritate propria juramentum mutare in melius, & amplecti statum religiosum: sed jurasti amplecti statum religiosum, non potes nisi ex dispensatione statum Clericalem amplecti; quia, ut supponitur, status religiosus est perfectior & tutior statu Clericali.

Consect. 4. Juramentum promissorium cedens in bonum promissarii, quando potest honeste impleri, nequit etiam in melius commutari, invito rationabiliter promissario; quia juramentum promissorium ligat juxta intentionem justam promittentis & promissarii.

Sic qui juravit servire alicui domino, non potest licite illud servitium præmittere, ut ministrat ægrotis in hospitio pauperum, quamvis hoc sit melius.

Sic qui juravit in aliqua Congregatione permanens, ut munia illius Congrega-

tionis obeat, v.g. ut doceat pueros, uti fit apud Patres Oratorii, apud Patres Doctrinæ Christianæ, non potest licite ab illa Congregatione exire sine licentia, ut vacet missionibus, ut Vicarium suscipiat, &c. quamvis istud sit forte melius.

S. IV.

Quomodo tollatur obligatio juramenti promissorii.

Obligatio juramenti promissorii cessat vel per autoritatem superioris dispensantis a juramento, vel irritantis juramentum, vel ob deservitatem, quæ accidit rei promissæ per juramentum, ut fufe diximus ubi de voto. Sed quia juramentum promissorium habet illud speciale, quod ejus obligatio cesset per relaxationem ejus, cui facta est promissio; ideo hic solum agemus de relaxatione juramenti.

Prop. unica. Obligatio juramenti promissorii cessat per relaxationem illius, cui facta est promissio.

Prob. 1. Script. Gen. 24. dicitur, quod Abraham mittens servum suum in Mesopotamiam ad quaerendam uxorem Isaac, exegit ab illo juramentum, hanc tamen addens conditionem, v. 7. *Sin autem mulier noluerit sequi te, non teneberis juramento:* ergo juramentum promissorium ligat juxta intentionem promittentis & promissarii: ergo ejus obligatio solvi potest per eum, in cujus emolumentum factum est.

2. Ex Aug. Epist. alias 241. nunc 62. Quidam Clericus nomine Timotheus jurans se ab Episcopo non recessurum, non est perjurius, si ipso permittente ab eo recedat: ergo juramentum promissorium licite relaxatur per eum, in cujus gratiam factum est.

3. Ex D. Th. 2. 2. quæst. 79. art. 9. ad 2. *Homo potest aliquid alteri promittere sub juramento dupliciter. Uno modo, quando promittit aliquid pertinens ad utilitatem ipsius, puta, si sub juramento promittat se servitutum ei, vel pecuniam daturum, & a tali promissione potest absolvere ille, cui promissio facta est; intelligitur enim ei jam solvisse promissum, quando facit de eo secundum ejus voluntatem. Alio modo promittit aliquis alteri quod pertinet ad honorem Dei, vel utilitatem aliorum, puta, si aliquis sub juramento promittat alicui se ingressurum Religionem, vel aliquid opus pietatis facturum; & tunc ille, cui promittitur, non potest absolvere promittentem; quia promissio non est ei facta principaliter, sed Deo, nisi forte sit interposita conditio, ratione cujus possit,*

scilicet, si illi videtur, cui promittitur, vel aliquid tale.

4. *Rat.* Juramentum promissorium est quasi debitum solvendum creditori: atqui debitum cessat hoc ipso quod remittitur a creditore: ergo & juramentum promissorium hoc ipso quod remittitur ab eo, in cujus gratiam factum est.

Consequæ hujus Doctrinæ.

Conseq. 1. Qui jurat se daturum aliquid alteri, quantumvis illud sit excellens, aut necessarium, aut justum, eximitur a juramento hoc ipso quod promissarius relaxat quod promissum est. Sic sponsalia, etsi juramento firmata, solvuntur per remissionem partium contrahentium. Sic fœdera inter Principes inita, etsi juramento firmata, cessant per remissionem eorum, in quorum emolumentum cedebant.

Conseq. 2. Qui juramento aliquo devovet se alicui Communitati, potest per eandem Communitatem ab ea obligatione absolvi. Sic qui jurat se permanendum in aliqua Congregatione, eximitur a juramento, si eadem Congregatio ei remittit obligationem juramenti. Hoc tamen verum est, si Congregatio sit pure civilis & politica; quia juramenti promissorii obligatio cessat per relaxationem promissarii: sed hoc est falsum, si Congregatio sit Ecclesiastica, & præcipue si in ea eliciantur vota etiam simplicia; quia tunc ad dispensandum in votis, & relaxandum juramentum, requiritur causa legitima, ut ipsemet doceo ubi de dispensatione,

CAPUT III.

De Imprecatione.

ARTICULUS I.

Explicatur quid & quotuplex sit Imprecatio.

Imprecatio est actio, qua nobis, vel aliis malum precamur. Imprecatio est duplex: imprecatio iræ, & imprecatio juramenti.

Imprecatio iræ est actio, qua nobis vel aliis ex impetu iræ malum optamus.

Imprecatio juramenti est actio, qua nobis vel aliis malum optamus, si quod juramento vel asserimus, vel promittimus, non sit verum: talis actio solet vocari *juramentum execratorium*.

ARTICULUS II.

An imprecatio sit peccatum & quale.

Prop. unica. Qui sibi vel alteri ex motu iræ deliberato imprecatur ingens malum, mortaliter peccat; & si adfint qui audiant ejus imprecationem, peccat peccato scandalii: peccat vero venialiter, si adfint vel levitas materiæ, vel indeliberatio.

Prob. 1. Script. Nolite errare, fratres: neque fornicarii, neque MALEDICI, neque rapaces regnum Dei possidebunt. 1. ad Corinth. 6. v. g. Ergo maledictio est peccatum mortale.

Prob. 2. Ex D. Thom. Maledictio, de qua loquimur, est, per quam pronuntiatur malum contra aliquem. . . . Velle autem, vel imperio movere ad malum alterius, secundum se repugnat caritati, qua diligimus proximum, volentes bonum ipsius; & ita secundum genus suum est peccatum mortale tanto gravius, quanto personam, cui maledicimus, magis amare, & revereri tenemur: unde dicitur Lev. 20. Qui maledixerit patri suo, & matri, mortemoriatur: 2. 2. q. 76. a. 3. in C.

3. Rat. Imprecatio est peccatum contra caritatem, qua jubetur & nos & proximum diligere; & ideo est peccatum mortale, nisi adfint indeliberatio, vel levitas materiæ, vel aliqua alia circumstantia, quæ efficiat, quod maledictio, quæ ex genere suo est peccatum mortale, fiat peccatum veniale. Contingit tamen, inquit D. Th. ibid. verbum maledictionis prolatum, esse peccatum veniale, vel propter parvitatem mali, quod quis alteri maledicendo imprecatur, vel etiam propter affectum ejus, qui profert maledictionis verba, dum ex levi motu, vel ex ludo, aut ex subreptione aliqua talia verba profert; quia peccata verborum maxime ex affectu pensantur.

Consecraria hujus Doctrinæ.

Consect. 1. Peccat mortaliter qui ex motu iræ deliberato precatur sibi ingens malum, v. g. erumpit in tales voces: moriar, suffocor, invadat me diabolus, detrudat in infernum, &c. quia maledictio contra seipsum est peccatum mortale.

Consect. 2. Peccat mortaliter qui motu iræ deliberato optat alteri ingens malum, v. g. erumpit in istas voces: pereat, evanescat, annihiletur, &c. quia maledictio contra alterum est ex suo genere peccatum mortale.

Consect. 3. Peccat mortaliter qui motu iræ deliberato rebus etiam irrationabilibus tum

luis, tum alienis optat ingens malum, v. g. erumpit in tales voces: pereat omnino res illa, desinat, destruat, &c. 1. Quia ira vehementer rationem perturbans est peccatum mortale. 2. Si res ad proximum pertineat, optat ei insigne detrimentum; si vero res ad maledicentem pertineat, pessime abutitur rebus suis; non enim ita est bonorum suorum dominus, ut pro libito possit ea perdere, vel dilapidare; si vero maledicat creaturis irrationalibus tum suis, tum alienis, sine pravo affectu, vanum est, otiosum, & proinde illicitum.

Dixi: Peccat mortaliter qui ex motu iræ deliberato precatur vel sibi, vel proximo, vel rebus irrationabilibus ingens malum.

Hoc durius videretur dictum, nisi supponerem, quod vehementes illi motus iræ rationem obtenebrant, quo in casu, ut expresse docet D. Th. peccat mortaliter.

Consect. 4. Peccat mortaliter qui verba illa inordinata proferunt; si significationem verborum advertant, quamvis actualem & explicitam intentionem nocendi non habeant, sicut diximus de blasphemia; quia qui libere profert verba maledictionis, semper scandalum ingerit audientibus, & plerumque censetur velle ea, quæ verbis maledicis exprimuntur. Non excusatur, inquit Sanctus Antoninus, quod ex subita ira hoc facis, vel ex more; sicut non excusatur ab homicidio, & consequenter a pœna mortis, si quis ex impetu hoc ageret. Maledicentes ei disperibunt, id est diversis modis peribunt, scilicet in præsentī & in futuro sæculo.

Consect. 5. Peccat mortaliter peccato maledicti, & peccato perjurii, qui sibi vel aliis precatur ingens malum, jurans mendaciter; quia maledictum est peccatum mortale, & quia perjurium est peccatum mortale: & ita bis peccant qui jurantes mendaciter in hæc verba prorumpunt: moriar, diabolus me possideat, &c. si verum non dixerō.

Si tamen verum dicerent, & adessent omnes circumstantiæ requisitæ ad juramentum, non peccarent, modo abesset scandalum.

CAPUT IV.

De Adjuratione.

ARTICULUS UNICUS.

Quid sit Adjuratio, & quas condiciones habere debeat, ut sit licita.

Adjuratio est actio, qua aliquid nomine Dei vel petimus, vel jubemus. Et ita

R 4 adju-

adjuratio vel orationem, vel jussionem, vel affinitatem cum juramento importat.

Prop. unica. Adjuratio, quatenus est similis juramento, debet habere condiciones juramenti; quatenus est oratio, debet habere dotes orationis; quatenus jussio, dotes jussionis.

Propositio patet ex dictis de oratione & juramento.

Conseſſaria hujus Doctrinae.

Conseſſ. 1. Sicut non licet jurare, nisi per Deum; ita non licet quemquam adjurare, nisi per Deum, vel per aliquid dicens ordinem ad Deum, v. g. per Christum, per Mariam, per Crucem, &c. Sic Paulus 1. ad Theſſal. 5. v. 28. ait: *Adjuro vos per Dominum.* Sic Ecclesia ait: *Ecce lignum Crucis: fugite partes adversæ: & rursus: in nomine Domini discite potestates tenebrarum, & omnes qui operamini iniquitatem.*

Sicuti non licet jurare, nisi in veritate, in justitia, & in judicio; ita non licet adjurare, nisi pro re, quæ sit vera, justa, & magni momenti. Sic non licet adjurare Dæmonem, ut curiosa dicat, ut virtutum plantarum doceat, ut thesauros occultos detegat. Christus, inquit Chryſoſt. dicens spiritui immundo obmutescere, & exi ab homine, saluterum nobis dogma dedit, ne credamus Dæmonibus quantamcumque denuntient veritatem. Serm. 2. de Lazaro.

Sicuti non licet jurare, nisi serio, & cum debita intentione; ita nec etiam adjurare Dæmonem: unde non licet in exorcismis jocose compellere Dæmones, sed serio & in solam fidelium instructionem.

Conseſſ. 2. Sicuti non licet orationem dirigere, nisi ad Deum, vel ad creaturas spirituales capaces beatitudinis Divinæ; ita non licet adjurationem deprecatoriam dirigere, nisi vel ad Deum, vel ad Sanctos, vel ad homines capaces beatitudinis; minime vero ad Dæmones, vel animas damnatas, cum quibus nullum debemus habere commercium: & proinde non licet Dæmones, vel damnatos adjurare deprecatorie, sed solum compulsive.

Conseſſ. 3. Sicut jussa non dirigimus, nisi ad eos, qui nobis subjiciuntur; ita non possumus adjurationem imperativam dirigere, nisi ad eos, qui nobis subjiciuntur: & quia Dæmones nobis subjiciuntur devicti a Christo, licet eos exorcismis, quibus Ecclesia utitur, adjurare, secundum potestatem nobis traditam a Christo. Luc. 10. *Dedi vobis potestatem calcandi super serpentes & scorpiones, & super omnem virtutem inimici.*

TRACTATUS DECIMUS.

De tertio Præcepto.

Tertium Præceptum his verbis exprimitur: *Memento, ut diem Sabbati sanctifices.*

Finis hujus præcepti est, quod homo deputet aliquos dies ad vacandum rebus divinis: qui dies Deo dicati, festivi dicuntur. Præceptum illud est affirmativum, & negativum; quatenus affirmativum, jubet, ut vacemus rebus Divinis certis diebus; quatenus negativum, vetat id, quod potest nos impedire, ne eo tempore rebus Divinis insistantus.

C A P U T I.

Præmittuntur quædam scitu necessaria ad clariorem hujus præcepti explicationem.

ARTICULUS I.

Quale sit præceptum de sanctificatione Festorum: an naturale, an positivum.

Prop. unica. Præceptum de sanctificatione Festorum est naturale & positivum. Naturale, quatenus jubet, ut depuremus aliquos dies cultui Divino. Positivum, quatenus tale tempus eligitur potius quam aliud, tale exercitium potius quam istud.

Prob. 1. Script. Præceptum de sanctificatione Festorum est naturale; quia ponitur in Decalogo. *Memento, ut diem Domini sanctifices.* Exod. 30. v. 8. Est positivum; quia Apostoli & Ecclesia loco Sabbati substituerunt diem Dominicam.

2. Ex D. Th. 2. 2. q. 121. art. 4. ad 1. Præceptum de sanctificatione Sabbati literaliter intellectum est partim morale, partim autem ceremoniale: Ergo pertinet ad jus naturale & positivum.

3. Rar. Ratio naturalis distat, ut cuilibet rei necessaria deputetur aliquod certum tempus: sic certum tempus corpori nutriendo & menti instituendæ eligimus: cum ergo nihil sit magis necessarium, quam exhibere Deo debitum cultum; Lex naturalis jubet, ut certo aliquos dies divino culti consecremus. Et quia Lex naturalis non determinatur nisi per positivam, ad Legem positivam pertinet. 1. Seligere, quinam debeant esse dies festivi. 2. Quibus ritibus sint celebrandi.

Et ita ad observandum præceptum de sancti-

Sanctificatione festorum duo debemus attendere. 1. Jus naturale. 2. Jus positivum, examinando, quid jus utrumque præceptis affirmativis jubeat, quid vero præceptis negativis prohibeat; quia aliter haberi nequit distincta hujus præcepti notitia.

Consecratoria hujus Doctrinae.

Consecr. 1. Sistendo intra jus naturale, homo sine vixerit sub Lege naturæ ab Adamo usque ad Moysen, sive sub Lege Mosaica a Moyse usque ad Christum, sive sub Lege Evangelica a Christo usque ad nos, tenetur ex præcepto affirmativo diebus festis animam & corpus Deo specialius quam aliis diebus consecrare. Mens debet actus fidei, spei, caritatis, & religionis elicere; quia Deus non aliter colitur, quam illis virtutibus: corpus vero debet applicari exterioribus exercitiis per prædictas virtutes imperatis. Ex præcepto vero negativo homo ita debet animam & corpus diebus festis dirigere, ut fugiat quicquid prædictis actus Religionis tam interiores, quam exteriores posse impedire.

Consecr. 2. Si attendatur jus positivum, homo tenetur eos dies sacros habere, quos ut tales jus positivum determinat, & his ritibus vacare, quos Lex positiva jubet: ab his vero operibus abstinere, quos eadem Lex judicat observationi festorum contrarios; quia Lex naturalis determinatur per positivam.

Sic in Lege naturæ homo poterat observare istud præceptum, juxta liberam sui arbitrii electionem; quia tunc Lex naturalis determinabatur per arbitrium cujuslibet rectæ rationi conforme.

Sic in Lege Mosaica Judæus tenebatur observare istud præceptum, juxta determinationem Legis Mosaicæ; quia subiciebatur huic Legi.

Sic in Lege Evangelica homo tenetur observare istud præceptum, juxta determinationem Legis Evangelicæ; quia Christianus subicitur huic Legi.

A R T I C U L U S II.

De varia determinatione Legis naturalis circa observantiam Festorum.

Prop. 1. Quæ fuerit determinatio Legis naturalis circa sanctificationem Festorum a tempore Adami usque ad Moysen non constat, sed tamen talem determinationem pendisse a rationali arbitrio cujuslibet, vulgo tenetur.

Prop. 2. Determinatio Legis naturalis per Legem Mosaicam circa sanctificationem Festorum est hujusmodi.

1. Quoad dies Festivos.

Dies Festivi apud Judæos erant ... 1. Finis hebdomadæ seu dies Sabbati 2. Initium mensis lunaris seu dies Neomeniæ. Num. 28. v. 11. 3. Festum Paschæ seu dies septem Azymorum. Exod. 12. v. 4. 4. Festum Pentecostes seu dies primitiarum messis & fructuum. Exod. 23. v. 16. 5. Initium anni seu prima dies mensis Tyfri, idest Septembris. Lev. 23. v. 24. 6. Dies veniæ & poenitentiae. Lev. 23. v. 27. 7. Festum tabernaculorum. Lev. 23. v. 34. Sunt & alii Festi dies apud Judæos, ut cum recolunt victoriam Judith, Machabæorum, & triumphum Eithæ contra Aman.

2. Quoad Ritus.

Ritus, quibus dies Festi celebrabantur apud Judæos, is erat, ut vacarent sacrificiis in Templo Jerusalem, & lectioni Scripturarum, & ut abstinerent ab omni opere servili.

Prop. 3. Determinatio Legis naturalis per Legem Evangelicam circa sanctificationem Festorum est diversa a Lege Mosaica: omne cæremoniale abolitum est per Christum; veritas enim est, cujus præsentia figuræ omnes evanescent; corpus, cujus aspectu umbræ diffugiunt; & ita alia est determinatio festorum in Lege Evangelica quam in Lege Mosaica.

1. Quoad dies Festos.

Dies Festivi apud Christianos sunt 1. Dies Dominica. 2. Festivitates Christi. 3. Festivitates Mariæ Virginis. 4. Festivitates Sanctorum. Dies Dominica loco Sabbati colitur; ut enim Deus die Sabbati quævit ab opere Creationis, ita & Christus eo die quævit ab opere Redemptionis: die Dominica Christus resurrexit a mortuis, & misit Spiritum Sanctum in Discipulos: die Dominica Joannes vidit Apocalypsim. Apocal. 1. Eodem die sancti Apostoli collectas faciebant. 1. ad Cor. 16.

Alii festi dies aut ab Apostolis, aut a primis Ecclesiæ Pastoribus instituti sunt, ut passim docet Aug. D. Th. docet, Festa Legis Evangelicæ ita successisse festis Judæorum: festo Phasæ succedit festum Passionis Christi, & Resurrectionis: festo Pentecostes, in quo data fuit Lex vetus, succedit festum Pentecostes, in quo data fuit Lex spiritus vitæ: festo Neomeniæ succedit festum Beatæ Mariæ Virginis; in qua primo apparuit illuminatio Solis, idest Christi, per copiam gratiæ: festo tubarum succedunt festa Apostolorum: festo expiationis succedunt festa Martyrum & Confessorum: festo Tabernaculorum succedit festum con-

consecrationis Ecclesiæ: festo cœtus atque collectæ succedit festum Angelorum, vel etiam festum Omnium Sanctorum. 1. 2. q. 103. a. 3. ad 4.

2. Quoad Ritus.

Ritus, quibus dies festi celebrantur apud Christianos, sunt. 1. Quod fideles vacent piis operibus, v. g. auditioni Missæ, auditioni verbi Dei, Officiis Divinis, &c. 2. Quod abstineant ab opere servili, quod ut tale determinatur ab Ecclesia.

ARTICULUS III.

De gravitate peccati, quod committitur violando Festum.

Propositione unica. Sanctificatio festi obligat Christianos sub peccato mortali.

Prob. 1. Scriptura. *Memento, ut diem Sabbati sanctifices.* Exod. 20. v. 8. & *Ezech. Videte itaque, ut Sabbatum meum custodiat, quæ verba saltem non minus Christianos, quam Judæos respiciunt: Ergo sicuti tenebantur Judæi sub peccato mortali Sabbatum Judaicum custodire, ita & nos Sabbatum Christianum, ne tantum illud præceptum infringentes puniamur poenis spiritualibus, sicuti illi puniebantur poenis corporalibus.*

2. Autoritate summorum Pontificum & Cleri Gallicani, qui art. 6. damnarunt hanc propositionem: *Præceptum servandi festa non obligat sub mortali, si pœposito scandalo, si absit contemptus.*

3. *Rat.* Præceptum naturale determinatum per legem positivam obligat sub mortali, quando materia est gravis: quia si quæ lex obliget sub mortali, maxime lex naturalis: præceptum autem observandi festa est præceptum naturale determinatum jam per legem Evangelicam: ergo obligat sub mortali.

4. Actus contrarius Religioni est peccatum mortale, & sacrilegium, si sit materia gravis: ergo cum violatio festi sit actus contrarius Religioni, erit peccatum mortale sacrilegii.

5. Ecclesia, ut pote Respublica bene ordinata, habet potestatem condendi leges obligantes sub mortali; cum de his, qui nolunt obedire Ecclesiæ, dicatur: *Si quis Ecclesiam non audierit, sit tibi sicut Ethnicus & Publicanus:* Ergo cum Ecclesia determinat sanctificationem festorum, censetur obligare sub mortali; quia materia est gravis.

Consecratoria hujus Doctrina.

Consect. 1. Quidquid jus naturale vetat, ut

contrarium observationi festorum, debet censi peccatum mortale.

Sic hæc occupationes, quæ ita mentem absorbent, ut impediunt, ne diebus festis vacet, ut oportet, rebus divinis, debent censi peccata mortalia sacrilegii. Talia sunt ea peccata, quæ toto die festo animus peccantis occupatum tenet; etenim peccatum mortale sanctitatem aufert, quæ festivis præcipue diebus debet aut *missa reparari, aut accepta augeri*... Talia etiam sunt ea negotia, quæ omnino a sacris fidelem eo die avocant.

Consect. 2. Quidquid jus naturale jubet, ut per se necessarium ad observantiam festorum quæ in eo sita est, ut Deum tanquam supremum Dominum habeamus, si omnino omittatur, debet censi peccatum mortale.

Sic cessatio ab omni actu interiori die festo debet censi peccatum mortale; quia jus naturale jubet, ut die festo aliquo actu Deum colamus.

Consect. 3. Quidquid jus positivum jubet, ut absolute necessarium ad observantiam festi, si omnino omittatur, debet censi peccatum mortale.

Sic cessatio ab omni cultu exteriori, v. g. cessatio ab operibus præscriptis ab Ecclesia sub mortali, debet censi peccatum mortale.

Consect. 4. Quidquid jus positivum Ecclesiasticum vetat ut contrarium observationi festorum, debet censi peccatum mortale.

Sic opera servilia, quæ ut talia judicantur ab Ecclesia, debent haberi ut peccata mortalia.

CAPUT II.

De variis hominum operibus quibus tum jure naturali, tum jure positivo sanctificatio festorum vel violatur, vel promovetur.

ARTICULUS I.

De variis operibus hominis.

Opus hominis est duplex: opus animæ, & opus corporis.

Opus animæ est actio consistens in contemplatione, aut ad illam pertinens. Talis est volitio, intellectio, imaginatio, sensatio: & hujusmodi actiones vocantur liberales, & non serviles: quia si quis homini serviat, servit ei secundum corpus, & non secundum mentem... Actiones liberales continentur hoc carmine.

Lingua, tropus ratio, numerus, tonus, angulus, astra.

Opus

Opus corporis est illud, quod dependet maxime a membris externis.

Opus corporis est duplex: opus proprium servis, & opus commune servis & liberis.

Opus corporale servis proprium est illud, quod corpore exercetur, & ad artes mechanicas pertinet: vocatur servile, quia est servis proprium, etenim si quis serviat alteri homini, servit non secundum animam, sed secundum corpus. Opera autem servilia istis carminibus comprehendendi possunt.

Rus, nemus, arma, vates, vulnera, lana, faber,

Mercatura, forum, nec non transvectio mercis,

Pingere, piscari, venari, & radere barbas.

Opus corporale commune servis & dominis est illud, quod corpore exercetur, & ita communiter, ut æque fieri soleat a servis ac a dominis. Ejusmodi sunt ambulare, iter agere, &c.

ARTICULUS II.

De his, quæ jure naturali specialiter prohibentur diebus festis.

Prop. unica. Opera, per quæ servimus diabolo, nimirum peccata, & ea, quæ trahunt ad peccandum, semper prohibentur, sed specialiter diebus festis.

Prob. 1. Ex Script. Itaq. loquens de Judæis in diebus festis peccatum committentibus, ait: *Iniqui sunt cæcus vestri: calendæ vestras, & solemnitates vestra odit anima mea: facta sunt mihi molestia: laboravi sustinens.* cap. 1. v. 13. & Malachias 2. v. 13. *Dispergam super vulvum vestrum stercus solemnitarum vestrarum:* Ergo opera, per quæ servimus diabolo, specialiter prohibentur diebus festis.

2. Ex Concilio Foro-Julienfi an. 790. cap. 13. ubi loquens de festorum celebratione sic habet: *Omnibus mandamus Christianis abstinere primum omnium ab omni peccato:* Ergo censet Concilium peccata diebus festis specialiter prohiberi.

3. Ex D. Th. 2. 2. q. 122. a. 4. ad 3. *Magis homo impeditur a rebus divinis per opus peccati, quam per opus licitum, quamvis sit corporale: ideo magis contra hoc præceptum agit qui peccat in die festo, quam qui aliud corporale opus licitum facit.* Unde Aug. dicit in libro de decem chordis: *Melius faceret Judeus in agro suo aliquid utile, quam si in theatro seditiosus existeret. Et melius semina eorum die sabbati lanam facerent, quam quod tota die in Neomeniis impudice saltarent. Non autem qui peccat ve-*

nialiter in Sabbato contra hoc præceptum facit; quia peccatum veniale non excludit sanctitatem.

4. Rat. Homo debet semper peccatum fugere; quia peccatum murus est, quo a Deo jungimur, juxta illud Isaïæ 59. v. 2. *Iniquitates vestrae dividerunt inter vos & Deum vestrum:* Ergo debet præcipue peccata fugere diebus festis; quia tunc decet nos intimius conjungi Deo: unde ait Catech. Trident. *Quo magis peccata a fidelibus vitanda sunt, quæ non solum animum a divinarum rerum studio avocant, sed nos a Dei amore prorsus sejungunt.*

Deinde, homo non debet die festo alteri homini servire: ergo a fortiori inimicis Dei, scilicet peccatis: quod utique facit peccando, juxta illud Joan. 4. *Omnis qui facit peccatum, servus est peccati.* 8. v. 34. ideo dicit Aug. serm. 270. in die Pentecostes: *Ille vere observat Sabbatum qui non peccat.* Eo quod vere soli Deo serviat.

Demum, sicuti Deus, licet Dominus omnium, sibi aliqua consecrat; ita, licet Dominus omnium temporum, sibi aliquos dies consecrat: ergo sicuti specialis culpa est templum violare; ita specialis culpa est dies festos peccando transgigere. Eo argumento utitur Canutus Rex ann. 1032. in suis legibus Ecclesiasticis a. 6. *Quamquam, inquit, nec ullo tempore danda est injustitiæ venia, diebus tamen festis atque a locis Deo consecratis maximo prohibenda est procul iniquitas.*

Confessoria bujus Doctrina.

Consect. 1. Nonquam licet peccare, sed id vitatum est specialiter diebus festis; quia peccatum eo tempore est gravius. *Gravius peccat, qui peccat in festo, puta, furatur, fornicatur, quam qui in aliis diebus hoc facit,* inquit Synodus Lingonensis, relata a Bochello fol. 575.

Consect. 2. Circumstantia festi non solum semper aggravat peccatum; sed etiam aliquando efficit ut duplex committatur peccatum: quod contingit dupliciter, vel quia peccatum ita diu durat, ut nullam relinquat diei partem cultui divino applicandam, vel quia ita mentem absorbet, ut eam per integram diem cultui divino vacare impediatur; tunc enim in utroque casu duplex præceptum infringitur, scilicet, 1. Præceptum sanctificationis festi, quæ omnino per totam diem omittitur. 2. Præceptum illud, quod per actum peccati violatur: id hoc ita loquitur Halensis 3. P. q. 32. de tertio præcepto art. 2. *Qui fornicatur, inquit, die*

die Dominico peccat duobus peccatis, secundum quod peccatum numeratur ratione reatus, licet sit unus actus, sicut ille, qui deflorando interficit virginem, dupliciter peccat, uno actu interficiendo & stuprando Similiter est hic. Et Nicolaus de Lyra in c. 20. Exodi super illud, sex diebus operaberis, ait: Qui adulteratur illa die est transgressor duplicis præcepti, scilicet mœchiz, & diei Sabbati. Idem tenet Antoninus 1. p. tit. 9. c. 7. §. 2.

Dixi, si peccatum vel per sui durationem, vel per sui malitiam nullam relinquit diei partem cultui divino infundendam; quia si peccatum relinquit tempus & audiendi Missam, & vacandi per aliquam partem diei cultui divino, tunc circumstantia festi aggravat quidem peccatum, sed non efficit ut duplex committatur peccatum; quia hoc præceptum affirmativum, diem Sabbati sanctifices, obligat quidem ad semper, sed non pro semper.

Consect. 3. Omni tempore vitanda sunt ea, quæ ducunt ad peccatum, sed præcipue diebus festis; quia tunc decet nos Deo esse magis addictos, & quia circumstantia festi semper aggravat peccatum, & aliquando efficit, ut duplex committatur peccatum.

Sic diebus festis abolenda est popinarum frequentatio, chorearum & ludorum theatralium exercitatio, & alia huiusmodi: unde Conc. 3. Mediol. ann. 1573. de festorum observatione, a. 1. ait: *Festis diebus, saltem horis, quibus divina celebrantur officia, interdiciamus, ne saltationes, tripudia, choreæ ducantur, aut fiant: ne item comedie, ludi scenici, vel theatrales, bastiludia, & alia cujuscunque generis spectacula agantur.* Idem jubet Concil. Bituricensis an. 1583. tit. 6. can. 6.

Consect. 4. Quando circumstantia diei festi non notabiliter aggravat peccatum, tunc bonum est eam confiteri, sed id non est necessarium; quia circumstantia peccatorum aut nihil, aut parum aggravantes, non sunt confitenda, ut dicimus ubi de confessione Sacramentali. De hac circumstantia festi Ludovicus Granatenfis docet expresse, eam non esse confitendam. Ita in suo memoriali c. 7. §. 3. Idem docet Covarruv. lib. 4. resolut. cap. 19.

Consect. 5. Quando circumstantia diei festi notabiliter aggravat peccatum, vel efficit quod duplex peccatum committatur, tunc necessario est confitenda; quia de fide est, circumstantiam, quæ speciem mutat, esse confitendam; & probabiliter simul, & tutius est, eas circumstantias confiteri, quæ peccatum notabiliter aggravant.

Consect. 6. In praxi bonum est in confessione explicare circumstantiam temporis sacri;

quia hæc circumstantia semper aggravat peccatum. Ita author veræ & salæ penitentiz: *Consideret peccator, si peccatum commiserit in loco sacro ... Si in tempore orationi constituto, an in festivitate Sanctorum Omnis ista varietas confitenda est & defendenda.* Can. consideret.

Et D. Th. opusc. 22. alias 64. art. 5. loquens de circumstantiis confitendis, ait, circumstantiam temporis esse confitendam; quia, inquit, *Gravius esse caveri a Missa, velolari in die Dominico, vel in festo solemniter, quam in die alio simpliciter & gravius est quodcumque peccatum in magna solemnitate, quam in alio tempore.* Et D. Bonav. opusc. confessionale cap. 2. ait: *Interrogandum esse penitentem de tempore quo peccatum perpetravit, utrum videlicet in tempore festivo, vel non festivo.*

ARTICULUS III.

De his quæ jure positivo prohibentur diebus festis.

Prop. 1. Licet opera servilia, quæ exercentur per artes mœchanicas, & per quæ servimus homini, non sint ex se mala, tamen sunt prohibita diebus festis, nisi sit causa iusta, quæ excuset.

Prob. 1. Script. *Omne opus servile non facietis in eo.* Lev. 23. v. 7. Opus autem mœchanicum est opus servile: ergo, &c.

2. Ex Concil. Conc. Narb. ann. 1551. can. 49. dies festos ita celebrari præcipit. *Parochi, inquit, suos omnes moneant sub excommunicationis pœna comminantes, ut dies festos colant cum maxima erga Deum sinceritate & Religione: a quacumque SERVILI actione, ebrietate, blasphemia, &c. abstineant.* Concilium vero Burdigal. ann. 1583. can. 6. postquam præmonuit calamitates, quibus premittitur, a violatione festorum profluere: *Magistratus, inquit, adhortamur, ut quod in ipsis maxime firum est, sacros dies illos ac Solemnes pie sanctæque celebrari curent: tabernas aperiri, veduras & opera quævis rustica exerceri prohibeant.*

3. Ex Greg. Dominico die a labore terreno cessandum est, atque omnino orationibus insistentium, ut si quid negligenter per sex dies agitur, per diem resurrectionis Dominicæ precibus expietur. Lib. 17. Epist. 30.

4. Rar. Dellinavit sibi Deus dies festivos: ergo non licet eisdem diebus alteri servire, & proinde opus corporale & servile exercere; quippe per opus corporale & servile, & non per opus spirituale homo servit homini. Deinde opus corporale & servile, defatigando

corpus, mentem a divino cultu amovet, ut ait Catech. Trident. Ergo decet nos vacare a servilibus die festo. Jam quæ sint opera servilia videamus. Opera servilia sunt opera corporalia, quæ proprie pertinent ad servientes, inquit D. Thom. 2. 2. q. 122. art. 4: Sed ut hæc notitio distinctius appareat, sit

Prop. 2. Ad Ecclesiam pertinet determinare quænam sint opera, quæ habenda sunt ut servilia in lege Evangelica.

Prob. 1. Script. Quæcumque alligaveritis super terram, erunt ligata & in cælis. Matth. 18. v. 18. Sed determinare, quænam sint opera servilia, est ligare conscientiam circa illa opera: Ergo cum ex textu præcitato pertineat ad Ecclesiam ligare, ad eamdem pertinere necesse est, determinare quænam sint opera servilia.

2. Ex D. Thom. ibidem a. 4. ad 4. *Observantia diei dominice in nova lege succedit observantia Sabbati, non ex vi præcepti legis, sed ex constitutione Ecclesie, & consuetudine populi Christiani.* Ergo cum ad Ecclesiam pertineat determinare festa, ad eam pariter pertinet determinare, quænam sint opera, quæ ut servilia habenda sunt, & sanctificationi festorum contraria.

3. Quando præceptum aliquod naturale, vel divinum est indeterminatum in Scriptura, ad Ecclesiam pertinet determinare modum, quo præceptum illud observandum sit: est enim regula infallibilis & quoad fidem, & quoad mores: atqui præceptum de sanctificatione festorum est indeterminatum in Evangelio: ergo ad Ecclesiam pertinet determinare, quomodo observandum sit, & quæ opera sint sanctificationi festorum contraria, quæ vero non. Et sicut Ecclesia determinat, quomodo & quando jejunandum, qui cibi diebus jejunii sint permitti, qui vero prohibiti; ita Ecclesia debet determinare, quænam dies sint festivi, & quæ opera diebus festis permitti, quæ vero prohibita. De quo fatus ubi de præceptis Ecclesiæ.

Consect. unicum. Ad cognoscendum, quænam sint opera servilia, non legem Moysicam, sed praxim Ecclesiæ debemus consulere; & proinde multa opera debemus habere ut licita in lege Evangelii, quæ erant prohibita in Lege Moysi: cum de iustitiatibus hanc assertit rationem D. Thom. ibidem. *Festorum observatio, inquit, in lege Evangelica non est singularis, sicut fuit observatio Sabbati in veteri lege: & ideo non est ita arcta prohibitio operandi in die Dominica, sicut in die Sabbati; sed quedam opera conceduntur in die Dominica, quæ in die Sabbati prohibebantur, sicut deco-*

ratio ciborum & alia hujusmodi. Et etiam in quibusdam operibus prohibitis facilius propter necessitatem dispensatur in nova, quam in veteri lege: quia figura pertinet ad protestationem veritatis, quam nec in modico pretereire oportet. Opera autem secundum se considerata immutari possunt pro loco & tempore. Item opera, quæ servilia habebantur apud Judæos, possunt permitti ab Ecclesia.

Prop. 2. Juxta præsentem Ecclesiæ praxim servilia censentur. 1. Opera mechanica. 2. Opera forensia & mundanalia. 3. Opera ad artes mechanicas accedentia.

Prob. 1. Ex variis Conciliis Provinc. Concil. Arelatense 6. ann. 813. Cæn. 16. jubet a rurali & servili opere cessari penitus diebus Dominicis, & vetat eisdem diebus publica mercata, caufarumque disputationes exerceri. Concil. Parisiense ann. 829. Cæn. 50. *Mercatus, placita, & ruralia quæque opera interdicit.*

2. Autoritate Pii V. Conflit. quæ incipit, Cum primum. Fideles, inquit, diebus festis. 1. Ab omni illicito & servili opere abstineant. 2. Mercatus non fiant. 3. Profane negotiationes & judiciorum strepitus conquiescant.

3. Ex Codice Justiniano tit. 12. de feriis. Omnes judices, urbanæque plebes, & cunctarum artium officia venerabili Solis die quiescant.

Hinc pater ex præsentem Ecclesiæ praxim, & determinationem, diebus festis prohiberi. 1. Opera mechanica. 2. Opera forensia, & mundanalia. 3. Opera ad mechanicas artes accedentia; vel accedentia: quæ singula, ut ligillatim & distincte appareant, quædam more solito subjiciemus Consecraria, ab eruditissimum ex probationibus allatis jam præintellecta; sed quæ rudioribus, quibus non ita obviam sunt; non erunt forte inutilia.

Consecraria hujus Doctrina.

Consect. 1. Peccant hi omnes, qui diebus festis exercent opera mechanica isto carmine contenta.

Rus, nemus, arma, rates, vulnera, lana, sabet.

Sunt enim opera, quæ ab Ecclesia judicantur ut servilia: sunt quippe ejus naturæ, ut per ea homo alteri homini proprie serviat. Unde peccant.

1. *Rus.* Id est, qui vacat agrorum culturæ, v. g. arat, seminat, colligit fructus. Ita Capitulare Caroli Magni vel potius Episcopi curia Caroli Magni congregati lib. primo cap. 75. Statuimus, secundum quod in lege Dominus præcepit, ut opera servilia diebus Dominicis agantur. Nec viri ruralia exercent opera, id-

ideſt, nec vineam colendo, nec in campis arando, nec in metendo, vel ſanum ſecando.

2. *Nemus.* Qui vacat nemorum plantationi, v.g. vineas, arbores plantat aut ordinat. De quo idem Capitulare ait: *nec ſepem ponendo, nec in ſilvis ſtirpando occupentur.*

3. *Arma.* Qui vacat armis fabricandis; quia arma fabricare opus ſervile eſt. Item qui extra neceſſitatem diebus feſtis incumbit belloꝝum exercitio. De quo ita D. Th. 2. 2. q. 40. aa. in C. *Pro tuitione Reipublicæ fidelium licitum eſt juſtæ bellæ exercere diebus feſtis, ſi tamen hoc neceſſitas expoſcat.* Hoc enim eſſet tentare Deum, ſi quis imminente tali neceſſitate vellet a bello abſtinere. Sed neceſſitate ceſſante non eſt licitum bellare in diebus feſtis. Idem habet Nicolaus ad conſulta Bulgarorum cap. 34. ubi ſic habet: *Die Dominico, vel cæteris feſtis diebus quando neceſſitas urget, liceat ambulare, vel ad bellandum procedere.*

4. *Rates.* Qui vacat navibus ſtruendis, onerandis, exonerandiſve; naves enim ſtruere non minus eſt opus ſervile quam ſtruere domos: hoc autem prohibetur lib. 1. Cap. Caroli magni cap. 75. his verbis: *nec in petris laborare, nec domos ſtruere diebus feſtis liceat.*

5. *Nulnera.* Qui extra neceſſitatem vacat exercitio Chirurgiæ aut Pharmacopolæ, v.g. Anatomiz incumbit, unguenta parat, &c. quia hæc opera ſunt ſervilia & mechanica, ut innuit Aug. lib. 1. de muſica cap. 4. ubi ait, quod hoc vocabulo Chirurgia ſatis ſignificatur operaria quedam in manibus medendi conſuetudo. Si opus illud ſit mechanicum, non poteſt diebus feſtis niſi propter neceſſitatem permitti.

6. *Lana.* Qui vacat lanificio, v.g. tondere oves, lanam lavat. De quo idem Capitulare ait: *Item ſemina opera textilia non faciant, nec capulent veſtitus, nec conſuant, vel acupile faciant, nec lanam carpere, nec linum batuere, nec in publico veſtimenta lavare, nec vervices tondere habeant licitum.* Idem dic. de filo & rebus ſericis.

7. *Faber.* Qui vagat rebus fabrilibus ſive circa petras poliendas, ſive circa ligna, ſive circa metalla. De quo ita Concilium Meldenſe ann. 945. can. 47. ubi oſto dies Paſchales inter feſtivos recensens, ut tunc moris erat, ait: *Dies quoque oſto ſacroſanctæ Paſchalis feſtivitatis omnibus Chriſtianis ſervatos eſſe determinamus ab omni opere rurali, carpentario, gynaeco, commentario, piſtorio, venatorio, forenſi, mercatorio, audientiali, ac ſacramentis exigendis; quatenus eiſdem diebus tanto ſcientius, quanto liberius omnibus Chriſtianis ſanctæ Reſurrectionis laudibus, & ſacroſanctæ prædica-*

tionis jugiter inſiſtere liceat; quod ſi quis temerare præſumpſerit, excommunicetur.

Conſect. 2. Peccant qui vacant operibus iſto carmine contentis.

Mercatura; forum, nec non tranſvectio mercis; quia hæc opera judicantur ut ſervilia ab Eccleſia.

Mercatura. Mercatus alii ſunt minus ſolemnes, qui recurring ſæpius in eadem hebdomada; alii vero magis ſolemnes, qui ſolum recurring ter quaterve in eodem anno, vocanturque nundinz.

Mercatus minus ſolemnes, qui ſæpius in eadem hebdomada recurring, non ſunt liciti diebus feſtis, ut cavetur multis Conciliis. Synodus Romana ſub Eugenio II. ann. 826. Can. 30. ita loquitur: *Conſtat omnes omnino obſervare, ut die Dominico nullas audeant operationes mercatione que peragere, præter in cibariis rebus pro itinerantibus, ita ut libere poſſint ac debite in eo ſecundum poſſibilitatem omnes ad Eccleſiam concurrere.*

Conſtitutio vero Riculſi ann. 889. cap. 18. ſic habet: *Mercationes vero, quæ divinis & humanis legibus prohibite ſunt, & nunc denovo diebus Dominicis a quibuldam exercentur, modis omnibus inſubemus, & vobis inſubendas omni ſtudio canonica auctoritate decernimus.* Et Concilium Grateleanum ann. 928. Cap. 6. ſic jubet: *Die autem Dominico nemo mercaturam facito, quod ſi quis egerit, & iſta mercede, & triginta præterea ſolidis mulſctetur.*

Demum Concilium Mediolanenſe I. ann. 1565. de feſtorum dierum cultu determinat: *ne quid diebus feſtis vendatur aut ematur, præter id quod ad viſtum illius diei, vel ad ægrorum curationem neceſſarium ſit.* Concilium vero Narbonenſe 1555. Can. 49. iſtæ præcipit: *Nihil mercatores publice vendant: officina eorum aperta non ſint præſertim diebus Dominicis & beatæ glorioſæque Virginis Mariæ, &c.*

Mercatus vero magis ſolemnes, qui apud nos vocantur nundinz, ſtrictius videntur prohiberi. De his ſolemnius mercimoniis videat loqui Carolus Magnus cap. 1. a. 18. De mercatis ut in die Dominico non agantur. Et Concil. pariter Turonenſe III. an. 813. Itemque interdicatur ne mercata, & placita uſquam ſiant die Dominica; quæ oportet omnes Chriſtianos a ſervili opere in laude Dei & gratiarum actione uſque ad veſperam perſeverare. Can. 40. Et Concil. Moguntinum ann. 1540. de moribus Can. 98. ita loquitur: *Magnus abuſus eſt, quod ſcilicet diebus feſtis mercatus ſiant. Cuius improbe hominum cupiditati modum ponere volentes, ſerio prohibemus, ne in poſterum in locis noſtre Provinciæ, diebus Dominicis, aut præcipuis*

Belesia festiuitatibus, nisi forte earum rerum, quæ ad usum quotidiani uictus necessarie sunt, exerceantur. Postea uero & excommunicationis poenam magistratibus talem corruptelam permittentibus infligit. Concilium Mediolanense l. ann. 3505. ait: Nesciant nundinae, sed quæ festo die feri, consueuerant in antecedentem, uel subsequenter diem, qui festus non sit, transferantur.

Concilium uero Coprinicum ann. circiter 3255. Can. 26. omnibus frequentantibus mercata & nundinas excommunicatione minatur: sic enim habet: *Item denuntientur excommunicati omnes illi, qui diebus Dominicis, & solemnitatibus frequentant mercata & nundinas. Idem uetant sub poenis temporalibus Edicta Regia, scilicet Aurelianense art. 23. & Bleisense art. 28. Et merito quidem; recta enim ratio suadet, quod Diabolus his nundinis non solum auertit populum a cultu Dei, sed insuper excitat ad dolum & fallacias, quæ solent misceri in contractibus, & ad ludos, & ludicra sensim adducit.*

2. Forum. Peccant qui actiones forenses exercent diebus festis; quia actiones forenses diebus festibus prohibentur iure civili & Ecclesiastico: neque ullatenus licet eas sine causa exercere, juxta illud Justiniani: *Omnes iudices die Solis quiescant.* Rem uero plenius determinat Leo & Antemius. Cod. lib. 3. de feriis lege fin. *Respirent a controversiis litigantes.* Concilium Maticonense Can. 1. ann. 585. *Custodite diem Dominicam, nullus vestrum litium somitiis vacet, nullus causarum actiones exercent.*

Idem iubet Concil. Moguntiacum ann. 813. Can. 37. *vetans expresse, ut mercatus in diebus Dominicis non sit, nec placitum, ubi aliquis ad poenam uel ad mortem iudicatur.* Idem habet Concilium Turonense eodem ann. Can. 40. *Interdicatur, inquit, ne mercata & placita usquam fiant die Dominica.* Et Conc. Erpfordiense ann. 932. c. 2. rem expressius sic definit: *Placita secularia Dominicis, uel aliis festis diebus, sed etiam in quibus legitima jejunia celebrantur secundum canonicam institutionem, minime fieri volumus.* Idem definiunt Edicta Regia, quibus curiis determinantur dies feriales. Ad demum cavetur cap. *Conquestus est nobis*, de feriis, ubi hæc leguntur: *Debet judicialis strepitus diebus conquiescere feriatis, qui ob reuerentiam Dei noscuntur esse statuti.*

3. Hinc patet, quod non licet iudici diebus festis terre sententiam, testes audire, &c. Nulla quemquam, inquit Leo & Antemius, urgeat admonitio, nulla fidei iussionis flagietur negatio, saccat apparitio, aduocatio delitescat,

sic ille dies a cognitionibus alienus, præconis horrida vox quiescat. C. leg. fin. de feriis.

2. Hinc patet, quod non licet etiam tabellionibus diem festum clientibus assignare, aut decreta iudicum exequi. *A strepitum judiciali ita conuenit abstinere, ut consentientibus etiam paribus, nec processus habitus teneat, nec sententia, quam contingit diebus festis promulgari.* Cap. *Conquestus est nobis*, de feriis.

3. Non licet Notariis instrumenta scribere diebus festis. Conc. Mediol. III. *Ne contractus ulli, cuiusvis generis sint, neue ullæ rerum exactiones fiant, nisi cum iure nominatim permisum, &c.* Idem habet Con. Bituricense ann. 1584. tit. 6. Can. 4. *Dominico ergo die cessent secularia opera, sit sacram institutum, cessent flores, sileat præconis tuba. ... Contractus Notariorum instrumenta.*

4. Non licet Procuratoribus acta transcribere; quia hæc omnia actiones forenses sunt.

Licet tamen Advocatis Iudices instruere, legibus studere, & clientium lites examinare; quia hæc actiones sunt liberales: peccarent tamen, si ita immergerentur die festo negotiis secularibus, ut nihil ad salutem æternam pertinens illis diebus festis peragerent.

Dixi, quod placita forensia non possunt diebus festis licite sine causa exerceri; nam si sit causa, hæc omnia possunt licite fieri diebus festis.

Sic iudicibus ruralibus licet lites iudicare: quia homines rusticani non possunt commode accedere, nisi die festo.

Sic potest reus damnari morte die festo, si timeatur, quod ex dilatione reus abibit impunitus. Leg. 10. C. de feriis. *Nullum tempus existiment excipiendum, ne differatur sceleratorum prodiit consiliorum, quæ per latronum tormenta querenda est.*

Sic Notarius potest testamenta ægroti accipere die festo, si timeatur, quod ad aliud tempus non possint differri: potest & consensum matrimoniale scribere. *Cessent*, inquit Concil. Bituricense. 1584. Titulo 6. Can. 4. *Notariorum instrumenta, nisi quæ ex necessitate testamentorum, aut matrimoniorum causa differri non possunt.*

Nec non transuictio mercis. Peccat qui citra causam vacat transuehens mercibus, vino, frumento, oleo; peccat, quia est opus seruire. Id prohibet Jerem. cap. 17. v. 21. his uerbis: *Nolite portare pondera in die Sabbati.* Id pariter uetat Concil. Rothomag. an. 1581. de cultu enim diuino agens, ait: *Vetamus uetustas, arque omnia alia opera seruitutis feri. ... In Pro-*
mo-

monitionem aufuerint vecturas non necessarias exercere. Et Cap. Caroli Magni l. 1. c. 75. determinat quæ vecturæ censeantur necessariae. *Tria caritaria opera licet fieri in die Dominico, id est hospitalia carra, vel victualia, etsi forte necesse fuerit corpus cuiuslibet duci ad sepulchrum.* Et Conc. Cuyanense ann. 1550: de eadem re ita loquitur: *Christiani Dominica die non exerceant, nec fessentur itinera, nisi orationis causa, aut sepeliendi, aut visitandi egros, aut pro Regis secreto, aut pro Saracenorum impetu.* Et cum adest necessitas, hæc cautela adhibenda est: *Si necessitas fuerit navigandi, sive itinerandi, licentia datur, ita dumtaxat, ut neque Missa, neque orationes prætermittantur, inquit Theodolphus Episcopus Aurelianensis, cap. 24.*

Si tamen sine fraude incepisses iter ante diem festum, potes prosequi, modo audias Missam, quia videris excusari a peccato ob dampnum temporale, quod sequeretur ex itinere interrupto.

Consect. 3. Peccant qui diebus festis vacant operibus isto carmine contentis.

Pingere, piscari, venari, & radere barbas.

Hæc enim opera iudicantur ut servilia.

1. Non licet diebus festis pingere, venari, aut piscari; quia hæc opera censentur servilia; quando exercentur non recreationis causa, sed ex officio & motivo lucri. Nec licet etiam recreationis causa tempore Officii propter scandalum; nec venatio clamorosa, vel pro brevi tempore excusanda est. Ita videtur determinasse Concil. Meldense ann. 845. Can. 77. ubi postquam iussit octo dies Paschales tamquam festivos esse habendos, uti tunc mos erat, statim a quibus operibus vacare oporteat diebus festis statuit dicens: *Dies festos omnibus Christianis feriatis esse decernimus, ab omni opere rurali, &c. PICTORIO . . . Quod si quis temerarie præsumperit, excommunicetur.* Ergo illicitum est piscari, aut venari diebus festis. PISCATIONEM vero illicitam esse festis diebus satis aperte declarat Alexander 3. cap. *Licet*. de feriis, eam enim tantum permittit ingruente necessitate, & ea lege, ut *post factam capturam piscium, Ecclesiis circumpositis, & Christi pauperibus congruam faciant portionem.*

2. Non licet radere diebus festis; quia radere est opus servile prohibitum. Ita Joannes

XXII. Epist. ad Philip. 3. *Te dissimulare non decet, ut exerceantur iudicia die Dominico, & radendis ac tonsendis barbis atque capiti bus intendatur; cum dies illa divino cultui specialiter dedicata talibus profanari non debent.* Ita apud Natalem S. Carolus Borromæus in suo Concilio Mediol. 3. *Tonsores inter opifices serviles annumerat.*

Et Synodus Andegaven. ann. 1282. relata a Bochetto fol. 178. *Præcipimus & mandamus, ne fideles dictis diebus barbas radant, vel barbitorum officium exerceant. . . . Non obstante logo temporis abusu, qui non usus censendus est, immo verius corruptela.* Idem Concil. Senonense ann. 1429. cap. 25. *Illum abusum penitus reprobantes, quo marescalli & barbitorum in supra dictis festivitibus credunt sibi licitum sua ministeria citra necessitatem exercere.*

ARTICULUS IV.

De causis excusantibus a peccato eos, qui vacant operibus servilibus, diebus festis.

Prop. unica. Licet diebus festis vacare operibus servilibus ad vitandum grave dampnum vel sibi, vel proximo, vel Republicæ obventurum: dampnum, inquam, vel in anima, vel in corpore, vel in rebus fortunæ. (a)

Prob. 1. Script. Christus, interrogantibus Phariseis, si licet Sabbatis curare, respondet: *Quis erit ex vobis homo, qui habeat ovem unam, & si ceciderit hæc Sabbatis in foveam, nonne tenebit & levabit eam? quanto magis melior est homo ove? itaque licet Sabbatis benefacere.* Matth. 12. v. 11.

Sic fecerunt sancti; nam Elias die Sabbato fugit a facie Jezabel ad conservandam vitam. 3. Reg. cap. 19. Machabæi pugnarunt die Sabbati contra irruentes hostes. Discipuli collegerunt spicas die Sabbati, Matth. 12. v. 1. & Christus ipse die Sabbati solebat corporaliter sanare, & Discipulos suos excusavit contra Phariseos, qui eos culpaverant, quod transgredientes per sata die Sabbati, esurientes vellent spicas & manducarent.

2. Ex Conciliis. Quoties Concilia loquuntur de operibus servilibus diebus festis prohibitis, toties ea permittunt ob ingentem necessitatem, modo ex natura sua mala non sint: de quo ita expresse loquitur Synodus Lingenensis relata a Bochetto fol. 579. *In festis licite pos-*

(a) Hoc est verum; sed in Confectariis omisi voces illas, *grave, certum, & præsens*: ideo debent semper subintelligi. De gravitate damni & de egestate, ob quam permitto serviliter die festo operari, judicare debet vel prudens Curatus, vel discretus Confessarius, & poti debet licentia a Pastore.

possunt fieri ea, quæ pertinent ad provisionem necessarium vite, vel sanitatem hominum, puta, vendere carnes, panem, vinum, curare infirmos, vitare periculum mortis vel corporis lesionis, vel adversus magnum periculum, vel damnum rerum occurrentes, puta, incendium & his similia: dum tamen ista fiant pro tali necessitate, quod non potest alio modo succurri vite, sanitati, aut aliis periculis imminentibus, & quod propter prædicta non omittitur Missa, vel Divinum Officium quantum fieri potest, & non fiant prædicta principaliter pro cupiditate, sed pro subveniendâ necessitati occurrenti.

4. Ex D. Th. 2. 2. q. 122. a. 4. ad 3. Opus corporale, quod ordinatur ad salutem corporalem alterius, non est contra observantiam Sabbati. Unde dicitur Joannis septimo: mihi indignamini, quia totum hominem saluum feci in Sabbato? Similiter etiam opus corporale, quod ordinatur ad imminens damnum rei exterioris vitandum, non violat Sabbatum. Unde dicit Dominus, Matth. 12. Quis erit ex vobis homo qui habeat unam ovem, & si ceciderit Sabbato in foveam, pone tenebit, & levabit eam?

3. Rat. Præceptum de observantia Sabbati, quatenus jubet abstinere a servilium, est juris positivi: ergo non censetur obligare in illis circumstantiis, in quibus, si observaretur, forte induceretur violatio juris naturalis; lex enim naturalis fortius ligat, quam positiva.

Consecratio hujus Doctrinæ.

Consect. 1. Licet diebus festis serviliter operari ad evitandum damnum spirituale tum pro se, tum pro proximo, v.g. pugnare, aggeres ædificare &c. ad evitandum, ne hostes fidei prævaleant... pro conservatione Reipublicæ licitum est iusta bella exercere. Sic Machabæi non polluerunt Sabbatum pugnantes ad sui defensionem die Sabbati. 1. Mach. 2. Sic iuxta Sylvestrum V. Dominica imminente bello fieri possunt omnia opera tum ad defensionem, tum etiam ad aggressionem necessaria, si aliud tempus non suppetat, v.g. possunt fabricari arma, mænia extrui, valles fodi, aggeres elevari &c. hoc enim esset, inquit D. Thom. tentare Deum, si quis imminente bello vellet ab his abstinere, quæ ad bellandum sunt diebus festis necessario peragenda.

Consect. 2. Licitum est ea agere, quæ conducunt ad manifestandam innocentiam hominis injuste accusati, juxta illud: *Erue eos, qui ducuntur ad mortem*. Prov. 24. 11.

Tomus I.

Consect. 3. Licet diebus festis ad evitandum damnum temporale, tum sibi, tum proximo obventurum, sive in corpore, sive in anima, serviliter operari.

Sic ad vitandum damnum corporale, urgente morbo, possunt fieri remedia ad sanitatem corporalem necessaria.

Sic ad vitandum damnum animæ, puta, otiositatem, vel aliquod aliud peccatum, inquit Sylvest. V. Dominica post suas devotiones occupantur hoc sine domicella in aliquo opere, quod non ad lucrum, sed ad caritatem erga pauperes exercendam interserviat.

Dixi: Licitum esse operari serviliter ad vitandum otium; modo id fiat post Missam auditam, & Divinum Officium, & in subsidium pauperum &c. Ita docet Sylvest. Periculosa est illa sententia, nisi limitetur ad calum, in quo urgeat necessitas pauperum; non enim opus servile exerceri debet in die festo ad vitandum peccatum; sed alia media assumi debent, v. g. oratio, lectio libri spiritualis, frequentatio Ecclesiarum, &c.

Consect. 4. Licet festis diebus serviliter operari ad evitandum damnum tum pro se, tum pro proximo in bonis fortunæ: & ita agricola possunt colligere fructus, cum timeatur grando, inundatio, aut alia iactura fructuum ex alio quocumque capite eventura... De hoc ita Conc. Tolet. ann. 1473. c. 7. Diebus, inquit, Dominicis & festis ab omni servili opere fideles quiescere jubemus: nec liceat cuiquam rusticalia seu artificialia opera exercere, aut agros colere, NISI URGENTE NECESSITATE, vel evidenti pietatis causa, & hoc de licentia sui Sacerdotis.

Quod dixi de agricolis, idem proportionatiter dicendum de aliis artificibus mechanicis, v. g. licet extendere lanam, ut siccetur. Ita D. Anton.

Consect. 5. Licet die festo persequi opus, quod semel inceptum non potest interrumpi, v. g. conficere ferrum, vitrum, coquere calcem, lateres; quia hæc interrumpi non possunt.

Sic licet pariter laniis, pincernis præparare victualia in festis, ut sequenti die vendantur, si non possunt prius præparari, vel ante præparata conservari: ita D. Antoninus. Synod. Buseoduensis in Belgio tit. 12. c. 2. Non permittantur Molitorum, Coquorum, Laniorum, Pistorum opera, nisi ob notabilem necessitatem: ita citatur a Vvanepem.

Sic licet inceptum iter Naucleris, Mulionibus, Rhedariis, Tabellariis perficere, quia interrumpere non possunt, nisi difficeret. Unde Concilium Narbonense ann. 589. can. 4.

S

dic

die Dominico operas fieri vetat, & boves jungi, excepto, si immutando necessitas incuberit. Capitulare Caroli Magni lib. 1. c. 75. sic habet: *Tria carraria opera licet fieri in die Dominico, hostilia carra, idest, quæ sunt necessaria ad bellum, vel victualia, quæ sunt necessaria alendis populis, vel si forte necessum fuerit corpus cujuslibet duci ad sepulcrum, ut jam dictum est.*

Consect. 6. Egrestas vel in eo, qui laborat, vel in eo pro quo laboratur, excusatur a peccato, quando exercetur opus servile diebus festis; bonum tamen esset dispensationem ab Episcopo petere. Ita Antoninus, p. 11. tit. 9. cap. 7. §. 5. *Quia, inquit, observare festa non est in tanta arduitudine, ut in veteri testamento, & erit bona cautela, ut hoc fiat cum dispensatione Episcopi.* De hoc Concil. Narbon. an. 1609. c. 9. *Si aliqua, inquit, urgeat necessitas, ratione cujus in diebus festis servile aliquod opus fieri oporteat, consulatur Episcopus vel ejus in spiritualibus Vicarius, qui re diligenter inspecta, quæ congrua fuerint, decernat.*

1. Licitum est, cuilibet corporaliter operari diebus festis pro sustentanda familia, si sine labore illo sustentari nequeat.

2. Licitum est tonsoribus radere die festo, quando vel ipsi sunt pauperes, vel radunt eos, qui commodè diebus aliis radari non possunt: ita Dominus de Saintebeuve citans istum locum D. Th. 2. 2. q. 122. a. 4. ad 3. a nobis laudatum, in quo sanctus Doctor permittit opera servilia, quando conducunt vel ad salutem animæ, vel etiam ad vitandum damnum rei exterioris.

3. Licitum est diebus festis exiguas merces in Pagis vendere, quas rustici non alio tempore commodè possunt emere. Id licitum esse respondit Nicolaus V. ann. 1447. interrogatus a Transilvanis: *An pauperibus villanis & oppidanis licitum sit vendere die Dominico, vel festo aliquos panes, pyra, poma, & alia legumina &c.* Respondet: *cogente necessitate, non tamen affectata seu procurata, licitum est præmissa exercere.*

Consect. 7. Licet diebus festis apprehendere occasionem, qua omnia sequeretur ingens damnum; præceptum enim de observatione festorum non ligat, ut diximus, ubi periculum est damni temporalis, si modo non leve sit. *Neque, inquit, Catechis. Trident. eorum verum opera hac lege prohiberi existimandum est, quarum jactura facienda sit, si die festo, prætermittantur.* Unde 1. Licitum est piscari halices, tunnos diebus festis, dando aliquid Ecclesiæ & pauperibus; quia hæc piscatio non potest commodè differri: ita cap.

Licet de feriis: Liceat... si balecia terræ se inclinaverint, necessitate ingruente eorum captioni intendere.

2. Licet molere frumentum in molendinis, quando timetur, ne deficient aquæ, vel ventus non perfleret. Antonin.

3. Licet stante stento prospero iter navibus incipere.

4. Licet instaurare fontes, reficere pontes, & vias publicas diebus festis, quando alii dies non sufficiunt.

5. Licitum videtur exercere milites ad pugnam, acies dirigere, hostes adoriri; quia hæc omnia ad publicum bonum spectant: semper enim videtur adesse necessitas, necetque Republicæ milites esse imparatos & inermes.

Consect. 8. Quando non constat, an opera sint servilia, nec ne, attendenda est loci consuetudo a Prælati tolerata: ita docet Gerlonius. *De operibus, inquit, servilibus exercendis diebus Dominicis & festis, plus & frequenter determinat consuetudo loci, & personarum, a Prælati tolerata; quam alia lex scripta.* Et ratio hujus est; quia, ut inquit idem Gerlonius, *observatio Sabbati quoad temporis circumstantias, & modi, locive pro maxima parte relicta est determinationi Prælatorum, quæ cognoscitur tum ex eorum institutis, tum ex consuetudinibus per eos legitime toleratis: consuetudo vero exercendi opera servilia diebus festis tunc maxime dicenda est corruptela, quando totaliter a servitio Dei, & a cultu festorum, & maxime ab auditione Missæ revocarent, & quando fieret magis ex cupiditate, quam ex pia necessitate.* Ita Ger. de Præc. Decal.

Sic si opus aliquod corporale exerceatur scientibus, videntibus, & non contradicentibus Prælati, opus illud, etsi aliunde corporale, non videtur prohibitum, sed ab Ecclesia permissum; vel quia Ecclesia judicat opus illud esse necessarium, vel non multum remove a divino cultu.

Sic licitum est radere, piscari, venari, ubi Episcopi non prohibent illud specialiter, & licet videntes, non contradicunt.

Consect. 9. Quando non constat de necessitate operis servilis in die festo exercendi, consulendus est Magistratus civilis, ut declarat necessitatem, & rogandus Superior Ecclesiasticus, ut dispensationem concedat; quia ad Magistratum positum videtur pertinere declarare necessitatem, utpote invigilantem necessitatibus Republicæ; & ad Prælatum Ecclesiasticum pertinere concedere.

cedere, vel denegare dispensationem, ut pote occupatum legi examinandæ.

Sic videmus, quod Constantinus magnus lege 3. C. de feriis declaravit: *Agricolæ posse die Dominico suas operas exercere*; quia opus rurale tunc temporis erat maxime necessarium. *Quoniam*, inquit, *frequentè evenit, ut non aptius alio die frumenta sulcis, aut vineæ scrobibus mandentur, ne occasione momenti pereat commoditas celestis provisione concessa*. Hanc licentiam reitrixit Leo Constitut. 54. & prohibuit. *Ne agricolæ, neque quipiam alii in illo die illicitum opus aggrediantur. Si enim Judæi, qui umbram quandam, atque figuram observabant, tanto opere Sabbati diem venerabantur, ut ab omni prorsus opere absterent; quomodo qui gratie lucem, ipsamque veritatem colunt, cum diem, qui a Domino honore ditatus est, nosque ab exitiis dedecore liberavit, non venerari par est?*

ARTICULUS V.

De his quæ præcipiuntur diebus festis vi juris naturalis.

Prop. unica. Fideles tenentur ex præcepto naturali, non solum abstinere ab opere impediēte sanctificationem, sed etiam vacare rebus sacris.

Prob. 1. Script. Exodi 20. 8. Memento, ut diem Sabbati sanctifices. Hæc est pars præcepti affirmativi: ergo importat aliquod exercitium, juxta illud: *Vacate & videte, quoniam ego sum Dominus*, id est, vacate a servili opere, & videte per orationem, & per alia pietatis opera, quod Deum tantquam Dominum vestrum veneremini; tunc enim diem Sabbati plene & perfecte celebramus, cum pietatis & religionis officia Deo præstamus. Cathec. Trid.

2. Ex Conc. Trid. ad sanctificandum Sabbatum debemus Deum imitari, qui Sabbato non otiaur, sed magis nostræ salutis invigilat. Faciamus ergo uti præcipit Tr. post Apostolum. *Observationes, orationes, postulationes, gratiarum actiones*; Deus enim die Dominico lucem condidit, resurrexit a mortuis, Spiritum sanctum in Discipulos infudit. Sess. 2. decret. de modo vivendi in Concil.

3. Ex Catechismo Triden. Christianorum Sabbatum debet esse sanctum; quia debet divinis actionibus & sanctis operum officiis esse consecratum: debet esse delicatum, quia virtutis exercitium Dei & piorum hominum sunt deliciae: ergo oportet Festis diebus pietatis operibus maxime insistere.

4. Rat. Sabbatum est signum inter Deum & hominem, signum religionis hominis erga Deum, signum liberationis a servitute peccati, signum futuræ quietis in cælo: quæ omnia innunt hominem debere eo die præcipue vacare spiritualibus exercitiis, ut monet serm. 280. inter opera Aug. tom. 5. *Observemus diem Dominicam, inquit, fratres, & sanctificemus illam... videamus ne otium nostrum vanum sit; sed a vespera diei Sabbati usque ad vesperam diei Dominici, uti tunc mos erat, sequestrati a rurali opere & ab omni negotio, soli Divino cultus vacemus... Veniat ergo, cuiusque possibile sit, ad vespernam atque nocturnam celebrationem, & oret ibi in conventu Ecclesiæ pro peccatis Deum... Qui vero hoc non possit, saltem in domo sua oret; in die vero nullus se a sacra Missarum celebratione separet, &c.*

Consecraria bujus Doctrinæ.

Consecr. 1. Hortandi sunt Populi, ut diebus Festis conterantur, & confiteantur peccata, ut a pondere peccatorum, quibus opprimuntur, liberentur: quod videtur innuere Jeremias his verbis: *Nolite portare pondera in die Sabbati*. cap. 7. v. 21. etli enim literaliter loquatur de ponderibus non ferendis, spiritualiter tamen de peccatis potest intelligi.

Consecr. 2. Hortandi sunt fideles omnes, etiam hi, qui vel ex morbo, vel ex aliis causis non possunt Missæ & divinis Officiis interesse, ut interius eliciant actus fidei, spei, caritatis, & religionis, & actus virtutum moralium, quantum in ipsis est, ut sic tempus Deo consecratum sancte transigant: *dantes, scilicet, diei honorem & reverentiam*. Aug. Serm. de tempore 231.

Consecr. 3. Hortandi sunt fideles, ut imitentur Sabbatistum Dei; quod utique fit, si feriemur a terrenis, & vacemus spiritualibus, si quiescamus in Deo, ut Deus operetur in nobis: de quo ita Aug. *Spirituale Sabbatum observant illi, qui ita se terrenis operibus accommodant, ut tam lectioni, quam orationi, & si non semper, per frequenter infistant, secundum illud Apostoli: attendite lectioni, & doctrinæ, sine intermissione orate; qui enim tales sunt, quotidie spirituale Sabbatum colunt*. Epist. 130. cap. 7.

Consecr. 4. Hortandi sunt fideles, ut imitentur Christum, sese Deo pro nobis sacrificantem; quod utique fit, sacrificium tum mentis, tum corporis Deo offerendo: de quo ita Aug. *Sacrificium est omne opus, quod agitur, ut sancta societate inbæreamus Deo, relatum scilicet ad illud*. S. 2. lum.

lum finem boni, quo veraciter beatiſſe poſſit. Deciv. Dei lib. 10. c. 6. Neque enim, ut ait idem Aug. utiliter vivitur in hoc tempore, niſi ad comparandum meritum, quo in æternitate vivatur. Ep. 13. c. 7.

Confeſſ. 5. Hortandi ſunt fideles, ut quantum in iſtis eſt, die Feſto iis vacent, quæ interiorẽ & exteriorẽ illum cultum promovere poſſunt: qualia ſunt legere, & audire verbum Dei, recipere Sacramenta, & alia huiusmodi. Ita docet Paulus ad Timoth. 4. v. 13. *Dum venio, attende leſſioni, exhortationi, & doctrinæ.* Primos fideles die Feſto divinis Sacramentis recipiendis occupari, teſtis eſt Scriptura Act. 4. v. 7. *Una autem die Sabbati, cum conveniſſemus ad frangendum panem.*

Confeſſ. 6. Monendi ſunt Paſtores, ſui muneris eſſe, ſemper inflare orationi, & miniſterio verbi: Act. 6. ſed proprie diebus Feſtis, ut jubet Conc. Moguntin. an. 813. in quo ſic habetur: *Si forteſſe Episcopos non fuerit in domo ſua, aut infirmus eſt, aut aliqua cauſa exigente non valuerit, nunquam tamen deſit diebus Dominicis aut Feſtivitatis quod verbum Dei prædicet, juxta quod intelligere vulgus valet.*

Confeſſ. 7. Monendi ſunt populi, non liberum, ſed neceſſarium eſſe audire præcipue diebus feſtis Paſtoris ſui exhortationes. Si enim, ut dicit Greg. *Paſtoris eſt docere, exhortari, & corripiere plebem*, plebis eſt Paſtorem hortantem audire; & ut ait Proſper l. 1. vitæ contemplativæ, *Paſtores debent ſanctè vivere propter exemplum, & docere propter ſuæ adminiſtrationis officium*; ſubditi vero debent & audire docentes, & imitari bene viventes.

ARTICULUS VI.

De Operibus ſervilibus jure naturali imperatis die feſtivo, utpote inſervientibus ad ſanctificationem Feſtorum.

Prop. unica. Opus ſervile & mechanicum, ſed immediate ordinatum ad cultum Dei, ſi non poſſit fieri niſi die feſtivo, non remover ab obſervatione Feſti, quin immo conducit; & ita eſt his, quibus ex officio incumbit, imperatum.

Prob. 1. Script. *Sacerdotes in templo Sabbatum violant*, id eſt, videntur violare, & ſine crimine ſunt. Matth. 12. quia opera illa corporalia, nimirum immolare viſtimas, arcam deſerre, &c. ad cultum Dei ordinabantur.

2. Ex Catechiſ. Trid. de 3. præc. a. 32. *Ea opera non vetantur, quæ ad cultum Dei attinent, etiamſi ſervilia ſint, ut Alcurgia inſtrui-*

re, Tempia alicuius Feſti diei cauſa ornare, & reliqua huiusmodi.

3. Rat. Talis actio, utpote exterior, deſumit ſuam moralitatem ex fine: cum ergo finis immediatus ſit aliquid pertinens ad cultum Dei; illa actio, nedum eſt prohibita, ſed potius imperata.

Conſeſſaria hujus Doctrinæ.

Confeſſ. 1. Licet die feſto iter agere, ut poſſis adeſſe ſacrificio Miſſæ, verbi divini prædicationi, uti fecerunt Apoſtoli, quia a monte Oliveti reverſi ſunt Jeruſalem die feſto.

Confeſſ. 2. Licet pulſare campanas, circumferre cruces, & imagines in proceſſionibus, uti inſtrumentis muſicis; quia illæ actiones ordinantur ad cultum Dei. Sic non legimus prohibitum Judæis arcam circumferre diebus feſtis.

Dixi: modo actiones illæ corporales non poſſunt commode in aliud tempus differri. Quia ſi commode poſſint differri, debent omitti, & in aliud tempus transferri; ceſſat enim ratio, propter quam permittuntur in illis diebus. Sic Maria Magdalene, & Maria Jacobi, & Salome expectarunt donec tranſiſſet Sabbatum, ut poſtea emerent aromata, & venientes ungerent Jeſum. Marc. 16. v. 1.

De his quæ permittuntur diebus feſtis.

Prop. unica. Opera ſpiritualia, immo corporalia, quæ ſunt communia ſervis & dominis, permittuntur, modo ea opera tam ſpiritualia, quam corporalia non ita mentem abſtrahant, ut eam rebus divinis vacare omnino impediant.

Prob. 1. Script. Deus diebus feſtis non vetat niſi opus ſervile, juxta illud Lev. 23. v. 7. *Omne opus ſervile non facietis eo, id eſt Sabbato*: atqui opus mentis & opus corporale commune ſervis & dominiſ non ſunt opus ſervile, ut patet: ergo opus mentis & opus commune ſervis & dominis non prohibentur diebus feſtis.

2. Ex Conciliis. Quoties Concilia loquuntur de operibus vetitis, toties recent ſunt opera ſervilia, vel peccata; nunquam vero opera ſpiritualia, aut corporalia communia ſervis & dominis: ergo iſthæc opera non prohibentur diebus feſtis.

3. Ex D. Th. 2. 2. q. 122. a. 4. ad 3. *Nullius, inquit, ſpiritualis actus exercitium eſt contra obſervantiam Sabbati*, puta ſi quis doceat verbo, vel ſcripto; unde Num. 28. dicit Gloſſa, quod ſabari, & huiusmodi artificeſ otian-

tur in die Sabbati; Lector autem divine legis, vel Doctor ab opere suo non desinit; nec tamen contaminatur Sabbatum, sicut Sacerdotes in templo Sabbatum violant & sine crimine sunt. Opera corporalia, inquit ibid. in quantum sunt communia servis & liberis, servilia non dicuntur: ergo isthæc opera sunt licita diebus festis.

4. Rat. Illa opera permittuntur diebus festis, quæ nec jure naturali, nec jure positivo prohibentur, ut patet: atqui prædicta opera nec jure naturali, nec jure positivo prohibentur; quia jus naturale vetat solum ea opera, quæ mentem a cultu divino abstrahunt; jus vero positivum vetat solum opera servilia: ergo prædicta opera permittuntur diebus festis.

Confessaria hujus Doctrinæ.

Confess. 1. Opera spiritualia, quæ isto carmine exprimuntur: *Lingua, tropus, ratio, numerus, tonus, angulus, astra*, non prohibentur diebus festis, & ita licet Grammatico, Rethori, Philologo, Mathematico, Musico, &c. studere diebus festis; quia studium illud non est opus servile. Item licet eis conceptus suos in chartis scribere; quia hæc scriptio est potius operis mentalis executio, quam opus servile. Item licet Mathematico numeros transcribere, Musico tonos Musicales delineare, Architecto ædificiorum exemplaria exarare; quia isthæc omnia sunt magis ingenii quam corporis operationes, ideoque loco studii censentur, ut ait Soto lib. 2. de Justitia & Jure, qu. 4. a. 4. Sed cavendum semper, ne cultus divinus omittatur: inaleditum enim studium propter quod relinquitur officium.

Confess. 2. Illa opera corporalia sunt licita, quæ absolute possunt esse communia servis & liberis, v. g. venatio, piscatio per breve tempus & recreationis causa; quia hoc exercitium commune est dominis & servis: itineratio sive pedibus, sive jumento, sive vehiculo, sive remigio fiat; quia iter agere commune est omnibus. Item ciborum coctio, cubilis compositio, corporis proprii exornatio, quia licet quidam coquos habeant & vestitores, tamen proprie servus non dicitur qui sibi parat cibos, & seipsum vestit, aut aliquid ad nitorem proprii corporis facit. Ideo Concil. III. Aurelian. ann. 538. prædicta omnia opera declarat esse licita diebus festis: ita enim habet Can. 2. *Quia persuasum est, inquit, populo, die Dominico agi cum caballis, aut bobus, aut vehiculis itinera non debere, neque ullam rem ad victum præparare, vel ad*

nitorem, hominis pertinentem ullatenus exercere, quæ res ad Judaicam magis quam ad Christianam observantiam pertinere probatur; statuiamus, ut die Dominico quod ante fieri licuit liceat, de opere autem rurali censuimus abstinendum. Cavendum semper, ne ea opera servis & dominis communia, ea impediunt exercitia, quæ per Ecclesiam præcipiuntur; dicitur enim: *Observa diem Sabbati, ut sanctifices eum, sicut præcepit tibi Dominus Deus tuus.* Deut. 5. Quæ autem sint ea exercitia, quæ Ecclesia jubet, dicemus explicando præcepta Ecclesiæ.

TRACTATUS UNDECIMUS.

De quarto Decalogi præcepto.

CAPUT I.

Quisnam sit finis quarti præcepti: quos respiciat: quæ merces observantibus illud præceptum destinetur: quæ vero pœna illius infractoribus reservetur.

ARTICULUS I.

De fine quarti Præcepti.

Quartum Præceptum Decalogi his verbis exprimitur: *Honora patrem tuum, & matrem tuam, ut sis longævus super terram, quam Dominus Deus tuus dabit tibi.* Exod. 20. v. 12. Finis hujus præcepti est, ut conservetur ordo politicus, qui est ordo sancitus a Deo in officiis mutuis superiorum & inferiorum. Superiores sunt omnes, quos Deus aliis regendis & defendendis præfecit: inferiores sunt hi, quos Deus regendos & defendendos aliis subjecit. Superiores in Decalogo vocantur patres: inferiores vocantur filii. Quænam sint mutua superiorum, & inferiorum officia, hic explicandum ait.

ARTICULUS II.

Quosnam quartum Præceptum respiciat.

Prop. 1. Tenemur sub peccato honorare parentes, & eos qui loco parentum sunt.

Prob. 1. Script. *Honora patrem tuum & matrem tuam.* Exod. 20. v. 12. Ergo tenemur honorare parentes, & eos qui loco parentum sunt.

2. Ex libro de duodecim abusivis gradibus inter opera Aug. Quatuor modis per

Scripturas divinas patres vocantur, hoc est, natura, gente, admonitione, & ætate: & his omnibus, inquit idem liber, *Obedientia præbenda erit*, exemplo Christi, qui obediens fuit ulque ad mortem.

3. Rat. Parentes, & qui loco parentum sunt, quodammodo vices Dei gerunt, cum suo modo nos producant, conservent, & nobis provideant: ergo sunt specialiter honorandi, utpote gerentes vices Dei: & sicuti amor erga proximum, quem videmus, est signum amoris erga Deum, quem non videmus; ita honor erga parentes, quos cernimus, est signum honoris erga Deum, quem non cernimus.

Confessaria hujus Doctrinæ.

Confess. 1. Tenemur parentes carnales honorare; quia illi vere sunt parentes, qui nos genuerunt, & proinde merentur specialem observantiam, juxta illud: *Qui timet Dominum, honorat parentes*, & quasi Dominis serviet his qui se genuerunt. Ecclesiastici 3. v. 8. Unde ait Aug. lib. de decem chordis cap. 6. *Quisquis autem suis parentibus non desert honorem, quibus parere poterit?* indicans nemini obedientem fore qui parentibus, a quibus vitam accepit, inobediens fuerit.

Confess. 2. Tenemur honorare Ecclesiæ Pastores; quia sunt parentes spirituales, juxta illud: *In Christo Jesu per Evangelium ego vos genui*. 1. ad Corinth. 4. v. 15. Sanctam illam subjectionem his verbis præcipit Ignatius Epist. 1. ad Smyrnenfes: *Laici Diaconis subijciantur, Diaconi Presbyteris, Presbyteri Episcopo, Episcopus Christo, ut ipse Christus dum viveret Patri subijciebatur*.

Confess. 3. Tenemur honorare Reges, Principes, Magistratus, politicos Dominos, &c. quia sunt quasi patres. Sic Naaman a famulis pater vocabatur: *Pater, & si rem grandem dixisset tibi Propheta, certe facere debueras*. 4. Reg. cap. 5. v. 12. Quod cum a gentilibus fuerit factum; a fortiori debet a Christianis fieri, quibus dicitur a Paulo scribente ad Titum cap. 3. 1. *Admone illos, id est fideles, Principibus & potestatibus subditos esse, dīlo obedire*; & rursus ad Rom. cap. 13. v. 7. *Reddite ergo omnibus debita: cui tributum, tributum; cui vāgigal, vāgigal; cui timorem, timorem; cui honorem, honorem*.

Confess. 4. Tenemur Magistros & Pædagogos quamcumque artem edoceant tanquam parentes honorare; quia vices parentum agunt: nam Elias & Eliseus a suis Discipulis Patres vocabantur, juxta illud: *Pater*

mi, pater mi, currus Israel & auriga ejus. 4. Reg. cap. 2. v. 12.

Confess. 5. Tenemur senes tanquam parentes honorare; quia ratione ætatis quasi loco parentum sunt, juxta illud: *Coram caro capite consurge, & honora personam senis*. Lev. 19. v. 32. & Eccl. 8. v. 7. *Nespernas hominem in senectute sua*.

Confess. 6. Denum debemus eos omnes venerari, qui nobis aliquo titulo superiores sunt, ut monet Catechismus Trid. par. 3. de 4. Decal. præcept. his verbis: *Præter eos, qui nos genuerunt, multi præterea sunt quos parentum loco colere debemus, vel potestatis, vel utilitatis, vel præstantis alicujus muneris, & officii nomine*. Tales sunt v.g. Tutores, Curatores, Pædagogi, &c.

Prop. 2. Hi, qui superiores sunt debent eos, qui sunt sibi inferiores, tanquam filios habere.

Prob. 1. Scriptura. Paulus ad Ephes. 6. v. 4. alloquens & parentes carnales, & eos qui sunt nobis loco parentum, ait: *Et vos patres nolite ad iracundiam provocare filios vestros; sed educate illos in disciplina & correctione Domini*; indicans superiorum munus esse, ut sibi subditis dominantur non tyrannice, sed suaviter, & adinstar patrum educationem sanctam, & disciplinam salutarem communicent, & nunquam correctionem nisi in Domino exercent.

2. Ex lib. de duodecim abusum non gradibus, qui inter Augustinianos ponitur, tom. 6. ubi sic habetur cap. 6. *Tria necessaria hos qui dominantur, habere oportet, terrorem, scilicet, ordinationem, & amorem*: terrorem, inquam, quo suis inferioribus dominantur: ordinationem, qua suos dirigant inferiores: & amorem, quo eos sibi tanquam filios devinciant: ergo superiores debent suos inferiores tanquam filios habere.

3. Rat. Hoc præceptum, *honora patrem tuum & matrem tuam*, obligat inferiores, ut superiores tanquam parentes venerentur: ergo & præcipit, ut superiores inferiores suos loco filiorum habeant; in eo enim sita est hujus præcepti vis, ut inferiores erga superiores filialem exercent reverentiam, superiores vero erga sibi subditos paternum amorem concipiant.

Confessaria hujus Doctrinæ.

Confess. 1. Superiores omnes quales sunt. 1. Parentes carnales. 2. Pastores. 3. Reges, Principes, Magistratus, Domini. 4. Pædagogi. 5. Senes. 6. Tutores, &c. debent sibi

sibi subditos loco filiorum habere; cum enim ex Scriptura vocentur Patres eorum, quibus subiciuntur, consequens est, ut eos tanquam filios habeant.

Consect. 2. Prædicti superiores & inferiores eadem sibi mutuo debent, quæ sibi debent parentes & filii; quia juxta Scripturam, superiores vocantur patres, inferiores vero nuncupantur filii. Quæ autem sint illa, in subsequentibus capitulis demonstrabimus. Sed prius sit

ARTICULUS III.

Quæ merces observantibus illud præceptum destinatur; quæ vero pena illius infractoribus reſervetur.

Prob. unica. Filiis obedientibus multiplex præparatur merces a Domino; hiis vero inobedientibus multiplex punitio destinatur.

Prob. hac inductione desumpta ex Scriptura.

1. Filiis obedientibus benedictio destinatur, juxta illud: *Honora patrem tuum, ut superveniat tibi benedictio a Domino.* Eccl. 3. v. 18. inobedientibus vero maledictio reſervatur, juxta illud: *Maledictus a Deo qui exasperat matrem.* Eccl. 3. v. 18.

2. Filiis obedientibus vita longior promittitur his verbis: *Qui honorat patrem suum, vita vivet longiore.* Eccl. 3. v. 7. inobedientibus vero mors præcepit & accelerata præparatur: *Qui maledixit patri aut matri, inquit Sapiens, extinguetur lucerna ejus in mediis tenebris.* Prov. 20. v. 20.

3. Filiis obedientibus nascetur proles obediens. *Qui honorat patrem suum, jucundabitur in filiis, inquit Scriptura.* Eccl. 3. v. 6. inobedientibus vero proles inobediens suscitabitur, juxta illud Christi: *Eadem mensura qua mensi fueritis remetietur vobis.*

4. Filiis obedientibus gloria & honor promittitur, juxta illud: *Gloria enim hominis ex honore patris sui.* Eccl. 3. v. 13. inobedientes vero pessima fama inficiet, juxta illud: *Quam male fame est qui derelinquit patrem.* Eccl. 3. v. 8.

5. Filiis obedientibus reſervantur divitiæ, ut præmonet Scriptura his verbis: *Sicut qui thesaurizat, ita & qui honorificat matrem suam.* Eccl. 3. v. 5. filius vero inobedientibus pauperis, ut testatur eadem Scriptura his verbis: *Qui affligit patrem, & fugat matrem, ignominiosus est, & infelix.* Prov. 29. v. 26.

Monit. Licet sint multi filii inobedientes,

quales fuerunt Esau, Judas &c. qui vitam istam temporalem & salutem habuerunt, & ad longissimos annos produxerunt: & contra, licet fuerint filii parentibus obsequentissimi, quos mors accelerata absumpsit; non tamen legitur veracem non esse Deum in promissis. In omnibus quippe promissionibus terrestribus intelligitur latere supernæ felicitatis promissio. *Pietas enim, inquit Paulus ad Timotheum 4. vers. 8. promissionem habet vite, quæ nunc est, & future; sed eo discrimine, quod felicitas æterna absolute promittatur; felicitas vero temporalis conditione solum, scilicet, si ita salutis nostræ congruat: unde si filii obediētes diu non vivant in hoc sæculo, vivunt in æternum in futuro.* Rapiuntur, ut dicit Scriptura, *ne malitia mutet intellectum eorum: rapiuntur, ne videant mala populi sui:* demum vita temporalis contrahitur, ut citius æterna obtineatur.

CAPUT II.

De mutuis filiorum & parentum carnalium officiis.

ARTICULUS I.

Quid debeant filii parentibus suis carnalibus.

Prob. unica. Filii debent parentibus carnalibus amorem, reverentiam, obedientiam, & subsidium.

Prob. 1. Scriptura. *Honora patrem tuum & matrem tuam.*

Huic autem honori hæc omnia conjuncta sunt, inquit Catechismus Trid. amor, observantia, obedientia, & cultus. Ergo filii debent parentibus carnalibus amorem, reverentiam & subsidium. Et quidem expressius Scriptura illud idem officium inculcat in diversis locis. 1. Debemus amorem non qualemcunque, sed cum reverentia & timore conjunctum, juxta illud Lev. 19. v. 3. *Unusquisque patrem suum & matrem suam timeat.* 2. Debemus obedientiam, juxta illud Pauli ad Eph. 6. v. 1. *Filii obedite parentibus vestris in Domino; hoc enim justum est.* 3. Debemus parentibus nostris subsidium, juxta illud Eccl. 3. v. 15. *Eleemosyna patris, id est subsidium patri exhibitum, non erit in oblivione.* Demum illa omnia officia istis verbis videtur expressisse Ecclesiast. 3. v. 9. *In opere, & sermone, & omni patientia honora patrem tuum, ut superveniat tibi benedictio.* Primo in opere, scilicet, opera

quæ pater injungit, exequendo pro ejus familiarque sustentatione. Secundo in *sermone*, scilicet, patrem honorifice alloquendo, afflictum consolando, &c. Tertio in *patientia*, scilicet, tolerando patienter quæcumque a patre vel duro, vel difficili, vel moroso eveniunt.

2. Ex sermone 276. inter opera August. Tom. 5. Monente nos Domino per Prophetam, inquit ille Auditor, parentibus nostris & honorem semper, & amorem debemus impendere: & si forte evenierit, ut aliqua paupertas laboret, necessitates eorum, secundum quod possumus, debemus sublevare.

3. Rat. Amor debetur parentibus ex gratitudine ob vitam acceptam ab illis: Reverentia, ob dignitatem, quam habent utpote vices Dei gerentes: Obedientia, ob auctoritatem, quam a Deo acceperunt: Subsidium, ex justitia; sumus enim parentum nostrorum possessio: & ideo sicut terra domino suo fructificat; ita filius debet patri servire & indigenti succurrere.

Dixi, non tantum exterius, sed etiam interius; quia damnatæ sunt sequentes propositiones ab Innoc. XI. & a Clero Gallic. art. 5. Non tenemur proximum diligere actu interno & formali.

Præcepto proximum diligendi satisfacere possumus per solos actus externos.

Conseclaria hujus Doctrinæ.

S. I.

Amor specialis, & internus debetur parentibus.

Consecl. 1. Peccant graviter qui interius non amant parentes suos, qui numquam eis optant bona spiritualia, vel si eis optent temporalia, non ea optant in ordine ad æternam salutem; quia amare generatim est velle bonum; amare vero ex caritate est velle bonum in ordine ad beatitudinem: de quo ita Aug. serm. 344. de amore Dei: *Amam uxorem, amam filios, amam parentes &c. secundum Deum, ut consulat eis ad Deum solendum tecum; cui junctus cum fueris, nullam separationem timebis. Ideo non debet illos plus Deo diligere; quos omnino male diligis, si neglexeris tecum ad Deum ducere.*

Consecl. 2. Peccant graviter qui interius odio habent parentes suos, qui eis optant mala, v. g. morbos, ut liberius vivant, mortem, ut hereditatem celerius consequantur. *Hereditas*, inquit Scriptura, ad

quam festinat in principio, in novissimo benedictione caret. Prov. 2. v. 21. indicans perversum illud desiderium panitum iri. Ideo sequentes propositiones damnatæ sunt ab Innoc. XI. & a Clero Gallic. art. 5. & 7. *Licetum est absolute desiderio cupere mortem patris; non quidem, ut malum patris, sed ut bonum cupientis; quia nimirum ei obtentura est pinguis hereditas.*

Licetum est filio gaudere de parricidio parentis a se in ebrietate perpetrato, propter ingentes divitias inde ex hereditate consecutas.

Consecl. 3. Peccant graviter qui dant exterius signa latentis odii erga parentes, v. g. eos asperere habent, torvis aspiciunt oculis, duris loquuntur vocibus, minantur, percutiunt, mutilant occidunt. *Qui maledixerit patri suo, aut matri, inquit Scriptura, morte morietur.* Lev. 2. v. 9. Et ne tantum crimen impunitum maneat, en quid Deus parentibus præcipiat: *Si genuerit homo filium contumacem & protervum, qui non audiat patris aut matris imperium, & coercitus obedire contempserit, apprehendunt eum, & ducent ad Seniores civitatis illius, & ad portam iudicii, dicentque ad eos: filius noster iste protervus est, contumax est, monita nostra audire contemnit, conversationibus vacat, & luxurie atque conviviis: lapidibus eum obruet populus civitatis, & morietur, ut auferatis malum de medio vestri, & universus Israel audiens pertimescat.* Deut. 21. v. 18.

S. II.

Reverentia specialis interna & externa debetur parentibus.

Consecl. 1. Graviter peccant qui interius non honorant parentes: v. g. non satis alte sentiunt de illis vel ob ignobilitatem, vel ob tarditatem ingenii, vel ob senectutem; quia defectus illi non eripiunt dignitatem patris, juxta illud: *Fili, suscipe senectam patris tui, & non contristes eum in vita illius: cisi defecerit sensu, veniam da, & ne spernas eum in virtute tua.* Eccli. 3. v. 14.

Consecl. 2. Peccant graviter qui interius spernunt parentes, & intra semetipsos depriment vel ob defectus, vel ob quamcumque aliam causam. *Ne glorieris*, inquit Scriptura, in contumelia patris tui: non enim est tibi gloria ejus confusio. Eccli. 3. v. 12.

Consecl. 3. Peccant graviter qui in certis circumstantiis non honorifice tractant parentes. Contrarium fecit Joseph honorifice recipiens Jacob: & Salomon matri assurgens, & ad dexteram solii sui ei Thronum.

num statuens. De Joseph sic loquitur Scriptura: *Functio Joseph curru suo ascendit obviam patri suo ad eundem locum, vidensque eum, irruit super collum ejus, & inter amplexus flevit.* Gen. 46. v. 19. De Salomone vero sic habetur: *Surrexit Rex in occursum ejus, adoravit eam, & sedit super Thronum suum: posuitque est Thronus matri Regis, quæ sedit ad dexteram ejus.* 3. Reg. cap. 2. v. 19.

§. III.

Obedientia specialis interna & externa debetur parentibus.

Consect. 1. Peccant graviter filii, qui non obediunt parentibus circa ea, quæ pertinent ad gubernationem domus, & ea quæ spectant ad salutem, & bonos mores; quia, ut ait D. Thom. quodlib. 2. q. 5. a. 19. *Pater est in domo, sicut Rex in regno: unde sicuti subditi tenentur obedire Regi in his, quæ pertinent ad gubernum regni; ita filii, & alii domestici tenentur obedire patrifamilias.* 1. in ordine ad regimen domus. 2. in ordine ad bonos mores. Ideo ait Scriptura Prov. 1. v. 8. *Audi, fili mi, disciplinam patris tui, & ne dimittas legem matris tue, ut addatur gratia capiti tuo, & torques collo tuo, id est, ut coneris.*

Consect. 2. Peccant graviter filii, qui moniti a parentibus, non emendant vitia, non exercent actus virtutum, quos parentes juste præcipiunt; quia ea omnia spectant ad bonos mores, & ducunt ad salutem. *Filii obedite,* inquit Paulus, *parentibus vestris in Domino: hoc enim justum est.* ad Eph. 6. v. 1. Sic paruit Isaac Abraham vincienti, & volenti eum Domino immolare.

Sic Rechabitarum vino in perpetuum abstinuerunt, ut servarent præceptum patris.

Sic Christus ipse fuit Patri æterni obediens usque ad mortem; Mariæ vero & Joseph fideliter morem gessit, juxta illud: *Et erat subditus illis.*

Consect. 3. Peccant graviter qui parentes sanctos non imitantur in his, quæ ad salutem sunt necessaria. Si, inquit Scriptura, *filii estis Abraham, opera Abraham facite.* Joan. 8. v. 39. *Attendite ad Abraham patrem vestrum, & ad Saram, quæ peperit vos.* Isa. 51. v. 2. Insignis est historia Rechabitarum exemplum patris imitantium.

Consect. 4. Peccant graviter qui sine causa nubunt contra voluntatem patris: quia nubere est aliquid pertinet maxime ad gubernum domus: ideoque maledictus fuit Esau, quia duxit uxorem contra voluntatem paren-

tum; & benedictus e contra Jacob, quia in hoc obsecutus est parentibus. Ideo multiplici Regum dicto cautum est, ne filii familias in vitis parentibus matrimonium ineant: quod si contra fecerint, eorum matrimonia quoad effectus civiles invalida habebuntur, ut dicitur ubi de matrimonio. *Nec enim, inquit Tert. in terris filii sine consensu patrum rite & jure nubunt.* lib. 2. ad uxorem cap. 9.

Monit. 1. Dixi, sine causa; nam si pater irrationabiliter vellet in tali materia liberorum cogere voluntatem, graviter peccaret, & filii non tenerentur obedire.

1. Parentes peccant; quia non debent irrationabiliter filiorum cogere voluntatem, quando agitur de matrimonio, aut religione: unde Rebecca parentes dicebant: *Vocemus puellam & queramus ipsius voluntatem.* Genesi. 24. v. 57. Et de filiabus Salphaa dicitur: *Nubant quibus volunt, tantum ut sue Tribus hominibus.* Num. ult. v. 6. Et Paul. 1. ad Corinth. 7. v. 39. ait, loquens de vidua: *Cui vult nubat, tantum in Domino.*

2. Filii non tenentur in hoc casu parentibus obedire. Ita docet Clemens 3. c. cum virum de regularibus ubi loquens de filia, quæ in ætate nubili nescitur constituta, sic expresse definit: *Nunc enim quia liberum habet arbitrium in electione propositi status tum religiosi, tum matrimonialis, sequi parentum non cogitur voluntatem.* Et D. Th. 2. 2. q. 104. a. 5. in corp. *In his, quæ naturam corporis pertinent, homo homini obedire non tenetur, sed solum Deo; quia omnes homines natura sunt pares, puta, in his quæ pertinent ad corporis sustentationem & proles generationem: unde non tenentur nec servi dominis, nec filii parentibus obedire de matrimonio contrahendo, vel virginitate servanda, aut aliquo alio hujusmodi.*

Monit. 2. Filii non peccant, licet non obediunt parentibus præcipientibus aliquid vel contra Dei mandata, vel contra Consilia Evangelica; melius est enim obedire Deo magis quam hominibus. Act. 5. 2. Et Bernard. Epist.

3. *Sola causa, qua non licet obedire parentibus, Deus ipse est, cum dicit: qui amat patrem aut matrem plus quam me, non est me dignus.* Et Greg. Hom. 37. in Evang. *Parentes, quos in via Dei adversarios patimur, odiendo & fugiendo nescimus.* Aug. quomodo honorandi sint parentes, paucis complexus est. *Honorandus est, inquit pater, sed obediendum est Deo; amandus est generator, sed præponendus est Creator.* Serm. 100. de verbis Evangelii Luc.

§. I V.

*Filii debent parentibus subsidium speciale
tum in corpore, tum in anima.*

Confess. 1. Peccant filii, qui parentibus egenis non dant subsidium; quia tenentur ex iustitia eis, a quibus vitam acceperunt, succurrere de quo Scriptura ait: *Elemosyna enim parvis non erit in oblivione.* Eccli. 3. v. 15. Et Ambros. lib. 8. in Evang. Luc. *O fili, quantum tibi semis iuaticum, si non pascas parentem: illi debes quod habes, cui debes quod es.* Et August. serm. de decem plagis cap. 4. *Caninum est parentes non agroscoire; nihil tam caninum, quam cum illos qui genuerunt, prætermisimus.* Merito ergo & catuli canum caci nascuntur.

Conf. 2. Peccant qui deserunt parentes egenos, ut ingrediantur religionem, si parentes nutrire valeant; quia magis ligat præceptum naturale succurrendi parentibus, quam Consilium Evangelicum ingrediendi religionem. Ita D. Th. *Parentibus in necessitate existentibus, ita quod eis commode aliter quam per obsequium filiorum subveniri non possit, non licet filiis, prætermisso parentum obsequio, religionem intrare.* 2. 2. q. 189. a. 6. in C. Idem Conc. Gangrense cap. 16. *Si qui, inquit, filii parentes, maxime fideles, deseruerint occasione cultus Dei, hoc iustum iudicantes esse, & non potius debitum honorem parentibus reddiderint, ut hoc ipsum in eis veneretur quod fideles sunt, anathema sint.*

Conf. 3. Religiosis professis non licet passim a monasterio egredi, ut parentibus egenis opitulentur, sed distinctione opus est.

Si patre vel matre existente in extrema necessitate, scienter monasterium acceperit professionem Novitii, monasterium tunc tenetur parentes egenos nutrire; tunc enim est loco heredis & filii; heredes autem etiam extranei tenentur præstare alimenta. Leg. *Si quis a liberis.*

Si monasterium necessitatem parentis ignoraverit, filius potest e monasterio egredi, & ministrare parenti egeno; quia obligatio inministrandi parentibus egenis non potest tolli per ingressum in religionem. Et si parentes juxta leges antiquas possint vendere liberos, ut sibi in extrema necessitate succurrant; a fortiori possunt eos a Religione extrahere, modo evidens periculum damnationis filiorum e tali egressu non sequatur.

Si pater vel mater post professionem filii, a quo adjuvari possunt, labantur in extremam necessitatem, filius religiosus non potest sub-

venire parentibus egenis, contradicente Prælato, quia jam est ei per votum obligatus, per votum, inquam, fortius ligans, quam præceptum de honorandis parentibus; quia observatio voti est præceptum primæ Tabulæ, honor parentum est secundæ Tabulæ: primum est negativum, secundum est affirmativum. Deinde semel Deo dicata non possunt contra Dei voluntatem usurpari: & sicut si filius dispensasset bona pauperibus, patre non indigente, non posset ea repetere: ita non potest oblatam Deo voluntatem per votum, contradicente Prælato, retrahere; potest tamen & debet patri exhibere ea ministeria, quæ exhiberi possunt sine detrimento regularis observantiæ, v.g. orare Deum pro illo, eum consolari: ita docet D. Th. *Secus autem est de illo, qui jam religionem intravit; quia cum jam sit mortuus mundo per professionem, solutus est a lege, qua in mundanis obsequiis parentibus tenebatur; in aliis autem spiritualibus, puta, orationibus, & huiusmodi, eis tenetur servire.* Quod. 10. q. 5. a. 1.

Confess. 4. Peccant filii heredes, qui non exequuntur testamenta & legata patris; quia unam & eandem personam cum patre quoad hoc constituunt. *Qui oblationes defunctorum aut negant Ecclesiis, aut cum difficultate reddunt, tamquam egentium necatores excommunicantur,* inquit Conc. Carthagin. 4. Can. 95. Crimen falsi committit, & peccatæ legis Cornelie de falsis subjacet quicumque testamentum celat, occultat, retinet, vel impedit, ne ad executionem perducatur, præcipue quoad legata pia.

Confess. 5. Peccant filii, qui parentibus ægrotantibus non curant adhiberi Sacramenta, vetant ab eis fieri restitutiones, ad quas ex conscientia tenentur, & qui post eorum mortem pro eis non orant; quia subsidium filiorum erga parentes magis debet spiritualia quam temporalia respicere; ille enim, juxta Aug. de civit. Dei lib. 21. cap. 26. ædificium aureum, argenteum, gemmeum, deputabitur, qui patrem, matrem, filios, filias, secundum Christum dilexerit, & ad ejus regnum obtinendum eique coherendum illis consulat, vel hoc in eis diligit quod membra sunt Christi.

ARTICULUS II.

Quid parentes filiis debeant quoad corpus.

Prop. unica. Parentes tenentur providere filiis victum & vestitum, & consequentem hereditatem.

Prob.

Prob. 1. Scriptura. Nec enim debent filii parentibus thesaurizare, sed parentes filiis. 2. ad Corinth. cap. 12. v. 14. Ergo tenentur filiis necessaria providere.

2. Ex Chrylost. qui explicans prædictum textum Apost. ait: *Parentes quidem filiis suis thesaurizare lex naturæ præcipit.* Ergo parentes tenentur jure naturæ eis providere cuncta necessaria, v. g. victum, vestitum, &c.

3. *Rat.* Qui dat esse, tenetur dare consequentia ad esse, ut dicunt, idest, qui vitam dat, debet ea, quæ ad conservandam vitam requiruntur, ministrare: ergo parentes tenentur filiis cuncta necessaria ministrare.

Adde, quod parentes sunt filiis loco Dei: ergo sicuti Deus creatoris providet necessaria; ita & parentes debeat filiis suis providere necessaria.

Conseclaria hujus Doctrinæ ..

S. I.

Parentes debent filiis victum:

Consecl. 1. Peccant graviter parentes, qui sine causa filios suos publice exponunt, ut ab aliis nutrantur; quia, si possunt, debent eos nutrire. *Si quis*, inquit Concilium Gangrense can. 15. *liberos suos relinquit, nec eos nutrit, & quod ad se pertinet, non ad pietatem divini cultus informat, sed per occasionem continentiae, idest, parsimoniae, negligit; anathema sit.* Plerumque enim, ut monet Gregor. Pastoral. 2. P. c. 9. vitia virtutes se esse mentiuntur, nam sub parsimoniae nomine sæpe se tenacia palliat.

Consecl. 2. Peccant graviter parentes, qui filios suos ita negligenter nutriunt, ut vel parum curent de eorum vita, vel valetudine: eo tendit istud, quod dicit Christus: *Quis est es tibi homo, quem si petieris filius tuus panem, numquid lapidem porriget ei? aut si piscem petieris, numquid serpentem porriget ei?* Matth. 7. v. 9. indicans, nullum esse parentem, etiam malum, qui filiis suis victum & vestitum non soleat tribuere; ideoque gravissime peccant qui tali desunt muneri.

Consecl. 3. Peccant graviter parentes, ex quorum negligentia contingit, ut filii vel suffocentur in lecto, vel alio quovis casu pereant; quia non provident filiis, ut debent: contra crudelem hanc incuriam parentibus imponitur publica poenitentia in pluribus Dicecibus.

Consecl. 4. Peccant graviter parentes, qui ad secundas nuptias properantes, filiorumque

primo toro susceptorum curam negligunt, in hoc enim sunt brutis ipsis nequiores; nam, ut ait Ambros. lib. 6. in Hexamer. c. 4. *Natura hoc bestiis insudit, ut catulos proprios ament, serus suos diligant.*

Consecl. 5. Peccant matres, quæ sine causa non lactant pueros; quia non provident filiis, ut debent; nocet enim multum infantibus nutriri diverso lacte ab eo, quo in utero nutriti sunt. Quæ ab hoc officio se dispensant, dimidiatae matres etiam a Gentilibus vocantur. Hoc nocet non solum corpori, sed animæ; quia minuit amorem inter matrem & filios: mutuus quippe amor matrum & filiorum est longe constantior, si filii nutrantur a matribus. Ad hanc curam maxime excitat exemplum Saræ, Rebeccæ, Annæ, & beatissimæ Virginis. Sara licet femina princeps & nagenaria, tamen filium Isaac lactavit: Rebecca filium Jacob: Anna filium Samuelem: & Virgo Christum lactavit, de qua proinde canit Ecclesia: *Sola Virgo lactabat, ubere de cælo pleno: eo facit illud Thren. 43. Lactæ nudaverunt mammam, lactaverunt catulos suos; filia autem populi mei crudelis, ut strubio.*

Consecl. 6. Peccant graviter matres, quæ, si filium lactare nequeant, non querunt sedulo nutricem corpore sanam, & moribus non depravatam, quæ lacte suo proli non noceat, & vitia cum lacte non infundat.

S. I I.

Parentes debent filiis vestitum.

Consecl. 1. Peccant parentes, qui filios suos juxta conditionis statum non vestiunt, sed vel superbius ornant, vel vilius induunt; utrumque enim malum est. De nimio ornatu sic loquitur Chrylost. in Epist. ad Coloss. c. 4. Hom. 10. *Per se magnum malum est nimius ornamentorum appetitus, & desiderium, etiam si nulum aliud inde enasceretur, sed citra periculum id liceret habere; nam ad inanem gloriam assumptumque parat & instruit.* Repleta si superbus ille vestium ornatus malo vacaret, Scriptura non diceret, quod dives, qui in inferno torquetur, induebatur purpura & bysso. Si lacris autem, aut squallidis vestibus aliquando ex avaritia parentes vestiant filios, vitiosum: vituperandum enim est defectus, & excessus in vestibus, & Christiana modestia observanda: vestiendum est corpus, non ornandum, tutandum est ab injuria tempestatum; minime vero vanitati & libidini exponendum: quod utique semper evenit quoties superbius quam par est adornatur.

S. III.

§. III.

Parentes debent filiis congruam hereditatem.

Consect. 1. Peccant graviter parentes, qui filiis congruam non provident hereditatem, qui filiis vel filiabus denegant legitimam dotem vel ut nubant in Domino, vel ut ingrediantur Religionem, si ad eam divinitus vocentur, vel ut Sacros Ordines suscipiant, si ad statum Clericalem divina gratia eos invitat; quia hæc omnia ad paternam curam pertinent. Debetur namque liberis, ait Basilus in Psal. 7. a parentibus secundum naturalis amoris affectum sustentandæ vitæ providentia, sive proventus. Parentum enim est colligere, sive thesaurum recondere liberis, ut præter hoc, quod illos generaverunt ad vitam, etiam vivendi subsidia subministrant. Apud paganos puniebantur parentes, qui liberos aliquam artem non docuerant: ob id a fortiori puniuntur Christiani a Domino.

Consect. 2. Peccant parentes, qui in dividenda hereditate non sequuntur id quod iuxta lege & æqua consuetudine præscriptum est; quia iniqua illa bonorum portio seminarium est rixarum & litium. *Jurgat ergo, inquit Amb. lib. de Joseph Patriar. cap. 2. liberos æqualis gratia, quos junxit æqualis natura. Lucrum pietas nescit pecuniæ, in quo pietatis dispensum est. Quid miraris, si propter fundum aut domum oriuntur inter fratres jurgia, quando propter tunicam inter Jacob sancti filios exarsit invidia?* Sic Josaphat primogenito regnum dedit, munera vero aliis filiis *Deditque eis, inquit Scriptura, pater juus multa munera argenti, & auri, & vestimenta, cum civitatibus munitissimis in Juda: Regnum autem tradidit Jooram, eo quod esset primogenitus. 2. Paral. 21. 3.*

Consect. 3. Peccant parentes, qui filios suos sine causa privant hereditate debita; secus, si cum causa id faciant. Exemplum paternæ illius sollicitudinis habemus in Abrahamo. Gen. 25. v. 5. *Deditque Abraham cuncta, quæ possidebat, Isaac, filiis autem concubinarum largitus est munera, & separavit eos ab Isaac filio suo.*

Causa iusta exheredandi filios iuxta Juri-
stas est paterni tori violatio, machinatio paternæ necis, animus insigniter erga patrem ingratus, v.g. oblitio patris detenti in carcere, ignominia toti familiæ illata.

ARTICULUS III.

Quid parentes filiis debeant quoad animam.

Prop. unica. Parentes tenentur providere filiis 1. Instructionem. 2. Correctionem. 3. Bonum exemplum. 4. Denum ea omnia, quæ filios ad cælestem Patriam possunt perducere.

Prob. 1. Script. Parentes debent primo filiis suis doctrinam, juxta illud Deut. 11. v. 18. *Ponite hæc verba in cordibus, & in animis vestris... docete filios vestros, ut illa meditentur.* Secundo debent filiis suis correctionem, juxta illud Paul. ad Eph. 6. v. 4. *Educate filios in disciplina, & correctione Domini.* 3. Debent filius bonum exemplum: quippe sicut Pastoribus dictum est, *vos estis lux mundi*; ita Patribus familias dictum est, *vos estis lux familiae.* 4. Denum debent eis procurare media ad salutem æternam necessaria quantum in ipsis est; quia Patrifamilias, sicut & pastori, dictum est Exech. 33. v. 8. *Speculatorem dedi te domui Israel... Si ovis tibi commissus tua culpa pereat, sanguinem ejus de manu tua requiram.*

2. Ex Aug. in Psal. 50. in fine. Idem parentes debent filiis suis quoad animam, quod Episcopi debent ovibus suis. *Quomodo, inquit, ad nos pertinet in Ecclesia loqui vobis, sic ad vos pertinet in domibus vestris agere, ut bonam rationem reddatis de his qui vobis sunt subditi: atqui Episcopi debent ovibus suis instructionem, correctionem, bonum exemplum, & sollicitudinem, ut patet: ergo & eadem debent parentes filiis.*

3. Parentes non minus debent vitam spirituales filiorum curare quam vitam corporalem, immo magis; quia ideo sanctum matrimonium contraxerunt, ut filios Cælo gignerent potius quam Mundo; atqui vita spiritualis non aliter conservatur in filiis quam per instructionem, correctionem, bonum exemplum, & sanctam parentum sollicitudinem: ergo isthæc omnia debent parentes filiis.

Consectaria bujus Doctrinæ.

§. I.

Parentes debent filiis doctrinam.

Consect. 1. Peccant graviter parentes, qui negligunt media, quibus filiis sancta educatio
ad.

adhiberi debet, & potest; qui, v. g. statim ac nati sunt, non curant confiteri eis Baptismum, sed propter sæculares vanitates differunt tantum Sacramentum: quod ne faciant, Ecclesia legis sanctissimis sub gravibus poenis præscripsit, ne ultra octo dies differatur: & Pœnitentiale Rom. c. 31. ait: *Cujus parvulus sine Baptismo per negligentiam moritur, tres annos poeniteat, unum in pane & aqua.*

Consect. 2. Peccant parentes, qui in primo rationis usu non instruunt filios de his, quæ sunt ad salutem necessaria, v. g. de Doctrina Christiana, de præceptis Dei, & Ecclesiæ: exemplo Tobizæ, qui cum factus esset vir, accepit uxorem Annam de Tribu sua, genuitque ex ea filium, nomen suum imponens ei, quem ab infantia timere Deum docuit, & abstinere ab omni peccato. Tob. 1. v. 9. Exemplo Job, qui sancte educatus est; ait enim de se: *Ab infantia mea mecum crevit misratio.* Job 31. v. 18.

Consect. 3. Debent parentes per seiplos, quantum fieri potest, filios suos instruere; quia hæc cura pertinet ad patrem: uti enim matres, quantum fieri potest, debent per se, & non per nutrices lactare filios; ita parentes debent, quantum fieri potest, erudire filios suos: *Erudi filium tuum, & refrigerabit te, & dabit delicias animæ tuæ.* Prov. c. 29. v. 17. Et Deut. 11. v. 19. omnibus parentibus præcipitur: *Docere filios vestros.* Exemplum habemus in Davide sic erudiente filium: *Tu autem Salomon fili mi, scito Deum patris tui, & servito ei corde perfecto, & animo voluntario.* 1. Paralip. 28. v. 9.

Consect. 4. Quando parentes non possunt per seiplos erudire filios, debent providere eis Pædagogos ad tantum munus idoneos, litteratos, & præcipue bonis moribus instructos; quia si non exigua cura eligendæ sunt nutrices alendis infantium corporibus destinatæ, a fortiori Pædagogi instituendis animis occupandi. Hoc egregie docuit magnus Theodosius. Arsenium virum, eo tempore eruditioris & eloquentiæ nomine florentissimum accessit Roma, ut filios suos Honorium & Arcadium Imperii successores omnibus optimis artibus atque disciplinis erudiret. Unde merito Cyprianus filios a parentibus male instructos contra eosdem parentes sic querentes inducit: *Nos nihil fecimus... perdidit nos aliena perfidia. Parentes sensim parricidas.* lib. de lapsis.

Consect. 5. Necessarium est eos, qui instituendis filiis occupantur, nec mitiores esse, nec sæviores, nec nimis familiares cum illis, nec pariter nimis difficiles. Hanc regulam videtur statuisse Ecclesiast. cap. 30. v. 9. *Lacta*

filium, & paventem te faciet: lude cum eo, & contristabit te, idest, si mollius agas cum illo, efficiet ut tibi, & illi male metuas: *non corrides illi, ne doleas, & in novissimo obstupescant dentes tui.* Non des illi potestatem in juventute, & ne despicias cogitationes illius. Curva cervicem ejus in juventute, & tunde latera ejus, dum infans est, ne forte induret, & non cedat tibi, & erit tibi dolor animæ. Docce filium tuum, & operare in illo, ne in turpitudine illius offendas.

Consect. 6. Necessarium est, ut hi, qui instituendis filiis præponuntur, eis sapius inculcent monita, quæ Tobias moriturus dedit filio suo. Tob. 4. v. 6. *Omnibus autem diebus vitæ tuæ in mente habeto Deum: & cave ne aliquando peccato consentias, & prætermittas præcepta Domini Dei nostri.* Exjubilanti a tua facie elemosynam, & noli avertere faciem tuam ab ullo paupere: ita enim fiet, ut nec a te avertatur facies Domini: quomodo potueris, ita esto misericors: si multum tibi fuerit, abundanter tribue: si exiguum tibi fuerit, etiam exiguum libenter impertiri stude; præmium enim bonum tibi tribuas in die necessitatis. Quoniam elemosyna ab omni peccato & a morte liberat, & non patietur animam ire in tenebras. Fiducia magna erit coram summo Deo elemosyna omnibus facientibus eam. Attende tibi, fili mi, ab omni fornicatione, & præter uxorem tuam nunquam patiaris crimen scire. Superbiam nunquam in tuo sensu, aut in tuo verbo dominari permittas; in ipsa enim initium sumpsit omnis perditio. Quicumque tibi operatus fuerit, statim ei mercedem restitue, & merces mercenarii tui apud te omnino non remaneat. Quod ab alio oderis fieri tibi, vide ne tu aliquando alteri facias. Panem tuum cum esurientibus & egenis comede, & de vestimentis tuis nudos tege. Panem tuum & vinum tuum super sepulcrum iusti consitue, & noli ex eo manducare & bibere cum peccatoribus. Consilium semper a sapiente perquire: omni tempore benedic Deum, & pete ab eo, ut vias tuas dirigat, & omnia consilia tua in ipso permaneant. Monet postea ipsum de talento, quod Gabelo dederat; deinde sic concludit: *Noli timere, fili mi: pauperem vitam quidem gerimus, sed multa bona habebimus, si timerimus Deum, & recesserimus ab omni peccato, & fecerimus bene.*

S. II.

Parentes debent filiis suis correctionem.

Consect. 1. Peccant parentes; qui filios

viciosos non emendant, & corrigunt: ita morietur Script. Qui parit virgæ, odit filium suum: qui autem diligit illum, inslanter erudit. Prov. c. 13. v. 24. Stultitia colligata est in collo pueri, & virga disciplinæ fugabit eam. Prov. cap. 22. v. 15. Qui diligit filium suum, assidue illi flagella, ut levetur in novissimo die. Eccli. 3. v. 1. Semperque in animo habeant justam, quam Deus contra Heli. exercuit punitionem. lib. 1. Reg. cap. 2. quippe, ut ait Chryl. quia non omnia, quæ fuerant agenda, ut ea rescerent vitia, molitus est, & ipse una cum illis periit; etenim, ut monet Theodoretus q. 7. ad hunc locum, oportebat, cum post primam & secundam monitionem perseverassent in nequitia, eos a templi ambitu expellere, &c. Unde in Scriptura 1. Reg. 3. v. 13. conqueritur Deus de Heli: *Eo quod noverat indigne agere filios suos, & non corripuerit eos.* Quare in pœnam omiſſæ severæ correctionis cecidit de sella retrorsum, juxta ostium, & traxit cervicibus mortuus est. 1. Reg. c. 4. v. 10. Cecidit de sella, inquit Greg. quia cathedra magisterii nimia erga filios lenitate indignus factus est: cecidit juxta ostium tabernaculi, in quo filios suos sacrilegia committere permiserat: & ita, inquit Sanctus Doctor, *ibi occidit, ubi deliquit.*

Consect. 2. Peccant pariter parentes, qui dum corripunt filios, modum Christianæ correctionis excedunt, semper torvis inspicunt oculis, diris imprecationibus insectantur, tyrannos potius se exhibent quam parentes. In eo, inquit Aug. serm. 52. de temp. bellis ipsis ferociore; nulla enim bestia est, quæ non filiis suis blande murmure, & cum terreat homines, parvulos tovet. *Fremis leo in sylvis, ut nemo transeat, intrat in speluncam ubi habet filios suos, omnem rabiem feritatis deponit.* Hi vero parentes statim ac domum subeunt, iratos animos suscipiunt. Eos ita commonet Paulus ad Colos. 3. v. 21. *Patres nolite ad indignationem provocare filios vestros, ut non in furore irascantur.* Correctio paterna non ab ira, sed a caritate procedat oportet. Caritas autem, inquit Bernar. Epil. ad Fulcon. *Cum te arguit mitis est, cum blanditur simplex est, pie soles scire sine dolo mulcere, patienter novit irasci, humiliter indignari.* Duriore illos filiorum correctores ita instruit Greg. Past. part. 3: admonit. 14. *Nonnumquam: qui inter flagellorum duritiam remanent incorrecti, dulci sunt admonitione mulcendi: nam plerumque quos cruciantia non corrigit, ab iniquis actibus lenia blandimenta compeſcunt; quia & ægros, quos fortis pigmentorum potio curare non valuit, ad salutem pristinam tepens aqua revo-*

cavit; & nonnulla vulnera, quæ curari incisione nequeunt, somentis olei sanantur; & durus adamas incisionem ferri minime recipit, sed leni bircorum sanguine mollescit.

S. III.

Parentes debent filiis bonum exemplum.

Consect. 1. Peccant parentes, qui filiis sunt scandalo. Christus enim omnibus, sed præcipue parentibus dicit: *Qui autem scandalizaverit unum de pusillis istis, qui in me credunt, expedit ei ut suspendatur mola asinaria in collo ejus, & demergatur in profundum maris.* Matt. c. 8. v. 6. Quo circa idem omnibus parentibus dixerim quod dicit Hier. scribens ad Lætam: *Nihil in te & in patre suo videat filia vestra, quod si fecerit peccet. Memento te vos parentes virginis, magis eam exemplis doceri posse quam voce.* Quippe, ut ait Cypr. lib. de duplici marty. *Efficacius est vitæ, quam lingue testimonium: habent & opera suam linguam, habent suam sacundiam tacente lingua.* Filii ergo longe promptius factis parentum credunt, quam verbis; sunt enim instar molliſſimæ ceræ, in qua altissimi imprimuntur parentum imaginis; sunt & instar speculi, non enim alios exhibent colores, quam eos qui eis a parentibus imprimuntur; ut enim unbræ figuras corporum, ita filii parentum mores imitantur, ac veluti simiæ, quæcumque in iis bona, aut mala vident, in se exprimunt. Quid enim, inquit Aug. in Psal. 136. sub fine: *Faciurus est ad huc infans, anima tenera, nisi ut quod eos, id est parentes, viderit agere, hoc sequatur?* Scire ergo patres debent, inquit Greg. part. 3: Pastor. admon. 5: *Quia, si perversa unquam perpetrant, tot mortibus digni sunt, quot ad subditos suos perditionis exempla transmittunt.*

Consect. 2. Peccant parentes, qui filios ab exercitio pietatis avertunt, quocumque pacto id faciant, sive verbo, sive exemplo, sive negligentia. Sic peccant parentes, qui in colloquiis suis, aut cum filiis, aut coram filiis, ita languide de rebus divinis loquuntur, ita vero ardenter de rebus mundanis, ut in filiorum animis læculi amorem accendant, nunquam vero divinam caritatem inspirent. Coram filiis divites hujus sæculi magnifice extollunt, pauperes vero parvi faciunt; raro, immo nunquam, filiorum animis illud Christi infigunt: *Beati pauperes spiritu, quoniam ipsorum est regnum Cælorum.* Coram filiis eos homines laudant, qui promptè, qui fortiter acceptas ulciscuntur injurias; & nunquam illud Christi expromunt: *Beati miseri, quoniam*

ipsi possidebunt terram. Coram filiis eos dolent, quos vel mundus spernit, vel infortunia premunt, vel morbi male afficiunt; nunquam vero teneros infantium animos ista imbuunt veritate; *Beati qui lugent, quoniam ipsi consolabuntur.* Filios ad artes liberales, ad scientias, ad armorum exercitium adhortantur & accendunt spe divitiarum & honorum temporalia commoda, quæ præstantes in huiusmodi exercitiis viros comitari solent, sapientissime recensent, nunquam vero filiorum animis inculcant unam salutis æternæ famam esse necessariam, iuxta illud Christi: *Beati qui esuriunt & sitiunt iustitiam, quoniam ipsi saturabuntur.* Si quid rudes pueri, & adhuc teneri infantes contra sæculi urbanitatem, contra mundanum decorem forte peccaverint, statim ira exandescunt parentes, si quid vero contra cultum Dei, contra caritatem proximis fecerint, nihil curant, immo si iis prave factis aliquid appareat indolentiæ, vel solertiæ, laudant, blandiuntur; & ita, ut dicit Chrysostomus, materiam vitiorum omnium docent, & in filiorum animis accendunt concupiscentiam carnis, concupiscentiam oculorum, & superbiam vitæ.

Sic peccant parentes, qui coram filiis tenent lucem antea vitæ, etiam vitiolæ, historiam, aut laudant prave facta, in quibus debent erubescere, & tot habent imitatores vitiorum, quot habent filios auditores: quippe, ut optime ait Leo sermone jejuni. *validiora sunt exempla quam verba, & plenius docetur opere quam voce.*

Sic peccant parentes, qui de salute filiorum parum solliciti, ea solum curant quæ ad corpus pertinent: hinc ait Chrysost. lib. 3. adversus vituperatores vitæ monasticæ: *Nulla alia ratione perverſi ut fiant filii contingit, nisi quod eorum patres circa vitæ præsentis commoda e quo plus incumbunt, & fere dixerim, insaniant; cum enim illa solummodo inquireunt, nihilque illis præferendum censent, & suam pariter & liberorum animam negligere coguntur.*

S. I V.

Parentes debent filiis quasi Episcopalem sollicitudinem.

Consect. 1. Peccant parentes, qui filios suos non separant quam diligentissime ab improborum consortio; quia nihil est quod magis puerorum educationi noceat. *Non ad hæsi mihi cor pravum,* inquit David, *quare? declinantem a me malignum non cognoscebam: superbo oculo & insatiabili corde, cum hoc non ede-*

bam, Psal. 100. v. 4. *Et rursus fili mi, si te claverint peccatores, ne acquiescas eis, prohibe pedem tuum a semitis eorum; pedes enim illorum ad malum currunt.* ibid. v. 15.

Consect. 2. Peccant parentes, qui quam diligentissime non invigilant filiarum pudicitia. *Filia tibi sunt,* inquit Scriptura, *serva corpus carum, & ne ostendas bilarem faciem tuam ad illas.* Eccli. c. 7. v. 26. *Et c. 42. v. 9. Filia parvi abscondita est, vigilia, & sollicitudo ejus auferit somnum.... ne quando polluat in virginitate sua, & in paternis suis gravis inveniatur.... Super filiam luxuriosam confirma custodiam, ne quando faciat te in opprobrium venire inimicis, a detractioe in Civitate, & abiectione plebis; & confundat te in multitudine populi.* Et Hieron. epist. 70. ad Lætiam: *Sollicita provides, ne filia percutiatur a vipera: cur non eadem cura provideas, ne feriatur a malleo universæ terræ, ne bibat de aureo calice Babylonis, ne egrediatur cum Dina, & velit videre filias alienæ regionis, ne ludat pedibus, ne trahat tunicas.... cito violas & liliū & crocum pestilentis aura corrumpit. Nulquam absque te procedat in publicum, Basilicas Martyrum & Ecclesias sine matre non adeat; nullus ei juvenis & circumnatus ardeat.... ne transversum quidem unguem a matre discedat.*

Consect. 3. Peccant parentes, qui filiis suis non prohibent quam diligentissime usum earum rerum, quæ ad vitium sensim incitant: talia sunt cantilenæ sæculares, libri amatorii, saltationes & theatra: & quia hæc omnia ad luxuriam impellunt, ita loquitur Trullana Synodus an. 692. can. 52. *Omnino prohibet hæc sancta Synodus eos qui dicuntur mimos, & eorum spectacula, deinde venationem quoque, spectationes, atque in scena saltationes fieri; & proinde periculosissimum est adolescentibus his comædiis interesse.*

Consect. 4. Peccant parentes, qui cum agitur de eligendo statu pro filiis, ducti rationibus omnino temporalibus eos vel ad statum religiosum, vel ad statum clericalem invitos detrahunt, modo minis, modo blanditiis fraudulentis, modo occulta, modo aperta vi. Quamculpanda sit hæc parentum coactio, dicemus ubi de vocatione, quando agemus de variis hominum statibus. Id unum sufficiat, scilicet, quod dicit Trident. sess. 25. cap. 18. *Anathemati sancta subjicit Synodus omnes... si quocumque modo coegerint aliquam virginem vel viduam ad ingrediendum monasterium.*

Consect. 5. Peccant parentes, qui filios suos vel a statu Clericali, vel a statu Monachali avertunt, Simili quoque anathemati Synodus Trid.

Trid. *subijcit eos qui sanctam Virginem, vel aliarum mulierum voluntatem veli accipiendi, vel voti emittendi quoquo modo sine causa impederint.* sess. 25. c. 18. & can. statumur, dicitur: *si vero in fortiori ætate adolescentula, vel adolescens servire Deo elegerit, non est potestas parentibus prohibendi.* Unde Chryl. eos parentes, qui filios a sancto proposito se se consecrandi Deo nituntur avertere, sic infestat. lib. 3. cont. impugnatores vitæ Monasticæ. Eos inquit, *Patres parricidis ipsis immaturores sceleraioresque dixerim: illi enim corpus ab anima separant; isti animam & corpus æternis ignibus tradunt... neque suorum tantum peccatorum pœnas dabunt, sed & eorum quæ filii peccarint, si in seculore manserint.* Unde sæpius contingit, ut in pœnam temporalem parentes multa patiantur ab iisdem filiis, quos a statu Clericali vel Religioso averterunt.

§. V.

Quinam munus parentum vere Christianorum impleant.

Confess. unicum. Hi officio Christianorum parentum vere satisfaciunt.

1. Qui filios suos Legem Domini edocuit exemplo Tobie, de quo scriptum est: *Filius genuit... quem ab infantia timere Deum docuit, & abstinere ab omni peccato.*

2. Qui bonum exemplum filiis præbent: v. g. qui coram filiis, & una cum filiis vespere & mane preces Deo effundunt, qui Ecclesias cum filiis frequentant, qui divinis instructionibus & sacris officiis interfunt; exemplo Mariæ & Joseph, qui una cum Christo Templum ibant. Item illi, qui teneram illam ætatem moribus informandis aptissimam sanctæ instituunt, memores illius: *Fili, a juventute tua excipe doctrinam, & usque ad canos invenies sapientiam:* Eccl. c. 6. v. 18. & rursus: *Adolescens juxta viam suam, etiam cum senuerit, non recedet ab ea.* Prov. 22. vers. 6. *Ossa ejus implebuntur vitiis adolescentiæ ejus, & cum eo in pulvere dormient.* Job c. 20. v. 11. Ideo faciendum putant quod jubet Eccles. 13. v. 81. *Equus indomitus evadit durus, & filius remissus evadit præceps... curva cervicem ejus in juventute, & tunde latera ejus dum infans est, ne forte induret, & non cedat tibi.* Quippe, ut ait Jerem. Thren. cap. 3. v. 27. *Bonum est viro, cum portaverit jugum ab adolescentia sua.*

CAPUT III.

De Curatoribus & Tutoribus erga pupillos & minores, & vice versa.

Tutor est ille, qui datur impuberibus...
1. Ut tutetur eorum personam, & provideat eorum educationi & instructioni.
2. Ut curet eorum bona. Potest dari invitis pupillis. Curator est ille, qui datur minoribus post annos expletos pubertatis usque ad annum vigesimam quintum, ut provideat. 1. Eorum bonis. 2. Eorum personæ & educationi.

ARTICULUS UNICUS.

De his quæ sibi mutuo debent Tutores & pupilli.

Prop. unica. Tutores & Curatores eadem debent pupillis & minoribus, quæ parentes filiis; & vice versa pupilli & minores eadem debent tutoribus & curatoribus, quæ filii debent parentibus, excepto hoc, quod Tutor non debet nutrire & vestire pupillos & minores propriis expensis, sed solum ex bonis pertinentibus ad pupillos & minores: pupilli pariter vel minores non tenentur ex justitia dare subsidium Curatoribus & Tutoribus, sed solum ex caritate.

Ista conclusio probatur iisdem rationibus, quibus duæ superiores probatæ sunt: ratio utriusque est; quia Tutores & Curatores gerunt vices parentum relative ad pupillos & minores.

De his agetur uberius, ubi de contrariis.

CAPUT IV.

De servis erga dominos; & de dominis erga servos.

ARTICULUS I.

Quid famuli debeant heris suis.

Prop. unica. Famuli debent heris suis amorem, obedientiam, reverentiam, & fidelitatem eo ferme modo, quo filii parentibus.

Prob. 1. Scriptura. Debent 1. Amorem, juxta illud: *Cum bona voluntate servientes, sicut Domino, & non hominibus.* Ad Eph. cap. 6. v. 7.

1. Obe-

2. Obedientiam, juxta illud: *Servi OBEDI-TE dominis carnalibus cum timore, & tremore, in simplicitate cordis vestri, sicut Christo.* Ad Eph. c. 6. v. 5.

3. Debent reverentiam, juxta illud 1. ad Timoth. c. 6. v. 1. *Quicumque sunt sub jugo servi dominos suos omni HONORE dignos arbitrentur.*

4. Fidelitatem, juxta illud Pauli ad Titum c. 2. v. 9. *doceas, servos Dominis suis subditos esse, in omnibus placentes, non contradicentes, non fraudulentos, sed in omnibus FIDEM bonam ostendentes.* Ergo servi debent dominis amorem, obedientiam, reverentiam, & fidelitatem.

2. Ex Sermone 117. inter opera Aug. in append. Tom. 5. alias de tem. 7. ubi sic habetur: *Sermo mihi ad vos, servi, quicumque dominos carnales habetis. . . . Obedite dominis vestris, diligite ex corde, non ad oculum servientes, sed ministerium ex amore facientes; quia & illos Deus constituit ut vobis dominentur, & vos ut serviat. Bene servite propter Deum, quia de bono servitio mercedem habebitis.* Ergo ex illo auctore servi debent dominis amorem, obedientiam, reverentiam, & fidelitatem.

3. Rat. Servi Christiani debent heros tamquam parentes intueri; heri enim in Scriptura in parentum numero collocantur: Ergo servi debent heris suis. 1. Amorem ut parentibus. 2. Obedientiam ut dominis. 3. Reverentiam ut superioribus. 4. Fidelitatem ut his, qui eos ad suam quasi familiam adscripserunt.

Consecratio bujus Doctrinae.

Consecr. 1. Peccant famuli, qui dominis etiam discipulis duris, & asperis, caritatis affectu non serviunt, quique interius odium contra illos, aut exterius manifestant; quia non observant primum & præcipuum quod debent heris suis officium. Audiant illud Aug. de lib. 1. de moribus Eccles. Cath. cap. 30. *Tu dominis servos, inquit, non tam conditionis necessitate, quam officii delectatione doces adhaerere.* Attendant ad exemplum famuli Abraham, qui Domino serviebat, ductus non spe lucri, sed amore erga dominum, ut patet ex eo ardore, quo Isaac uxorem accersivit. Gen. c. 44.

Consecr. 2. Peccant famuli, qui heris suis in his, quæ non sunt prohibita, prompte non obediunt, quia non observant secundum quod debent heris suis officium. *Servi, inquit Paul. ad Colof. c. 3. v. 22. obedite per omnia dominis carnalibus, non ad oculum servientes, quasi bo-*

minibus placentes; sed in simplicitate cordis, timentes Deum. Attendant ad servos David, qui in rebellionem Absalonis, cum omnes deicerent a Rege, ei fideliter adhaeserunt, & mandata eius difficillima exequabantur. *Dixeruntque, inquit Scriptura 2. Reg. c. 15. v. 15. servi Regis ad eum: omnia quaecumque præceperit Dominus noster Rex, libenter exequemur servi tui.*

Sic graviter peccant servi, qui non obediunt in his quæ spectant commodum temporale dominorum suorum; quia eum tamen operas suas dominis suis locaverunt: sed longe gravius peccant famuli, cum obedientiam renuunt in his, quæ spectant suam salutem æternam, v.g. cum domini præcipiunt servis ut observent mandata Dei & Ecclesiae; quia tunc inobedientia cum propriæ salutis negligentia conjungitur.

Monit. Peccant famuli, qui morem gerunt dominis aliquid contra legem Dei, vel Ecclesiæ præcipientibus; oportet enim semper Deo potius obedire quam hominibus. Sic peccaverunt servi Saulis, qui indicaverunt ei mulierem Pythonissam 1. Reg. c. 28. Sic peccarunt etiam servi Davidis, qui uxorem Uriæ ad Regem adduxerunt, ut eam carnaliter cognosceret. 2. Reg. 11. Sic peccarunt quoque servi Absalonis, qui eo jubente Ammonem in convivio intertulerunt. Ita pariter peccant servi omnes, qui vel odio, vel libidini &c. dominorum suorum famulantur: sciat quippe est ab his heris recedere, quam cum salutis tum suæ, tum dominorum periculo eis obtemperare. Unde damnata est sequens propositio a summo Pontifice, & a Clero Gallic. art. 14. *Famulus qui submissis humeris scienter adjuvat herum suum ascendere per fenestras ad stuprandum virginem, & mulieres eidem subservit deferendo scalam, aperiendo januam, aut quid simile cooperando; non peccat mortaliter, si id faciat metu notabilis detrimenti, puta, ne a domino male tractetur, ne torvis oculis aspicatur, ne domo expellatur.* Hæc enim propositio, inquit Patres Gallicani, scandalosa est, perniciofa, verbis Dominicis & Apostolicis aperte contraria, & hæretica. *Quam enim dabit homo commutationem pro anima sua? Digni sunt morte, non solum qui faciunt, sed qui consentiunt facientibus.*

Consecr. 3. Peccant graviter servi, qui commissa ab heris suis secreta sine causa aperiunt, qui quæcumque geruntur in familia extraneis patefaciunt, & ea quæ silere oportet, imprudenter divulgant. Attendant ad exemplum Clisai, qui licet esset a consiliis Absalonis rebellantis contra Davidem,

tamen secreta sibi a Davide commissa non prodidit, sed ea prudenter tacuit; jus enim naturale postulat, ut servi sint arcanorum sibi ab heris commissorum observantissimi: ipsi enim pagani hoc pessimum in servis vitium esse agnoverunt. Unde Terentius servum secreti sibi commissi non tenacem sic inducit loquentem; *Plenus rimarum sum, hac, & illac perfluo*. Et Scriptura omnes secreti naturalis proditores sic vituperat: *Qui ambulat fraudulenter, revelat arcana: qui autem fidelis est, celat amici commissum*. Prov. 11. v. 13. A fortiori gravius peccat qui heri sui revelat arcana; quia amicis secretum debemus ex legibus amicitiae, heris vero nostris ex legibus æquitatis & justitiæ.

Consect. 4. Peccant famuli, qui quando habent heros aut nimium faciles, aut non satis severos, debitam eis non impendunt reverentiam, v. g. heros, qui sunt aut Sacerdotes, aut Religiosi, aut pii, non ut par est venerantur. Nam verum est quod vulgari dicitur proverbio: *Miles habet servum, Clericus, monachusque sodalem*. Tunc, inquam, servi debitam non impendendo reverentiam tanto gravius peccant, quanto mitius in eos agitur. Unde ait Paul. 1. ad Tim. 6. v. 2. *Qui autem fideles habent Dominos, non contemnunt, quia fratres sunt*, id est, quia dominorum auctoritate non utuntur, sed magis servant, quia fratres sunt & dilecti; id est, quia suavitier erga servos se gerunt. Forte hic textus hanc potest pati expositionem. Si enim, inquit Hieron. serviebant infidelibus timore odio; quanto magis servire debent fidelibus, quorum caritatis participes esse merentur? in caput 6. 1. Epist. ad Timot. Attendant ad exemplum Agar, quam reprehendit Angelus, eo quod dominæ Sarai facili & blandienti non morem gesserit, eamque remittit ad Sarai, ut ei etiam severius agentem se subiciat.

Consect. 5. Peccant graviter famuli, qui res sibi a dominis commissas non satis fideliter custodiunt: tenentur enim ex justitia rem domesticam dominorum suorum non secus ac propriam conservare. Attendant semper ad exemplum Jacob, qui fidelissime servivit Laban socero suo. Gen. c. 29. Attendant pariter ad exemplum Joseph, qui fidelissime credita sibi a Putiphare administrabat. Attendant Ethai servum Davyd. *Vixit Dominus*, inquit, & *vidit Dominus meus Rex, quoniam in quocumque loco fueris, Domine mi Rex, sive in morte, sive in vita, ibi erit servus tuus*. 2. Reg. c. 13. v. 22.

Consect. 6. Peccant graviter famuli, si permittant grave damnum inferri heris suis, &

tenentur ad restitutionem. Eo tendit dictum illud Christi: *Quis putas est fidelis servus & prudens? ... Amen dico vobis, quoniam super omnia bona sua constituet eum: indicans enim gravissime puniendum qui secus fecerit*. Matth. c. 24. v. 45.

Consect. 7. Peccant graviter famuli, si non laborent juxta conventionem, & tenentur ad restitutionem. Item si heros suos deserant ante conditum tempus; quare ita servos commonet Paulus: *Servi obedite per omnia Domini carnalibus, non ad oculum serviencies*. ad Col. c. 3. v. 22.

ARTICULUS II.

Quid debeant heri servis suis.

Prop. unica. Domini idem debent servis quoad animam & quoad corpus, quod parentes liberi, excepto quod domini non debent providere hæreditatem servis, sed solum solvere pactam mercedem.

Prob. 1. Scriptura. Si quis suorum & maxime domesticorum curam non habet, fidem negavit, & est infideli deterior. 1. ad Timoth. cap. 6. v. 6. Ergo eadem domini debent servis quoad corpus, & quoad animam, quod parentes filiis; cum Paulus filiorum curam cum cura erga famulos conjungat; immo asserat, quod heri, qui servos negligerent, forent infideli deteriores; siquidem infidelis est aliquis despicit propinquos, tamen nequaquam a perna tur, inquit Chrysost. Homil. 14. in cap. 5. 1. Epist. ad Timoth.

2. Ex Aug. Qui optime funguntur patrisfamilias officio, eadem impendunt famulis quæ parentes filiis. *Qui autem*, inquit lib. 39. de Civit. c. 16. *veri patresfamilias sunt, omnibus in familia sua, tamquam filiis ad colendum & promerendum Deum consulunt, desiderantes atque optantes venire ad celestem domum*: Ergo domini idem debent servis quoad corpus & animam, quod parentes filiis.

3. Rat. Domini sunt servorum suorum patres, ut agnovit Centurio, qui loquens de servo suo aiebat: *Puer meus jacet in domo paralyticus & male torquetur*. Matth. c. 8. Ergo domini eadem debent servis quoad corpus & animam, quod parentes liberis. Dixi, quod domini non debent servis hæreditatem procurare; quia loco hæreditatis tenentur solum justam famulatus mercedem rependere, juxta illud Pauli ad Coloss. c. 4. v. 1. *Domini, quod justum est & æquum, servis præstete, scientes quod & vos Christum habetis in celo*.

Confessaria hujus Doctrina.

Confess. 1. Peccant heri, qui non habent Christianam caritatem erga famulos. *Servus sensatus sit tibi*, inquit Scriptura, *dilectus quasi anima tua*. Eccli. c. 7. v. 23. Et Aug. lib. 19. de Civ. cap. 14. docens quales debeant esse domini erga servos, tales eos depingit. *Neque*, inquit, *dominandi cupiditate imperant, sed officio consulendi, nec principandi superbia*.

Confess. 2. Peccant heri. 1. qui Christianam instructionem non procurant famulis. *Qui misericordiam habet*, inquit Scriptura, *docet, & erudit quasi Pastor gregem suum*. Eccli. c. 18. v. 13. 2. Qui negligunt eos convenienti exercitio occupare, ne otiosi sint. *Mitte illum*, id est servum tuum, in operationem, ne vacet; *multam enim militiam docuit otiositas*. Eccli. c. 33. v. 3. Qui permittunt eos aut prava loqui, aut obsecrum aliquid agere: *Peccant enim non solum qui faciunt, sed etiam qui consentiunt facientibus*. Officium illud ad patremfamilias pertinere expresse docet Concil. Mediolan. de his, quæ pertinent ad matrem. *Curet paterfamilias, ut nemo quisquam de familia sua sit qui Christianæ fidei rudimentis non sit instructus, sive filii filiaque sint, sive servi & ancillæ, sive alii in famulatu...* Nec patiatur in familia sua esse quemquam qui blasphemus sit, perjurus, qui item corruptis moribus utatur, &c.

Confess. 3. Peccant heri, qui impediunt, ne famuli diebus Festis Missam audiant, vel dies Festos sanctificent: sic enim Scriptura servos ab omni labore eximit die Festo. *Non facies*, inquit, *omne opus in coru, & filius tuus, & filia tua, servus tuus, & ancilla tua*. Exod. c. 20. v. 10.

Confess. 4. Peccant heri, qui justam servis mercem subripiunt, juxta illud: *Non morabitur opus mercenarii tui apud te usque mane*. Lev. c. 9. v. 13. *Domini, quod justum est & æquum, servis præstare, scientes quod & vos Domini habetis in celo*. ad Coloss. c. 4. v. 1.

Confess. 5. Peccant domini, qui servos suos gravibus injuriis afficiunt. Sic dominos Paulus admonet: *Et vos domini eadem facite illis, remittentes minas: scientes quia illorum, & vester Dominus est in cælis: & personarum acceptio non est apud eum*. ad Eph. c. 6. v. 9.

Confess. 6. Peccant domini, qui servos sine causa ante statutum terminum e domo ejiciunt, & tenentur damnum emergens resarcire: ita jubet Scriptura. *Non ledas*, ait, *servum in veritate operantem, ne-*

que mercenarium dantem animam suam. Eccli. c. 7. v. 21.

CAPUT V.

De mutuis conjugatorum Officiis.

Maritus & Uxor in aliquo sunt æquales, in aliquo inæquales: pares sunt in mutuo corporum dominio, in mutua animarum unionione: dis pares in familiaræ regimine, ut docet Aug. lib. 21. contra Faustum c. 21. *Cum in cæteris actibus mulier viro debeat servitutem, hujus unius rei, qua sexus utriusque carnali sorte discernitur, & carnali commixtione consistit, similem in se habeant potestatem, vir in uxorem, & uxor in virum*. Ideo agemus primò de his, in quibus vir & uxor sunt inæquales: postea agemus de his, in quibus sunt æquales.

§. I.

De his, in quibus maritus & uxor sunt inæquales.

ARTICULUS I.

De Officio uxoris erga virum.

Prop. unica. In his, quæ spectant mutuam convictum & regimen rei domesticæ, uxor tenetur subesse viro suo, eique obedire.

Prob. 1. Scriptura. *Mulieres viris suis subditæ sint, sicut Domino: quoniam vir caput est mulieris, sicut Christus caput est Ecclesie*. ad Eph. c. 5. v. 22. Et apud Tobiam: *Et apprehendentes parentes filiam suam osculati sunt eam, & dimiserunt ire: monentes eam honorare soceros, diligere maritum, regere familiam, gubernare domum, & seipsam irreprehensibilem exhibere*.

2. Ex Chryloto. Homil. 10. in Epist. ad Coloss. *Diligere quidem*, inquit, *virorum est, illarum, id est uxorum, cedere: hoc quoque a natura sic comparatum est, ut vir quidem diligit, mulier autem obediat*. Sed id prescriptus determinat Aug. lib. 22. contra Faust. c. 21. *Quis enim nescit*, inquit, *uxorem marito tamquam domino debere servire? servitute, quæ dominium supponat, non dispositum, sed civile, non tyrannicum, sed suave, ut ipsemet explicat Aug.*

3. *Rat.* Maritus caput est uxoris: ergo debet uxorem diligere & ei præesse, & uxor debet subesse, juxta illud: *Sub viri potestate eris, & ipse dominabitur*. Genes. 3. v. 16.

Consecraria hujus Doctrinae.

Consect. 1. Peccat uxor, quæ in mutuo convictu, mutuisque colloquiis, marito subesse renuit, eique dominari affectat: quæ etiam verbis imperiosis rixaque affectata maritum ad iram provocat, ad juramenta, ad blasphemias, imprecationesve concitat; id enim est contra obsequium quod marito debet. Unde Paulus ad Eph. c. 5. v. 33. sic uxores commonet: *Uxor autem timeat virum suum*. Et Aug. lib. 50. Homiliarum veter. edit. ait: *In omnibus ancillæ esse virorum vestrorum subditæ ad obsequium: nulla sit in vobis protervia, nulla superbia, non contumeliosa cervix, non aliqua inobedientia; prorsus tamquam ancillæ servite*: quod debet semper intelligi ea servitute, quæ excludat despoticum dominium.

Consect. 2. Peccat uxor, quæ neglecta omni erga maritum reverentia eum etiam vitiosum durius trahat, aut intempestive admonet; semper enim firmum stare debet illud Petri: *Mulieres subditæ sint viris suis*. 1. Pet. 3. 1. Si quando ergo uxores maritorum vitia carpere velint, gerant se erga ipsos suos ad instar Abigail; hæc enim non dure, nec intempestive virum suum ebrium vel iratum arguebat; sed quoties opportuna occurrebat occasio, gerens se, ut se gessit Monica erga Patricium maritum suum. Hæc, teste Aug. lib. 9. confes. cap. 9. noverat non resistere irato viro, non tantum factis, sed ne verbo quidem; jam vero refractum & quietum, cum opportunam videret, rationem facti sui reddere: si forte ille inconsideratus commotus fuerat. Atque ita factum est, ut maritum Patricium patiens Monica Deo lucrata fuerit, ut ait Aug. ibid.

Consect. 3. Peccat graviter uxor, si spreto viro. Tibi imperium vindicet; quia uxoris est subesse. *Mulieres*, inquit Paulus, *subditæ esse viris sicut oportet in Domino* ad Colos. 3. v. 18. Et in libro Esther non improbat generalis hæc constitutio: *Cunctæ uxores tam majorum, quam minorum deserant maritis banquetem*.

Consect. 4. Peccat uxor, si se ingerat in administrationem domus sine justa causa, qualis esset, si maritus prodigus bona familiaris dissiparet; quia mulier non est caput viri, sed e contra, vir caput est mulieris.

Consect. 5. Peccat graviter uxor, si quid notabile expendat contra viri voluntatem, & istam consuetudinem mulierum ejusdem sta-

tur vel in ludos, vel in delicias, immo in elemosynas, nisi hæc fient ex bonis paraphernalibus, si habeat; quia uxor non est domina bonorum familiaris. *Nihil ergo de tua veste*, inquit Aug. *nihil de tuo auro, vel argento, vel quacumque pecunia, aut rebus ullis terrenis suis sine arbitrio mariti facere debes*. Epist. ad Eccliam 262. & ibidem non licet uxori dicere: *facio quod volo de meo, cum & ipsa non sit sua, sed capitis sui, hoc est viri sui*.

Consect. 6. Peccat graviter uxor, si ex quodam amore independentiæ sine ulla causa nolit sequi virum domicilium mutantem; decet enim uxorem a marito non divelli, sicuti decet membrum capiti adhærere. Exemplum egregium hujus adhætionis est Sara, quæ Abraham, peregrinantem semper comitata est.

ARTICULUS II.

De officiis mariti erga uxorem.*

Prop. unica. Maritus debet uxorem, non ut servam, sed ut sociam habere in mutuo convictu, immo in his, quæ ad regimen familiæ pertinent.

Prob. 1. ex Scriptura. Petrus Apostolus Epist. 1. c. 3. v. 7. sic viros alloquitur: *Viri similiter cohabitantes secundum scientiam quasi infirmiori vasculo muliebri impatiētes HONOREM, tamquam coheredibus gratiæ, vitæ, ut non impediatur orationes vestrae*: Ergo mariti debent uxoribus honorem aliquem impendere: ergo non debent eas habere ut servas sive in mutuo convictu, sive in domus regime.

2. Chrysost. in c. 3. Epist. ad Ephes. homil. 2. ubi sic habet: *Vitæ autem sociam, liberorum matrem, & quæ est causa & occasio omnis lætitiæ, non oportet metu, & minis ligare, sed dilectione & affectione; quanam enim est conjunctio, quando uxor exhorrescit maritum? quanam autem voluptate fruatur ipse maritus cum uxore habitans tamquam cum ancilla, & non tamquam cum libera?* unde ibidem alloquens maritum, sic eum præmonet: *Exige timorem qui convenit libere, non tamquam ab ancilla, est enim corpus tuum; nam si hoc feceris, te ipsum probo afficiis, tuum corpus afficiens ignominia*: ergo maritus debet uxorem suam, non ut ancillam, sed ut sociam habere.

3. Rat. Ita debent se gerere viri erga uxores, sicut Christus erga Ecclesiam; & uxores erga viros, sicuti Ecclesia erga Christum; quia, ut docet Aug. lib. de continentia c. 9. in unione Christi cum Ecclesia vir, &

uxor

uxor quales secum esse debeant præceptum accipiunt & exemplum: atqui Christus Ecclesiam non habet ut servam, sed diligit ut liberam: ergo & mariti uxores suas, non ut servas, sed ut socias habere debent.

Confessaria bujus Doctrinæ.

Confess. 1. Peccat maritus, si verbis contumeliosis, vel infamatoriis afficiat uxorem. Viri, diligite uxores vestras, & nolite amari esse ad illas, ait Paulus ad Colos. c. 3. v. 19. Vir, inquit Chrysostomus ibidem, tibi obedire uxorem, sicut Christus Ecclesiam: ipse quoque ejus curam gere, sicut Christus Ecclesiam... Quomodo Christus eam, quæ ipsum aversebatur oderatque, & despiciatui habebat, ac conspuat, & per laqueum ei insultabat, magna sua cura suis subjecit pedibus, non minis, nec contumeliis, neque metu, neque ullo alio hujusmodi: ita tu quoque te gere in tuam uxorem, etiamsi eam videris despicientem, &c.

Confess. 2. Peccat maritus, si uxorem tamquam servam habeat; non enim dominus est uxoris, sed solum caput. Tu viros conjugibus, inquit Aug. non ad illudendum imbecilliores sexum, sed sinceris amoris legibus præficeis. lib. 1. de Morib. Eccles. c. 30. Quia vero nec dominus, nec ancilla, inquit Aug. parabatur, sed socias, non de capite, nec de pedibus, sed de latere erat producenda. Epist. 99.

Confess. 3. Peccat maritus, si sine gravi causa uxorem a domus regimine omnino removeat, si negotiorum familiarum omnem et notitiam, quasi foret extraneam, penitus eripiat; maritus enim debet uxorem ut sociam, non ut extraneam in rebus domesticis habere, nisi sibi certo constaret uxorem rem familiarem dilapidare potius quam augere: nihil enim est quod magis noceat rebus domesticis, quam vel minima inter virum & uxorem dissensio: quippe, ut ait Chrysost. in cap. 5. Epist. ad Eph. Hom. 22. Si bi, id est conjugati, in concordia sint, & recte aluntur filii, modestique sunt famuli, & ordinem non deserunt; & bonorum odore fruuntur vicini amicitie & cognati; sin autem contra, confunduntur omnia: & quomodo cum duces exercitus inter se pacem agunt, omnia suam servant consequentiam, & si versus illi turbentur, sursum & deorsum aguntur omnia; ita & nunc quoque se habent res in familia, quando conjugati dissentiunt.

Confess. 4. Peccat maritus, si ex negligentia regimen domus & curam omnem rei familiaris abiciat; quia vir caput est mulieris, & ita ejus est providere familiæ: de quo ita

Catec. Trid. part. 2. titul. de matrimonii Sacramento: Decet virum in alicujus rei honeste studio semper occupatum esse, tum ut suppeditet quæ ad familiam sustentandam necessaria sunt, tum ne inertis alio torpescat, a quo vitia fere omnia fluxerunt.

§. II.

De his, in quibus conjugati sunt sibi aequaliter debitores.

Non loquimur hic de usu matrimonii, quia de hoc agemus ubi de luxurie.

ARTICULUS I.

De subsidio, quod sibi mutuo debent conjugati, ut societatem conjugalem foveant.

Prop. unica. Conjugati debent sibi mutuo ea subsidia, quæ individuum vitæ societatem, quam inierunt, fovere possunt.

Prob. 1. Scriptura. Conjugati sunt ad minus æque uniti ac membra ejusdem corporis, juxta illud Gen. 2. v. 24. Erunt duo in carne una: atqui membra ejusdem corporis ea sibi subsidia conferunt, quæ consistentiam corporis fovere possunt: ergo & conjugati debent sibi mutuo ea conferre subsidia, quæ individuum societatem, quam inierunt, fovere possunt.

2. Rat. Matrimonium est maris & foeminae legitima conjunctio, individuum vitæ societatem retinens: atqui individua, seu inseparabilis illa societas stare non potest, nisi conjugati mutuo sibi necessaria subsidia conferant, ut patet: ergo conjugati debent sibi mutuo ea subsidia conferre, quæ societatem, quam inierunt, fovere possunt.

Confessaria bujus Doctrinæ.

Confess. 1. Conjugati debent mutuos tum animi, tum corporis defectus patienter sustinere; dicitur quippe omnibus, sed præcipue conjugatis: Alter alterius onera portate, & sic adimplebitis legem Christi, ad Galat. 6. Sic prudentissima Abigail, ut loquitur Scriptura, Nabal virum suum, durum, pessimum, & inlitosum, patienter sustinebat. Sic Elcana Annam, licet sterilem, patienter sustinebat, tristitemque consolabatur, dicens: Anna cur flet? & quare non comedis? & quam ob rem affligitur cor tuum? numquid non ego melior tibi sum, quam decem filii? Unde Sanctus Greg. p. 3. admon. 27. ait: Admonendi sunt conjuges, ut ea, in quibus sibi aliquando

displacent, & patientes invicem tolerent, & exhortantes invicem salvent.

Consect. 2. Conjugati in morbis, aliisque corporis infirmitatibus debent sibi mutuo ministerium; hoc enim exigit amor conjugalis: ideo vituperatur in Scriptura uxor Job, quæ maritum a planta pedis usque ad verticem pessimo vulnere percussum affligebat potius quam sublevabat. Job cap. 2.

Consect. 3. Conjugati debent comparti necessitatem patienti, pro ut possunt, succurrere, siue bonis fortunæ si habeant, siue opera manuum si laborare possunt. Unde laudatur in Scriptura uxor Tobie, quæ opera manuum suarum marito indigenti opitulabatur: Anna vero uxor ejus ibat ad opus sextrinum quotidie, & de labore manuum suam victum, quem consequi poterat, deferrebat: in hoc laudanda; vituperanda vero in eo quod sponso suo spem, quam habebat in Deo, exprobrabat. Unde Aug. lib. 5. Homil. Homil. 49. veteris editionis, uxorem sic commonet: *Aurum tuum vendis maritus pro necessitate sua, serito semina, noli litigare, noli contradicere, contempnus auri tui dilectio est viri tui. Si villam tuam pro necessitate sua vendat, quæ est tua, non enim potest esse ejus quæ non sit tua, si est caritas in te, quæ debet esse in uxore, serito patienter: & si dubitat, tu offer, contemne omnia propter amorem viri tui.* Quod Augustinus dicit de uxore erga virum, idem dicendum de viro erga uxorem.

Consect. 4. Conjugati debent sibi mutuo & in prosperis gaudium, & in adversis solatium: debent simul & in afflictione contristari, & in lætitia congaudere; comparantur enim ad invicem sicut membra unius & ejusdem corporis. Ut autem non sit *Schisma in corpore*, inquit Paulus 1. ad Corinth. 12. v. 25. in idipsum pro invicem sollicita sunt membra: & si quid patitur unum membrum, compatiuntur omnia membra: siue gloriatur unum membrum, congaudent omnia membra.

ARTICULUS II.

De subsidio, quod sibi debent conjugati in ordine ad salutem æternam.

Prop. unica. Conjugati debent sibi mutuo ea subsidia, quæ ad æternam utriusque salutem sunt necessaria.

Prob. 1. Scriptura. Is est finis præcipuus matrimonii, ut conjugati sese mutuo adjuvant in ordine ad salutem æternam consequendam, juxta illud Pauli 1. ad Corinth. 7. v. 14. *Sanctificatus est vir infidelis per mulie-*

rem fidelem, & sanctificata est mulier infidelis per virum fidelem: Ergo conjugati debent sibi mutuo ea subsidia, quæ ad æternam utriusque salutem sunt necessaria.

2. Rat. Matrimonium in lege Evangelica est non solum contractus civilis, sed etiam verum Sacramentum: Ergo obligat conjugatos ut non solum sibi ea subsidia conferant, quæ societatem civilem fovere possunt; sed etiam ea, quæ ad æternam salutem interservire possunt.

Consellaria bujus Doctrina.

Consect. 1. Conjugati debent sibi amorem sanctum & pudicum, qualis reperitur inter Christum & Ecclesiam, ut monet Paulus ad Ephes. 5. v. 22. *Viri diligite uxores vestras, sicut & Christus dilexit Ecclesiam, & se ipsum tradidit pro ea, ut eam sanctificaret, mundans lavacro aque in verbo vite: ut exhiberet ipse sibi gloriosam Ecclesiam, non habentem maculam, aut rugam, aut aliquid ejusmodi, sed ut sit sancta & immaculata.* Idem officium incumbit uxoribus: ergo conjugati debent eo amore mutuo se diligere, quo possint sine macula, sine ruga coram Deo se sistere. Tales erant Zacharias & Elisabeth, de quibus dicitur: *Erant autem iusti ambo ante Deum, incedentes in omnibus mandatis, & justificationibus Domini sine querela.* Luc. 1. v. 6.

Consect. 2. Conjugati debent sibi mutuo admonitionem & instructionem circa ea, quæ pertinent ad salutem æternam: & quidem vir utpote caput uxoris debet instruere mulierem, & aliquando uxor debet instruere virum. Sic Tobias uxorem Annam commonebat his verbis: *Tunc hortatus est Virginem Tobias, dixitque ei: Sata, exurge, & deprecemur Deum hodie & cras, & secundum cras; quia his tribus noctibus Deo jungimur. Tertia autem transacta nocte in nostro erimus conjugio, filii sanctorum sumus, non possumus ita conjungi, sicut gentes quæ ignorant Deum.* Tob. 8. v. 4. Sic Abigail virum Nabal interdum admonebat, & Monica virum suum Patricium.

Consect. 4. Conjugati debent sese mutuis exemplis ad pietatem inflammare, v.g. simul orare, simul Sacramenta frequentare, &c. Id docet Chrysost. Hom. 20. in Epist. ad Ephes. *Sint preces vobis communes, inquit, unusquisque eat ad Ecclesiam, & eorum quæ illic dicuntur, & leguntur & maritus ab uxore partem domi exigit, & illa a marito.*

Consect. 4. Conjugati ita debent sancte conversari, ut eorum exemplo cæteri tum fideles, tum infideles sanctitatem addiscant: ita

ita docet Petrus 1. cap. Similiter, inquit, & mulieres subditæ sint viris suis; ut & si qui non credunt verbo, per mulierum conversationem sine verbo lucrifant, considerantes in timore castam conversationem vestram.

CAPUT VI.

De mutuo Pastorum oviumque officio.

ARTICULUS I.

De officio ovium erga Pastores.

PROB. unica. Pastoribus debemus amorem, reverentiam, obedientiam, & subsidium.

Prob. 1. Scriptura. Debemus primo amorem Pastoribus nostris, juxta illud Pauli: Rogamus autem vos, fratres, ut noveritis eos, qui laborant inter vos, & præsumunt vobis in Domino, & monent vos, ut habeatis illos abundantius in CHARITATE. Propter opus illorum pacem habete cum eis. 1. ad Thess. c. 5. v. 12. Secundo reverentiam eis debemus, juxta illud: Honora Deum ex tota anima tua, & HONORIFICA Sacerdotes, Eccles. c. 7. v. 33. Tertio debemus ei subsidium, juxta illud: Honorifica Sacerdotes & propurga te cum brachiis, da illis partem PRIMITIARUM, sicut mandatum est tibi. Eccles. c. 7. v. 33. Et juxta illud Pauli: Quis militat suis stipendiis unquam? quis plantat vineam, & de fructu ejus non edit? quis pascit gregem, & de lacte gregis non manducat? Si nos vobis spiritualia seminavimus, magnum est si nos carnalia vestra metamus. Quarto eidem debemus obedientiam, juxta illud: Qui autem superbiebat, nolens OBEDIRE Sacerdoti imperio, morietur homo ille. Deut. 17. v. 12. Et juxta illud Pauli: OBEDITE præpositis vestris & subiacete eis: ipsi enim pervigilant, quasi rationem pro animabus vestris reddituri. ad Heb. c. 13. v. 17. Ergo Pastoribus debemus amorem, reverentiam, obedientiam, & subsidium.

5. Ex lib. 2. Constitut. Apostolic. qui liber, licet verus non sit sæctus Apostolorum, gravis est tamen auctoritatis: sic ergo habetur c. 20. At vero bonum Pastorem Laicus honoret, diligat, metuetur aut patrem, ut Dominum, ut verum, ut Dei Pontificem, ut magistrum pietatis: qui enim odit eum, Christum odit, & qui ei non obtemperat, non obtemperat Christo, & qui Christum non recipit, non recipit Patrem ejus. Qui enim vos odit, me odit, & qui vos spernit, me spernit, & qui me spernit, spernit eum qui misit me.

3. Ex Conc. Carisiacensi an. 858. c. 7. Rectores ac Pastores Ecclesiarum, ut Patres, & Christi Vicarii colite, sicut sancta Scriptura præcipit, dicens: Sacerdotes Dei sanctifica, & Magnati humilia caput tuum: eorumque Spiritualia consilia obaudite iterum dicente scriptura Labia Sacerdotis custodient scientiam.

4. Rat. Pastores sunt spirituales patres fidelium, juxta illud: In Christo per Evangelium ego vos genui: Ergo eadem eis debemus officia, quæ parentibus carnalibus: ergo debemus ei amorem, reverentiam, obedientiam & subsidium.

Consecraria hujus Doctrinæ.

Consect. 1. Peccant fideles, qui interius non amant Pastores suos spirituales, & qui in circumstantiis debitis non dant signa externa amoris erga illos: quocirca Paulus reprehendit Galatas, quod amor ille, quo eum deperibant, paululum tepesceret. Ubi ergo, inquit, beatitudo vestra? Testimonium enim perhibeo vobis, quia si fieri potuisset, oculos vestros eruissetis & dedissetis mihi: ergo inimicus vobis factus sum, verum dicens? ad Galat. 4. v. 15.

Peccant gravius qui interius odio habent Pastores suos, aut qui exteriori proferunt signa latentis odii: illud enim odium non tam in Pastores quam in ipsum Deum refunditur, ut monet Greg. Regis. lib. 12. Indic. 7. Epist. 7. Cum in præpositos delinquimus, ejus ordinationi, qui eos nobis prætulit, obviamus. Unde Moyses, dum contra se & Aaron conqueri populum cognovisset, ait: nos enim quid sumus? Nec contra nos est murmur vestrum, sed contra Deum.

Consect. 2. Peccant fideles, qui pastoribus debitam non exhibent reverentiam, v. g. non alte sentiunt de illis, non eos alloquuntur verbis honorificis; quippe, ut ait Chrysost. Homil. 17. in Matth. Sacerdotes Christi Vicarii sunt: qui honorat Sacerdotes Christi, Christum honorat. Et lib. 3. de dignitate Sacerdotali ait: Per ipsos Sacerdotes Christum induimus: per ipsos Dei Filio conjungimur: per ipsos membra beati ipsius capitis efficitur. Quomodo ergo nobis isti non solum reverendi magis quam Reges, aut judices, sed etiam nobis magis erunt honorabiles, quam parentes? Exemplum habemus tremendum de illis, qui non honorant Sacerdotes, in pueris illis, qui Prophetam quasi calvum irridebant; egressi enim duo urli de saltu laceraverunt ex eis quadraginta duos pueros, qui Prophetam verbis injuriis irriterant. Unde Aug. serm. 102. de verbis Evangel. Luc ait:

Videte ne spernatis nos, ne ad illum perveniat injuria quam nobis feceritis. Si enim non timetis nos, illum timete qui dixit: Qui vos spernit, me spernit.

Consect. 3. Peccant fideles, qui pastoribus non obediunt in his, quæ salutem nostram spectant: dicitur enim Matth. cap. 23. v. 2. *Super cathedram Moysi sederunt Scribae & Pharisei: omnia ergo quaecumque dixerint vobis servate & facite, secundum opera vero eorum nolite facere.* Legitur insuper in Epist. quæ tribuitur Clementi: *Quicumque Episcopis non obediunt, indubitanter rei & reprobi existunt.* Et Aug. serm. 147. de verbis Evangelii Joannis, alias 62. de verbis Domini, ait: *Pertinet ergo ad nos Episcopos cura, ad vos fideles obedientia; ad nos vigilantia pastoralis, ad vos humilitas gregis.*

Consect. 4. Peccant fideles, qui debitum non conferunt Pastoribus suis subsidium, v. g. decimas, oblationes &c. scriptum est enim in lege Moysi: *Non alligabis os bovi trituranti; ita & Dominus ordinavit his, qui Evangelium annunciant, de Evangelio vivere.* 1. ad Corint. c. 9. v. 9. Et rursum: *Qui bene præsumunt Presbyteri duplici honore digni habeantur; maxime qui laborant in verbo & doctrina.* Unde ait Chryl. in epist. 1. ad Tim. c. 15. hom. 15. *Opportet Doctores necessarium victum astatim ministrari, ne deficiant, atque solvantur; ne minimis occupati, magnis seipsum atque alios privent, ut spiritualia operentur.* Sunt enim, ut dicit Christus, operarii in vinea Domini operantes, quibus propterea denarius diurnus libenter impendendus est.

ARTICULUS II.

De officio Pastorum erga oves suas.

Prop. unica. Pastores debent ovibus suis amorem, bonum exemplum, instructionem, & Sacramentorum administrationem.

Prob. 1. Scriptura. Primo Pastores debent ovibus suis amorem, juxta illud Pauli ad Corint. 2. c. 6. v. 11. *Os nostrum patet ad vos, o cor nostrum dilatatum est: non augustiniani in vobis, ut est amor noster, qui in vos omnes diffusus est, juxta illud Joan. Epist. 3. v. 1. Senior Gazo carissimo, quem ego diligo in veritate.* Secundo bonum exemplum, juxta illud Pauli: **EXEMPLUM** esto fidelium, in verbo, in conversatione, in caritate, in fide, in castitate. 1. ad Tim. c. 14. v. 1. Ita se gessit caput omnium Pastorum Christus, de quo dicitur: *Cæpit Jesus facere & docere.* Et rursum:

Exemplum dedi vobis, ut quemadmodum ego feci, ita & vos faciatis. Joan. c. 13. v. 15. Tercio instructionem debent Pastores ovibus suis, juxta illud Pauli ad Tim. 4. v. 2. **ARGUE, OBJECRA, INCREPA** in omni patientia, & doctrina. Et rursum: *Attende tibi, & doctrine: insta in istis.* Hoc enim faciens, & te ipsum salvum facies, & eos qui te audiunt. ibid. v. 16. Hoc docuit nos Christus, qui vicos & pagos evangelizando peragravit. Quarto Pastores debent ovibus suis cum doctrina conjunctam Sacramentorum administrationem, juxta illud Matth. 28 v. 19. **Euntes DOCETE** omnes gentes **BAPTIZANTES** eos in nomine Patris, & Filii, & Spiritus sancti, id est, docete, Baptismum & alia Sacramenta conferte. Ergo Pastores debent fidelibus amorem, instructionem, bonum exemplum, & Sacramentorum administrationem.

2. Ex lib. 2. Constitut. Apostolic. c. 20. ubi sic habetur: *Similiter Episcopus tamquam filios diligat laicos, prosequentes eos studio caritatis, & fovens tamquam ova ad acquirendos pullos, aut tamquam pullos, finu eos complectens ad acquirendum gallinas: omnes monens, omnes increpans acerbè quicumque increpatione acerbà indigent, sed non seriens, premens ut revereantur, non ut evertantur; monens ut convertat, increpans ut corrigat, &c. ergo.*

3. Ex Concilio Colonien. primo ann. 1536. part. 3. c. 1. ubi explicans illud dictum Petro, *Pasce agnos meos*, sic loquitur. *Id fecerimus si gregem Christi post Christum unice diligamus, atque eumdem tam verbis doctrina, quam operis exemplo pascamus, divinarumque Sacramentorum dispensatione sustentamusque.*

4. Rat. Pastores sunt Patres spirituales fidelium, Duces, Doctores & Nutritii: ut Patres debent amorem filiis, ut Doctores instructionem, ut Duces bonum exemplum, ut Nutritii pabulum Sacramentorum. Ideo ait S. Carolus in oratione habita in Concilio primo Mediolanen. ann. 1565. *Hoc munus Pastoris, hoc Ducis officium, hæ gubernatoris partes sunt, ut gregi, militibus, navibus salus præfetti incolumitas continetur.*

Consectaria bujus Doctrinæ.

Consect. 1. Peccant Pastores qui oves suas in ordine ad salutem æternam non diligunt: quod officium ita explicat Aug. serm. 296. in natali Apost. Petri & Pauli, alias de diversis. 108. ubi sic interpretatur hæc verba: *Pasce*

oves meas. Commendo tibi oves meas, inquit: quas oves? Quas emi sanguine meo. Mortuum sum pro eis. Amas me? Morere pro eis.... Dei nobis Deus vires sic amandi vos, ut possimus mori pro vobis aut effectu, aut affectu. Et Leo VII. epist. 2. ad Gerardum Laurealensem Archiepiscopum, sic Pastoris amorem erga oves describit: Si Pastores ovium Solis ardorem, geluque pro gregis sui custodia die ac nocte ferre consentiunt: & ne qua ex eis aut errando pereat, aut serenis laniata moribus rapiatur, oculis semper vigilantibus circumspiciant: quanto sudore, quantaque cura debeamus esse pervigiles nos, qui Pastores animarum dicimur, attendamus.

Consect. 2. Peccant Pastores, qui ovibus suis non prælucent bono exemplo. Pastor enim, ut habetur Matth. c. 9. est sal terræ, & lux mundi ut luceat omnibus qui in domo sunt: Ergo debet bono suo exemplo fidelibus præluce. Ideo Aug. in Psalm. 39. explicans illud: videbunt iusti & timebunt, ait. In Ecclesia iste ordo est, alii præcedunt, alii sequuntur: & qui præcedunt, exemplo se præbent sequentibus: & qui sequuntur, imitantur præcedentes.... Ergo qui jam directos gressus habent in petra, id est Pastores, forma sint fidelibus, instar Pauli, qui dicebat: Imitatores mei estote, sicut & ego Christi.

Consect. 3. Peccant Pastores, qui non instruunt plebem sibi commissam juxta regulas ab Ecclesia præscriptas: de quibus speciatim, ubi de statu Clericorum. Sed generatim omnibus Pastoribus in persona Isaïæ dicitur: Quasi tuba exalta vocem tuam. Pastores enim, qui tacent, iram Dei incurrunt, ut fatetur Isaïas: Pæ mibi, quia tacui. Isaï. c. 60. Quippe teste Basilio in regul. brev. reg. 48. Cui docendi munus commissum est, si annuntiare negligat, perinde ut homicida judicatur. Terribile quidem, & tamen verum, quod ait Prosper lib. 1. vitæ contemplativæ c. 20. Ille autem, cui dispensatio verbi commissæ est, etiam si sancte vivat, & tamen perditæ viventes arguere erubescat, aut metuat, cum omnibus, qui eo tacente perierunt, perit; & quid ei proderit non puniri suo, qui puniendus est alieno peccato?

Consect. 4. Peccant Pastores, qui fidelibus quoties opus est, Sacramenta non administrant: Episcopi, v. g. qui Confirmationem non administrant: Parochi, qui non administrant Pœnitentiam & Eucharistiam, qui non visitant infirmos, nec eos consolantur. Conc. Narb. de Parochis agens, sic habet: Invigilent Parochi super gregem, & parati semper sint, ne per illorum negligentiam aut parvuli sine Baptismo, aut adulti sine Sacramentis Pœnitentiæ, Communionis, & Extreme Unctionis moriantur.

CAPUT VII.

Quæ sit mutua obligatio Pædagogorum, & discipulorum.

ARTICULUS I.

De officio discipulorum erga Pædagogos.

Prop. unica. Discipuli eadem debent Pædagogis quæ filii Parentibus, scilicet, amorem, obedientiam, reverentiam, & subsidium honorarium præscriptum. Probatum eisdem rationibus, & autoritatibus, quibus superior propositio probata est.

Consectaria hujus Doctrinæ.

Consect. 1. Peccant discipuli quoties Pædagogis suis tum privatis, tum publicis non exhibent amorem, obedientiam, reverentiam interius & exterius; quia eadem fere debent Pædagogis quæ patribus: quod adeo verum est, ut istud nec ipsis pagani fuerit incognitum; sic enim Quintilianus instruit Pædagogum, eique qualem animum habere debeat erga discipulos præscribit, lib. 2. Sumat igitur ante omnia parentis erga discipulos animum, ac succedere se in eorum locum, a quibus liberi traduntur, existimet. Et pari ratione discipuli animum filiorum erga Pædagogum suum concipiant.

Consect. 2. Peccant parentes, qui puerorum suorum Pædagogis tum privatis, tum publicis debitum non conferunt honorarium: dignus est enim operarius mercede sua. Honorarium religiosissime impendendum esse denotant privilegia ab Imperatoribus Pædagogis publicis concessa. Cod. Theodof. lib. 3. tit. 3. leg. 16. Grammaticos, Oratores, atque Philosophiæ Præceptores, nec non etiam Medicos, præter hæc quæ retro latarum sanctionum auctoritate consecuti sunt privilegia immunitatisque, frui hac prærogativa præcipimus, ut nulla municipali, nulla Curialium collatione, nulla senatoria, vel glebali descriptione vexentur: seu indepta administratione, seu accepta testimoniali meruerint missionem, sint ab omni functione omnibusque muneribus publicis immunes: nec eorum domus ubicunque posita, militem, seu judicem suscipiant hospitandum. Quæ omnia filijs etiam eorum & conjugibus illibata præcipimus custodiri, ita ut nec ad militiam liberi memoratorum trahantur in viam. Hæc autem & professoribus memoratis eorumque liberis deferenda mandamus. Ergo, ut sequamur mentem

tem Imperatorum, iustum stipendium Pædagogis impendendum est.

Confess. 3. Culpandi sunt maxime parentes, qui in eo, quo par est, honore non habent (præcipue coram pueris). Pædagogos tum privatos, tum publicos. Ex illo enim Pædagogorum contemptu fit, ut pueri magistros suos parvi faciant, monita eorum aspernentur, & ea, quæ ab ipsis edocentur, oscitanter addiscant. Diversa omnino fuit Antiquorum erga Pædagogos filiorum suorum reverentia: Philippus Macedo vetuit, ne coram Aristotele præceptore Alexander discipulus sederet, ut modestius & dociliter magistri documenta susciperet. Theodosius magnus iussit, ut ejus filii Arcadius & Honorius Imperatoris insignia deponerent, quandiu eis lectio ab Arcentio præceptore fieret: & quidem merito; quia, ut bene notat Aristoteles, Deo, parentibus, magistris nunquam satis magna reverentia exhiberi potest; cujus pulchra est illa sententia: *Qui interrogat: an Deus, parentes, & magistri colendi sunt? pœna indiget, instructio- ne non indiget.*

ARTICULUS II.

De officio Pædagogorum erga discipulos.

Prop. unica. Pædagogi sive privati, sive publici, idest sive hi, qui publice in scholis docent, sive hi, qui in domibus privatim instruunt pueros, duobus debent præcipue insistere, scilicet, moribus efformandis, & scientiis edocendis.

Prob. 1. Ex Scriptura. Paulus scribens ad Tim. epist. 2. c. 2. v. 15. sic eum instruit, & in ejus persona omnes Episcopos, cunctosque præceptores, qui sunt quasi domestici Episcopi. *Solicite, inquit, cura te ipsum probabilem exhibere, idest, exhibe te probum, seu probatum Deo: Operarium inconfusibilem, cui non sint pudori pravi mores, vel ignorantia: Recte tractantem, seu secantem, verbum veritatis, idest, qui instar nutricis cibum animarum, scilicet verbum Dei, in particulis fecerit, ut commodius glutiat. Ergo præceptores duobus debent præcipue insistere, scilicet, moribus efformandis, & scientiis edocendis.*

2. Art. statutis Facultatis Parisiensis art. 1. *Ad docendam & regendam juventutem, magistros probatæ vitæ, & doctrinæ recipiant, qui suo munere recte fungi noverint: quorum mores in primis spectandi, ut pueri ab his & litteras simul discant, & bonis moribus imbuantur. Ergo præceptores & moribus efformandis, & scientiis edocendis debent insistere.*

3. Rat. Duo præcipue mala a peccato originali oriuntur. Primum est proclivitas ad peccandum: secundum est ignorantia: ergo Pædagogi duobus his malis medeantur necesse est; oportet ergo, ut proclivitatem peccandi a malo inflectant, bonos mores inspirando, & ignorantiam expellant, mentem bonis artibus inquitendo.

§. I.

De his, quæ informantis puerorum moribus inservire possunt.

Confess. 1. Oportet ut Pædagogi sint ipsimet optimis moribus imbuti, quia alias probitatem pueris inspirare non possunt. Scriptura enim loquens de Episcopo Epist. 1. ad Timoth. cap. 3. v. 2. ait: *Oportet ergo Episcopum irreprehensibilem esse.* Ergo & Pædagogum, qui est quasi Episcopus, idest speculator. Unde dicitur Cod. Just. lib. 10. tit. 52. l. 7. *Magistros studiorum, Doctoresque excellere oportet moribus primum, deinde sacundia.* Et Concil. Burdig. an. 1624. ait: *Ne quis hujusmodi Præceptorum, quod non raro accidit, sit vinosus, blasphemus, maledicus, scurrus, aut aliquo vitio ita inquinatus, quod inde tenera juvenus semina vitiorum exjugere queat.*

Confess. 2. Oportet ut Pædagogi discipulis suis bono exemplo præluceant, quia alias virtutem ipsis inspirare non possunt: ait enim Paulus scribens ad Timoth. 1. 4. vers. 12. *Exemplum esto fidelium.* Ergo pari ratione idem Pædagogis dici potest. Unde Aug. loquens de omnibus, qui præluce debent exemplo, ait: *Quantiscumque exemplum male conversationis, etiam si non illud illi sequantur, præbuerunt, pro tantis se malis rationem noverint reddituros.* Et ipse Quintilianus, licet paganus, id necessarium in præceptore agnovit; ait enim lib. 2. cap. 1. *Ipse nec habeat vitia, nec ferat.* & cap. 2. *Magistrorum primum inspicere mores oportebit.*

Confess. 3. Oportet ut Pædagogi in omnibus probitatem prius inspirent pueris, quam scientiam; probitas quippe via est ad scientiam. Dicit enim Scriptura Sap. cap. 1. vers. 4. *In malevolam animam non introibit sapientia, nec habitabit in corpore subdito peccatis:* & c. 4. v. 12. *Fascinatio nugacitatis obscurat bona, iludendo scilicet, & impediendo ne verum a falso fecernamus.* Unde Concil. Burdig. an. 1583. c. 8. ait: *Omnes autem præceptores, sive publici, sive privati Carechismum, sive Doctrinam Christianam ea forma dumtaxat, quæ ab Ordinario loci præscribitur, juventutem docere, lectiones prævia oratione incipere, itemque finire,*

& singulis Dominicis & festis solemnibus discipulos ad Ecclesiam pro officiis Divinis, & concionibus verbi Dei audiendis, deducere teneantur.

Confess. 4. Oportet ut Pædagogi severius puniant peccata contra mores, quam contra scientiam, offendentes scilicet scientias sæculares fallaces esse, tædio & indignatione plenas, juxta illud Ecclesiæ. c. 1. v. 17. *Dedique cor meum, ut scirem prudentiam atque doctrinam, erroreque & stultitiam, & agnovi quod in his quoque esset labor & afflictio spiritus; eo quod in multa sapientia multa sit indignatio; & qui addis scientiam addis laborem.* Ostendat pueris, quod unum sit maxime necessarium, scilicet, probitas, juxta illud Ecclesiæ. c. 22. v. 13. *Finem loquendi pariter omnes audiamus, Deum time, & mandata ejus observa: hoc est enim omnis homo.* Unde queritur Aug. lib. Confess. c. 38. quod Pædagogi severius punirent sollicitissimos quam vitia, magisque vituperarent pronuntiationem contra Grammaticam, quam contra divinas leges prævaricationem.

Confess. 5. Oportet ut Pædagogi ita auctores profanos discipulis explicent, ut maxime caveant ab his locis, quæ vel fidei obesse possunt, vel moribus. Si enim corrumpunt bonos mores colloquia mala, ut dicit Scriptura; quanto magis nocebit attentata & sæpius repetita lascivia, aut irreligiosi auctoris lectio? Id prohibet Concil. Turon. an. 1581. c. 3. ubi sic habetur: *Prohibet Synodus, ne libri ad lasciviam & luxum provocantes legantur, aut retineantur sub anathematis pena.* Et Concil. Burdig. an. 1583. ait: *A scholis Christianorum libri non solum impij, verum etiam impuri longe arceantur.* Iplemet Quincel. lib. 1. c. 8. quantum ea lectio noceret pueris agnovit; ait enim: *Non auctores modo, sed etiam partes operis elegeris: nam & Græci licenter multa; & Horatium in quibusdam nolumus interpretari.* Quantum id libi nocerit fatetur Aug. Confess. lib. 1. c. 16. & 17.

Immo si quid in Auctoribus profanis aut peccatum, aut sapienter excogitatum inveniat, illud omne prudentes Pædagogi in Deum verum, qui est Pater luminis, relinendum esse, puerorum animis inculcent: sæpius fundamentum illud Religionis nostræ instabunt, scilicet, quod homo corruptus longe proclivior sit ad errorem, quam ad veritatem, etiam in rebus naturalibus, & quod in supernaturalibus omnino exæcuiat. *Divini muneris est,* inquit Concil. Araus. can. 9. *cum recte cogitamus, & pedes nostros a facilitate & justitia tenemus. Quoties enim bona agimus, Deus in nobis atque nobiscum, ut operemur, operatur.*

Confess. 6. Si Pueros vel cantu, vel declamationibus exerceant Pædagogi, curent, ut pueri ea canant, ea recitent quæ pietatem inspirant, non impietatem, probitatem, non libidinem. Eas sæculi vanitates sic despiciat Propheta: *Narraverunt mihi iniqui fabulationes; sed non ut lex tua.* Et Aug. deslet. 1. Confess. cap. 17. ingenium suum occupatum fuisse fabulis Paganorum, Authorum profanorum scriptis diutius, quam par erat, fuisse detentum. *Nonne,* inquit, *ecce illa omnia fumus & ventus? Ita ne aliud non erat ubi exerceretur ingenium, & lingua mea? Laudes tuæ, Domine, laudes tuæ per Scripturas tuas suspenderent palmitem cordis mei, & non vaperetur per inania nugatur, surpis præda voluptatis?*

Confess. 7. Oportet demum ut Pædagogi a discipulis, quantum poterunt, amoveant ea omnia, quæ mores labefactare possunt: commercium, v. g. cum famulis vulgo vitiosis interdiciant, omnem cum aliis pueris petulantibus societatem penitus dissolvant; quia nihil est quod magis probitati noceat, quam malorum societas, ut dicitur Prov. c. 4. v. 14. *Nec delecteris in semitis impiorum, nec tibi placeat malorum vita, fuge ab ea, nec transeas per illam, declina, & desere eam.*

Confess. 8. Præceptores illum dumtaxat permittant discipulis suis sensuum externorum usum, qui vel tutando corpori, vel scientiis acquirendis, vel moribus informandis inservire queat. 1. Moneant discipulum, ut cor ab omni pravo affectu temperet: *Omni custodia serva cor tuum,* inquit Sapiens Prov. c. 4. v. 23. *quia ex ipso vita procedit.* 2. Auditum discipuli permittant quidem vel musicis concentibus demulceri, vel utilibus narrationibus & instrui & delectari; sed nihil sinant coram discipulo enarrari, quod vel turpe sit, vel malignum. *Corrumpunt bonos mores colloquia mala,* inquit Paulus; & rursus: *Fornicatio nec nominetur in vobis, sicut decet sanctos.* Et Sapiens Prov. c. 4. v. 24. *Remove a te os pravum & detrahentia labia sint procul a te.* 3. Visum discipuli ita occupent, ut dicat contemptari cælorum ornatum, terræ divitem proventum, fontium scatebras, fluminum lapsus, maria vasta, animantium varias species; & hæc omnia, ut serviant usibus hominum, tantum ut homo serviat Conditori suo. Picturis statuisve non impediatur pasci discipulorum oculos; sed ea cautela, ut nihil turpe videant, nihil obscenum. *Oculi tui recta videant,* inquit Sapiens Prov. c. 4. v. 25. David vero ita Deum precatur: *Averte oculos meos ne videant vanitatem.* 4. Ita invigilent odoratus

ratui discipulorum, ut eos odores ultro concedant, qui cerebro possunt esse robori, minime eos, qui libidini queant esse incitamento; odorum enim molles amatores non erunt impuniti, inquit Isaias cap. 3. v. 34. *Et erit pro suavi odore factor. s. Gustum ita moderentur, ut cibos tantum permittant ad vitam sustentandam, non ad fovendam intemperantiam. Optimum enim est, inquit Paulus, gratia stabilire cor, non escis, quæ non profuerunt ambulanti in eis.* ad Hebr. 13. v. 9. 6. *Tantum ita refrænent, ut sciant discipuli, nefas esse extra necessitatem aliquas partes tum sui, tum aliorum tangere.*

§. II.

De his, quæ necessaria sunt Pædagogis, ut pueros scientiam doceant.

Consect. 1. Oportet ut Pædagogi ea optime calleant, quæ pueros docturi sunt; alias ea discipulis docere non possent. Deinde, ut optime ait Th. 1. 2. q. 76. a. 2. in C. *Singuli tenentur ea scire, quæ ad eorum statum vel officium spectant.* Ergo Pædagogi tenentur ea optime nosse, circa quæ discipulos instituire satagunt. Ideo Codice Theod. lib. 3. tit. 3. leg. 5. *Cavetur ut quisque docere vult, non repente, nec temere proficiat ad hoc munus, sed iudicio ordinis probatus decretum Curialium mereatur, Optimatum conspirante consensu; & quidem merito; si enim naucleri munus nemo suscipiat nisi eam artem didicerit; quanto potiori iure artem dirigendi pueros debet prius didicisse, qui eam exercere voleret?*

Consect. 2. Oportet ut Pædagogi probe norint puerorum ingenium; ut enim non omnis fert omnia tellus, ita non ad omnes artes idonea est omnis puerorum mens. Legantur quæ de dignoscendis ingeniis scripsit Joannes Huartus Hispanus Medicus, aut quicumque alius, qui mentis humanæ dignoscendæ præcepta tradiderit. Postea vero diligenter incumbendum, ut dignoscatur, qualis sit puer, qui instituendus nobis committitur; apparebit enim alius iracundior, alius lenior, alius præfratior, alius benignior, alius tenacior, alius simplicior, alius fucacior & callidior: hic statim summe vigilandum, ut quod est virtutis provehatur, quod vitii corrigatur. Habet teneram ac quovis flexilem virgulam Pædagogus, habet ceram mollissimam, habet udam argillam; agar ergo, ut bonus plastes. Teneram virgulam in virtutem inflectat, ceram mollissimam virtutis characteres imprimat, & udam argillam in yas honorificum efformet; de.

& ut diligens agricola conatur primo fundum quem culturus est, dignoscere, postea exsiccat limosa, rigat arentia, liberat opaca, æquat aspera, execat fructices, extirpat radices, invenit lætamen, macerat glebas, postea vero inicit semen in novale; idem faciat Pædagogus in commissio filio fundo.

Consect. 3. Oportet ut Pædagogi recta cum methodo ea tractent, quæ docturi sunt; nihil enim est quod magis ab studio deterreat, quam indigesta documentorum farrago. Qui vitium illud fugere voluerit, legat quæ scripsit Dominus de *Fleury* in eo opere, quod scribitur: *Traité du choix des études*: consulat eos, qui artem docendi profitentur.

Consect. 4. Oportet ut Pædagogi ita studium suave & dulce discipulis suis efficiant, ut nihil in eo asperum, nihil amarum discipuli inveniant. *Amet, inquit Hieronymus ad Gaudentium, quod cogitur discere; ut non opus sit, sed delectatio; non necessitas, sed voluntas.* Et epist. ad Lætam: *Non oburganda est virgo si tardior sit; sed laudibus excitandum est ingenium, ut & vicisse gaudeat, & vixisse doleat: cavendum imprimis ne oderit studium.*

Et Quintil. lib. 1. c. 1. sic Pædagogum puerorum instruit: *Id imprimis cavere oportebit, ne studia, quæ amare nondum potest, oderit, & amaritudinem semel perceptam etiam ultra rudes annos reformidet.*

Legantur quæ instituendis pueris scripsit Erasmus; non enim hujus loci est ea omnia percurrere, quæ ad institutionem puerorum necessaria esse possunt.

Consect. 5. Oportet ut Pædagogi in docendo severitatem omnem, salva tamen præceptoris dignitate, procul amoveant. Dicam hic quod dicit Gerfonius de audiendis Confessionibus parvulorum, in opere de parvulis ad Christum trahendis. *Quid proderit, inquit, instructio, dum pueri nec libenter, audient, nec dictis credent, nec imperatis obediunt? Quare maiestatem oportet omnem exuere, & pro parvulis parvulum se facere, seclusis tamen vitis, & propositi a longe omnis impudicitia nota. Adde quod naturam esse contumacem testatur Seneca: magis ducitur quam trahitur. Habet præterea hoc proprium generosa indoles. . . . ut blanditiis quam terroribus magis capiatur desectaturque.* Et inferius id probat exemplo Pauli & Christi. Paulus quippe 1. ad Thessal. cap. 2. vers. 7. *Facti sumus parvuli in medio vestrum, tanquam si nutrix fovet filios suos.* Et Christus Matth. cap. 11. vers. 28. *Venite ad me omnes qui laboratis & onerati estis, & vers. 29. dicitis a me quia mitis sum & humilis cor-*

Confess. 6. Pædagogus, quantum puerorum ætas patitur, prius debent discipulorum mentem efformare quam vocem, prius intelligentiam dirigere quam linguam: cum enim non loquamur, nisi ut mentis cogitata promamus aliis, debitus ordo postulat, ut prius artem cogitandi, quam loquendi doceamus; indeo prudens Pædagogus, dum aliquid proponit discipulis, ostendat primo, quo pacto debeant rem propositam apprehendere, de ea judicare, circa eam discurrere, & quo pacto possint apprehensiones, iudicia & discursus certa methodo ordinare: postea vero demonstret, quo pacto de his, quæ jam mente affectu sunt, cum aliis poterint colloqui. Artem autem cogitandi & loquendi discet Pædagogus si istos libros legat. *L'arte de penser. L'arte de parler. Lagrammaire raisonnée &c.* Quid vero de rebus sentire debeat, non aliunde potest certo addiscere, quam ex Scriptura sacra, ex traditione, &c. Est enim Deus verax, omnis homo vero mendax.

Confess. 7. Sciant Pædagogi, sui muneris effo discipulorum mentibus erga sacros Codices profundam inspirare reverentiam: quod quidem faciunt, si identidem inculcent discipulis, nullum præcæ vetustatis exitare monumentum, in quo gravior, augustior, atque sublimior eluceat vel doctrina, vel eloquentia, quam in sacris Bibliis. Hic liber est, inquit, quem scripsit, non fabulosus Homerus, non credulus Plato, non incredulus Aristoteles, non verbulosus Cicero, non demum homo mendacio obnoxius, sed Deus ipse, & falli & fallere nescius. Liber est, inquit, ex quo hauritur quod ad aures dicunt Confessarii, quod publice prædicant Concionatores, quod in bonum Reipublicæ statuunt Magistratus & Reges, quod demum in bonum Ecclesiæ ordinant Episcopi, constituunt Papæ, & decernunt Concilia. Liber est, inquit, quem Scriptores Canonici, Patriarchæ, Prophetæ, Apostoli, immo & ipse Christus, divinitus inspirati a Deo acceperunt, tradideruntque hominibus: quique continua totius Ecclesiæ tum vigilia, tum cura, ad nos ilibatus pervenit. Post ultimam totius Orbis conflagrationem, Cælorum immutationem, elementorum dissolutionem, sacri illi Codices remanebunt integri, aperientur illi Libri, & sermo, quem continent, iudicabit nos in novissimo die.

Comparabunt identidem prudentes Præceptores sacra Biblia cum Scripturis profanis. Hic liber est, inquit, Ægyptiis sapientibus, verbi gratia, Mercurio Trimegistro multo antiquior: Græcis Philosophis Ho-

mero, Socrate, Platone, Aristotele longe vastior: Latinis authoribus Plauto, Terentio, Cicerone multis sæculis annosior: ex quo eductum est quidquid habent Antiqui facundia, deliciarum Poetæ, veritatis Historici, sapientiæ Philosophi, Legisatores æquitatis: & identidem illud exemplis demonstrabunt, Quid verbi gratia sublimius, dicentes, quid excellius vel cogitari, vel dici potuit, quam illud, quo Moyses initio Genesim prolocutus est nascentis naturæ, atque ipsius humani generis exordium: *Fiat lux, & facta est lux?* Id omnes stupuerunt & admirati sunt Rethores facundissimi, ex quorum numero Longinus Græcus ille, qui tam nasute authorum solet scripta distringere, ob illum quem præ se ferunt hæc verba sublimitatis splendorem, ac stuporis imaginem, exclamando, dixit: Iudæorum Legislator sui nominis virtutem pro dignitate cognovit & pro dignitate expressit. Quid clarius & eloquentius simul occurrere legentibus potest, quam historia Joseph a fratribus agniti? *Joseph*, inquit sacer Historicus, Genes. 47. *non se poterat ultra cohibere multarum adstantibus . . . Elevavitque vocem suam cum fetu Ego sum*, ait, *Joseph: adhuc pater meus vivit? Non poterant respondere fratres nimio terrore perterriti. Ad quos ille elementer: Accedite*, inquit, *Et cum accessissent prope: Ego sum*, ait, *frater vester, quem vendidistis.* Ostendunt Pædagogi suis discipulis, tot tam varios affectus paucioribus verbis non potuisse includi, puta, signa pietatis Joseph erga parentem, amoris erga fratres, & stuporis simul & gaudii in fratribus, qui fratrem vendiderant. Quid pariter eloquentius, quid concitius simul & sublimius ista phrasi, qua impij exaltatio & repentina illius disturbatio describitur: *Vidi impium superexaltatum & elevatum super cedros Libani, transivi & ecce non erat.* Infinita alia sele offerent exempla in libro Job, Prophetarum, &c.

Exhibeant Pædagogi discipulis suis dulciorem nullibi inveniri possum quam in sacris paginis. Ubi Eclogæ magis nativæ, quam in Canticis Canticorum, ubi describitur sacer & pudicus omnino inter Christum & Ecclesiam amor. Ubi carmen generosius, quam canticum Moysis, ubi describitur sepultus in Mari Rubro Pharaonis Exercitus, & per medias undas sicco transiens velligio Hebræus populus. *Stetit*, inquit, *unda fluens, congregatæ sunt abyssi in medio Mari. Dixit inimicus: persequar & comprehendam, dividam spolia, implebitur anima mea, evaginabo gladium, interficiet eos manus mea.* *Pla-*

vit spiritus tuus, & operuit eos mare; submersi sunt quasi plumbum in aquis vehementibus. Ubi carmen lugubrius, quam apud Jeremiam Civitatis sanctæ, civiumque suorum calamitatem flebilibus modis ob oculos ponentem? *Quomodo sedet inquit, sola civitas plena olim populo... omnes ejus portæ destructæ, Sacerdotes ejus gementes, virgines ejus squalidæ... defecerunt præ lacrymis oculi mei, effusum est in terra jecur meum. O vos omnes qui transitis, videte, si est dolor sicut dolor meus.* Ubi demum Poeta luavior, quam David, siue plena alacritatis oratione Deum laudet, siue in summis suis angustiis auxilium a Deo imploret, siue Christum personet ab inferis resurgentem, siue futura, tum de Christo, tum de Ecclesia prophetando, prælagiat.

Ostendunt Pædagogus discipulis nec antiquiorem, nec veriore, nec magis stupentem alibi reperiri historiam, quam in sacris Libris. Hic nascentis describitur Mundi exordium, hic cunctarum nationum primordia jaciuntur. Indicent, non ibi legi fabulosas Amazonas, sed prudentes in domibus suis Saram & Abigail, fortem in bello Deborah, fidem in dilperatis rebus Esther, & generosam Judith uno istu debellantem integras Holophermis copias. Dicant discipulis suis Præceptores, narrari in Bibliis non duobus Herculis labores, sed certissima & fortissima gesta Sampsonis: non Phætonem & Solis curru decedentem, sed Josue Solem & Lunam in medio cursu sistentem. Hic describi non Apollinem oblique respondentem vel Giasio in Medos, vel Pyrrho in Romanos expeditionem paranti, sed Deum aperte, perspicue, & infallibiliter respondentem vel Moyli ad Pharaonem, vel Samueli in Amalecitas, vel Josue in Chananæos proficiscenti.

Discipulis suis certo afferant Præceptores, non alibi quam in Bibliis solidam inveniri Philosophiam. Non hic nascitur Mundus, quo nihil ordinatius, ex temerario atomorum concursu, ut voluit Epicurus, sed summa Dei potentia & nihilo educitur, & summa ejusdem sapientia gubernatur. Ipse dixit & facta sunt, ipse mandavit & creata sunt. Non hic homo vel ex maris spuma, vel ex elementorum pugna, ut quidam fomiarunt, originem trahit; sed corpus, utpote terrestre, ex limo formatur; anima vero utpote mens cogitans a Deo, qui spiritus est, immediate oritur. *Fermavit igitur, inquit Scriptura, Dominus Deus hominem de limo terræ, & inspiravit in faciem ejus spiritum vitae, & factus est homo in animam viventem.* Gen. 2. v. 7. Proponitur hic adorandus Deus, non latro ut Mercurius, non scur-

ra ut Momus, non vorator filiorum ut Saturnus, non luxuriosus ut Jupiter, non vinolens ut Bacchus; sed proponitur Deus, quem veneris ut Dominum, quem diligas ut patrem, cui fidas ut Redemptori, quem sequaris ut exemplar, & ad quem tamquam ad veram beatitudinis fontem incessanter tendas.

Ostendunt demum Præceptores discipulis nullibi æquiores leges constitui, quam in sacris Bibliis. Ideo legant ipsi libros legales tum veteris, tum novi Testamenti, libros sapientiales, & ostendant nihil simile reperiri in libris Paganorum. Et ut hic paucis multa complectar, ostendant pueris, quomodo describat Job Dei potentiam cap. 26. hominum miseri-
am cap. 14. Leviathan fortitudinem cap. 40. & 41.

Ut autem Pædagogus ad manum habeat exempla sacra Eloquentiæ, quæ suis discipulis proponat, indicabo hic aliqua.

Exordium habes desumptum ex parte personæ ad quam sermo dirigitur. Act. 26. v. 2. Exordium habes in qualibet Epist. quam scribit Paulus, præcipue in ea, quam scribit ad Philemonem.

Narrationem simplicem habes in sermo Abrahamæ petente Rebeccam a parentibus in uxorem Isaac. Gen. cap. 24. Narrationem affectibus plenam habes in historia Josephi, cum venditur a fratribus, cum detruditur in carcerem, cum liberatur a carcere, cum agnoscit fratres & agnoscitur a fratribus. Gen. c. 38. usque ad c. 46. Narrationem stupentibus prodigiis plenam habes Exodi: a c. 7. usque ad cap. 12. ubi describuntur plagæ contra Ægyptum.

Descriptiones habes in Bibliis, cunctis numeris absolutas.

Templum describitur lib. 3. Reg. cap. 6. & Palatium Salomonis. cap. 7. Dei magnitudo describitur apud Job c. 12. ar. v. 3. usque ad 25. & cap. 4. & apud Jerem. cap. 32. vers. 17. Plal. 88. v. 7. Dei cognitio describitur Plal. 38. v. 1. & Eccli. c. 16. v. 16. Misericordia hominis describitur ex æte apud Job c. 10. Vanitas indolorum in Plal. 133. v. 4. Sap. 15. v. 7. & v. 15. Constructio idoli ironice describitur Sap. cap. 13. v. 11. Isai. c. 44. v. 12. Jerem. c. 10. v. 3. Vanitas filiarum Sion in ignominiam vertenda quasi ob oculos ponitur apud Isaiam c. 3. v. 17.

Figuræ ita sunt in Scriptura frequentes, ut super vacanem sit eas indicare; ubique enim occurrunt.

Antithesim habes, Isai. c. 3. vers. 18. *Erit pro suavi odore fetor.* 1. ad Corinth. cap. 4. v. 13. *Maledicimur & benedicimur &c.*

Apostrophen habes, 2. Reg. c. 1. v. 21. *Montes Gelboe.* apud Isai. 1. *Audite Celi quæ loquor &c.* apud Matth. *Stulti & tardi corde ad credendum &c.*

Exclamationes habes ad Rom. c. 7. v. 24. *Infelix ego homo, quis me liberavit de corpore mortis huius?*

Imprecationem habes in Psalms. 68. *Fiat mensa eorum in laqueum.*

Repetitionem habes apud Nahum. cap. 1. v. 2. *Ulciscens Dominus, ulciscens Dominus, & habens furorem, ulciscens Dominus in hostes suos.*

Interrogationem habes ad Rom. 3. v. 27. *Ubi est ergo gloriatio tua? exclusa est &c.*

Communicationem habes apud Michazam. c. 7. v. 3. *Popule meus quid feci tibi? &c.*

Enumerationem habes ad Rom. 12. v. 1. *Qui exhortatur in exhortando.*

Quadrantem habes ad Rom. 8. v. 30. *Quos prædestinavit, hos & vocavit: quos vocavit, hos, & iustificavit, &c.*

Suspensionem habes apud Joan. cap. 4. v. 10. *Mulier si scires donum Dei.*

Interrogationem habes ad Corinth. 2. c. 11. *Quis infirmatur, & ego non infirmor? &c.*

Optationem habes apud Jer. 9. *Quis dabit capiti meo fontem lacrymarum?*

Ironiam habes Gen. 3. *Ecce Adam, quasi unus ex nobis factus est.* Et 3. Reg. c. 18. ubi Propheta sic irridet Sacerdotes Belial: *Clamate voce maiore &c.* Et apud Joan. 3. *Tu es Magister in Israel, & hæc ignoras?*

Oblecationem habes ad Rom. 10. *Obsecro vos fratres per misericordiam Dei.*

Exhortationem habes apud Isaiam 1. v. 16. *Lavamini, mundi estote, auferite malum cogitationum vestrarum, &c.*

Admirationem habes apud Isaiam 14. *Quomodo cecidisti de caelo Lucifer? &c.*

Tot sententias habes, quot sunt pharases in Libris sapientialibus.

Si discipuli capaces sint solidioris ratiocinationi, bonum erit interdum eis proponere explicationem analyticam alicujus epistolæ.

6. III.

Monitum utile Pædagogis.

Unum est quod eos Pædagogos, qui vel ob indocilitatem, vel levitatem puerorum, vel ob ingratum aliquando erga eos parentum animum, tædium in docendis pueris concipiunt, præmonitos velim. Sciant, institutione puerorum nihil esse vel Deo acceptius, vel Ecclesiæ utilius, vel etiam coram sensatis hominibus gloriosius.

1. Nihil eo exercitio potest esse Deus acceptius: vult enim Deus Religionem suam omnibus hominibus explicari, juxta illud, *Docete omnes gentes*; sed vult præcipue eam parvulis diligenter exponi. Increata enim Sapientia sic habet Prov. c. 1. v. 20. *Sapientia foris prædicat... usque quo parvuli diligit insipientiam? ... convertimini ad correctionem meam.* Et c. 8. v. 5. *Intelligite parvuli astutiam & insipientes animadvertite.* Et Christus Sapientia incarnata, Matth. cap. 19. v. 14. ait: *Sinite parvulos venire ad me, & nolite prohibere; talium enim est regnum Cælorum.* Et Marc. c. 10. v. 13. sic habetur: *Discipuli autem comminabantur offerentibus; quod cum vidisset Jesus, indigne tulit & complexans eos parvulos, & imponens manus super illos, benedicebat eos.* Quæ verba, inquit Gersonius, si cum suo pondere sententiarum consideremus ingentem profusus acerbæ, mordacisq; invectionis materiam habebimus in eos, qui parvulorum salutem & accessum ad Christum præpediunt, & puerorum institutionem, quali Deo parum acceptam, dedignantur.

2. Nihil eo exercitio Ecclesiæ utilius, ut notat idem Gersonius ibidem, ubi asserit: *Reparationem morum Ecclesiasticorum inchoandam esse a parvulis; quia enim,* inquit, *puer minus corrupti, minusque tenaciter infecti sunt, capaciores inveniuntur doctrinarum salubrium... apti sunt ad accipienda bonorum studiorum exordia, quando nondum falsas opiniones altius imbibuerunt, quando nondum radicibus hærent perniciosæ adinventiones in eis.* Vires sunt recentes pro liquoribus optimis. Novellæ præterea plantationes, quæ sequuntur, leviter quo ducen- tis manus deflexerit, ... Pueri sic vere instituti esse quoque poterunt altorum Doctores, instructoresque commodissimi maxime domesticorum. Unde patet, institutione puerorum nihil esse Ecclesiæ utilius.

3. Nihil eo exercitio coram sensatis hominibus potest esse gloriosius: quod quidem invictissime probat Gersonius his verbis. *O piissima Jesu, quis ultro post te verecundabitur esse humilis ad parvulos? quis tumescens & elatus de sua vel magnitudine, vel scientia parvitatem deinceps parvulorum, igno- rantiam, vel imbecillitatem audebit aspernari? quando tu, qui es Deus benedictus in secula, in quo sunt omnes thesauri sapientiæ & scientiæ absconditi, usque ad castissimos parvulorum amplexus beata brachia mansuetus inclinas, atque circumligas? Procul ergo, procul ex hinc omnis elatio, seorsim sit indignabunda quælibet arbitretur effusio. Perhonorificum ergo arbitremur pueros instituere, etsi sint male sensati quidam homi-*

homines, qui munus illud frigidis laceſcant diſſeris, & arrogant ſupercilio aſpernentur. Sed in tam arduo exercitio ſufficiat Chriſtianus Pædagogus apud Deum approbatus: quod quidem ſicut nihil eſt difficilius, juxta illud Hieron. dial. adver. Lucif. *Difficile eſt Deo tantum judice eſſe contentum*; ita nihil jucundius quam apud Deum approbari, juxta illud Pauli 1. ad Corint. 4. v. 3. *Mibi autem pro minimo eſt ut a vobis judicer, aut ab humano die*. Et juxta illud Davidis: *Maledicent illi, & tu benedices*. Plal. 108. v. 28.

S. IV.

Quæ monita dare poſſint Pædagoꝑi parentibus.

Multa ſunt, quæ Pædagoꝑi tum privati, tum publici per ſeipſos impedire non poſſunt; qualia ſunt, verbi gratia, viſtus delicatior, veſtitus mollior, aut luxurioſior, nimia fratrum ſorumque ſocietas, periculofa plurium puerorum jam pubeſcentium in eodem lecto cubatio, & alia hujusmodi, quæ penes Pædagoꝑum non eſt ſemper dirigere, ſed ejus ſolum eſt prudenter parentes commone. Quod ut præſtat facilius, ſubſiciam hic quædam præcepta de nutriendis & educandis liberis e diverſis auctoribus excerpta, quæ ſpiciens Pædagogus poterit ſuo loco & tempore pro-pone.

In primo ſeptennio, ideſt, ab ortu ſque ad ſeptimum annum, infantes nutriendi ſunt primo lacte, deinde cibo molli, qui facile digeri valeat: quod innuit Paulus 1. ad Cor. 3. *Tanquam parvulis in Chriſto lac vobis potum dedi, non eſcam*. Vino omnino abſtineant infantes dum lactantur; vinum enim admixtum lacti corruptionem ingenerat. Corpus ea ætate magis aſſueſcere debet frigori quam calori, ut robuſtus infans evadat: cujus rei ſignum eſt, quod populi frigida: regionis ſunt robuſtiores, ut patet ex Germanis, & Anglis. Infantes abſtaſati temperatis motibus ſunt aſſueſciendi; ſicuti enim frigus temperatum nativum calorem concentrat, ita motus temperatus eundem calorem acuit, & humores noxios fugat. Ubi infantium notitia vini ſuam exereſce incipit, recreandi ſunt ludis, cantibus: cavendum maxime ne quid triſte vel audiant, vel videant; alias reddunt toto tempore vitæ formidoſi. Cohibendi ſunt a ploratu vociferativo; per ploratus enim & ejulatus emittuntur ſpiritus & debilitatur corpus: nec minis, nec verberibus prohibendi ſunt a ploratu, ſed blanditiis quantum po-teſt fieri.

Prima illa ætate, cum nondum ratio munus

ſuum exerceat, ducaturque infans magis ſenſibus, quam mente, occupandus eſt infans piſturis videndis, characteribus inſpiciendis, exiguiſque computationibus numerandis.

In ſecundo ſeptennio ab anno ſeptimo uſq; ad decimum quartum, cum corpus eſt robuſtius, & ratio paulo vegetior, ſic & nutriti & educari poſſunt infantes. Primo, quoad corpus, nutriendi ſunt cibo craſſiori potius quam molli; quia cibus mollior reddit puerorum ingenium iners & ſtupidum, corpus vero debile & flaccidum. Cibus ita debet eſſe temperatus, ut nec copia ſepeliatur ingeniij vigor, nec inopia corpus reddatur infirmum. Vino abſtineant, aut ſi concedatur ulus vini, non niſi lymphato utantur; vinum enim, juxta Scripturam, multum potatum & iras concitat, & ruinas multas facit, & a ſtudiis mentem amovet.

Exercendum eſt corpus ea in ætate curſu, ludopiliari, ut robuſtiores evadant pueri.

Quoad mentem, debent poſt elapſum ſeptimum annum faciliioribus rebus aſſiſcendis applicari, verbi gratia, characteres dignoſcant legendo, eſſortem ſcribendo. Poſtea vero in his exerceantur, quibus in publicis ſcholis exercentur juvenes. Utrum utiliſ ſit domi, an in ſcholis erudiatuſ adoleſcens, vide Quintilianum lib. 1. cap. 2. eruditionem publicam domeſticæ & umbratili præferentem.

Decimo quarto anno ulque ad vigefimum primum, corpus nutriendum eſt cibus adhuc ſolidioribus: exercendum eſt curſu, venatione, paleſtra ut robuſtius fiat; animus vero diſſiciliioribus diſciplinis eſt inſtituendus.

Dicant identidem Pædagoꝑi parentibus, nihil eſſe quod pueris magis noceat, quam vitæ ætati puerili parum conveniens, tum quoad qualitatem, tum quoad quantitatem.

Exponant Pædagoꝑi parentibus, nihil magis oſſicere puerorum corpori & menti quam veſtitus, qui vel molliſſime in carne ingeneret, vel ſuperbiam in animo ſoveat. *Qui molliſſis veſtiuntur in domibus Regum ſunt*, inquit Chriſtus: & proinde longe diſtant a via, quæ ducit ad vitam: & qui ſuperbe veſtiuntur, eam ſubibunt pœnam, quam patitur dives in inferno ſepultus, qui induebatur purpura & byſſo.

Non abicendant patribus, quam periculofa ſit fratrum ſocietas, ſi ſit aliquis inter illos vitioſus, aut parum docilis. Dicant jufſu Dei ſeparatum eſſe Iſmaelem ab Iſaco, eo quod ille cum iſto laſciviret, inquit verſo Tugur. Oſtendant, longe periculofioreſſe eſſe inter germanos diverſi ſexus familiaritatem; cujus rei exemplum eſt Animonis & Thamar inceſtus.

tum commercium.

Non

Non fileant patribus, quam timenda pube-
fcentium puerorum, etiam ejusdem sexus,
eodem lecto cubatio; hinc sequi vulgo infan-
da illa crimina, quæ Paulus enumerat Epist.
ad Rom. cap. 1. quæque caelestem ignem in
sceleratas urbes invexerunt.

CAPUT VIII.

*De mutua obligatione inter supremos Domi-
nos & subditos.*

Supremi Domini sunt illi, qui non agno-
scunt superiorem temporalem. Tales
sunt Reges, Imperatores, &c.

Subditi sunt hi, qui potestatibus supre-
mis subjiciuntur.

ARTICULUS I.

De debito subditorum erga Reges.

Prop. unica. Subditi debent Regibus amo-
rem, reverentiam, obedientiam, sub-
sidium temporale & spirituale.

Prob. 1. Script. Subditi debent Regibus 1.
Amorem, juxta illud: *Diligis proximum
tuum sicut teipsum.* ad Rom. 13. v. 9. Ergo a-
fortiori debent Regem diligere, qui nobis-
cum tot modis conjungitur: est enim pater,
Dominus, Legislator, defensor, &c.

2. Debent honorem, juxta illud: *Deum ti-
mete, Regem honorificate.* 1. Pet. c. 2. v. 17.

3. Debent obedientiam. *Omnis anima pot-
estatibus sublimioribus subdita sit*, inquit
Paulus ad Romanos c. 13. v. 1.

4. Subditi debent Regibus subsidium tem-
porale, ut docet idem Apostolus: *Cui tribu-
tum, tributum.* ad Romanos c. 13. v. 7.

5. Debent subsidium spirituale, juxta illud:
Orate pro invicem ut salvemini. Jacob 5. v. 16. Si
enim aliis subsidia spiritalia debeamus, a for-
tiori Regibus, qui nobis tot titulis uniuntur.

2. Ex Tertull. ad Scapulam c. 2. Edit. Pa-
mel. *Christians, inquit, nullus est hostis,
quædam Imperatoris, quem sciens a Deo suo
constituit, necesse est ut & ipsum diligat, &
revereatur, & honoret, & saluum velit.....*
Colimus ergo & Imperatorem sic, quomodo
& licet nobis, & ipsi expedit, ut hominem
*Deo secundum. Et quidquid est a Deo conse-
cutum, & solo Deo minorem, hoc & ipse vo-
let. Sic enim omnibus major est, dum solo*
vero Deo minor est. Ergo ex Tertul. debe-
mus Regi amorem, reverentiam, &c.

3. Rat. Reges sunt parentes, sunt domi-
ni, sunt Legislatores, sunt boni publici de-
Tomo I.

seniores, ut patet ex titulis, quibus Scriptu-
ra eos insigniri vult: ergo quatenus parentes
merentur amorem, quatenus domini meren-
tur reverentiam, quatenus Legislatores obedi-
entiam, quatenus defensores boni publici,
subsidium & temporale & spirituale.

Consequaria hujus Doctrinae.

Consect. 1. Peccant qui contra Regem inter-
num fovent odium, aut signa dant externa o-
dii contra ipsum: uti fecit Semei contra David
insultans ipsi, dum fugeret a facie Abisalon.

Debent ergo populi ob amorem Regi do-
bitum,

1. Optare Regi suo benedictionem, uti
fecit Jacob Pharaoni. Gen. c. 47. v. 7. In-
troducitur enim coram Rege: *Benedixit il-
li.... Et benedictio Rege abiit:* uti fecit Da-
niel Nabuchodonosor, dicens: *Rex, in æter-
num vive.* Dan. c. 6. v. 21. uti fecit univer-
sus populus Sauli, dicens: *Vivat Rex.*

2. Debent Regem periclitantem tueri,
uti fecit Abisai erga David. *Præsidioque
fuit, inquit Scriptura, Abisai filius Sarvie,
& percussum Philistæum interfecit,* qui
processerat, ut occideret David.

3. Debent Regi etiam in rebus non prof-
peris immobiliter adhærere: uti fecit Cu-
lai in rebellionem Abisalonis.

4. Debent insidias, si quas norint con-
tra Regem parari, statim prodere: uti fecit
Mardocheus. Esther. c. 2.

Consect. 2. Peccant populi, qui justas
Principum leges infringunt. *Subjuncti igitur
essote,* inquit Petrus 1. c. 2. v. 13. *omni hu-
mana creatura propter Deum, sive Regi qua-
si præcellentis.* Et Hilarius in Psal. 13. appro-
bat, quod præcepta Regis cum honore, ac
religione & relegantur, & audiantur.

Debent ergo subditi alacri animo Regis
iusta perficere: uti fecit omnis populus erga
Josue, dicens: *Omnia, quæ præcipisti nobis, fa-
ciemus: & quocumque miseris, ibimus.* Sicut
obedivimus in cunctis Moysi, ita obediemus
& tibi: Josue c. 1. v. 16. uti fecit exerci-
tus Saulis, qui alacri animo votum de non
edendo (nisi post relatum victoriam) fide-
liter observavit.

Consect. 3. Peccant qui Principibus debi-
tam denegant reverentiam, juxta illud Rom.
cap. 13. vers. 7. *Cui honorem, honorem.* Quod
officium ita semper cordi habuerunt Christia-
ni, ut ipsi Episcopi Imperatores etiam paga-
nos sanctissimos nuncuparent; quia, ut ait
Tertullianus, *Secundi erant a Deo.*

Debent ergo populi, cum sese occasio
V of.

offert, externis gestibus Regi, & his qui sunt a Rege, suam declarare reverentiam, uti fecerunt filii Jacob erga fratrem Joseph. Gen. 50. *Proni adorantes in terra dixerunt Joseph: servi tui sumus: uti fecit Bersabee erga Davidem. Inclina vis se Bersabee & adoravit Regem.* 3. R. c. 1. v. 16.

Consect. 4. Peccant populi, qui Principibus denegant sumptus temporales ad regimen Reipublicæ necessarios, v. gr. tributum, vestigal, census, decimas, demum quæ Regi debentur pro diversa politiæ ratione, juxta illud: *Reddite quæ sunt Cæsari Cæsari; & quæ sunt Deo, Deo.* Matth. c. 22. vers. 21. De quo sic legitur in appendice operum Amb. in hæc verba, *cui tributum. Primum ea, quæ sunt potestati Regiæ debita, exsolvi jubet Paulus; quia major in his causa, aut necessitas est.*

Peccant ergo subditi, qui non impendunt ea, quæ Rex exigit vel religionis amplificandæ causa, vel Reipublicæ defendendæ gratia. Id fieri oportere docuerunt Judæi suo exemplo, pendentes Salomoni quæ fuerunt necessaria & pro ædificando templo, & pro struendis munitissimis civitatibus. 3. Reg. c. 9.

Consect. 5. Peccant populi, qui Regibus spiritualia subsidia non conferunt, v. g. qui non orant specialiter pro illis; hæc enim fuit continua praxis Christianorum, ut constat ex Paul. 1. ad Timot. c. 2. v. 1. *Obsecro igitur, primum omnium fieri orationes, orationes, postulationes, gratiarum actiones pro omnibus hominibus, pro Regibus, & omnibus qui in sublimitate sunt, ut quietam & tranquillam vitam agamus, ut patet ex Tertul. Apol. c. 30. Preccantes sumus semper pro omnibus Imperatoribus, vitam illis prolixam, imperium securum, domum tutam, exercitus fortes, senatum fidellem, populum probum, orbem quietum, quæcumque hominis & Cæsaris vota sunt.*

Debent ergo specialiter orare pro Regibus, & quidem ut diversas a Deo pro Rege consequantur gratias.

1. Ut Rex veram Religionem defendat, Dei gloriam & hominum salutem, quantum est in se, promoveat: uti fecerunt Josue, David, Ezechias, &c. pugnando pro sola causa Domini.

2. Ut aboleat falsas fæstas, & ritus omnes veræ Religionis adversantes; uti fecit Asa, *Qui abulit effeminatos de terra, purgavitque omnes sordes idolorum, quæ fecerunt patres ejus.* 3. Reg. c. 15. v. 12. uti fecit Jehu delens progeniem impij Achab, & omnes Sacerdotes Baal: uti fecit Ezechias, qui dissipavit idola & confregit serpentem æreum; qui

Judæis erat occasio idololatriæ. 4. Reg. c. 18. v. 4.

3. Ut sublatis & deletis falsis ritibus curret sinceram doctrinam tradi, & propagari: uti fecit Josaphat, qui misit Doctores legis per universam Judæam. 2. Paralip. c. 17. uti fecit Nabuchodonosor, qui gloriam veri Dei prædicavit & blasphemari prohibuit. *Placuit ergo mihi, inquit, predicare signa ejus quæ magna sunt.* Dan. c. 3. v. 100.

4. Ut omnibus subditi pietatis pietatis exemplo præluceat: uti fecit David, qui non curans irrisiones uxoris suæ, lætatus est & exultavit coram arca Domini. 2. Reg. c. 6. v. 16. uti fecit Rex Ninivitarum, qui primus in sacco & cinere poenitentiam amplexus est. Jonas c. 3. v. 6.

5. Ut in omnibus sive in bello, sive in pace Dominum consulat, & purum hauriat de sacro fonte consilium; uti fecerunt pii Reges. Josue Eleazarum consulebat. Num. c. 27. v. 20. David nihil agebat inconsulto Domino. 2. Reg. c. 2. Josaphat, Achab, Eddon, Eliseum Prophetam accersierunt: lib. 4. Reg. c. 3. & Ezechias Isaiam, ut eum audirent: 4. Reg. cap. 19. Sedecias Jeremiam consuluit. Jerem. c. 38. v. 14.

6. Ut viros pios ac bonos, & ad regimen idoneos præfectos ordinet, ac constituat: ut fecit Moyses ex consilio Jetro. *Qui providit de omni plebe viros potentes, & timentes Deum, in quibus erat veritas, & qui oderant avaritiam, & constituit ex eis Tribunos, &c.* Exodi c. 18. v. 21.

ARTICULUS II.

De officio Regum.

PROPR. unica. Qualis debebat esse Rex tum erga Deum, tum erga seipsum, tum erga populum, habetur Sap. c. 6. cujus hæc sunt verba: *Audite ergo Reges, & intelligite: discite iudices finium terræ, præbete aures vos qui continetis multitudines, & placetis vobis in turbis nationum: quoniam data est a Domino potestas vobis, & virtus ab Altissimo, qui interrogabit opera vestra & cogitationes scrutabitur; quoniam cum essetis ministri regni illius non rectè judicastis, nec custodistis legem justitiæ, neque secundum voluntatem Dei ambulastis. Horrondo & cito apparebit vobis; quoniam iudicium durissimum his, qui præsumunt fieri. Exiguo enim conceditur misericordia: potentes autem in potentia tormenta patientur. Non enim subtrahet personam cuiusquam Deus, nec verebitur magnitudinem cuiusquam, quoniam pusillum & magnum*

ipse fecit, & aequaliter cura est illi de omnibus. Fortioribus autem fortior instat cruciatio. Ad scilicet, si illi, qui habent auctoritatem vos ergo Reges sunt hi sermones mei, ut discatis sapientiam & non excidatis, &c. Alia passim reperiuntur in Scriptura Sacra, ad quam remittimus eum, qui Regis voluerit cognoscere officium.

TRACTATUS DUODECIMUS

De quinto Decalogi præcepto

CAPUT I.

Quid prohibeatur jubeaturve illo præcepto
Non occides.

ARTICULUS I.

De fine hujus præcepti, & quibus actionibus violetur.

Quintum præceptum Decalogi ita habet: Non occides. Exod. 20. v. 13. & Exod. 21. v. 12. Qui percusserit hominem volens occidere, morte moriatur. Et Gen. 9. Quicumque effuderit humanum sanguinem, fundetur sanguis illius. Cui responderit illud Christi apud Matth. Omnes qui acceperint gladium, gladio peribunt. Finis hujus præcepti est conservatio vitæ corporalis tum nostræ, tum aliorum: precipiuntur igitur omnia, quæ ad incolumitatem vitæ nostræ, & aliorum pertinent; contra vero prohibentur omnia, quæ ad illicitam destructionem vitæ, tum nostræ, tum aliorum vergere possunt directe, vel indirecte.

Destructionem autem corporis tum nostri, tum proximi, causare possunt illicita percussio, mutilatio, & occisio directa, vel indirecta, ut loquuntur.

Percussio, mutilatio, occisio est directa, quando fit per actionem ad hoc directe ordinatam, v.g. cum quis fuste percutit, gladio mutilat, veneno occidit.

Percussio, mutilatio, occisio est indirecta, quando aliquid omittitur, ad cuius omissionem sequitur percussio, mutilatio, occisio.

Directa percussio, mutilatio, occisio hominis, potest esse illicita tripliciter.

1. Ex parte agentis, defectu auctoritatis: v.g. frille, qui agit, auctoritatem non habeat supra eum, qui vel percutitur, vel mutilatur, vel occiditur.

2. Ex parte patientis, defectu reatus: scilicet, si ille, qui percutitur, mutilatur, occiditur, sit innocens; numquam enim licet innocenti nocere.

3. Ex parte modi defectu debiti ordinis: publicam, vel propriam ut Rex, vel delegatam ut iudex, miles, carnifex, &c. non leserent debitum ordinem juris contra reum.

Indirecta percussio, mutilatio, occisio potest esse illicita dupliciter.

1. Ex immoderata actione: ut cum ex actione aliunde licita sequitur mors præter intentionem agentis, ex eo quod actio sit excedens: v.g. ex defensione immoderate sequitur mors aggressoris, ex immoderata medicina sequitur mors ægroti.

2. Ex culpabili negligentia: ut cum omittitur id, quod quis & potest, & debet facere; ad quam omissionem, præter intentionem omittentis, sequitur vel occisio, vel mutilatio, vel percussio illicita hominis: quæ omnia magis patebunt ex mox dicendis.

ARTICULUS II.

Quinam sunt illi, qui peccant peccato homicidii, vel perimente ad homicidium.

Propter unicum peccatum homicidii vel perimente ad homicidium, quicumque privata auctoritate nocet, vel nocere cupit proximo in bonis corporis. Peccatum ex suo genere mortali, si adit gravitas materiz, & plena deliberatio.

Prob. 1. Script. Non vosmetipsos defendentes carissimum, sed date locum iræ. Scriptum est enim: mihi vindicta, & ego retribuam, dicit Dominus. Ad Rom. 12. v. 19. Ergo peccat quicumque nocere cupit proximo in bonis corporis, & cum hoc ad homicidium sensum disponat, homicidii reus censendus est.

2. Ex August. can. homicidium 28. de poenitent. dist. 1. ubi sic habetur: Homicidium lege vetitum putabatur non aliud esse, nisi corporis peremptio; aperuit ergo Dominus, omnem iniquum motum ad nocendum fratri in homicidii genere deputari. Ergo homicidii reus coram Deo censendus est quicumque nocere cupit proximo in bonis corporis.

3. Rar. Quicumque nocere cupit proximo in bonis corporis agit 1. contra illud, quod tibi non vis fieri, alteri ne feceris. 2. Agit contra caritatem, quæ jubet primo, ut Deum super omnia diligamus, nos deinde & proximum propter Deum; quod utique non facimus, si vitæ corporalis tum nostræ, tum proximi destructionem moliamur. 3. Agit contra iustitiam, quæ jubet, ut cunctis beneficiamus, nemini vero noceamus. 4. Qui

ultionis ardet desiderio, non vult sibi ignosci, & propriæ condemnationi vertit istud orationis dominicæ: *Dimitte nobis debita nostra, sicut & nos dimittimus debitoribus nostris*. 5. Qui non parit inimicis non imitatur Deum: qui *Solens suum oriri facit super bonos & malos*: non imitatur Christum, qui pro crucifigentibus oravit non imitatur Sanctos, Job, Joseph, Stephanum, Paulum, &c. qui libenter inimicis suis pepercerunt. Ergo peccat, &c. cum hæc prava cordis dispositio ad homicidium inclinet, homicidii reus coram Deo censendus est.

Confessaria hujus Doctrinæ.

Confess. 1. Peccat peccato pertinente ad homicidium, qui interius contra proximum odium concipit & fovet, quia odium sensum disponit ad homicidium, juxta illud: *Omnis, qui odit fratrem suum, homicida est*. Jo. 1. c. 3. v. 15. quia, ut ait Hier. Epil. 36. *Cum homicidium ex odio sepe nascatur, quicumque odit, etiam si nec dum gladio percusserit, animo tamen homicida est*.

Confess. 2. Eiusdem criminis reus est qui exterius irascendo, verbis & nutibus internum odium manifestat; quia ira est dispositio ad homicidium: ita docet Christus: *Audistis, quia dictum est antiquis, non occides... Ego autem dico vobis: qui omnis, qui irascitur fratri suo, reus erit iudicio; qui autem dixerit fratri suo ræta, reus erit Concilio: qui autem dixerit fatues, reus erit gehennæ ignis*. Matth. 5. v. 22.

Confess. 3. Peccato pertinente ad homicidium inquinatur qui acceptam injuriam motivo odii ulciscitur; quia sic se excitat ad injustam proximi læsionem: illud idem docet Christus: *Audistis, quia dictum est: oculum pro oculo, dentem pro dente... Ego autem dico vobis, non resistere malo*. Matth. 5. v. 38. & Paulus: *Nulli malum pro malo reddentes*. ad Rom. 12. 17. Et rursus Scriptura clamat: *Qui vindicari vult, a Domino inveniet vindictam, & peccata illius servans servabit*. Eccle. 28. v. 1.

Confess. 4. Peccat contra istud præceptum, *non occides*, qui proximum injuste percussit: percussio enim viam parat ad homicidium: de hac læsione sic loquitur Deus: *Qui percusserit hominem volens occidere, morte moriatur*. Exod. 21. v. 12.

Confess. 5. Homicidii proprie reus est qui proximum privata auctoritate interficit: quod peccatum his verbis prohibet Deus: *Quicumque effuderit humanum sanguinem, fundetur sanguis illius: ad imaginem quippe Dei factus est homo*. Gen. 9. v. 6. Quod peccatum ita exhorret Deus, ut homicidæ etiam involuntarii

in lege Mosaica exilio plecterentur, & ad civitates refugii se recipere cogerentur; in lege vero Ecclesiastica publicæ poenitentiae per septem annos addicerentur. Hoc innuit Trid. sess. 14. de reform. c. 7. jubens, ut qui id fecerit, ad sacros Ordines sine dispensatione non promoveatur.

CAPUT II.

De injusta læsione corporali proximo illata.

ARTICULUS I.

De his qui peccant peccato homicidii, vel reducto ad homicidium, causando directe vel percussione, vel mutilationem, vel occisionem corporalem.

Prop. unica. Peccant peccato homicidii, vel pertinente ad homicidium, quicumque corpus proximi injuste lædunt: injuste... Vel ex defectu auctoritatis, quando scilicet, qui agit non habet auctoritatem publicam... Vel ex defectu reatus, quando scilicet, qui patitur est innocens... Vel ex defectu debiti modi, quando scilicet in læsione contra reum non servatur ordo debitus.

Prob. 1. Ex Script. Ut excludatur læsio facta auctoritate privata, dicitur: *Vindicta mihi, & ego retribuam*. Ut excludatur omnis læsio contra innocentem, dicitur: *Insonem & justum non occides*. Exod. 23. Ut excludatur immoderata læsio contra reum, dicitur: *Quod justum est, juste exequeris*. Deut. 16. Ergo peccant qui quocumque modo injuste lædunt corpus proximi.

2. Ex Aug. *Qui sine publica administratione maleficum occiderit, velut homicida judicabitur*. Lib. 1. de civ. Dei c. 26. Ergo peccat qui injuste proximum corporaliter lædit.

3. Rat. Ut aliqua actio sit licita, debet esse bona ex objecto & ex circumstantiis; quia bonum ex integra causa: ergo ut læsio corporalis iniusta proximo sit licita, debet fieri 1. Contra reum & non contra innocentem; quia innocens non meretur penam. 2. Debet fieri auctoritate Principis, cujus est gladium portare in vindictam malorum. 3. Debet fieri servato ordine juris; quia quod sit contra ordinem juris injustum est.

Confessaria hujus Doctrinæ.

Confess. 1. In homicidio positive influnt qui privata auctoritate occidunt, mutilant, vulnerant alium hominem, quan-

quantumvis infimæ fortis; quia omni privato homini dicitur: *Non occides*. Ideo Aug. ait Epist. ad Publicolam de occidendis hominibus: *Ne ab eis quisquam occidatur tibi placeat consilium, nisi forte sit miles, aut publica functione teneatur; ut non pro se hoc faciat, sed pro aliis*. Ideo damnata est hæc propositio a Papa, & a Clero Gallicano art. 27. *Non peccat maritus occidens propria auctoritate uxorem in adulterio deprehensam*.

Consect. 2. Ad homicidium positive influunt qui tyrannum quemlibet privata auctoritate occidunt; quia subditis dictum est: *Deum time, Regem honorifica*. Et Conc. Constantinensis less. 15. damnat hanc propositionem tanquam erroneam, hæreticam, & scandalosam: *Quilibet tyrannus potest & debet licite & meritorie occidi per quemcumque vasallum suum vel subditum, etiam per claudales insidias, & subtiles blanditias, & adulationes, non obstante quocumque prefato juramento, seu consideratione sacris cum eo, non expectata sententia, vel mandato iudicis cuiuscumque*.

Consect. 3. Ad homicidium pariter positive censentur influere quicumque malitiose vel in se, vel in altero procurant abortum; quia, ut optime ait Tertul. Apolog. 1. c. 9. *Homicidii festinatio est prohibere nasciturum; nec refert natam qui eripiat animam, an nascentem disturbet*. Et Basiliius ad Amphil. can. 8. *Itaque & que abortum scientia præbent medicamenta, sunt homicidæ; sicut & quæ sætum necantia venena accipiunt*. Et ita peccant peccato homicidii, 1. Qui conceptum foetum abigunt, ne virgo deflorata infamiam contrahat. Hanc enim propositionem damnavit summus Pontifex, & Clerus Gallicanus art. 7. *Licet procurare abortum ante animationem sætus, ne puella deprehensa gravida occidatur, aut infametur*. 2. Medici, qui mulieri prægnanti potionem ad procurandum abortum præbent, etiamsi saluti corporali matris aliter subveniri non possit; quia fatius est pereat corpus matris, quam quod salus æterna pueri periclitetur. 3. Quicumque dant proximam occasionem abortui: quod ita explicat Antonius: *Si mulier gravidam præter intentionem abortetur, si commisisset ibi notabilem negligentiam, puta, quia nimis saltavit, vel nimis inordinate laboravit, vel propter innatas lascivias, non esset absque peccato mortali*. Idem in viro vel alio percutiente eam, unde abortus sequitur. 4. Qui prægnantibus venam præcipue pedis, inconsulto Medico, aperiunt, unde solet sequi abortus.

Consect. 4. In peccatum ad homicidium per-

Temo 1.

tinens positive influunt parentes, aut alii, qui juvenes etiam consentientes castrant, ut sint utiles cantui: ita fuse D. Th. 2. 2. q. 65. a. 1. in corp. Membrum licite prædici non potest nisi in duobus casibus, inquit, 1. Auctoritate iudicis in facinororum hominem puniendum. 2. Consilio Medici, quod aliter saluti totius corporis subvenire non potest. Non licet membrum sibi mutilare ad vincendas tentationes carnis: ergo a fortiori non licebit ob temporale lucrum.

Consect. 5. In peccatum ad homicidium pertinens positive influunt qui non sibi subditos verberant; immo qui verberant sibi subditos, si modum correctionis excedant: ita docet D. Th. *Verberare aliquem non licet, nisi habenti potestatem aliquam super illum qui verberatur; & quia filius subditus potestati patris, & servus potestati domini, licite potest pater verberare filium, & dominus servum causa correctionis & discipline*. Unde Prov. 15. scriptum est: *Qui percutit virgæ, odit filium suum*: & Eccles. 33. v. 28. *Servo malediculus tortura & compedes*. Audiant tamen utrique verba Pauli. *Patres: Nolite ad iracundiam provocare filios vestros... Et vos domini eadem facite illis, remittentes minas: scientes quia & illorum & vestrorum Dominus est in celis*: ad Eph. 6. v. 9.

Consect. 6. Speciem quandam homicidii positive censentur committere privati, qui contra ordinem juris proximum diu in carcere detinent; quia illud solum pertinet ad iudices: de quo ita D. Th. *Detinere hominem ad horam ab aliquo opere illicito statim perpetrando cuilibet licet, sicuti cum aliquis detinet aliquem, ne se præcipites, vel ne alium feriat: sed simpliciter aliquem includere, vel ligare, ad eum solum pertinere, qui habet dispendere universali-ter de actibus, & vita alterius; quia per hoc impeditur non solum a malis faciendis, sed etiam a bonis agendis*: 2. 2. q. 65. a. 1. ad 3.

Consect. 7. Ad homicidium positive concurrunt privati omnes, qui contra ordinem iustitiæ ad cædes, injuriasque se accingunt mediis ad homicidium tendentibus; quales sunt conjurata armorum festatio, gladii eductio. Hoc ita determinat D. Th. 2. 2. q. 40. art. 1. in c. *Non pertinet ad personam privatam bellum movere, quia potest jus suum in iudicio superioris prosequi; similiter etiam, quia convocare multitudinem, quod in bellis oportet fieri, non pertinet ad privatam personam*.

Consect. 8. Homicidium dicuntur positive committere iudices omnes, qui aliquid attentant contra homines, quantumvis reos, non servato ordine juris; quia ini-

V 3

que

que agit Judex hoc ipso quod ordinem iuris violat, De quo infra ubi de homicidio per Judicem commisso.

Consect. 9. Homicidium dicuntur positive committere omnes, qui ita cooperantur homicidio; ut ex eorum actione sequatur homicidium: v.g. qui jubent, uti fecit David, qui iussit Uriam occidi: qui consulunt, uti Caiphas, qui suavit Christi mortem: qui consentiunt, ut Paulus, qui erat consentiens morti Stephani: qui hortantur ad mortem inferendam, uti fecit Iesabel, quæ Achab ad occisionem Naboth hortata est, uti fecit & filia Herodiadis, quæ petiit caput Joan. Baptistæ.

ARTICULUS II

De his, qui peccant peccato homicidii, vel reducto ad homicidium, causando indirecte, ut dicunt, vel percussorem, vel mutilationem, vel occisionem corporalem.

Prop. 1. Peccant peccato homicidii, vel pertinente ad homicidium, quicumque præter intentionem, vel ex illicita actione, vel ex culpabili negligentia, in causa sunt, ut sequatur homicidium, aut læsio aliqua corporalis contra proximum.

Prob. 1. Ex Script. *Non occides*: quæ vox generaliter sumpta vetat omnem læsionem injustam proximi, sive directe, sive indirecte, ut dicunt, causatam.

2. Ex D. Th. Homicidium casuale imputatur ad culpam dupliciter: cum quis non vitat quod vitare debebat, homicidium incurrit: alio modo, quando non adhibet debitam sollicitudinem: 2. 2. q. 64. a. 8. in corp.

3. *Rat.* Toties voluntarium indirecte commissum imputatur ad culpam, quoties vacatur re illicitæ, vel non adhibetur debita diligentia; quia tunc effectus censetur voluntarius in causa: Ergo in duobus illis casibus, læsio corporalis proximi, vel occisio illius imputabitur ad culpam.

Consectaria hujus Doctrinæ.

Consect. 1. Toties læsio corporalis, mutilatio, occisio &c. imputabitur ad culpam, quoties actio ex qua sequitur, etiam contra intentionem agentis, est illicita quoad substantiam; agens enim tunc debet sibi imputare quod sequitur ex illa. Sic si quis percussit mulierem præternantem, & abortus sequatur ex tali percussione, percussens erit reus homicidii; quia vacat rei illicitæ.

Sic, si quis dederit gladium furioso, aut

ebrio, & furiosus, aut ebrius eo gladio occidant hominem, qui dedit gladium reus erit homicidii; quia vacabat rei secundum se illicitæ.

Consect. 2. Toties læsio corporalis, mutilatio, occisio &c. imputabitur ad culpam, quoties actio, ex qua sequitur etiam contra intentionem agentis, est illicita quoad modum; agens enim tunc debet sibi imputare quod sequitur ex illa.

Sic immoderata defensio sui, aut amicum, aut rerum, illicitam reddit injusti aggressoris occisionem, aut læsionem corporalem; quia defensio illa est illicita ex modo.

Sic immoderata venatio, incauta sagittæ immissio, incauta equitatio, imprudens eorum calcitrantium relaxatio, imprudens animalium malignantium, & quorumcumque lædere valentium emissio, culpabilem reddit aut læsionem, aut occisionem proximi; quia actio est illicita ex modo.

Sic oppressio infantium in lecto parentum dormientium contra veritatem Ecclesiæ, imputatur ad culpam; quia actio est illicita ex modo: nam et si licitum sit ponere infantes in lecto propter frigus arcendum, non tamen cum obstat Ecclesiæ veritatem; quia non sunt facienda mala, ut evitetur aliud malum.

Consect. 3. Toties læsio corporalis, mutilatio, occisio &c. imputantur ad culpam, quoties omissio, ex qua sequitur læsio, est culpabilis ob negligentiam; tunc enim omittens debet sibi imputare id quod sequitur ex ejus omissione. Ut autem omissio sit culpabilis, tria debent concurrere, inquit Cajetanus, *posse, debere, & non facere*. 1. Oportet ut omittens possit non omittere; etenim ad impossibile nemo tenetur: Deus enim, inquit Tridentinum, *impossibilia non jubet*.

2. Oportet ut omittens ex præcepto, & non solum ex consilio, teneatur agere; etenim ex Paulo: *Ubi non est lex, ibi non est prævaricatio*.

3. Oportet ut qui ligatur lege, omitat quod præceptum est; quia ubi non est prævaricatio legis, ibi non est peccatum.

Nota ex dicendis ubi de restitutione, quod si omittens peccat contra iustitiam, negligens id, ad quod ex officio tenetur, obligabitur ad restitutionem; si vero peccet præcise contra aliam virtutem diversam a iustitia, non obligabitur ad restitutionem, sed solum ad pœnitentiam.

Sic mors naturalis imputatur ad culpam ei, qui denegat elemosinam pauperi in extremis constituto. *Si non parvisi*, inquit Ambr. *occidisti*: & hic peccat contra caritatem; quia ex caritate tenetur dare elemosinam.

tus nondum animati; quia res est licita, ad quam per accidens solum sequitur expulso factus nondum animati; si tamen factus sit animatus, via licita debet conservari, ut baptizetur.

Consect. 4. Respublica passura ab injusto Tyranno integram deletionem, nisi deserat tutelam innocentis, quem tyrannus injuste postulat, ut morti tradatur, potest omittre tutelam illius innocentis; quia talis omisso non est illicita: non enim jubetur defensori privati innocentis cum certo periculo omnium civium Reipublicæ.

Consect. 5. Iudex, qui omnibus tentatis non potest eum dimittere quem scit privata scientia innocentem, qui tamen secundum testimonio allegata & probata publice habetur nocens, potest illum innocentem damnare morte; quia ut persona publica vacat rei licitæ, debitamque adhibet diligentiam: ita D. Th. 2. 2. q. 64. a. 6. ad 3. Quomodo in eo casu debeat iudex fegerere, vide infra.

CAPUT III.

De occisione, & mutilatione sui ipsius tum positiva, tum negativa, ut dicunt.

ARTICULUS I.

An licita sit directæ sui ipsius occisio, vel proprii membri mutilatio.

Prop. unica. Peccat peccato homicidii, vel pertinente ad homicidium, qui actione positiva, vel negativa intendit sui ipsius occisionem, vel mutilationem, faciendo aliquid prohibitum, vel omitiendo aliquid imperatum, ad quod necessario sequatur vel occisio, vel mutilatio.

Prob. 1. Scripte. Qui ita se gerit, agit contra illud: Non occides. Ergo peccat peccato vel homicidii, vel ad homicidium pertinente.

2. Ex Aug. *Quisquis hominem, vel seipsum, vel quemlibet occiderit, homicidii crimine tenetur:* lib. 1. de civ. Dei cap. 21.

3. *Rat.* Qui proprio nocet corpori, diversimode peccat. 1. Agit contra inclinationem naturalem; res enim quælibet amat sui ipsius conservationem. 2. Agit contra iustitiam; homo enim non est vitæ suæ dominus, sed tantum custos; ideo non potest pro libito eam prodigere, sed debet eam conservare. 3. Qui nocet proprio corpori, nocet Reipublicæ, cuius est membrum.

Consecraria hujus Doctrina.

Consect. 1. Sui ipsius cædis rei sunt qui per actionem positivam seipsum occidunt pugione, veneno, inedia, quocumque motivo illud faciant: ita docet Aug. *Hoc dicimus, hoc asserimus, hoc modis omnibus approbamus: neminem spontaneam mortem sibi inferre debere, vel ut fugiendo molestias temporales, uti fecit Achitophel: 2. Reg. 18. Et Saul, & Razias, ne incidat in perpetuas: neminem propter aliena peccata, uti fecit nuptia impetita a Diocletiano, quæ seipsam occidit, ut copiam sui corporis Diocletiano eriperet, ne hoc ipso incipiat habere peccatum gravissimum proprium, quem non polluebat alienum: neminem propter sua peccata præterita, uti fecit Judas, propter quod magis hac vita opus est, ut possit penitendo sanari: neminem vel ut desiderio vitæ melioris, quæ post mortem spectatur, uti fecit Cleombrotus; quia reum suæ mortis melior post mortem vita non suscipit:* lib. 1. de civ. Dei c. 26. Ideo iussu Ecclesiæ privatur sepultura Ecclesiastica qui seipsum occidunt. Samson vero, & alii Sancti, qui dicuntur seipsum occidisse, id fecerunt ducti speciali inspiratione; unde in eo mirandi potius, quam imitandi, ut ait Aug. ibidem. Unde etiam non exculantur infirmi, qui respuunt medicamina vulgaria, quando spes salutis adest.

Consect. 2. Sui ipsius mutilationis rei sunt qui seipsum mutilant, v. g. amputant manus, pedes, &c. non enim licet mutilare se, nisi quando abscissio membri est ad salutem totius corporis necessaria, ut dicit D. Th. his verbis 2. 2. q. 65. artic. 1. in cor. *Mutilare autem non est licitum alicui privatæ personæ, etiam volente illo, cujus est membrum; quia per hoc fit injuria Communitati, cuius est ipse homo, & omnes partes ejus. Si vero membrum propter putredinem sit totius corporis corruptivum, tunc licitum est de voluntate ejus, cuius est membrum, præscindere propter salutem totius corporis; quia unicuique commissæ est cura propriæ salutis.*

Consect. 3. Sui ipsius mutilationis rei sunt qui seipsum castrant ad vitandum incontinentiam: de quo ita D. Th. 2. 2. q. 65. a. r. ad 3. *Saluti spirituali semper potest aliter subveniri, quam per membri præcisionem; quia peccatum subjacet voluntati. Sancti autem Patres abscissionem illam reprobant; quia, ut ait Chrysostom. concupiscentia non fit per eam mansuetior, sed ardentior. Et Basil. Furor esse castos, & non infirmos. Improbaturque semper fuit ab Ecclesia factum Origenis se ipsum castrantis indiscreto amore castitatis.*

Et

Et Canon primus Nicænus a Clero rejicit qui seipſos abſciderunt ; admittit ſolum eos, qui vel inviti a barbaris, vel ad vitandum morbum a Medicis abſciſſi ſunt.

Confeſſ. 4. Cujuſdam quaſi mutilationis & occiſionis rei ſunt qui paſſionibus ſe reddunt impotentes ad generationem ; quia privare ſe hac via exercitio potentia generativæ, eſt quædam occiſio & mutilatio : de quo ita Cæſarius Arelat. *Mulier autem quæcumque fecerit hoc, per quod jam non poſſit concipere, quantumcumque poterat parere, tantorum homicidiorum ſe ream eſſe cognoſcat.*

Confeſſ. 5. Sui ipſius cædis rei ſunt qui per crapulam, ebrietatem, libidinem, aliaſque paſſiones vitam ſibi vel minuunt, vel eripiunt : quos ita præmonet Script. *In multis eiſcis erit infirmitas... propter crapulam multi obierunt : qui autem abſtinens eſt, adjiciet vitam :* Eccl. 37. v. 33.

Confeſſ. 6. Præmaturæ ſui ipſius cædis rei etiam ſunt qui nimia abſtinentia, longioribus vigiliis ex indiſcreto zelo ſibi vel mortem accelerant, vel valetudinem minuunt ; quia debilitandum eſt corpus, ne rebellet ; ſed non deſtruendum, ne pereat : cuiuslibet enim dictum eſt : *Noli deſtruere opus Dei.* Ideo ait D. Th. quol. 5. a. 18. *Vigilie, jejunia, carnis maceratio, adhibenda ſunt cum quadam cenſura rationis : ut ſcilicet concupiſcentia devitetur, & natura non extingatur, ſecundum illud ad Romanos : Exhibeatis corpora veſtra hoſtiam viventem, & poſtea ſubdit, rationabile obſequium veſtrum. Si vero aliquis in tantum virtutem nature debilitet per jejunia, & vigilias, & alia huiusmodi, quod non ſufficiat debita opera exequi, puta, Predicator prædicare, Doctores docere, cantor cantare & ſic de aliis, abſque dubio peccat : ſicut etiam peccaret vir, qui nimia abſtinentia ſe impotentem redderet ad debitum uxori reddendum.*

Confeſſ. 7. Sui ipſius cædis rei etiam ſunt, 1. Qui ſe exponunt probabili mortis periculo : ſuales ſunt illi, qui exercent haſtildium, torneamentum, taurorum agitationes. Haſtildium ſit, cum armati equites duo contra incedunt. Torneamentum, cum milites ad virum oſtentionem inter ſe concurrunt. Taurorum agitatio eſt, cum homines contra tauros decertant. Illa ut plurimum ſunt cum probabili mortis periculo : prohibentur Jure Canonico ſub gravibus poenis : & qui in tali exercitio moriuntur, licet poenitent, privantur Eccleſiaſtica ſepultura. Ita enim legitur cap. *Felicis*, de torneamenti. *Si quis eorum ibi moriens fuerit,*

quamvis ei poſſenti poenitentia non negetur, Eccleſiaſtica tamen careat ſepultura, ſi acceſſit animo pugnandi ; minime vero ſi acceſſit alia cauſa, puta, ut debita ſibi exigeret, ut explicat caput Ad audientiam, ibid.

ARTICULUS II.

De indirecſa occiſione ſui ipſius, & proprii membri mutilatione.

Certum eſt, illicitum eſſe intendere directe ſui ipſius mutilationem, vel occiſionem : ſed videamus an licitum ſit, immo aliquando neceſſarium, ſui ipſius occiſionem, vel mutilationem permittere.

Prop. 1. Homo poteſt, nedum citra peccatum, immo laudabiliter exercere aliquos virtutis actus, ex quibus prævidetur ſecurum ſui ipſius mortem, aut mutilationem vel ex cauſis naturalibus, vel ex cauſis liberis.

Prob. 1. Scriptura. Licet Paulus videret imminere ſibi vincula, immo mortem, ſi adiret Jeruſalem, ait : *Nihil horum vereor, nec facio animam meam pretioſiorem quam me, dummodo conſummem curſum meum :* Act. 20. v. 24. Ergo licet vitam exponere in laudabili virtutis exercitio.

2. Ex D. Th. *Ad fortiitudinem pertinet, quod aliquis ab alio mortem pati non reſuſciat propter bonum virtutis, & ut vitet peccatum :* 2. 2. q. 64. a. 5. Patet hoc ex Eleazar, qui dedit ſe, ut liberaret populum ſuum, & acquireret ſibi nomen æternum, quando ſcilicet ab Elephante oppreſſus, ſuo ſepultus eſt ſub triumpho.

3. *Rat.* Quilibet poteſt citra peccatum, immo maxima cum laude, virtutem exercere, licet per accidens ex tali exercitio ſequatur mors, aut mutilatio ; quia quilibet poteſt uti jure ſuo, & quia præſens vita temporalis parvi faciendæ eſt, ut obtimeatur futura vita in æternum duratura.

Conſeſſaria huius Doctrinae.

Confeſſ. 1. Ut homo exerceat caritatem, poteſt ſe ſequentibus periculis prudenter exponere, licet ex his ejus occiſio, aut mutilatio prævideatur forte futura : v. g. Medicus poteſt tempore peſtis peſtiferos curare. Privatus quilibet poteſt eiſdem ægrotis ſervire. Sacerdos poteſt eiſdem Sacramenta miniſtrare. Concionator poteſt infidelibus fidem prædicare, etiam cum vitæ diſpendio. Quilibet homo poteſt flammis ſe exponere, ut baptizet puerum ſine baptiſmo moriturum ; quia

quin in his omnibus casibus caritas exercetur: quæ, ut ait Apost. *non querit quæ sua sunt*. Item homo privatus, nec Reip. nec familiæ suæ necessarius, ab ipso aggressore la-cessitus, potest sui ipsius occisionem permittere, si probabiliter putet se esse in statu gratiæ, potius quam occidere aggressorem, ut sic vitam suam Deo offerat, & impio aggressori tempus pœnitendi non adimat. Item mater prægnans, periculossimè ægrotans, si spes affulgeat conservandi prolem, ut baptizetur, potest sui ipsius occisionem corporalem permittere, ut æterna salus ipsi proli nascituræ procuretur.

Confess. 2. Homo reus, ex amore justitiæ potest vel se judici offerre, vel detentus in carcere in eo permanere, cum etiam offert se occasio exundi, et si prævideat hinc securitatem ejus mortem; quia virtutem exercet qui non refugit mortem, quam suis sceleribus promeruit.

Confess. 3. Homo ex amore temperantiæ potest se temperare a cibis delicatioribus ad tuendum corpus infirmum necessariis, modo utatur communibus: & ita fecerunt plures Sancti. Carthusianus potest abstinere ab esu carniū, licet judicio Medico-rum judicentur ad vitam conservandam necessariæ: primus enim exerceret virtutem temperantiæ: secundus vero mavult perde-re vitam quam obedientiam.

Confess. 4. Ex amore castitatis potest homo omnino a matrimonio abstinere, et si ad sanitatem corporalem conduceret. Ita fecerunt plures Sancti, qui vitam brevi perituram parvi fecerunt, ut castitatem conservarent. Item & ex pudore rationali potest virgo non permittere inspectionem membrorum genitalium Chirurgo, licet forte esset necessaria ad curationem; sed in hoc sequendum judicium prudentis Confessarii.

Confess. 5. Potest quis ex amore pœnitentiæ, aut majoris perfectionis causa, religio-sum statum, aut austerum vitæ genus amplecti, quamvis sciat vitam ipsius inde fore breviandam: ideo enim nedum vituperantur, immo laudantur antiqui pœnitentes, de quibus loquitur Climacus, licet stupen-dis pœnitentiis corpus assligerent; quia virtutis motivo ducebantur.

Confess. 6. Potest religiosus ex amore pau-pertatis negligere remedia, quæ sine ingenti pecunia haberi non possunt, modo utatur communibus, quamvis hæc ingentis pretii remedia sanitatem essent allatura; quia id præstat amore vel virtutis. Item paterfamilias, qui non est Reipublicæ necessarius,

potest ea remedia negligere, quæ habere non potest nisi familiam ad extremam paupertatem redigendo; quia agit tunc motivo virtutis, scilicet ex amore erga familiam.

Prop. 2. Homo non potest agere, aut omittere aliquid, ex quo etiam præter intentionem agentis prævidetur secutura occisio, aut mutilatio, si talis actio, aut omisio non conjungatur cum veræ virtutis exercitio.

Prob. 1. Script. Ad solum Deum pertinet judicium mortis & vitæ. *Ego occidam, & ego vivere faciam*: Deut. 32. Ergo homo non potest extra veræ virtutis exercitium vitam suam vel positive, vel negative, ut dicunt, exponere.

2. Ex D. Th. *Quod aliquis sibi ipsi inferat mortem, ut vivat mala pœnalia, habet quidem quandam speciem fortitudinis... non tamen est vera fortitudo, sed magis molli-ties animi, non valens mala pœnalia sus-tinere*: 2. 2. q. 64. a. 5. ad 5. Idem docet Aug. de civit. Dei lib. 1. c. 13. Ergo non licet extra veræ virtutis exercitium aliquid moliri quod mortem inferat.

3. *Rat.* Homo nullum jus habet agendi contra propriam vitam, aut illius curam omittendi, in his casibus, in quibus non vera, sed falsa virtus exercetur.

Confessaria hujus Doctrinæ.

Confess. 1. Homo ad ostentandam falsam constantiam non potest mortem sibi concil-icere vel ferro, vel veneno, vel præcepis ruen-do in aquam, in ignem, vel ultro exponendo se ferocibus bestiis, aut furiosis hominibus, aut ignem in pulverem tormentariorum immit-tendo, ex quo sine ulla evasionis spe ruitura sit aut arx, in qua ipse est cum aliis, aut com-burenda navis, in qua ille velitur cum aliis; quia ibi furor est, non constantia.

Confess. 2. Homo etiam juste damnatus, aut morte, aut inedia non potest aut sibi mortem inferre, aut oblatum cibum non sumere; quia non prudens, sed imprudens esset hæc obedientia: ita D. Th. *Nullus ita condemnatur, quod ipse sibi inferat mortem, sed quod ipse mortem patiat; & ideo non tenetur facere id, unde mors sequatur... sicut etiam, si aliquis condemnatus sit, ut sume pereat, non peccat, si cibum sibi occulte ministratum sumat; quia non sumere, esset seipsum occidere*: 2. 2. q. 69. a. 4. ad 2.

Confess. 3. Homo non potest ad experien-dam virtutem theriacæ toxicum epotare; quia experimentum illud circa aliquod bru-

rum & prudentius, & tutius potest fieri; & experimentum illud factum circa homines, infamia est & non prudentia.

Consect. 4. Nullum est motivum, quo liceat personæ vel privatæ, vel publicæ se ipsam interficere, puta v. g. ne occidatur ab hostibus, vel ne cadat in eorum manus, vel ut vitet captivitatem, aut ignominiam; quia, ut ait Poeta etiam Ethicus:

Dic, rogo, num furor est, ne moriari, mori?

ARTICULUS III.

Quandonam ex præcepto permittenda est sui ipsius occisio.

Prop. Toties permittenda est ex præcepto sui ipsius occisio, quoties illud exigit bonum universale vel Religionis, vel Reipublicæ.

Prob. 1. Script. Nolite timere eos, qui occidunt corpus; sed potius timete eum, qui potest animam perdere in gehennam.

Idest, lubenter mortem corporis potius patimini quam damnationem animæ subeatis. *Quia qui odit animam suam in hoc mundo, in vitam æternam custodit eam.*

2. Quando violatio legis conjungitur cum dispendio boni universalis vel Religionis, vel Reipublicæ, tunc oportet legem observare, etiam cum propriæ vitæ dispendio; quia satius est bonum particulare perire, quam universale.

Conseclaria hujus Doctrinæ.

Consect. 1. Quoties causa Religionis postulat, ut vitam nostram offeramus, debemus sponte pati nos occidi. Ita fecerunt illi, de quibus Paulus loquitur: *Lapidati sunt, scissi sunt, tentati sunt, in occisione gladii mortui sunt, &c.* ad Hebr. 11. v. 37. *Non suscipientes redemptionem, ut meliorem invenirent resurrectionem.* Ita fecerunt omnes Martyres.

Consect. 2. Quoties bonum publicum postulat, ut vitam nostram offeramus, tenemus eam offerre: ita fecit Eleazarus, cum pro patria gloriosam mortem oppetiit: ita fecit & Samson, cum Philistheos una cum semetipso, concutendo columnam, oppressit: Jud. 16.

Sic milites debent pro salute totius Reipublicæ periculosas stationes tueri, etiam cum vitæ dispendio.

Sic, si bonum Reipublicæ postulet, debent, etiam ipsi spes salvandi seipsos non aufugeat, turres pulvere tormentario eruerent, naves, quibus vehuntur, inflammare, ut impediatur, ne aut arces, aut naves hostibus serviant.

Consect. 3. Damnatus iuste a iudice, debet sustineri patienter, & non remittendo, quid iudex præscripserit; quia bonum universale exigit, ut malefici puniantur. Aliquis, inquit, D. Th. damnatur ad mortem dupliciter. Uno modo iuste, & sic non licet condemnato se defendere: unde relinquitur, quod ex parte ejus sit bellum iniustum, unde indubitanter peccat. Alio modo iniuste, & tali iudicio licet resistere, sicuti latronibus: 2. 2. q. 62. a. 4.

Consect. 4. Juxta multos, si quis etiam innocens postuletur iniuste a Tyranno minitante totius Reipublicæ excidium, nisi tradatur innocens; tunc qui petitur, debet permittere se tradi, immo offerre se: satius enim est, ut privatus homo, licet innocens, pereat, quam tota Respublica destruat; tunc enim esset maxime nocens, si pro totius Reipublicæ conservatione nollet vitam suam exponere: exemplo enim Jonæ debet dicere: *Tollite me, & mittite in mare, & cessabit mare a vobis; scio enim ego quoniam propter me tempestas hæc grandis venit super vos:* Jonas cap. 1. v. 12.

ARTICULUS IV.

Quandonam ex præcepto tenemur mutilationem in nobis permittere.

Prop. Toties debemus mutilationem, id est membri abscissionem, permittere, quoties id exigit aut ordo iustitiæ, aut bonum universale Reipublicæ, vel Religionis.

Prob. 1. Script. Oculum pro oculo, dentem pro dente, manum pro manu, pedem pro pede: Exod. 21. v. 24. Ergo iudex potest aliquando damnare reum poena mutilationis: ergo tunc reus debet huic poenæ se subicere.

2. Ex D. Th. *Sicut per publicam potestatem aliquis licite privatur totaliter vita propter aliquas majores culpas, ita etiam privatur membro propter aliquas culpas minores:* 2. 2. q. 65. a. 1. in corp.

3. Rat. Homo iuste damnatus debet mortem subire: ergo & mutilationem. Homo pariter tenetur mortem pati, cum id exigit bonum universale Reipublicæ, aut Religionis: ergo & mutilationem.

Confessaria hujus Doctrinae.

Confess. 1. Homo tenetur toties pati mutilationem in suo corpore, quoties auctoritate judicis ea poena damnatur, sive damnetur iuste a legitimo iudice in poenam alicujus delicti, sive iniuste a Tyranno in odium Religionis; quia in primo casu id exigit ordo iustitiæ, in secundo bonum Religionis.

Confess. 2. Homo debet pati mutilationem in suo corpore, quoties hæc iudicio prudentum existimatur absolute necessaria ad totius corporis conservationem; quia homo non ita est dominus vitæ, ut possit citra peccatum permittere totum corpus per membrum putridum corrumpi.

CAPUT IV.

De occisione, mutilatione, & percussione factis auctoritate publica.

ARTICULUS I.

De occisione facta expresso Dei jussu.

Prop. Occisio hominis facta jussu Dei non est peccatum.

Prob. 1. Script. *Ego occidam, ego vivere faciam*: Ergo cum Deus sit Dominus vitæ nostræ, potest pro libito occidere, vel conservare hominem.

2. Ex Aug. lib. 1. de civ. Dei cap. 21. *Nequam contra hoc præceptum egerunt, quo dictum est, non occides, qui Deo auctore bellageserunt, aut personam gerentes publicæ potestatis, secundum ejus leges, hoc est, iustissimæ rationis imperium, sceleratos morte punierunt.*

3. **Rat.** Quia cum Deus vitæ ac necis omnium dominus sit, potest morti addicere quos libuerit: & hoc vel præcise ratione supernæ auctoritatis, quam habet supra omnia, vel in poenam peccati vel originalis, vel actualis. Ideo Abraham paratus filium suum occidere, nedum vituperatur, quin immo laudatur a Deo. Nunc, inquit Angelus, *cognoſco, quod timeas Dominum*. Ideo etiam laudatur Tribus Levi, quod Judæos fornicantes jussu Dei occiderat. *Consecraſtis manus vestras hodie Domino. unusquisque in filio, & in fratre suo, ut detur vobis benedictio*: Exod. 32. Sic Moyses ex inspiratione Dei licite occidit Ægyptium, & Phinees filium Zambri: Num. 25. Samuel Agag, Elias Sacerdotes Baal.

Monit. Hæc propositio inservit ad excusandos eos, qui jussu Dei occiderunt. Sed nul-

li potest esse regula operandi; quia post stabilitam, ut jam est, Christi Religionem, privatarum revelationes, contrariæ expresso Dei præcepto, censeri debent illusiones.

ARTICULUS II.

De occisione facta auctoritate judicis.

Prop. Iudex non intrusus, sed legitimus, potest & debet, non motivo vindictæ, sed amore iustitiæ, damnare iusto supplicio, non innocentem, sed reum accusatum, & convictum.

Prob. 1. Script. Qui enim dixit privato homini: *Non occides*, dixit iudici: *Maleficos non patieris vivere*. Exod. 11. *Est enim minister Dei, vindex in iram ei, qui malum agit*, ut docet Paulus ad Rom. 13. 4. Ergo debet malos juxta mandatum Dei punire.

2. Ex Aug. epist. ad Macedonium 153. alias 54. *Si non liceat iudici malefactores occidere, frustra instituta sunt potestas Regis, jus gladii, cognitores, ungule carnificis, arma militis, disciplina dominantis, severitas etiam boni patris. Habent ista omnia modos suos, causas, rationes, utilitates. Hæc cum timentur, & coercentur mali, & quietius inter malos vivunt boni.*

3. **Rat.** Magistratus debent imitari Davidem, qui de seipso ait: *In matutino interficiebam omnes peccatores terræ, ut disperderem de civitate Dei omnes operantes iniquitatem*: Plal. 100.

4. Bonum commune, nimirum tranquillitas Reipublicæ, debet longe præponderare vitæ nocentium; & ita bonum est, ut per mortem abscindantur, qui nos conturbant, & tanquam membra pestifera a iudicibus, quasi totidem prudentibus Medicis, recenseantur, ut patet ex multis sanctorum virorum exemplis.... Moyses jussit Judæos idololatrias occidi: Exod. 22. & Principes Judæorum cum feminis Madianitis fornicatos patibulo suspendit. Phinees Sacerdos virum cum scorto Madianitide commixtum interfecit, zeloque suo Sacerdotium familiæ suæ in perpetuum promeritus est. Quibus exemplis patet, bonum esse occidi maleficos, ut mali formidine poenæ a peccato deterreantur.

Confessaria hujus Doctrinae.

Confess. 1. De iudice intruso. Iudex intrusus peccat, qui hominem quantumvis reum damnat; quia non servat ordinem juris: etenim injustum est, quod aliquis iudicetur ab

eo, qui publicam auctoritatem non habet: ita Concil. Later. sub Innoc. III. can. 44. & D. Thom. dicit: Peccat, quando homo iudicat in his, in quibus non habet auctoritatem; & sic dicitur iudicium usurpatum. 2. 2. q. 60. a. 2. in C.

Consect. 2. De iudice legitimo reum absolvente. Peccat iudex etiam legitimus, qui vel flexus precibus, vel territus minis, vel corruptus muneribus, non damnat hominem reum; teneturque restituere damna omnia, quæ ex impunito scelere nascentur: ita docere videtur Script. 3. Reg. cap. 20. *Hæc dicit Dominus, quia dimissi virum dignum morte de manu tua, eris anima tua pro anima eius.*

Consect. 3. De iudice, qui non agit amore iustitiæ. Peccaret iudex etiam legitimus, qui hominem reum damnet, ut iræ vel propriæ, vel alienæ serviret, vel ut pecuniam facilius obtineret: ita docet D. Th. *Ad hoc autem, quod iudicium sit actus iustitiæ, tria requiruntur.* 1. Quod procedat ex inclinatione iustitiæ, &c. quando autem est contra rectitudinem iustitiæ, dicitur iudicium perversum vel iniustum. 2. 2. q. 60. art. 2. in C.

Consect. 4. De iudice, qui damnat innocentem. Peccat iudex legitimus, qui innocentem damnat; quia, quatenus homo, habet jus universale ad vitam, & quatenus innocens, habet jus speciale; quia, vir probus bonum Republicæ promovet. Quomodo vero debeat se gerere iudex, & carnis erga innocentem falsò accusatum, accipe a D. Thom. 2. 2. q. 64. art. 6. ad 3. Dicendum, quod iudex, si scit aliquem innocentem esse, qui falsis testibus convincitur, debet diligentius examinare testes, ut inveniat occasionem liberandi innoxium, sicut Daniel fecit: si autem hoc non potest, debet eum superiori relinquere iudicandum. Si autem nec hoc potest, non peccat, secundum allegatam sententiam; quia ipse non occidit innocentem, sed illi, qui eum asserunt innocentem. Minister autem iudicis condemnantis innocentem, si sententia intolerabilem errorem contineat, non debet obedire; alias excusarentur carnifices, qui Martyres occiderunt: si vero non contineat manifestam iniustitiam, non peccat præceptum exequendo; quia ipse non habet discutere superioris sententiam, nec ipse occidit innocentem, sed iudex, cui ministerium exhibet.

Consect. 5. De iudice, qui damnat reum ante legitimam accusationem. Peccaret ju-

dex etiam legitimus, qui hominem, etsi reum, damnet ante legitimam accusationem, quia non servaret ordinem juris: ita D. Thom. 2. 2. q. 6. art. 3. in C. *Iudex est interpres iustitiæ: homines enim, ait Phil. ad iudicem confugiunt, sicut ad quamdam iustitiam animatam. Iustitia autem non est ad seipsum, sed ad alterum: & ideo oportet, quod iudex inter aliquos duos iudicet, quod quidem fit, cum unus est actor, & alius reus: & ideo in criminibus non potest aliquem iudicio condemnare, nisi habeat accusatorem, ut dicitur Act. 25.*

Nota tamen, ut addit D. Thom. ibidem ad 2. *Quod evidenti patrat sceleris non indiget clamore accusatoris, ut dicitur cap. Evidentia, de accusatoribus.* Ideo licite aliquando rei in flagranti crimine suspenduntur, & bannitos aliquando ex iussu Principis licet cuilibet privato occidere, quia notorium facti vices supplet accusatoris, testium, & iuridicæ condemnationis.

Consect. 6. De iudice reum damnante ante convictionem iuridicam. Peccaret iudex, qui hominem, etsi reum, condemnaret ante iuridicam criminis objecti convictionem; quia non servaret ordinem juris: ita jubet Script. Paralipom. 19. 6. *Videte quid faciatis: non enim hominis exercetis iudicium, sed Domini: & quodcumque iudicaveritis, in vos redundabit. Sit timor Domini vobiscum, & cum diligentia cuncta facite.* Eo spectat etiam inquit D. Thom. illud Pauli Act. 25. *Non est consuetudo Romanis damnare aliquem hominem, priusquam is, qui accusatur, præsentis habeat accusatores, locumque defendendi accipiat ad abluenda crimina, quæ ei obijciuntur.* 2. 2. q. 67. art. 3. in C. Hinc docet Cajetan. V. homicidium, reos esse homicidii: eos, qui, nullo servato juris ordine, iussu Principis aut Magnatis aliquem secreto occiderent vel gladio, vel veneno, etiamsi esset lætæ maiestatis reus: quia, inquit, hoc jubere non potest Rex absque scientia publica; scientia autem publica non est nisi tripliciter, scilicet vel ex propria confessione judiciali, vel ex notorio facto, vel ex probatione judiciali. Sitamen processus judicialis occasio esset rebellionis, tunc reus posset sine illo processu licite occidi.

CAPUT V.

De percussione, mutilatione, & occisione factis auctoritate privata.

ARTICULUS I.

An & quando liceat privata auctoritate pro defendenda vita iniquum aggressorem occidere.

Prop. unica. Homo privatus, cui iniuste infertur violentia ad mortem usque, si non sit alia via conservandi propriam vitam, potest in actuali conflictu, seculo affectu vindictæ, cum moderamine inculpatæ tutelæ, iniquum aggressorem occidere, non intendendo mortem aggressoris, sed sui defensionem.

Prob. 1. Scriptura Exod. cap. 22. v. 2. Si effringens fur domum, siue sufficiens fuerit inventus, & accepto vulnere mortuus fuerit, percussor non erit reus sanguinis. Ubi notant Interpretes, quod eo. textu non destruitur, sed astringitur lex illa hominibus naturaliter insita, qua licitum credimus vim vi repellere cum moderamine inculpatæ tutelæ.

2. Ex Cyril. lib. 1. in Joannem c. 35. ubi satis aperte indicat, quibuscumque hominibus licitum esse vitæ aggressorem interimere; sic enim habet: *At unde nam Petro gladius? Respondemus vero, cum iuxta legem vim vi repellere liceret, ferro quoque uti per legem licuisse. Quid enim ferro quispiam invadat immedentes? quomodo ulcisci poterunt injuriam ferro destituti? Ergo licet ferro uti contra injustum aggressorem: ergo & eum occidere, si mortem nostram molitur.*

3. Ex jure civili lib. 1. tit. 1 ff. l. 3. *Fure hoc venit, ut quod quisque ob tutelam corporis sui fecerit, jure fecisse existimetur.* Et in l. 3. cap. ad legem Corn. de Sic. Gordianus dicit: *Si quis percussorem ad se venientem gladio repulserit, non ut homicida teneatur, quia defensor propriæ salutis in nullo peccasse videtur.* Et l. 2. idem ait: *Si quis aggressorem vel quemcumque alium in dubio vitæ discrimine constitutus occiderit, nullum ob id factum calumniam metuere debet.*

4. Ex jure Canon. ubi sic loquitur Innocent. III. cap. Significasti, extra de homicidio: *Vim vi repellere omnes leges, & omnia jura permittant, modo tamen fiat cum moderamine inculpatæ tutelæ, & non ad iudicandam vindictam, sed ad injuriam propulsandam.* Tunc enim Respublica censetur privato contulisse au-

thoritatem occidendi iniquum invasorem, Ergo licet occidere iniquum invasorem, servato moderamine inculpatæ tutelæ.

5. Ex Catechismo Trid. Si quis, inquit, descendendæ salutis sue causa, omni adhibita cautione, alterum interemerit, hac lege, Non occides, non teneri satis apparet.

6. Ex Catechismo Concilii Colonienlis de 5. Decalogi præcepto, ubi sic habetur: *Vertunt etiam quidam in questionem, num lex civilis, quæ homini privato vim repellere concedit, pugnet cum Evangelio. Nos putamus non pugnare, sed licere capitibus periculum intentantis exitio depellere; si tamen certa mors intenditur, nec est aliud effugium. Nam cum eo casu certo quodam ordine & modo, quem lex prescribit, magistratus vim vi depellere concedat, videbitur invadens hoc ordine & modo occisus, magis ipsius magistratus quam privata auctoritate occisus. . . . Oportet autem, ut omnis affectus lædendi invasorem penitus absit.*

7. Rat. Actio defendentis se, etiam occidendo aggressorem, ex nullo capite est mala. 1. Non est mala ex fine; quia, ut supponimus, non intendit occidere aggressorem, sed propriam vitam conservare, quo nihil æquius: peccaret quippe mortaliter, si mortem inimici intenderet, ut docet D. Thom. 2. 2. q. 64. a. 7. *Illicitum est, quod homo intendat occidere hominem, ut seipsum defendat, nisi ei, qui habet publicam auctoritatem.* 2. Non est mala ex morte aggressoris; quia mors aggressoris contingit vel contra, vel præter intentionem defendentis, ex sola malitia aggressoris irruentis in arma defendentis se. 3. Non est mala ex circumstantiis; quia defensio fit moderate. Tunc vero servatur moderamen inculpatæ tutelæ, cum vim similem simili vi repellimus, arma armis, fustes fustibus, pugnos pugnis opposcentes, ut ait Bartolus. Præterea: nihil magis quieti & humanæ paci adversaretur, quam si scelerati possent quoslibet absque ulla resistitua occidere: Ergo licet injustum aggressorem, servatis prædictis circumstantiis, occidere.

Consecraria bujus Doctrinæ.

Consect. 1. Contra eos, qui licitum putant occidere quemcumque injustum aggressorem, etiamsi non inferat violentiam vitæ nostræ. Non licet occidere eum, qui non inferat veram violentiam vitæ nostræ, v. g. eum, qui minatur solum, eum, qui leviter percutit, &c. quia in his omnibus casibus non inferitur violentia vitæ nostræ: lex enim Civilis & Canonica non excusant occisionem aggressoris, nisi.

nisi cum violentia infertur usque ad mortem. Si metu mortis quis occiderit, inquit Ulpianus L. 5. ff. ad legem Aquiliam. Si tamen certa nostri mors intenditur, nec aliud est effugium, inquit Catechis. Colon.

Confess. 2. Contra eos, qui putant licitum esse occidere injustum accusatorem, falsos testes, &c. Non licet occidere falsum accusatorem, falsos testes, iniquos iudices nobis mortem machinantes; quia talis violentia non ita urget, ut aliter quam per mortem aggressoris vitari nequeat, v. g. fuga, & appellatione ad superiores iudices, firma in Deum protectorem innocentiae fiducia. Ideo damnata est hæc propositio ab Alexandro VII. & a Clero Gallicano art. 7. *Licet interficere falsum accusatorem, falsos testes, aut etiam iniquum iudicem, a quo iniqua certo imminet sententia, si alia via innocens damnum evitare non potest.*

Confess. 3. Contra eos, qui licitum putant occidere iustos aggressores. Non licet occidere eos, qui iuste vim inferunt, v. g. ministros iustitiæ, qui nituntur hominem vel accusatum, vel damnatum detrudere in carcerem, aut poenas determinatas infligere: qui enim, inquit Paulus, resistit potestati, dei ordinationi resistit; qui autem resistunt, ipsi sibi damnationem acquirunt. Ideo damnata est a Clero Gallicano a. 7. sequens propositio. *Ubi est scripta expressa permissio a Deo, ut Reges & Respublicæ possint interficere reos? an est in Scriptura? an in traditione? est ne fidei articulus? Si solo lumine naturali eo ducimur, patere ut ex eodem lumine naturali iudicemus, quid cuique privato liceat in occidendo aggressore non solum vitæ, verum etiam honoris, & rei.*

Confess. 4. Contra eos, qui licitum putant occidere eos, qui mortem nostram machinantur. Non licet occidere eos, qui non sunt accincti ad occidendum, sed solum mortem nostram meditantur; quia nondum infertur nobis violentia. Ideo damnata sunt a summo Pontifice, & a Clero Gallic. a. 7. seq. propositiones. *Quando quis decrevit se occidere, & hoc alicui manifestaverit, sed nondum cepit id exequi, potes eum prævenire, occidendo, si aliter non potes effugere: ut si maritus pugionem habeat sub cervicali ad occidendum noctu conjugem: si quis venenum tibi propinandum paraverit: si Rex unus adversus alium classem adornavit: si arma quidem necdum paravit, sed tantum habet decretum firmum & efficax se occidendi, quod tibi vel revelatione divina, vel manifestatione confidenter amicis facta innotescat, potes prævenire; quia per istud decretum, estipare internum, sufficienter censetur aggressor.*

Quod adeo rectè rationi adversatur, ut Pagani ipsi id defensionis genus damnaverint. Insignis est apud Gellium hæc sententia. *Hominum autem vita, non tam iniquis, neque tam indomitis necessitatibus circumscripta est, ut idcirco prior injuriam facere debeas, quam nisi feceris pari possis.* Et apud Ciceronem citatum a Quintil. lib. 5. de refutatione hæc leguntur: *Quis hoc statuit unquam, aut cui concedi sine summo omnium periculo potest, ut eum jure potuerit occidere, a quo metuisse se dicat, ne ipse posterius occideretur?* ita apud Grotium lib. 2. de jure belli & pacis cap. 1. num. 5.

Confess. 5. Contra eos, qui volunt licitum esse occidere injustum aggressorem, non solum in actuali aggressionem, sed etiam post aggressionem. Non licere occidere eum, qui olim voluit nos occidere, sed jam non aggrreditur; quia hæc actio non esset defensio, sed vindicta a Christo damnata.

Item non licet repercutere eum, qui nos percussit, & jam cessat a percussione; quia hæc actio non esset defensio, sed injusta vindicta.

Confess. 6. Contra eos, qui volunt licitum esse occidere aggressorem, cum vitæ nostræ possumus aliter consulere, v. g. per fugam, &c. Non licet occidere aggressorem, si aliter possis conservare vitam, v. g. fugiendo, eludendo ictus, debilitando invasorem, vulnerando, ligando; quia non licet occidere, nisi cum alia non suppetit via. Si aliquis, inquit D. Th. ad defendendam propriam vitam utatur majori violentia, quam oporteat, erit illicitum; si vero moderate violentiam repellat, erit licita defensio. 2. 2. q. 64. a. 7.

Confess. 7. Contra eos, qui volunt illicitum esse occidere injustum aggressorem, servato etiam moderamine inculpatae tutelæ. Licet occidere injustum aggressorem, qui nititur nos occidere; quia, ut ait D. Th. non est necessarium ad salutem, ut homo actum moderate tutelæ prætermittat ad evitandum occisionem alterius; quia potius tenetur vitæ suæ providere, quam alienæ. D. Thom. 2. 2. q. 64. a. 7. in C.

Verum cum sint plurima, inquit Patres Concilii Colonienfis, ad observandum hunc ordinem & modum, inculpatae tutelæ.... idcirco nos homini Christiano suaserimus, ut in ea angustia ante omnia Dei auxilium imploret, quod sepe propinquius est quam credimus quando legimus & draconem, ejus cujus fuerat olim alumnus, clamore excitatum accurrisse, & a latronibus liberasse; quod si interim Deo vitæ sum non sit invaso præsens afferre præsidium,

Et malis occidi quam occidere; certe existimamus talem Christiani hominis officio sanctum, nimirum Christi Domini sui exemplum secutum esse. Quamvis interim secus facientem, ordineque modo legitimo se defendentem non damnemus. Neque enim Evangelium tollit jus naturale, nec legis naturalis ordinationem, sed tantum format affectus ac animum, quem Christus vult ab omni vindictæ cupiditate alienissimum esse: Ergo non est contra legem Evangelicam occidere in vasorem, modo abstinet omnis animus vindictæ; & hoc est quod intendit Augult. Epist. ad Publicol. ut notat D. Thom.

Confess. 8. Contra eos, qui nolunt licitum esse occidere furem, qui actu & vitam & bona temporalia tentat eripere. Licet occidere furem, qui vitæ simulque rerum nostrarum actuali aggressionem injusta directionem molitur; quia in his circumstantiis instat periculum vitæ. Ita Fagnanus cap. Interfecisti, de homicidio. Hoc autem, inquit, debet intelligi in casu, in quo suberat periculum rerum & personæ simul.

Conf. 9. Liceat ne furem occidere in dubio, an vitam simul & bona temporalia intendat eripere. Licet occidere furem, cum prudenter dubitatur, accedat ne vel animo solum furandi, vel animo occidendi. Talis est fur nocturnus, vel fur diurnus, qui se telo, aut aliis armis mortiferis defendit; quia tunc vita nostra periclitatur: Ita videtur docere cap. Interfecisti, de homicidio.... Interfecisti furem, aut latronem, ubi comprehendipoteras absque occisione, per quadraginta dies non intres in Ecclesiam, &c. Si autem sine odii meditatione te tuæque liberando interfecisti.... si aliquid jejungere volueris, bonum est tibi. Ergo supponit licitum esse occidere furem, ut & te & tua defendas, idest, ut tuearis vitam simul & bona.

Confess. 10. Liceat ne injustum aggressorem proximi occidere. Licet occidere invasorem, qui proximum nostrum injuste nititur occidere; quia jus habemus conservandi vitam proximi: ideo ait Script. Erue eos, qui ducuntur ad mortem. Et Moyses, inquit Ambros. cum vidisset Hebræum ab Ægypto injuriam patientem, defendit, ita ut Ægyptium prosterneret, atque in arena absconderet. lib. 1. offi. cap. 36. Quod exemplum proponit sanctus Doctor, non mirandum solum, sed etiam imitandum; dicit enim ibidem: Non in inferenda, sed in depellenda injuria lex virtutis est: Ergo si lex sit virtutis, factum illud imitari possumus.

Nota tamen, quod qui alium occidit, etiam defendendo se cum moderamine inculpatae

tutelæ; si Laicus, debet subijci poenitentia; si Clericus, arcendus est ab altaris ministerio; donec a summo Pontifice dispensetur; quia cum incertum sit, utrum legitimum defensionis modum excesserit, ideo Laico vel ad exemplum, vel ad cautelam imponenda est poenitentia, & Clericus ab altari est arcendus; quia homicidium illud eget dispensatione. Trid. sess. 14. de refor. cap. 7.

Et in collectione Ilaaci Episcopi Lingonensis sic habetur c. 13. Si quis quiete gradiens per viam, aut si etiam in domo sua fuerit; aut in platea civitatis, aut in villa subito ab alio sit superventus, aut litis commotione, volens se defendere, non habens contra illum ante odium, interfecerit hominem, septem annis secundum Canonicam institutionem poeniteat: tres vero communionem privetur: quatuor autem in communione orationum & oblationum susceptus in Sacerdotis pendeat arbitrio, utrum dignus sit corpus Christi accipere, aut usque ad plenitudinem poenitentia ab eo separari: abstinentia ciborum in providentia Sacerdotis erit, secundum possibilitatem poenitentis, & devotionem & affectum. Quamvis autem hæc severitas non sit litteraliter observanda, est tamen poenitenti proponenda, ut videat quantum Ecclesia homicidium voluntarium horreat, quæ ita rigide involuntarium puniebat.

Monit. Nota, quod juxta leges humanas licitum est, cum non alia suppetat via, occidere violentum pudicitia aggressorem; quia non tantum communi æstimatione, sed etiam lege divina, pudicitia vita præstantior est: ita docet Aug. lib. 1. de lib. Arb. c. 1.

Cicero probat iuste Marium occisum esse a milite, quem volebat corrumpere: & Greg. Turonensis lib. 9. Hist. cap. 27. historiam refert cujusdam puellæ, quæ velut altera Judith aggressorem pudicitia occidit. Res ad Regem delata est. Rex non modo vitam donavit, sed præceptionem tribui iussit. Sed non puto id licitum coram Deo; quia juxta Aug. ibid. Pudicitia cum in animo sit, a violento supratore eripi nec ipsa potest.... Legem non reprehendo, quæ tales permittit interfici; sed quo pacto istos defendam, qui interficiunt, non invenio.

ARTICULUS II.

An & quando liceat privata auctoritate pro defendendis bonis fortunæ iniquum aggressorem occidere.

Prop. 1. Peccant peccato homicidii, qui secluso omni periculo propriæ vi-

tæ furem inermem occidit pro conservandis dumtaxat bonis fortunæ, quando bona illa sunt levis momenti, nec sunt ad vitæ, vel status conservationem absolute necessaria.

Prob. 1. Script. Perde pecuniam propter fratrem & amicum tuum. Ecclef. 29. v. 13. Ergo debemus bona temporalia potius perdere, quam vitam proximo eripere. Et Joannis 1. c. 3. v. 16. *Christus animam suam pro nobis posuit; & nos debemus pro fratribus animas ponere*: a fortiori res exigui momenti perdere, potius quam eos pro conservandis rebus tam caducis occidere.

2. Ex Aug. lib. 1. de lib. arb. c. 5. Quomodo apud divinam providentiam a peccato liberi sunt, qui pro bis rebus, quas contemni oportet, humana cede polluti sunt? Ideo ista propositio damnata est. Regulariter possum occidere furem pro conservatione unius aurei. Cler. Gal. Art. 7.

3. Rat. Bonum temporale, quod aufertur per furem, non potest comparari cum vita proximi, cujus mors interdum cum damnatione æterna conjungitur: ergo satius est nos perdere bonum illud temporale, quam furem occidere; nam si debeamus esse in ea animi præparatione, ut volenti tunicam tollere, debeamus dimittere pallium, Matth. 5. a fortiori debemus vitam proximi bonis exigui momenti præferre.

Conseñaria hujus Doctrinæ.

Conseñ. 1. Rei sunt homicidii Laici, qui sunt parati ad occidendum quemcumque bonorum temporalium invasorem, eo quod bona temporalia, vita & sanguis hominum appellantur.

Conseñ. 2. Rei quoque homicidii sunt a fortiori Clerici, qui vellent armis bona temporalia tueri; quia, ut ait Alexander III. cap. *Suscepimus*, extra de homicidio. *Expedi potius post tunicam relinquere pallium, & rerum sustinere jacuram, quam pro conservandis vilibus rebus & transitoriiis tam acriter in alios exardescere.*

Conseñ. 3. Reus est homicidii Religiosus, qui armis ea, quæ possidet in communi, vellet defendere; quia si id non liceat Clericis, neque Laicis, a fortiori Religiosis; nam in dicto capite *Suscepimus*, ab altaris ministerio arceatur frater, qui fures eisdem fugere nites occiderat, ne ab ipsis occideretur. Ubi glossa ait: Ex hoc §. colligitur aperte non licere Clericis, vel Religiosis occidere latrones pro rebus conservandis.

Conseñ. 4. Rei essent homicidii qui velent nedum res proprias, sed etiam res pro-

ximi tueri cum dispendio vitæ furis subripiens; quia si occidere non liceat pro suis bonis temporalibus: ergo neque pro bonis temporalibus proximi.

Prop. 2. Peccant peccato homicidii, qui res, quas nondum possident, sed ad quas vis tantum habet, vellet defendere cum dispendio vitæ proximi, qualiscumque valoris sint res illæ.

Prob. 1. Iisdem autoritatibus, quibus superior conclusio.

2. Si res actu possessas non liceat tanta vi tueri, a fortiori res, quas nondum possidemus. Ideo damnatæ sunt sequentes propositiones ab Innocentio XI. & a Clero Gallican. a. 7. *Non solum licitum est defendere defensione occisiva, quæ actu possidemus, sed etiam ea, ad quæ jus inchoatum habemus, & quæ nos possessuros speramus. Licitum est tam heredi, quam legatario, contra injuste impediens, vel ne hereditas adeatur, vel legata solvantur, se taliter defendere defensione occisiva, sicut & jus habenti in cathedram vel præbendam contra eorum possessionem injuste impediens.*

Prop. 3. Raros admodum puto esse casus in praxi, immo ferre nullos, in quibus liceat hominem occidere pro conservandis solis bonis temporalibus, etiam si sint ingentis valoris.

Prob. 1. Scriptura. Exod. c. 22. v. 2. *Si effringens fur domum, sive suffodiens fuerit inventus, & accepto vulnere mortuus fuerit, percussor non erit reus sanguinis. Quod si orto Sole hoc fecerit, homicidium perpetravit, & ipse morietur.* Ex quo loco concludit Aug. quod liceat nocturnum furem occidere, minime vero diurnum, nisi iste armis vitam nostram impetat. Nocturnum vero furem tantum licite occidi posse; quia vim insert suffodiendo domum, & incertum est, veniat ne vel ad furandum solum, vel ad occidendum: ergo ex Scriptura, juxta explicationem Aug. non est licitum furem occidere, nisi quando vel apertam vim insert vitæ nostræ, armis adoriendo & defendendo se, vel quando incertum est, an veniat ad occidendum: Ergo in praxi numquam licet occidere furem, qui præcise fur est, & non sicarius, raptor fortunæ, & non aggressor vitæ. Hactenus lex Mosaica. Quid jubet lex Evangelica videamus.

Christus jubet deseri tunicam & pallium his verbis: *Qui vult tecum judicio contendere, & tunicam tuam tollere, dimitte ei & pallium.* Matth. 5. v. 4. Paulus vero vult damnum aliquod injustum tolerari potius quam litigare, quæ iacruenta est contentio: ergo

& Christus & Paulus volunt res istas temporales deseri potius quam interficere a nobis hominem ad Dei effigiem efformatum, & ex eodem nobiscum sanguine ortum.

2. Ex D. Raymundo lib. 2. tit. 1. §. 3. de homicidio, ubi ostendit, furem licite occidi non posse nisi ad liberandum se suaque, his verbis: *Qui percussit necessitate, est ne homicida? ... Distingue, quia aut illa necessitas fuit inevitabilis, poterat enim evadere abque occisione, & tunc est reus homicidii, & tamquam pro mortali debet agere penitentiam: aut fuit inevitabilis, quia occidit hominem sine odii meditatione, immo cum dolore animi ET SE ET SUA liberando, cum aliter non posset evadere, dicitur non peccare, nec adstringitur ad penitentiam nisi ad cautelam, & propter ambiguum dupliciter, quia scilicet potest timere ne in aliquo excesserit; interiore tamen penitentiam debet semper habere, & quasi suis peccatis ascribere, quia in tantam potuit venire necessitatem; bonarum enim mentium est ibi culpam agnoscere ubi culpa non est.*

3. Ex Alexand. Alensi. 3. part. q. 34. art. 2. §. 2. in fine, ubi sic habet: *Ad ultimum vero argumentum dicendum, quod in necessitate pro tuendis temporalibus, quamvis concedatur lege humana interficere furem, non tamen lege divina, quæ distinguit inter diurnum furem & nocturnum; nocturnus vero, quia non potest discerni utrum causa furandi, vel occidendi venerit, permittitur occidi a quolibet; diurnus vero non.*

4. Ex Alexandro Papa III. c. Suscepimus de homicidio, ubi sic habet: *Verum quoniam expediebat potius post tunicam relinquere pallium, & rerum sustinere iacturam, quam pro conservandis vilibus rebus & transitoriis, tam acriter in alios exardescere, abstineat humiliter ab altaris ministerio: & uterque, scilicet, & ille qui ligaverat, & ille qui interfecerat latrones nocturnos, qui volebant ipsi velles eripere; uterque, inquam, peccatum suum ad arbitrium suum sudeat expiare. Et ne quis exultimaret forte voces istas, expediebat, sudeat, importare merum consilium, non rigidum præceptum, ideo Glossa addit ibidem: Pro amissione rerum temporalium nullus debet homicidium incurrere.*

5. Ex Innocent. Papa IV. in C. Si vero, de sententia excommunicationis, ubi sic habet: *Si hic timore ne occidatur, alium occidat, non incidit in Canonem, licet sit irregularis: sed si pro REBUS occideret, secus; quia tunc excederet modum: Ergo qui pro conservandis rebus suis occidit, incidit in excommunicationem: ergo peccat mortaliter; quia excom-*

municatio sine peccato mortali non incurritur.

6. Ex Doctoribus Canonicis in C. Interfessisti, de homicidio voluntario, ubi passim advertunt, non excusari ab homicidio eum, qui præcise pro rebus suis defendendis occiderit; quia textus habet **TE TUAQUE LIBERANDO**, Panormitanus enim sic habet: *Singulariter textus ibi, Te tuaque liberando: quod tunc quis excusatur ab occisione furis etiam nocturni, quando fecit ut liberaret se & sua: ergo pro rebus tantum liberandis, non licet occidere furem etiam nocturnum: nam ista ponuntur hic copulative; non sufficit ergo altera pars. Fagnanus eundem textum sic habet: Hæc verba, **TE TUAQUE**, accipienda sunt conjunctive, ita ut pro salvandis rebus tantum non liceat occidere.*

7. Ex Doctoribus Juris civilis, qui passim homicidium prohibent pro defendendis solis rebus, permittunt vero pro defendenda vita; sic enim habetur lib. ff. 48. tit. 8. l. 9. *Furem nocturnum si quis occiderit, ita demum impune ferret, si parcere ei sine periculo suo non potuit. Quam legem sic interpretatur Cujacius ad l. 3. de just. & jure. Nominatim, inquit, ea lege ait, furem nocturnum non posse occidi: nisi extremo vitæ periculo, id est, cum quis eum servaret non potest quin perdat se. Et ibidem: Licet repellere eum, qui venit feriendi, non occidendi causa, quod ex genere tali cognoscitur; SED NON LICET OCCIDERE. Et eodem modo licet repellere eum, qui venit eripiendæ possessionis gratia; SED NON LICET OCCIDERE.*

8. Ex Clero Gallicano art. 7. ubi damnatur sequens propositio: *Non solum vitam, sed etiam bona temporalia, quorum iactura esset damnum gravissimum, licitum est defensione occisiva defendere. ... Fatemur variis esse licitum Ecclesiasticis. ... Si tamen aliquando futurum contingat tale malum, id est, gravissimum damnum, etiam ipsi licitum erit bona ista cum occisione furis defendere.*

Rat. Non licet occidere nisi cum moderamine inculpatæ tutelæ; atqui qui occidit pro conservandis tantum bonis temporalibus, non servat moderamen inculpatæ tutelæ, quia pro solo bono temporali aufert vitam quibuscumque bonis temporalibus præstantiorem; ergo, &c.

Confessaria bujus Doctrinæ.

Confess. 1. Rei sunt homicidii qui occidunt furem vel nocturnum, vel diurnum, cum capi potest, & detineri; quia tunc non

non est periculum vitæ, immo neque reum.

Consect. 2. Rei sunt homicidii qui occidunt furem fugientem cum rebus ablati, etsi nulla affulgeat spes recuperandi res ablatas, quia tunc vita erepta proximo ad nihil intersit bonis temporalibus aut conservandis, aut recuperandis.

Consect. 3. Rei sunt quoque homicidii qui occidunt furem cum rebus ablati fugientem. Tunc quidem dubium est, an per mortem furis res ablata possint recuperari, sed in tali dubio stare debemus potius pro conservanda vita, quam pro conservandis bonis.

Monit. Nota tamen, quod juxta graves auctores occidere liceat injustum bonorum nostrorum raptorem, quando illa bona talia sunt, ut ex ipsis vitæ, statufve conservatio & sustentatio pendeat, & quando servatur moderamen inculpatæ tutelæ.

Sed non video quo pacto hæc cohæreant. 1. Cum lege naturali, quæ horrorem sanctum inspirat contra eos omnes, qui privata autoritate humanum sanguinem effundunt. 2. Cum lege civili, quæ licet homicidium pro defendenda propria vita, non sine certis conditionibus permittat, numquam vero pro defendendis solis bonis temporalibus licitam habet hominum cædem. 3. Cum lege divina Moisaica, quæ jubet, ut homines non modo ut homines nobis similes inficiamus, sed tamquam veras Dei, quem colimus, imagines, adeoque cædem hominis sine jussu, aut permissu divino precepti, non ut homicidium modo, sed ut sacrilegium deputemus. 4. Cum lege divina Evangelica, quæ jubet, ut caduca istius mundi bona, non modo tueamur cum periculo vitæ proximi; sed etiam ea ultro deferamus, si aliter quam cum contentione & animi amaritudine defendi nequeant. Demum cum lege Ecclesiæ, casta enim illa divini Filii sponsa, ex quo Deus pro hominibus factus est homo, tanti habet hominum vitam, ut homicidium quo perimitur, uti maximum in Deum scelus, maximis semper poenis affecterit, ut cerni potest apud Basilium, Gregorium Nicænum, & in summorum Pontificum decretis.

ARTICULUS III.

An & quando liceat privata auctoritate pro defendendo honore iniquum honoris nostri aggressorem occidere.

Peccant peccato homicidii, qui pro defendendo honore hominem occidunt.

Prob. 1. Scriptura dicit generaliter: *Non occides*, exceptis his, quos vel lex justa generaliter, vel ipse fons iustitiæ Deus specialiter occidi jubet, inquit Aug. lib. 1. de civit. Dei cap. 21. Eadem Scriptura dicit: *Diligite inimicos vestros: benefacite his, qui oderunt vos: orate pro persecutoribus & calumniantibus vos: Matth. 5. Ego autem dico vobis non resistere malo, &c.* Quæ certe nullatenus possunt concordare cum ea vindicandi se libidine, qua vitam proximis pro futili honore eripimus.

2. Ex Hieron. contra Rufi. lib. 3. *Magis accusari volo, quam accusare, & pati injuriam, quam facere, sciens præceptum ab Apostolo: non vosmetipsos ulciscentes, carissimi, sed date locum iræ; scriptum est enim: mibi vindicta, & ego retribuam.* Ergo si Hieronymus injustis calumniis laceratus illicitem credidit accusare accusatorem, a fortiori credidit illicitem cum occidere.

3. *Rat.* Nullus est casus, in quo qui lædit honorem, talem vim inferat, ut liceat eum per vim mortem inferentem repellere; exceditur enim moderamen inculpatæ tutelæ, si vitam eripiamus, dum vita non impeditur.

Adde, quod honor potest aliter defendi, quam per occisionem inhonorantis; nam juxta Script. non vitio, sed virtute vera gloria obtinetur. *Gloriam sapientes possidebunt: stultorum exaltatio ignominia.* Prov. 3. v. 5. *Possidet sapientiam...* & glorificaberis ab ea. Prov. 4. Demum juxta Paulum ad Rom. 2. v. 10. *Gloria, & honor, & pax omni operanti bonum.*

Demum per occisionem inhonorantis non recuperatur honor, nisi forte apud carnales & mundanos, qui nesciunt, in quo verus honor consistat, apud quos satius est vituperari, quam laudari, juxta illud Pauli: *Mibi autem pro minimo est, ut a vobis judicer, aut ab humano die.* Et juxta illud Aug. *Qui laudari vult ab hominibus vituperante te, non defendatur ab hominibus te judicante, nec eripietur damnan te.* lib. 10. Consect. cap. 36.

6. Ex propositionibus damnatis & a summis Pontificibus, & a Clero Gallicano. 1. *Est licitum Religioso, vel Clerico calumniatorem gravia crimina de se, vel de sua Religione spargere minitantem, occidere, quando alius modus defendendi non suppetit, uti suppetere non videtur, si calumniator sit paratus vel ipsi Religioso, vel ejus Religioni publice, & coram gravissimis viris prædicta crimina impingere, nisi occidatur.*

Fas est viro honorato occidere invasorem, huius nitiur calumniam inferre, si aliter hæc ignominia vitari nequit. Idem quoque dicendum,

um, si quis impingat alapam, vel fuisse percussus, & post impactam alapam, vel idum suis fugiat.

Confessaria hujus Doctrinae.

Confess. 1. Non licet occidere eum, qui te verbis contumeliosis afficeret, qui tibi contumeliose diceret, Mentiris.

Confess. 2. Non licet occidere eum, qui vel verum crimen tuum occultum panderet, vel falsum tibi imponeret.

Confess. 3. Non licet neque in se, neque in alio abortum procurare live ante foetus animationem, five post, ad vitandam infamiam. De restitutione ob homicidium dicemus ubi de restitutione.

Confess. 4. Videtur non licitum esse occidere violentum stupratorem; quia pudicitia, utpote virtus mentis, potest etiam violato corpore integra permanere; & quia honor pudicitiae ex violenta oppressione apud eruditos homines non eripitur, sed intemperate manet.

CAPUT VI.

De Duello.

ARTICULUS UNICUS.

Quid sit, & an licitum sit duellum.

Duellum, ut vox sonat, est pugna duorum; sed ex usu duellum est pugna duorum, vel plurium.

Duellum aliud sit autoritate publica, aliud autoritate privata. Duellum autoritate publica est pugna duorum, vel plurium inita autoritate Regis, vel Reipublicae jus habentis bellum gerere: tale fuit duellum inter David & Goliath. Duellum autoritate privata est pugna inter privatas personas ex condito inita, altera indicante, altera acceptante.

Duellum autoritate privata aliud est initum sine armis, aliud cum armis.

Duellum initum sine armis est quidem peccatum; quia nulli licet privata autoritate pugnare, sed illud duellum non subicitur excommunicationi.

Duellum initum cum armis est peccatum mortale, & excommunicationi subiectum, & de hoc duello hic agitur.

Prop. 1. Duellum privata autoritate initum, est de se peccatum mortale, & excommunicationi subicit. 1. Duellantes, 2. Pa-

trinos. 3. Inspectores. 4. Suadentes. 5. Principes non prohibentes.

Prob. 1. Scriptura dicit generaliter, *Non occides*, quo loco omnino interdicitur quidquid vel ad propriam, vel ad proximi necem potest conducere, uti facit duellum.

1. Ex Triden. *sess. 25. cap. 19. Detestabilis duellorum usus fabricante diabolo introductus, ut cruenta corporum morte animarum etiam perniciem lucretur, ex Christiano orbe penitus exterminetur.* ... Et ibidem praedicti omnes excommunicantur, & morientes in actuali conflictu sepultura privantur; quae omnia probant duellum esse peccatum mortale.

3. In duello semper adest intentio occidendi, aut graviter vulnerandi; quae intentio est de se peccatum mortale: ergo & duellum.

4. Quia sequens propositio damnata est ab Alexand. VII. *prop. 2.* „Vir equestris ad duellum provocatus potest illud acceptare; re, ne timiditatis notam apud alios incurrat.“

Confessaria hujus Doctrinae.

Confess. 1. Illicitum est duellum initum ulciscendae injuriae causa; quia privatus homo, quantumvis iniuste laesus, non debet sumere vindictam, sed eam coram superiore exigere: *Vindicta mihi & ego retribuam*, scilicet per me, vel per magistratus.

Confess. 2. Illicitum est duellum initum propulsandae calumniae causa; quia aliae sunt viae, quibus calumnia repelli potest.

Confess. 3. Illicitum est duellum initum vel ad ostendendas vires, vel declarandam suam in armis tractandis industriam, vel ad terminandam litem five civilem, five capitalem. Sunt enim alia adminicula, quibus & vires, & in armis solertia declarari potest: & superpetunt aliae rationes, quibus lites, qualescumque sint, terminari valeant.

Confess. 4. Illicitum est duellum initum ad declarandam veritatem; quia hac in re continetur aperta tentatio Dei, ut respondit Nicolaus I. Can. *Monomachiam*.

Confess. 5. Illicitum est duellum, quo milites in bello hostes ad singulare certamen provocant, si id faciant vel sine jussu Regis, vel cum id faciunt permissu Ducum, si privatas simulatas causas publicae intermiscant; quia non licet in bello occidere, nisi secundum iusta praescripta Imperatoris.

Ad dissuadendum a duello juvat asserere verba Hieron. Olorii Episcopi Silvensis, lib.

lib. 4. de gloria. *Duellantes non fortes, sed furiosi, non honesti, sed ignavi, non illustres & amplii, sed humiles & obscuro estimandi sunt. Quid enim habet turbulentum illud dissidium? Cum sit illud ipsum, quod impuris, & bestiis immanioribus concedi potest; sed vesaniam illam mundani honoris libidinem uno verbo Scriptura extinguit: Dilexerunt gloriam hominum magis, quam gloriam Dei.*

CAPUT VII.

De Bello.

ARTICULUS I.

Quid sit, & an licitum sit bellum.

Bellum est certamen initum inter personas, nullum agnoscentes superiorem temporalem: qualis est Imperator, Rex, Princeps, Respublica.

Bellum potest considerari prout indicitur ab Imperatore, a Rege, a Principe, & pro ut exercetur a ducibus, & militibus: & examinari potest utrum bellum ex se licitum, vel illicitum sit.

Prop. unica. Bellum non est illicitum nec in Rege qui indicit, nec in ducibus vel militibus qui illud exercent; sed potest esse sanctum, si fiat cum debitis circumstantiis.

Prob. 2. Script. Deus nedum permisit, sed etiam iussit Iudeis bellum contra hostes suos gerere; ideoque sæpius se Dominum exercituum nuncupat. Abraham iussu Dei bellum gessit, & Loth ab hostibus liberavit. Moyses, Josue, Gedeon bella gesserunt. De quibus Paulus ita loquitur: *Sancti per fidem vicerunt regna, fortes facti sunt in bello, castra venterunt exterorum, ad Hebr. 11.* Et Joannes Baptista prædicans non præcipit militibus belli exercitum abicere, sed solum ait: *Neminem concutatis, neque calumniam faciatis, & contenti estote stipendiis vestris.* Matth. 2. Ergo bellum non est illicitum ex se.

2. Ex Basilio, Can. 13. Cædes in bellis facias Patres pro cædibus non reputant. Et Aug. Epist. ad Marcellin. *Christiana disciplina, quibus proprium stipendium sufficere debere præcipit, militare utique non prohibuit.*

3. Rat. Supremi Principes, quales sunt Reges & Respublicæ, nullum habentes temporalem judicem, non possunt jus suum coram aliquo tibi superiore prosequi: ergo restat, ut jus suum armis & bello dirimant; & quia non possunt per semetipsos bellum gerere: ergo debent uti ducibus & militibus: ergo bel-

lum ex se non est illicitum nec in eo qui indicit, nec in eo qui exercet:

Consecraria hujus Doctrinæ.

Consecr. 1. Quicumque nullum agnoscit superiorem temporalem, qualis est Imperator, Rex, Princeps, quædam Respublicæ v. g. Venetorum, Genuensium, &c. licite potest bellum gerere, ut sibi jus debitum exigit, cum illud nequeat coram tibi superiore prosequi; non enim, inquit Paulus ad Rom. 13. *sine causa gladium portant.* Sicut enim gladio justitiæ tuentur licite Rempublicam contra interiores perturbatores, dum malefactores puniunt; ita etiam gladio bellico licite eam tuentur ab exterioribus hostibus. Unde principibus dicitur Psal. 81. *Eripite pauperem, & egenum de manu peccatoris liberate.* Ideo Aug. contra Faustum lib. 22. cap. 75. dicit: *Ordo naturalis mortalium paci accommodatus hoc poscit, ut suscipiendi belli autoritas atque consilium penes Principes finit.* Ergo qui nullum agnoscit superiorem, habet jus bellum indicendi.

Consecr. 2. Privatus quilibet, cui ex statu suo non interdicitur armorum exercitium, potest licite sub suo Principe bellum exercere, modo bellum iniustitiam manifestam non contineat: est enim minister Regis bello jura sibi debita exigentis. Immo in dubio, an bellum sit justum, potest licite subditus sub suo Principe bellare, ut docet Aug. lib. contra Faustum cap. 74. & 75. *Ergo vir iustus, si forte sub Rege homine etiam sacrilego militet, recte potest illo jubente bellare, si vice pacis ordinem servans, quod sibi jubetur, vel non esse contra Dei præceptum certum est; vel, utrum sit, certum non est: ita ut fortasse reum faciat Regem iniquitas imperandi, innocentem autem militem ostendat ordo serviendi.* Excusatur enim subditus in bello, de quo nescit, an sit justum, ratione obedientiæ: sicut etiam excusatur minister judicis occidens damnatum per sententiam, si non contineat errorem manifestum.

Sic subditi in dubio, an bellum sit justum, nec ne, non tenentur examinare jura sui Principis; sed tenentur obedire.

Sic etiam milites mercenarii, qui sub continuis stipendiis Regis alicujus degunt, tam pacis quam belli tempore non tenentur pariter examinare jus belli; quia tamquam subditi habendi sunt. Alii vero conducti milites, qui audito belli nomine locant se, tenentur examinare iustitiam belli, ne exponant se periculo cooperandi actioni iniustæ.

Constat ergo ex dictis, quod in eo, qui

bellum indicit, debeat esse legitima authoritas, in eo qui exequitur, rationalis obedientia: sed plura adhuc requiruntur, de quibus modo.

ARTICULUS II.

Quæ causæ requirantur in eo, qui bellum indicit.

Prop. unica. Toties qui habent authoritatem supremam possunt bellum indicere, quoties eis denegatur quod eis ex jure debitum est.

Prob. 1. Script. Si civitas, in quam ex jure bellare poteris, fœdus inire noluerit, & ceperit contra te bellum, oppugnabis eam. Deut. c. 10. v. 12. Ergo quoties hostes denegant quod ab eis jure exigitur, possunt Principes in eos iuste bella gerere.

2. Ex Aug. Bella iusta definiri solent, quæ ulciscuntur injurias. Si quagens, vel civitas, quæ bello petenda est, vel vindicare neglexerit quod a suis improbe factum est, vel reddere quod per injuriam ablatum est. lib. 6. quæst. in Josue q. x. & habetur Can. Dominus noster.

3. Rat. Sicuti homo privatus potest jure coram judice litigare, cum ei denegatur quod ei debitum est; ita & Princeps bellum potest gerere, cum ei denegatur quod debitum est.

Consecratoria hujus Doctrinæ.

Consect. 1. Licitum est bellum gerere ob ulciscendam injuriam iniuste illatam; quia injuriam ultio est actus justitiæ vindicativæ. Tale fuit bellum omnium Tribuum contra Tribum Benjamin, eo quod Tribus Benjamin renuisset debitis pœnis afficere incolas Gabaa, qui uxorem Levitæ violenter oppræsserant, & nefanda libidine occiderant. Jud. cap. 19.

Consect. 2. Bellare licet ad recuperanda jura debita vel Regi, vel Reipublicæ; nihil enim æquius quam ut quilibet exigit quod ei debitum est. Tale fuit bellum initum a Judæis, ut terram sibi promissam a Deo ingrederentur.

Consect. 3. Licitum potest esse bellum ob ulciscendam injuriam Legatis iniuste illatam; Rex enim offenditur cum ejus Legati injuriose tractantur. Tale fuit bellum initum contra Ammonitas, qui Legatos David injuriose exceperant, radendo scilicet dimidiam partem barbæ, & præscindendo vestes eorum medias usque ad nates. lib. 2. Reh. c. 10.

Consect. 4. Justum est bellum initum ob primendam seditionem; justum enim est re-

bellantes puniri. Tale fuit bellum David contra Absalonem. 2. Reg. cap. 18.

Consect. 5. Permittitur bellum ob negatum iniuste tributum, promissa quippe tributa etiam hostibus solvenda sunt. Tale fuit bellum Salmanasar contra Oream. 4. Reg. cap. 17.

Consect. 6. Legitimum est bellum suscepium ob defensionem fœderatorum; debemus enim ex justitia fœderatos populos contra eorum hostes tueri. Tale fuit bellum suscepium a Josue pro Gabaonitis. Jos. x.

Consect. 7. Iuste suscipitur bellum contra eos, qui transitum denegant copiis, quando ex illo transitu nullum timeatur detrimentum; quia tunc denegatur injuriose innoxius transitus. Tale fuit bellum suscepium jussu Domini contra Amalec, qui funditus deletus est, eo quod restitisset Israeli cum ascenderet de Ægypto. 1. Reg. 15.

ARTICULUS III.

Quæ requirantur, ut bellum sit licitum.

Prop. unica. Ut bellum sit licitum, debet esse justum non modo ex causa, sed etiam ex circumstantiis.

Prob. 1. Script. Abraham, Moyses, Josue, David, multa bella gesserunt, sed semper vel ad obediendum Deo, vel ad recuperandam terram sibi a Deo promissam, vel ad defendendos socios, vel repellendos injurias publicas, & alia hujusmodi: Ergo signum est, bellum non censi justum apud Deum, nisi fiat ex iusta causa, & legitimis circumstantiis vestiatur.

2. Ex D. Raymundo lib. 2. de raptoribus §. 17. ubi sic habet: Nota, quod quinque exiguntur ad hoc ut bellum sit justum, scilicet persona, res, causa, animus, & auctoritas. Persona, ut sit secularis, cui licet fundere sanguinem, non autem Ecclesiastica, cui est prohibendum. Res, ut sit pro rebus repetendis & pro defensione patriæ. Causa, si propter necessitatem pugnetur, ut per pugnam pax acquiratur. Animus, ut non fiat propter odium, vel ultionem, vel cupiditatem, sed propter pietatem, justitiam, & obedientiam. Auctoritas, ut sit auctoritate Ecclesiæ, præsertim cum pugnatur pro fide, vel auctoritate Principis, cum pugnetur pro rebus temporalibus; tunc enim sufficit sola auctoritas Principis. Si aliquis istorum defuerit, bellum dicitur injustum. Ergo bellum debet esse justum ex causa, & ex circumstantiis.

3. Rat. Bonum morale ex integra causa exurgit: ergo, ut bellum sit licitum debet

debet esse iustum, non tantum ex causa, sed etiam ex circumstantiis.

Conseſſaria hujus Doctrinae.

Conseſſ. 1. Bellum est injustum ex persona, quoties Clerici extra inevitabilem necessitatem coguntur arma movere, vel ipsi sponte arma suscipiunt, ut patet Caus. 23. q. 8. Petro enim & simul omni Clerico dictum est: *Converte gladium tuum in vaginam: omnis enim qui gladium acceperit, gladio peribit.* Matth. 26. ut enim optime monet Amb. Can. Pila. *Dolor, fletus, lacryma munimenta sunt Sacerdotis.* In necessitate tamen potest Clericus pro salute tum sua, tum populi bellum gerere.

Conseſſ. 2. Bellum est injustum ex rebus, si suscipiatur, non pro jure suo conservando, sed pro usurpando alieno: ita habetur c. 23. q. 2. *Iustum est bellum, quod ex edicto geritur de rebus repetendis, aut propulsandorum hostium causa.* Et Ambros. lib. 1. de officiis cap. 27. *Fortitudo, quae vel in bello tuetur a barbaris patriam, vel domi defendit infirmos, vel a latronibus socios, plena iustitia est.*

Conseſſ. 3. Bellum est injustum ex causa, quando fit extra necessitatem & sine pacis desiderio: de quo ita Aug. Epist. ad Bonif. 207. quem ad sancte bellandum his verbis instituit: *Pacem habere debet voluntas, bellum necessitas, ut liberet Deus a necessitate, & conservet in pace: Non enim pax quaeritur, ut bellum excite- tur, sed bellum geritur, ut pax acquiratur.*

Conseſſ. 4. Bellum est injustum ex animo, quando fit alio motivo quam iustitiae: de quo ita Aug. contra Faustum lib. 12. cap. 74. & 75. *Quid culpatur in bello? An, quia moriuntur quandoque morituri, ut dominantur in pace victuri? Hoc reprehendere timidorum est, non Religiosorum. Nocendi cupiditas, ulciscendi crudelitas, impacatus atque implacabilis animus, feritas rebellandi, libido domnandi, & si qua alia similia, haec sunt quae in bellis jure culpantur.*

Conseſſ. 5. Injustum est bellum ex defectu auctoritatis, quando scilicet privati homines bellum inter se gerunt; possunt enim jus suum coram superiore persequi; & quia ad eos non pertinet convocare multitudinem, quare ab bellum necessaria est: ita D. Thom. 2. 2. q. 40. a. 1.

Conseſſ. 6. Injustum est etiam bellum ex variis circumstantiis.

1. Ex personis: ut si Rex cogat ad bellum personas non sibi subditas.

2. Ex loco: ut si bellum fiat in terris populorum innocentium, qui nullam causam

bello dederunt: de quo ita Aug., Inferre bella finitimis, & inde in cetera procedere, ac populos sibi non molestos sola Regni cupiditate contere, & subdere, quid aliud est quam grande latrocinium nominandum? 4. lib. 4. de civ.

3. Ex tempore: ut si bellum fiat diebus festis circa necessitatem: de quo ita D. Th. 2. 2. q. 40. a. 6. *Pro ruinatione Reipublicae fide- lium licitum est iusta bello exercere diebus festis, si tamen hoc necessitas exposcat: hoc enim esset tentare Deum, si quis imminentes tali necessitate vellet a bello abstinere; sed necessitate cessante, non est licitum bellare diebus festis.*

4. Ex mediis jure belli prohibitis: v. g. si non modo occultentur infidiae, sed etiam foedera non servantur, & jura gentium pervertantur; fides enim, quando promittitur, etiam hosti servanda est, contra quem bellum geritur, inquit Aug. Epist. ad Bonif. 207.

5. Ex pertinacia: ut si oblatae satisfactiones repudientur; siquidem, ut optime monet Cajet. sicuti privati homines litigantes non possunt recusare oblatam satisfactionem, ita nec Principes bellum inter se gerentes: circa quod ita monet Aug. ad Bonifacium Epist. 207. *Esse ergo etiam bellandum pacificus, ut eos quos expugnas, ad pacis utilitatem vincendo perducas.*

6. Ex stragibus excedentibus: ut si par- ta jam victoria occidantur indiscriminatim & rei & innocentes, etiam cum nullum subest periculum rebellionis: tunc enim parcendum est multitudini, & ad summum saeviendum in capita. Ideo Ambr. Theodo- sio Imperatori ingressum Ecclesiae interdixit, quia in bello absque periculo rebellio- nis integram gentem deleverat. Innocen- tes autem sunt in duplici differentia; alii sunt innocentes ex jure naturae, ut pueri, senes, mulieres, demum omnes, qui nec manu, nec consilio bello gerendo pos- sunt cooperari; alii ex praesumptione, ut rustici, Clerici, Religiosi, qui ex eorum statu praesumantur bello non cooperari: aequitas postulat, ut hi omnes eximantur a caede, nisi certo sciatur eos ad bellum concurrisse, vel timeatur futurum ut con- currant: quod confirmat Aug. Epist. ad Bonifac. 207. *Itaque hostem pugnantem ne- cessitas perimat, non voluntas. Sicut rebel- lanti, & resistenti violentia redditur; ita victo vel capto misericordia jam debetur, maxime in quo pacis perturbatio non time- tur.*

CAPUT VIII.

De spirituali homicidio, seu de scandalo.

ARTICULUS I.

Quid & quotuplex scandalum.

Scandalum est dictum, vel factum, vel omittum, minus rectum, præbens alicui occasionem peccandi & ruinæ spiritualis. Quippe sit in via corporali obex, cui impingimus, & præbens occasionem lapsus, dicitur scandalum; ita in via spirituali actio minus recta, præbens occasionem ruinæ, dicitur scandalum: ex quo patet, quod peccata mere interna non possunt habere rationem scandali: patet etiam, quod actio minus recta, habens speciem mali, potest esse scandalum. Ideo dicit Paulus 1. Thess. c. 5. v. 22. *Ab omni specie mali abstinete vos.* Sed ut actio minus recta sit scandalum, non est necesse, quod sit publica coram omnibus facta; sed sufficit, quod sit externa coram aliquibus facta.

Scandalum aliud est activum, aliud passivum. Activum est actio minus recta, qua inducimus proximum ad peccandum: talis est injusta rapina facta coram proximo.

Passivum est occasio, quam quis sumit ex actione alterius: tale est peccatum, in quod labitur persona scandalum pariens.

Activum scandalum aliud est per se, aliud per accidens.

Scandalum activum per se est, ut loquitur D. Thom. 2. 2. q. 43. a. 1. ad 4. quando aliquis suo inordinato dicto vel facto intendit alium trahere ad peccandum, scilicet, intentione vel expressa, vel interpretativa... Expressa, ut quando quis sollicitat alium ad peccatum... Interpretativa, ut quando facit aliquid, quod potest per se trahere ad peccatum, v. g. furatur, mœchatur, & blasphematur coram proximo.

Scandalum activum per accidens est, quando non intenditur ruina proximi, sed tantum queritur delectatio in dicto, vel facto minus recto: v. g. cum quis facit aliquid, quod vel est malum, vel habet speciem mali, querens non ruinam proximi, sed delectationem, quam reperit in eo, quod operatur.

ARTICULUS II.

Quale peccatum sit scandalum, & quibus in casibus interveniat scandalum.

Pro. unica. Scandalum activum est peccatum mortale, tanto gravius, quanto

gravius est peccatum, in quod cadunt scandalizati.

Prob. 1. Scriptura. *Vae mundo a scandalis*, Matth. 18. v. 7. Maledictio autem non datur, nisi peccato mortali.

Prob. 2. Ex D. Thom. Si vero scandalum activum sit per se, puta, cum intendit inducere alium ad peccandum; si quidem intendat inducere ad peccatum mortalem, est peccatum mortale; & similiter si intendat inducere proximum ad peccatum venialiter per actum peccati venialis, est peccatum veniale. 2. 2. q. 43. a. 4.

3. Ex D. Bernard. Num tibi videtur graviter Christus iustificare persecutionem, ab eo qui suggestionem mala, exemplo pernicio, scandalum occasione pervertit animas, quas redemit, quam a Judæo, qui sanguinem illum sudavit? Serm. 1. in conversi. Pauli: Ergo cum scandalum sit in aliquo majus peccatum, quam actio crucifigentium Christum, scandalum debet esse peccatum mortale.

4. Rat. Prima ratio. Per scandalum datur, fratri occasio ruinæ; cum tamen fratri salutem debeamus maxime curare: ergo, &c.

Secunda Ratio. Peccat mortaliter qui omittit correctionem fraternam in certis casibus: ergo a fortiori peccat mortaliter qui est fratri occasio peccandi mortaliter.

Confessaria hujus Doctrinæ.

Confess. 1. Omnis actio, vel ommissio minus recta, quæ vere est, vel probabiliter censetur esse occasio ruinæ proximi, est peccatum scandalum, etiam si agens non expresse intendat illam ruinam, modo intendat interpretative; quia talis actio, vel ommissio habet omnia requisita ad scandalum: ita D. Th. 2. 2. q. 43. a. 1. ad 4. *Dictum vel factum alterius potest esse alteri causa peccandi uno modo per se, alio modo per accidens: per se quidem, quando aliquis suo malo verbo, vel facto intendit alium ad peccatum inducere, vel etiam si ipse hoc non intendat, & ipsum factum est tale, quod de sui ratione habet quod sit inducivum ad peccatum, puta, cum aliquis publice facit peccatum, vel quod habet similitudinem peccati.*

Sic juxta S. Antoninum: Si mulier sciens certe, vel probabiliter dubitans aliquem trahi ad concupiscentiam sui extra matrimonium, nihil hoc curans, se videndam exponeret, ut laudaretur de pulchritudine, mortale esset. Secus autem, si hoc non estimaret, vel non posset commode dimittere ea loca, in quibus videtur ab his, qui contra ejus voluntatem eam concupiscunt.

Sic juxta eundem Sanctum, peccat mortaliter

liter ille, qui habet nimiam familiaritatem cum aliqua persona suspecta, & sentit homines scandalizari, necessaria iudicando & loquendo, nec vult dimittere, non curans quod alii scandalizentur.

Sic iuxta eundem, peccaret mortaliter qui verba proferret luxuriosa vel blasphematoria, iuxta illud Eccli. 23. v. 8. Superbus & maledicus scandalizabitur in illis. Quibus omnibus optime convenit illud Pauli 1. Cor. 10. v. 32. Sine offensione estote Judæis & Gentibus, & Ecclesie Dei.

Consect. 2. Facere coram aliis aliquid, quod non est malum, sed habet tantum speciem mali, est peccatum scandali. Quod si urgeat necessitas rei talem faciendi, debent adstantes præmoneri de bonitate rei faciendæ, & de motivo propter quod fit, quia omnia licent, sed non omnia expediunt. Sic quamvis licitum esset edere Idolothyta, Videte tamen, inquit Paulus 1. Cor. 8. v. 9. ne forte hæc licentia vera offendiculum fiat infirmis. Et D. Thom. 2.2. q. 43. Aliquod scandalum semper peccatum est in eo, qui scandalizat; quia vel ipsum opus, quod facit, est peccatum, vel etiam, si habet speciem peccati, dimittendum est semper propter proximi peccatum, ex qua unusquisque tenetur saluti proximi providere. Sic manducatio carnis dies prohibita, etiam cum licentia, palam id faciens, peccat; si non præmoneat adstantes, ut non scandalizentur, juxta illud Pauli 1. Cor. 8. vers. 13. Si esca scandalizat fratrem meum, non manducabo carnem in æternum.

Consect. 3. Peccant peccato scandali qui abique necessitate utuntur vestibus alterius sexus, juxta illud Deut. 22. v. 5. Non induetur mulier veste virili, nec vir utetur veste feminea: abominabilis enim apud Deum est qui facis hoc. Et Ambrosii Epist. 69. ad Irenæum dicit, quod illud peccatum abhorret natura: Cur mentiris feminam, vel tu femina virum? suis unumquemque sexum induit natura inducens. Mandacium & in verbo turpe est, & in habitu. Et D. Thom. 2.2. q. 169. a. 2. ad 3. ait: Cultus exterior debet competere conditioni personæ secundum communem consuetudinem; & ideo de se vitiosum est, quod mulier utatur veste virili, aut e converso, & hoc præcipue, quia hoc potest esse causa lascivie, & hoc specialiter prohibetur in lege. Deut. 22. Quia gentiles tali mutatione habitus utebantur ad idololatriæ superstitionem. Potest tamen quandoque id fieri sine peccato propter aliquam necessitatem, vel causa se occultandi ab hostibus, propter defectum alterius vestimenti, vel propter aliquod bujusmodi.

Consect. 4. Rei scandali sunt qui larvati incedunt, etiam si non utantur veste alterius sexus. Illud colligitur ex istis Joannis Chrysostomi verbis hom. 38. in Matth. Quis est ille theatralium hominum adeo magnus sonitus? quis tantus tumultus? qui Diabolici clamores? quis vestitus Satanicus? Alius cum adolescens sit, comam pone redactam habet, & naturam aspectu, vestitu, ceterisque bujusmodi effeminando ad teneri sculæ imaginem puellæ deducere contendit: alius e contra cum sit senex, novacula pilos, & pudorem omnem abrasus, cinctus assistens ad dicendum & faciendum omnia paratus est.

Consect. 5. Peccant peccato scandali mulieres, quæ ornant se ea intentione, ut alios ad amorem excitent; quia ex prava sua intentione sunt alii occasio peccandi, juxta illud Script. Prov. 7. v. 10. Ecce mulier occurrit illi ornata meretricio præparata ad capiendas animas. Quod peccatum quam grave sit, docet Petrus his verbis: Quorum non sit extrinsecus capillatura, aut circumdatio auri, aut indumenti vestimentorum cultus. 1. Pet. 3. v. 3. Et Paulus: Mulieres in habitu ornato, cum verecundia & sobrietate ornates se, non intortis crinibus, aut auro, aut margaritis, vel veste pretiosa. 1. Tim. 2. v. 9. Et Chrysost. Si qua vero mulier ideo ornatur & comitur, ut in se oculos omnium irriter; etiam si nullum pulchritudinis suæ potuerit vulnerare, dabit tamen extrema supplicia. Paravit quippe virus, temperavit venenum, porrexit poculum, etiam si nullus, qui biberet, inveniret. Hom. 17. in Matth. Docet idem Tertulianus lib. de cultu feminarum c. 2. Christiana pudice, inquit, appetitionem sui, non tantum appetendam, sed etiam execrandam vobis sciatis. Primo quod non de integra conscientia venit studium placendi per decorem, quem naturaliter scimus invitatores libidinis. Quid igitur excitas in te malum istud? quid invitas? cujus te prosteris extraneam? Tum quod tentationibus viam aperire non debemus, quæ non numquam insidando peccatum perficiunt, certe vel spiritum scandalo permovent.

Consect. 6. Peccant peccato scandali mulieres, quæ collum, pectus, brachia nudant, & ita compolite in publicum prodeunt; hujusmodi enim nuditate præbent viris occasionem peccandi. Ideo ait Tertul. lib. de velandis Virg. cap. 16. Oro te, siue mater, siue soror, siue filia virgo... Vela caput. Si mater, propter filios; si soror, propter fratres; si filia, propter patres. Omnes in te ætates periclitantur: Indue armaturam pudoris, circumduc vallum verecundie, murum sexui tuo strue,

quoniam

quin nec tuos emittat oculos, nec admittat alienos. Et Clemens Alex. lib. 2. Pædag. cap. 2. Neque vero permittendum est mulieribus, ut coram viris appareant aliquid corporis denudantes, ne ambo prolabantur; bi quidem, ut qui ad videndum incitentur; ille vero, ut quæ in se virorum intuitum attrahant. Unde plures Synodi iubent tales mulieres privari abolutione sacramentali, donec resipuerint.

Consect. 7. Peccant peccato scandalii mulieres, quæ fucus vultum adulterant, capillos tingunt, &c. quia per hoc sunt occasio peccandi aliis; & ut diserte probat Tertull. Diabolum imitantur, cuius est se transfigurare in diversas formas: de quo ita ait D. Thom. 2. 2. q. 169. a. 2. *Mulierum fucatio est quædam species fictionis, quæ non potest esse sine peccato. Non semper tamen talis fucatio est cum peccato mortali, sed solum quando fit propter lasciviam, vel in Dei contemptum, in quibus casibus loquitur Sanct. Cyprian. Sciendum tamen, quod aliud est fingere pulchritudinem non habitam, & aliud occultare turpitudinem ex aliqua causa proveniente, puta, ægritudine, vel aliquo buli modo; hoc enim est licitum. 1. Cor. c. 12. Quia secundum Apostolum, quæ putamus ignobiliora membra esse corporis, his honorem abundantiorum circumdamus: fucari autem pigmentis, quo vel rubicundior, vel candidior appareat, adulterina fallacia est; qua non dubito etiam ipsos maritos se nolle decipi, ait Aug. Epist. 245. alias 73. Etenim, ut optime ait Cyprian. tract. 2. de disciplina & habitu Virginum, manus Deo inserunt, quando id, quod ille formavit, reformare & transfigurare contendunt, nescientes, quia opus Dei est omne quod nascitur, Diaboli quodcumque muratur. ... & ibidem ait: Ornamentorum ac vestium insignia, & lenocinia fucorum, non nisi prostitutis & impudicis feminis congruunt, & nullarum sunt pretiosior cultus quam quarum pudor vilis est. Sic in Scripturis Sanctis describitur civitas meretrix compa pulchrius, & ornata, & cum ornamentis suis, ac propter ipsa potius ornamenta peritura.*

Consect. 8. Peccant peccato scandalii mulieres alienos capillos ad ornandum caput sine causa adhibentes, quia mutuata illa capillatura est aliis occasio peccandi. Ideo dicit Apostolus: *Non intortis crinibus.* Timot. c. 2. v. 9. Et D. Petrus: *Quarum non sit extrinsecus capillatura.* 1. Pet. cap. 3. v. 3. Ex Clem. Alex. alienorum capillorum appositiones sunt omnino rejiciendæ. lib. 3. Pædagogi. c. 2.

Consect. 9. Peccant peccato scandalii viri, qui tum in corporis cultu, tum in capillatu-

ra modum excedunt: sicuti enim mulieres nimio ornatu sunt occasio peccandi viris; ita & viri tum occasio peccandi mulieribus. Ideo Tiburtius Martyr interrogatus, an Torquatus apostata, qui solebat se superbius ornare, esset Christianus, respondit, nunquam tales pestes dignatus est Christus habere servos suos, ut refert Baronius ad an. 286.

Consect. 10. Peccant peccato scandalii qui novas illiciti ornatus vestimentorum formas excogitant; quia per hoc sunt occasio peccandi aliis.

Consect. 11. Peccant peccato scandalii qui exercent artes aliquas, quarum operibus homines sine peccato uti nequeunt, v.g. qui vendunt picturas lascivas, libros amatorios. Unde ait D. Th. 2. 2. q. 169. art. 3. ad 4. *Si quæ ars est ad faciendum aliqua opera, quibus homines uti non possunt absque peccato, per consequens artifices talia faciendo peccarent, ut pote directe præbentes aliis occasionem peccandi.*

Consect. 12. Peccant peccato scandalii quæ ædes suas locant ad ludos aleatorios; quia per hoc sunt occasio peccandi aliis: eas enim academias verant & jus Ecclesiasticum, & jus Civile: de quibus sic loquitur Bernardinus Serm. 33. in Dominicam 5. quadragesimæ parte 1. *Dans domum, ut intrus ludatur, sit parriceps tot peccatorum, quot ibi fiunt: dans tabulam & præstans taxillos toties peccat mortaliter, quoties præstat: nullus confessor poterit cum absolvere, donec removeris domum a tali pessimo usu ludendi: impossibile est illum salvari, nisi relinquat illas suas artes maledictas.*

Consect. 13. Peccant peccato scandalii publicis concubinariis, meretricibus, lenonibus, aut lenis ædes locant; quia sunt per hoc aliis occasio peccandi. Jus Civile & Ecclesiasticum illud prohibent: *Qui id faciunt sciunt se & decem librarum auri sustinere penam, & ipsam perdituros habitationem.* Justin. Novella 14. tit. de Lenonibus.

Monit. 1. Quicumque peccat peccato scandalii, præter peccatum personale, inicitur peccato aliorum; quia hic est effectus scandalii.

Monit. 2. Quicumque peccat peccato scandalii, tenetur in confessione aperire non tantum peccatum personale, sed circumstantias scandalii, & numerum personarum, quæ tali scandalo ceciderunt, vel potuerunt cadere; quia scandalum est circumstantia varians peccatum specificæ.

Monit. 3. Qui peccat peccato scandalii, tanto gravius peccat, quanto eminentiorum habet dignitatem; quia dignitas personæ

sonæ multum facit ad persuadendum peccatum; & ita peccatum scandali gravius est. 1. In Clerico quam in Laico, juxta illud Bernardi: *Nuge in ore secularium, in ore Sacerdotum blasphemie*. 2. In magistratu quam in privato, & in Rege quam in subdito: *Quia desinunt reprobari hoc ipso quod sunt purpurata delicta*. 3. In patre quam in filio; quia propter exemplum parentum filiis sunt religiosa delicta. 4. In Magistro quam in discipulo; quia disperdet Dominus qui fecerit hæc, magistrum & discipulum. 5. In pastoribus quam in ovibus; quia pastores sunt sal terræ, lux mundi, & Christi bonus odor, & spectaculum facti sunt mundo & hominibus.

ARTICULUS III.

An res præcepta sit omittenda propter scandalum passivum proximi.

Prop. unica. Non tenemur vitare rem præceptam ob scandalum passivum proximi; immo debemus illam exequi, licet multi hinc ex propria malitia scandalum patiantur.

Prob. 1. Script. Non sunt facienda mala, ut inde veniant bona: Rom. 3. v. 8. & proinde nemo debet negligere suum officium, quod malum esset, ob idem, quod negligendo ea quæ sunt sui officii, id saltem assequetur quod proximus non suscipiet scandalum.

2. Ex Greg. hom. 7. in 2. c. Ezech. *Quantum sine peccato possumus, vitare proximorum scandalum, debemus: si autem de veritate scandalum sumitur, utilius nasci scandalum permittitur, quam ut veritas relinquatur.* Sic Christus inunctum a Patre officium Redemptoris exequabatur, quamvis esset Scribis & Phariseis scandalum; immo cum aliquando accessissent ad eum discipuli dicentes: *Scis quia Pharisei audito verbo hoc, scilicet, non quod intrat in os coinquinat hominem, scandalizati sunt; at ille respondens ait: omnis plantatio, quam non plantavit Pater meus, eradicabitur; finite illos, cæci suos & duces cæcorum.* Matth. 15. vers. 12.

3. Ex Raym lib. 3. de scandalo, ubi hæc assertur regula.

Scandala pro vita, doctrina, justitiaque, Tu non effugies, sunt in reliquis fugienda. Pro vita; quia pro nullo scandalo debet quis mortaliter peccare. Doctrina; quia doctor, vel prædicator non debet falsum docere vel prædicare pro aliquo scandalo vitando Justitia; quia nec judex falsam sententiam, nec testis falsum testimonium debet ferre pro aliquo scandalo vitando,

4. Rat. Ordo caritatis postulat, ut quique salutis suæ magis quam alienæ invigilet. Ergo cum ad propriam salutem pertineat rem præceptam exequi, non debemus ab ea desistere, licet scandalizetur proximus.

Conseclaria hujus Doctrinæ.

Consecl. 1. Nulla unquam licet violare præcepta negativa juris naturalis ad vitandum scandalum; quia illa præcepta obligant ad semper & pro semper. Sic nunquam ob scandalum metum licebit mentiri, innocentem interficere, &c.

Monit. Præcepta affirmativa, quia non obligant ad semper & pro semper, sed solum tempore & loco, non sunt eo tempore observanda, quo ex intempestiva eorum observatione scandalum oriretur. Sic licet teneat corrigere proximum, non tamen eo tempore hanc debeo correctionem adhibere, quo video ex illa correctione nasciturum scandalum.

Consecl. 2. Quoties tenemur ex præcepto administrare vel tueri bona temporalia, non possumus ea dimittere propter scandalum, ut docet D. Th. Talia sunt bona Ecclesiæ, Reipublicæ, vel ea quæ deposito & tutelæ habemus. . . . En verba D. Th. Dicendum, quod circa bona temporalia distinguendum est. Aut enim sunt nostra, aut sunt nobis ad conservandum pro aliis commissa, sicut bona Ecclesiæ committuntur Prælati, & bona communia quibuscumque Reipublicæ Regibus. Et talium conservatio, sicut & depositorum imminet his, quibus commissa sunt ex necessitate; & ideo non sunt propter scandalum dimittenda, sicut nec alia, quæ sunt de necessitate salutis. 2. 2. q. 43. a. 8.

Sic bona, quorum non sumus domini, non sunt dimittenda ob scandalum; quia hoc noceret bono communi: daretur enim malis occasio rapiendi, & noceremus ipsis, qui raperent; quia in peccato rapinæ perleverarent.

Consecl. 3. Nullus ob metum scandali potest falsa docere; potest tamen secundum congruentiam temporis veritatem reticere. Ita D. Th. 2. 2. q. 43. a. 7. ad 2. Propter nullum scandalum, quod sequi videatur, debet homo prætermissa veritate falsitatem docere. Sed ipse actus docendi inter spirituales eleemosynas computatur; & ideo eadem ratio est de doctrina, & de alius misericordiarum operibus. Et proinde juxta mentem D. Thom. sicuti non tenemur dare eleemosynam, nisi cum illud postulant & necessitas proximi, & nostrum officium; ita docere veritatem non tenemur, nisi quando id exigit vel nostrum officium, vel pro-

proximi necessitas. Et D. Raymundus loco supra citato ait, quod prædicator doctore tacere potest & debet, si omnes ita obfœnati sunt, quod deteriores efficiantur doctrina.

Consect. 4. Ob vitandum scandalum, quod interdum nascitur ex veritate intempestive prædicata, Concionatores debent abstinere ab iis omnibus tractandis coram populo, quæ non inferiunt ad docendum, arguendum, corripiendum, & erudiendum in iustitia, ut perfectus sit homo Dei ad omne opus bonum instructus, ut loquitur Paulus; sed omnis his questionibus, quæ tumultum potius excitant, quam pietatem foveant, debent insilere eradicandis vitiis ex hominum mentibus, & inferendis virtutibus: ideo legant quæ pro Concionatoribus scripti Sanctus Carolus Borromeus.

Consect. 5. Ad vitandum scandalum, ut docet passim August. nulla compensatio criminum est admittenda: & ita ne putemus, ait, nobis licitum minora peccata committere, ut vitentur majora: ut fecit Loth, offerendo filias virgines Sodomitæ, ut vitaret crimen contra naturam. Gen. 18. uti fecit senex Gabonita in causa Levitæ. Judic. 19. v. 14.

ARTICULUS IV.

Quæ omittenda sunt ad vitandum scandalum pusillorum.

Prop. 1. Opus ex objecto indifferens debet omitti ad vitandum scandalum pusillorum, id est, eorum qui non ex malitia cordis, sed ex infirmitate mentis scandalum patiuntur.

Prob. 1. Exemplo Pauli, qui dicit, quod non manducaret carnem in æternum, si sciret nascenturum hinc fratri suo infirmo scandalum. Si esca, inquit, scandalizat fratrem meum, non manducabo carnem in æternum, ne fratrem meum scandalizem. 1. ad Corinth. 8. v. 13.

2. Ex D. Raymundo ibidem: Cum opus est indifferens, videtur secundum prædicta omnino cessandum esse propter scandalum.

3. Rat. Ordo caritatis exigit, ut ab indifferentibus abstinemus, ne limus scandalum fratribus nostris.

Consectaria bujus Doctrinae

Consect. 1. Si ambulare, si loqui, si cum fratribus conversari, scandalum infirmis pariat, debemus illud omittere. Videte autem, inquit Paulus, ne forte hæc licentia

vestra offendiculum fiat infirmis. 1. Corinth. c. 8. v. 9.

Consect. 2. Propter scandalum pusillorum vel totaliter dimittenda sunt temporalia, quorum sumus domini, vel aliter scandalum est sedandum per aliquam admonitionem, ut docet Augustinus. Et D. Th. 2. 2. q. 43. art. 8. in corp. Temporalia vero bona, quorum nos sumus domini, dimittere ea tribuendo, si penes nos ea habeamus, vel non repetendo, si apud alios sint propter scandalum quandoque quidem debemus, quandoque autem non: si enim scandalum ex hoc oritur propter ignorantiam, vel infirmitatem aliorum, quod est scandalum pusillorum, tunc vel totaliter dimittenda sunt temporalia, vel aliter scandalum sedandum, scilicet, per aliquam admonitionem, ut ait Aug. Dandum est quod nec tibi, nec alteri noceat... & cum negaveris, quod peti, indicanda est ejus iustitia; & melius aliquid dabis cum petentem injuste correxeris.

Prop. 1. Bona spiritualia, quæ ad salutem non sunt necessario facienda, id est, quæ non sunt de præcepto, sed tantum de consilio, quandoque differenda, vel occultanda, vel in perpetuum dimittenda ad vitandum scandalum pusillorum.

Prob. ex D. Thom. 2. 2. quest. 43. art. 7. in corp. In spiritualibus bonis, quæ non sunt de necessitate salutis, videtur distinguendum; quia scandalum, quod ex eis oritur, quandoque ex malitia procedit, cum scilicet aliqui volunt impedire bujusmodi spiritualia bona, scandalum concitando, & hoc est scandalum Pharisæorum, qui de Doctrina Domini scandalizabantur; & hoc contemnendum Dominus docet: quandoque vero scandalum procedit ex ignorantia, vel infirmitate, & bujusmodi est scandalum pusillorum, propter quod sunt spiritualia bona, scilicet, consilii, vel occultanda, vel etiam interdum differenda, ubi periculum non imminet, quousque reddita ratione, bujusmodi scandalum cesset; si autem post redditam rationem bujusmodi scandalum duret, jam videtur ex malitia esse; & sic propter ipsum non sunt bujusmodi spiritualia opera dimittenda.

Consectaria bujus Doctrinae

Consect. 1. Filius familias vocatus ad statum Religiosum, vel Ecclesiasticum, si prævideat, quod suscipiens illum statum perturbationem familiæ suæ tibi illaturus, debet propositi executionem ad congruum tempus differre; & suscipiendus ad Deum, expectare consensum parentum, aut saltem elicerere,

re, ut instruantur quomodo hac in parte se gerere debeant.

Confess. 2. Mulieres conjugatæ debent dimittere bona spiritalia, quæ sunt de consilio, & non de præcepto, v. g. audire missam quotidie, adesse horis Canonicis diebus festis, recipere Eucharistiam quolibet die aut qualibet hebdomada; si hinc nascatur perturbatio domestica... & melius est, ut omittant hæc exercitia spiritalia, aliique illorum loco substituant de consilio & consensu Confessarii sui.

ARTICULUS V.

Quæ omittenda sunt ad vitandum scandalum, etiam malignorum.

Prop. unica. Videtur quod ex lege caritatis aliquando abstinendum sit ab operibus ex objecto indifferentibus, si parum sint nobis necessaria, quando scilicet proximus ex propria etiam malitia ex illis operibus occasionem ruinæ suscepturus est. Omissio vero operis indifferentis præsumitur proximo profutura. Sed ab his operibus indifferentibus non abstinendum est, si tam omissio, quam non omissio prævideatur futura proximis scandalo ex eorum malitia.

Prob. 1. Scriptura. *Sine offensione esto Judeis & Gentibus, & Ecclesie Dei; sicut & ego per omnia omnibus placeo, non querens quod utile est mihi, sed quod multis, ut salvi fiant.* 1. ad Corint. 10. v. 36. Ergo exemplo Pauli debemus abstinere ab indifferentibus, non solum cum proximus patitur scandalum ex infirmitate, sed etiam aliquando, cum patitur scandalum ex propria malitia; quia inter eos omnes, quibus placere conabatur Apostolus, erant non solum qui ex infirmitate, sed etiam qui ex malitia scandalum sumebant ex actionibus Pauli.

2. Ex D. Raymundo lib. 3. de scandalo §. 2. ubi sic habet: *In tertio casu, scilicet, cum objectum est indifferens, videtur secundum prædicta omnino cessandum esse propter scandalum.*

3. *Rat.* Ordo caritatis exigit, ut nemo quod suum est querat, sed quod est alterius; præcipue cum æterna salus proximi agitur; salus enim æterna proximi debet commodis nostris temporalibus præponderare: Ergo ex lege caritatis, quæ non querit quæ sua sunt, sed quæ Jesu Christi, debemus opera ex objecto indifferentia nobis non admodum necessaria interdum omittere, ut vitetur scandalum, etiam ex malitia proximi nasciturum.

Dixi *res indifferentes*, quia res necessaria non sunt omittendæ; nobis enim præcipitur ea agere, quæ nobis sunt necessaria.

Dixi, quod res indifferentes sunt omittendæ aliquando ob scandalum, etiam malitiose acceptum; quia durius esset, semper se rebus indifferentibus privare ob scandalum malitiose acceptum.

Confessaria hujus Doctrinæ.

Confess. 1. Non omittenda sunt ea, quæ sunt necessaria vel ad victum, vel ad vestitum, licet maligni hinc sumant occasionem scandali.

Sic Christus non a cibo & potu abstinuit, licet Pharisei malitiose dicerent: *ecce homo vorax, potator vini.*

Sic Discipuli Christi non abstinerunt a cibo & potu necessariis, quamvis Pharisei malitiose inquirerent a Christo: *quare discipuli tui non jejunt?*

Confess. 2. Non omittenda sunt ea, quæ sunt necessaria ad honestam recreationem, licet maligni hinc sumant occasionem scandali: sic Joannes Evangelista, ut refertur in collationibus Patrum, honeste recreabat animum. *Et cum quidam scandalizarentur*, inquit D. Th. *quod cum cum discipulis suis ludentem invenirent, dicitur mandasse uni eorum, qui arcum gerebat, ut sagittam traheret. Quod cum pluries fecisset, quæsit utrum hoc continue facere posset: qui respondit, quod si hoc continue faceret, arcus frangeretur. Unde beatus Joannes subintulit, quod similiter animus hominis frangeretur, si numquam a sua intentione relaxaretur.* 2. 2. q. 168. a. 2. in C.

Confess. 3. Ea quæ vel ad victum, vel ad vestitum, vel ad honestam recreationem necessaria non sunt, sed conducunt solum vel ad victum immoderatiorem, vel ad vestitum luxuriosiores, vel ad recreationem parum honestam: ea, inquam, omittenda sunt, tum quia ibi non reperitur Christiana mediocritas, tum quia hi excessus sunt occasio, cur proximis in majores excessus prolabor.

Sic dato, quod convivia lautiora, quod splendidiore vestes, quod recreationes parum decentes, quales sunt choreæ, comedix, &c. essent res indifferentes, ut volunt homines mundani, deberent tamen evitari ob scandalum, quod semper adjunctum habent.

ARTICULUS VI.

*De his, qui videntur esse scandalum, & non sunt:
qui videntur cooperari peccato, &
non cooperantur.*

Prop. 1. Ille non peccat peccato scandalum, nec peccato proximi cooperatur, qui iusta de causa, pioque motivo præstat aliquid vel sanctum, vel honestum, quo posito, proximus malitiose elicit aliquid cum peccato, quod si vellet, posset omittere, vel elicere sine peccato; modo ille qui elicit opus vel sanctum, vel honestum, ad quod ex malitia alterius sequitur peccatum, nec ex iustitia, nec ex caritate, v. g. ex officio superioris, vel ex lege correctionis fraternæ, teneatur peccatum proximi impedire.

Prob. 1. Scriptura. Cum Judæi scandalizati fuissent, eo quod Christus dixisset, *Non quod in os intrat coinquinat hominem*, monitus de illo scandalo a Judæis malitiose suscepto, ait: *Sinite illos, cæci sunt & ducuntur a cæcorum.* Matth. c. 15. v. 13. Ergo possumus opus sanctum, vel honestum elicere, licet proximus ex propria malitia sumat præter intentionem nostram occasionem peccandi.

2. Ex Aug. Epif. 47. ad Publicolam, ubi sic habet: *Abstine ut ea, quæ propter bonum ac licitum facimus, aut habemus, si quid per hec præter nostram voluntatem cuiquam mali acciderit, nobis imputetur.* Alioquin nec ferramenta domestica & agrestia sunt habenda, ne quis eis vel se, vel alterum interimat: nec arbor, aut restis, ne quis se inde suspendat: nec fenestra facienda est, ne per hanc se quisque præcipitet, quid plura commemorem, cum ea commemorando finire non possim? quid enim est in usu boni numi bono ac licito, unde non possit etiam perniciet irrogari? Ergo quæ sunt bona & honesta agere possumus, licet hinc pravi homines peccandi occasionem fuscipiant.

3. Ex D. Th. 2. 2. q. 43. a. 1. ad 4. ubi sic habet: *Per accidens autem aliquod verbum, aut factum unius, est alteri causa peccandi, quando etiam præter intentionem operantis, & præter conditionem operis aliquis male dispositus ex huiusmodi opere inducitur ad peccandum, puta, cum aliquis invidet bonis aliorum, & tunc ille qui facit huiusmodi actum rectum, non dat occasionem, quantum in se est, sed alius sumit occasionem secundum illud ad Rom. 7. v. 8. Occasione autem accepta &c.* Ergo quod est rectum agere possumus, licet hinc alii malitiose sumant occasionem peccandi.

4. Rat. Prima Ratio. Quilibet potest abs-

que peccato iusta ex causa pioque motivo uti iure suo, ut patet: atqui quilibet ius habet elicendi actum vel sanctum, vel honestum, cum neutrum illorum sit prohibitum: ergo quilibet potest elicere actum vel sanctum, vel honestum sine peccato, licet alius sumat inde ex propria malitia occasionem peccandi.

Secunda Ratio. Actio scandalosa ea est, quæ vel mala, vel minus recta præbet alteri occasionem ruinæ; opus autem vel sanctum, vel honestum, nec est actio mala, nec minus recta, nec præbet alteri occasionem ruinæ, sed proximus sumit malitiose ex eo quod bonum est, vel honestum, occasionem peccandi: ergo opus sanctum, vel honestum potest sine peccato a nobis exerceri, licet alii hinc ex propria malitia sumant occasionem peccandi.

Consecutaria huius Doctrinæ.

Consect. 1. Non peccat persona publica, quæ iusta de causa, & ex necessitate exigit iuramentum ab eo, qui falso iuraturus præsumitur; quia exigens iuramentum utitur iure suo.

Sic iudex carens testimonio, servato ordine juris, potest exigere iuramentum ab eo, qui præsumitur peiuraturus. Sic Princeps, dum init pacem cum hostibus, potest exigere iuramentum ab illis, licet sint iuraturi per falsos deos: ita D. Th. 2. 2. q. 98. a. 4. in corp. Si autem aliquis exigit iuramentum tanquam persona publica, quod exigit ordo juris ad petitionem alterius, non videtur esse in culpa, si ipse iuramentum exigit, si ve sciatur eum falsum iurare, si ve verum; quia non videtur ille exigere, sed ille, ad cuius instantiam exigit. Iudex tamen debet omnia tentare, ut quantum est in se, non fiat perjurius.

Sic pariter non peccat homo privatus, qui controversiam habens cum alio, exigit iuramentum ab illo, modo dubitet de facto, vel nesciat, an iuraturus sit verum, vel falsum, credat ve eum pro vero iuraturum; tunc enim ut dicit D. Th. 2. 2. q. 98. a. 4. ad 1. ad maiorem certitudinem exigit iuramentum, & rem ex se sanctam postulat.

Sic licet tam personæ privatæ, quam publicæ recipere iuramentum illius, qui verum per falsos deos iuraturus est; minime vero illius, qui falsum per verum Deum iuraturus est: quia in primo iuramento est veritas, qua uti licet: in secundo est falsitas, qua numquam uti licet: ita D. Th. in eadem q. a. 4. ad 4. Licet ejus, qui per falsos deos iurare paratus est, iuramentum recipere: non tamen licet.

licet eum inducere ad hoc, quod per falsos deos juret. Alia tamen ratio videtur esse in eo, qui per verum Deum falsum jurat; qua in tali juramento deest bonum fidei, qua utitur aliquis in juramento illius, qui per falsos deos verum jurat.

Monit. Peccat e contra qui sine causa & necessitate exigit juramentum ab eo, qui illicite juraturus praesumitur; quia inducens ad jurandum frustra est causa illiciti juramenti: tunc enim, ut utar verbis D. Th. 2. 2. q. 98. a. 4. ad 2. *Propria sponte ad jurandum cogit eum, quem scis falso juraturum: & juramentum exigit quod nihil inservire valet nisi ut Deus perjurio offendantur, & pejerans vitio perjurii commaculetur.*

Sic peccat personatum publica, tum privata intra litis contestationem, quae, dum aliunde habet sufficientia testimonia ad erudendam veritatem, exigit juramentum ab eo, qui pejeraturus praesumitur. Id docet D. Th. his verbis 2. 2. q. 98. a. 4. in corp. *Si autem scis, eum fecisse, scilicet, contrarium ejus, quod jurat, & cogit eum jurare, homicida est; ille enim suo perjurio se interimit; sed iste manum interficientis impressit.* Et peccatum est multo gravius, quando illud fit eo fine, ut proximum perjurii convincatur per instrumenta manifestantia veritatem, quae malitiose occultantur. Habes circa hoc egregium factum Domini Duharlay primi praedidis Parisiensis, qui poena multavit debitorem, qui munitus instrumentis, quibus debitum suum probaret, juramentum debitori detulerat, ut eum post juramentum perjurii argueret. *Proces verbal des confesances de l'Ordonnance criminelle.* Titre 13. art. 3. Et Aug. refert exemplum cujusdam civis Hiponensis, alioquin boni, extraordinariae a Deo puniti, quod neminem debitum perderet, juramentum a pejeraturo exegisset. Serm. de decollatione S. Joan.

Consect. 2. Non peccat qui iusta de causa & ex necessitate recipit, immo exigit Sacramenta a ministris qui tenentur ea conferre, licet illi ministri ob indignitatem suam peccent, conferendo sacramenta; tunc enim fidelis rem sanctam postulat, scilicet Sacramenta, & cum ea exigit a suo Parocho vel Praelato, utitur jure suo. Cum enim Sacramenta sint propter homines, homo ius habet ea exigendi a ministris, quibus illorum dispensatio ex officio incumbit, & penes eoldem ministros est per gratiam Christi conferre Sacramenta cum debitis dispositionibus.

Sic in extrema necessitate, v. g. in mor-

tis articulo, licet recipere, immo exigere Sacramenta necessitatis, nimirum Sacramentum Baptismi, Pœnitentiae a malis ministris, immo a ministris excommunicatis, suspensis, & ab Ecclesia non toleratis, si non sint alii ministri; quia in talibus circumstantiis, quilibet sacerdos est quali proprius Parochus; cessatque omnis reservatio in Ecclesia Dei, inquit Trid. sess. 14. c. 7. *In Ecclesia Dei custoditum semper fuit ut nulla sit reservatio in articulo mortis; atque ideo omnes sacerdotes quoslibet pœnitentes a quibusvis casibus & censuris absolvere possunt.*

Monit. Si tamen ex tali communione cum hæreticis & schismaticis oriretur multorum fidelium scandalum, diminutio Catholicæ Religionis, incrementum hæreseos, vel schismatis, tunc aditus posset sine actuali Sacramentorum receptione per votum Sacramenti salutis suae consulere.

Sic, urgente vulgari necessitate, etiam extra mortis articulum, potest quilibet fidelis, non solum recipere, sed etiam exigere Sacramenta a Parocho, quantumvis malo, si sit ab Ecclesia toleratus; quia utitur jure suo.

Monit. Si tamen sit alius minister dignior, ad quem commodè possit accedere, tenetur non ex justitia, cum ad id jus habeat, sed ex caritate, a digniori ministro Sacramenta recipere, etenim sic peccatum proprii Parochi impeditur.

Sic, stante vulgari necessitate, fidelis non potest exigere Sacramentum a malo ministro qui nec Parochus est, nec paratus ea administrare; quia non habet jus exigendi, nec proinde inducendi ad conferendum Sacramenta: si tamen paratus esset conferre Sacramenta quibuscumque obviis fidelibus, tunc oblata Sacramenta & recipere liceret cuilibet fidelij; tunc enim Sacramentum recipiens, ministrum non induceret ad illicitam administrationem Sacramenti, sed ad bonum uteretur prava ejus voluntate Sacramenta obviis quibuscumque fidelibus offerente.

Consect. 2. Quando persona publica, vel politica ut Notarius, vel Ecclesiastica ut Parochus, tenetur ex officio cooperari quibusdam actionibus sanctis, vel honestis a proximo elicendis, potest persona publica eis actionibus cooperari absque peccato, licet proximus hanc actionem ex objecto vel sanctam, vel honestam vitiet prava aliqua circumstantia occulta; quia tunc persona publica jure suo utitur, & officio suo satisfacit; & proximus, id quod est ex objecto licitum, efficit prava sua intentione vitiosum.

Sic Sacerdos potest, immo debet Eucharistiam

riffiam ministrare peccatori, & excommunicato, & hæretico occulto, si petat publice; quia peccatum utpote occultum non dat jus denegandi Eucharistiam, si eam publice petierit: ita docet D. Th. post Aug. 3. p. q. 80. a. 6. *Manifestis, inquit, ergo peccatoribus non debet etiam petentibus Sacra Communio dari, ut Cyprianus docet de hystironibus. . . Si vero non sint manifesti peccatores, sed occulti, non potest eis petentibus Sacra Communio denegari; cum enim quilibet Christianus ex hoc ipso quod est baptizatus, sit admissus ad Dominicam cœnæ mensam, non potest ei jus suum tolli, nisi pro aliqua causa manifesta: unde super illud 1. Cor. 5. Si is qui frater nominatur inter vos, dicit Glossa Augustini: Nos a Communionem quemquam prohibere non possumus, nisi aut sponte confessum, aut in aliquo iudicio Ecclesiastico, vel seculari nominatum, atque convictum.*

Sic Parochus iudice requisitus potest, immo debet matrimonio Parochianorum tamquam testis interesse, quamvis ex confessione, vel alia via occulta sciat contrahentes esse vel in statu peccati, vel cum aliquo occulto impedimento contrahere; quia vitium occultum non dat jus denegandi Parochianis sui præsentiam, post decretum Tridentini ad valorem matrimonii absolute necessariam.

Sic pars desponsata requisita, ut sponsalibus satisficiat, & matrimonium contrahat, potest sine peccato matrimonium inire, licet sciat ejus compartem matrimonii Sacramentum in statu peccati recepturam (a); quia peccatum occultum non dat jus denegandi sponsalium executionem, quando hæc aut iudice, aut quasi iudice requiruntur.

Sic Notarius requisitus a partibus contrahentibus potest sine peccato licitas ex objecto contrahentium voluntates suscipere, licet illi contractus ex occulta contrahentium intentione sint illiciti, quia occultum peccatum non dat jus Notario denegandi sui præsentiam ad contractum civilem absolute necessariam. Notarius potest, v. g. testamentum transcribere, modo testamentum illud sit per leges permissum; in quo tamen testator perperam bona sua subtrahit consanguineis, ut ea det extraneis. Item potest transcribere contractum usurarium, modo non sit manifeste per leges tamquam usurarium reprobatum; quia occulta usura non dat Notario jus denegandi sui præsentiam ad contractum civilem absolute necessariam.

Sic privatus quilibet, cui non interdicitur

ex conditione sui status armorum exercitum potest licite, immo iustus debet sub suo Principe bellum exercere, licet bellum occultum contineret injustitiam; est enim subditus Regi, cui in omnibus manifestam injustitiam non continentibus, obtemperandum est.

Monit. In prædictis casibus Sacerdos Sacramenta conferens, sponsus, vel sponsa contrahens, Notarius contractum recipiens, &c. debent quantum in ipsis est iuxta regulas prudentiæ præmonere eos, qui actionem sanctam, aut honestam ex objecto prava aliqua circumstantia vitiant: debent, inquam, præmonere eos, ut a prava illa circumstantia abstinant: ita docet D. Th. loquens de Sacerdote Eucharistiam ministrante: *Potest tamen Sacerdos, qui est conficius criminis, occulto monere peccatorem occultum, vel etiam in publico generaliter omnes, ne ad mensam Domini accedant antequam de peccatis poeniteant.* Ibidem loco supra citato.

Consect. 3. Non peccat qui ad subveniendum vel necessitati propriæ, vel alienæ, accipit mutuum sub usuris; etenim utitur jure, quod habet subveniendi sibi per alienam pecuniam nec inducit hominem ad peccatum, sed peccato usurarii utitur ad bonum: ita hanc regulam confirmat D. Th. 2. 2. q. 78. a. 4. in corp. *Dicendum, quod nullo modo licet aliquem ad mutuandum sub usuris inducere; licet tamen ab eo, qui hoc paratus est facere, & usuras exercet, mutuum accipere sub usuris propter aliquod bonum, quod est subveniendi necessitatis sue, vel alterius; sicut etiam licet ei, qui incidit in latrones, manifestare bona, que habet (que latrones peccant diripiende) ad hoc, quod non occidatur, exemplo decem virorum, qui dixerunt ad Ismael: noli occidere nos, quia thesaurus habemus in agro.* Jer. 41. v. 8.

Consect. 4. Non peccat beneficii Ecclesiastici legitimus possessor, qui dat aliquid temporale, ut injusta impedimenta removeat; quia utitur jure suo: ita docet D. Th. *Dicendum, quod antequam alicui acquiratur jus in Episcopatu, vel quacunque dignitate, vel præbenda per electionem, vel provisionem seu collationem, simoniacum esset adversantium obstacula pecunia redimere; sic enim per pecuniam pararet sibi viam ad rem spirituales obtinendam: sed postquam jus alicui acquisitum est, licet per pecuniam injusta impedimenta revocare.* D. Th. 2. 2. q. 100. a. 2. ad 5.

(a) Nisi alias vitare possit: caritas enim postulat, ut & correctione fraterna utamur erga proximum, & ut peccatum ejus, quantum possumus, impediamus.

TRACTATUS
DECIMUS TERTIUS.

De sexto Decalogi Præcepto.

Duo hæc Præcepta: *Non moraberis... Non desiderabis uxorem proximi tui*: Exod. 20. iuvat hic simul explicare; quia ad eundem finem tendunt. Deus quippe his duobus præceptis idemferre a nobis exigit; præcipit enim iustoque præcepto castitatem; vetat vero omnem extra legitimum conjugium luxuriæ libidinem, ut docet Canon *Meretrices*. Hic ergo est explicanda luxuriæ natura; sed quia periculosa est tam obsecni vitii tractatio, antequam subijciam distinctam luxurij criminis ideam, & varias ejus percurram species, prius exhibebo, quam grave sit illud vitium, ut sic & legentium, & audientium animus sit quodam quasi clypeo præmunitus.

CAPUT PRIMUM.

De quibusdam præambulis necessario pertrahendis antequam agatur de vitio luxuriæ.

ARTICULUS I.

Quam grave peccatum sit luxuria.

Prop. 1. Crimen gravissimum est omnem peccatum luxuriæ, idest, usus inordinatus venereorum extra legitimum matrimonium.

Prob. 1. Luxuria est peccatum contra Deum, quatenus polluit templum Dei, quod est corpus nostrum: de quo ita Paulus: *Nescitis, quia templum Dei estis, & spiritus Dei habitat in vobis? Si quis autem templum Dei violaverit, disperdet eum Deus. Templum enim sanctum est, quod estis vos.* 1. ad Corinth. 3. v. 16.

2. Est peccatum contra Christum, quatenus membra Christi, nos scilicet, facie membra meretricis. *Nescitis*, inquit idem Apostolus, *quoniam corpora vestra membra sunt Christi? Tollens ergo membra Christi, faciam membra meretricis!* absit. An nescitis, quoniam qui adhaeret meretrici unum corpus efficitur? *erunt enim*, inquit, *duo in carne una; qui autem adhaeret Domino, unus spiritus est.* 1. ad Corinth. 6. v. 15.

3. Est peccatum contra nosmetipsos, quatenus corpus nostrum polluit. *Fugite fornicationem*, inquit Paulus, *omne enim peccatum,*

Tomo I.

quodcumque fecerit homo, extra corpus est; qui autem fornicatur, in corpus suum peccat. 1. ad Corinth. 6. v. 18.

4. Est peccatum contra proximum, quatenus est contra bonum prolis generandæ; & educandæ, & quatenus complici est occasio ruinæ. *Omnes corruptiones luxuriæ*, inquit D. Thomas, *que sunt præter legitimum matrimonii usum, sunt peccata in proximum, in quantum sunt contra bonum prolis generandæ & educandæ.* q. 15. de malo 2. 11. ad 4.

5. Est peccatum contra statum Christianorum, quibus specialiter jubetur sanctitas. *Fornicatio autem, & omnis immunditia, aut avaritia, nec nominetur in vobis, sicut decet sanctos*, inquit Paulus Ephes. 5. v. 3.

6. Est peccatum aliis longe gravius: est furto scdus, juxta Scripturam: *Non grandis est culpa, cum quis furatus fuerit; furatur enim, ne esuriens impleat animam... Qui autem adulter est, propter cordis inopiam perdet animam suam.* Prov. 6. v. 30. Et juxta Tert. lib. de pudic. c. 22. luxuria gravior est idololatria, non ex objecto, sed ex eo quod magis libere committatur. *Nemo volens*, inquit, *negare compellitur, nemo nolens fornicatur.* Nulla ad libidinem vis est, nisi ipsa; negationem vero quantalibet compellunt ingenia carnisficis & genera pœnarum? Re ipsa quis scelestior, an idololatra, qui Deum amisisse doluit, an fornicator, qui cum amitteret, lussit. Ille bovem mactat idolo; iste hostiam viventem, sanctam, Deo placentem, & debitam mactat Diabolo.

ARTICULUS II.

Quæ pœne contra luxuriam a Deo destinentur.

Deus multis modis punit luxuriam. 1. Temporaliter, immittendo pœnas corporales. 2. Spiritualiter, denegando gratiam. 3. Pœna æterna, addicendo inferno Luxuriosos. Percurro breviter illas pœnas.

§. I.

Pœne temporales contra luxuriam.

1. In pœnam tanti criminis Deus immisit diluvium, dissipans omnem terram. *Corrupta est autem terra coram Deo, & repleta est iniquitate*, inquit Textus Sacer. Gen. 6. v. 11. *Cumque vidisset Deus terram esse corruptam, omnis quippe caro corruerat viam suam super terram, dixit ad Noe: Finis universæ carnis venit coram me, repleta est terra iniquitate a facie eorum, & ego disperdam eos cum terra.*

Y

Quæ

Quali autem crimine corrupta erat terra, non aliquid tantum demereretur punitionem, non aliud innuitur nisi luxuries. *Videntes*, inquit Scriptura Gen. 6. v. 2. *filius Dei*, idest posterius Seth, *filius hominum*, idest, ortus ex Caini prolapia, *quod essent pulchræ*, acceperunt sibi uxores ex omnibus quas elegerant, solam spectantes libidinem in conjugio, quanto graviore poena puniendi, qui extra matrimonium scedis polluantur fornicationibus?

2. Dominus pluit super Sodomam & Gomorham sulphur & ignem. Et subvertit civitates has, & omnem circa regionem, universos habitatores urbi, & cuncta terræ viventia. Gen. 19. v. 24. ut infandam illorum libidinem puniret.

3. Onam inordinate agens in matrimonio, occisus est a Domino. Percussit eum Dominus, inquit Scriptura, eo quod rem detestabilem faceret. Gen. 38. v. 10.

4. Filii Jacob, Simon & Levi fratres Dinæ omnes masculos Sichimitas interfecerunt, ut stuprum illatum Dinæ ulciscerentur. Gen. 34. Laudatque Judith factum illud cap. 9. v. 2. non quidem mendacium perfidiamque fratrum Dinæ approbans, sed iustitiam Dei exaltans, inquit Menochius, qua Sichimitarum impunitas & violentia vindicata est.

5. Fornicatus est populus cum filiabus Moab. Et occisi sunt viginti quatuor milia hominum. Num. 25. 9.

6. Tribus Benjamin fere omnino deleta est in poenam, eo quod vis illata fuerat uxori cuiusdam Levitæ transcuntis Gabaa. Judic. 2.

§. II.

Pœna spirituales contra luxuriam.

1. Deus recedit ab homine impuro. Non permanebit, inquit Deus, spiritus meus in homine, quia caro est. Gen. 6. 3.

2. Permittit Deus impurum hominem labi in reprobum sensum: de quo ita Paulus. Tradidit illos Deus in reprobum sensum, ut faciant ea, quæ non conveniunt, repletos omni iniquitate, malitia, fornicatione. ad Rom. 1. v. 28.

3. Rejecit oblationes impuri hominis. Non offeres, inquit Moyses, mercedem prostibuli, nec pretium canis in domo Domini, quidquid illud est, quod voveris; quia abominatio est utrumque apud Dominum Deum tuum. Deut. 23. v. 18.

§. III.

Pœna æternæ contra luxuriam.

1. Deus declarat se futurum iudicem & te-

stem contra impuros homines: Pro eo quod fecerint sultitiam in Israel, & mœchati sunt in uxores amicorum suorum. Ego sum Iudex & testis, dicit Dominus. Jerem. 29. v. 23.

2. Excluduntur a cælis: Neque fornicarii, neque idolis servientes, neque adulteri, neque molles, neque masculorum concubitores, regnum Dei possidebunt. 1. ad Cor. 6. v. 9.

3. Addicuntur igni perpetuo: de hoc ita Joannes: Fornicatoribus, veneficis, & idololatris, & omnibus mendacibus, pars illorum erit in stagno ardenti ignis & sulphuris, quod est mors secunda. Apol. 21. ver. 8 Et ut sciamus specialem poenam luxuriosis reservatam, ita nos admonet Petrus Epist. 2. c. 2. Novit Dominus pios de tentatione eripere; iniquos vero in diem iudicii reservare cruciandos; magis autem eos, qui post carnem in concupiscentia immunditie ambulant.

Hæc proloqui necessarium visum est mihi, ne quis tam obicena, quæ dicturus sum, cum morosa, ut dicunt, delectatione retineret, sed cum sancto horrore rejiceret. Si quis vero, inquit Aug. impudice aus legat, aus audiat, facta denotet suæ turpitudinis, non verba nostræ necessitatis, in quibus mihi facillime pudicus & religiosus lector vel auditor ignoscit. lib. 14. de Civit. c. 23.

CAPUT II.

Explicatur quid sit luxuria, & quorūplex ejus species.

ARTICULUS I.

De natura luxuriæ.

Luxuria est inordinatus vel usus, vel appetitus delectationis veneræ. Dixi, inordinatus; quia usus venerorum perceptus debito modo in legitimo matrimonio non est illicitus, sed sancte exerceri potest.

Actus luxuriæ alii sunt externi, alii interni. Actus interni sunt actus animæ, qui ordinantur ad actus externos: tales sunt isti actus, desiderium absolutum, vel conditionatum rei veneræ, delectatio morosa in cogitatione veneræ.

Actus externi sunt actus corporis ordinati ad decisionem seminis: hujusmodi sunt, verba lasciva, tactus lascivi, oscula, &c.

Actus externi veneri alii sunt completi in hac linea, alii incompleti.

Actus externi completi sunt illi, in quibus intervenit ultimus terminus venerorum, scilicet decisio seminis.

Actus

Actus externi incompleti sunt illi, in quibus non intervenit decitio feminis.

Actus externi tam completi, quam incompleti, alii sunt naturales, alii innaturales.

Actus luxuriosi naturales sunt illi, ex quibus sequi potest generatio, v. g. concubitus viri cum femina solito more.

Actus luxuriosi innaturales sunt illi, ex quibus sequi nequit humana generatio: tales sunt mollietates, sodomia, bestialitas.

ARTICULUS II.

De variis speciebus luxuriæ secundum naturam.

Species luxuriæ secundum naturam sunt actus illi veneriei inordinati, ex quibus sequi potest generatio.

Species luxuriæ secundum naturam sunt istæ: fornicatio, stuprum, raptus, adulterium, incestus, sacrilegium.

Fornicatio est concubitus naturalis *soluti cum soluta*: per illud *soluti cum soluta* intelligitur solutio seu libertas a vinculo *matrimonii, voti, Ordinis sacri, cognationis*, vel *affinitatis*: alia si concubentium uterque, vel alteruter foret innexus vinculo *matrimonii*, esset *adulterium*, si *voti, ordinis, vel sacri*, esset *sacrilegium*, si *cognationis* aut *affinitatis*, esset *incestus*.

Stuprum est concubitus cum persona virgine invita, & non consentiente; vel si ipsa consentiat, dissentientibus parentibus, dum est sub cura parentum.

Stuprum datur etiam, dum Virgo, & Virginis parentes in illicitam consentiunt deflorationem; sicut verum est adulterium quamvis uterque conjux consentiat.

Adulterium est concubitus cum persona per matrimonium ligata.

Raptus est concubitus cum persona vi abducta, causa libidinis explendæ.

Incestus est concubitus cum persona, vel consanguinea, vel affine usque ad quartum gradum; qui concubitus tanto gravior est, quanto persona est proximior.

Sacrilegium est peccatum luxuriæ, quo sacratur vel persona Deo sacrata per votum castitatis, vel locus sacer profanatur per actum venereum.

Sacrilegium potest fieri quatuor modis. 1. Si persona Deo sacrata sola consentiat, vel delectetur deliberate de re venerea. 2. Si persona non sacrata in actum venereum cum persona sacra consentiat. 3. Si utraque persona luxurians sit Deo sacrata. 4. Si veneretur

actus fiat in loco sacro, verb. gr. in Ecclesia, in Cœmeterio, illicite inter non conjugatos, vel licite inter conjugatos, absque necessitate.

Quando dixi, quod luxuria, fornicatio, &c. sint concubitus, locutus sum de actibus completis, & non de actibus incompletis, qui ad eandem speciem pertinent.

ARTICULUS III.

De variis speciebus luxuriæ contra naturam.

Species luxuriæ contra naturam sunt actus illi veneriei inordinati, ex quibus sequi non potest generatio.

Species luxuriæ contra naturam sunt istæ: Mollietates, Sodomia imperfecta, Sodomia perfecta, Bestialitas.

Mollietates est voluntaria effusio seminis absque congressu, seu copula viri cum muliere.

Sodomia imperfecta est congressus duorum diversæ sexus, v. g. maris cum femina, sed indebito modo, v. g. extra vas debitum: & cum Sodomia reservetur, aut ei imponatur censura Canonica, hoc debet intelligi de Sodomia non imperfecta, sed perfecta.

Sodomia perfecta est congressus ejusdem sexus, v. g. maris cum mare, feminæ cum femina.

Bestialitas est congressus duorum diversæ speciei, v. g. viri cum bestia, vel bestia cum muliere, hominis cum dæmone succubo, vel incubo, idest, dæmone gerente vices viri, vel mulieris.

ARTICULUS IV.

De permixtione diversarum specierum luxuriæ.

Species illæ luxuriæ tam secundum naturam, quam contra naturam, possunt ad invicem permisceri, & secundum actum externum, & secundum affectum: v. g. si Titius conjugatus habeat rem cum Berta consanguinea, virgine, Religiosa & indebito modo; actus ille erit simul Adulterium, Stuprum, Incestus, Sacrilegium, & Sodomia imperfecta, ut patet. 1. Adulterium; quia Titius est conjugatus. 2. Stuprum; quia Berta est virgo. 3. Incestus; quia est consanguinea. 4. Sacrilegium; quia est Religiosa. 5. Sodomia imperfecta; quia indebito modo congrederetur; immo posset esse Raptus, si violenter abducta fuisset & Clausuro.

Ut permixtio secundum actum exteriorem cognoscatur, debet attendi circumstantia personarum, vel suppositorum, cum quibus fit congressus; an personæ sint solutæ; an sint conjugatæ; an sint Religiosæ; an sint affines; an sint ejusdem sexus; an sint ejusdem speciei.

Ut permixtio secundum affectum interiorem cognoscatur, attendi debet intentio & affectus peccantis, v. g. intentio polluentis se: an polluens concupiverit virginem Religiosam; quia tunc pollutio in actu habet malitiam mollitiei, in affectu habet malitiam stupri, & sacrilegii: an congregandi in actuali copula cum una persona, habuerit in affectu aliam; quia tunc congressus in actu habet malitiam illius concubitus, qui exercetur, & in affectu habet malitiam congressus, qui desideratur: v. g. qui congregitur cum meretrice concupiscens matrem suam conjugatam, elicit actum, qui habet malitiam fornicationis in re, & in affectu malitiam Adultærii & Incestus.

ARTICULUS V.

De diversis actibus imperfectis luxuriæ.

Actus imperfecti luxuriæ sunt colloquia obicena, tactus lascivi, oscula lasciva, amplexus lascivi, aspectus obscenorum; quia illa omnia ordinantur ad luxuriam.

Illi actus imperfecti exterius considerati sunt in eadem specie, in qua sunt personæ, a quibus & circa quas exercentur: v. g. si fiant a personis solutis, pertinent ad fornicationem; si fiant ab una persona conjugata, & altera soluta, pertinent ad simplex adulterium; si fiant a duabus personis, non ad invicem conjugatis, pertinent ad duplex adulterium; & sic inducuntur.

Illi actus imperfecti considerati secundum affectum, habent malitiam luxuriæ; quæ intenditur... Sic tactus, oscula, &c. facta a duabus personis solutis, intenduntur & desiderantibus personam Religiosam, habent in se malitiam redactam ad fornicationem, & malitiam redactam ad sacrilegium.

G A P U T III.

Quod & quale peccatum sit luxuries in genere, & qualibet species luxuriæ.

ARTICULUS I.

An actus veneris sit licitus in legitimo matrimonio: & quale peccatum sit extra legitimum matrimonium.

Prop. 1. Usus matrimonii, si fiat ordinate, non est illicitus; quin immo potest esse sanctus & meritorius.

Prob. 1. Script. *His autem, inquit Paulus, qui matrimonio juncti sunt, præcipio non ego, sed Dominus uxorem a viro non discedere.... Si acceperis uxorem, non peccasti, & si nuper virgo, non peccavit.* 1. ad Cor. 7. Rursum; *Honorable concubium in omnibus, & thorus immaculatus.* ad Hebr. 13. Ergo usus matrimonii, si fiat ordinate, non est peccatum.

2. Ex Synodo Gangrensi can. 1. *Si quis vituperat nuptias, & dormientem cum viro suo fidelem ac religiosam detestatur, aut culpabilem æstimat, velut quæ in regnum Dei introire non possit, anathema sit.*

3. Ex Aug. *Conjugalis concubitus generandi gratia non habet culpam: concupiscentiæ vero satiantur, sed tamen cum conjugate propter thori fidem, veniale habet culpam: adulterium vero, siue fornicatio, lethalem habet culpam.* lib. de bono conjugali c. 6. Ergo usus matrimonii non est ex se illicitus.

4. Ex D. Thom. *Si ad actum matrimonialelem virtus inducat vel justitiæ, ut debitum reddat, vel religionis, ut proles ad cultum Dei procreetur, est meritorius.* in 4. Sentent. dist. 26. quæst. 1. art. 4.

5. Rat. Prima ratio. Matrimonium, ut est officium naturæ, a Deo institutum est, juxta illud: *Masculum & feminam creavit eos, benedixitque illis Deus, dicens: Crescite & multiplicamini.* Genes. 2. In lege vero Evangelica Christus matrimonium exivit ad perfectionem sacramenti, ut fides docet: Ergo usus sacramenti factus juxta regulas rationis, non potest esse illicitus. Ideo tum in lege Evangelica, tum Mosaica multi fuerunt sanctissimi conjugati.

Secunda ratio. Sicut ad conservationem vitæ unius hominis ordinatur usus ciborum; ita ad conservationem totius humani generis ordinatur usus venereorum: Ergo sicuti uti cibis juxta regulas rationis non est peccatum; ita nec uti matrimonio... De hoc agemus infra, ubi de usu matrimonii.

Proq.

Prop. 2. Omnis actus completus luxuriæ extra legitimum matrimonium est peccatum mortale, tanto gravius, quanto species luxuriæ est deformior.

In hoc enim genere peccati non datur paritas materiæ, ut diximus, ob effrenem quippe concupiscentiæ impetum actus libidinoli imperfecti ad perfectos trahunt, & certo periculo exponunt; exponere autem se periculo peccandi mortaliter, est peccatum mortale.

Prob. 1. Script. *Neque fornicarii, neque adulteri, neque molles, neque masculorum concubitores, Regnum Dei possidebunt.* 1. ad Corinth. cap. 6. Ergo cum luxuriæ excludat a Regno cælorum, est peccatum mortale.

2. Ex Aug. *Nomine mœchiæ omnis illicitus concubitus, atque illorum membrorum non legitimus usus, prohibitus debet intelligi.* lib. 2. quæst. in Exodum quæst. 71. Ergo si mœchia sit peccatum mortale, mortale erit pariter peccatum omnis actus luxuriæ completus, cum, juxta phrasim Scripturæ, mœchia nuncupetur.

3. Ex D. Thom. *Inordinatio circa emissionem seminis, est circa vitam hominis in potentia propinqua; unde manifestum est, quod omnis actus luxuriæ inordinatus est peccatum mortale ex suo genere.* q. 15. de malo art. 11.

4. *Rat.* Omnis inordinata seminis humani effusio, etiam si fiat modo naturali, qualis est fornicatio, adulterium, bono naturæ officit: officit enim proli nascituræ, quatenus sanctæ ejus educationi non sufficienter providetur. Si repugnet bono naturæ; ergo repugnat bono universali. Si repugnat bono universali, est peccatum mortale: quia quod est contra bonum universale, non potest esse leve peccatum.

Prop. 3. Luxuria est tanto gravius, quanto persona exercens actum luxuriæ debet esse a peccato remotior.

Prob. 1. Script. Daniel 13. ostendit gravitatem luxuriæ duorum senum concupiscentium Susannam, modo ex ætate, modo ex conditione judicum. Dixit enim primo: *In veterate dierum malorum...* Judicans iudicia injusta & innocentes opprimens. Secundo vero: *semen Chanaan, & non Juda.* Ergo gravius est luxuria, quo persona debet esse a peccato remotior.

2. Ex Concil. Ancyrano can. 16. In quo poenitentia publicæ addicuntur omnes peccantes luxuriose; sed gravioribus poenitentibus subjiuntur senes, quam juvenes; conjugati, quam non conjugati: Ergo censet Concilium peccatum eo esse gravius, quo persona debet esse ab eo peccato remotior.

Tempo 1.

3. *Rat.* Circumstantia personæ multum facit ad cognoscendam naturam peccati; quippe luxuries in senes enormior est, quam in juvenes: in illo enim ratio est vegetior, concupiscentia debilior: in isto ratio infirmior, concupiscentia ardentior. Luxuries in conjugato est enormior, quam in soluto; quippe conjugatus remedium habet, quo extinguit libidinem, non vero solutus. Luxuries gravius est in persona sacra, quam in laico; quia in illa est sacrilegium, minime vero in alio: Ergo eo est gravius luxuria, quo persona peccans debet esse ab illo peccato remotior.

Consecraria hujus Doctrinæ.

Consecr. 1. Usus matrimonii inter conjugatos potest fieri, nedum licite, sed etiam sancte, modo sistant intra limites matrimonii. Quinam sint illi limites dicitur infra.

Consecr. 2. Omnis actus completus luxuriæ est peccatum mortale, tanto gravius, quanto persona debet esse a peccato remotior; & ita attente considerandæ sunt personæ & a quibus, & circa quas peccata carnalia committuntur.

Consecr. 3. Omnis actus completus luxuriæ est peccatum mortale, etiam si fiat modo naturalis, gravius tamen quanto species luxuriæ est deformior: & ita examinandæ sunt omnes illæ species.

Consecr. 4. Fornicatio, stuprum, raptus, adulterium, incestus, sacrilegium, sunt peccata mortalia; quia sunt species luxuriæ De quibus sigillatim.

ARTICULUS II.

De Fornicatione.

P *Rop. unica.* Fornicatio, seu concubitus naturalis soluti cum soluta est peccatum mortale. Propositio pertinet ad fidem: definita est in Clement. *Ad nostras de hæreticis.*

Prob. 1. Scriptura. Hoc vitium in novo Testamento prohibetur simul cum idololatria. Act. 15. v. 29. *Abstineatis vos ad immolatis simulacrorum, & sanguine, & suffocato, & fornicatione:* Ergo cum idololatria sic peccatum mortale; ergo & fornicatio. Eadem Scriptura ait: *Fornicatio & immunditia nec nominetur in vobis.* ad Eph. 5. v. 3. *Omnis fornicator aut immundus non habebit hæreditatem in regno Christi & Dei.* ad Eph. 5. v. 4. Immo in veteri lege fornicatio prohibita est. *Non eris meretrix de filiabus* Israel.

Israel. Deut. c. 23. v. 17. Attende tibi ab omni fornicatione. Tob. 4. v. 13. Ergo.

2. Ex Concilio Viennensi, ubi damnata est hæc propositio: *Mulieris osculum, cum ad hoc non inclinet natura, est mortale peccatum; alius autem carnalis, cum ad hoc natura inclinat, peccatum non est, maxime cum tentatur exercens.*

3. Ex Aug. *Adulterium vero fuit fornicatio lethalem habet culpam.* Lib. de bono conjug. cap. 6.

4. Ex D. Th. *Cum fornicatio sit concubitus vagus, utpote præter matrimonium existens, est contra bonum proles educandæ, & ideo est peccatum mortale.* 2. 2. q. 154. a. 2. Nec obstat, quod per accidens contingat aliquando prolem ex fornicaria copula natam bene educari, quin & ditari; quia de rebus judicandum est secundum ea, quæ eis conveniunt *per se*, & non secundum ea, quæ eis contingunt *per accidens*.

5. Rat. Fornicatio est contra vitam hominis nascituri, cum sanctæ ejus educationi non sufficerent provideatur: ergo est peccatum mortale; quia peccatum contra vitam tum nostram, tum alterius est peccatum mortale: ideo Ecclesiastici 15. v. 3. dicitur: *Qui se jungit fornicariis erit nequam.*

Confessaria hujus Doctrinæ.

Confess. 1. Gravior est fornicatio promiscua, quam furtiva quia promiscue se offerens cuilibet venienti, magis impedit generationem, quam si uni soli se subjiceret; quia, dum plures coeunt, unus destruit quod alius fecerat; & proinde hæc species fornicationis, utpote magis opposita generationi, est gravior.

Confess. 2. Gravior est concubitus, quam simplex fornicatio; quia addit supra simplicem fornicationem consuetudinem fornicationis, & retentionem concubinæ, quasi uxor esset. Concubinari, si sint Laici, excommunicandi sunt; si sint Clerici, nisi resipiscant, suis sunt beneficiis privandi: ita Trident. sess. 24. de reform. cap. 8.

Confess. 3. Concubinari non sunt absolvendi, nisi prius concubinas ejecerint; quia sunt in proxima occasione peccandi: ita jubet Trid. statuens, eos, si concubinas non ejecerint, *seque ab earum consuetudine non sejunxerint, excommunicatione feriendi esse, a qua non absolvantur, donec se ipsa admonitioni factæ pauperint.* Conc. Trident. sess. 24. c. 8.

ARTICULUS III.

De Stupro.

Prop. unica. Stuprum, seu illicita defloratio virginis, est peccatum mortale gravius simplici fornicatione.

Prob. 1. Script. Deut. 22. v. 28. dicitur: *Si invenerit vir puellam virginem, quæ non habet sponsum, & apprehendens concubuerit cum illa, & res ad judicium venerit, dabit qui dormivit cum ea patri puellæ quinquaginta syclos argenti, & habebit eam uxorem, quia humiliavit illam, & non poterit dimittere cunctis diebus vitæ suæ.* Si vero virgo stuprum patiens invita fuerit desponsata, ipse stuprator morietur solus, ibidem v. 25. Ergo signum est stuprum gravius esse fornicatione simplici.

2. Comparatione stupri cum fornicatione. Stuprum est peccatum mortale. 1. Quia involvit malitiam fornicationis. 2. Est peccatum gravius fornicatione; quia supra fornicationem addit injuriam factam virgini, corrumpit enim ejus integritatem virginalem. 3. Impedit virginem a legitimo matrimonio consequendo, eamque exponit periculo meretricii. 4. Injuria fit insuper parentibus, qui ejus curam gerunt; patri enim dicitur: *Super luxuriosam filiam confirmas custodiam, ne quando faciat se in opprobrium venire inimicis.* Eccles. 42. v. 11. Ergo stuprum est peccatum mortale longe gravius fornicatione.

Confessaria hujus Doctrinæ.

Confess. 1. Stuprator gravius peccat quam simplex fornicator. *Stuprum enim*, inquit D. Thom. 2. 2. q. 154. art. 6. *superaddit simplici fornicationi specialem deformitatem in specie luxuriæ.*

An vero hæc circumstantia sit necessario consistenda, non ita certum est. Multi graves authores putant, non esse necessario consistendam, si nulla in stupro intervenerit violentia, nec ex stupro nascatur obligatio restitutionis; quia, inquit, hæc deformitas stupri non addit semper supra fornicationem circumstantiam mortaliter culpabilem; tum etiam quia difficillime sciri potest, an adolescentulæ, quæ corporis sui copiam faciunt, sint virgines nec ne: maxime autem, inquit, molestum esset Confessariis interrogare adolescentes, an ea, quæ fuit objectum morosæ delectationis, sit virgo.

Confess. 2. Qui violententer stuprum infert, gra-

gravius peccat eo, qui consentientem commaculat; quia stupro addit violentiam.

Consect. 3. Qui fideis promissis, importunis precibus, longo temporis intervallo virginem perlicat ad peccatum, gravissime peccat: & hæc circumstantia pertinacis tentationis aperienda est in confessione, quia denotat pervertentem in peccando voluntatem.

ARTICULUS IV.

De Adulterio.

P *Roß. unica.* Adulterium, seu accessus ad alienum torum, seu concubitus cum persona non comparate, est peccatum mortale.

Prob. 1. Scriptura. Job 31. vers. 11. ait: Adulterium nefas est, & iniquitas maxima. Paulus vero declarat, quod Fornicatores & adulteros judicabit Dominus. ad Hebræos 13. v. 4. Ergo adulterium est peccatum mortale.

2. Ex multiplici poena contra adulterium destinata. Adulterium omnis lex tamquam scelus gravissimum prohibet. Adulterium vetat lex naturalis, ut patet exemplo Abimelech, sic Isaac alloquentis: *Perpicuum est quod uxor tua sit: cur mentiris eam sororem tuam esse? quare imposuisti nobis? potuit coire quipiam de populo cum uxore tua, & induxeras super nos grande peccatum. Præcepitque omni populo, dicens: qui tetigerit hominis huius uxorem, morte morietur.* Gen. 26. v. 9. Lex Mosaica sic habet, Lev. 20. v. 10. *Si mæchatus quis fuerit cum uxore alterius, & adulterium perpetraverit cum conjuge proximi sui, morte moriantur & mæchus & adultera.* Lex Evangelica non mortem temporalem, sed æternam minatur: *Fornicatores & adulteri Regnum Dei non possidebunt.* Lex Canonica adulteris in totum poenitentiae locum clausit, juxta Cypr. Epist. 52. vel tantum in fine vitæ dandam communionem decrevit. Lex civilis pari similitudine sacrilegos nuptiarum, tanquam manifestos patricidas, insuere culex vivos, vel exurere judicavit, ut dicit Codex Theod. Ergo adulterium vetatur gravibus poenis: ergo est peccatum mortale.

3. Rat. Gravitas adulterii sumi potest ex variis circumstantiis, quas percurrit Eccle. 23. v. 33. *Adulter vel adultera primo in lege Altissimi incredibilis fuit: Secundo in virum suum deliquit: Tercio in adulterio fornicata est. & ex alio viro filios statuit sibi.* Addamus nos, quod in lege Christiana Sacramentum matrimonii, quod est figura unionis Christi cum Ecclesia, suo peccato violavit.

Conseſſaria hujus Doctrinæ.

Consect. 1. Adulterium committitur, cum conjugati habent copulam cum alio, quam cum comparate, etiam ante matrimonium consummatum; quia matrimonium ratum non potest solvi, nisi per ingressum in Religionem.

Consect. 2. Adulterium est peccatum gravius specifice, quam simplex fornicatio; & ita hæc circumstantia, utpote varians speciem, debet necessario declarari in confessione.

Consect. 3. Adulterium est gravius, quando utraque persona peccans est ligata matrimonio, quam si altera esset soluta; quia tunc adulterium est duplex ex parte utriusque personæ.

Consect. 4. Adulterium committit qui tradit corpus alteri a comparate, licet compar consentiat; quia adulterium est accessus ad alienum torum; vinculum enim Sacramenti non tollitur, nisi per mortem; juxta illud Pauli: *quæ sub viro est mulier, vivente viro, alligata est legi: si autem mortuus fuerit vir ejus, soluta est a lege viri.* Igitur vivente viro, vocabitur adultera, si fuerit cum alio viro. ad Rom. 7. v. 2. Quapropter damnata est hæc propositio: *Copula cum conjugata, consentiente marito, non est adulterium; ideoque sufficit in confessione dicere, se esse fornicatum.* Idem docet Aug. lib. 22. cont. Faust. cap. 3.

Consect. 5. Quando desponsati copulam habent, non cum parte, cui desponsati sunt, sed cum altera, non proprie adulterium committunt, sed peccatum committunt, quod videtur ad adulterium pertinere; quia violant fidem in sponsalibus promissam.

Monit. Si attendatur prolis incertitudo, quia adulterium uxoris reddit prolem incertam, gravius est adulterium in muliere quam in viro; sed absolute loquendo adulterium est gravius in viro, quam in muliere; quia vir caput est mulieris, debetque vir uxori exemplo præluere; & uti est mente fortior, ita debet esse a libidine remotior: ideo ait Aug: *Tanto gravius eos, idest viros, puniri oportet, quanto magis ad eos pertinet & virtute vincere, & exemplo regere feminas.* Lib. de adult. conjug. cap. 3. 88.

ARTICULUS V.

De Sacrilegio.

P *Roß. unica.* Sacrilegium carnale, seu luxuria, qua vel persona Deo sacra, vel locus sacer per actum venereum foedatur, est peccatum mortale, tanto gravius, quanto persona est Deo solemnius conse-

orata, & locus est Sanctuario propinquior. *Prob. 1.* Ex comparatione sacrilegii cum fornicatione. Sacrilegium habet deformitatem fornicationis, & insuper violationem rei sacræ: ergo est peccatum mortale.

2. Ex pœnis contra illud virium destinatis. Sacrilegium carnale gravibus pœnis Deus in veteri lege punivit, ut patet exemplo Ophni & Phineas, Heli filiorum: de quibus dicitur: *Dormiebant cum mulieribus, quæ observabant ad ostium tabernaculi.* 1. Reg. 2. v. 22. Quod scelus ita arguit Heli: *Si peccaverit vir in virum, placari ei potest Deus: si autem in Dominum peccaverit vir, quis orabit pro eo? Et non audierunt vocem patris; quia voluit Dominus occidere eos.* Ibid. v. 25.

Gentiles ipsi sacrilegium carnale seva morte punitum voluerunt, ut patet exemplo filie Velsitis corruptæ, quæ viva sepulta est.

Ius vero Canonicum Clericos lapsos in peccatum carnale a suo gradu desicit, Monachos & Moniales e monasterio eliminat, & carceri addicit: *Clericus, qui post acceptum sacrum Ordinem in peccatum carnis lapsus fuerit, sacro Ordine ita careat, ut ad Altaris ministerium ulterius non accedat.* Greg. lib. 3. Epist. 26. ad Januarium, & Canon *Impudicus*, ita habet: *Impudicus, deestitabilisque personæ Monachorum, & Monacharum, quæ obiecto proposito sanctitatis, illicita & sacrilega contagione se miscuerunt, a Monasteriorum cœtu, Ecclesiarumque conventibus eliminandus esse mandamus.* Quæ omnia denotant, sacrilegium peccatum esse gravissimum.

Quod idem peccatum creseat vel ratione personæ, vel ratione loci, patet; quia quo persona est Deo magis sacræ, & locus est Sanctuario propinquior, eo major irrogatur iniuria Deo totius sanctitatis fonti.

Confessaria hujus Doctrinæ.

Confess. 1. In uno sacrilegio possunt esse diversæ species luxuriæ ob diversas deformitates, quæ in uno & eodem actu concurrunt: ita docet D. Th. 2. 2. q. 154. a. 10. ad 2. *Sacrilegium est species luxuriæ secundum quod ordinatur ad alterius vitii finem, & potest concurrere cum diversis luxuriæ speciebus.* Si enim aliquis abutatur persona conjuncta sibi secundum spirituale cognitionem in Baptismo & Confirmatione, committit sacrilegium ad modum incestus; si autem abutatur virgine Deo sacrata, in quantum est sponsa Christi, est sacrilegium per modum adulterii: in quantum vero est sub spiritualis Patris cura constituta, erit quoddam spirituale stuprum; & si violentia inferatur, erit

spiritualis raptus. Qui etiam secundum Leges civiles gravius puniuntur, quam alius raptus, scilicet pœna capitali.

Confess. 2. Sacrilegium gravius est, cum utraque persona est Deo sacræ, quam si altera esset tantum Deo consecrata; quia in priori casu duplex consecratio violatur, in secundo unica.

Confess. 3. Gravius est sacrilegium commissum per personam ligatam voto solemnium, quam ligatam voto simplici; quia totum solemnium habet fortiore obligationem apud Deum, quam votum simplex, & gravius peccat qui illud transgreditur. D. Th. 2. 2. q. 88. a. 7. ad 2. Quamvis tamen utriusque voti transgressor peccet mortaliter, ut docet ibid. D. Th.

Confess. 4. Gravius est sacrilegium Sacerdotis, Diaconi, Subdiaconi, & Monachi, quam Sacerdotis, Diaconi, vel Subdiaconi præcise secularis; quia votum solemnne Monachi est essentialiter annexum statui Monachatus, minime vero statui Ecclesiastico. Et ideo dicunt, quod per Ecclesiam potest dispensari in voto continentiae solemnizato per suspensionem sacri Ordinis, & non potest dispensari in voto solemnizato per professionem Religionis. Ita D. Thom. 2. 2. q. 88. a. 11. in corp.

Confess. 5. Gravissimum est sacrilegium Sacerdotis cum filia spirituali, seu cum sua penitente commissum, cum utitur sacramento penitentiae ad illam provocandam ad libidinem; quia, ut ait Gregorius 15. *Cum Sacerdos tunc sacrosanctum Penitentiae sacramentum abutatur, ac pro Medicina venenum, pro pane aspidem porrigat, & ex cœlesti medico infernalis veneficus, ex patre spirituali proditor execrabilis animarum reddatur.*

Hujusmodi Confessarii sollicitantes penitentes, vi Decretorum & Bullarum Clementis VIII. & Pauli V. & Pii IV. & Greg. XV. ubi hujusmodi Decreta recepta sunt & vigent, denuntiandi sunt a penitentibus Inquisitoribus, ubi viget inquisitio, vel Episcopis, ubi non viget Inquisitio; adeo ut semina sollicitata ad luxuriam, masculus sollicitatus ad sodomiam peccatum Confessarium, vi illarum Constitutionum absolvi non possint sacramentaliter, nisi prius Confessarium sollicitantem denuntiaverint; nec tollitur illa obligatio, per hoc quod tradatur charta sollicitans extra Confessionem, vel per hoc quod mulier ad peccatum pellecta ipsi Confessario pellicenti confiteatur, ut determinavit Alexander VII. At ubi hæc Constitutiones aut non vigent, aut non receptæ sunt.

sunt, manet semper obligatio naturalis, qua quilibet tenetur damna Reipublicæ impedire, & malefactores, si non desisterint, denunciare per media, quæ viris prudentibus judicabuntur aptiora. Ita evincunt sequentes propositiones damnatæ ab Alexandro septimo, *Confessarius, qui in sacramentali Confessione tribuit penitenti chartam postea legendam in qua ad venerem incitat, non censetur sollicitasse in Confessione, ac proinde non denunciandus est.*

Modus evadendi obligationem denunciandæ sollicitationis est, si sollicitatus confiteatur cum sollicitante, hic potest ipsum absolvere absque onere denuntiationis.

Hinc patet, merito per sanctum Carolum prohibitum esse Confessariis, ne confessiones audiant illarum personarum, cum quibus peccaverunt; namque commune id non prohibet, ut dicetur fufius ubi de Sacramento Confessionis.

ARTICULUS VI.

De Incestu.

Prop. unica. Incestus, seu luxuriæ peccatum cum consanguinea, vel affini intra gradus prohibitos, est peccatum mortale gravius fornicatione.

Prob. 1. Comparatione incestus cum fornicatione. Incestus præter deformitatem fornicationis importat violationem honoris, qui parentelæ debetur; unde Aug. lib. 15. Civit. cap. 16. *Nescio quomodo incest humanæ vercundie quiddam naturale, atque laudabile, ut cui debet causa propinquitatis verendum honorem, ab ea continetur.* Et Levit. 18. v. 6. dicitur: *Omnis homo ad proximam sanguinis sui non accedet, ut revelet turpitudinem ejus. Ego Dominus.* Ergo est peccatum mortale.

2. Ex pœnis incestui destinatis. Deus maledictionem incestuosis minatur: *Maledictus, qui dormit cum uxore patris sui, & revelat opusculum lectuli ejus: & dicit omnis populus, Amen.* Deut. 27. v. 20. & D. Paulus Corinthiis incestuolum excommunicavit. 1. ad Corint. & jam incestus ut plurimum est casus reservatus. Quæ omnia denotant quam grave sit crimen incestus.

Confessaria hujus Doctrinæ.

Confess. 1. In confessione aperiendus est gradus consanguinitatis, vel affinitatis, quo enim propinquior est persona consanguinea, vel

affinis, eo gravius luxuriæ peccatum, quod cum ea committitur.

Sic gravius est peccatum luxuriæ cum matre, quam cum sorore; major enim debetur honorificentia matri quam sorori: item majus est peccatum cum sorore, quam cum consobrina, &c. Quamvis enim omnes incestus sint ejusdem speciei, ut videtur docere D. Th. tamen, notabiliter gravior est incestus cum consanguinea quam cum affini, & cum consanguinea vel affini in primo gradu quam in secundo: Ergo id explicandum est in confessione; etenim circumstantiæ notabiliter aggravantes confitendæ sunt.

Confess. 2. In confessione aperiendus est gradus consanguinitatis, vel affinitatis, quo inducitur impedimentum matrimonio ne qui incestuose peccaverint, ob illud silentium invalide contrahant. Consanguinitas autem prohibens matrimonium inter consanguineos, & affinitas orta ex copula licita prohibens matrimonium inter affines, olim usque ad septimum, jam vero usque ad quartum gradum solum extenditur. Ita cap. *Non debet*, de consanguinitate, & affinitate, ubi sic habetur: *Prohibitio quoque copulæ conjugalis quantum consanguinitatis & affinitatis gradum de cætero non excedit: quoniam in ulterioribus gradibus jam non potest absque gravi dispendio hujusmodi prohibitio generaliter observari.* Affinitas vero orta ex copula illicita ex Trident. sess. 24. de refor. c. 4. usque ad secundum gradum solum extenditur, ubi sic habetur: *Synodus impedimentum quod propter affinitatem ex fornicatione contrariam inducitur, & matrimonium postea factum dirimit, ad eos tantum, qui in primo & secundo gradu conjunguntur, restringit.*

ARTICULUS VII.

De Rapto.

Prop. unica. Raptus, seu peccatum luxuriæ, quo persona aliqua abducitur cum violentia ad turpem actum cum exercendum, est peccatum luxuriæ longe gravius fornicatione.

Prob. 1. Comparando raptum cum simplici fornicatione. Raptus præter deformitatem fornicationis, habet deformitatem violentiæ, quæ procedit ex magnitudine concupiscentiæ, ex qua aliquis non refugit periculo se incipere violentiæ inferendæ. D. Thom. 2. q. 154. a. 7. ad 2. Ergo raptus est peccatum mortale longe gravius fornicatione.

2. Ex pœnis contra raptum destinatis. Raptorem puellarum in lege etiam naturæ non

non impuniti relinqui sunt, ut patet exemplo Sichimitarum, qui ob vim illatam Dinæ a filiis Jacob omnino deleti sunt. In lege Mosaiica: *Vir, qui desponsatam puellam apprehendens, concubuerit cum ea, morti addicebatur.* Deut. c. 22. v. 23. a fortiori, si rapiens abduxisset. Jure Canonico, raptores mulierum, si sint Clerici deponuntur, si Laici excommunicantur: *Qui rapiunt mulieres prætextu conjugii, & adjuutores, ac consentientes, si Clerici sunt, decedant a gradu suo; si Laici, anathematizentur.* Chalcedonense Concil. can. 26. idem Trid. sess. 24. de reformatione c. 6. Jus civile raptorem infusione liquati plumbi plecti edicit, siue invitam rapuerit, siue violentem abduxerit, ita codex Theodosianus: & Justinianus raptores capite plectendos decernit, eorumque adjuutores, & fautores. Quæ omnia denotant, quam grave sit crimen raptus.

Confessaria hujus Doctrinæ.

Confess. 1. Qui sceminam, aut virum in vitis explendæ libidinis desiderio abducunt, rei sunt raptus.

Confess. 2. Pœnas latas contra raptores incurrunt etiam qui puellam seductam, quamvis consentientem, insciis aut dissentientibus parentibus, vel iis, qui loco parentum sunt, abducunt; leges enim contra raptum non solum sunt in favorem puellarum, sed etiam parentum: ita tenent Conc. Aurelianense 1. Can. 2. & Cod. Theod. lib. 9. titul. 24. de Raptu.

Confess. 3. Ejusdem criminis reus pariter habendus est desponsatus, qui post celebrata sponsalia veller sponsam etiam violentem e paterna domo abducere vel ut libidinem compleret, vel ut ad perficiendum matrimonium nolentem cogeret; sed non esset raptor, si nullo ex his motivis sponsam etiam nolentem abduceret; quanvis graviter peccaret: ita D. Thom. 2. 2. q. 354. a. 7. ad 4. *Sponsus ex ipsa desponsatione habet aliquod jus in sua sponsa; ideo quamvis peccet, violentiam inferendo, excusatur tamen a crimine raptus.* Idem tenet Pelagius Papa caus. 36. q. 1. Can. *Lex illa*

CAPUT IV.

De speciebus luxuriæ contra naturam.

ARTICULUS I.

An & quale peccatum sit actus luxuriosus contra naturam.

Prop. unica. Omnis actus completus luxuriæ, quæ est contra naturam, est peccatum mortale gravius & turpius quocumque peccato luxuriæ, quæ non est contra naturam. *Prob. 1.* Script. Luxuria contra naturam peccatum est, quod nominari non licet. *Quæ enim in occulto sunt ab ipsis, turpe est & dicere.* ad Ephes. 5. v. 12. Est peccatum mortale.

2. Ex Patribus. Tertullianus lib. de pudicitia vocat peccata illa *Libidinum furias impias*; quia non sunt delicta, sed monstra. Et Aug. lib. 3. Confess. cap. 8. ait: *Flagitia, quæ sunt contra naturam, ubique ac semper detestanda, atque punienda sunt.*

3. Ex D. Thom. 2. 2. q. 154. art. 12. ad 2. *Vitia contra naturam tanto sunt graviora sacrilegii corruptela, quanto ordo naturæ humanæ inditus est prior & stabilior, quam quilibet alius ordo superadditus.*

4. Ex Rat. D. Thom. In quolibet genere pessima est principii corruptio; ex quo alia descendunt. *... Et ideo sicut in speculativis error circa prima principia est gravissimus, & turpissimus; ita & in practicis; & ideo vitium contra naturam est gravissimum & turpissimum.* Ibid. in corp.

5. Rat. D. Augustini, quæ his verbis exprimitur: *Violatur quippe ipsa societas, quæ cum Deo nobis est: cum eadem natura, cuius ille auctor est, libidinis perversitate polluitur.* Confess. lib. 3. cap. 8.

Confessaria hujus Doctrinæ.

Confess. unicam. Ex dictis sequitur, quod mollities, sodomia imperfecta, & sodomia perfecta, bestialitas, sunt peccata graviora aliis peccatis luxuriæ, quæ sunt secundum naturam: de quibus sigillatim agendum.

ARTICULUS II.

De Mollitie.

Prop. unica. Mollities plane voluntaria vel in se, vel in causa, est peccatum mortale;

itale; imperfecte vero volita vel in se, vel in causa, est peccatum veniale.

Prob. 1. Scriptura. Neque fornicarii, neque adulteri, neque molles, neque masculorum concubitores Regnum Dei possidebunt. 1. Cor. 6. v. 9. Deinde Onan polluebat se, sciens non sibi nasci filios. *Et idcirco percussit eum Dominus: eo quod rem detestabilem faceret.* Gen. 38. v. 9. Ergo mollities est peccatum mortale, cum excludat a regno cælorum.

2. Rat. D. Thom. Actus genitalium membrorum, ex quo numquam potest sequi generatio, est vitium contra naturam; actus autem prædictorum membrorum factus extra commixtionem maris & femine est talis, ut ex eo sequi nequeat generatio prolis: ergo est peccatum mortale gravissimum: ita q. 15. de malo art. 3.

3. Rat. Aug. Per mollitiem fit, ut momento ipso temporis, quo ad ejus pervenitur extremum, pene omnis acies, & quasi vigilia cogitationis obruitur. Lib. 14. de civit. Dei c. 16. Ergo cum rationem obruat, qua homo debet se dirigere, est peccatum mortale.

4. Damata est hæc propositio a Papa & Clero Gallicano: Mollities jure naturæ prohibita non est unde si Deus eam non interdixisset, sæpe esset bona; & aliquando obligatoria sub mortali: Ergo, cum pollutio jure naturæ prohibeatur, & sit in eo genere peccati, in quo non est parvas materiam, pollutio debet esse peccatum mortale.

Consecraria hujus Doctrinæ.

Consect. 1. Peccatum mortale est mollities Quietistarum, apud quos nihil refert, quid sensus agat, quid pariat, modo animus Deo conjungatur; quia ficta illa cum Deo adhesio mollitiem ab intrinseco malam, licitam reddere non potest; & qui adhæret Deo, tales spurcicias non fovet, sed perhorrescit, juxta illud Pauli: *Spiritu ambulate, & desideria carnis non perficietis ... Manifesta sunt opera carnis, quæ sunt immunditia, impudicitia, luxuria.... Qui talia agunt, Regnum Dei non consequentur.* Galat. 5. v. 16.

Consect. 2. Peccatum mortale est mollities, quam sibi quis procurat, putans erronee eam esse licitam; quia lex naturæ non potest ab adulto quoad hanc prohibitionem invincibiliter ignorari. Exemplum habemus hujus veritatis in Petro Damiano, lib. Gomorrhiano cap. 20. ubi dicitur, quod Eremitæ cuidam suggestum est per diabolum, ut quando cumque libidine titillaretur, sic semen detritum genitalis membri egerere deberet; & tanquam plegma de

naribus projiceret, qui ob id Demomibus moriens, vidente socio, traditus est.

Consect. 3. Peccatum mortale est mollities, eveniens vigilanti cum deliberato consensu illius, etiam si intenderetur sola sanitatis cautela; quia tunc, ut pote libera, est peccatum. Cum autem fit ista consensio, tunc exit ex cordis, quod coinquinat hominem. Aug. lib. de continentia cap. 2. Et Antoninus 2. Parte tit. 6. cap. 5. *Si in vigilia quis voluntarie se pollueret ob sanitatem solum, non excusatur a mortali, quia facit directe contra finem intentum a natura, qui non est alius in emissionem seminis voluntaria, nisi generatio, quæ per illum motum sequi non potest.*

Consect. 4. Peccatum mortale est mollities eveniens dormienti plane voluntaria vel antecederet in causa, vel concomitanter in actu, vel consequenter in effectu: ita D. Thom. Quandoque vero præcedentes cogitationes sunt cum concupiscentia & delectatione: & si ad sit consensu, erit peccatum mortale in pollutione nocturna; si autem desit, erit veniale. 3. Part. q. 80. a. 7. in C.

Potest tamen contingere, quod in ipsa evigilatione peccatum oriatur; si quidem pollutio propter delectationem placeat: quod quidem erit veniale peccatum, si sit ex sursumptione placencia; mortale autem, si sit cum deliberante consensu, & præcipue cum appetitu futuri. Ista autem placencia non facit præteritam pollutionem peccatum; quia ipsius causa non est, sed ipsa in se peccatum. In 4. Dist. 9. q. 1. a. 4. Quæstiuncula 1. ad 1.

Et ita pollutio veniens ex causa mortaliter culpabili, v. g. veniens ex ebrietate, ex colloquio valde inhonesto, ex aspectu turpium, ex sectione lascivorum, ex valde inhonestâ corporis compositione, est peccatum mortale.

Pollutio vero veniens ex causa venialiter culpabili, v. g. ex levi excessu vel in cibo, vel in potu, ex colloquio venialiter inhonesto, & negligentia veniali præparationis ad devotionem, est peccatum veniale; ut docet D. Th. 3. Par. ib.

Consect. 5. Pollutio omnino involuta vel in se, vel in causa, nullatenus est peccatum: ita D. Th. Corporales motus non pertinent ad meritum, vel demeritum, nisi secundum quod a voluntate quasi a principio causantur; & ideo si illi motus sint omnino involuntarii, non est peccatum. Iterum idem D. Th. 2. 2. q. 154. a. 5. In dormiendo ratio non habet liberum judicium; unde id, quod agit homo dormiens non imputatur ei ad culpam, sicut nec illud quod agit furiosus, aut amens: & ita in sequen-

quantibus casibus pollutio nullatenus est peccatum.

1. Quando caufatur ex malitia Dæmonis tum per vigiliam, tum per somnum, commoventis imaginationem, & excitantis spiritus veneros.

2. Quando caufatur ex debilitate naturæ non valentis efformatum semen retinere.

3. Quando caufatur ex robore naturæ corruptum & superfluum semen expellentis.

4. Quando caufatur ex cogitatione speculativa & necessaria; puta cum aliquis causa lectionis vel disputationis cogitat talibus cogitare, qualis est Doctor & Confessarius, idque facit adhibitis prius precibus.

In illis casibus, si nulla sit in nobis complicitas, sed dissimulatio, nullum est peccatum, ut docet D. Th. ib. loc. cit. 3. parte & in 4.

Monit. An licitum sit appetere pollutionem involuntariam, & gaudere de illa, prout est alleviatio naturæ, res est maxime dubia; nam hoc licet orare, quod licet desiderare: tamen Ecclesia non permittit, quod Deum oremus, ut pollutio in somnis eveniat, sed e contra dicimus: *Hostemque nostrum comprime, ne polluantur corpora*. Itaque juxta Gersonium salubrius est *Cogitationes circa rem divertere, quam habere*.

ARTICULUS III.

De sodomia imperfecta.

Prop. unica. Sodomia imperfecta, seu inordinatus concubitus, seu extra matrimonium, siue in matrimonio, quoties generatio prolis impeditur, est peccatum mortale gravius pollutione.

Prob. 1. Ex comparatione sodomie cum simplici pollutione. Sodomia præter pollutionis deformitatem habet & comparsis scandalum, & inordinati concubitus defectum: ergo est peccatum mortale.

2. Ex Aug. lib. 2. de adulterinis coniugiis cap. 12. *Ulicite & turpiter etiam cum legitima concubitu, ubi prolis conceptio deviat, quod faciebat Onan filius Jude, & occidit illum propter hoc Deus*: Ergo sodomia etiam imperfecta est peccatum mortale.

Consecraria hujus Doctrinæ.

Consect. 1. Inordinatus concubitus inter conjugatos est turpius, quam inter non conjugatos ob injuriam factam Sacramento. *Cum vir membro mulieris non ad hoc concessit, uti voluerit: turpius est uxor, si in se, quam si*

in alia fieri permiserit. Aug. de bono conjug. cap. 11.

Consect. 2. Sodomia imperfecta, etsi gravissimum crimen sit, non tamen videtur esse casus reservatus ubi sodomia reservatur.

ARTICULUS IV.

De sodomia perfecta.

Prop. unica. Sodomia perfecta, seu concubitus cum persona ejusdem sexus, est peccatum mortale gravius pollutione, & inordinato concubitu.

Prob. 1. Ex comparatione sodomie cum simplici pollutione. Sodomia præter deformitatem pollutionis, habet inordinatum amorem ad personam ejusdem sexus.

2. Ex penis contra sodomiam destinatis. Lex naturalis damnat illud vitium, ut patet ex Paulo sic loquente: *Femina eorum immutaverunt naturalem usum in eum usum, qui est contra naturam. Similiter autem & masculi, relicto naturali usu feminae, exarserunt in desideriiis suis invicem, masculi in masculos turpitudinem operantes, & mercedem, quam oportuit, erroris sui in semetipsis recipientes.* ad Rom. cap. 1. v. 26. ubi Apostolus vitium illud, quasi naturali lege damnatum, exhibet: & Deus in lege naturæ crimen illud igne & sulphure punivit: *Dominus pluit super Sodomam & Gomorrhæam sulphur & ignem.* Genesios 19. v. 34.

Lex Mosaiica morti addixit Sodomitas. *Qui dormierit cum masculino coitu femineo, uterque operatus est nefas, morte moriatur: sit sanguis eorum super eos.* Levi. 20. v. 13.

Lex Evangelica impuros illos homines Cælorum Regno privat: *Masculorum concubitores Regnum Dei non possidebunt.* 1. Corint. 6. vers. 10.

Lex civilis eos flammis addicit. *Hujusmodi scelus spectante populo flammis vindicibus expiabunt.* Lib. 9. Codicis Theodosiani.

Lex Canonica Clericos deiecit & Clero, & in Monasterium detrudit; Laicos vero excommunicatione plebana Lateran. III. cap. Clerici, de excessibus Prælatorum: ergo signum est Sodomiam perfectam gravissimum esse peccatum.

Consecraria hujus Doctrinæ.

Consect. 1. Gravius peccat qui turpiter agit, quam qui turpiter patitur, ut vulgo docetur ab omnibus; sed quidquid sit de hoc.

Consect. 2. Sodomia est peccatum gravius Adul-

Adulterio, Incestu, &c. ut docet Aug. lib. 1. de adulterinis coniugiis, ubi sic habet: *Omnia horum vitiorum est pessimum quod contra naturam fit.*

CAPUT V.

De actibus imperfectis luxuriæ.

ARTICULUS I.

An peccatum sit, & quale actus imperfectus luxuriæ.

Prop. unica. Actus imperfecti luxuriæ, v. g. morosa delectatio de rebus obscenis, aspectus libidinosi, verba & colloquia lasciva, oscula lasciva, amplexus, tactus lascivi extra matrimonium, hi hæc omnia siant cum plena deliberatione, sunt peccatum mortale ejusdem speciei, in qua est actus exterior completus.

Prob. 1. Scriptura. *Omnis, qui viderit mulierem ad concupiscendam eam, jam mœchatus est eam in corde suo.* Matthæi 5. v. 28. Ergo cum actus illi libidinosi comparentur cum mœchia, & mœchia sit peccatum mortale, illi actus sunt peccata mortalia.

2. Rat. Hujusmodi actus ex natura sua ordinantur ad delectationem veneream, quæ de se est peccatum mortale: Ergo sunt peccata mortalia.

Conseſſaria hujus Doctrinæ.

Conseſſ. 1. Illi actus involvunt malitiam unius dumtaxat speciei, si ad unam tantum speciem ordinentur; multiplicis vero, si ad speciem multiplicem ordinentur.

Sic habent malitiam fornicationis, si tendant ad peccatum fornicationis; malitiam stupri, si tendant ad stuprum; malitiam molliciti, si tendant ad mollicitem; malitiam sodomizæ, si tendant ad sodomiam; bestialitatis, si tendant ad bestialitatem.

ARTICULUS II.

De visu libidinoso.

Prop. unica. Aspectus libidinosi sunt peccata mortalia.

Prob. 1. Scriptura. Jerem. 3. v. 5. ait: *Oculus meus depredatus est animam meam;* quia, ut explicat Greg. lib. 21. Mor. cap. 2. concupiscendo visibilia invisibiles virtutes amittit. **D.** vero Petrus sic arguit visus impu-

dicos: *Oculos, inquit, habentes plenos adulterii, & incessabilis delicti.* 2. Petri 2. v. 14. Ergo cum visus impudici perdant animam, & delictum incessabile attrahant, visus impudici sunt peccata mortalia.

2. Ex Patribus. Chryl. ostendit sic habet: *Qui fludet elegantes facies inspicere, ipse precipue fornicem sibi istius passionis accendit, & captivam faciens animam, ad opus quoque celeriter adducit.* Homil. 17. in Matth. Tertul. Apolog. c. 46. describens, qualis esset Christianus sui temporis, sic loquitur: *Christianus salvis oculis seminam videt, animo adversus libidinem cecus est.* Ergo censet Christianum non esse, qui in aspectu libidinoso delectatur. Aug. veritatem hanc firmat exemplo Davidis: *De longe vidit illam, inquit, in qua captus est: mulier longe, libido prope, in Plal. 40. Idem audiendum est Job cap. 31. Pepigi fœdus cum oculis meis, ut ne cogitarem quidem de virgine.* Audiendum est David Plal. 118. v. 37. *Averte oculos meos, ne videant vanitatem.* Audiendus Sapiens: *Virginem ne conspicias, ne forte scandalizeris in decore illius.* Ecclesi. 9. vers. 5.

4. Rat. Aspectus libidinosi ad libidinem illicitum provocant, juxta illud Eccli. 9. vers. 9. *Propter speciem mulieris multi perierunt: & ex hoc concupiscentia quasi ignis exardescit.* Ergo aspectus libidinosi plene delibati, sunt peccata ex suo genere mortalia.

Conseſſaria hujus Doctrinæ.

Conseſſ. 1. Peccant mortaliter qui absque necessitate & rationabili causa, v. g. medendi, &c. libidinosè intuentur eas alterius sexus partes, quæ ad libidinem excitant: tales sunt partes secretæ, quas pudor jubet operiri: de quo Chryl. in sermone de Joseph: *Job diabolus quidem videns non fugit, sed mansit sicut leo viribus fidens: virgine autem visa non flevit, neque moratus est in contuendo, sed statim secessit.* Si virginis faciem intueri non liceat, a fortiori eas partes, quæ ardentius ad libidinem excitant.

Conseſſ. 2. Peccant qui citra necessitatem se ipsos in partibus secretioribus aspiciunt; hoc enim indecorum & turpe esse natura ipsa suggerit: idque constat ex primis parentibus, qui cum cognovissent se esse nudos, conſuerunt folia ficus, & fecerunt sibi perizomata. Gen. 3.

Conseſſ. 3. Peccant qui affectu libidinoso curiose inspiciunt vel animalia coeuntia, vel personas diversi sexus, aut indecore nudantes se, aut aliquid turpe operantes, hæc enim

enim solent ad libidinem provocare: & juxta Hierony. Intueri non debet homo: quod concupiscit non licet, & ut munda mens servetur, depilicendi sunt oculi, quasi quidam raptores ad culpam.

Confess. 4. Peccant qui imagines turpia: præsentates aspiciunt, retinent, vendunt, &c. hæc enim urgens est tentatio, & præiens periculum peccati: ut patet exemplo illius adolescentis, de quo Terentius ait, quod concitavit se ad libidinem: videns imaginem, in qua Jovis adulterium delineabatur.

Monit. Dixi aspectus libidinosos esse peccata mortalia, nam juxta D. Anton: 2. P. tit. 5. cap. 1. §. 7: aspectus faciei & partium honestarum pulchræ semine in viro potest multipliciter contingere abique peccato: scilicet, vel ex causa sine præmeditatione, vel ex causa rationabili, puta, ut eam noscat, & ab aliis discernat, aut de utilibus cum ipsa loquens attentiores reddat, aut ut fucos & vanitates illius melius arguere valeat, &c. Idem cum quadam proportionem potest contingere in femina: virum aspiciente. In illis calibus observanda est ista D. Aug: regula. *Oculi vestri estis jacentur in aliquam feminarum, in nullam figantur; quia scriptum est: abominatio est Domino desigens oculum.*

A. R. T. I. C. U. L. U. S. III.

De verbis obscenis.

Prop: unica: Verba impudica cum affectu libidinoso proferre, vel audire; cantica lasciva edere, aut canere, vel audire, vel legere, est peccatum mortale.

Prob. 1. Script: Fornicatio, aut omnis avortitia, nec nominetur in vobis, sicut decet sanctos. ad Eph. 5. v. 3. Ergo, cum colloquia lasciva sunt contra sanctitatem Christianam, sunt peccata mortalia.

2. Ex Pœnitentiali Romano: Qui per turpilium, vel aspectum inquinatus est, tamen non voluit peccare corporaliter, viginti dies pœniteat. c. 13. Ergo cum verba obscena mereantur pœnitentiam canonicam, debent esse peccata mortalia.

3. Ex Antonino parte 2. tit. 5. cap. 10. §. 8. Nulli dubium est, quod qui dicit verba turpia, & lasciva hac intentione, ut se, vel alium provocet ad luxuriam, vel mente se delectandi in locutione, & cogitatione turpium, mortaliter peccet.

4. Rat. Cerrumpunt bonos mores colloquia prava, ut dicit Paulus 1. ad Corinth. cap. 15. 33. Lasciva colloquia ad luxuriam trahunt, & ita sunt peccata mortalia.

Confessaria hujus Doctrina.

Confess. 1. Peccant graviter omnes, qui verba lasciva proferunt, audiunt, tum ut se, tum ut alios sollicitent ad peccandum: quod prohibet Apostolus his verbis: *Omnis sermo malus ex ore vestro non procedat.* ad Eph. 4. v. 29.

Confess. 2. Peccant vulgo mortaliter qui lasciva cantica edunt, canunt, audiunt, &c. Circa quod ita monet Clemens Alexandrinus: *Amatoria quidem absint cantica; sint autem cantica. Dei laudes.* Lib. 2. Pædagog. c. 4.

Confess. 3. Peccant vulgo mortaliter qui lascivos libros edunt, audiunt, retinent. 1. Quia libros de rebus obscenis, turpibus, impudicis tractantes, inflammandos jubent Concilia Mediolanense, Turonense, Burdigalense: Ergo peccant mortaliter qui eos edunt, retinent, legunt contra vetitum Concilio: 2. Quia hi omnes exponunt se, & exponunt alios peccandi periculum.

Confess. 4. Peccant mortaliter qui loquuntur de peccatis lascivæ vel a se, vel ab aliis commissis, aut committendis; loquuntur, inquam, non vituperando, sed laudando, vel excusando: in quo faciunt illud, quod execrandum dicit Scriptura: *Laudatur peccator in desideriis animæ suæ, & iniquus benedicitur.* Psal. 10. v. 3.

Confess. 5. Peccant mortaliter & peccato lascivæ, & peccato scandalii, qui coram infirmis, & ad illud peccatum propensis, de rebus lascivis sermonem habent; tunc enim licet non sit prava intentio in proferente, tamen juxta Antoninum per accidens potest esse peccatum mortale ratione scandalii, seu ruinæ inde sequentis alicujus.

Confess. 6. Si contingat præter intentionem talia audiri, audientes eos sermones obscenos vitare debent, vel saltem displicentiam mentis habere: quo spectat illud Ecclesiastici. 28. v. 28. *Sæpi aures tuas spinis, linguam nequam noli audire, & ori tuo facito osia & serras.* Ut enim optime monet Ambros. lib. de pœnit. cap. 14. *Libido pascitur conviviis, nutritur deliciis, vino accenditur, ebrietate inflammatur, & postea subjungit, graviores sunt sementa verborum.*

A. R. T. I. C. U. L. U. S. IV.

De tactibus, & osculis libidinosis.

Prop: unica: Tactus impudici, oscula libidinosæ inter non conjugatos sunt peccata mortalia.

Prob.

*Prob. 1. Script. Fornicatio, & omnis immunditia, nec nominetur in vobis, sicut de-
cet Sanctos: ad Eph. 5. v. 3. Ergo cum oscula & tactus impudici ad immunditiam
pertineant, debent censeri peccata mortalia.*

*2. Ex Cypr. Ipse concubitus, ipse complexus, ipsa consabulatio, & osculatio, & con-
jacentium duorum turpis & sedita dormitio,
quantum dedecoris & criminis consistit! Eis.
62. ad Pomponium: Ergo si ibi crimen sit,
ibi est peccatum mortale.*

*3. Ex Hierony. in vita S. Hilarionis, ubi ait: quod tactus, joci, nutus, & cetera
hujusmodi sunt morituræ virginis principia: Ergo.*

*4. Ex D. Thom. Oscula & tactus, quamvis secundum se non impediunt bonum pro-
lis humane, procedunt tamen ex libidine,
quæ est radix hujusmodi impedimenti, & ex
hoc habent rationem peccati mortalis. 2. 2.
q. 154. a. 4. ad 3.*

*5. Rat. D. Thom. ibid. Minus est aspectus
libidinosus, quam tactus, amplexus, vel oscu-
lum; sed aspectus libidinosus est peccatum
mortale, secundum illud Matthæi 5. qui vi-
derit mulierem ad concupiscendam eam,
jam mœchatus est eam in corde suo: Er-
go multo magis osculum libidinosum, & alia
hujusmodi sunt peccata mortalia.*

*6. Sequens propositio damnata est a sum-
mo Pontifice: Est probabilis opinio, quæ
dicit esse tantum veniale osculum habitum
ob delectationem carnalem & sensibilem, quæ
ex osculo oritur, secluso periculo consensus
ulterioris, & pollutionis.*

Conseclaria hujus Doctrinæ.

*Consecl. 1. Tactus, oscula extra matri-
monium sunt peccata mortalia, licet non
fiant cum ea delectatione, quæ contingit
in feminis effusione; quia ordinantur ad de-
lectationem illam venerem.*

*2. Tactus, oscula sunt ejusdem natu-
ræ cum perfectis & consummatis; ideoque
exprimendæ sunt in confessione circumstan-
tiæ vel aggravantes, vel mutantes spe-
ciem, v. g. an tactus facti fuerint cum
persona ejusdem sexus, vel diversi sexus,
cum virgine, vel cum corrupta, cum solu-
ta, vel cum conjugata.*

3. Oscula, tactus, amplexus, compressiones manuum, & similia, quæ solent fieri ex levitate & petulantia, & amoris fovendi causa, eandem videntur habere malitiam, propter periculum proximi incendi in peccatum consummatum.

Consecl. 4. Tactus, oscula, amplexus pertinent reductivè ad eam speciem, in qua est actus completus.

Sic actus illi, quibus personæ ejusdem sexus supercubantes, osculantes se, tangentes se, pollicuntur, sunt adus sodomitici; & ubi sodomia est casus reservatus, juxta Sayrum ille casus est reservatus, juxta alios non est reservatus. In illo dubio interrogandi sunt Episcopi, & sciendum quæ fuerit eorum mens; juxta enim regulam generalem, actus quantumvis obscenus non censetur reservatus, nisi sit completus.

Sic tactus, oscula, amplexus erga virginem, reducuntur ad stuprum, erga personam solutam ad fornicationem pertinent, erga personam conjugatam ad adulterium spectant, &c.

Monit. 1. Dixi, oscula libidinosa hoc præcepto prohiberi; multiplex enim est osculum.

1. Est osculum adulterium. Tale fuit osculum, quo Absalon deosculabatur populum, ut eum contra patrem Davidem concitaret. 2. Reg. c. 15. & hoc osculum ad illud peccatum reducitur, quod sibi proponit ille qui operatur.

2. Est osculum simulatorium. Tale fuit osculum, quo Judas deosculatus est Christum, ut eum Judæis traderet. Matth. 26. v. 8. & tale osculum pertinet ad proditionem.

3. Est osculum urbanitatis. Tale fuit osculum, quo Jacob Rachelem salutavit. Gen. 20. 11. Adaquato grege, osculatus est eam, & elevata voce flevit, & indicavit ei, quod frater esset patris sui: & tale osculum est signum amicitiae, nullum peccatum includit.

*4. Est osculum sanctum. Tale erat osculum, quo antiqui Christiani osculabantur se, ut patres se profiterentur: de quo Paulus ad Rom. 16. v. 16. *Salutate, inquit, invicem in osculo sancto.* Ostendebant enim eo modo Christiani, inquit Grotius post Justinum & Origenem, omnes inter se pares esse, nam apud Persas & apud Orientales populos, pares os inter se jungebant; superiores vero dabant manum osculandam inferioribus.*

*5. Est osculum impudicum: de quo Prov. 7. v. 6. *Apprehensumve deosculabatur juvenem.* Istud autem osculum isto præcepto prohibetur, eo quod afferat secum non delectationem mere sensualem sitam in proportionem & conformitatem rei tactæ cum organo tactus; sed habeat insuper adjunctam commotionem spirituum generationi inservientium, si non in utroque deosculantium se, saltem in altero; adeo ut vix sine consensu in ulteriorem libidinem exerceatur.*

CAPUT VI.

De variis fomentis lasciviae.

ARTICULUS UNICUS.

De Comædiis & Choreis.

Prop. unica. Comædiæ publicæ, in quibus sunt Adores, Cantores & Cantatrices, Saltantes & Saltatrices, sunt prohibita, eisque interesse prohibitum est... Choreæ pariter, in quibus viri cum mulieribus choros ducunt, sunt prohibita.

Prob. 1. Script. Cum Saltatrice ne assiduus sis: nec audias illam, ne forte pereas in efficacia illius. Eccli. c. 9. v. 4. Utrumque autem contingit in Comædia & Choreæ, ubi auditur, & videtur mulier pelliciens ad peccandum. Et rursus: Egrediuntur quasi greges parvuli eorum, & infantes eorum exultant iustibus, tenent tympanum & cibaram, gaudent ad sonitum organi, ducunt in bonis dies suos. Quæ omnia sunt in Comædiis & Choreis. Sed audi pœnam: Et in puncto ad inferna descendunt. Job 21. v. 7. Ergo cum in comædiis & choreis idem & pejora fiant; choreæ, & comædiæ sunt illicitæ. Adde quod vaticinatus est Isaias: Et dixit Dominus: pro eo quod elevata sunt filia Sion, & ambulaverunt extenso collo, & nutibus oculorum ibant, & plaudebant, ambulabant pedibus suis, & compositio gradu incedebant: quod utique exacte in Comædiis observatur; propter hoc Decalvabit Dominus verticem filiarum Sion, & Dominus earum crimen nudabit. Isaias 3. c. v. 16. Ergo ex Scriptura Choreæ & Comædiæ sunt illicitæ.

2. Conciliis. Concilium Laodicenum an. 320. damnat choreas. Non oportet, ait, Christianos ad nuptias euntes, vel balare, vel saltare, sed caste cœnare, vel prandere, sicut competit Christianis. Conc. Afric. cap. 27. vocat saltationes sceleratissimas. Idem dicunt Concilium Toleranum 3. c. 22. Carthagenense cap. 61. Cabillon. c. 19. Comædiæ etiam damnat. Concilium Illiberitanum can. 62. ubi ita habet: Si pantomini credere voluerint, placuit prius artibus suis renuntient, & tunc demum suscipiantur, ita ut ulterius ad ea non revertantur; quod si facere contra interdictum tentaverint, rejiciantur ab Ecclesia. Et Concil. Arelat. can. 5. ait: De theatricis & ipsi placuit, quandiu agunt, a Communionem separari. Et Concil. Cartaginens. 3. can. 2. ait: Ab spectaculo & omnes laici prohibeantur; semper enim Christianis omnibus hoc inter-

dictum est, ut ubi blasphemii sunt, non accedant. Jus etiam civile idem vetat Cod. Theod. L. 15. tit. 7.

3. Ex Patribus. Tertullianus libro de spectaculis, multis probat argumentis, Choreas & Comedias illicitas esse.

1. Quia Comædi sunt infames tam jure civili, quam Canonico: Cujus rei auctores, cum acceptissimi sint, sine nota non sunt.

2. Quia Deus vetuit; ait enim: Non amat falsum amor veritatis; adulterium est apud illum omne, quod fingitur. Et proinde vocem, sexus, ætates mentientem; amores, iras, gemitus lacrymas asseverantem; quod utique fit in theatris, non probat.

3. Quia in baptismo reuantiavimus Diabolo, & pompis ejus; quæ utique in Comædiis & Choreis splendide patent.

4. Quia Comædiæ & Choreæ spiritum Christi extinguunt. An ille recogitabit eo tempore de Deo, positus illic, ubi nihil est de Deo?

5. Quia Comædiæ & Choreæ injustos motus cient in anima; v.g. amorem impudicum, injustum odium, &c. Prædictas rationes, & plures alias discretis verbis prosequitur Tertullianus lib. de spectaculis; & cap. 33. sic concludit: Nihil est nobis dictu, visu, auditu, cum insania circi, cum impudicitia theatri, cum atrocitate arene, cum Xysti vanitate.

Cyprianus Episc. 61. hirsutiones excommunicat. Pro dilectione tua, inquit, & verecundia mutua consulendum mihi existimasti, quid mihi videatur de hirsutione... An talis debeat communicare nobiscum; puto nec majestati divine, nec evangelicæ discipline congruere, ut honor Ecclesiæ tam turpi & infami contagione sedetur.

Lactantius vero lib. 6. Div. instit. cap. 20. Histrionum quoque impudicissimi motus, quid aliud, nisi libidines docent, & instigant... Quid de minis loquar corruptelarum proserentibus disciplinam; qui docent adulteria, dum fingunt, & simulatis erudiunt ad vera?

Chrysostomus hom. 48. in Matth. Multæ Choreæ & saltationes homicide peraguntur, in quibus non jam Sanctissimus Præcursor interficitur, sed ipsa Christi Jesu membra jugulantur. Sed quia forte dices, hæc hyperbolice dicta ab antiquis Patribus, audi recentiores etiam scholasticos, immo ipsos Paganos Philosophos.

Alex. Halensis P. q. 48. Sic habet. Ad illud dicitur, quod cantus chorearum non est malus in se; sunt tamen malus ratione concurrentium, quæ sunt excitatio ad lasciviam, pro-vocatio ad libidinem, impedimentum cultus Dei, & alia hujusmodi. Hæc ille.

Ger-

Gerſon part. 4. oper. ſerm. Dominicæ 2. Adventus ait: *Choreas ob fragilitatem difficile ſine diverſis peccatis agitari, & omnia peccata cadere, & concurrere in Choreas.*

Franciſcus Petrarcha loquens proprio experimento, Dialogo 24. ait: *Choreas veneris præludium eſſe: liberæ, inquit, ibi manus, liberi oculi, liberæ voces volant, padum frepitus, multarum cantus diſſoni, & tubarum clangor; concurſus & pulvis, & quæ ſæpe ludis additur, hoſtis pudicitia, & amica ſclerum, nox ipſa: hæc ſunt, quæ timorem ac pudorem pellunt, hi ſunt libidinum ſtimuli, hæc laxamenta licentiæ.*

Ipli pagani choreas & theatra reprobarunt: unde Cicero pro Muræna: *Nemo ſobrius ſalut, niſi forte inſanit.* Et Seneca Epist. 7. *Nihil eſt tam damnosum honeſtis moribus, quam in aliquo ſpectaculo reſidere; hæc enim per voluptatem ſacilius vitia ſubrepunt.*

Ex Aug. præſtat arare, vel fodere die Dominico, quam choreas ducere: Ergo ex Patribus, ex Theologis, ex iſtis Paganis Philoſophis choreæ & comædiæ ſunt illicitæ.

3. Rat. Prima Ratio. Mundana illa obſtamentum chorearum & comædiarum a Diabolo proceſſerunt; nam choreæ, in quibus viri cum mulieribus ſaltant, nunquam in uſu fuerunt apud populum Dei, ſed ſolum apud idololatras, apud quos iſerat mos, ut in facrificiis viri cum mulieribus choros ducerent, & ſic ad libidinem provocarent. Judæi vero ita choros agebant, ut viri cum viris, mulieres cum mulieribus, & hoc ſolum in ſolemniſſimis Feſtis, Religionis officio, potius quam delectationis ſtudio, choros agerent: quod conſtat ex eo, quod Maria prophetiſſa Aaronis ſoror, una cum mulieribus cum tympanis & choris laudes Dei cecinerit ob Pharaonem proſectum in mare. Exodi 15. Item tempore David: *Præcinebant mulieres, ſaltantes, atque dicentes: Percuſſit Saul mille, & David decem millia.* 1. Regum 18. Idem patet ex filia Iſephe, quæ venit obviam patri, choros puellarum ducens, & non virorum. lib. Jud. cap. 11. Item filia Silo ſaltantes & choros ducens, non erant viris promiſcuæ, quando raptæ ſunt a Benjaminitis, ſed ſolæ precedebant, ut patet ex lib. Iudicum c. 21.

Comædiæ pariter a Diabolo proceſſerunt, qui primus hominibus inſpiravit, ut in theatris deorum vitia coram populo exhiberent, ut ſic homines non erubeſcerent ea vitia committere, quæ a Diis iſtis comœdiſſa palam exhibebantur.

Secunda Ratio. Non legitur Sanctos vi-

nos, tum Judæos, tum Chriſtianos, mundanis huiusmodi delectationibus indulgiſſe; non enim vidimus choreas in Cana Gallilææ, quinimmo Judæi impudica illa tripudiam quaſi idololatriæ execrati ſunt: quod innuit locus Exodi 33. *Sedit populus manducare & bibere, & surrexerunt ludere.* Chriſtiani vero mundanis illis pompis in baptiſmate renunciant.

Tertia Ratio. Comædiæ & choreæ ſunt proximæ occaſiones ad libidinem accendentes, quippe vix fieri poteſt, quin ibi non ſint aſpectus inter viros & mulieres, quos tamen ita Script. prohibet: *Virginem ne conſpicias, ne forte ſcandalizetis in decore illius.* Propter ſpeciem mulieris multi perierunt. Eccli. 9. v. 5. Vix fieri poteſt quin ibi ſint mutua hominum & virorum colloquia: de quibus ita Scriptura: *Speciem mulieris alienæ multi admirati, reprobi facti ſunt; colloquium enim illius quaſi ignis exardeſcit.* Eccli. ibid. Sunt ibi pariter cantilenæ, & instrumenta Mulica ad libidinem provocantia, juxta illud: *Cum ſaltatrice ne aſſiduus ſis, nec audias illam, ne forte pereas in efficacia illius.* Sunt inſuper ibi propinquoſiores inter viros & mulieres accēſus, qui magis contagioli ſunt, quam morbus rabidiſſimi canis, ut ait Hier. quem acceſſum ita reprobatur Scriptura: *Quam aliena muliere ne ſedeas omnino, nec accumbas cum ea ſuper cubitum.* Eccli. 1. 12.

Quarta Ratio. Choreæ & Comædiæ omnem ſpiritum Chriſtianæ Religionis extinguunt ... Chriſtiana Religio luſtum, ſerum inſpirat. *Beati qui lugent, &c. Mundus gaudet, vos vero contriſtabimini.* Choreæ vero & Comædiæ nihil niſi riſus & cachinnos inſpirant. Chriſtiana Religio modeſtiam & gravitatem præcipit: *Modeſtia veſtra nota ſit omnibus hominibus.* In Comædiis vero, & Choreis nihil eſt, quod gravem illam modeſtiam ſapiat.

Quinta Ratio. Nemo negat Comædiæ & Choreas mundanos homines habere ſautiores; & ideo Chriſtianis ſunt fugiendæ, juxta Scripturæ effata. *Noliſte diligere mundum, neque omnia, quæ in eis ſunt. Tradidit ſemetipſum pro nobis, ut nos liberaret ab hoc ſæculo nequam.* Totus mundus in maligno poſitus eſt. Et ruruſus: *Omne, quod in mundo eſt, concupiſcentia eſt carnis, concupiſcentia oculorum, & ſuperbia vitæ.*

Nec obſtat, quod vulgo dicitur, ſcilicet; Comædiæ non ab omnibus reprobari, immo contrarium a S. Thoma. doceri; quia officiū hiſtrionum, quod licitum eſſe fatetur D. Th. 2. 2. q. 168. a. 3. ad 3. tale debet eſ-

se, ut repræsentet *Spectacula, quæ sint de rebus utilibus, & ad vitam necessariis, sicut sunt venationes, & cetera hujusmodi, quæ animum honeste distrabunt, & quibus sine peccato potest intendi, servata discretione debita, quantum ad conditiones personæ, & aliarum circumstantiarum*, ut ipsemet dicit D. Th. in 4. dist. 16. q. 4. a. 2. q. 2. Denique illustrissimus Dominus de Bossuet elegantissimum hac de re scripsit librum, in quo æque eleganter ac solide refutat Anonimum Doctorem, qui Comœdiæ, Chores, Theatrica spectacula, qualia exercentur nunc, licita contendeat. Tanti viri autoritas litem omnem dirimit, & damnando hanc artem, damnandam esse iussuienter convincit.

Nec est pariter quod dicas, in Collegiis Comœdiæ a junioribus Scholasticis exhiberi videntibus, imo dirigentibus Sacerdotibus.

Si quæ lascivæ & obscenæ Comœdiæ in Collegiis exhibeantur, eas damnamus, eaque scandalo esse audacter pronuntiamus; futurumque asserimus severum iudicium contra illos Professores, qui Christianam gravitatem non sunt æmulati in illis Gymnasticis exercitationibus. Sed multum est discriminis inter Comicos, & Collegiorum Theatra. Hic juvenes videntur, qui ætate juvenili & modestia nativa nihil nisi pudicum ingerunt; illic vero viri & mulieres simul permixti, qui & gestu, & vestitu, cantu, saltu libidinem inspirant. Hic juvenes theatrum conscendunt, ut se ad declamationem efforment, & ad loquendum publice se disponant; illic vero nihil aliud intenditur, quam ut vitiosi affectus foveantur, & ardentiores fiant.

Consejaria hujus Doctrinæ.

Consej. 1. Licita sunt exercitationes scenice, quibus adolescentes in Collegiis exercentur ad declamationem, modo nihil permisceatur obscœnum; quia experientia docet, isthæc exerciticia non parum inservire, ut idonei fiant juvenes ad palam & publice aliquando perorandum.

Consej. 2. Licita pariter sunt choreæ illæ, in quibus concurrentibus causis publici gaudii, viri cum viris, mulieres cum mulieribus choros modestè ducunt; quia non est illicitum signa dare gaudii cum subest causa publica lætandi.

Consej. 3. Illicitæ sunt omnino Comœdiæ illæ publicæ, in quibus actores & actrices in theatris exhibent res obscœnas, & licet res repræsententur non sint obscœnæ, tamen illi-

citæ essent; quia permixtio illa virorum & mulierum declamantium, aut canentium, libidinem excitat, & fovet, ut monet Conc. Colon. 1549. *Quæ spectacula, etiam si de rebus piis exhiberentur, parum tamen boni, mali vero plurimum relinquere in sanctorum mentibus possunt, gestus externos spectantibus, & mirantibus.*

C A P U T VII.

De usu Matrimonii.

A R T I C U L U S I.

De his, quæ in usu Matrimonii nullatenus sunt peccata.

Prop. unica. Actus conjugalitatis est licitus, immo & meritorius, quoties fit vel causa procreandi filios, vel motivo reddendi debitum conjugale compati exigenti.

Prob. 1. Ex Script. *Uxori vir debitum reddat, similiter & uxor viro: nolite fraudare ad invicem, nisi forte ex consensu, ut vacetis orationi ... Iterum revertimini in idipsum, ne tentet vos Sathanas: Ergo cum reddere debitum conjugale sit actus justitiæ, est licitus, immo meritorius si fiat in statu gratiæ.*

2. Ex D. Th. *Quando conjuges conveniunt causa proli procreandæ, velut sibi debitum reddant, quod ad finem matrimonii pertinet, totaliter excusantur a peccato.* D. Thom. in 4. dist. 31. qu. 2. a. 2.

3. *Rat.* Quia tunc actus conjugalitatis fit propter illum finem, ad quem ordinatus est: ergo non est peccatum; sed actus bonus. Ideo erroneum est dicere, ut ait D. Tho. esse peccatum mortale, quære delectationem in tali actu, veniale acceptare, & perfectionis odisse; quapropter damnati sunt hæretici, qui actum conjugalem vetitum voluerunt.

Consejaria hujus Doctrinæ.

Consej. 1. Non est peccatum actum conjugalem exercere, quando speratur generatio proli, licet per accidens non sequatur; quia tunc non itur contra finem matrimonii.

Consej. 2. Non est peccatum, actum conjugalem exercere causa vitandæ fornicationis in compare viri; quia, ut inquit D. Th. hoc est quædam redditio debiti, quæ ad bonum fidei pertinet.

Consej. 3. Tactus venerei ad generationem vel necessarij, vel conducentes, non sunt peccata inter conjuges; quia sunt merita ad generationem.

ARTICULUS II.

De his, quæ inter conjugatos sunt peccata tantum venialia.

Prop. unica. Actus conjugalis, qui fit ob alium finem, quam causa generandi prolem, vel reddendi debitum, etiamsi fiat ordinario concubitu, est peccatum veniale: potest fieri mortale per accedens, ut si in eo sistatur tanquam ultimo fine.

Prob. 1. Ex Script. Paulus Apostolus ibidem ait: *Secundum indulgentiam dico, & non secundum imperium*; quæ verba ita Aug. exponit: *Quis autem jam esse peccatum neget, cum dari veniam facientibus Apostolica auctoritate satisfatur?* Enchir. c. 68. Ergo usus matrimonii est aliquando peccatum veniale: non utique cum sit cum debitis omnibus circumstantiis, quia tunc est actus virtutis: non etiam cum sit contra finem matrimonii; quia tunc est peccatum mortale: ergo est peccatum veniale cum sit præter finem matrimonii, intra tamen limites matrimonii.

2. Ex August. qui ponit illud peccatum inter peccata quotidiana & venialia. Peccat, inquit, conjugatus venialiter, quoties excepto desiderio filiorum; uxorem suam cognoveris. Serm. 3. de animabus fidelium defunctorum.

3. Ex D. Th. Duobus solis modis conjuges absque omni peccato conveniunt, scilicet causa prolis procreandæ, & debiti reddendi; alias autem semper est ibi peccatum ad minus veniale: in 4. disp. 31. art. 2.

4. Rat. Sicuti manducare ob solam delectationem non est peccatum mortale, sed veniale, nisi adsit alia prava circumstantia; ita actus conjugalis factus propter alium finem, quam prolis generationem, vel reddendi debitum, est peccatum veniale; quia, ut arguit Aug. sicut homines sibi provident manducando & bibendo; ita successiones provident uxores ducendo. Serm. 63. de diversis c. 14.

Confessaria hujus Doctrina.

Confess. 1. Tactus, & oscula extra actum conjugalem, etiam citra periculum pollutionis, sunt peccata, si fiant propter delectationem veneream extra usum matrimonii percipiendam; sunt, inquam, peccata, quia nec ad generationem, nec ad remedium concupiscentiæ ordinantur: peccata tamen illa sunt tantum venialia; quia non pervertunt usum matrimonii.

Confess. 2. Actus conjugalis exercitus a vetulis est peccatum; quia fit propter delectationem: sed peccatum illud est solum veniale, quia non pervertit usum matrimonii: *Licet enim non habeant vetuli caliditatem sufficientem ad generandum, habent tamen sufficientem caliditatem ad carnalem copulam; & ideo conceditur eis matrimonium, secundum quod est remedium concupiscentiæ, quamvis non competat eis, secundum quod est officium nature.* D. Th. in 4. disp. 34. q. unica art. 2. ad 3.

Confess. 3. Opus conjugale exercitum partim ob delectationem, partim ob generationem, est peccatum veniale. Si quaeratur delectatio infra limites matrimonii, ut scilicet talis delectatio in alia non quaeretur, quam in conjugis, sic est veniale peccatum. D. Thomas in 4. disp. 31. qu. 2. a. 3.

Confess. 4. Opus conjugale exercitum ob solam sanitatem, est peccatum veniale. Quia quamvis intendere sanitatis conservationem non sit per se malum, tamen hæc intentio efficitur mala, si ex aliquo sanitas intendatur, quod non est ad hoc de se ordinatum: sicut qui ex Sacramento Baptismi tantum salutem corporalem quereret: & similiter est in proposito de actu matrimoniali. D. Th. ibid. in 4. disp. 31. qu. 2. art. 2. ad 4.

Confess. 5. Opus conjugale non tollens omnino, sed pervertens tempora orationis, est peccatum veniale; quia, ut optime ait D. Th. petere debitum in die festivo non est circumstantia trahens ad aliam speciem peccati; unde non potest in infinitum aggravare: & ideo non peccat mortaliter uxor, vel vir, si in die festivo debitum petat; sed tamen gravius est peccatum, si sola delectationis causa petatur, quam si propter timorem, quo quis sibi timet de lubrico carnis, debitum petat. D. Thom. in 4. disp. 32. qu. 1. art. 5. Quando autem actus conjugalis totaliter avertit ab oratione, tunc videtur peccatum.

Confess. 6. In audiendis confessionibus, Confessarius non debet curiosus scrutari casus illos, in quibus solum committitur peccatum veniale; sed sufficit, quod penitentes se acculent de tali materia in communi, cum peccatum veniale non sit materia necessaria penitentiae.

ARTICULUS III.

De his, quæ inter conjugatos sunt peccata mortalia.

Prop. unica. Toties usus matrimonialis est peccatum mortale, quoties fit cum

cum insigni nocumento tum corporali, tum spirituali vel proli, vel partium actum conjugalem exercitum.

Prob. Toties peccatum est mortale in usu matrimonii, quoties itur contra finem matrimonii; peccata enim contra finem virtutis sunt mortalia: atqui tunc itur contra finem matrimonii; quia finis matrimonii est bonum proli, & bonum contrahentium: ergo tunc peccatur mortaliter, cum exercetur actus matrimonialis cum insigni nocumento tum corporali, tum spirituali vel proli, vel conjugatorum.

Consequaria hujus Doctrinae.

Consect. 1. Toties actus matrimonialis est peccatum mortale ob nocumentum corporale proli inferendum, quoties fit cum ea inordinatione, qua vel impeditur generatio antequam fiat, v. g. si semen emittatur extra vas, vel disturbetur generatio postquam facta est, v. g. si procuretur abortus, vel proles nata insigniter debilitetur, v. g. si cum laetatur infans, frequentibus coitibus corrumpatur lac, quo nutriuntur; quia in illis casibus intertur insigni nocumentum corporale proli.

Consect. 2. Toties actus matrimonialis est peccatum mortale ob nocumentum spirituale proli inferendum, quoties fit cum ea inordinatione, qua impeditur, ne proles nascitura baptismum recipiat: ut cum per coitum procuratur abortus foetus animati; vel proles jam nata ex usu matrimoniali scandalum suscipit: ut cum conjugati debitum sibi reddunt coram filiis, qui ex hoc ad libidinem inflammantur.

Consect. 3. Toties actus conjugalis est peccatum mortale ob nocumentum corporale inferendum conjugatis, quoties fit cum ea in temperantia, qua vel alterius, vel amborum conjugum sanitati notabiliter noceatur; quia, ut optime ait Cajet. v. Matrimonium, *Opus generationis ordinatum a natura ad bonum speciei sine malo individuui exerceri debet... Et debitum conjugale intelligitur salva consensu & sanitate subiecti.*

Consect. 4. Toties actus conjugalis est peccatum mortale, quoties fit cum eo ardore & affectu, ut æque fieret cum alio ac cum comparte; quia tunc contingit quod dicit Tobias 6. v. 17. *Sunt qui conjugium ita suscipiunt, ut Deum a se & a sua mente excludant, & suæ libidini ita vacent, sicut equus & mulus, in quibus non est intellectus: habet potestatem demonum super eos.* Tunc pariter evenit id, de quo

queritur Christus: *Qui amat uxorem suam plus quam me, non est me dignus.* Demum in eos conjugatos competit id, quod dicit Hier. lib. 1. contra Jovin. cap. ultimo: *Omnia ardentior amator propriæ uxoris, adulter est.* Et rursus: *Nihil sedius quam uxorem amare quasi adulteram.*

Consect. 5. Toties actus conjugalis est peccatum mortale, quoties fit cum ea inordinatione, ut nec ad generationem proli, nec ad remedium concupiscentiæ, nec ad debitum reddendum referatur; quia tunc conjugatus sistit in delectatione venerea tanquam in ultimo fine, seu, ut loquitur D. Th. n. 4. dist. 31. a. 3. nullum intendit bonum matrimonii, sed solum delectationem quærit. Tunc enim, ut loquitur idem S. Doctor, *voluptates meretricias vir in uxore querit, quando nihil aliud in ea attendit, quam quod in meretrice attenderet.* Ibidem ad 1.

Consect. 6. In audiendis confessionibus Confessarius poenitentibus suis nihil permittat eorum, quæ constet esse peccata mortalia: uti enim decet Confessarios non curiosius scrutari ea, quæ sunt tantum peccata venialia; ita oportet non oscitanter, sed exacte examinare ea, quæ in usu matrimoniali pertingunt usque ad malitiam peccati mortalis; luxuries enim enormior est in matrimonio, quam extra matrimonium: quippe per incontinentiam conjugatorum non sola offenditur castitas, sed sanctitas Sacramenti violatur; & Deus severius punit incontinentes conjugatos, quam non conjugatos, ut docet passim August.

ARTICULUS IV.

De his quæ inter conjugatos habentur a quibusdam ut peccata mortalia, ab aliis ut venialia.

NOTA 1. Quidquid est contra generationem, vel impediendo ne foetus concipiatur, vel suffocando foetum postquam conceptus est, juxta omnes, est peccatum mortale; quia tunc itur contra finem matrimonii.

Nota 2. Quidquid est per se conduens ad generationem est licitum, & in exigente, & in reddente; quia nihil habet inordinatum. Ita pariter omnes sentiunt.

Nota 3. Quidquid est præter generationem, nec conduens ad generationem, nec impediens generationem, sed conduens solum ad majorem voluptatem in matrimonio percipiendam, est peccatum in exigente

mortale, juxta aliquos; veniale vero, juxta alios: in reddente aliquando est peccatum, aliquando non; quod ut pateat, sit

Prop. 1. Concumbere in vase ordinario, sed *innaturaliter*, id est, non servato situ a natura instituto, est peccatum mortale, si hoc fiat sine causa, & ex solo motivo majoris voluptatis percipiendæ: v. g. si vir subit in feminam, & femina supergreditur virum; quia talis modus non convenit seminis infusioni quoad virum, nec seminis receptioni quoad mulierem; & sic videtur impediri prolis generatio intentata a natura. Ita Petrus Paludanus, Henricus & alii, ut refert D. Antoninus 3. p. tit. 1. cap. 20. §. 3. quia hoc denotat plenam adhesionem, plenumque affectum erga voluptatem carnalem.

Dixi, quando innaturalis concubitus fit sine causa est peccatum mortale; nam si fiat cum causa, v. g. ob ægritudinem alterius partis, ob vitandum periculum abortus, tunc nullum erit peccatum, modo absit periculum pollutionis in utroque conjuge.

Prop. 2. Concumbere *innaturaliter* in vase ordinario, sed non servato situ a natura instituto etiam sine causa, sed solo motivo majoris voluptatis percipiendæ, modo non eatur contra finem matrimonii, qui est posse concipere, non est peccatum mortale, sed solum signum mortalis concupiscentiæ. Ita Albertus Magnus relatus a D. Anton. ibidem. Sed Albertus Magnus, inquit, in quantum dicit, quod nihil horum quæ facit vir cum uxore in actu conjugalitatis, servato debito vase, est de se mortale; sed potest esse signum mortalis concupiscentiæ, quando ei non sufficit modus determinatus a natura, sed alium invenit, causa delectandi se, cum non subest causa infirmitatis, vel alia rationabilis.

Consect. unicum. In illa sententiarum diversitate non præcipiendum est judicium; sed in tribunali poenitentiae secundum id, quod probabilius videbitur, judicandum est: non temere pronuntiandum, in usu matrimoniali esse mortale peccatum ubi forte non est nisi veniale: nec pariter audacter asserendum, ibi solum esse veniale peccatum ubi forte est mortale. Hortandi sunt poenitentes ad id quod est tutius; judicandum vero secundum id quod est probabilius. Quare sit

ARTICULUS V.

Explicatur sigillatim quæ peccata committi soleant in usu matrimonii.

NOta, quod omnia peccata, quæ committi solent in usu matrimonii, his duobus versibus continentur.

Sit modus & finis, sine damno solve, cohere.

Sit locus, & tempus, destituti violatio voti.

Singulas illas voces sequentibus paragraphis explicabimus.

S. I.

De sine actus conjugalitatis, qui est generatio prolis, qui exprimitur his versibus: sit finis.

Prop. unica. Quidquid impedit conceptionem coitus, est peccatum mortale.

Prob. 1. Script. Onam sciens non sibi nasci filios, introiens ad uxorem fratris sui semen fundebat in terram, ne liberi nascerentur fratri nomine; & idcirco percussit eum Dominus, eo quod rem detestabilem faceret. Gen. 38. v. 10. Ergo quod impedit generationem prolis, est detestabile coram Deo: ergo est peccatum mortale.

Ex Aug. 2. Illicite & turpiter etiam cum legitima uxore concumbitur, ubi prolis conceptio devitatur. lib. 2. de adult. conj. cap. 20.

3. Rat. Ire contra finem principalem matrimonii est peccatum mortale. 1. Quia res facta violatur, cum matrimonium sit Sacramentum. 2. Quia nocetur proli nascituræ; impeditur enim, ne ejus conceptio fiat, vel disturbatur postquam facta est. 3. Impeditur bonum universale, scilicet, propagatio generis humani: ergo est peccatum mortale.

Conseclaria hujus Doctrinæ.

Consect. 1. Peccatur mortaliter, si fiat effusio seminis ante vel post coitum extra vas ad generationem destinatum; quia pervertitur generatio.

Consect. 2. Peccatur mortaliter, si ita fiat coitus, ut membrum virile non intret vas femineum, nec vas femineum recipiat membrum virile vel ob disproportionem partium, vel ob aliam causam; quia pervertitur generatio.

Consect. 3. Conatus mulieris, quo receptum semen virile deperditur, vel statim mingendo, vel saltando, vel aliud

Z 3

quid

quid faciendū, est peccatum mortale; quia impeditur generatio, aut saltem fit conatus ut impediatur.

S. I I.

De modo concumbendi ordinario, qui exprimitur his verbis: sit modus.

Prop. unica. Modus concumbendi non ordinarius, sine causa, est semper peccatum vel mortale vel veniale: mortale si sit contra finem matrimonii: veniale si sit præter finem matrimonii.

Prob. 1. Ex D. Th. in 4. dist. 32. in expositione textus. *Ufus contra naturam conjugis est,* inquit, *quando debitum vas prætermittit, vel debitum modum instituitur a natura quantum ad situm: & in primo semper est peccatum mortale; quia proles sequi non potest, unde totaliter intentio naturæ frustratur: sed in secundo non semper est peccatum mortale, ut quidam dicunt, sed potest esse signum mortalis concupiscentiæ; quandoque etiam sine peccato potest esse, quando dispositio corporis alium modum non patitur; alias tanto est gravius, quanto magis a naturali modo receditur.*

2. Rat. Usus matrimonii est licitus quoties fit debito modo: toties mortaliter illicitus quoties fit contra finem matrimonii: illicitus vero tantum venialiter quoties fit præter finem matrimonii: ergo.

Si modus concumbendi sit extra vas ordinarium, peccatum erit mortale; quia concubitus est contra finem matrimonii.

Si modus concumbendi in vase ordinario, in tantum sit exorbitans, ut impediatur fieri possit conceptio, est peccatum pariter mortale; quia est contra finem principalem matrimonii.

Si modus concumbendi immaturalis non impediatur, ne possit fieri conceptio, ita ut posset esse generatio, si aliud non obstar, si modus ille concumbendi fiat sine causa, est peccatum veniale; quia est delectatio venerea intra fines matrimonii.

Si non impediatur, ne possit fieri conceptio, & fiat cum iusta causa, v.g. ad vitandum abortum, vel ob aliam causam, v.g. ob indispositionem corporalem conjugatorum, nullum est peccatum, si nihil interueniat vitiosum; quia est usus matrimonii, qualis potest esse: ergo, &c.

Consuetudina hujus Doctrinæ.

Consect. 1. Modus concumbendi, in quo

mulier viro superponitur, si adsit probabile impedimentum non concipiendi, *Videtur*, inquit Cajet. peccatum mortale esse, aut prope; si tamen mulier possit se concipere, noli damnare, ait idem Cajetan. v. Matrimonium.

Consect. 2. Modus, in quo conjugati nudos se aspicerent, solo aspectu libidinoso fruantes, sine ullo ordine ad coitum, videtur esse mortale peccatum; quia hoc nec ad generationem inservit, nec ad sedandam concupiscentiam prodest.

Consect. 3. Modus in quo conjugati tactibus venereis ita insisterent, ut sine ordine ad coitum illa superflua voluptate potirentur, videtur esse peccatum mortale; quia hoc nec ad generationem, nec ad temperandam concupiscentiam inservit, sed periculum pollutionis inducit.

Consect. 4. Modus, in quo conjugati festulationem, ut vocant, exercent, dum alter in alterius os linguam immittit; aut alter alterius artus linguam lambit, ut vehementiorem percipiat libidinem.

Si hoc fiat extra actum conjugalem, vel sine ordine ad actum conjugalem, peccatum est haud dubie mortale: quia tunc ultimate sistitur in illa inordinata voluptate.

Si vero hoc fit vel in actu conjugali, vel in ordine ad ipsum, quale peccatum sit non ausim determinare: unum scio factam illam libidinem ab ipsis paganis vituperari; tales enim vocat Martialis, lib. 11. Epig. 61. *Lingua maritos, & ore machos.*

Et Minutius Felix in Octavio vocat *Homines mala lingue, etiamsi tacerent, quos prius tædescit impudicitia suæ, quam pudeat, prob nefas. . . . Qui medios viros lambunt, libidinoso ore inguinibus inhereant. . . . Hæc & hujusmodi propudia non licet nec audire.* Ergo si infanda sint scelera in non conjugatis, sunt magis infanda in maritalis propter injuriam illatam Sacramento.

S. I I I.

De damno inferendo vel proli jam conceptæ sed nondum natæ, vel proli jam natæ, vel conjugatis, quod exprimitur his verbis: sine damno.

Prop. unica. Quoties usus matrimonii dampnum inferat notabile vel proli natæ, aut nascituræ, aut ipsis conjugatis, est peccatum mortale.

Prob. Scriptura. Violatur illud præceptum: *Non occides.*

2. Violatur amor ille, quem conjugati de-

debent sibi invicem, & proli. Diliges proximum tuum sicut te ipsum.

3. Rat. Sicut usus ciborum non debet esse cum nocumento nostri, aut aliorum; ita nec usus matrimonii: & sicut usus ciborum est peccatum mortale, quando notabiliter nocet vel menti, vel corpori; ita & usus matrimonii.

Confessaria hujus Doctrinae.

Confess. 1. Peccatum mortale est coitus cum gravida, si fiat cum periculo abortus; quia nocetur proli conceptae: *Ut enim terra jam sata aratro non scinditur, ne semen pereat; ita ad gravidas mulieres non debet fieri accessus, ne fetus jam conceptus pereat.* Clem. Alexand. lib. 2. Pædag. c. 10. Si tamen exerceatur coitus sine periculo abortus, & in remedium concupiscentiæ, non est peccatum mortale.

Confess. 2. Peccatum mortale est coitus cum lactante, si fiat cum ingenti præjudicio proli natae, si ei aliter non provideatur: est peccatum in petente, & non in reddente; quia debet petens potius continere, quam alteri nocere: si tamen non possit aliter sedare concupiscentiam, debet potius uti congressu, quam uri: *Melius est enim rubere, quam uri.* & interim oportet infanti lactato providere.

Confess. 3. Peccatum mortale est coitus cum fatua, aut furiosa; quia tunc imminet periculum proli concipiendæ.

Confess. 4. Peccatum mortale est coitus, in quo conjugati ardentiores, aut frequentiores, quam par est, sibi vitam minuunt, aut aegritudines contrahunt: quia sicut peccat graviter, qui insigniter sanitati nocet per cibum; ita & mortaliter peccat, qui eidem sanitati maxime nocet per coitum.

Confess. 5. Juxta Scotum, Lyranum, Sotum, Estium, &c. Coitus tempore menstrui fluxus videtur esse in exigente peccatum mortale; quia juxta Scripturam Lev. c. 20. *Qui coierit cum muliere in fluxu menstruo interficientur ambo de medio populi sui.* Pœna autem mortis denotat peccatum mortale; quia juxta Hieron. infantes ex illo actu concepti, nascuntur leprosi & elephantici. Nullum vero est peccatum in reddente, si nullum nocumentum inferendum sit proli, & vitetur corruptio exigentis debitum conjugale.

Juxta Cajetanum, Navarrum, Alfonso a Castro, &c. coitus tempore fluxus menstrui est solum peccatum veniale propter indecentiam actus; quia præceptum Scripturæ est ceremoniale, si spectetur immu-

ditia; est vero naturale, si spectetur nocumentum prolis. Ego autem consului peritissimos medicos, a quibus didici, coitum tempore menstrui nullatenus nocere proli; & proinde si vera sit hæc Medicorum sententia, coitus tempore menstrui poterit esse absque peccato.

S. I V.

De debito conjugali reddendo, quod exprimitur hac voce: solve.

Prop. 1. Toties conjugati peccant mortaliter, quoties sibi iniuste denegant debitum, præcipue cum periculum adest corruptionis in compartem.

Prob. 1. Ex Script. *Vir uxori debitum reddat, similiter & uxor viro.* 1. ad Corinth. 7. Ergo conjugati peccant contra justitiam, quoties sibi denegant debitum conjugale: ergo mortaliter.

2. Ex Aug. *Debent sibi conjugati commiscendi fidem; non solum liberorum procreandorum causa, verum etiam infirmitatis excipiendæ, ad illicitos concubitus evitandos, mutuam quodammodo servitutem:* lib. de bono conjug. cap. 6. Ergo peccant mortaliter quoties absque causa sibi denegant debitum conjugale.

3. Rat. Conjugati denegantes sibi debitum sine causa, peccant 1. Contra secundarium finem Sacramenti, quo fit ut matrimonium sit remedium concupiscentiæ. 2. Contra caritatem, quam sibi mutuo debent conjugati alter alterius onera ferentes. 3. Peccant contra justitiam: ergo peccant mortaliter.

Confessaria hujus Doctrinae.

Confess. 1. Peccatum mortale est, reddere se impotentem ad debitum conjugale, vel frequentibus pollutionibus in se ipso, vel frequentibus coitibus cum alio quam cum compartem, vel ebrietate, aut indiscreta intemperantia.

Confess. 2. Peccatum mortale est, denegare debitum conjugale, cum petitur iuste vel ad prolem generandam, vel ad vitandam incontinentiam, vel etiam ad delectationem veneream intra fines matrimonii percipiendam.

Prop. 2. Toties deneganda est in usu matrimoniali comparti copia sui corporis, quoties id quod exigitur fieri nequit sine peccato mortali.

Prob. Promissum de re ex se bona, quæ per accidens fit illi cita, non ligat quamdiu

manet illicita; quia promissio non potest esse
vinculum iniquitatis: ergo promissio inter
conjugatos, tradendi sibi mutuo corpus suum,
non ligat, quando illa traditio fieri nequit sine
peccato: ergo deneganda est comparti co-
pia corporis sui: quoties exigitur id, quod
fieri nequit sine peccato mortali.

Dixi, sine peccato mortali, quia in usu matrimoniali vitanda sunt omnino quæ sunt peccata mortalia; quæ vero sunt tantum peccata venialia, secundum indulgentiam non curiosius examinantur, sed permittuntur, ut evitentur majores corruptiones.

Conseſſaria bujus Doctrinæ.

Confess. 1. Toties in infuamrimoniali de-
neganda est comparti copia sui corporis,
quoties alter conjugum uti voluerit aliquo
ex illis modis, in quibus peccatur morta-
liter; quia pars conjugata, quæ in hiscir-
cumstantiis daret copiam sui corporis, fie-
ret conficia peccati mortalis quod ab alio
committeretur; quia juxta Paulum: *Digni
sunt morte, non solum qui faciunt, sed etiam
qui consentiunt facientibus.* ad Rom. 1.

Conj. A. 2. Toties in usu matrimoniali de-
neganda est comparti copia sui corporis,
quies copula carnalis est illicita ratione impe-
dimenti vel supervenientis, vel post matri-
monium cognitū, vel ratione dubii de validi-
tate Sacramenti; quia alias pars, quæ in illis
circumstantiis faceret copiam sui corporis,
fieret particeps peccati mortalit, quod per
illicitam copulam committeretur.

Et ita ex affinitate, & cognatione spiri-
tuali superveniente, negandum est debitum
conjugale, nec exercendus est actus con-
jugalis ab eo, qui dubitat de validitate
matrimonii.

Sic, si alter conjugum commisit incestum in primo & secundo gradu, quo incestu inducitur affinitas, pars rea non poterit petere debitum conjugale; quia, ut ait Glossa, in Can. Nolle 30. q. 1. *Statim ipso facto perditum est ius exigendi*: pars vero innocens, cognito incestu, non potest reddere debitum; quia, ut ait Glossa, ibidem: *Alter non habet jus petendi*. Poterit tamen pars innocens petere debitum; quia, ut ait Innocentius III. cap. Discretionem, de eo qui cognovit confanguineam uxoris suæ, vel sponsa: *Affinitas... ei non debet officere, quæ huiusmodi iniquitatis participes non existit, cum suo iure non debeat sine sua culpa privari*.

Sic, si inter conjugatos superveniat cognatio spiritualis, quæ oritur inter conjuges,

quando unus ex eis est minister, vel patri-
nus in ministerio baptismi, vel confirma-
tionis filii communis, vel filii alterutrius
ex conjugibus; tunc enim, juxta jura,
conjuges nequeunt sibi debitum conjugale
reddere.

Si tamen pater baptizat puerum in articulo mortis, tunc non impedit actum matrimonii ex neutra parte, neque pariter si fiat ignorantia ignorantia inculpabili; si vero id fiat malitiose, quæstio in culpa perdit jus exigendi debitum, non vero pars innocens: ita D. Th. in 4. dist. 42. quæst. 1. a. 1 in c.

Prop. 3. Toties conjugatus potest non red-
dere debitum conjugale, quoties aut qui
petit cecidit a jure exigendi, aut is a quo
petitur causam habet non reddendi.

Prob. Quilibet potest absque peccato uti jure suo: ergo toties debitum conjugale potest negari, quoties is qui petit eecidit a jure petendi, & quoties is a quo petitur causam habet non reddendi.

Confectaria hujus Doctrinae.

Conseq. 1. Debitum conjugale potest denegari ei, qui lapsus est in adulterium; quia adulter perdit jus exigendi debitum.

Confess. 2. Debitum conjugale potest denegare ea pars, cui infigenter nocet reddere debitum conjugale; quia: redditio debiti conjugalitatis intelligi debet, salva individui conscientia, ut loquitur D. Thom.

Prop. 4. Erti non sit peccatum denegare debitum conjugale, cum petitur injuste vel ob adulterium commissum a parte quæ exigit debitum, vel ob nocumentum corporale intendendum parti quæ potest reddere debitum; tamen in praxi debet illud reddi, modo pars rogata illud possit reddere sine peccato, & sine gravi periculo mortis subeunda, aut ægritudinis contrahenda, præcipue cum adest periculum corruptionis in parte exigente, & per redditionem debiti speratur conversio partis exigentis.

Prob. 1. Scriptura. Unusquisque uxorem suam sicut seipsum diligit; uxor autem timeat virum sum. ad Ephel. v. 33. Ergo amor conjugalit exigit, ut unaquæque pars conjugata juri suo libenter cedat, ut compartem suam ad meliorem frugem sensim adducat: mulier id faciat ex reverentia, quam debet viro; vir vero ex amore, quem debet uxori.

2. Ex Aug. Uxor non habet potestatem corporis sui, sed vir: similiter & vir non habet potestatem corporis sui, sed mulier Non sibi alterutrum negent, ne per hoc incidant in damnab-

les corruptelæ, tentante Satana, propter incontinentiam vel amborum, vel cujuscunque eorum. De bono conjugali cap. 6. Ergo licet alter possit denegare debitum ex justitia, debet concedere ex caritate, ut compartem suam Deo lucrificiat.

3. *Rat.* Conjugati, ex D. Paulo, ita debent salutem æternam invigilare, ut unusquisque suæ comparti salutem æternam, quantum potest, procuret: ergo si potest eam procurare reddendo debitum conjugale, debet id facere ex caritate, quamvis non teneatur id facere ex justitia; nam si debeat salutem extraneorum insistere, a fortiori compartis.

Confessaria hujus Doctrinæ.

Confess. 1. Si mulier lapsa in adulterium det signa pœnitentiæ, debet pars innocens eam recipere, eique culpam condonare, & petenti debitum reddere: sic Christus pepercit mulieri adulteræ, & Ecclesiam sponsam nunquam deseret. Si vero mulier nolit pœnitere, quia vir caput est mulieris, tenetur mediis, quibus poterit, eam avertere a peccato.

Confess. 2. Si vir labatur in adulterium, & det signa pœnitentiæ, debet mulier ei debitum non denegare.

Confess. 3. Si vir, aut mulier, etiam si habens denegandi usum conjugalem, possit, concedendo debitum, compartem vel ab incontinentia, vel ab ebrietate, aut alio quocumque vitio abstrahere, decet ut debitum conjugale reddat; sic enim Domino lucratur compartem.

Confess. 4. Si mulier ex usu conjugali non nisi levem aliquam infirmitatem corporalem subitura sit, decet ut viro reddat debitum conjugale; sic enim compartem sibi magis devincit, & Domino lucratur. *Hortandi sunt*, inquit Greg. conjuges, ut ea, in quibus sibi aliquando displicent, & patientes invicem tolerant, & exhortantes invicem salvent. Pastoralis parte 3. admonitione 28.

§. V.

De mutua conjugatorum obligatione cohabitandi simul, quæ exprimitur hac voce: cohabitare.

Prop. unica. Conjugati, exceptis causis legitimi divortii, debent simul, quantum possunt, cohabitare & habitatione, & toro.

Prob. 2. Scriptura: Nolite fraudare invicem, nisi forte ex consensu ad tempus,

ut vacetis orationi: & iterum revertimini in idipsum, ne tentet vos Satanas propter incontinentiam vestram. 2. ad Corinth. 7. Ergo conjugati tenentur simul cohabitare.

2. Conjugium exigit mutuam illam cohabitentiam, ut alter conjux alteri sit adiutorium: ergo debent simul quoad torum & habitationem cohabitare.

Confessaria hujus Doctrinæ.

Confess. 4. Si vir alio se transferat ex causa non turpi & ad longum tempus, & velit uxorem secum habere, uxor tenetur eum sequi, nisi gravissimum periculum animæ vel corporis inde manifeste sequeretur; quia *Vir caput est mulieris*, ad eum pertinet statuere de loco & modo habitationis. sic Sara sequebatur Abrahamum peregrinantem.

Confess. 2. Si uxor non possit honeste virum sequi, potest ad tempus ab illo abesse: sic uxores non sequuntur maritos in bello, ut patet exemplo uxoris Uriæ. 2. Reg. cap. 1. v. 9.

§. VI.

De loco, in quo debitum conjugale reddendum est, quod exprimitur his verbis: sit locus.

Prop. unica. Conjugati debent sibi mutuo debitum conjugale reddere juxta regulas honestatis, & proinde in locis abditis.

Prob. 1. Script. *Honorabile connubium in omnibus, & thorus immaculatus.* ad Hebr. 13. v. 4. Ergo oportet, ut in actu conjugali nihil fiat contra honestatem.

2. Ex Clem. Alexand. lib. 2. Stromatum, cap. 10. Non immodeste sese ac intemperanter gerere oportet; sed verecundia tanquam lux rationis in animo includenda.

3. *Rat.* Oportet reddere debitum, inquit D. Th. salva debita honestate, quæ in talibus exigitur: ergo non oportet, quod palam & in publico debitum reddatur.

Confessaria hujus Doctrinæ.

Confess. 1. Non licet exigere, immo neque reddere debitum conjugale neque in publico, neque coram his, qui possent provocari ad libidinem: quia abstinendum est ab operibus etiam licitis, quæ sunt aliis scandalo, quando uti possumus jure nostro tempore magis convenienti. Talis usus matrimonialis est peccatum mortale, non ratione sui, sed ratione scandalii.

Con-

Consect. 2. Non licet exigere, immo neque reddere debitum conjugale in loco sacro; quia id repugnat sanctitati loci: de quo ita D. Antonin. 3. P. tit. 1. c. 21. *Sive ergo habeatur alius locus, sive non possit haberi alius locus ad hoc, certum est quod non licet petere, sed nec reddere tenetur alter illud quod reddi non potest sine irreverentia loci sacri; nam propter hoc indiget reconciliatione, secundum Joannem Andreæ, quantum est ex natura facti, licet per accidens, si est occultum, non indigeat reconciliatione: quod etiam ponit Hostiensis.* Tunc usus matrimonialis est peccatum mortale, juxta Antoninum, non ratione sui, sed ob irreligionem & irreverentiam erga locum sacrum.

§. VII.

De tempore, in quo debet reddi debitum conjugale, quod exprimitur his verbis: sit tempus..

Prop. unica. Nullum est tempus, quo in rigore conjugati non debeant sibi reddere debitum conjugale, sicuti nullum est tempus, quo non teneat solvere quod alteri debet; tamen ex decencia hortandi sunt conjugati, ut ex mutuo consensu contineant se interdum, certisque temporibus..

Conseclaria hujus Doctrinæ..

Consect. 1. Bonum est continere tempore jejunii. *Sanctificate jejunium*, inquit Scriptura, *egredietur sponsus de cubili suo, & sponsa de thalamo suo.* Joel. 2. 15. Ita censet Origenes homilia 10. in Levit. Chrysost. lib. de Virg. cap. 90. 31. Amb. serm. 26. de tempore..

Consect. 2. Bonum est, ut conjugati contineant se temporibus orationi destinatis, quales sunt dies festivi solemniore. *Nolite fraudare invicem*, inquit Scriptura, *nisi forte ex consensu, ut vacetis orationi.* 1. ad Corinth. 7. Deinde diebus festivis non licet vacare servilibus; quia servilia avertunt mentem a Deo: opus autem conjugale magis avertit ab oratione, quam opus servile: ergo decet, ut conjugati diebus festivis ab opere conjugali abstineant.

Denique Hebræi legem recepturi abstinuerunt tribus diebus a mulieribus, & panes propositionis non licebat comedere nisi iis, qui se continuerant: Christianos ergo decet esse continentes & cum legem Dei audierunt sunt, & cum Christi corpus debent recipere.

Dixi, decet ut conjugati diebus festivis se

se contineant; nam, ut optime ait Cajet. de matrim. *Peccat mortaliter conjugatus negans debitum, etiam si dies Paschæ fuerit, in quo debeat communicare; quia communio non dispensat communicantem, ne id efficiat, ad quod tenetur ex iustitia.*

§. VIII.

De obligatione servandi votum, quæ exprimitur his verbis: desitve obligatio voti.

Nota, quod ibi non est quæstio de voto solemnī castitatis, sed de voto simplici; quia votum solemne castitatis elicitum ante matrimonium reddit matrimonium nullum, elicitum vero post matrimonium nullam obligationem inducit; sed quæstio est de voto simplici, quod ante matrimonium, vel post matrimonium elicitum est..

Prop. unica. Conjugatus tenetur, quantum in eo est, observare votum simplex castitatis quod elicit, sive illud ante matrimonium, sive post matrimonium elicerit..

Prob. Votum etiam simplex obligat, ut diximus, ubi de voto: ergo conjugatus tenetur, quantum in eo est, observare votum simplex, quod elicit, sive ante, sive post matrimonium illud elicerit.

Conseclaria hujus Doctrinæ..

Consect. 1. Qui ligatus voto simplici castitatis perpetuæ, sine dispensatione, valide quidem sed illicite contrahit matrimonium, tenetur in eo, in quo potest observare votum; & ita nunquam potest petere debitum, sed solum potest reddere; unde si velit petere, debet a superiore dispensari: sic docet D. Th. in 4. dist. 38. q. 1. a. 3. q. 2. ad 4. ubi sic habet: *Quia conjugatus ex matrimonii vinculo non obligatur ad petendum debitum; ideo ligatus voto, non potest petere debitum sine peccato; quia quoad hoc est ligatus voto, quamvis possit sine peccato reddere debitum exigenti, postquam obligatus est ad hoc per copulam precedentem.* Et si ejus compar moriatur, tenetur, inquit D. Bonaventura, omnino, id est per totam vitam, continere: in 4. dist. 38. a. 2. q. 1..

Consect. 2. Qui post matrimonium consummatum elicit votum simplex perpetuæ castitatis, non potest debitum conjugale petere; quia quoad hoc potuit seligare, cum in ejus potestate sit abstinere a petendo debito: sed tenetur reddere, quia non est in ejus potestate non reddere. Ita Conc. Lateran.

can. 3. cap. *Quidam*, de conversatione conjugatorum. *Promisit quis*, inquit Conc. *se non exigere debitum, quod in ejus potestate erat: & ideo quoad hoc votum tenuit; non reddere autem non erat in ejus, sed in mulieris potestate. Idem habetur cap. Placuit*, eodem titulo, ubi istud assertur principium: *Quod votum eatenus est obligatorium, quatenus votens potest se obligare.*

Consect. 3. Qui ligatus aut voto non nubendi, aut voto intrandi Religionem, aut voto suscipiendi Ordinem sacrum, contrahit matrimonium, valide quidem, sed illicitate contrahit, & peccat consummando matrimonium, quia violat votum; sed consummato semel matrimonio, potest & petere & reddere debitum conjugale; quia inquit Abulensis in cap. 27. *Levi. q. 6.* Si ligatus tali voto contraxerit, & consummaverit per copulam, dissolutum est votum: tamen est imponenda penitentia transgressori secundum arbitrium Confessoris.

Idem docet Cajetanus verbo *matrimonium*, & communiter omnes Theologi. Ille, inquit, qui vovit ingredi & perseverare in religione, vel suscipere Ordinem sacrum, vel non nubere, & postea absque dispensatione uxorem duxit, potest post consummatum matrimonium petere debitum ab uxore; quia votum ejus est de affirmatione, scilicet, de assumendo statu religionis, aut Subdiaconatus, aut cœlibatus, & non est de castitate nisi per viam sequela. Id est, qui vovit castitatem ad semper & pro semper tenetur continere se quantum in ipso est; qui vero vovet Religionem, cœlibatum & Subdiaconatum, non vovet castitatem, sed vovet statum in quo servatur castitas, tenetur quidem ex vi voti illum statum, quem vovit, ingredi; sed ex vi voti non tenetur servare castitatem: ideo, si fornicetur, peccat quidem peccato luxuriæ, sed non peccato sacrilegii; & si semel votum suum violaverit, potest absque novo peccato & reddere & petere debitum conjugale.

Consect. 4. Qui post consummatum matrimonium elicit votum simplex intrandi Religionem, vel suscipiendi Ordinem sacrum, vel servandi cœlibatum post mortem suæ compartis, potest & reddere & exigere debitum conjugale; quia non tenetur ad castitatem donec statum illum amplexus fuerit, & tenebitur statum illum amplecti cum poterit, scilicet post mortem compartis.

Consect. 5. Qui post matrimonium ratum & consummatum vovit castitatem cum consensu compartis, non potest nec petere, nec

reddere debitum conjugale. Primo non potest petere; quia voto cecidit a jure petendi debitum: non potest reddere; quia compars per consensum cecidit a jure exigendi: ita habetur Can. *Manifestum 33. q. 5.* ubi sic habetur: *Si quislibet eorum alteram a jure suo abolverit, ad præteritam servitutem ipsam revocare non poterit.*

Consect. 6. Si ambo conjugati post matrimonium ratum & consummatum ex mutuo consensu perperam castitatem voveant, nunquam poterunt aut petere, aut reddere debitum conjugale; quia ex vi voti & consensus mutui privantur utroque jure, scilicet, vi voti privantur jure petendi, vi consensus privantur jure reddendi debitum conjugale: id expresse docet Aug. relatus Can. *Quod Deo 33. q. 5.* ubi sic habet: *Quod Deo pari consensu ambo voveratis, perseveranter usque in finem reddere ambo debuistis, a quo proposito si lapsus est ille, tu saltem, Ecclesiam alloquitur, instantissime persevera: ad quod te non exhortarer, nisi quia tibi ad hoc ipse consenserat.*

Consect. 7. Si ambo conjugati post matrimonium ratum non consummatum voveant Religionem, non possunt consummare matrimonium, sed debent, quam citius poterunt, intrare Religionem, ut adimpleant votum. Si vero consumment, peccant graviter consummando matrimonium; quia ponunt obicem voto exequendo: sed consummato semel matrimonio possunt & petere & reddere debitum conjugale; quia votum intrandi Religionem non privat jure reddendi & exigendi debitum conjugale.

Consect. 8. Si ambo conjugati communi consensu pactum iniant de non petendo, nec reddendo debitum; durante pacto neuter potest petere, vel reddere debitum; quia vi pacti uterque cessit juri suo: sed si communi consensu rescindant pactum, redeunt ad primæva jura; quia, ut ait Chrysost. *Omnis res per quascunque causas nascitur, per easdem dissolvitur.* Cap. *Omnis*, de regulis juris.

ARTICULUS VI.

Quibus remediis possint conjugati vitare peccata, quæ committi solent in usu matrimonii.

Prop. unica. Ad vitandam incontinentiam, quæ vulgo reperitur in usu matrimonii, conjugati hujusmodi remedia adhibere possunt.

1. Debent pium aliquem finem sibi propono-

ponere, v.g. intendere possunt alterum ex istis tribus, scilicet, *vel procreare prolem* in honorem Dei, *vel reddere debitum* compargi exigenti, *vel reperire remedium concupiscentiæ*.

Ex Script. Finis primarius matrimonii est generatio liberorum, juxta illud: *Crescite, & multiplicamini*. Genesios 1. v. 28. Finis secundarius est remedium concupiscentiæ: Propter fornicationem unusquisque suam uxorem habet, & unaqueque suum virum habet. Et alter finis iustitiæ est, ut conjugati sibi invicem debitum reddant. *Nolite fraudare invicem*: Ergo conjugati debent unum ex istis finibus sibi proponere in actu conjugali, si velint vitare peccata, quæ in usu matrimoniali committuntur. Idem docent Patres: *Propagatio liberorum ipsa est prima & naturalis & legitima causa nuptiarum*. Aug. lib. 2. de adult. conjug. c. 12. *Matrimonium fuit in populo Dei aliquando legis obsequium; nunc est infirmitatis remedium*. Aug. lib. de bono viduit. cap. 8.

2. Debent sibi proponere exemplum eorum, qui sancte vixerunt in matrimonio: v.g. possunt sibi proponere exemplum Tobiz dicentis: *Domine tu scis, quia non luxuriæ causa accipio sororem meam conjugem, sed sola posteritatis dilectione, in qua benedicatur nomen tuum in sæcula seculorum*. Tob. 8. v. 9.

3. Conjugati debent a Deo precibus petere prolem sanctam, exemplo Annæ, quæ a Deo impetravit Samuelem, exemplo Elisabeth & Zachariæ, qui a Deo impetrarunt Joannem Baptistam; nam sanctorum filiorum procreatio a Deo est, juxta illud Evæ: *Possedi virum per Deum*. Gen. 4. & juxta illud Davidis: *Ecce hereditas Domini, filii, merces, fructus ventris*. Psal. 126. v. 4.

4. Demum decet, ut conjugati diebus festis, & diebus jejunii contineant sese, ut vacent orationi: *Abstinete vos*, inquit Paulus ad Corinth. *ut vacetis orationi*. Idem passim docent Sancti Patres. Aug. sic habet Canon. *Quibuscumque s3. q. 4. Cum dies natalis Domini, aut reliquæ festivitates adveniunt.... Ante plures dies.... a propriis uxoris abstinere*. Quod ita debet intelligi, juxta D. Bonavent. in 4. dist. 32. a. 3. q. 2. in corp. Debitum conjugale reddi potest illis diebus sine omni culpa, dum tamen reddatur cum simplicitate, & dolore; peti autem non potest sine culpa.

C A P U T VIII.

De excessu tum in cibo, tum in potu.

EXcessu tum in cibo, tum in potu ita affinis est luxurie, ut unum vitium vix si-

ne altero reperias. Ideo Paulus ebrietates, comestiones cum impudicitia semper conjo- ciat: & Christus ipse rememorans ingluviem eorum hominum, qui Neomi temporibus vixerunt, & varicinas vitæ eorum hominum, qui in fine mundi victuri sunt, ait: *Sicut enim erant in diebus ante diluvium comedentes & bibentes, nubentes & nuptui tradentes usque ad eum diem, quo intravit Noe in Arca*. Matth. c. 24. v. 38. indicans intemperantiam inter & luxuriam fatalem quandam intercedere necessitudinem. Cum ergo tanta sit inter luxuriam & intemperantiam connexio, congruus ordo postulat, ut qui egimus de luxurie, jam de cibi potusque intemperantia agamus, & statuamus qualis debeat esse apud Christianos & cibi & potus usus.

A R T I C U L U S I.

An licitus, vel illicitus sit cibi & potus usus.

Prop. 1. Non illicitus, quia immo imperatus est is ciborum, & potus usus, qui ad vitam sustentandam est necessarius; solusque excessus est culpabilis.

Prob. 1. Script. In statu innocentiz Adam interdictus est usus arboris scientiæ boni, ac mali: & imperatus usus arboris vitæ, juxta illud: *Ex omni ligno Paradisi comedite; de ligno autem scientiæ boni, & mali ne comedas*. Gen. c. 2. vers. 16. Statim post peccatum usus fructuum terræ propriis manibus excolatæ permittitur, juxta illud: *In sudore vultus tui vesceris pane tuo*. Gen. c. 3. v. 19. Statim post diluvium permittitur usus, nedum fructuum, sed etiam animalium viventium, juxta illud: *Omne quod movetur & vivit, erit vobis in cibum: quasi olera virentia tradidi vobis omnia*. Gen. c. 9. v. 3. Ergo non illicitus, quin immo imperatus est moderatus ciborum & potus usus, solusque excessus est vituperabilis.

2. Ex Greg. lib. 30. Moral. c. 13. ubi sic habetur: *Neque enim cibis, sed appetitus, id est excessus, in vitio est; unde & lautiores cibos plerumque sine culpa sumimus, & abjectiones non sine reatu conscientie degustamus*. Et au primatum per lenticulam perdidit: & Elias in eremo per virtutem spiritus carnes edendo servavit.

3. Ex D. Th. 2. 2. qu. 148. art. 1. *Gula est immoderata in cibo & potu delectatio*: Ergo usus moderatus tum cibi, tum potus non potest esse peccatum.

4. Rat. Quod necessarium est ad vitam sustentandam non potest esse peccatum: atqui usus tum cibi, tum potus est necessarius ad vitam

vitam sustentandam, ut quilibet experitur: Ergo usus tum cibi, tum potus non est peccatum, nisi ratione excessus.

Consecraria hujus Doctrinae:

Consecr. 1. Non illicitus, quin immo religiosus potest esse tum cibi, tum potus usus, quem soli sumimus, modo refectione illa fiat juxta regulas virtutis: de quo ita Aug. in Pl. 46. *Bene agis, si quod manducas & bibis, & ad refectionem corporis sumis, reparationemque membrorum, gratias agens ei qui tibi prae-buit mortali & fragili ista supplementorum solatia: & cibum tuum & potus tuus laudas Deum: si vero modum naturae debitum immoderatione voracitatis excedas, & vinolentia te ingurgites; quantalibet laudes Dei lingua tua sonet, vita blasphemat.*

Consecr. 2. Non illicitus, sed religiosus potest esse cibi & potus usus, quem cum aliis in honestis conviviis sumimus: videmus enim piissimos viros varia convivia celebrasse. Abraham enim sub forma humana Angelis apparentibus fecit convivium. Gen. c. 23. Isaac convivium fecit Abimelech, & Ochozab, & Phicol, & post cibum, & potum surgentes mane juraverunt sibi mutuo. Genes. 26. vers. 30. Et de filiis Job dicitur: *Ibant filii ejus, & faciebant convivia per domos, unusquisque in die suo.* Job 1. vers. 4. Demum implet Christus pluribus conviviis interesse non dedicatus esse.

ARTICULUS II.

Quandonam illicitus sit cibi & potus usus, quem fere privatum, five cum aliis sumimus.

Prop. 1. Toties illicitus est cibi potusve usus five in privatis refectionibus, five in conviviis sumptuosus, quoties non servatur ordo rationis; vel quoad substantiam ciborum, ut cum ferula appetuntur lautiora quam convenient statui; vel quoad quantitatem, ut cum plus cibi sumitur, quam ratio requirit; vel quoad qualitatem, ut cum nimia curiositas adhibetur in præparandis cibis ad satisfaciendum cupiditati; vel ratione modi, ut quando non habetur ratio decori, quod in fumendo cibo observari debet; vel ratione temporis, cum vel sæpius quam par est, vel cum tempore, quo non oportet, cibis fumendis indulgetur.

Prob. 1. Ex D. Greg. lib. 30. Moral. novæ editionis c. 18. ubi sic habetur: *Quinque modis pro gula vitium tentat: aliquando namque in-*

digentia tempora prævenit: aliquando vero tempus non prævenit, sed lautiores cibos querit: aliquando quolibet, quæ sumenda sint, præparari accuratius appetit: aliquando autem & qualitatem ciborum & temporis congruit, sed in ipsa quantitate fumendi mensuram moderatæ refectionis excedit: nonnunquam vero & abjectius est quod desiderat, & tamen ipso esu immoderati desiderii deterius peccat. Et hæc continentur in hoc versu.

Præpropere, laute, nimis, ardens, studiose.

2. Rat. Toties peccatur, quoties in usu temporalium non servatur ordo rationis: atqui in usu ciborum prædictis in calibus non servatur ordo rationis: ergo tunc peccatur.

Consecraria hujus Doctrinae.

Consecr. 1. Peccant qui in refectione utuntur cibis, vel potibus prohibitis; quia tunc non servatur ordo rationis quoad substantiam ciborum.

Sic peccant qui utuntur cibo, vel potu, quibus nocetur sanitati; quia jus naturale vetat ea, quibus nocetur sanitati.

Sic peccant qui utuntur cibo, vel potu interdictis lege positiva: v. g. Catholici qui utuntur cibis ab Ecclesia prohibitis.

Sic peccavit Adamus cibum vetitum manducans: de quo Tertull. lib. de Jejunio cap. 3. *Facilius ventri quam Deo cessit, pabulo potius quam præcepto annuit, salutem gula vendidit, manducavit denique, & perivit. Teneo igitur a primordio homicidam gulam.*

Consecr. 2. Peccant qui cibo, vel potui plus æquo indulgent; quia tunc non servatur ordo rationis quoad quantitatem. Tales fuerunt Sodomitæ excedentes in panis quantitate. *Hæc fuit, inquit Scriptura, iniquitas Sodome sororis tue, saturitas panis & abundantia.*

Consecr. 3. Peccant qui lautiores quam par est quærunt cibos, variaque excogitant ciborum condimenta. Talis fuit intemperantia Hebræorum, qui despecto manna carnes petierunt. Exod. 16. Hæc fuit pariter filiorum Heli ingluvies, quibus cum non placerent carnes coctæ in altari Domini, crudas extorquebant a populo, ut eas juxta concupiscentiam suam condirent. 2. Reg. cap. 2.

Consecr. 4. Peccant qui ardentius quam par est cibis & potibus inhiant; quia non servant ordinem rationis quoad modum. Talis fuit intemperantia Esau, qui pulmentum leuticulare adeo ardens expetivit, ut primogenita sua cibi edulo vendiderit.

Consecr. 5. Peccant qui vel crebrius quam par est cibos sumunt, vel refectiones

protendunt, vel tempus earum præveniunt. art. 2. Si ergo, inquit, inordinatio concupiscentia Talis fuit culpa eorum, de quibus dicit Isaias: accipitur in gula secundum aversionem a fine. Væ qui surgitis mane ad ebrietatem sedandam ultimo, sic gula erit peccatum mortale. Quod & potandum usque ad vesperam, ut vinogluetis. quidem contingit quando delectationi gulæ inberet homo tanquam fini propter quem Deum contemnitis, paratus scilicet contra præcepta Dei agere, ut delectationes huiusmodi assequatur.

Prob. 2. Toties excessus in potu, vel cibo est peccatum mortale, quoties per illum excessum violatur vel caritas erga Deum (ut cum statuitur ultimus finis in tali delectatione) vel cum violatur caritas erga nosmetipsos, ut cum per talem excessum nocetur notabiliter sanitati vel ratio obruitur, vel cum violatur caritas erga proximum, ut cum per talem excessum scandalum finis proximo, vel demum cum per illum excessum præceptum aliquod Ecclesiæ violatur.

Prob. Toties peccatum est mortale, quoties læditur virtus ad salutem omnino necessaria, ut diximus ubi de peccato mortali & veniali. Ergo excessus in cibo & potu toties erit peccatum mortale, quoties insigniter lædetur aliqua ex prædictis virtutibus.

Consequaria huius Doctrinae.

Consect. 1. Peccant mortaliter qui ita sunt addicti ciborum delectationi, ut in ea ultimo sistant; quia sunt hi, de quibus dicit Paulus: Quorum Deus venter est. Hoc autem cognoscitur, inquit Cajetan. quod homo ob delectationem in comedendo non curat transgredi præceptum Dei, aut Ecclesiæ ..., ut si propter hoc furetur, aut contemnat jejuniare, &c. Verb. Gula.

Consect. 2. Peccant mortaliter qui ita sunt addicti delectationi in cibo & potu, ut malint potius insigniter nocere sanitati corporis, quam ab ea temperare: de hoc ita Cajet. V. Gula. Quandoque gula grande peccatum est: ut cum delectatio cibi alicui ad comedendum usque ad vomitum, aut alia inconvenientia, & similiter cum inducit ad alia peccata, puta ad nimium sumptum, vel ad nocendum propriæ sanitati, & ad quæcumque alia peccata, quæ secundum se sunt iudicanda quanta sunt. Ideo merito a pluribus Academicis damnata est sequens propositio: Non nisi veniale est etiam absque utilitate cibo & potu usque ad vomitum se insurgitare, nisi ex huiusmodi vomitibus gravia valetudini incommoda oriuntur.

Consect. 3. Peccant mortaliter peccato intemperantiae simul & inobedientiae qui excedentes vel in potu, vel in cibo præcepta infringunt Ecclesiastica, v.g. manducant carnes diebus abstinentiæ, pluribus utuntur refectibus diebus jejunii; quia modum temperantiae excedunt, & præcepta Ecclesiastica contemnunt: de hoc ita D. Thom. 2. 2. q. 348.

Consect. 4. Peccant mortaliter qui excedentes in potu, vel cibo, aliis sunt scandalo, provocando eos ad potum vel cibum excedentem; quia in causa sunt cur alii excedant: de hoc ita August. serm. de tempore, alias 232. jam in appendice 295. Qui amico suo nimium propinando in anima efficitur inimicus; & corpus ejus debilitare, & animam probatur occidere. Melius erat, ut ex illo quod una die plus eum accipere coegit quam expedit, per duos aut tres dies ipsum amicum ad suum convivium revocaret Aut certe, quod est melius, quidquid nimio potu perditura erat gula, pauperibus daretur in elemosinam, ut & caro rationabiliter bibendo reficeretur, & per misericordiam pauperum anima redemptio præparetur.

Consect. 5. De ebrietate in particulari. Ebrietas voluntaria, quoties rationem absorbet, est peccatum mortale; secus si sit involuntaria. Scriptura enim dicit: Cui vae? cuius patri vae? cui vixit? cui fovæ? cui sine causa vulnera? cui suffossio oculorum? Nonne his qui commorantur in vino, & student calicibus epotandis? Prov. cap. 23. vers. 29. Et Isaias cap. 5. v. 22. Væ qui potentes estis ad bibendum. Et Paulus 1. ad Corinth. cap. 6. vers. 10. Neque fornicarii neque ebriosi Regnum Dei possidebunt. Et D. Th. 2. 2. q. 150. a. 2. Ebrietas est peccatum mortale; quia homo volens & sciens privas se usu rationis, quo secundum virtutem operatur, & peccata declinat.

Sed ebrietas involuntaria non est peccatum; quia nullum peccatum potest esse involuntarium.

Sic qui semel inebriatur voluntarie, peccat mortaliter; quia, ut loquitur D. Th. vult potius ebrietatem incurrere, quam a potu abstinere.

Sed gravius peccat qui ex consuetudine inebriatur; quia peccatum aggravatur ex consuetudine, ut diximus ubi de habitu vitioso voluntario. Affiduitas, inquit D. Th. 2. 2. q. 150. art. 2. ad 1. facit ebrietatem esse peccatum mortale; non propter solam iterationem actus, sed quia non potest esse quod homo assidue inebrietur, quin sciens ac volens ebrietatem incurrat; dum multoties experitur fortitudinem vini, & suam habilitatem ad ebrietatem.

Sic peccat mortaliter cuiuslibet sortis vir qui inebriatur; sed gravius si sit Clericus; quam

ARTICULUS III.

Quandonam licitus, vel illicitus sit conviviorum usus.

quam si sit Laicus, si sit persona publica, quam si sit persona privata; peccatum enim crescit ex circumstantia personæ.

Ebrietas Clericis specialiter prohibetur; dicit enim Paulus 1. ad Timoth. cap. 3. v. 2. *Oportet Episcopum irreprehensibilem esse... non violentum... Diaconos non multo vino deditos.* Et Conc. Agathense can. 41. *Ante omnia a Clericis vitetur ebrietas, quæ omnium vitiorum fomes, ac nutritrix est. Quem ebrium suis confiteris, ut ordo patitur, aut erigina dicrum spatio communionis statuimus subinvenendum, aut corporali subdendum supplicio.* Si enim Levitis Aaronicis dictum est, Levit. c. 10. vers. 9. *Vinum & omne quod inebriare potest non bibetis tu & filii tui, quando intrabitis tabernaculum testimonii, ne moriamini;* quanto potiori pure sobrios decet esse Clericos, qui Evangelicum ingrediuntur tabernaculum? Et si Nazaræi a vino & omni quod inebriare potest abstinere, Numer. cap. 6. & Rechabitzæ, teste Jerem. cap. 3. ut obedirent Patri Jonadab a vino temperabant; quanto potiori ratione decet Clericos in usu vini non excedere?

Mulieribus, juvenibus, & Magnatibus pariter strictius prohibetur ebrietas; ut ipsis maxime convenit sobrietas, ut docet D. Th. *Sobrietas, inquit, maxime requiritur in juvenibus, & mulieribus; quia in juvenibus viget concupiscentia delectabilis propter ferream ætatem; in mulieribus autem non est sufficiens robur mentis ad hoc quod concupiscentiæ resistant.* Unde Apostolus 1. ad Timoth. cap. 3. „Mulieres similiter „pudicas, sobrias;“ & ad Titum cap. 2. ait: „Anus similiter... non multo vino servient;“ tes... Juvenes similiter hortare, ut sobriifint.

Et D. Th. ibidem ait: *Alio vero modo magis sobrietas requiritur in aliquibus, utpote magis necessaria ad propriam operationem ipsorum. Vinum autem immoderate sumptum precipue impedit usum rationis; & ideo senibus, in quibus ratio debet vigere ad aliorum eruditionem, & Episcopis, seu quibuslibet Ecclesiæ ministris, qui mente devota debent spiritalibus officiis insistere, & Regibus, qui per sapientiam debent populum subditum gubernare, specialiter sobrietas indicitur.* Ideo Apostolus ad Titum cap. 2. ait: *Hortare senes, ut sobrii sint:* & de Regibus & iudicibus dicitur Prov. cap. 31. vers. 4. *Noli Regibus dare vinum; quia nullum secretum est ubi regnat ebrietas: & ne foris bibant & obliviscantur iudiciorum, & imputent causam filiorum pauperis,*

Prop. unica. Toties licitus est conviviorum usus, quoties aut ad augendam erga Deum Religionem, aut fovendam inter homines societatem, conducit.

Prob. 1. Scriptæ Sacrificia Judæorum non tam erant sacrificia quam convivia, ut patet ex Agno Paschali aliisque victimis Deo oblati. Sacrificium Christianorum non solum est sacrificium, sed etiam convivium, in quo unum corpus omnes efficiunt qui de uno pane participamus: ergo convivia duplicem habent finem, scilicet augere Religionem erga Deum, & fovere societatem inter homines: Ergo toties licita convivia, quoties ad unum ex illis finibus conducunt; illicita vero, si ad neutrum ex illis finibus ordinentur.

2. Rat. Homines ad duplicem communitatem societatemque nati sunt: alteram, quæ sit hominibus cum Deo; alteram, quæ sit inter ipsos homines: atqui nihil aptius accomodatiusque esse potest ad utramque societatem fovendam quam convivia, si qua decet sanctitate fiant: Deo ob cibos acceptos simul communes gratias rependendo, & societatem cum iis, quibus convescimus, nutriendo. Unde convivia Christianorum aut Agapes, aut Eucharistia vocantur: Agapes, quia in his mutua fidelium fovetur concordia: Eucharistia vero, quia in his gratiæ Deo redduntur. Ergo toties licitus est conviviorum usus, quoties sunt vel ad augendam erga Deum Religionem, vel nutriendam cum hominibus societatem.

Consect. unicum. Toties vitiosa sunt hominum convivia, quoties in conviviis aliud intenditur quam incrementum aut Religionis aut societatis humanæ; quia hic duplex tantum est conviviorum finis.

Sic vituperanda sunt eorum convivia, qui in conviviis hoc unum querunt, ut laute comedant, ut liberaliter potent; qui, modo ventrem impleant, palato indulgeant sensibusque placeant, cæterorum omnium obliviscuntur: de quibus Is. 5. v. 2. *Cithara & Lyra & Tympanum & vinum in conviviis vestris, & opus Domini non respicitis, nec opera manuum ejus consideratis:* de quibus pariter Petrus 2. Epist. cap. 1. v. 13. *De licitis affluentes, in conviviis suis luxuriantes.*

Sic demum vituperanda sunt convivia eorum hominum, qui in epulis suis vel fastum

quarunt, ut Assuerus: Esther cap. 1. vel vindictam contra inimicos suos, ut Absalon, qui Amnon fratrem in convivio occidendum iussit; vel irreligionem, ut Balthassar, qui vas sacris in convivio abusus est, &c.

Qui plura, & quidem egregia de conviviis scire voluerit, consulat Guillelmum Stuchium in opere quod edidit de antiquitatibus convivialibus.

DE SEPTIMO DECALOGI

PRÆCEPTO.

PROOEMIUM.

Septimum Præceptum sic habet: *Non furum facies.* Finis hujus Præcepti est conservare iustitiam inter homines, jus suum cuique reddere, & rerum dominia unicuique illæsa custodire; ideo totam hujus Præcepti explicationem quatuor Tractatibus absolvemus. In primo agitur de his, quibus competit rerum dominium, & quomodo etiam vi solius autoritatis Reipublicæ per usurpationes & præscriptiones acquiratur, & deperdatur rerum dominium, etiam absque deperdentium consensu. In secundo agitur de Contractibus, Donationibus, & Testamentis, quibus per voluntariam privatorum conventionem acquiritur vel deperditur rerum dominium. In tertio agitur de variis speciebus Furti, & Rapinæ, & Damni, quibus rerum dominium injuste aut lædatur aut aufertur. In quarto agitur de Restitutione, per quam rerum dominia injuste vel ablata vel læsa reparantur.

TRACTATUS DECIMUSQUARTUS.

De rerum dominio.

CAPUT I.

Quid & quoruplex sit Iustitia, Jus, & dominium, & possessio.

ARTICULUS I.

Quid & quoruplex sit iustitia.

Iustitia, prout hic sumitur, est virtus inclinans voluntatem ad reddendum unicuique quod suum est: facit quippe iustitia, ut cuique nondum habenti tradamus libenter quod suum est: & vetat, ne jam

habenti vel actu auferamus quod ejus est. Ideo definitur a Justiniano: *perpetua & constans voluntas jus suum cuique tribuendi.* Species iustitiarum sunt tres. 1. Iustitia universalis legalis. 2. Iustitia particularis distributiva. 3. Iustitia particularis commutativa.

Iustitia universalis legalis est virtus, qua membra Reipublicæ comparantur ad Rempublicam, ejusque legibus subjiciuntur; & ita reddunt Reipublicæ quod illi debetur, nimirum subjectionem; sicuti membra corporis comparata ad animam subjiciuntur animæ. Dicitur Iustitia legalis; quia legem statuit singulis hominibus, eosque legibus subesse præcipit.

Iustitia particularis distributiva est virtus, qua Respublica, vel Princeps vices gerens Reipublicæ, comparatur ad membra Reipublicæ, & reddit unicuique quod suum est, remunerando bonos juxta cujuslibet meritum, puniendo malos juxta cujuslibet demeritum; sicuti anima comparata ad membra corporis singulis membris præbet quod eis debetur, unicuique juxta sui exigentiam & meritum. Dicitur iustitia distributiva; quia tota est in distribuendo vel præmium vel poenas.

Iustitia commutativa est virtus, qua membra Reipublicæ, ad invicem comparata, reddunt sibi quodlibet quod suum est, & membrum unum non aufert ab altero membro quod ei debetur; sicuti in corpore una pars, v.g. brachium, non aufert ab alia parte, v.g. pede, quod ei debetur, sed ei rependit quod suum est. Dicitur commutativa; quia maxime versatur in commutationibus, quæ in contractibus vulgo solent intervenire.

ARTICULUS II.

Quid & quoruplex Jus.

JUS, prout hic sumitur, est titulus, quo res dicitur nostra, & non alterius. Jus aliud est jurisdictionis, aliud proprietatis.

S. I.

De Jure Jurisdictionis.

Jus Jurisdictionis est potestas legitima gubernandi suos subditos liberos, non in commodum proprium, sed in commodum subditorum & Communitatis. Talis est jus, quod habet Respublica supra suos subditos & Ecclesia supra Christianos.

1. *Est potestas legitima*; quia si imperium illud sit legibus contrarium, non est Jurisdictio, sed tyrannis.

2. *Dicitur gubernandi*; quia Jurisdictio exercetur per præcepta, prohibitiones, permissiones, judicia, præmia, punitiones, &c. non enim aliis mediis ducitur natura rationalis.

3. *Dicitur suos subditos*; quia auctoritas gubernandi non debet extendi, nisi ad eos, qui sunt nobis subditi.

4. *Dicitur liberos*; quia in servos & mancipia habetur jus proprietatis, & non jurisdictiois solum.

5. *Dicitur non in bonum proprium, sed in bonum Communitatis*; quia superior non alium debet sibi proponere finem, quam bonum subditorum & Communitatis.

Jus Jurisdictionis aliud est Ecclesiasticum, aliud civile.

Jus Ecclesiasticum est potestas legitima gubernandi subditos in rebus spiritualibus, cultum divinum & salutem animarum spectantibus.

Jus civile est potestas legitima gubernandi subditos in rebus temporalibus, spectantibus externam vivendi rationem, & tranquillitatem publicam.

§. II.

De Jure Proprietatis.

Jus proprietatis est potestas legitima disponendi de re tanquam sua in omnem usum lege non prohibitum.

1. *Dicitur potestas legitima*; quia si vis illa legibus sit contraria, non est jus, sed injusta usurpatio.

2. *Dicitur disponendi de re tanquam sua*; quia ille, qui habet jus proprietatis, potest pro libito de rebus suis disponere vel retinendo, vel vendendo, vel donando, vel locando, &c.

3. *Dicitur in omnem usum lege non prohibitum*; quia disponere de rebus suis contra legem, non est usus, sed abusus; ideo possessor non potest, v. g. segetes suas comburere, pecunias suas in præjudicium Reipublicæ in mare projicere.

Jus proprietatis aliud est altum, aliud infimum.

Jus altum universale, & eminens, est illud, quod habet Communitas in bona privatorum, vel ipsemet Princeps, ut est persona publica: de quibus bonis potest disponere in communem Reipublicæ utilitatem in casu necessitatis, & solum ea necessitate durante.

Jus infimum est illud, quod habent privati homines in bona, quæ ipsis peculiariter addita sunt.

Tomus I.

Jus aliud est ad rem, aliud in re.

Jus ad rem est potestas legitima ad rem obtinendam, sibi quæ obligandam. Hoc jus tribuit, non actionem realem, qua res, quæ dicitur nostra, vindicari possit, sed actionem personalem, qua persona lædens jus nostrum cogatur damnum reparare. Tale est jus, quod quis habet in rem sibi venditam, sed non traditam.

Jus in re est potestas legitima, quam quis habet in re sibi tradita & obligata. Hoc jus tribuit actionem realem, qua res vindicari possit, ubi fuerit. Tale est jus, quod quis habet in re sibi vendita & tradita. Ut aliquis habeat jus in re, tria requiruntur.

1. Justus titulus, defectu cujus conditionis fures non habent jus in re circa pecunias furto subreptas.

2. Existentia rei, defectu cujus conditionis possessor fundi non habet jus in re circa fructus anno proximo percipiendos.

3. Traditio rei, defectu cujus conditionis emptor non habet jus in re circa merces sibi venditas, sed nondum traditas.

Ut aliquis acquirat jus ad rem, sufficit justus titulus, nec requiritur existentia rei, vel traditio.

Sic possessor fundi habet jus ad rem circa fructus in fundo suo proximo anno nascituros.

Sic Clericus graduatus habet jus ad rem circa beneficia mensibus graduatorum vacatura.

Jus aliud importat oppignoracionem rei, aliud dominium rei.

Jus importans oppignoracionem, est potestas legitima, qua res aliqua dicitur alicui oppignorata.

Tale est jus, quod competit creditori, in res sibi a debitoribus oppignoratas ad securitatem debiti.

Jus importans dominium, est potestas legitima, qua res aliqua aequaliter possidetur.

Tale est jus illius, qui equum, agrum, domum justo titulo possidet.

ARTICULUS III.

Quid & quomodo sit dominium.

Dominium est jus perfecte disponendi de re, nisi lege prohibeatur.

Dominium aliud est altum, aliud infimum.

Dominium altum est illud, quod habet Reipublica in privatorum bona, quibus uti potest in bonum Reipublicæ.

Dominium infimum est illud, quod privati homines habent in sua bona.

Dominium infimum aliud est perfectum, aliud imperfectum.

Dominium perfectum seu plenum est illud, quod

quod extenditur ad substantiam rei, simul & ad ejus emolumenta, quod complectitur & proprietatem rei, & emolumenta ipsius.

Tale est dominium, quod quis habet in vineam suam, de cuius proprietate & usu potest, prout libuerit, disponere.

Dominium imperfectum, aliud est directum; aliud utile.

Dominium directum est jus, quo licet solum de substantia rei disponere, minime vero de ejus emolumentis.

Tale est dominium illius, qui habet solum proprietatem rei.

Dominium utile est jus utendi, aut etiam fruendi re aliena, salva ejus substantia.

Tale est dominium illius, qui percipit fructus fundi, sed non habet ejus proprietatem.

Dominium utile est multiplex, usus, usufructus, habitatio, superficies, emphyteusis, feudum, libellus, servitus. De quibus omnibus sigillatim agemus in 2. Tomo in compendio juris civilis.

ARTICULUS IV.

Quid & quotuplex sit possessio.

Possessio est apprehensio, & detentio rei, adminiculo corporis, & animi, & juris.

1. Dicitur apprehensio, & detentio rei; quia ut res vel corporea, vel incorporea dicatur possideri, oportet ut aliquo modo apprehendatur & detineatur per possidentem: ideo res, quas nec apprehendimus, nec detinemus, v.g. res omnino nobis extraneas, possidere non dicimur.

2. Dicitur adminiculo corporis; quia ut rem possidere dicamur, debemus eam vel manibus tangere, aut oculis videre; vel in se, ut cum tangimus aut cernimus agrum, quo contactu vel intuitu declaramur rei, quam tangimus, aut cernimus, possessores; vel in aliquo, quod gerat vices rei, ut cum dantur instrumenta, quibus res nostra declaratur, v.g. traditur clavis domus.

3. Dicitur adminiculo animi; quia ut rem possidere dicamur, debemus eam apprehendere aut tenere animo possidendi: ideo depositarius non dicitur possidere depositum; quia non tangit aut conservat depositum animo retinendi, sed animo reddendi illud deponenti.

4. Dicitur juris adminiculo; quia ut dicamur rem possidere, non sufficit, quod apprehendamus rem manu, & cum animo retinendi, ut facit fur, cum rem furtivam accipit; sed debet juris autoritas intervenire, ut possessor queat pacifice rem retinere, & se de-

fendere ab his, qui eum vellent a possessione rei; quam possidet, deturbare.

Possessio alia est rei propriæ, alia rei alienæ. Possessio rei propriæ ea est, qua aliquid, quod nostrum est, iuste detinemus.

Possessio rei alienæ ea est, qua aliquid, quod nostrum non est, possidemus.

Possessio rei alienæ, alia est bonæ fidei, alia malæ fidei, alia dubiæ fidei.

Possessio rei alienæ bonæ fidei ea est, qua possidemus aliquid quod nostrum non est, sed quod per ignorantiam invincibilem nostrum putamus.

Possessio rei alienæ malæ fidei ea est, qua scientes aliquid possidemus quod nostrum non est.

Possessio rei alienæ dubiæ fidei ea est, qua revera alienum possidemus, sed cum dubio, an nostra sit, vel aliena.

Privilegia possessionis etiam rei alienæ, cum adest bona fides, sunt ista.

1. Parit præscriptionem; unde natum illud axioma: possessor bonæ fidei debito tempore præscribit; malæ vero fidei ullo tempore non præscribit.

2. In dubio facit conditionem possessoris meliorem; unde natum illud axioma: in dubio melior est conditio possidentis.

3. Dat præsumptionem dominii; unde natum illud axioma: possessor non tenetur probare rem esse suam.

4. Dat jus possessori, ne deturbetur a re quam possidet, & ut deturbatus in eam restituatur; unde nata hæc regula: possessor possit rem, quam possidet, defendere; & expulsus prius restituendus est in possessione, quam de iustitia possessionis agatur.

G A P U T II.

De his, quibus competat rerum dominium.

ARTICULUS I.

Quod & quale dominium competat Deo, Angelis, bonis, & malis.

Prop. 1. Deus habet omnium rerum creatarum sive corporearum, sive incorporearum absolutissimum & perfectissimum dominium, v.g. circa cælos, circa elementa, circa mixta, circa Angelos, circa homines.

Prob. 1. Scriptura, Domini est terra & plenitudo ejus. Psal. 23. v. 1. Et Salomon ait: Dominus omnium es. Sap. 12. v. 16. Et a Judith vocatur Dominus totius creature. Judith 9. Et Esther dicit Deo 13. Dominus omnium es: ergo Deus habet omnium rerum creatarum absolutissimum dominium.

2. Ex D. T. 2.2. q. 66. a. 1. ad 2. ubi sic habetur: *Deus habet principale dominium omnium rerum.*

3. *Rat.* Dominium est potestas utendi re pro libito: atqui Deus potest quacumque creatura prout libuerit uti, cum eam possit vel destruere vel conservare, vel in quam partem voluerit inclinare: ergo Deus habet supremum & absolutum erga res creatas dominium.

Conseſſaria hujus Doctrinæ.

Conseſſ. i. Deus posset, si vellet, omnes, & singulas creaturas absque injuria destruere. Et ita Deus potuit, ut docet D. Th. absque ulla injuria præcipere Abrahamo, ut immolaret unicum filium ejus: potuit præcipere Judæis, ut spoliarent Ægyptios, & ut Cananæos & Phæreæos bello adorirentur, eosque vel interficerent, vel e terris, quas occupabant, ejicerent; quia Deus habet supremum dominium & supra vitam hominum, & supra omnia eorum bona temporalia.

Conseſſ. 2. Dominium in singulas creaturas, præcipue in vitam hominum, ita est Deo proprium, ut nulli alteri conveniat: & ita solus Deus potest de vita hominum disponere, juxta illud Deut. 32. v. 39. *Videte, quod ego ſum ſolus Deus, & non alius præter me: ego occidam, & ego vivere faciam.* Et juxta illud Sap. 16. v. 13. *Tu es Domine, qui vitæ & mortis habes potestatem.*

Sic nullus homo potest se ipsum occidere; quia non est dominus vitæ suæ. Nullus privatus, immo neque Princeps potest alium hominem occidere, nisi id faciat, ut minister Dei, quia nullus homo habet dominium supra vitam alterius. Nullus pariter homo privatus aut Princeps potest se aut alium mutilare sine causa; quia non est dominus sui vel alieni corporis. Potest tamen cum causa ut minister Dei: v.g. mutilatio alicujus membri potest fieri vel ad conservandam vitam, vel ad puniendum delictum.

Solus Deus habet dominium supra vitam hominis; sed supra libertatis statum quilibet verum habet dominium: atque adeo homo potest fieri servus vel propria voluntate, vel necessitate justa. Propria voluntate, ut si se ipsum vendat, uti permittebatur Judæis egeſtate compulſis se ad tempus vendere. Exod. 21. & Lev. 25. Necessitate justa, ut si id lex jubeat vel permittat; lex enim jubet reos criminis sententia judicis posse servitute damnari; permittit vero manucaptos in bello, qui occidi poterant, posse fieri servos: item permittit, ut filius, qui ex matre serva nasci-

tur, servus sit, si pater sit servus, sine non, quia partus sequitur ventrem; immo permittit patri, ut in urgente necessitate possit filium suum vendere.

Conseſſ. 3. Dominium, quod habet Deus, quantumvis absolutum, non tollit nec dominium altum Reipublicæ, nec dominium infirmum privati hominis, sed solum utrumque sibi subicij: sicuti enim vis efficiendi, quam habet Deus, non tollit vim effectricem a creaturis, sed solum conservat, prævenit, applicat, adjuvat; ita dominium absolutum Dei præcedit omne dominium creatum, illudque conservat, eique robur adjicit.

Prop. 2. Angeli tum boni, tum mali, nulum dominium habent proprie circa creaturas corporeas, vel circa homines.

Prob. rat. Angeli tum boni, tum mali, non possunt de rebus istius mundi disponere tamquam suis: ergo non habent verum circa res creatas dominium.

Angeli boni vocamur domini; quia mundum istum in nostram utilitatem administrant: sicut Joseph vocabatur Dominus universæ terræ Ægypti. Angelus vero malus vocatur Princeps hujus sæculi, reſtor tenebrarum harum; non quod sit vere dominus alicujus creaturæ, sed quia peccatores alligatos detinet, non tanquam judex, sed tanquam tortor, donec per Christum liberentur.

Conseſſaria hujus Doctrinæ.

Conseſſ. 1. De bonis Angelis. Bonos Angelos & venerari, & ad eos confugere oportet, uti diximus ubi de cultu Angelorum; quia Angeli boni sunt in ministerium missi propter eos, qui hæreditatem capiunt salutis.

Conseſſ. 2. De dæmonibus. Mali Angeli seu dæmones fugiendi sunt, sed non pertimescendi; quia nullum habent supra nos dominium: orandum solum est Deus, ut non patiat nos tentari supra id, quod possumus.

ARTICULUS II.

Quod & quotuplex dominium competat privato.

Prop. 1. Homo etiam privatus, hoc ipso quod est rationalis & sui compos, habet jus acquirendi dominium rerum exteriorum corporearum, quæ in mundo sunt, & de iis prohibito disponendi; nisi aliunde a legibus prohibeatur.

Prob. 1. Scriptura. *Faciamus hominem ad imaginem & similitudinem nostram, & præſit pi-*

seibus maris, & volatilibus cæli, & bestiis terræ. Gen. 1. v. 26. Ergo factus est homo, ut rerum exteriorum haberet dominium; quod quidem, licet per peccatum diminutum fuerit, non tamen fuit omnino sublatum, cum & post peccatum Noe & filiis ejus dictum fuerit: *Crescite, & multiplicamini, & replete terram, & terror vester & pavor sit super cuncta animalia terræ.* Gen. 9. ver. 1.

2. Ex Aug. *Uti aliquo non potest animal nisi rationis particeps* lib. 83. q. 1. ergo homo particeps rationis potest uti rebus exterioribus, & circa illas exercere dominium.

3. *Rat.* Prima ratio. Ille habet jus utendi boni istius Universi, propter quem Univerſus iste factus est, ut patet: acqui propter hominem orbis iste factus est: de homine quippe dictum est. *Omnia subjecti sunt pedibus ejus, oves, & boves, universa in super & pecora ejus.* Psal. 8. v. 8. ergo homo, hoc ipso quod est rationis compos, habet dominium rerum omnium, quæ sunt in mundo.

Secunda ratio. Homo, multiplex jus habet in omnia, quæ in mundo sunt. Habet quippe 1. jus naturale; nam quatenus homo est corporeus dirigens se per rationem, debentur illi omnia bona, quæ ad vitam tum corporalem tum spirituales sustinendam sunt necessaria, adeo ut injuria ei fiat, si ei denegentur. 2. habet jus positivum divinum; dixit enim Deus Noe & filiis ejus: *Omne quod movetur, & vivit, erit vobis in cibum. Quasi olera virentia tradidi vobis omnia.* Gen. 9. v. 3. 3. Habet jus positivum humanum; jus quippe gentium, jus civile, jus Ecclesiasticum nulli subtrahunt rerum dominium, nisi rebus istius mundi vel in sui, vel in Reipublicæ perniciem abutatur.

Consequæria hujus Doctrinæ.

Consequ. 1. Sistendo intra jus naturæ, omnis homo, in quocumque statu sit, vel conditione, est capax dominii, modo capax sit rationis & libertatis; quia ratio & libertas sunt radix dominii circa corporalia; unde contra iusticiam peccatur, si ei hæc bona auferantur.

Sic amens est vere dominus eorum bonorum temporalium, quæ ei jure hæreditario competunt; quia quamvis rationem præpeditam habeat, ea tamen uti potest, modo iis, quibus præpeditur obicibus, liberetur.

Sic infans est verus dominus earum rerum, quæ ad ipsum spectant; qui licet rationis usum nondum habeat, tamen brevi habiturus est, ut loquitur Paulus: *nihil differt a servo, cum sit dominus omnium bonorum paternorum;* quia *si filius, & heres.*

Sic servus est verus dominus omnium, quæ ei jure naturali competunt: quia etsi jure gentium & ipsemet & sua sint domini, cuius est mancipium; tamen jure naturali, utpote rationis compos, est pariter dominus bonorum, quæ ei competunt.

Sic jure naturæ quilibet homo, sive Laicus, sive Clericus, sive etiam Religiosus, potest esse capax dominii rerum temporalium; quia hoc ipso quod est rationalis, habet jus ad bona temporalia.

Sic quilibet homo, etsi paganus, etsi hæreticus, etsi peccator, jure est dominus eorum bonorum, quæ ei competunt; quia nec paganismus, nec infidelitas, nec peccatum, tollunt omnino rationem, nec proinde capacitatem dominii rerum exteriorum. Sic Pharaon a Deo constitutus fuit Rex, juxta illud Exodus 9: v. 16. *Posui te Regem, ut ostendam in te fortitudinem meam.* Item & Nabuchodonosor, juxta illud Danielis 2. v. 37. *Deus cæli regnum, & fortitudinem, & imperium, & gloriam dedit tibi.* Et Conc. Constantinense sess. 8. & 15. damnavit hanc propositionem: *Nullus est dominus civilis, nullus Prælati, nullus Episcopus, dum est in peccato mortali.*

Consequ. 2. Sistendo intra jus naturæ, quicumque est rationis incapax, est pariter incapax dominii; quia ratio est radix dominii.

Sic bruta sunt incapax dominii, unde his homo uti potest pro libito.

Prop. 2. Etsi homo, hoc ipso quod est rationalis, & sui compos, jus habeat acquirendi dominium rerum, quæ in mundo sunt, & de eis pro libito disponendi; tamen nec res licite acquirere, nec de rebus licite disponere potest, nisi juxta legitimam legum, quibus subest, determinationem. . . . Ita Sotus de iustitia & jure, lib. 4. q. 5. a. 3.

Prob. 1. Scriptura. Idem Deus, qui dedit homini jus circa bona exteriora hujus mundi, juxta illud, *Dominamini piscibus maris,* idem dedit Reipublicæ jus determinandi in partitari, quibus mediis eadem bona & acquiri & perdi possent, juxta illud: *Per me Reges regant & legum conditores juxta decernunt:* & juxta illud: *Omni anima potestatis sublimioribus subdita sit.* Ergo homo non est bonorum temporalium dominus, nisi juxta præscriptum Reipublicæ, cui subest.

2. Ex Aug. tract. 6. ad cap. 1. Joannis, ubi sic habet: *Unde quisque possidet, quod possidet, non jure humano nam jure divino Dominus est terra & plenitudo ejus: pauperes & divites Deus de uno limo fecit: & pauperes & divites una terra supportat. jure tamen humano dicitur, hæc villa mea est, hæc domus mea est, hic servus meus est.*

Tolle

Tolle jura Imperatorum: quis audeat dicere, hæc villa mea est; meus iste servus, mea est hæc domus? Ergo homo nequit licite res acquirere, nec de rebus licite disponere, nisi juxta legitimam legum determinationem.

3. *Rat.* Prima ratio. Homo eo fine natus est, ut civilem cum aliis hominibus societatem ineat, foveatque: quam societatem nec inire nec fovere poterit, nisi in exteriorum bonorum tum acquisitione, tum dispositione legibus Reipublicæ pareat; leges enim Reipublicæ debent esse civilis societatis ineundæ & fovendæ regula: ergo homo non potest licite res aut acquirere, aut de eis disponere, nisi juxta leges Reipublicæ.

Ratio secunda. Esto homo quilibet naturaliter sit rerum temporalium dominus, tamen hanc modo ubique terrarum vigere consuetudinem cernimus, ut quælibet Reipublicarum temporalium acquisitioni, vel dispositioni modum præscribat, qui religiose observatur, nisi fuerit juri primævo naturali contrarius. Unde profluxerit mos ille, incertum est: profluxit forte ab instigante natura, quæ uti jubet partes subesse toti, ita & cives Reipublicæ: forte processit ex speciali jussu Dei, qui uti vult omnia esse ordinata in corpore, ita & in mundo: forte effluxit consuetudo illa ex unanimi privatorum hominum primis temporibus viventium conventionem, qua jus illud in Rempublicam translatum est: unde quaque processerit, nimis late diffusa est tam sancta consuetudo, nimis antiqua illa præscriptio, ut citra peccatum a privatis hominibus violari possit: ergo tenentur homines in rerum dispositione & acquisitione legibus Reipublicæ subesse: ergo cum leges illæ non fuerint abrogatæ, in conscientia ligant.

Conseſſaria hujus Doctrinæ.

Conseſſ. 1. Servi tum bello capti, tum vendentes semetipsos, habent quidem jure naturæ dominium, cum sint rationales, sed jure gentium quicquid acquirunt, domino acquirunt; quia jus naturæ determinatur per jus gentium.

Conseſſ. 2. Liberi, qui sunt sub potestate patris, habent jure naturæ dominium eorum, quæ eis obveniunt independentem a patre, sed dominium illud sic per legem civilem restringitur. Plenum habent dominium in bona Castrensia, aut quasi Castrensia; directum vero & non usufructum in bona adventitia; nullum vero dominium vel usufructum in bona profectitia; quia jus naturæ ita determinatur per legem civilem.

Tomo I.

Bona autem Castrensia sunt ea, quæ in militia, aut occasione militiæ acquiruntur, ut stipendia militum, dona Ducum, prædæ ex hostibus raptæ, & id omne, quod datum est a patre, vel ab aliis parentibus ad exercendam militiam, ut equi, arma, &c.

Bona quasi Castrensia ea sunt, quæ acquiruntur manere publico, v.g. iudicii, causidici, medici, &c. quia litteræ non minus profunt Reipublicæ, quam arma; immo dona facta ab Imperatore, Rege, Regina, quasi Castrensia censentur. *L. cum multa C. de bon. quæ liber &c.* Bona pariter, quæ acquiruntur ministrando sacris, quasi Castrensia censenda sunt, ut habet Authentica *Presbyteros*, Cod. de *Episcopis & Clericis. Presbyteros, & Diaconos, & Subdiaconos, Cantores & Lectores, quos omnes Clericos appellamus, res quolibet modo ad dominium eorum venientes, habere in sua potestate præcipimus ad similitudinem Castrensiū periculiorum, & donare, cui volunt, secundum leges, & in his testari, licet sub parentum potestate sint: sic tamen ut horum filii, aut his non extantibus, parentes eorum legitimam ferant partem.* Authen. ex novell. 123. c. 19.

Bona adventitia ea sunt, quæ adveniunt filio familias, non intuitu patris, sed aliunde, v.g. ex successione materna, & qualia sunt ea, quæ accedunt filiis ex inglutria eorum & labore mechanico.

Profectitia sunt ea, quæ veniunt a patre, vel ex intuitu principaliter dantur.

Conf. 3. Religiosi Profecti in Religione approbati, non habent dominium rerum temporalium in particulari, bene tamen in communi, exceptis Capucinis & Fratribus de observantia; quia ita determinat jus Canonicum expressum in Trid. SS. 25. c. 2. & de Regularibus, quamvis jure naturæ statui Monachali non repugnet dominium rerum temporalium cum subordinatione ad Superiorem, immo neque jure civili, ut habetur *L. 56. C. de Epif. & Cler. Monachus nullo impedimento ex sanctionali conversione generando, sive soli, sive cum aliis, ad successionem vocatur.*

ARTICULUS III.

Quod & quale dominium competat Reipublicæ.

Prop. 1. Reipublica, & is qui gerit vices Reipublicæ, v.g. Rex, Princeps, altum habet dominium supra bona temporalia subditorum, quo potest de his disponere, prout exigit vel utilitas publica, vel pœna criminibus debita, vel tranquillitas civium, vel fidei publicæ conservatio.

A a 3

Prob.

Preb. 1. Scriptura. Rex qui sedet in folio iudicii, dissipat omne malum intuitu suo. Prov. 20. v. 8. atqui non potest illud præstare, nisi altum habeat dominium, quo de bonis subditorum possit disponere, prout utilitas publica exigit: ergo Respublica, vel Rex qui gerit vices Reipublicæ, altum habet dominium, quo potest de bonis subditorum etiam contra eorum voluntatem disponere. Eo forte spectat Scriptura dicens, Eccles. 17. v. 14. In unamquamque gentem præposuit Rectorem.

2. Ex Aug. tract. 6. ad cap. 1. in Joan. ubi agens contra Donatistas, qui quærebantur, legibus Imperatorem villas esse sibi ademptas, & Ecclesiæ Catholicæ attributas, agnoscit in Imperatoribus altum supra bona temporalia dominium. *Ut teneantur, inquit, ista, idest temporalia, Regum jura fuerunt . . . & inferius sic urget Donatistas: Nolite dicere, quid mihi & Regi? Quid tibi ergo, & possessione per jura Regum possidentur possessiones. Dixisti quid mihi & Regi? Noli dicere possessiones tuas; quia ad ipsa jura humana renuntiasti, quibus possidentur possessiones: ergo Respublica altum habet dominium, quo potest de bonis subditorum disponere. Quod adeo certum est, ut & ipsi pagani non fuerit incognitum: dicit enim Seneca lib. de Beneficiis: omnia Regem possidere imperio, singulos dominio.*

3. *Rat.* Respublica instituta ab hominibus, habet vel a populo instituyente, vel a Deo confirmante institutionem, eam auctoritatem, quæ necessaria est ad decentem populorum gubernationem; quia alias imprudenter institueretur: atqui altum dominium, quo Respublica possit de bonis subditorum in certis casibus pro libito disponere, est necessarium ad gubernationem populi; quia sine illo dominio civium utilitati non posset subvenire: ergo Respublica habet illud altum dominium, quo possit de bonis subditorum, etiam contra eorum voluntatem, in certis casibus pro libito disponere in utilitatem communem.

Consequæ hujus Doctrinæ.

Consect. 1. Toties Respublica, vel Rex gerens Reipublicæ vices, potest etiam contra voluntatem subditorum de eorum bonis disponere, quoties id necessarium est ad sustinendum decentem Reipublicæ statum: Sic quovis tempore possunt etiam subditis invitis vestigia imponi, ut decenter sustineatur dignitas eorum, qui præstant. Ideo tempore Saul imposita fuerunt Hebræis tributa, ut patet ex eo, quod Saul promiserit immunitatem a tributis ei, qui cum Goliath auderet

decertare: & tributa illa Scriptura non improbat, sed approbat; quippe Christus, etiam liber, solvit censum Cæsari. *March. 17. v. 24. & interrogatus, an liceret dare censum Cæsari, dixit: Reddite quæ sunt Cæsaris Cæsari.* Et Paulus ad Rom. 13. v. 7. *Reddite omnibus debita, cui tributum, tributum.*

Sic tempore belli imponi possunt tributa extraordinaria, ut repellantur hostes Reipublicæ. Ideo habemus ex Scriptura, quod quoties bellum ingruerat, toties Tribus qualibet certum militum numerum mittebat ad præliandum, eisque annonam, cæteraque ad bellandum necessaria suppeditabat, ut patet ex 1. Reg. c. 17.

Sic tempore pestis & famis imponi possunt, invitis etiam subditis, extraordinaria subsidia, ut succurratur pauperibus; Respublica enim corpus est, in quo oportet, ut alii aliis subveniant: sicut cernimus, quod in humano corpore unum membrum succurrit alteri.

Sic demum imponi possunt tributa, etiam contra voluntatem subditorum, vel ad reparandas vias publicas, vel ad pontes erigendos, vel ad ædificia publica construenda, quibus vel Respublica muniatur contra hostes, vel quibus ornetur ad commodam subditorum habitationem; uti factum vidimus sub Salomone, qui plura populo Judaico tributa imposuit tum ut templum construeret, tum ut domos regias, & arces munitissimas edificaret.

Consect. 2. Toties Respublica, vel Rex gerens vices Reipublicæ, potest etiam contra voluntatem subditorum de eorum bonis disponere, quoties id necessarium est ad puniendam crimina eorum, qui male se gerunt in Respublica; hoc enim exigit bonum publicum, ut is bonis suis privetur, qui eis male utitur.

Sic quoties privatus aliquis peccat contra alium privatum subditum, toties Respublica potest delinquenti, non solum satisfactionem ad æqualitatem præscribere, sed etiam cum aliqua multa punire; ideo in lege Mosaica præscribebatur furibus restitutum aliquando in quadruplum, aliquando in quintuplum.

Sic quoties privatus aliquis insurgit in Regem, vel Reipublicæ perniciem molitur, toties bonis suis privari potest, eaque merito fisco addicuntur. Simile quid factum vidimus contra Acham, cuius omnia combusta sunt, & ipse una cum familia lapidatus est; quia in perniciem exercitus sibi retinuerat aliquid de spoliis Jerico, quæ jussu Dei anathemati addicta fuerant.

Consect. 3. Toties Respublica potest de bonis subditorum etiam contra privatam eorum voluntatem disponere, quoties id

necessarium est ad subditorum tranquillitatem.

Sic facta est rerum divisio vel ad contentiones vitandas, ut innuitur Gen. 13. v. 2. vel ut diligentius res istius mundi dividat, a quolibet possessore in partibus, quæ ei contingerent, colerentur; ut innuitur ex divisione Palæstinæ facta inter Tribus & Familias populi Judaici.

Sic usucapiones & præscriptiones inducuntur, quibus post certum tempus transfertur dominium ab uno possessore ad alium. 1. ne dominia rerum sint incerta. 2. ne lites sint infinitæ. 3. ut puniatur aliquando locordia hominum in bonis suis conservandis.

Consect. 4. Toties Respublica potest de bonis subditorum etiam contra privatam eorum voluntatem disponere; quoties id necessarium est ad tollendas fraudes, dolique omnes præcavendo.

Sic Respublica declarat, nulla esse testamenta, & invalidos eos contractus, quibus non apponuntur eæ solemnitates a jure requisitiæ. De his omnibus fufius agemus infra.

ARTICULUS IV.

An leges, quibus Respublica disponit de bonis subditorum, etiam contra eorum voluntatem, sint absolutæ, an sint solum conditionatæ, & fundatæ in præsumptione.

NOta. Lex absoluta ea est, quæ facta est ob bonum publicum: talis est, v. g. lex jubens depositum illatum custodiri, & verans compensationem etiam iustam ad rem deposito acceptam posse extendi; ea enim lex obligat in omni casu. Lex vero conditionata ea est, quæ fundatur in aliqua suppositione, & obligat solum si vera sit suppositio: talis est lex, quæ addicit fisco bona rebellantium contra Regem, & hæc non obligat nisi eos, qui re ipsa sunt rebelles; minime vero eos, qui falso accusati rebellionis, revera innocentes sunt.

Prop. 1. Leges, quibus Respublica imponit tributa ad sustinendum Reipublicæ statum, vel infligit pœnas ad punienda delicta, sunt conditionatæ seu fundatæ in præsumptione.

Prob. rar. Leges vestigialium teruntur ad sustinendum decentem Reipublicæ statum: ergo supponunt Reipublicam vere opus habere hujusmodi vestigialibus. Leges vero infligentes multas, vel addicentes fisco bona reorum, supponunt crimen vere esse commissum ab eo, cui hæc pœna infligitur: ergo illæ leges non sunt absolutæ & obligantes in singulis casibus; sed conditionatæ, obligantes

supposita veritate præsumptionis, in qua fundantur, juxta vulgare illud dictum: *cedat præsumptio veritati.*

Consect. unicum. Leges de solvendis vestigialibus & multis sunt observandæ in conscientia; quoties vera est præsumptio, in qua fundantur; quia tunc sunt ex omni parte iustæ: immo etiam sunt observandæ, quando falsa est præsumptio, si ex eorum inobservantia securum esset scandalum; quia injuria, juxta Paulum, toleranda est, ut vitetur scandalum; sed hæc leges prudenter & secluso omni scandalo eludi possunt, si constet, eas fundari in falsa præsumptione.

Sic tenemur solvere vestigialia statuta a Principe; quia etsi nobis incognita sit Reipublicæ necessitas, debemus supponere imposita per Principes tributa ad sustinendum Reipublicæ statum esse necessaria; ut enim optime monet Dominus de Marca, non subditorum, sed Regum est de his, quæ ad bonum publicum spectant, judicare.

Sic qui vere reus est, debet solvere multam infligentem ei a iudice; & si bona illius ad dicantur fisco, non potest in conscientia aliquid de illis retinere.

Prop. 2. Leges, quibus Respublica statuit rerum divisionem, usucapiones, & præscriptiones, sunt absolutæ, & non conditionatæ, ligantque in conscientia in singulis casibus, in quibus observantur conditiones ad usucapionem & præscriptionem requisitiæ per Reipublicam.

Prob. rar. Leges statutæ in bonum publicum sunt absolutæ, obligantes in singulis casibus; quia nihil aliud requiritur ad legem absolutam: atqui leges de rerum divisione, de usucapionibus & præscriptionibus sunt propter bonum commune; utilitas enim publica exigit res non esse communes, alias aut a nullo privato custodirentur, aut colerentur; exigit pariter possessionem per legitimam præscriptionem esse ratam & firmam, alias incerta semper essent rerum dominia, ut dicitur l. i. ff. de usucapionibus, alias nullus esset litium finis, ut dicitur l. ultima ff. pro suo. Ergo leges, quibus Respublica statuit rerum divisionem, usucapiones, & præscriptiones, sunt absolutæ, & obligantes in singulis casibus.

Nec obstat, reperiri aliquos casus, in quibus per rerum divisionem, præscriptionem, usucapionem, & privati aliqui videantur injuriam pati; quia privatum illud incommodum per utilitatem publicam aliunde compensatur; unde natum illud axioma: *Omnis lex habet aliquid de iniquo, seu duro, quod publica utilitate compensatur.*

Confessaria hujus Doctrinae.

Confess. 1. Statuta rerum divisione, & certa portione cuilibet concessa, nullus privatus alterius portionem occupare potest; & si id faciat, reus furti est; quia aucter quod alterius est. Et si enim bona ante divisionem sint communia, facta tamen divisione non sunt communia, sed quaelibet portio ad eum, cui contingit, pertinet: sicuti in convivio bene ordinato fercula omnia in communi proponuntur; portiones tamen ab illis occupatas nemo debet ad se transferre sine consensu eorum, a quibus fuerunt occupatae.

Confess. 2. Qui per legitimam praescriptionem aliquid possidet, potest illud tuta conscientia retinere; quia Respublica in illum transfudit dominium per praescriptionem, ut infra dicetur.

Confess. 3. Transacta legitima praescriptione, prior dominus non potest in conscientia rem praescriptam a posteriore possessore auferre; quia transacta praescriptione nullum jus habet ad eam rem, quae ante praescriptionem ad illum pertinebat.

Nec obstat, quod ille, qui falsa praesumptione damnatus est ad aliquam multam, possit occulte & sine scandalo sententiam iudicis eludere; quia lex praescriptionis non fundatur in praesumptione, sicuti lex insignis multam.

Prop. 3. Leges, quibus Respublica ad vitandas fraudes dolosque praecavendos reddit personas inhabiles ad contrahendum, sunt absolutae, obligantes in conscientia, redduntque irritos omnes solemnes contractus, qui sunt a personis declaratis inhabilibus ad contrahendum.

Prob. ratione. Leges, quae sunt propter bonum publicum, sunt absolutae, & tamdiu obligant, quamdiu id exigit bonum publicum; quia nihil aliud requiritur ad legem absolutam: atqui leges, quae ad vitandas fraudes dolosque praecavendos reddunt aliquas personas inhabiles ad contrahendum, sunt propter bonum publicum; utilitas enim publica exigit, ut privati, quos Respublica iudicat inhabiles ad contrahendum, re ipsa nec in foro interno, nec in foro externo contrahere valeant: ergo leges illae sunt absolutae, & obligant in utroque foro.

Et sicut, inquit Silvius in 2.2. q. 67. a. 2. lex Ecclesiastica vim habet in matrimonio, ita lex civilis in contractibus civilibus; sed lege Ecclesiastica declarante personas esse inhabiles ad contrahendum, v. g. quando contrahunt sine Parrocho & testibus, si tamen Ma-

trimonium attentatum fuerit, nullum est in utroque foro matrimonium illud: ergo similiter legibus civilibus irritantibus contractus, declarando personas esse inhabiles ad contrahendum, si ipsi contractus sic attentati fuerint, nullum in utroque foro vigorem habent.

Confessaria hujus Doctrinae.

Confess. 1. Vi Juris Civilis nulli sunt in utroque foro illi contractus, qui sunt a personis declaratis inhabilibus ad contrahendum; quia nullus est major defectus in contractibus, quam inhabilitas ad contrahendum.

Sic nullus est contractus, quo pupillus vel aliquid donat, vel vendit; quia pupillus declaratur inhabilis ad transferendum in alios dominium bonorum suorum.

Sic testamentum religiosi est nullum; quia persona Religiosa declaratur inhabilis ad testamentum condendum.

Conf. 2. Vi Juris Canonici nulla est in utroque foro ea obligatio, quae inquit ab ea persona, quae declarata est inhabilis ad se obligandum tali modo; quia nullus est major defectus obligationis quam inhabilitas ad se obligandum. Sic vota Religiosis facta ante decimum quintum annum completum sunt in utroque foro nulla; quia impubes declaratur inhabilis ad professionem Religiosam emittendam.

Prop. 4. Leges, quibus Respublica ad vitandas fraudes dolosque praecavendos apponit certas solemnitates obligationibus & contractibus, qui sunt a personis etiam habilibus ad contrahendum, videntur esse absolutae & obligantes in conscientia, ubicumque leges illae vigorem habent. Ita tenent insignes Doctores, Covarruvias, Soto, Salonijs, Vasquez, Silvius, &c.

Prob. Ratione. Leges, quae sunt ob bonum publicum, sunt absolutae, & obligantes in utroque foro; quia nihil aliud requiritur ad legem absolutam: atqui leges statuantes certas solemnitates ad vitandas fraudes, sunt ob bonum publicum; publica enim utilitas exigit, ut non solum puniantur fraudes, sed etiam ut praecaveantur: ergo praedictae leges videntur esse absolutae, & obligare in utroque foro; lex enim iusta ex omni parte obligat in utroque foro.

Dixi, quandoque leges illae vigorem habent; nam si sint aliae leges vel Ecclesiasticae, vel locales, quibus derogeret juri communi, tunc standum est legi particulari.

Sic licet per jus commune requirantur seiprem testes in testamento, tamen in favorem

causæ piæ sufficiunt tres testes ad legatum pro causa pia.

Sic in territorio Patrimonii Divi Petri ex constitutione Alexandri III. sufficiunt ad testamentum tres testes; quia Papa quatenus Princeps civilis voluit illam legem pro civibus sibi subjectis condere, nimirum pro Oñstentibus, inquit Cano. Ita eandem Decretalem explicat Silvius.

Sic in civitate Tolosana sufficiunt tres testes ad verum testamentum; quia talis est consuetudo illius urbis.

Consecraria hujus Doctrinæ.

Consect. 1. Vigore juris civilis nulli sunt illi contractus, qui sunt a personis etiam habilibus ad contrahendum, si non observentur solemnitates a jure constitutæ; decet enim privatum hominem de rebus suis non disponere, nisi juxta leges Reipublicæ.

Sic sollemnis donatio ingentis alicujus summa, facta etiam a majore sine insinuatione, ut dicunt, est nulla in utroque foro; lex enim jubet donationem ingentis summæ vigorem nullum habere sine insinuatione.

Sic testamentum factum etiam a majore sine septem testibus nullum est, quia lex ita jubet. *Ex imperfecto Testamento*, inquit Justinianus, voluntatem teneri defuncti nisi inter solos liberos non volumus.

Consect. 2. Vigore juris Canonici nullæ sunt eæ obligationes, quæ sunt a personis etiam habilibus ad se obligandum, si non observentur solemnitates per jus Canonicum requisitæ.

Sic professio Religiosa emissæ etiam ab eo, qui decimum quintum annum excessit, est nulla, si fiat ante completum integre annum Novitiatus; quia Tridentinum exigit integre annum Novitiatus.

Monitum circa prædictas propositiones.

Leges, quibus Respublica irritat contractus vel declarando personas inhabiles ad contrahendum, vel apponendo certas solemnitates contractibus, non eximunt contrahentes ab obligatione naturali, si quam inierint vel in ipso contractu civiliter invalido, vel ante, aut post contractum civiliter invalidum.

Prob. Rat. Lex positiva sive civilis, sive Ecclesiastica legem naturalem non solvit sed determinat, non irritat sed explicat, ut patet ex dictis, ubi de lege: ergo si contrahentes, etiam invalide, aliquam obligationem naturalem ineant, tenentur eam adimplere.

Sic licet Alius familias vi Senatus-Consulti

Macedoniani non possit cogi a iudice ad solvendum debita; tamen, inquit Justinianus, *manet obligatio naturalis solvendi creditori quod debetur.*

Sic licet femina conjugata vi Senatus-Consulti Vellejani non possit cogi coram iudice ad solvendum quod mutuata est, *tamen manet obligatio naturalis solvendi debita creditori.*

CAPUT III.

De acquirendo & de transferendo rerum dominio.

Nota. 1. Rerum dominium transferri & acquiri potest vel jure naturali, vel jure gentium, vel jure civili; quia singuli homines triplici illo jure ducuntur: jure enim divinum & ecclesiasticum cum jure naturali gentium, & civili ut plurimum concordant; ubi agitur de acquirendo & transferendo rerum dominio. Quod si discordent, & unum jus per aliud determinetur, vel corrigatur, sistendum est juri, quod fortius ligat, ut dictum est ubi de lege.

Nota. 2. Quod rerum dominium transferatur vel voluntate privatorum, vel autoritate Reipublicæ; ideo ostendemus 1. Quomodo privatus homo juxta jus naturale, gentium, & civile, se gerere debeat in transferendo & acquirendo rerum dominio. 2. Explicabimus, quomodo jure gentium & jure civili Respublica transferat rerum dominium contra, vel præter privatorum hominum consensum & conventionem.

ARTICULUS I.

Quomodo juxta jus naturale explicatum per jus civile & divinum se gerere debeat privatus homo in transferendo & acquirendo rerum dominio.

Prop. unica. Attendendo ad jus naturale confirmatum per jus civile & divinum, illicita & nulla est ea, quæ per dolum & fraudem fit bonorum temporalium vel traditio, vel acquisitio.

Prob. 1. Ex veteri Testamento apud Jer. 5. v. 26. Deus rejicit Judæos; quia, inquit, *inventi sunt in populo meo impii, INSIDIANTES quasi aucupes laqueos ponentes & pedicæ ad capiendos viros.* Et ex Paulo ad Rom. 1. v. 29. Gentiles tradidit Deus in reprobum sensum, *plenos contentione & DOLO*: ergo nulla & illicita est, quæ per dolum habetur bonorum acquisitio & traditio.

2. Ex novo Testamento. *Præcepta nostri*,
ne

ne adulteres, ne occidas, ne fureris, ne falsum testimonium dixeris, ne FRAUDEM FECE- RIS. Marc. 10. v. 19. Et Paulus 1. ad Thessal. 4. v. 6. *Ne quis supergrediatur neque CIRCUM- VENIAT in negotio fratrem suum, quoniam vindex est Dominus de his omnibus.* Et quamvis aliqui textum istum Pauli de adulterio intelligant, tamen multi de fraude & dolo in negotiis intelligi volunt: ergo illicita, & nulla est, quæ per fraudem habetur, bonorum acquisitio & traditio.

3. Ex jure civili. *Paſſa, quæ contra leges, constitutionesque, vel contra bonos mores sunt, nullam vim habere indubitati juris est.* L. 6. C. De Paſſis: ergo, &c.

4. Rat. Prima ratio. Modus acquirendi & transferendi dominium, introduci tantum potuit vel jure naturali, vel jure gentium, vel jure civili, ut patet: atqui triplex illud jus fraudes & dolos prohibet, & nullos declarat contractus per fraudem initos; apud omnes quippe receptum est illud axioma: *nemini sua fraus patrocinatur*: ergo & illicita & nulla est acquisitio & traditio bonorum, quæ fit fraudulentè.

Secunda ratio. Illicitum, immo nullum haberi debet quod destruit bonos mores, juriq; adversatur, C. fin. extra de paſſis: ergo cum dolus & fraus mores corrumpant, & juri adversentur, illicita & nulla erit, quæ per fraudem fit bonorum acquisitio & traditio.

Conſeſſaria hujus Doctrinæ.

Conſeſſ. 1. Omnis occupatio, omnis accessio, quibus jure gentium acquiritur bonorum temporalium possessio, item omnis ulucapio, omnis præscriptio, quibus jure civili acquiritur bonorum possessio, est illicita & nulla, si interveniat mala fides; quia ubi fraus & dolus interveniunt, non potest validus esse titulus possidendi. Ideo dicitur, *quod possessor male fidei ullo tempore non præscribit*, & quod *titulus falsus est titulus nullus*.

Conſeſſ. 2. Illud pactum nullum est, in quo convenit inter contrahentes se se mutuo pro cuiuslibet versutia fallere; quia ibi fraus intervenit. L. Si unus ff. de Paſſis.

Conſeſſ. 3. Pactum illud nullum est, in quo pars decipiens non poterit conveniri actione doli, nec similiter furti, vel injuriarum; quia ibi fraus relinquatur impunita.

Conſeſſ. 4. Pactum illud nullum est, in quo statuitur, ut filia dote sit contenta, & patris hæreditati renuntiet; quia ibi fraudatur filia. L. Pactum dotalè. C. de paſſis conventis.

Conſeſſ. 5. Pactum illud nullum est, in quo

liceat marito cum uxore alienare rem dotalem vel donationem propter nuptias; quia præsumitur uxor decipi. L. unica de rei uxorie actione.

Conſeſſ. 6. Irritum est pactum, quo filii accipientes a parentibus infra portionem legitimæ debitæ, renuntiant juri exigendi legitimam sibi debitam; quia in tali renuntiatione semper præsumitur dolus.

Conſeſſ. 7. Nullus est contractus inter duos voluntarie consentientes, si sit in præjudicium tertii non consentientis; quia nemo potest de re aliena invito domino disponere.

Sic contractus depositi, quo latro deponit apud alium rem furto ablatam, est nullus, non enim latroni, sed vero domino reddenda est res furto ablata, licet depositum generaliter sit reddendum deponenti. L. 31. ff. de Poss.

Sic conventio inita inter duos hæredes præsumptis circa expectatam hæreditatem sine consensu testatoris, est nulla. L. 30. C. de Paſſ. alias daretur occasio optandi mortem testatoris.

ARTICULUS II.

Quomodo juxta jus civile explicatum per jus Canonicum se gerere debeat privatus homo in transferendo & acquirendo rerum dominio.

P *Rep. unica.* Attendendo ad jus civile confirmatum per jus Canonicum, nulla est ea bonorum temporalium solemnitas traditio & acquisitio, quæ fit etiam absque dolo & fraude, si fiat per contractum, qui crearet solemnitatibus a jure civili requisitis.

Probe 1. Ex jure Canonico. Cap. *Quia plerique*, de immunitate Eccles. dicitur, quod qui per contractum, cui deficit solemnitas juris, aliquid possidet, tenetur ad restitutionem: ergo per contractum, qui nullus est juxta leges, nec acquiri, nec transferri potest rerum dominium, juxta jus civile confirmatum per Canones.

2. Rat. prima ratio. Res publica utpote sapiens omnium civium tutrix potuit naturalem civium voluntatem cohibere in suis dispensandis rebus; atque adeo modum illis præscribere & providere, ut illi contractus declararentur in validi, qui his conditionibus præmunici non fuerint, quas ipsa exigit: ergo per contractum, qui nullus est juxta leges, nec acquiri, nec transferri potest rerum dominium.

Secunda ratio. Res publica, cui naturali-

ARTICULUS III.

ter competit in singulos homines auctoritas, potuit constituere certas formulas & conditiones, sine quibus vel partes declarentur inhabiles ad contrahendum, vel contractus nullo modo validi habeantur, ut patet ex dictis: ergo per contractum, qui nullus est, nec acquiri, nec transferri potest rerum dominium. Etenim si privati homines possunt certas condiciones statuere, quibus seclusis, contractus ipsorum sint invalidi; a fortiori Respublica idem poterit.

Consejaria hujus Doctrinae.

Consej. 1. Qui contrahunt cum pupillo sine consensu tutoris, cum femina maritata sine consensu mariti circa bona dotalia, invalide contrahunt; quia ita leges determinant: & ita nulla est illa bonorum temporalium traditio vel acquisitio, etiam in foro interiori.

Sic qui facit testamentum sine debitis solemnitatibus, idem est ac si nullum fecisset testamentum; & si decedat, quasi ab intestato decedit. *L. 21. Hac consuetissima. C. de testam. Non subscriptum a testibus, ac non signatum testamentum, pro infecto haberi convenit.*

Consej. 2. Qui contrahunt invalide cum pupillo, cum femina conjugata, qui ineunt matrimonium nullum, qui conduunt testamentum irritum, nihil possunt acquirere in utroque foro ex vi illius obligationis invalidæ: contractus enim & obligationes in utroque foro invalidæ nec obesse possunt, nec prodesse.

Sic, si quid tibi offeratur a pupillo, a femina conjugata per contractum invalidum, teneris non acceptare, nisi aliunde id tibi debitum esset ex obligatione naturali.

Sic, si invalide matrimonium in eas, nec obligaris comparti, nec compari tibi. Si invalidam professionem emittas, nec obligaris Communitati Religiosæ, nec Communitas tibi.

Sic, si hæres sis ab intestato, non teneris solvere legata scripta in testamento invalido; quia legatum invalido testamento adjectum, nullum est, nisi sit ob causam piam; accessorium enim sequitur naturam principalis.

Sic, si tutor sis pupilli, ad quem ab intestato pertineat aliqua hæreditas, etsi conficius sis testatorem voluisse transferre hæreditatem ad alium quam ad pupillum, debes tamen eniti, ut hæreditas succedat in favorem pupilli; tutor enim tenetur sequi non voluntatem privatam testatoris, sed voluntatem publicam legis.

De non solemnibus translationibus & acquisitione domini, quæ fit viva voce, sine brevi manu, vel alius hujusmodi rationibus absque instrumento publico.

P. Prop. unica. Quando fit alicujus rei traditio non solemnibus, si fiat sine dolo, sine fraude, ille qui accepit, potest rem traditam retinere, quamdiu a iudice non exturbabitur.

Prob. 1. Jure Canon. nam caus. 13. quæst. 2. Can. *Ultima*, sic habetur: *Ultima voluntas defuncti modis omnibus servari debet.* Et cap. *indicante*, de testament. sic habetur: *Cognovimus quod moriens uxor redempti concubine argenteam nudis verbis sumpsit vendidit, & suis dari libertis, & scutellam argenteam cuidam Monasterio reliquit; in quibus voluntatem ejus per omnia volumus adimpleri:* ergo translatio non solemnibus, quæ fit brevi manu, suum vigorem habere debet.

2. Ex jure civili, lib. 2. Instit. Tit. 23. §. ult. *Quod sitis*, inquit Justin. a quo relictum dicitur, postquam negaverit, conficitur quidem aliquid a se relictum esse, sed ad legis subtilitatem recurrit, omnino solvere cogendus est: ergo donum quod fit sine civilis juris solemnitate, vigorem juris naturalis habere debet.

3. Ex D. Ant. 3. P. tit. 10. §. ult. c. 3. ubi sic habetur: *Nota*, inquit, quod cum quis ius suum, vel infirmus, qui est sane mentis, ultimo disponit de bonis suis, de quibus potest disponere per simplicem scripturam, vel p. r. verba solum, non violentatus, vel circumventus, sed libere sine notario & testibus debitis, standum est ejus tali dispositioni in foro conscientie: & hæredes, quibus hoc constat certitudinaliter, tenentur ad observandum illud, etiamsi prius per solemne testamentum aliter disposuerat: ergo translatio non solemnibus vigorem suum habere debet in foro conscientie.

4. *Rat. Jure naturæ* quilibet ita est rerum suarum dominus, ut pro libito possit eas in alium transferre, adeo ut juris solemnitates tantum observare teneatur, cum de rebus suis disponit per aliquod publicum instrumentum: acqui in translatione, quæ fit viva voce, non intervenit publicum instrumentum: ergo tunc quilibet potest pro libito res suas dare absque solemnitatibus juris, sed solum brevi manu & viva voce: ergo hæc translatio suum debet habere vigorem jure naturæ.

Consejaria hujus Doctrinae.

Consej. 1. Traditio rerum mobilium, quæ-

qualia sunt jocalia, supellestilia, argentum, &c. quæ sine solemnitatibus juris, absque notario, & testibus fieri solet, valida est, sistendo intra jus naturæ; quia jus civile non potest nisi eos contractus irritos declarare, qui fieri solent cum solemnitatibus juris.

Sic sistendo intra jus naturæ, valida est donatio, venditio, permutatio, quæ fit sine solemnitatibus juris: & ita vere mea est res mobilis, quæ mihi vel viva voce, vel brevi manu data est: iuste pariter quasi meas possum habere res quascumque mobiles, quas vel per emptionem, vel per permutationem acquisivi; singuli enim illi modi acquirendi res mobiles solent fieri absque solemnitatibus juris.

Consect. 2. Traditio rei immobilis, qualis est fundus, traditio rei incorporalis, quale est jus vel in re, vel ad rem, quæ non fieri solet nisi cum certis solemnitatibus juris, non videtur valida nisi observatæ fuerint ex solemnitatibus, quæ per leges præscribuntur; jus enim civile irritos declarat eos contractus, qui juris legibus adversantur.

Sic testamentum, carens debitis solemnitatibus, solet per judicem nullum declarari.

ARTICULUS IV.

Quid præstandum est ei, qui bona fide possidet quæ ei obvenierunt per contractum solo jure civili invalidum.

P*Prop. unica.* Qui bona fide possidet aliquid, quod ei obvenit per contractum solo jure civili invalidum, si compellatur coram judice, 1. Tenetur fateri veritatem; 2. Tenetur subire sententiam judicis; 3. Si a nullo compellatur coram judice, potest licite retinere id, quod ab eo non exigitur, & quod ei bona fide obvenit.

1. Tenetur fateri veritatem; quia nunquam mentiri licet, semperque illicitum est vel falso, vel æquivoce jurare, ut diximus ubi de juramento.

2. Tenetur subire sententiam judicis; sententia enim judicis, non fundata in falsa præsumptione, ligat in conscientia.

3. Si non compellatur coram judice, potest retinere quod ei bona fide obvenit; quia in dubio melior est conditio possidentis.

Conseclaria hujus Doctrinæ.

Consect. 1. Qui apud se habet bona, quæ a pupillo, a femina conjugata accepit per contractus, solo civili jure invalidi, si sistat coram judice, tenetur sincere veritatem dicere: &

si contractus declaretur nullus, tenetur sententiam subire, & quod acquisivit reddere; quia titulus, quo possidet, declaratur nullus: & proinde tam in foro interno quam externo tenetur sententiæ judicis obedire.

Item. Qui institutus est hæres per testamentum, quod nullum sit ob solum defectum illarum solemnitatum, quæ a jure requiruntur, si bona testatoris apud se habeat, cum ab hæredibus ab intestato juridice requiritur, non potest mentiri, nec falso vel æquivoce jurare: & postquam testamentum nullum declaratum est, tenetur ea bona hæredibus ab intestato restituere, & nihil eorum bonorum potest occultare; quia, ut supponitur, non possidet illa bona nisi vigore testamenti, quod declaratur nullum a judice: & ita tenetur tam in foro interno, quam externo se subijcere sententiæ judicis.

Consect. 2. Qui habet apud se bona, quæ a pupillo vel a femina conjugata accepit per contractum, qui jure civili invalidus est, & nemo sit, qui ea bona juridice requirat.

Item. Qui institutus est hæres per testamentum, quod nullum sit ob solum defectum illarum solemnitatum, quæ a jure requiruntur, si bona testatoris habeat apud se, & nullus sit hæres ab intestato, qui eum juridice requirat, & nullitatem testamenti coram judice perfectatur; puto, quod possit illa bona tuta conscientia retinere, & quod non teneatur sponte offerre ea bona accepta vel a pupillo, vel a femina conjugata, vel a testatore.

1. Quia sistendo intra jus naturæ iuste possideo quod voluntarie datum est, & sine fraude accepi: & donatio valida jure naturæ non videtur vigorem suum amittere, donec per sententiam juridicam annulletur.

2. Lex irritans contractus & testamenta, quæ carent solemnitatibus juris, non ligat nisi intimata; non censetur autem intimata nisi post declarationem juridicam.

ARTICULUS V.

De modo, secundum quem Res publica jure gentium transfert rerum dominium per occupationem & accessionem contra vel præter privatorum hominum conventionem & consensum.

Nota. Occupatio est titulus, quo rem, quæ nullius est, sed alicujus esse potest, occupando, nostram facimus: Quod enim nullius est, id ratione naturalis occupanti conceditur.

Accessio est titulus, quo res ideo nostra fit, quia rei, quam jam possidebamus, accedit: Accessorium enim sequitur naturam principalis.

Prop.

Prop. unica. Tanta est Reipublicæ auctoritas in bona exteriora, ut res, quæ nostra non erat, ordinante Republica, nostra fiat vel per occupationem, vel accessionem, seu quod idem est, occupatio & accessio cum debitis conditionibus sunt sufficiens titulus acquirendi res, nedum coram hominibus, sed etiam coram Deo.

Prob. 1. Ex jure civili, ex lib. 41. ff. ubi toto titulo primo statuitur: res, quæ nullius sunt, & quæ alicujus esse possunt, acquiri posse pluribus modis, præcipue occupatione & accessione.

2. *Rat.* Ad Rempublicam spectat determinare modum, quo acquiri possunt ea, quæ nullius sunt, sed alicujus esse possunt, quia in hoc situm est altum, quod habet Respublica supra res corporales, dominium: atqui Respublica determinat, *occupationem & accessionem*, titulos esse legitimos acquirendi, ut patet ex Lib. 41. ff. toto titulo primo: ergo *occupatio & accessio* sunt legitimi tituli acquirendi dominium rerum temporarium.

Consequæ hujus Doctrinæ.

Consect. 1. Occupatio est justus titulus acquirendi, modo præscriptæ observentur conditiones: & ita sequentes modi acquirendi sunt liciti, quia sunt species occupationis.

1. *Capivitas. Jure belli justæ.* Per captivitatem nostros facimus ipsos hostes injuste resistentes, res hostium tum mobiles, tum immobiles, tum se moventes, quia si hostes occidere possumus, a fortiori eos mancipare, & bona eorum occupare jure belli: res mobiles & moventes se sunt primi occupantis; res immobiles sunt Principis.

2. *Venatio & piscatio non prohibetæ.* Per venationem licitam nostra facimus ea animalia quæ occupamus, modo ea animalia feræ sint: qualia sunt, non præcise, quæ habent ferocem naturam, ut leones, ursi, &c. sed etiam ea, quæ talem habent naturam, qua libere vagantur, si sint bestię, vel libere volant, si sint aves, nec certa sede se continent: hujusmodi sunt lepores, cervi, &c. aquilę, perdices, coturnices, & hujusmodi sunt pariter pisces liberis paludibus vagantes. Hæc omnia animalia sunt primi occupantis vel illius, qui ita ea aut vulnerat, aut coarctat, ut brevi ea occupaturus sit. Ita habes Lib. 41. ff. toto titulo 1.

Animalia vero domestica, qualia sunt oves, boves, gallinę, anseres, anares, cuniculi in garena, columbę in columbario, apes in alveis, pisces in privato stagno: item animalia

ferocia cicurata, ut sunt ursi & leones, imo aliquando cervi nianfuefacti, quandiu sunt sub tutela possessoris, quandiu solent abire, & ad idem domicilium reverti, tandiu verum habent dominium; & ita furtum committit qui ea occupat animo detinendi, & sine animo ea reddendi vero domino. Ita Just. lib. 2. inst. tit. 1. §. Gallinę.

Dixi, venatio & piscatio licitę; quia venatio & piscatio possunt esse variis titulis prohibita. 1. Titulo alti domini: sic aliquando Principes & Dynastę reservant sibi jus venandi & piscandi vel ad delectationem, vel ad utilitatem ex venatione & piscatione provenientem. 2. Titulo publicę utilitatis: sic venatio & piscatio est interdicta eo tempore, quo secunda sunt animalia, ut non impediatur eorum multiplicatio, vel prohibetur exerceri venatio & piscatio cum his instrumentis, quibus nimis multa caperetur, ut tandem deficerent. 3. Titulo damni illati vel Reipublicæ vel privatis possessoribus: sic venatio prohibetur in garenis privatorum, piscatio in stagnis privatorum, item & venatio columbarum; etenim hujusmodi venatione & piscatione & Respublica & privati damnum accipiunt non medioce.

3. *Inventio non prohibita.* Per inventionem nostra facimus, non homines, hominumque possessiones, ut in bello: non animalia, quæ nullius sunt, ut in venatione; sed res inanimatas, quæ nullius sunt, ut lapilli, thesauri, & res, quæ pro derelictis habentur a suis possessoribus. Quia vero gravis agitur quæstio apud Casuistas circa istam materiam, ideo speciali paragrapho eam explicabimus: sed prius agendum de accessione, per quam acquirimus quod accedit rebus, quas jam possidemus.

Consect. 2. Accessio est justus titulus acquirendi, modo observentur leges a Republica præscriptę. Et ita sequentes modi acquirendi sunt liciti, quia sunt species accessionis vel naturalis vel industrialis.

Accessiones naturaliter factę, sunt hujusmodi:

1. *Alluvio.* Per alluvionem acquiritur id, quod flumen ex uno prædio detrahit, & alteri adjicit, sive id fiat sensim, sive id fiat repente.

2. *Circumluvio.* Per circumluvionem acquiritur eainsula, quæ nascitur in flumine non navigabili, acquiritur, inquam, ab his, qui prope prædia possident, & hæc juxta latitudinem ejusdemque fundi. Insula vero, quæ in mari enata est, sit primi occupantis; quæ vero enascitur in flumine navigabili, est Principis.

3. *Alvei mutatio.* Alveus relictus per mutationem

rationem alvei acquiritur a possidentibus prædia prope ripam pro modo latitudinis suorum prædiorum.

4. *Fœtus*. Per fœtum acquirimus ea, quæ ex nostris animalibus, etiam ab alienis imprægnatis, nascuntur; quia fructus sequitur ventrem. Item acquirimus lapidinas, arenarias, fodinas ferri; quia sunt quasi fœtus accessorii fundi. Fodinae vero auri vel argenti sunt Principis; quia æquum non est, inquit Iustin. 9. *de rerum divisione*, ut res pretioze cedant fundo; & utilitas publica postulat, ut Rex dominus sit illarum fodinarum.

Accessiones industriales sunt hujusmodi.

1. *Inædificatio*. Per inædificationem, quod in nostro fundo ædificatum est, nostrum efficitur; quia ædificium cedit solo. Sed attendendum est, an in fundo nostro quis vel bona fide, vel mala fide ædificaverit: si ædificaverit bona fide, solvendæ ei sunt impensæ; minime vero si mala fide ædificaverit.

2. *Intextura*. Per quam materia aliena, etiam pretiosa, intexta meo vestimento cedit vestimento.

3. *Implantatio*. Per quam planta etiam aliena in meo fundo confita, & radices agens, cedit fundo.

4. *Satio*. Per quam sata, etiam aliena, sata in meo fundo, cedunt fundo.

5. *Scriptio*. Per quam literæ qualescunque ab alio scriptæ cedunt cartæ meæ: in favorem tamen picturæ, & propter excellentiam artis, pictura non cedit tabulæ, sed tabula picturæ. In prædictis casibus si quis bona fide intexturam, implantationem, stationem, scriptiorem in alieno fecerit, debent ei solvi impensæ; minime vero si mala fide fecerit.

6. *Specificatio*, id est, novæ speciei seu corporiseductio, vel ex materia solum aliena, vel ex materia mea simul & aliena: ut dum ex alieno metallo facio vas, ex alienis uvis facio vinum, ex mea & aliena materia facio vas, ex meis & alienis uvis facio vinum.

Specificatio est duplex: confusio, & commixtio.

Confusio est, cum liquida ejusdem vel diversæ speciei confunduntur, v.g. vinum & vinum, vinum & mel.

Commixtio est, cum solida ejusdem vel diversæ speciei, ut frumentum & frumentum, vel frumentum & alia miscentur.

Si res facta possit reduci ad materiam pristinam, v.g. vas ex metallo ad metallum, materiz dominus fit dominus speciei factæ: & artifex, qui bona fide id fecit, potest operarum suarum mercedem exigere: si vero sciret materiam esse alienam, perdit & speciem & operas.

Si res facta non possit reduci ad pristinam materiam, v.g. vinum reduci non potest ad uvas, tunc artifex bonæ fidei, qui formam induxit, est dominus rei factæ; quia forma, inquit lex, quæ dat esse rei, est materia præstantior, & dominus materiz habet actionem, qua pretium materiz repetat. Mala fidei artifex & speciem & operas debet perdere.

Accessio mixta ex naturali & industriali est hujusmodi: accessio naturalis & industrialis, sive ea, quæ fit efficientia divina operante, industriali vero humana cooperante, est unica, scilicet, fructuum perceptio.

De fructuum autem perceptione ita jure cautum est.

Si possessor bonæ fidei, sive titulo oneroso ut emptionis, sive lucrativo ut donationis, solum possideat, omnes fructus ob culturam & curam percipit, & re nondum evicta a domino superveniente perceptor retinet, ea evicta contumptos retinet tantum, extantes restituit. ff. L. 48. de acquir. rer. dom.

Si possessor malæ fidei aliquid possideat, nullos fructus facit suos, sed omnes ejuscumque generis perceptos, percipientes, extantes, contumptos, naturales, industriales, sive locupletior factus, sive non, restituere cogitur, juxta æstimationem, sive titulum habeat, sive non. Leg. 45. ff. de usuris. De his fulius ubi de Restitutione. Jam ad paragraphum de rebus inventis.

S. I.

De peccatis, quæ committi solent circa res inventas.

Prop. 1. Res inventas debemus intueri non quasi nostras, sed quasi alienas.

Prob. 1. Scriptura. Deut. 22. v. 2. & 3. ubi sic habetur: *Et erunt inventa (scilicet apud te) quandiu quæras ea frater tuus, & recipiat. . . & de omni re fratris tui, quæ perierit, si inveneris, eam ne negligas quasi alienam. . . sed custodias*, scilicet, ut eam reddas. Cujus fidelitatis exemplum egregium dedit nobis Jacob, istud præcipiens filiis suis: *Pecuniam*, inquit, *quoque duplicem ferte vobiscum; & illam, quam invenistis, in sacculis reportate, ne forte errore factum sit*. Gen. 43. v. 12. aperte indicans, res inventas, quasi alienas habendas esse.

2. Ex Aug. sermone olim 19. jam 178. *Esstote*, inquit, *fideles inventores, & tunc iniquos vituperate raptores; nam quod invenistis, & non reddidistis, rapuistis*: ergo rem inventam debemus, non ut nostram, sed ut alterius intueri.

3. Jure Civili ff. leg. *Numquam*, de acquirendo rerum dominio, ubi sic habetur: „Dane (id est quamdiu) probari potest dominus rei inventæ, hæc in alterius potestatem transire nequit.“

4. *Rat.* Res inventa, antequam in manus veniat, nullo jure, nullo titulo nostra dici potest, cum nullum circa eam habeamus dominium: ergo antequam eam invenerimus, debemus ut alienam intueri: ergo etsi per inventionem in manus venerit, non possumus eam retinere, nisi vel per Reipublicæ legem, si ea res nullius sit, vel per consensum privati domini, si ea res alicujus sit, ejus dominium acquiramus; quia sine furti crimine de re vel publici vel privati possessoris invito domino disponere non possumus: de quo ita Cajet. verbo *Furtum*. *Inter aliena computantur inventa, tenetur enim inventor non sibi, sed domino reddendam accipere rem inventam, si bona conscientia accipere vult illam; alioquin furtum committit.*

Consect. unicam. Homo Christianus debet rem inventam accipere, non ut retineat, sed ut de ea juxta intentionem veri domini vel publici vel privati disponat; cum enim res inventa non ejus sit, sed alterius, de ea, juxta veri domini intentionem, debet disponere, & proinde attente considerare & examinare, an res inventa vel ad publicum dominum, id est Rempublicam, vel ad privatum aliquem dominum pertineat, & de ea juxta rationalem veri domini intentionem disponere.

Prop. 2. Quoties res inventa talis est, ut ad nullum privatum hominem pertineat, & proinde Reipublicæ sit; toties inventor debet de ea juxta leges Reipublicæ, cujus est membrum, disponere.

Prob. rat. De re, quæ alterius est, non possumus, nisi juxta rationalem ejus intentionem disponere, si secus faciamus, furtum committimus; quia furtum est contrafactio rei alienæ invito domino: ergo de rebus, quarum Respublica censetur habere dominium, qualia sunt ea, quæ nullius sunt, non possumus disponere, nisi juxta leges Reipublicæ.

Consectaria bujus Doctrinæ.

Consect. 1. De rebus inventis, quæ jure Romano sunt solius inventoris. Res inventæ, quæ nullius unquam fuerunt, aut quæ, si olim fuerint alicujus, jam in nullius bonis sunt, aut quæ, si sint in bonis alicujus, pro derelictis habentur: hæc singulæ res sunt solius inventoris; quia jure Romano eorum dominium transfertur ad inventorem. Sic gemmæ, lapilli pro-

tiosi in littore maris inventi, sunt occupantis. Quod enim ante nullius est, inquit Justinianus, id naturali ratione occupanti conceditur. lib. 1. inst. tit. 1. §. item lapilli.

Sic thesauri, quorum non extat memoria, sunt occupantis; quia etsi dominum habuerint, jam dominum non habent: & ita cum reperiuntur vel in fundo proprio, vel in loco sacro, vel publico, sunt inventoris, lib. 2. inst. tit. 1. §. *Thesaurus*: sic res, quæ a vero domino est derelicta, id est, *quam dominus ita abiecit, ut in numero rerum suarum esse nolit*, ut loquitur Just. lib. 2. inst. tit. 1. de rerum divisione, hæc, inquam, res tota est inventoris.

Consect. 2. De rebus inventis, quæ jure Romano partim sunt inventoris, partim alterius. Res, quæ casu inveniuntur in alieno fundo, ita se habent, ut dimidium pertineat ad inventorem, alterum vero dimidium ad dominum fundi.

Sic, si extraneus fodiens in tuo fundo inveniat thesaurum, medietas ad ipsum pertinet, altera vero tui juris est.

Sic, si creditor in domo pignorat, conductor in domo locata, thesaurum inveniat, potest medietatem sibi retinere, & alteram medietatem domino fundi debet reddere. Ita Adrianus naturalem æquitatem securus determinavit. lib. 2. inst. tit. 1. §. *Thesaurus*.

Si quis vero dolo sciens thesaurum esse in alieno fundo, non præmonito domino fundi thesaurum inveniat, totus thesaurus est domini fundi; quia nemini sua fraus patrocinatur.

Si quis per magiam thesaurum in suo fundo inveniat, totus thesaurus addicitur fisco in pœnam criminis. Si vero inveniat in fundo alieno, medietas addicitur fisco, altera medietas domino fundi.

Sed aliter disponendum est de thesauris inventis juxta juss Gallorum, cum enim thesauri propriè nullius sint, possunt per leges cuiusque Regni his, quibus lex jusserit, appropriari.

In Gallia juxta Dominum de Bignon, thesaurus in alio fundo inventus, in tres partes æquales est dividendus: ita ut altera pars pertineat ad inventorem, altera ad dominum fundi, tertia ad Dynastam, gallice, *Seigneur haut justicier*, vel ad Regem. Si vero thesaurus in proprio fundo fuerit inventus, media pars est inventoris, alia Dynastæ, seu Regis. Vide L. cui titulus *Journal des audiences*, ad ann. 1633. Demum oportet circa hanc rem consuetudinem cujuslibet Provinciæ observare.

Consect. 3. De rebus inventis, quæ dominum habent sive cognitum, sive incognitum. Res in-

inventæ, quæ dominum habent sive cognitum, sive incognitum, non sunt inventoris, sed reddi debent verodominio, si inveniri potest, vel in pias causas expendi, si inveniri non possit verus dominus.

1. Res illæ inventæ non sunt inventoris; quia neque per legem, neq; per domini voluntatem, earum dominium transfertur in inventorem: non per legem, quia nulla est lex, quæ inventori appropriet tales res inventas: non per voluntatem domini; cum domini res perditas debulo querant, & gratias agant, si reddantur. Demum quia juxta Aug. sermone olim 19. de verbis Apost. cap. 6. Deus, inquit, in lege sua dicit, *inventionem tamquam alienum esse reddendam*.

2. Quando post sufficientem diligentiam non apparet verus rerum inventarum dominus, res inventæ sunt erogandæ vel pauperibus, vel in pias causas expendendæ; quia, inquit Silvius in 2.2. q. 67. res illæ revera dominum habent, quamvis ille nequeat inveniri: ergo sunt expendendæ secundum verisimile domini voluntatem: atqui merito præsumitur eam esse domini voluntatem, ut ex res convertantur in misericordix opera, ut profint animæ, quæ corpori prodesse nequeunt: ergo in ea opera sunt convertenda. Ita jubet S. Carolus Borromæus P. 4. actorum Ecclesie Mediolanensis. *Si dominus, inquit, diu requisitus non appareat, res inventa pauperibus, aut piis locis erogetur*.

Exemplum habes egregium apud Aug. cuiusdam Grammatici, qui licet pauper cum invenisset summam argenti in crumena, dominum illius argenti summam diligentia quaesivit; & cum factis proclamationibus & affixis schedulis invenisset, noluit oblatam sibi exigua summam recipere, sed nihil voluit sibi dari, ut totum cederet domino. Serm. 21. de verbis Apost. & lib. 83. q. *Sed videtur tandem ille Grammaticus, quod offerebatur acceperit, & continuo totum pauperibus erogavit, nec unum quidem solidum sibi retinuit*.

Consect. 4. *De rebus vel in naufragio vel in incendio projectis*. Bona, quæ in naufragio projiciuntur in aquam, vel in incendio extra incendium alportantur, non possunt ab his, qui eas res inveniunt, sine furti crimine retineri: etenim verus dominus non habet eas pro derelictis, sed sub spe recuperationis exponit; & istiusmodi bona non de jure, sed de facto sunt extra potestatem domini, atque ideo occupatione aut inventione acquiri non possunt: ideo Constantinus hanc legem statuit, Cod. L. 11. tit. de naufragis: *Si quando naufragio navis expulsa fuerit ad litus, vel si quan-*

do aliquam terram attigerit, ad dominos pertineat, si quis meus se se non interponat, quod enim jus habet si quis in aliena calamitate, ut de re tam luctuosa compendium se querat? Idem dici potest de bonis projectis ob incendium.

Si autem si quis publicus naufragorum bona sua non facit, multo minus id fieri debet a privatis hominibus.

CAPUT VI.

De modo secundum quem Respublica contra vel præter privatorum hominum consensum transfert dominium per usucapionem & præscriptionem.

NOta 1. Usucapio est acquisitio domini per continuationem possessionis temporis lege definiti. Usucapio est de mobilibus.

Præscriptio est exceptio, qua eliditur actio per silentium continuum temporis lege definiti. Præscriptio est de immobilibus.

Usus jam invaluit, ut usucapio & præscriptio eodem modo fere accipiantur.

Prop. 1. Tanta est Reipublicæ authoritas in bona singulorum hominum, ut in invitis veris possessoribus, usucapio & præscriptio cum debitis circumstantiis sint verus titulus & sufficiens acquirendi res, nedum coram hominibus, sed etiam coram Deo.

Prob. 1. Ex jure Civili lib. 2. instit. tit. 6. §. 1. statuitur, quod non solum in Italia, sed etiam in omni terra, res mobiles per triennium, immobiles per decennium inter præsentis, & inter absentes viginti annis usucapiantur. Et hoc 1. ne rerum Domina in incerto sint. 2. ut aliquis litium sit finis.

2. Ex jure Canonico, cap. placuit, cap. Sanctorum, cap. de quarta, & demum toto titulo de præscriptione in Decretalibus, ubi statuitur, quod præscriptio legitima sit verus titulus possidendi.

3. Ex D. Th. quodlibet. 12. art. 24. *Si quis præscribat bona fide, non tenetur ad restitutionem, etiamsi sciat alienum fuisse post præscriptionem; quia lex potest aliquem pro peccato & negligentia punire in re sua, & illam alteri dare & concedere*.

4. Ex Scoto dist. 15. q. 2. *Præscriptio in immobilibus, usucapio in mobilibus est iusta translatio*.

3. Ex Gersonio. *Fundatur & jus præscriptionis punientis, ne sint incerta dominia, neglectiores rerum propriarum, ac iuste transferentis, etiam apud Deum & conscientiam, tale dominium in bonæ fidei possessorem, & præscriptorem legitimum*. lib. de potest. Eccl.

cles. consider. in fine. Et in uno serm. sic pariter habet: *Et hic fundatur rationabilitas præscriptionis & iusta detentio rei, quæ prius fuit aliena; iusta, inquit, nedum in foro contentioso, sed conscientie.*

6. *Rat.* Respublica, utpote habens altum rerum dominium, potest usucapionem & præscriptionem tanquam legitimum medium acquirendi res exteriores statuere: ergo cum statuerit, ut constet lege 3. ff. de usucapionibus, & leg. ult. de præscript. debet haberi tanquam verus & legitimus titulus acquirendi.

Prop. 2. Ad validam præscriptionem & usucapionem requiruntur sequentes conditiones istis verbis contentæ.

Pura fides, iustus titulus, rei non vitiosa, Legitimum tempus, possessio continuata.

5. I.

De bona fide requisita ad præscriptionem.

Prop. unica. Ad legitimam præscriptionem requiritur pura fides, idest, credulitas, qua quis sibi prudenter persuadeat, rem eam quam accipit, aut possidet, esse suam.

Prob. 1. Ex Conc. Lateranen. 4. ubi sic habetur: *Synodali iudicio definimus, ut nulla valeat absque bona fide præscriptio tam Canonica, quam Civilis.* Ergo ad præscriptionem requiritur bona fides.

2. Juxta reg. juris in 6. quæ a Doctoribus juris Civilis non rejiciuntur: *Possessor male fidei ullo tempore non præscribit.* Ergo ad præscriptionem requiritur bona fides.

3. *Rat.* Quicumque mala fide ducitur, per legem juvari non debet; ideo generalis hæc regula ab omnibus admittitur: *Nemini sua fraus patrociniatur:* ergo ad incipiendam & consummandam præscriptionem requiritur bona fides.

Conseclaria hujus Doctrinæ.

Non præscribunt qui hic subjiciuntur.

1. Qui rem assequuntur mala fide, scientes positive res ad ipsos devenisse contra regulas juris, v. g. per furtum, per rapinam, per contractus manifeste injustos.

Imo it quis id, quod possidet, patet sibi non licere per leges præscribere, etsi errat, non legitime præscribit. 1. quia non bona fide possidet. 2. quia in jure erranti non procedit præscriptio. Ita habetur L. Si sur ff. de usucap.

2. Qui rem assequuntur dubia fide, si dubia fides præcedat omnem possessionem; v. g. si incipiant possidere, dubitantes, an res,

quæ ad ipsos devenerunt, legitime vel illegitime devenerint: puta, si acceperint ab homine, quem latronem suspicabantur, si acceperint per contractus, quos injustos augurabantur; quia in dubio favendum est reo potius quam actori: qui autem possidere incipit, est veluti actor, & qui ante possidebat est veluti reus: ergo favendum est illi, qui possidebat antea, non illi, qui de novo possidere incipit. Si vero dubitatio superveniat possessioni, non tollit bonam fidem, nec impedit præscriptionem; quia in pari causa melior est conditio possidentis: reg. 65. de reg. juris in 6. *tamdiu enim bona fidei possessor dicitur, quamdiu se possidere ignorat alienum.* Can. Si virgo C. 34. q. 1.

3. Qui rem assequuntur cum ignorantia etiam inculpabili juris clari, de quo omnes conveniunt: v. g. qui rem assequitur per contractum communiter reprobatum, v. g. per contractum initum cum pupillo sine consensu tutoris, per contractum aperte usurarium. Ita habet lex Juris ff. de ignorantia juris & facti. *Juris ignorantiam in usucapionibus negatur prodesse, facti vero ignorantiam prodesse constat.* Et leg. 31. ff. de usucapionibus: *Numquam in usucapionibus juris error possessoribus prodest, ignorantia vero juris dubii non impedit præscriptionem.*

4. Qui rem assequitur medio injusto, sed apparenter justo, v. g. per sententiam iniquam judicis, quam ipse vel argento extorsit, vel falsis instrumentis procuravit, vel aperte injustam cognovit: qui rem emit dolose ab homine, cui juridice prohibetur alienatio, qualis est amicus.

5. II.

Prop. unica. Ad legitimam præscriptionem, infra quadraginta annos decurrentem, præter bonam fidem requiritur iustus titulus, id est, iusta possidendi quod nostrum non est causa, & non sufficit titulus falsus.

Prob. 1. Ex Bonifacio 8. c. 1. de præscript. in 6. ubi sic habetur: *Licet ei, qui rem præscribit Ecclesiasticam, si sibi non est contrarium jus commune, vel contra eum presumptio non habeatur, sufficiat bona fides: ubi tamen est ei jus commune contrarium, vel habetur præsumptio contra ipsum, bona fides non sufficit, sed est necessarius titulus, qui possessori causam tribuat præscribendi, nisi tantum temporis allegaverit præscriptio, cujus contrarii memoria non existat.*

2. Ex jure Civil. L. obligat. 44. ff. de obligat. & action. ubi diserte ostenditur, quod sola bona fides non sufficit ad præscriptionem,

sed requiritur iustus titulus; quia sicuti ex temporis tractu non tollitur aliquod jus, ita & non constituitur.

3. *Rat.* Rem sine titulo possidere licite non possumus; ergo neque præscribere.

Conseſſaria hujus Doctrinæ.

Conseſſ. 1. Legitime præscribunt quicum bona fide & iusto titulo rem determinato tempore possident: v.g. qui rem habent titulo solutionis, emptionis, transactionis, hæreditatis, occupationis, legati, dotis &c. quia hi tituli veri censentur, imo qui cum bona fide sine titulo rem possident a tempore, cuius memoria non exeat, v.g. a quadraginta annis & ultra, ut docet Covarr. var. resol.

Conseſſ. 2. Legitime non præscribunt qui rem habent per falsum titulum, quantumcumque tempore retinuerint; quia titulus falsus magis nocet quam prodest.

Sic qui rem assequitur titulo falso: v.g. latro non præscribit rem furto ablatam, ultrarius rem uluris partam, mutuatarius rem mutuo datam, depositarius rem deposito commissam: *His enim usucapio non competit, qui mala fide possident.* 2. inlit. de usucap.

Sic qui sunt incapaces acquirendi: v.g. Laici possunt ex concessione decimas ad tempus accipere, sed non præscribere jus exigendi decimas; quia non sunt capaces talis tituli. Religiosi non possunt præscribere dominium temporalium; quia ex Trid. non habent capacitatem talis domini. Servi non possunt sibi præscribere; ex jure enim civili quidquid acquirunt servi, domino acquirunt.

§. III.

In quo explicatur hæc vox; res non vitiosa.

Prop. unica. Ad legitimam præscriptionem requiritur, quod res, quæ præscribitur, capax sit præscriptionis.

Prob. rat. Præscriptio non viget nisi vigore legis; ergo res, quæ per legem eximitur a præscriptione, non potest præscribi.

Conseſſaria hujus Doctrinæ.

Res, quæ hic subjiciuntur, non præscribuntur.

1. Res furto vel rapina ablatæ, etiam bona fide acceptæ aut acquiritæ; furtum enim nequit esse titulus acquirendi.

2. Publicæ functiones Ecclesiæ, res publicæ, primitiæ, decimationes. cap. *Causam*, de præscriptionib.

3. Provinciæ, Parochiæ, Dioceses certis limitibus distinctæ. Can. *licet*, & cap. *cum causam*, de probat.

4. Immunitas a visitatione, a subjectione, aut procuratore solvenda Prælato, dum ab eo visitantur. Cap. *cum ex officiis*, de præscr.

5. Matrimonium illegitimum. Cap. *non debet*, de consanguin. & affin.

6. Votorum violatio quantumvis diuturna. Cap. *sicut nobis*, de regularib.

7. Homo liber ut fiat servus, res Religiosa, sacra, præscribi non possunt. L. *usucap.* ff. de usucapionib.

§. IV.

De legitimo tempore præscriptionis.

Prop. unica. Ad legitimam præscriptionem requiritur tempus a lege definitum.

Prob. rat. Præscriptio solo jure positivo introducta est: ergo ad legem pertinet statuere tempus præscriptioni percurrendæ necessarium: quod quidem juxta varietatem rerum, vel brevius vel diuturnius legibus constitutum est.

Conseſſaria hujus Doctrinæ.

Diversæ sunt præscriptionum species, quar hic sigillatim induco.

Prima est triennalis pro rebus mobilibus.

2. inst. de usucap.

Secunda est quadriennalis, ut cum res emuntur a fisco. l. 1. & toto titulo C. de quadr.

Tertia est decennalis pro rebus immobilibus & incorporalibus, uti sunt servitutēs, & ea quæ in jure solo consistunt, & hoc inter præsentēs, toto titulo C. de longo tempore præscrips.

Quarta est vicennalis pro rebus immobilibus & incorporalibus inter absentes. ibid.

Quinta est triginta annorum, & hoc pro rebus immobilibus sine titulo L. 8. C. de præscrip. triginta ann.

Sexta est quadraginta annorum pro rebus Ecclesiasticis. Authent. *Quas actiones*. C. de SS. Eccles. c. 4.

Septima est centum annorum pro rebus Ecclesiæ Romanæ & pro rebus regalibus, cap. *Ad audiensiam*.

§. V.

De possessione continuata.

Prop. unica. Ad præscriptionem requiritur

sicur possessio continuata, idest, sine interruptione perseverans.

Prob. Juxta leges Civiles sine possessione certa non præscribitur: ergo possessio debet esse perseverans & non interrupta. Idco dicunt Doctores, si possessio interruptatur ad nihil reducitur, & priore nihil commodante, de novo est inchoanda.

Interrumpitur autem possessio, vel naturaliter, quando scilicet possessor realiter possideret delinit, vel civiliter, quando scilicet possessor per citationem solemnem & litis denuntiationem inhihetur possidere; & quia interruptio res est facti, ait D. Th. debet probari vel per instrumenta, vel per testes singulares.

Consequaria hujus Doctrinae.

Qui hic subijciuntur, non consentiunt præscribere.

1. Qui durante possessione non percussit tempus utile; sed interrumpitur possessio, vel quia verus dominus interpellat possidentem, ut reddat rem suam, vel quia verus dominus in iis est angustiis, ut nullatenus possit rem suam exigere.

2. Qui durante possessione certo cognoscit rem non esse suam, sed alienam, quia juxta Jus Canonicum, c. fin. de præscript. oportet, ut qui præscribit, in nulla temporis parte, rei habeat conscientiam alienæ.

3. Si hæreamus juri Canonico, qui bona fide incepit præscriptionem, sed nondum elapso tempore præscriptionis ei dubium vel suspicio oboritur, num possideat alienum; is, inquam, legitime non præscribit, ut colligitur cap. vigilanti de præscript. ubi dicitur: *Cavendum est, ne malæ fidei possessores finis in prædiis alienis; quoniam nulla antiqua diuturn possessio juvat aliquem malæ fidei possessorem, nisi respueris postquam se aliena noveris possidere, cum veræ fidei possessor dici possit.*

Si adhæreamus soli juri civili, prædictus possessor legitime præscribit; quia, ut inquirunt, in pœniam legnitiei Respublica plena autoritate transfert dominium rerum in eos, qui bona fide incipiunt usucapionem & præscriptionem. Dominus de Sainte Beuve censet, quod ubi viget Jus Romanum, possumus illud hac in re in foro conscientia sequi.

Monit. Restitutio in integrum est unicum remedium pro his, qui bona sua perdidērunt per præscriptionem, concediturque a iudice. 1. Minoribus his, qui nondum vigesimum quintum annum expleverunt. 2. Ecclesiis & piis locis. 3. Majoribus, si probent præscriptionem cum probabili sua ignorantia & sine sua culpa peractam esse.

TRACTATUS DECIMUSQUINTUS.

De variis pactis & contractibus, quibus voluntarie transfertur rerum dominium.

PROOEMIUM.

SI consideremus negotiationem, ut vulgo exerceri solet, speciem quamdam mali haberi videtur. *Difficile enim est*, inquit Leo, *inter ementis vendentisque commercium non intervenire peccatum.* Epist. 92. ad Rusticum, c. 9. Ideo dicit Scriptura Ecc. 10. v. 18. *Difficile exitus negotiorum a negligentia*, sive ut Græcus textus habet, *a deceptorum*; & non iustificabitur caupo a peccatis laborum. Verumtamen, si metascaturam consideremus in prima sui institutione, non iniqua; sed licita est quæ pactis & contractibus fovetur negotiatio; imo ars illa fuit naturali necessitate inducta, ut homines arduioribus inter se nexibus vincerentur. Cum enim non omnia quælibet tellus producat, commercio utili efficitur, ut ad extraneos deferamus quæ illi non habent, & ipsi vicissim ad nos referant alia, quibus indigemus; & ita, ut optime ait Justinianus, *inutilia utilibus commutamus.* Nobis & aliis prosumus mutui pactis & conventionibus; sed cavendum maxime, ne dum fovetur civilis societas, dissocietur forte Christiana caritas, semperque menti Christianorum negotiantium obvium esse debet illud Isaiæ: *Et erunt negotiationes ejus & mercedes ejus sanctificata Domino.* Isa. 23. v. 18. & illud Pauli ad Thesal. 4. v. 6. *Ne quis supergrediatur, neque circumveniat in negotio fratrem suum*: quod quidem, quo pacto fieri valeat, toto isto tractatu explicabimus.

CAPUT PRÆLIMINARE.

De pactis, obligationibus, contractibus, & actionibus.

Vulgare est apud Doctores juris istud dictum, scilicet: *Pacta parant obligationes, obligationes contractus, contractus vero actiones.* Ideo congruus ordo postulat, ut singula hæc in hoc præliminari capite breviter perstringamus, ut his semel explicatis, mens fiat, ad ea quæ dicenda sunt, paratior. Quocirca sit

De Pactis.

Pactum generatim est duorum vel plurium in idem placitum conventio de realiqua danda vel facienda. L. 1. ff. de Pactis.

Pacta alia sunt publica, alia privata.

Pacta publica ea sunt, quæ Reipublicæ causa fiunt, & fœdera nuncupantur. Hujusmodi sunt conventiones, quas inter se ineunt Principes vel de pace vel de bello.

Pacta privata ea sunt, quæ de rebus privatorum fiunt: & hujusmodi sunt omnes conventiones, quæ fiunt a privatis hominibus.

Pacta alia sunt naturalia, alia civilia.

Pacta naturalia ea sunt, quæ ex æquitate naturali & usu communi gentium ortum, vires, & effectum habent. Hujusmodi sunt conventiones omnes, quibus jus civile nullas condiciones apponit, sed eas libero hominum consensui determinandas relinquit: tales sunt v. g. pactioes circa res exigui valoris & pretii; de minimis enim, ut vulgo dicitur, non curat Prætor.

Pacta civilia ea sunt, quæ specialiter aliquæ lege vel edicto Prætoris, vel constitutione Principis confirmantur. Talia sunt pacta circa dotes constituendas, circa censum pecuniarum stabilendum, & figendum, & alia hujusmodi quæ non relinquuntur arbitrio hominum, sed certis legibus determinantur.

Pacta alia sunt expressa, alia tacita.

Pacta expressa ea sunt, quæ constant consensu expresso vel per verba, vel per scripta. L. 7. C. de Pactis. Hujusmodi sunt pacta, quibus vel verbis, vel scriptis nos obligamus.

Pacta tacita ea sunt, quæ constant consensu, qui nec verbo nec scripto exprimitur, sed ex aliquo facto & conjectura colligitur: l. 2. & 18. C. de Pact. Hujusmodi est pactum illius, qui ad eundo hereditatem censetur pacisci cum creditoribus se velle solvere debita hereditatis.

ARTICULUS II.

De obligationibus.

Obligatio generatim est juris vinculum, quo quis facere, vel solvere, vel prestare aliquid tenetur. L. 5. ff. de obligat.

Obligatio est triplex: naturalis, civilis, & mixta ex civili & naturali.

Obligatio naturalis ea est, quæ ex naturali ratione causam habet, & quæ solo æquitatis vinculo unitur. Talis est omnis obligatio, quam recta ratio inspirat, v. g. ut nemus pactis, promissis, contractibus voluntarie initis, etiam jure civili non informatis. Ita habetur L. 95. §. naturalis ff. de solutionib. & liberationib.

Obligatio naturalis obligat in foro conscientie, sed non dat strictam actionem in foro contentioso: v. g. reus sum coram Deo, si nudum pactum non observem, si promissis non stem; sed si pactum meum nec scriptis munus sit, nec testibus confirmatum, stricta actione coram iudice compelli non possum.

Obligatio civilis ea est, quæ oritur ex jure civili, vel ab eo confirmatur. Hujusmodi est omnis obligatio, quæ vel a lege introducit, vel auctoritate iudicis declaratur.

Obligatio civilis ligat in conscientia, sicuti legem civilem ligare diximus, & insuper dat actionem in foro contentioso: v. g. si lex aut iudex me ad solvendam certam pecuniæ quantitatem addixerit, teneor in conscientia solvere; & si non solvam, possum compelli coram iudice, ut exequar id ad quod teneor ex obligatione civili.

Obligatio mixta ex naturali & civili ea est, quæ oritur ex jure naturali simul & civili. Talis est ea obligatio, quam æquitas naturalis inspirat, & quam jus civile debitum confirmat, v. g. obligatio solvendi creditori. Obligatio mixta ex naturali & civili ligat in foro conscientie quatenus naturalis; dat vero actionem in foro externo quatenus civilis: obligatio autem mixta, ut plurimum cum contractu conjungitur. Ideo sit

ARTICULUS III.

De Contractibus.

S. I.

Explicatur natura Contractus in communis & in particulari.

Contractus juxta Ulpianum est ultro citroque obligatio seu conventio reciproca duorum vel plurium, verbis, nutu, aut scripto declarata: in utroque pariens obligationem naturalem & civilem.

Contractus alius est innominatus, alius nominatus.

Contractus nominatus est ille, qui habet proprium nomen, v. g. emptio, venditio, locatio, conductio, mutuum, &c.

Contractus innominatus est ille, qui caret proprio nomine, & hic ad quatuor species omnino reducitur, quæ his verbis communiter exprimuntur: *do, ut des: do, ut facias: facio, ut des: facio, ut facias.*

Ut cognoscatur natura contractuum, debet attendi quid requiratur in contractibus. Tria autem in contractibus solent reperiri. Primo personæ contrahentes. Secundo res circa quas sunt contractus. Tertio consensus contrahentium: v. g. ego vendo equum Petro decem nummis: ego & Petrus sumus personæ contrahentes: equus & gummi sunt materia contractus. Consensus reciprocus est id, quod proprie facit contractum, puta, in exemplo allato consensus ex parte mei vendentis, & consensus ex parte Petri ementis.

Pro rerum, personarum, & consensuum varietate, varii sunt contractus, quos hic breviter subijcio.

§. I I.

De Contractibus, in quibus transfertur dominium rei.

Contractus, quo gratis transfertur in alium dominium rei, vocatur *simplex donatio*: v. g. ego dono gratis Petro meum agrum, meum librum.

Contractus, quo transfertur in alterum dominium rei, non gratis, sed res pro re commutatur, vocatur *commutatio* seu cambium: v. g. ego trado Petrum meum agrum & ille mihi tradit suam vineam; ille contractus vocatur *commutatio vineæ cum agro*.

Contractus, quo transfertur in alterum dominium vel possessio rei, non gratis, non res pro re, sed res sub certa pecuniæ summa, vocatur *venditio* ex parte dantis rem, & *emptio* ex parte dantis pecuniam: v. g. ego trado meum agrum Petro ex causa venditionis, & ille pretii nomine dat mihi centum nummos.

§. III.

De Contractibus, in quibus transfertur non dominium rei, sed ususfructus rei.

Contractus, quo ususfructus rei transfertur gratis, vocatur *simplex donatio fructus*:

Tomus I.

v. g. ego dono Petro gratis fructus agri mei, quos ipse percipere poterit si velit.

Contractus, quo transfertur ususfructus rei non gratis, sed res pro re, vocatur *commutatio*: v. g. ego trado Petro fructus mei agri, & ille tradit mihi fructus suæ vineæ.

Contractus quo traditur ususfructus rei non gratis, nec res pro re, sed pro pretio traditur certa pecuniæ summa, vocatur *venditio fructus*.

Contractus, quo traditur ususfructus rei sub aliqua conditione, v. g. sub hac conditione, quod exhibebitur mihi obsequium personale, vocatur *feudum*, si vero tradatur sub hac conditione, quod exhibebitur certa pensio, vocatur *emphyteusis*, seu consualis pensio.

Si emphyteuta, vel feudatarius rem illam, quam in feudum vel emphyteusim accipit, simili contractu tradat alteri, vocatur *subfeudum, subemphyteusis*.

§. I V.

De Contractibus, in quibus transfertur solus usus rei.

Contractus, quo solus usus rei traditur gratis, vocatur *commodatum*, vel *precarium*: v. g. ego commodo gratis librum Petro.

Si commodem pro determinato usu, & pro determinato tempore, dicitur *commodatum*; si vero commodem pro indeterminato usu, & tempore, dicitur *precarium*.

Contractus, quo usus solus conceditur, non gratis, sed usus alterius rei exigitur, vocatur *reciprocum commodatum*: v. g. ego commodo Petro meum librum, & ille commodat mihi suum equum.

Contractus, quo solus usus conceditur, non gratis, sed pro certa pecuniæ summa, vocatur *locatio* ex parte dantis rem, & *conductio* ex parte dantis pecuniam: v. g. ego trado Petro meum equum utendum, & ille dat mihi pro usu illius quindecim asses quolibet die: ille contractus dicitur *locatio* ex parte mei, & *conductio* ex parte Petri.

§. V.

De aliis Contractibus.

Depositum est contractus, quo traditur aliquid alteri ad custodiam, ea conditione, ut integrum, & illæsum reddatur, nihilque pretii ex illa cura custodiens exigit.

Mandatum est contractus, quo aliquod negotium alicui gerendum committitur, & gratis suscipitur.

Bb 3

Mu-

Mutuum est contractus, quo traditur res, quæ pondere, numero, & mensura constat, v.g. vinum, oleum, frumentum, pecunia numerata cum onere ut restituatur res ejusdem generis, qualitatis, & quantitatis.

Oppignoratio est contractus, quo debitor tradit creditori rem aliquam vel mobilem, vel immobilem, quæ sit pro debito obligata: v.g. ego debitor Petri trado Petro pro assecuratione debiti agrum, suppellectilia pretiosa &c.

Anticreptis est contractus, quo res immobilis frugifera traditur creditori, ea conventionione, ut ejus fructus percipiat donec solvatur debitum.

Fidejussio est contractus, quo quis alienam obligationem vel gratis, vel pro pretio suscipit implendam, si debitor principalis non solverit.

S. VI.

De Contractibus, in quibus intervenit aliqua fors, seu periculum.

Societas est contractus, quo duo vel plures apponunt res ad lucrandum idoneas: v.g. iste pecuniam, ille industriam, unus animal, alter laborem, eo onere ut pro rata parte rei appositæ dividant lucrum & damnum.

Sponsio est contractus, quo duo vel plures de re aliqua dubia certantes, sibi invicem aliquid spondent cessorum ei, qui verum dixerit: v.g. certo tecum duodecim nummis, urbem talem obsessam captum iri. Si urbs illa veniat in manus obsidentium, summa exposita ad me pertinet; si vero non veniat, ad alium pertinebit.

Ludus est contractus, quo ludentes paciscuntur, ut victori cedat quod uterque deposuit.

Afsecuratio est contractus, quo quis alienæ rei in se periculum suscipit, obligando se vel gratis, vel pro pretio.

S. VII.

De quasi Contractibus. De maleficio & quasi maleficio.

Quasi contractus est conventio, per quam obligatio ex juris præsumptione inter ignorantem contrahitur.

Sic negotiorum gestor obligatur erga eum, cuius negotia gessit. Tutor obligatur erga pupillos. Adiens hæreditatem obligatur erga legatarios. Qui rem ad plures pertinetem suscipit, obligatur erga eos, qui jus aliquod in illa re habent.

Maleficio est offensio contra jus scienter illata alteri: qualia sunt, v. gr. furtum, rapina, damnum, injuria.

Quasi maleficio est offensio contra jus, non scienter, sed imprudenter illata alteri: quale est omne nocumentum, quod per me vel meos, non ex malicia, sed ex imprudentia inferitur alteri.

Ex contractibus aut quasi contractibus omisiss, & ex maleficiis aut quasi maleficiis commissis oriuntur actiones. Ideo jam de actionibus agendum.

ARTICULUS IV.

De Actionibus.

Actio est jus persequendi in judicio quod sibi debetur.

Actio est multiplex: alia est in rem, alia est in personam: alia in rem, & in personam: alia est juris civilis, alia est juris naturalis.

Actio in rem ea est, qua actor rem ab alio possessam suam esse intendit. Hujusmodi est actio, qua rem corporalem, v.g. agrum ab alio mihi usurpatum, peto mihi restitui: vel rem incorporalem, v.g. servitutem, persequor vel exigendo servitutem mihi deberi, vel negando me servitutem debere alteri.

Actio in personam ea est, qua actor intendit, ut adversarius sibi det aut faciat aliquid. Talis est actio, qua quis petit, ut ei detur quod ex contractu, aut quasi contractu, ex maleficio, aut quasi maleficio, debitum esse contendit.

Actio mixta partim in rem, partim in personam ea est, qua nedum res, sed aliquid a persona præstari exigitur, ut cum quis petit, ut is, qui bona familiæ, aut societatis possidet, permittat res familiæ, aut societatis dividi, ut quilibet pro parte sibi debita quod ejus est accipiat.

Actio juris civilis ea est, quæ nititur vel contractu, vel quasi contractu, vel delicto, vel quasi delicto, & varia est juxta varias juris civilis subtilitates.

Actio juris naturalis solius est ea, quæ nudo pacto nititur, qua petimus, ut nuda etiam pacta observentur. Hæc jure Pontificio introducta est, vigetque & accipitur in omni foro, ubi ex bono & æquo, & ex suprema potestate judicatur, ut docet Bartolus & Baldus in legem 7. ff. de pactis.

Patet ergo ex dictis, quod pacta inducant obligationes; obligationes vero contra-

tractus; contractus autem actiones. Ideoque videndum quo modo iniri debeant & pacta, & contractus tam jure naturali quam civili. Ideoque fit

C A P U T II.

De his, quæ requiruntur & sufficiunt, ut pacta sint valida, & contractus sint pariter validi tam jure naturali, quam civili:

AD hoc ut contractus & pacta valeant in utroque jure, quædam requiruntur ex parte personarum, quædam ex parte rerum, quædam ex parte modi contrahendi. Ex parte personarum requiritur, quod personæ sint habiles ad pacificendum & contrahendum. Ex parte rerum exigitur, quod res, quæ sunt materia conventionis & contractus, certis conditionibus muniantur. Modus vero contrahendi debet esse conformis legi: quæ singula, cum diversa sint juxta diversum jus naturale, & positivum, ideo caput istud in tres Sectiones dividemus. In prima agemus de his, quæ requiruntur & sufficiunt ad valorem pacti & contractus juxta jus solum naturale. In aliis vero expendemus quæ requirantur & sufficiunt, ut pacta & contractus valorem suum habeant in jure civili & positivo. Cum autem contractus includat semper pactum, & pactum raro a contractu sejungatur; ideo nomine CONTRACTUS & pactum, & promissum, & contractum, & demum cujuscumque generis conventionem exprimemus.

S E C T I O I.

De his, quæ requiruntur & sufficiunt, ut Contractus sint validi solo jure naturæ.

A R T I C U L U S I.

De Contractibus solo jure naturæ validis, vel invalidis præcisè ex parte personarum contrahentium.

PROPOSITIO unica. Ut Contractus jure naturæ sit validus ex parte contrahentium, inducatque obligationem in foro conscientia, requiratur & sufficit, quod contrahentes libere agant, & consensu reciproco obligentur.

PROB. 1. Script. Matth. c. 20. 1. Ubi Christus loquens de patre familias conducente operarios in vineam suam, aperte ostendit liberum consensum & requiri, & sufficere ad pactonem, promissionem, & contractum;

sic enim habet: *Conventione autem facta cum operariis ex denario diurno, misit eos in vineam suam.* Et ut ostendat partes contrahentes rigore juris ad nihil ultra obligari, nisi ad id quod inter eos reciproco consensu obfirmatum est, obmurmuranti operario, quod ultimis idem daretur denarius cum primis, ita respondet: *Amice, non facio tibi injuriam: nonne ex denario convenisti mecum? Tolle quod tuum est, & vade.* Ibid. v. 13. ergo ad validam conventionem requiritur & sufficit liber consensus.

2. Ex D. Th. *Obligat autem, inquit, homo se homini ad aliquid per modum promissionis, QUÆ EST RATIONIS ACTUS, ad quam pertinet ordinare: sicut enim homo imperando, vel deprecando ordinat quodammodo quid sibi ab alio fiat; ita promittendo ordinat quid ipse pro alio facere DEBEAT.* 2. 2. q. 88. art. 1. in corp. ubi S. Doctor duo ostendit.

Primum quidem, quod promissio & proinde quæcumque alia pactio obliget in conscientia. Secundum vero, quod ut promissio & conventio sit obligatoria, requiritur & sufficit, quod sit actus rationis, id est, quod fiat deliberate; & ibid. art. 3. ad 1. sic habet: *Dicendum, inquit, quod secundum honestatem ex qualibet promissione homo homini obligatur: & hæc est obligatio juris naturalis; sed ad hoc quod aliquis obligetur ex aliqua promissione, obligatione civili, quædam alia requiruntur, v.g. confirmatio juris civilis:* Ergo ut quis per conventionem, promissionem, & contractum obligetur in foro conscientia, requiritur & sufficit, quod libere consentiat.

3. Ex jure Canonico: ubi ex multis Canonibus colligitur, quod nuda etiam pacta, modo nullum vitium contineant, obligent in conscientia, & quod in utroque foro non modo ad excipiendum, sed etiam ad agendum sint efficacia; sic enim habetur Can. 8. *Puelle 20. q. 1. Humana pacta non possunt impune calcari.* Et Can. 30. *Eleutherius. 18. q. 2. Si apud te evidenti ratione constiterit, quia... conditiones superius posite convenerint, servari eas ex nostra auctoritate præcipimus.* Et can. 66. *Quicumque 12. q. 2. Quodcumque commodum in remunerationem promiserint Episcopi, promissi solutionem eos exsolvere oportebit.* Et cap. *Antigonius, de pactis... dicitur: Pax servetur, pacta custodiantur.* Ergo si nuda pacta obligent in conscientia, ad validam conventionem requiritur & sufficit libertas.

4. Ex jure civili. L. 52. ff. *de obligationibus*, ubi sic habetur: *Obligamur, inquit lex, aut re, aut verbis, aut simul utroque, aut CON-*

SENSU, aut lege, aut jure honorario, aut necessitate, aut ex peccato. Et §. 4. sic persequitur: *Consentientes in aliquam rem, ex consensu obligari necessario ex voluntate nostra videmur.* Et in lege 2. ejusdem tituli sic habetur: *Consensu sunt obligationes in emptionibus, venditionibus, &c. Sufficit enim eos, qui negotia gerunt, consentire: ergo ex jure civili ad inducendam obligationem naturalem requiritur & sufficit liber consensus.*

§. Rat. Ita se habent homines in suis pactis, promissis, & contractibus, quibus ligantur erga alios homines, sicuti se habent in votis, quibus ligantur erga Deum; quia utrobique intervenit obligatio, in voto quidem obligatio Religionis, in pactis vero & contractibus obligatio fidelitatis: atqui in votis & requiritur & sufficit deliberatus consensus, votum enim est *promissio deliberata*, &c. ergo & in pactis, promissionibus, & contractibus requiritur & sufficit consensus deliberatus.

Consektaria hujus Doctrinae.

§. I.

De contractibus invalidis jure naturæ ex parte personarum contrahentium.

Consekt. 1. Omnis contractus sine libero consensu initus, jure naturæ est nullus & invalidus, & proinde in foro conscientia non est observandus. Atque ideo nec illo uti possumus, si nobis sit utilis, nec eo alii uti possunt, si sit nobis onerosus; præcipua enim pactiois ejusdemque conditio est, quod sit libera; sic enim habet jus civile L. 1. ff. de pactis §. 2. *Pactio est duorum pluriumve in idem placitum consensus, inde natum illud apud Juristas: eleganter dicit Pedius, nullum esse contractum, nullam obligationem, quæ non habeat in se consentionem, sive re, sive verbis fiat.*

Sic jure naturæ contrahere non possunt amentes, furiosi, phrenetici, & alii hujusmodi, qui libero consensu se se obligare non possunt; sic enim habet jus civile L. 1. ff. de obligat. §. 12. *Furiosum, inquit, sive stipuletur, sive promittat, nihil agere natura manifestum est.*

Sic pariter contrahere non possunt infantes, qui nondum exceperunt primum septennium; quia nondum intelligunt quid agant, ut ibidem dicitur: & quia infans non multum a furioso distat, ut dicitur lib. 3. Instit. tit. 20. & quia hujusmodi etatis nullum habet intellectum. Ibid.

Sic contrahere vulgo nequeunt muti, &

surdi a natura, nisi nutu & subscriptione exterius manifestent se intelligere quid agant, ut dicitur L. 4. de pactis.

Consekt. 2. Omnis contractus violententer extortus, jure naturæ nullus est & invalidus; est enim involuntarius: de quo ita D. Th. 1. 2. q. 6. a. 5. *Quod est, inquit, contra voluntatem, dicitur esse involuntarium. Unde violentia involuntarium causat.* Ideo constans est apud omnes Jurisperitos; nullius vigoris esse eas omnes obligationes & conventiones, quas non sponte, sed ex violentia contrahimus aut spondemus: ut habetur L. 22. ff. *quod metus causa. Qui in carcerem quem destruxit, ut aliquid ei extorqueret: quidquid ob banc causam factum est, nullius momenti est.*

Item Tutor si invidius retentus sit per vim, non valet quod agitur; neque enim præsentia corporis auctoritatem consent, ut si somno aut morbo comitiali occupatus tacuisset. L. 1. ff. de auctoritate & consensu tutorum.

Consekt. 3. Omnis contractus, qui fit ex metu, ex concupiscentia, & demum ex quocumque affectu absorbente omnino usum rationis, est jure naturæ invalidus; quia ubi non est usus rationis, ibi non potest esse liber consensus. De hoc ita D. Th. 2. 2. q. 6. a. 7. ad 3. *Dicendum, inquit, quod si concupiscentia totaliter auferret rationem, sicut contingit in illis, qui propter concupiscentiam sunt amentes, sequeretur, quod concupiscentia, metus, & quilibet alius affectus voluntarium tolleret, & proinde contractus:*

In illis casibus elicetus, jure naturæ esset nullus.

Sic in foro conscientia non oscitanter, sed attente examinandum est, an pactioes, promissiones & conventiones, quæ sunt ex affectibus carnalibus, uti plurimum contingit inter amafios, & amafias, examinandum, inquam, an carnales illi affectus rationem penitus absorberint; quo casu nullatenus ligant, nisi ad dampnum illatum, quia non adfuit liber consensus: an vero illi affectus rationis usum reliquerint, potestatemque agendi, quo casu, ut docet D. Thom. ibid. *vere adesse voluntarium, & proinde obligatio exequendi quod promissum est.*

Consekt. 4. Omnis contractus, qui fit errore, dolo, & ignorantia terminatis ad ipsam rei substantiam, est nullus jure naturæ; quia error circa substantiam facit simpliciter involuntarium: nihil enim potest esse volitum quin præcognitum; etenim, ut ait jus civile, non videntur qui errant consentire. ff. de Regulis juris L. 116.

Sic nullus est contractus, quo quis emit a

rustico gemmam, suadendo illi, quod vendat non gemmam, sed vitrum; error enim est circa substantiam.

Sic nullus est contractus, quo quis ducit Bertam, putans ducere Cajam; quia error est pariter circa substantiam.

Sic nullus est pariter contractus, si error versetur circa circumstantias, & accidentia, ita obiectum immutantia, ut omnino impediant consensum: v. g. si vendas vinum, ita aqua dilutum, quod nunquam emisset emptor, si id rescivisset: si loco peceris sani vendas pecus scabiosum, quod nunquam emerem, si id cognovissem; tunc enim error ille, licet circa accidentia, impedit consensum, & proinde contractum.

Monit. Notandum maxime, quod qualitas, quæ est accidentalis rei, potest esse substantialis contractui; & proinde quod error circa illam qualitatem reddit contractum invalidum: quod contingit quoties illa qualitas ignorata est hujusmodi, quod si fuisset cognita, non initus fuisset contractus; quia, ut ait D. Th. error illius qualitatibus redundat in errorem substantiæ, & personæ.

Sic qui contrahit cum plebejo, putans contrahere cum filio Regis, invalide contrahit; quia error ille, etsi error qualitatis, redundat in personam, ut ait D. Th. *supplem. q. 51. a. 2. ad 5.*

Item qui contrahit cum serva, quæ nequit reddere debitum conjugale, putans contrahere cum libera, quæ potest reddere, cum libet, debitum conjugale, invalide contrahit; error enim ille redundat in personam. D. Th. *ibid.*

§. I I.

De contractibus jure naturæ validis ex parte personarum contrahentium.

Consect. 1. Omnis contractus libero plene consensu elicitus, est validus jure naturæ, & proinde in foro conscientiæ observandus, siue nobis onerosus sit, siue utilis; quia deliberatus consensus sufficit ad inducendam obligationem coram Deo. Hoc pacto uti possumus si sit utile, & ei pariter stare debemus si sit onerosum; juxta regulam 55. juris Canonici: *commodum qui sentit, onus sentire debet, & e contra.*

Sic in foro conscientiæ, non secus ac rebus nostris, uti possumus ea conventionem, qua sine dolo & fraude alii senobis obligantur; verum enim jus habemus circa ea, quæ nobis voluntario consensu obligata sunt.

Itaque, si quid debeam Titio, & Titius mihi obligatus sit conventionem libera, eo pacto uti possum, non quidem ut instituum actionem in foro civili, sed ut exceptionem in eodem foro opponam, qua dum Titius aliquid exigit a me, ego vicissim exigam id præstari a Titio quod inter nos convenit. Ut enim ait jus civile L. 7. ff. de pactis §. 4. *Nuda pactio obligationem non parit. sed parit exceptionem.* Item, si Titius mihi debeat aliquid ex vi solius pacti solo jure naturæ validi, & debitum jam acceperim, possum in foro conscientiæ rem acceptam retinere; nam ut dicit Jus civile L. 10. ff. de obligat. & actionib. naturales obligationes dant jus, ut soluta pecunia repeti non possit. Item, si mihi Titius aliquid ex pacto naturaliter valido debeat, pro asservatione debiti vel fideiussorem possum exigere, vel pignus retinere tanquam fideiussorem, ut patet ff. L. 16. §. 3. de fideiussoribus. *Fideiussor*, inquit jus, accipi potest quoties est aliqua obligatio civilis vel naturalis, cui applicetur. Pignus pariter possum accipere, si non habeam fideiussorem. *Ex quibus casibus*, inquit jus, naturalis obligatio consistit, pignus perseverare consistit. L. 14. ff. de pign. & hypoth. Item, si mihi Titius aliquid debeat, non ex gratitudine, sed ex iustitia rigorosa, & sim in his circumstantiis, ut rem debitam nequeam coram iudice persequi, possum juxta eos, qui habent compensationem ut licitam, possum, inquam, uti æquali compensatione: ut enim habet jus civile ff. L. 6. de compens. *etiam quod natura debetur, venit in compensationem.* Demum illud pactum solo jure naturæ validum ita renovari & in constitutum deduci poterit, ut in foro externo exigi valeat: ita enim habet Jus Civile L. 1. ff. de constituta pecunia: *Debitum ex quacumque causa potest constitui.* Et L. 1. ff. de novationib. Quæcumque præcessit obligatio verbis novari potest... ut puta, si pupillus sine tutoris auctoritate promiserit.

Sic pariter in foro conscientiæ servari debent omnia pacta, omnes promissiones, omnes contractus, quibus solo jure naturali obligamur aliis, quamvis nobis aliunde onerosæ sint illæ conventiones; dicit enim Scriptura: *Vir fidelis laudabitur; & ut indicet nullam spem lucri posse nos a servanda conventionem dispensare, addit: Qui autem se finat disari, scilicet omitendo pacta & contractus, non erit innocens.* Prov. 28. v. 20. & Lucæ 16. v. 10. iniquus habetur qui etiam in minimo fidelis non est. *Qui fidelis est, inquit, in minimo, & in majori fidelis erit: & qui in modico iniquus est, & in majori iniquus erit.*

Ita-

Itaque standum fideliter his pactis, his conventionibus, his contractibus, qui sunt sine scripto, sine testibus, & demum absque ulla juris solemnitate, quibus v. g. vel privatim, vel publice, vel in mercatibus, vel in nundinis, vel alibi venduntur, emuntur, commutantur res exigui valoris, puta comestibilia, v. g. fructus, carnes, vinum, oleum &c. comparantur res usuales, v. g. libri, calami, &c. nefas enim est, homines conventionibus suis non stare etiam circa hæc minima, de quibus nihil lex in particulari determinat; sufficit enim, quod homines inter se libere consenserint. *Quid enim est*, inquit jus civile, iam congruum fidei humane, quam ea que inter ipsos placuerunt servare? L. 1. ff. de pactis.

Consect. 2. Sistendo intra jus naturæ, omnino contractus, etiam si involuntarius secundum quid, est validus, modo sit absolute voluntarius; quia ad contractum validum jure naturæ, requiritur, & sufficit consensus absolute voluntarius. Etenim qui involuntarie secundum quid, sed voluntarie absolute recipit Baptismum, vel Ordinem, valide suscipit utrumque Sacramentum. Ergo a pari qui involuntarie secundum quid, sed absolute voluntarie contractum init, valide contrahit jure naturæ.

Sic qui ex metu vel jussu, vel injussu incuso contrahit, modo metus usum rationis non absorbeat, valide jure naturæ contrahit; quia quod ex metu volumus, absolute volumus: de hoc ita D. Th. 1. 2. q. 6. a. 6. *Sed contra est*, inquit, quod Greg. Nicænus dicit, & etiam Philosophus, quod hujusmodi, quæ per metum aguntur, sunt magis voluntaria quam involuntaria. . . . sunt enim voluntaria simpliciter, & involuntaria secundum quid. . . . sicut projectio mercium in mare sit voluntaria tempore tempestatis propter timorem periculi.

Sic etiam qui ex fraude, dolo, ignorantia, & errore terminatis, non ad substantiam rei, sed ad accidentia, & relinquuntibus usum libertatis, contrahit, jure naturæ valide contrahit; ad valorem enim contractus sufficit, quod fiat cum deliberato consensu; sit autem contractus cum deliberato consensu, quoties dolo, error, & ignorantia, non ad substantiam rei, sed ad accidentia rem parum immutantia, terminantur; æque enim interveniret consensus, ut supponimus, sive adesset error, sive abesset. Itaque validus est contractus, qui sit ex errore, & dolo, & ignorantia terminatis ad accidentia; quia ille error non facit involuntarium simpliciter, sed involuntarium secundum quid. Et ita valide contrahit qui ducit Bertam, quam putat

nobilem & divitem, licet ea nec nobilis sit, nec dives: error enim ille est circa accidentia. Valide etiam contrahit qui emit vinum gallicum putans emere hispanicum; quia error pariter est circa accidentia: de hoc late scribit Gratianus 19 q. 1. Can. *Quod*, ubi, sic habetur: *Verum est, quod non omnis error consensum excludit; sed error alius est persone, alius fortune, alius conditionis, alius qualitatis. Error persone est, quando hic putatur esse Virgilius, & ipse est Plato. Error fortune, quando hic putatur esse dives, qui est pauper, vel e converso. Error conditionis, quando putatur esse liber, qui est servus. Error qualitatis, quando putatur esse bonus, qui malus est. Error fortune & qualitatis, conjugii consensum non excludit. Error vero persone, & conditionis, conjugii consensum non admittit.*

Consect. 3. Infantes, adulti, pupilli, puberes, minores, &c. qui jure civili vulgo habentur inhabiles ad contrahendum ob defectum libertatis in eis vulgo præsumptum, sistendo intra jus naturæ, valide contrahunt, modo actu vere libero consentiant: tum quia ad contractum jure naturæ validum requiritur, & sufficit consensus plene liber: tum quia leges, quæ prædictas personas inhabiles ad contrahendum determinant, utpote fundatæ in præsumptione, nullum vigorem habent, nisi cum revera adest præsumptio, in qua fundantur, scilicet, cum abest libertas ad contrahendum sufficiens.

Quando autem & quomodo, pactis & conventionibus in foro conscientie erga homines sese obligare valeant infantes, adulti, explicat D. Th. dum determinat, quando & quomodo sese votis erga Deum obligare possunt: eadem enim est utrobique obligatio, eo solo discrimine, quod votum nexum Religionis inducat, conventio vero nexum fidelitatis. Sic autem loquitur S. Doctor 2. 2. q. 88. a. 9. in corp. *Est ergo*, inquit, *dicendum, quod si puer vel puella ante pubertatis annos nondum habeat usum rationis, nullo modo potest se voto obligare. Si vero ante pubertatis annos attingit usum rationis, potest quidem, quantum in ipso est, se obligare, sed votum ejus potest irritari per parentes, quorum cura remanet adhuc subjectus. Ita & potest se pactis, & conventionibus obligare, quæ a parentibus irritari quidem possunt: sed sicuti vota non irritata a parentibus ligant puerum erga Deum; ita & pacta non irritata ligant puerum erga eos, quibus sese obligavit, modo aliæ conditiones ad validum contractum necessariæ observentur.*

Quando autem & quomodo, pactis & con-

ventionibus in foro conscientie pupilli & minores obligari valeant, possumus colligere ex variis juris civilis textibus, quibus constat contractus a pupillis & minoribus initos, quamvis invalidos jure civili, obligationem tamen quamdam naturalem pupillis & minoribus imponere, in duobus præcipue casibus, scilicet 1. Quando pupilli, & minores illos contractus pleno consensu inierunt, vel re obligati sunt. 2. Quando pupilli & minores ex illis contractibus ditiores facti sunt. In primo enim casu oportet, ut conventionem libere ipitam, quantum in ipsis est, observent: in secundo vero casu oportet, ut si velint contractum rescindi, id, in quo facti sunt per illum contractum ditiores, restituant.

De primo autem casu sic habes. L. 52. de obligat. & act. *Nudus consensus sufficit obligationi.* §. 9. & rursus: *Pacti conventionisque fides servanda.* L. 7. C. de pactis. Quod adeo verum, quod si pupillus dolo aliquid egerit, apud judicem conveniri potest, ut expresse dicitur, ff. *Depositi vel contra.* L. 1. §. 15. sic enim habet lex: *An in pupillum, apud quem sine tutoris auctoritate depositum est, depositi actio datur, queritur, sed probari oportet, si apud doli mali jam capacem deposueris, agi posse, si dolum commisit.* Si vero re obligatus fuerit, non erit necessario tutoris auctoritas, ut habetur L. 46. ff. de obligationibus & action. *Furiosus, & pupillus,* inquit *jus, ubi ex re actio venit, obligantur etiam sine curatore, vel tutoris auctoritate, veluti si communem fundum habeo cum his, & aliquid in eum impendero, vel damnum in eo pupillus dederit; nam judicio communi dividendo obligabuntur.*

De secundo vero casu sic habes in reg. juris 206. *Jure naturæ æquum est, neminem cum alterius detrimento, & injuria fieri locupletiores.* Et quamvis ea, quæ pupillus agit sine auctoritate tutoris, & minor sine auctoritate curatoris, jure civili invalida habeantur; tamen id, in quo locupletiores facti, restituendum est, & ob id coram judice conveniri possunt. *Pupillus,* inquit *jus, conveniri potest in id, in quo factus est ditior.* L. 3. ff. de negotiis gestis. Et rursus L. 3. ff. de auctoritate a consensu tutorum: *Pupillus vendendo sine tutoris auctoritate non obligatur, sed nec in emendo, nisi in quantum locupletior factus est.*

ARTICULUS II.

De Contractibus solo jure naturæ validis, vel invalidis præcisè ex parte rerum, quæ sunt materia Contractus.

Prop. unica. Ut contractus sit solo jure naturæ validus ex parte rerum, quæ futuræ sunt materia contractus, eæ res debent esse primo in commercio hominum: secundo in potestate contrahentium: tertio debent ad rigidam æqualitatem reduci.

Prob. 1. Res, quas contractibus subjicimus, debent esse in commercio hominum, ut earum dominium possumus ipsi acquirere, vel eas ad alios ipsi valeamus transferre; non enim ob alium finem fiunt contractus. Ideo res communes, quarum usus communis est omnibus hominibus, proprietates nullius, ut aer, aqua profluens, mare, &c. res publicæ, quarum usus communis est omnibus, proprietates vero Reipublicæ, ut viæ, flumina, &c. res universitatis, quæ ad civitatem aliquam pertinent, & usibus populi destinantur, ut forum, stadia, &c. res quæ nullius sunt, nec esse possunt, ut sunt res Deo sacræ, materia esse non possunt eorum contractuum, qui per privatos homines inveniunt.

2. Res, quas contractibus subjicimus, debent esse in nostra potestate; nemo enim potest in alium transferre plus juris, quam habet: ideo ait Just. lib. 3. instit. tit. 20. *Res, quæ dominio nostro subjicitur, in stipulationem deducti potest, sive mobilis, sive soli;* minime vero ea, quæ nostri juris non est.

3. Res, quæ sunt materia contractus, ad rigidam, quantum fieri potest, debent æqualitatem reduci, ut a contrahentibus servetur justitia, quæ unicuique reddit quod suum est.

Consecraria hujus Doctrinæ.

§. I.

De Contractibus, qui jure naturæ non sunt validi præcisè ex parte rerum.

Consecr. 1. Nullus est contractus, in quo res, quæ non sunt in commercio hominum, contractui subjiciuntur: res enim contractui eatenus subjicitur, quatenus est in commercio hominum: ut habes de verb. oblig. L. 83. ff. §. 4. Si subjiciam contractui sacram, vel religionem rem, vel usibus publicis in perpetuum restitutam, ut forum, & basilicam, aut hominem liberum, inutiliter stipulor. Ideo jure naturæ nulli sunt contractus simoniaci, quibus vendun-

duntur, aut emuntur res spirituales, aut spiritualibus annexæ; quia non sunt in commercio hominum. Nulla pariter est conventio, qua emitur a cliente, & venditur a iudice sententia iusta, vel iniusta; quia actus judicialis non est in commercio hominum, ut emi possit aut vendi.

Consect. 2. Invalidæ sunt jure naturæ illæ omnes conventiones, quibus subijcimus contractui res, quæ sunt quidem in commercio hominum, sed quæ non sunt in nostra potestate, nisi interveniat consensus & approbatio illius, sub cuius potestate eæ res sunt; obligare quippe non potes quod tuum non est.

Sic servi, idest *mancipia*, quoquo modo servi facti sint, sive jure belli, quia capti sunt in bello, sive jure emptionis, quia se ipsos vendiderunt, sive jure natiuitatis, quia ex matre serva nati sunt: hi, inquam, jure naturæ contrahere non possunt contractu, quo de seipsis, vel de rebus ad ipsos spectantes disponunt; quia & ipsi, & ea quæ habent, sui juris non sunt, sed dominorum... ut docet Justin. lib. 1. instit. tit. 7. *In potestate*, inquit, *dominorum sunt servi*.

Sic Monachi & Moniales non possunt contrahere valide jure naturæ, neque contractum, quo suam personam obligent, v. g. vendendo se, vel locando suas operas, &c. quia per votum obedientiæ non sunt sui juris, sed Communitatis: neque contractum, quo res temporales vel acquirant, vel ad alios transferant, nisi id faciant nomine Communitatis; quia per votum paupertatis incapaces sunt & domini sibi acquirendi, & domini in alios transferendi, cum nihil possint habere proprium, ut habetur in Trid. sess. 25. cap. 2. de reform.

Sic filiifamilias, nondum emancinati, idest quandiu sunt sub potestate patris, jure naturæ non possunt contrahere circa ea, quæ sunt sub potestate patris: v. g. Filius non potest aliquid in detrimentum patris stipulari, puta, vendere bona patris, debita nomine patris mutuo accipiendo contrahere.

Sic uxor non potest bona mariti, nec viceversa maritus bona uxoris contractu jure naturæ valido alienare; quia neuter habet bonorum alterius dominium.

Sic demum generaliter nullus potest de bonis, quorum non est dominus; contractu jure naturæ valido disponere.

Consect. 3. Illiciti sunt semper jure naturæ, & aliquando invalidi, omnes contractus, in quibus res non reducuntur, quantum fieri potest, ad rigidam æqualitatem: de quo ita D. Th. *Lex divina*, inquit, *nihil impunitum*

relinquit, quod sit virtuti contrarium; unde secundum divinam legem illicitum reputatur. si in emptione, venditione, & in aliis contractibus, non sit æqualitas justitiæ observata, & tenetur ille qui plus habet recompenfare, si sit notabile damnum; quod ideo dico, quia justum pretium rerum non est punctualiter determinatum, sed magis in quadam æstimatione consistit, ita quod modica additio vel minutio non videtur tollere æqualitatem justitiæ.

Sic emptio, venditio, mutuum, societas, &c. & demum omnis contractus, in quo non servatur æqualitas, est jure naturæ illicitus, ut dicitur agendo de quolibet contractu in particulari.

Monit. Si tanta esset inæqualitas, ut pars læsa præsumeretur non consensisse contractui, tunc inæqualitas ob defectum consensus redderet contractum, non solum illicitum, sed etiam invalidum.

6. I I.

De Contractibus, qui ex parte rerum præcise validi sunt jure naturæ.

Consect. 1. Validi sunt jure naturæ illi omnes contractus, in quibus nostris conventionibus subijcimus ea, quæ sunt in commercio hominum posita. Hujusmodi sunt

Primo. Res corporales, quæ tangi possunt, ut sunt 1. Res mobiles, puta, aurum, vestis. 2. Res immobiles, puta, fundus, vel pensio annua fundi. 3. Res se moventes, ut animalia.

Secundo. Res incorporales, quæ tangi non possunt, quæque in jure consistunt, ut hæreditas, obligatio, servitutes.

Hæc enim omnia & conventionibus acquiri, & in alios transferri possunt.

Consect. 2. Validi sunt jure naturæ illi contractus, quibus res in commercio hominum positas, quæque sunt in nostra potestate, legitimæ conventioni subijcimus, licet etiam limus sub potestate alterius, modo illi cui subijcitur non noceamus.

Sic servi stipulari possunt circa factum; quod præcise suam personam respiciat, si factum illud nihil domino noceat: v. g. *mancipium* alicujus artis pertum potest promittere se illius artis præcepta traditurum; licet enim obligationem civilem sibi imponere nequeat, potest tamen naturalem obligationem contrahere: ut habetur L. 31. ff. *De regulis juris*. *Quod attinet*, inquit *regula, ad jus civile, servi pro nullis habentur: non tamen, & jure naturali; quia quod ad jus naturale attinet, omnes homines æquales sunt.*

ARTICULUS III.

De Contractibus solo jure naturæ validis, vel invalidis ex parte modi contrahendi.

Sic Monachi, Monialesve, licet nequeant neque personam suam aliis tradere, neque operas suas locare, possunt tamen de actibus suis interioribus stipulari: v.g. preces divinas alicui promittere, possunt de fama sibi injuste ablata restitutionem exigere, vel eam, si per hoc non noceant Communitati, condonare; neutri enim juri per vota sua renuntiarunt.

Sic pupillus, & minor, sine consensu eorum, quibus subjiciuntur, possunt de rebus suis contrahere, modo conditionem suam meliorem faciant; quia, inquit jus, meliorem suam conditionem facere ei, idest pupillo, etiam sine tutoris autoritate, concessum est. L. 28. ff. de Pactis.

Sic filiusfamilias potest sine consensu patris de rebus suis castrensibus, aut quasi castrensibus absolute disponere; quia eorum habet dominium.

Potest & se alteri obligare, modo id non sit in præjudicium patris, vel alterius, ut habetur L. 39. ff. de obligat. & actionibus: potest ergo alteri locare suas operas, quando pater his non indiget; quia pietatem liberi parentibus, non operas debent. L. 10. ff. de obsequiis parentibus & patronis.

Potest alio proficisci, ut aliquam artem addiscat: potest de sua vocatione vel ad statum religiosum, vel ad statum clericalem deliberare, & voto solemniter se astringere, ut docet D. Dh. 2. q. 88. a. 9. in corp. Post annos autem pubertatis, inquit, possunt jam se voto religionis obligare vel simpliciter, vel solemniter, absque voluntate parentum.

Sic uxor sine consensu mariti potest de bonis paraphernalibus pro libito disponere; quia eorum habet dominium.

Sic demum quilibet homo potest valide pacta inire circa ea, quæ sub ejus sunt dominio & potestate.

Consect. 3. Liciti sunt omnes illi contractus, quibus res in commercio hominum positæ, & nostræ potestati subiectæ, legitimæ conventioni subijcimus, modo æqualitatem vel absolutam, vel proportionatam observemus.

Sic licite in commutationibus res unius generis cum aliis alterius generis commutamus, v.g. vinum cum oleo, frumentum cum vestibus, &c.

Sic licite in emptionibus res cujuscumque generis pretio æstimabiles cum certa pecuniæ summa comparamus;

Prop. unica. Ut Contractus ex parte modi contrahendi sit jure naturali validus, requiritur & sufficit quod uterque contrahentium in sua conventionem nullas condiciones apponat legi naturali repugnantes.

Prob. 1. Ex jure Canonico cap. Antigonus, de Pactis, ubi sic habetur: *universi dixerunt, pax servetur, pacta custodiantur.* Ubi Glossa hæc addit: „Pacta enim, quæ neque dolo, neque adversus leges, neque quibus fraus alicui fiat, ut legitima observanda sunt.“ Ergo ut contractus legitimi habeantur requiritur, & sufficit quod nullas condiciones legi contrarias contineant.

2. Ex jure civili L. 7. ff. de Pact. §. 7. ubi sic habetur: *Ait Prætor: pacta conventa, quæ neque dolo malo, neque adversus leges, plebiscita, Senatus-Consulta, edicta Principum, neque quoque fraus cui eorum fiat, facta erunt, servabo.* Ergo ad validum contractum requiritur & sufficit, ut non sit contra legem naturalem, si consideretur prout est obligatio naturalis, civilem, prout est obligatio civilis.

3. Rat. Contractus vim habet legis, quam sibi contrahentes reciproco consensu imponunt, juxta istam regulam civilis juris: *Legem enim contractus dedit.* L. 23. ff. Et juxta istam regulam juris Canonici: *Contractus ex conventionem legem accipere dignoscuntur.* Reg. 85. in 6. Atqui ut lex positiva sit iusta & valida requiritur & sufficit, quod nihil jubeat contra legem naturalem: alias, ut dicit Aug. lib. 1. de lib. arbit. *Lex esse non videtur, quæ iusta non fuerit:* Ergo, ut contractus sit validus, requiritur & sufficit, quod nihil contineat legi naturali contrarium, sed oportet, ut contrahentes nullas apponant condiciones juri naturali repugnantes.

Conseclaria hujus Doctrinæ.

S. I.

De Contractibus jure naturalis invalidis ex parte modi contrahendi.

Consect. 1. Nullæ sunt conventiones, quibus violatur jus naturale in Decalogo contentum, v.g. conventiones, quibus homines se se obligant ad pejerandum, blasphemandum, occidendum, furandum, fornicandum, &c. nullum enim potest esse vincu-

lum

lum iniquitatis, nulla autem potest esse major iniquitas; quam ea, quæ contra legem æternam committitur: in iusta est ergo, & omnino invalida infelix illa societas, qua initumcum Deo pactum infringimus: quod fœdibilibus his verbis luget II. c. 34. v. 5. *Et terra, inquit, infecta est ab habitatoribus suis; quia transgressi sunt leges, mutaverunt jus, & dissipaverunt fœdus sempiternum.*

Consect. 2. Nullæ sunt pariter hæ conventiones, quibus nocetur Reipublicæ: v. g. qualia sunt pacta, quibus tempore belli ministrantur arma hostibus, victualia eis venduntur, aut alia in eorum gratiam fiunt, quæ Reipublicæ nocere possunt; contractus enim in bonum publicum instituti sunt: ergo toties sunt nulli, quoties contra publicam utilitatem vergetur possunt. quod expresse docet jus Civile. C. De Pactis. L. 6. Pacta, inquit, quæ contra leges, constitutionesque, vel contra bonos mores fiunt, nullam vim habere indubitati juris est.

Consect. 3. Nullæ habendæ sunt pactiones illæ, quibus contra leges aliquid turpiter vel datur vel accipitur: ut sunt pactiones simoniacæ contra Religionem: de emenda, vel vendenda re spirituali, vel spirituali annexa: pactiones iniquæ contra iustitiam, quibus de emenda vel vendenda iustitia convenit inter iudicem & alterum ex litigantibus. Nullæ etiam habendæ sunt sceleratorum illorum hominum pactiones, quibus sub ipsi dicentes sicarios adigunt ad occidendos eos, a quibus injuriam vel acceperunt, vel accepisse iugantur: quibus conducunt homines, qui inimicorum domos comburant, aut eorum bona labefactent; contractus enim invalidi omnino sunt, cum non ad fovendam utilem hominum societatem ineantur. *Omnia enim, quæ contra bonos mores vel in pactum, vel in stipulationem deducuntur, nullius momenti sunt. C. de iuridibus stipulationibus. L. 4. Imo generaliter traditur, rebus inhonestarum nullam esse societatem. L. 57. ff. Pro socio.*

Consect. 4. Nullius vigoris sunt eæ conventiones, quibus nocetur Ecclesiæ: v. g. pacta, quibus suppetiæ feruntur infidelibus, hæreticis, schismaticis, &c. in detrimentum Religionis; etenim, ut contractus validi sint, primo in bonum privatorum, deinde in bonum Reipublicæ, tandem in bonum Religionis ordinari debent. Eo forte spectat Scriptura, dum intendens non solum privatam Judæorum utilitatem, sed insuper publicum totius Synagogæ bonum, istud frequenter Judaico populo inculcat. *Non inibis, inquit, cum eis, id est gentibus, fœdus, nec misereberis earum.* Saltem jus Canonicum eas conventiones expresse &

damnat, & invalidas declarat. *Juxta legitimas, inquit, sanctiones, pactum turpe, vel rei turpis, aut impossibile, de jure vel de factis, nullam obligationem inducit. C. Pactionis, de pactis.*

Consect. 5. Rejiciendæ sunt, ut nullæ, omnes illæ conventiones, quibus apponitur conditio, quæ est vel contra honestatem, vel contra substantiam contractus qui initur. Sic qui apponeret hanc conditionem inhonestam sponsalibus: *Volo te in uxorem, modo filios nasci nunquam permittas: invalide contraheret.* Item, qui apponeret hanc conditionem contra naturam matrimonii: *Volo te in uxorem ad certum tempus, & non ad totam vitam: sicut & qui donaret ea conditione, ut non fieret ejus, cui donatur. Donari enim non potest nisi quod ejus sit, cui detur. L. 9. ff. §. 3. de donat.* Hujusmodi enim condiciones pugnant contra naturam contractus qui initur.

Consect. 6. Denum juxta jus Canonicum, toto titulo de Pactis, pacisci valide non possunt, quoties periculum anime initur, turpitudinis vitium incurritur, Ecclesiæ damnum infertur, tunc enim pactum legi naturali adversatur.

Sic nullæ sunt pactiones, quibus Beneficium pro pecunia resignatur; quia committitur simonia. Cap. Cum pridem, de pactis. Nullæ pariter sunt eæ pactiones, quibus provideretur de succedendo post mortem Prælati in ipsius Ecclesiæ. Cap. Accipimus de pactis. Invalidæ etiam sunt eæ conventiones, quibus de rebus quibusdamque spiritualibus obtinendis caveatur, vitanda enim est omnis de rebus spiritualibus conventio. Cap. Pactiones, de pactis. Invalidæ autem sunt prædictæ pactiones, quippe per eas periculum anime infertur.

Sic nullæ pariter sunt pactiones, quibus quis promittit se crimine aliquod committiturum, aut de crimine commissio non acturum. Can. 8. unusquisque. 22. qu. 4. Quia tunc turpitudinis vitium incurritur.

Sic nullæ sunt conventiones, cum quid Ecclesiæ redditibus detrahitur, vel ei gravamen adjicitur. Cap. Plerique de pactis. Et Can. 42. Si quis Laicus. 16. q. 1. Tunc enim damnum Ecclesiæ infertur.

§. II.

De Contractibus jure naturæ validis ex parte modi contrahendi.

Consect. unicum. Toties valide jure naturæ contrahimus, quoties absque dolo, fraude, de re ex suo genere bona vel indifferenti, quæ sit in commercio hominum, & in nostra potestate

state, pactum inimus; quia tunc in nullo legem naturalem infringimus, quin e contra civilem societatem utiliter fovemus.

Sic valide res bonas, vel indifferentes promittimus, vel nobis promitti curamus.

SECTIO II.

Ejusdem capituli.

In qua determinatur an Contractus, qui ex vi juris naturalis sunt invalidi, possint per jus positivum civile fieri validi: Et an illi Contractus, qui sunt jure naturæ validi, fiant aliquando per jus civile positivum invalidi.

ARTICULUS I.

An Contractus jure naturæ invalidi possint per jus civile positivum fieri validi.

Prop. unica. Contractus jure naturæ invalidi & nulli, nunquam possunt fieri validi per jus positivum civile.

Prob. 1. Authoritate juris civilis; sic enim habetur L. 29. ff. de reg. juris: *Quod initio vitiosum est, tractu temporis convalescere non potest*: quod locum maxime habere debet in his, quæ ex vi legis naturalis sunt vitiosæ; ergo contractus jure naturæ invalidi, non possunt per jus positivum civile fieri validi.

2. Ex D. Th. 2. 2. q. 10. a. 10. *Jus*, inquit, *divinum, quod est ex gratia, non tollit jus humanum, quod est ex naturali ratione*: atqui, ut patet ex dictis, ratio humana suggerit, aliquos contractus esse jure naturali invalidos: ergo invaliditatem ab illis contractibus jus divinum non potest tollere; a fortiori id non poterit jus positivum civile.

3. Ratione desumpta ex D. Th. 1. 2. q. 94. a. 5. *Jus naturale potest concipi, ut mutabile dupliciter: primo per additionem, secundo per subtractionem*: per additionem quidem, eo sensu, quod legi naturali superaddatur alia lex, v.g. Mosaica, Evangelica, vel civilis; per subtractionem vero, quod legi naturali detrahatur aliquid, puta, ut id, quod lege naturali prohibitum est, non amplius sit prohibitum, aut ut id, quod eadem lege est imperatum, non sit amplius imperatum: atqui lex naturalis potest quidem mutari per additionem; quare vera legi naturali superadduntur leges positivæ: sed mutari nequaquam potest per subtractionem; quia quod per legem naturalem declaratur intrinsece malum, non potest per aliam legem declarari bonum; nec

pariter quod per legem naturalem declaratur virtuosum, per aliam legem vitiosum declarari potest: ergo lex naturalis non potest per legem positivam mutari: ergo contractus, qui ex vi juris naturalis sunt invalidi, non possunt fieri validi per jus positivum civile.

4. Ratione desumpta ex jure civili. Contractus sunt jura naturalia, quæ sibi contrahentes reciproco consensu declarant, seu, ut dicunt, *intimant*: Sed ex Justiniano, *naturalia jura, quæ apud omnes gentes per æque observantur, divina quadam providentia constituta, semper firma, atque immutabilia permanent*. L. 1. Inst. t. 2. Ergo ea jura semper manent: ergo contractus, qui jure naturali sunt invalidi, non possunt fieri validi per jus positivum civile.

Conseclaria bujus Doctrinæ.

Consecl. 1. Omnes illi contractus, qui jure naturæ sunt invalidi ex parte personarum, v.g. ob defectum consensus, nequaquam possunt per jus civile fieri validi: licet enim jus civile possit restringere consensum contrahentium apponendo certas condiciones, ob publicam utilitatem necessarias; non tamen potest supplere internum consensum: est enim actio libera, cuius soli contrahentes sunt domini.

Sic, si nobis constet defuisse consensum in parte nobiscum contrahente, non possumus uti contractu ab illa inito, quantumvis jus civile contractum illum approbet: v.g. non possumus rem involuntarie donatam retinere, quamvis illa donatio fuisset publica, ut vocant, insinuatione munita.

Consecl. 2. Omnes illi contractus, qui sunt invalidi jure naturæ ex parte rerum, vel quia ex res, quas facimus materiam nostrorum contractuum, non sunt in commercio hominum, vel quia non sunt in potestate nostra, vel quia sunt in longe dispari inæqualitate; hi, inquam, contractus nunquam possunt per jus civile fieri validi: Jus enim civile potest quidem determinare res, ut sint vel non sint materia contractuum; sed ubi accessit hæc determinatio, non potest effecere, ut id quod non erat materia contractus, dum inita est conventio, fiat materia contractus post initam conventionem.

Sic, si constet nobis, simoniacam fuisse resignationem ejus Beneficii, quod nobis judices adscripserunt, Beneficium illud retinere non possumus; quia Beneficium Ecclesiasticum non potest simoniace obtineri.

Sic pariter, si nobis constet rem nobis venditam non fuisse in potestate illius, qui eam nobis vendidit, non potest a nobis retineri, quamvis jus civile eam venditionem validam declarat.

Sic pariter non possumus in emptione vel venditione non reducere rem ad iustum pretium, quamvis jus civile non rescindat emptionem & venditionem, nisi quando est infra vel supra dimidium iusti pretii; jus enim civile non potest efficere, id iustum esse, quod ab intrinseco iniustum est, ut fuisse dicemus ubi de venditione.

Consect. 3. Omnes illi contractus, qui sunt invalidi jure naturæ ex parte modi contrahendi, quia scilicet modus ille contrahendi est difformis legi naturali, non possunt fieri validi per jus civile positivum; jus enim civile non potest rectum efficere quod jus naturale iniquum declarat.

Sic quamvis jus civile usuras ex vi mutui declararet licitas, non tamen liceret usuras iniuste acceptas retinere.

ARTICULUS II.

An Contractus, qui sunt jure naturali validi, possint per jus civile declarari in certis circumstantiis invalidi.

Prop. unica. Contractus jure naturali validi, delati ad forum contentiosum, declarantur aliquando per jus civile positivum invalidi.

Prob. rat. Ut contractus humani sint jure civili validi, requiritur primo, quod habeant eas condiciones, quas requirit jus naturale, & insuper quod habeant aliquas solemnitates, quas exigit jus civile; quia plura requiruntur ad validitatem contractus civilis, quam ad validitatem obligationis pure naturalis: ergo quoties contractus, jure solum naturali validi, carebunt hujusmodi solemnitatibus, declarabuntur invalidi per jus civile.

Consectaria hujus Doctrinae.

Consect. 1. Contractus improprie dictus, qualis est donatio, testamentum, quamvis validus jure naturæ, poterit tamen declarari invalidus, si careat solemnitatibus jure civili requisitis.

Sic, ut donatio sit valida jure naturæ, sufficit, quod fiat libere, & sit de re, quæ sit in nostra potestate, & in commercio hominum posita; attamen eadem donatio declarabitur nulla, invalida per jus civile, si res donata quin-

gentos aureos excedat, & non fuerit innuata, ut dicemus infra de donatione.

Sic, ut testamentum sit validum jure naturæ, sufficit, quod fiat libere, & de re, quæ sit in nostra potestate; attamen idem testamentum, quantumvis liberum, declarabitur nullum per jus civile, si fiat absque certo numero testium, & absque aliis solemnitatibus per jura requisitis, ut dicemus infra de testamentis.

Consect. 2. Contractus proprie dictus, qualiscumque sit, validus est jure naturæ, modo interveniat verus consensus & versetur circa res, quæ conventionibus nostris subijci possunt; jure vero civili non censetur validus, nisi adsint certæ condiciones jure civili requisitæ.

Sic contractus qui *re* perficiuntur, v. gr. mutuum, commodatum, depositum, pignus, quamvis ex solo consensu sint validi jure naturæ, non censentur tamen perfecti juxta jus civile, nisi, præter consensum, interveniat actualis rei traditio.

Sic contractus *innominati*, qui *verbis* perficiuntur, quales sunt *do ut des*, &c. licet jure naturæ solo consensu sint validi, tamen per jus civile declarabuntur invalidi, nisi interveniat certa verborum solemnitas.

Sic contractus, qui *solo consensu* perficiuntur, etiam juxta jus civile, ut emptio & venditio, locatio & conductio, societas & mandatum, non censentur completi, nisi, præter consensum, interveniat publica aliqua solemnitas.

SECTIO III.

Quæ & quanta sit autoritas legis civilis circa contractus jure naturæ validos.

ARTICULUS UNICUS.

AN lex civilis, qua contractus jure naturæ validi declarantur invalidi, obliget in conscientia.

Prop. unica. Lex civilis, qua vel ob bonum publicum, vel ob privatorum utilitatem, contractus jure naturæ validi declarantur invalidi, obligat in conscientia.

Prob. 1. Script. Per me Reges regnant, & legum conditores iusta decernunt. Prov. 8. v. 15. Ergo, si parendum sit legi civili iustum decernenti, parendum est eidem legi, quando ob publicum bonum, & privatorum utilitatem declarat in validos eos contractus, qui, si vigorem suum haberent in singulis casibus, vel bono publico, vel privatorum utilitati nocerent: tales autem sunt contractus, quos, etsi jure naturæ validos, lex civilis declarat ali-

quan-

quando invalidos : puta v. gr. contractus, qui sunt ex gravi metu injuste incusso, &c.

2. Ex D. Th. 1.2.q. 100. a.2. in c. *Lex humana*, inquit, *ordinatur ad communitatem civilem, quæ est hominum ad invicem* : atqui, ut dicit D. Th. ibidem, *homines ordinantur ad invicem per exteriores actus*, quales sunt contractus, quibus homines sibi invicem communicant ; hujusmodi autem communicatio pertinet ad rationem justitiæ, quæ maxime viget in contractibus : *Et ideo lex humana non proponit præcepta, nisi de actibus justitiæ* : Atqui juxta eundem D. Th. parendum est præceptis a lege humana impostis : Ergo parendum est his præceptis, quæ lex civilis circa contractus dirigendos statuit.

3. *Rat.* Prima ratio. Ex dictis ubi de lege, lex naturalis, utpote vaga, est observanda juxta modum, secundum quem determinatur per legem positivam, modo illa determinatio nihil mali contineat ; lex enim naturalis, quasi determinatur & applicatur per legem positivam. Sic lex naturalis observabatur olim a judæis juxta determinationem legis Mosai- cæ ; modo observatur a Christianis juxta determinationem legis Evangelicæ ; viget de- mum apud singulos populos, juxta rectam determinationem illius Reipublicæ, cujus sunt membra : Atqui determinatio, qua jus civile restringit stipulantes ad certos limites & mo- dos contrahendi, est recta, cum sit propter bonum publicum, & propter privatorum utili- tatem, puta, quando irritat contractus ex vi, metuve injusto initos, & alia hujusmodi : ergo ea determinatio est in foro conscientiæ observanda : Ergo ut nulli habendi sunt illi contractus, quos jus civile declarat invali- dos, quamvis *semper non omnium, quæ lex jubet circa contractus, ratio reddi possit.*

Secunda ratio. Quando præcepta exterioris opposita concurrunt, & simul observari non possunt, illi præcepto insistentium est, quod majus bonum inducit ; quia lex censetur semper inclinare ad majus bonum : Atqui majus bonum est, ut ea facultas vaga, quam habent homines contrahendi pro libito, restringatur per legem juxta utilitatem publicam, quam ut liberæ nostræ determinationi relinquatur : v. g. melius est, ut homo matrimonium contra- hat secundum leges sapienter institutas, quam secundum privatam suam libidinem : melius est, ut de bonis suis disponat juxta præscriptum Reipublicæ, quam juxta privatum affectum : ergo observanda est potius ea lex, qua contractus restringuntur ad certos limi- tes, quam ea licentia, qua vago nostro arbi- trio relinquenteretur.

• *Typo I.*

Tertia ratio. Lex quælibet inferior ligat juxta modum, secundum quem determina- tur a superiori : v. g. lex æconomica ligat jux- ta modum civitatis, in qua est familia : lex civitatis ligat juxta præscriptum regni, in quo est civitas : Ergo lex arbitraria, quam sibi contrahentes reciproco consensu impo- nunt, non ligat nisi juxta determinationem legis civilis, cui ambo contrahentes subji- ciuntur : Ergo contractus, licet naturali ju- re validi, poterunt esse invalidi, si per jus civile declarentur invalidi.

Conseclaria hujus Doctrina.

Dum examinantur contractus jure naturæ validi, attendendum est in foro conscientiæ, non solum quid lex naturalis jubeat, sed insu- per inspicendum quid lex civilis præscribat, ut utriusq; legis statuta observentur : sicuti enim in observantia sabati inquirimus, non solum quid lex naturalis inspiret, sed etiam quid lex positiva jubeat ; ita in celebratione contractuum videndum non solum quod lex naturalis præcipit, sed etiam id quod lex civilis circa contractus aut vetat, aut præscribit.

Sic videndum, quinam sint contractus jure naturæ validi, quos lex civilis approbat ; quinam vero sint, quos improbat ; quinam sint illi contractus, quos jus civile irritat ; quinam vero sint, quos irritandos declarat ; rur- sus quinam sint illi contractus, quos lex civilis nullos absolute efficit ; quinam vero sint illi, quos ex sola præsumptione ut nullos habendos judicat : quæ singula sequentibus paragraphis expendentur.

§. I.

De Contractibus jure naturæ validis, quos jus civile approbat, & in suo vigore naturali relinquit.

Prop. unica. Jus civile non irritat, sed in suo robore naturali relinquit omnes contra- ctus minus solemnes, absque metu, dolo, & fraude initos.

Prob. Jus civile nihil circa prædictos con- tractus decernit : ergo relinquit illos in suo robore naturali.

Conseclaria hujus Doctrina.

Consecl. 1. Modo observata fuerit lex natu- ralis, ut validi habendi sunt omnes illi con- tractus minus solemnes, quibus jus civile nullos apposuit limites, & pro quibus nullas

Cc con-

conditiones præscripsit; tunc enim jus civile censetur approbare omnes hujusmodi conventiones juri naturali conformes.

Sic valida est, v.g. donatio rei mobilis, puta, pecuniæ, supellectilis, & facta, ut dicunt, de manu ad manum; quia jus civile non restringit nisi solemniores donationes, quæ sunt coram notario, tabellione, &c.

Sic valida est promissio, etiam absque scripto, quæ sit infra centum libras; quia lex declarat invalidas eas solum promissiones, quæ sunt sine scripto supra centum libras.

Sic demum validi sunt omnes contractus minus solennes, qui fieri solent sine scripto, sine notario, sine testibus, modo nihil habeant contrarium legi naturæ; quia hujusmodi contractibus lex civilis nullas condiciones apponit, eosque ita relinquit in contrahentium arbitrio, ut si in summa minima interveniret læsio, non exciperet querelam illius, qui peteret in integrum restitui. L. 3. ff. de in integrum restitutionibus.

Consect. 2. In resolvendis casibus, qui eos contractus respiciunt, quos ineunt homines absque ulla juris solemnitate in mercatibus, in nundinis, quos pariter vulgo ineunt rustici locando suas operas, quos ineunt etiam mercatores in emendis, vendendisque mercibus, & demum quos singuli inimus sine notario- rum Tabellionumve adjutorio: non debemus ad juris civilis præscripta recurrere, sed solum observare, an intervenerint condiciones jure naturali requisitæ, & debemus de illis contractibus præcise secundum jus naturale judicare.

S. II.

De contractibus ob vim & metum, secundum quid involuntariis, qui jure civili reprobantur.

Prop. unica. Contractus initus ex metu, non levi vel reverentiali, sed gravi & injuste incusso, quamvis jure naturali sint validi, sunt tamen jure civili vel irriti, vel irritandi.

Prob. 1. ex jure civili. Ait Prætor, quod metus causa gestum est, ratum non habeo. leg. 1. ff. quod metus causa; & rursus: si liberum esset, noluissem; tamen coactus volui; sed per Prætorum restituendus sum. L. 21. ff. quod metus causa §. 5. Ergo quod fit ex metu gravi & injuste incusso, reddit contractum vel irritum, vel irritandum.

2. Rat. Leges debent malorum malitiam punire, & pusillorum timiditatem juvare, ut dicit jus civile: & hoc quidem iuste, ne vel illis

malitia sua sit lucrosa, vel istis simplicitas sit damnoxa. ff. l. 1. de dolo malo: Ergo optime legibus cautum est, ut contractus ex metu gravi & injuste incusso initus, vel de facto irritentur, vel irritandi declarentur.

Consectaria hujus Doctrinæ.

Consect. 1. Contractus ex metu levi, etiam injuste incusso, non redditur vel irritus, vel irritandus; quia jus civile judicat hujusmodi metum nihil nocere libertati: de quo ita habetur L. 5. & 6. ff. quod metus causa. Metum decipiendum Labco dicit, non quemlibet timorem, sed majoris malignitatis. Metum autem non vani hominis, sed qui merito & in hominem constantissimum cadat, ad hoc editum pertinere dicimus.

Consect. 2. Contractus ex metu reverentiali, etiam injuste incusso, non redditur vel irritus, vel irritandus; quia metus ille, nisi adsit violentia, non præsumitur nocere libertati: de quo ita jus civile ad metum arguendum ... Senatoria dignitas adversarii tui sola non est idonea. L. 6. C. de his quæ vi metu & causa. Quod enim publice fit, non videtur timore extortum; cum, inquit lex, potuerit jus publicum invocare, & adire aliquem potestate prædictum, qui utique vim cum pati prohibuisset. L. 23. ff. quod metus causa.

Consect. 3. Contractus, qui ex metu vel levi, vel reverentiali, vel etiam gravi, sed iuste incusso initur, non redditur vel irritus vel irritandus; quia tunc nulla injuria fit parti, cui metus incutitur, ut habetur L. 3. ff. quod metus causa §. 1. ... Vim, inquit, accipimus atrocem, & eam, quæ adversus bonos mores fiat; non eam, quam magistratus recte intulit, scilicet jure licito; & jure honoris quem sustinet.

Sic validus est contractus, etiam jure civili, qui initur ex metu incusso a judice minitante mortem defloratori, nisi virginem defloratam a se in uxorem ducat.

Consect. 4. Solus metus gravis, & injuste incussus, efficit contractum aliquando irritum, aliquando irritandum, ut habetur ff. toto titulo, quod metus causa.

Monit. Quinam contractus, ex metu injuste incusso initus, sint irriti ipso facto, quinam vero irritandi, colligere poteris ex verbis sequentibus.

Tutor, judicium, dos, sacrum, copula, votum.

Hec ex vi facta, de jure scias fore nulla. Cætera jus patitur, sed postea restituentur.

Explicantur prædicta carmina.

Hæc vox, *tutor*, significat, quod autoritas tutoris per metum extorta reddat contractum ipso jure nullum, ut habetur L. 1. ff. de autoritate tutorum. Tutor, inquit, si invitatus retentus sit per vim, non valet quod agitur.

Hæc vox, *judicium*, significat, quod iurisdic-tio ex metu prorogata reddit nullum id, quod ex tali iurisdic-tione fit, ut habetur de iudiciis, ff. L. 2. Si cum restitisset, inquit, qui vis ex litigatoribus, viribus Prætoris compulsus est, nulla iurisdic-tio est.

Hæc vox, *dos*, significat, quod contractus dotis vi promissæ vel solutæ est nullus: ita habetur L. 21. quod metus causa. Si dos, inquit, metu promissa sit, non puto nasci obligationem; quia est verissimum, nec talem promissionem dotis ullam esse.

Hæc vox, *sacrum*, significat, quod traditio rei Ecclesiasticæ, vi meru-e extorta, nulla sit; & juramentum de rebus Ecclesiæ non repetendis nullum est. Cap. pervenit, de iure jurando, ubi asseritur, ipsius Episcopum nullius juramenti vinculo super hoc posse constringi.

Hæc vox, *copula*, significat, quod contractus matrimonii, in eo & sponsaliorum, iuxta multos, si vi & metu fiant, ipso jure sunt nulli, ut patet ex cap. requisivit, de sponsalibus: ubi sic habetur Cum libera debeant esse matrimonia, monenda est potius mulier, quam cogenda, cum coactiones, difficiles solvant exitus frequenter habere.

Hæc vox, *vorum*, significat, quod professio in Religione approbata, si vi meru-e injuste incusso fiat, est ipso jure nulla, ut habetur cap. Perlatum, de deis qui vi metusve causa fiunt, ubi decernitur: Quod si quis timore mortis, postdatum non habens, Religionem profiteatur, exire, & matrimonium contrahere potest. Ita in argumento capituli.

Hæc voces, *cætera jus patitur*, &c. denotant, quod alii contractus ex vi meru-e iniusti non sint de facto irriti, sed solum irritandi. Quod ut pateat, sic

§. III.

De Contractibus ex præsumptione doli vel metus iniusti, qui per jus civile declarantur nulli.

Prop. unica. Quoties contrahentes vel dolo, meru-e decepti sunt, aut præsumuntur decepti, toties per jus civile rescinduntur contractus; & pars contrahens, quæ aut decepta est, aut decepta præsumitur, per sen-

tentiam judicis restituitur in integrum, id est in priorem statum.

Prob. 1. ex jure civil. L. 1. ff. de in integrum restitutionibus, ubi sic habetur: Utilitas hujus tituli non eget commendatione, ipse enim se offendit. Nam sub hoc titulo, plurisariam Prætor hominibus vel lapsis, vel circumscriptis subvenit, siue metu, siue calliditate, siue etate, siue absentia inciderunt in captionem: Ergo jus civile in integrum restituit eos, qui decepti sunt, vel qui præsumuntur decepti, relinquendo conscientiam cuiuslibet examinandum, an revera deceptus sit, nec ne.

2. Rat. Equitas naturalis postulat, ut, quantum fieri potest, deceptiones a quocumque contractu removeantur, quo sit aut casu, aut malitia acciderint, reparentur: Atqui illud fit per restitutionem in integrum: Ergo optimo jure lex civilis statuit restitutiones in integrum.

Conseclaria hujus Doctrina.

Consecl. 1. Quando revera in contractibus intervenit aut vis, aut metus, aut deceptio, pars decipiens debet in conscientia prævenire sententiam judicis, partemque deceptam in integrum restituere, & damnum illarum reparare; quia, ut dicit D. Th. dare occasionem damni, semper est peccatum: deinde nemini sua fraus debet patrocinari: demum ratio & æquitas naturalis postulat, ut ipsimet his, quos decipimus, succurramus. Sic latro, qui metu mortis extorsit pecuniam, non potest eam retinere, sed ante sententiam judicis debet eam reddere. Sic qui dolo, aut fraude, aut metu alium impulit ad contractum, quo vel resignatum est Beneficium Ecclesiasticum, vel venditum est fundus, vel donatum est aliquid, &c. debet ipse sibi jus dicere, & præveniendo sententiam judicis partem contrahentem, quæ aut decepta est, aut coacta, in integrum restituere.

Consecl. 2. Quando revera, in contractibus non intercessit vis, metus, aut deceptio, sed solum præsumptio deceptionis, aut coactionis, tunc pars, quæ decepta aut coacta præsumitur, uti non potest in foro conscientie Beneficio restitutionis in integrum, quia lex civilis non dat hujusmodi Beneficium, nisi supposita deceptione: ut habetur L. 3. ff. de in integrum restitutionibus. Omnes, inquit, in integrum restitutiones; causa cognita a Prætor, promittuntur, scilicet, ut justitiam earum causarum examinet, an vere sint quarum nomine singulis subvenit. Deinde contractus ille est validus jure naturæ, & haberetur ut validus jure

civili, si cognosceretur talis; qualis est: ergo in foro conscientiae est observandus. Demum nunquam licet mentiri, praecipue in instrumentis publicis: ergo non licet coram iudice, persequi deceptionem, aut coactionem, cum revera nulla intercessit deceptio aut coactio.

Sic pupilli, qui sunt sub potestate tutoris, minores, qui sunt sub potestate curatoris, uxores, quae sunt sub potestate mariti; si sine dolo, fraude, aut coactione contraxerint, non possunt, in foro conscientiae, partes, cum quibus contraxerunt, coram iudice compelli: si vero id contra aequitatem naturalem faciant, ad compensationem damni illati tenebuntur.

Quomodo vero partes inique compulsae legere debeant, sequentibus Consecrariis videbitur.

Consecr. 3. Quando conventiones sunt jure naturali validae, & ex sola praesumptione doli, vel fraudis, vel coactionis, declarari solent invalidae; eadem pacta in foro conscientiae vigent, donec accesserit sententia iudicis irritantis ea pacta, & ea nulla declarantis, & partem, quae praesumitur decepta, in integrum restituentis. 1. Quia jus naturale suum semper retinet vigorem, donec aliter per jus positivum explicetur. 2. Quia lex positiva infligens poenam non ligat, nisi post juridicam sententiam, secundum formam juris prolatam & intimatam.

Sic possum retinere in conscientia, quod mihi sponte & consensu plene libero, datum est mihi a pupillo proximo pubertati, a minore, a muliere conjugata, donec iudex eam donationem irritam declaraverit.

Sic possum retinere in conscientia quod a pupillo, minore, muliere conjugata plene consentientibus, consecutus sum contractum utrimque oneroso, v.g. emptione, commutatione, ludo non prohibito, &c.

Consecr. 4. Quando pacta, v.g. promissiones, contractus, valida sunt jure naturae, sed ex falsa praesumptione doli, fraudis, aut coactionis per sententiam juridice prolatam & intimatam, declarata sunt nulla; tunc, ad vitandum scandalum, rescindenda sunt illa pacta, dissolvendae conventiones, & rescindendi contractus; quia tunc maxime observare oportet illud D. Pauli: *ut quid non magis iuriam patimini?* Pars, quae mentita est dolum, vel fraudem, vel coactionem, tenebitur in foro conscientiae damnum omnem reparare, quod suo mendacio causavit: & pars, quae inique compulsata est coram iudice, poterit in foro interno exigere damnum omne, quod patitur, & in foro externo possum

lare id, in quo pars altera contrahens ditior facta est, ut supra diximus.

S. IV.

De Contractibus omnino voluntariis, qui declarantur nulli per jus civile.

Prop. unica. Contractus, qui apud homines solent fieri cum solemniori apparatu, quamvis sint jure naturae validi; tamen jure civili declarantur invalidi, si careant solemnitatibus per legem civilem requisitis.

Prob. 1. Ex jure civili. L. 29. ff. *De Pactis*, ubi sic habetur: *Contra juris civilis regulas pacta conventa rata non habentur.*

2. **Rat.** Ab legem civilem pertinet corrigere non solum contractus secundum quid involuntarios, qui dolo, vel metui extorquentur; sed etiam contractus plene voluntarios, qui consensu quidem plene libero, sed non satis prudenter, inveniuntur: debet enim lex omnibus, quantum fieri potest, providere: Atqui omnibus providetur, declarando invalidos aliquos solemniores contractus, qui Reipublicae nocerent, si in singulis casibus observarentur prohibito contrahentium, ut patet ex matrimoniis clandestine initis, ex testamentis sine testibus factis: Ergo optimo jure lex civilis declarat contractus solemniores, etiam si plene voluntarios, omnino invalidos.

Hoc autem facit jus civile duplici via. Primo quidem, declarando personas aliquas inhabiles ad contrahendum. Secundo, exigendo aliquas solemnitates, quibus cessantibus, contractus, quantumvis liberi sint, nulli & invalidi habeantur.

Consecraria hujus Doctrinae.

Consecr. 1. Nulli sunt contractus illi, qui inveniunt a personis, quae per jus civile declaratae sunt inhabiles ad contrahendum; nullus enim est major defectus quam inhabilitas: de hoc ita loquitur Jus Civile L. 5. C. *De legibus*. Nullum enim, inquit, pactum, nullam conventionem, nullum contractum, inter eos videri volumus subsecutum, qui contrahunt, lege contrahere prohibeantur.

Sic validi sunt contractus nuptiarum initii ab his, qui secundum jura sunt habiles ad contrahendum, v.g. ab his, qui sunt sui juris; invalidi vero, si inveniuntur ab his, qui sunt incapaces contrahendi, v.g. ab his, qui sunt juris alieni; quique sine consensu eorum, quibus subsunt, attentant nuptias contrahere: de quo ita Justinianus Lib. 1. Inst.

tit. 10. de Nuptiis. *Iustas autem, inquit, nuptias inter se cives Romani contrahunt, qui secundum precepta legum coeunt: masculi quidem puberes, feminae autem viri potentes, sive patres familiarum sint, sive filii familiarum, dum tamen filii familiarum sint, consensum habeant parentum, quorum in potestate sunt; nam hoc fieri debere & civilis & naturalis ratio suadet, in tantum ut iussus parentis praecedere debeat.*

Sic nullæ sunt donationes, nulla testamentum eorum, qui declarati sunt inhabiles tum ad donandum, tum ad testandum. *Non enim, inquit Justinianus Lib. 2. Inst. tit. 12. omnibus licet facere testamentum.... Si enim, qui alieno juri subiecti sunt, testamenti faciendi jus non habent....* De hoc fusius infra, ubi de donatione & testamento.

Sic jure Canonico nulla sunt vota solemnita ante decimum sextum annum, & expletum integre annum novitatus elicitæ; quia ante illud tempus homo declaratur inhabilis ad professionem Religiosam. Tridentin. sessio. 25. capit. 15. de regularibus.

Consect. 2. Contractus solemniores initia a personis, etiam habilibus ad contrahendum, sunt nulli si careant solemnitatibus jure civili requisitis; quia jus civile potest illas condiciones contractibus apponere: quilibet enim, utpote pars Reipublicæ, debet subijci legibus Reipublicæ: de quo ita jus civile. L. 5. C. De legibus & constitutionibus. Quæ lege fieri prohibentur, si fuerint facta, non solum inutilia, sed & pro infectis etiam habentur.... Sed & si quod fuerit subsecutum ex eo, vel ob id, quod interdicens lege factum est, illud quoque casum, atque inutile esse præcipimus.

Sic testamentum non subscriptum proinfesto habetur. L. 21. C. de testamentis: de quo plura ubi de testamentis.

Sic contractus coram Notario ineundi nulli sunt, si non sint subscripti a Notario, a testibus, & a contrahentibus, si sciant scribere: de quo ita jus civile L. 17. C. De fide instrumentorum, &c. Contractus, inquit, venditionum & permutationum, vel donationum, &c.... quas tamen in scriptis fieri placuit... Non aliter vires habere sancimus, nisi instrumenta in mundum recepta, subscriptionibusque partium confirmata, & per Tabellionem conscribantur, etiam ab ipso completa, & postremo a partibus absoluta sint.

Sic promissio, ultra centum libras, scripto non obfirmata, nullius est vigoris, ut patet ex edito Molinensi art. 54.

Monit. Sunt insignes Theologi, qui do-
Tomo I.

cent, quod leges civiles, quæ irritant eos contractus, qui sunt plene voluntarii, non obligeant in foro interno, sed solum in foro externo: & proinde, quod per illos contractus naturaliter validos, & civiles solum invalidos, vere coram Deo transferatur & acquiratur rerum dominium: atque ideo, quod hæreditas obtenta per testamentum naturaliter validum, & civiliter nullum, possit tuto in conscientia retineri, & quod res data per donationem naturali jure validam, sed jure civili irritam, possit pariter absque scrupulo retineri; quia, inquit, quilibet ita est dominus rerum suarum, ut de eis valeat pro libito disponere. Hæc sententia ex dictis modo, & ex dictis ubi de rerum dominio, videtur parum probabilis; ut tamen sequamur, non solum id quod est magis probabile, sed etiam quod est magis tutum, hæc cautione possemus uti.

Quoties lex civilis irritans contractum, jure naturali validum, nobis lucrum affert & damnum alteri infert, aut nobis infert damnum & alteri lucrum, toties possemus cum eo, cum quo potest esse contentio, ex æquo & bono judicio prudentis & eruditi Theologi componere, ut sic uterque tutus esset in conscientia: v.g. defertur mihi hæreditas ab intestato, quam testator vere & sincere volebat dare Titio, & de facto dedit, sed per testamentum nullum jure civili. Titio defertur hæreditas jure naturali, mihi defertur jure civili; ut uterque nostrum tutus sit in conscientia, eligatur Theologus, qui rem serio examinet, & utrique partem hæreditatis, juxta jus cuilibet conveniens, dividat. Quod dixi de testamento, de aliis contractibus dictum puta.

CAPUT III.

Quam obligationem in foro conscientie contractus inducant.

Vidimus hætenus quæ requirantur & sufficiant, ut contractus sint in utroque jure, scilicet naturali & civili, validi: videndum modo quam obligationem inducant.

ARTICULUS I.

De obligatione inducitur per Contractus.

Prop. unica. Contractus ultro citroque acceptatus, & ex integro completus, vim habet legis, quam sibi impositis imponunt contrahentes, eosque obligat in conscientia.

Prob. 1. Scriptura. Divus Paulus scribens

Cc 3 ad

ad Coloffenses, & loquens de mutua conventionione, quæ intervenit inter servos & dominos, & proinde de quocumque alio contractu, sic habet: *Qui enim injuriam facit, non stando scilicet iustis conventionibus, recipiet id quod inique gesserit: non est personarum acceptio apud Deum.* Ad Colof. 3. v. 25. Ergo cum illi, qui non stant conventionibus, inique agant, & puniendi sint; consequens est, quod contractus obligent in conscientia.

2. Ex Jure Canonico. Can. *Furamenti*, ubi sic habetur: *Dominus inter juramentum & loquelam nostram, quæ scilicet contrahendo nos obligamus, nullam vult esse distantiam; quia sicut in juramento nullam convenit esse perfidiam; ita quoque in verbis nostris promissoriis nullum debet esse mendacium; quia utrumque & perjurium, & mendacium divini iudicii pœna damnatur.* Quem locum Glossa in caput *Antigonus* citans, sic concludit: *Igitur nuda pactio obligationem non parit, sed parit exceptionem; quia mortaliter peccat sedendo a pacto.* Ergo contractus obligant in conscientia.

3. Ex jure civili. L. 23. ff. *De regulis juris*. *Hoc servabitur*, inquit, *quod initio convenit legem enim contractus dedit*: Ergo contractus obligat in conscientia.

4. *Rat.* Contractus est ultro citroque obligatio, tam secundum jus naturale, quam secundum jus positivum civile, & Canonicum: Ergo obligat in conscientia; quia triplex illud jus obligat in conscientia.

Conseclaria bujus Doctrinæ.

Consecl. 1. Contractus ita ligant contrahentes in conscientia, ut nullatenus possint, nisi ex reciproco consensu, a conventionibus suis resilire. *Sanximus*, inquit *jus, nemini licere adversus sua pacta venire.* L. 29. C. *De Pactis*.

Consecl. 2. Qui pacta non servat, primo obligatur ad culpam, secundo ad pœnam, scilicet ad reparationem damni; sicuti qui violat legem, & culpam committit, & pœnam incurrit: de quo ita jus civile: *Quoniam contractus fidem fregit, quanti tua interest præstare cogetur.* L. 6. C. de hæreditate vel actione vendita.

Sic qui contra pactum rem non reddidit vel eo loco, vel eo tempore, quibus daturus erat, debet solvere juxta pretium, quo valuisset res tali loco, vel tali tempore. Sic mers aliqua, quæ certo die dari debuit, tanti æstimanda est, quanti fuisset æstimata eo die quo dari debuit, & eo in loco quo dari debuit. Sic si venditor completo contractu nolit rem venditam tradere, si pereat apud ipsum, peribit non emptori, sed debitori, & in pœna

fidei violatæ venditoris periculum erit. *Cum venditor*, inquit *jus civile, moram adhibuerit.... æquum est moram venditori nocere.* L. 17. *De periculo & commodo rei venditæ.*

Consecl. 3. Contrahentes possunt sibi quaslibet conditiones, modo non sint legibus contrariæ, apponere; quia sicuti lex arbitraria ligat juxta arbitrium Legislatoris, modo non repugnet bono communitati & conventiones ligant juxta arbitrium contrahentium. *Contractus legem ex conventionem accipiunt.* Ut dicitur L. 1. ff. 6. *Depositi, vel contra.*

Sic contrahentes possunt vel absolute, vel conditionate, vel pœnaliter se obligare; quia ad quod libuerit, sunt liberi. Contrahunt absolute, cum nullam apponunt conditionem, v. g. vendo tibi fundum meum. Contrahunt conditionate, cum aliquam apponunt conditionem: v. g. vendo tibi fundum meum, si avunculus consentiat. Contrahunt pœnaliter, cum sibi mutuo insignunt multam aliquam, si pactis non steterint: v. g. vendo tibi fundum meum, & si pactis non stetero, solvam centum libras. Contractus absoluti obligant absolute, conditionati juxta modum conditionis, pœnales juxta pœnam præscriptam, sicuti diximus de legibus.

Consecl. 4. Contractus ligant contrahentes juxta rationalem intentionem contrahentium, sicuti lex ligat juxta intentionem rationalem Legislatoris, juxta illud juris: *In conventionibus contrahentium voluntatem potius, quam verba spectari placuit.* L. 229. ff. *de verborum significatione.*

Sic pacta injusta, vel quia personæ contrahentes sint inhabiles, vel quia non sunt libera, vel quia ad aliquid iniquum & impossibile se obligarunt, non sunt observanda; intentioni enim obligandi in illis circumstantiis non est rationalis.

Sic contrahentes, quantumvis liberi, non possunt apponere contractibus conditiones inhonestas, impossibiles, vel contractui ineundo substantialiter contrarias; quia talis intentio esset irrationalis; juxta illud juris: *Non solum stipulationes impossibili conditione applicatæ nullius momenti sunt; sed etiam ceteri quoque contractus.* L. 31. ff. *de obligationibus & actionibus.*

Sic contrahentes possunt mutare contractuum conditiones, quæ per leges appositæ sunt, modo lex contrarium non prohibeat, & modo illæ conditiones sint in favorem contrahentium; ad hoc enim sunt liberi: *Omnes enim licentiam habent his, quæ pro se introducere sunt, renunciare.* L. 29. C. *De Pactis.*

Sic lex emptionis & venditionis est, quod venditor teneatur ad evictionem rei venditæ, id est, tenetur emptorem liberare ab omni lite, quæ circa rei venditæ possessionem moveri possit: tamen emptor potest illum eximere a tali onere vendendo viliori pretio.

Tali lex mutui est, ut mutuarius monitus teneatur ad reparandum lucrum cessans, & damnum emergens: mutuator poterit mutuatarium a tali conditione eximere, & damnum, quod patitur ex mutuo, mutuatario condonare.

Dixi, modo conditiones sint in favorem contrahentium, & legi non contrariæ; si enim legi adversentur, tunc injusta est conventio.

Consect. 5. Cum in contractibus intentio contrahentium non est aperta, interrogandi sunt contrahentes; si fieri non possit, inspicendus est mos regionis in similibus contractibus, & juxta confessionem contrahentium & morem regionis, de obligatione contractus est judicandum: sicuti, dum latet intentio legis, eam vel ex responso Legislatoris, vel ex legitima consuetudine educimus; etenim, ut dicit lex, *quod factum est, cum in obscuro sit, ex affectione cujusque capit interpretationem.* L. 168. ff. de regulis juris. *Si non appareat quod actum est, erit consequens, ut id sequamur, quod in regione, in qua actum est, frequentatur.* L. 3. ff. de regulis juris.

Consect. 6. Si verba contractus sint manifeste contraria intentioni contrahentium, eorum intentio, spreto verbis, servanda est, sicut non verba legis, sed intentionem Legislatoris servamus; quia, ut dictum est, *in conventionibus contrahentium voluntatem potius quam verba spectari placuit.* L. 219. ff. de verborum significatione.

Consect. 7. Si verba contractus expriment aliquam rem mobilem, vel immobilem tradendam esse, & non expresse determinent gradum perfectionis rei quæ tradenda est, non rem supremam, non infimam, sed mediam illius generis dari oportet; quia sicuti intentio legislatoris id quod communiter geritur inspicit; ita & intentio contrahentium, juxta illud: *In obscuris inspicit solet quod verosimilius est, aut quod plerumque fieri solet.* L. 114. ff. de regulis juris.

Sic septem jugera agri promissisti Titio in tali loco, non sufficit dare fundum deteriorem, nec teneris dare opimiorem, satisfacis dando fundum medii pretii.

Sic vinum, oleum, frumentum promissisti, nec melius dari oportet, nec deterius dari sufficit, sed medium & vulgare dare convenit.

Sic artificem promissisti, non hominem con-

summatæ scientiæ teneris dare, nec indoctum, sed sufficite a te offerri vulgaris eruditionis.

Sic emis pannum communi pretio, nec a te supremum pretium exigi potest, nec a te dari infimum, sed medium conventionibus & datur & recipitur.

Sic mutuo das frumentum, vinum, &c. non licebit debitori tuo deteriorem rem, quæ ex eodem genere sit, reddere tibi, veluti vinum novum pro vetere, nec tibi licet rem longe meliorem exigere, sed simili re contentus sis oportet.

Consect. 8. Si verba contrahentium, secluso omni dolo, sint ambigua, juxta circumstantias loci, temporis & personarum, decet ea interpretari; quia sicut intentionem legis ex variis circumstantiis interpretamur, ita & intentionem contrahentium. *In ambiguis orationibus, maxime sententia expectanda est ejus, qui eas protulisset.* L. 96. ff. de regulis juris.

Sic conventio certi negotii non se extendit ad negotia alterius generis: v. g. societas inter duos mercatores circa vinum, non extendenda est ad lucrum, quod alter mercatorum faciet circa frumentum.

Sic ultima variarum expensarum computatio ad negotia ejus generis, de quibus agitur, & non ad alia negotia alterius generis extenditur.

Consect. 9. Si verba contractus ex mala fide alterius contrahentium sint ambigua, rigide, contra dolose agentem, sunt interpretanda; quia nemini sua fraus debet patrocinari.

Sic in contractibus venditionis & locationis, si ambigua oratione rei venalis vitia abscondantur, v. g. servitutes fundi, morbi pecoris, fraus debet nocere venditori; juxta illud juris: *Veteribus placuit passionem obscuram, vel ambiguum venditori & ei qui locavit nocere, in quorum fuit potestate legem apertius conscribere.* L. 39. ff. de pactis.

Consect. 6. Si in contractibus solutionis, debiti, & traditionis rei exprimat locus & tempus, standum erit pactis; si non exprimat, standum erit consuetudini: quia sicuti legem expressam sequimur, dubiam per consuetudinem interpretamur; ita pacta expressa sequimur, dubia per consuetudinem regionis interpretamur.

Sic debita solvenda sunt die & loco condito: depositum, legatum die & loco condito restituenda sunt; ita tamen ut dilatio currat usque ad ultimum tempus, v. g. usque ad ultimum diem mensis designati.

Si nec locus, nec tempus exprimantur, debitum statim reddendum est eo in loco ubi initus est contractus; juxta illud: *In omnibus*

obligationibus, in quibus dies non ponitur, præfenti debetur. L. 14. ff. de regulis juris.

ARTICULUS II.

De extensione obligationis inducæ per Contractum.

P*rop. unica.* Contrahentes nedum obligant se ad id quod expresse est conventum, sed etiam ad id quod necessario connexum est cum conventionem.

Prob. Sicut in lege, quando duo necessario connectuntur, si lex præcipiat unum, præcipit & aliud; alias minus recta esset intentio legislatoris: ita in conventionibus, quando duo necessario connectuntur, qui se obligat ad unum, se obligat pariter ad aliud, nisi expresse contrarium exprimitur; quia alias intentio contrahentium esset irrationalis. Sic qui inquit contractus emptionis, venditionis, mutui, &c. tenetur subire ea omnia quæ necessario tales contractus comitantur. *Si nihil convenit, tunc ea præstabuntur, inquit lex, quæ naturaliter insunt huius iudicii potestate. L. 11. ff. §. 1. de actionibus empti & venditi.*

Conseſſaria huius Doctrinæ.

Conseſſ. 1. Quando leges præscribunt aliquas conditiones in certis contractibus apponi, qui contrahunt debent illis conditionibus acquiescere, nisi tales conditiones essent in favorem contrahentium, & lex permetteret ut contrahentes iisdem conditionibus derogare possent; quia hæ conditiones sunt accessoriæ contractibus vigore legis connexæ; juxta illud: *En quæ sunt moris & consuetudinis, in bonæ fidei iudicii debent venire. L. 31. ff. de adilitio edito. §. 20.* Et sicut accessoria legum observamus, ita & contractuum.

Sic qui inquit matrimonium, debet inire juxta leges, v.g. non ad tempus, sed ad mortem usque alterius partis: item tenetur impedimenta & dirimentia, & impedientia devitare; nam si contrahat cum aliquo impedimento dirimente, invalide contrahit; si vero contrahat cum aliquo impedimento mere impediente, illicite contrahit, ut dicemus ubi de matrimonio.

Conseſſ. 2. Quando contractus est mutuus, si una pars obligatur, altera pariter obligabitur; quia sicuti leges æqualiter obligant sibi subditos, ita contractus mutuus vim habens legis, est ultro citroque obligatorius.

Sic in venditione, si venditor tradat rem venditam, emptor debet dare pretium rei venditæ.

Sic in permutatione, si unus det rem tantam, aliter pariter debet rem æqualis pretii dare.

Sic in locatione & conductione, locator debet dare rem locandam, conducentis vero debet dare pretium juxta usum rei, quam conducit.

ARTICULUS III.

De rescissione Contractuum.

P*rop. unica.* Toties rescindi potest contractus, etiam si validus, quoties, si diutius perseveraret, non servaretur rationalis intentio contrahentium.

Prob. rar. Contractus eo fine inquit, immo cum aliqua solemnitate publicus redditur, ut firmitus observetur rationalis intentio contrahentium: ergo tunc potest rescindi, cum contractus magis officeret quam promoveret intentioni contrahentium: & sicut tunc cessat lex, quando officit intentioni legislatoris; ita tunc cessare debet contractus, cum officiat intentioni contrahentium.

Conseſſaria huius Doctrinæ.

Conseſſ. 2. Contractus rescindi potest contraria conventionem: sicut enim lex contraria lege irritatur, ita & contractus. *Nudi consensus obligatio dissolvitur contrario consensu. L. 35. de regulis juris;* quippe pacta novissima servari oportere, tam juris, quam ipsius rei æquitas postulat. *L. 12. C. de pactis.*

Conseſſ. 2. Contractus rescinditur intervenitu circumstantiæ resolventis contractum ex conventionem partium; quia talem sibi legera contrahentes statuerunt. Sic si aliquid statuerint contrahentes sub certa conditione, posita conditione observandum erit, minime vero non posita conditione, juxta illud: *Si quid venerit, ut nisi placuerit, intra præfinitum tempus redhibeatur, ea conventio rata habetur. L. 31 §. 22. ff. de adilitio edito.*

Sic, si vendideris fundum, sub pacto quod poteris redimere illum, penes te est illum fundum, dato pacto, exigere ab emptore; juxta illud: *Si fundum parentes tui ea lege vendiderunt, ut sive ipsi, sive heredes eorum emptori pretium quandocumque, vel intra certa tempora obessissent, restitueretur, sequæ parato satisfacere conditioni dictæ, hæres emptoris non pareret, ut contractus fides servetur actio præscriptis verbis, vel ex venditio tibi dabitur. L. 2. C. de pactis inter emptorem & venditorem, compositis.*

Conseſſ. 3. Contractus rescinditur interpositione circumstantiæ impediens contractum: v.g. si alter contrahentium probeat vel

ignorantiam, vel dolum, vel vim, vel metum intervenisse dum contraheretur; quia hæ circumstantiæ impediunt contractum, ut dictum est.

Consect. 4. Contractus rescinditur ex interpositione nocumenti, etiam citra dolum contrahentium; quia tunc intentio rationalis contrahentium non servaretur. *Si nullus dolum intercessit stipulantis, sed ipsa res in se dolum habet*, tunc rescindi contractum convenit. L. 36. ff. de verborum obligationibus.

Sic cum hæreditas inter æquales hæredes inæqualiter bona fide dividitur, dum patet nocumentum, potest rescindi: *sine iudicio factis divisionibus solet subveniri*. L. 3. C. communia utriusque iudicii.

Cum res venalis vitiosa bona fide venditur ut non vitiosa, dum patet vitium, debet venditio rescindi.

Sic qui emit bona fide rem furtivam, & durante bona fide eamdem rem vendit alteri, ut advertit rem a se venditam esse furtivam, debet rescindere venditionem, pretium acceptum reddere emptori, & rem ipsam furto ablata reddere vero domino, & a fure si compareat exigere pretium; si vero non compareat, pretium peribit primo emptori. Ita Sylvius. Debet rescindere venditionem; quia vendidit rem alienam non suam: docet autem jus Canonicum, quod id, quod nostrum est, sine pacto nostro ad alium transferri non potest. Leg. 11. de regulis juris. in 6. Debet pretium acceptum reddere emptori; quia non habet titulum quo illud retineat. Debet rem domino reddere, quia res domino clamat. Potest tamen a fure datum pretium exigere; quia fur non habet titulum, quod retineat.

Consect. 5. Rescinditur contractus eventu casus improvisi impediens intentionem contrahentium; quia tunc observatur eorum intentio.

Sic contractus locationis domus rescindi debet, si vicino ædificante obscurentur lumina cœnaculi; si ostia fenestrasve nimium corruptas locator non restituat. L. 25. ff. locati & conducti. §. 2.

Sic contractus venditionis rescinditur, si aliquis ex stirpe venditoris fundum eodem pretio emere voluerit ac emptor extraneus: ita edicta Regis Galliarum, ubi hæc consuetudo viget. De iure retroactus dicitur ubi de venditione & emptione.

Consect. 6. Rescinditur contractus ex conventionum violatione facta per alterum contrahentium; quia alias intentio rationalis contrahentium non observaretur.

Sic venditio rescinditur, si res vendita non

tradatur, in id, quod interest, agitur. L. 1. ff. de actionibus emptioris & venditionis, id est, dampnum illatum compensatur.

Monit. circa formam in resciscendis contractibus servandam. Contractus possunt rescindi autoritate privata, si omnes contrahentes consentiant; quia sicuti sibi propria sponte hanc legem statuerunt, ita & possunt ab hac lege se eximere, & sibi hanc obligationem condonare.

Si alter contrahentium non acquiescat rescissioni, pars læsa iudicem debet interpellare, & rescissionem contractus postulare, sed non autoritate propria contractum rescindere: ita jubet jus. *Illud omne, inquit, ad iudicis cognitionem remittendum est*. L. 135. ff. §. 2. de verborum obligationibus.

C A P U T I V.

De obligatione per promissionem inducitur.

Promissio permiscetur in omnibus contractibus; ideo quæ sit ejus vis, quæ natura, hic explicabimus, antequam agamus de contractibus in particulari.

A R T I C U L U S I.

Quam obligationem inducat promissio.

NOta. Promissio generatim est spontanea & deliberata fidei obligatio facta alteri de re quapiam bona, licita, & possibili. Qui promittit, vocatur promissor: hic, cui promittitur, vocatur promissarius.

Promissio alia est interna solum, alia externa solum: alia interna & externa simul.

Promissio interna solum est actus interior voluntatis, soli Deo & promittenti cognitus, quo quis vult se alteri obligare: talis est promissio facta Deo ingrediendi Religionem: talis est promissio interna, qua aliquid destinatur Ecclesiæ vel pauperibus; nam promissio interna Deo soli potest fieri, qui scrutatur corda; minime vero homini, qui cogitatus alterius non cognoscit, nisi per signa exteriora: unde dicit D. Th. 2. 2. q. 88. a. 1. *Promissio, quæ fit ab homine, homini non potest fieri, nisi per verba, vel signa quæcumque exteriora.*

Promissio externa solum est actus exterior, quo quis simulat se obligare alteri absque animo interiori obligandi se: talis est promissio exterior illius, qui volens decipere Virginem, promittit ei matrimonium; interius tamen secum determinat non inire cum illa matrimonium.

Pro-

Promissio interna simul & externa est actus interior, quo quis se obligat alteri, manifestans promissum signo aliquo exteriori, v. g. nutu, verbis, instrumentis: tales sunt promissiones, quibus vulgo se obligant homines.

Prop. 1. Promissio data, & acceptata, vera & non simulata, facta spontanea & deliberate cum animo obligandi se ligat promittentem in conscientia.

Prob. 1. Scriptura. *Nubes & ventus & pluvia non sequentes, vir gloriosus & promissa non complens.* Prov. 25. v. 14. idest, vir non itans promissum est sterilis, sicut ventus & nubes sine pluvia. Qua reprehensione indicatur, peccare eum, qui promissis non stat.

2. Ex Aug. *Fides, quæ etiam hostibus promittitur, servanda est.*

3. Ex D. Th. *Si quis non facit quod promittit, tunc videtur infideliter agere per hoc quod animum mutat.* 2. 2. q. 110. a. 3. ad 5.

4. Ex jure Canonico. *Studiose agendum est, ut ea quæ promittuntur, opere compleantur.* De pact. cap. *Qualiter.*

5. Rat. Stare promissis pertinet vel ad iustitiam, vel ad veracitatem: Ergo ad aliquam virtutem: Ergo peccat qui illam virtutem violat: Ergo promissio obligat in conscientia. Dixi, promissio data a promittente, & acceptata a promissario, vel ab alio, qui ejus vices subeat: etenim L. r. ff. de pact. nullum esse contractum, nullam obligationem, quæ non habeat in se conventionem, idest, mutuum consensum: deinde ad valorem promissionis requiritur, non solum, ut res promissa sit grata promissario; sed etiam quod gratum sit rem talem ei promitti a tali, quod certe penitus ignoratur quamdiu promissarius non acceptavit promissum.

Prop. 2. Promissio simplex, data & acceptata, etsi non juramento firmata, modo serio facta sit, & acceptata, obligare videtur sub reatu peccati mortalis. Peccatum autem illud potest fieri veniale vel ob indeliberationem ex parte agentis, vel ob parvitatem materię ex parte objecti, juxta principia jam statuta.

Prob. 1. Ex jure Can. cap. *Antigonus*, de pact. ubi sic habetur: *Antigonus Episcopus dixit, aut inita pacta suam obtineant firmitatem, aut conventus (si se non cohibuerit) ecclesiasticam sentiat disciplinam; dixerunt universi, pax servetur, pacta custodiantur:* Ergo cum violatio nudi pacti subiciatur ecclesiasticę disciplinæ, debet esse grave peccatum: & glossa ibidem addit, quod nuda pacta obligant sub mortali peccato.

2. Rat. Prima ratio. Peccatum, quod ali-

qua ratione in materia gravi opponitur vel iustitiæ, vel fidelitati, ex suo genere est peccatum mortale; quia hujusmodi virtutibus tota nititur societas humana: atqui non stare promissis opponitur vel iustitiæ, vel fidelitati; quia fides in promissis non solum ad æquitatem pertinet, sed est totius æquitatis fundamentum: ergo promissio simplex, etiam si non sit juramento firmata, obligat sub mortali.

Secunda ratio. Promissio facta Deo obligat sub mortali; non quia est actus Religionis, sed quia est officium iustitiæ: Ergo & promissio, quæ fit homini; quia quantum ad hoc munus iustitiæ, sunt ejusdem generis promissio facta Deo, & promissio facta homini. Ita Soto.

Tertia ratio. Apud omnes gentes violator fidei tamquam scelestus habetur: Ergo consensus ille publicus omnium gentium denotat delictum grave incurri in violatione fidei, & proinde in infringendo promissa.

Consecraria hujus Doctrinæ.

Consect. 1. Peccat peccato infidelitatis, juxta omnes, quicumque exterius promittens, non habet interiore animo promittendi; quia fallit promissarium, dum aliud verbis exprimit, & aliud mente gerit: non tamen ligatur promissio, quia nullum est promissum, sine animo interiori promittendi: ratione tamen scandali, si quod sit, vel damni promissario illati ex hac promissione, tenetur fidei etiam stare promissis, cum jus naturale præcipiat, ne proximo detur occasio scandali, damnumve aliquod inferatur: Hujus fidelitatis servandæ exemplum habemus in Josue, inquit Ambr. licet enim deceptus esset a Gabonitis; tamen pacem, quam dederat, revocandam non censuit; quia firmata erat Sacramenti Religione; ne, dum alienam perfidiam redargueret, suam fidem solveret. Can. *Innocent. 22. q. 4.* Et quamvis juramentum fuerit præcipuum motivum standi promissis, tamen coram Deo ex vi solius promissionis obligatus fuisset; quia coram Deo & nudum promissum, & promissum firmatum juramento non multum distat.

Consect. 2. Peccat peccato infidelitatis simul & perjurii quicumque non habens interiore animo exequendi quod promittit, firmat juramento fictam promissionem: peccat r. peccato infidelitatis; quia fallit promissarium. 2. peccato perjurii; quia jurat contra veritatem, & tenetur servare promissa, non vi promissi, quia nullum est, sed vi-

juramenti, quod emisit: si non flet promissis juramento firmatis, peccatum erit mortale, quia perjurium est semper peccatum mortale, etiam in materia levi, ut diximus ubi de perjurio.

Consect. 3. Peccat peccato infidelitatis, immo & injustitiæ, juxta aliquos, quicumque habens animum promittendi, non exequitur promissionem datam & acceptatam; qui fallit promissarium in re debita, ratione promissi: quod peccatum erit mortale, si nocumentum illatum proximo sit insigne; veniale vero, si damnum sit exiguum: injustitia enim & infidelitas in materia levi sunt peccatum veniale, in materia vero gravi sunt peccatum mortale.

Consect. 4. Peccant singuli contrahentes, ut dictum est, qui non exequuntur quæ contrahendo promiserunt, nisi forte promississent ea, quæ leges vetant; alioquin nulla esset fides, nulla securitas. Dixi, nisi promississent ea, quæ leges vetant: etenim contrahentes sunt membra Reipublicæ, & proinde in contractibus ad nihil possunt se obligare, quod sit legis contrarium, nullumque possunt sibi onus imponere, nisi juxta beneplacitum Reipublicæ.

Sic sistendo intra jus naturæ, & in foro conscientiæ, contrahentes debent a Confessariis adduci ad exequendum ea, quæ promissa sunt, modo non sint contra leges: nec excusari possunt coram Deo, ex eo quod contractus illi non habeant in foro exteriori omnes juris solemnitates; quia, etsi non obligantur vi contractus civilis, obligantur vi promissionis naturalis; modo in promissione nec dolus, nec fraus intervenierit. Sic deflorator, qui corruptit virginem, promittendo ei matrimonium, tenetur eam ducere in uxorem, si valide id fieri possit; quia promissio ligat promittentem: sed si dolus intervenierit, v.g. si ipsa se virginem dixerit, eam revera non esset virgo, non tenetur eam ducere in uxorem; quia ipsa potius decepit, quam decepta sit. Si pariter virgo sit longe inferioris conditionis, non tenetur eam ducere, tunc enim decipi voluit; si tamen, stante illa conditionis disparitate, deflorator sincere promiserit, vel virgo bona fide matrimonium speraverit, tenetur deflorator eam ducere in uxorem, nisi ipsa Virgo prudenter credere potuerit fraudulentam esse hujusmodi promissionem.

ARTICULUS II.

Quibus in casibus promissio non liget.

P. Rop. unica. Promissio non ligat coram Deo, quoties facta est contra legem naturalem, immo contra legem positivam, quæ directe respicit bonum commune; ligat vero si sit contra legem positivam, quæ respiciat bonum privatum ipsius promittentis, nisi esset periculum, vel damnum alicujus tertii.

Prob. 1. Ex jure Can. In malis promissis rescindit fidem. Can. in malis 22. q. 4. Mala autem promissa sunt quæ sunt contra leges; Ergo.

2. Ex jure Civ. *Societas flagitiosa rei nullas habet vires.* ff. leg. 35. de contrahenda emptione: Ergo promissa contra legem non ligant.

2. *Rat.* Homo est quidem dominus rerum suarum, sed cum subjectione ad Rempublicam: proinde nihil potest promittere, nisi juxta leges in Republica vigentes.

Dixi, si quid promittat contra leges respicientes directe bonum commune, promissio erit nulla; quia promittens non potest privata autoritate evertere bonum commune.

Sic Clericus promittens se renuntiatum privilegii Clericorum, non tenetur stare huic promisso; quia nequit renuntiare huic privilegio communi. Sic promittens se venditum frumentum hostibus Reipublicæ, non tenetur vendere.

Bene tamen si lex positiva respiciat bonum privatum promittentis; potest enim renuntiare quilibet suo juri privato.

Sic uxor, quæ promittit se fore dote sua contentam, nec paterna bona petituram, tenetur stare promissis, modo non faciat præjudicium filiis suis, licet leges civiles ejus promissum rescindant. Idem dicendum de alienatione fundi dotalis, de donatione inter virum & uxorem, inter filium & patrem, de contractu minoris absque curatore: idem de promissione solvendi pecuniam creditam ludo.

Consectaria hujus Doctrinae.

Consect. 1. Promissio de re vetita vel jure naturali, vel jure positivo, est nulla, & observari non debet. *In malis promissis fidem observari non expedit.* De reg. jur. in 6. reg. 69. Et D. Th. 2.2. q. 110. a. 3. ad 5. *Si promissit id quod manifeste est illicitum, promittendo peccavit, mutando autem propositum, bene facit.* Ideo si promiseris falsum testimonium, injustam ve-

xationem, ad nihil teneris. *Quod turpi ex causa promissum est, veluti si quis homicidium vel sacrilegium se facturum promittat, non valet.* Inst. lib. 3. de inut. stip. ff. 23.

Consect. 4. Promissio facta de re impossibili est nulla; quia ad impossibile nemo tenetur. *Impossibile nulla est obligatio.* ff. de reg. iur. 185.

Sic, si promiseris aliquid absolute impossibile, v.g. te volaturum, te numquam manducaturum, vel aliquid hypotheticum impossibile, v.g. te daturum elemosynas, quas dare poteris, dum esses dives, quas modo largiri non potes, factus pauper; non ligaris promisso.

Consect. 3. Promissio, quæ per rerum naturam impleri non potest, veluti si promissa sit res, quæ non existit, nec existere potest, ut hypocentaurus, aut res quæ desinit existere, ut iumentum mortuum, aut id quod non est in hominum commercio, est nulla, ut habetur lib. 3. Inst. de inut. stip. in prin.

Consect. 4. Promissio facta non sponte, sed coacte, non ligat; etenim qui per vim vel fraudem extorsit promissionem, faciendo alteri injuriam, excidit a iure exigendi, immo & recipiendi quod ei promissum est a promissore, cui vim intulit: & proinde promissarius tenetur promittentem restituere in statum pristinum, & iste habet jus requirendi absolutionem a promisso: deinde promissio, juxta leges, debet esse libera. *Quæ vi metusve causa sunt, carere debent robore firmitatis.* Cap. ad audientiam, de his quæ vi metusve causa, &c. Et D. Th. 2. 2. q. 89. a. 7. ad 3. *Obligatio, qua quis obligatur homini, cui aliquid promittitur, tollitur per coactionem; quia ille, qui vim intulit, hoc meretur, ut ei promissum non servetur....* Sed si promissionem coactam juramento firmaverit, ne sit perjurus debet petere dispensationem juramenti, eique debet concedi juramenti dispensatio: etenim qui ad juramentum iniuste coegit, non debet ex juramento emolumentum percipere, ut docet idem Doctor ibidem.

Consect. 5. Promissio facta sine prævisione circumstantiarum, quæ si fuissent prævisæ, facta non fuisset, non ligat in illis circumstantiis non prævisis; quia tunc non censetur libera: de quo ita D. Th. 2. 2. q. 110. a. 3. ad 5. *Ad hoc quod homo teneatur facere quod ipse promissit, requiritur quod omnia immutata permaneant: alioquin nec fuit mendax in promittendo; quia promissit quod habebat in mente, subintellectis debitis conditionibus: nec etiam est infidelis, non implendo quod promissit; quia eadem conditiones non extant: ut si quis, inquit Sylvius,*

promiserit alicui enssem, & ille postea fiat infans: se ducere talem, & hæc postea fornicetur: se mittere triticum, & Regis prohibitio superveniat; non tenetur solvere promissum.

Consect. 6. Promissio facta a persona inhabili ad promittendum id, quod promittitur, est nulla; quia in promissis non est major defectus, quam defectus capacitatis in promittente.

Sic promissio facta a persona jure naturali incapaci, v.g. ab amente, a furioso, ab infante, est nulla; quia ex jure naturali sunt incapaces obligandi se. Lib. 3. tit. 20. Inst. de inut. stip. §. 1. 8. & 9.

Sic promissio dandi pecunias, facta ab eo, qui vovit paupertatem; promissio famulandi facta ab eo, qui vovit obedientiam; promissio facta sponſalium ab eo, qui vovit castitatem, est nulla: promittens tamen dolose, si damnum pariat promissario, tenetur reparare: unde Sapientis ait: *Non spondeas super virtutem tuam; quod si sponderis, quasi restituens cogita.* Eccli. 8. v. 16.

Sic, juxta Sylvium, qui post emissum simplex votum castitatis aut Religionis, corrumpit Virginem sub spe matrimonii, non obligatur ad matrimonium, sed debet votum suum implere; quia obligatio voti simplicis major est quam promissio homini facta, etiam juramento firmata: unde votum simplex dirimit sponſalia; potest enim damnum reparare dotando illam Virginem, aut in decenti alio statu collocando.

CAPUT V.

De Contractibus in particulari, & primo de Contractibus, quibus transfertur rerum dominium.

ARTICULUS I.

De emptione & venditione.

NOTA 1. Permutatio præcessit emptionem & venditionem; quippe ante monetarum inventionem, omnes contractus fiebant permutationibus; juxta illud juris: *Origo emendi vendendique a permutationibus cepit.* L. 1. ff. de contrahenda emptione. Unusquisque secundum necessitatem temporum, ac rerum, utilibus inutilia permutabat. ibid. Sed inventa moneta frequentior esse cepit emptio & venditio; & ideo ante permutationem agemus de emptione & venditione.

Nota 2. Venditio est contractus, quo traditur

ditur res venalis pro iusto pretio, seu, ut alii dicunt, alienatio rei pro iusto pretio.

Emptio est contractus, quo acquiritur res venalis per iustum pretium, vel, ut alii dicunt, comparatio rei pro iusto pretio: *Si pecuniam dem ut rem accipiam, emptio & venditio est.* L. §. 1. ff. de præscriptis verbis.

Res venalis est res quælibet pretio æstimabilis in commercio hominum posita, sive sit immobilis, ut fundus; sive mobilis, ut supellex; sive corporalis, ut fundus, & supellex; sive incorporalis, ut jus in re, & ad rem.

Pretium est certa pecuniæ quantitas, secundum ejus valorem considerata; quippe pretium in numerata pecunia consistere debet. Inst. lib. 3. tit. 24. §. 2. de emptione & venditione.

Pretium aliud est legitimum, aliud naturale.

Pretium legitimum est illud, quod a Republica præscribitur. Pretium hoc consistit in indivisibili, nec augeri potest, nec minui.

Pretium naturale est illud, quod pendet ex vulgari hominum æstimatione. Hoc pretium consistit in aliquo divisibili, & augeri & minui potest.

Illud pretium habet tres gradus, infimum, medium, & supremum: emptor non potest descendere infra infimum: venditor non debet ascendere ultra supremum; pie uterque agat, si sistat in medio.

Sic, si modius frumenti veneat viginti ad summum assibus, & ad minus quindécim assibus; vigesimus erit supremum pretium, & decimus quintus erit infimum pretium, at decimus septimus erit medium pretium.

S. I.

De his qui possunt vendere & emere.

Prop. unica. Vendentes proprio nomine debent actu habere dominium, vel possessionem rei quæ venditur, & debent posse acquirere dominium, vel possessionem pretii quod rependitur; venditio enim non semper transfert dominium rei, seu aliquando solum possessionem: ut patet in fure rem furtivam vendente.

Ementes proprio nomine debent actu habere dominium pretii quod rependitur, & debent posse acquirere dominium vel possessionem rei quæ venditur: nec illis venditio, nec illis emptio debet esse per leges prohibita.

Ementes & vendentes alieno nomine, id est iussu alterius, uti procuratores, debent solum habere mandatum sibi a vero domino commissum.

Prob. rat. Cum nemo transferre in alium valeat nisi jus quod habet, cum nemo pariter acquirere possit dominium, vel possessionem cuius est incapax; si emptio & venditio fierent aliter quam exposuimus, emptor non posset acquirere dominium, vel possessionem rei quam emit; nec venditor dominium vel possessionem pretii quod accipit: & ita emptio & venditio suo fine frustrarentur: & proinde emptio & venditio debent fieri ab his solum, qui juxta leges sunt capaces emendi & vendendi, si proprio contrahant nomine.

Consecraria hujus Doctrinæ.

De his qui possunt vendere.

Consect. 1. Vendere non possunt proprio nomine nec valide, nec licite, qui hic subjiciuntur.

1. Servi seu mancipia, sine consensu domini; quia quæcumque habent, domini sunt, & si quid vendant de suo peculio, id faciunt cum clara vel præsumpta voluntate domini.

2. Monachi, sine consensu Communitatis; quia nihil habent proprium in particulari, si quidquid possident, nomine Communitatis possident.

3. Prodigii, tales a iudice declarati, sine consensu iudicis, quia lex eis vetat venditionem.

4. Pupilli, sine consensu tutoris; quia lex contractus omnes pupilli, initos sine consensu tutoris, irritos declarat, nisi contraherent in sui commodum.

5. Minores, sine consensu curatoris bona immobilia & mobilia pretiosa; quia lex pariter illos contractus, initos sine consensu curatoris, irritos declarat; minores tamen possunt sine consensu tutoris cætera vendere, puta, fructus qui ex prædiis nascuntur, & jure ea bona vendunt, quæ per moram fierent deteriora.

6. Filii familias non possunt vendere ea quorum habent restrictum dominium, etiam cum consensu patris; quia si in tali venditione intervenisset fraus, filius deceptus non haberet actionem in patrem, sicut pupillus læsus habet actionem in tutorem; filii tamen familias possunt vendere ea, quorum habent absolutum dominium, v.g. bona castrensia; bona vero adventitia & profectitia possunt vendere venditione solum post emancipationem valitura.

Consect. 2. Licite vendere non possunt qui ex metu injusto, ex violentia injusta, ex dolo; ex ignorantia terminata ad substantiam rei, adiguntur & coguntur ad vendendum;

dum; quia nequeunt ex dictis contrahere: ergo neque vendere; ideoque qui emunt ab huiusmodi personis, tenentur contractum rescindere, & rem tali emptione acquisitam reddere.

Confess. 2. Possessores malæ fidei non possunt licite vendere rem, quam mala fide possident; qui cum non sint illius rei domini, nudam transferunt possessionem his, qui bona fide credunt acquirere proprietatem.

Sic fures, raptores, non possunt licite vendere rem furto vel rapina acquisitam.

Sic usurarius non potest vendere rem mobilem vel immobilem immediate per usuram acquisitam; quia cum fur non sit dominus rei furtivæ, nec usurarius rei usurariæ, non transfert dominium in emptorem, qui tamen bona fide credit illud acquirere.

Res vero, quas fur & usurarius acquirunt per suam industriam, occasione tamen furti & usuræ vendi possunt; quia fur & usurarius sunt illarum rerum domini, obligati tamen ad restitutionem. Sic, si fur aliquid lucratur pecuniis furto ablatis, & fundum emat, poterit fundum illum vendere, & fructus quos ex illo percipiet, modo reparet damnum furto suo illatum. Item usurarius poterit vendere possessiones, quas usuris comparavit, modo reparet damnum; quia cum res illæ non emanent immediate a furto vel usura, sunt illius a quo acquiruntur, & ita ab eo vendi possunt, modo reparetur integrum damnum. *Possessores*, inquit D. Th. *quæ de usuris sunt comparate non sunt eorum quorum sunt usuræ, sed illorum qui eas emerunt.* 2.2. q. 78. a. 3. ad 2. *Illud quod acquiritur de pecunia usuraria debetur acquirenti.* Notat tamen idem Doctor, quod res emptæ mediate ex furto & usura, debent vendi, ut fiat restitutio, si aliter fieri nequeat: & hoc secundum quantitatem usuræ acceptæ.

Confess. 4. Possessor dubiæ fidei non potest licite vendere absolute, sed solum manifestando suum dubium; quia cum non sit verus dominus, deciperet emptorem.

Confess. 5. Possessor cum onere restituendi, v. g. hæres fiduciarius, non potest rem sibi fiduciario commissam vendere; quia non est illius dominus. L. 7. C. de rebus alienis non alienandis.

De his qui non possunt emere.

Confess. 1. Tutores non possunt emere a pupillis, nec Curatores a minoribus; quia præsumitur deceptio: *Tutorrem pupilli emere non potest... idem porrigendum ad Curatores.* L. 24. ff. de contrab. & emptione.

Confess. 2. Procuratores non possunt emere res, quarum curam gerunt, si eas emant a veris dominis, qui eis talem curam commiserunt; quia alias præsumitur deceptio. ibid.

Confess. 3. Iudices & omnes, qui iuri reddendo incumbunt, non possunt eas lites, quas iudicaturi erant, emere; quia præsumitur eos uti autoritate iudicis ad deceptionem: ita Regum Galliarum edicta.

§. II.

De his quæ emi & vendi possunt.

Prop. unica. Ea solum emi, & vendi possunt, quæ juxta leges acquiri possunt; alia vero nec emi, nec vendi possunt.

Prob. 1. Ex jure civili. Omnium inquit, rerum, quas quis habere, vel possidere, vel persequi potest, venditio recte fit; quas vero natura, vel gentium jus, vel mores civitatis commercio exherunt, earum nulla venditio est. L. 35. ff. 1. ff. de contrab. & emptione.

2. *Rat.* Venditio & emptio non alio fine sunt, quam ut rerum venalium acquiratur dominium, vel saltem possessio: ergo ea solum & emi & vendi possunt, quorum dominium, vel saltem possessio acquiri potest.

Confessaria hujus Doctrinæ.

De his quæ emi & vendi possunt.

Confess. 1. Vendi & emi possunt quæ hic subiciuntur. Res mobiles, ut suppellectilia, fructus, &c. Res immobiles, ut fundus, v. g. vinea, ager, &c. Res incorporales, ut jus in re & ad rem: Debita, hæreditates, res nondum existentes, sed futuræ, v. g. fructus futuri, & partus futuri recte emuntur. L. 8. ff. de contrab. & emptione. Res in spe; ut cum emitur certus piscium captus, vel avium; quia tum spei emptio est. ibid. Principale & accessorium, res simul congestæ, & res disjunctim sumptæ; quia horum omnium dominium acquiri potest, vel possessio.

De his quæ emi & vendi nequeunt.

Confess. 2. Vendi & emi nec licite, nec valide possunt quæ hic subiciuntur. Res quæ non sunt in commercio hominum, v. g. res communes, aer, scilicet, & mare: res Universalitatis, ut viæ publicæ: res spirituales, ut Sacramenta: res spiritualibus annexæ, ut Beneficia: bona dotalia, etiam consentiente uxore: bona substituta, durante substitutione.

Consect. 3. Licite vendi non possunt res perniciosæ, & optimis moribus contrariæ, vel ex se, vel ex pravo eementium usu, quando prævidetur pravus ille abusus; non quod res venales non sint, cum suum habeant pretium, sed quia sunt perniciosæ eementibus. Contractus autem debet esse in bonum, & non in perniciem contrahentium.

Sic idola non possunt vendi paganis, Synagogæ Judæis, libri obscæni proclivibus ad impudicitiam, venena his, qui prævidentur eis abuturi vel ad homicidia caufanda, vel ad abortus procurandos: nec cibi vedendi sunt eis, qui sunt fracturi jejunium, vinum his qui eo sunt inebriandi, arma his qui præliantur in bello injusto, pigmenta utentibus ad lasciviam... fuci vero, alex, & taxilli, cartæ lutoriæ, quia his uti possunt homines ob honestum finem, vendi possunt sine peccato iis, qui probabiliter judicantur talibus rebus non abuturi. Ita Sylvius in D. Th.

S. III.

De modo secundum quem res emi & vendi possunt.

Prop. unica. Res emi vel vendi possunt absolute, vel conditionate, vel in perpetuum, vel ad certum tempus, vel conjunctim, vel divisim, modo inter contrahentes conveniat.

Prob. rat. Contractus possunt fieri juxta rationalem voluntatem contrahentium: ergo possunt fieri modo supra explicato; quia prædictæ intentiones rationales sunt, & nullis legibus contrariæ.

Consect. 1. Venditio absoluta & in perpetuum non est illicita, modo fiat justo pretio.

Sic: necessario & semper apud omnes res consistentes in solo usu, qualia sunt vinum, frumentum, oleum, venduntur absolute; quia hæc, ut potius ipso usu consumenda, non possunt vendi ad certum tempus.

Sic aliquando & prohibito contrahentium res non consistentes in solo usu, quales sunt, fundus, suppellex, jus in re, & ad rem, venduntur absolute; quia ita placet contrahentibus.

Consect. 2. Venditio conditionata, & ad certum tempus, non est illicita, modo fiat justo pretio.

Sic apud Judæos venditio fundi ruralis erat conditionata ex præscripto legis Mosaicæ, ut perennis effet in Tribu & familia quælibet possessio fundi, quem Deus dederat. *Cuncta*, inquit Deus per Moysen, *regio possessionis ve-*

stræ sub redemptionis conditione vendetur. Lev. cap. 25. v. 24.

Ut autem venditio ad certum tempus sit licita, res vendita eadem debet subire vices toto illo tempore, quo vendita manet, quas subit proportionaliter res absolute vendita; quia hoc facit venditio conditionalis pro certo tempore, quod in perpetuum facit venditio absoluta: & ita sicut res vendita absolute, fructificat, & perit perpetuo emptori, ita res vendita conditionate, debet pro illo tempore perire, & fructificare emptori.

Consect. 3. Res acervatim congestæ possunt vendi vel in universum, vel in singula.

Sic cum totum vinum, totum frumentum, grex integer venditur, venditio in universum vocatur.

Sic cum certæ mensuræ vini, frumenti venduntur, certæ capita gregis, venditio in singula dicitur.... Emptio facta in universum completur post conventum pretium.... Emptio facta in singula non completur, nisi cum vendita annumerata, appensa & ad mensa sunt: ut dicitur L. 35. ff. §. 5. de contrahenda emptione.

Consect. 4. Principale & accessorium possunt vendi, sed diversimode: venditio principali accessorium censetur vendi, sed venditio accessorio non censetur vendi principale, quia accessorium sequitur naturam principalis, minime vero principale naturam accessorii.

Sic cum immobilia venduntur, simul etiam cum eis venduntur quæ eis sunt annexa, nisi expresse ex venditione distrahantur: v.g. venditio fundi, fructus pendentes censentur venditi; juxta illud: *Fructus pendentes pars fundi venditur.* L. 44. ff. de rei venditione.

Venditio ædificio, res inservientes ædificio venditæ censentur, nisi expresse distrahantur, v.g. claves, portæ, fenestræ, ut docet jus civile. *Lab eo generaliter scribit, ea, quæ perpetui usus causa in ædificiis sunt, ædificiis esse:* ut dicitur L. 17. §. 7. ff. de actionibus emptionis & venditionis.

Sic cum mobilia venduntur, venduntur omnia, quæ eis erant annexa, dum exponerentur venditioni: v.g. si equus exponatur venditioni cum suis ornamentis, dum venditur equus venduntur & ornamenta: ut dicitur L. 38. de ædilitio edicto.

Consect. 5. Venditio coacta, & renitente irrationabiliter domino, non est illicita, modo fiat autoritate juridica; quia possunt contingere casus, in quibus æquitas exigit rem vendi invito domino, & ejus renitentia est irrationabilis; cum sit contra legem.

Sic fundus necessarius publico ædificio,

potest vendi autoritate iudicis, renitente possessore. L. 3. ff. *de communi prædio*. Idem jubet Philippi edictum anno 1303.

Sic penuriæ tempore qui habent annonam, inviti coguntur eam vendere : ut statuitur L. 2. ff. *de lege Julia de annona*. Ibi enim *pœna statuitur adversus eum, qui contra annonam fecerit, societatemve coierit, quo annona fiat carior*.

Sic *cum via publica vel fluminis impetu, vel ruina amissa est, vicinus proximus viam præstare debet*. L. 14. ff. *quemadmodum servitutes amittuntur*.

Sic bona debitorum autoritate iudicis venduntur sub hasta ad satisfaciendum creditoribus.

Sic bona, quæ dividi non possunt, v. g. domus exigua, munus venale, magistratura, si ad plures pertineant, venduntur, ut cuilibet jus habenti pro rata sui juris pretium dividatur.

§. IV.

De pretio.

Prop. 1. Major vel minor rei dignitas non est mensura pretii rerum, sed communis hominum æstimationi; seu quod idem est, pretia rerum, non secundum ipsarum naturam æstimanda sunt, sed quatenus veniunt in usum humanos, & quatenus æstimantur in foro publico: itaque pretium justum erit, quod vel a potestate publica est præscriptum, vel communi hominum æstimatione determinatum.

Prob. 1. Autoritate Aug. Res viventes sunt præstantiores, quam res inanimatæ; tamen, ut ait Ag. l. 11. c. 16. *de civit. Dei, mallet homo frumentum domi habere quam mures*: Ergo pretium rerum non debet ex earum natura, sed ex ipsarum usu & æstimatione hominum pendari.

2. Rat. Cum omnia, quæ in mundo sunt, propter hominem facta sint, juxta prudens iudicium tanti æstimari debent, quantum hominibus inserviunt, vel ad eorum vitam fovendam, uti sunt victus & vestitus, vel ad honestam voluptatem procurandam, uti viridaria concentus, &c. vel ad ejus dignitatem ostendendam, uti magistratus, munera publica &c. Ergo pretium rerum desumi debet vel a potestate publica determinante, vel a prudentium hominum æstimatione.

Consequæria hujus Doctrinæ.

Consect. 1. Res viventes, licet præstantiores

rebus non viventibus, non tamen pluri vendi debent, sed res tum animatæ, tum inanimatæ vendi debent juxta utilitatem, quam homini conferunt juxta prudentem æstimationem; quia hæc sola est mensura pretii.

Sic domus, licet inanimis, pluri vendi solet, quam equus, licet animatus; quia domus est equo utilior.

Sic nonnunquam equus venire pluri potest quam mancipium; quia licet homo sit omnibus rebus corporalibus præstantior, tamen equus potest esse mancipio utilior.

Consect. 2. Ad explorandum justum pretium multa attendenda sunt. Sed omnia, habita ratione usque hominum, æstimatione prudentium pensanda sunt: v. g. attendenda sunt hæc omnia: major vel minor rei venalis utilitas, major vel minor rei venalis copia, major vel minor emptorum & venditorum frequentia; quia hæc omnia efficiunt, ut res vel pluri vel minori æstimetur. Sic major rei venalis utilitas augeat pretium, minor vero utilitas minuit pretium; quia reddit eam usui humano magis accommodatam: v. g. vinum est carius aqua: quia est rarius & utilius. Sic penuria rei venalis augeat pretium; quia reddit rem magis utilem: abundantia vero minuit; quia reddit rem minus utilem: & ita triticum pluri venditur, quando est raritas frumenti; minoris, quando est abundantia: & ita tempore belli pluri venduntur equi & arma, quam tempore pacis; & hoc provenit vel ex pluralitate emptorum, vel ex eo quod equi tunc sunt magis necessarii. Sic venditorum atque emptorum frequentia minuit pretium, vel augeat; quia facit res vel magis, vel minus utiles: v. g. ubi sunt multi emptores, & pauci venditores, res emuntur carius; si sint multi venditores & pauci emptores, res venduntur vilius.

Prop. 2. Peccat, & ad restitutionem tenetur qui sine causa pretio æstimabili rem pluri justo pretio vendit, aut minoris justo pretio emit; non peccat tamen, nec ad restitutionem tenetur, si id faciat cum causa pretio æstimabili, v. g. ob lucrum cessans, vel ob damnum emergens.

Prob. 1. Scriptura. *Quando vendes quidpiam civi tuo, vel emes ab eo, ne contrisles fratrem tuum, sed juxta numerum annorum jubilei emes ab eo & juxta supputationem frugum vendet tibi*. Lev. 25. v. 14. Quo denotatur res esse vendendas, & emendas justo pretio.

2. Rat. D. Thom. *Quod pro communi utilitate inductum est, non debet esse magis in gravamen unius, quam alterius: & ideo debet secundum æqualitatem rei inter eos contractus in-*

institui. Quantitas autem rei, quæ in usum hominis venit, mensuratur secundum pretium datum. ... & ideo, si vel pretium excedat quantitatem valoris rei, vel res excedat pretium, tollitur iustitiæ æqualitas; & ideo carius emere, vel vendere rem vilis, quam valeat, est secundum se injustum & illicitum, & proinde obligans ad restitutionem. 2. 2. q. 77. a. 1. & ideo D. Th. addit: & tenetur ille, qui plus habet, recompensare ei, qui damnificatus est, si sit notabile damnum. Ibid.

Conseſſaria hujus Doctrinæ.

Conseſſ. 1. Non licet rem pluris vendere ob commodum, quod emptori accedit, si nullo inde detrimentum venditor accipiat; quia hæc causa non est pretio æstimanda a venditore: ita D. Th. *Utilitas, quæ alteri accreſcit, non est ex venditione, sed ex conditione ementis; nullus autem debet vendere alteri quod non est suum, licet possit ei vendere damnum, quod patitur: ille tamen qui ex re alterius multum juratur, potest propria sponte aliquid vendenti supererogare, quod pertinet ad ejus honestatem. 2. 2. q. 77. a. 1.*

Sic equus non potest vendi pluris justo pretio, ex eo quod sit maxime necessarius emptori, qui longum iter inire cogitur.

Sic pharmacum non potest pluris justo pretio vendi, ex eo quod sit maxime necessarium emptori graviter ægrotanti.

Conseſſ. 2. Licet rem pluris solito vendere ob damnum, quod venditor patitur, ex eo quod privet se re, quam vendit; adeo ut non solum res æstimari possit quanta in se sit, sed etiam quanti venditori valebat; quia hæc causa pretio est æstimabilis a venditore; unusquisque enim potest vendere quod suum est: adde, quod nemo tenetur propriam rerum jurisdictionem pati, ut alteri rem gratam faciat: ita D. Th. *ibid.* *Alio modo loqui possumus de emptione & venditione, secundum quod per accidens cedit in utilitatem unius, & detrimentum alterius; puta, cum aliquis multum indiget habere rem aliquam, & alius læditur, si ea careat. Et in tali casu justum pretium erit, ut non solum respiciatur ad rem, quæ venditur, sed ad damnum, quod venditor ex venditione incurrit. Et sic licite poterit aliquid vendi pluris, quam valeat secundum se, quamvis non pluris valeat habenti, præcipue si rogetur ad vendendum, & gratum faciat emptori.*

Sic, si fundus absolute in se valeat centum nummos, sed mihi, quia volo hic aut domum construere, aut aliquid aliud moliri, valeat nedum centum, sed etiam vi-

ginti supra, possum eo pretio, scilicet viginti supra centum, vendere.

Sic qui habet frumentum mense Octobri quod non vult vendere nisi mense Majo, potest dare frumentum mense Octobri, & tamen illud vendere eo pretio, quo æstimabitur mense Majo; quia damnum illud, quod patitur, est pretio æstimabile: debet tamen aliquid minuire de pretio ob varios casus, quibus frumentum diu servatum minuitur.

Conseſſ. 3. Non licet infra justum pretium rem mobilem, vel immobilem, v.g. agrum, vineam, supelleſtilia, ob inopiam & necessitatem vendentis emere; quia inopia non debet esse motivum nocendi proximo, sed ei potius opitulandi. *Si quis alicui in necessitate constituto, inquit D. Th. venderet rem aliquam multo amplioris, quam valeret, idem die, si emeret vilioris, esset injusta venditio; sicut usurarii mutuatio est injusta.* Div. Thomas de malo quæst. 13. a. 4. ad 7.

Conseſſ. 4. In foro interiori & conscientiæ quodlibet damnum illatum reparandum est, adducendo res ad accuratam & rigidam æqualitatem. In foro exteriori venditiones & emptiones tunc tantum rescinduntur, quando sunt infra dimidium justii pretii; alioquin quod deest justo pretio rependendum est: ita D. Th. *Lex humana populo datur, in quo sunt multi a veritate deficientes; & ideo lex humana non potuit prohibere quidquid est contra virtutem, sed ei sufficit, ut prohibeat ea, quæ destruunt hominum convictum; alia vero habeat quasi licita, non quia ea approbet, sed quia ea non punit. Si ergo ea lex habet quasi licitum, pœnam non inducens, si absque fraude venditor rem suam supervendas, aut emptor vilis emat, nisi sit nimis excessus; quia tunc etiam lex humana cogit ad restituendum, puta, si aliquis sit deceptus ultra dimidium justii pretii quantitatatem. Sed lex divina nihil impunitum relinquit, quod sit virtuti contrarium; unde secundum legem divinam illicitum putatur, si in emptione & venditione non sit æqualitas iustitiæ observata.* Hanc decisionem ita explicat Sylvius, in 2. 2. q. 77. ar. 1. ad 1.

Licet leges civiles rescindant tantum emptionem & venditionem, quando pretium excedit dimidium justii pretii; tamen in foro interiori non licet emere, vel vendere injusto pretio, etiam infra dimidium justii pretii: v.g. si ager valeat centum libras, non licet centum & triginta, vel centum & quadraginta vendere, licet non excedatur dimidium justii pretii. 1. Quia in tali conventionem non servatur æqualitas. 2. Quia conservare iustitiam

tiam est de necessitate salutis, ideoque per leges civiles talis obligatio solvi non potest. 3. Leges civiles non approbant hujusmodi conventiones, sed non improbando tolerant: si vero non permittant rescissionem, vel actiones contra fraudatores, ideo est, quia non possunt omnibus casibus providere. Hoc item tolerant in odium litium; quia alioquin valde implicarentur, eisque satisfacere iudicem esset impossibile.

S. V.

Quomodo emptores & venditores debeant se gerere in actuali emptione & venditione.

Prop. unica. Dum sit emptio & venditio, contrahentes non debent se mutuis dolis decipere, sed mutuo commercio juvare, venditor tradendo rem venalem emptori utilem & non noxiam, emptor tradendo monetam probatam & non fucata.

Prob. 1. Script. Nemo circumveniat in negotio fratrem suum; quoniam vindex est Dominus. I. ad Thesal. c. 4. v. 16.

2. Ex Ambrosii. *Regula justitiae manifesta est, quod a vero declinare virum non deceat bonum, nec damno injusto allicere quemquam, nec doli aliquem adducere.* lib. 3. de offic. cap. 21.

3. *Rat.* Venditio & emptio excogitata sunt, ut homines mutuo se juvent commercio: ergo iniquum est, quod se decipiant.

Conseclaria bujus Doctrinae.

De obligatione manifestandi vitium rei venalis.

Consecl. 1. Venditor sciens rei venditae vitium occultum & damnosum emptori, tenetur illud manifestare, etiamsi non interrogetur ab emptore; quia tenetur ex justitia non ponere causam damni: ita docet D. Th. Si bujusmodi vitia sint occulta, & ipse non detegat, erit illicita & dolosa venditio, & tenetur venditor ad damni recompensationem. 2. 2. q. 77. a. 3. Idem habet jus civile. Vendens enim animal, non patefaciens vitium latens, tenetur redhibitoria. L. 1. §. 8. ff. de edilicio edicto. Et ibid. §. 1. dicitur: *Certiores faciant emptores, quid morbi vitii unicuique sit.*

Sic, si mala fide vendatur equus furiosus, domus ruinosa, pharmacum noxium, morbidum pecus, lignum putridum, debita incerta; venditor damna, suo silentio secuta, tenetur reddere, vel rescindere contractum, si emptor voluerit; vel si id emptor non exigit, venditor

tenetur restituere quanti minoris res valebat cum tali vitio.

Sic, si bona fide vendatur res vitiosa, tenetur venditor cognito vitio, partem pretii restituere pro rata vitii gravitate, vel levitate, sed non tenetur reparare damna secuta; quia fuit causa non rea, sed innocens damni secuti: de quo ita jus civile: *Si quidem ignorabat venditor illius rei, minime teneri: si sciebat, etiam damni quod ex eo contigit.* L. 45. ff. de contrahenda emptione.

Sic, si Architectus vendat, aut adhibeat vitiosa ligna, tenetur ad aedum corruentium restitutionem, quia ex officio tenetur scire vitium rei quam vendit.

Sic, si pastor pecora contagiosa vendat, tenetur ad gregis mortui ex contagione pretium perfolvendum; quia tenetur scire id quod vendit.

Sic, si bona fide vendatur res furtiva ab eo, quae bona fide emit a fure, hoc ipso quod patet rem esse furtivam, venditor, ut dictum est, tenetur pretium emptori restituere, & rem a se venditam vero domino reddere. . . . tenetur reddere pretium; quia non acquisivit ejus dominium: tenetur rem reddere domino; quia res domino clamat, nec potest pretium datum furi a domino rei ereptae exigere: ut habetur L. incivilem. C. de furtis. *Incivilem rem desideratis*, inquit, *ut agnitas res furtivas non prius reddatis, quam pretium fuerit solutum a dominis.* Curate igitur cautius negotiari, ne non tantum in damna bujusmodi, sed etiam in criminis suspicionem incidatis.

Consecl. 2. Venditor de rei vendendae vitiis, etiam non damnosis; interrogatus vel in genere, vel in specie, expresse, aut tacite, tenetur ea manifestare; quia, si tunc ea occultaret, dolus daret causam contractui; juxta illud juris: *Veteribus placet passionem obscuram vel ambiguum, venditori & qui locavit nocere, in quorum fuit potestate, legem apertius conscribere.* L. 39. ff. de pactis. Exemplum habemus ejus bonae fidei, quae in Contractibus vigere debet, inquit Ambrosii in Raguete, a quo cum Tobias peteret filiam Saram in conjugem, Raguel nihil eorum tacuit, quae filiae contingerant.

Consecl. 3. Venditor sciens vitium occultum rei venalis, sed non damnosum, nec periculosum emptori, quodque vitium non reddat notabiliter rem venalem minus utilem ad eum usum, ad quem emitur, non tenetur etiam interrogatus manifestare vitium, sed sufficit si diminuat pretium rei quae venditur; quia potest quilibet suis commodis consulere, quando nulli sit praedjudicium, ut contingit in proposito.

Si tamen interrogetur, vel prævideat rem alteri vñum iri dolose, tenetur aperire; quia nullo in casu licet vel mentiri, vel dare occasionem damni.

Consect. 4. Venditor non tenetur rei venalis vitium manifestum emptori semper aperire, nisi emptor esset rudis & ignarus; nec peccat, modo propter illud vitium subtrahat de pretio quantum oportet; quia nullo modo videtur emptorem decipere, non occultando vitium, cum penes emptorem sit illud cognoscere, non excedendo in pretio, cum pro modo vitii pretium minuat: ita D. Thom. Si vitium sit manifestum, puta, cum equus est monoculus, vel cum usus rei, etsi non competat venditori, potest tamen esse conveniens aliis, & si ipse propter huiusmodi vitium subtrahat quantum oportet de pretio, non tenetur ad manifestandum vitium rei. Ibid. a. 3.

Consect. 5. Mercator prænoscentis vel casu, vel industria sua futuram magnam copiam mercium, eaque ratione pretium minuendum, reticendo id quod casu vel sua industria cognovit, potest suas merces pretio presenti vendere, modo fraude aut dolo non impediatur, ne innotescat copia mercium superventura, & modo uni soli non venderet omnes suas merces, qui eas merces servaret cum ingenti suo damno, & cogeretur eas revendere longe inferiori pretio; nemo enim tenetur fortuitos casus alteri aperire: deinde præsens pretium est iustum. Sic Joseph Gen. 41. cum prævidisset famem futuram in toto Ægypto, frumenta emit vili pretio tunc communi, ut postea idem frumentum carius venderet. Dixi, modo non interveniat fraus; quia nemini fraus sua patrociniatur.

s. VI.

De obligatione vitandi dolum.

Prop. unica. Emptor & venditor debent omnem omnino fraudem & dolum abjicere, & bona fide contrahere.

Prob. 1. Scripte. Nihil est, a quo Scriptura frequentius homines dehortetur, quam a dolo & fraudibus in contrahendo: sic enim habet Lev. 19. v. 35. *Nolite facere iniquum aliquid in iudicio, in regula, in pondere & mensura: statera iusta, & æqua pondera sint, iustum polium ausus fuerit exercere, bonis propriis modius, & æquus sextarius.* Ego Dominus. Et Isa. 1. v. 22. *Argentum tuum verum est in scoria, & vinum tuum mixtum est aqua.* Et de num Paulus ad Thess. 4. v. 6. sic habet: *Ne quis supergrediatur, neque circumveniat in negotio fratrem suum:* Ergo emptor & venditor

omnem fraudem vitare, & bona fide contrahere debent.

2. Rat. In omni contractu debet bona fides abundare: Ergo a fortiori in emptione, & venditione, quibus contractibus nihil utilitius & magis necessarium.

Conseclaria huius Doctrinae.

Consect. 1. Peccat venditor, & tenetur ad restitutionem, si in venditione decipiat emptorem; vel in substantia rei venalis, v. g. dans aquam pro vino, auraleum pro auro, vitrum pro gemma; vel in qualitate, dans animal infirmum pro sano, carnes corruptas pro incorruptis & integris, aromata antiquata pro recentibus; vel in pondere, & mensura, dans, v. g. minus modio pro modio, minus libra pro libra; quia in his singulis casibus decipit emptorem, eique damnum affert, quod tenetur reparare.

Consect. 2. Peccat emptor, & tenetur ad restitutionem, si decipiat venditorem, vel in substantia, vel in pondere, vel in quantitate monetæ, quam tradit pro pretio rei, quam accepit a venditore. In qualitate, si tradat monetam veri metalli, & æqui ponderis, sed falsam quoad formam, non cusam scilicet, regia nota. Contrarium exemplum habemus in Abrahamo, mente agrum in sepulchrum Saræ uxoris suæ. *Appendix enim pecuniam, quam Ephron postulaverat, audientibus filiis Hebræ, quadragesimo scielos argenti probatæ monetæ publicæ.* Gen. 23. v. 16.

Consect. 3. Peccant emptor & venditor, cum subornant & interponunt personas, quæ sub dolosis & fictis conditionibus efficiunt, ut res vñeant vel infra, vel ultra debitum pretium; quia fraus omnis a contractibus exulare debet: ita D. Th. 2.2. q. 77. a. 1. *Fraudem addibere ad hoc, quod aliquid plus iusto pretio vendatur, omnino peccatum est, in quantum aliquis decipit proximum in damnum ipsius.* Unde Tullius dicit lib. 3. de offic. *Tollendum est ex rebus contrahendis omne mendacium. Non licitatore venditor, nec qui contra se licietur emptor opponat.*

Consect. 4. Peccant monopolium privata autoritate exercentes, & toties ad restitutionem tenentur, quoties damnum inferunt: ita jus civile. *Si quis autem monopolium ausus fuerit exercere, bonis propriis spoliatus perpetuitate damnetur exilii.* Lib. 4. C. tit. 59. de monopolio. L. unica.

1. Peccant contra iustitiam legalem; quia lex prohibet monopolium.

2. Peccant contra caritatem; quia non faciunt proximo quod sibi vellent fieri.

3. Peccant contra iustitiam commutativam, si excedant iustum & vulgare pretium. Monopolium autem privatum fit pluribus modis.

1. Quando mercatores conspirant, ut nullus eorum emat supra certum pretium, quod ipsemet statuunt: neque ullus vendat infra pretium, de quo inter ipsos convenit.

2. Quando unus vel plures emunt omnēs merces unius generis, ut postea soli vendant certo pretio.

3. Quando unus vel plures impediunt, ne alia merces advehantur, atque ita suas vendant.

4. Quando artifices conspirant, ne opus inceptum ab uno, & ab illo derelictum, ab aliquo alio perficiatur.

5. Qui artem Reipublicæ necessariam, etiam si servantur indemnes, nolunt alios docere, nisi ea conditione, ut non communicetur aliis. Ita Sylvius.

Monopolium auctoritate publica est illud, quod exercetur auctoritate legitimi superioris: & illud monopolium est iustum, si fiat ob causas Reipublicæ utiles; quia expedit Reipublicæ, ut passim ab omnibus non vendantur certæ quædam merces.

S. VII.

Prop. unica. Contractus emptionis & venditionis censetur perfectus & completus, statim atque de pretio, ejusque quantitate, reque tradenda, inter partes convenerit, nisi aliter ex mutuo consensu contrahentes disposuerint, aut usus aliter statuatur.

Prob. 1. Ex jure civili. *Emptio & venditio*, inquit Justinianus, *contrahitur, simul atque de pretio convenerit, quamvis nondum pretium numeratum sit, ac ne arrba quidem data fuerit.* l. 3. inst. t. 24.

2. *Rat.* Emptio & venditio sunt de numero illorum contractuum, qui solo consensu perficiuntur: ergo perficiuntur ex solo consensu; nisi aut conventionē aliter cautum sit, aut usu aliter statuatur.

Conseclaria hujus Doctrinæ.

Consecl. 1. Emptiones & venditiones quæ scriptura consueverunt, non censentur completæ, nisi instrumenta emptionis fuerint conscripta vel manu propria contrahentium, vel ab alio quidem scripta: & si per tabellionem fiunt, nisi & completiones acceperint, & fuerint partibus absoluta: donec enim aliquid deest ex his, pœnitentiæ locus est, & potest emptor & venditor recedere ab em-

ptione & venditione sine pœna.... Emptor tamen perdit quod dedit; venditor vero duplum restituere compellitur: ita iust. ibid. Consensus enim non censetur plenus, nisi hæc omnia acceperint.

Consecl. 2. Licet res vendita non fuerit tradita, nec pretium acceptum, tamen in utroque contrahente certæ quædam oriuntur obligationes, a quibus non possunt citra peccatum se eximere. 1. Neutra pars potest, invita altera, contractum illum rescindere, ut habetur L. 5. C. de obligat. & actionibus. 2. Periculum & commodum rei venditæ transit ad emptorem, ut habetur ff. L. 8. *De periculo & commodo rei venditæ.* 3. Denum emptor & venditor debent initis conventionibus stare, quod magis constabit ex paragrapho sequenti.

S. VIII.

De his, ad quæ tenetur emptor & venditor completo Contractu.

Prop. unica. Completo contractu emptionis & venditionis, contrahentes debent mutuo sibi promissa exequi, venditor rem venditam tradendo, emptor vero iustum pretium aut dando aut assecurando: qui pacto non steterit peccat, & tenetur ad restitutionem damni.

Prob. 1. Ex jure civili. *Et in primis ipsam rem præstare venditor oportet, hoc est tradere.* L. 11. §. 2. ff. *De actionibus emptionis & venditionis.* Quod vendidi non aliter sit accipientis, quam si aut pretium nobis solutum sit, aut satis eo nomine factum. Lib. 19. ff. *De contrahenda emptione.*

2. *Rat.* Emptio & venditio non fit nisi eo fine, ut emptor rem emptam possideat, & venditor promissum pretium assequatur: ergo ille debet rem tradere; iste vero pecuniam vel tradere, vel securam præstare.

Conseclaria hujus Doctrinæ.

Præstanda a venditore.

Consecl. 1. Venditor debet omnia, quæ sequuntur, fideliter exequi.

1. Rem venditam tradere, ut supra dictum est. 2. Debet tradere talem qualem vendendam proposuit, & si non tradiderit talem, tenetur ad evictionem, id est tenetur rem a se venditam coram iudice tueri, si quis occasione illius litem emptori intentaverit. 3. Debet tradere loco & tempore condito: juxta illud 2.

1. *qui certo loco dare promittit, nullo alio loco, quam in quo promissit, solvere invito stipulatore potest.* L. 9. ff. *De eo qui certo loco.* Si de loco, de tempore non conventum fuerit, tenetur statim tradere eo in loco, ubi facta fuit conventio; juxta illud juris: *Quoties in obligationibus dies non ponitur, presenti die pecunia debetur.* L. 4. ff. *De verborum obligationibus.* Et rursus: *Ibi dari debet, ubi est quod legatur.* L. 33. de *judiciis.* Idem dic de re, quæ venditur. 4. Si venditor non tradat rem debitam loco & tempore condito, tenetur restituere damnum juxta probabile nocumentum quod contrahenti contulit; juxta illud: *Sires vendita non tradatur, in id, quod interest emptoris, agitur.* L. 1. ff. *De actionibus emptoris & venditoris.* Damnum autem illatum emptori debet pensari, non ex eo solum quod ipse venditor acquisivit, sed ex eo quod emptor acquisitus fuisset. L. 21. ff. *De actionibus emptoris & venditoris:* v. g. tenetur restituere fructus, quos percepisset ex fundo. Si emptor, v. g. coactus est emere frumentum ingenti pretio, venditor reparare illud damnum tenebitur. Si autem venditor non tradat rem venditam ex justa causa, puta, quia periculum est, ne pretium statutum non solvatur, potest rem venditam in pignus retinere, & tunc ad nihil tenetur, ut docet jus civile. *Venditor pignoris loco quod vendidit, retinet, quoad emptor satisfaciatur.* L. 31. ff. §. 8. *De adilitio edicto.* 5. Venditor, ut bonus paterfamilias, debet rem venditam quandiu retinet, curare; quia non alio fine in manibus ejus relinquatur: ita jubet jus civile. *Talis custodia desideranda est in venditore, qualem bonus paterfamilias suis rebus adhibet.* L. 35. §. 4. ff. *De contrahenda emptione.*

Sic, si venditoris incuria res emptæ perierit, tenebitur venditor restituere, nisi conventum fuerit venditore teneri tantum ex dolo, aut nisi emptoris mora aut culpa causa fuerit rem venditam traditam non fuisse; juxta illud: *Dolum, & culpam recipiunt, mandatum pignore acceptum, locatum, commodatum, & venditum.* L. 23. ff. *De reg. juris.*

De modis, quibus fit traditio a venditore.

Consect. 2. Toties res vendita tradita censetur, quoties non censetur amplius sub custodia venditoris; & ita traditur sequentibus modis.

Mobilia traduntur. 1. Traditione, ut si frumentum quod emisit, in eum, quem indicasti locum, translatum fuerit. 2. Clavisdatione, ut si quis merces in horreo deposti-

tas vendiderit simul atque claves horrei tradiderit emptori. L. 2. Inst. *De rerum divis.* §. 45. 3. Solo externo consensu, ut si rem tibi locatam, commodatam, aut apud te depositam vendidero, vel rem translato difficilem, qualis est columna marmorea, tibi venditam declarem. L. 18. §. 2. ff. *De acquisitione vel rerum possessione.*

Immobilia traduntur. 1. Libera possessione, ut si libere permittam te possidere fundum meum tibi a me venditum. 2. Instrumentorum traditione, quibus constat ad me pertinere fundum, quem tibi vendidi. 3. Publico contractu, aut intuitu rei, quam tibi vendidi, ut si duxerim te in fundum tibi a me venditum, & declarem fundum illum jam tuum esse.

Incorporalia traduntur. 1. Cessione, ut si cedam alteri jus quod mihi debetur. 2. Patientia, ut permittam te uti servitute; quam tibi vendidi.

Præstanda ab emptore.

Consect. 3. Emptor debet omnia quæ sequuntur exequi. 1. Debet pretium conditum, aut æquivalens venditori tradere; quia non ad alium finem res venditur, nisi ut ejus pretium obtineatur; unde ait jus civile: *Quod venditur, non aliter sit accipientis, quam si aut pretium nobis solum sit, aut satis eo nomine factum.* L. 19. ff. *De contrahenda emptione & venditione.*

2. Debet pretium statutum loco & tempore conditis tradere; quia res tali conditione vendita est.

3. Si emptor ex culpa pretium statutum non tradiderit, tenebitur damnum reparare: quod damnum emergens, ubi clare non contiterit, pensatur secundum interesse præscriptum a Principe; juxta illud: *Venditori, si emptor in pretio solvendo moram fecerit, usuras dumtaxat præstabit, non omnimodino, quod venditor mora non facta consequi potuit.* L. ult. ff. *De periculo & commodo rei vendite.* Ubi vero clare contiterit, tenebitur emptor omne damnum ex mora culpabili reparare.

4. Emptor debet solvere usuras ob dilatam solutionem. 1. Si ita cum causa conventum sit, supposito titulo damni emergentis vel lucris cessantis. 2. Si venditor solutionem coram judice cum justo titulo exegerit. 3. Si res emptæ sit frugifera, v. g. ager, animal, vinea, &c. quia in illis casibus venditor damnum patitur.

5. Si emptor ex mora, vel culpa sua rem emptam apud se non recipiat condito loco & tempore, si ea perierit, perit emptor.

ri; quia res domino perit. Si res fuerit emptæ cum pacto retro venditionis. si incuria emptoris res emptæ vel perierit, vel deterior facta fuerit, tenebitur eam reparare; quia res vendita sub pacto retrovenditionis, est quasi sub custodia acquirentis, & proinde tenetur eam reparare, si ex incuria deterior fiat.

§. IX.

De rescissione venditionis.

Prop. unica. Toties rescindi potest venditio, quoties facta fuerit non servatis conditionibus contractus; & si non rescinderetur, non servaretur rationalis intentio emptoris & venditoris.

Prob. ex dictis. Toties contractus rescindi possunt, quoties non observatae sunt conditiones contractus; & si peristerent, non servaretur rationalis intentio contrahentium: Ergo toties debet rescindi emptio & venditio, quoties non observatae sunt conditiones contractus.

Conseclaria bujus Doctrinae.

Consecl. 1. Venditio rescindenda est, si non tradatur a venditore res vendita, vel pretium rei venditæ ab emptore loco conditio, & tempore conditio; juxta illud: *Non promissa fide, domini tui jus in suam causam reverti conveniat.* L. 6. C. De Pactis inter emptorem & venditorem compositis.

Consecl. 2. Venditio rescindi debet, 1. Si vitium non patens sed occultum, non tenue sed insigne, & emptori periculolum, usumque rei venditæ impediens, occultatum fuerit, juxta illud: *Si quid tale fuerit viri, si ve morbi, quod usum ministeriumque hominis impediatur, id dabit redhibitioni locum.* L. 1. §. 8. ff. De redhibitione edicto.

Sic, si fundi pestilens exhalatio, si servitus incommoda occultata fuerit, rescissio habeat locum: sed si res fuerit vendita bona fide, propter minimam causam inempta fieri non debet: ut dicitur L. 54. ff. De contrahenda emptione.

2. Quando duo connexa veneunt, v. g. jumenta paria, si alterum sit inutile, potest venditio rescindi quoad singula; quia jumenta non separantur: ut dicitur L. 38. ff. De redhibitione edicto §. ult.

3. Si res fuerit vendita cum pacto retrovenditionis, modo intra tempus præscriptum redimatur, venditio rescinditur, si pretium acceptum restituatur; quia ea

conditione facta est emptio & venditio.

4. Rescissio venditionis sine ulla causa potest fieri mutuo partium consensu, ut dictum est: *etiam quod consensu contractum est, contrarie voluntatis adminiculo dissolvitur.* L. 1. C. Lib. 4. Tit. 45.

5. Cum sit redhibitio, aut rescissio venditionis, oportet ut omnia in integrum restituantur, perinde ac si neque emptio, nec venditio intercessit, ut dicitur L. 60. ff. De redhibitione edicto. Et ita emptor reddet fructus rei emptæ: venditor pretium, & lucrum ex pretio perceptum.

Monit. 1. Venditio, vel emptio, quæ fit autoritate publica, non potest rescindi, si forma juris observetur, quia hæc venditio censetur semper iusta, & rationalis, juxta illud juris: *Dictum illud non pertinet ad venditiones fiscales.* L. 1. ff. ibid.

Monit. 2. Quando rescissio commodè fieri non potest, & emptor aut venditor deceptus est, tunc per jus aliud offertur supplementum, scilicet actio quanti minoris, quæ fit ut pretium & res vendita ad justam æqualitatem reducantur, & damnum quod alter contrahentium patitur, reparetur.

§. X.

De Jure retractus.

Nota. Jus retractus est jus, quod habet aliquis, ut præferatur emptori ratione consanguinitatis, quam habet cum vendente.

Prop. unica. Jure retractus potest res vendita retrahi e manu emptoris, invito emptore & venditore.

Prob. rat. Toties res vendita potest retrahi e manu emptoris, quoties id legibus permittitur; quia contractus debent juxta leges iniiri: Atqui legibus permittitur, ut jure retractus res vendita possit retrahi a manu emptoris per consanguineos venditoris, ut bona familiæ in ea familia permaneant: Ergo jure retractus res vendita potest retrahi e manu emptoris.

Conseclaria bujus Doctrinae.

Consecl. 1. Ex parte rerum: quæ res possint retrahi & quæ non possint retrahi. Res tantum immobiles possunt retrahi: his adjunguntur annui redditus, census, pensiones perpetuæ, ususfructus venditus, modo hæc res sint de genere & familiæ & de majorum bonis, & non recentè acquisitæ a venditore: Ita Gregorius Tolosan. Lib. 26. Cap. 1. Retrahi non possunt res etiam immobiles, quæ hic subjunguntur. 1. Res limitaneæ Regni

gni non possunt retrahi a parente proximiori, cui Princeps minus fidei, quia bonum Principis praefertur bono privato. 2. Res Regi venditur, aut ad fiscum delatur sive ob crimen, sive per contractum; quia bonum Regis bono privato praefertur. 3. Res venditur Ecclesiae, vel ab Ecclesia; quia haec proximos non habet. 4. Res haereditibus venditur; quia ius familiae non videtur mutatum. 5. Res venditur pro augendis Scholis & Ecclesiis; quia utilitati publicae privata cedit. 6. Feuda vendita, ne vassalli cogantur habere dominium, quem nolunt. 7. Res donatae, mutatae, commodatae, locatae, datae in solutionem, res permutatae, nisi in fraudem figeret permutatio, non possunt retrahi; quia solus contractus venditionis dat ius retractus: ita Gregorius Tolos. ibid.

Consect. 2. Ex parte personarum: quinam possint uti iure retractus, & quinam non possint.

Iure retractus uti potest proximus, non remotior, sed propinquior; & si plures sint eodem gradu, omnes possunt, non modo ipsi proximi, sed etiam eorum haeredes necessarii, imo & extranei, si propinquus defunctus vel coeperit, vel dixerit se velle retrahere; cedere vero ius retractus extraneo proximus non potest.

Iure retractus uti non possunt qui hic subiunguntur. 1. Hi, qui sunt conjuncti cum venditore sola adoptione, vel affinitate. 2. Spuri non possunt bona patris naturalis retrahere. 3. Qui iure civili pro mortuis habentur, ut deportati. 4. Hi, qui res redhibendas emere non possunt; unde non retrahunt qui munera & officia, quae rebus retrahendis haerent, praestare non possunt; v. g. femina feudum non femineum, persona Ecclesiastica feudum temporale: ita Gregorius Tolos. ibid.

Consect. 3. De modo utendi iure retractus. Proximus retrahere volens rem venditam debet primo extra iudicium emptorem interpellare, ut secundum consuetudinem loci huic iuri satisfaciatur, & si recuset, instituere actionem in rem scriptam. 2. Pretium aequale cum legitimis impensis restituere, vel saltem offerre realiter in pecunia numerata; idque in domo emptoris, vel eo absente, debet pecuniam deponere apud personam publicam; & hoc nomine & iure retractus; totumque illud fieri debet intra annum & diem a tempore venditionis, nisi brevius vel longius tempus consuetudo admittat: ita idem Gregorius Tolos. ibidem.

§. XI.

De iure evictionis.

Nota. Jus evictionis est jus, quod habet verus dominus rei, ut rem suam ab alio venditam auctoritate iudicis recuperet.

Prop. unica. Iure evictionis legitimus dominus rei potest rem suam ab alio venditam e manu emptoris iudicis auctoritate retrahere.

Prob. Quilibet potest auctoritate iudicis rem suam, ubicumque fuerit persequi: Ergo potest eam recuperare, quando, ipso invito, vendita est a non vero domino; quia nemo potest in alium transferre plus iuris, quam ipse habet.

Consectaria hujus Doctrinae.

Consect. 1. Ex parte rerum. Res quaelibet sive mobilis, sive immobilis, vendita a non vero domino, potest per verum dominum evinci, id est, auctoritate iudicis retrahi; quia res quaelibet domino suo clamar.

Consect. 2. Quoad personas. Quando quis vendidit rem alienam, sive bona fide, sive mala fide vendiderit, solus dominus rei venditae potest eam evincere; quia ille solus ius habet rem illam exigendi.

Consect. 3. Ex parte modi evincendi. Quando res a vero domino exigitur per evictionem ab emptore, emptor debet praemonere venditorem, ut iustis defensionibus utatur; si id omittat, venditor non tenebitur ab evictione: quia emptor in causa est, cur se venditor non defenderit.

Monit. Ideo ea, quae pertinent ad venditionem & emptionem, multis executus sum; quia scilicet haec singula possunt esse regula eorum omnium, quae dicenda sunt de aliis contractibus, ut patebit ex dicendis.

ARTICULUS II.

De Permutatione.

Nota. Permutatio est contractus, quo res cum alia re vel ejusdem speciei, vel alterius permutatur, v. g. vinum cum vino, vinum cum oleo, &c.

Prop. unica. Eadem requiruntur conditiones in permutatione, quae in venditione, his exceptis, quae distinguunt permutationem ab emptione & venditione.

Prob. rat. Permutatio est vicina emptioni, ut habetur L. ultima. ff. de rerum per-

mutatione: *Aristo ait, quoniam permutatio vicina est emptioni*: Ergo iisdem conditionibus constare debet, quibus emptio & venditio, sive res, sive personæ, sive modus permutandi examinentur, modo excipias ea, in quibus permutatio differt ab emptione & venditione.

Convenit autem permutatio cum emptione & venditione sequentibus modis.

1. Utrobique transfertur dominium, aut possessio rei. 2. Utrobique debetur evictio. 3. Utrobique debet dari id, de quo conventum est.

Differt autem permutatio ab emptione & venditione sequentibus modis.

1. Emptio & venditio perficiuntur solo consensu; permutatio vero rei traditione. 2. In emptione & venditione datur pretium pro re; in permutazione vero res pro re. 3. Venditio res aliena potest; permutari non potest.

Conseclaria hujus Doctrinae.

Consecl. 1. Quoad permutantes. Permutantes debent habere dominium rerum, quas exponunt permutationi; quia per permutationem transfertur rerum dominium. *Ideoque Pedius ait, alienam rem dantem nullam contrahere permutationem.* L. 1. ff. de rerum permutatione §. 3.

Consecl. 2. Quoad res permutandas. Hæc solum res possunt permutari, quæ sunt in commercio hominum, quæque sunt in nostra potestate, & quæ ad æqualitatem redactæ sint; alias contractus vel foret nullus, vel illicitus, ut dictum est de contractibus in communi.

Consecl. 3. Quoad modum permutandi. In actuali permutatione permutantes non debent se mutuis dolis decipere, sed debent vitia rerum permutandarum, si quæ habeant, manifestare, ut dictum est de emptione & venditione.

ARTICULUS III.

De cambio monetarum.

Cambium est permutatio pecuniæ pro pecunia. Ille qui in gratiam alterius cambit, dicitur campfor: is vero in cujus gratiam fit cambium, campfarius appellatur.

Campfor alius est publicus, alius privatus.

Campfor publicus est ille, qui auctoritate Reipublicæ statuitur, & hic tenetur cambire pecunias omnibus, & singulis postulantis.

Campfor privatus est ille, qui quibus vult, & non aliis cambit pecunias. Si Reipublica

statuat campfores publicos, privati non possunt exercere artem cambiendi; quia itandum est legibus Reipublicæ.

Prop. 1. Toties cambium est licitum, quoties diversæ monetæ, cambio expolitæ reducuntur ad æqualitatem, quoties campforis cura iusto pretio compenstat, & lucrum cessans, aut damnum emergens reparatur.

Prob. rat. Justitia nihil aliud exigit, quam ut res, quæ sunt materia contractuum, reducuntur ad æqualitatem, & proinde quod labor contrahentium compenstat, & lucrum cessans, aut damnum emergens reparatur. Ergo toties cambium monetarum erit licitum, quoties prædictæ conditiones observabuntur: & proinde cambium erit licitum in sequentibus casibus, licet aliquod lucrum moderatum accipiat.

Conseclaria hujus Doctrinae.

De casibus, in quibus licitum est cambium.

Consecl. 1. Licitum est cambium minutum, in quo pecuniæ pretiosiores cum vilioribus commutantur, aut viceversa, cum viliores cum pretiosioribus commutantur: v.g. aurum datur pro argento, argentum pro ære, pecunia unius loci pro pecunia alterius, v.g. moneta Galliæ pro moneta Hispaniæ, aut viceversa, diverso utriusque monetæ pensato pretio; quia in tali cambio campfori iustus est titulus sumendi aliquid.

1. Labor campforis in numeranda pecunia. 2. Diligentia inquirenda pecunia omnis generis, ut præsto sit dare omni exigenti monetam, quam postulaverit. 3. Officium cambiendi, in quo necessarii sunt famuli, subeunda pericula, & alia hujusmodi: quæ singula sunt prætio æstimabilia.

Consecl. 2. Licitum est cambium per litteras, in quo campfarius, cui opus est, ut pecunia alio invchatur, eam pecuniæ summam hic, v.g. Tolosæ, campfori prius ipse campfarius numerat, quam postea campfor, litteris datis, alibi, v.g. Parisiis refundit per suos, ut loquuntur, correspondentes: etenim hoc in casu campfor iustum habet titulum sumendi aliquid. Titulus ille est. 1. Realis, aut virtualis transvectio pecuniæ. 2. *Affecuratio*, ut dicunt, pecuniæ acceptæ; suscipit enim in se onus *affecurandi* pecuniam per vias vel longas, vel difficiles transvehendam. 3. Officium campforis est onus habendi correspondentes; quæ omnia sunt prætio æstimabilia: licet autem non transferat pecunias, sed quas jam habet, alibi exhibeat; tamen semper potest aliquid

quid accipere; quia hoc per accidens se habet; & id fructus est ejus industriae.

Consect. 3. Cum eadem monetæ sunt inæqualis valoris in diversis locis propter copiam monetarum in uno loco, & penuriam in alio; tunc licitum est, inquit Soto, pecuniam ab uno in alterum locum cambire, habito respectu copiarum, quæ est in uno, & inopia quæ est in alio: ita scilicet, ut hic, v. g. Tolosæ, ubi est inopia argenti, dem minore summam; & illic, v. g. Parisiis, ubi est copia argenti, majorem summam recipiam; dummodo non pallietur usura, nihilque recipiatur ratione temporis; tunc enim dati, & accepti æqua est æstimatio: nam potest contingere, quod hic Tolosæ, ubi est raritas monetæ, centum nummi pluris æstimentur, quam centum & decem Parisiis: sicuti centum cadi olei, hic Tolosæ, ubi est penuria olei, pluris valent, quam centum & decem cadi olei Narbonæ, ubi est copia olei: ergo sicuti absque iniustitia, centum & decem cadi olei, quos Narbonæ habes, possunt mutari cum centum cadis olei, quos hic Tolosæ habeo; ita & de moneta idem dici potest, inquit Soto: & quamvis ego video disparitatem esse maximam, quia moneta valorem habet statutum a Principe, qui nec crescere, nec decrescere potest per voluntatem contrahentium; res vero usualis valorem habet, qui crescere, & decrescere potest: tamen non videtur omnino sententia Soti reprobanda, eamque ego lectori vel approbandam, vel improbandam relinquo.

De casibus, in quibus illicitum est cambium.

Consect. 1. Illicitum est cambium, in quo datur præsens moneta, & intra certum tempus restituenda est eadem quantitas monetæ cum aliquo scœnore ratione expectati temporis; tunc enim non servatur æqualitas inter monetæ, quæ commutantur: sicut usura esset, si mutares frumentum cum frumento ejusdem speciei & valoris, & ratione temporis aliquid supra datam mensuram exigeres; tunc enim in cambio illo palliatur usura; etenim hic contraactus verum est mutuum, in quo recipitur aliquid ultra sortem ratione dilatæ solutionis.

Consect. 2. Illicitum est cambium, in quo mutantur monetæ cum monetâ, datâ monetam minoris valoris, & exigit monetam valoris majoris, vel ratione figuræ, v. g. si dares nummum gallicum, & exigeres nummum anglicum, qui, ut dicunt, constat ex puriore & altiore metallo; tunc enim non ser-

varetur æqualitas in monetis: sicuti si permutans triticum, dares commune, & exigeres longe melius.

Consect. 3. Illicitum est cambium, in quo, imminente diminutione pretii monetarum, nolles dare, neque accipere monetam pretio statuto a Principe, sed dares computando altiori pretio, & reciperes computando inferiori pretio; quia non servaretur æqualitas: moneta enim legitimum habet a Principe pretium, quod nefas est vel excedere, vel non pertingere.

Prop. 2. Justum pretium campforis publici est illud, quod statuitur a Principe. Justum pretium campforis privati est illud, quod vulgo sumitur a viris probis ejusdem artis.

Prob. rat. Cambium mensurari potest ad instar emptionis & venditionis: atqui in venditione justum pretium est vel illud, quod statuitur tum a lege, tum a Principe, vel illud quod statuitur communiter a viris probis: ergo & in cambio.

Consect. unic. Sicut illicita est venditio vel emptio, quoties non servatur pretium vel statutum a Principe, vel determinatum ab hominum æstimatione; ita cambium erit illicitum, quoties campfor plus accipiet, quam vel consuetudo, vel leges statuerint.

C A P U T VI.

De Contractibus, in quibus non transfertur dominium rei, sed transfertur usufructus rei.

ARTICULUS UNICUS.

De emphyteusi & feudo.

NOta. Emphyteusis est contractus, quo sub onere pensionis annuæ transfertur usufructus, seu dominium utile rei immobilis, retento dominio directo. L. 1. & 2. C. de jure emphyteusis. Dans fundum vocatur dominus: recipiens vocatur emphyteuta. Feudum est contractus, quo sub onere fidelitatis, & obsequii personalis transfertur dominium utile rei immobilis, retento dominio directo. Ibid.

Dans fundum vocatur dominus: accipiens fundum vocatur feudatarius, seu vassallus.

Prop. unica. Dans fundum in feudum, vel emphyteusim, conservat tantum dominium directum, & solum potest exigere pensionem ab emphyteuta, fidelitatem vero vel obsequium personalem a feudatario. Accipiens vero fundum vel in feudum, vel in

emphyteusim, acquirit solum dominium utile, & tenetur solvere per pensionem, si sit emphyteuta, obsequium vero personale, si sit feudatarius.

Prob. rat. Hæc est natura contractus feudalis, vel emphyteusis: cum enim, nec vera venditio sit, nec vera locatio, non traditur dominium directum rei, ut vulgo fit in venditione, non traditur solus usus rei, ut vulgo fit in locatione ad certum tempus; sed feudator retinet dominium directum rei, & feudatarius acquirit usumfructum, seu dominium utile, sub onere obsequii personalis. Item emphyteuta retinet dominium directum rei, emphyteutarius acquirit usumfructum, seu dominium utile, sub onere pensionis: ergo dans fundum debet retinere dominium directum, & accipiens debet solvere quod promisit; quilibet enim debet stare conditionibus contractus a se initi. Totum illud colligitur ex L. 1. C. de iure emphyteutico.

Conseclaria hujus Doctrinæ.

Consecl. 1. Quoad personas. Hi soli possunt dare in feudum, qui sunt veri domini fundi: & hi solum possunt accipere in feudum, qui possunt acquirere dominium utile; quia ille contractus non fit ob alium finem.... & ita qui sunt incapaces dominii nequeunt dare, vel accipere in feudum.

Consecl. 2. Quoad res. Res solum immobiles, quæ cultu possunt fieri meliores, possunt dari in feudum vel emphyteusim, v. g. agri, vineæ, imo ædificia; minime vero res mobiles, v. g. vestimenta, equi &c.... quæ usu possunt fieri deteriores; quia finis feudi, & emphyteusis est, ut fundi inculti, & steriles per culturam fiant meliores; ædificia vero conserventur, & domino directo pensio solvatur.

Consecl. 3. Quoad modum & effectus, qui feudum comitantur tam respectu domini, quam emphyteutæ. Dominus 1. Retinet semper dominium directum fundi. 2. Quotannis in recognitionem illius domini pensionem accipit. 3. Sine illius consensu fundus non alienatur, & si velit, emptori præfertur. 4. Cum alienatur, laudemium ei solvitur, Gallice *Lors & ventes*.

Emphyteuta 1. Habet dominium non directum, sed utile, & percipit omnes fructus fundi. 2. Tenetur ad meliorationes, & earum pretium potest exigere, dum invitus fundum dimittit. 3. Fundum potest sine consensu domini permutare, donare,

legare, oppignorare. 4. Potest eo fundo non secus ac proprio uti.

Ex parte vero utriusque, scilicet domini, & emphyteutæ, hæc observandæ sunt leges.

Si fundus datus in feudum, vel emphyteusim casu aliquo pereat, v. g. inundatione, incendio, perit domino fundi. Si fructus pereant, pereunt feudatario; quia res quælibet domino suo perit. Feuda seu feudator, vel emphyteutans est dominus fundi: feudatarius, vel emphyteuta est dominus fructus.

Si fundus pereat ex toto, feudatarius eximitur a totali obsequio, & emphyteuta a totali pensione: si pereat ex parte, potest petere diminutionem vel obsequii, vel pensionis, vel fundum superfluum dimittere; quia pensio & obsequium fundantur supra fundum, sicut accessorium supra principale.

Consecl. 4. De dissolutione, rescissione contractus feudi, & emphyteusis. Feudatarius & emphyteuta possunt privari fundo, si violent statutas condiciones feudis aperte contrarias; quia omnis contractus dissolvitur, si non stetur conventis: & ita cessat feudum, & emphyteusis, si negetur pensio vel obsequium personale. Si emphyteuta per triennium cessaverit a solutione, cadit suo jure. L. 2. C. de iure emphyteusis. Si emphyteuta Ecclesiasticus cesset per biennium, cadit suo jure. Nov. 7. tit. 1. cap. 3. §. 2. si vendatur res emphyteutica sine consensu domini: si non solvatur laudemium Gallice *Lors & ventes*: si feudatarius, & emphyteuta sit insigniter ingratus erga dominum: si fundum deteriorem faciat. Hæc omnia colligo ex Nov. 120. tit. 3. c. 8.

Si feudatarius, vel emphyteuta fundum meliorem fecerint, si ex culpa sua fundum deserant, vel quia sponte volunt deserere fundum, vel quia nolunt solvere pensionem, vel obsequium; tunc non poterunt meliorationis pretium exigere, sicuti de usufructuario dicitur.

C A P U T VII.

De contractibus, quibus transfertur solus usus rei, v. g. de locatione & conductione, commodato & precario.

NOta. Usus rei transfertur aliquando gratis, aliquando pro pretio: usus rei transfertur gratis per commodatum & precarium: transfertur vero pro pretio per locationem & conductionem.

ARTICULUS I.

De locatione & conductione.

Confessaria hujus Doctrinae.

NOta. Qui dat usum rei, dicitur locator: qui accipit, dicitur conductor. Locatio est contractus, quo res, vel persona ad usum iusto pretio conceditur.

Conductio est contractus, quo res vel persona ad usum iusto pretio comparatur.

§. I.

De conditionibus requisitis ad locationem & conductionem.

PROPOSITIONE. Eadem requiruntur conditiones in locatione & conductione, quae in emptione & venditione, his exceptis, quae possunt emptionem & venditionem a locatione & conductione distinguere.

Prob. Jure civili Locatio & conductio est proxima emptioni, & venditioni, iisdemque regulis consistit: nam ut emptio, & venditio ita contrahitur, si de pretio convenerit; sic & locatio & conductio ita contrahi intelligitur, si merces constituta sit; & competit locatori quidem locati actio, conductori vero conducti actio. Inst. lib. 3. tit. 25. Ergo iisdem conditionibus constare debet, quibus constat emptio, & venditio.

Conductio & locatio conveniunt cum emptione, & venditione in sequentibus modis.

1. Uterque contractus est contractus bonae fidei, ultro citroque obligatorius. 2. Uterque perficitur consensu. 3. Ut in emptione & venditione consensus est in rem, & pretium: sic hic in rem, & mercedem. 4. Quod ut ibi pretium, sic hic merces in arbitrium tertii conferri potest. 5. Sicut in pecunia pretium rei, sic in pecunia merces rei consistit.

Conductio, & locatio differunt ab emptione, & venditione: 1. Quod in emptione res tantum datur; hic non res tantum, sed facta veniunt. 2. In contractu emptionis, & venditionis proprietates alienantur; in locatione usus tantum venit. 3. Pretium tantum consistit in pecunia numerata; merces potest consistere in omni re fungibili. 4. Venditor egens re vendita a traditione non excusatur; bene tamen locator, si ea egeat. 5. Post contractum emptionis, & venditionis casus fortuiti ad emptorem spectant; non rei conductae ad conductores. Haec omnia educuntur ex toto titulo locati, & toto titulo de contrahenda emptione.

Confess. 1. Quoad locantes, & conducentes. Locans & conducentis debet habere dominium rei, quam exponit contractui: ille rei quam locat, ille pretii quod rependit; quia nemo potest contractibus exponere quae sui juris non sunt.

Confess. 2. Quoad res, quae sunt materia locationis, & conductionis. Res locatae debent esse utiles, & non perniciosae conducenti; quia res perniciosae ex commercio hominum excludi debent. Sic locari possunt 1. Res soli usui interviens, ut domus habitanda, liber legendus, &c. 2. Res frugiferae, ut agri, vinea, prata, stagna piscifera, fodinae, &c. 3. Operae artificum, instructio magistrorum.

Locari non possunt res, quae solo usu totaliter consumuntur, ut oleum, vinum, frumentum, moneta ipso usu consumenda; quia in his rebus usus non differt ab ipsa re; juxta illud juris: *Commodari non potest id, quod usu consumitur, nisi forte ad pompam, & ostentationem quis accipiat.* L. 3. ff. commodati vel contra §. 6. Eadem ratione locari nequeunt domus usurariis, lenonibus, & aliis hujusmodi, ut ventant leges tum civiles, tum Canonicae.

Confess. 3. De aequalitate servanda in locatione & conductione.

Usus, & utilitas rei locatae debent reduci ad aequalitatem cum pretio dato a conductore; quia alias contractus esset injustus, si pretium non aequivaleret usui, & utilitati, & utilitas & usus pretio. Sic totum pretium debet restitui, si res locata nulli usui esse potuerit; debet vero reddi ex parte, si ex parte solum utilis fuerit, v.g. si domus pestilens locata fuerit, si equus inutilis locatus fuerit.

Sic pensio debet ex toto remitti, si citra culpam conducentis res frugifera omnino sterilis fuerit, ut dicit jus civile. *Si labeis, inquit, facta sit, omnemque fructum tulerit, damnum coloni non esse ... sed damnum domini futurum, ut habetur L. 15. ff. locati §. 3.* Debet remitti ex parte, si ex parte sterilis fuerit, nisi aliter conventum fuerit inter contrahentes; juxta hanc regulam: *colono unus tantum anni fit quaedam remissio, si ingens sterilitas contingat; nulla vero fit remissio, si exigua sterilitas eveniat. Modicum damnum debet ferre colonus, cui immodicum lucrum non auferitur.* L. 25. ff. locati §. 6. Sic colonus multorum annorum nulla fit remissio pensionis ob sterilitatem etiam ingentem unius anni; quia sterilitas unius anni per uberitatem

tatem multorum annorum compensatur. Si uno anno remissionem quis colono dederit ob sterilitatem, deinde sequentibus annis contingit ubertatem, nihil obesse domino remissionem, sed integram pensionem etiam ejus anni, quo remisit, exigendam. L. 15. locati §. 4.

Si locator & conductor contractum ineunt, quo, servata æqualitate, & pensatis omnibus, minori pretio fundi conductor suscipiat in se omnem calum, omnem sterilitatem, standum est contractui, nullaque ei fieri debet remissio ob sterilitatem ex causis naturalibus provenientem. Si quis, inquit Jus Civile, fundum locaverit, ut etiam si quid vi majori accidisset, hoc ei præstaretur, pactum standum esse. L. 9. ff. locati §. 2.

Consect. 4. Circa modum locandi, & conducendi. Si locationi, & conductioni admisceantur alii contractus, qui non sint contra naturam locationis, & conductionis, pacta, & statuta illorum contractuum observanda sunt; quia nihil tam rationi congruum, quam statuta pacta observari.

Sic, si dominus locator fundi, & colonus conductor quandam societatem ineant, *Partiarius colonus, quasi societatis jure & lucrum & damnum societatis jure patitur cum domino fundi.* L. 24. ff. Locati §. 6.

§. I I.

Quid præstandum a conductore.

Prop. unica. Conductor non potest uti re conducta, nisi juxta vel pactum vel consuetudinem; & si ea abutatur, tenetur reparare damnum culpa sua, vel dolo suo proveniens; si vero ea non abutatur, non tenetur reparare damnum, quod solo casu evenit.

Prob. ex jure civili. In judicio tam locati, quam conducti, dolum & custodiam, non etiam casum, cui resisti non potest, venire constat. L. 28. C. De locato: ergo si conductor vel contra pactum, vel contra consuetudinem, vel dolo, vel culpabiliter agat, tenetur damnum reparare.

Consectaria bujus Doctrinæ.

Sequitur, conductorem peccare, & teneri ad restitutionem in sequentibus casibus. 1. Si contra pactum agat: v. g. si ignem habeat, ubi non haberi conventum est, & incendium contingat, tenetur reparare damnum; quia, inquit jus civile, non debuit ignem habere. L. 11. ff. Locati §. 1. Si solum paleamve ponat, ubi conventum erat non poni... Si servus ejus pars datur;

ignem deferens succendat, tenetur reparare; quia ipse causam præbuit, inferendo contra conductionem, inquit jus civile. L. 11. ff. Locati §. 4. Si mulas, equos &c. rumpat opprimendo insueto onere. L. 30. ff. Locati §. 2. Si colonus fundum ante præfixum tempus deleat. L. 24. ff. Locati §. 2.

2. Si ex culpa sua, vel suorum, res conducta pereat, vel deterior fiat, tenetur reparare; quia culpam debuit præcavere. *Periculum, inquit lex, præstat, si qua ipsius, eorumque, quorum opera uteretur, culpa acciderit.* L. 25. ff. Locati §. 7.

Si conductor inimicum injuste provocavit, & hic ex ira excidat fundi conducti arbores, conductor tenetur reparare. L. 25. ff. Locati §. 51. Si conductor levi metu percussus, latronibus, militibusve diripiendam exponat rem locatam, tenetur reparare; minime vero, si justo fuerit metu percussus. L. 27. ff. Locati §. 1.

3. Si res conducta casu pereat, vel deterior fiat, conductor ad nihil tenetur; quia nemo tenetur casibus improvisis. Sic, si extra culpam, & dolum res conducta pereat ignibus, aquis, latronibus, ad nihil tenetur conductor; quia incendia, aquarum magnitudines, impetus prædonum a nullo præstentur, ut habetur. L. 23. ff. de reg. jur.

§. III.

Quid præstandum a Locatore.

Prop. unica. Locator tenetur efficere, quantum in se est, ut conductor pacifice, & commodè juxta passionem re conducta fruatur: si hanc curam sine causa omittat, tenetur damnum hinc secutum reparare.

Prob. ex jure civili. Hæ sunt leges Locationis. Plane, si forte dominus frui non patiatur, quod interest, præstabitur. L. 15. ff. Locati §. 8.

Consectaria bujus Doctrinæ.

Ex quo sequitur, locatorem peccare, & teneri ad restitutionem in casibus sequentibus.

1. Si non stet pactis. Si quid in lege conductionis convenit, si hoc non præstatur, ex conductione agatur, ut dicitur L. 15. ff. Locati §. 1.

2. Si res locata talis detur, ut ea uti pacifice & commodè conductor non valeat; vel quia res non datur integra, sed solum ex parte, ut si non domus integra, sed solum aliqua ubi conventum erat non poni... Si servus ejus pars datur; vel quia non datur commodè da:

da: v. g. si fenestras sint effractas, ostia corrupta. L. 25. ff. Locati §. 2.

3. Si res conducta, ex dolo, vel culpa locatoris, sit noxia conductori: v. g. Si dolia vitiosa locaverit, deinde vinum effluerit, tenebitur in id, quod interest, nec ignorantia ejus erit excusata. L. 19. ff. Locati §. 1. quia debebat examinare dolia, antequamea locaret. Si saltum passuum, inquit lex, locasti, in quo herba mala nascebatur... quod interest, prestabitur, si scisti: si ignorasti, pensionem non petes. Ibid.

4. Si res locata sine causa ante præfixum tempus a conductore auferatur, tenetur damnum hinc sequens reparare, quia pacta non fervat. Potest tamen res locata auferri a conductore, minuendo pretium pensionis pro rato tempore, quo conductor re locata spoliatur. 1. Si res locata sit propriis usibus ipsius locatoris necessaria: v. g. si ipse locator velit domum suam, quam locavit, habitare. L. 3. C. De re locata. 2. Si res locata vendatur, vel legato donetur. Ibid. 3. Si conductor pensionem non solvat, vel re conducta male utatur, & non tanquam bonus paterfamilias. L. 3. C. ibid. 4. Si conductor pensionem non solvat... colonus ejicitur tunc pensionem debitum nomine. Ibid.

§. IV.

De locante suas operas.

Prop. 1 Qui locat suas operas, tenetur opus susceptum juxta regulas artis perficere: si non faciat, tenetur damnum, ex ignorantia sua, vel negligentia, vel dolo proveniens, reparare.

Prob. ex jure civili, ubi sic habetur: Poterit ex locato cum eo agi, qui vitiosum opus fecerit. L. 51. ff. Locati §. 1. Ergo qui suas locat operas, tenetur opus susceptum juxta regulas artis perficere.

Conseclaria hujus Doctrinae.

Sequitur, quod hi omnes, qui hic subji-ciuntur, peccant, & ad restitutionem tenentur.

1. Colonus, qui intempestivo tempore culturam adhibet: quia, inquit lex, colonus tuam debes, ut opera rustica suo quoque tempore faciat, ne intempestiva cultura fundum deteriorem faceret. L. 25. ff. Locati §. 5.

2. Pastor negligenter armenta custodiens: quia qui mercedem accipit pro custodia alienius rei, is ejus periculum præstat.

3. Vestores publici, v. g. nautæ, mulio-

nes, rhedarii, qui res a loco in locum defendendas suscipiunt, & integras non exhibent, habetur contra eos actio ex locato. L. 13. ff. Locati §. 2. & L. 25. §. ibid.

4. Fullones, sartores, qui non reddunt integra, quæ eis commissa sunt, etiam si vulgari casu perierint. Si sulto vestimenta polienda acceperit, eaque mures roserint, ex locato tenebitur, quia debuit ab hac re cavere: & si pallium sulto permutaverit, & alii, quod est altius, dederit, ex locato actione tenebitur, etiam si signatus fecerit. C. 13. ff. Locati §. 6.

5. Artifices demum omnes, qui opus vitiosum efficiunt; quia locarunt se ut artifices. L. 9. ff. de Locato §. 5.

Prop. 2. Artifex non tenetur ea damna reparare, quorum nullatenus est causa.

Prob. rat. Tunc artifex nullatenus est in culpa: ergo non debet damnum pati.

Conseclaria hujus Doctrinae.

Sequitur, quod artifices ad nihil tenentur in subjectis casibus.

1. Si dominus voluerit artefactum fieri contra regulas, invito artifice præmonente; tunc enim debet vitium operis sibi imputare. L. 51. ff. Locati §. 1.

2. Si dominus materiam dederit, circa quam artifex artem suam exercere coactus fuerit: si opus vitiosum fuerit ex conditione materie, & non ex incuria artificis. Si gemma, inquit lex, includenda, aut insculpenda data sit, eaque fracta sit, siquidem materie vitio factum sit, non erit ex locato actio, si imperitia faciens, erit... Nisi periculum in se artifex suscepit. L. 13. §. 5. ff. Locati.

3. Si casus omnino imprævisus opus corruperit: v. g. si ædificium pene perfectum motu terræ conciderit: Si soli vitio id acciderit, locatoris erit periculum, si operis vitio acciderit, tuum, id est artificis, erit detrimentum. L. ult. ff. Locati. In priori casu, in quo scilicet non est culpa, compensandæ erunt artificis operæ; minime vero in posteriori, in quo est culpa.

ARTICULUS II.

De commodato & precario.

Commodatum est contractus, quo res aliqua ad solum usum gratuito conceditur pro determinato usu, & pro determinato tempore, ea conditione, ut res eadem in individuo restitatur. Precarium est contractus, quo res aliqua ad solum usum gratuito

tuito conceditur, non determinando usum vel tempus. Diciturque precarium, eo quod precibus petentis utendum conceditur, quamdiu is, qui concessit, patitur. L. 1. ff. de precario.

Prop. unica. Eadem requiruntur conditiones in commodato, & precario, quæ requiruntur in donatione, paucis exceptis, quæ distinguunt donationem a commodato & precario.

Prob. 1a. Commodatum non est pignus, aut depositum; quia in pignore res datur securitatis gratia, in deposito custodiæ gratia. Non est mutuum: quia in mutuo accipiens fit dominus rei acceptæ, in commodato accipiens potest tantum uti recepta. Non est locatio; quippe locatio fit sub certa mercede, commodatum autem fit gratuito. Ergo commodatum est gratuita donatio hujus rei, quæ commodatur: ergo eadem requiruntur conditiones in commodato, quæ in donatione.

Conseclaria hujus Doctrinae.

Consecl. 1. Quoad personas. Illi omnes commodare possunt, non solum qui habent dominium rei, sed etiam ejus possessionem, sive liberi, sive servi, sive patres, sive filii familias: & quidem possunt commodare unicuique, modo speretur, quod res commodata non futura sit ipso usu deterior; quia nihil ultra requiri potest a domino, nisi ut res ipsa reddatur. *Commodare possumus*, inquit jus civile, *rem etiam alienam, quam possidemus: tametsi scientes alienam possideamus.* L. 15. ff. *Commodati vel contra.*

Consecl. 2. Quoad res. Ea solum possunt commodari, quorum usus distinguitur ab aliis rebus; qualia sunt omnia, quæ usu non consumuntur, sive mobilia sint, ut vestis, &c. sive movetia, ut equus, &c. sive immobilia, ut domus &c.

Consecl. 3. Quoad modum. Modus commodati prægitur a commodante; cum enim commodatum sit donatio usus, donatoris est modum beneficium suo præscribere. *Modum*, inquit jus civile, *finemque præscribere, ejus est qui beneficium tribuit.* L. 17. ff. *Commodati* §. 3.

Si modus commodati & quoad usum, & quoad tempus non præscribatur a commodante, consuetudine mensurabitur; quia consuetudo est contractuum interpretis, sicut & legum. Sic, si equum commodavero, si librum, &c. eis utendum est ad usus solitos & non insolitos, v. g. equo ad

iter agendum, libro ad legendum; minime vero ad oppignorandum.

Si modus commodati nec expresse per conditionem a commodante impositam, nec per consuetudinem cognosci possit, per æquitatem judicari debet. Sic commodatum potest repeti ante præfixum tempus, etiam cum damno commodatarii, si simile damnum impendat commodanti; quia æquitas postulat, ut dominus rei potius re sua utatur, quam alius. Sic commodatum non potest repeti ante tempus præfixum, vel nondum expleto usu, ad quem datum est; quia alias commodatum magis noceret, quam prodesset.

Consecl. 4. De obligat. commodatarii. Commodatarius tenetur servare commodatum præ rebus suis, si sit pretiosus vel æque pretiosus; æquitas enim postulat, ut commodatarius, in cuius utilitatem cedit commodatum, damnum patiatur potius quam commodans. Sed si res commodatarii sint longe pretiosiores re commodata, poterit commodatarius præferre res suas commodato; æquitas enim postulat, ut nemo patiatur ingentem jacturam in rebus suis, ut vitet minorem in alienis.

ARTICULUS III.

De Mandato.

Mandatum est quasi manudatum; fit enim cum quid alteri gerendum committitur.

Mandatum est contractus, quo negotium aliquod alicui gratuito gerendum committitur, & suscipitur. Qui committit negotium, dicitur mandans, seu mandator: qui suscipit negotium, dicitur mandatarius.

Prop. unica. Eadem requiruntur conditiones in mandato, quæ requiruntur in locatione operarum, hoc solum discrimine, quod locatio operarum non est gratuita, mandatum vero debet esse gratuitum.

Prob. 1a. desumpta ex jure civili. *In summa sciendum est, mandatum, nisi gratuitum sit, in aliam formam negotii cadere; nam mercede constituta incipit locatio esse & conductio*, ut dicitur Lib. 3. Inst. tit. 27. §. 14. Ergo ob affinitatem, quam mandatum habet cum locatione & conductioe operarum, eadem requiruntur conditiones in mandato, quæ in locatione, & conductioe operarum; hoc excepto, quod locanti operas ex iustitia debetur compensatio, mandatario autem ex gratitudine solum debetur honorarium.

Consecraria hujus Doctrinae.

Consect. 1. Quoad personas. Mandans habere debet auctoritatem circa rem, quam mandat: mandatarius vero debet habere dominium operarum, quas promittit; quia nemo potest exponere contractui nisi quæ ipsius sunt.

Sic nemo potest aliena negotia alicui committere; quia ad id non habet auctoritatem. Sic qui non sunt sui juris, v.g. Monachus, servus, &c. non possunt aliena negotia suscipere; quia non sunt domini suarum operarum.

Sic adus legitimi per solemnes legis actiones coram iudice expediendi, mandari non possunt privato homini; quia debent fieri per personam publicam: v.g. Aditio hæreditatis. L. 9. ff. *De acquirenda hereditate*. Adoptio. L. 24. ff. *De adoptione*. Emancipatio. Lib. 3. Inst. tit. 1. §. 12. Tutoris datio. L. 6. ff. *De Tutoribus*. Accepti latio. L. 13. ff. *De accepti latione*, non possunt committi nisi personis ad id per jura destinatis.

Consect. 2. Quoad res. Illa solum possunt mandari, quæ sunt honestæ & licitæ, non turpia vel injusta; mandatum enim de returpi non est obligatorium, etiamsi firmaretur juramento, ut habetur de reg. jur. in 6. *Non est obligatorium*, inquit regula, *contra bonos mores præstitum juramentum*. Reg. 58.

Consect. 3. Quæ equalitas servanda in hoc contractu. Honorarium datum a mandante, & mandatarii operæ non debent ex justitia, sed solum ex decencia reduci ad æqualitatem; quia mandatum debet esse gratuitum: & si honorarium interveniat, debet esse non merces operarum, sed gratuita compensatio, quæ promissa accipi valeat, negata vero exigi non permittatur; nam ex jure civili L. 1. ff. §. 4. ff. *Mandati vel contra*, *Mandatum, nisi gratuitum, nullum est; nam originem ex officio atque amicitia trahit*. Mandans tamen tenetur ex justitia restituere mandatario omne damnum, quod passus est mandatarius in mandati executione, modo mandatarius mandantem de damno, quod passurus erat, præmonuerit. *Sumptus*, inquit lex, *bona fide necessario factos*, *et si negotio finem adhibere procurator non potuit*, *judicio mandati restitui necesse est*. L. 56. ff. *Mandati vel contra*. §. 4. *Ne ut eodem titulo dicitur L. 15. damno afficiatur is, qui suscipit mandatum*.

Consect. 4. De modis, quibus mandatum potest fieri. Mandatum variis modis dividitur. Aliud est voluntarium, quod sponte suscipitur. Aliud necessarium, quod suscipitur in imperio Magistratus. Aliud expressum, quod

committitur expressa voluntate mandantis. Aliud generale, quod universa negotia mandatoris complectitur. Aliud tacitum, quod committitur per patientiam mandantis. Aliud speciale, quod non nisi certum aliquod negotium attingit. Aliud mandantis causa, ut si mando, quod mihi fundum emas. Aliud mandatarii causa, ut si mando tibi, quod tibi fundum emas. Aliud extranei causa, ut si mando Petro, quod fundum emat Paulo. Aliud simplex, ut si mandem, quod unius tantum geras negotium. Aliud mixtum, ut si mandem, quod multorum geras negotia, v.g. tua & aliena, mea & tua: & in omnibus mandatis mandans & mandatarius debent juxta regulas mandati se gerere.

Consect. 5. De obligatione mandantis & mandatarii. Mandans debet permittere, ut mandatarius negotium susceptum fideliter exequatur, & mandatarius debet illud exequi secundum formam præscriptam; quia hæc sunt utriusque contrahentis munia. Sic mandans potest, re adhuc integra, revocare mandatum; minime vero jam incepta, modo mandatarius non excedat fines mandati. Sic mandatarius, re integra, potest renunciare mandato; minime vero interpellato, & re jam incepta.

CAPUT VIII.

De Contradictibus, quibus sola res traditur vel custodienda, ut in deposito, vel pro securitate debitorum, ut in oppignoratione.

ARTICULUS I.

De Deposito.

§. I.

Quid & quotuplex depositum.

Depositum est contractus, quo res aliqua alicui custodienda traditur, ut integra restituantur. L. 1. ff. *Depositum vel contra*.

Depositum est duplex: judiciale, & privatum. Depositum judiciale est, cum res aliqua litigiosa committitur alteri, ut eam custodiat, donec cognita causa constet cui debeatur. Depositum privatum est, quando res aliqua committitur apud privatam aliquam personam, cui fidimus.

Persona quælibet, cui prudenter fidere possumus, potest depositum servare; res vero quælibet, quæ custodiri potest, est materia depositi.

§. II.

De munere Depositarii.

Prop. unica. Depositarius debet semper rem depositam quasi suam inspicere, ut eam custodiat; debet vero eam quasi non suam inspicere, ne eam contrectet contra expressam, vel tacitam deponentis voluntatem.

Prob. rat. Nec proprietas, nec usus rei conceduntur depositario, sed tantum res illa traditur custodienda: ergo depositarius debet eam illiusam deponenti servare.

Conseſſaria hujus Doctrinæ.

Conseſſ. 1. Depositarius peccat, & ad restitutionem tenetur, quoties ex ejus dolo, vel negligentia damnum aliquod deponenti enascitur; quia est in culpa, v.g. 1. Si res deposita dolo, aut negligentia pereat, aut deterior fiat. C. *Bona fide*, de depositis. Si non adhibeat tantam curam in custodiendo deposito, quantum adhibet in rebus suis; quia præsumitur dolo. Si hæres inscriptus rem testatori suo depositam doloſe distrahat; quia nemini sua fraus patrocinator. 4. Si re deposita, v.g. argento, utatur depositarius contra expressam voluntatem deponentis, si in tali usu lucretur aliquid; tenetur damnum illatum reparare; quia est in culpa. L. 24. ff. *Depositii vel contra*. Et C. L. 4. ejusdem tituli, ubi sic habetur. *Si deposita pecunia, qui eam suscepit, usus est, non dubium est etiam usuras debere præstare.*

Conseſſ. 2. Depositarius non peccat, nec ad restitutionem tenetur, quoties seclusa ejus negligentia & dolo, damnum aliquod enascitur deponenti; tunc enim, ut supponitur, non est in culpa: v.g. si res deposita pereat casu, puta, incendio, inundatione. 2. Si depositarius non valens simul & rem suam, & rem sibi depositam servare, præstat conservationem rerum suarum deposito. 3. Si hæres scriptus bona fide depositum distrahat; quia bona fides excusat; si tamen vendiderit depositum, tenebitur dare pretium acceptum; quia non potest locupletari re aliena: si non acceperit pretium, tenebitur dare deponenti actionem exigendi vel pretium, vel depositum; quia debet impedire, ne deponens nocuementum patiatur. Si depositarius utatur re deposita cum expressa vel tacita voluntate domini, si aliquid lucretur, po-

terit retinere; quia dominus censetur solum exigere rem depositam sibi integram reddi.

Monit. Sequestratio est rei litigiosæ sequestro commissa custodia autoritate judicis; ideo ad eadem tenetur sequester, ad quæ tenetur depositarius. Insuper, si res deposita sit immobilis; puta, fundus, tenetur sequester eam rem frugiferam efficere, & fructus deductis expensis vendere, & pretium in manu judicis collocare. Si res vero sit mobilis; v.g. fructus fundi, supellectilia, & alia hujusmodi, quæ servando, ut dicunt, servari nequeant, tenetur ea autoritate judicis vendere, & pretium in manu publica deponere, ut cedat in bonum illius, ad quem res sequestro commissa pertinet. Totum illud colligitur ex L. 2. ff. *Depositii*.

CAPUT II.

De pignore & hypotheca.

HYPOTHECA est contractus, quo res immobilis obligatur creditori in solutionem debiti, non facta traditione rei obligatæ. Pignus est contractus, quo res mobilis obligatur creditori in solutionem debiti, facta traditione rei oppignoratæ; juxta illud juris: *Proprie pignus dicimus quod ad creditorem transit, hypothecam, cum non transit.* L. 9. ff. de pignoratitia actione §. 2.

Prop. 1. Traditio & acceptio pignoris & hypothecæ eadem fere requirunt conditiones, quas exigunt venditio & emptio, his exceptis, quæ venditionem & emptionem ab actione pignoratitia distinguunt.

Prob. rat. Traditio & receptio pignoris quandam habent affinitatem cum emptione & venditione: etenim sicuti venditor tradit rem emptori, & ab eo accipit pretium; ita oppignorans tradit rem creditori, & ab eo accipit pretium, cujus est debitor, eo solum discrimine, quod emptor accipiat rem in dominium, creditor vero accipiat rem solum in securitatem debiti: ergo traditio & acceptio pignoris & hypothecæ eadem fere debent habere conditiones, quas habent emptio & venditio.

Consecratoria hujus Doctrinae.

Consecr. 1. Quoad personas. Illi solum possunt tradere rem in hypothecam & pignus, qui possunt vendere: & illi solum possunt accipere rem in pignus vel hypothecam, qui possunt mutuo dare; quia oppignorans est quasi venditor, & accipiens pignus & hypothecam est mutuator: & ita qui non possunt vendere, non possunt oppignorare: & qui non possunt mutuo dare, non possunt res sub pignore vel hypotheca accipere. Vide dicta de venditione & mutuo.

Consecr. 2. Quoad res. Illae res solum possunt dari in hypothecam & pignus, quae sunt in commercio hominum, quaeque sunt in nostra potestate, & quae habent aequalitatem cum debito; si enim non sint in commercio hominum, si non sint in nostra potestate, & si non adaequant debitum, decipitur creditor; si vero longe excedant debitum, fraudatur debitor.

Sic res omnes, quae emi & vendi possunt, v.g. res mobiles & immobiles, res corporales & incorporeales, res actu existentes & futurae, uti emi possunt, ita & in pignus vel hypothecam accipi; juxta illud juris: *Quod emptionem venditionemque accipit, etiam oppignorationem accipere potest.* L. 9. ff. de pignoribus & hypothecis.

Sic res omnes, quae emi & vendi non possunt, tradi pariter nequeunt in pignus, vel hypothecam: tales sunt, v.g. res sacrae. *Omne enim, inquit Scriptura, quod Domino consecratur, sive homo fueris, sive animal, sive ager, non vendetur, nec redimi poteris: quidquid semel fuerit consecratum, sanctum sanctorum erit Domino.* Lev. 27. v. 28. Sicuti vendi non poterit, ita nec oppignorari: de quo ita etiam Jus civile. *Sanctimus, inquit, nemini licere sacratissima, atque arcana vasa vel ad venditionem, vel pignus trahere.* L. 21. C. de Sacrosanctis Ecclesiis. Id tamen licitum erit autoritate publica, pro causa publica, vel ad nutriendos pauperes tempore famis, vel ad repellendos hostes tempore belli, ut dicitur ibid.

Sic res alienae, sicuti non possunt à nobis vendi, dissidentie domino, ita nec oppignorari; bene tamen consentiente domino, ut habetur L. 20. ff. de pignoratitia actione.

Sic res omnes, quas leges vetant vel alienari, vel oppignorari, etsi essent in nostra potestate, nequeunt tradi in pignus vel hypothecam; & ita oppignorari non possunt. 1. Res feudales; eas enim alienari lex vetat, de prohibita feudi alienatione per Fridericum.

Tomus I.

2. Res dotales C. L. unica de rei uxoris actione. Res litigiosae L. 1. ff. quae res pignore vel hypotheca datae. 4. Res minorum. L. 1. C. de praediis & aliis rebus minorum, &c. 5. Res Fideicommissi obnoxiae. L. finali. C. communia de legatis. 6. Res bello partae, instrumenta artium, v.g. instrumenta aratoria, &c. L. 1. C. quae res obligari possunt pignori vel non.

Consecr. 3. Quoad modum oppignorandi. Modus dandi & accipiendi pignus, talis debet esse, ut nec creditor rem sibi debitam perdat, nec debitor bis eandem summam restituat; is enim est pignorum & hypothecarum finis, ut creditor dormiat securus, & debitor servetur illaesus.

Sic debitor peccat, & ad restitutionem damni illati tenetur in sequentibus casibus. 1. Si rem viliori loco pretiosioris oppignoret, v.g. vitrum pro gemma, cuprum pro auro, rem sterilem pro re frugifera; quibus fraudibus fit, ut debitum reddatur minus securum: uti enim peccat, & ad damni restitutionem tenetur venditor, qui rem viliozem pretiosiori substituit; ita ad idem tenetur qui similem fraudem committit oppignorando. 2. Si rem jam obligatam alicui creditori, novo creditori obliget, non praemonendo priorem creditorem, praecipue si res non sit utroque debito pretiosior: uti enim peccat qui, rem jam vendita uni, eandem vendit alteri; ita & qui rem uni oppignoratam alteri oppignorat. 3. Si rem pignori datam distrahat, dilapidet, vendat; etenim per hujusmodi fraudes creditor decipitur, & summa ab eo mutuo data, minus secura redditur: & juxta Jus civile, debitor sic decipiens creditorem, tamquamstellionatus aut furti reus puniendus est. L. 36. ff. de pignoratitia actione. Et si conventum sit, quod debitori non licebit hypothecam vendere, si contra pactionem vendiderit; certum est, inquit Jus, nullam esse venditionem, ut pactioni stetur. L. 7. ff. de distractione pignorum & hypothecarum.

Sic creditor peccat, & ad restitutionem damni illati tenetur in sequentibus casibus. 1. Si rem pignori datam non custodiat tamquam bonus pater-familias; ait enim Jus civile: *Ea igitur, quae diligens pater-familias in rebus suis praestare solet, a creditore exiguntur.* L. 14. ff. de pignoratitia actione. 2. Si rem pignori datam, tamquam suam habeat; non enim illius est dominus, sed custos; ait enim Jus civile: *Pignus manente proprietate debitori, solam possessionem transfert ad creditorem.* L. 35. eodem titulo. 3. Si rem pignori data utatur usu quo fiat deterior; tunc enim debet damnum illud compensare: ita enim

Ee jube-

jubeat L. 2. C. de pignoratitia actione, ubi sic habes: *Quod ex operibus ancille, vel ex pensibus domus, quam pignori detineri dicis, perceptum est, debiti quantitatem relevabit.* Et L. 3. ejusdem tit. dicitur: *quod si agrum deteriorum constituit, eo quoque nomine pignoratitia actione obligatur: quæ singula, ut fufius pateant, sit*

S. III.

Quotuplex hypotheca & oppignoratio: quæ licita, & quæ illicita.

Prop. 1. Duplex præcipue distingui potest hypotheca & oppignoratio: legalis scilicet, quæ a lege independenter a nostro consensu statuitur: & conventionalis, quæ libera contrahentium voluntate firmatur.

Prob. rat. Hypotheca & oppignoratio venditionem imitantur ex dictis: arqui duplex est species venditionis, altera legalis, quæ fit auctoritate legis, etiam contra voluntatem possessoris, altera conventionalis, quæ fit ex conventionem partium; ita & duplex est oppignoratio, altera legalis, altera conventionalis.

Conseffaria hujus Doctrina.

Conseff. 1. Toties intervenit hypotheca & oppignoratio legalis, quoties sunt bona, quæ ex æquitate naturali obligantur aliis; æquitas enim postulat, ut auctoritate legis sint certæ res, quæ alias securas efficiant, ut lic bono tum publico, tum privato provideatur, & sceleratorum hominum fraudes, quantum fieri potest, impediuntur. Sic ex vi legis, omni seclusa conventionem, bona, quæ hic subjiuntur, nexu hypothecæ aliis obligantur.

1. Bona singulorum debentium tributa obligantur fisco; decet enim tributa esse secunda & firma. L. 1. C. ex quibus causis pignus & hypotheca contrahantur. 2. Bona Tutoris & Curatoris obligantur pupillis & minoribus, ne scilicet qui res suas non gerunt ab aliis fraudentur. L. 20. C. de administratione Tutorum. 3. Bona consulum, & bona eligentium consules, Reipublicæ obligantur, ne scilicet publicæ res male administrarentur. L. 4. C. quo quisque ordine conveniatur. 4. Bona mariti obligantur pro dote uxoris, ut dos uxoris servetur indemnis. L. 1. §. 5. de rei uxoriæ actione. Bona mariti, qui ducit in uxorem viduam, habentem filios pupillos, si hæc susceperit eorum tutelam, obligantur iisdem pupillis, si ante initas nuptias non petatur

alius tutor. L. 6. C. in quibus causis pignus & hypotheca tacite contrahitur. 6. Bona patris obligantur pro bonis adventitiis filiorum, ne filii incuria patris fraudentur. 7. Bona defuncti obligantur pro expensis omnibus tum morbi, tum funeris. L. penultima ff. de religiosis & sumptibus funer. ne scilicet ægrorantes sine curatione decedant, & cadavera sint sine sepultura. 8. Domus ædificata vel reparata manet obligata mutuatori, qui dedit pecuniam ad hujusmodi constructionem vel reparationem. L. 7. C. qui potiores in pignore. 9. Bona testatoris manent obligata legatariis, ut scilicet legata non inutiliter absorbeantur. L. 1. C. communia de legatis. 10. Fundus emptus non solum pretio manet obligatus venditori; injustum enim esset venditorem privari & re, & pretio rei. L. 13. ff. §. 8. de actionibus empti & venditi. Eadem ratione fundus emptus pecuniis mutuo acceptis, manet obligatus mutuatori, modo constet pecunias, numeratas esse eo fine, ut emeretur fundus, & de hoc fiat mentio in instrumentis emptionis. 11. Fundus feudalis manet obligatus domino, cum ejus fundi habeat directum dominium. 12. Supellectilia detenta in domo locata manent obligata pro pretio locationis: *illata & in vestra pignori erunt obligata*, inquit jus civile L. 2. ff. in quibus causis pignus vel hypotheca tacite contrahatur. Demum generali ratione, quodlibet opus est obligatum suo artificio, meliorationes fundi colono, merces transeunt veltori, &c.

Conseff. 2. Toties intervenit hypotheca conventionalis, quoties contrahentes specialiter paciscuntur se velle bona sua obligare: & hæc hypotheca est talis, qualem contrahentes iniuri volunt, cum omnino dependeat ab eorum arbitrio.

Multiplex assignatur: alia est universalis, alia particularis, alia communis, alia specialis.

Hypotheca universalis ea est, qua omnia bona debitoris obligantur; ea scilicet, quæ alienari possunt, v. g. res præsentis, & futuræ: nam res non venales, ut jus patronatus, feudum, &c. non subjiuntur hypothecæ universali.

Hypotheca particularis ea est, qua bonum aliquod in particulari obligatur, & ultra illud bonum obligatio non extenditur: v. g. censualis pensio obligat sibi fundum, in quo fundatur.

Hypotheca communis ea est, quæ non præfertur alteri, nisi ratione temporis, juxta hanc regulam: qui prior est tempore, potior est jure.

Hy-

Hypotheca specialis ea est, quæ ex speciali privilegio præfertur alteri, quæ sit, ut qui est posterior tempore, si tamen potior jure.

Monit. Hypotheca legalis semper iusta præsumitur; lex enim nihil nisi iustum præcipit: sed hypotheca & oppignoratio conventionalis possunt esse iniustæ; quia homines in suis contractibus solent iniquas conditiones aliquando apponere, nisi per legem corrigantur: quæ iniquitas sequenti propositione apparebit.

Prop. 2. Toties illicita est hypotheca, vel oppignoratio, quoties creditor, præter securitatem summæ mutuo traditæ, aliquid aliud exigit a debitore.

Prob. 1. ex jure civili. *Creditor*, inquit *jus, qui pignus accepit, possessor non est, tamen si possessionem habeat aut sibi traditam, aut precario debitori concessam: ergo non sibi, sed debitori tenet: ergo non potest uti pignore, nisi ad solam securitatem debiti.*

2. Ratione desumpta ex jure civili. Illud est privilegium pignoris & hypothecæ, ut de solum securitatem creditori, nullum vero damnum afferat debitori: Ergo toties erit injusta hypotheca & oppignoratio, quoties apponetur aliqua conditio onerosa debitori. *Quod enim ex lege, inquit jus, datum est lucrum, privatus auferre modis omnibus non valet. Novella 22. Cap. 33.*

3. Alia ratione. Toties injusta est conventio, quoties legibus est contraria; quia, ut dicitur L. 38. ff. de pactis, *jus publicum privatorum pactis mutari non potest.* Atque juxta leges creditor nihil potest exigere a debitore, nisi securitatem debiti: Ergo injuste agit, si conditiones onerosas imponat debitori.

Conseclaria hujus Doctrinæ.

Consecl. 1. Peccat creditor, & ad restitutionem tenetur, si abque conventionem utatur pignore, vel hypotheca, lucrumve aliquod percipiat, si lucrum illud non computet in solutionem debiti; quia tunc contra legem fructus percipit ex pignore: de quo ita jus Can. C. *quoniam* de usuris, ubi sic habetur: *Auctoritate præsentium duximus injungendum, ut eos, qui de possessionibus, vel arboribus, quas tenere in pignore noscuntur, sortem, deductis expensis, receperunt, ad eadem pignora restituenda, sine usurarum exactione, Ecclesiastica districtione compellas.* Et C. *Cum contra.* De pignoribus dicitur: *Nos igitur attendentes, quod in talibus perceptio fructuum in solutione sortis accedat, cum secundum Canonicas sanctiones fructus restitui, & in sortem debeant computari: ipsas possessiones restituendas esse*

decevimus. Illud idem expresse docet jus civile. L. 1. *de pignoratitia actione.* *Fructus, inquit, ex pignore percepti imputantur in sortem, & si sufficiant ad totum debitum, solvitur actio, & redditur pignus. Quod si fructus debitum excedant, superflui redduntur, videlicet mota actione pignoratitia.*

Consecl. 2. Illicita est conventio, in qua per pactum legis commissoriæ convenit inter debitorem & creditorem, quod res tradita in pignus, vel hypothecam, ad creditorem pertinebit, si intra certum tempus non persolvatur argentum mutuo traditum: hæc enim conditio onerosa debitori est contra naturam oppignoratiōis, cujus est solum securum reddere debitum. Ideo pactiōes illas reprobat Jus Can. *Significante* de pignoribus, ubi sic decernitur: *Cum igitur pactum legis commissoriæ sit in pignoribus improbatum.* Illud idem expressius improbat Jus civile. L. 3. C. *de pactis pignorum*, ubi sic Constantinus populum alloquitur. *Quoniam, inquit, inter alias captiones, præcipue commissoriæ, pignorum legis crescit asperitas, placet infirmari eam, & in posterum omnem ejus memoriam aboleri. Si quis igitur tali contractui labores, hac sanctione respiciat.*

Consecl. 3. Illicitum est pactum, in quo convenit, quod debitor non potest rem hypothecæ, aut pignore traditam, vendere, & debitum luere; hæc enim conventio non efficit traditio pignoris, sed alienatio: ideo Constantinus lege supra citata hanc conventionem invalidam declarat, & jubet pignus reddi debitori, & summam mutuo traditam solvi creditori: *creditores enim, inquit, re hypothecaria amissa, jubemus recuperare quod dederunt.* Imo jus civile eam conventionem, quæ debitori interdicitur pignus a se datum vendere, ut æquitati naturali contrariam reprobat; sic enim habet L. 7. *de distractione pignorum & hypothecarum.* *Queritur, inquit, si pactum sit a creditore, ne liceat debitori hypothecam vendere vel pignus; quid juris sit, & an pactio nulla sit talis, quasi contra jus sit posita, idque veniri possit, certum est venditionem esse nullam, ut pactio stetur.* Ubi Jus fatetur conditionem illam a creditore impositam debitori nullam esse.

Consecl. 4. Aliquando licitum, aliquando illicitum est pactum antichreseos, in quo convenit, ut fructus pignoris cedant pro usuris pecuniæ mutuo datæ.

Illicitum est, si creditor nullum habeat titulum sumendi interesse; tunc enim antichresis est usura palliata, cum sumatur aliquid supra sortem, sine ullo titulo lucrī cessantis,

vel damni emergentis: atque ideo fructus percepti desinent computari in sortem, ut dictum est.

Illicitum pariter est idem pactum, si creditor habeat titulum sumendi interesse, & fructus excedant usuras legitimas, ut loquitur *ius civile*. Si plus acceptum est, quam usurarium legitimarium ratio colligit, minime oportet. L. 14. C. de usuris.

Licetum vero est pactum *antichreseos*, si creditor titulum habeat sumendi interesse, & fructus ex pignore percipiendi, deductis expensis, non excedant interesse; tunc enim fructus inserviunt ad compensandum vel lucrum cessans, vel damnum emergens. Eam conventionem licitam credit Papinianus, L. 10. ff. de pignoris & hypothecis, eamque comparat cum venditione conditionata. Nam, inquit, cum emptorem usus fructus tueatur Praetor, cur non creditorem tuebitur? Et L. 17. C. de usuris, eadem conventio his verbis confirmatur. Si ea, inquit, lege possessionem mater tua apud creditorem suum obligavit, ut fructus in vicem usurarum consequeretur, obventu maioris percepti emolumenti, propter incertum fructuum eventum, rescindi placita non possunt. Ubi lex duo exigit, & quod fructus sint incerti, & quod legitimas usuras non excedant.

Consect. 5. Creditor aliquando licite, aliquando illicite agit, quando exigit, quod ad solutionem summæ mutuo datæ vendatur pignus pro affecuratione debiti traditum.

1. Illicite agit, si exigit venditionem pignoris, etiamsi egeat pecuniis mutuo traditis, peccatque contra caritatem, durius exigendo quod debitum est, & immisericorditer vendendo pignus, quo forte debitor indiget. de quo ita Scriptura Exod. 22. v. 26. Si pignus, inquit, a proximo tuo acceperis vestimentum, ante solis occasum reddes ei. Ipsum enim est solum, quo operitur, indumentum carnis ejus, nec habet aliud, in quo dormiat. Si clamaverit ad me, exaudiam eum; quia misericors sum. Et Deuteron. 24. v. 12. Sin autem debitor pauper est, non pernoctabit apud te pignus, sed statim reddes ei ante solis occasum, ut dormiens in vestimento suo benedicat tibi, & habeas justitiam coram Domino Deo tuo.

2. Illicite agit creditor exigens vendi pignus, etiamsi egeat pecuniis mutuo datis, si in pignoris venditione non obleret modum constitutum a lege: de qua ita Justinianus. L. 2. inst. tit. 8. Ne creditores, inquit, ipsum persequi impedirentur, neque debitores tenere suarum rerum dominium amittere viderentur, nostra constitutione constitutum est, & certus modus impositus est, per quem pignorum distractio

possit procedere. Itaque creditor in vendendo pignore, quæ sequuntur debet observare.

1. Sive conventum sit, sive non, quod res oppignorata vendi possit; tamen creditor illam licite potest vendere, debitore existente in mora solvendi.

Si nihil de ea venditione convenerit, post unam denunciationem debitori testato factam, ut solvat debitum, & post expectatum biennium, creditor pignus vendere poterit. Si expresse inter partes convenerit de pignore non distrahendo, post factam trinam denunciationem, cum cursu biennii, fiet condemnatio per judicem, petente creditore, ut pignus distrahatur. Si pignus non inveniat emptorem, nec luat debitor, creditor jure domini poterit pignus retinere. Totum istud colligitur ex Cod. toto Tit. De jure domini impetrando.

ARTICULUS III.

De fide-jussione.

Fide-jussio est contractus, quo quis alienam obligationem suscipit implendam, si principalis contrahens non faciat, quod sponndit. Qui alieno nomine obligatur, inquit *ius civile*, fide-jussor vocatur. L. 1. ff. §. 8. De obligationibus & actionibus.

Prop. unica. Eadem requiruntur conditiones in fide-jussore, quæ in principali contrahente.

Prob. var. Fide-jussio est quasi accessorium contractus initi ab eo, qui principaliter obligavit: ergo eandem subit obligationes; accessorium enim sequitur naturam principalis.

Conseclaria hujus Doctrinae.

Consect. 1. Quoad personas. Illi omnes possunt fide-jubere, qui possunt contrahere, nisi a lege prohibeantur; quia fide-jussio est contractus specialis, qui aliquibus interdicitur.

Sic generaliter omnes, qui sunt sui juris, si per legem specialem non obest, possunt fide-jubere; quia possunt contrahere.

Sic feminae, licet contrahere possint pro seipsis, tamen prohibentur fide-jubere pro aliis, per Senatus-Consultum Vellejanum, ob sexus imbecillitatem; quia levitate magis, quam libertate mulier videtur consentire. Non adjuvatur tamen mulier Vellejano, si ei renuntiet, si post biennium iterum se obstringat, & pignora dec ad fig-

mandam fide-jussionem; quia tunc plena libertate videtur fide-jubere.

Sic milites non possunt fide-jubere; quia, cum armis incumbant, non est æquum, ut privatis negotiis occupentur. L. 31. C. De locato & conducto. Sic minores non possunt fide-jubere propter privilegium, quod habent, restitutionis in integrum.

Consect. 2. Quoad res. Fide-jussio potest fieri pro re honesta, minime vero pro re inhonesta, sicuti pro re honesta, non vero inhonesta potest fieri contractus.

Sic fide-jussio contrahi potest. 1. Pro obligatione naturali & civili; quia id honestum est. *Fide-jussor*, inquit *jus, accipi potest, quoties est aliqua obligatio civilis, vel naturalis.* L. 16. ff. De fide-jussoribus §. 3. Item pro obligatione præsentis & futura. *Fide-jussor future quoque actionis accipi potest*, ut dicitur L. 50. ff. de peculio. Imo etiam pro multa pecuniaria, quibuscumque hominum delictis inflicta, fide-jussio dari potest, quia hæc solutio nihil continet inhonesti: sed pro delicto personali fide-jussio non potest dari; quia inhonestum est spondere pro crimine, ut innuitur L. 46. De fide-jussoribus. Æquum enim est, ut reus personaliter puniatur; injustum vero, si alius pro illo puniatur.

Consect. 3. Quoad modum. Fide-jussio talis est quoad modum, qualis est contractus; quia utpote accessorium contractus, naturam sequitur contractus.

Sic regulariter loquendo, fide-jussor ad idem se obligat, ad quod obligatur principalis contrahens; ita ut plus non debeat fide-jussor, sive quantitatis, sive rei, sive loci, sive temporis, quam debet principalis contrahens, ne plus sit in accessorio, quam in principali, juxta illud juris L. 34. ff. De fide-jussoribus. *Qui accessionis loco promittunt, in leviores causam accipi possunt, in deteriorem non possunt.*

Sic liberato principali debitore, liberatur fide-jussor; quia fide-jussor est in supplementum debitoris principalis, juxta illud juris: *Fide-jussor obligari non potest ei, apud quem reus promittendo obligatus non est.*

Sic, si contractus principalis debitoris metu aut dolo initus fuerit, aut aliquo casu invalidus sit, si non ligitur principalis contrahens, non ligabitur fide-jussor. Sic demum, si ipse debitor principalis solverit, liberabitur & fide-jussor; juxta illud: *Non est ambigui juris, electo reo & solvente, fide-jussorem liberari.* L. 2. de fide-jussoribus tutorum.

CAPUT IX.

De contractibus, quibus intervenit aliquod periculum, seu aliqua fors circa eas res, quæ sunt materia contractus.

Quatuor sunt contractus, circa quorum materiam intervenit semper aliqua fors; seu aliquod periculum. Hi contractus sunt ludus, assecuratio, sponsio, & societas: de quibus singulis in hoc capite agendum.

ARTICULUS I.

De Ludo & Loteria.

§. I.

De Ludo.

NOta. Ludus est triplex, recreativus, lucrativus, & mixtus ex utroque.

Ludus recreativus est ille, in quo sola intenditur mentis relaxatio, semperque est licitus, modo fiat in debitis circumstantiis. De eo agemus infra, ubi de vario hominum statu.

Ludus pure lucrativus est ille, in quo intenditur solum lucrum, & semper est illicitus, ut docet Silvius post Div. Th. 2. 2. qu. 158. art. 3. *Ludus enim*, inquit, *ad honestam recreationem ordinatur; culpa ergo est hoc ipso, quod per ludum magis intenditur lucrum, quam recreatio; & si lucrum ita ardentius intendatur, ut totam mentem occupet, est peccatum mortale*, inquit Tostatus in c. 6. Mat. *Qui*, inquit, *hac sola lucrandi intentione ludit, peccat mortaliter*: si lucrum minus ardentius expectatur, erit peccatum veniale; quia mens tunc non sistit in lucro, ut in fine ultimo.

Ludus mixtus ex lucrativo & recreativo est ille, in quo primario intenditur mentis relaxatio, secundario vero modicum lucrum expectatur: & de eo solum ludo hic agimus, soletque definire contractus, quo ludentes inter se paciscuntur, ut victori cedat quod uterque deposuit.

Ludus mixtus potest esse triplex. Primus est, qui ex sola industria pendet, ut ludus pilæ, ludus globorum, &c. Secundus est, qui solo casu & fortuna regitur, ut certus quidam ludus taxillorum & chartarum, diciturque; alea. Tercius est, qui partim fortuna, partim industria nititur, ut nonnulli chartarum ludi.

Prop. 1. Ludus mixtus, in quo ludentes inter se paciscuntur, ut victori cedat quod

Ec 3

uter-

ut si quem victi contigerit, gravem casum non sustineat. Non enim solum bella ordinamus, sed res ludicas.

Nota, quod post examen diligens reperi, solidum argenteum circa tempus legis conditæ non excessisse valorem triginta assium nostræ monetæ.

Consect. 3. Quoad naturam ludi. Licet eo solum ludo mixto mentem recreare, qui legibus non interdicitur; quia leges, utpote in hac materia iustæ, obligant in conscientia.

Sic ludi, in quibus vita corporalis præsentis periculo exponitur, non sunt liciti; quia legibus interdiciuntur: tales sunt ludi, in quibus homines vel contra alios homines, vel contra feras, cum magno vitæ corporalis discrimine decertant, ut sunt hasti-ludia, funambulatorum ludus, & huiusmodi.

Consect. 4. Quoad æqualitatem. Illi ludi mixti sunt illiciti, in quibus non servatur æqualitas vel quoad personas ludentes, vel quoad res ludo expositas.

Sic qui in ludendo est altero colludente longe peritior, non potest licite cum eo ludere ludo lucrativo: & si aliquid lucratur, tenetur reddere: tunc enim non esset æqualitas: & cum error dederit causam contractui, quod in eo ludo exponitur, iniuste acquiritur, & proinde reddendum est.

Sic qui ludit sine pecunia præsentis, vel sine animo solvendi quod ludendo promittit, illicite ludit, nec potest lucrari pecuniam præsentem, quam alter colludens exponit; quia non est æqualitas in illo contractu: & si perdat quod promissit, modo modicum sit, tenetur solvere; quia promissio ligat in conscientia. Sed si debitum ludo contractum esset ingentis valoris, non teneretur solvere; quia leges vetant tales promissiones: ita edictum Ludovici XIII. *Declaramus omnia debita per aleam contracta, omnesque obligationes, ac promissiones propter ludum factas, quocumque suo illicitæ, aut persona testæ fuerint, nullas esse, omnino effectui carere. Omnibus civilibus, atque naturalibus obligationibus vacuas esse.* Et jus civile C. l. 3. tit. 43. de aleatoribus, ubi sic habetur: *Nulla sequatur condemnatio, sed solum reddatur.*

Sic qui exponit lucro lucrativo pecunias, quarum non habet dominium, v. g. Religiosus, Clericus, uxor, filius-familias, illicite ludit; nec potest alterius colludentis pecunias ludo acquirere. & si quid ipse lucratus fuerit, tenetur reddere; quia pecunia, cuius non erat dominus, acquisivit, & proinde iniuste: & si quid in ludo perdidit, qui lucrari sunt tenentur reddere; quia pecunia il-

la ludo exposita, non erat Clerici, Religiosi, filii-familias, uxoris, sed ad alterum pertinebat, contra cuius voluntatem nec potest ludo exponi, nec a colludente accipi, vel retineri.

Consect. 5. Quoad modum ludendi. Qui in ludo lucrativo mixto vim, fraudem, & dolum intemiscunt, peccant, & id quod ludo acquirunt, tenentur restituere; quia contractus, ubi vis, fraus, & dolum interveniunt, nulli iunt, & dominium rei non transferunt.

Sic qui vi aperta alium ad ludendum cogit, metu insulto, disteriis, &c. adigit, illicite ludit, & ludo rem acquisitam tenetur reddere; quia contractus tunc non est voluntarius. Si vero precibus ad ludum attrahat, ludus erit voluntarius, proinde retinere poterit quod ludo citra fraudem acquireretur.

Sic qui fraude, dolo alium ludendo insigniter decipit, rem ludo acquisitam tenetur reddere; quia dolum & fraus circa substantiam contractus nullum efficiunt. Si vero, inquit Silvius, intervenit solum ea industria, eaque solertia, quæ juxta leges ludi solent prudentum arbitrio permitti, res ludo acquisita servari potest.

Prop. 2. Ludus lucrativus, in quo vel sola intervenit fors, vel fors insigniter industriæ prævalet, est omnibus Christianis illicitus, præcipue quando in eo exponitur ingens pecuniæ summa.

Prob. 1. Ex jure Canonico; sic enim habet Concilium Quinifextum Can. 50. *Nullum omnino, siue Clericum, siue Laicum, ab hoc deinceps tempore alea ludere jubemus: qui secus fecerit, excommunicetur.*

2. Ex jure civili L. i. ff. de aleatoribus, ubi sic habetur: *Senatus-Consultum vetuit impunitam ludere, præterquam, si quis certet hasta, vel pilo faciendo, vel currendo, saliendo, luctando, pugnando, quod virtutis causa fiat.*

4. Ex jure Gallorum; sic enim decernit Sanctus Ludovicus Gallorum Rex. *Inhibemus, inquit, districte, ut nullus omnino ad taxillos ludat, siue ad aleas, & scachos.* Idem dicendum de chartis.

4. *Rat.* Ludus, in quo fors dominatur, aut insigniter industriæ prævalet, est ex natura sua prohibitus, quando ingens pecunia ludo exponitur: tum quia non decet Christianos sortibus dirigi, sed oportet eos divina providentia gubernari, & in ludis non fortunam spectare, sed industriam suam exhibere: tum quia ingens pecunia non ludo exponenda est, sed vel familiæ nutriendæ & educandæ insumenda, vel in eleemosynas expendenda.

Confectaria hujus Doctrinae.

Confect. 1. Ludus alearum est omnibus Christianis interdictus, & proinde ab ipsis etiam Laicis non est sectandus: ideo Concilium Eliberitanum Can. 79. subicit poenitentia aleatores. *Si quis fidelis*, inquit, *alea luserit, post annum poterit communionem reconciliari.* Et jus civile, C. de aleatoribus. Lib. 3. tit. 43. L. *Finali.* *Hac generali lege decernimus, ut nulli liceat in publicis vel privatis domibus vel locis ludere, neque in genere, neque in specie.*

Confect. 2. Ludus alearum districtius prohibetur Clerici quam Laicis; Laicis enim prohibetur sub poena excommunicationis comminatoria, Clericis vero sub poena excommunicationis simul & suspensionis comminatoria, & in Clericis ebrietas aequiparatur, ut patet ex Can. 42. & 43. *Apostolorum*, ubi sic habetur: *Episcopus, aut Presbyter, aut Diaconus alea, atque ebrietati deserviens, aut desinat, aut certe communionem privetur.* Subdiaconus, aut lector, familia faciens, aut desinat, aut communionem privetur. Et titulo de vita & honestate Clericorum, sic habetur: *Clerici ad alas & talissos non ludant, nec hujusmodi ludis intersint.* Quos Canones innovat & confirmat Trid. sess. 22. c. 1. de reform.

Confect. 3. Ludus alearum strictius adhuc prohibetur his, qui domos suas ad prohibitos hujusmodi ludos fovendos locant; id enim prohibetur lege civili loco citato Codicis, & jure Gallorum: sic enim habet Sanctus Ludovicus. *Scholas, inquit, deciorum prohibemus, & prohibere volumus omnino, & tenentes ea districtius puniantur.* Fabrica etiam deciorum prohibentur. Et edictum Ludovici 13. sic habet an. 1629. *Omnibus subditis nostris prohibemus, interdiciamusque, ne domi suae lujorum convivia admittant atque habeant aleatorum receptacula, quae Accademiae vulgo appellantur; eosque omnes, qui secus fecerint, vel qui ad perniciosam consuetudinem domos suas prostituunt, ex hoc tempore infames, infestabiles, omniumque regionum officiorum obtinendorum incapaces declaramus.* Illud ibidem prohibetur jure Canonico, hoc ipso quod prohibetur ludus; quod adeo verum est, ut Elcobar tract. ex am. c. 4. ita pronuntiet. *In foro, inquit, exponit ludos alea, non solum peccare mortaliter, sed etiam, si lutores ad restitutionem tenentur, ipsum teneri satisfacere.* Ejus ratio baud dubie haec est; quia locans domum suam ad ludendum, injustitiam quae in ludo committuntur, cooperatur. Ideo S. Carolus Borromeus in suis instructionibus ad Confes-

sarios, prohibet, ne absolutio impendatur locantibus domos suas ad ludendum.

Prop. 3. Qui alearum ludo deservit, seu, ut dicunt, ex professo incumbunt, hi etiam a fortiori, qui quibuscumque aleatoribus domos suas ad ludendum locant, sunt in statu peccati mortalis, & absolvi non debent, nisi prius resipuerint.

Prob. 1. Ex jure Canonico. In allegatis supra Canonibus Ecclesiae excommunicationem minatur Laicis, excommunicationem simul & suspensionem Clericis, qui alea deserviant: ergo status illorum est status peccati mortalis; quia excommunicatio & suspensio non nisi peccato mortali infligi debent.

2. Ex jure civili. Aleatores vocantur *infames, infestabiles, regionum officiorum obtinendorum incapaces*: cum ergo poenae ille sint graves, arguunt legislatorem sub poena peccati mortalis frequentem alearum usum voluisse interdicere.

3. Ex Patribus. Author operis de aleatoribus vocat aleam *diaboli venabulum, delicti vulnus insanabile; crimen mortale, mali alveum, ubi dementia sine consideratione.* Sanctus Ephrem de abrenuntiatione sic habet: *Vae alearum lutoribus; quando quidem se corpora & sanguine Domini nostri Jesu Christi alienos reddunt, sicut Spiritus Sanctus admonuit per Sanctos Apostolos, id est, per Canones Apostolicos adscriptos.* Sanctus Basilii homilia 8. in Hexameron ait, loquens de aleis. *Furamenta sunt illius contentione; sique pergraves, & evanitia parvas.* Spiritus malignus assilgit, furorem punitis & effusis illis ludentium, insiniamque accendens. Et Chrysostomus 15. ad populum, sic ait: *Alea tractare non videtur multis esse peccatum, sed infinita vitae mala solet inferre.*

4. Ex Theologis. D. Bonaventura in speculo referens causas, cur ludus alearum prohibetur sub mortali, sic habet: *Cum autem ludus satis videatur ex radice habere rationem peccati mortalis; quia scilicet ex avaritia videtur procedere; & quia ludo multa communicantur peccata, scilicet fraus, mendacium, perjurium, blasphemia, scandalum, amissio temporis, & ira frequentior.* Et Cajetanus in summa loquens de ludo alearum ait: *Esti nullo jure positive hujusmodi ludus interdictus foret, adhuc tamen lex naturalis manet prohibens, ne quis absque rationabili causa quidpiam assumat, cui sit annexum probabile peccati periculum, cujusmodi est ludus alearum, praesertim si principaliter ob lucrum instituantur.* Et D. Raim.

in summa lib. 2. tit. 2. sic habet: *Ex Canone Apostolorum colligitur, quod peccatum eorum, qui alea deserviunt, sit mortale, & grave, cum tales pœne non sint imponendæ cum levi crimine.*

Conseſſaria hujus Doctrinæ.

Conseſſ. 1. Laici debent ludum alearum, ut peccatum mortale habere, præcipue si frequenter illi insistant; sic enim habet Toletus lib. 3. cap. 27. *Profecto ludus ratione multarum circumſtantiarum frequentius est peccatum mortale; cum tamen magna est summa pecuniarum, vix a mortali excuſatur.*

Et Angelus a Clavasio in sua summa, loquens de alea a Laicis etiam exercita, ait: *Alea est ludus diabolicus, qui operatione diabolica inventus est ad inducendum homines ad peccatum.*

Conseſſ. 2. Clerici & Monachi debent ludum alearum ut peccatum mortale habere, & hoc potiori jure quam Laici: de hoc ita Soto lib. 4. de Justitia & jure q. 5. a. 2. *Sacerdotibus, inquit, vix citra mortale uti licet ludis vetitis, ac præsertim Religiosis & Antistibus. . . . Accidit, ut ludus sit peccatum propter scandalum persone, qua ratione Clericis ob eorum honestatem interdicti sunt ludi alearum: debent namque ludui potius esse dediti, quam effusis gaudiis. Et Navarrus in Manuali c. 20. docet: Quod lege ad mortale obligante prohibetur Monachi, & Clerici Beneficarii, vel in sacris Ordinibus constituti, ludere hujusmodi aleæ ludis, sive fortune illiciti, notabilem quantitatem, præsertim de fructibus Ecclesiasticorum Beneficiorum. . . . quia in profanum & malum usum redditibus in pium destinatis utuntur.*

§. II.

De Loteria.

Nota. Loteria est pactum multorum aliquid in commune deponentium, cessurum his, quibus signa aliqua contigerint.

Prop. unica. Loteria non est de se illicita, sed potest fieri illicita ex circumstantiis. Ita docent Sylvius in D. Th. 2. 2. q. 95. Natalis Alexand. lib. 3. de pec. Reg. 18.

Prob. Loteria potest considerari multipliciter. 1. Ut ludus, quo ludentes exponunt aliquid cessurum illis, quibus aliquæ schedulæ forte obvenierint: ludus non est illicitus ex se: ergo neque loteria. 2. Ut Contractus emptionis, quo inferentes certam pecuniam emunt quo sortiendi & acquirendi illud, quod forte contigerit: emptio rei incertæ non est

illicita: ergo neque loteria. Ut donatio conditionalis, qua inferentes certam pecuniam donant sortientibus illud, quod fors obrulerit: donatio non est illicita: ergo neque loteria. Potest tamen esse illicita ex circumstantiis, si fiat aliter, quam debeat fieri; ex quo inferes, loteriam esse illicitam in sequentibus casibus.

1. *Qui.* Ratione personæ. Sic loteria, etsi secundum se licita, potest tamen esse illicita. Primo Monachis & Monialibus, quibus ratione voti paupertatis nihil licet nomine proprio acquirere, & proinde nihil licet per loteriam comparare. Secundo Clericis, quibus non licet loteriæ exponere eam pecuniam, quæ ex justitia debetur pauperibus, sunt tamen casus, in quibus nec Monachis nec Clericis illicita erit loteria, v.g. si Monachi non proprio nomine, sed nomine communis exponent aliquid loteriæ. Item si Clerici exponant loteriæ id solum, cujus veri sunt domini.

2. *Quid.* Ratione objecti. Ut si res, quæ per loteriam acquirenda proponitur, sit contraria religioni, v.g. libri hæretici, fuci, pigmenta, &c.

3. *Ubi.* Si fiat in loco sacro

4. *Quibus auxiliis.* Ratione rerum, quæ a ludentibus in loteriam inferuntur: ut si quis non habens rerum dominium exponat res pretio æstimabiles, v.g. Monachus sine licentia Superioris, infantes sine licentia patris, uxores sine licentia mariti; vel si qui habent rerum dominium, exponant id, quod necessarium est sibi vel familiæ.

5. *Cur.* Ratione finis. Ut si quis non alio motivo quam cupiditatis & avaritiæ ducatur.

6. *Quomodo.* Ratione modi. Ut si privatus instituat loteriam, & velit notabiliter plus lucrari per loteriam, quam per alium contractum. Imo illicita est loteria, quando Respublica eam instituit ob publicam causam, & lucrum non insunt in eam causam, pro qua statuta fuerat loteria. Illicita pariter est loteria, si non absit omnis fraus.

7. *Quando.* Ratione temporis. Si loteria fiat indebito tempore, uti de ludo dictum est.

ARTICULUS II.

De Contractu asscurationis.

Asscuratio est contractus, quo quis alienæ rei periculum in se suscipit, v.g. periculum ratis, difficile æquor navigantis, periculum mercium, aut aliarum rerum periclitantium.

Prop. unica. Contractus asscurationis certo

certo pretio initus, eandem requirit conditiones, quas requirit contractus emptionis & venditionis.

Prob. ratione. In assecuratione assecuratus vendit certo pretio obligationem illam, quæ obstringit se securam reddere rem aliunde maxime periclitantem. Assecuratus emit certo pretio certitudinem illam, quæ res aliunde periculis exposita, & salva & secunda redditur: ergo assecuratio habet rationem emptionis & venditionis: ergo eandem requirit conditiones, quas emptio & venditio.

Conseſſaria hujus Doctrina.

Conseſſ. 1. Quoad personas. Illi solum possunt assecurationis contractum inire, qui possunt emere & vendere; quia assecuratio est quædam species emptionis & venditionis.

Conseſſ. 2. Quoad res. Illæ solum res possunt exponi assecurationi, quæ possunt exponi venditioni; quia assecuratio est venditio.

Conseſſ. 3. Quoad modum contrahendi in assecuratione. Modus essentialis huic contractui est, quod uterque contrahens sit incertus circa rem, quam exponit; quia assecuratio fundatur in incertitudine.

Sic si assecurans certus esset rem esse in tuto non posset pretium exigere, & si reciperet, teneretur restituere, quia falso titulo acciperet.

Sic si assecuratus certus esset rem jam perierisse, non posset pacisci, & si aliquid lucraretur vi illius pacis, teneretur reddere, quia falso titulo acciperet.

Conseſſ. 4. Quoad pretium. Pretium in assecuratione debet pensari secundum periculi proportionem; quia cum major vel minor incertitudo sit ratio vel augendi vel minuendi pretium, debet crescere vel minui juxta periculi proportionem.

ARTICULUS III.

De sponsione.

Sponsio est contractus, in quo duo de veritate aut eventu alicujus rei certantes, sibi invicem aliquid spondent, ut id ejus sit, qui veritatem assecutus fuerit: v.g. certo tecum centum libris urbem talem obsessum iri.

Sponsio est quasi quædam donatio conditionalis, quia contrahentes victori donant rem propositam. Victor ille dicitur, juxta cujus assecurationem res evenit.

Prop. unica. Eadem requiruntur conditiones in sponsione, quæ in donatione conditionalis.

Prob. ratione. In sponsione spondentes mu-

tuo donant rem propositam victori, id est illi, juxta cujus assertionem res dubia eveniet: ergo est donatio conditionalis: ergo eandem requirit conditiones, quas donatio conditionalis.

Conseſſaria hujus Doctrina.

Conseſſ. 1. Quoad personas. Illi solum possunt spondere, qui possunt donare, v.g. qui sunt domini rei, quam spondent; quia sponsio est quædam donatio.

Conseſſ. 2. Quoad res. Res, circa quas fit sponsio, debent esse tales, ut jure naturali & positivo sponsio exponi possint, alias illicita esset sponsio. Sic sponsores sunt illiciti, in quibus datur occasio spondentibus facienda aut optandi aliquid contra legem: v.g. si spondeas cum meditante aliquo delictum, quod non audebit illud exequi, inflammas enim illum ad delictum re proposita: si spondeas de vita aut morte alicujus; das enim animum aut optandi, aut machinandi mortem illius.

Conseſſ. 3. Circa modum, quo fieri debet sponsio. Modus essentialis contractui sponsionis est, quod uterque contrahens sit æque incertus de re, pro qua spondet; quia sponsio fundatur in æquali incertitudine ex parte utriusque contrahentis.

Sic, si alter spondentium esset certus de re, pro qua spondet, alter incertus, contractus esset illicitus; quia non esset æqualitas: unus enim exponeret se periculo, minime vero alius.

Sic, si stante æquali incertitudine unus exponeret longe majorem summam quam alius, illicitus esset contractus; quia esset inæqualitas.

ARTICULUS IV.

De Contractu societatis.

Societas est conventio plurium ad negotiationem, quæsumque communem aliquam conferentium, v.g. pecuniam, operam, industriam, eo onere, ut damnum & lucrum sit commune; juxta illud juris *Societas cum contrahitur, tam lucri, quam damni communio initur.* L. 67. ff. pro socio.

Societas est multiplex: alia est in mercibus vendendis & emendis: alia in agris colendis: alia in nutriendis animalibus, vel præcise ad culturam & usum interservientibus, quales sunt equi, muli, boves; vel præcise ad securam interservientibus, quales sunt oves, capræ, porci; vel ad culturam & usum simul & for-

turam infervientibus, quales sunt vaccæ, equæ, afinæ: alia est in redditibus & vedigaliis colligendis: alia est universalis, seu omnium bonorum: alia particularis, seu aliquorum tantum bonorum & negotiorum.

Contractus societatis alius est simplex, alius mixtus.

Contractus societatis simplex est ille, in quo reperitur solum societas. Contractus societatis mixtus est ille, in quo contractui societatis alius adjungitur.

S. I.

De Contractu societatis simplici.

Prop. 1. Contractus societatis non est de se illicitus.

Prob. 1. Ex c. per vestras de donat. inter vir. & mulier. ubi Inn. III. approbat contractum societatis his verbis: *Mandamus dotem restitui, vel saltem alicui mercatori committi, ut de parte honesti lucri dictus vir onera matrimonii possit sustentare.*

2. Ex jure civili. *Societatem coire & re, & verbis, & per nuntium posse nos, dubium non est.* L. 4. ff. pro socio.

3. **Rat.** Negotiatio non est illicita, imo maxime utilis, ut commercium inter homines foveatur: ergo contractus societatis negotiationem fovens non est illicitus in se spectatus.

Prop. 2. Ut contractus societatis sit licitus, debet fieri 1. Inter personas habiles ad societatem. 2. Debet esse de rebus aptis ad societatem. 3. Debet servari æqualitas vel absoluta, vel proportionalis. 4. Capitale utriusque debet esse periculo obnoxium.

Prob. ratione. Ex principiis supra statutis, ut contractus sit licitus, debet 1. Fieri inter personas habiles. 2. Debet esse de rebus, quæ sint apta materia contractuum. 3. Debet servari æqualitas. 4. Si capitale pereat, debet domino perire, & si fructificet, debet domino fructificare; juxta illud: *Res domino perit, res domino fructificat*: ergo illud idem debet in societate reperiri; & proinde contractus societatis toties erit licitus, quoties prædicta quatuor includet.

Conseſſaria hujus Doctrinæ.

Conseſſ. 1. Quoad personas. Si attendantur contrahentes, contractus societatis potest iniri a quibuscumque personis sive æqualibus, sive inæqualibus, modo quatuor prædicta observentur.

Sic pauperes ineunt aliquando societatem cum divitibus, v.g. colonus cum nobili, rusticus cum mercatore, &c.

Conseſſ. 2. Quoad modum contrahendi. Societas potest iniri vel absolute, vel conditionate, vel aliquorum bonorum, vel omnium, prout libuerit contrahentibus, modo quatuor prædicta observentur; quia quilibet contractus, ac proinde contractus societatis, potest fieri juxta voluntatem contrahentium.

Sic societas fit aliquando in omnibus bonis, aliquando in certis bonis, ut docet jus civile: *Societates contrahuntur sive universorum bonorum, sive negotiationis alicujus, sive vestigialis, sive etiam rei unius.* L. 5. ff. pro socio. In societate omnium bonorum omnes res quæ cœcunium sunt, continuo communicantur. L. 1. ff. pro socio. In societate vero speciali sola bona societatis communicantur.

Sic societas potest fieri licite vel absolute, vel sub conditione; vel ad tempus, vel in perpetuum; vel apponendo poenam contra infractores societatis, vel non apponendo poenam; quia contractus quilibet pendet a voluntate contrahentium. *Societas iniri potest sub conditione.* L. 1. ff. pro socio. *Societas coiri potest vel in perpetuum, vel dum vivunt, vel ad tempus vel ex certo tempore.* Ibid. Imo, si quis a socio poenam stipulatus fuerit, poena subeunda est.

Conseſſ. 3. Quoad res. Si attendantur res, quæ sunt materia contractuum, societas fieri potest circa eam materiam, ex qua potest aliquod lucrum percipi, modo observentur quatuor prædicta; quia contractus quilibet, & proinde societas, circa debitam materiam est licitus.

Sic societas circa merces vendendas & emendas est licita, servatis servandis, & fieri potest, 1. Ita ut unus conferat totam pecuniam, & alius conferat totam industriam. 2. Ita ut uterque conferat æqualem pecuniam, & æqualem industriam. 3. Ita ut unus conferat majorem pecuniæ summam & minorem industriam, & alius e contra conferat majorem industriam & minorem pecuniæ summam, & uterque juxta proportionem rei, quam exhibet, lucrum recipiat, & periculum subeat.

Sic societas circa agros colendos est licita servatis servandis, & fieri potest, 1. Ita ut unus conferat totum fundum, alter totam industriam & semina omnia. 2. Ita ut uterque conferat & mediam partem fundi, & mediam partem culturæ & seminum. 3. Ita ut unus & fundum totum exhibeat, & mediam partem seminum, & mediam partem animalium necessaria-

cessariorum ad arandum, & quilibet juxta proportionem recipiat lucrum, damnumque subeat.

Sic societas circa animalia ad solam foetura[m] intervientia, quales sunt oves, caprae, porci, &c., est licita, servatis servandis. Fieri potest multipliciter. 1. Ita ut unus conferat totum capitale animalium, & alter totum capitale pascui & curae. 2. Ita ut uterque conferat mediam partem capitalis animalium & mediam partem pascuorum & curarum. 3. Ita ut unus conferat totum capitale animalium & pascuorum, alter vero solam curam adhibeat, & uterque juxta proportionem recipiat lucrum, & damnum subbeat.

Sic societas circa animalia ad solum usum intervientia, quales sunt equi, muli, boves, est licita, servatis servandis. Fieri potest multipliciter. 1. Ita ut unus totum capitale animalium conferat, alter vero totum capitale pascuorum & curarum, & quilibet lucrum proveniens vel ex incremento, si adsit, vel ex usu animalis, juxta suam proportionem recipiat. 2. Ita ut uterque mediam partem capitalis pascuorum, & curarum apponat. 3. Ita ut unus totum capitale animalium & pascuorum ponat, alter vero solam curam, & quilibet lucrum juxta suam proportionem recipiat, & damnum subbeat.

Sic societas circa animalia ad foeturam simul & usum intervientia, quales sunt vaccae, equae, asinae, est licita, servatis servandis. Fieri potest multipliciter, uti dictum est de animalibus vel ad solum usum, vel ad solam foeturam intervientibus.

Sic societas circa vestigalia colligenda, & redditus, & census congregandos, est licita, servatis servandis. Fieri solet, cum multi operas suas uniunt, ut vestigalia, vel censuales redditus colligant, & lucrum & damnum commune sentiunt.

Prop. 3. Toties contractus societatis est illicitus, quoties non servatur aequalitas inter ea, quae utrimque praestantur.

Prob. 1. Jure civili. Societas cum contrahitur, pro lucra quam damni communio initur. L. 67. ff. Pro socio.

2. *Rat.* Rerum aequalitas requiritur in omni contractu, quia justitia violatur, quoties res, quae sunt materia contractus, non reducuntur ad aequalitatem: ergo aequalitas in societate specialiter requiritur; quia est quoddam quasi fraternitas, juxta illud: Societas jus quoddammodo fraternitatis in se habet. L. 63. ff. Pro socio.

Consequaria hujus Doctrinae.

Consect. 1. Illicita est societas, in qua alter

fociorum nihil ponit, nec pecuniam, nec operas, nec instrumenta, v.g. navem, currus; nec animalia, ut equos, boves, oves, &c. & tamen lucrum aliquid percipit; quia non est aequalitas, & vocari solet societas leonina, ut habetur L. 29. ff. 5.2. *Pro socio*.

Sic nobiles, qui volunt aliquid lucri percipere ex societate mercatorum, vel eorum, qui colligunt vestigalia, ex eo solum, quod vel spondeant pro illis, vel eos sua auctoritate tueantur; peccant, & ad restitutionem lucri accepti tenentur.

Consect. 2. Illicita est societas, in qua uterque fociorum ponit aliquid, lucrum vero & damnum non est commune: adeo ut uterque lucrum accipiat, alter vero fociorum nullum damnum sentiat; quia non est aequalitas. *Iniquissimum societatis genus est*, inquit jus civile, *ex quo quis damnum, non etiam lucrum, expectat.* L. 67. ff. *Pro socio*.

Consect. 3. Illicita est societas, in qua uterque fociorum lucrum & damnum non partiuntur juxta legitimam proportionem; quia tunc non servatur aequalitas. *Aequum enim est*, inquit lex, *ut cuius aequo participabit lucrum, eque participet & damnum.* L. 67. ff. *Pro socio*.

Consect. 4. Illicita est societas, in qua capitale utriusque focii aequaliter non periclitatur; quia tunc non servatur aequalitas. *Neque fiat passio*, inquit Concilium Mediolanense primum, *ut fors salva sit, fructus vero communiter dividantur.*

Sic pecunia debet perire deponenti pecuniam, industria debet perire apponenti industriam, lucrum expectatum tum ex pecunia, tum ex industria, debet perire utrique, si non eveniat, sicut cedit utrique, si contingat. *Sicuti lucrum, ita damnum quoque commune esse oportet.* L. 52. §. 4. ff. *Pro socio*.

Prop. 4. Ut distributio damni, vel lucra ad justam aequalitatem redigatur, debet fieri cumulus cuiusculumque fortis, v.g. pecuniae, operarum, industriae; & singulis aestimatis juxta suum valorem, assignari debet cuilibet deponenti tantum lucrum, & tantum damnum, quantum exigit fors deposita.

Prob. 1. Constitutione Sixti V. quae incipit *detestabilis*. *Contrahentes societatem fructus, expensas, & damna in communis conferant; & prout aequum & justum fuerit, sibi communicent atque dividant.*

2. *Jure civili.* Ita coiri posse societatem non dubitatur, ut alter pecuniam conferat, alter non conferat; & tamen lucrum inter eos commune sit, quia saepe opera alicujus pro pecunia valet. L. 3. Inst. tit. 26. §. 2. *De societate.* Quia saepe quorundam ita pretiosa est opera in societate, ut

ut eos iustum sit conditione meliori in societatem admitti. Ibid. 3. Quia iusta æqualitas, nec aliter cognosci, nec aliter pensari potest, quam factio illo cumulo & illo examine.

Consecraria huius Doctrinæ.

Consecr. 1. Si pecunia deposita sit pretiosior opera, deponens pecuniam majus lucrum percipiet.

Sic contra industria sit pretiosior, apponens industriam majus lucrum percipiet; si utrumque sit æquale, uterque æquale percipiet lucrum, & æquale sentiet damnum; quia in hoc sita est æqualitas.

Consecr. 2. Quidquid alter sociorum apponuerit ad societatem sive pecuniæ sive industrie, computabitur in fortem; si datum vel factum fuerit causa societatis; minime si ob aliam causam vel factum, vel datum fuerit: de quo ita jus civile: *Eos dumtaxat sumptus imputabit societati, qui in eam pensati sunt.* L. 52. ff. Pro socio. §. 15. In hoc enim servatur æqualitas.

Sic, si alter sociorum causa societatis damnum aliquod patiatur, vel quia iter agens pro societate a furibus comprehensus est, vulneratus est, spoliatus est, &c. debet damnum illud expensis societatis compensari; quia vacabat negotiis societatis; si vero id contigerit, dum sua; & non societatis negotia gereret, damnum illud non compensabitur.

Consecr. 3. Lucrum, damnumve per se sequens ex societate, commune erit; sed lucrum damnumve sequens per accidens ad societatem, & non ex societate, non erit commune, sed illius cujus occasione contigit vel lucrum, vel damnum: in hoc enim servatur æqualitas.

Sic, si quis vel pecunia, vel industria sua apposita societati, aliquid lucretur, vel damnum aliquod patiatur, totum erit societatis; quia pecunia, & industria apposita societati & perit, & fructificat societati.

Si quis vero vel pecunia, vel industria sua, sed non apposita societati, aliquid lucretur, vel damnum aliquod patiatur, totum illud ejus erit, & non societatis: pecunia & industria non apposita societati perit & fructificat domino, & non societati.

Sic, si quis non ob societatem, sed occasione societatis, quia cognitus est vir probus, vir gratus, &c. ab aliquo institutus est hæres, aut quid ei donatum sit, illud non debet venire in medium societatis, sed in utilitatem propriam. L. 60. ff. Pro socio. Hoc ul-

timum non habet locum in societate omnium bonorum, in quo omnia sunt communia sociis.

§. II.

De Contractu societatis mixto.

Prop. 1. Contractui societatis non potest adungi alius contractus, qui leges societatis destruat; & si adjungatur, contractus ille mixtus erit illicitus. Ideo illicitus est contractus, in quo primo initur societas: secundo securum redditur capitale unius socii ab altero socio: tertio venditur lucrum incertum expectatum pro certo etiam si minori.

Prob. 1. Constitutione Sixti V. quæ incipit: *Detestabilis.* Damnatus, inquit, & reprobandus omnes & quoscunque contractus, conventiones, & passionibus post hæc incundus, vel ineundus, per quos seu quas cavebitur personis pecunias, animalia, aut quaslibet alias res societatis nomine tradentibus, ut etiam si fortuito casu quamlibet iacturam, damnum, aut amissionem sequi contigerit, fors ipsa seu capitale semper saluum sit, & integrum restituitur a socio recipiente, sive ut de certa quantitate vel summa in singulos annos, vel menses durante societate respondeatur; statuimusque huiusmodi contractus, conventiones, passionibus usurarios & illicitos censeri debere.

Nec dici potest, eam Constitutionem editam fuisse a Papa, non prout est caput Ecclesiæ, sed prout est Dominus temporalis; quippe ibi summus Pontifex explicat jus divinum omnium prohibens usuram, & mandat Ordinariis, ut eam Constitutionem publicam reddat: & inviolate observari curent; & contra inobedientes, tamquam in publicos usurarios procedant. Nec eludi pariter potest hæc Constitutio, asserendo, quod non fuerit ab Episcopis recepta; quippe Clerus Gallicanus, an. 1578. & Conc. Burd. an. 1583. idem ex professo docent quod summus Pontifex: ergo signum est eam Constitutionem receptam esse in Gallia. Cujus acceptionis signum, quod leges municipales Bituricenses tit. 17. a. 4. & Nivernens. c. 21. art. 3. & Borbonenses societatem illam, in qua omne periculum animalium est accipientis, tamquam leoninum declarant.

2. Ex Facultate Parisiensi, quæ an. 1665. damnavit sequentem propositionem tamnequam falsam, & scandalosam: *Si contractui societatis superaddantur contractus assicurationis capitalis, & venditionis lucri incerti pro lucro certo, ex vi horum licitum est exigere lucrum certum salva sorte.*

3. Ex D. Th. 2.2. q. 78. a.2. ad 5. *De ratione periculum, recepturus aliquid ultra sortem, ut Contractus societatis est, quod fors deposita periclitetur deponenti: ergo non potest secum reddi ab altero locio; quia alias ille contractus a securitatis destrueret contractum societatis.*

En verba sancti Doctoris: *Ille, qui committit pecuniam suam vel mercatori, vel artifice per modum societatis cuiusdam, non transfert dominium pecunie sue in illum, sed remanet ejus, ita quod cum periculo ipsius mercator de ea negotiatur, vel artifex operatur: Et ideo licite potest partem lucri inde provenientis expetere tamquam de re sua.*

4. Ex D. Antonino par. 2. tit. 7. §. 3. ubi sic habet: *Talis contractus est illicitus, ex quo periculum spectat ad recipientem.*

5. *Rat.* Contractus ille societatis mixtus pluribus titulis est illicitus. 1. Palliatur sub illo contractu usura; quoties enim mutuum a me petieris, dicam: nolo mutuare, sed dabo tibi mille nummos ad societatem; addam postea pactum de asecuratione sortis & lucri moderati, donec sortem restituas: quid est aliud, nisi dare mutuum, & ex vi mutui lucrum percipere, quod usurarium est? 2. In illo contractu societatis mixto res non perit domino, & tamen illi fructificat: quod injustum est. 3. In eodem contractu societatis mixto conditio utriusque socii est inaequalis, cum fors unus periclitetur, minime vero ceteri alterius, quod iniquum est, & societati repugnans.

Nec est quod dicas: sortem posse reddi securam a tertia persona, cur idem non poterit fieri a socio? Solutio aperta est. 1. Id non prohibetur fieri a tertia persona, bene tamen a socio. 2. Persona existens extra societatem non potest uti societate ad palliandam usuram, cum ipsa nihil mutui det; sed ille tantum qui societatem iniiit, eo contracta utitur ad regendam usuram, quam percipit re vera ex mutuo sub ficto nomine societatis.

Consektaria hujus Doctrinae.

Consekt. 1. Illicitus est contractus societatis mixtus, in quo datur pecunia mercatori eo pacto, ut secum reddatur per mercatorem, & tamen qui dedit eam pecuniam lucrum aliquod percipiat. 1. Enim lucrum non potest percipi vi mutui; quippe hoc est usurarium. 2. Non potest pariter percipi vi societatis; ibi enim non est societas iusta, ubi fors non perit deponenti: ita videtur determinatum cap. *Navigantis de usuris*, ubi sic habetur: *Navigantis, vel eunti ad nundinas certam mutuans pecunie quantitatem pro eo quod suscipit in se*

Consekt. 2. Illicitus est contractus societatis, in quo datur fundus excolendus ab agricola, eo pacto, ut juxta proportionem dividantur fructus inter agricolam & fundi dominum: & insuper additur ea conditio, quod perfolvatur aliquid a colono, etiam si casu, v. g. grandine, nebula, &c. fructus fundi perierit; quia tunc industria colonic periclitatur, minime vero fundus domini.

Consekt. 3. Illicitus est contractus ille societatis mixtus in quo dantur animalia in societatem ea conditione, ut capitale vel in toto, vel in parte securum reddatur per recipientem, etiam si citra dolum & negligentiam recipientis solo fortuito casu perierit; res enim debet domino perire: de quo ita Concilium Mediolanense l. p. 2. tit. de usuris. *In societate, inquit, animalium, quae inassimata alicui dantur ad custodiam, sive ut operas praestet, omnes casus etiam fortuiti semper sint periculo ejus, qui dederit, nisi id alterius socii dolo, vel magna negligentia accidisse constituerit; nec fiat pactum, ut fors sit semper salva etiam ex primis scetibus, neve quidpiam certum praeter sortem ex fructibus animalium quotannis solvatur.*

Consekt. 4. Illicitus est ille contractus societatis mixtus, in quo ad salvandum capitale post societatem initam, supervenit fides alius contractus vel mutui, vel venditionis; quia illi contractus sunt oppositi, unusque per alium destruitur.

Sic illicitus est contractus, quo primum dantur animalia in societatem, secundo dantur mutuo eadem animalia cum eo onere, ut talia restituantur, qualia data sunt, adeo ut ex vi mutui debeant reddi mutuatori eadem, vel similia animalia, ex vi vero societatis dant animalia possit partem lucri percipere. Talis quippe pactio est injusta: nam si vigeat contractus societatis, aequum est, ut lucrum juxta dantis & accipientis proportionem dividatur; sed oportet, ut capitale pereat domino, si casu perierit.

Si vero vigeat mutuum, iustum est, ut repereat mutuatario recipienti, sed totum lucrum est mutuatarii; quia sicut res domino perit, ita & fructificat.

Sic illicitus est contractus, quo primo dantur animalia in societatem, secundo aestimantur, & venduntur socio cum eo onere ut eorum pretium restituant, & interim lucrum proveniens ex societate dividatur. Talis pactio est injusta: quia si vigeat contractus societatis, lucrum debet dividi secundum pro-

portionem dantis & accipientis stante tali contractu; si capitale pereat casu, debet perire domino.

Si vero vigeat contractus emptionis, post emptionem capitale pertinet ad emptorem; ideo si pereat, debet perire emptori, si vero fructificet, totum lucrum est emptoris; quia sicut res domino perit, ita res domino fructificat.

Consect. 5. Illicitus est contractus societatis mixtus, in quo capitale securum redditur ab uno ex locis, quamvis deponens capitale illud faciat non animo conservandi, & exigendi capitale, si casu pereat, sed animo reddendi socium cautiorem in conservando capitali. 1. Quia non licet mentiri maxime in contractu publico; hic autem deponens mentitur, fingens velle se exigere capitale, cum revera non vult. 2. Quia contractus ille, ut pote usurarius, scandalum parit. 3. Quia si contrahens decedat ab intestato, hæredes inficii intentionis testatoris juxta rigorem contractus exigent capitale, quamvis casu perierit.

Prop. 2. Contractus societatis potest uniri cum aliis contractibus, modo illi contractus leges veræ societatis non destruant.

Prob. rat. Contractus societatis potest fieri juxta beneplacitum contrahentium; ergo potest fieri vel solus, vel simul cum aliis contractibus, modo illi contractus leges veræ societatis non destruant.

Consequentiæ hujus Doctrinæ.

Consect. 1. Licitus est contractus societatis mixtus, quo quis valens inire societatem cum alio, qui non habet pecuniam, quibus societatem ineat, 1. Dat illi mutuo pecuniam, v. g. centum nummos. 2. Ille similiter centum nummos apponit, & ex ducentis illis nummis emuntur vel merces, vel animalia, &c. quæ post emptionem nec sunt mutuatarii; nec mutuantis, sed indivisum utriusque: & si pereant, pereunt utrique, & tamen mutuatarius remanet debitor centum nummorum. Ille contractus societatis, est mixtus, est licitus, modo servetur æqualitas, & communio sit lucri & damni juxta proportionem dati & accepti; quia mutuum præcedens societatem non destruit societatem.

Consect. 2. Licitus est contractus societatis mixtus, in quo quis, v. g. dives, volens inire societatem cum alio, v. g. paupere, qui non habet materiam, qua ineat societatem, dives dat pauperi non pecuniam, sed rem, v. g.

lat merces mercatori, dat animalia rustico. Hæ merces, & hæc animalia æstimantur ab æquis æstimatoribus, & per talem æstimationem a divite implicite venduntur pauperi quoad mediam partem, & retineatur a divite quoad aliam mediam partem; quia æstimatio facta intuitu venditionis facit venditionem. Per contractum illum venditionis pauper remanet in omni casu obligatus ad solvendum pretium illius medietatis, quam emit, postea & pauper & dives ineunt societatem, & quilibet ponit suam medietatem in societate; tunc totus fundus societatis pertinet indivisum ad utrumque, & si perierit, perit utrique. Ille contractus est licitus, modo servetur æqualitas, & communio lucri & damni juxta proportionem dati & accepti; venditio enim præcedens societatem, non destruit societatem, fundaturque supra hanc legem: *Æstimatio venditio est. L. æstimatio ff. soluto matrimonio & L. pierumque ff. de jure dotium.*

Initur plerumque societas hoc modo potissimum circa animalia. 1. Dives dat animalia non habenti. 2. Ea animalia æstimantur absque intuitu expressæ venditionis. 3. Dans animalia se habet ut eorum dominum etiam post æstimationem, ita ut neque aperte, neque tacite velit transferre eorum dominium in accipientem, quamvis non explicite dicat: nolo tibi vendere animalia, volo semper esse eorum dominus, & si indigero, vendam, cum libuerit; sed dicit tantum: do tibi animalia in societatem, do, inquam, animalia ea conditione, ut si etiam fortuito casu perierint, mediam eorum pretii partem solvas; lucrum vero, si quod eveniat, æqualiter inter nos dividemus. Hunc contractum Gallice vocant, *Cazaille, seu societas, ex qua dimidium damni, dimidiumque lucri percipitur.* Mitto alias circumstantias, quæ respiciunt, æqualitatem, vel inæqualitatem, in quibus potest servari, vel violari iustitia, quæque circumstantiæ variae sunt juxta varias locorum temporumve rationes.

Sisto in discutendo prædicto contractu, qualem expolui, & dico, hunc contractum esse illicitum hoc ipso, quo quis retento sibi totius rei in societatem traditæ dominio, vult ut accipiens animalia mediam eorum partem etiam fortuito casu, & nulla sua culpa percuntem, indemnem servet; est enim ille contrarius huic principio juris: *res domino perit*; nam quæcumque interveniat æstimatio, res non potest dici vendi nolente domino.

Si tamen dominus vellet vel expresse vel tacite per æstimationem accipienti vendere mediam partem animalium, & accipiens nosceret se per prædictam æstimationem fieri dominum medietatis emptæ & traditæ in societatem, per quam animalia collective sumpta æque ad accipientem ac ad tradentem pertinerent; tunc contractus ille esset licitus, modo in aliis circumstantiis servaretur æqualitas; tunc etiam posset dividi licite inter utrumque lucrum & damnum, ut supra dictum est. Quod de societate animalium in isto casu diximus, de aliis rebus in societatem traditis intelligi debet, scilicet, quod fors æstimata absque intuitu venditionis domino pereat.

§. III.

De mutua obligatione ineuntium societatem.

Prop. unica. Statutis pactis & conventionibus, legibus societatis consentaneis, statuta qualitate rerum, de quibus initur societas, sociorum quilibet debet inspicere fundum societatis quasi rem suam, ut eum conservet & adaugeat, & inspicere eundem fundum societatis quasi rem alienam, ne sibi aliquid fundi appropriet: qui secus egerit, peccat, & si damnum afferat, tenetur ad restitutionem.

Prob. 1. Ex jure civili. *In contradibus societatis fides exuberet.* L. 3. C. pro socio. In prædictis autem Officiis fira est illa fidei exuberantia: ergo prædicta debent observari ab his, qui societatem inierunt.

2. Rat. Sumptis simul diversis fortibus ejusdem societatis, nempe hinc pecunia, animalibus, pascuis, & similibus; inde industria, cura, labore, & hujusmodi pretio æstimabilibus, quæ omnia simul collecta universum fundum societatis constituunt: ille cumulus exurgens ex singulis fortibus est omnium sociorum collectivus, & disjunctive nullius: ergo tenetur quilibet res illas quasi suas curare, & ab illis quasi alienis abstinere. Quando autem damnum teneatur reparare qui fidem in societate non servat, his verbis compendiose explicat Antoninus *In societate damnum procedens ex natura rei traditæ pertinet ad tradentem, sequens ex culpa negligentie ad suscipientem, ex fortuito casu spectat ad utrumque.* P. 2. tit. 1. cap. 7. §. 39. Nempe, ut quælibet pars fortis, quæcumque sit, suo domino pereat, scilicet, pecunia apponenti pecuniam, animal apponenti animalia, industria apponenti industriam.

Consektaria hujus Doctrinæ.

Consekt. 1. Pro eo, qui tradit rem, quæ est materia societatis. Qui apponit res, v.g. pecuniam, merces, pecora, debet res sanas, & non corruptas apponere, v.g. pecuniam veram, & non adulteratam, merces bonas, & non fucatas, pecora sana, & non morbida: quod si quod conventum est non attulerit, tenetur damnum & societati & Reipublicæ enalcens reparare; quia ex D. Th. *Qui dat occasionem damni, peccat, & tenetur ad restitutionem.*

Sic qui apponit res corruptas, si vitio suo pereant, damnum omne refunditur in eum, qui res adulteratas apposuit: v. g. si moneta adulterata fisco addicatur, si merces fucata putrescant, si animalia morbida pereant, totum illud imputabitur deponenti; juxta illud S. Antonini: *Damnum procedens ex natura rei traditæ pertinet ad tradentem.*

Consekt. 2. Pro apponente industriam in societate. Qui apponit industriam, talem debet apponere, qualem suis rebus adhiberet; quia causa societatis non ipsius solius est, sed omnium simul sociorum: sic si res pereant vel culpa, vel dolo ipsius, tenebitur restituere.

Sic, si pastor pecora sibi commissa negligentia perire permittat, si mercator merces sibi traditas vel incuria corrumpi, vel indiligentia subripi sinat, ad restitutionem tenebitur; quia *custodiam præstare debuit.* L. 52. ff. pro socio. §. 23.

Sic, si pastor ex dolo pecora morbida pro sanis substituat, aut ea inscio domino vendat, & mortua mentiatur: si mercator merces sibi traditas bonis adulteratas substituat, & eas labefactas fingat, aut eas inscio socio vendat, & casu periisse simulet, ad restitutionem tenebitur, quia *socios inter se dolum & culpam præstare oportet.* L. 52. ff. pro socio. §. 3. Si vero socius non minorem adhibeat industriam, quam rebus suis, tunc ad nihil tenetur, impotentque sibi socii, quod negligentem socium elegerint. *Sufficit enim talem diligentiam communibus adhibere socium, qualem suis rebus adhibere solet quilibet homo prudens.* §. ult. instit. de societate lib. 3. tit. 26.

Consekt. 3. Pro utroque socio. Neuter sociorum potest se gerere, quasi solus esset dominus fundi cumulum societatis constituentis, sed solum quasi dominus una cum sociis; quia revera res societatis nullius est disjunctive, sed est omnium sociorum collectivæ.

Sic neuter sociorum potest sibi privatim res societatis attribuere, si secus fecerit, reus furti habebitur. *Rei communis nomine cum socio fursi*

furti agi potest, si per fallaciam dolo malo amovet, vel rem communem celandi animo contraxerit, inquit ius civile L. 43. ff. pro socio.

Sic neuter sociorum potest damnum causatum societati debitis officiis erga societatem compensare; quia compensatio non potest fieri ex aliunde debitis. *Non compensatur, inquit lex, compendium cum negligentia. L. 26. ff. pro socio.*

Sic neuter sociorum potest totum fundum societatis obligare, nisi deputetur a societate. *Nemo ex sociis potest plus parte sua alienare. L. 68. ff. pro socio.*

Sic neuter sociorum debet pati solum totum damnum societatis obveniens casu, sed omnes collective; quia omnes collective sunt domini. *Fatalia autem damna socii non coguntur prestare.*

Sic neuter sociorum potest quotam suam portionem nisi iuncta societate distrahere.

Consect. 4. Circa dissolutionem societatis. Neuter sociorum potest intemptive sine causa legitima dissolvere societatem, & qui injuste dissolvit, tenetur ad restitutionem damni; quia in omni contractu servanda sunt pactiones: & qui violat iustitiam, tenetur restituere. *Si intemptive renuntietur societati, esse pro socio actionem. L. 14. ff. pro socio.* Dissolvitur autem iusta de causa sequentibus modis.

1. Mutuo sociorum consensu; quia res illud causis dissolvitur, quibus constituitur. *Diximus, dissolvi societatem consensu, inquit lex, hoc ita est, si omnes dissentiant. L. 65. ff. pro socio §. 3.*

2. Si tempus defuerit, quia non ultra extenditur obligatio societatis. *Quod si tempus finitum est, liberum est recedere; quia sine dolo malo id fit. L. 65. ff. pro socio §. 6.*

3. Si negotiis societatis impositus sit finis; quia non ultra patet obligatio. *Item si alicuius rei societas sit, & finis negotio impositus, finitur societas. L. 65. ff. pro socio §. 10.*

4. Si alter sociorum fiat insufficientis ad societatem persequendam, puta, quia egestate premitur, bonis suis cessit, morbis laborat, &c. quia tunc non potest pactis stare. *Dissociamur, inquit lex, egestate L. 4. ff. pro socio.* Item bonis a creditoribus venditis unus socii distrahi societatem Labeo ait. *L. 65. ff. §. 1. pro socio.* Item si quis bonis suis cessaverit. *Sed hoc casu, si adhuc consentiant in societatem, nova videtur incipere societas. Lib. 3. inst. tit. 26. de societate §. 8.*

5. Morte alterius sociorum; quia tunc non potest pactis stare. *Morte unus societas dissolvitur, nisi consensu omnium coita sit, plures ve-*

ro supersint, nisi in eadem societate aliter convenerint. L. 65. ff. §. 9. pro socio. Hæres autem socii lucro & damno negotiorum ante mortem initorum communicat; minime vero negotiis post mortem testatoris initis seu ineundis, nisi novo consensu admittatur in societatem. *Hæres, ait lex, socius non fit, nisi fuerit adscitus; verumtamen omne emolumentum societatis ad eum pertineat, simili modo & damnum agnoscat. L. 63. ff. pro socio §. 8.*

6. Finita vel dissoluta societate fit computatio omnium expensarum, sortium, &c. ut cuilibet detur lucrum iuxta debitam proportionem, & damnum pariter juxta eandem proportionem quilibet patiat; quia æqualitas non potest aliter observari: ideo ait lex: *Et si distracta esset societas, nihilominus divisio rerum superest. L. 65. ff. pro socio §. 13.*

§. IV.

De societate in matrimonio & in bonis dotalibus.

Matrimonium contractus est, qui societas conjugalit dicitur; quatenus contractus eisdem muniri debet conditionibus, quas in contractibus exigimus; quatenus vero societas eisdem legibus subjacet, quibus alia societas: sed quia speciales possunt esse difficultates circa bona dotalia, ideo de his hic agemus.

Dum femina init matrimonium, potest habere bona dotalia, & bona paraphernalia. Bona dotalia sunt ea, quæ marito dantur ad sustinenda onera matrimonii, quorum usufructum habet maritus. Bona paraphernalia sunt ea, quæ extra dotem sunt, quorum dominium & usum habet mulier. De utrisque agendum.

Prop. 1. Vir non habet proprietatem bonorum dotalium, sed usufructum, & eorum tutelam. Itaque mulier habet bonorum illorum dominium proprietale; vir vero dominium utile, & curam bonorum illorum gerere debet.

Prob. 1. Ex jure civili. *Quamvis in bonis mariti dos sit, mulieris tamen est. L. 75. ff. de jur. dot.* Dotis fructum ad maritum pertinere debere æquitas suggerit. *L. 7. ff. de jure dot. In rebus dotalibus virum prestare oportet tam dolum quam culpam; quia causa sua dotem accipit. L. 17. ff. de jure dot.* Ergo maritus non habet rerum dotalium dominium, sed solum usufructum, & eorum tutelam.

2. *Rat.* Illa omnia exigit, 1. Natura bonorum dotalium, quæ illa conservari debent. 2. Debilitas sexus feminei; femina quippe rebus gerendis impar, curatorem rerum

suarum virum habere debet. 3. Illud pariter exigit officium viri erga uxorem; cum, caput sit mulieris, sicut mulierem, ita & mulieris bona gubernare debet. Demum illa est intentio dotem constituentium; quippe si pater dotem constituat, ad eum dos reversura est, si dotata filia sine liberis decesserit: ergo dos debet praestari indemnis a viro. Si alii constituent, ut plurimum eandem apponunt conditionem: ergo dos debet semper praestari indemnis cura viri.

§. V.

Vir non est proprietarius feudi dotalis.

Consecraria hujus Doctrinae.

Consect. 1. Vir consentiente uxore, aut uxor consentiente viro, nequeunt bona dotalia vendere, nec oppignorare, nec eadem nova servitute onerare, vel ea bona servitute, quae gaudent, privare, nisi in ingenti necessitate, & hoc auctoritate juridica: ita jubet jus civile: *Fundum dotalium non solum hypothecae titulo dare ne consentient: muliere maritus possit, sed nec alienare, ne fragilitate suae naturae in repentinam deducatur inopiam.* L. unj. C. de rei uxoriae act. §. 15. Neque jus permittit servitutes fundo debitas posse maritum amittere, neque ei alias imponere. L. 5. ff. de fund. dotal. Quod tamen illud liceat urgente necessitate. Uxori, inquit lex, ob has causas dos reddi potest, ut sese suaeque alat, ut parenti praestet alimoniam, aut egentem virum, fratrem, sororemve sustineat. L. 13. ff. de jure dotium §. 1.

Consect. 2. Solutio matrimonio, citra mortem alterius conjugatorum, maritus non potest dotem retinere, quia non est illius dominus; sed debet eam filiis conservare, si nati sint filii ex matrimonio; vel eam reddere uxori, si sit sui juris; aut ejus heredibus, si defuncta est; aut eis, a quibus profecta est dos, si sit reverfibilis, ut docet jus: *Solutio matrimonio, solvi, inquit, mulieri dos debet.* L. 2. ff. de soluto matrimonio. Si sui juris mulier est, dos ab ejus patre profecta, reverti ad eam debet. Si vero defuncta sit, ejus danda est heredibus. Ibid.

Consect. 3. Maritus, soluto matrimonio, debet restituere non solum dotem, sed etiam accessoria dotis; quia non est eorum dominus, sicuti nec dotis. Quia ipse fundus, inquit jus, est in dote, quodcumque propter eum consecutus fuerit a muliere maritus, quandoque restituet mulieri de dote agenti. L. 52. ff. de jure dotium.

Consect. 4. In restituenda dote, marito adjudicantur dona, si quae ei facta sint ab uxore, & omnes expensae non annuae, sed extraordinariae, factae, non ad voluptatem, sed ad utilitatem vel necessitatem; quia in omni restitutione equum est ut fiat compensatio eorum, quae data sunt, cum his, quae accepta sunt.

Sic, si conventum fuerit, quod dos in toto vel in parte apud maritum remanebit, conventio observanda erit.

Sic, si maritus expensas necessarias, v. g. aedificia ruitura, sustinuerit, vel utiles, v. g. si novalia in fundo facta sint, hae omnes expensae compensari debent. Ego non tantum necessarias, sed etiam utiles impensas praestandas a muliere existimo, inquit jus civile. L. ult. ff. de fundo dotali.

Sic expensas nec necessarias, nec utiles, sed ad solam factas voluptatem, jus jubet non debere compensari. In voluptuariis vero, si voluntate mulieris factae sunt, exactionem petere lex permittit. C. L. 1. §. 5. de rei uxoriae actione.

Sic annuae expensae vel ad arandum fundum, vel ad colligendos fructus, vel ad solvenda tributa, compensari non debent; quia, ut ait lex, onus fructuum haec impendia sunt. L. 13. de impen. ususfructus.

§. VI.

Maritus est usufructuarius bonorum dotalium.

Consecraria hujus Doctrinae.

Consect. 1. Maritus rebus dotalibus quasi suis fruitur: sic habet jus: *Dotis fructum ad maritum pertinere debere aequitas suggerit; cum enim ipse onera matrimonii subeat, equum est etiam eum fructus percipere.* L. 7. ff. de jure divino.

Consect. 2. Maritus contra detentores bonorum dotalium habet actionem, etiam dissentiens uxore, non secus ac si res propria essent. De his, ait lex, quae in dote data ac directa commemoras, mariti tui esse actionem nulla est dubitatio. L. 2. cap. de jure dotium.

Consect. 3. Maritus acquirit dominium fructuum & dotalibus bonis provenientium; quia sunt quaedam accessoria dotis, sed non fructuum extraordinariorum, qui non sunt accessoria dotis.

Sic annui redditus pertinent ad maritum, v. g. arbores caducae, modo novae conferantur: sic lapides in fundo crescentes quasi fructus habentur. Contra vero arbores ingentes, lapides aedificiorum non habentur quasi fructus; & nummi ex ea venditione recepti, sunt dotis. L. 32. ff. de jure dotium.

Con-

Consect. 4. Maritus non acquirit dominium eas res quasi suas gerere, & de dolo & de fructuum a bonis paraphernalibus provenient culpa teneri; quia ad hæc teneretur erga tium; quia uti non est usufructuarius illorum extraneum, a fortiori erga uxorem. *Dum bonorum;* ita nec eorum fructus debet suos autem; ait lex, apud maritum remanent facere, ut habetur in jure civili: *Hæc lege de eadem cautiones; & dolum & diligentiam cernimus, ut vir in his rebus, quas extra dotem maritus circa eas res præstare debet; quamvis mulier habet, quas Græci parapherna dicunt, sem circa res suas habere invenitur.* L. ult. nullam uxore prohibente habeat communionem in fin. C. de pactis conventis super dote. L. 8. C. de pactis conventis super dote.

S. VII.

Maritus est curator bonorum dotalium ex officio, & bonorum paraphernalium ex decentia, sibi hanc curam ei mulier commiserit.

Consectaria hujus Doctrinæ.

Consect. 1. Maritus tenetur dotem præstare indemnem, si dolo; culpa, vel negligentia perierit; tum quia est curator, tum quia est societas in rebus dotalibus. *Virum,* inquit jus, præstare oportet tam dolum quam culpam; quia causa sua dotem accepit. L. 17. ff. de jure dotium.

Consect. 2. Maritus tenetur dotem rigore juris ab injunctis detentoribus exigere, a patre vero, vel liberali donatore precibus postulare: si neglexerit, tenebitur præstare; quia tale est officium curatoris. *Si non petierit,* inquit lex, maritus, tenebitur hujus culpe nomine, si dos exigi potuerit. L. 30. ff. de pact. dotal. §. 2.

Consect. 3. Si mutet dotem in deterius, periculo suo mutabit; quia id periculi sequitur personam curatoris. *Dotem, a patre & a quovis alio promissam; si vir novandi causa stipuletur, caput viri esse periculum, cum ante mulieris fuisset.* L. 35. ff. de jure dotium.

Consect. 4. Si maritus uxori debita sinat negligentia sua præscribi, tenebiturolvere; si negligat interelle exigere, tenebitur compensare; quia hæc cura spectat ad curatorem. *Si petere neglexerit vir, cum id facere posset, rem periculi sui fecit.* L. 16 ff. de fund. dot.

Consect. 5. Quoties res æstimata in dotem datur, toties maritus summam statuti præstiti præstare tenetur indemnem; quia æstimatio hæc facit venditionem, & societas conjugalis reddit maritum tutorem pretii æstimatarum rerum. *Maritus quasi emptor & commodum sentiat, & dispendium subeat, & periculum expectet.* L. unica C. de rei uxorie actione.

Consect. 6. Si uxor marito bonorum paraphernalium curam dederit, decet maritum

CAPUT X.

De Mutuo & Usura.

ARTICULUS I.

Quid sit mutuum, quid usura: an sit peccatum, & quale.

S. I.

Quid sit mutuum.

Mutuum, si nomen species, est contractus faciens aliquid de meo tuum. Si rem consideres, mutuum est contractus, per quem mutuans transfert in mutuatarium dominium & usum rei, quæ per ipsum usum integre consumitur, ea lege, ut postea tantumdem ejusdem generis vel valoris restituat.

Res usu consumptibiles sunt illæ, quarum usus est earum consumptio; sicut vinum & panem consumimus eis utendæ ad victum. Monetam ipso usu quasi consumimus, dum ea utimur ad commutationes faciendas: unde in talibus non debet seorsim computari usus rei a re ipsa; sed cuiuscumque conceditur usus, hoc ipso conceditur & ipsa res.

Res usu alteratæ, sed non consumptæ, sunt illæ, quarum usus non est earum consumptio, ut sunt ædes, vestes, equi, &c. & in iis non consistit, nec fieri potest mutuum.

Qui dat mutuo, dicitur mutuator, & creditor.

Qui accipit mutuo, dicitur mutuatarius, & debitor.

S. II.

Quid, & quotuplex sit usura.

Usura, late sumpta, est quælibet accessio vel augmentum, vel fructus, qui ex aliqua re percipitur: ita jus civile ff. de usuris.

Usura, stricte sumpta, est lucrum ex vi solius mutui proveniens.

Usura alia est aperta, alia palliata.

¶ Ff. 2

Usura

Usura aperta est *Contractus mutui, cum pacto expresse lucri vi mutui.*

Usura palliata est ea, *quæ turpitudine velatur aliquo pretextu honesto.*

Usura tam aperta, quam palliata, alia est realis, alia mentalis.

Usura realis est *Voluntas externa accipiendi aliquod lucrum ex mutuo vel expresse, vel implicite.*

Usura mentalis est *Voluntas interna accipiendi aliquod lucrum vi mutui.*

Usura mentalis, alia est pure mentalis, alia mixta.

Usura pure mentalis est *Interna intentio percipiendi lucrum ex mutuo, absque exteriori datione, vel receptione.*

Usura mentalis mixta est *Intentio interna percipiendi aliquid ex vi mutui, conjuncta cum exteriori datione & receptione rei, quæ datur mutuo. His positis fit*

§. III.

Quale peccatum sit usura.

Prop. unica. Usura, seu lucrum proveniens ex vi solius mutui, est peccatum contra iustitiam, ut docet Scriptura, monent Concilia, ratio naturalis dicat, jus civile & jus Galiorum offendunt.

Prob. 1. Ex Script. Deut. 23. v. 19. *Non FORNERABIS fratri tuo ad usuram pecuniam, nec fruges, nec quamlibet aliam rem, sed alieno.* Et Psal. 12. ubi dicitur: *Domine quis habitabit in tabernaculo tuo? ... qui jurat proximo suo, & non decipit, qui pecuniam suam non dedit ad USURAM.* Et ex Psal. 54. ubi, dum describitur urbis Babylonice iniquitas, dicitur: *Non defecit de plateis ejus USURA & dolus.* Et Ezech. cap. 18. v. 13. *AD USURAM dantem, & amplius recipientem numquid vivet? non vivet: morte morietur & sanguis ejus in ipso erit.* Et c. 22. v. 12. civitati Jerusalem scelera ab ipsa commissis his verbis exprobrat: *USURAM & SUPERABUNDANTIAM accepisti, & avare proximos tuos calumniabaris, meque oblita es, ait Dominus.* Et Luc. c. 6. v. 34. *Si mutuum, inquit, dederitis his, a quibus speratis accipere; quæ gratia est vobis? nam & peccatores peccatoribus senerantur, ut recipient æqualia. ... mutuum date nihil inde sperantes.* *MUTUUM DATE, hoc ponitur inter consilia,* inquit D. Th. *NIHILINDE SPERANTES, hoc cadit sub ratione præcepti.* 2. 2. q. 78. a. 2. ad 4. Ergo ex Scriptura est peccatum contra iustitiam.

2. Ex Patribus. Usura a multis Patribus

comparatur cum homicidio, cum furto & rapina; sic enim habet Gregorius Nyssenus: *Malignam sanctorum excoitationem si quis appelleri furtum & homicidium, non peccabit. Nam quid refert suffosso pariete quemquam erepta possidere, ac sanctorum necessitate illicita possidere?* Ambrosius vero idem habet lib. de bono mortis, c. 12. relatus 14. qu. 5. Can. 10. *Si quis, inquit, usuram acceperit, rapinam facit, vita non vivit.* Augul. autem ibidem relatus, Can. 11. ita scribit ad Macedonium Epist. 54. *An crudeliter est qui subtrahit aliquid, vel eripit diviti, quam qui trucidat pauperem fa nore?* Demum D. Th. 2. 2. q. 78. art. 1. in C. sic concludit. *Dicendum, inquit, quod accipere usuram pro pecunia mutuata, est secundum se injustum; quia venditur id, quod non est, per quod manifeste inæqualitas constituitur, quæ iustitiæ contrariatur.* Atqui homicidium, furtum, rapina, iniustitia, cui usura comparatur, est peccatum; ergo usura est etiam peccatum.

Respondent quidam his autoritatibus, eas usuras esse illicitas, quæ extorquentur a pauperibus; minime vero eas, quæ ex conventionem exiguntur ab his, qui re nostra mutuata utuntur vel ad negotiandum, vel ad vivendum splendide.

Sed hæc assertio omnino falsa est. Primo Scriptura & Patres, ut patet ex locis allatis, vituperant omne genus usuræ, eamque cum furto & rapina comparant; luxum autem peccatum est, sive diviti, sive pauperi res auferatur: ergo & usura, sive a paupere sive a divite eam accipias. Constat etiam cum homicidio, quo pateat illicitam esse omnino, & in singulis casibus usuram, nisi fiat auctoritate Dei, quales erant usuræ, quas Judæi a gentibus poterant exigere: sicuti in omni casu illicitum est homicidium. Ideo dicit Ambr. lib. de Tobia c. 15. *quod non minus crudeliter impetimur usuris, quam gladiis.* Sine ferro dimicat, inquit, qui usuram fugiat: sine gladio se de hoste ulciscitur, qui fuerit usurarius exactor inimici. Nec aliter Ambrosius excusat Iudæos ab usuris, quas exigebant ex permisso Dei ab illis gentibus, quas deleturi erant, nisi supponendo, quod usurarum exactio sit certum genus belli. Ubi, inquit, ius belli, ibi etiam ius usuræ. Ibid. Demum & Scriptura, & Patres, & Concilia damnant etiam eas usuras, quæ a negotiatoribus exiguntur, ut docet Ambr. ibidem. Plerique, inquit, resurgentes præcepta legis, cum dederint pecuniam negotiatoribus; non in pecunia usuras exigunt, sed de mercedibus eorum tanquam emolumenta percipiunt. Et ut indicet omni-

bus quascumque usuras esse interdictas, addit illud Scripturæ: *Neque usuram accipi, scilicet a quocumque, neque omnium rerum.*

3. Ex Conciliis. Nicæno, Can. 18. Clerici *usuram* accipientes deiciuntur e Clero. Ex Illiberitano Can. 2. & Clerici & Laici *usurarii* ab Ecclesia projiciuntur. In Concil. Lateran. 2. & 3. omnes *usurarii* a Sacramentis arcentur, infames habentur, Christiana sepultura privantur, eorum oblationes rejiciuntur. Can. 13. in Conc. Viennensi, omnes puniendi sunt, ut hæretici, qui affirmaverint *usuram* non esse peccatum: ergo *usura* & omnibus & erga omnia interdicatur.

4. Ex jure civili. Juxta jus civile triplex est *usura*. *Lucratoria*, quæ aliquid sumitur ex vi mutui. L. 17. ff. de pactis. *Punitoria*, quæ aliquid sumitur, non propter avaritiam petentium, sed propter moram culpabilem non solventium. L. 17. ff. §. 2. *Compensatoria*, quæ præstatur justum interesse. L. Ead. §. 1. de *usur*. *Lucratorie usurse* improbæ illicitæque sunt. L. 20. C. ex quibus causis infamia irrogatur. *Quia lucrum non est querendum*, inquit lex, *ex ea re, cujus damnum aut periculum ad genus non spectat*. L. 67. ff. §. 1. Pro socio. *Punitorie usurse* non sunt licitæ, nisi cum ad id damnum præsumptum ex parte creditoris, & culpa ex parte debitoris: ergo ex jure civili illicita est *usura*, seu *lucrum ex vi mutui*.

Illud adeo verum est, ut ipsimet Pagani *usuram* longe magis noxiam habuerint, quam furtum, quam homicidium, quam seditionem. *Majores nostri*, inquit Cato de re rustica, *sic se habuerunt, & ita legibus posuerunt, furem dupli condemnari, feneratorum quadrupli*. Et idem Cato apud Ciceronem 2. de officiis cum ille, qui quæsierat, dixisset: *Quid feneratori?* Tum Cato: *quid hominem*, inquit, *occidere? iniquius usuram esse speciem homicidii*. Quo circa Tacitus Lib. 5. annalium vocat *usuram vetus urbis malum*, eo quod ex *usuris* seditiones oriantur, artes quiescant. Et ut ait Plinius, vigeat solum *excogitata feneratoris questuosa segnitia*. *Usura* ergo vermis est, qui mutuatoris, & mutuatarii hereditatem corrodit: mutuatoris quidem, ejus segnitium fovendo: mutuatarii vero, ejus omnem industriam consumendo; cum id omne, quod suo labore lucratur, vix solvendis *usuris* sufficiat.

Demum Justinianus L. unica. C. de Sententiis, quæ pro eo quod interest proferuntur, *usuras omnes ad titulum lucris cessantis, & damni emergentis* restrinxit. Cum, inquit, *pro eo quod interest, dubitationes antiquæ in infinitum productæ sint*. Sancimus itaque in o-

mnibus *casibus, qui certam habent quantitatem, vel naturam, veluti in venditionibus, locationibus, & omnibus contractibus, & proinde in mutuo, hoc, quod interest, dupli quantitatem non excedere*: Ergo non debentur *usuræ*, nisi cum intervenit *interesse*, seu *damnum*. In aliis autem *casibus, qui incerti esse videntur, judices, qui causas dirimendas suscipiunt, per suam subtilitatem requirere teneantur, ut hoc, quod REVERA INDUCITUR DAMNUM, HOC REDDATUR, & non ex quibusdam machinationibus, & immodicis perversionibus in circuitus inextricabiles redigatur. . . . & hoc non solum in DAMNO, sed etiam in lucro nostra amplectitur Constitutio*: Ergo ex jure civili illicita est *usura*, quæ non fundatur in LUCRO cessante, vel DAMNO emergenti.

5. Ex jure Gallorum prohibita est etiam *usura*; sic enim S. Ludovicus edicit an. 1254. *Prohibemus*, inquit, *districte, quod nullas usuras faciant Barones, Senescalli nostri, vel alie quæcumque persona. Usuram intelligimus quidquid est ultra sortem*. Eadem sanxit Philippus IV. an. 1312. his verbis: *Edictum noverimus confirmantes, quodcumque usurarium genus interdicimus, utpote a Deo, Sanctisque Patribus prohibitum*. Similem legem tulit Ludovicus XII. anno 1510. a. 4. *Ad evitandum ne quæ usura in Regno nostro patretur, omnibus furi dicendo præfedit, Judicibusque præcipimus. . . . ut in eos, quicumque usuræ labe fuerint infecti, juxta legum præscripta animadvertant*. Art. 65. *Prohibemus, ne quis Notarius ultimum usurarium contractum recipiat, alioquin de officii gradu deturbandus, atque multa arbitraria puniendus*. Eadem præcepit Carolus IX. an. 1567. *Usuram interdicimus ad publicum bonum, atque Regni nostri utilitatem, nec non ad subditorum nostrorum solatium, ut vivere, & negotiari valeant, quin usuris obruantur; quemadmodum nonnulli in Regno nostro mala demone acti, nullosque Dei metu coerciti quotidie facere consueverunt*. Et Henricus III. sic statuit in Comitibus Blesis habitis: *Omnibus, & singulis cujuscumque generis, conditionisque fuerint, inhibemus, ne per se vel per interpositas personas fœnora exercent*. Hinc patet *usuras & jure civili Romanorum & jure Gallorum prohiberi*.

6. Rat. 1. Si aliquid juste exigeretur supra sortem in mutuo, vel hoc esset pro mutuatione, vel pro re mutuata, vel pro usu: non pro mutuatione; quia mutuatario non auget pretium rei mutuatae, sicut nec venditio auget pretium rei venditæ: non pro re mutuata; quia modo restituitur eadem in genere, vel alia prorsus æquivalens, ponitur æqualitas, ut

cum mutuo dedisti centum, & redduntur tibi centum: non pro uln rei mutuatae; quia usus in rebus mutuatis non distinguitur a re mutuata: adde, quod completa mutatione, usus rei mutuatae non est mutuatoris, sed mutuatarii: Ergo in mutuo nihil accipi potest supra sortem ex vi solius mutui.

2. Vel res mutuo data est frugifera ratione sui, ut animalia; vel frugifera ratione industriae, ut argentum; vel omnino sterilis, ut panis, vinum, &c. Si res mutuata sit frugifera ratione sui, fructus debet cedere in utilitatem mutuantis, qui est dominus rei mutuatae; res enim domino fructificat. Si res mutuata est frugifera ratione industriae mutuatarii, fructus debet cedere in utilitatem mutuatarii; quia est causa fructus enascentis ex sua ipsius industria. Si res sit omnino sterilis, iniustum est exigere fructus ex re omnino sterili.

3. Qui accipit usuram, vi eamdem rem vendit, v. g. rem quatenus rem, & rem quatenus usulem: cum tamen res mutuo data ab usu non differat; & ita contra iustitiam agit, & proinde peccat.

Ergo patet ex Scriptura, ex Patribus, ex Conciliis, ex iure civili tum Romano, tum Gallorum, & ex ratione, quod usura sit peccatum mortale contra iustitiam commutativam.

ARTICULUS II.

Quinam sint tituli sumendi, ut dicunt, interesse, id est aliquid supra sortem.

Prop. 1. Toties mutuans potest aliquid supra sortem exigere a mutuatario, quoties ratione mutui perit aliquid mutuantis de bonis, quae actu habebat, vel quae probabiliter acquiratur erat.

Prob. 1. Aequitas naturalis postulat, ut qui confert beneficium, praestetur indemnitas: *iniquum enim est, ut aliis beneficiendo, nobis noceamus*. Ergo mutuans potest aliquid exigere supra sortem, quando aliquid damni patitur ratione mutui.

2. In omni contractu, res, quae sunt materia contractuum, debent reduci ad aequalitatem; adeo ut contrahentes ita se habeant, ut unus tantum rependat, quantum alter ratione contractus vel dedit, vel amisit; alias enim iustitia laederetur. Ergo in contractu mutui mutuatarium tantum debet rependere, quantum mutuator ratione mutui vel dedit, vel amisit: ergo si mutuator ratione mutui vel verum damnum passus sit, vel lucrum revera eventurum (idque

ex causa mutui) non recepit, de hoc praemonitus mutuatarium tenetur reparare illud damnum; & ita mutuans potest aliquid exigere supra sortem in his casibus, in quibus mutuum fuit causa *damni emergentis, vel lucri cessantis*.

Confessaria hujus Doctrinae.

Confess. 1. Licitum est ratione *damni emergentis* ex mutuo recipere aliquid supra sortem, servatis certis conditionibus infra recensendis: etenim si damnum emergens mutuantis, & nascens ex vi solius mutui, non repararetur, res, quae sunt materia contractus mutui, non reducerentur ad aequalitatem; quia mutuatarium non tantum rependeret quantum mutuans ex vi mutui vel dedit, vel amisit.

Dixi, servatis certis conditionibus; quia, scilicet illis conditionibus, *usuram* sapit aliquid recipere ratione damni emergentis.

Prima conditio est, ut mutuum sit causa damni: nam si damnum veniat aliunde, v. g. ex negligentia mutuantis, mutuatarium non tenetur reparare damnum, sed mutuans debet illud sibi imputare ob suam negligentiam.

Secunda conditio, ut mutuans praemoneat mutuatarium de damno, quod patitur ex vi mutui; quia forte postea iste meliori conditione alibi res mutuo accipere, & si casu impraevisio damnum eveniat post mutuum jam peractum, praemonendus est mutuatarium, ut indemnem servet mutuatorem.

Conf. 2. Licitum est ratione *lucri cessantis* ex mutuo recipere aliquid supra sortem, servatis certis conditionibus infra recensendis; quippe si lucrum proxime venturum mutuantis, & cessans ex vi mutui, non reparetur a mutuatario, res, quae sunt materia contractus mutui, non reducerentur ad aequalitatem; quia mutuatarium non tantum rependeret, quantum mutuans ex vi mutui amisit; quippe lucrum cessans aliquo est pretio aestimabile, sicut damnum emergens: neque enim mercator paratam habens pecuniam ad negotiationem, ex qua lucrum ut centum sperat, minus aliquando aestimat lucrum illud in spe, quam lucrum in re: & sicut, si fureris triticum paratum ad statim seminandum, plus aliquando nocet, quam si aliud furatus fueris; quia triticum seminale censetur plus valere quam aliud: ita pecunia parata ad negotiationem plus aliquando aestimanda est, quam alia pecunia actu possessa.

Dixi, servatis conditionibus; quia, scilicet his conditionibus, *usura* esset aliquid accipere ratione lucri cessantis,

Prima conditio est, ut mutuum sit iuxta causam lucris cessantis, v.g. si non habeas nisi certam pecuniam vel negotiationi, vel emendo prædium destinatum, eamque desmutuo; tunc cessat tibi lucrum; quod mutuatarius debet compensare.

Secunda conditio est, ut non tantum exigatur ex mutuo, quantum potest in rigore sperari; quia debent deduci expensæ: & lucrum in spe non tantum debet aestimari, quanti aestimatur lucrum in re.

Prop. 1. Sistendo intra jus naturale, quando certa est quantitas lucris cessantis, & damni emergentis, tantum præcisè potest recipi, & debet dari supra sortem, quantum est damnum emergens, vel lucrum cessans; quando vero incerta est hæc quantitas, sistendo intra terminos juris civilis, tantum potest recipi, & debet dari, quantum determinat jus civile.

Prob. prima pars. Quando aperta est omnino & mutuatario, & mutuanti quantitas damni emergentis, & lucris cessantis, sistendo intra jus naturale, sufficit, quod mutuatarius reddat mutuanti valorem nocumenti, quod mutuator passus est ex vi mutui, vel ratione lucris cessantis, vel ratione damni emergentis; quia in mutuo, sicut & in aliis contractibus, satis est, quod res utriusque contrahentis reducantur ad æqualitatem.

Et ita dum statuta & edita decernunt certam aliquam præstationem, v.g. quinque procentum, non potest illa accipi a mutuante, si lucrum cessans, vel damnum emergens ex mutuo sit manifeste minus, quam quinque; quia edictum Principis supponit esse in mutuante titulum ad quinque, & semper includit hanc tacitam conditionem: ergo si non cessat mutuanti lucrum, ut quinque ex centum mutuat, usurarius est accipiendo quinque, & tenetur restituere id, quod accepit supra damnum emergens, vel lucrum cessans; manet enim semper obligatio naturalis.

E contra potes accipere plura quam quinque, si manifeste lucrum cessans, vel damnum emergens ad plura quam ad quinque assurgat: etenim Regum edicta non prohibent fieri in foro interno quod fieri naturalis æquitas postulat; naturalis autem æquitas postulat, ut res, quæ sunt materia contractuum, reducantur ad æqualitatem exactam, quando ea certo & distincte potest cognosci.

Prob. secunda pars. Quando incerta est quantitas lucris cessantis, & damni emergentis, tunc commodius est contrahentibus, ut pacificentur de certa summa ad viri prudentis arbitrium, & hæc certa summa debet accipi juxta edicta Regum, &

juxta terminos præscriptos a jure civili. In hoc enim casu nihil fit contra æquitatem naturalem, & hic contractus utriusque parti contrahenti commodus est; æstimationem autem præfixita ab edictis regis debet censeri prudentissima, quippe nullus præsumi potest valorem pecuniarum examinasse exactius, quam examinerunt ii, qui præsumunt constituendis Regum edictis.

Sic quoties incerta est quantitas lucris cessantis, vel damni emergentis, toties mutans potest exigere a mutuatario interesse juxta præscriptum Principis; quia præscriptum illud censetur prudens, legitimum, & iustum.

Præscriptum autem Principis est hujusmodi; ita enim sanxit Carolus IX. in Comitibus Aurelianensibus a. 60. cujus hæc sunt verba: *lis autem; qui certa quadam pecunie summa damnati fuerint per syngraphas, aut obligationes debitas, adjudicabitur damnum atque interesse requisitum ob solutionis dilationem, recensendum a die; qua vadimonium illis fuerit denuntiatum, idque inter mercatores quidem ratione denarii duodecimi, inter ceteros vero decimiquinti: exceptis tamen agricolis, olitoribus, & conductitiis, erga quos debitores solvere tenebuntur duplum summe illius, cujus debitores extiterint, quin iudicibus liceat multam hanc moderari...* Ubi nota, quod debitor tenetur solvere non usuras, sed damnum, & interesse compensare: & hoc solum post petitionem factam coram iudice.

Et circa hanc petitionem non eadem est in Gallia consuetudo. In curia Burdigalensi mutuatarius condemnatur ad solvendum interesse ab eo die, quo mutans iudice petiit debitum, etiam si in sua petitione nullam fecerit expressam mentionem illius interesse. In curia Tolosana, si mutuatarius expresse obligaverit se se ad solvendum interesse, & in obligatione aperte appareat iusta causa sumendi interesse, tunc a die conventionis mutuatarius damnum emergens vel lucrum cessans solvere compellitur; si vero causa iusta sumendi interesse non constet, solvere cogitur solum a die petitionis juridicæ. In Curia vero Parisiensi præter petitionem juridicam requiritur sententia iudicis, & usura non nisi a die sententiæ solvuntur.

Monit. Stipulatio intermutuantem & mutuatarium, quæ apud Tolosates sufficit ad exigendum interesse cum aperto titulo, petitio illa juridica, quæ apud Burdigalenses sufficit ad exigendum interesse, & illa sententia iudicis, quæ apud Parisienses requiritur ad percipiendum interesse, non sunt titulus iustus accipiendi interesse coram Deo, si aliunde

non adfit lucrum cessans, vel damnum emergens; quia & stipulatio, & petitio, & sententia adscribentes coram hominibus interesse mutuanti, supponunt eum vere pati aut *lucrum cessans*, aut *damnum emergens*; alias interesse non adjudicarent. tunc enim non est *interesse*, sed *usura*, ut infra dicitur.

ARTICULUS III.

De usura mentali.

Prop. 1. Quicumque sine pacto exteriori optat recipere aliquid supra sortem ex vi mutui, est usurarius mentaliter.

Prob. rat. Ex dictis usurarius est quicumque accipit aliquid ex vi mutui: quia usura est lucrum ex vi solius mutui proveniens: ergo qui mente solum lucrum illud medietur recipere, est usurarius mentaliter.

Confectaria hujus Doctrinae.

Confect. unic. Usuram pure mentalem committit qui nihil dat exterius, sed interius optaret habere aliquid, quod daret mutuo, v. g. frumentum, vinum, argentum, &c. ut ex mutuo lucrum faceret, & ditior fieret; quia usuram nutrit in mente.

Prop. 2. Usuram committit non pure mentalem, sed in aliquo realem, qui de facto dat aliquid mutuo, v. g. frumentum, vinum, argentum, &c. ea intentione, ut sibi aliquid pretio aestimabile rependatur ex vi mutui, quamvis non exprimat suam mentem exterius.

Prob. 1. Est usurarius in mente, ut patet ex Confectario præcedenti: & si quid recipiat ex vi mutui, tenetur restituere.

2. Urbanus Papa ait: *Qui non alias mutuo traditurus, eo proposito mutuam pecuniam credit, ut licet omni conventionione cessante, plus tamen sorte recipiat, pro hujusmodi lucri intentione, quam habet, judicandus est male agere, & ad ea, quæ taliter sunt accepta, restituenda in animarum judicio efficaciter inducendus.* cap. Consultuit extra. De usuris.

Confect. unic. Usuram simul & simoniam non mere mentalem, sed etiam in aliquo realem committit, qui aliquid dat mutuo, v. g. frumentum, vinum, &c. ea intentione, ut sibi, vel filio, vel amico conferatur Beneficium Ecclesiasticum: hic enim mente & usurarius, & simoniacus est; quia & usuram, & simoniam interius fovet, & re aliquo modo exequitur.

ARTICULUS IV.

De usura exteriori & aperta.

Prop. unic. Usuram exteriorem & apertam committit quicumque pacificum sibi dari aliquid pretio aestimabile ex vi mutui.

Prob. rat. Primo usuram committunt; quia intendunt aliquid sibi dari ex vi mutui. Secundo usura illa est exterior; quia pacto externo statuta est. Tercio usura illa est aperta & patens; quia nullo involucre tegitur. Ergo illi omnes, qui pacificum sibi dari aliquid pretio aestimabile ex vi mutui, veram, realem, & apertam usuram committunt.

Confectaria hujus Doctrinae.

Confect. 1. Usuram realem & apertam committit qui de facto dat mutuo aliquid, v. g. argentum, frumentum, &c. pacificus sibi aliquid dandum supra sortem, sive illud sit munus a manu, sive a lingua, sive ab obsequio; quia ex pacto exigit aliquid ex vi mutui: ita D. Th. 2. 2. q. 68. art. 2. ad 3. *Si aliquis ex pecunia mutuata ex pacto expellet, vel exigit, quasi per obligationem pacti taciti, vel expressi, recompensationem muneris ab obsequio, vel a lingua, perinde est ac si exigeret, ac expectaret munus a manu; quia utrumque pecunia aestimari potest, ut patet in iis, qui locant operas suas, quas manu vel lingua exercent: si vero munus ab obsequio, vel a lingua, non quasi ex obligatione rei exhibeatur, sed ex benevolentia, quæ sub aestimationem pecunie non cadit, licet hoc accipere, & exigere, & expectare.*

Confect. 2. Usuram realem, & apertam committit, qui dat mutuo eo onere & pacto, quod mutuarius emat merces apud se, quod molat in suo molendino, quod agros suos colat, &c. est usurarius juxta Antoninum; quia hæc obligatio non sequitur necessario gratiam mutui, præcipue si ultra iustum exigit: & tunc tenetur ad restitutionem totius damni ille, qui onus illud imposuit. Ita Antonin. par. 2. tit. 1. c. 7. §. 5. & 8. *Si quis mutuati alteri ea intentione, vel pacto, ut eat ad molendinum suum, furnum, vel apothecam suam ad emendum, vel ut intret scholas sub eo, & hujusmodi, alias non mutuaturus, usuram committit, etiam si non majori pretio vendit propter hoc, seu plus ab eo, quam ab aliis petir: ratio est, quia commoditatem suam utilitatem inde recepit, quæ pretio aestimari potest.*

Confect. 3. Usuram apertam committit qui Principi vel Magistratui mutuum dat eo pa-

Ro, quod accipiat aliquod officium a Rege, vel ut eximatur a tributis solitis; quia accipit aliquid pretio æstimabile ex vi mutui: ita D. Th. opusc. de regimine Iudæorum ad Ducissam Brabantæ: *Quod si hoc pacto mutuum dant, ut officium accipiant, absque dubio pactum est usurarium; quia pro mutuo accipiunt officii potestatem.*

Consect. 4. Reus usuræ clamantis, ut dicunt, & apertæ est, qui dat mutuo argentum, frumentum, &c. & cogit mutuatarium dare aliquid præter id, quod mutuo accepit: v. g. mutuans dat centum, & exigit centum & quinque, vel exigit schedulam obligatoriam, qua teneatur solvere plus, quam accepit: quia tunc accipit aliquid ex vi mutui. Ideo damnata est hæc propositio per facultatem Parisiensem tanquam falsa, scandalosa, & usuraria: *Majori cum animositate quam ratione condemnari obligatorias promissiones ad solvendum lucrum supra capitale.*

Consect. 5. Usuram pariter realem committit qui mutuatur fruges, argentum, &c. eo onere & pacto, ut sibi idem, aut simile aliquando mutuo detur; quia accipit aliquid ex vi mutui: ita D. Th. 2. 2. q. 68. art. 2. ad 4. *Licet mutuanti unum, scilicet simul aliquid aliud mutuum recipere, non autem licet cum obligare ad mutuum in posterum faciendum.* Gratitudo tamen exigit, ut similia officia rependamus, & ita ut mutuanti, cum indigerit, mutuemus, ut notat ibid. D. Th.

Consect. 6. Reus est usuræ apertæ qui mutuo dat onere, quod mutuarius non exigit: repa rationem honoris & famæ, quam iuste potest exigere: licet enim fama non sit pecunia æstimabilis, tamen obligatio restituendi famam potest pretio æstimari, cum homines sæpe illud onus argento redimant.

Dixi iuste; nam si iniuste exigeretur, posset quis mutuum dando absque usura se redimere ab iniusta vexatione.

Consect. 7. In crimen usuræ apertæ labitur qui mutuo dat fruges, argentum, quod a libi habet, eo onere, quod cum maioribus sumptibus ad se deferantur: v. g. habes frumentum ruri, das illud mutuo, & exigis, quod mutuarius vehat tibi frumentum in urbe reddendum; quia accipis aliquid ratione mutui, nimirum expensas necessarias ad vehendum frumentum.

Consect. 8. Non est immunis ab usura aperta qui mutuum dat ea conditione, ut mutuarius, vel alius fidejubeat, vel spondeat pro ipso in aliquo negotio; quia sponsonem pecunia æstimabilem ex vi mutui reportat: & si fidei-jussio damnum afferat

mutuatario, mutuans tenebitur damnum reparare.

Consect. 9. Non excusari potest ab usura aperta qui pecunias mutuo dat ea conditione, ut eadem pecuniæ reddantur eo tempore, quo sunt pluris valituræ; quia accipit aliquid ratione mutui, nimirum majus pretium pecuniarum. Vide legem *Rogasti* de præscriptis verbis.

Consect. 10. Veram & apertam usuram exercent qui dant mutuo vinum, frumentum, &c. ea conditione, ut sibi vendetur ager, vinea, aut alia res, quæ alias non venderetur a mutuatario; accipiunt enim aliquid pro mutuo, nimirum utilitatem, quæ provenit ex fundo vendito: & si fundus involuntarie vendatur, tenentur contractum rescindere: si vendatur infra justum pretium, tenentur damnum reparare.

Consect. 11. Usurarii aperti & publici censendi sunt qui dant mutuo argentum, aurum &c. ea conditione, ut ab ipsis emantur quædam sua jura desperata, aut inutilia, v. g. agri steriles, aut aliud quidpiam id genus; quia ex vi mutui imponunt onus mutuatario. 1. Onus emendi, quod nollet emere. 2. Onus emendi aliquid, quod non esset utile emptori. 3. Onus emendi aliquid pluris, quam valeat; quod in casu ad reparationem omnis damni tenentur.

Consect. 12. Rei usuræ apertæ habendi sunt qui mutuo dant cum eo pacto, ut mutuarius vel totum mutuum, vel ejus partem a debitoribus ad solvendum tardis & difficultibus accipiant, ipsi vero mutuum solvant præsentem pecuniam: ita Baldus: ita pariter Conc. *Med. Ne cui*, inquit, *liceat cum altero ita contrahere, ut is totam pecuniæ summam ei, qui dederit, solvat, cum ille partim pecunia dederit, partim nominibus debitis, quæ difficile exigi possunt, vel in rebus pluris quam valeant, æstimatis.*

Consect. 13. Inter usurarios adnumerandi sunt publicani, & regionum tributorum collectores, qui vel a civitatibus, vel a privatis civibus accipiunt aliquid pretio æstimabile, non ratione lucri cessantis, vel damni emergentis, sed ratione dilationis, vel ex eo quod mitius cum illis agant; quia accipiunt aliquid ex vi mutui. Ad illud redit, quod diximus ex D. Th. *consect. 5. & 6.*

Consect. 14. Tortes usura committitur, quoties aliquid ex vi mutui accipitur, sive mutuum detur pauperi, sive detur diviti, etiam si dives utatur pecunia mutuata vel ad lucrum, vel ad delicias. 1. Quia usura nihil est aliud, quam lucrum ex vi mutui, unde quaque veniat lucrum illud, sive a paupere, sive a divite. 2. Sicuti furtum semper est peccatum, sive

sive diviti, sive pauperi, rem, quæ tua non sit, auferas, quamvis gravius sit furari pauperi, quam diviti; ita exigere lucrum propter mutuum, peccatum est, sive illud exigas a paupere, sive a divite, quamvis gravius sit usuram exigere a paupere, quam a divite. 3. Div. Th. docet, quod in necessitate licitum sit accipere mutuum ab eo, qui usuras exercet, *propter aliquod bonum, quod est subventio sua necessitatis vel alterius*; peccare vero eum, qui sine necessitate acciperet pecuniam ad usuram, quia cooperaretur peccato usurarii. Ergo supponit S. Doctor quod mutuarius & mutuator peccant, quando ex mutuo consensu unus dat, alter vero recipit pecunias ad usuram. quod enim est ab intrinseco malum, ex mutuo contrahentium consensu permitti non potest; usura autem est ab intrinseco malum, ut docet D. Th. qu. 13. de Malo a. 4. reducitur enim ad furtum. Et Alex. III. cap. Super eo de usuris, docet expresse, *quod crimen usurarium utriusque testamenti pagina detestentur.*

ARTICULUS V.

De usura exteriori, sed palliata sub involucrio alterius Contractus diversi a mutuo.

Prop. unica. Toties usura palliata committitur, quoties mutans & mutuarius varios ineunt contractus, quibus id, quod mutuo datur, quod vocant capitale, salvum servatur, & interesse percipitur.

Prob. ratione. Tunc enim aliquid accipitur ex vi mutui sub aliquo alio contractu involuti: ergo usura palliata committitur.

Consecratoria hujus Doctrinæ.

Consect. 1. Reus est usurae palliatae quicumque ratione anticipatae solutionis præcise minus solvit, quam debeat: de quo ita D. Th. his verbis: *Ille, qui ad certum terminum debet, si ante terminum solvat, ut ei de debito aliquid remittatur, usuram committere videtur; quia manifeste tempus solutionis vendit, unde ad restitutionem tenetur.* Op. 67.

Consect. 2. Ille etiam reus est usurae palliatae, qui ratione anticipatae solutionis conjunctæ cum emptione aliquid emit minori pretio ob anticipatam solutionem, ut docet etiam D. Th. *Si quis emptor, ait, velit rem emere vilius, quam sit justum pretium, eo quod pecuniam ante solvit, quam possit ei res tradi, est peccatum usurae; quia etiam is, qui anticipatæ solutiones pecuniæ habent rationem mutui, cuius quod-*

dam pretium est, quod diminuitur de justo pretio rei. 2. 2. q. 78. a. 2. ad 7.

Consect. 3. Usurarius est usurae palliatae quicumque plus accipit, quam ei debeat, & hoc ob dilataam solutionem; tunc enim accipitur aliquid ob dilataam solutionem, quæ est quasi quoddam mutuum: etenim non exigere mutuum, cum solvi debet, quid est aliud, quam dare mutuum pro certo tempore?

Consect. 4. Usuram palliatam exercet quicumque ratione dilatae solutionis junctæ cum venditione, carius vendit merces suas ob dilataam solutionem, vel qui cogit emptorem ad solvendum plura, quam emerit; quia accipit aliquid ex vi mutui. *Si aliquis carius velit vendere, inquit D. Th. quam sit justum pretium, ut de pecunia solvenda emptorem expectet, manifesta usura committitur, palliata tamen sub involucrio venditionis; quia huiusmodi expectatio pretii solvendi habet rationem mutui.* Ibid.

Consect. 5. Usuram palliatam committit qui contractum Mobatratr vocatum init. *Qui vendit aliquid alicui certo pretio, inquit Papa, cum onere, quod idem sibi iterum vendatur minori pretio, qui contractus solet vocari mobatratr, usuram committit.* Ita Inn. XI. Et Antonin. ait: *Talis contractus usurarius est, & omni malignitate, & duplicitate plenus.* 2. part. tit. r. c. 8. §. 3. Eundem contractum damnat c. 5. **Usura.** Quia, inquit, *geminata illa venditio non fit, nisi pallietur usura.*

Consect. 6. Usurae palliatae reus est qui nolens pecunias petenti mutuo dare, citra lucrum ex mutuo perceptum, cum petentis consensu simulat ab eo fundum emere, eumque fundum nomine non re emptum eidem locare, ut per palliatam emptionem & locationem lucrum ex mutuo percipiat, v. g. quinque pro certo. *Ibi enim, inquit Cajet. non est vera venditio, nec vera emptio, sed mutuum palliatum sub diſtis contractibus; secus esset, si super domo, vel agro constitueretur perpetuus census.*

Consect. 7. Usura palliatur sub contractu venditionis conditionata in sequentibus casibus. 1. Si venditio non fiat iusto pretio: 2. Si venditor rem venditam redimere cogatur intra certum tempus, & nisi redemerit, res conditionate vendita censetur absolute vendita. 3. Si res vendita debeat redimi majori pretio, quam fuerit vendita; quia in his omnibus casibus usura lateat sub illis simulatis contractibus. Ita Conc. Med. sub Carolo Borrom. tit. de usura. Ne, inquit, *fiant contractus, ubi non antecedit emptio certæ rei immobilis pretio iusto, vel ubi venditor redimere cogatur,*

vel.

vel ubi non possit redimere, nisi post certum tempus. Quomodo licita sit retrovenditio, dictum est supra, ubi de venditione.

Consect. 8. Non excusatur ab usura palliata quicumque mutuo dat, & accipit pignus pro alfectione mutui, & ex pignore accipit aliquid emolumentum: usuram enim vere committit, si non computet fructus in solutionem capitalis. Si quis, inquit D. Th. pro pecunia sibi mutuata, vel alia re usuali, v. g. pro frumento, pro vino mutuato, obliget rem aliquam, cujus usus pretio aestimari potest, debet usum illius rei illi, qui mutuavit, computare in restitutionem ejus, quod mutuavit; alioquin si usum illius rei, quasi gratis sibi superaddidit vellet, idem est ac si pecuniam reciperet pro mutuo, quod est usurarium. 2. 2. q. 68. art. 2. ad 6. Idem dicitur c. Conquestus de usuris: Et retinens pignus, necdum fructus receptos debet computare in sortem, imo eos, quos percepisset verus possessor.

Consect. 9. Usuram palliatam exercent quicumque mutuo dant, sed ea conditione, quod si intra certum tempus non reddatur mutuum, nec recuperari, nec repeti poterit pignus traditum pro alfectione mutui: de his ita Conc. Parisien. Qui tempore necessitatis nihil commodare pauperibus volunt, nisi acquirant fundum aliquod in pignus, sœneratores sunt. C. 53. Et Conc. Mediolan. sic habet: Prohibetur, ne res detur pignori ea conditione, ut si ad dictum tempus res redempta non sit, res libera sit emptoris, vel ejus, qui pignori accepit. Idem vetat jus civile c. de Pact. Pig. & jus Can. cap. Significante de Pignoribus.

Consect. 10. Usuram sub ficto cambio tegit qui mutuo dando pecuniam idem recipit lucrum, quod solent camplores recipere, qui pecunias hic datas cum aliis pecuniis in loco longe remoto dandis permutant; quia cambium illud est fictum ad palliandam usuram excogitatum: ita de hoc cambio Carol. Borrom. Ne fiant cambia, ait, cum littere ad locum destinatum non mittuntur, & ibi non fit solutio, sed uno & eodem loco pecunia datur, & accipitur. Conc. Mediol. de usuris. . . . De cambio secco, minuto, & locali, dictum est supra, ubi de cambio monetarum.

Consect. 11. Usuram sub ficta societate tegit qui dans pecunias suas in societatem, ut dicunt, vult tamen, ut salva sit fors principalis, & ei aliquid quolibet anno pro emolumento pecuniarum in societatem traditarum persolvatur; quia ficta est societates, quoties fors principalis non periclitatur. Sic docet Concil. Mediol. I. Ne, inquit, in societate, in qua alter pecuniam confert, alter operas, lucri distributio con-

sistatur, nisi per quotas partes. 2. Ne ultra eas certa pecuniarum summa, vel quid aliud conferenti pecuniam persolvatur. 3. Ne fiat pactio, ut fors salva sit, fructusve communiter dividantur. Conc. Mediol. ibid. Quomodo ineunda sit societas, dictum est supra.

Consect. 12. Ratione injusta æstimationis. Usurarius est contractus, quo dantur animalia, vel merces æstimate ultra debitum pretium; quia æstimatio pro venditione habetur. L. Ple-rumque ff. de jure dotium. Cum ergo venditio ultra pretium debitum sit usura palliata: ergo & æstimatio ultra debitum pretium.

Cons. 13. Ratione æstimationis conjunctæ cum simulata societate. Usurarius est contractus, quo animalia & merces æstimantur debito pretio, sed æstimate debito pretio traduntur societati eo pacto, quod integrum capitale non periclitabitur, sed fructificabit deponenti; quia si æstimatio sit vera venditio, res æstimate est vendita: si vendita, est emptoris: si est emptoris, debet fructificare emptori; & non venditori; quia res domino fructificat: & ille, qui animalia vel merces emit, tenetur solum reddere pretium, de quo conventum est.

Cons. 14. Palliatur usura sub involucrio cessionis quoties accipitur aliquid supra sortem ex vi solius cessionis alicujus summæ, cui debebatur interesse ratione lucri cessantis aut damni emergentis: cessionarius vero sine titulo damni emergentis vel lucri cessantis, vult aliquid ultra sortem accipere; quia generalis regula est, quod non detur titulus sumendi interesse, nisi vel lucrum cessans, vel damnum emergens.

Sic Titius vendidit fundum frugiferum Sempronio: iste non habens pecuniam, qua solvat fundum, quem emit, promisit solutionem interesse Titio, qui habet illud interesse accipit, titulum enim habet; quia scilicet privatur fructibus fundi a se venditi. Titius cedit Mœvio debitam sibi summam a Sempronio: Mœvius ex vi solius cessionis non potest licet interesse accipere, nisi aliunde habeat titulum damni emergentis, vel lucri cessantis. Ita Caballutius. Lib. Theoricæ praxis. c. 7. n. 17.

Sic socer cedit genero summam sibi debitam, & ex ea summa constituit dotem: gener pro dote non soluta, & quam potest & vult modo aliquo utili collocare ad sustinenda onera matrimonii, potest interesse accipere; sed si maritus eam summam alteri cesserit, ex vi solius cessionis, cessionarius non potest interesse accipere.

Consect. 15. Palliatur usura sub specie

pecuniæ realiter numeratæ, & mutuo traditæ, quoties pecuniæ nondum perolutæ convertuntur in capitale, ex quo novum adhuc interesse percipitur; hoc enim merito prohibet jus utrumque & civile & Ecclesiasticum, ne usuræ usuris supernascentes debitorum opprimantur: sic enim habet jus civile, *L. ut nullo modo C. de usur.* *Hac apertissima lege definitur, nullo modo licere cuiquam usuras præteriti temporis, vel futuri in sortem redigere, & earum iterum stipulari; sed & si hoc fuerit usuras subsecutum, usuras quidem semper usuras manens, & nullum usurarum aliarum incrementum sentire, sorti autem antiquæ tantummodo incrementum usurarum accedere.* Et Pius V. Constitutione de censibus, prohibet, ne census antea constitutus augeatur ex pensionibus debitis quidem, sed non solutis, quamvis ex jam solutis augeri possit.

ARTICULUS VI.

De aliquibus titulis sumendi aliquid supra sortem.

Hi tituli vulgo referuntur a Canonistis.

PRÆTER titulum damni emergentis, & lucri cessantis, solent a quibusdam assignari alii tituli sumendi interesse: de quibus titulis hic agemus, non eos rejiciendo, sed explicando. Illi tituli possunt his carminibus comprehendi.

Funda. fidei-jussor, pro dote, stipendia Cleri, Sponte datum, fors indemnitas, conventio pœnæ.

Prop. unica. Quando in mutuo suscipitur ex pacto aliquid supra sortem, toties debet intervenire vel damnum emergens, vel lucrum cessans, vel novus aliquis contractus superadditus mutuo, qui tamen non destruat naturam gratuiti mutui.

Prob. 1. Ex jure civili. Usuræ lucratoriæ sunt illicitæ: solæ usuræ compensatoriæ permissæ sunt: ergo non est alius titulus sumendi interesse, nisi lucrum cessans, vel damnum emergens. Unde aptissime ait Corvinus in suis Aphorismis. ff. lib. 22. tit. Itaque, inquit, quotiescumque creditoris nihil interest, id est nihil patitur damni, sciat toties se contra officium facere, & indulgentia legum abuti, si ex officio mutuationis, quod debet esse gratuitum, vel ante, vel etiam post moram, lucrum aucupetur.

2. D. Th. 2. 2. q. 78. a. 2. ad 1. non alios titulos percipiendi interesse admittit, nisi quando mutuator occasione mutui aut damnum patitur, aut non lucratur quod posset lucrari: qui duo tituli solent denominari, lu-

crum cessans, aut damnum emergens: ergo omnes alii tituli suspecti habendi sunt, nisi ad istos reducantur.

3. *Rat.* In omni contractu res, quæ sunt materia contractuum, debent reduci ad æqualitatem, alias violaretur justitia commutativa: ergo & in mutuo; v. gr. ego mutuatarium non debeo plura rependere, quam accepi; si acceperim centum, debeo centum rependere: Ergo si quid ultra rependam ex pacto, hoc ideo rependo, ut reparem vel damnum emergens, vel lucrum cessans mutuatoris; alias mutuator non habet jus exigendi quod rependo.

Quod si ablit titulus lucri cessantis, vel damni emergentis, debet necessario intervenire novum pactum, quo adstringar rependere aliquid supra sortem: quod pactum justum erit, si non destruat gratuitum mutuum; injustum vero, si destruat gratuitum mutuum; quia contractus de una & eadem re inter personas eandem exerciti, sunt injusti, quando unus destruit alium.

Conseclaria hujus doctrinæ, in quibus explicantur singulæ voces prædictorum carminum.

Consecl. 1. In quo explicatur hæc vox, *funda.* Cum dominus mutuo dat vassallo argentum, &c. & a vassallo suo remissis ei servitiis feudum in pignus accipit, potest fructus fundi sui licite accipere, nec tenetur eos computare in sortem; quia ex tali mutatione, & oppignoratione dominus damnum patitur, privat enim se servitiis sibi a vassallo exhibendis: deinde dominus habet dominium directum supra fundum sibi oppignoratam: Ergo potest licite fructus ejus accipere; quia res domino fructificat. Ita habetur c. *Insinuatione* de feudis. *Insinuatione presentium* declaramus, quod gageria, quam de fundo Ecclesiæ tuæ dignosceris recepisse, a te potest libere detineri, fructibus non computatis in sortem; ita videlicet ut M. servitio feudi sit immunis.

Consecl. 2. In quo explicatur hæc vox, *fidei-jussor.* Qui pro alio spondendo damnum aliquod patitur, vel quia solvit debitum, vel quia labores subit, &c. potest pro mutuo dato aliquid supra sortem accipere; quia fidei-jussor (ut supponimus) damnum passus est. Ita docetur cap. *Pervenit* de fidei-jussoribus: *Montatis eisdem*, ut memorato *Clerico pecuniam*, quam pro iis solvit, restituentem, ipsumque servant indemnem, & *damna etiam, quæ propter hoc pertulit, resarciat.* Si vero fidei-jussor nullum damnum pate-

retur spondendo, usurarius esset, si aliquid acciperet.

Consect. 3. In quo explicatur hæc vox, *pro dote*. Quando gener ob onera matrimonii sustinenda damnū patitur, potest accipere interesse, vel vicē dotis accipere feudum, non computando fructus in sortem; quia nutriendo uxorem sine dote, damnū patitur: onerosa quippe res est mulier nutrienda sine dote. Ita docetur c. *Salubriter* de usuris: *Tunc generum ad fructus possessionum, quæ sibi a socero sunt pro numerata dote pignori obligatæ, computandis in sortem, non credimus compellendum, cum frequenter dotis fructus non sufficiant ad onera matrimonii sustinenda.*

Quod si nihil damni pateretur, vel quia nulla sustineret onera matrimonii, vel quia lubens voluisset accipere uxorem sine dote, vel quia fructus vel ex toto, vel in parte excederent onera matrimonii, tunc usurarius esset; quia non haberet titulum damni emergentis, vel lucri cessantis, nisi expresse conventum esset, quod loco pecuniæ dotalis numerandæ daretur fundus frugifer.

Ideo heredes non sustinentes onera matrimonii debent computare fructus in sortem: vidua pariter, si non sustineat onera matrimonii; sed si vidua sustineat onera matrimonii, nec habeat, unde vivat, potest accipere interesse: ita Sylvius; dos enim est fundus debitus viduæ, sicut legitima debetur filiis: ergo sicut legitima non mutuo data, sed remanens in manu heredis, est fundus ex natura sua dans interesse; ita & fundus dotalis, non quidem datus mutuo, sed remanens in manu ejus, qui dotem constituit.

Consect. 4. In quo explicantur hæc voces, *sipendia Cleri*. Cum Clericus fundum Ecclesiasticum aliter redimere nequit, quam mutuando, & prætextu pignoris illum suscipiendo de manu Laici; tunc potest citra usuram, vel non computare fructus fundi in sortem, vel dominium ipsius fundi exigere pro mutuo; quia tunc damnū patitur, nimirum iniquam detentionem fundi proprii: deinde mutuo utitur, non ad lucrandum, sed ad injustam vexationem redimendam. Ita habetur cap. *Plures de usuris in fin.*

Consect. 5. In quo explicantur hæc voces, *sponsæ datum*. Citra usuram potest accipi quod sponte offertur; quia usura est, cum aliquid, non ex gratitudine, sed ex necessitate & pacto exigitur: sed ne sub nomine spontaneæ obligationis usura lateat, attendat quisque ad hæc verba Hilarii super illud Psal. *Qui munera super innocentem non accepit*. Ita David gamin muneribus docet servandam esse ratio-

nem, ut sumantur a nobis quæ sint grata & utilia offerentibus, non quæ nos faciant venales, nec insidiosa innocentibus sint, nec munerantibus sumptuosa, officio potius, quam cupiditate sumpta, bonorum magis ingesta, quam metu, caritate magis suscepta, quam lucro.

Consect. 6. In quo explicantur hæc voces, *foris indemni*. Postquam mutuator gratis mutuo dedit pecunias, frumentum, &c. si rogetur mutuanus a mutuuario, ut mutuanus sponte & nequaquam invitatus suscipiat in se per novum contractum periculum sortis, potest absque vitio usuræ aliquid recipere, non ratione mutui, sed ratione periculi in se suscepti; quia suscipere periculum est contractus affecutionis, qui non est illicitus, ut infra dicitur; & hic contractus affecutionis non destruit contractum mutui: quippe mutuarius potuisset susceptionem periculi tertiæ personæ proponere, & aliquid pro suscepto in se periculo offerre: Ergo & potest eandem conditionem proponere mutuatori; quia non est pejoris conditionis, ex eo quod gratis mutuum contulerit. Totum istud debet provenire a mutuuario, & non a mutuantē; quia si veniat a mutuantē, ibi est usura palliata, ut dicitur cap. *naviganti velementi ad nudinas* de usuris. Ita tenet Fagnanus explicans prædictum caput, tamen melius & tutius est nunquam pacisci de servando capitali indemni.

Consect. 7. In quo explicantur hæc voces, *conventio pœnæ*. Postquam mutuator gratis mutuo dedit argentum, aurum, &c. si timeat mutuatarium non soluturum ad conditum tempus, potest pœna conventionali cogere morosum debitorem ad solvendum condicto tempore, & aliquid exigere ultra sortem, si non solvat, non ratione mutui, sed ratione novi contractus; nimirum conventionalis pœnæ; quia interest publicæ utilitatis; ut pacta servantur, & pœnæ, de quibus voluntarie conventum est, subeantur, non ante declarationem judicis; sed post declarationem juridicam, ut diximus ubi de lege pœnali. Punitorias ergo usuras duæ causæ licitas reddunt: ex parte creditoris præsumptum damnū, quod interesse vulgo nominant: ex parte debitoris mora, non innocens, sed culpabilis, quæ cum delictum sit, puniri debet. Ita habetur C. l. 22. *de usuris*.

Nota tamen, quod si creditor mallet debitorem potius incurryere pœnam, quam in termino solvere, esset usura, ut ait Scottus in 4. dist. 15. a. 2.

Si pœna appolita excedit interesse, præsumi-

mutui usura. *Leg. prædia* de actionibus empt. & vendit.

Præsumitur pariter usura, quando apponens pecuniam consuetus est scenerari. *Leg. Julianus.*

Quando mutuatarius non solvit in termino præfixo, non ex dolo, sed sine culpa, non potest in conscientia ab eo exigere poena conventionalis; quia innocens non debet puniri.

Demum in praxi, tituli de periculo sortis, & de poena conventionali, debent esse suspecti, & non nisi raro permittendi, scilicet, quando constat mutuatores non lucrum querere, sed solam mutuatarii utilitatem peroptare, & solam capitalis assecurationem intendere.

ARTICULUS VII.

De variis titulis sumendi interesse, excogitatis a quibusdam autoribus.

PRÆTER prædictos titulos excogitatos a Canonistis, quidam alios titulos excogitarunt, quos omnes recensebimus, & retulabimus.

Prop. unica. Falsus est omnis titulus sumendi interesse, nisi interveniat vel lucrum cessans, vel damnum emergens, ut patet ex dictis: ergo falsi sunt sequentes tituli, quos sola avaritia excogitavit.

Conseclaria. hujus Doctrinae.

Consecl. 1. Utilitas, quam capit mutuatarius ex mutuo, non est titulus sumendi interesse: ex eo enim quod mutuatarius accipiat aliquid utilitatis ex re mutuata, nulla est ratio mutuatori recipiendi lucri; quippe illa utilitas debet cedere non in bonum mutuantis, sed in bonum mutuatarii: sicut iniquum esset aliquid exigere supra justum pretium rei venditæ propter utilitatem, quæ emptori ex re emptæ eveniret.

Consecl. 2. Delectatio, quæ provenit mutuatorio, ex eo quod res mutuo data aliquam delectationem sibi pariat, mutuatori eadem delectatio quasi eripitur, est titulus falsus; quia valor rei mutuatae non debet pensari ex privata & inordinata privatorum hominum cupiditate, sed ex rationali hominum æstimatione: & sicut venditor non potest rem vendere supra justum pretium propter delectationem, quam capit in possessione rei; ita nec mutuans potest ob similem delectationem, qua privatus mutuando, aliquid exigere supra sortem.

Consecl. 3. Dilatio solutionis ad certum

tempus non est justus titulus sumendi aliquid supra sortem; quia de ratione mutui est, ut mutuator non possit repetere mutuum, nisi ad conditum tempus; quia dilatio seu tempus non est aliquid, quod ad mutuantem pertineat, & proinde pro eo nihil potest accipere; etenim Alex. VII. damnavit hanc propositionem: *Licetum est mutuanti aliquid ultra sortem exigere, si se obliget ad non repetendam sortem usque ad certum tempus.*

Consecl. 4. Venditio rei usualis non est titulus sumendi interesse. Quidam exigunt aliquid supra sortem, respicientes mutationem quasi venditionem, & dicentes, quod sicuti in venditione potest res vendi supremo, medio & infimo pretio, v. g. vendi supremo pretio, & emi infimo; ita & res mutuata potest dari infimo pretio, & recipi supremo, & sic mutuatarium teneri aliquid dare supra sortem. Titulus ille est injustus; quia hic contractus non esset mutuatio, sed venditio.

Consecl. 5. Locatio rei mutuatæ est falsus titulus. Quidam exigunt interesse ratione locationis rei mutuatæ, dicentes, quod res mutuata locatur, sicut equus locatur: & sicut dari aliquid pro locatione equi, ita & dari debet aliquid pro locatione pecuniæ. Ille titulus est falsus; quia aliud est mutuaræ, aliud locare: quia qui locat, est dominus rei locatæ, & ita potest ratione usus aliquid accipere; sed qui mutuo dat, non remanet dominus rei mutuatæ, & ita non potest pro illius usu aliquid recipere.

Consecl. 6. Major æstimatio pecuniæ numeratæ, quam numerandæ, est falsus titulus. Quidam accipiunt aliquid ex mutuo, dicentes, quod pecunia numerata est pretiosior numerandæ. Ille titulus est falsus; quia idem est valor pecuniæ numeratæ & numerandæ: ideo damnata fuit sequens propositio: *Cum numerata pecunia pretiosior sit numerandæ, & nullus sit, qui non majoris faciat pecuniam præsentem, quam futuram, potest creditor aliquid supra sortem a mutuatorio exigere, & eo titulo ab usura excusari.*

Cons. 7. Periculum sorti intrinsicum est falsus titulus sumendi interesse. Quidam recipiunt interesse, dicentes, quod res mutuo data præcipue pauperi homini non satis noto, periculo est obnoxia, & ita ratione illius periculi potest sumi aliquid supra sortem. Sed titulus ille est falsus, r. ut dicit D. Th. opuscul. 42. de usuris c. 6: *Ratio periculi etiam circa sortem non tollit rationem usuræ in mutuo, ut probatur in capitulo naviganti de usuris. 2. Si fas esset usuram sumere ob periculum intrinsicum sortis, nunquam a divite, semper*

vero a paupere liceret usuras accipere, quia fors semper periclitatur apud pauperes, raro vero apud divites. 3. Nihil aliud requiritur ex vi iustitiæ, nisi ut res, quæ sunt materia contractus mutui, reducantur ad æqualitatem: Ergo injuste se gerit mutuator, qui ob periculum sortis exigit aliquid; aut saltem cum redditur mutuui, debet computare in sortem, quidquid a tempore mutationis datum est.

Conf. 8. Constitutio regia est falsus titulus. Quidam exigunt interesse; quia Rex ita permittit; sed Rex non permittit, ut sumatur aliquid supra sortem, nisi quatenus supponit mutuatorem habere iustum titulum vel damni emergentis, vel lucri cessantis: & dato quod permitteret, illa licentia non excusaret coram Deo, ut optime docet D. Th. *Leges humane dimittunt aliqua peccata impunita propter conditiones aliquorum hominum imperfectorum, in quibus multe utilitates impedirentur, si omnia peccata districte prohiberentur penis adhibitis: & ideo usuras lex humana concessit, non quasi æstimans eas esse secundum iustitiam, sed ne impedirentur utilitates multorum.* Et Inff. 1. 2. tit. 4. Res, quæ usu consumuntur, neque ratione naturali, neque ratione civili accipiunt usumfructum.

Conf. 9. Status pupillorum est falsus titulus sumendi interesse. Tutores vel Curatores pecuniam pupilli, vel minoris non possunt mutuo dare, exigendo aliquid supra sortem: ita docet Conc. Mecliniente post Conc. Mediol. tit. de usuris. *Quoniam usura jure divino & canonico omnibus Christianis sub pœna peccati mortalis interdicitur, neque facienda sunt mala, ut eveniant bona, Synodus statuit, & ordinat, ne quis Tutor, aut Curator sub prætextu augendi patrimonii pauperum pupillorum, aut sub eorum curatela existentium, pecunias illorum sub certo lucro singulis annis ultra sortem recipiendo, mutuo det, retenta facultate repetende sortis, declaratque huiusmodi contractus usurarios.* Et constitutiones Aurelianenses a. 102. sic habent: „Tutores, atque Curatores Minorum statim ac perfecerrint inventarium bonorum ad pupillos suos spectantium, curare tenentur, ut publica Iudicum auctoritate vendantur peritura illorum mobilia, atque collectas inde pecunias consanguineorum, & amicorum consilio in bonorum immobilium, vel census emptione impendere. “ Ubi dicitur, bona mobilia pupillorum, non in mutuum esse collocanda, sed in emptione vel census, vel bonorum immobilium. Idem docet Sylvius in Binsfeldium, & probat multis Conciliis Provincia-

libus. Et talis est usus in Gallia juxta Boethelium in sua bibliotheca, ubi sic habetur: *Hæc usurae proscriptio Gallica lege lata generalis est, neque in pupillorum, aliorumque gratiam ullam exceptionem admittit. Ita post causam dictam cautum fuit edito die 13. Junii, Curia ad Augustinianorum aedes sedente.*

ARTICULUS VIII.

De casibus, in quibus videtur usura committi, nec tamen revera committitur.

Prop unica. Ut committatur usura, debet intervenire contractus vel explicitus, vel implicitus mutui, & ex mutuo debet immediate percipi res pretio æstimabilis.

Prob. Usura est lucrum ex vi mutui immediate proveniens: ergo si res proveniens ex mutuo non sit pecunia æstimabilis, qualis est amicitia, non erit usura: vel si lucrum reperiat, & non sit mutuum, vel si lucrum veniat aliunde quam ex mutuo, non erit usura; usura enim est lucrum ex vi mutui, & non aliunde proveniens.

Conseſſaria hujus Doctrinae.

Conseſſ. 1. Non est usurarius qui mutuatur, ut sibi conciliet amicitiam & gratitudinem mutuatarum; quia amicitia & gratitudo non sunt res, quæ soleant apud homines pecunia æstimari. *Recompensationem eorum, quæ pecunia non mensurantur, licet pro mutuo exigere, puta, benevolentiam, amorem ejus, cui mutuatur, vel aliquid huiusmodi, ait D. Th. 2. 2. q. 78. a. 2.*

Conseſſ. 2. Non est usurarius qui mutuatur, ut recuperet rem sibi injuste detentam, aut ut se liberet ab injusta vexatione, v. g. a litibus injustis: quia ut optime ait Cajet. mutuatur non acquirit alienum, sed in primo casu acquirit suum, in secundo conservat.

Conf. 3. Si quis, inquit Sylvius in Binsfeld. mutuet, intendens sibi comparare amicitiam alterius, ex qua deinde lucrum expectet, non est usura, immo nec alterius generis peccatum; quia lucrum non sequitur immediate ex mutuo.

Conf. 4. Contractus census annui redimibilis ex parte recipientis pecunias, & irredimibilis ex parte dantis non est usurarius, quamvis tantum lucrum recipiatur ex pecunia data, quantum recipitur ex pecunia mutuata; quia talis contractus non est verum mutuum, sed vera emptio pensionis.

Conseſſ. 5. Mons pietatis, in quo quibuscumque egenis mutuo datur, & accipitur tantum aliquid pro expensis; si fiat juxta Constitutio-

tutiones Pontificum, non est usura. Sed ut magis pateat quid de censu & de monte pietatis sentiendum sit, fusius de utroque agendum.

ARTICULUS IX.

De pensione censuali.

§. I.

De natura census annui.

Census, ut contractus, est pactum, quo acquiritur jus ad exigendam annuam pensionem. Qui obligatur ad solvendam illam pensionem, dicitur *censuarius*. Qui habet jus percipiendae pensionis, dicitur *censualista*. Hæc definitio non aliter probatur, quam communi omnium Doctorum consensu, qui censum ita definiunt.

§. II.

De varia census divisione.

Census potest dividi multipliciter. 1. Ex parte rei, supra quam fundatur. Census alius est realis, alius personalis, alius mixtus. Census realis est jus percipiendae pensionis ex re frugifera, v. g. ex domo, ex agro, ex prato, & perit pereuntem, supra quam fundatur.

Census personalis est jus percipiendae pensionis ex persona industria sua lucrum afferente, & perit mortua persona, supra quam fundatur.

Census mixtus est. jus percipiendae pensionis ex re simul & persona; etenim res simul & persona obligantur.

2. Ex parte durationis. Census alius est perpetuus, alius temporalis. Census perpetuus est ille, qui nullo tempore definito circumfribitur. Census temporalis est ille qui ad certum tantum tempus est duraturus, v. g. ad decem annos, ad vitam.

3. Ex parte modi. Census alius est consignativus, alius reservativus. Census consignativus est ille, quo quis retento bonorum suorum dominio directo & utili, assignat alteri aliquam pensionem ex illis eisdem bonis. Census reservativus est ille, quo quis transfert dominium utile bonorum suorum in alterum, reservata sibi annua pensione super illis bonis.

4. Ratione cessationis. Census alius est redimibilis, alius irredimibilis. Census redimibilis est ille, qui refusione certae pecuniae redimi potest. Census irredimibilis est ille, qui refusione pecuniae redimi non potest.

5. Ratione rei, quæ percipitur. Census a-

lius est pecuniarius, alius fructuarius. Censui pecuniarius est ille, qui pecunia solvitur. Fructuarius est ille, qui fructibus penditur, v. g. vino, frumento, oleo.

Prop. 1. Censui annui potest absque vitio usurae emi, & vendi, modo observentur certae conditiones.

Prob. 1. Autoritate Martini V. & Calixti III. Qui Pontifices interrogati de huiusmodi contractibus, dixerunt, licitos esse, servatis quibusdam conditionibus, ut patet ex eorum Bullis.

2. *Rat.* Jus exigendi pensionem annuam est pretio aestimabile: ergo potest & emi & vendi absque vitio usurae. Quando autem emitur pensio, non emitur pecunia, sed emitur jus exigendi talem pecuniam quantitatē quolibet anno solvendam; sicuti qui emit agrum, non emit fructus agri, sed jus percipiendi fructus, quolibet anno nascituros: & licet pensiones collectivae sumptus sint longe majoris pretii, quam summa, qua emptæ sunt, tamen emptio non est injusta; quia non emuntur pensiones exigendæ, sed jus exigendi pensiones. Sicut licet fructus e prædio aliquo colligendi, sumpti simul intra omne tempus, quo fundus potest fructificare, possint esse in majori quantitate & valore, quam pretium, quod pro fundo datum est, tamen emptio non censetur injusta; quia non emuntur fructus successive colligendi, sed jus percipiendi fructus quolibet anno nascituros.

Prop. 2. Quando statuitur pensio annua, eadem requiruntur conditiones, quæ in emptione & venditione.

Prob. rat. Talis contractus est vera venditio. Qui dat argentum, ut acquirat jus pensionis, seu censualistam, est verus emptor; quia emit tale jus. Qui accipit argentum, seu censuarius, subjiciendo se oneri solvendi pensionem, est venditor; quia vendit talem obligationem: ergo, cum talis contractus sit emptio & venditio, debet habere conditiones emptionis & venditionis.

Conseffaria huius Doctrinae.

Cons. 1. Quoad personas. Censualista debet habere dominium argenti, quod numeratur; quia est emptor. Censuarius debet habere dominium pensionis, quæ solvitur; quia est venditor.

Cons. 2. Quoad res. Si census sit realis, super quam constituitur, non debet esse alteri obligata; quia sicuti res jam vendita non potest vendi, ita nequeres jam obligata potest de novo obligari: Debet insuper res esse pensioni assicurandæ sufficiens; quia

quia alias fraudaretur censuaria, licet fraudaretur emptor, si res venalis non responderet pretio.

Si census sit personalis, persona, in qua fundatur, debet sua industria esse sufficiens asscurandæ pensioni; alias jus pensionis esset nullum, utpote non fundatum: sicut iniqua esset venditio, si venderetur id, quod non est.

Consect. 3. Quoad pretium. Jus pensionem percipiendi debet vendi & emi iusto pretio, quod tale iudicatur vel per legem a Republica statutam, vel per consuetudinem. Solitum pretium est modo dare quinque pro centum.

Consect. 4. Quoad modum statuendi pensionem. Census debet esse irredimibilis ex parte censuaria, & redimibilis ex parte censuarii; quia ita determinarunt Pontifices: etenim si censuaria posset annuum pensionem recipere, & insuper pro nutu capitale exigere, talis contractus degeneraret in mutuum conjunctum lucro, atque ita contractus esset usurarius.

Consect. 5. Quoad necessitatem numerandi pecuniam. Dum census creatur, tunc pecunia debet actu & realiter coram testibus & Notario numerari. Hoc exigit Bulla Pii V. ad præcavendos diversos modos feneratorum, qui numerant nonaginta & scribunt centum, qui numerant revera centum, & centum scribunt, sed ex numerata summa subtrahunt decem aut plura: item centum constituunt ex mercibus venditis & pro arbitrio taxatis, ex usuris non solutis, & aliis variis modis, quibus avaritia tegitur, & palliantur usuræ. Non peccaretur tamen contra iustitiam, si pecunia olim fuisset vel certo numerata, vel aliquo iusto titulo debita: sed cavendum esset, ne quid falsi enuntiaretur in instrumento publico; quia nunquam licet mentiri.

Consect. 6. De rebus, super quas constituitur census. Fallum est, quod census nequeat constitui, nisi super unam rem determinatam, quia ex usu communiter recepto constituitur generaliter super omnia bona censuarii. Fallum pariter, quod census nequeat constitui super personas; quia usus contrarius prævalet, qui cum nihil habeat iniqui, observari potest. Ita Soto Lib. 6. q. 5. Bullæ Pp. non exigunt has conditiones, sed Bartholomæus Miranda eas suo iudicio induxit.

ARTICULUS X.

De Monte Pietatis.

Mons Pietatis est cumulus rei usu consumptibilis, v.g. pecuniæ, frumenti, &c. ad mutuandum egentibus, ad certum tempus, sub idoneo pignore, in quo vel nihil accipitur, vel aliquid moderatum accipitur quolibet mense pro expensis necessariis.

Prop. unica. Montes pietatis sunt liciti, modo fiant cum conditionibus supra statutis.

Prob. 1. Ex Constitut. Pauli II. Sixti IV. Innocen. VIII. Alexandri VI. Concil. Lateranensis sub Leone X. ubi illi montes habentur ut liciti.

2. Rat. Tunc non committitur usura, quando aliquid sumitur ultra sortem pro indemnitate mutuantis; quia damnum emergens est titulus legitimus percipiendi interesse: atqui ita est in proposito. Ergo non committitur usura in montibus pietatis.

Conseclaria hujus Doctrinæ.

Consect. 1. Ut mons pietatis nomini suo plene responderet, mutuatarii nihil deberent dare præter pignus, quod refusa sorte intra annum, aut circiter, integrum ipsis restitui debet. Ita docent Constitutiones supra citatæ.

Consect. 2. Mons pietatis retinet adhuc nomen suum, quando aliquid moderatum accipitur pro solis expensis necessariis ad conservandum montem. Ibid.

Consect. 3. Mons pietatis in impietatem & usuram degenerat, si sumatur aliquod pro mutuo, pro adaugendo monte pietatis, aut pro fictitiis aliis titulis. Ibid.

Consect. 4. Mons pietatis veram impietatem continet, si sub prætextu juvenum egenorum fiat illis gravamen vel in fraudulenta substatione pignorum, vel in enormi pensatione mensura, vel in immoderato impendio ædificiorum, vel in excedenti numero ministrorum, & excedenti eorum stipendio. Ibid. quia tunc sub nomine pietatis palliatur usura.

ARTICULUS XI.

In quo explicatur, quid requiratur in contractu mutui quoad personas, quoad res, quoad modum contrahendi.

P*rop. unica.* Ut mutuum sit validum.
1. Mutuator debet habere rei, quam mu-

mutuo dat, dominium, & administrationem; mutuatarius vero debet posse mutuata rei dominium recipere. 2. Res mutuo data & acceptata debet esse ipso usu consumptibilis. 3. Mutui datio & acceptatio nihil debet habere, quod legibus adversetur.

Probatur. Ex dictis de contractibus in communi. 1. Personæ contrahentes debent esse habiles ad contractum, quem ineunt. 2. Res, quæ sunt materia contractus, debent esse in eo commercio, quod requiritur ad finem contractus, qui initur. 3. Modus contrahendi debet esse juxta leges: ergo ut contractus mutui sit validus debet habere prædictas conditiones. 1. Enim, cum per mutuum transferatur rei mutuo datæ dominium, mutuator debet habere & rei illius dominium, & administrationem; mutuatarius vero debet posse illud recipere. 2. Cum finis mutui sit, quod res usu consumptibiles ab uno contrahente in alium transferantur, res mutuo datæ debent ipso usu consumi. 3. Demum, cum nullus contractus legi contrarius sit validus, si mutuum contra leges ineatur, nullius erit vigoris.

Consecutaria hujus Doctrinæ.

Consect. 1. Quoad personas. Illi solum possunt mutuo dare, qui possunt transferre dominium; quia contractus mutui non fit, nisi eo fine, ut mutuatarius acquirat rei mutuatae dominium. Illi vero non possunt mutuo dare, qui non habent rerum dominium vel administrationem.

Sic pater-familias potest mutuo dare res suas, filius-familias bona castrensia, uxor bona paraphernalia; quia hi omnes habent rerum prædictarum dominium, & administrationem.

Sic e contra pater-familias non potest mutuo dare bona uxoris, nec uxor bona mariti, nec filius bona familiae.

Sic tutores possunt res pupilli mutuo dare, & curatores res minoris, modo faciant conditionem pupilli, & minoris meliorem; quia etsi non habent dominium earum rerum, habent tamen illarum administrationem; & agentes nomine vel pupilli, vel minoris, una cum pupillo & minore vere habent rei mutuo datæ dominium.

Administratores Reipublicæ possunt mutuo dare, modo ad id mandatum habeant, & modo conditionem Reipublicæ meliorem faciant; quia nomine Reipublicæ agentes, vere habent dominium rei, quam dant mutuo. L. 27. ff. de rebus creditis.

Sic si tutor, & curator, & administrator

Reipublicæ conditionem pejorem faciant illius, cujus curam gerunt, id damno suo faciunt, ut dicemus ubi de officio tutorum & curatorum. Illi iidem, qui possunt mutuo dare, quia habent rei mutuatae dominium, possunt etiam mutuo accipere, quia possunt rei mutuo datæ dominium accipere. L. 2. ff. de rebus creditis §. penultimo.

Consect. 2. Quoad res. Illæ solum res possunt mutuo dari, quæ ipso usu consumuntur. *Mutui datio,* inquit *jus civile, consistit in his rebus, quæ ponderè, numero & mensurâ consistunt,* id est, quæ ipso usu consumuntur. L. 2. ff. de rebus creditis.

Sic vinum, oleum, frumentum &c. possunt mutuo dari; quia ipso usu consumuntur.

Sic etiam moneta; utpote excogitata ad commutationes faciendas, potest mutuo dari; quippe ipso usu quasi consumitur: & licet in se ipsa non pereat, dum ea utimur, perit tamen utenti; eam enim amplius non habet in sua potestate, ubi ea usus est.

Consect. 3. Quoad modum. Mutuum, quod est contra leges irritantes, est nullum: illud vero quod est contra leges prohibentes, est illicitum; quia ad leges solum pertinet vel irritare, vel prohibere contractus, qui Reipublicæ nocere possunt.

Sic contractus mutui manifeste usurarii, & ut tales declarati per leges, sunt in utroque foro nulli & invalidi: tales sunt contractus, quos supra recensuimus, tamquam manifestam usuram continentes.

Sic contractus palliatam usuram continentes, sunt illiciti in foro interiori; & in foro exteriori sunt invalidi, si per sententiam judicis declarentur usurarii.

Sic contractus, quo mutuo datur argentum filio-familias utriusque sexus ab eo, qui scit eum esse filium-familias, est invalidus & nullus; & filius familias, qui mutuo accepit pecunias, non cogitur coram judice eas solvere, ex vi *Senatus-Consulti Macedoniani*, in his scilicet casibus, in quibus viget *Senatus-Consultum Macedonianum*, cujus hæc sunt verba: *Placere, ne cui, qui filio-familias pecuniam mutuam dedisset, etiam post mortem parentis ejus, cujus in potestate fuisset, actione petitorum daretur, ut scirent, qui pessimo exemplo scernerent, nullius posse familias bonum nomen expectare patris morte fieri.* Quod ut clarius pateat, sit

§.

De Senatus-Consulto Macedoniano.

Hujus Senatus-Consulti Macedoniani causam

Sam præbuit scenerator Macedo, qui filiis familias mutuam pecuniam credere solebat ad luxum, unde tandem flagitiis obrui, ad quodvis flagitium impellebatur: quo Senatus-Consulto prohibitum est, ut non liceret pecuniam creditam petere post mortem patris, nec a filio-familias sui juris facto, nec etiam ab ejus successoribus, aut sociis: ut quis improbi sceneratores eas pecunias perderent, quas prava scenerandi intentione contra bonos mores filii-familias mutuo dedidit. Ita L. 1. ff. de Senatus-Consulto Macedoniano.

Cessat tamen Senatus-Consultum Macedonianum in sequentibus casibus.

1. Si filius-familias pro patre-familias publice habeatur, & in eo errore fuerit bona fide ille, qui pecuniam mutuo dedit. Si quis, inquit, *pater-familias esse credidit, quia publice pater-familias plerique videbatur, sic agebat, sic contraheret, sic muneribusungebatur, cessabit Senatus-Consultum.*

2. Si volente patre, filius: familias pecuniam mutuo acceperit, vel mutationem pater ratam habuerit. *Hoc amplius cessabit Senatus-Consultum, inquit Lex 7. §. 15. si pater solvere cupit, & quod filius-familias mutuum sumpsit, quastratum habuerit.*

3. Si pecunia accepta a filio infumpta fuerit his oneribus, quæ patri incumbebant, v. g. nutriendæ familiæ, solvendis debitis paternis. *Proinde, inquit jus civile, si accepit pecuniam, & in rem patris vertit, cessat Senatus-Consultum; patri enim, non sibi accipit.* L. 7. ab §. 12.

4. Si filius-familias, factus sui juris, debitum agnoverit, novaque stipulatione se obligaverit. L. 20. ff. ibid. *Si pater-familias factus, inquit jus, novatione facta, eam pecuniam expromisit.*

5. Si debitum contraxerit erga creditorem, non pecunias accipiendo mutuo, sed emendo aliquid sibi necessarium, puta, vestes necessarias, libros necessarios, arma necessaria, &c. *Quia tamen, inquit jus civile, pecunie numeratio non occurrit, cessat Senatus-Consultum; quod ita est intelligendum, si non fraus Senatus-Consulto sit excogitata.* L. 3. ibid. §. 3.

6. Si mutuo pecunias acceperit vel ad liberalem, vel ad mechanicam artem addiscendam. *Quod dicitur in eo, inquit eadem lex, qui studiorum causa absens mutuum acceperat, cessat Senatus-Consultum: ita locum habet, si probabilem modum in mutuo non excessit.* §. 13.

Monit. 1. In his tamen casibus, in quibus in foro exteriori viget Senatus-Consultum Macedonianum, manet, inquit jus, obligatio natu-

ralis. L. 10. ff. ib. Atque ideo, si solutæ sint pecuniae mutuo acceptæ, *solutum non repetunt, inquit jus, qui ob poenam creditorum actione liberantur.* L. 9. ff. §. 4. lib. 2. Id, in quo mutuarii facti sunt ditiores, restituendum est; quia nemo potest damno alterius fieri locupletior. 3. Si filius-familias mutuando sincere promiserit solutionem, tenetur stare promissis, ut diximus ubi de promissione.

ARTICULUS XII.

De penis usurariorum.

USurarii aliæ destinantur poenæ jure naturali, aliæ jure civili, aliæ jure Canonico.

Jure naturali. 1. Usurarii tenentur restituere omne damnum, quod per usuras causatum est, quia juxta regulam juris: *Non remittitur peccatum, nisi restituatur ablatum.* 2. In eorum defectu eorum hæredes ad eam restitutionem tenentur. Cap. *Tua nos*, de usuris, ubi sic habetur: *Filii ad restituendas usuras ea sunt distractione cogendi, quæ parentes sui, si viverent, cogerentur.* Id ipsum etiam contra hæredes extraneos credimus exercendum. 3. Possessiones, quæ de usuris comparatæ sunt, debent vendi, & isarum pretiis, a quibus usuræ sunt extortæ, restitui. Cap. *Cum tu*, de usuris.

Jure Canonico usurarii, si non restituant, ad communionem altaris non admittuntur; si in hoc peccato decesserint, Christiana sepultura privantur, eorum oblationes ab Ecclesia non accipiuntur: ita habetur cap. *Quia in omnibus*, de usuris. *Constituimus, inquit, ut usurarii manifesti, id est, ut explicat Glossa, qui vel confessi sunt usuram, vel condemnati sunt ut usurarii, vel usuram nulla tergiversatione celare possunt, usurarii, inquam, manifesti nec ad communionem admittantur Altaris, nec Christianam, si in hoc peccato decesserint, accipiant sepulturam; sed nec oblationes eorum quisquam accipiat: & qui eos sepelierit, ipso facto excommunicationem incurrit; & ab hac poena usurarius morti proximus non solvitur, nisi satisfactionem exhibuerit competentem: ita cap. *Eos*, de sepulturis. Clement. 1. ubi sic habetur: *Qui usurarios manifestos scienter sepelire præsumit, ipso facto excommunicationis sententiæ subiacere decernimus.* Et cap. *Quia frustra*, de usuris, dicitur: *Usurarius. . . nisi prius ipse restituerit usuras, quas ab aliis noscitur recepisse, nullatenus audiatur.**

Jure civili usurarii infames habentur: ita L. 20. C. ex quibus causis infamia irrogatur.

Improbum fœnus, inquit jus, excercensibus, & usurarum usurarum illicite exigentibus, infamie macula irroganda est.

CAPUT XI.

*De quasi contractibus.**Proœmium.*

EA est hominum conditio, ut necessario alii aliis indigeant, & proinde aliqui interdum cogantur permitttere res suas geri etiam ab his, cum quibus nihil expresse contraxerunt. Sic, qui vel ob teneram ætatem, ut pupilli, vel ob valetudinem, ut infirmi, vel ob longinquitatem, ut absentes, res suas curare non possunt, coguntur permitttere easdem res ab illis administrari, qui præ summa, qua pollent, vi & industria, & sibi, & aliis invigilare possunt. Hinc nascitur mutua obligatio inter eos, qui ministrant, & eos, quibus ministratur: quæ obligatio dicitur quasi contractus, eo quod ab obligatione contractuum non longe distat. De obligatione orta ex quasi contractibus hic agemus.

5.

Quid & quoruplex sit quasi Contractus.

Quasi contractus est negotium, quod inter aliquos tacite, & sine expresso consensu gestum, obligationem parit simillimam obligationi contractum.

Quasi contractus est multiplex: tutelæ administratio, negotiorum gestio, rerum communio, hæreditatis aditio.

Tutelæ administratio est quasi contractus, quo tutor & pupillus ad invicem obligantur; tutor, ut gerat vicem parentis; pupillus, ut subeat vices filii.

Negotiorum gestio est quasi contractus, quo ministrator, & is, cui ministratur, obligantur, sicut mandans & mandatarius.

Rerum communio est quasi contractus, quo qui habent res communes, obligantur ad invicem, sicut hi, qui inierunt simul societatem.

Hæreditatis aditio est quasi contractus, quo qui adit hæreditatem, & legatarii, obligantur ad invicem, sicut donator & donatarius.

ARTICULUS I.

De munere Tutorum & Curatorum.

Tutor est ille, qui tuetur personam pupilli, qui se præ ætate defendere non potest; tutor enim personæ, non rei, datur.

Curator est ille, qui res minoris administrat. Juxta praxim juris tum Gallicani, tum Romani in paucissimis distant tutores a curatoribus; ideo de tutoribus & curatoribus, hic simul agemus.

Pupillus est ille, qui nondum est affectus annos pubertatis. Annus pubertatis in masculis accedit post annum 14. in feminis post 12. completum. Minor est ille, qui nondum affectus est annum 25.

§. I.

De necessitate Tutorum & Curatorum.

Prop. 1. Necessitas publica postulat, ut stabiliantur tutores & curatores, qui erga pupillos & minores vices parentum gerant, & quod pupilli & minores tutores & curatores quasi parentum loco habeant.

Prop. 1. Scriptura. D. Paulus necessitatem statuendi tutores pro pupillis, & curatores pro minoribus, & mutuam eorum obligationem, satis aperte indicat his verbis: *Quanto tempore hæres parvulus est, nihil differt a servo, cum sit dominus omnium; sed sub tutoribus & adtoribus est usque ad præfinitum tempus a patre.*

2. *Rat.* Experientia constat, quod pupilli præ ætate se defendere non possunt, neque minores præ incitia res suas administrare: Ergo ad communem matrem, scilicet ad Rempubicam spectat, ut tutores pupillis, & curatores minoribus provideat: cum illo tamen onere, ut tutoribus & curatoribus debita honor exhibeatur, pupillis & minoribus debita cura impendatur; alias insufficienter his defectibus provideretur: ergo necessitas publica postulat, ut stabiliantur tutores & curatores.

Ex hoc generali principio sequentes inferuntur propositiones.

§. II.

De his, qui tutela & curatela indigent.

Prop. illata ex superiori propositione. Hi omnes tutela indigent, qui se & sua defendere non possunt.

Hi omnes curatela indigent, qui bona sua administrare non possunt.

Prob. rat. Tutores non ob alium finem a Republica statuuntur, quam ut personam & rem pupilli tueantur, curatores vero statuuntur, ut eorum tueantur bona, qui suis rebus invigilare non possunt. Ex quo sequitur, quod hi, qui hic subjunguntur, egent tutela vel curatela.

Conseſſaria bujus Doctrinæ.

Conseſſ. 1. Infantes tam masculi quam feminae egent tutela, donec pervenerint masculi ad annum 14. completum, feminae vero ad annum 12. completum; quia tempus pubertatis ita praefixum est a jure. Lib. 1. instit. tit. 22. Impuberes autem censentur se defendere non posse.

Conseſſ. 2. Minores tam masculi quam feminae, qui 25. annum non excedunt, egent curatela; quia tempus minoritatis ita praefixum est a jure, & minores censentur rebus suis invigilare non posse. Lib. 1. instit. tit. 23.

Conf. 3. Amentes & furiosi curatoribus indigent; hi enim ob furiam vel amentiam res suas curare non valent. *Mente capitis, quia rebus suis,* inquit Iustinianus, *superesse non possunt, curatores dandi sunt.* Lib. 1. instit. tit. 13. *Furiosi licet majores viginti quinque annis sint, tamen in curatione sunt.* Ibidem. Furor autem & dementia debet juridice probari; quia posset quis dementia fingere, ut onera civilia detreſtaret; vel maliciose posset alicui amentia assigni, ut bonis suis spoliaretur.

Conseſſ. 4. Curatores statnendi sunt pro prodigis, quibus juridice interdicitur bonorum suorum administratio; quia male res suas administrant. *Lege,* inquit jus civile, *duodecim tabularum prodigo interdicitur bonorum suorum administratio.* Lib. 1. ff. de curat.

Conseſſ. 5. Curatores dandi sunt his, qui furdi sunt & muti, & ob morbum debiles, hi enim ob infirmitatem naturalem rebus suis superesse non possunt. *Surdus & mutus,* inquit Iustinianus, *& qui perpetuo morbo laborant, quia rebus suis superesse non possunt, curatores dandi sunt.* Institut. lib. 1. tit. 23. de curat.

Conseſſ. 6. Bona testatoris, cujus hæreditas nondum suscipitur, item bona illius, qui ære alieno gravatus est, vel qui rebus suis cessit; hæc, inquam, bona sub cura curatoris alicujus juridice statuuntur, ne bona illa pereant, neve legitimi hæredes hæreditate debita & creditore bonis suis orbentur.

Conseſſ. 7. Communis five Ecclesiastica

sive civilis eget tutoribus & curatoribus, quia utpote coalescens ex pluribus, singuli nequeunt res suas gerere, sed aliquem debent præponere rebus gerendis idoneum: ideo civitates reguntur per consules, collegia per syndicos, &c. eadem autem sunt obligationes consulum, & syndicorum, quæ curatorum.

6. III.

De his, quibus tutela & curatela potest vel non potest committi.

Prop. unica. Hi tutores & curatores debent institui, qui sufficienter valent & personam, & res pupilli defendere, & negotia minorum administrare.

Prob. rat. Tutores & curatores non ob alium finem statuuntur a Republica, & destinantur ab Ecclesia, quam ut provideant his, qui se vel sua custodire non possunt: ergo debent his doribus præmuniri, quibus & personam pupilli tueri, & bona minoris valeant administrare.

Conseſſaria bujus Doctrinæ.

Conseſſ. 1. Hi jure naturali & civili tutores esse debent, qui utilius & personæ & rebus pupilli providere possunt, quia hi utilius vices parentum gerunt. Sic pupillo dantur.

1. Tutores *Testamentarii*, id est ii, qui a patre testatore nominati sunt; juxta illud juris: *permisſum enim est parentibus liberis suis testamento tutores dare.*

2. Tutores *legitimi*, id est, consanguinei proximiores, quales sunt mater si velit, avia si velit, propinquior cognatione masculus: ut qui sperant successionem minorum, iidem eadem tueantur bona, ne dilapidentur. Lib. 1. ff. de leg. tur.

3. Tutores *dativi*, id est hi, qui a magistratu donantur: magistratus enim civitatis tutores & curatores quam primum dare curabunt, si jam non dati fuerint, uti jubet jus civile. Ibid.

Conseſſ. 2. Hi jure naturali & civili eximuntur a tutela & curatela, qui sufficienter pupillis & minoribus providere non possunt; quia aliis non satis per Rempublicam provideretur his, qui nec se, nec sua custodire possunt. Et ita sequentes personæ liberantur a tutela.

1. Feminae; quia sunt negotiis gerendis parum idoneæ. *Feminae tutores dari*
Gg 3 non

non possunt; quia, ut docet jus civile, id munus masculorum est. Leg. ult. ff. de tut. Mater tamen & avia filiorum tutelam suscipere possunt; quia amor matris erga filios, & avia erga nepotes, supplet lexus infirmitatem.

2. A tutela & curatela excluduntur pupilli & minores, ut docet lex: qui enim ab aliis reguntur, aliorum tutelam vel curam subire non possunt. lib. 1. inst. de excul. Tut.

3. Tutores esse non possunt amentes, surdi, cæci, muti, perpetuo morbo laborantes; quia, inquit lex, eos qui suis rebus invigilare non possunt, aliis rebus non decet præfici: quod his verbis jus civile expressit: Cæcus, surdus, mutus, furiosus, aut valetudinarius deponere tutelam potest. L. 40. ff. de excul. Tut.

4. Septuagenarii propter eandem rationem. Excusantur a tutela & curatela, inquit jus civile, qui septuaginta annos compleverunt. L. 2. ff. de excul. Tut.

5. A tutela excusantur qui quinque liberos legitimos viventes habent, qui tribus diversis tutelis onerantur, qui litteras nesciunt: ibid. quia hi omnes censentur pupillis vacare non posse. Personæ regio vel Ecclesiastico privilegio exemptæ, quales sunt Religiosi, Clerici, Episcopi, & demum qui gerendis Republicæ negotiis occupantur, & multi alii, quos jus eximit a tutela. lib. 1. Inst. tit. 25.

Consect. 3. Tunc finitur tutela, quando vel pupilli non egent defendi, vel tutores non possunt eos tueri; quia tunc lex statuens tutores sine suo frustraretur. Sic tutela finitur sequentibus casibus.

Ex parte tutoris. 1. Morte naturali & morte civili; quia utraque mors impedit, ne rebus pupilli vacare possit. 2. Excusatione vel remotione juridica; quia tunc pariter non potest rebus pupilli invigilare. Desiunt, inquit jus, esse tutores qui vel remonentur a tutela ob id, quod suspecti visi sunt, vel quia ex justa causa se excusant, & onus administrandæ tutelæ deponunt. L. 40. ff. de excul. tut.

Ex parte pupilli. 1. Morte naturali & civile excusantur pupilli; quia utraque mors reddit pupillum incapacem possessionis. Finitur tutela morte pupilli. lib. 1. inst. quibus modis finit, tit. 22. 2. Pubertate pupilli vel ejus majoritate, cum pupilli & minores ad eam ætatem perveniunt, in qua nec tutela, nec curatela opus est. Ibid.

§. IV.

De munere Tutoris quoad personam.

Prop. unica. Tutores debent necessaria tum corpori, tum animæ, pupillo ex ejus bonis providere.

Prob. rat. Tutores non possunt aliter obire vices parentum erga pupillos.

Non decet tamen, ut tutor id suis expensis faciat, quia non est vere pater: ideo sic habet Justinian. Si egeni sint pupilli, tutor de suo eos alere non compellitur. Inst. de edac. pupil.

Consectaria bujus Doctrinæ.

1. Tutores debent exequi subiecta munia. Providere victum & vestitum pupilli juxta ejus facultatem. Modum autem patrimonii spectare debet Prætor, cum alimenta decernit. Inst. ibid.

2. Præceptores pupillo educando providere, cum tutor non rebus dumtaxat, sed etiam moribus pupilli præponatur. In primis præceptoribus mercedes non quam minimas poterit, sed pro facultatibus patrimonii, pro dignitate natalium constituet. L. 22. de admin. Tut.

§. V.

De munere Tutoris & Curatoris quoad res temporales.

Prop. unica. Tutor & curator ea tantum gerere possunt, quæ profunt pupillis & minoribus; minime vero ea, quæ eis officiunt.

Prob. Tutor & curator dati sunt loco parentum: ergo ea tantum possunt, quæ sunt utilia pupillis & minoribus; minime vero ea, quæ eis sunt noxia. Tutor in re pupilli tum domini loco habetur, cum tutelam administrat, non cum pupillum spoliat. L. 7. §. 3. ff. pro empt.

Consectaria bujus Doctrinæ.

Consect. 1. Tutor & curator possunt isthæc omnia, quæ cedunt in bonum pupilli & minoris.

1. Lites incipere, inceptas persequi, & finire. 2. Debita activa pupilli & minoris exigere, debita vero passiva solvere. 3. Bona mobilia vendere, v.g. supellectilia, debita incerta, &c. & eorum pretium utiliter statuere, iis mobilibus exceptis, quæ sunt necessaria vel ad agrorum culturam, vel ad messis collectionem. 4. Bona immobilia vendere tunc

tantum, cum mobilium venditio non sufficit ad solvendum creditori, qui non contentus usuris exigit sortem capitalem.

Consect. 2. Tutor & curator non possunt isthæc omnia, quia sunt contra bonum pupilli, vel minoris.

1. Fundo pupilli novam servitutem imponere, vel remittere servitutem, quam habet supra fundum alienum. 2. Actiones pupillis, vel minoribus calumniosas instituere. 3. Prædia pupillis vel minoribus inutilia acquirere. 4. Hæreditatem pupillis vel minoribus onerosam acceptare vel adire. 5. Bona pupilli vel minoris gratuita largitione donare.

S. VI.

De securitate bonorum Pupilli & Minoris.

Prop. unica. Tutor & curator tantam debent in rebus pupilli & minoris administrandis curam adhibere, ut si quid de dolo, vel culpa negligant, ad restitutionem teneantur; minime vero, si casu detrimenti aliquid eveniat.

Prob. 1. Ex jure civili. *Quidquid pupilli, dolo, vel lata aut levi culpa tutoris, aut curatoris, minore, de amiserint, vel cum possent, non acquisierint, hoc in tutela seu negotiorum gestorum utile judicium venire non est incerti iudicis.* L. 7. C. cert. tut.

2. *Rat.* Tutor & curator, iste minoris, alter pupilli res ex officio administrare debent: ergo si quod damnum ex illorum culpa patiantur pupillus & minor, tutor & curator ad restitutionem tenentur, omisso enim debiti officii obligat ad restitutionem.

Consectaria hujus Doctrinæ.

Tutor & curator tenentur ad restitutionem in sequentibus casibus. 1. Si mobilia dolose vendita fuerint aut ipsi tutoris, ita alicui interpositæ personæ. 2. Si mobilia vendi potuerint, & ex negligentia tutoris vel curatoris vendita non fuerint; debuerunt enim contestim officio tuo defungi. 3. Si quod ex expensis necessariis anno quolibet residuum fuerit, utiliter non collosent, ad usuras solvendas tenebuntur. Si comparare prædia tutores negligenter, incipiunt in usuras conveniri. Ibid. 4. Si plures tutores simul tutelam gesserint, omnes in solidum tenebuntur; si disparate, quilibet tenetur pro rata parte illius rei, quæ ei commissa est. Et si quidem omnes simul gesserint tutelam, & omnes solvendo sunt; æquissimum erit actionem dividi inter eos pro portionibus viri-

libus, exemplo fide jussorum. L. 1. §. 11. ff. de tut. & rat. distrah. 5. Si quid casu contigerit, tutor & curator ad nihil tenentur. Sufficit tutori bene & diligenter negotia gessisse, etsi eveniens adversum habuit quod gestum est. L. 3. §. 7. de contr. Tut.

Qua ratione gerendæ sint tutelæ & curatela.

Prop. unica. Tutor & curator eam prudentiam adhibere debent in rebus gerendis, ut nec sibi, nec pupillis, vel minoribus noceant, vel nocere præsumantur.

Prob. rat. Tutor & curator parentum personam sustinent erga pupillos & minores: ergo quemadmodum parentes debent liberorum facultatibus consulere; ita & tutores & curatores: cum autem ex Apostolo providere debeamus bona, non tantum coram Deo, sed etiam coram hominibus, ita se gerere debent tutor & curator, ut etiam hominibus certo constet de recta facultatum pupilli & minoris administratione. Quare quæ hic subjiciuntur ab illis accurate servanda sunt.

Consectaria hujus Doctrinæ.

1. Initio tutelæ inventarium facere. Tutores vel curatores mox quam fuerint ordinati, sub præsentia personarum publicarum inventarium rerum omnium & instrumentorum solemniter facere curabunt. L. 24. C. de admin. tut. ut constet, quid receperint, quid non receperint.

2. Durante tutela nihil agent sine consensu parentum & arbitrio judicum, ut constet, quo pacto se gesserint.

3. Finita tutela rationem reddent. In omnibus, quæ fecit tutor, cum facere non deberet, item in his, quæ non fecit, rationem reddet, & hoc judicio. L. 1. ff. de tut. & rat. distrah.

4. Finita tutela & curatela, si tutor & curator rebus pupilli & minoris offererint vel dolo, vel negligentia, restituere conabuntur; quia rem pupilli salvam & indemnem esse decet.

5. Si tutor & curator solvere nequeant, id per hæredes tutoris & curatoris, vel per eorum fidejussores præstabitur; quia res pupilli nunquam perire præstat.

De hæredibus ita jus loquitur: *Hæredes eorum, qui tutelam vel curam administraverunt, si quid ad eos ex re pupilli vel adulti pervenit, restituere cogentur; in eam etiam, quod tutor, vel curator administrare debuit, nec administraverit, rationem reddere eos debere non est ambigendum.* L. ult. C. de hæred. tut.

De fidei-juroribus sic habet: *Manet fidei-juror obligatus ad supplendam indemnitatem. de obl. ex quasi contract.* Inst. l. 2. C. de fidei-jur. tut.

6. His deficientibus nominator tutoris & curatoris tenebitur restituere.

S. VII.

De his, quæ pupilli & minores debent tutoribus & curatoribus.

Prop. unica. Pupilli & minores debent curatoribus, & tutoribus solvere quidquid iuste pro illis impensum est.

Prob. var. Iniquum est tutores & curatores causas aliorum gerere suo ipsorum periculo: ideo ait jus civile, si egerint pupilli, de suo eos alere tutor non compellitur: ergo pupilli & minores debent tutoribus & curatoribus solvere quod eorum causa impensum est.

Consellaria hujus Doctrinæ.

Consell. 1. Debent ratas habere omnes iustas expensas. Si tutela quis conveniatur, inquit jus, reputare potest id, quod in rem pupilli impendit. L. 1. ff. de contrac. tut. act. v. g. quod consumptum est decenti educatione, cura tutelæ, victu & vestitu matris & sororis pupilli & minoris, si hi non habeant aliunde, unde vivant.

Consell. 2. Debent damna omnia rescarcire quæ tutor & curator passi sunt ob administrationem tutelæ vel curatelæ; quia iniquum est tutores & curatores pupillorum & minorum causa egenos fieri.

ARTICULUS II.

De negotiorum gestione.

Negotiorum gestio fit, cum quis negotium absentis & quidem ignorantis gerit sine mandato, & sponte suscipit sine mandato; quia si mandatum interveniat, mandatarius dici debet, & non procurator voluntarius: sponte debet suscipere; quia si iustus faciat, curator dici debet, & non negotiorum gestor.

Prop. unica. Negotiorum gestores, & hi quorum negotia geruntur, eadem sibi mutuo debent, quæ curatores, & minores.

Prob. var. Procurator voluntarius est quasi curator rei, quam administrat: ergo ad eadem tenetur ad quæ curator: & ille, cujus negotium geritur, est quasi minor: ergo ad eadem tenetur erga procuratorem, ad quæ minor ergakuratorem. Cum quis negotia absentis gerit,

Consellaria hujus Doctrinæ.

Consell. 1. Hiegent procuratore voluntario, qui ignari rerum suarum, nemini possunt res suas committere; quia bonum publicum postulat, ut bona absentium & ignorantium administrarentur.

Consell. 2. Hi possunt esse procuratores voluntarii, qui possunt utiliter rebus aliorum providere; minime vero qui eis providere non possunt, ut dictum est de tutoribus.

Consell. 3. Procuratores voluntarii ea solum possunt, quæ prosunt his, quorum gerunt negotia; minime vero quæ eis officium, ut dictum est de tutoribus.

Consell. 4. Procuratores voluntarii tenentur ad restitutionem, si dolose vel negligenter negotium susceptum administrarent. Si negotia absentis & ignorantis gerat, & culpam & dolum præstare debet. L. ff. 21. de neg. gest. Tenetur insuper lucrum cessans, & damnum emergens solvere, qui aliena negotia gerit. Usuras præstare cogitur, ejus scilicet pecuniæ, quæ purgatis necessariis sumptibus superest. L. 13. ibid. Sive sint masculi, sive feminae, si negotia gesserint, possunt coram iudice conveniri, ut rationem reddant gestionis: nam & mulieres negotiorum gestorum agere posse, & conveniri non dubitatur. L. 31. ibid.

Consell. 5. Quorum negotia geruntur, eadem debent, quæ minores erga curatores: & ita tenentur 1. Rata habere, quæ gesta sunt. Quod utiliter gestum est, necesse est apud iudicem pro rato haberi. L. 9. ff. ibid. 2. Restituere lucrum omne cessans, & damnum omne emergens ob negotii alieni gestionem. Sumptuum factorum usuras præstare bona fides suavit. L. 18. C. 16. Expensæ inutiles vel liberaliter concessæ non restituuntur. Si quid utiliter... & non matera liberalitate expendisti, inquit jus civile, id negotiorum gestorum actione consequi potes. L. 11. C. ibid.

ARTICULUS III.

De rerum communione.

Rerum communio fit, cum extra societatem expresse initam plures habent aliquid commune vel ex donatione, vel ex testamento, vel ex legato.

Prop. unica. Hi, qui secum habent rerum communionem, ad eadem tenentur, ad quæ obligantur hi, qui societatem inierunt.

Prob.

Prob. rat. Rerum communio est implicita & interpretativa quædam societas : ergo ad eandem tenentur qui secum habent rerum communionem, ad quæ tenentur qui societatem inierunt.

Conseſſaria hujus Doctrinæ.

Conseſſ. 1. Hi dicuntur habere rerum communionem, quibus aliquid dono, vel testamento, vel legato datum est; & hi, quibus nequit fieri donatio, sunt incapaces communionis rerum.

Conseſſ. 2. Rerum communitas potest esse vel in rebus mobilibus, vel in rebus immobilibus; quia potest esse earum rerum donatio.

Conseſſ. 3. In rerum communione res debent reduci ad æqualitatem pro rata sui juris parte. In re communi & commodum & incommodum, lucrum & damnum debet æqualiter distribui: bona omnia communia debent in cumulum redigi: nihil debet abscondi: fructus omnes percepti debent computari: quilibet jus habens in re communi debet bonum commune, quasi rem suam inspicere, ut eam conservet; & quasi rem alienam habere, ne eam sibi adscribat.

Neuter potest intempestive rem communem dissolvere, sed tenetur eam dividere juxta præscriptum donantis, si donator diviserit; si non diviserit, juxta consensum possessorum, si inter ipsos ita conventum fuerit, vel juxta sententiam judicis, si inter ipsos non fuerit conventum.

ARTICULUS IV.

De hæreditatis aditione.

Hæreditatis aditio est, cum quis hæres suscipit hæreditatem sibi debitam.

Prop. unica. Qui adit hæreditatem, eo ipso omnibus se obligat, quibus aliquid ex illa hæreditate debetur.

Prob. rat. Aditio hæreditatis est quasi contractus, quo hæres sumit in se omnes obligationes hæreditatis: ergo qui adit hæreditatem obligatur erga omnes, quibus hæreditas aliquid debet.

Conseſſaria hujus Doctrinæ.

Conseſſ. 1. Omnis, qui hæreditatem adit sine prævia inventarii cautione, insoludum obligatur omnibus creditoribus & legatariis.

L. 34. ff. de jure deliber. æquum enim ut qui unam cum testatore personam sustinet, omnia ejus debita solvat, quantumvis ei damnosa futura sit hæreditas.

Conseſſ. 2. Qui vult damnosam non sibi fore hæreditatem, potest uti indulto Justiniani, qui permittit, ut intra tricesimum ab adita hæreditate diem confici queat inventarium, qui confecto, non ultra vires hæreditatis creditoribus & legatariis obligatur. C. L. fin. de jur. delib.

C A P U T XII.

De Donatione.

ARTICULUS I.

Quid & quoruplex sit donatio.

Donatio a nonnullis recensetur inter contractus; ideo post contractus hic agemus de donationibus.

Juxta jus civile donatio est mera liberalitas, quæ nullo jure cogente ex sola animi liberalitate deseritur ad accipientem. L. 29. ff. de donationibus. Unde donatio sic potest definiri: *Donatio est libera alicujus rei datio*; dicitur enim L. 10. C. de donationibus: *Nec ignorans, nec invito quisquam donat.*

Donatio alia est absoluta, alia conditionata.

Donatio absoluta ea est, qua aliquid donatur absolute & sine conditione; qualis est ista his verbis concepta: *do agrum meum Titio.*

Donatio conditionalis ea est, qua aliquid donatur sub conditione; talis est ista his verbis concepta: *do agrum meum Titio, si lauream in Theologia consequatur.*

Donatio iterum alia est omnino gratuita, alia remuneratoria.

Donatio gratuita ea est, qua res donatur omnino gratuito.

Donatio remuneratoria ea est, qua aliquid donatur in præmium accepti officii.

Donatio iterum alia est inter vivos, alia mortis causa.

Donatio inter vivos ea est, qua quis vult se vivo rem donatam alterius esse: v.g. rem dat ea mente, ut statim velit accipientis fieri id, quod datur. L. 1. ff. de donationibus.

Donatio mortis causa ea est, qua quis se donat, ut velit rem datam esse donatarii, non per vitam ipsius dantis, sed post ejus mortem. ibid.

Iterum assignatur a Juristis donatio propter nuptias: & hæc triplex est,

1. Donatio sponſalitia, qua ſponſi ante nuptias ſibi aliquid donant intuitu matrimonii.

2. Donatio favore matrimonii, quæ pater, vel extraneus dat aliquid alteri conjugum, conjugii, non conjugis nomine.

3. Donatio in favorem ſuperſtitis, qua conjux donat aliquid parti ſibi ſuperſtiti.

ARTICULUS III.

Quæ conditiones requirantur, ut donatio ſit valida.

Prop. unica. Ut donatio ſit valida, quædam requiruntur conditiones & ex parte donatoris, & ex parte donatarii: quædam & ex parte rei donatæ, & ex parte modi donandi.

1. Donator debet habere & dominium & adminiſtrationem rei, quam donat, debetque eam ſponte, & non coacte donare. 2. Donatarius debet eſſe capax recipiendi domini rei, quæ donatur, debetque eam, ſi ſit adultus, libere acceptare. 3. Res danda debet eſſe in commercio hominum. 4. Modus per legem præſcriptus in donationibus debet exacte obſervari.

Prob. rat. Donatio eſt modus acquirendi & transferendi dominium rerum: ergo requiritur certas conditiones autoritate legum conſtitutas; acquiſitio enim & translatio domini fieri nequit, niſi juxta modum præſcriptum a legibus; & ita

1. Donator debet habere & dominium & adminiſtrationem rei dandæ. Debet habere dominium; quia nemo poteſt in alium transferre plus juris, quam ipſe habet, deſectû ejus conditionis tutores, & curatores non poſſunt donare res pupilli aut minoris, quarum habent adminiſtrationem, minime vero dominium. Debet inſuper donator habere adminiſtrationem una cum dominio, deſectû ejus conditionis pupilli & minores res ſuas dare non poſſunt, quarum quidem habent dominium, minime vero adminiſtrationem.

2. Donatarius debet eſſe capax domini recipiendi; quippe eo ſine fit donatio, ut res data poſſideatur a donatario, deſectû ejus conditionis res pretio æſtimabilis data tali Religioſo in particulari eſt nulla; quia ex Trident. Religioſus in particulari nihil poteſt habere proprium. Donatarius debet inſuper habere libertatem, ut libere acceptet donationem; *liberalitas* enim non poteſt *no- lenti acquiri*. leg. 19. §. 2. ff. de donationibus.

3. Res donata debet eſſe in commercio hominum; quæ enim extra commercium ſunt, poſſideri non poſſunt, ut habetur L. 9. §. 3. ff. de donationibus. *Donari non po- teſt, niſi quod ejus ſit, cui datur*, inquit juſ civile.

4. Modus donationis debet eſſe conformis legibus; donatio enim, quamvis ſit jure gentium, tamen per juſ civile dirigitur.

Conſectaria hujuſ Doctrinæ.

Conſect. 1. Ex parte donatoris. Ut donator valide donet, debet habere & dominium, & adminiſtrationem rei, quam daturus eſt: ergo valide donare non poſſunt, qui hic ſubjiciuntur.

1. Infantes, & deliri ſenes; intellectus enim carent, inquit Ariſtoteles, & proinde libertate, & adminiſtratione, quæ eſt neceſſaria ad donandum. L. 23. ff. de donationibus.

2. Furioſi, & mente capti: quia hiſ, ut dicit Clementina *Si furioſus*, deſect & animus dandi, & poteſtas adminiſtrandi.

3. Mancipium, ſive ſit ſervus vel jure bellæ, vel jure nativitatæ, vel jure emptionis, quia non habet nec rerum dominium, nec rerum adminiſtrationem. L. 28. ff. de pactis.

4. Monachus; quia voto abdicavit dominium rerum temporalium.

5. Pupillus, & minor non poſſunt donare: res ſuas etiam conſentiente tutore & curatore; quia ut pote excluſi a rerum ſuarum adminiſtratione res ſuas contraſtu lucrativo poſſunt augere, minime vero minuire donationibus. Id colligitur ex lege 7. ff. de donationib.

6. Filius familias, qui donare quidem poteſt bona caſtrenſia & quaſi caſtrenſia, minime vero bona proſectitia aut adventitia, quia bonorum caſtrenſium habet dominium, & uſum fructum, bonorum vero proſectitiorum nec proprietatem habet, nec uſum; bonorum vero adventitiorum proprietatem habet, & non uſum fructum. L. 7. ff. de donat.

7. Uxor non poteſt donare res dotales etiam conſentiente marito; quia non habet rerum dotarium adminiſtrationem, & quia oportet rem dotalem manere inademem, & donationibus non perire. L. 21. C. de donat. & toto titulo de fundo dotali ff. & Cod.

8. Prodigus dare non poteſt; quia per judicem ei interdicitur eſſe bonorum ſuorum adminiſtratio. L. 28. de pact.

9. Surdus ſimul & mutus a nativitate; quia ei per legem interdicitur eſſe donare, & inſuper bona ſua adminiſtrare; adminiſtratio quippe

quippe requirit, ut & verba audiantur, & proferantur. L. 1. ff. de obligationibus & actionibus. Si tamen nudi & scriptis agant, valide paciscuntur.

10. Illi donare non possunt, quorum bona ob infandum crimen iudice obligata sunt: quales sunt illi, qui damnati sunt morte, vel exilio perpetuo, vel ad metalla, vel ad triremes. Reus etiam criminis capitalis post latam sententiam, nisi ab hac sententia appellaverit. L. 25. hi enim omnes non censentur habere rerum suarum dominium.

11. Dare non possunt fures, & raptores eas res, quas furto acquisierunt; quia non habent earum rerum dominium.

12. Donatio facta ab eo, qui est ære alieno gravatus, est nulla; quia dat quod suum non est: aut si est valida, bona data manent semper subiecta hypothecæ creditorum. Sic donatio facta a tutore, a consule &c. aut invalida est, aut si valida, bona illius manent subdita hypothecæ creditoris. L. 6. C. de administratione & periculo tutorum.

Consect. 2. Ex parte donatarii. Donationes fieri non possunt nisi iis, qui sunt capaces acceptandi libere donationem, & acquirendi dominii; unde non potest fieri donatio his, qui hic subijciuntur.

1. Infantibus, & quidem ob defectum deliberatæ acceptationis; hi enim donationem acceptare non possunt, inficii an donatio illis nocitura sit, vel profutura. L. 5. de regulis juris.

2. Furiosis; hi enim infantibus comparantur. Infantes tamen & furiosi donationes acceptare valent, non quidem per se ipsos, sed per tutores, modo huiusmodi donatio futura sit ipsis utilis, & non damnosa. L. 26. C. de donat. & toto titulo ff. de administratione, & periculo tutorum.

3. Demum donatio facta Monacho, pupillo, minori, est nulla, nisi acceptetur ab iis, sub quorum cura isti subiacent; quia Monachi, pupilli, & minores, ut pote aliis subditi, donationem acceptare nequeunt, inficii an sit profutura, vel nocitura Communitati, cuius nomine agunt.

His vero, qui hic subijciuntur, defectu dominii non potest fieri donatio.

1. Donatio facta alienigenæ jure Galliæ est nulla; quia alienigena non est capax dominii accipiendi in Gallia. 2. Donatio facta mortuis civiliter est nulla, v.g. damnatis ad triremes; quia hi non possunt acquirere rerum dominium.

Consect. 3. Ex parte rei donatæ. Res donata debet esse in commercio hominum, & in

possessione donatoris; unde donari non possunt ea, quæ hic subijciuntur; vel quia non sunt in commercio hominum, vel quia non sunt in possessione donatoris.

1. Donari non potest res sacra, res religiosa, nisi eo fine, ut serviat in finem sacrum, quia non est in commercio hominum. L. 83. ff. de verborum obligationibus.

2. Donari non possunt bona Ecclesiastica; quia utpote extra commercium hominum posita, non nisi certis conditionibus alienari possunt, ut patet ex cap. nulli de rebus Ecclesiasticis non alienandis. 3. Res aliena furto vel rapina detenta, aut deposito accepta, donari non potest, quia non est in possessione donatoris; & hæc actio non esset donatio, sed furtum; non esset liberalitas, sed rapina. 4. Donatio omnium bonorum præsentium & futurorum est nulla; quia homo non ita est dominus rerum suarum, ut possit omnia sua dare, nihil sibi reservando, quod per testamentum suum dare possit. Ita Doctores juris communiter docent.

Consect. 4. Ex parte modi donandi. Res donanda dari debet juxta præscripta legum; homo enim est dominus rerum suarum cum subordinatione ad Rempublicam: ergo invalida est donatio, quæ non est juxta præscripta legum: & ita nullæ sunt sequentes donationes. 1. *Ex parte donatarii.* Nulla est donatio facta alienigenæ; quia alienigena jure Gallorum est incapax dominii acquirendi in Gallia, ut supra diximus. Item donatio facta concubinæ, nisi sit remuneratoria, & consistet de servitio, est nulla; quia concubina censetur indigna omni donatione gratuita. L. 2. C. de donationibus inter virum & uxorem. Donatio facta tutori per pupillum, curatori per minorem, Medico per ægrotum, Procuratori, Advocato, Judici per Clientem, Magistro per discipulum, Confessario per poenitentem, est nulla; quia hæc donationes censentur extortæ. Donatio facta per patrem filio suo ex adulterio nato, item filio spurio, exceptis alimentis, est nulla.

Item ex parte donatarii donatio non valet, nisi tacite vel expresse acceptetur coram donatore per donarium ipsum, vel per ejus procuratorem vel naturalem, qualis est pater, vel per alium ad hoc specialiter deputatum: sicut enim non est contractus, nisi ex consensu mutuo partium; ita non est donatio, nisi ex consensu mutuo donatoris & donatarii. Vult enim Justinianus donationem se habere ad exemplum venditionis, in qua requiritur utriusque contractus consensus.

2. Ex

2. *Ex parte modi donandi.* Donatio est nulla, si non fiat iuxta conditiones præscriptas a Principe. Sic donatio mortis causa est nulla, si non fiat mentio expressa vel tacita mortis, vel periculi mortis. L. 31. ff. de donationibus mortis causa. Item est nulla si desit præsentia dantis & donatarii ob acceptationem requiritam. L. 38. ff. Ibidem. Item donatio mortis causa est nulla, si fiat ea conditione, quod erit irrevocabilis, quia privat donatorem factione testamenti. Denique in Gallia nulla est donatio siue gratuita, siue remuneratoria, siue reciproca, siue non reciproca, siue intuitu matrimonii, siue non, si careat insinuatione: idque jubetur C. L. 30. de donationibus. Est autem insinuatione coram competente iudice legitima donationis factæ publicatio.

Valet tamen donatio in sequentibus casibus sine insinuatione. 1. In magistro militum, cum res mobiles tam suas quam ex spoliis hostium habitas donat militibus. L. 34. C. de donationibus. 2. Cum quis donat pro reparatione domus. L. 36. ibid. 3. Cum donat pro redemptione captivorum, vel pro causa pia. ibid.

ARTICULUS III,

De revocatione donationis.

Prop. unica. Toties revocari potest donatio, quoties donator vel coacte, vel irrationabiliter censetur donasse.

Prob. rat. Lex utrumque requirit in donatore, scilicet, quod sponte donet, & quod rationabiliter, & iuxta de causa bona sua largiatur: ergo toties potest revocari, quoties vel coacte, vel irrationabiliter censetur facta donatio.

Consecutaria hujus Doctrinæ.

Consect. 1. Donatio potest revocari in sequentibus casibus. 1. Quando donator excessit in donando, & adeo prodigus fuit, ut nihil sibi retinuerit, ut testetur; quia hæc donatio censetur irrationalis, Leg. Finali. C. de revocanda donatione, quia donator debet posse testari, & filii debent posse succedere portioni legitimæ. 2. Si donatarius enormiter esset ingratus erga donatorem, v. g. si donator inferat injurias, si inopia pressus non aliat, si incarcerato non succurrat quæ ingratitudo debet prius probari coram iudice, nam ante sententiam iudicis donatarius non tenetur restituere. Ibid. *Generaliter sancimus, omnes donationes, inquit ius, lege*

consecratis, firmas, illibatasque manere, si non donationis acceptor ingratus erga donatorem inveniat. L. ultima. C. de revocandis donationibus. Hæc regula locum non habet in donationibus factis Ecclesiæ; quia ingratitudo Prælati non potest officere Ecclesiæ, neque animæ donatoris, in cuius bonum censetur facta donatio. Non valet pariter eadem regula, cum donatio est remuneratoria; quia censetur facta ad compensandum acceptum officium. Nec valet pariter, cum donator de ingratitudine non conquestus est, & per viam non retractavit donationem. Ibid. 3. Cum non servantur a donatorio iustæ & honestæ conditiones appositæ a donatore; quia donator non censetur donasse nisi hac conditione. Ibid. 4. Si donator prole carens non exiguam, sed magnam partem bonorum gratuito, & non remuneratorie donavit, postea nascatur ei proles, aut filii abentes redeant, aut filius naturalis illegitimus fiat legitimus per sequens matrimonium; quia ex iusta iuris dispositione inest huic donationi hæc tacita conditio: res donata tua erit, nisi nascantur mihi liberi, aut redeant quos credebam periis, aut illegitimi efficiantur legitimi. Ita vulgo Doctores juris civilis. §. Si donatio facta est extraneo, tota revocari potest: si facta sit alicui ex parentibus, vel Ecclesiæ, revocari potest, non ex toto, sed ex parte, quantum necessarium est, ut proles nata congruam habeat hæreditatem. Si donator postea susceperit liberos, inquit ius, totum quid largitus fuerat revertatur in ejusdem donatoris arbitrio, ac ditione mansurum. L. 18. C. de revocandis donationibus. In Gallia filii adoptati supervenientes non revocant donationem. 6. Si donatio fuerit inofficiosa, id est contra officium paternæ pietatis; ut si pater tantum donet, ut filii priventur sua portione legitima; tunc enim pater donator potest revocare donationem; & si pater id non faciat, filii possunt exigere a iudice revocationem donationis; quia ius habent, vivente patre, ut conservetur hæreditas, & ut mortuo patre eis adjudicetur.

Consect. 2. Donatio potest revocari, si fuerit facta errore terminato ad principalem motivum donandi, minime vero errore terminato ad secundarium motivum donandi; quia error circa substantiam rei facit involuntarium; error vero circa accedentia non tollit voluntarium. Sic donatio facta ob causam præteritam vel præsentem, quæ vere non est, est nulla: y. g. si demitibi aliquid, quia egisti causam meam apud Principem: si dem tibi aliquid, quia es pau-

pauper; si res ita non est, donatio est nulla, quia error est circa principale motivum. Item donatio facta per novitium, monasterio, si ei voveat, revocatur hoc ipso quod non facta est professio.

Donatio vero valet, si cesset secundarium motivum: v.g. si dem, quia es pauper; licet simul es pietatem, ut excites meam misericordiam, donatio valet, modo sis vere pauper, licet non sis vere pius; quia error est circa motivum secundarium.

Donatio isto modo præfixa: lego tibi talem fundum triginta jugerum, talibus finibus conterminum: valet donatio totius fundi, licet sint sive plura, sive pauciora jugera; quia error est circa accidentia. Donatarius non potest jugera plura exigere, si sint pauciora, nec tenetur reddere, si sint plura; quia, ut optime ait Baldus, mensura in tali casu non est limitans, vel præfigens extensionem fundi, sed solum designans locum & situm fundi. Idem dic de ista donatione: lego talia jocalia Petro, quæ æstimantur centum nummis; si pluri valeant, non tenetur donatarius excessum reddere hæredi: si minoris valeant, non potest exigere defectum ad hæredem; quia error est circa accidentia, nimirum circa valorem. Si vero donatio isto modo præfigatur: lego tot tibi jugera in tali fundo, lego tibi tot nummos ex argento, quod est in tali arca; donatarius non potest ultra exigere, quia mensura tunc est limitans, & præfigens rem legatam, & non solum manifestans.

Consect. 3. Donatio extorta per metum ad id incussum injuste, non valet, nisi juramento firmetur, quia est involuntaria. Tunc donator tenetur donare, quia juravit; sed donatarius tenetur restituere, quia per metum coegit.

Consect. 4. Donatio mortis causa revocatur, si donatorem pœniteat, si donatarius moriatur ante donatorem; quia censetur facta hac conditione, quod donatarius non potatur donatione, nisi supervivat donatori.

ARTICULUS IV.

De variis conditionibus, quæ donationi apponi possunt.

PROPOSITIONE. In donatione possunt variæ apponi conditiones, modo non sint substantiæ donationum contrariæ.

Prob. rat. desumpta ex jure. Donatio est contractus. L. 7. C. de donat. Ergo cum in omni contractu possint apponi conditiones, modo non sint contra substantiam contractus, illud poterit pariter fieri in donatione.

Consectaria hujus Doctrinæ.

Consect. 1. Quæ conditiones non sint contrariæ donationi. 1. Donator potest rem suam donare vel absolute, vel conditionate, vel quoad proprietatem, vel quoad usum: usum vero potest donare, vel ad semper, vel pro certo tempore; quia quilibet liber est in suis donis. 2. Potest donator rem suam donare vel expresse obligando se oneri evictionis & solutionis interesse, vel nihil expresse dicendo de utroque onere; quia est liber in suis donis. 3. Si expresse se ad illud onus obligaverit, tenetur: si expresse se ab illo onere exemerit, non tenetur; quia nemo potest invitus per contractum obligari. Si expresse de illo onere nihil dixerit, juxta æquitatem eximitur; quia non æquum est liberalitatem nocere donatori. Propter eandem rationem, si quis mihi rem alienam donavit, & hæc evincatur, nulla mihi actio competit contra donatorem. Item, si quis mihi summam aliquam, ut rem frugiferam promissit, is non tenetur usurasolvere. Cum quis, inquit jus civile, donationis causa pecuniam, vel aliquid aliud promissit, de mora solutionis pecuniæ usuras non debere summæ æquitas est. L. 18. ff. de donationibus. Si tamen dolus intercesserit, & damnum donatario accesserit, tenetur donator damnum reparare, ut dicit Labeo. Ibid. Si quis mihi rem alienam donavit, inque eam sumptus magnos fecero, & sic evincatur, plane de dolo me posse adversus eum, id est donatorem, habere actionem constat.

Consect. 2. Quæ conditiones donationi sint contrariæ. 1. Donatio non potest fieri ea conditione, quod pro libito donatoris sine consensu donatarii eadem donatio revocari possit; quia hoc est contra naturam donationis, Si donationes perfectæ fuerint, temere revocari non possunt. L. 2. inst. tit. 7. de donat. 2. Donatio non potest fieri ea conditione, quod res donata non poterit exigi a donatario; quia donatio completa vim habet venditionis, & transfert rem ad donatarium, ita ut traditionis necessitas incumbat donatori. L. 35. C. de donat. omnibus. 3. Donatio non potest fieri ea conditione, ut post completam donationem possint a donatore sine consensu donatarii novæ apponi conditiones; Quia perfectæ donatio conditiones postea non capit. L. 4. C. de donationibus, quæ sub modo, &c.

CAPUT XIII.

De Testamentis, Codicillis, & Legatis.

ARTICULUS I.

*Quid Testamentum, Codicillus, & Legatum
& quæ requirantur in Testamenti facitione.*

Donatio mortis causa ea est, ut diximus, qua quis sic donat, ut velit rem donatam esse donatarii post mortem donatoris; quia donatio mortis causa habet affinitatem cum Testamento, Codicillo, Legato Fidei-commisso. Ideo de his omnibus hic agemus.

Testamentum, si nomen attendas, est testatio mentis: si rem inspicias, testamentum est ultimæ voluntatis dispositio, directæque hæredis institutio; itaque testamentum duo importat. 1. Ultimam voluntatis dispositionem. 2. Hæredis institutionem. Institutio hæredis est nominatio successoris in universum jus testatoris.

Codicillus est ultima voluntatis dispositio sine institutione hæredis.

Legatum est testatoris particulare donum ab hæreditate selectum.

Fidei-commissum est ultima voluntatis dispositio, qua testator hæredis sui fidei committit aliquid alteri tradendum, v. g. vel integram hæreditatem, vel aliquid de hæreditate.

Testamentum est duplex, aliud in scriptis, aliud nuncupativum. Testamentum in scriptis, seu clausum, est testamentum, quod testator, vel a se, vel ab alio scriptum, sed sua semper manu subscriptum, tradit Notario coram septem testibus idoneis, declarando ibi contineri ultimam voluntatis suæ dispositionem.

Testamentum nuncupativum est illud, quod testator coram testibus idoneis articulata voce declarat ultimam voluntatis suæ dispositionem, & hæredem suum nominat.

ARTICULUS II.

De requisitis ad valorem Testamenti.

Prop. unica. Eædem requiruntur conditiones in testamento, quæ requiruntur in donatione.

Prob. rat. Testamentum est species donationis: ergo eædem requiruntur conditiones in testamento, quæ in donatione: & ita aliæ sunt conditiones ex parte testatoris, aliæ ex parte hæredis, aliæ ex parte rei donatæ, aliæ ex parte modi faciendi testamentum. Quæ omnia sigillatim percurramus.

ARTICULUS III.

De his, qui testamentum valide facere possunt.

Prop. unica. Hi omnes testamentum possunt valide facere, qui domini sunt rerum suarum, & qui liberam habent rerum suarum dispositionem.

Prob. rat. Testator per testamentum transfert in hæredem bonorum suorum dominium: ergo debet habere & dominium, & liberam bonorum suorum dispositionem.

Conseclaria hujus Doctrinæ.

Hinc sequitur, quod valide testari queant qui hic subjiuntur. 1. Reges & subditi: quia illi altum, isti vero subordinatum habent rerum suarum dominium. 2. Domini, & vasalli; quia illi directum, isti vero utile habent rerum suarum dominium. 3. Quicumque sunt extra potestatem alterius; quia habent & dominium & liberam rerum suarum dispositionem. Sic minores possunt facere testamentum sine consensu curatorum, licet contrahere nequeant sine eorum consensu; quia contractu conditionem suam pejorem facere possunt, minime vero testamento. Sic spurii possunt facere testamentum sine consensu patris naturalis. Sic bello capti possunt facere testamentum; quia captivitas bellica apud Christianos non inducit veram servitutem. 4. In Gallia excommunicati, hæretici tolerati possunt facere testamentum; quia habent & dispositionem, & dominium rerum suarum. 5. In Gallia Clerici possunt facere testamentum de bonis ex præbenda provenientibus, quia censentur coram hominibus habere bonorum illorum & dominium & dispositionem: relinquitur enim eorum conscientie horum bonorum dispositio. 6. Cæcus a nativitate cum osto testibus valide testamentum facit. 7. Mutus simul & surdus, si sciat scribere, valide testamentum conficit. 8. Spurii, modo alium a patre & avo, alium a matre & avia hæredem instituant; & si intestati decedant, bona eorum addicuntur Regi, aut Domino, cujus sunt vassalli. Prædicti omnes, sive sani, sive ægri, possunt valide testamentum condere.

ARTICULUS IV.

De his, qui Testamentum non possunt valide facere.

Prop. 1. *Ex defectu domini.* Testamentum valide facere nequeunt hi omnes, qui rerum suarum non habent dominium.

Prob. rat. Testator per testamentum transfert in hæredem rerum suarum dominium: ergo testamentum facere nequit qui illud dominium non habet.

Conseſſaria hujus Doctrinæ.

Hinc sequitur, quod testamentum facere nequeunt qui hic subjiciuntur. 1. Servi, id est mancipia, siue sint servi a nativitate, siue sint bello capti, siue se venire passi sint; quia hujusmodi servi nullum habent rerum suarum dominium. Vigebat olim triplex illa servitus, sed jam apud Christianos abolita est. 2. Religiosus professus; quia per votum solemne renunciat dominio rerum temporalium; bene tamen ante professionem: ita jus Galorum. *Ordonnances d'Orleans art. 19. de Blois. art. 28.* Religiosus extra Galliam, v.g. in Italia, potest cum licentia Papæ facere valide testamentum. 3. Filius-familias siue sit conjugatus, siue non, si non sit extractus e potestate paterna, vel per emancipationem, vel per mortem naturalem, aut civilem patris, non potest, etiam consentiente patre, valide testamentum facere de bonis non castrensisibus, aut quasi castrensisibus; quia non habet bonorum illorum absolutum dominium: de quo ita jus civile: *Qui in potestate parentis est, testamenti faciendi jus non habet. L. 6. ff. qui testamentum facere possunt.* Ratio Ulpiani hæc est, quia nihil suum habet. Bene tamen de bonis castrensisibus, id est bello acquisitis, aut quasi castrensisibus, id est Clericatu, aut Magistratu, aut alteri liberali comparatis; quia modi hi liciti comparandi militie assimilantur: de quo ita jus civile: *Omnes omnino, quibus quasi castrensis peculia habere ex legibus concessum est, habeant licentiam in ea tantummodo ultimas voluntates concedere. L. ult. C. qui testamentum facere possunt.* 4. Per supremam curiam damnatus vel ad mortem naturalem, vel ad mortem civilem, v.g. ad perpetuas trirèmes, ad perpetuum exilium; quia hi non habent rerum suarum dominium. Miles tamen damnatus ad mortem ob delictum præcise contra regulas militiæ, valide testari potest. De utroque casu jus civile sic habet. Edi-

Ho Prætoris bonorum possessio his denegatur, qui rei capitis damnati sunt, neque in integrum restituti sunt. L. 13. ff. de bonorum possessionibus. Si tamen non damnatus sit, sed solum accusatus, vel a sententia appellaverit, Testamentum facere potest. *Si quis post accusationem, in custodia fuerit detentus, siue indemnatus, testamentum ejus valebit. L. 9. ff. qui testamentum facere possunt, & L. 13. Ibidem.* 5. Alienigena non potest facere testamentum in eo regno, in quo est alienigena, sed bona ejus addicuntur fisco. Sicuti enim peregrini capere non possunt hæreditatem, L. 1. C. de hæreditibus instituendis; ita nec testamentum facere: bene tamen, si litteris Principis factus fuerit regnicola. In Occitania omnes extranei habentur pro regnicolis. Item mercatores extranei Lugduni commorantes. Hi licet extranei valide Testamentum faciunt; *Quia cives alleſſio facit. L. 7. C. de incolis.* 6. Fugitivus a Regno, si extra Regnum domicilium elegerit, non potest testari de bonis, quæ possidet in Regno, quod deseruit; quia aufugiens amittit bonorum suorum dominium: bene tamen, si discesserit e Regno animo redeundi; quia discessio ad tempus non aufert rerum dominium.

Prop. 2. Defectu libertatis & plenæ deliberationis. Testamentum facere nequeunt quicumque non habent plenum usum libertatis, neque liberam bonorum suorum dispositionem.

Prob. 1. Ex jure civili. In eo qui testatur, inquit, ejus temporis, quo testamentum facit, integritas mentis, non corporis sanitas exigenda est. L. 2. ff. qui testamentum facere possunt.

2. *Rat.* Testator per testamentum transfert in hæredem bonorum suorum dominium: ergo libere debet illud efficere: ergo si plena libertate non fruatur, non potest facere testamentum.

Conseſſaria hujus Doctrinæ.

Hinc sequitur, quod testari non possunt qui hic subjiciuntur.

1. Amens, nisi per lucida intervalla, furiosus, phreneticus, ebrius; quia hi omnes carent usu rationis: testamentum tamen factum ante furorem, amentiam, ebrietatem, &c. firmum & ratum est. L. 9. Cod. eodem titulo. 2. Pupillus, etiam si doli capax; quia non censetur habere usum rationis: de quo ita Justinianus: *Testamentum non possunt facere impuberes; quia nullum eorum animi iudicium est. L. 2. institutionum tit. 12. quibus*

non

non est permiffum facere testamentum §. 1. 3. Qui in testamento condendo deceptus est errore terminato ad substantiam; quia testator tunc non censetur libere voluisse, v. g. si loco Titii hæredis scribatur Sempronius: minime vero, si deceptus fuerit errore terminato ad accidentia, v. g. si scribatur: Titius nobilis hæres esto, licet Titius non sit nobilis. 4. Qui in testamento condendo coactus est timore injuste incusso; quia tunc non censetur libere voluisse: attamen preces & blanditiæ non reddunt testamentum invalidum. 5. Testamentum non facit, qui proponens testamenti factionem, eam non complevit, sed testamentum sine subscriptione, sine temporis designatione, Gallice, *sans date*, deseruit; quia non censetur complete voluisse. 6. Mutus simul & surdus non catu, sed a nativitate, non potest valide testari; quia non censetur plenam habere libertatem: bene tamen, si sit surdus solum, vel mutus solum, modo ipse suum scribat testamentum. De utroque casu ita jus civile: *Surdus & mutus testamentum facere non possunt; sed si quis post testamentum factum valetudine, aut quolibet alio calu mutus aut surdus esse cæperit, ratum nihilominus permanet testamentum.* L. 6. §. 1. ff. qui test. facere poss. Si ponamus hujusmodi literas scientem, omnia quæ prioriter interdiximus, hæc ei manu sua scribenti permittas. L. 10. Cod. eodem tit. 7. Prodigus, cui per Magistratum interdicta est bonorum suorum dispositio; quia non censetur plenam habere libertatem; & quia Reipublicæ interest, ne quis re sua male utatur: de quo ita Jus: *Is, cui lege bonis interdictum est, testamentum facere non potest; sed & si fecerit, ipso jure non valet.* Quod tamen interdictione vetustius habuerit testamentum, hoc valebit. L. 18. ff. qui test. fac. poss.

Tamen in favorem causæ piæ testari potest prodigus; quia non censetur rebus suis male uti, si in causas pias impendat. Id possunt etiam mutus & surdus; quia si signis expriment se velle res suas Deo consecrare, lex nedum vetat, sed permittit testamenti factionem.

Item in favorem filiorum testari possunt. 1. Filiusfamilias; quia dando filiis dat iis, quibus pater, cui subijcitur, dare tenetur. 2. Pupillus; quia dando filiis, quos aliquando suscipiet, dat iis, quibus ut demus, natura suggerit. 3. Prodigus; quia dando filiis, non censetur rebus suis male uti.

ARTICULUS V.

De his, qui institui possunt hæredes.

Prop. unica. Ut testamentum sit validum ex parte hæredis, is qui heres instituitur, debet posse recipere rerum dominium & tempore, quo fit testamentum, & quo moritur testator, & quo aditur hereditas.

Prob. rat. Testamentum fit eo fine, ut hæres accipiat hæreditatem: ergo is, qui instituitur heres, debet posse accipere rerum dominium; & ita heredes institui possunt omnes, qui possunt accipere rerum temporalium dominium.

Conseffaria hujus Doctrinæ.

Hinc sequitur, quod heredes institui possunt, qui hic subijciuntur.

1. Liberi, & nati, & nascituri, modo in lucem edantur. *Sancimus, inquit jus civile, si vivus perfecte natus est, licet illico postquam e terra cecidit, vel in manibus obstetricis decessit, nihilominus testamentum rumpit, scilicet, si præteritus fuerit.* L. 3. cod. de posthumis heredibus instituendis. Cogniti & incogniti; nam ut dicit idem jus: *extraneum penitus ignotum heredem quis instituere potest.* L. 11. C. de heredibus instituendis. Si extraneum ignotum possit quis heredem instituere, a fortiori propinquum: de quo ita habetur lib. 2. inst. t. 14. §. 12. *Is, quos nunquam testator vidit, heredes institui possunt, veluti si fratris filios peregrinantes ignorans qui essent, heredes instituerit: ignorantia enim instantis inutilis institutionem non facit.* 3. Non modo privati institui possunt heredes, sed etiam & Communitas, cum onere amortizationis, ut dicunt; quia Communitas dominium rerum valide acquirit, modo privilegium ad hoc a Principe obtinuerit: de quo ita Justinianus C. de heredibus instituendis L. 8. *Collegium, inquit, si nullo speciali privilegio subnixum sit, hereditatem capere non posse dubium non est: ergo si habeat privilegium, id poterit.* 4. Exules ad certum tempus & Regno, imo & exules in perpetuum non quidem a Regno, sed & Provincia heredes institui possunt; quia dominium possunt acquirere. 5. Homo accusatus, sed nondum damnatus, sive sit innocens sive reus; quia si absolvatur, sibi acquirit hereditatem; si condemnetur, acquirit fisco. 6. Spurius potest esse heres alterius testatoris a patre, vel avo, matre, vel avia; quia soli patri & avo, matri & avæ prohibetur constituere here-

hæredem spurium suum, & spurius potest instituire hæredem alium quemcumque a patre, & avo. 7. Homo, qui vovit paupertatem extra Religionem approbatam, v.g. devoti aut devotæ viventes extra claustra. Ita Chopinus. Item Eremitæ, Hospitalarii, non viventes intra claustra. Ita Fevretus. 8. Communitas politica, Communitas Ecclesiastica, Communitas Monastica, nisi lex aliqua obstat potest hæres institui. Collegium, si nullo speciali privilegio subnixum sit, hæreditatem capere non posse dubium non est. L. 8. cod. de hæredibus instituendis. 9. Institui hæredes possunt hi etiam, qui testamentum facere non possunt, modo dominium vel sibi, vel aliis possint acquirere, v.g. furiosi, muti, infantes, servi: de quo Justinianus: *Furiosus, & mutus, & posthumus, & infans, & filiusfamilias, & servus alienus testamenti factionem habere dicuntur: licet enim testamentum facere non possint, attamen ex testamento sibi vel aliis acquirere possunt.* L. 2. inst. tit. 19. §. 4.

ARTICULUS VI.

De his, qui hæredes institui non possunt.

Prop. unica. Illi hæredes institui non possunt, qui vel ex jure naturali, vel ex jure positivo non possunt acquirere: bonorum temporalium dominium.

Prob. Testamentum fit eo fine, ut hæres acquirat dominium bonorum pertinentium ad testatorem: ergo illi hæredes institui non possunt, qui sunt incapaces acquirendi dominii vel ex se, vel ex statuto legum.

Consequaria hujus Doctrinæ.

Hinc sequitur, quod omnes, qui hic subijciuntur nequeunt hæredes institui. Ex vi juris naturalis, aut gentium hæredes institui non possunt, 1. Amentes; quia ob defectum perennem rationis sunt incapaces dominii, & ad Rempublicam spectat eis tutores eligere. 2. Religiosi; quia jam ob votum paupertatis, inquit Rebuffus, pro mortuis habentur, & nullus Religiosus potest bona temporalia possidere, nisi ad summum in communi. In Regno Franciæ Monasteria nunquam successerunt, neque succedunt, ut docet Fabri. Sic Monachi facti Episcopi non possunt succedere; quia sunt Religiosi. Sic mendicantes Religiosi, sic Clerici regulares, sic Jesuitæ, sic milites Jerosolymitani non possunt succedere. Religiosi tamen jure antiquo Justiniani poterant succedere, nullo impe-

dimento ex sanctorum conversatione generando, si soli, si cum aliis ad successione vocantur. L. 56. C. de Episcopis & Clericis. 3. Testatoris mancipia non a se manu missa; quia servi non habent dominium.

Ex vi juris positivi hæredes institui non possunt. 1. Filius spurius, idest, natus ex ea, cum qua testator non poterat habere conjugium, non potest institui hæres sui patris, nec sui avi: & vice versa pater & avus non possunt esse hæredes filii spurii; quia jus illicitam illam copulam punire voluit. Novell. 89. c. ult. Attamen parentes collaterales possunt habere eos & hæredes, & testatores. Novell. 89. cap. 15. Ita jus civile incestuosos filios perhorrescit, ut vetet illos a suis parentibus nutrire; in quo tamen corrigitur a jure Canonico. 2. Apostatæ, Hæretici, & eorum fautores post latam sententiam; quia jus voluit incapaces esse dominii qui recedunt ab Ecclesia. Ita Auth. *credentes*, ubi sic habetur: *Hæreticus aut fautor Hæreticorum, &c. sit intestabilis, ut nec testandi liberam habeat facultatem, nec ad hæreditates succedat.* C. de Hæret. 3. Civitas hostium, quia civis non debent bonis suis hostes Reipublicæ adjuvare. 4. Communitas Judæorum; quia hostis est Ecclesiæ. 5. Damnatus per supremam curiam morte naturali vel civili; quia est incapax dominii. L. 17. ff. de pœnis. 6. Hæres aut legatarius, qui convincitur testatorem occidisse, ad ejus uxorem accessisse, ei insigniter nocuisse, vel decumbenti in lecto, aut in carcere detento non succurrisse, quia meretur ob ingratitudinem destinata hæreditate privari. 7. Servus adulterii convictus cum domina sua, ejusdem dominæ hæres institui non potest. Ita Inst. lib. 12. tit. 14.

Ex vi præsumptæ suggestionis testamenti hæredes institui non possunt.

1. Qui scripserunt testamentum non possunt ejus testamenti, quod scripserunt, emolumentum aliquod percipere. 2. Tutores, non possunt institui hæredes pupillorum, nec curatores suorum minorum. 3. Medicus non potest institui hæres sui ægroti, nec judex filii clientis, nec magister sui discipuli, nec concubina sui amantissimi, nec Communitas religiosa novitii, qui in ea suscipitur. Ita Brodeau in notis ad Lovetum.

ARTICULUS VII.

De requisitis in testamento ex parte testium.

Prop. unica. Ut testamentum sit validum ex parte testium, requiritur certus numerus testium, & certæ dotes in testibus.

Prob. Leges determinantur certum numerum testium in quolibet testamento, & certas dotes in testibus, ut omnis fraus & dolus tolleretur: ergo hæc omnia sunt necessario observanda, ut testamentum sit validum. Ex quo sequentia inferuntur.

Conseſſaria hujus Doctrinæ.

Numerus testium jure Romano civili, ubi viget, est iste.

1. In testamento cæci requiruntur octo testes. 2. In alio testamento, si scripto, sive nuncupativo requiruntur septem testes. 3. In testamento rusticum rure factum sufficiunt quinque testes. 4. In testamento, sive rure, sive in urbe, si fiat tempore pestis, sufficiunt quinque, imo aliquando duo testes. 5. In testamento patris & matris erga filios legitimos sufficiunt duo testes: vel testamentum a solo patre scriptum, aut a cunctis subscriptum: filiis . . . si sit scriptum ab extraneo ad minus requiruntur duo testes. 6. In testamento descendens erga ascendentes: si descendens liberis careat, sufficiunt duo testes, vel testamentum propria manu subscriptum, aut a cunctis ascendentibus subscriptum: minime vero, si sint descendentes. 7. In testamento facto coram Principe, vel coram iudice: sufficit unus testis cum Notario. 8. In testamento militari sufficiunt duo testes: miles autem censetur is, qui vel in castris est, vel vadit ad castra, vel exit e castris cum licentia ad tempus, & miles censetur per annum ab obtenta licentia; minime vero ille, qui habet absolutam licentiam. 9. In testamento ob causas pias sufficiunt duo testes. Ita lib. 20. inst. tit. 10. In certis locis, v. g. Tolosæ, Montis-Pessulani sufficiunt duo testes. 11. In testamento, ubi viget Jus Canonicum, sufficiunt duo testes & Parochus, aut quatuor testes sine Parocho. Cap. cum esset extra de testamentis. 12. In testamento, in quo instituuntur hæredes ii, quibus competit hæreditas ab intestato, sufficiunt quinque testes.

Dotes testium. Testes in testamento debent esse non cæci, non surdi, non muti, non furiosi, non pupilli: testatoris, vel hæredis nec fratres, nec cognati: qui non sint nec sub hæ-

redis, nec sub testatoris potestate positioni infames, quales sunt histriones, adulteri, leones; sed masculi, puberes, ad hoc rogati & vocati, singuli eodem tempore subscribentes, videntes testatorem, omnes proprio sigillo vel communi consignati. Libro 2. inst. tit. 10. Istud ultimum ulu contrario abrogatum est, & loco sigilli quique suum nomen scribit. Quas dotes hic stritum recensuimus, eas habes sub descriptas apud Justinianum loco citato.

Itaque qui hic subjiciuntur, testes in testamento esse non possunt. 1. Mulier. 2. Impuberes. 3. Servi, idest mancipia. 4. Monachi Professi. 5. Furiosi, nisi in dilucidis intervallis. 6. Prodigii. 7. Muti. 8. Surdi, qui omnino non exaudiunt. 9. Legibus improbi, idest notati infamia. 10. Peregrini; testes enim debent esse cives Romani. 11. Pater in testamento filii, & vice versa filius in testamento patris. 12. Frater in testamento fratris. Denique hæres non potest esse testis in testamento, in quo constituitur, bene tamen legatarius, ut habetur L. 20. qui testamenta facere possint.

ARTICULUS VIII.

De nullitate testamenti ob varias causas.

Prop. unica. Ut testamentum sit validum ex parte formæ, plures requiruntur conditiones, quibus omissis, testamentum est nullum.

Prob. Testamentum est juris publici: ergo nullum erit, si careat conditionibus a jure requisitis.

Conseſſaria hujus Doctrinæ.

Conseſſ. 1. Ex parte hæredis. 1. Hæres debet nominatim exprimi, & non solis signis designari. L. 29. jubemus. C. de testam. 2. Hæres, si ve unus, si ve multiplex, debet esse universorum bonorum cum onere solvendi legata; quia alias testator partim testatus, partim intestatus decederet: testamentum tamen nullius potest esse tantum aliquorum bonorum.

Conseſſ. 2. Ex parte testatoris. Requiritur, quod testator non suspendat suum testamentum conditionibus aut impossibilibus, aut in honestis; sed si quas apponat conditiones, oportet, ut sint honestæ & possibiles: impossibiles enim & inhonestæ conditiones pro nullis habentur. L. 2. ff. de hæredibus instituendis. Condicio est impossibilis, cum ponitur pro conditione aliquid, quod fieri non potest,

v.g. Titius hæres esto, si volaverit. Conditiō est inhonestā, cum ponitur aliquid pro conditione, quod lege prohibetur, v.g. Titius hæres esto, si patrem non aluerit.

Consect. 2. Ex parte testamenti scripti & nuncupativi. 1. Ut validum sit testamentum scriptum, debet vulgari idiomate scribi, Gallice in Gallia, Italice in Italia, & charactere vulgari. 2. Sufficit, quod sit scriptum vel propria manu testatoris, vel manu alterius, modo non scribatur manu ipsius hæredis, aut manu ipsius Parochi, si Ecclesia instituat hæres, aut manu alicujus, qui sit membrum ejus Communitatis, quæ hæres instituitur.

Ut testamentum nuncupativum sit validum, testator debet vel per se, vel per alium, quem testator approbet, voluntatem suam declarare coram testibus, non disjunctive, sed collective præsentibus: debetque testamentum nuncupativum intra decem annos a morte testatoris scribi, alias pro nullo haberetur, quia testes censentur non posse firmiter ultra illud tempus revocare quæ facta sunt. Si scribatur, vivente testatore, non est necesse, quod obligetur a testatore.

Testamentum scriptum deficiens suis solemnitatibus non valet pro nuncupativo, nec nuncupativum deficiens suis valet pro scripto, nec testamentum pro concilio, nisi testator ita expresserit: imo testamentum imperfectum non valebit pro substitutione, etiam si testator expresserit, quia substitutio est accessorium testamenti, quo deficiente, debet deficere.

Si testamentum sit multiplex, & non constet, quale sit prius, quale posterius, vel utrumque careat solemnitatibus requisitis, neutrum testamentum est validum.

ARTICULUS IX.

De nullitate testamenti ob præteritionem hæredis, qui juxta leges præteriri non poterat.

Prop. unica. In institutione testamentaria filiorum descendendum, & avorum ascendendum, testamentum est nullum, si non instituantur descendentes, aut his deficientibus ascendentes, nisi reddatur causa, quare non instituantur.

Prob. Jus naturale dicit, quod pater filius provideat hæreditatem, & quod filius carens posteris patri suo refundat hæreditatem: ergo testamentum est nullum, si retineantur omnino ascendentes, & descendentes.

Consecraria hujus Doctrinæ.

Consect. 1. Sequitur, quod testamentum est nullum in frequentibus casibus. 1. Si pater prætereat filium legitimum, sive matrem, sive sceminam, sive emancipatum, sive non emancipatum, sive natum, sive posthumum; quia jus habent ad hæreditatem. 2. Si mortuis liberis præterea nepotes per virilem sexum genitos, sive neptes, sive nepotes, sive emancipatos, sive non emancipatos, sive natos, sive posthumos; quia habent jus ad hæreditatem. 3. Si mater prætereat filium; quia etsi mater non habeat filium sub potestate, tamen filius habet jus ad hæreditatem matris. 4. Si testator careat descendentes, si prætereat patrem, vel matrem; quia etsi solatium sit exiguum succedere filio, hoc tamen debitum est patri. 5. Si testator careat omnino descendentes, nec habeat patrem & matrem. Si habeat avum, vel aviam, aravum, vel araviā, vel proavum, vel proaviā, &c. debet deficere proximior ascendente remotiorem hæredem instituere; quia ascendentes usque ad tritavum & tritaviā habent jus ad hæreditatem. Si autem hæres necessarios nominare omiserit, hæres necessarius, sive descendens, sive ascendens, potest accusare testamentum, in quo injuste præteritus est, & testamentum declarabitur nullum a iudice, & hæreditas dividetur juxta regulas successionis ab intestato. De quibus regulis infra.

Consect. 2. Hæres necessarius præteritus non potest accusare testamentum, quoties fuit causa exhærendi, aut quoties renunciavit juri suo; quia si dedit occasionem præteritioni debet sibi imputare; si renunciavit juri suo debet pariter sibi imputare: itaque hæres necessarius juste exhæredatus non potest accusare testamentum. Causæ autem exhærendi sic exprimuntur in novella 125. cap. 3. 1. Si filius parentibus manus violentas injecerit. 2. Si graves eis injurias intulerit. 3. Si criminalibus causis, quæ non sunt adversus Principem, eos accusaverit. 4. Si vitæ parentum insidiari tentaverit. 5. Si novercæ aut concubinæ patris sese immisquerit. 6. Si calumniator contra patrem extiterit. 7. Si pro patre in carcere existente sese jussor existere noluerit, aut captivum redimere negaverit. 8. Si patrem testamentum condere prohibuerit. 9. Si statum vivendi inhonestum elegerit, v.g. filius histrioticum, filia meretricium exeruerit. 10. Si filius minor triginta annis, & filia minor viginti quinque annis sine consensu patris matrimonium inire tentaverit.

Eadem causæ, quæ valent ad exhæredandum filium, valent ad exhæredandum patrem.

Hæres necessarius, qui renuntiavit hæreditati, non potest accusare testamentum in sequentibus casibus. 1. Si tacuit per triginta annos. 2. Si testamentum, in quo præteritus est, approbaverit, v. g. si fuerit Advocatus pro hærede. 3. Si bona hæreditatis recusavit. 4. Si ut legatarius suscepit legatum a testatore datum per idem testamentum, in quo ut hæres nominandus erat. 5. Si præteritio facta in testamento profit potius, quam noceat. 6. Si præteritio facta sit non ex industria, sed calu.

Hæres necessarius ascendens, v. g. pater, avus, aut descendens, v. g. filius, nepos, non possunt accusare testamentum, si præteriti non fuerint, licet æquam portionem non acceperint; sed possunt solum postulare a iudice supplementum legitimæ.

Frater, & soror possunt accusare testamentum, in quo præteriti sunt, si hæres institutus sit persona inhonesta, quales sunt personæ, quæ hic subjiunguntur, v. g. homo damnatus morte naturali, vel civili, histrio, magus, leno, meretrix, spurius; quia in tali casu frater, & soror sunt hæredes necessarii.

ARTICULUS X.

De revocatione Testamenti.

Prop. unica. Testamentum quibuscumque solemnitatibus munitum potest ad libitum testatoris revocari.

Prob. Testamentum pendet ex libera testatoris voluntate: ergo semper revocari potest, donec mors accesserit.

Conseclaria hujus Doctrinæ.

Consecl. 1. Testamentum potest revocari, etiam si factum sit coram Principe, etiam si Princeps declaraverit testamentum illud irrevocabile, etiam si testator promiserit, imo juraverit, se non revocaturum, imo etiam si dixerit bona omnia, quæ habet, ad hæredem a se institutum pertinere; quia nemo potest eam sibi legem statuere, ut non possit a priore voluntate recedere. L. 22. ff. de legatis & fidei commissariis. L. 16. 3. Attamen testamentum in contractu matrimoniali conditum non poterit revocari; quia gerit vices donationis.

Consecl. 2. Testamentum prius factum in favorem hæredum necessariorum, sive extraneorum, revocatur. 1. Donatione inter

vivos. 2. posteriori testamento; quia posteriora derogant prioribus.

Consecl. 3. Testamentum prius perfectum revocatur per posterius perfectum, sed prius imperfectum non revocatur per posterius imperfectum, sed utrumque nullum est; quia caret solemnitatibus requisitis: a fortiori testamentum perfectum conditum cum septem testibus non revocatur per testamentum imperfectum conditum cum quinque testibus. Tamen testamentum militare imperfectum revocat prius testamentum non militare licet perfectum; quia ex privilegio testamentum militare imperfectum censetur validum. Quod si miles declaraverit se velle utrumque testamentum valere, prius & posterius testamentum valebunt in eo, in quo non opponuntur; quia miles potest decedere cum duplici testamento.

Consecl. 4. Testamentum prius factum revocatur per secundum: attamen requiritur specialis derogatio. 1. Si prius testamentum contineat clausulam derogatoriam, quæ debet expresse enuntiari. 2. Si sit in favorem filiorum.

Consecl. 5. Ut Testamentum prius factum revocetur, sufficit 1. Ut testator coram septem testibus, aut coram totidem testibus, qui sufficerent ad testamentum, declaret se nolle factum prius testamentum valere; quia res eisdem causis dissolvitur, quibus constituitur. 2. Si decem anni fluxerint, sufficit, ut id dicat coram tribus testibus. 3. Ut testator factum testamentum laceret. 4. Ut universalis datione bona sua largiatur.

CAPUT XIV.

De hæreditatibus, quæ ab intestato deferuntur.

Hætenus de hæreditatibus, quæ ex testamento deferuntur, egimus; jam de his, quæ ab intestato deferri possunt, agendum.

ARTICULUS I.

In quo traduntur quædam notiones necessarie ad explicandas hæreditates ab intestato.

§. I.

Quis intestatus, & quot, & qui possint ejus bonis succedere.

Intestatus est ille, qui hæreditatem relinquens, aut omnino non fecit testamentum, aut non jure fecit, aut quod fecerat, ruptum irri-

irritumque factum est, aut si ex eo nemo hæres existit. Ita Justinian. lib. 3. Inst. tit. 1.

Sic Titius habens bona temporalia, non cogitat de condendo testamento, & moritur nullo facto testamento; vel facit testamentum sine debitis solemnitatibus juris; aut faciens testamentum cum solemnitatibus juris, reticet posthumum, qui ei annascitur; vel deum hæres designatus recusat hæreditatem. In his singulis casibus Titius dicitur mori intestatus.

Homini intestato succedere possunt. 1. Descendentes. 2. Ascendentes. 3. Collaterales. 4. Maritus, vel uxor. 5. Fiscus. Descendentes sunt hi, qui a nobis ortum ducunt. Ascendentes vero hi, a quibus nos ortum ducimus. Collaterales sunt hi, qui tunc & nos ex eodem sanguine orti sunt. Uxor & maritus sunt hi, qui matrimonio conjunguntur. Fiscus est aut Respublica, aut Regnum, in quo decedit intestatus.

§. II.

Qui & quot descendentes.

Descendentes sunt hi, qui a nobis vel immediate, vel mediate ortum ducunt. Et hi sunt 1. Liberi. 2. Nepotes & neptes. 3. Pronepotes & proneptes. 4. Abnepotes & abneptes. 5. Adnepotes & adneptes. 6. Trinepotes & trineptes.

Liberi, alii sunt naturales solum, alii legitimi solum, alii naturales simul & legitimi, alii legitimati, ut dicunt.

Liberi naturales solum sunt hi, qui ex illegitimo concubitu nati sunt, qui nascuntur ex coitu meretricio, vel incestuoso. Qui nascuntur ex coitu meretricio, idest, ex ea femina, cum qua iniri poterat conjugium, possunt fieri legitimi. Qui nascuntur ex coitu incestuoso, idest ex ea femina, cum qua iniri nequit conjugium, nequeunt fieri legitimi.

Liberi legitimi solum sunt hi, qui nobis sunt filii via legis, scilicet per adoptionem.

Liberi naturales simul & legitimi sunt hi, qui oriuntur a nobis ex legitimis nuptiis.

Liberi naturales legitimati sunt hi, qui orti ex illegitimo, sed non incestuoso concubitu, sunt legitimi vel per scriptum Principis, vel per sequens matrimonium initum cum ea, cum qua habitus fuit illicitus concubitus.

§. III.

Qui & quot ascendentes.

Ascendentes sunt hi, a quibus vel immediate, vel mediate ortum ducimus. Et sunt 1. Pater & mater. 2. Avus & avia. 3. Proavus & proavia. 4. Abavus & abavia. 5. Atavus & atavia. 6. Tritavus & tritavia.

Parentes alii sunt naturales solum, alii legitimi solum, alii naturales simul & legitimi, alii legitimati, ut diximus de liberis; eodem enim modo de parentibus ratiocinandum, quo de filiis.

§. IV.

Qui & quot collaterales.

Collaterales sunt hi, qui ex eodem sanguine, ex quo & nos, orti sunt; vel qui ex eodem sanguine oriuntur, ex quo ascendentes nostri nati sunt.

Sic considerando rem descendendo, collaterales sunt 1. Fratres & sorores. 2. Fratrum & sororum filii. 3. Fratrum & sororum nepotes & neptes. 4. Fratrum & sororum pronepotes & proneptes. 5. Fratrum & sororum abnepotes & abneptes.

Sic considerando rem ascendendo, collaterales sunt 1. Fratres & sorores tum patris & matris meæ, eorumque filii & filię, nepotes & neptes, pronepotes & proneptes, abnepotes & abneptes. 2. Fratres & sorores tum avi, tum avię, eorumque filii & filię, nepotes & neptes, pronepotes & proneptes. 3. Fratres & sorores tum proavi, tum proavię, eorumque filii & filię. 4. Fratres & sorores atavi & atavię.

§. V.

Quid sit in stirpes & in capita succedere.

Successio fit in capita, quando tot partes sunt hæreditatis, quot sunt capita succedentium, v. g. tot sunt partes, quot sunt capita filiorum.

Successio fit in stirpes, quando tot sunt partes hæreditatis, quot sunt capita; & cujuslibet capitis portio dividitur his, qui caput illud repræsentant: v. g. Titius habens duos filios moritur intestatus, alter ex illis filiis moritur relinquens quatuor filios, qui sunt nepotes Titii. Tota hæreditas Titii dividitur in duas

partes æquales; una dabitur filio Titii superstitici; & altera pars dividetur æqualiter quatuor nepotibus: filius succedet in capita, nepotes vero in stirpes.

S. VI.

In quot partes solet dividi hæreditas.

Hæreditas solet dividi in duodecim partes, sicuti *as* dividitur in duodecim denarios. Juristæ solent diversas hæreditatis portiones hoc modo exprimere. *As*, seu qui est hæres ex *asse*, succedit duodecim partibus, seu toti hæreditati. *Deunx*, undecim. *Dextans*, decem. *Dodrans*, novem. *Bes*, octo. *Septunx*, septem. *Quincunx*, quinque. *Triens*, quatuor. *Quadrans*, tribus. *Sextans*, duabus. *Uncia*, unum tantum parti ex duodecim.

ARTICULUS II.

Quis sit ordo successionis ab intestato ex Novella Imperatoris.

S. I.

Quo ordine succedant descendentes.

Regula prima. Si qui decedit intestatus, relinquat solum liberos ex iustis nuptiis procreatos, hi omnes liberi sive mares, sive feminae ex æquo succedunt, sive in singulos æqualiter dividitur hæreditas: liberi in capita, istorum vero filii in stirpes succedunt. Ita Novell. 118. c. 1.

Regula secunda. Si qui decedit intestatus, relinquat solum filios legitimos, sed diversimode legitimatos, isthæc observanda sunt.

Filii legitimati per sequens matrimonium, sive nati ex eadem, sive ex alia matre, una cum filiis naturalibus & legitimis æqualiter succedunt & in allodialibus, & in feudalibus. Novell. 89. c. 8.

Filii naturales legitimati per rescriptum Principis tantum succedunt patri, nullis ex tantibus liberis naturalibus & legitimis simul non tamen in feudo, nisi id in rescripto contineatur.

De filiis legitimis per adoptionem, aut legitimatis per oblationem curiæ nihil dico; eorum enim notitia parum infervit in praxi pro casibus conscientiæ.

Regula tertia. Si qui decedit intestatus, relinquat filios naturales non legitimatos, hæc observanda sunt.

Filii incestuosi, idest, nati ex ea, cum qua i-

niri nequit matrimonium, nec succedunt, nec eis iure civili alimenta debentur. *Authentica ex complexu. C. de incestuosis nuptiis*; sed iure Canonico ab hæreditate repelluntur, & eis providetur nutrimentum. Et merito quoad hoc ius civile per Canonicum corrigitur: *Naturalia enim iura*, inquit Justinianus, *civilis ratio perimere non potest*. Lib. 3. tit. 1. §. 11.

Filii naturales tantum, non extantibus filiis legitimis, vel legitima uxore, succedunt in duabus uncis una cum matre dividendis. In reliquis partibus succedunt proxime cognati. Novell. 89.

Filii naturales tantum, extantibus filiis legitimis, vel uxore legitima, non succedunt; alendi tamen sunt boni viri arbitrio: ita Novell. 29. c. 12. matri tamen una cum filiis legitimis succedunt.

S. II.

Quo ordine succedant ascendentes.

Regula prima. Si qui decedit intestatus, non relinquat neque descendentes, neque collaterales, idest, neque liberos, neque fratres vel sorores, ascendentes proximiores succedunt: v. g. pater & mater succedunt æqualiter, & quidem in capita; sicuti liberi tam masculi, quam feminæ succedunt æqualiter in capita: deficiente patre, succedunt avus & avia ex parte patris; & deficiente matre, succedunt avus & avia ex parte matris, sed in stirpes.

Regula secunda. Si, qui decedit intestatus, non relinquat liberos, sed superstites relinquat ascendentes, v. g. patrem & matrem, & collaterales, v. g. fratres & sorores, aut eorum filios; fratres & sorores una cum ascendentibus proximioribus succedunt, nepotibus ulterioribus exclusis.

Regula tertia. Si qui decedit intestatus, non habeat parentes legitimos, sed solum naturales, non extantibus ei liberis & collateralibus, eo modo ei succedunt ascendentes naturales, quo ipse eis succederet.

S. III.

Quo ordine succedunt collaterales.

Regula prima. Si qui moritur intestatus, non relinquat ascendentes, vel descendentes, sed solum fratres aut sorores naturales, vel legitimis, vel legitimatos, vel mortuorum fratrum & sororum filios; & fratres & sorores viventes, & demortuorum fratrum & so-

& sororum filii, succedunt æqualiter: sed fratres & sorores viventes succedunt in capita; filii vero demortuorum fratrum vel sororum in stirpes succedunt.

Regula secunda. Si qui moritur intestatus, non relinquat neque ascendentes, neque descendentes, neque fratres & sorores, neque fratrum aut sororum liberos; cognati ulterioris gradus, ex sola gradus prærogativa, succedunt in capita.

§. IV.

Quo ordine succedat maritus, & uxor, & fiscus.

Regula unica. Si qui decedit intestatus, non relinquat neque ascendentes, neque descendentes, neque collaterales usque ad decimum gradum, marito succedit uxor, & maritus uxori. Et si qui decedit intestatus, non relinquat nec vir uxorem, nec uxor virum, succedit fiscus.

§. V.

De formula Testamenti publici a Parocho aut ejus Vicario conscribendi.

Quoniam sæpissime contingit, ut Parochi præcipue rurales, eorumque Vicarii cogantur conscribere testamenta propter defectum Notariorum; hoc enim eis licet in talibus per edictum Regium Henrici III. Blesis datum anno 1579. art. 63. necerent in hujusmodi conscriptione testamentorum; ideo placuit hic inferere subjunctam formulam.

Formula Testamenti, quod a Curato, vel ejus Vicario excipi potest.

In Dei Nomine hodie &c. in loco &c. ante vel post meridiem coram me NN. Presbytero, & Curato, vel Vicario Parochiæ &c. constitutus fuit NN. incola hujus &c. qui in lectulo in tali domus suæ cubiculo ægrotans quidem corpore, sed mente sanus, iudicio, & memoria valens, videns, audiens, cognoscens, & loquens, considerans nihil quidem morte certius esse, hujus autem hora nihil incertius, ad prævertendas lites, quæ post decessum suum possent suboriri, facit, vimque habere jubet præsens hoc suum testamentum; ut sequitur. Primum dictus NN. Testator se ipsum signo Crucis signans veniani Deo deprecatus est, & Sanctos, Sanctasque Aulæ Cælestis obtinens, ut pro se velint intercedere; dixit se in Parochiæ N. Cæmeterio velle tumulari.

&c. Quod spectat ad honores funeris, hujus arbitrium hæredi suo, inferius appellando, relinquit; quoad vero preces pro se effundendas jubet tot &c. Sacrificia celebrari. Donat, & legat NN. summam NN. solvendam &c. qua in re hunc facit instituitque hæredem suum particularem, ita tamen ut velit, eum nihil præterea ex bonis suis petere, & exquirere &c. In omnibus autem, singulique mobilibus, immobilibusque bonis suis, nominibus, juribus, vocibus, actionibus præsentibus, atque futuris idem NN. Testator fecit, & instituit, ac ore proprio nominavit generalem, universalemque hæredem NN. ut utatur, fruatur, atque disponatur in vita, cum in morte de universis dicti Testatoris bonis, & hæreditate, prout ipsi visum fuerit, atque placuerit, post obitum ipsius Testatoris, qui dixit, declaravitque superius dicta solam esse, extremamque voluntatem suam, quam vult, ac jubet valere in formam Testamenti, Codicilli, Donationis, & alterius cujuscumque dispositionis mortis causa, eo meliori modo, quo secundum jura valere poterit, delens, revocans, & antiquans alia quæcumque Testamenta, Codicilla, & Donationes mortis causa, quæ antea fecisse potuit, atque explicitè omnia legata pia, fundationes, & clausulas derogatorias, quæ in dictis dispositionibus possent contineri, & quæ in præsentem exprimeret, si meminisset: volens, atque intelligens præsens hoc esse solum, extremum, validumque suum Testamentum, de quo dictus Testator rogavit tum Testes inferius nominandos ab illo satis cognitos, & quos ipse jussit accersiri, ut hujus acti meminisse velint, tum ipsum me Curatum, aut Vicarium, ut illud excipere vellem propter absentiam NN. loci hujus Notarii, vel quod hoc in loco nullus adeffet Notarius: quod egi, recitavi, atque transégi in ejusdem Testatoris domo coram NN., & NN. &c. die, & anno quibus supra.

Qui talia conscribunt testamenta, monendi sunt, 1. Quod debeant adhibere testes septem, qui sciant & possint, quantum fieri poterit, consignare instrumentum; aut saltem debet fieri mentio de causa, propter quam non consignarint, de hoc requisiti. Idem dici debet de Testatore, qui etiam, si fieri potest, debet consignare, aut saltem debet fieri mentio de causa, propter quam non consignavit, de hoc requisiti. 2. Debent observare, quod ipsi non possunt institui hæredes, aut legatarii in eo testamento, quod conscribunt. 3. Debent facere in testamento mentionem de omnibus

filii & filiabus, etiam posthumis aut posthumabus testatoris, alioquin testamentum nullum esset; aut si desint, debent nominare patrem & matrem, & alios ascendentes & descendentes in linea recta. Quod si Testator exheredaret quicumque illorum, deberet fieri mentio de causa, ob quam hoc facit. 4. Debent quamprimum huiusmodi testamentum sic confectum tradere alicui ex Notariis publicis, qui illud transcriber in suo chartulario, ut qui indigebunt tali testamento, possint ad illud recurrere.

§. VI.

De formula Testamenti clausi.

Cum possit etiam plerumque fieri, quod item Parochi aut eorum Vicarii rogentur aliquid ab iis, qui suam in ipsis collocant fiduciam, ut velint sibi testamentum, quod vocant clausum, conficere, quasque ultimas voluntates in scriptis redigere, operæ pretium visum est etiam huiusmodi testamenti formulam hic subijcere, ne quis in re tanti momenti propter suam imprudentiam aut decipiat alios, aut ipse decipiatur.

Formula Testamenti clausi.

Ego infra scriptus NN. talis conditionis habitans in &c. perfecta corporis valetudine, ac mentis sanitate, *vel æger corpore, prout res tulerit*, sensibus omnibus, iudicio atque memoria valens, videns, audiens, cognoscens, & loquens ad prævertendas lites, quas bonorum meorum causa post obitum meum suboriri possent, testamentum meum feci, ut sequitur. Primum me ipsum signo Crucis signavi, a Deo veniam deprecatus sum, Sanctos Sanctasque oravi, ut pro me velint intercedere. Volo humari corpus meum, &c. arbitrio hæredis mei infra nominandi permittens quicquid in funeris honorem pertinet, atque præcipiens ut pro requie animæ meæ tot celebrentur Sacrificia &c. Dono, lego NN. &c. atque in omnibus, singulisque bonis meis mobilibus & immobilibus nominibus, juribus, vocibus, actionibusque cum præsentibus tum futuris lego, instituo, & nomino generalem, atque universalem hæredem meum NN. ut illis utatur, de illis faciat, atque disponat post obitum meum quodcumque ipsi visum fuerit, atque placuerit tam in vita, quam in morte. Et hæc est extrema voluntas mea, quam valere volo in forma testamenti, Codicilli, Donationis, aliorumque dispositionum mortis causa eo me-

liori modo, quo secundum jura valere poterit, antiquans, revocans, & abrogans alia omnia Testamenta, Codicilla, Donationes, aliaque dispositiones causa mortis, quas antehac fecisse potui; atque explicite omnia legata pia, fundationes, & clausulas derogatorias, quas illic posset contineri, & quas modo, si meminissem, exprimerem; volens, atque iubens præsens hoc esse solum, extremum, validumque testamentum meum, quod propria manu scripti, *vel* quod manu amica, fidelique scribendum curavi. Quod postquam legi relegique de verbo ad verbum, cum illud voluntati meæ conforme deprehenderim, in extrema qualibet pagina, nec non in fine totius dicti Testamenti signavi. Factum in loco tali &c. tali die &c.

Supra formulam superius scriptam isthæc observanda veniunt. 1. Necessarium est, ut testamentum clausum valeat, quod Testator sciat legere & scribere, quod ipsum scribat, & consignet suo chirographo omnes ejus paginas; aut si fecerit scribi per manum sibi fidellem, ipse saltem consignet omnes paginas, & sua propria manu conclusionem testamenti scribat, in qua mentionem faciat, quod ipse fecerit scribi testamentum per manum sibi fidellem. 2. Huiusmodi testamentum, sic scriptum, & exacte observatum, debet super scribi per Notarium publicum, aut saltem defectu Notarii per Parochum, aut ejus Vicarium, si hæc super scriptio fiat in extremo vitæ periculo, & in ea superscriptione debent observari eadem solemnitates, quæ servantur in testamentis publicis conficiendis, & adhibendi testes septem sicut in illis. 3. In isto testamento, sicut & in publico, omnes filii & filiae Testatoris nominandi sunt, & iis deficientibus nominandi sunt omnes ascendentes & descendentes in linea recta. 4. Ille, cujus manu utitur Testator ad scribendum testamentum, non potest esse hæres, nec legatarius, sicuti nec ipius frater aut soror, nec pater aut mater. Quod si ille, qui scripsit testamentum, sit Religiosus, tunc nec ipsa Religio, nec ullus privatus ejusdem Religionis, potest esse hæres, aut legatarius in illo testamento.

T R A C T A T U S

DECIMUS SEXTUS.

De variis speciebus injuste acceptionis vel detentionis boni alieni.

SI attendamus modum accipiendi vel detinendi injuste rem proximi, duæ sunt genera-

nerales species injustæ acceptionis & detentionis, scilicet, furtum & rapina. Per furtum res proximi occulte accipitur vel detinetur. Per rapinam res proximi palam & renitente domino violenter eripitur.

Si attendamus rem alienam, quæ accipitur vel detinetur injuste, quatuor sunt species injustæ acceptionis, scilicet, peculatus, abigatus, plagiatus, & sacrilegium.

CAPUT I.

De Furto.

NOta. Furtum est occulta & injusta ablatio vel detentione rei alienæ invito rationabiliter domino. Variæ sunt species furti.

1. Furtum simplex est actus, quo quidpiam alicui privato clanculum subripitur.

2. Peculatus est actus, quo quis ex publicis pecuniis intervertit aliquid aut usurpat.

3. Abigatus est actus, quo, non res inanimæ, sed pecora e locis, in quibus pascunt, abiguntur & rapiuntur.

4. Plagium est actus, quo non res vel pecora, sed homo, sive servus, sive liber, abducitur.

5. Sacrilegium est actus, quo vel sacrum de sacro, vel non sacrum de sacro, vel sacrum de non sacro auferitur. Sacra res dicitur ea, quæ cultui divino mancipatur, ut Ecclesia, vel res Ecclesiæ.

ARTICULUS I.

Quod & quale peccatum sit furtum.

PROPOSITIO unica. Furtum est peccatum ex suo genere mortale.

Et ita peccat mortaliter quicumque privata autoritate aufert bonum alienum invito rationabiliter domino, si rem auferat deliberate, & res ablata sit notabilis.

PROB. 1. Scriptura. *Et dixit ad me: Hæc est maledictio, quæ egreditur super faciem omnis terræ; quia omnis fur, sicut ibi scriptum est, judicabitur, & omnis jurans similiter judicabitur.* Zachariæ 5. Paulus vero ait: *neque fures, neque adulteri regnum Dei possidebunt.* 1. ad Corinth. 6. Ergo cum furtum mereatur Dei maledictionem, & excludat a Regno Cælorum, est peccatum mortale.

2. Furtum in omni lege tamquam grave peccatum prohibetur, ut patet inductive; nam in lege naturalis sola instigante conscientia Jacob vult furtum morte puniri; ita enim Laban alloquitur: *Quod autem furti me arguis, apud quemcumque inveneris Deos tuos, necetur*

coram fratribus nostris. Gen. 31. Fratres Joseph eidem pœnæ se addiunt. *Apud quemcumque, inquit, fuerit inventum servorum tuorum quod quaeris, moriatur.* Genes. 44. In lege Mosaica dicitur: *Non furtum facies.* Jus civile fures pœnis corporalibus addicit. Jus Canonicum Epist. ad Amphilochem Canone 61. fures a communione per longum tempus excluderat: Ergo cum furtum tam gravibus pœnis subjiciatur, debet esse ex suo genere mortale peccatum.

3. Furtum est contrarium justitiæ, quæ suum unicuique tribuit: ergo cum justitia sit virtus ad salutem necessaria, furtum contrarium justitiæ debet esse peccatum mortale.

Hinc patet, enumeratas omnes species furti in materia gravi, & cum plena deliberatione, esse peccata mortalia.

Conseffaria hujus Doctrinæ.

De speciebus Furti.

Conseff. 1. Furtum simplex est peccatum mortale: de quo ita Abacuc cap. 2. *Væ qui multiplicat non sua, usquequo & aggravat contra se densum lutum: innuens quod sicut homo intixus luto emergere non potest, ita fur ex peccato suo vix potest emergere.*

Conseff. 2. Peculatus est peccatum mortale: de quo ita Joannes apud Lucam 3. *Nihil amplius, quam quod constitutum est vobis, faciatis.*

Conseff. 3. Abigatus, de quo titul. 47. digest. est etiam peccatum mortale.

Conseff. 4. Plagium est peccatum mortale: de quo Exod. 21. *Qui furatus fuerit hominem, & vendiderit eum, convictus noxæ, morte moriatur.*

Conseff. 5. Sacrilegium est etiam peccatum mortale, de quo ita Josue loquens de sacrilegio Achan: *Anathema in medio tui Israel, non poteris stare coram hostibus tuis, donec deleatur ex te qui hoc contaminatus est scelere.* Josue 7.

ARTICULUS II.

In quo percurruntur varii casus, in quibus furtum committitur.

§. I.

De furtis commissis ab extraneis omnino.

Conseff. Peccant peccato furti hi, quos hic subijcio.

1. Pauperes, qui aliquid subripiunt diviti-

tibus, quamvis divites ob rem subtraham grave non ferant incommodum. Catechismus Trid.

2. Pauperes, qui furantur vel in gravi, vel in levi necessitate; quia debent potius pati illam necessitatem quam furari: non peccant tamen, si in extrema necessitate sumant quod est ad vitam necessarium. Sic enim discipulos suos colligentes spicas, quibus nutrirentur, excusat Christus. Utrumque docuit Innocentius X. damnando sequentem propositionem: *Permissum est furari, non solum in extrema necessitate, sed etiam in gravi.*

3. Pauperes, qui extra necessitatem extremam ligna cædunt, vel cæsa auferunt, vel pecora in alieno fundo contra voluntatem domini nutriunt.

4. Qui exiguis furtis deveniunt ad quantitatem notabilem: v. g. sartores particulas panni a diversis subripiunt; testores particulas filii a diversis furantes; molitores a diversis exiguum quantitatem grani auferentes; mercatores utentes falsis ponderibus, mensuris, & ulnis; venditores, qui rem venalem tantisper labefaciunt: quia hi omnes nocumentum ingens asserunt Reipublicæ, & ingens emolumentum acquirunt, quod retinere nequeunt absque peccato mortali. Ita Innocentius XI. damnando istam propositionem: *Non tenetur quis sub pena peccati mortalis restituere quod ablatum est per pauca furta, quantumque sit & magna summa totalis.*

5. Demum qui furantur aliquid quantumvis exiguum cum ea intentione, ut ad summam aliquam ingentem perveniant; licet talem summam non acquirant; quia intentio illa prava facit, quod furtum, quod erat veniale, sit mortale.

§. II.

De furtis uxorum erga maritos, & maritorum erga uxores.

Consect. 1. Peccant uxores peccato furti, quando auferunt bona mariti; quia auferunt ea, circa quæ non habent dominium. Ita docet Aug. Epist. ad Ediciam: *Mulierem conjugatam non licet dicere, facio, quod volo de me, cum & ipsa non sit sua, sed capitis sui, hoc est viri.* Et non legitur Saram domesticis rebus tamquam dominam usam fuisse, sed e contra: solitam fuisse Abraham dominum suum nuncupare.

Et ita peccat uxor subripiens aliquid de sua dote, vel de pretio, quod acquirit vulgari sua industria: subripiens pariter aliquid

de re domestica, si subripiat, ut ludat, ut superbius, quam par est, vestiatur, ut reservert sibi post mortem mariti, ut vel parentibus vel pauperibus copiosius, quam par est, distribuat: & tenetur ea restituere & damnum illud reparare per bona dotis suæ post mortem mariti, vel per bona paraphernalia, si habeat: quod si non habeat bona paraphernalia, & marito non supervivat, tenetur petere a marito condonationem, si præsumat quod sit eam impetratura, vel defectum restitutionis per penitentiam compensare; cum enim uxor non sit domina prædictorum bonorum, verum furtum committit, cum ea usurpat.

Consect. 3. Peccant peccato furti mariti, qui bona, quæ sunt extra dotem, ab uxoribus auferunt, & ipsa dilapidant.

§. III.

De furtis filiorum familias erga patres, & patrum erga filios.

Consect. 4. Peccant peccato furti filii-familias, quando auferunt bona parentibus; quia auferunt ea, circa quæ non habent dominium. *Qui subtrahit aliquid a patre suo & a matre, & dicit hoc non esse peccatum, particeps homicidæ est.* Proverb. 8. quia scilicet gerens se quasi esset verus paternorum bonorum possessor, indicat satis manifeste se optare mortem patris. Reos veri furti censet Justinianus eos omnes filios, qui aliquid a patre invito subripiunt: ita enim habet lib. 2. instit. tit. 1. §. 13. *Hi, inquit, qui in parentum, vel dominorum potestate sunt, si rem eis subripiunt, furtum quidem faciunt, & res in furtivam causam cadit.* Et S. Antoninus parte 2. titulo 1. cap. 11. §. 1. *Si filius-familias abstulit aliquid de bonis parentum contra voluntatem eorum, furtum commisit; & si est quid notabile, mortale est.* ... & ad restitutionem tenetur coheredibus, nisi pater dederit, vel coheredes ipsos tantumdem subripuisse certo sciat. Et ita furti reus est filius-familias, qui subripit patri aurum, argentum, frumentum, &c. ut ludat, ut e-puleetur, &c. Parentes peccant peccato furti, si filii subripiant, aut labefaciunt quæ eis, a jure conceduntur.

§. IV.

De furtis dominorum erga servos, & servorum erga dominos.

Consect. 5. Peccant peccato furti domini, qui servis alimenta convenientia non præbent;

bent; dignus est enim operarius cibo suo: item si mercedem iustam, dummodo fideliter famulati fuerint, non solvant; id enim stricte prohibet Deus: *Non morabitur*, inquit, *apud te opus mercenarii usque mane*: item etiam si ante elapsum terminum temere & sine causa e domo expellant: quo calu tenentur ad integram solutionem.

Consect. 6. Peccant peccato furti servi rapientes bona dominorum, aut non ea custodientes; quia non habent jus circa bona dominorum; & quia ex officio tenentur ea bona custodire, exemplo Jacob, qui die ac nocte vigilabat, ut oves Laban custodiret. *Die nocteque*, inquit, *estu urebar, & gelu, fugiebatque somnus ab oculis meis, sicque per viginti annos in domo tua servivi tibi*. Gen. 31. v. 4. Et ita peccant famuli, qui subripiunt panem, vinum, carnes, &c. ut epulentur lautius, ut dent parentibus suis, ut dent operariis, qui eos adjuvant, dum illi interim a labore debito quiescunt; ut dent factoribus, tutoribus &c. quos talibus munusculis remunerant ob officia, quæ ab eis accipiunt.

Item peccant peccato furti famuli, & ancillæ, & opifices, qui facta conventionione cum dominis suis, persuadentes sibi laborem suum ultra id, de quo conventum est, esse aestimandum, aliquid accipiunt compensationis nomine; stare enim debent initæ conventioni: eis quippe reponi potest illud Evangelii: *Amice non facio tibi injuriam, nonne ex denario convenisti mecum? tolle quod tuum est, & vade*. Rem ita determinat Innocen. XI. damnando hanc propositionem: *Famuli & famulæ possunt occulte heris suis subripere ad compensandam operam suam, quam majorem judicant salario, quod recipiunt*. Ob eandem rationem filius nondum emancipatus, administrans bona parentis, non potest clam accipere idem salarium, quod pater dare cogere tur extraneo.

Peccant pariter peccato furti famuli, ancillæ, & opifices, qui locantes operas suas non laborant juxta conditum; quia sicuti justitiam violat qui opus mercenarii non remuneratur, juxta illud: *non remanebit apud te opus mercenarii usque mane*; ita justitiam violant mercenarii, qui juxta conditum opus injunctum vel susceptum non perficiunt: jubet enim Paulus ad Ephel. 6. v. 6. ut sint *non ad oculum servientes, quasi hominibus placentes, sed ut servi Christi facientes voluntatem Dei ex animo*.

Si famuli, si ancillæ, si opifices sine magna difficultate restituere non possunt, jubeantur compensare officii, & obsequiis extraordinariis, quantum possunt.

ARTICULUS III.

Quandonam ablatio rei alienæ furtum dici non debeat.

Prop. unica. Furti reus haberi non potest qui rem exteriorem accipit iis in casibus, in quibus jus naturale vel positivum illud permittunt.

Prob. 1. Ut supra dictum est, homo est dominus rerum suarum dependenter a Republica: ergo hoc ipso quod quis accipit secundum jura, iuste accipit: ergo non peccat: ergo furti reus haberi non potest. 2. Irrationalis est voluntas domini detinentis in his casibus, in quibus jus vel naturale vel positivum permittunt, ut auferatur: ergo reus non est, qui tunc bonum alterius auferit.

Conseclaria hujus Doctrinæ.

Consect. 1. Furti rei non sunt qui alienum accipiunt ex iusta causa. Sic qui hic subjiuntur, sunt a crimine furti immunes. 1. Qui expresso Dei jussu aliquid auferunt; quia Deus est Dominus omnium: v. g. a furto excusantur Judæi jussu Dei fumentes spolia Aegyptiorum; tum quia Deus eis ea adjudicaverat, quod utique poterat vel ratione supremi domini, quod habet supra omnia, vel ex iusto iudicio, quo voluit impios punire, auferendo eis bona, & ea Judæis adjudicando, juxta illud: *Iusti tulerunt spolia impiorum*. Sapient. 10. vel voluit laborem Judæorum compensare, juxta illud: *Reddidit iustis mercedem laborem suorum*. Sap. 10. v. 17. Si tamen Moyses sua sponte jussisset, aut Hebræi sua sponte fecissent, profecto peccassent, juxta Aug. 2. contra Faustum cap. 72.

2. Qui accipiunt aliquid autoritate Judicis. Ita D. Th. *Accipere rem alienam vel occulte, vel manifeste, auctoritate Judicis hoc decernentis, non est furtum; quia jam fit sibi debitum per hoc, quod sententialiter sibi est adjudicatum*. 2. 2. q. 66. a. 5. ad 1.

3. Qui accipiunt aliquid, non contradicente domino, vel quia dominus sponte consentit, vel quia accipiens jocose accipit; furtum enim est ablatio rei alienæ contradicente domino.

4. Qui accipit alienum etiam contradicente domino, si hoc fiat in bonum ipsius domini: v. g. qui auferit alicui pecunias, ne eas ludo dilapidet, abscondit librum hæreticum, ne eum legat, auferit pugionem, ne se corrodiam; tunc enim ablatio rei nocituræ non est furtum, sed officium.

5. Qui accipit aliquid invito irrationaliter domino; quia si dominus sine causa contradicat, non est furtum, sed debitum jussu acceptum.

Sic non peccat uxor, si de bonis familiæ aliquid retineat, ut modeste se vestiat, ut moderatas det elemosynas, ut rei domesticæ provideat, ut prodigo marito animum ludendi subripiat; ita enim fecisse prudens Abigail legitur, cum Davidi occurrit cum muneribus.

Sic non peccant filii-familias, qui retinent aliquid ex familia, ut sibi suppedient quæ sunt necessaria ad victum & vestitum.

Non peccant pariter famuli, si male nutriti accipiant quæ sunt absolute necessaria, ut nutrantur. Prædicta autem ita intelligenda sunt, ut hæc necessaria & petita fuerint, & injuste negata.

Consect. 2. Non peccant qui accipiunt aliquid ex iusta compensatione, id est, certis conditionibus infra referendis circumscripta, tunc enim non fit injuria debitori, cum teneatur ex iustitia dare quod ei aufertur; non fit injuria Judici, cum supponatur vel nolle, vel non posse rem vero domino adjudicare. Iustam illam compensationem ita exprimit Cajetanus. *In casu, quo quis non potest juris viam rem suam recuperare, aut propter paupertatem egentis, aut propter dignitatem detinentis, aut propter defectum iudicis, vel probationum, aut propter scandalum, & absque scandalo potest quis secreto rem suam recuperare, non creditur reus furti, quia tunc non proprie jus sibi ipsi dicit, sed jus naturale circa rem suam exequitur, ex quo per jus civile illam recuperare prohibetur: tenetur tamen efficere, ut qui detinebat, sciat se non teneri ad illius restitutionem, ne si ad penitentiam conversus fuerit, damnum incurrat ipse, aut ejus hæres, restituendo.*

Idem videtur docere cap. *bona fides*, de deposito, ubi vetatur compensationem fieri in deposito. *Licet*, inquit, *compensatio admittatur in aliis contractibus, si causa, ex qua possit, sit liquida.*

Ut autem compensatio illa sit licita, sequentes requiruntur conditiones. 1. Ut debita sint paria; ideo debita incerta non possunt compensari cum certis. 2. Ut compensatio non fiat cum deposito; quia, ut ait Gregorius IX. *contra depositum non admittitur compensatio.* 3. Ut fiant in re ex iustitia & non tantum ex gratitudine debita. 4. Ut in compensatione nihil supra debitum accipiat. 5. Ut ad recuperandam rem suam non possit alia via adhiberi. 6. Ut absit scandalum, & scandali periculum. Ita compensationem iustam explicat

Soto de iustitia & jure lib. 5. q. 3. a. 5. ad 1. & D. Antoninus 2. P. tit. 15. §. 2.

Sunt tamen qui contrarium tueantur. 1. Quia, ut ajunt, prætermittitur ordo juris, & peccatur contra iustitiam legalem 2. Quia licet Jacob potuisset retinere idola Laban ad compensationem iustam, tamen Laban exigenti idola respondit *Quid autem furti me arguis? Apud quem inveneris Deos tuos, necetur coram fratribus nostris.* Gen. 31. Ubi videtur insinuare, iustam etiam compensationem furti speciem habere.

Monit. Quid in illa sententiarum varietate Confessarius in praxi observabit?

Si interrogetur, antequam facta sit compensatio. 1. Nunquam suadebit compensationem occultam propter periculum scandali. 2. Si interrogetur, an sit licita compensatio, respondebit, licitam esse juxta plures Theologos, modo obveniant conditiones supra statutæ; juxta alios non esse licitam. 3. Si interrogetur postquam penitens propria auctoritate compensationem usus est, examinabit, an occurrerint supradictæ conditiones, & an bona fide id penitens fecerit; si id bona fide fecerit, in hac hypothesi penitentem peccati non arguet, nec obligabit ad restitutionem, sed cum monebit periculi, cui se exposuit. Si vero reperit requisitas conditiones non fuisse observatas, si penitens peccaverit contra iustitiam commutativam, v. g. si penitens usus esset compensatione circa rem non debitam titulo iustitiæ, cum peccati arguet, obligabitque ad restitutionem, cum non suum, sed alienum acceperit. Si vero penitens peccaverit solum contra iustitiam legalem, cum peccati arguet, sed ad restitutionem non obligabit, cum non alienum, sed suum acceperit.

ARTICULUS IV.

De rapina.

Rapina est aperta & injusta ablatio rei alienæ, invito rationaliter domino, & est peccatum mortale.

Prop. unica. Peccant mortaliter quicumque palam auferunt bonum alienum, invito rationaliter domino, & longe gravius, quam qui furatur: ideo est circumstantia mutari/speciem, aperienda in confessione.

Prob. 1. Ex Scriptura. Micheæ c. 2. *Væ qui cogitatis inutile Concuperiunt agros, & violenter tulerunt, & rapuerunt domos, & calumniabantur virum, & domum ejus, virum & hereditatem ejus. Idcirco hæc dicit Dominus: ecce*

cogito super familiam istam malum. Quæ omnia denotant rapinam esse peccatum mortale: ergo est peccatum mortale. 2. Exemplo Achab rapientis violenter vineam Naboth. 3. Reg. cap. 21. cui crimen istud rapinæ ita exprobravit Elias: *Hæc dicit Dominus: occidisti, in super & possidisti.* 3. Ratione. Per rapinam palam & violenter mihi bonum attribuo: quatenus mihi alienum attribuo, pecco contra iustitiam: quatenus utor violentia, addo circumstantiam transferentem furtum ad speciem rapinæ: ergo rapina est peccatum mortale: ergo rei sunt peccati mortalis, qui hic subiunguntur.

Consecraria hujus Doctrinæ.

Consecr. 1. Rapaces sunt qui injusta imponunt tributa, contra quos ita loquitur Micheas c. 3. *Audite Principes Jacob & duces domus Israel... Qui violenter tollitis pelles eorum desuper eis, & carnem eorum desuper ossibus eorum. Qui comederunt carnem populi mei & pellem eorum desuper excoriarunt, & ossa eorum confregerunt, & conciderunt sicut in lebere, & quasi carnem in medio ollæ.* Et ita rapaces sunt Principes, qui contra jus aliquid auferunt a subditis: ita D. Th. 2. 2. q. 66. a. 8. ad 3. *Si vero aliquid Principes indebite extorqueant per violentiam, rapina est, sicut & latrocinium;* ideo ait Aug. lib. 4. de civit. Dei c. 4. *Remota iustitia, quid sunt regna, nisi magna latrocinia? quia latrocinia quid sunt, nisi parva regna?* Et Ezechielis 22. *Principes ejus in medio illius, quasi lupi rapientes prædam.* Unde ad restitutionem tenentur, sicut & latrones; & tanto gravius peccant, quam latrones, quanto periculosius & communius contra publicam iustitiam agunt, cujus custodes sunt positi.

Consecr. 2. Rapaces sunt qui Regibus & thesauri ærarii custodibus injusta tributa, & injustas leges suadent: de quibus ita Salvianus lib. 5. de gubernatione Dei. *Decernunt potentes, quod solvant pauperes: decernit gratia divitum, quod pendat turba miserorum: ipsi in nullo sentiunt quod decernunt: de quibus ita Raymundus lib. 2. titulo de raptoribus. Si aliqui damnificati sunt occasione talis legis vel statuti, tenentur conditores & eorum hæredes ad restitutionem: tenentur etiam in solidum, qui induxerunt Principes ad condendum tales leges. Item omnes observatores peccaverunt mortaliter, & tenentur ad restitutionem eorum, quæ talium legum occasione lucrati sunt.*

Consecr. 3. Item rapaces sunt qui in comitiis vel præsidentes, vel suffragium feren-

tes, imponunt vexatilia ultra Regis peti- tum & Regni necessitatem, ut ditiores fiant: de quibus ita Salvianus ibid. *Exactionis publicæ nomen in questus proprii emolumentum vertunt, & indictiones tributarias prædas suas esse fecerunt.*

Consecr. 4. Rapaces pariter sunt qui in conventibus urbium imponunt onera ultra quam constitutum sit: e quibus idem dici potest, quod dictum est de aliis.

Consecr. 5. Rei rapinæ sunt Publicani, qui aliquid extorquent ultra id, quod constitutum est contra illud Joannis Bapt. prædicantis in deserto: *Nihil amplius, quam constitutum est vobis, faciatis.* Quod peccatum adeo grave est, ut in jure civili in pœnam triplum debeat restitui. *Lege locatio Digestorum 39. tit. 4. Per vim vero extortum cum pœna tripli restituitur.*

Consecr. 6. Rapaces sunt qui artem militarem exercentes, ultra præscriptum stipendium recipiunt, aut vi extorquent, contra illud Joannis Bapt. *Neminem concutiatis, neque calumniam faciatis, & contenti estote stipendiis vestris.* Et ita rapinæ rei sunt.

Præfecti exercitus, qui stipendia subalternorum ducum retinent. Item duces subalterni, qui stipendia militum, aut equitum a Rege statuta vel minuunt, vel ex toto usurpant: qui completas legiones vel cohortes non habent, & tamen pro absentibus militibus contra veritum Principis stipendia exigunt: quippe milites absentes per servos suppleant.

Duces, qui a civibus exigunt aliquid, ut milites contineant, ut non transeant per loca a Rege præscripta. Item milites, qui ab hospitibus exigunt aliquid, ut tranquille vivant.

Omnes demum, sive præfecti, sive duces, sive milites, qui ultra Regis jussum, vel permissum bona vel Regni, vel hostium, v. g. fruges, domos, vineas dilapidant, comburunt, secus si illud faciant jussu Regis, cujus est examinare, an bellum sit justum vel injustum.

Consecr. 7. Rapaces sunt qui sua abutentes dignitate, rem alienam auferunt, v. g. agros, vineas pauperum injustis titulis sibi appropriant: de quibus ita Scrip. Prover. 23. *Ne attingas parvulorum terminos, & agros pupillorum ne introcas: propinquus enim illorum sortis est, & ipse judicabit contra te causam illorum.*

Consecr. 8. Rapinæ rei sunt qui cogunt pauperes etiam invitos, ut res suas vendant: de quibus ita Concilium Arelatenense 5. Canone 22. *Ne comites, vel Vicarii, seu judices, vel cen-*

renarii sub mala occasione vel ingenio res pauperum emant, nec per vim tollant, aut quolibet argumento subripiant.

Consect. 9. Rapinae crimen committunt potentes, qui a mercatoribus pretiosas emunt merces: postea pretium solvere negligunt, & interim mercatores ad inopiam aut cessionem bonorum adigunt: de quibus ita Psalmista: *Mutabitur peccator, & non solvet.*

Consect. 10. Rapinae crimen incurrunt iniqui Iudices, qui pauperes, pupillos, & viduas oppressas a Magnatum tyrannide non eripiunt, cum possunt: de quibus ita Isaias 1. *Pupillo non iudicant, causa viduae non ingreditur ad illos.* Et Jeremias 5. *Numquid super his non visitabo? dicit Dominus.* Item iudices, qui iustum modum litigandi non admittunt, aut iniustum non rejiciunt. Quis sit iustus, quis iniustus litigandi modus, paucis expressit Bernardus, loquens de appellatione lib. 3. de consideratione cap. 2. *Iniqua autem omnis appellatio, ad quam iustitiae inopia non cogit. Appellare, non ut graves, sed si graveris, licet.*

Consect. 11. In crimen rapinae labuntur inique litigantes, quales sunt. 1. Divites, qui pauperes ad tribunal vocant, ut impediunt, ne res suas valeant obtinere: quam violentiam ita insectatur Ecclesiastes. 5. *Si videris culumias egenorum, & violenta iudicia, & subverti iustitiam in Provincia, non mireris super hoc negotio; quia excelsus excelsior est alius, & super hos quoque eminentiores sunt alii, & insuper universae terrae Rex imperat servienti.*

2. Pauperes, qui tempore famis, & sterilitatis mutuo accipiunt, & tempore messis & fecunditatis persolvere renunt, & creditores litibus instituendis & expensis facien- dis exponunt.

3. Litigantes sive pauperes, sive divites, qui falsas expensas computant, fictas, ut vocant, praesentationes mentiuntur, aut unam praesentationem pluribus litibus accommodant, & multiplicem ejusdem praesentationis solutionem exigunt. De quo multa plura alibi, ubi de litibus.

4. Procuratores & Notarii, qui easdem falsas expensas scribunt, & solvendas curant.

Consect. 12. Rapaces sunt adulterantes monetas; quia est quaedam necessitas utendi monetis. Falsitas in monetis potest contingere tripliciter.

1. In metallo, quando falsum metallum pro vero apponitur, v. g. auriscalcum pro auro, stannum pro argento.

2. In pondere, quando non ponitur in moneta pondus metalli sufficiens ad valorem, quem debet habere moneta.

3. In figura & charactere, quando character Regius fingitur. Vitium illud ita execratur Ecclesia, ut illius criminis conscios excommunicatione percutiat. Quicumque monetam falsam scienter fecerit, aut studiose expendit, tamquam maledictus; & pauperum virorum oppressor, & civitatis turbator a fidelium communione separetur. Conc. Later. I. sub Calixt. II. can. 15.

Imo si quis adulterinam monetam habeat, quamvis eam ignoreret receperit, non potest ea uti, nec aliis eam tradere, etsi deceptus non potest alios decipere. Ita Synodus Turonensis. can. 8. tit. 59. *Pecuniam si quis adulterinam aut minus probatam receperit, quamvis ignoranter, auctorque sibi sit incognitus, alteri tradere non praesumat, cum id fieri nequeat sine specie mali.*

ARTICULUS III.

De furto sacrilego.

NOta. Furtum sacrilegum est illud, quo aliquid sacrum injuste accipitur, vel retinetur, vel quo aliquid profanum in loco sacro injuste accipitur.

Prop. unica. Furtum sacrilegum est peccatum mortale longe gravius, quam furtum vel rapina.

Prob. var. Per furtum sacrilegum violatur iustitia, & insuper Religio offenditur: ergo furtum sacrilegum est peccatum mortale longe gravius, quam simplex furtum & rapina, cum duplicem virtutem laedat; minime vero furtum & rapina.

2. Ex Concilio Troslejano can. 14. contra sacrilegos: *Sit eis clausa porta caeli, aperta janua inferni, cum nullo Christiano partem habeant omnino vel societatem: sed & de reliquiis ciborum illorum nihil detur pauperibus, quin potius projiciatur canibus, donec per dignam & humilem poenitentiam, & congruam emendationem lervicent Ecclesiam, quam per sacrilegia & nefanda scelera exacerbaverunt: ergo cum tam ingentes nec furto nec rapinae destinentur poenae, furtum sacrilegum est peccatum mortale gravius furto & rapina.*

Conseclaria hujus Doctrinae.

Consect. 1. Qui vasa Deo sacra, v. g. calices, patenas, sindones subripiunt, sunt rei furci & sacrilegii. Quam grave sit illud pec-

catum, patet exemplo Acham, qui iussu Josue lapidatus fuit, eo quod ex anathemate Jerico aliquid subripuisset. Josue 2.

Consect. 2. Rei pariter sunt furti & sacrilegii, qui res ad Ecclesiam pertinentes, v.g. agros, vineas, domos, iurisdictiones, census, decimas, oblationes, legata pia sibi appropriant, aut quocumque modo lædunt aut minuunt: de quibus ita Troslejanum Concilium Can. 4. *Res & facultates Ecclesie sunt vota fidelium, pretia peccatorum, patrimonium pauperum: si quis illa rapuerit, damnationis Ananie & Saphire particeps erit; & oportet tradere huiusmodi Satanae in interitum carnis, ut spiritus salvus sit in die Domini.*

Consect. 3. Rei sunt furti & sacrilegii, qui paupertatem professi, aliquid ex bonis totius societati communibus subripiunt; quia agunt contra iustitiam subripiendo, & contra votum, vitium proprietatis committendo. Ita docet Aug. in regula ad servos Dei & in regula Monachorum.

Consect. 4. Rei sunt furti & sacrilegii juxta Magistrum, juxta Antoninum, & juxta Suarez, qui aliquid non sacrum in loco sacro furantur. Sunt rei furti, quatenus accipiunt alienum: sunt rei sacrilegii, quatenus violant immunitatem loci sacri, in quo res omnis sive sacra sive profana debet esse in tuto posita.

TRACTATUS DECIMUS SEPTIMUS

De Restitutione.

PROOEMIUM.

QUAE in hoc tractatu dicturi sumus, ad septem capita reduci possunt. 1. Agitur de his, quæ requiruntur, ut quis obligetur ad restitutionem, vel ut ab ea eximatur. 2. Explicabitur, quinam sint illi, qui licet damnum proximo inferant, tamen ab omni restitutione dispensantur; & hoc, vel quia sine culpa nocent proximo, vel quia si nocent culpabiliter proximo, non violant iustitiam commutativam. 3. Agitur de his, qui ob violatam iustitiam commutativam per culpam vel theologicam, vel civilem obligantur ad restitutionem. 4. Inquiretur quinam sint illi, qui obligati ad restitutionem, possunt tamen absque peccato vel restitutionem ommittere omnino, vel eam saltem ad aliquod tempus differre. 5. Explicabitur quæ sit materia restitutionis, seu quibus in rebus debeat

fieri. 6. Determinabitur quantitas restitutionis, 7. Denique concludetur, quomodo fieri debeat restitutio.

CAPUT I.

Quæ requirantur, ut quis teneatur ad restitutionem, vel ut ab ea dispensetur.

ARTICULUS I.

Quid, & quotuplex sit restitutio; & quotuplex sit proximi bonum, cui nocere possumus; & quotuplex sit culpa, qua nocemus proximo.

§. I.

Quid & quotuplex sit restitutio.

Restitutio generatim est redditio rei, quocumque modo res illa reddatur. Sic Medicus dicitur ægrotum restituere in pristinam sanitatem, quam amiserat. Sic amicus dicitur restituere suum amicum in dignitatem, ex qua deciderat. Restitutio stricte est actus iustitiæ commutativæ, quo res aliena vero domino redditur, vel damnum illatum reparatur.

§. II.

De bonis variis, quæ homo possidet.

Homo possidet bona corporis, bona animæ, bona fortunæ, bona spiritualia. Bona corporis sunt ea, quibus anima unitur corpori. Huiusmodi sunt ea omnia, quæ spectant ad vitam corporalem, v.g. corpus cum suis membris, anima cum suis facultatibus naturalibus.

Proximo nocemus quoad bona corporis, verberando, mutilando, occidendo, incarcerando, animam male afficiendo: puta, si quis daret alteri portionem, qua aut in infaniam, aut in aliam mentis alienationem incideret.

Bona animæ sunt ea, quibus honor debitus, & bona fama apud homines conservatur. Huiusmodi sunt omnia, quæ ab bonum nomen conducunt.

Proximo nocemus quoad bona animæ, si contumeliis inhonoremus proximum, si detractione, aut calumnia famam illius minuiamus.

Bona fortunæ sunt res omnes exteriores, quæ in commercio hominum habentur. Huiusmodi sunt res immobiles, ut fundus; res mobiles, ut suppellectilia, &c.

Pro-

Proximo nocemus quoad bona fortunæ, si res illius mobiles, vel immobiles aut accipiamus, aut detineamus, aut damno aliquo minuamus.

Bona spiritualia sunt omnia dona superna-
ralia, quæ ad salutem conducunt. Hujusmo-
di sunt gratia, virtutes, Sacramenta, &c.

Proximo nocemus quoad bona spiritualia, si eum talibus bonis aut spoliemus, aut ne ea allequatur impediamus.

6. III.

De variis modis, quibus nocemus proximo.

Proximo nocere possumus quoad bona corporis, fortunæ, animæ, & salutis, vel *inculpabiliter*, vel *culpabiliter*.

Nocemus *inculpabiliter*, cum absque culpa ex parte nostri damnum aliquod contingit proximo, v. g. si amens incendat domum, vel sylvam proximi. *Culpabiliter* vero, cum ex culpa aliqua nocemus bonis proximi, v. g. si quis ex malitia mutilat proximum, auferatve illius bona, &c.

Proximo nocemus *culpabiliter* duplici modo: vel *culpabiliter civiliter*, vel *culpabiliter theologice*.

Proximo nocemus *culpabiliter civiliter*, cum ei nocemus per culpam jure civili reprobata, etiam si aliquando sumus innoxii coram Deo: tales sunt actiones noxales, quæ ex delicto aut quasi ex delicto per jus tantum civile reprobato nascuntur.

Proximo nocemus *culpabiliter theologice*, cum ei nocemus per culpam jure divino vel Ecclesiastico reprobata: tales sunt omnes actiones proximo damnosæ, & divinæ legi contrariæ.

Proximo nocemus *culpabiliter theologice*, vel peccando contra *justitiam commutativam*, vel peccando contra *alias virtutes*.

Proximo nocemus peccando contra *justitiam commutativam*, quoties volentes, inquit D. Th. *inequale*, idest iniquum, inferimus contra *ius alterius nolentis*. 2. 2. q. 59. a. 1. uti fit, quando nocemus honori per contumeliam, famæ per detractionem, libertati per vim & metum, & fraudem, vitæ per occisionem, & mutilationem, bonis spiritualibus per scandalum, dando occasionem peccandi, bonis vero temporalibus per injustam aut acceptionem, aut detentionem, &c.

Proximo nocemus peccando contra *alias virtutes*, quoties violantes aliquam virtutem diversam a justitia commutativa, damnum aliquod inferimus proximo quoad bona vel

corporis, vel animæ, vel fortunæ, vel salutis: v. g. quoties ex odio, ex invidia non succurrimus proximo: quoties ex ingratitude accepta beneficia non compensamus, & malum e contra pro bono reddimus.

6. IV.

De multiplici culpa tam civili quam theologica, qua possumus nocere proximo.

Culpa generatim est defectus concomitans actionem humanam.

Culpa alia est Theologica, alia juridica, seu civilis.

Culpa *Theologica* est actus difformis legi, & peccatum, quo Deus offenditur.

Culpa *juridica* est omisso debita diligentia circa rem proximi: ex qua omissione sequitur damnum proximo, aliquando cum offensa Dei, aliquando sine offensa Dei.

Culpa juridica est triplex: *lata*, *levis*, & *levissima*.

Culpa *lata* est ea, quam regulariter omnes communiter vitant: qualis est culpa illius, qui extra domum librum sibi commodatum quasi pro derelicto expositum relinquit.

Culpa *levis* est ea, quam regulariter homines ejusdem professionis vitant: qualis est negligentia illius, qui librum sibi commodatum relinquit in suo cubiculo, ostio tamen aperto.

Culpa *levissima* est ea, quam homines diligentissimi vitare solent: talis est culpa illius, qui librum sibi commodatum relinquit in cubiculo, quod clavi observavit, non tamen exacte observavit, an fores essent clausæ, illud iterum atque iterum manu tentans.

ARTICULUS II.

De bonis, quorum injusta ablatio inducit obligationem restitutionis,

sive

Quibus in rebus locum habeat restitutio.

Prop. unica. Restitutio locum habet primo in bonis fortunæ: secundo in bonis corporis: tertio in bonis externis, quæ in honore & fama constituunt: quarto demum in bonis spiritualibus, quæ ad pietatem pertinent. Seu, ut sit locus restitutioni faciendæ, præcessisse debuit læsio vel corporis, vel fortunæ, vel honoris & famæ, vel pietatis & gratiæ contra proximum nostrum.

Prob. 1. Ex Scriptura. Quoties Scriptura loquitur de peccatis, quæ obligant ad restitutionem, toties agit de his peccatis, quibus

bus nocetur proximo vel quoad corpus, vel quoad fortunam, vel quoad honorem & famam, vel quoad pietatem, ut patet hac inductione. Ut enim munit vitam nostram corporalem ab omni nocumento, sic habet: *non occides*. Ut conservet corporalem integritatem, sic subiungit: *non mœchaberis*. Ut servet nobis famam intactam, hæc præcipit: *non loqueris contra proximum falsum testimonium*. Exod. 20. Ut vero bona spiritualia ad pietatem pertinentia tutetur, istud sapissime inculcat: *non pones fratri tuo offensiculum*. Ergo ex Scriptura, ut sit locus restitutioni faciendæ, præcessisse debuit læsio vel corporis, vel fortunæ, vel honoris & famæ, vel pietatis & gratiæ contra proximum nostrum.

2. *Rat.* Restitutio potest dumtaxat locum habere post læsionem eorum bonorum, quæ nostra dici possunt; restitutio enim est reditio boni nostri, quodque nobis injuste ablatum est: atqui bona corporis, ut vita, & integritas corporalis; bona fortunæ, ut res mobiles, & immobiles; bona externa, ut honor & famæ; bona spiritualia, ut pietas & gratia, nostra dici possunt, cum ad ea omnia jus aliquod habeamus: ergo ut sit locus restitutioni faciendæ, præcessisse debuit læsio vel corporis, vel fortunæ, vel honoris & famæ, vel pietatis & gratiæ contra proximum nostrum.

Consecraria. hujus Doctrinæ.

Conf. 1. De bonis corporis. Injustus homicida, mutilator, percussor, tenentur damnum illatum congrua ratione compensare; bonum enim corporis auferunt injuste: nam licet homo ipse non sit dominus vitæ suæ, aut membrorum suorum, seu dominium illud ad Deum pertineat, jus tamen habet, ut ei nemo injuste in his noceat. Quapropter si quis ei quoad vitam noceat, tenetur ad aliquam compensationem & pro damno corporali, quod intulit, & pro damnis realibus ex damno personali sequentibus. Ita D. Th. Quando, inquit, id quod est ablatum, non est restituibile per aliquod æquale, debet fieri recompensatio, qualis possibilis est: puta, cum aliquis alicui abstulit membrum, debet ei recompensare vel in pecunia, vel in honore aliquo, considerata conditione utriusque personæ, secundum arbitrium boni viri. 2. 2. q. 62. a. 2. ad 1.

Conf. 2. De bonis animæ. Qui positive inhonorat aliquem, eum contumeliis afficiendo, vel aliquem privative inhonorat, denegando reverentiam debitam, tenetur resti-

tuere honorem debitum vel ab eo petendo veniam, si contumelia præcesserit, vel exhibendo reverentiam debitam, quam omisit; quia abstulit bonum animæ, nimirum honorem.

Item injustus detractor, vel calumniator, tenentur restituere; auferunt enim injuste proximo bonum animæ, nimirum famam, quæ longe præstat divitiis. *Melius est enim*, inquit Scriptura, *nomen bonum, quam divitiæ multæ*. Prov. 22. v. 1. Ergo si divitiæ injuste ablatae sint restituendæ, multo magis honor & fama. Ut autem sit stricta obligatio restituendi famam, hæc quatuor juxta Sylviū requiruntur: quod quis famam vere abstulerit: quod abstulerit injuste: quod ea non sit recuperata: quod infamatus non cesserit juri suo, neque remisit obligationem restituendi. in 2. 2. q. 62. a. 2.

Conf. 3. De bonis fortunæ. Qui injuste accipit, vel injuste detinet bona fortunæ, tenetur ad restitutionem; injuste enim auferit proximo bona temporalia, quæ ad ipsum pertinent.

Conf. 4. De bonis spiritualibus. Qui vi, metu, fraude, dolo induxit alium ad peccandum, ad aliquam restitutionem obligatur; abstulit enim proximo bonum spirituale, scilicet gratiam; quia, ut optime ait D. Thom. licet bona spiritualia ablata non sint proprie objectum restitutionis; quia nullus spiritualiter moritur, nisi propria voluntate peccando; tamen, ut ait Sylvius, quando adhibita sunt fraudes, vis, aut metus, quæ sunt contra justitiam, tunc faciendæ est aliqua restitutio: damnum enim illatum proximo cum violatione justitiæ inducit obligationem restituendi. Restitutio autem fiet, si quibus potuerimus modis proximum a peccando retrahamus, eique bona spiritualia, quibus culpa nostra caruit, procuremus.

CAPUT II.

De iis, qui absolute excusantur ab omni restitutione coram Deo, licet inferant damnum proximo.

ARTICULUS I.

An absolute excusentur a restitutione hi, qui nocent proximo absque omni culpa etiam veniali.

Prop. unica. Illi omnes, qui nocent proximo absque culpa Theologica, seu peccato proprie dicto, excusantur ab omni restitutione coram Deo: a fortiori illi, qui nocent proximo iuste, exequendo munus suum.

Prob. 1. Script. Num. 35. v. 22. ubi Deus loquendo de homicidio casuali & innoxie commisso, homicidam ad nullam restitutionem obligat; sic enim habet: *Quod si fortuito, & absque odio & inimicitia quidquam horum fecerit, id est, perculserit, vel occiderit proximum, liberabitur innocens de ultoris manu*. Ergo si requiritur culpa, ut obligetur quis ad restitutionem pro homicidio, requiritur etiam, ut quis obligetur ad restitutionem pro alio damno illato.

2. Ex Greg. IX. Si culpa tua, inquit, datum est damnum, vel injuria irrogata, seu aliis irrogantibus sorte opem tulisti, aut hac imperitia tua, sive negligentia evenerunt; jure super his satisfacere te oportet; nec ignorantia te excusat, si sciris debuisti ex facto tuo verisimiliter injuriam posse contingere, vel jacturam. Secus est tamen in illo dicendum, qui ut non accideret, de contingentibus nihil omisit. **Cap. Si culpa.** De injuriis. Ergo ubi nulla est culpa, ibi non est obligatio restitutionis, licet per accidens proximus damnum patiatur.

3. Ex D. Th. qui loquens de eo, qui habet rem alienam apud se depositam, ait: *Si ei subtrahatur res absque sua culpa, non tenetur ad restitutionem*. 2. 2. q. 62. a. 6. in corp.

4. Rat. Obligatio restitutionis oritur vel ex re ipsa, quam quis habet aut in specie, aut in ejus lucro ex ea proveniente immediate. quo lucro factus est ditior; vel ex injuriosa actione, ut docet D. Th. 2. 2. q. 62. art. 5. Ergo, qui damnum dedit absque omni culpa, nullatenus restituere tenetur; non quidem ratione rei, cum rem non habeat, nec lucrum a re immediate perceptum; non ratione actionis injuriosae, quia, ut supponimus, nullam actionem injuriosam commisit: ergo nulla ex causa tenetur ad restitutionem qui absque omni culpa nocuit proximo. Restitutio, juxta multos, est quasi poena peccati: ergo ubi nullum est peccatum, ibi non debet esse restitutionis obligatio; quia ubi non est culpa, ibi non debet esse poena.

Ex quo sequitur, quod excusantur a restitutione omnes, qui hic subiiciuntur.

Confessaria hujus Doctrinae.

Confess. 1. In quo explicatur, quod eximatur a restitutione ille, qui innoxie nocet proximo quoad bona corporis. Qui occidit, percutit, mutilat omnino involuntarie, v. g. qui occidit ductus amentia, abstractus phrenesi, sopitus somno: qui occidit hominem, putans inculpabiliter se occidere feram, eximitur

ab omni restitutione; in his enim singulis casibus nullatenus peccavit.

Item qui occidit, mutilat, percutit voluntarie quidem, sed iuste, v. g. qui occidit in bello iusto, qui occidit defendendo se cum moderamine inculpatae tutelae. Judex qui ex zelo iustitiae addicit reum morti, immunitur ab obligatione restituendi; quia in his casibus non solum innocenter proximo nocuit, sed etiam iustum operatus est.

Confess. 2. In quo explicatur quomodo ab obligatione restitutionis eximatur qui innocenter nocuit proximo quoad bona animarum. Ad restitutionem famae non tenentur qui iuste famam proximo auferunt: v. g. qui iudice malefactorum accusant, vel puniunt; qui juxta praeceptum correctionis fraternae unum vel duos testes adhibent ad corripiendum fratrem; qui amico consulescent, ei detegunt infidelitatem servi, ne admittat eum in obsequium, vel ne ei nimium fidat; qui aperiunt improbos mores alterius, ne honesta filia ipsam accipiat in matrimonium: ibi enim nullum est peccatum. Ita Sylvius in D. Th. 2. 2. q. 62.

Item qui insignia quaedam crimina & penas illis inflictae propter utilitatem publicam narrat passim, imo scripto ad posterorum notitiam transferunt. Ita idem Sylvius.

Confess. 3. In quo explicatur, quomodo nulla sit obligatio restituendi in eo, qui sine omni culpa nocet proximo quoad bona fortunae. Ad restitutionem damni temporalis non tenentur qui sine culpa accipiunt, aut detinent bonum proximi, aut impediunt lucrum ei obventurum, aut ei damnum inferunt, v. g. amens, phreneticus, dormiens; qui rem proximi accipit, eamque comburit; imo sanus mente, qui comburit sylvam proximi, putans inculpabiliter suam comburere; possessor bonae fidei, qui rem alienam & ejus fructum bona fide consumit, nihilque retinet, in quo sit factus ditior; qui ex zelo Dei impedit, ne beneficium indigno conferatur, vel curat, ut digniori conferatur, excluso indigno; vel minus digno. Item qui faciunt aliquid licitum, ad quod casu sequitur damnum proximo; verb. gr. qui fodit foveam in loco remotissimo, in quam casu vel proximus, vel animal proximi praecipitabitur; qui in extrema necessitate vel palam vel furtim accipit, quod est necessarium ad sustentandam vitam. Quin in illis omnibus casibus nullum est peccatum; nulla proinde obligatio restitutionis: Unde Jacob merito conqueritur contra Laban, quod

quod etsi nullam in custodiendis gregibus tur justitiæ commutativæ. Ergo sola a-
culpam committeret, tamen ab eo totius stio contraria justitiæ commutativæ obli-
damni reparatio exigeretur. *Ego*, inquit, *gat ad restitutionem, & ex peccato in a-*
damnum omne reddebam: quidquid furto *lias virtutes commissio non oritur obliga-*
peribat, a me exigebas. Genes. 31. verl. 39. *tio ad restitutionem.*

Consect. 4. In quo ostenditur, quod a res-
titione eximatur is, qui innoxie nocet
proximo quoad bona spiritalia. Qui ex
rationabili causa quempiam retrahit ab in-
gressu, vel professione Religionis, ad ni-
hil tenetur; quia nullatenus peccat. Cau-
sæ autem rationabiles retrahendi a Reli-
gione sunt istæ: v. g. 1. Si conjugatus post
consummationem matrimonii vellet Reli-
gionem ingredi non consentiente conjuge.
2. Si qui retrahitur a Religione, non cre-
datur idoneus ad statum Religiosum. 3. Si
in loco, quem vult ingredi, non servetur
regularis disciplina. 4. Si per ejus ingres-
sum is, qui retrahit, privetur magno spi-
rituali commodo. 5. Si propter extremam
Reipublicæ vel parentum necessitatem ali-
qui professio persuadeatur, ut tantisper ex-
eat e monasterio. Ita Sylvius in D. Th.

ARTICULUS II.

*An absolute eximantur ab omni restitutione
bi, qui nocent proximo, peccantes quidem
mortaliter, sed violando virtutem diver-
sam a justitia commutativa.*

Prop. unie. Illi omnes, qui damnum af-
ferunt proximo, peccantes mortaliter
contra virtutem diversam a justitia com-
mutativa, sunt quidem rei coram Deo,
sed non tenentur ad restitutionem damni,
quod proximis passus est.

Prob. 1. Ex D. Th. qui loquens de resti-
tutione, sic habet. *Restitutio est actus com-
mutativæ justitiæ, quando scilicet res unius
ab alio habetur, vel per voluntatem ejus,
sicut in mutuo, vel deposito; vel contra vo-
luntatem ejus, sicut in rapina, & furto.* 2.
2. q. 62. a. 1. in C. Ergo ubi non est vio-
latio justitiæ commutativæ, ibi non est
obligatio restitutionis.

2. *Rat.* Tres sunt tantum causæ resti-
tutionis: injusta acceptio, injusta detentio,
& injusta rei læsio; per injustam enim ac-
ceptionem usurpamus alienum; per injus-
tam detentionem alienum invito domino
detinemus: per injustam vero læsionem rem
alterius deteriores facimus: nec alia ex-
cogitari potest ratio, quæ inducat obliga-
tionem restituendi. Atqui injusta læsio,
injusta acceptio, injusta detentio opponi-

Ex quo sequitur, quod hi, qui hic subji-
ciuntur, non teneantur ad restitutionem, li-
cet noceant proximo per peccatum mortale.

Consecraria hujus Doctrinæ.

Consect. 1. In quo ostenditur, quod sola
caritas violata non inducit obligationem
restitutionis, eo quod sola justitia com-
mutativa violata talem obligationem inducat.

Sic eximuntur a restitutione qui indigen-
ti pauperi negant eleemosynam: v. gr. di-
vites, qui negat alimoniam esurienti, Me-
dicus non conductus, qui negat ægroto ne-
cessarium remedium, Causidicus non con-
ductus, qui negat litiganti consilium neces-
sarium; etsi enim ex tam dura & immiti
denegatione sequatur vel mors, vel damnum
corporale proximi, hujusmodi tamen homi-
nes non tenentur ad restitutionem; quia
non peccant contra justitiam commutati-
væ, sed solum contra caritatem: quippe
hi sunt quasi homicidæ, juxta illud Am-
bros. *Si non pavissi, occidisti.*

Sic eximuntur ab obligatione restituendi
famam qui publice diffamatum in uno lo-
co diffamat in alio, ad quem ejus infamia
brevis & certo esset perventura; quia pec-
cat solum contra caritatem. Item qui ex
timore mundano detractorem non audeat
corripere; quia peccat solum contra cari-
tatem, nisi detractor sit ei subditus.

Sic etiā a restitutione eximuntur ille, qui
sine vi, fraude, dolo, aliisve modis illicitis,
absque violatione justitiæ impedit a-
lium a consecutione boni, non ex justitia,
sed ex decencia quadam largiendi, etiam si
illud impedimentum ex odio posuerit; quia
peccat solum contra caritatem.

Sic quoque eximuntur a restitutione qui
solis precibus impedit, ne pauper eleemosy-
nam consequatur, ne Clericus beneficium ob-
tineat, ne alicui legatum vel hereditas done-
tur. Ita Sylvius. Denique qui potest & debet,
non ex officio, sed ex sola caritate impedire
damnum proximi, & non impedit vel ex ne-
gligentia, vel ex odio, vel ex alio pravo moti-
vo, non obligatur ad restitutionem; quia non
peccat, ut supponitur, contra justitiam, sed so-
lum contra caritatem: v. g. qui non impedit
incendium domus proximi: qui tacet, vel non
obstat, cum fures domum proximi diripiunt.

Sic similiter eximitur a restitutione qui exigit & accipit pretium, ut faciat aliquid, ad quod tenetur ex caritate solum, vel ut omittat aliquid, quod non opponitur iustitiæ; quia in utroque casu non peccat contra iustitiam. Ita Sylvius. V. g. qui sine causa iusta nudis suasionibus; abique ulla vi, fraude, dolo, vel metu impedit aliquem ab ingressu Religionis, vel novitium a professione, nec personæ nec Religioni tenetur restituere; quia peccat solum contra caritatem. Primo non tenetur restituere erga personam; quia volenti non fit iniuria. Item nulla restitutione tenetur erga Religionem; quia Religio non habet strictum jus ad personas nondum professas. Ita Sylvius.

Confess. 2. Sola iustitia legalis, sola castitas violata, non inducunt obligationem restitutionis; quia sola iustitia commutativa violata talem inducit obligationem.

Sic qui peccant contra iustitiam legalem, etiam si lucrum consequantur, non tenentur ad restitutionem: v. g. qui rem suam ab alio iniuste detentam accipit, cum potest per viam juris eam sibi vindicare: peccat quidem, quia ius sibi ipse facit; sed non tenetur restituere, quia suum accipit.

Sic qui in re sibi debita utitur compensatione alioquin illicita, non servatis conditionibus legitimæ compensationis; peccat quidem, quia contra iustitiam legalem ius tibi dicit, & quod suum est, illicite accipit; sed facta contra solam iustitiam legalem æquali compensatione, non tenetur restituere: tunc enim non alienum, sed suum retinet.

Sic etiam qui peccat contra solam castitatem: v. g. qui corrumpit virginem ultro se offerentem, aut leviter rogatam sponte consentientem, non tenetur ad restitutionem erga virginem; quia erga illam nullatenus violat iustitiam commutativam; juxta enim regulas juris Canonici, *damnum, quod quis sua culpa sentit, sibi debet, non aliis imputare.* Reg. 86.

Confess. 3. In quo ostenditur, quod qui turpiter quidem, sed non iniuste acquirunt aliquid, non tenentur ad restitutionem, modo per leges non obstat, quominus vere acquirant; quia, ut supponitur, non violant iustitiam commutativam.

Sic qui aliquid ex lenocinio, meretricio, &c. citra omnem fraudem, & iniustitiam acquirunt, non tenentur ad restitutionem lucrum turpiter acquisiti; quia non violat iustitiam commutativam: ita D. Th. *Quando actus, inquit, quo quis lucratus est, lege prohibitus est,*

non autem ipsum lucrum, sicut est in meretricio vel similibus; tunc de tali lucro potest fieri elemosyna; quia qui acquirit non tenetur ad restitutionem. in 4. dist. 15. q. 2. a. 2. Et 2. 2. q. 32. a. 7. in C. sic habet idem Doctor: *Quod enim mulier meretricium exerceat, turpiter agit, & contra legem Dei; sed in eo quod accipit, non iniuste agit, nec contra legem.*

Circa illud D. Th. principium duo sunt maxime attendenda. Primum est, quod turpe lucrum ex luxuria acquisitum restringendum est ad solum meretricium legibus toleratum; minime vero extendendum ad adulterium, aliasque nefandas libidines legibus non toleratas, quibusve leges nullam relinquunt mercedem, sed e contra poenam imponent; quippe meretricium toleratur, ut peiora mala removeantur; ob alias vero libidines, cum nedum tolerentur, sed puniantur, pretium retineri non potest. Id videtur docere Aug. his verbis, lib. 2. de Ord. cap. 4. *Aufer meretrices de rebus humanis, turbaveris omnia libidinibus.*

Secundum est, quod ubi leges meretricium interdiciunt, & meretricibus pretium impendi prohibent, tunc meretrices turpe illud lucrum retinere non possunt; leges enim, quæ inhabiles reddunt ad acquirendum, observandæ sunt in conscientia.

Confess. 4. In quo ostenditur, quod violatio solius iustitiæ distributiæ non obligat ad restitutionem, nisi interveniat simul violatio iustitiæ commutativæ; quia, ut supponitur, sola violatio iustitiæ commutativæ obligat ad restitutionem.

Sic, inquit Sylvius, in provisionibus beneficiorum & dignitatum Ecclesiasticarum, si quis prætermisso notabiliter digniore, conferat pastoratum minus digno, tenetur ad restitutionem damnorum, quæ inde obveniunt Ecclesiæ; quia collator inique distribuens beneficia Ecclesiastica peccat erga Ecclesiam contra iustitiam commutativam; tenetur enim ex officio providere Ecclesiæ ministros digniores. Probabile vero est, inquit idem Sylvius, quod non teneatur restituere digniori beneficium collatum minus digno; quia Clericus dignior, nondum habet strictum jus ad illum pastoratum, contra quem proinde peccatur violatione solius iustitiæ distributiæ, est violatur iustitia commutativa respectu Ecclesiæ. Ita Sylvius in Annotationibus in Bisfeld. ubi de restitutione.

Sic in distributione officiorum pure civilium, si quis prætermisso notabiliter digniore, conferat magistratum civilem minus digno, tenetur Republicæ restituere damna, quæ ex illa iniusta distributione sequuntur.

sequuntur; quia peccat erga Republicam contra iustitiam commutativam: tenetur enim ex officio dignioribus conferre magistraturam civilem. Probabile vero est, quod ad nullam restitutionem teneatur erga eum, quem ad magistraturam non evertit; quia is nondum habet strictum jus ad illam dignitatem.

ARTICULUS III.

An obligentur, vel eximantur a restitutione hi, qui violentes iustitiam commutativam, nocent proximo per actum, qui est tantum peccatum veniale.

Prop. 1. Qui violando iustitiam commutativam nocent proximo per peccatum dumtaxat veniale, obligantur ad restitutionem.

Prob. 1. Ex jure Can. cap. *Culpa*, de injuriis, ubi abique distinctione peccati mortalis vel venialis decernitur, quod si quis culpa sua damnum alteri active intulerit, teneatur ad illud refarciendum: ita enim habet Decretalis. *Si tua culpa*, inquit, *datum est damnum, aut hec imperitia tua, sive negligentia evertunt, jure super bis satisfacere te OPORTET*. Cum ergo ubi lex non distinguit, etiam nec nos distinguere debeamus, sequitur, quod obligatio restituendi nascatur ex culpa etiam veniali.

2. Ex jure civili, ubi per legem Aquilam ff. lib. 9. tit. 2. decernitur, quod qui contra jus proximo nocuit per culpam etiam levissimam, immo licet nocere noluerit, tamen teneatur ad refarciendum damnum illatum proximo: ergo obligatio restituendi oritur ex culpa etiam veniali & levissima.

3. Rat. Juxta Augustinum non remittitur peccatum, nisi restituatur ablatum: ergo obligatio restituendi oritur ex peccato etiam veniali; cum neutrum peccatum tam veniale quam mortale remitti possit, nisi restituatur ablatum; nulla enim post furtum est vera poenitentia sine restitutione, aut restitutionis affectu.

Conseſſaria hujus Doctrinae.

Conseſſ. 1. Qui leviter nocuerunt proximo vel quoad bona corporis, vel quoad bona fortunæ, vel quoad famam, vel quoad bona spiritualia, etsi nocuerint per peccatum, quod sit veniale ob parvitatem materiæ, tenentur tamen ad integram restitutionem damni illati, si velint consequi remissionem peccati illius venialis, per quod nocuerunt proximo;

Tomus I.

quia non remittitur peccatum etiam veniale, nisi restituatur ablatum.

Sic quantumvis exiguum sit damnum illatum proximo, reparandum est, ut obtineatur remissio peccati venialis.

Conf. 2. Qui notabiliter nocuerunt proximo vel quoad bona corporis, vel quoad bona fortunæ, vel quoad famam, vel quoad bona spiritualia, etsi nocuerint per peccatum, quod sit veniale ob defectum plenæ deliberationis, tenentur tamen ad restitutionem; quia non remittitur peccatum etiam veniale, nisi restituatur ablatum.

Sic infans, qui ante usum rationis sine plena deliberatione ingens damnum intulit proximo, v. g. rem pretiosam vel infregit, vel in flumen projecit, &c. grandior factus, revocans in memoriam damnum a se illatum aliis, tenetur ad restitutionem.

Prop. 2. Quidamdam intulit proximo per peccatum dumtaxat veniale, obligatur ad restitutionem sub mortali, si damnum refarciendum sit notabile; sub veniali vero, si damnum refarciendum sit leve.

Prob. rat. Injusta rei alienæ detentio est peccatum mortale, si materia sit gravis; veniale vero, si materia sit levis, ut patet ex dictis, ubi de distinctione peccati mortalis & venialis: Atqui omisso restitutionis in eo, qui contra jus nocuit proximo, est injusta detentio rei alienæ: Ergo est peccatum mortale, quando materia est gravis; veniale vero, quando materia est levis. Ergo qui damnum intulit proximo per peccatum dumtaxat veniale, ad restitutionem tenetur sub mortali, si damnum refarciendum sit notabile; sub veniali vero, si damnum refarciendum sit leve: non quidem ratione damnificationis, quæ, ut supponitur, est peccatum veniale tantum, & ex quo proinde, spectato quatenus veniali, non potest obligatio oriri sub mortali; sed ratione injustæ detentionis, quæ est mortalis in materia gravi, venialis vero in materia levi: detentionis, inquam, quæ non semper requirit, ut res ablata, vel labefacta detineatur a rapiente, vel labefactante, ut patet exemplo illius, qui gemmam alterius projecit in flumen; sed ad quam sufficit, ut verus dominus re vel rei pretio per aliquam culpam sit spoliatus.

Conseſſaria hujus Doctrinae.

Conseſſ. 1. Obligatio restitutionis poterit urgere sub mortali eum etiam, qui nocendo proximo non peccavit nisi venialiter,

li 3

sci-

scilicet quoties damnum illatum proximo per peccatum veniale est ingens & inigne; quia obligatio restitutionis petitur ex quantitate rei restituendæ: ergo si res restituenda sit magni valoris, obligabit ad restitutionem sub mortali.

Sic qui hic subjiuntur, licet peccaverint solum venialiter nocendo proximo, peccant mortaliter non restituendo: v. g. Medicus, qui ex negligentia veniali fuit causa, quod ægrotus obierit, cuius curam gerebat, non ex caritate solum, sed ex iustitia: Advocatus, qui ex negligentia veniali occasio fuit litis imprudenter incipit, & ingentium expensarum: & alii huiusmodi, qui per culpam venialem iniuste nocent proximo.

Consect. 2. Obligatio restitutionis poterit tantum urgere sub veniali eum, qui nocendo proximo peccavit mortaliter, scilicet, quoties damnum illatum proximo per peccatum ex affectu peccantis mortale est exiguum & leve; obligatio enim restitutionis petitur ex quantitate rei restituendæ: ergo si res restituenda sit exigui valoris, obligabit ad restitutionem solum sub veniali.

Sic qui hic subjiuntur, licet peccaverint mortaliter nocendo proximo, peccant tamen solum venialiter, non restituendo: v. g. qui ex pravo & mortali odio leviter nocuit proximo vel in corpore, vel in fortuna, vel in honore, tenetur ad restitutionem solum sub veniali.

CAPUT III.

De his, qui ob culpam vel theologicam, vel civilem obligantur ad restitutionem.

ARTICULUS I.

Quæ sit culpa theologica, quæ obligat ad restitutionem, siue cuius speciei debeat esse peccatum obligans ad restitutionem damni illati.

Prop. unica. Quicumque peccat contra iustitiam commutativam obligatur ad restitutionem, si damnum proximo quoquo modo inferat; siue per actionem, efficiendo aliquid noxium; siue per omissionem, negligendo aliquid ex iustitia debitum proximo; siue, quod idem est, peccatum quodlibet oppositum iustitiæ commutativæ obligat ad restitutionem.

Prob. 1. Script. Præcepta obligantia ad restitutionem sunt isthæc: non occides: non machaberis: non furtum facies: non loqueris contra

proximum falsum testimonium, &c. atque peccata, quibus hæc præcepta violantur, opponuntur iustitiæ commutativæ: ergo peccatum quodlibet oppositum iustitiæ commutativæ obligat ad restitutionem.

2. Ex Conc. Lambethensi an. 1330. c. 2. ubi sic habetur: *In furto, in rapina, fraude, simonia, & maxime detentione decimarum, seu abstractione alicujus juris Ecclesiastici, diligenter sibi caveant Sacerdotes, ne aliquibus injungant penitentias, nisi cum satisfactione & restitutione facienda injuriam passis; cum non remittatur peccatum, nisi restituatur ablatum:* atqui prædicta peccata sunt contra iustitiam commutativam: ergo peccatum quodlibet oppositum iustitiæ commutativæ obligat ad restitutionem.

3. Ex D. Th. 2. 2. q. 62. a. 1. arg. Sed contra, ubi sic habetur: *Restitutio ablationi opponitur: sed ablatio rei alienæ est actus injustitiæ circa commutationes: ergo restitutio ejus est actus iustitiæ: quæ est in commutationibus:* & proinde peccatum obligans ad restitutionem est peccatum oppositum iustitiæ commutativæ.

4. Rat. Qui peccat contra iustitiam commutativam, alienum vel accipit, vel detinet, sumendo voces illas *accipere & detinere* tam pro actione, quam pro omissione, quibus nocetur proximo: atqui illud peccatum est contra commutativam iustitiam, quæ reducit res ad justam æqualitatem: ergo omne peccatum contra iustitiam commutativam obligat ad restitutionem. Ex quo sequitur, quod hi, qui hic subjiuntur, tenentur ad restitutionem.

Consectaria hujus Doctrinæ.

§. I.

De his, qui damnum inferunt per actionem injustam.

Consect. 1. Qui injuste nocent proximo quoad corpus, tenentur ad restitutionem; peccant enim contra iustitiam commutativam, quæ vetat, ne proximo noceamus in bonis corporis.

Sic qui privata autoritate voluntarie occidit, mutilat, percutit, incarcerat, &c. obligatur ad restitutionem illius damni corporalis, quod proximo inferitur, & damni realis, seu impensarum, quæ ex injusta illa læsione sequuntur.

Ita enim habet Scriptura, erudiens Judices circa restitutionem pro damno corporali facien-

eiendam. Et quidem homicidam voluntarium morti addicit: *qui percusserit, & occiderit hominem, inquit, morte moriatur.* Lev. 24. v. 17. & rursus: *non accipietis pretium ab eo, qui reus est sanguinis, statim & ipse morietur.* Num. 35. v. 31. percussorem vero ea læsione puniendum præcipit, quia ipse læsit: *qui irrogaverit, inquit, maculam cuiuslibet civium suorum; sicut fecit, sic fiet ei: fracturam pro fractura, oculum pro oculo, dentem pro dente restituet: qualem infixit in maculam, talem sustinere cogetur, damnatus scilicet a iudice.* Lev. 24. v. 19. Impensas autem ab innoxio homicida & percussore exigit: *opera eius, id est percussus, vel occisus, & impensas in medicos restituet.* Exod. 21. v. 19.

Sic qui deffloravit virginem reluctantem, vel tantum sub spe dotis promittit, aut matrimonii pariter promissi contententem, tenetur ad restitutionem; peccavit enim contra iustitiam commutativam, quæ vetat, ne vim virginitatis faciamus; quæque jubet, ut sponte promissa pendamus: de quo ita habet Scriptura, Exod. 22. v. 16. *Si seduxerit quis virginem desponsatam; dormietque cum ea, dotabit, & habebit eam uxorem.*

Sic adulter & adultera tenentur ad restitutionem; cum certo scitur ex adulterio secutam esse prolem; uterque enim peccavit contra iustitiam commutativam, quæ vetat legitimis hæredibus substitui, aut permisceri extraneos, & illegitimos. Sic autem habet Scriptura instruens iudices in foro contentioso judicantes: *Si dormierit, inquit, vir cum uxore alterius, uterque morietur, id est, adulter & adultera, & auferes malum de Israel.* Deut. 22. v. 21. Instruens vero Confessarios in foro interiori iudicantes inculcat, quam grave sit adulterium ob solam, quam inducit, hæredis legitimi confusionem. *Sic & mulier omnis, inquit, relinquens virum suum, & statuens hæreditatem ex alieno matrimonio. Ex alio viro filios statuit sibi.* Eccles. 23. v. 32. quo nihil scelestius, quodque oportet per restitutionem reparari.

Conf. 2. Quicumque nocet proximo quoad ejus famam, tenetur ad restitutionem; peccat enim contra iustitiam commutativam, quæ vetat, ne iniuste lædatur fama proximi: ideo jubet & futurum prædicat Scriptura, ut quicumque famam proximi læset, eam etiam cum sua ipsius confusione reparare teneatur. Id innuit Psal. 108. v. 29. *Induamur, qui detraxerunt mihi, pudore; & oporiantur sicut diploide confusione sua.*

Sic calumniator, & iniquus detractor, qui iniuste denigrant famam proximi, quocum-

que modo id faciant, tenentur ad restitutionem; quia peccant contra iustitiam commutativam, quæ vetat, ne iniuste auferamus proximo bonam famam quibuscumque divitiis longe præstantiorem; juxta illud Prov. 21. v. 1. *Melius est bonum nomen, quam divitiæ multe.*

Sic ad restitutionem famæ ablata tenentur, qui his verbis exprimuntur.

Imponens, augens, manifestans, in mala vertens;

Qui negat, aut minuit, reticet, laudare remitte.

Conf. 3. Qui iniuste nocent proximo quoad bona spiritualia tenentur ad restitutionem, si ita noceant, ut peccent contra iustitiam commutativam; iustitia enim vetat, ne simus aliis offendentibus. *Sine offensione, inquit Paulus, esto Judeis, & gentibus, & Ecclesiæ Dei.* 1. ad Corinth. 10. v. 32.

Sic qui vi, dolo, fraude, &c. impellunt alios ad peccatum, vel ab exercitio virtutis avertunt, tenentur ad restitutionem damni illati; tunc enim peccant contra iustitiam commutativam, quæ vetat ne vi, dolo, fraude, metu, &c. contra proximum utamur.

Conf. 4. Quicumque nocent proximo quoad bona temporalia, vel per iniustam acceptionem, vel per iniustam detentionem, tenentur ad restitutionem; peccant enim contra iustitiam commutativam, quæ cavetur, ne alienum iniuste accipias, vel detineas. Et juxta Joan. Apoc. 9. v. 21. damnantur inferno hi, qui per restitutionem, si eis, possibilis erat, non egerunt poenitentiam a furtis suis. *Non egerunt, inquit, poenitentiam ab homicidiis suis, neque a veneficiis suis, neque a fornicatione sua, neque a FURTIS suis.*

Sic ratione iniuste acceptionis ad restitutionem tenentur fures, qui occulte accipiunt rem alienam; rapaces, qui eam per vim violentam auferunt; sacrilegi, qui rem Deo sacram accipiunt, quoquo modo id faciant, sive clam, sive palam; quia hi omnes peccant contra iustitiam commutativam per iniustam acceptionem.

Similiter ad restitutionem tenentur quicumque accipiunt rem proximi per involuntariam dationem; involuntaria enim datio repugnat iustitiæ commutativæ: & ita restituendum est id, quod usurarius ex vi mutui, id quod meretrix supra debitum mercedem blanditiis extorsit, id quod compellens ad ludum lucratus est in ludo; hujusmodi enim dationes non sunt voluntariæ, sed involuntariæ; & proinde ob iniustam acceptionem obligant ad restitutionem.

Sic etiam ad restitutionem tenentur quicumque exigunt; accipiuntque pretium aliquod, ut faciant id, ad quod tenentur ex iustitia, vel ut omittant id, quod omitti nequit absque iniustitia; ea enim *acceptio* est iniusta: & ita restituere tenentur id, quod accepit v. g. Iudex, ut ferret iustam sententiam; *non enim licet*, inquit *Aug. iudici vendere iustum iudicium*. 11. q. 3. testis, ut ferret verum testimonium; quia ex Aug. 13. q. 1. *testimonia vendenda non sunt*; depositarius, ut redderet depositum; commodatarius, ut redderet commodatum; inventor, ut redderet rem inventam; debitor, ut redderet rem debitam. Hi enim omnes prædicta tenentur præstare ex iustitia; & proinde nihil possunt exigere ut suo satisfaciunt officio. Itaque si quid exigant, peccant contra iustitiam commutativam; atque adeo obligantur ad restitutionem. Ad restitutionem etiam obligatur qui exigit, & accipit aliquid, ut non furetur, ut non occidat, ut non calumnietur, aut ut quodvis aliud damnum non inferat proximo; prædictas enim actiones, utpote iniquas, quilibet ex iustitia omittere tenetur.

Sic ratione iniustæ detentionis ad restitutionem obligatur quicumque rem alienam sine iusto titulo, invito vero domino, retinet. In *promptu causa est*, inquit Cajet. *quia res illa non est ipsius, sed alterius; atque per hoc non est retinenda, sed danda illi, cuius est: si enim non redderetur vero domino, ille minus haberet de suo, & damnum pateretur, quod constat esse iniquum*: V. restitutionem.

Consect. 5. Ad restitutionem damni illati tenetur quicumque rem proximi deterioiorem efficit, licet qui damnum inferat nullum inde emolumentum percipiat; damnum quippe inferendo peccat contra iustitiam commutativam: de quo ita habet Scriptura Exod. 22. v. 5. *Si leserit quispiam agrum, vel vineam damni estimationem restituet*. Et D. Th. 2. 2. q. 62. a. 4. in corp. sic habet: *Damnum dicitur ex eo, quod aliquis minus habet, quam debet habere. Et ideo homo tenetur ad restitutionem ejus, in quo aliquem damnificavit*.

Sic ad restitutionem tenentur qui hic subiciuntur. 1. Magnates, qui bestias alunt, quæ aliis nocere solent; peccant enim mortaliter, si bestiarum notabiliter noceant, & novum peccatum addunt, si non restituant. Ita Navarrus. 2. Venatores, qui vel per seipso, vel per canes, equos, &c. rem proximi, v. gr. agros, vineas, legetes, arbores, &c. lædunt. 3. Pastores, qui permittunt vineas, prata, legetes depasci a pecoribus, qui-

bus custodiendis præficiuntur. 4. Demum omnes illi, qui damnum inferunt proximo; violant enim iustitiam commutativam.

Consect. 6. Ad restitutionem tenetur quicumque iniuste impedit per actionem iustitiæ commutativæ contrariam, v. g. vi, dolo, fraude, calumnia, ne proximus consequatur bonum ei largiendum ex mera etiam liberalitate; utens enim vi, fraude, dolo, peccat contra iustitiam commutativam, quæ vetatur, ne quis alteri vim inferat, neve ullum dolo, fraudeve decipiat.

Sic Titius Clericus dignus est, cui Beneficium conferatur: tu vi, fraude, dolo, calumnia impedis illam collationem, teneris reparare damnum, quod Titio intulisti.

Sic Paulus apud se statuit conferre legatum Petro: tu iniuste impedis, ne Petrus legatum illud consequatur, vel vi retinendo Notarium, vel fraude Notarium alio mittendo, vel calumnia denigrando Petrum apud Paulum; teneris tunc ad restitutionem damni illati; quia in singulis illis casibus agis contra iustitiam commutativam. Utrumque casum ita explicat D. Thom. 2. 2. q. 62. a. 2. ad 4. *Dicendum*, inquit, *quod aliquis potest impedire aliquem, ne habeat Præbendam* (idem dic proportionaliter de legato) *multipliciter. Uno modo iuste, puta si intendens honorem Dei, vel Ecclesiæ, procuret, quod detur alicui personæ digniori; & tunc nullo modo tenetur ad restitutionem, vel ad aliquam recompensationem faciendam. Alio modo iniuste, puta si intendat ejus nocumentum, quem impedit propter odium; vel vindictam, aut aliquid hujusmodi; & tunc si impedis, ne Præbenda detur digno, consulens, quod non detur, antequam sit firmatum quod ei detur; tenetur quidem ad aliquam recompensationem, pensatis conditionibus personarum & negotii secundum arbitrium sapientis: non tamen tenetur ad æquale; quia illam nondum fuerat adeptus, & poterat multipliciter impediri. Si vero jam firmatum sit, quod alicui detur Præbenda, & aliquis propter indebitam causam procuret, quod revocetur, idem est, ac si jam habitam ei auferret; & ideo tenetur ad restitutionem æqualis, tamen secundum suam facultatem.*

§. II.

De his, qui damnum inferunt per omissionem iniustam.

Consect. 7. Quicumque omittit id, ad quod tenetur ex iustitia, v. g. ex officio, ex contractu, ex quasi contractu, obligatur

tur ad restitutionem totius damni, quod ex ejus omissione sequitur; tunc enim officium suum omittebat peccat contra iustitiam commutativam, ut docet D. Th. his verbis: *Manifestum est, inquit, quod quicumque negligit habere, vel facere id, quod tenetur habere, vel facere, peccat peccato omissionis. 1. 2. q. 76. a. 2. in corp. Et alibi, scilicet 2. 2. q. 62. art. 7. in corp. docet, quod qui per omissionem est causa etiam indirecta iniuriæ læsionis, obligatur ad restitutionem, scilicet, ut ait S. Doctor, quando aliquis non impedit damnum, si possit, & debeat impedire: ergo omissione contraria iustitiæ commutativæ obligat ad restitutionem damni, quod ex ea sequitur.*

Sic qui ex ignorantia culpabili omittit aliquid sui officii, tenetur reparare damnum, quod ex tali omissione sequitur: v. g. Judex, Medicus, Causidicus, Confessarius, Parochus, Artifex, &c. tenentur reparare damnum, quod causant ex ignorantia artis, quam exercent, & ex omissione officii, ad quod tenentur. Imperitia quoque, inquit Justinianus, culpæ adnumeratur: veluti si Medicus ideo servum tuum occidit, quia male eum secuerit, aut perperam ei medicamenta dederit. Lib. 4. inst. tit. 3. ad legem Aquilianam §. 7.

Sic etiam qui ex negligentia culpabili omittit aliquid sui officii, tenetur reparare damnum, quod ex tali negligentia sequitur: v. g. Judex, Causidicus, Medicus, Confessarius, Parochus, Artifex, tenentur restituere damnum, quod causant ex negligentia, quam ex iustitia tenentur vitare: v. g. si judex negligat examen legum, & contra leges judicet: si Medicus negligat ægrotum, & ægrotus moriatur; si naucerus somno vel incuria omittat curam navis, & navis naufragium subeat; si mulio mulas magno impetu ruentes retinere negligat, & ex impetu mularum damnum aliquod proximo enascatur: in singulis illis casibus & similibus urget obligatio restitutionis; quippe juxta legem Aquilianam, quisquis damnum infert, ad restitutionem tenetur, & eximitur tantum a restitutione, si modo culpa ejus nulla invenitur. Lib. 4. inst. tit. 3. ad legem Aquilianam §. 3.

Sic pariter, qui per imprudentiam culpabilem omittunt cautionem, quam debent adhibere, tenentur reparare damnum, quod ex tali omissione sequitur; & qui vulgarem negligentiam adhibere prudentiam, damnum secutum ex sua ipsorum imprudentia, juxta etiam jure civile, tenentur reparare: v. g. si per lusum in loco aut in tempore indebitis exercitum a jaculantibus servus tuus fuerit occisus, jaculatores ad restitutionem tenen-

tur. L. 9. ff. *Ad legem Aquilianam. Si putator ex arboribus.... Machinarius ex machina, non proclamaverit, ut casus ejus, quod projiciebat, vitari posset. L. 31. Ibid. si damnum secutum fuerit, qui id imprudenter fecit tenebitur reparare. Si incendium non casu, sed ex imprudentia habitantium evenierit, tunc ii, qui imprudenter egerunt, damna ex incendio secuta rescircire tenebuntur. L. 3. ff. de officio præfecti vigiliæ.*

Sic similiter, qui per moram culpabilem omittunt ea, ad quæ tenentur ex iustitia, debent reparare damnum, quod ex tali omissione sequitur; peccant enim contra iustitiam commutativam: v. g. si venditor rem a se venditam, depositarius rem sibi depositam, conductor rem locatam ultra legitimum tempus invito domino retineat, etiam si res pereat casu, tenetur ejus pretium vero domino reddere; hi enim omnes sunt in mora culpabili, ut expresse docet jus civile. Quod te mihi, inquit, dare oporteat, si id postea perierit, quia per te factum erit, quominus id mihi dares, tuum fore id detrimentum constat. L. 5. ff. de rebus credit.

Sic quoque, qui per injustam detentionem impediunt, ne res ad verum & legitimum dominum perveniat, tenentur reparare damnum ex tali injusta detentione proveniens; peccant enim contra iustitiam commutativam, quæ vetat alienum invito domino retineri: v. gr. si quis animalia, puta aves, canes, &c. quæ vere animam habent redeundi ad dominum suum, violenter retineat; si quis navem in fluvio remoretur; si quis rem mobilem vel immobilem alterius sibi attribuat, vel in pignus aut hypothecam debitorum invito domino accipiat: si res illæ pereant, tenetur eorum pretium solvere: est enim causa damni ob injustam detentionem.

S. III.

De his, qui damnum inferunt proximo per acquisitionem, quæ secundum jura habetur nulla & invalida.

Confess. 9. Quicumque acquirunt, aut lucratur aliquid pretio æstimabile per actiones, quas jus vel civile solum, vel Canonicum jure civili firmatum lucratórias esse prohibet, tenentur ad restitutionem totum ex sua ipsorum imprudentia, juxta etiam jure civile, tenentur reparare: v. g. si præscripto legis non sint lucratórias, nullumque dent titulum acquirendi, qui præcise ex vicarum actionum acquirunt, & sic acqui-

acquisita retinent, peccant contra iustitiam commutativam, sibi adscribentes id, quod jus vetat acquiri, imo id quod aliquando lex aliis adjudicat. Et ita ad restitutionem tenentur qui hic subiunguntur.

1. Simoniaci tenentur ad restitutionem illius rei, quam via simoniaca consecuti sunt; nullum enim habent titulum, quo illius rei dominium acquirant. *Can. Si quis Episcopus. r. q. r. & D. Th. 2. 2. q. 10. a. 6.* Et ita quidquid acquiritur pro collatione beneficii, pro collatione Ordinum, pro examine ordinandorum, pro visitatione Parochiarum, pro benedictione Ecclesiarum, &c. retineri non potest, sed vel Ecclesiae, vel pauperibus dandum est. *D. Thom. ibid. ad 4.*

2. Clerici beneficiati sine legitimo titulo tenentur dimittere beneficium sine institutione Canonica susceptum, & fructus ex eodem beneficio perceptos; quia juxta regulas juris Canonici in 6. *Beneficium Ecclesiasticum sine institutione Canonica obtineri non potest.* Et ita beneficium dimittere, & fructus beneficii dare pauperibus tenetur filius illegitimus Clerici, qui beneficium obtinuit in eadem Ecclesia, in qua pater deservit, imo qui pensionem obtinuit super beneficio, quod pater habuit; ea enim institutio non est Canonica, juxta *Trid. sess. 25. c. 15.* Item qui plura habent beneficia incompatibilia; ea enim institutio non est Canonica, juxta *Trid. sess. 7. c. 1. & 3.* Imo qui plura suscipit beneficia, etiam non incompatibilia; quando unum sufficit ad congruam & honestam sustentationem, aut quando quis suscipit beneficium sine animo retinendi, tunc enim coram Deo non censetur esse Canonica institutio, quae verum titulum det retinendi beneficium, & fructus beneficii in huiusmodi Clericis vere transferat.

3. Clerici beneficiati cum institutione Canonica & legitima, sed officium beneficio annexum non exequentes, tenentur fructus acceptos restituere; etenim illi negligentes Clerici fructus quidem possunt percipere in foro externo, sed in foro interno fructus illos non possunt licite suos facere; beneficium enim propter officium. Et ita qui non resident in Ecclesia, in qua tenentur residere, pro rata temporis absentiae: qui non recitant horas Canonicas, quas tenentur recitare, pro rata omissionis, tenentur tantumdem de fructibus beneficiorum restituere. *Trid. sess. 6. cap. 1.* Vide quae infra dicemus de Clericis.

4. Beneficiati prodigi, qui redditus beneficiorum post honestam sustentationem superfluitas inutilis vel inutiles, vel prava insu-

munt; quia non habent verum dominium bonorum Ecclesiasticorum, quae sunt ipsis superflua, ut dicemus, ubi de Clericis. *Aurum quippe habet Ecclesia,* inquit Bernardus, *non ut servet, sed ut erogat. Clamant nudi, clamant famelici, conqueruntur, & dicunt: dicitis Pontifices, in freno quid facit aurum? nostrum est quod effunditis, nobis crudeliter extrahitur quod inaniter impenditis.* *Epist. 42. ad Episc. Senon.*

5. Usurarii manifesti aut palliati tenentur ad restitutionem ejusdemque emolumentum per usuram manifestam aut palliatam acquisiti; usura enim lucrativae ex genere suo sunt improbae, necdant titulum acquirendi. *L. 20. C. Ex quibus causis infamia irrogetur.* Vide dicta de usuris.

6. Ludentes tenentur restituere ea, quae ludo per leges vitio lucrati sunt. Vide dicta de ludo.

7. Iudices iustam vel injustam sententiam vendentes; ea enim injustitia non est titulus acquirendi.

S. I V.

De his, qui ob cooperationem damni illati tenentur, vel non tenentur ad restitutionem.

Prop. unica. Illi cooperatores obligantur ad restitutionem, qui peccantes contra iustitiam commutativam sunt causa efficax damni. Illi vero cooperatores excusantur a restitutione, qui vel non sunt causa efficax damni, vel si sint causa efficax, non peccaverunt contra iustitiam commutativam.

Prob. rat. Ex dictis constat, quod duo requiruntur ad inducendam obligationem restituendi; primum est damnum illatum proximo; secundum violatio iustitiae commutativae: ergo ut cooperatores obligentur ad restitutionem duo requiruntur, quod influant efficaciter in damnum; & quod peccent contra iustitiam commutativam, quorum alterum si defuerit, cooperatores eximentur a restitutione.

Conseclaria hujus Doctrinae.

Conf. 1. In quo explicatur haec vox, *iustus*. Mandans sive expresse, sive tacite, dicto scilicet vel facto, ex quo subditi, v.g. vel famuli colligant actionem injustam et gratam fore, si ex vi talis mandati sequatur damnum, tenentur restituere; quia tunc iustus est causa efficax damni. Si dubitet, an iustus in iusta fuerit causa damni revera illati, tenetur etiam ad restitutionem.

cutionem; quia præsumptio est contra ipsum mandantem, cui incumbit onus probandi contrarium. Imo cum vacat rei illicitæ, est causa damni fortuiti, qui ex ejus mandato sequitur: v. g. mandat Joannes, ut occidatur Petrus: Paulus loco Petri occiditur; tenetur ad restitutionem damni sequentis ex Pauli morte, licet hæc contra intentionem mandantis eveniat. Mandat, ut verberetur Paulus: vulneratur Paulus, aut occiditur contra voluntatem mandantis; tenetur ad restitutionem damni hujusmodi, cædis aut mutilationis, quæ contra ejus intentionem contingit, sed tamen ex injulio ejus mandato secuta est; & proinde est illius causa moralis. Minime vero, si mandans retractet mandatum, etiamsi mandataris privata sua malitia injulium mandatum exequatur; quia tunc non est causa damni.

Item, si quis malum non jubeat, sed gaudet de damno illato proximo, peccat; quia gaudet de malo, sed non tenetur restituere; quia gaudendo non est causa mali.

Consect. 2. In quo explicatur hæc vox, *consilium*. Consulens damnum inferri, v. gr. promissionibus, precibusque ad actionem proximo nocivam inducens, tenetur ad restitutionem; quia est causa damni.

Minime vero, si qui consuluit damnum, totis viribus retractet suum perniciosum consilium, & eum præmoneat, cui damnum paratur; quia tunc non est causa damni: & si ille, qui accepit consilium, noceat, hoc in privatam ejus malitiam, & non in consulentem debet refundi.

Item si consulens dato consilio non noceat, sed profit: v. g. si furi parato furari nummos decem Petro, suadeat, ut tantum furetur eidem Petro quinque; quia tunc non est causa efficax damni, sed e contra causa est, cur Petro minus noceatur.

Consect. 3. In quo explicatur hæc vox, *consensus*. Consensus, qui est causa efficax damni, obligat ad restitutionem; quia influit in damnum: minime vero consensus, qui non est causa; quia non influit in damnum.

Sic cum bellum injulium proponitur, qui consentiunt causando, v. gr. Rex, & hi, qui sunt Regi a consiliis, obligantur ad restitutionem; minime vero qui consentiunt, non influendo, v. g. subditi, lætando obcommoda ex bello eventura.

Sic in Consistorio, in Capitulo, in Universitate, ubi secreto feruntur suffragia, quicumque votis suis secretis cooperatur injulæ electioni, tenetur ad restitutionem, uti semper contingit, quoties ad valorem actionis necessum est omnes simul consentire: & quando

requiritur solum, ut major pars consentiat, illi solum tenentur ad restitutionem, qui influunt in electionem injulam; minime vero qui non dant suffragium injulium.

Sic quando suffragia dantur publice, primi qui vident suo suffragio se posse injulitiam impedire, tenentur ad restitutionem; quia influunt in injulam electionem; minime vero postremi, si certo illis constet se non posse votis suis injulam electionem impedire; quia non influunt efficaciter in damnum: debent tamen injulæ actioni adversari, quantum possunt; dicit enim Script. *Noli fieri iudex, nisi virtute valeas irrumpere iniquitates.*

Consect. 4. In quo explicatur hæc vox, *palpo*. Qui verbis adulatoris pellicit ad malum, & laudat majores de eorum peccato perpetrando, vituperat bonos ob virtutem, & hujusmodi sermonibus est causa efficax damni, obligatur ad restitutionem; quia est causa damni: minime vero si adulatio non sit causa damni, sed solum laudibus suis aliquam læticiam afferat malo; quia tunc non influit in damnum.

Consect. 5. In quo explicatur hæc vox, *recursus*. Qui refugium dat malefactori, ut malefactori, vel præbendo securitatem antequam fiat injulæ actio, vel promittendo securitatem postquam facta erit mala actio, tenetur ad restitutionem; quia influit in damnum: minime vero qui recipit malefactorem, non ut malefactorem, sed ut hominem, non ut animos addat ad malum, se ut ad meliorem vitam deducat; quia non influit in damnum.

Consect. 6. In quo explicatur hæc vox, *participans*. Qui participat ad injulam acceptionem per actionem ab intrinseco malam, tenetur restituere; quia est causa damni: qui vero participat per actionem indifferentem, non tenetur restituere; quia non est causa mali.

Sic qui cooperatur damno, furando, rapiendo, instrumenta præbendo ad furtum & rapinam, tenetur restituere; quia hæc actiones sunt ex se malæ, & in damnum illatum efficaciter influunt.

Sic qui iuvici actioni jam factæ superveniunt, v. g. rustici, qui prædas militibus congestas inviti transferunt in castra, non tenentur ad restitutionem; quia non sunt causa damni.

Consect. 7. In quo explicantur hæc voces, *mutus*, *non obflans*, *non manifestans*. Qui potest, & ex rigore juris debet loqui, debet obflare dum fit damnum, debet manifestare, dum factum est, & tamen non facit, tenetur restituere; quia est causa damni; qui vero vel non potest, vel ad id non tenetur ex iustitia, non

non obligatur ad restitutionem; quia non est causa efficax damni.

Sic qui ex officio, vel ex pacto tenentur impedire damnum, & non impediunt cum possunt, tenentur restituere. Tales sunt, v.g. Reges, qui a subditis suis non avertunt hostium incursum, latronum depredationes. Tales sunt custodes publici, qui non manifestant eos, qui ligantur, piscantur contra prohibitionem Principis, vel Reipublicæ: de quibus ita Isaias: *Principes tui infideles, socii furum*. Tales sunt etiam famuli, qui res sibi ab heris commissas permittunt vel ab extraneis subripi, vel ab aliis domesticis male consumi. Hi enim omnes obligantur ex officio ad impediendum, ne huiusmodi damna proximo obveniant. Tales sunt pariter hi, qui cum damnum factum est, non obstant, ne damnum illatum a furibus ad se confugientibus invito domino retineatur: de quibus ita Aug. Epist.

34. Can. *si res aliena* 14. q. 6. ubi sic habetur: *Illud vero, inquit, fidentissime dixerim, eum, qui pro homine ad hoc intervenit, ne male ablata restituatur, & qui ad se confugientem, quantum honeste potest, ad restituendum non compellit, socium esse fraudis & criminis*.

Sic qui ex caritate solum tenentur impedire damnum proximi, & non impediunt etiam si possint, peccant quidem tacendo, & non obstando; quia agunt contra caritatem: sed non tenentur ad restitutionem; quia non agunt contra iustitiam.

Consect. 8. Cooperatores debent restituere juxta modum & ordinem, quem habuerunt influendo in damnum; cooperatores quippe obligantur ad restitutionem ob id solum, quod efficaciter in damnum influunt: ergo debent restituere juxta modum & ordinem, quem habuerunt influendo in damnum; & ita restituere debent hoc modo.

Primo. Si plures damnum intulerint absque consensu mutuo, quisque tenetur reparare illud solum damnum, quod ipsemet intulit; cum enim sejuncti fuerint in damno inferendo, ita sejungi debent in damno reparando. Si plures simul, & consensu mutuo, & se invicem juvando, damnum intulerint, singuli in solidum tenentur totum damnum reparare; ut enim conjuncti fuerunt in damno inferendo, ita & conjungi debent in damno reparando.

Secundo. Isto ordine debet fieri restitutio.

Prior omnibus debet restituere ille, apud quem est res ablata, sive sit in specie, sive sit in valore; etenim, ut vulgo dicitur, res quælibet domino suo clamat.

2. Si res nec in specie, nec in valore sit a-

pud aliquem ex his, qui damnum intulerunt, qui damnum imperavit debet prius quam alii cooperatores restituere; magis enim influit quam alii: quippe mandans est quasi causa principalis, alii vero cooperatores sunt quasi causa instrumentalis.

3. Qui damnum intulit exequendo mandatum debet prius restituere quam ille, qui consuluit; in damnum enim magis influit ille, qui mandatum proximo damnosum exequitur, quam ille qui consuluit.

4. Qui consuluit debet prius restituere quam ille, qui furem vel recepit, vel tutatus est.

5. Qui recepit eum, qui damnum causavit, prior debet restituere quam ille, qui tacuit: quippe qui recipit furem, magis influit securitatem dando, quam ille, qui tacuit non impediendo. Recipiens furem influit quasi *positive*: qui tacet influit solum *negative*.

6. Qui tacuit, dum damnum fiebat, tenetur ad restitutionem priusquam ille, qui non manifestat, dum factum est damnum; magis enim est influere *negative*, dum res fit, quam influere etiam *negative*, dum res facta est.

Monit. Qui damnum passus est, non debet quasi per ambages omnes prædictos cooperatores percurrere; sed potest eum primo compellere, apud quem res sibi ablata detinetur vel in specie, vel in valore: & si res ablata nec in specie, nec in valore subsistat, debet mandantem compellere, ut sibi damnum illatum reparet; & ille ad alios cooperatores recurrere poterit. *Uno tamen restituente illi, qui passus est damnum*, inquit D. Th. 2.2. q. 62. a. 7. ad 2. *alius eidem restituere non tenetur; sed illi, qui sunt principales in facto, & ad quos res pervenit; tenentur aliis restituere, qui restituerunt*.

ARTICULUS II.

Quomodo, & quando ad restitutionem obliget culpa civilis, seu omisso debite diligentie circare alterius, ex qua omissione sequitur damnum proximi, aliquando cum offensa Dei, aliquando sine offensa Dei.

Prop. unica tripartita. Culpa civilis, licet noxia proximo.

Si sit omnino involuntaria, & non deducta ad forum contentiosum, ad nullam coram Deo restitutionem obligat.

Si sit voluntaria, obligat coram Deo ad æqualem compensationem damni illati etiam ante sententiam judicis, immo nec deducta ad judicem.

Si vero sit deducta ad forum contentiosum, sive

sive voluntaria, sive involuntaria sit, post latam sententiam obligat, primo ad æqualem compensationem damni illati, secundo ad pœnam inflictam a iudice: ante latam vero sententiam ad nullam pœnam obligat, sed solum ad æqualem compensationem, si sit voluntaria; ad nullam vero restitutionem, si sit omnino involuntaria.

Probantur ratione singulæ partes.

1. Culpa civilis omnino involuntaria, & non deducta ad forum contentiosum, ad nullam coram Deo restitutionem obligat; ubi enim nullum est peccatum, ibi nulla est in foro interiori obligatio restitutionis, ut diximus in superiori capite art. 1.

2. Culpa civilis voluntaria, & proinde Theologica, seu verum peccatum, etiam non deducta ad forum contentiosum, & ante quæcumque iudicis sententiam, obligat coram Deo ad æqualem compensationem; quia juxta Aug. *non remittitur peccatum, nisi restituatur ablatum*. Sed quamdiu res non deducitur ad forum contentiosum, ad nihil ultra obligat nisi ad æqualem compensationem, ut docet D. Th. 2. 2. q. 62. a. 3. in C. his verbis: *Cum aliquis, inquit, injuste accipit rem alienam, duo sunt ibi consideranda: quorum unum est inequalitas ex parte rei aliud autem injustitie culpa Quantum ergo ad primum addibetur remedium per restitutionem, in quantum per eam inequalitas reparatur, ad quod sufficit, quod restituitur tantum, quantum habueris de alieno*.

3. Culpa mere civilis, & involuntaria deducta ad forum contentiosum post latam a iudice sententiam, obligat juxta præscriptum a iudice, tum quoad compensationem, tum quoad pœnam inflictam a iudice; sententia enim iudicis lata secundum formam juris obligat in conscientia; ante vero latam sententiam si culpa civilis fuerit omnino involuntaria, ad nihil obligat: pœna enim non sunt subeunda nisi post sententiam iudicis. Retolutionem istam explicat D. Th. ibid. his verbis: *Quantum ad culpam, quæ reperitur in læsione proximi, addibetur remedium per pœnam, cujus infliccio pertinet ad iudicem. Et ideo antequam sit condemnatus per iudicem, non tenetur restituere plusquam injuste accepit; sed postquam condemnatus est, tenetur pœnam solvere*.

Confessaria hujus Doctrinæ.

Confess. 1. Quando illatum est proximo nocumentum aliquod per culpam civilem, tunc Confessarius potest pœnitentem dispensare ab omni restitutione, si culpa civilis fue-

rit omnino involuntaria; ubi enim non est voluntarium, ibi non est peccatum, nec proinde obligatio restitutionis. Si vero culpa civilis fuerit voluntaria, etsi non deducta ad forum contentiosum, debet obligare pœnitentem ad integram restitutionem; quia ubi est peccatum noxium proximo, ibi est obligatio restituendi. Demum si culpa civilis sit deducta ad forum contentiosum, & iudex sententiam tulerit, Confessarius debet obligare pœnitentem, ut sententiæ iudicis acquiescat; quia sententia lata secundum formam juris obligat in conscientia.

Confess. 2. Quando illatum est proximo nocumentum aliquod per culpam civilem, tam Confessarius, quam iudex debent leges consulere. Confessarius quidem, ut iustam & æqualem compensationem præscribat, quam ex mente legum poterit expiscari; iudex vero, ut pœnas imponat legitimas & proportionatas, quas ex legibus poterit addicere. Ideo in gratiam tum Confessarii, tum iudicis, proponemus quæ ius civile determinavit circa damnum illatum proximo per culpam civilem.

ARTICULUS III.

Quinam juxta leges civiles ob damnum illatum proximo obligantur, primo ad restitutionem, secundo ad aliquam pœnam.

Prop. unica. Quicumque contra jus nocet proximo vel per actionem inferendo damnum, vel per omissionem negligendo id, ad quod tenetur, obligatur juxta jus civile, primo ad æqualem compensationem damni, secundo ad pœnam aliquam.

Prob. 1. Ex jure civili Inst. lib. 3. toto titulo de obligationibus, ubi expresse dicitur, nos obligari erga proximum quatuor modis: ex contractu, ex quasi contractu, ex delicto, ex quasi delicto: atqui hæc quadruplex obligatio, quatenus naturalis, exigit compensationem æqualem; quatenus civilis, importat pœnam subeundam, ut habetur eodem titulo: ergo quicumque nocet proximo, non satisfaciendo obligationibus, quibus erga ipsum obligatur, tenetur primo ad æqualem compensationem, secundo, ad pœnam inflictam a iudice.

2. Rat. Quicumque contra jus nocet culpabiliter proximo, bis peccat, primo lædit bonum privatum proximi, cui nocet, secundo lædit Rempubicam, cujus bonum publicum offendit: ergo ad duo juxta leges obli-

obligatur; primo ad æqualem compensationem, ut satisfaciatur proximo, cui nocuit; secundo ad pœnam, ut satisfaciatur Reipublicæ, cujus statuta infregit.

Conseſſaria hujus Doctrinæ.

Conseſſ. 1. De obligationibus ortis ex contractu. Quicumque nocent proximo, non satisfaciendo obligationibus ortis ex contractu, tenentur primo ad æqualem compensationem, secundo ad pœnam; quia sunt in culpa, quæ nocet proximo.

Sic emptores & venditores, mutuatores & mutuatarii, deponentes & depositarii, qui vel iniquas apponunt suis contractibus conditiones, vel æquas conditiones jam appositae exacte non observant, obligantur & ad compensationem damni, quod inferunt proximo, & ad pœnam, quam meretur eorum infidelitas.

Conseſſ. 2. De obligationibus ortis ex quasi contractu. Quicumque nocent proximo non satisfaciendo obligationibus ortis ex quasi contractu, tenentur primo ad æqualem compensationem, secundo ad pœnam inflictam a iudice; sunt enim in culpa, quia nocent proximo.

Sic qui nocent proximo per negotiorum gestionem, per tutelæ administrationem, per rerum communionem, scilicet deteriorem efficiendo rem, quam habent cum aliis communem, per hereditatis additionem, per indebiti solutionem; tenentur primo ad æqualem compensationem damni, secundo ad pœnam, quam meretur eorum infidelitas.

Conseſſ. 3. De obligationibus ortis ex maleficio. Quicumque nocent proximo per delictum, idest, per offensionem contra jus illatum, obligantur primo ad æqualem compensationem, secundo ad pœnam; sunt enim in culpa, quia nocent proximo.

Sic fures, raptores, &c. obligantur primo ad compensationem æqualem, secundo ad pœnam inflictam a iudice. Olim fures & raptores obligabantur ad quadrupli retributionem; jam vero damnantur vel suspendio, vel trirēnibus, vel publica flagellatione.

Conseſſ. 4. De damno per legem Aquiliam vetito. Quicumque damnum infert rebus animatis, vel inanimatis ad proximum pertinentibus, tenetur primo ad æqualem compensationem, secundo ad pœnam inflictam a iudice; ita enim habet lex Aquilia: *Si quis alienum hominem, v.g. mancipium, aliamve quadrupedem, quæ & pecudum numero sit, injuria occiderit, quanti ea res: in eo anno plurimi fuerit, tantum domino dare damnetur* Item in omnibus re-

bus, quæ anima carent, damnum per injuriam datum hac parte vindicatur. Si quid enim justum, aut raptum, aut fractum fuerit, actio ex hoc capite constituitur, qua scilicet & damnum reparatur, & iusta pœna infligitur. *Inst. lib. 4. tit. 3. §. 12.*

Conseſſ. 5. De damno illato per injuriam. Quicumque damnum inferunt proximo per injuriam, idest, per actionem dolo malo cum alterius contumelia commissam, obligantur primo ad æqualem compensationem, secundo ad pœnam inflictam a iudice; sunt enim in culpa, quia nocent proximo.

Sic qui per injuriam realem inferunt manus contra corpus proximi aut aliorum, qui ad proximum pertinent, puta, contra corpus uxoris, filiorum, aut servorum, tenentur primo exhibere satisfactionem, deinde pœnam inflictam a iudice subire, v.g. carcerem, exilium pati, multam pecuniariam solvere; id enim meretur eorum audacia.

Sic qui per injuriam verbalem, v.g. per verba atrociam, per libellos famulos inhonorant proximum, tenentur primo ad æqualem satisfactionem, deinde ad subeundam pœnam inflictam a iudice, v.g. ad injuriarum retractationem, ad publicam libelli famosi combustionem; id enim meretur eorum tum in loquendo, tum in scribendo procacitas.

Conseſſ. 6. De damno illato ex quasi delicto. Quicumque nocent proximo ex quasi delicto, idest, per actionem, aut omissionem, quæ sine dolo & intentione agentis contigit, tenentur primo ad æqualem compensationem, secundo ad subeundam pœnam inflictam a iudice; licet enim ex pravo affectu non egerint, tamen sunt in culpa, quia proximo nocuerunt.

Sic qui nocuit proximo aut deiciendo, aut effundendo id, quod delictum, aut effundi non oportebat, aut male suspendendo ea, quæ alibi aut aliter suspendi oportebat, aut animalia noxia non retinendo, tenetur ad æqualem compensationem, & ad pœnam inflictam a iudice; id enim meretur ejus imprudentia. Et ut hæc materia clarius pateat, sit

Conseſſ. 7. De damno causato ex projectis, vel effusis. Quicumque damnum causat vel projiciendo, vel effundendo id, quod projici aut effundi non oportebat, tenetur damnum reparare, & sententiam iudicis subire; ita enim habet jus civile: *Prætor ait de his, qui dejecerint, vel effuderint: unde in eum locum, quo vulgo iter fiet, vel in quo constituitur, dejectum, vel effusum quid erit, quantum ex ea re datum, factumve erit, in eum, qui ibi habitaverit, in duplum, iudicium dabo.* L. 1. ff. de his qui effuderint, vel dejecerint.

Sic

Sic, si unus sit tantum habitator ea in domo, ex qua defectum & effusum est id, quod nocuit, ille solus suam suorumque culpam præstare debet. L. 6. ibid. v. g. præstare debet culpam filiorum, scholasticorum, hospitum, tyronum, &c.

Sic, si plures in eodem cœnaculo habitent, unde defectum est aut effusum id, quod nocuit, in quemvis in solidum actio dabitur; tunc enim impossibile est scire quis deiecerit: si vero plures divisim cœnaculum habitent, actio in eum solum dabitur, qui habitat eam partem, unde res noxia effusa est, aut dejecta. L. 5. ibid.

Consect. 9. De damno causato ex ruina ædificiorum. Quando damnum provenit ex lapsum ædificiorum ruinas minitantium, si ædium domini præmoniti omiserint eam ruinam præcavere, tenentur primo ad æqualem compensationem damni, secundo ad certam pœnam; quia sunt in culpa, quæ nocuit proximo. „Si ædificium, inquit lex, non casu fortuito, v. g. vi-tempestatis, sed defectu sulcri labatur, dominus ædificii damnum omne reparabit. “L. 7. ff. de damno infecto.

Consect. 10. De damno causato ab animalibus dominum habentibus. Domini, quorum animalia damnum aliquod intulerunt, tenentur aut damnum illud reparare, aut ipsum animal ei, qui læsus est, cedere; ita enim habet Justin. lib. 4. inst. tit. 9. *Animalium nomine, quæ ratione carent, si quæ lascivia, aut povere, aut feritate pauperiem fecerint, noxalis actio lege duodecim tabularum prodita est; quæ animalia si noxæ dedantur, proficiunt reo ad liberationem.*

Sic, si animal pascendo noceat pratis, vineis, campis, arboribus, dominus animalis reparare cogitur damnum illatum. L. 1. ff. Si quadrupes pauperiem fecisse dicatur.

Sic, si equus vel mylus, &c. impetu suo nocuerint, damnum solvet qui debebat retinere. Ibid.

Sic qui boves cornupetas, equos calcinolos, canes rabidos, ursos feroces habent, tenentur de damno illato, sive feræ illæ ultro damnum inferant, sive inferant concitatae ab aliis feris; quippe si inferant ultro, domini earum, qui eas retinere debuissent, tenentur de damno illato; si vero inferant damnum concitatae ab aliis feris, domini ferarum concitantium tenentur de damno illato. Ita habet jus civile: *Et si alia quadrupes aliam concitaverit, ut damnum daret, ejus, quæ concitavit, nomine agendum erit.* Ibid.

ARTICULUS IV.

Quandonam iudex soleat ad integram restitutionem, imo ad aliquam pœnam damnare eos, qui de damno illato accusantur.

Prop. unica. Toties iudex solet ad integram restitutionem, & insuper ad aliquam pœnam damnare eum, qui accusatur, quoties in eo, qui in iudicium vocatur, præsumitur dolus, vel culpa; minime vero, si absit omnis dolus, & omnis culpa.

Prob. 1. Scriptura Lev. 12. ubi habetur, quod si iudex invenerit rem datam alicui cum ipsius fraude perisse, ille, cui res data est, duplo damnabitur. Si vero adhibito juramento constet illum non extendisse manum in rem proximi, ille reddere non cogetur: ergo qui vocatur in iudicium pro damno illato proximo, ad restitutionem, & insuper ad pœnam damnatur, si in eo præsumatur fraus; minime vero, si nulla sit præsumptio fraudis.

2. Rat. Ad iudicem pertinet omnem dolum punire, & negligentiam omnem mulctare, ne malitiose vel ignoranter proximo noceatur: ergo iudex & potest & debet juxta præscriptum legis, 1. ad integram restitutionem, 2. ad aliquam pœnam damnare eum, in quo vel dolus vel culpa præsumitur: debet vero & a pœna & a restitutione eximere eum, qui est innocens.

Consectaria hujus Doctrinæ.

Consect. 1. De his quæ casu contingunt. Nemo obligari potest vel ad pœnam, vel ad restitutionem ob ea, quæ casu eveniunt: quæcumque enim, ut habet jus civile, *casu sine culpa accidunt, a nullo præstantur.* L. 23. ff. de reg. juris.

Sic quoties res perit casu citra omnem dolum & culpam detinentis, perit non in damnum detinentis, sed in damnum domini: v. g. si res commodata, deposita, vendita, oppignorata, &c. pereat casu, perit domino; ut enim habetur in jure civili, *rapine, tumultus, incendia, aquarum magnitudines, impetus prædonum, &c. a nullo præstantur.* L. 23. ff. de reg. juris.

Sex sunt tamen casus, in quibus negotio-

tiorum gestor tenetur præstare, & restituere ea, quæ forte casu pereunt, ut habetur ff. *de negotiis gestis*. 1. Si gessit negotia pupill. 2. Si accessit animo deprædandi. 3. Si ad nova negotia se ingessit. 4. Si calum in se specialiter recepit. 5. Si culpa præcesserit calum. 6. Si fuit in mora.

Consect. 2. De his, quæ ex dolo contingunt. Quicumque dolo malo operatur, obligatur & ad pœnam, & ad restitutionem eorum, quæ ex dolo eveniunt, obligatur ad pœnam ut satisfaciatur fraudi; obligatur ad restitutionem, ut reparet damnum: ut enim vulgo dicitur, nemi sui fraus patrocinari debet.

Sic, si quis *dolo malo* rem alienam detineat, v. gr. fur, raptor, & hæc pereat casu, perit in damnum retinentis, teneturque pœnam aliquam subire, & rem, quæ periit, una cum suis fructibus restituere.

Sic, si quis *dolo malo* invito domino rem alterius contrectet, v. g. si contra, vel præter voluntatem domini depositarius utatur re deposita, commodatarius abutatur re commodata, venditor retineat rem venditam: si hæc res pereant casu, pereunt in damnum detinentis, teneturque pœnam aliquam subire, & rem, quæ periit, una cum fructibus restituere.

Consect. 3. De his, quæ ex culpa contingunt. Quicumque ex culpa vel lata vel levissima damnum infert, obligatur 1. ad restitutionem 2. ad pœnam; ad restitutionem quidem, ut damnum reparetur; ad pœnam vero, ut culpa puniatur: æquum enim est, ut damnum quodcumque resarciatur, & culpa quælibet puniatur.

ARTICULUS V.

Ex qua culpa teneatur quis ad restitutionem ratione contractus, vel quasi contractus, ratione officii vel gratuiti, vel lucrativi.

Prop. unica. In præscribenda restitutione, quæ oritur ex culpa, quæ committitur in violatione contractus, aut quasi contractus, in omissione officii vel gratuiti, vel lucrativi, attendenda est natura contractus, aut quasi contractus, qui infringitur, natura officii, quod omittitur, & gravitas culpæ, quæ committi-

tur, ut juxta conditionem contractus & officii, & juxta gravitatem culpæ penfetur restitutio.

Prob. rat. Quando restitutio est facienda ob culpam commissam in violatione contractus, aut quasi contractus, in omissione officii vel gratuiti, vel lucrativi, hæc obligatio originem ducit ex duplici capite; primo ex nexu contractus, aut quasi contractus, qui infringitur, ex qualitate officii, quod omittitur, secundo ex gravitate culpæ, quæ committitur: ergo in præscribenda hujusmodi restitutione pensanda est natura contractus, aut quasi contractus, qui infringitur, qualitas officii, quod omittitur, & gravitas culpæ, quæ in hacce violatione aut omissione perpetratur; ut sic juxta regulas æquitatis præscribatur restitutio, pensatis omnibus, quæ eam obligationem aut leviorē aut firmiorem possunt efficere.

Consecutaria hujus Doctrinæ.

Consect. 1. De restitutione orta ex violatione contractus, aut quasi contractus. Quando res alteri tradita perit non casu, sed ex culpa, hæc regulæ sunt observandæ.

Si contractus aut quasi contractus sit in utilitatem solius recipientis, ut sit in commodato, recipiens commodatum tenetur ad restitutionem etiam ex levissima culpa; æquitas enim postulat, ut quoties res datur in utilitatem solius recipientis, iste, utpote commodum ex re data solus capiens, teneatur diligentiam exactissimam adhibere, & proinde ad restitutionem ex culpa etiam levissima obligetur.

Si contractus sit in utilitatem solius dantis, ut sit in deposito, recipiens tenetur ad restitutionem solum ex lata culpa; æquitas enim exigit quod recipiens, utpote solus onera sustinens, & utilitatem nullam expectans, teneatur tantum communem diligentiam adhibere, & proinde ad restitutionem solum ex lata culpa teneatur.

Si contractus sit in utilitatem utriusque & dantis & recipientis, ut sit in oppignoratione, recipiens tenetur ad restitutionem ex culpa levi & lata; cum enim uterque & dantis & recipientis commodum ex hujusmodi contractu expectent, sufficit, ut recipiens exactam diligentiam adhibeat.

Sic, si res commodata pereat, cum da-

ta sit in utilitatem solius recipientis, perit in damnum solius detinentis, etiam si pereat ex levissima culpa; a fortiori si pereat ex levi, vel lata culpa: ita enim habet jus Canon. *Cum gratia sui quis tantum commodatum accepit, de levissima etiam culpa tenetur.* Cap. *Cum gratia.* De commodato.

Sic, si res deposita pereat, cum data sit in utilitatem solius dantis, si pereat solum ex culpa levissima & levi, perit in damnum domini; perit vero in damnum detinentis, quando perit ex lata culpa, quæ dolo malo comparatur: sic enim habet jus civile: *1. apud quem res aliqua deponitur, ex eo solum tenetur, si quid dolo commiserit.* Lib. 3. instit. tit. 15. §. 3.

Sic, si res locata, conductæ, oppignorata, vendita pereat, cum data sit in commodum utriusque dantis & accipientis, perit in damnum domini, si pereat ex levissima culpa; perit vero in damnum detinentis, si pereat ex levi & lata culpa: ita enim habet jus civile Lib. 3. instit. tit. 15. §. 4. loquens enim de oppignoratione sic decernit: *Placuit sufficere si ad eam rem, scilicet oppignoratam, conductam, venditam, custodiendam, exactam diligentiam adhibeat; quam si præstiterit, & aliquo casu fortuito rem amiserit, securum esse, nec impediri creditum petere.*

Concl. 2. De restitutione orta ex omissione officii. Quando omisso officii est damnosa proximo, sequentes possunt statui regulæ.

Si officium vel publicum, vel privatum non obliget ad exactissimam diligentiam, aut ex vi conventionis, aut ex periculo rei, quæ administratur, tunc omittens officium tenetur ad restitutionem solum ex culpa levi & lata, minime vero ex levissima; quia sufficit, ut diligentiam communem adhibeat.

Si officium vel publicum vel privatum obliget ad exactissimam diligentiam, aut ex vi conventionis, aut ex periculo rei, quæ administratur, tunc omittens officium tenetur ad restitutionem etiam ex levissima culpa; quia tunc oportet, ut exhibeat se diligentissimum.

Sic ob levem & latam culpam; minime vero ob levissimam, ad restitutionem damnari solent negligentes Medici, Advocati, Judices, Parochi, artifices, famuli, nautæ, caupones, stabularii, & alii hujusmodi, quoties in officio, quod exercent, delinquant; ex officio enim & professione communem saltem tenentur diligentiam adhibere: ideo de his dicit jus Canon. *Si culpa tua, inquit, damnum est datum, . . . jure super his satisfacere te*

oportet. Cap. *si culpa tua.* De injuriis & damno dato.

Sic Theologi, Juris-Consulti, Sacerdotes ad restitutionem damnari solent, si ex lata culpa & dolo pravam consilium dederint, determinantes aliquem teneri ad restitutionem qui non tenetur, vel non teneri qui revera tenetur: id enim videtur expressum in 62. Regula juris in 6. *Nullus ex consilio, dummodo fraudulentum non fuerit, obligatur, & quia lata culpa dolo æquiparatur:* Ergo prædicti ex lata culpa ad restitutionem obligantur. Addiderim & ego eisdem sæpe ad restitutionem adstringi ex levi culpa; quia tanto muneri non debent se immiscere, nisi saltem communem diligentiam adhibendæ pares sint: temeritas enim illa lata culpa est, quæ dolo æquiparari potest.

Sic ad restitutionem damnari solent etiam ex levissima culpa, quicumque ultro ad aliquid præstandum sese offerunt, qui se promittunt diligentissimos; impediunt enim, ne id munus diligentiori committatur: id ita decernit jus civile L. 3. instit. tit. 28. §. 1. Eo in casu, inquit, *ad exactissimam diligentiam compellitur reddere rationem.*

Ex levissima etiam culpa ad restitutionem damnari solent qui suas operas locant in re, quæ singularem diligentiam postulat, v. g. in transferenda columna, quæ sine magno periculo transferri nequit, in adamante expoliendo, & in aliis similibus rebus, quæ tales sunt, ut facile frangi possint; in his enim conventionibus expressa aut tacita habetur promissio eorum, qui suas operas locant, fore se diligentissimos. Ita habetur L. *Si merces.* Lib. 19. ff. tit. 2. §. 7.

C A P U T IV.

Quinam sint illi, qui post violatam justitiam commutativam, & ob id obligati ad restitutionem, possunt tamen absque peccato vel restitutionem omnino omittere, vel eam ad tempus differre.

A R T I C U L U S U N I C U S.

De causis, quæ etiam post violatam justitiam commutativam vel tollunt obligationem restitutionis, vel eam saltem ad tempus suspendunt.

PROP. unica. Illud obligatos ad restitutionem excusat a restitutione vel absolute, vel hic & nunc facienda, quod efficit, K k ut

ut creditor nequeat exigere rem restituendam, nisi sit irrationalis & iniquus exactor.

Prob. r. Scriptura. Exod. 22. v. 25. sic habetur. Si pecuniam mutuam dederis populo meo pauperi, qui habitat tecum, non urgebis eum quasi exactor: ergo licet in aliquibus casibus creditor non potest iuste exigere solutionem; ita etiam in aliquibus casibus qui laesus est, non potest exigere restitutionem: Ergo sicuti solutionem, ita & restitutionem omittere, vel differre possumus, quoties ille, qui exigit, haberetur irrationalis & iniquus exactor.

2. Ex Jure Canonico. Cap. Odoardus de solutionibus: ubi Gregorius nonus expresso definit, quod si Odoardus, qui propter debita fuerat excommunicatus, vel in toto, vel in parte non possit solvere, sit ab excommunicatione absolvendus: recepta prius ab eo idonea cautione, ut si ad pinguiorem fortunam deveniret, debita praedicta persolvat; quia scilicet eo in casu creditor esset exactor iniquus & irrationalis.

3. Ex D. Thoma. 2. 2. q. 62. a. 8. ad 2. ubi sic habetur: *Quando aliquis, inquit, non potest statim restituere, ipsa impotencia absolvit eum ab instanti restitutione facienda; sicut etiam totaliter a restitutione absolvitur, si omnino sit impotens:* Ergo toties obligatus ad restitutionem ab ea vel omnino, vel ad tempus eximitur, quoties impotens est ad restituendum, & quoties creditor iniquus exactor haberetur.

4. Rat. Restitutio est actus virtutis moralis, scilicet iustitiae commutativae: ergo debet regulari per rationem; quia virtus est recta ratio: debet etiam dirigi per caritatem; quia finis precepti est caritas: atqui & ratio & caritas vetat, ne exigatur restitutio, quoties creditor iniquus exactor haberetur; etenim obligatio dandi non potest urgere, quando est iniquitas exigendi: ergo restitutio toties vel omnino, vel ad tempus differri debet, quoties creditor exactor iniquus haberetur.

Conseclaria hujus Doctrinae.

Consecl. 1. Necesitas extrema, vel gravis excusant a restitutione; iniquus enim esset creditor qui debitum exigeret a debitore extremam vel gravem necessitatem patiente: ratio enim dicitur, quod ad impossibile nemo teneatur, & proinde quod ad impossibile nemo teneatur, & proinde quod iniquitas summa sit, si exigas a debi-

tore quod tibi solvere nequaquam potest.

Sic necesitas extrema vel tua, vel uxoris, vel filiorum, vel parentum, imo & aliquando fratrum, liberat te, quamdiu durat, ab omni restitutione, etiam si creditor eandem necessitatem extremam patitur; quia in extrema necessitate omnia sunt communia quoad usum, & potior est conditio possidentis. Ita Silvius in 2. 27 q. 62. art. 8.

Si tamen creditor ex tua injusta ablatione extremam necessitatem patitur, debes illum ex bonis tuis ei injuste ablati juvare, quia non decet iniquitatem tibi prodesse, dum alter, qui ex tua injustitia damnum passus est, in simili necessitate ex tua etiam culpa versatur. Silvius ibid.

Sic gravis necesitas permittit tibi dilationem restitutionis, etiam si creditor sit in simili necessitate, modo ea necesitas ex tua culpa debitori non obvenit; gravis enim necesitas, inquit Silvius, vicina est extremæ.

Consecl. 2. Ingens damnum nascens ex restitutione excusat a restitutione, modo creditor simile damnum non patiatur ob omissionem aut dilatanam restitutionem; creditor enim iniquus exactor haberetur, si cum ille damnum non patitur, restitutionem a debitore exigeret eum maximo damno illius vel in salute, vel in vita, vel in honore, vel in bonis fortunæ: ita enim jubet ipsummet jus civile Lib. 30. ff. de regulis juris, reg. 173. ubi sic habetur: *In condemnatione personarum, quæ in id, quod facere possunt, damnantur, non totum, quod habent, extorquendum est; sed & ipsorum ratio habenda est, ne egeant.*

Sic excusaris a restitutione, si non possis restituere sine salutis dispendio, verb. gr. si videas, quod ob restitutionem, quam meditaris facere, & ob inopiam, quam restituendo incurres, uxor lapsura sit in adulterium, filia tua prostituent se, &c. Item excusaris a restitutione, si non possis restituere, nisi exponendo te periculo perdendi vitam, periculo manifestandi secretum crimen, quo cognito vel ad mortem damnaberis, vel infamiam incurres; salus enim aeterna, vita etiam temporalis, imo & bonum nomen, præponderant facultatibus temporalibus: & proinde iniquus esset creditor, qui restitutionem boni temporalis exigeret cum damno tuæ salutis, tuæ vitæ, tui honoris.

Sic excusaris a restitutione, si eam facere nequeas, nisi perdendo duplo majus, quam

quam debeas, quando creditor similem jacturam ex dilatione restitutionis non patitur; iniquum enim videtur, quod creditor exigit debitum cum tanta bonorum temporalium debitoris jactura: si tamen creditor similem jacturam pateretur, teneris restituere; quia in pari causa melior est conditio creditoris.

Consect. 3. Lapsus a priori statu julte ob-
tento excusat a restitutione, modo credi-
tor ex dilatione restitutionis similem jactu-
ram non patitur; irrationalis enim esset
creditor, qui exigeret debitum, cujus solu-
tio statum vel a piis parentibus accep-
tum, vel jultis mediis acquiritum omnino
disturbaret; sufficit enim, ut debitor sta-
tum suum minuat, expensis parcat, & om-
nibus, quibus poterit, modis creditori
satisfaciat: ut enim optime ait Scotus,
in 4. dist. 15. q. 2. *Creditor debet magis vel-
le, ut vitetur magnum incommodum proximi
restituents, quam modicum incommodum
suum in illa modica dilatione.*

Si tamen debitor statum acquisierit me-
diis injustis, & publice notis, tenetur sta-
tim restituere etiam cum talis status dis-
pendio; decidere enim a tali statu non in-
tama est, sed decus, inquit Silvius: nec
is dicendus esse statum suum amittere, sed
ad priorem reverti; nec ille amittit sua,
sed reddit aliena.

Rursus si statum illum novum acquisie-
rit mediis injustis, sed incognitis, non te-
netur statim a conditione illa, licet injus-
te obtenta, cum sui diffamiatione decide-
re, sed debet sumptibus parcere, sibi ne-
cessaria denegare, ut quam citissime eis,
quibus occulte nocuit, occulte impendat
quod eis debetur; injustus enim esset credi-
tor, qui exigeret publicum fieri crimen,
quod occultum est: quod forte eveniret,
si ille a statu suo volens decideret subito; sed
acquisivimus est creditor, qui exigit ei occulte
reddi quod ei occulte sublatum est.

Consect. 4. Cessio bonorum excusat debi-
torem a restitutione, est enim cessio dimis-
sio bonorum omnium in manibus credito-
rum; injustus esset autem creditor, qui a
debitore restitutionem exigeret, cum omnia
ipsius debitoris bona in sua potestate habe-
ret. Lex vero Julia illud beneficium debi-
toribus indulgit, ut cedendo bonis, vinculo-
rum, servitutis, carcerisque injurias subter-
fugere possint: inquit Cujacius lib. 3. observ.
cap. 39. Qui cedunt bonis suis, debent om-
nia sua bona usque ad quadrantem indi-
care, & indicata relinquere; alias ut reus

furti puniri posset. L. 4. Cod. *Qui bonis ce-
dere non possunt*; ex humanitate tamen ves-
tes quotidianæ eis relinquendæ sunt. L. 1.
C. ibidem. Ex Caroli. V. Constitutione præ-
ter vestem & lectum cum suis ornamentis,
& ex rebus mobilibus, quantum satis est
ad usus necessarios, minoris pretii relinqui-
tur; durius enim esset debitorem omni ve-
ste & necessaria suppellectili spoliare: a for-
tiori relinquenda sunt ea, quæ sunt absol-
ute necessaria ad sustentandam vitam, verb.
gr. instrumenta artis, quibus, qui bonis ces-
sit, victum & vestitum lucrabatur.

Cessio non liberat omnino debitorem a
restitutione; sed tantum impedit, ne a
creditoribus inquietari possit. Ideo qui
cessit bonis, manet semper coram Deo
obligatus ad restitutionem, donec credito-
res omne debitum acceperint. L. 4. ff. de
Cessione bon. Si postea ad locupletiores
fortunam perveniat, tenetur uti his bo-
nis, quæ post cessionem acquisivit, ut cre-
ditoribus satisfaciat; obligatio enim resti-
tuendi fundatur in jure naturæ, quod uti-
que semper viget.

Consect. 5. Legitima præscriptio excusat
a restitutione; quia Respublica utpote bo-
norum domina transfert dominium legiti-
me præscribentibus. Quæ sint conditiones
legitimæ præscriptionis, diximus supra.

Consect. 6. Compensatio legitima excusat
a restitutione; quia compensatio est actio,
qua quis sumit quod suum est, quod lici-
tum est cum certis conditionibus, ut di-
ctum est ubi de furto.

Consect. 8. Condonatio libera, & non co-
acta excusat a restitutione; quia quilibet po-
test dare alteri quod suum est.

Condonatio debet habere sequentes con-
ditiones. Debet fieri ab eo, qui sit domi-
nus rei, cujus sit remissio: & ita filius fa-
milias, pupilli, Religiosi, qui non habent
dominium, condonare non possunt; qui e-
nim nihil habet, libertatem rei aliena da-
re non potest. Can. Abbat. dist. 54. 2. Debet
esse libera; quia qui coactus dat, non cen-
setur dare: unde si quis vi, minis extor-
serit remissionem, non excusatur a resti-
tutione. 3. Debet fieri sine fraude, sine
mendacio, sincere exponendo omnia, v. g.
qui petit condonationem, debet exponere
qualitatem rei ablata vel detentæ, statum
suum sine furo, sine mendacio; quia ne-
gare sua fraus patrocinari debet. 4. Per-
sonæ, quibus fiunt condonationes, non de-
bent esse ex jure positivo incapaces hujus
condonationis: sic visitatores, qui acci-
piunt

piunt aliquid præter sumptus necessarios, iudices, qui aliquid extorquent a clientibus, inquisitores, qui aliquid accipiunt ab his, qui accusantur, Canonici, qui accipiunt quotidianas distributiones, licet choro non interfuerint: hi omnes non excusantur a restitutione ob condonationem illis factam; quia lex vetat eis fieri condonationem.

Consect. 8. De condonationem circa famam. Diffamatus non potest condonare restitutionem famæ sibi ablata, si sit persona publica, imo si sit persona privata, quando diffamatio vergit in præjudicium tertii; quia nemo potest condonare id, cuius non est dominus: qui autem gerit personam publicam, non est dominus suæ famæ; imo nec privatus, quando ejus diffamatio vergit in præjudicium tertii.

Sic Episcopus, Sacerdos, Parochus, Prætor civilis, diffamati non possunt condonare restitutionem famæ, sed tenentur exigere reparationem.

Sic privatus homo diffamatus, cum ejus diffamatio vergit in præjudicium tertii, v. g. pater diffamatus cum præjudicio familiæ, non potest condonare restitutionem.

Sic homo privatus diffamatus circa crimen inducens diffamationem Ecclesiæ, vel Reipublicæ, non potest condonare restitutionem. Homo privatus diffamatus, quando nullum est præjudicium tertii, juxta Sotum & Sylvestrum potest condonare restitutionem; quia est dominus suæ famæ; juxta Cajetanum, non potest; quia non est dominus famæ suæ, sicuti nec vitæ suæ.

CAPUT V.

De materia restitutionis, sive de rebus, in quibus fieri debeat restitutio.

ARTICULUS UNICUS.

An res ablata, vel alia similis sit restituenda.

Prop. unica. Quoties fit restitutio, toties res ipsa ablata debet restitui, si possit; vel si non possit, debet restitui alia æquivalens, & non longe absimilis.

Prob. rat. Restitutio est actus justitiæ communitativæ, per quam res aliena redditur vero domino, & damnum illatum reparatur: ergo, si res ablata existat, debet eadem reddi domino; si vero non subsistat, debet reddi æquivalens non longe absimilis, ut sic damnum compensetur.

Conseſſaria bujus Doctrinæ.

Consect. 1. Quoties res aliena existit in natura, illa eadem restituenda est, & non sufficit quod valor ejus restituatur; res enim quælibet domino clamat.

Sic qui lædit proximum in corpore, iniuste incarcerando, debet ei reddere libertatem: qui lædit in honore, inhonorando, debet debitam reverentiam reponere: qui lædit in fama, diffamando, debet calumniam retractare: qui lædit, inducendo ad peccatum, debet scandalum reparare: qui lædit in bonis temporalibus, detinendo rem corporalem vel incorporalem, mobilem vel immobilem, debet statim rem detentam reddere.

Consect. 2. Quoties res ipsa ablata non potest restitui, debet restitui quid simile & æquivalens; quia aliter damnum reparari non potest: ideo ait Script. *Qui percusserit animal, reddet vicarium.* Lev. 24. Sic qui damnum intulit proximo, bona illius destruendo, debet bona destructa reparare, si possint reparari.

Sic qui damnum intulit proximo, bona illius consumendo, debet bona consumpta æstimare, & valorem illum reddere.

Consect. 3. Quoties restitui non potest res ejus ordinis, cujus erat res ablata, v. g. amputato brachio, non potest reddi brachium, tunc reparatio debet fieri per rem alterius ordinis vel inferioris, vel superioris: hoc innuit Scriptura Exod. 21. *Si percusserit quisquam oculos servi sui, aut ancille, & lippos eos fecerit, dimittet eos liberos pro oculo, quem eruit;* ubi oculus erutus libertate compensatur. Et Divus Thom. *In quibus non potest recompensari æquivalens, sufficit, quod ibi recompensetur quod possibile est.* Sicut patet de honoribus qui sunt ad Deum & ad parentes. 2. 2. q. 62. a. 2.

Sic, ut optime monet Cajetan. post D. Th. damna vitæ, membrorum, sanitatis, libertatis, honoris, famæ, jurium, fructuum, seminum, damni emergentis, vel lucri cessantis, & similia, restituenda sunt, ut possibile est, in bonis aliquibus loco damnum, ita ut boni viri arbitrio satisfactum reputetur quantum ad quid.

Sic cum aliquis alicui abstulit membrum, debet ei recompensare vel in pecuniis, vel in aliquo honore, considerata conditione utriusque personæ, secundum arbitrium boni viri. D. Thom. Ibid.

Sic cum aliquis sustulit alicui sanitatem

corporalem, integritatem virginalem, debet illa bona per res alterius ordinis compensare, v.g. per pecunias, per exhibitionem honoris, per preces erga Deum fusas.

Sic cum quis lædit proximum in bonis animæ, v.g. inducendo vel in errorem, vel in peccatum, restitutio debet fieri hoc pacto, inquit Cajetan. v. restitutio. *De bonis autem animæ, inquit, si pertinent ad partem intellectivam, ut si quis damnificavit, docendo aliquem falsa, tenetur restituere, docendo vera, vel saltem significando illi, quod falsa sunt quæ docuit: si autem pertinent ad partem affectivam, ut sunt illa, quæ pertinent ad mores, quæ non possunt ab invito tolli, nec ab altero restitui; tunc tenetur dare operam ad reducendum eundem ad bonos mores, si potest, vel saltem orationibus, jejuniis, elemosynis juvare illum, ut respiciat.*

CAPUT VI.

De quantitate restitutionis,

sive

Quantum crescere debeat restitutio, ut perveniat ad æquale.

ARTICULUS I.

Ostenduntur quædam notiones ad mensurandam quantitatem restitutionis necessarie.

§. I.

De variis modis, quibus res aliena & acquiri, & possideri potest.

Res aliena & acquiri, & haberi potest tripliciter, scilicet bona fide, mala fide, dubia fide.

Res aliena acquiritur, & possidetur bona fide, quando ex ignorantia inculpabili credimus rem, quam acquirimus, vel possidemus, iusto titulo acquiri & possideri, licet in rei veritate res illa vel male acquiratur, vel male possideatur.

Res aliena acquiritur, & possidetur mala fide, quando eam vel falso titulo acquirimus, vel falso titulo possidemus, scientes rem illam vel male acquiri, vel inique possideri.

Res aliena acquiritur, & possidetur dubia fide, quando dubium probabile suggerit, locum esse timendi, ne res, quam acquirimus, vel possidemus, falso titulo acquisita fuerit, vel falso titulo possideatur.

Tomo I.

Res aliena potest haberi vel in seipsa, vel in sui valore. Res habetur in seipsa, cum habetur res in sua natura, v.g. equus, liber, &c. Res habetur in sui valore, cum non habetur res in sua natura, sed habetur illius pretium, vel habetur res propria conservata, quæ consumpta fuisset, nisi intervenisset usus rei alienæ.

§. II.

Qui & quos possint esse fructus unius & ejusdem rei.

Fructus alii sunt naturales, alii industriales, alii mixti.

Fructus naturales sunt ii, quos res ipsa fert quasi sine ullo hominum labore, ut fœtus animalium, arborum fructus, sylvarum, & pratorum germina.

Fructus industriales sunt illi, quos hominum proferunt industria, quasi sine ullo naturæ adjutorio, ut sunt fructus ex negotiatione percepti.

Fructus mixti sunt illi, qui æque ex industria hominum, quam ex germinatione rerum emanant; ut segetes, quæ ferendo gignuntur, oleum, vinum, quæ non sine multa industria, istud ex uvis, illud ex olivis exprimitur.

ARTICULUS II.

De æqualitate, quæ reperiri debet in restitutione faciendâ.

Prop. unica. In foro interiori restitutio debet solum fieri secundum damnum illatum proximo; sed in foro exteriori restitutio debet fieri, non solum secundum damnum illatum parti læsæ, sed secundum multam legitime inflictam a iudice.

Prob. rar. Restitutio in foro interiori debet reparare solum damnum illatum; in foro vero exteriori debet reparare culpam commissam: ergo reus antequam sit condemnatus per iudicem, non tenetur restituere plus quam accepit; sed postquam condemnatus est, tenetur damnumolvere, & penam subire.

Conseclaria hujus Doctrinæ.

Consecl. I. Quamvis vita, honor, virginitas essent bona, quæ ablata nullam jure naturæ inducerent obligationem restituendi, tamen, post latam judicis sen-

Kk 3

ten-

tentiam, reus teneatur solvere quod præscrip-
sit iudex, sive pro homicidio, sive pro mu-
tilatione, sive pro defloratione, sive pro
adulterio.

Consect. 2. Confessarius in foro interiori
judicans, debet ad isthæc omnia attende-
re. 1. An res ablata sit sine pretio, ut vi-
ta hominis: an sit pretio æstimabilis, ut
res in commercio hominum positæ. 2. An
sit certi pretii, ut fundus: an incerti, ut
res, quæ consistunt in jure. 3. An sit ste-
rilis, ut argentum: an frugifera, ut fun-
dus, animalia. 4. An secum trahat lucrum
cessans & damnum emergens, vel solam sui
importet ablationem. Item attendat Con-
fessarius, an qui debet restituere, sit pos-
sessor bonæ, vel malæ, vel dubiæ fidei;
juxta enim illa omnia diversæ statuuntur
regulæ, quibus restitutio ad æqualitatem
reducitur.

ARTICULUS III.

*De mediis, quibus restitutio reduci potest
ad æqualitatem.*

P*Prop. unica.* Ut restitutio fiat ad æquali-
tatem, & res quæ ablata est, & res quæ
reducitur, debent considerari in se, & in
omnibus adjunctis, & juxta omnium illarum
rerum circumstantias æstimari.

Prob. rat. Tunc restitutio fit ad æquali-
tatem, cum res ablata & redditæ, ad invicem
comparatæ, æqualis sunt valoris apud ho-
mines, ut patet: atqui ut sint æqualis valo-
ris & res quæ ablata est, & res quæ reddi-
tur, debent in se & in adjunctis circumstan-
tiis considerari, ut neutra aliam excedat:
ergo, cum sit restitutio, res quæ ablata est,
& res quæ redditur, debent in se & in cir-
cumstantiis adjunctis æstimari, & ad æqua-
litatem reduci.

Conseffaria hujus Doctrinæ.

Conseff. 1. Res, quæ sunt determinati
pretii, ut pecuniæ; res omnes, quarum
pretium fixum est a Republica; res, quæ
sunt determinati numeri, ut oves mille,
mille nummi, &c. determinatæ mensuræ,
ut mille cadi vini, olei, &c. determinati
ponderis, ut mille libræ plumbi, ferri, &c.
debent primo restitui in eadem quantitate,
secundo quantum fieri potest in eodem valo-
re, ut sic res, quæ ablata est, & res, quæ
redditur, non se excedant, sed ad perfectam
æqualitatem reducantur.

Conseff. 2. Res, quæ non sunt pretio æsti-
mabiles apud homines, ut est vita, sanitas,
integritas virginalis, honor, fama, debent
ad aliquod pretium reduci ad arbitrium vi-
ri prudentis, & juxta illud pretium debet
fieri restitutio parti læsæ. Arbitrium au-
tem censetur prudens, quando vita, sa-
nitas, honor, fama reducuntur ad idem cir-
citer pretium, quod statuerunt judices in-
fligentes multam parti læsæ attribuendam:
atque ideo pro damno personali vitæ abla-
tæ, sanitatis alteratæ, virginitatis corrup-
tæ, honoris læsi, famæ denigratæ, eae-
dem circiter summa pecuniæ poterit exigi
in foro interiori ab eo, qui læsit, ad quam
iudex eum damnaisset in foro exteriori, si
actio illa deducta fuisset ad forum conten-
tiosum; sic enim res, quæ ablata est, &
res quæ redditur, non censentur se ex-
cedere.

Conseff. 3. Res, quæ sunt crescentis &
decrecentis pretii, modo majoris, modo
minoris emuntur, ut sunt res usuales, v.g.
frumentum, vinum, oleum; res, quæ sunt
materie artis, v.g. linum, lana, metalla,
debent reddi juxta vulgare pretium, non
ascendendo ad supremum, nec descendendo
ad infimum; eo enim pacto res ablata
& redditæ non se excedunt, sed, ut fieri
potest, ad æqualitatem reducuntur.

Conseff. 4. Res, quæ sunt voluntarii pre-
tii, ut libri, picturæ, margaritæ, canes,
si res similes haberi non possunt, debent
reddi juxta pretium communius, quo ut
plurimum emi, & vendi solent a cordatis
hominibus; hoc enim pacto res ablata &
reddita ad æqualitatem reducuntur.

Conseff. 5. Res, quæ sunt frugiferæ; vel
sponte sua, ut animalia fœcunda, quales
sunt oves, vaccæ, quales sunt etiam Syl-
væ, prata; vel quæ sunt frugiferæ partim
ex natura, partim ex industria, ut fun-
dus, qui aratur & seritur: illæ, inquam;
omnes res debent æstimari una cum fru-
ctibus, & valor tum rei, tum fructuum
debet reddi deductis expensis; alias enim
res non reducerentur ad justam æqualita-
tem.

Conseff. 6. Res, quæ sunt in spe frugi-
feræ, ut arbores recens plantatæ, semina
terræ mandata, merces negotiationi expo-
sitæ, animalia recentem nata, debent æsti-
mari secundum probabilem earumdem re-
rum utilitatem; tale enim damnum non o-
portet compensare ex æquo; quia minus est
habere aliquid virtute, quam habere actu,
inquit D. Tb. 2. 2. q. 62. a. 4.

Con-

Consect. 7. Res, quæ sunt omnino steriles, ut res usuales, argentum, aurum, vinum, oleum, frumentum, si factæ sunt frugiferæ per industriam accipientis, debent æstimari secundum valorem, quem habent ex se, & non secundum utilitatem, quam ob industriam accipientis acquisierunt; res enim exacte ad æqualitatem reducentur, si detur quod ablatum est, etiam non reddatur quod per industriam acquisitum est.

Consect. 8. Res, quæ secum trahunt lucrum cessans, & damnum emergens, ut pecuniæ ablatae negotiatori, instrumentum artis ablatum artifice, debent æstimari, non solum in seipsis, sed etiam una cum lucris cessantibus & damnis emergentibus; alias non esset æqualitas inter rem ablatam, & redditam.

Prop. 2. Ut restitutio fiat ad æqualitatem, res ablata debet æstimari, non juxta utilitatem, quam lædens percipit, sed juxta detrimentum, quod læsus passus est.

Prob. ratione. Tunc restitutio fit ad æqualitatem, quando damnum illatum compensatur: ergo in restitutione facienda non attendi debet emolumentum, quod lædens percipit, sed damnum, quod læsus patitur, solet enim pierumque evenire, ut lædens nihil lucri percipiat ex injusta sua actione, ut contingit in homicidio, stupro, adulterio, incendio.

Conseffaria bujus Doctrinæ.

Consect. 1. De quantitate restitutionis propter læsionem corporalem. Qui injuste occidit, mutilat, percutit, debet aliquid restituere, primo pro damno personali, deinde pro damno reali; alias enim restitutio non reduceret res ad æqualitatem, cum læsus & damnum personale, & damnum reale passus fuerit.

Damnum personale est ipsa vita ablata, membrum abscissum, vulnus infligum; quæ omnia æstimari debent arbitrio viri prudentis, ut pro illis fiat compensatio.

Damnum reale est vel lucrum temporale cessans, vel damnum temporale emergens ob injustam illam occisionem, mutilationem, & percussionem; quod damnum pariter æstimari debet, ut pro illo pariter damno compensatio fiat.

Sic solvendæ sunt non expensæ solitæ funeris, hæ enim evenissent, etiam si mors naturalis contigisset; sed expensæ extraordinariæ funeris, si quæ factæ sint, expen-

sæ factæ in curatione & medicamento vulnerati, vel occisi; hæ enim damnum pariunt ex injusta actione emergens.

Sic rependenda sunt lucra, quæ homo occisus vel vulneratus, ex arte sua, vel suo commercio assecutus fuisset probabiliter; tunc enim est lucrum cessans.

Consect. 2. De quantitate restitutionis propter stuprum illatum. Qui Virginem invitam & reluctantem vel vi, vel fraude defloravit, debet reparare & damnum personale, & damnum reale, & damnum honoris; alias enim restitutio non reduceret res ad æqualitatem. Ita D. Thom. 2. 2. q. 62. art. 2.

Damnum personale est ipsa Virginitas ablata injuriose: damnum reale est lucrum temporale cessans, vel damnum temporale emergens ob talem deflorationem: damnum honoris est ipsa Virginis & parentum diffamatio. Hæc enim æstimanda sunt, & juxta prudentum æstimationem compensanda.

Sic pro Virginitate erepta tenetur deflorator, inquit Sylvius, ad arbitrium prudentis viri aliquid tribuere, ut sic satis faciat pro injuria, nisi remissionem obtinuerit. In 2. 2. q. 62. Et Salmaticen. In quocumque eventu debet Conseffarius, inquit, aliquam pœnam pecuniariam violatoribus divitiis imponere Virgini defloratæ solvendam.

Sic pro damno reali, 1. Solvendæ sunt a defloratore omnes expensæ necessariæ ad occultandam deflorationem, ad nutriendam & educandam prolem, si fœtus nascatur. 2. Solvendum est augmentum dotis necessarium, ut Virgo deflorata æque decenter nubat, ac si hæc injuria ei violenter non illata fuisset.

Sic pro damno honoris ablati tunc Virgini, tunc parentibus Virginis, deflorator tenetur Virginem a se corruptam, si non sit disparis conditionis, in uxorem ducere; aut si nolit Virgo, aut ille sit longe superioris conditionis, tenetur eam dotare; quia non potest aliter honoris illius reparare jacturam.

Consect. 3. De quantitate restitutionis faciendæ propter adulterium. Cum ex adulterio scitur certo secutum esse prolem, adulter & adultera tenentur ad restitutionem omnium damnorum realium, & ad reparationem injuriæ factæ parti læsæ, si ei hæc injuria innotuerit; alias enim restitutio non reduceret rem ad æqualitatem.

Damnum reale ex adulterio sequens

est damnum illatum vel patri putativo, qui nutrit filium spurium, vel legitimis hæredibus, quibus substituitur spurius, vel hospitali in quo nutritur spurius, quando ejus parentes non sunt pauperes.

Damnum personale est injuria illata adulteræ, si vi coierit, & injuria illata marito, si ipse receverit adulterium, quamvis ipsa consenserit.

Sic reparanda est injuria tam marito, quam adulteræ illata; quia injuste ablatum est honor: de quo ita Sylvius: *Etiam si ex adulterio non sequatur proles, ille qui vim, fraudem, aut minas addidit, tenetur pro tali injuria satisfacere ad arbitrium viri prudentis. Si ex adulterio non sequatur proles, adulter & adultera tenentur satisfacere marito pro injuria, si ipse receverit adulterium; si autem non receverit, non tenentur; quia hæc satisfactio non est facienda, nisi per signa doloris, veniæ petitionem, quæ fieri non debent, quando hanc injuriam maritus ignorat.* In 2. 2. quæst. 62.

Sic adulter & altera tenentur reparare omnia damna realia, quando secuta est proles: verb. g. 1. Adulter & adultera tenentur nutrire prolem, eamque educare. 2. Si proles spuria detetur, vel hæres instituitur in damnum legitimorum hæredum, debent illud damnum reparare adulter & adultera. *Singuli, inquit Sylvius, pro rata, uno autem deficiente alter in solidum obligatus est; quia uterque est illorum damnorum causa. Hæc conclusio, inquit idem Sylvius, debet intelligi, quando adulter & adultera invicem provocant. Alioquin si adulter adulteram provocavit, & ad adulterium induxit, ipse in solidum obligatur ad omnia damna, eo quod sit causa principalis. . . ipso tamen deficiente adultera tenetur in solidum; quia voluntarie fuit cooperata ad damnificationem.* Sylvius.

Adulter tenetur ex suis bonis satisfacere: adultera ex bonis paraphernalibus, si habeat, vel debet industria sua damnum compensare. 1. Diligentius administrando rem familiarem. 2. De cultu corporis detrahendo. 3. Spurius inducendum ad religionem, vel ad statum Ecclesiasticum, si idoneus sit. 4. Multis demum orationibus, & assidua poenitentia Deum flecendo.

Dixi, si certo sciatur secutam esse prolem ex adulterio, obligatio est restituendi; nam adulter & adultera ad nullam restitutionem tenentur, si moraliter certi sint prolem natam non ex adulterino concubitu provenisse:

si dubitent cum fundamento, tenentur ad aliquam restitutionem; res autem tamdiu est dubia, quamdiu non sunt certa argumenta contra suadentia, qualia essent, si maritus esset absens tempore conceptionis. Quamdiu res est dubia, filius non tenetur leviter credere matri asserenti eum esse spurium. Quod si mater in mortis articulo versata, & Ecclesiæ Sacramentis munita, nullo aliunde flagrans odio in filium, ei declararet eum esse spurium; quamvis in foro externo semper præsumitur pro thoro, & filius pro hærede habeatur, tamen filius in tam aperta & sincera matris confessione videtur obligari in conscientia, ut se gerat, tamquam illegitimum.

Consect. 4. De quantitate restitutionis faciendæ ob famam læsam. Ut restitutio famæ fiat ad æqualitatem, eadem fama debet reddi diffamato, quæ ei subtrahita est, & damnum personale & reale, si quod creatum est, reparari; alias non fieret ad æqualitatem, sicut in restitutione temporalium tanta summa restitui debet, quanta ablata est.

Sic, si falso proximum mendacem dixeris, debes eum declarare veracem; si injustum asserueris, debes justum proclamare. Non sufficit ad reparationem famæ ablata narrare poenitentiam ejus, qui diffamatus est; quia narrando poenitentiam, fama aliquando non reparatur, ut patet exemplo Virginis desolatæ, cujus fama non reviviscit, licet poeniteat. Ita Sylvius.

Sic, si diffamando proximum, temporale nocumentum ei attuleris: v.g. diffamando Virginem, in causa sis, cur dos adaugenda sit, debes ipse dotem adaugere: si diffamando artificem, in causa sis, quod familiam nutrire non valeat, debes ipse familiam nutrire.

Sic, si proximum diffamando, injuste innocentem morti addici feceris, debes etiam cum vitæ propriæ dispendio innocentem a morte liberare; quia æquius est reum calumniatorem mori, quam innocentem perire.

Sic, si proximum diffamaveris calumniando, debes te calumniatorem declarare: iis, apud quos pervenit calumnia; verbis, si calumnia facta sit verbis; scripto, si calumnia facta sit scripto.

Consect. 5. De quantitate restitutionis faciendæ ob honorem læsum. Ut restitutio honoris fiat ad æqualitatem, honor idem, qui abiat, est, aut denegatus, debet reddi; quia alias non fieret ad æqualitatem.

Sic, qui ignoranter læsit honorem alterius lætis-

satisfacit, ignorantiam confitendo. Ita fecit Paul. Act. 23. *Nesciebam fratres, quia princeps est Sacerdotum; addens statim, populi sui Principem non maledices.*

Sic qui *private* inhonoravit proximum, non exhibendo ei reverentiam, quam debebat, satisfacit debitam exhibendo reverentiam, v.g. salutando, si omiserit salutationem, visitando, si invilere omiserit.

Sic qui *positive* inhonoravit proximum, satisfacit vel per veniæ petitionem, vel per manifestationem amicitiae, prout opportunus iudicabitur; non enim ut plurimum deest, ut superior veniam petat ab inferiori in vulgaribus injuriis: ne, inquit Aug. Epist. 109. *dum nimia servatur humilitas, regendi frangatur auctoritas.* Tanta tamen potest esse injuria, ut non solum requiratur veniæ petitio, sed alia signa honoris, & submissionis adhibenda sint, non solum ab æquali, sed etiam a superiore.

ARTICULUS IV.

De quantitate restitutionis faciendæ a possessoribus malæ fidei.

Prop. unica. Ut restitutio reducatur ad æqualitatem, acceptor & possessor malæ fidei tenentur & rem ipsam, & fructus reinedum perceptos, sed etiam ex incuria neglectos, attamen a vero domino percipiendos, demum omne lucrum cessans, & omne damnum emergens reparare, si vel possessor malæ fidei eo sit factus ditor, si vel non, si vel res ablata existant, si vel non existant.

Prob. primo ex jure canonico. Mandamus, quatenus si vobis constiterit de præmissis, prædictum Archidiaconum ablata prænominati Monasterii fratribus cum integritate restituere, damna plenarie resarcire, & de illatis injuriis compententer satisfacere compellatis, provisorum, ut non tantum fructus a novo & violento alteri, vel etiam si res percat morte, vel possessore perceptos, sed quos, si iis possidere alio casu, vel sibi violententer auferatur, vel fuisset licitum, possessores veteres percepissent, reddi faciatis eisdem. De relictis. Spoliatorum cap. Gravis.

2. Ex jure civili. Domum, quam ex maritis successione ad te pervenire, & ab adversa parte injuria occupatam esse ostendis, Præses Provinciæ cum pensionibus, quas percepit, aut percipere poterat, & omni causa damni dati, restitui jubebit. L. domum C. de rei vend.

3. Rat. Injustus acceptor & injustus dominus non potest aliter damnum illatum

reparare; quippe cum rem alienam injuste acceperit, non potest eam detinere, & cum injuste detineat, non potest ejus fructus sibi attribuire, sed debet & rem & fructus rei vero domino reddere; quia res & domino clamat, & domino fructificat.

Consecraria hujus Doctrinæ.

Consect. 1. Qui accipit rem alienam injusta subreptione, v. g. occulte furando, vel palam rapiendo, tenetur & rem reddere, & omnia damna illata reparare; quia est injustus acceptor.

Consect. 2. Qui accipit rem alienam injusta donatione, v. g. hæres si vel necessarius, ut filius, si vel non necessarius, ut extraneus, tenentur restituere bona omnia, & fructus bonorum, quæ ex hereditate obveniunt, si sciant esse injuste acquisita, v. g. furto, rapina, ulura; quia hereditatis additio non dat jus ad bonum alienum: nemo enim transferre potest in alium plus juris, quam ipse habeat: quod adeo verum est, ut si quis hæres crederetur initio se accepisse hereditatem, in qua nihil sit nisi iuste acquisitum, si tamen deinde advertat, esse aliquid injuste acquisitum, debet reddere, quia cum sit successor universalis, unam & eandem personam facit cum testatore.

Consect. 4. Qui accipit rem alienam injusto contractu, v. g. emit mala fide rem furtivam, tenetur reddere rem furtivam una cum fructibus a vero domino percipiendis, nec potest pretium datum exigere a domino, sed solum a latrone; quia emptio facta mala fide non dat titulum: de quo ita S. Raymundus lib. 2. de raptoribus. *Quando quis mala fide emit, tenetur indistincte ad restitutionem, nec liberatur vendendo, vel alias rem alienando alteri, vel etiam si res percat morte, vel alio casu, vel sibi violententer auferatur, vel fuisset licitum, possessoribus veteres percepissent, reddi faciatis eisdem.* De relictis. Spoliatorum cap. Gravis.

Consect. 4. Qui rem alienam mala fide accipit aut possidet, v. g. furto, donatione injusta, contractu iniquo, si hæc res casu aliquo pereat, quo apud verum dominum

num non periisset, a fortiori, si pereat culpa iniusti possessoris, tenetur eam iniustus possessor solvere domino; quia est iniustus detentor: si vero æque periisset apud dominum, juxta Covarruviam non tenetur solvere; quia si æque peritura erat, in hoc nullum dampnum fecit domino.

Consect. 5. Qui rem alienam mala fide accipit, aut possidet, tenetur & omnes fructus perceptos extantes aut consumptos restituere; quia illi fructus domino clamant: tenetur etiam restituere omnes fructus percipiendos a vero domino, etsi ex negligentia non fuerint ab iniusto possessore percepti; quia est causa iniusta talis damni: demum debet omne lucrum cessans, & dampnum emergens compensare; quia est causa illius nocuenti. Sic, si dominus retenta sua re per culturam, per negotiationem accepturus fuisset centum florenos, etsi iniustus possessor vel minus vel omnino nihil perceperit, tenetur tamen centum florenos reddere. De fructibus vero, quos neque possessor malæ fidei percepit, neque verisimile est dominum percepturum fuisse, quamvis potuissent a diligentiori aliquo possessore percipi, probabile est quod ante sententiam iudicis non teneatur in conscientia eos solvere. Ita Sylvius.

Consect. 6. Qui rem alienam mala fide accipit aut possidet, tenetur eam una cum fructibus propriis expensis in manibus veri domini collocare, deductis tamen illis expensis, quas verus dominus fecisset; quia secus non repararetur dampnum illatum proximo: æquitas enim postulat, ut qui dampnum passus est, præstetur indemnus, & qui dampnum fecit, gravetur.

Consect. 7. Qui in ipso possessionis exordio bonam fidem habuit, & ex postfacto in possessorem malæ fidei degeneravit, tenetur omnes restituere fructus, quos perseverante mala fide percepit, sicut & quilibet alius iniquus rei alienæ possessor aut detentor; ab illo enim tempore est possessor malæ fidei.

Consect. 8. Qui initio mala fide accipit per errorem conscientiæ, & postea, deposito errore conscientiæ, videt se iustum habere titulum possidendi, peniteat peccati, quod commisit possidendo contra conscientiam; sed non tenetur ad restitutionem, quia non possidet contra iustitiam.

ARTICULUS V.

De quantitate restitutionis faciendæ a possessore bonæ fidei.

P. Rop. unica. Ut restitutio reducat ad perfectam æqualitatem, acceptor & possessor bonæ fidei non tenentur, durante bona fide, restituere rem alienam, neque fructus illius, sed potest & rem, & fructus rei, durante bona fide, alienare, consumere; sed cessante bona fide ante præscriptionis tempus tenetur & rem ipsam, quam habet, & totum illius rei, quod retinet, & id omne, in quo factus est ditior, restituere.

Prob. ratione. Bona fides est iustus titulus acquirendi: ergo quamdiu durat bona fides, acceptor & possessor bonæ fidei potest de rebus alienis non secus ac de suis disponere, & ita absque onere restitutionis potest rem alienam vendere, dare, consumere, &c. sed cessante bona fide ante præscriptionis tempus res dignoscitur aliena: ergo hoc ipso tenetur & rem ipsam, & totum illius rei, quod retinet, & id omne, in quo factus est ditior, restituere, deductis expensis; alias enim iniuste detineret alienam rem: tenetur rem restituere, quia res domino clamant: tenetur fructus restituere; quia res quævis domino suo fructificat: expensæ debent deduci; quia locupletari non debet aliquis cum alterius iactura.

Consectaria hujus Doctrinæ.

Consect. 1. Siquis bona fide accipiat rem alienam, nesciens esse alienam, sive accipiat, quia ei gratis datur, vel quia ei venditur, potest de ea re & de ejus fructibus quasi de suo disponere; quia est possessor bonæ fidei.

Consect. 2. Si quis bona fide consumat rem alienam usualem, nesciens esse alienam, & ipso usu non fiat ditior, ad nullam restitutionem tenetur; quia est consumptor bonæ fidei.

Sic manducans bona fide res furto subreptas, nesciens esse subreptas: utens bona fide vestibus subreptis, nesciens esse subreptas; si ob id rebus suis non pepercerit, ad nihil tenetur; si vero pepercerit, & aliquid lucri fecerit, tenetur restituere lucrum perceptum & adhuc permanens.

Sic donatarius bonæ fidei, emptor bonæ

næ fidei, non tenetur, 1. Rem donatam sibi, vel sibi venditam solvere, si consumpserit. 2. Non tenetur fructus naturales vel civiles ex re donata vel emptâ provenientes, si consumpti fuerint, restituere.

Consect. 3. Si quis bona fide accipiat rem alienam, & advertat esse alienam re adhuc integra, hoc ipso tenetur eam reddere; quia alias detineret alienum.

Sic donatarius bonæ fidei, emptor bonæ fidei, hoc ipso quod advertit se detinere alienum, debet illud reddere tale quale accepit.

Consect. 4. Si quis bona fide accipiat rem alienam, & re consumpta in se, sed remanente in valore, advertat se accepisse alienum, tenetur totum pretium illius rei reddere.

Sic, si donatarius vendiderit rem, quam dono accepit, & pretium rei venditæ apud se habeat, tenetur non rem, quam non habet, sed pretium rei, quod habet, reddere.

Sic emptor bonæ fidei, qui vendidit rem furtivam pluris, quam emerat, non tenetur rem reddere, quam non habet, sed pretii excessum, quem habet, tenetur reddere.

ARTICULUS VI.

De quantitate restitutionis faciendæ a possessore dubiæ fidei.

Prop. unica. Ut restitutio reducat ad perfectam æqualitatem, possessor, qui initio fuit bonæ fidei, postea factus est dubiæ fidei, tenetur adhibere prudentem diligentiam, ut cognoscat, quisnam sit dominus verus rei, quam dubia fide possidet, & reddere eam vero domino hoc ipso, quod illum noverit.

Prob. ratione. Dubium tollit bonam fidem, & facit iniquum possessorem; qui enim agit in dubio, peccat; quia se exponit periculo injustum detinendi, etiamsi revera injustum non detineat: & peccat, quamdiu stante dubio non nititur verum inquirere dominum; qui enim amat periculum peribit in illo: ergo possessor dubiæ fidei tenetur adhibere prudentem diligentiam, ut cognoscat verum possessorem, & rem, quam dubia fide possidet, eidem reddere.

Consectaria hujus Doctrinæ.

Consect. 1. Qui bona fide accipiunt hæredi-

tatem, quam putant justè partam, si hæres sit necessarius, ut filius, sive non necessarius, ut extraneus; si postea dubitent, an delata hæreditas sit injustè parta, necne, tenentur diligenter inquirere dominum, eique restituere quod injustè ablatum est.

Consect. 2. Emens bona fide, & postea dubitans, an res a se emptâ sit ablata, nec ne, tenetur inquirere verum dominum, eique restituere.

Consect. 3. Cum initio possessio incepta bona fide, & postea supervenit dubia fides, illis in calibus dubiæ fidei, si possessor adhibita diligenti inquisitione non possit verum dominum invenire, potest rem vel donatione acceptam, vel emptione acquisitam retinere, & fructus ejus facere suos, donec dubium magis elucidetur; imo potest eam vendere, modo emptorem præmoneat de dubio, nec tenetur ob solum dubium se spoliare, & rem alteri reddere; quia in dubiis melior est conditio possidentis, quando bona fides incepta possessionem.

Consect. 4. Qui dubitans rem esse alienam, tamen eam accipit, peccat mortaliter; quia agit in dubio, & tenetur diligenter inquirere, an vere furtiva sit: quo comperto, debet eam cum fructibus etiam consumptis restituere illi, ad quem pertinet: neque potest eam tradere ei, a quo accepit; quia res domino clamat. Ita Sylvius.

Si vero post diligentem inquisitionem remaneat dubium, tenetur cum eo, de quo dubitat, agere ipsius, plus minusve dividere pro quantitate dubii, & inclinationis, quam habet de illo, quod res ipsi debeatur: & si sit personæ notæ, suam partem ei tribuat, si ignotæ, pauperibus. Ita Sylvius.

Consect. 5. Qui dubitat rem quampiam esse alienam, & tamen eam abripit per viam donationis, per mutationis, emptionis, eo animo ut veritatem inquirat, & cum constiterit esse alienam, eam suo domino tradat, non peccat; quia dominus non potest rationabiliter esse indutus contra eum: potius ei beneficium facit, quam injuriam; cum alioquin ea res fortasse numquam esset ei restituenda, & tenetur veritatem inquirere, ut eam reddat domino; & interim potest eam retinere cum voluntate reddendi, quando constiterit esse alienam. Ita Sylvius.

CAPUT VII.

Quo pacto debeat fieri restitutio.

ARTICULUS I.

Cui persone debeat fieri restitutio.

P *Rep. unica.* In restitutione res ablata debet ei reddi, qui ex ablatione, vel detentione injusta damnum patitur.

Prob. 1. Ex Scriptura. Lucæ 19. vers. 8 Zachæus protestatur se velle ei, quem læserit, compensationem excedentem exhibere: sic enim habet: *Ecce dimidium bonorum meorum, Domine, do pauperibus: & si quid aliquem defraudavi, reddo quadruplum:* ergo restitutio facienda est ei, qui læsus est.

2. *Ex D. Th. 2.2. q. 62. a. 6. Qui habet ultra id, quod suum est, debet ei subtrahi, & dari ei, cui deest, scilicet, injuste ablatum, secundum formam commutativæ justitiæ:* ergo restitutio debet fieri ei, qui damnum passus est.

4. *Rat.* Restitutio eo tendit, ut damnum reparetur: ergo res ablata debet reddi ei, qui ex injusta ablatione, vel detentione damnum pateretur.

Concessaria hujus Doctrina.

Consect. 1. In restitutione orta ex homicidio, mutilatione, percussione, pretium damni personalis debet dari læso; quia hic solus damnum ex homicidio passus est: & ita si obierit, debent pro illo fundi preces, offerri sacrificia: & si supervixerit mutilationi, & percussioni, pretium damni personalis illi dari debet.

Pretium damni realis debet dari læso, si supervixerit; quia hic damnum patitur: si obierit, dari debet suis hæredibus necessariis; quia hi damnum pati censentur, cum sint una & eadem persona cum defuncto: imo debet dari hæredibus non necessariis & creditoribus; quia homicidium istud est causa, cur illi hæreditatem sibi destinatam non obtineant, & cur isti rem sibi debitam non acquirant.

Consect. 2. In restitutione orta ex adultério, pretium damni realis debet dari illi, qui damnum patitur. Pretium nutritionis, & educationis debet dari illi patri putativo, qui infantem spurium sibi suppositum nutrit;

quia non pater putativus, sed veri parentes debent nutrire filium. Pretium nutritionis dari debet Xenodochio, si Xenodochii expensis sustentetur; quia, ut optime monet Cajet. *bona hujusmodi hospitalium non in divitum, sed pauperum administriculum sunt; & quantum consumitur a non pauperibus, tantum indigentibus admittitur. V. Adulterium.*

Si filius spurius fuerit dotatus, aut hæres institutus ab eo, qui non est vere pater, in præjudicium legitimæ prolis, vel legitimi hæredis, pretium hæreditatis, aut donationis debet reddi vero hæredi; quia ille damnum passus est.

Consect. 3. In restitutione orta ex stupro, pretium virginitatis ablata, & honoris ablati debet dari Virgini corruptæ, quia hæc damnum passa est; pretium vero dotis, quæ a parentibus adaugeri debuit ob stuprum violenter illatum, parentibus debet restitui in ea quantitate, juxta quam crevit dos ratione stupri.

Consect. 4. In restitutione, orta ex diffamatione, fama debet restitui ei, a quo ablata est, & pretium damni realis secuti ex diffamatione debet reddi diffamato; quia ille damnum reale patitur: & si damnum reale extendatur ad alios, puta, cum pater diffamatus ob diffamationem non potest aliquid lucrari, ut nutriat filios, tunc pretium damni realis debet dari pueris, qui damnum patiuntur ex illa patris sui diffamatione.

Consect. 5. In restitutione, orta ex ablatione & detentione bonorum temporarium, res ablata vel detenta debet reddi ei, a quo juridice exigi potest, etiam si non sit verus illius dominus; quia si ei res non redderetur, pateretur damnum, cum ab illo res exigi juridice posset.

Sic depositum reddi debet depositario; quia ejus est illud custodire: pignus debet reddi creditori; quia ejus est in asscuracionem debiti: commodatum reddi debet commodatario; quia ejus est ad usum: vestis sarcienda est reddenda sartori, lintea lavanda lotori; quia ejus est quo ad illum usum; & quia juridice procedendo, ab eis ea res ablata exigi potest, & tenentur eam reddere.

Consect. 6. In restitutione rei furtivæ, acquisitæ per emptionem vel donationem, res furtiva vel per emptionem, vel per donationem accepta, debet reddi vero domino; quia res domino clamat.

Sic qui emit mala fide rem furtivam, non potest eam retinere, non potest furi reddere; sed vero domino debet una cum damno emergenti restituere.

1. Non potest eam retinere, nec alteri dare aut vendere; quia aliena est.

2. Non potest furi reddere exigendo datum pretium; quia reddendo furi dominus re sua privaretur, & particeps furis fieret, qui eam in manibus furis reponeret.

3. Debet eam vero domino reddere una cum suis fructibus; reparando lucrum cessans, & damnum emergens; quia res domino clamat, res domino fructificat.

4. Debet rem furtivam in manibus veri domini collocare suis expensis; quia participando furtum, debet poenam furto debitam subire.

Sic qui dubia fide emit rem furtivam a fure, stante dubio, debet verum dominum inquirere; & domino comperto rem reddere debet, nec datum pretium potest exigere a domino, sed solum a fure.

1. Emendo peccat, quia agit in dubio, nisi emerit eo fine, ut rem furtivam vero domino redderet; quia tunc negotium ageret illius, cui res ablata est.

2. Stante fide dubia debet verum dominum inquirere; quia dubia fides non dat titulum possidendi, sed imponit obligationem verum dominum inquirendi.

3. Non potest furi reddere; quia pro certo habet, quod non ad furem pertineat.

4. Non potest exigere pretium a domino, cui redditur; quia emens in dubio animo retinendi, potest tantum a fure pretium exigere, minime vero a domino, cujus negotium gerere nequaquam intendebat.

Sic qui emit rem furtivam bona fide, stante bona fide, potest de ea quasi de re sua disponere; sed cessante bona fide, non potest rem furtivam retinere, non potest eam vendere, vel dare, non potest furi reddere, ut ab eo exigat pretium; sed tenetur vero domino reddere, & pretium a fure exigere.

1. Stante bona fide, non potest de ea re quasi de sua disponere; quia bona fides dat titulum possidendi.

2. Cessante bona fide, non potest rem furtivam retinere, quia non ejus est, nec ipsius reputatur, sed ut aliena haberi debet.

3. Non potest furi reddere; quia non pertinet ad furem, & quia dominus iuste exigit eam sibi reddi, & non furi: & si res deferatur ad iudicium, iudex iubebit eam reponi in manibus domini, & non in manibus furis.

4. Non potest exigere pretium a domino, quia nullum habet titulum, cum non emerit rem nomine domini, sed suo nomine.

5. Qui emit rem furtivam bona fide, eamque bona fide vendidit, si re a se vendita cognoscat eam esse furtivam, & habeat valorem rei venditæ, debet rescindere contractum exigere rem venditam ab emptore, reddendo ei perceptum a se pretium, & ipsam rem vero domino reddere: debet rescindere contractum; quia est inyalidus, cum vendiderit rem non suam, sed alienam. . . . debet rem domino reddere; quia res domino clamat: sicut qui dedit monetam adukeritam, debet falsam repetere, & dare bonam. . . . Si autem inique contradicentem emptore, vel alio quocumque modo non possit recuperari res, debet extans illius pretium reddere.

Consect. 7. In restitutione facienda ignoto, mortuo, absenti, hæc sunt observanda. Quacumque ex causa contingat restitutionem faciendam esse ignoto, mortuo, vel absenti: mortuo succedit hæres; quia hæres est una persona cum defuncto: ignoto omnino simpliciter substituitur pauperes: absenti nemo substituitur, sed absens debet admoneri, ut de re sibi restituenda disponat. Ita D. Thom. 2. 2. q. 62. a. 5. ad 3.

Sic, si dominus, cui debebat fieri restitutio, obierit, inquirendi sunt hæreses, & eis debet bonum ablatum restitui juxta jus cujuslibet hæredis.

Si dominus sit ignotus in particulari, & non in communi, facienda est restitutio his, quibus probabiliter damnum illatum præsumitur: v.g. milites, qui urbem vastaverunt, tenentur restitutionem facere oppidanis; qui minutatim vendendo carnem, vinum, oleum fraudavit emptores, debet restituere illis, qui ad ejus officinam solebant accedere, considerans, quis plus minusve solitus esset emere. Ita Sylvius.

Si dominus sit ignotus & in particulari, & in communi: post diligentem inquisitionem faciendam est restitutio pauperibus, secundum iudicium viri prudentis: etenim si dominus sit vir probus, præsumitur, inquit Sylvius, velle, ut illa bona data in elemosinam cedant in utilitatem spiritualem illius: si sit malus, Respublica censetur injustam domini voluntatem corrigere, & ita bona illa pauperibus erogare, ut sic cedant in bonum Reipublicæ.

Quod si dominus aliquo tempore ignotus, postea compareat, en quid opus factio. Si com-

compareat post diligentem inquisitionem, pauperes monendi sunt, ut reddant quod acceperunt, si non consumpserint, vel si ex dem res in aliquo Xenodochio repositæ fuerint. Si compareat, & diligens inquisitio non facta fuerit, ille, qui omisit talem diligentiam, debet restituere.

Si dominus, cui debetur restitutio, sit absens, is debet moneri, & isto pacto est procedendum. Si res restituenda absenti sit exigui momenti, & dominus tam remote distet, ut arbitrio viri prudentis censeatur ratum habendum a domino, quod res illa detur pauperibus, aut in pia opera expendatur, tunc danda est pauperibus.

Si res restituenda sit magni valoris, & mitti non possit nisi magnis sumptibus, debet mitti sumptibus ejus, qui injuste accepit, quoniam ipse semper fuit in mora, & in causa iniqua, cur dominus rem suam non possideat. Si vero habeat rem sine injusta acceptione, puta quia invenit, quia apud eum deposita est, debet mitti sumptibus domini, si dominus exigit eam sibi mitti, vel debet in loco tuto deponi, donec ea commodius reddi possit domino.

Consect. 8. In restitutione facienda de rebus inventis hæc sunt observanda. Res inventa, quæ non est primi occupantis, qualia sunt, quæ nullius sunt, & quæ non habetur pro derelicta a vero domino, sed quam verus dominus præsumitur inquirere, reddenda est vero domino; quia res domino clamat: & si post diligentem inquisitionem verus dominus non compareat, pauperibus aut danda est, aut destinanda, deponendo eam in aliquo Xenodochio. Si inventor sit in extrema vel gravi necessitate, potest eam retinere, ut diximus ubi de furto circa res inventas.

1. Si res inventa sit nullius, aut proderelicta habeatur, potest retineri ab inventore; etenim ea est primi occupantis.

2. Si res inventa sit alicujus, qui eam non abjecerit, quinimo quærat, ei reddenda est; ad illum enim pertinet, qui eam nedom abjecit, sed etiam sollicite quærit.

3. Si dominus post diligentem inquisitionem non compareat, res danda est, vel destinanda pauperibus, præsumitur enim eas esse domini voluntatem, ut res perdita convertatur in opera misericordiæ, ut profit ad salutem animæ, cum non infervit ad bonum corporis.

4. Si inventor sit pauper, potest rem inventam, quæ pauperibus danda est, tamquam pauper retinere; quia ex eo quod in-

venierit, non est deterius conditionis, quam alii pauperes. Si tamen res magni sit pretii, habita ratione inventoris, debet eam cum aliis pauperibus communicare; solus enim ipse non totum jus habet ad rem inventam.

Consect. 9. De restitutione facienda circa res incertas, id est quarum dominus ignoratur. In restitutione facienda circa res incertas hæc sunt observanda.

Si hæc bona incerta sint acquisita per contractus illicitos, verb. gr. per usuras, debent dari pauperibus: ita determinavit Alexander III. Cap. Cum tu, de usuris: ubi mandat, usuras his, a quibus extortæ sunt, vel eorum hæreditibus restituatur, vel iis non superfluis, pauperibus erogari; in hoc enim Papa sequitur sententiam Augustini relati Canonem *Qui habetis* 14. q. 8. *Qui habetis*, inquit, *de malo, facite inde bonum*. Si bona incerta sint acquisita mediis innocuis, v. g. inventione, dono, ubi apparent non esse nostras, danda sunt pauperibus, uti diximus de rebus inventis.

ARTICULUS II.

Qui ordo servandus quando sunt plures, quibus fieri debet restitutio.

Prop. unica. Quando debitor non potest omnibus & singulis creditoribus satisfacere, potest vero aliquibus, iste ordo servandus est. Illi prius fieri debet restitutio, qui intimius jus habet vel in re, vel ad rem.

Prob. rat. Ordo iustitiæ postulat; ut qui potior est in iure, prior etiam sit in accipienda solutione: ergo illi prius debet fieri restitutio, qui habet jus intimius vel in re, vel ad rem.

Conseffaria hujus Doctrinæ.

Consect. 1. Quicumque habet rem alienam in specie, quocumque titulo habeat, ante omnia rem illam alienam vero domino debet restituere; quia res domino clamat.

Sic res depositæ, res furto, vel rapina occupatæ, si adhuc extent, sunt ante omnia restituendæ; quia hujusmodi res, ut notat Cajet. non computantur inter bona restituentis; quia illarum dominium nunquam fuit translatum in eum, qui eas occupat.

Sic res emptæ & possessæ, sed nondum soluta,

luta, si adhuc in sua specie extat, reddenda est illi, a quo empta est; quia, ut notat Cajet. licet translatum fuerit dominium in eum, qui emit, subiecta tamen manet ipsemet res empta obligationi, donec soluta fuerit, & censenda est quasi non fuerit inter bona emptoris.

Sic pignora extantia data ad assecurationem debiti, debent reddi soluto debito; quia pignoris dominium non translatum fuit in mutuo dantem.

Consect. 2. Prius solvenda sunt debita certa, quam incerta; quia debita certa jure naturæ debentur creditori, incerta vero jure positivo debentur pauperibus.

Sic nocuisti Titio, teneris ei prius satisfacere, quam erogare pauperibus rem quam invenisti, & cuius dominus est incognitus.

Consect. 3. Prius satisfaciendum est creditoribus realibus, quam personalibus, id est his, qui habent actionem in rem, quam his, qui habent solum actionem in personam; quia jus in re intimius est, quam jus ad rem.

Si habes equum furtivum, qui a te bona fide emptus est, & quem daturum te Petro promissisti, debes equum illum prius restituere ei, a quo sublatus est, quam ei dare, cui a te promissus est.

Consect. 4. Prius solvenda sunt quæ debentur ex iustitia rigorosa, quam ea, quæ gratuitè promittuntur; quia debitum est prius promissione, & quia nemo potest licite promittere ea, quæ data eum efficiunt incapacem solvendi debita.

Si omnia tua bona vix sufficiunt ad satisfaciendum creditoribus; voluntarie promissisti te daturum centum florenos Titio: debes solvere prius debita, quam adimplere promissum.

Consect. 5. Inter creditores reales, privilegiatis, ut dicunt, prius satisfaciendum est, quam non privilegiatis; & inter creditores non privilegiatos, illis prius est satisfaciendum, qui priores sunt; quia qui prior est tempore, potior est jure, ut dictum est ubi de hypotheca.

Consect. 6. Debita ex contractibus per se iustis, qui contrahentem faciunt ditio-rem, puta, contractus mutui accepti, emptionis, &c. prius sunt solvenda, quam restituendæ sint usuræ injuste acceptæ: si enim hujusmodi contractus iusti priores sint tempore usuris injuste acceptis, hoc ipso quod sunt priores, magis obligant contrahentem, quam restituendæ usuræ;

qui enim prior est tempore potior est jure. Si vero prædicti contractus iusti super-veniant usuris injuste acceptis, magis iterum obligant contrahentem, quam restituendæ usuræ injuste acceptæ; quia debita ex his iustis contractibus suscepta invito simpliciter domino retinentur: usuræ vero quamvis injuste acceptæ, domino secundum quid consentiente retinentur, nec pauperiorem faciunt contrahentem ad solvendas usuras minus potentem.

Si usurarius vel ante vel post usuras injuste acceptas, emit fundum, & non solvit pretium: post vero tactus dolore cordis, vult & usuras restituere, & pretium fundi empti solvere.

Si non potest singulis, quibus obligatur, facere satis, debet prius solvere pretium fundi empti, quam usuras injuste acceptas restituere; quia venditor jus habet intimius in bona usurarii, quam mutuarius.

Consect. 7. Debita ex contractu, qui contrahentem reddunt pauperiorem, qualis est donatio, non sunt solvenda ante usuras reparatas, sed solum post usuras reparatas; quia mutuarius jus habet intimius in bona usurarii, quam donatarius; quia iste nihil damni passus est ab usurario, maxime vero mutuarius.

Si si usurarius vel ante usuras, vel post usuras promissit aliquid, debet prius usuras reddere, quam promissis stare.

Consect. 8. In solutione & restitutione faciendâ servandæ sunt leges civiles, & municipales, quoties juri naturæ non adversantur; quia debent præsumi illæ leges latæ ob publicam utilitatem: sic observandæ sunt quæ diximus ubi de hypotheca.

ARTICULUS III.

De tempore, quo debet fieri restitutio.

Prop. unica. Quoad præparationem animi, statim restitutio decernenda est: quoad executionem, faciendâ est tempore congruo.

Prob. 1. Scriptura. Ille qui conducit mercenarium, non potest differre restitutionem, juxta illud Levit. 16. *Non morabitur opus mercenarii tui usque mane apud te: ergo neque aliis restitutionibus faciendis potest fieri dilatio; ideo Abimelech restitutionem Saræ suo viro reddendæ non distulit, sed statim de nocte consurgens vocavit omnes servos suos.... Et vocavit Abraham,*
red-

foris : in istis tamen casibus ea cautela adhibenda, qua fiat, ut debitor bis idem solvere non obligetur.

Consect. 2. Toties aut omittenda est, aut differenda restitutio, quoties imprudenter facta noceret spiritualiter restituenti; quia bonum nostrum spirituale præferendum est bono temporali proximi:

Sic si non potes restituere, nisi occultum tuum crimen detegendo, debes crimen tuum occultare, & interim per alium restituere: de quo ita D. Th. 2. 2. q. 62. a. 6. ad 2. *Dicendum, quod homo, et si non teneatur crimen suum detegere hominibus, tenetur tamen crimen suum detegere Deo in Confessione: & ita per Sacerdotem, cui confitetur, potest restitutionem facere rei alienæ.*

Sic contra ordinem juris prodidisti crimen proximi, verum quidem, sed occultum; non potes famam restituere, nisi per mendacium: debes omnino a mendacio abstinere, & quantum poteris citra mendacium proximo satisfacere: de quo ita D. Th. 2. 2. q. 62. ar. 2. ad 2. *Cum aliquis, inquit, prodit crimen alterius contra ordinem debitum, tunc tenetur ad restitutionem famæ, quantum potest, sine mendacio tamen: ut pote quod dicat se male dixisse, vel quod iniuste eum diffamaverit; vel si non possit famam restituere, debet ei aliter recompenfare, sicut in aliis dictum est.*

T R A C T A T U S

DECIMUS OCTAVUS

De octavo Decalogi Præcepto.

Octavum Præceptum his verbis exprimitur: Non loqueris contra proximum tuum falsum testimonium. Exodi 20. v. 16. Hoc præceptum duo facit: unum jubet, & aliud vetat. Jubet, ut veritatem sectemur in communi colloquio, in iudiciis, in patetis, in doctrina. Vetat, ne omne mendacium fugiamus.

Jubet insuper, ut famam tuam nostram, tum proximi illibatam servemus. Vetat vero, ne tantisper eam labefactemus. Itaque agemus de veritatis amore, & de odio mendacii, de cura boni nominis, & de fuga diffamationis.

C A P U T I.

De veritatis amore.

ARTICULUS I.

Quando oporteat veritatem occultare, aut manifestare.

NOta 1. Quod veracitas est virtus, qua homo se talem exhibet exterius, qualis est interius.

Nota 2. Quod loquela, & silentium maximam prudentiam postulant; quia juxta Scripturam, tempus est tacendi, tempus est loquendi. Tenemur veritatem tacere, dum nocet; manifestare, dum prodest. Liberum vero nobis est veritatem indifferenter aut manifestare, aut occultare; ideo quo pacto gerere nos oporteat in veritatis manifestatione, aut occultatione, sequentibus propositionibus expediemus.

Prop. 1. Homo non tenetur semper omnem veritatem præcognitam alteri manifestare; sed potest eam aliquando sapienter occultare, scilicet, quoties jus habet eam occultandi.

Prob. 1. Ex Scrip. Totum spiritum suum profert stultus: sapiens differt, & reservat in posterum. Prov. 29. v. 11. Ergo sapientis est veritatem aliquando occultare.

2. Ex August. Verum occultavit Dominus, cum discipulis nondum idoneis dixit: Multa habeo vobis dicere, sed nunc non potestis portare illa. Et Apostolus cum ait: Non potui loqui vobis quasi spiritualibus, sed quasi carnalibus. Unde manifestum est non esse culpandum verum aliquando tacere: falsum autem dicere non videtur concessum esse perfectis. Super hæc verba: Perdes omnes qui loquuntur mendacium: Plal. 5. vers. 6. ergo, &c.

3. Rat. Homo est dominus suæ cogitationis exterius exprimendæ: ergo non tenetur eam omnibus manifestare, sed tantum quando judicat prudenter eam esse manifestandam. Manifestare autem veritatem præcognitam est actus positivus, ut dicunt: ergo non est in omni casu exercendus; quia præcepta affirmativa non obligant ad semper & pro semper, sed solum quoties ordo virtutis exigit.

Conseñaria hujus Doctrinæ.

Conseñar. 1. Quilibet homo potest et sciens

scientiis naturalibus ea, quæ labore suo cognovit, sibi secreta reservare, & eisdem pro libito uti; quia jus habet utendi iis, quæ invenit studio suo. Sic Philosophus, Mathematicus, Medicus, &c. possunt sibi solis reservare secreta, quæ studio suo invenerunt, nec tenentur ea publici juris facere, nisi ita exigeret bonum universale: ita egisse videtur Jacob, dum non manifestavit Laban arcanum, quo sibi fortis nascebantur unicolores, vel discolors, qui ut passionem injustam Laban præcaveret, ita omnia temperavit, ut & ipse sui laboris fructum acciperet, & Laban non penitus spoliaretur, inquit Hieron. in quaest. Hebraic. secretum autem illud fuisse naturale contendit Hieronymus ibidem.

Consect. 2. Quilibet homo potest ea occultare, quæ manifestata aut sibi, aut suis damnum aliquod positive inducerent, aut lucrum aliquod impedirent; quia quilibet habet jus præcavendi quod sibi videtur nociturum.

Sic in bello ea, quæ ad impugnandos inimicos parantur, sunt eis occultanda. Unde inter cætera documenta rei militaris, hoc præcipue ponitur, de occultandis consiliis, inquit D. Thom. ne ad hostes perveniant. 2. 2. q. 40. a. 3. Ideo Josue occultavit insidias, quas paraverat contra urbem Hay.

Sic in mercandi exercitio non tenetur quis mercium vel penuriam vel abundantiam, quam solus cognitam habet, aliis patefacere; sed potest ea notitia uti, ut merces emat, quas scit brevi raras fore, aut eas vendat, quas novit brevi abundantes fore.

Consect. 3. Quilibet homo potest reticere veritatem, quoties ipsemet aut majus aut æquale damnum pateretur ex loquela, quam proximus ex silentio; quia ordo caritatis non exigit, ut magis amemus proximum quam nos ipsos.

Sic Abraham loquens de Sara partem veridixit, scilicet *soror mea est*, & partem tacuit, scilicet quod conjux ejus esset. Genes. 20. v. 2. & 12. Simile quid fecit Samuël, 1. Reg. cap. 16. v. 5. ad duo venerat, scilicet, ad ungendum David, & ad sacrificandum: unctionem tacuit, & sacrificium declaravit: *Ad immolandum Domino veni*. 1. Reg. 23. v. 24.

Consect. 4. Quilibet homo potest etiam

in donis supernaturalibus ea occultare, quorum manifestatio non judicatur aliis necessaria; ideo ait David Psal. 38. vers. 3. *Obmutui, & humiliatus sum; & filius bonis*.

Prop. 2. Homo tenetur præcognitam veritatem toties occultare, quoties ex veritatis manifestatione honor Dei & utilitas proximi contrarie subtraherentur.

Prob. 1. Ex Script. *Multa habeo*, inquit Christus, *vobis dicere, sed non potestis portare modo*. Quasi diceret: sed illa vobis non manifesto, quia honor Dei & utilitas vestra id modo non postulant.

2. Ex Gregorio Magno. *Laudandi sunt simplices, quod studeant nunquam falsa dicere; sed admonendi sunt, ut noverint non nunquam vera reticere: sicut enim semper dicentem falsitas ledit, ita non nunquam quibusdam audita veritas nocuit.... Sic ut fallaciam semper utiliter vitant; ita veritatem semper utiliter proferant*. Pastor. parte 3. admon. 12. Ergo toties veritas debet occultari, quoties manifestata potest nocere.

3. Rat. Homo nihil potest agere, quod honori Dei vel utilitati proximi contrarietur; quia præceptum illud: divinum honorem non retardabis: utilitatem proximi non impedies: est negativum obligans ad semper & pro semper: ergo oportet toties veritatem occultare, quoties ex ejus manifestatione sequeretur vel diminutio honoris, vel diminutio utilitatis proximi.

Conseclaria hujus Doctrinae.

Consect. 1. Veritas est occultanda, quoties prævidetur deridenda ab audientibus; quia ita exigit honor Dei: ideo Christus ita Apostolos præmonuit: *Nolite dare sanctum canibus, neque mitatis margaritas vestras ante porcos*: idque exemplo suo ostendit; tacuit enim coram Herode, a quo veritatem spreto iri præviderat.

Consect. 2. Veritas est occultanda, quoties excedit captum audientium; quia hoc exigit utilitas proximi, cui noceret circa veritates excedentes instrui: *Altera te ne quaeris*. Sic doctrinam suam temperabat Christus, qui dicebat discipulis: *Multa habeo vobis dicere, sed non potestis prestare modo*. Joan. 16. v. 12.

Consect. 3. Veritas est occultanda, quoties ex veritatis manifestatione tumultus præ-

prævidetur secuturus; quia hoc exigit aut honor Dei, aut utilitas proximi: de quo ita D. Thom. *Si turbatio infidelium oriatur de confessione fidei manifesta, absque aliqua utilitate fidei vel fidelium, non est laudabile in tali casu fidem publice confiteri.* 2. 2. q. 3. a. 2. ad 3.

Consect. 4. Veritas est occultanda, quoties ex veritatis manifestatione secutura est injusta denigratio famæ proximi; quia caritas erga proximum exigit, ut ejus famam curemus: de hoc ita Sapiens: *Remove a te os pravum, & detrahentia labia sint procul a te.* Proverb. cap. 4. vers. 24.

Consect. 5. Veritas est occultanda, quoties ex veritatis manifestatione sequeretur revelatio secreti naturalis, cum hanc revelationem non jubet vel bonum publicum, vel præjudicium tertii; quia fidelitas erga proximum postulat, ut arcana commissa occultemus: *Qui ambulat fraudulenter, revelat arcana, qui autem fidelis est, celat amici commissum,* inquit Sapiens, Proverb. 11. v. 13. & cap. 25. v. 9. *Secretum extraneo ne reveles.*

Prop. 3. Homo toties tenetur veritatem præcognitam manifestare, quoties id exigit ordo virtutis, seu ta postulat honor Dei promovendus, & utilitas proximi procuranda.

Prob. 1. Script. ad Eph. 4. v. 12 *Veritatem,* inquit Paulus, *facientes in caritate, crescimus in illo per omnia:* vers. 5. *propter quod deponentes mendacium loquimini veritatem unusquisque cum proximo suo, quoniam sumus invicem membra:* Ergo veritas est manifestanda, quoties id exigit ordo caritatis seu virtutis.

2. Ex Chrysostomo. *Veritatis proditor non solum ille habetur, qui transgrediens veritatem, palam mendacium pro veritate loquitur; sed etiam ille, qui non libere pronuntiat veritatem, quam libere pronuntiare oportet, aut non libere veritatem defendit.* in Matth. homil. 25.

3. *Rat.* Tunc præcepta affirmativa urgent, quando ita exigit ordo virtutis: ordo autem virtutis est, ut honor Dei promoveatur, & utilitas proximi procuraretur: ergo tunc manifestanda est veritas, cum ita postulant honor Dei promovendus, & utilitas proximi procuranda.

Consecraria hujus Doctrinae.

Consect. 1. Manifestanda est veritas, quoties per veritatis manifestationem virtus incrementum accipit, aut per ejus occultationem virtus damnum patitur; quia ita exigit ordo virtutis: & ita non occultanda, sed e contra manifestanda veritas est, cum per veritatis manifestationem docenda est fides, erigenda spes, fovenda caritas, defendenda religio, conservanda justitia, aut aliquid explicandum quod ad Evangelium pertineat. Exemplum hujus zeli habemus in Paulo dicente: *Non erubesco Evangelium;* ad Rom. 1. vers. 16. & rursus: *Vae mihi, si non evangelizavero.* 1. Cor. 9. vers. 16.

Consect. 2. Manifestanda est veritas quoties debita legitimis superioribus obedientia manifestationem præcipit veritatis, & occultationem veritatis vetat; quia ita exigit ordo virtutis; & ita non occultanda, sed e contra manifestanda veritas est, cum ita jubet superior Ecclesiasticus vel politicus, vel domesticus, non propter privatum sui commodum, sed propter bonum commune: quapropter lapidatus est Acham; quia iustus a legitimo superiore, Josue scilicet, *veritatem* Reip. necessariam noluit prompte aperire, sed peccatum suum tunc solum confessus est, quando fors super ipsum cecidit. Jos. 7.

Consect. 3. Manifestanda est veritas quoties bonum publicum vel Ecclesiae, vel Reip. manifestationem veritatis exigunt, & reticentiam veritatis prohibent. Et ita manifestanda est dissimulatio occultorum errorum contra fidem, machinatio occulta contra religionem, occulta proditio contra Principem: sic Cusai remansit cum Absalon, ut machinationes Absalonis contra David proderet. 2. Reg. 17.

Consect. 4. Manifestanda est veritas quoties ex manifestatione veritatis secutura est liberatio innocentis, ex reticentia vero secutura est injusta condemnatio illius: sic Daniel innocentiam Sultanae contra duos calumniatores ostendit. Daniel 13.

Consect. 5. Manifestanda est veritas, quoties circa veritatem interrogamur secundum ordinem juris vel in foro interiori per Confessarium, vel in foro contentioso per judicem tum politicum, tum Ecclesiasticum; quia ita exigit ordo vir-

tutus : & ita isti tenentur dicere veritatem.

1. Pœnitens cum interrogatur a Confessario circa ea , quæ ad bonum spirituale ipsius conducunt .

2. Reus , cum interrogatur a iudice secundum ordinem juris , scilicet , cum adest semiplena probatio .

3. Testes , cum interrogantur circa ea , de quibus debent testimonium ferre .

Prop. 4. Quoties homo vult aliis suos conceptus vel verbo , vel facto manifestare , ita debet esse sincerus , & candidus , ut nihil agat , aut dicat contra veritatem .

Prob. 1. Scriptura . *Veritatem tantum & pacem diligite* , ait Zach. 8. v. 19. Propter quod , inquit Paulus , *deponentes mendacium , loquimini veritatem unusquisque cum proximo suo , quoniam sumus invicem membra* . ad Eph. 4. vers. 25. Ergo homo ita sincerus esse debet , ut nunquam lædat veritatem .

2. Ex Læstantio : *Est enim nefas eum , idest Christianum , qui veritati studeat , in aliqua re esse fallacem ; atque ab ipsa , aliquam sequitur , veritate discedere Nec aliquando committet , ut lingua intrepres animi a sensu & cogitatione discordet* . lib. 6. cap. 18.

3. Rat. D. Thom. *Dicendum , quod quia homo est animal sociale , naturaliter unus homo alteri debet id , sine quo societas humana servari non posset . Non autem possent homines ad invicem convivere , nisi sibi invicem crederent , tamquam sibi invicem veritatem manifestantibus ; & ideo virtus veritatis aliquo modo attendit rationem debiti* . 2. 2. quæst. 109. art. 3. ad 1. Et ita cum homo alteri vult suos conceptus manifestare , ita debet esse sincerus & candidus , ut nihil agat contra veritatem .

Conseſſaria hujus Doctrinæ .

Homo tenetur in omnibus , præcipue in frequentibus casibus , veritatem sectari .

1. In communibus colloquiis , sive de rebus necessariis , sive de rebus indifferentibus loquatur ; alias periret omnis colloquiorum fiducia .

2. In omnibus actibus forensibus , sive sententiam pronuntiet , ut iudex ; sive testimonium ferat , ut testis ; sive aggrediat , ut actor ; sive se defendat , ut reus ; quia alias periret omnino iustitia , si in

foro liceret mendaciis proximum optinere .

2. In omnibus pactis & conventionibus , quibus ineuntur contractus ultro citroque obligatorii ; quia alias periret omnino commercium , si contrahentibus liceret sese mutuis dolis decipere .

4. In docendi exercitio ; quia alias magis noceret , quam prodesset docendi exercitium , si licitum esset Doctõribus discipulos falsa docere .

In prædictis casibus tantus esse debet sinceritatis amor , ut ab æquivocatione & restrictione mentali abstinendum sit : quod ut magis pateat , sit

ARTICULUS II.

De æquivocatione & restrictione mentali .

Æquivocatio generatim est pravus usus terminorum , qui destinantur ad exprimendos mentis conceptus .

Æquivocatio est duplex : verbalis & mentalis .

Æquivocatio verbalis fit , cum verba ambigua sumuntur in uno sensu a proferente , & in alio sensu ab audiente , intentione fallendi audientem : ut si de gente Gallus interrogatus , an sit Gallus , nec ne ? respondeat se non esse Gallum , idest pullum gallinaceum .

Æquivocatio mentalis est , cum verba , quæ unum & simplicem sensum patiuntur , per tacitam restrictionem aut reservationem in mente factam commutantur a loquente in sensum plane diversum : ut si Sacerdos interrogatus , an sit Sacerdos ? respondeat , se non esse Sacerdotem , subintelligendo Jovis , aut Balaam , aut alterius falsi Dei : interrogatus , an sit Rex in urbe respondeat , ita est , subintelligendo in sui imagine .

Prob. 1. Quando verba sunt clara , & non ambigua , tum in se , tum ratione circumstantiarum , æquivocationes verbales , & restrictiones mentales sunt illicitæ .

Prop. 1. Script. *Qui sophistice loquitur odibilis est* . Eccl. 37. vers. 23. quippe , ut Ait August. in Enchir. cap. 17. *usque adeo rationalis natura refugit falsitatem , & quantum potest devitat errorem , ut falli nolint etiam quicumque amant fallere* .

2. Ex August. *Verba propterea sunt instituta , non per quæ invicem homines fallunt* ,

lant, sed per quæ in alterius quisque notitiam cogitationes suas perferat: verbis ergo uti ad fallaciam, uti sit in æquivocatione & restrictione mentali, non ad quæ constituta sunt, peccatum est: in Enchir. cap. 22.

3. Ex Fromacio anno 400. Dominus inter juramentum & loquelam nostram nullam vult esse distantiam; quia sicut in juramento nullam convenit esse perfidiam; ita quoque in verbis nostris nullum debet esse mendacium. Can. juramenti hæc causa: ergo sicuti perjurium est peccatum, ita æquivocatio & restrictio mentalis.

4. Ex Clero Gallic. Æquivocatio & restrictio excusari non possunt exemplo alicujus Sancti; tum quia, ut ait Aug. lib. contra Mendac. cap. 9. *Non omnia quæ a sanctis, vel iustis viris legitime facta, transferre debemus in mores*: tum quia damnata est ista propositio a Clero Gallicano anno 1700. Patriarchæ, & Prophetæ, Angeli, ipse Christus, nedum viri iusti & sancti æquivocationibus, si ve amphibologiis, & restrictionibus mentalibus usi sunt.

5. Rut. Expressio facta cum æquivocatione verbalis & restrictione mentali 1. Opponitur enunciationis fini, qui est manifestare quod habemus in mente. 2. Provenit ex intentione fallendi, cum opinionem veritatis contrariam alterius animo nitatur ingenerare. 3. Omnem inter homines societatem dissolvit, cum, permixta æquivocatione, & restrictione, futuri simus semper incerti, an homines ita sentiant, ut loquuntur; ergo & æquivocatio verbalis, & restrictio mentalis sunt peccata.

Consecratoria hujus Doctrinæ.

Consect. 1. Non est utendum æquivocatione vel restrictione, cum nulla lubet causa, nisi sola voluntas, vel recreatio; quia damnata est hæc propositio ab Innocentio XI. & Clero Gallicano: Si quis vel solus, vel coram aliis, si ve interrogatus, si ve propria sponte, si ve recreationis causa, si ve quocumque alio fine, j. rei se non fecisse aliquid, quod revera fecit, intelligens in ira se aliquid aliud, quod non fecit, vel aliam viam ab ea, in qua fecit, vel quodvis aliud additum verum, revera non mentitur, nec est perjurus. Ergo per æquivocationem & restrictionem committitur semper mendacium; & si interveniat juramentum, committitur perjurium, ut definit Papa & Gallicani Prælati.

Consect. 2. Non est utendum æquivocatione, vel restrictione mentali, cum lubet sola utilitas vel corporis curandi, vel honoris tuendi, vel rei familiaris conservandæ; quia damnata est sequens propositio: *Causa iusta utendi his amphibologiis est, quoties id necessarium, aut utile ad salutem corporis, bonorem, res familiares tuendas, vel ad quemlibet alium actum virtutis, ita ut veritatis occultatio censeatur tunc expediens & studiosa.*

Consect. 3. Non est utendum æquivocatione, vel restrictione mentali, cum a nobis exigitur juramentum autoritate publica; quia damnata est sequens propositio: *Qui mediante commendatione, vel munere, ad magistratum, vel officium publicum promotus est, poterit cum restrictione mentali præstare juramentum, quod de mandato Regis a similibus solet exigi, non habito respectu ad intentionem exigentis; quia non tenetur sateri crimen occultum.*

Consect. 4. Non est etiam utendum æquivocatione, vel restrictione mentali, cum interrogamur a legitimo superiore, etiam extra rigorem juris, & non exacto a nobis juramento, quia si in communi colloquio non liceat proximum æquivocationibus & restrictionibus fallere, a fortiori nec superiorem.

Prop. 2. Quando verba sunt aut in se ipsis, aut ex circumstantiis ambigua, tunc proferens potest ea sumere in eo sensu obvio, licet audiens ea recepturus sit in alio sensu obvio diverso ab eo, in quo sumuntur a proferente, modo proferens iustam causam habeat reticendi eam veritatem, quæ occultatur audienti.

Prob. 1. Script. Hæc vox soror, juxta Orientales, in sensu obvio duo significat, & eam quæ ex eodem patre, vel eadem matre nata est, & eam, quæ nobis aliqua cognatione juncta est. Abraham dicens Saræ: *Dic obsecro, quod soror mea sis*, non est mentitus juxta Augustin. Enchir. cap. 17. licet Abraham sumeret hanc vocem soror in uno sensu, audiens tamen in alio: Ergo abique mendacio possumus sumere verum ambiguum in uno sensu obvio, licet audiens sit accepturus in alio.

2. Ex Aug. lib. contra mendacium c. 17. in istis duobus casibus non est mendacium: *sive ubi tacetur verum, nec dicitur falsum, sive ubi significatio verax aliud ex alio vult intelligi; quod genus figurarum vel adnotarum, vel factorum abundat in Prophetis:*

Ergo non sum mendax, etsi verum taceam, & quamvis utar vocibus ambiguis diversa significantibus, etsi sumam ea verba ambigua in uno sensu, & is cui loquor in alio.

3. Rat. Quando verba sunt ambigua, & in usu hominum diversa significant, potest eis quilibet uti juxta significationem obviam & sibi opportunam; jus enim habet: sicuti quando res est publica, potest ea uti juxta utilitatem sibi opportunam, & convenientem, v.g. sitiens utitur aquis ad bibendum, dum alius eisdem utitur ad lavandum corpus: Ergo & potest proferens uti termino juxta unam significationem obviam, dum audiens sumit eundem terminum juxta aliam significationem obviam.

Sic Athanasius interrogatus a satellitibus, an inde longe abesset Athanasius, respondit eum non longe abesse, & ita illos contrarium cursum tenentes effugit. Athanasius fumebat vocem illam *longe* in uno sensu, satellites vero in alio.

Sic Elifæus interrogatus a Syriæ militibus, an hæc esset civitas, in qua erat Elifæus, dixit ad eos: *Non est hæc via, neque ista est civitas, sequimini me, & ostendam vobis virum quem queritis.... Duxit ergo eos in Samariam.* 4. Reg. 6. v. 19. Hæc integra phrasis fumebatur in uno sensu ab Elifæo, in alio vero a militibus non habentibus jus interrogandi.

Prob. 3. Quando verba sunt ambigua aut in seipsis, aut in circumstantiis, tunc proferens debet ea fumere in eo sensu, in quo audiens ea recepturus est, si interveniant vel conventio, vel juramentum, vel proferens teneatur impedire aut ex caritate, aut ex justitia, ne proximus decipiatur per hæc verba ambigua.

Prob. 1. Script. *Non mentiemini, nec decipiet unusquisque proximum suum.* Lev. 19. v. 11. idest, ut exponit Menochius, non negabitis veritatem in deposito, credito, aliove quovis contractu, aut debito: Ergo non licet uti verbis ambiguis in alio sensu, quam sumantur ab audiente, cum intervenit vel simplex conventio, vel conventio juramento firmata, vel obligatio impediendi, ne i proximus verbis ambiguis decipiatur.

2. Ex Aug. lib. de conspectu vitiorum & virtutum cap. 19. Can. *Nec artificiose, ubi sic habetur: Nec artificiose mendacio, nec simplici verbo oportet decipere quemquam; quia quolibet artis modo mentiatur, os quod mentitur occidit animam: Ergo non licet artificiose uti*

verbis ambiguis ad decipiendum proximum in relictis casibus.

3. Rat. Quoties intervenit vel conventio simplex, vel conventio juramento firmata, vel obligatio impediendi, ne proximus verbis nostris decipiatur; toties proximus juste præsumit nos ad mentem ipsius interrogantis responsuros: Ergo in illis casibus non licet uti verbis ambiguis fumendo ea in uno sensu, dum proximus sumit in alio.

Consect. unicum. Numquam licet contrahere cum æquivocatione, jurare cum æquivocatione, docere cum æquivocatione, testari cum æquivocatione; quia in his casibus omnibus ambiguitas fugienda est.

Prop. 4. Quando jocosè loquimur, & jocus noster audientibus obvius est, tunc possumus fumere verba contra sensum obvium sine mendacii vitio.

Prob. 1. Script. Joseph absque mendacio juxta Interpretes ironice & jocosè alloquebatur fratres suos: *Cur sic agere voluistis? an ignoratis, quod non sit similis mei in augurandi scientia?* Gen. 44. v. 15. Ergo licet absque peccato aliquando jocosè loqui exemplo Joseph. Quod si contenderet quis Joseph esse mentitum, tunc factum illud non esset imitandum.

2. Aug. Cum autem quæ non sunt, tamquam joco dicuntur, non reputantur mendacia. in lib. quæst. Gen. c. 44. q. 145.

3. Rat. Tunc non est mendacium, quando audiens ex modo loquendi intelligit nos aliter sentire quam loquimur.

Consect. unicum. Cum advertimus his, quæ jocosè dicimus, proximum nostrum decipi, statim corrigendus est sermo noster; vetat enim caritas ut proximum nostrum decipi permittamus.

C A P U T II.

De Mendacio.

ARTICULUS I.

An mendacium sit semper illicitum.

Mendacium est vitium, quo homo aliter se exhibet exterius, quam se interius.

Prop. unica. Mendacium semper & in omni casu est peccatum.

Prob. 1. Script. *Mendacium fugies.* Exod. cap. 23. vers. 7. *Non mentiemini, nec decipies unum-*

unusquisque proximum suum. Lev. 19. v. 11. Propter quod deponentes mendacium loquimini veritatem unusquisque cum proximo suo. Eph. 4. v. 15. Nolite mentiri invicem. Coloss. cap. 3. v. 9. Ergo mendacium est semper & in omni casu prohibitum.

2. Ex Laetantio ann. 217. Numquam mendandum est; quia semper nocet, aut fallit. Epit. c. 6.

3. Ex Aug. Elucet itaque discussis omnibus nihil aliud illa testimonia Scripturarum monere, nisi numquam esse omnino mentiendum. Lib. de Men. cap. 21.

4. Rat. Mendacium multas includit deformitates.

1. Nocet mentienti; quia spoliat mendacem omni auctoritate & fide; & inhabilem reddit ad officium christiana, tum civilia. Melior est pauper, inquit Scriptura, quam vir mendax. Prov. 19. v. 22.

2. Proximo non parum officit; quia eum falsitate imbuat: falsitas enim est malum mentis, veritas autem e contra est bonum mentis.

3. Reipublicæ obest; quia bonum Reip. consistit in mutuo hominum commercio; quod utique tollitur, si mutuis nos mendaciis decipiamus, & aliter quam sentimus mente, verbis loquamur.

Conseclaria hujus Doctrinae.

Consecl. 1. Simulatio, adulatio, hypocrisis, jactantia, sunt peccata; quia vel sunt mendacia, vel includunt mendacium: non sunt tamen æqualis deformitatis; quia non æqualiter Deum offendunt, nec æqualiter proximo, vel Reipublicæ nocent.

Mendacium jocosum, officiosum, & perniciosum, sunt peccata; quia ex Augustino & D. Thom. sunt species mendacii: non tamen æqualis sunt deformitatis; quia non æqualiter offendunt Deum, nec æqualiter nocent vel proximo, vel Reipublicæ.

Mendacium jocosum est illud, quod nulli nocet, sed delectandi causa dicitur; & hoc est peccatum veniale, inquit Cajet. verbo Mendacium. Tale fuit mendacium Saræ negantis se fuisse.

Mendacium officiosum est illud, quod sine ullius injuria dicitur, ut alicui prosit; & hoc est peccatum veniale, ait Cajet. Tale fuit mendacium obsequium Egyptianum, quæ mentiebantur Pharaoni, ut infantulos Judæorum conservarent. Exod. cap. 1. vers. 17. est species mendacii, quo quis affingit si-

liberavit, dicens: Cum porta clauderetur in tenebris, & illi pariter exierunt... persequimini cito, & comprehenditis eos. Josue cap. 2. v. 3.

Mendacium perniciosum est illud, quod injuriosum, aut nocivum est aut Deo, aut homini, & hoc est mortale ex suo genere: ita Cajet. Tale fuit mendacium Diaboli tentantis primos parentes. Dixit autem serpenti ad mulierem: nequaquam morietur tibi. Genes. 3. v. 4.

Consecl. 2. Simulatio est peccatum; quia est mendacium consistens vel in facto solum, vel in facto simul & verbo, quibus exterius exprimitur aliquid aliter, quam sit in mente. Simulationem Scriptura ita vituperat: Simulator ore decipit amicum suum, iusti autem liberabuntur scientia. Proverb. 11. v. 9. Talis fuit simulatio Absalon qui finxit iter in Hebron, ut sacrificaret Domino, & tamen mente meditabatur concitare populum in patrem David. 2. Reg. 15. v. 6.

Consecl. 3. Hypocrisis est peccatum; quia est mendacium consistens vel in facto solum, vel in facto simul & verbo, fingendo exterius sanctitatem, hanc & simulatam: quippe hypocrisis est mendacium, quo quis simulat personam iusti vel iustioris, a quo nos deterret Scriptura dicens: Ne fueris hypocrita in conspectu hominum. Eccle. 1. v. 27. & Christus: Vae vobis, hypocritæ. Talis erat hypocrisis Phariseorum, qui festucam in aliis videbant, & in se trabem non attendebant; & qui quod erat de foris mundabant, minime vero quod intus erat. Lucæ 6. v. 41.

Consecl. 4. Adulatio est peccatum; quia est mendacium partim in facto, partim in verbo consistens, quo excedimus in laude, vel complacentia erga proximum. De hoc ita Scriptura: Melius est a sapiente corrigi, quam stultorum adulatione decipi. Eccl. 7. vers. 6. Talis fuit adulatio Judæorum erga Herodem: Populus autem acclamabat: Dei voces, & non hominis. Act. 12. v. 22.

Consecl. 5. Jactantia est peccatum; quia est species mendacii, qua quis jactat & extollit se supra id, quod habet. Laudet te alienus, & non os tuum: extraneus, & non labia tua, ait Sapiens, Proverb. 27. v. 2. Talis fuit jactantia Goliath contra David. 1. Reg. 17. v. 8.

Consecl. 6. Ironia est peccatum; quia est species mendacii, quo quis affingit si-

de se dotes, quas habet. *Est qui nequiter se humiliat, & interiora ejus plena sunt dolo*, ait Eccle. 19. v. 23. *Cum humilitatis causa mentiris*, inquit Aug. si non eras peccator, antequam mentireris, mentiundo efficeris... nam quomodo est humilitas, ubi regnat falsitas? Sermon. de verbis Domini 182. alias 29.

Confess. 7. Nulla est occasio, in qua mentiri liceat, ut vel nobis, vel proximo bona vel spiritualia, vel temporalia conferamus. Aug. lib. contra Mendac. c. 29. sicuti non est iurandum ad dandam elemosynam; quia non sunt facienda mala, ut eveniant bona; iudeo dicit Eccle. cap. 7. v. 14. *Noli velle menti omne mendacium: assiduitas enim illius non est bona*: & ita non licet mentiri.

1. Pro conservanda vita hominis breviter morituri: v.g. moriturus est pater ægrotans, si ei annuntietur mors filii defuncti, dicendo contra veritatem, Filius tuus non est mortuus. Aug. ibid. cap. 18.

2. Pro conservanda vita innocentis inique conquisiti ad mortem; sed dicendum: nec prodam, nec mentiar. Aug. ibid. cap. 13.

3. Pro conservanda pudicitia involuntarie perdenda; quia castitas mentis, quæ servatur illæsa per veritatem, est præstantior, quam castitas corporis, si servetur intacta per mendacium. Aug. ibid. cap. 7.

4. Pro æterna salute alicujus procuranda: v.g. ut obtineam per mendacium licentiam baptizandi puerum sine baptismo moriturum; sicuti non est mæchandum, ut baptizetur infans, ita nec mentiendum. Aug. ibidem cap. 20. *Ad sempiternam vero salutem nullus decedendus est opitulante mendacio*.

5. Pro detegendis hæreticis Ecclesiam devastaturis, vel devastantibus. Sicuti non licet castitatem perdere, ut detegas hæreticum, ita nec veritatem. Aug. ibidem cap. 7.

6. Pro detractione reparanda. Si detraxeris, detegendo crimen verum, sed occultum, non potes dicere te mentitum; quia mendacium est malum: ita D. Thom. 2.2. q. 62. art. 2. ad 2. *Potest aliquis famam alicui auferre, verum dicendo, sed injuste: puta, cum aliquis prodit crimen alterius contra ordinem debitum, & tunc tenetur ad restitutionem famæ, quantum potest, sine mendacio tamen, utpote quod dicat se male dixisse, vel quod injuste dissimaverit*.

ARTICULUS II.

Quandonam mendacium sit peccatum mortale.

Prop. unica. Toties mendacium est peccatum mortale, quoties opponitur non solum veritati, sed insuper contrariatur virtuti ad salutem absolute necessariæ, verb. gr. fidei, spei, caritati, iustitiæ, religioni, bono publico; vel si mendacium cum scandalo, aut juramento coniungatur.

Prob. 1. Script. *Perdes omnes, qui loquuntur mendacium*. Psal. 5. v. 7. scilicet, perniciosum, ut explicat Aug. in istum Psal. *Omnibus mendacibus pars illorum erit in stagno ardenti & sulphure, quod est mors secunda*. Apoc. 21. v. 8. Ergo cum mendacium perniciosum mortem æternam mereatur, debet esse peccatum mortale.

2. Ex D. Th. 2.2. q. 119. art. 4. in corp. ait: *Mendacium, quod non solum opponitur virtuti veritatis, sed etiam virtuti fidei, & Religionis*, idem dic de aliis virtutibus ad salutem omnino necessariis, hoc mendacium est gravissimum & mortale.

3. Rat. Toties actus legi difformis peccatum est mortale, quoties opponitur mediis ad salutem obtinendam simpliciter necessariis, quia grave peccatum est præcludere sibi viam regni celestis: Ergo mendacium erit mortale, quoties opponitur prædictis virtutibus, quæ sunt ad salutem consequendam omnino requisitæ.

Confessaria hujus Doctrinæ.

Confess. 1. Mendacium contrarium fidei, cujus veritatem aliquis tali mendacio occultat, vel corrumpit, ut loquitur D. Thom. est mortale; quia opponitur virtuti Theologicæ.

Sic docere aliquid contra fidem est peccatum mortale. Tale est mendacium eorum, qui hæreticorum perversa dogmata dissimulant.

Sic docere aliquid contra bonos mores est peccatum mortale. Tale est mendacium Casuistarum, qui ex privatis affectibus vel severiorem, vel laxiorem doctrinam tradunt, contra illud Scripturæ: *Væ qui dicitis bonum malum, & malum bonum*. Isaia 5. vers. 20.

Confess. 2. Mendacium contrarium spei, quo quis vel desperationem, vel præsumptio-

ptionem inducit, est peccatum mortale; quia opponitur virtuti Theologicæ. Tale est mendacium eorum, qui falso asserunt Deum non parciturum poenitentibus, quia est iustus, aut non puniatur impoenitentes, quia est misericors.

Consect. 3. Mendacium contrarium caritati vel erga Deum, vel erga proximum, quo Deus vel proximus injuriam gravem patitur, est peccatum ex suo genere mortale; quia opponitur virtuti Theologicæ.

Sic in sequentibus actibus mendacium est peccatum mortale.

1. Adulatio contra caritatem Dei, qua vitium laudatur, probitas vero vituperatur: de qua ita Psalmista: *Laudatur peccator in desideriis animæ suæ, & iniquus benedicitur*. Talis erat adulatio Judæorum Christi Religionem infestantium, ut adularentur Cæsari: *Hi omnes*, id est Christiani (ajebant); *contra decreta Cæsaris faciunt, Regem alium dicentes esse Jesum*. Act. 17. vers. 7.

2. Hypocrisis contraria caritati erga Deum, qua vera pietas spernitur, & species virtutis ambitur, qua homo intendit esse malus, & simulat se esse bonum: de qua ita Paulus: *Sunt quidam habentes quidem speciem pietatis, virtutem autem ejus abnegantes: & hos devita*. 2. Timot. 3. vers. 5. Talis erat hypocrisis Phariseorum, qui decimabant mentam & anetum, relinquentes quæ graviora sunt legis, judicium, misericordiam, & fidem. Matthi. 23. v. 23.

3. Adulatio contraria caritati erga proximum, qua palpatur proximus, ut ei nocetur: a quo nos ita dehortatur Sapiens: *Meliora sunt vulnera diligentis, quam fraudulenta oscula odientis*. Prov. 27. v. 6. Talis erat adulatio Saulis erga Davidem, qui ut ei noceret, cum blanditiis eum alloquebatur.

4. Hypocrisis contraria caritati erga proximum, qua affectatur pietas, ut noceatur proximo, & paretur via ad officia civilia, vel Beneficia Ecclesiastica: de quibus hypocrisis ita Bernard. *Inus Herodes, foris Joannes*. Tales illi, quos ita Christus alloquitur: *Vae vobis hypocritæ, quia comeditis domos viduarum, orationes longas orantes; propter hoc amplius accipietis judicium*. Matth. 23. vers. 14.

5. Jactantia injuriôsa Deo, qua quis se extollit contra Deum. Talis fuit jactantia Regis Tyrii dicentis: *Deus ego sum*. Ezech. 28. v. 2.

6. Jactantia insultans proximo. Talis fuit jactantia Pharisei: *Non sum sicut ceteri hominum, velut etiam hic Publicanus*. Lucæ 18. v. 11.

7. Jactantia perniciofa virtuti, qua quis jactat & peccata quæ fecit, &, quod pejus est, peccata quæ non fecit. Talis erat jactantia Augustini nondum baptizati, qui de peccatis, quæ non commiserat, gloriabatur.

Consect. 4. Mendacium contrarium religioni, quo vel negatur vera religio, vel falsa simulatur, est peccatum mortale; quia opponitur virtuti ad salutem simpliciter necessariæ. *Primum est capitale mendacium longeque fugiendum, quod fit in Doctrina Religionis, ad quod mendacium nulla conditione debet quisquam adduci*, inquit August. de mendacio cap. 14.

Sic peccant letaliter

1. Qui negant veram religionem. Talis fuit Petrus, qui ter Christum negavit, sed ad galli cantum resipuit.

2. Qui simulant falsam religionem, intus veram retinendo. Tales erant qui suadebant Eleazaro seni, ut simularet edere carnem porcinam.

3. Qui prædicant falsam religionem, uti faciunt politici, ut se accomodent Regum populorumque genio. Tales erant falsi Prophetæ, de quibus Jeremias cap. 5. vers. 31. *Prophete prophetabant mendacium, & Sacerdotes applaudebant manibus suis, & populus meus dilexit talia*.

4. Qui venditant falsa ad religionem pertinentia, uti faciunt, qui falsa prædicant miracula, qui fictas proponunt indulgentias, qui falsas exponunt reliquias. Tales sunt illi, qui libros Apocryphos scripserunt, quasi religio egeret mendaciis.

Consect. 5. Mendacium contrarium justitiæ, quo nocetur notabiliter proximo vel quoad vitam, vel quoad honorem, vel quoad bona temporalia, est peccatum mortale; quia est contra virtutem ad salutem absolutè necessariam.

Sic mendaces peccant mortaliter in sequentibus casibus.

1. Si noceant vitæ corporali. Tale fuit mendacium senum Susannam adulterii accusantium; lex enim adulteram morti addicebat. Si mæchatus quis fuerit cum uxore alterius, & adulterium perpetraverit cum conjuge proximi sui, morte moriantur & mæchus & adultera. Lev. 20. vers. 10.

2. Si noceant vitæ spirituali, verb. gr. si proximum ad peccandum mortaliter suum mendacio alliciant. Tale fuit mendacium Bleudo-Propheætæ, de quo 3. Reg. 13. v. 18. *Ait illi: Ego Propheta sum similis tui, & Angelus locutus est mihi in sermone Domini dicens: redue cum in domum tuam, ut comedat panem & bibat aquam: & fese- lit eum.*

3. Si noceant bonis temporalibus proximi, ut si auferant a proximo v. g. hæreditatem, beneficium, &c. Tale fuit mendacium Rachelis abscondentis idola patris sui, in sententia eorum, qui volunt Rachelum verum furtum commisisse auferendo idola patris. *Ne irascatur meus Dominus, quod coram te conjungere nequeo; quia juxta consuetudinem seminarum nunc accidit mihi. Sic delusa sollicitudo quærentis est.* Genes. 31. v. 35.

4. Si noceant honori proximi, injuste diffamando. Tale fuit mendacium uxoris Putipharis dicentis de Joseph: *Ingressus est ad me, ut coiret mecum.* Genes. 39. vers. 14.

Confess. 6. Mendacium oppositum publicæ fidei, quo fides publica læditur, est peccatum mortale, præcipue cum res deducta est, aut deducti potest ad forum contentiosum; quia publica illa falsitate insigniter nocetur bono publico, quod fieri nequit absque peccato mortali: insuper mendacium hoc solet vocari crimen falsi, quod in utroque jure puniuntur severis pœnis, quod indicat peccatum esse mortale.

Monit. Fit autem crimen falsi tribus modis.

1. Per dictum: ut si testis falsum deponat, uti fecerunt viri diabolici, qui dixerunt falsum testimonium contra Nabot, imponendo ei blasphemiam: 3. Reg. cap. 21. v. 13: vel si testis verum supprimat, uti fecerunt duo falsi testes contra Christum, dicentes: *Hic dixit: Possum destruere templum hoc, & post triduum reedificare illud:* Matth. cap. 26. vers. 61. siquidem reticebant, quod Christus de templo corporis sui, non de templo Jerusalem loqueretur. *Uterque enim reus est, & qui veritatem occultat, & qui mendacium dicit.* August. can. *Falsidicus.*

2. Per scriptum: ut si quis falsa consingat instrumenta, aut falsis utatur: item si quis vera instrumenta adversæ parti proptura sine causa abscondat, aut supprimat; quia illud mendacium est contra fidem publicam: de quo ita Capitula-

re, libro 7. capit. 196. Qui falsa Principum scripta detulerint, ut falsarii puniantur: *Tam ille qui subripit instrumentum, quam qui adversario parem advocacionis copiam subtrahit, iniquam offendit a se litem sovert, & capit. perornit.* extra de cognitione testibus: & ita non licet perditis primævis instrumentis similia consingere.

Ubi nota, quod instrumentum potest esse falsum vel in substantia, vel in circumstantiis: in substantia, ut si Titius scribatur hæres loco Sempronii: in circumstantiis, ut si tempus pro tempore ponatur, quod Gallice solet dici, *antidate*: aut si locus pro loco ponatur.

3. Per factum: ut si quis monetam adulterinam cudat: si aurum vel argentum corrumpat: si pondera vel mensuras minuat: sigillum falsum apponat: si duobus in solidum rem eandem vendat; in quibus omnibus casibus mendacium est peccatum mortale, quia publicæ fidei opponitur.

Confess. 7. Mendacium, quod fit a persona publica, cui ex officio incumbit veritatem tueri, est peccatum mortale, etiam si non sit alicui privato noxium: ita D. Thom. *Quia tenentur veritatem conservare ex suo officio in judicio. & doctrina, contra que si mentiantur, erit mendacium, quod est mortale.* 2. 2. q. 110. a. 4. ad 5.

Et sic non excusantur a mortali Doctores, Theologi, Prædicatores, Judices, qui veritatem eis depositam tueri negligunt, eamque vel occultant erubescerentes Evangelium, vel corrumpunt adulterantes verbum Dei.

Et sic non excusantur a mortali magistri, qui ex negligentia insigniter culpabiles, vel ex odio veritatis, vel ex timore mundano, falsas opiniones docent circa ea, quæ pertinent ad perfectionem scientiæ, & informationem morum, ut loquitur D. Thom. *Minime vero si falsa opinio ex mendacio generata sit circa aliquid, de quo non referat, utrum sic, vel aliter cognoscatur.* 2. 2. q. quæst. 100. a. 4. in C.

Confess. 8. Mendacium quodcumque juramento firmatum est peccatum mortale; importat enim contemptum Dei: & sic non excusantur a peccato mortali.

1. Notarius falsitatem aliquam inserens in instrumentum publico, etiam consentientibus partibus; quia juravit se ab omni falsitate temperatum; & quia vitæ, aut saltem honoris periculum subit, si contra iudice accusetur. & falsitatis convic-

catur: exponere autem se lubenter tali periculo est peccatum mortale.

2. Ministri iustitiæ, v. g. Advocati, Procuratores, Scribæ, Judices, Testes; quia hi vulgo jurant se nihil contra veritatem acturos.

Consect. 9. Mendacium quodcumque cum gravi scandalo conjunctum, est peccatum mortale: sic mendacium, inquit Div. Thom. *erit etiam peccatum mortale, dum scilicet aliquis non veretur propter scandalum publice mentiri*. 2. 2. q. 110. art. 4. in corp. Tale est mendacium publicum Episcopi, Sacerdotis, Religiosi, qui quocumque in casu mentiri non erubescunt; per hoc enim dignitatem suam maxime depriment: de quo Gregor. Papa VII. ad Alphons. Hispaniæ Reg. *Mendacium, inquit, in Sacerdotibus quasi sacrilegium coniciatur*.

Consect. 10. Mendacium quodcumque conjunctum cum intentione mortaliter culpabili est peccatum mortale. Tale est mendacium etiam leve, vel officiosum, & josum dictum intentione mœchandi, furandi, &c. ut supra diximus ubi de distinctione inter peccatum mortale & veniale.

ARTICULUS III.

Quando mendacium sit peccatum veniale solum.

Prop. unica. Toties mendacium est solum peccatum veniale, quoties vel est indeliberatio ex parte dicentis, vel non est insigne nocumentum in persona, contra quam dicitur mendacium, vel non est in dicente animus fallendi; quia tunc non interveniunt requisita ad peccatum mortale: de hoc ita Cajetanus, verbo Mendacium: *Potest autem mendacium efficere, ut non pertingat ad peccati mortalis perfectionem tripliciter; vel propter imperfectionem actus ex parte dicentis, ut in primis motibus contingit, propter non deliberatam consentire; vel propter imperfectionem actus ex parte nocumenti, ut in minimis contingit; vel propter imperfectionem ex parte formæ, ut contingit in detractione non animo detrahendi, & similibus, ita quod mentiens in materia perniciose, puta in scientificis, non animo nocendi alicui, sed ex loquacitate, non putans inde aliquem notare, & concipere falsam doctrinam, quia non formaliter dicit perniciosum, non peccat mortaliter; nisi documentum sit adeo notabile,*

ut peccatum redeat in naturam suæ formæ, id est, fiat perniciosum.

CAPUT III.

De fama & honore.

Fama est existimatio, quam habemus de aliquo ob ejus probitatem; quia vera fama innititur probitati & Deo, & hominibus cognita, juxta illud Pauli: *Providemus bona non solum coram Deo, sed etiam coram hominibus*. 2. ad Corinth. c. 8. vers. 21.

Honor est protestatio alteri exhibita ob virtutem & excellentiam illius; quia virtus & excellentia merentur honorem, juxta illud Pauli ad Rom. 2. v. 19. *Gloria autem, & honor, & pax omni operanti bonum*. Diminutio famæ dicitur diffamatio. Diminutio honoris dicitur contumelia. Agemus 1. de cura conservandi famam. 2. De fuga diffamationis. Postea vero de cura conservandi honorem, & de fuga contumeliæ.

Fama absolute spectata acquiritur probitatis exercitio; deperditur vitio.

Fama spectata, prout est in mente cogitantis, conservatur, dum de nobis, vel de proximo bene sentimus; minuitur vero, cum male vel de nobis, vel de proximo sentimus.

Fama spectata, prout est in auribus audientium, conservatur, dum de nobis, vel de proximo recte loquimur; minuitur vero, cum de nobis, vel de proximo male habemus.

ARTICULUS I.

Quæ sit obligatio conservandi propriam famam.

Prop. 1. Quælibet persona publica tenetur propriam famam ex lege justitiæ conservare, & injustam infamiam repellere.

Prob. 1. Paulus 1. ad Timot. 3. v. 2. ait: *Oportet Episcopum irreprehensibilem esse*: & v. 7. *Oportet autem illum testimonium habere bonum ab iis, qui foris sunt, ut non in opprobrium incidat; & in laqueum Diaboli*: & ad Tit. 2. v. 15. *Nemo te contemnat*: Atqui hæc exigunt, ut Prælati sit bonæ famæ: Ergo tenetur bonam famam summo studio tueri: & quia personæ publicæ non est sui commodi, sed aliorum, ejus

ejus pariter fama non est sua, sed aliorum: Ergo ex iustitia tenetur eam illibatam servare.

2. Ex D. Thom. *Illi quibus incumbit officio, vel statu perfectionis, aliorum saluti providere, peccant, nisi infamiam propriam juxta posse repellant.* Quodlib. 20. art. 13. in corp.

3. *Rat.* Persona publica debet singulari cura tueri id omne, quod est necessarium ad gloriam Dei, & hominum salutem promovendam; quia ad id præcipue statuitur persona publica: Atqui bona fama ad id est omnino necessaria, ut patet: Ergo persona publica debet singulari cura famam tueri, non eo fine, ut in ea fama sibi complaceat, hoc enim malum est, sed ut gloriam Dei promoveat, & ut aliis vel exemplo, vel opera magis prodesse possit. Sic Paulus ait ad Gal. 1. v. 24. & 14. *Ecclesie Judeorum in me clarificabant Deum:* & 1. ad Thessal. 1. v. 7. eos laudat, quod *forma facti sint omnibus credentibus in Macedonia & in Achaja.*

Conseclaria hujus Doctrinæ.

Hi, qui subjiciuntur, debent speciali cura propriam famam tueri.

1. Prælati omnes spirituales. 2. Prælati omnes civiles. 3. Prælati omnes domestici; quia omnibus, sed præcipue Prælati dictum est: *curam habe de bono nomine.*

Prop. 2. Quilibet etiam privatus tenetur propriam famam conservare motivo caritatis, quoties bonum Dei & utilitas proximi id exigunt; minime vero motivo cupiditatis, quando id solum suadet inanis gloriæ desiderium.

Prob. 1. Script. *Curam habe de bono nomine.* Eccle. 41. v. 15. *Conversacionem vestram inter gentes habentes bonam, ut in eo, quod derectant de vobis, tamquam de malefactoribus, ex bonis operibus vos considerantes, glorificent Deum in die visitationis.* 1. Petri 2. vers. 12. Ergo privati tenentur famam suam conservare.

2. Ex D. Th. *Fama non est necessaria homini propter seipsum, sed propter proximum edificandum, & Deum honorandum. Appetere famam propter proximum, vel propter Deum, caritas est; Appetere vero propter se ipsum, ad inanem gloriam pertinet.* Quodlib. 10. art. 13. in corp. Ergo ex caritate tenemur famam nostram illibatam servare.

3. *Rat.* Homo tenetur gerere curam bo-

rum temporalium; quia etsi sit illorum dominus, non ira est dominus, ut possit pro libito ea dilapidare, sed eis uti debet in gloriam Dei, in utilitatem tum sui, tum proximi: Ergo & tenetur curam gerere propriæ famæ; quia *melius est nomen bonum quam divitiæ multe.* Prov. 22. v. 1. Ergo privatus quilibet tenetur propriam famam curare in gloriam, & in utilitatem spiritalem tum sui, tum proximi.

Conseclaria hujus Doctrinæ.

Consecl. 1. Debemus ambire gloriam, quæ in probitate consistat. *Qui gloriatur, inquit Paulus, in Domino gloriatur.* 2. Cor. c. 10. v. 31. *Emulamini charismata meliora.* 1. Cor. c. 12. v. 31.

Consecl. 2. Debemus spernere gloriam, quam pravi homines volunt sitam esse in vitio. *Quid, inquit David, gloriaris in malitia, qui potens es in iniquitate?* Psalm. 51. vers. 3. & Iaias vers. 9. oburgat eos, qui peccata sua sicut Sodoma prædicaverunt.

Consecl. 3. Debemus proximo subtrahere omnem occasionem diffamandi nos; quia *non subtrahere hanc occasionem, esset scandalum actuum,* inquit D. Th. Quodlib. 10. a. 13.

Consecl. 4. Debemus linguas detrahentium compescere eo modo, quo debemus impedire turba, scilicet, *non alio modo, quam quo tenemur saluti proximi providere.* D. Th. ibid.

Consecl. 5. Debemus probitatem exterius exercere, non ex hypocrisis, ut laudemur, sed ex caritate, ut ædificetur proximus, & laudetur Deus. *Vos estis lux mundi, inquit Christus, luceat lux vestra coram hominibus, ut videant opera vestra bona, & glorificent Patrem vestrum, qui in celis est.* Matth. 5. v. 16.

Monit. Ex D. Th. Licet privato homini pati detrimentum famæ suæ, modo illud non vergat in præjudicium aliorum; quia tunc privatus non positive influit in sui ipsius diffamationem: sicut licet privato laceffito pati sui ipsius vulnerationem, aut occisionem, numquam vero licet se ipsum vulnerare aut occidere. *Sui arbitrii est, inquit D. Th. detrimentum suæ famæ pati, nisi hoc vergat in periculum aliorum.* 2. 2. q. 73. art. 4. ad 1. & ideo in hoc potest commendari, quod patienter proprias detractio- nes sustineat. D. Th. ibid.

ARTICULUS II.

Quam stricte prohibeatur diffamare se ipsum.

Prop. unica. Nulli privato homini, a fortiori publico, licet se ipsum diffamare vel imponendo sibi falsum crimen, vel extra rigorem juris crimen verum, sed occultum manifestando.

Prob. 1. Script. *Non loqueris contra proximum falsum testimonium.* Exod. 20. vers. 16. Ergo neque contra te ipsum; quia debemus nos plus quam proximum diligere.

2. Ex Aug. *Prohibetur quemquam adversum se falso testari, sicuti adversus proximum; quemadmodum de precepto, non occides, una & proximi homicidium & proprium prohibetur.* l. 1. de Civit. Dei 20. vers. 20. & rursus: *Qui fidens conscientie suae negligit famam suam, crudelis est.* Aug. ad fratres in eremo serm. 51.

3. Rat. Homo etiam privatus multo plus debet famam suam diligere, quam famam proximi; quia amor bene ordinatus incipit a se ipso: Atqui non possumus alios diffamare: Ergo multo minus nosmetipsos.

Homo etiam privatus non ita est dominus suae famae, ut possit eam pro libito prodigere, sed debet eam prudenter conservare; quia si ita non fecerit, Deus auctor famae nostrae, Ecclesia custos ejusdem nostrae famae, proximus nostrae famae imitator, ex nostri diffamatione injuriam sustinent. Ideo dicit Aug. de bono viduit. c. 22. *Nobis enim necessaria est vita nostra; aliis fama nostra: conscientiam bonam nobis debemus, bonam famam proximo.* Ergo non licet privato homini, a fortiori publico, se ipsum diffamare; quia persona diffamata ad omnia munia inutilis est.

Consecutaria hujus Doctrinae.

Consect. 1. Homo privatus diffamando se in materia gravi, peccat mortaliter juxta Cajet.; quia non est dominus suae famae; juxta Soto peccat solum venialiter; quia etsi juxta ipsum sit dominus suae famae, non tamen potest eam pro libito prodigere.

Consect. 2. Homo privatus etiam juxta Soto peccat mortaliter diffamando se ip-

sum, si interveniat aliqua circumstantia, quae mortaliter aggravet sui ipsius diffamationem, puta, si id faciat cum sequentibus circumstantiis. 1. Si turpitudinem suam jactet; quia laudare se ob peccatum suum est ingens flagitium. 2. Si infanda crimina occulta manifestet; quia dum crimen suum publicum facit, scandalum parit, nisi ex confessione publica tam ardens apparet poenitentia, tam sincera humilitas, ut criminis manifestatio edificationem potius quam scandalum pareret. 3. Si in judicio publico id faciat, etiam ob metum tormentorum; quia sicuti metus non excusat a voluntaria occisione sui, ita nec a sui ipsius diffamatione. 4. Si se ipsum diffamet calumniando se; quia mendacium est perniciosum. 5. Si se ipsum diffamet committendo perjurium; quia perjurium est peccatum mortale.

Consect. 3. Homo privatus diffamando se peccat multo gravius, si ejus diffamatio vergat in praedictum tertium; quia tunc jus nullum habet supra suam famam cum fama aliorum conjunctam. Sic pater familias peccaret graviter, si crimen suum occultum publicum faceret, ex quo toti suae familiae ingens damnum enascetur. Sic peccaret reus, qui complices occultos extra casus in jure expressos judici manifestaret. Quinam sint illi casus, dicitur ubi de reo.

Consect. 4. Persona publica diffamando se ipsam, multo gravius peccat quam persona privata; quia ejus diffamatio semper nocet bono publico. Sic Episcopus, Curatus, Religiosus, Magistratus diffamando se multo gravius peccant, quam si essent personae privatae; quia haec diffamatio nocet vel Ecclesiae, vel Reipublicae.

ARTICULUS III.

Quae sit obligatio conservandi famam proximi.

Prop. unica. Persona privata, a fortiori publica, debet gerere curam famae proximi, & se se injuste ejus diffamationi opponere quantum potest.

Prob. 1. Scriptura. *Super argentum & aurum gratia bona.* Prov. 22. v. 1. Sed tenemur curare bona temporalia proximi: ergo a fortiori ejus famam.

2. Ex Aug. *Multo misericordius operantur erga animas infirmorum, qui famae bonae servorum Dei consulunt, quam erga corpora egen-*

gentium, qui panem esuriemibus frangunt. lib. de opere Monachali. cap. 22.

3. *Rat.* Bona fama proximi inservit multum ad pietatem promovendam: ergo & ea lege, qua tenemur pietatem promovere, tenemur & bonam proximi famam conservare.

Consect. 1. Quilibet tenetur bene sentire de proximo, omnem suspensionem, omne dubium, omne iudicium temerarium longe a mente abjicere, quibus labefactari possit fama proximi.

Consect. 2. Quilibet tenetur recte loqui de proximo, vitans omnem detractionem, omnem calumniam, quibus denigrari possit fama proximi.

ARTICULUS IV.

De prohibitionem diffamandi proximum.

Quam stricte prohibeamur diffamare proximum.

P*rop. unica.* Omnis actio, qua insigniter diffamatur proximus, est peccatum ex suo genere mortale, tanto gravius, quanto atrocior est diffamatio.

Prob. 1. Script. Actio nocens vitæ temporali proximi est peccatum mortale; quia est contra illud: *Non occides*. Actio nocens bonis temporalibus proximi est peccatum mortale; quia est contra illud: *Non furaberis*. Ergo actio nocens insigniter famæ proximi est peccatum mortale; quia est contra illud: *Non loqueris contra proximum falsum testimonium*.

2. Ex D. Th. *Auferre alicui famam valde grave est; quia inter res temporales videtur fama esse pretiosior, per cuius defectum homo impeditur a multis bene agendis; & ideo detractio, & proinde diffamatio, per se loquendo, est peccatum mortale.* 2. 2. q. 73. art. 2.

3. *Rat.* Quod pacem perturbat, iustitiam & caritatem violat, est peccatum mortale; quia actio hæc opponitur virtutibus maxime necessariis: atqui diffamatio pacem perturbat; nemo enim æquo animo patitur societatem illius, quem improbum suspicatur: caritatem violat; quia alteri facinus quod nobis nollemus fieri: iustitiam lædit; quia alienum bonum, famam scilicet, violat. Ergo diffamatio est ex suo genere peccatum mortale, tanto gravius quanto atrocior diffamatio; quippe sicuti iuxta peccatum crescit juxta nocumentum

illatum bonis temporalibus, ita & diffamatio crescit juxta nocumentum illatum famæ.

Consect. 1. Diffamatio interior, quæ fit per dubia, suspensiones, & iudicia temeraria contra probitatem proximi, etiam si non aliis manifestentur, est peccatum; quia per hoc proximus apud nos diffamatur.

2. Diffamatio exterior, quæ fit per detractionem & calumniam, est peccatum; quia per hæc proximum apud alios exterius diffamamus.

CAPUT IV.

De diffamatione proximi apud nos interiori facta per suspensiones, per dubia, & iudicia temeraria.

ARTICULUS I.

Quale peccatum sint suspensiones, dubia, & iudicia temeraria facta contra probitatem proximi.

P*rop. unica.* Diffamatio interior, qua proximus apud nos ipsos injuste diffamamus, est peccatum mortale, si interveniat plena deliberatio ex parte agentis, & gravitas ex parte rei, circa quam proximus apud nos diffamatur.

Prob. Ex dictis duo requiruntur ad peccatum mortale. 1. Deliberatio est parte agentis. 2. Gravitas ex parte objecti: Ergo toties diffamatio etiam interior erit peccatum mortale, quoties hæc duo includit.

Conseclaria hujus Doctrinæ.

Nota. Dubium est hæsitatio intellectus in neutram partem inclinans.

Consect. 1. Qui sine fundamento dubitat de probitate proximi, etiam in materia gravi, peccat quidem, sed non mortaliter: peccat, quia non licet dubitare de probitate proximi; *caritas enim non cogitat malum*: non peccat mortaliter, quia dubium non importat plenum assensum.

Nota. Suspicio est inclinatio intellectus, in unam partem potius quam in aliam propendens.

Consect. 2. Qui ex levibus indiciis malam de proximo habet suspensionem, etiam in materia gravi, peccat quidem, sed non mortaliter.

Peccat, quia suspicio est actus voluntarius a recta ratione dissonans; non enim debemus iudicii levibus suspicari malum de proximo: ideo Paulus recenset suspicionem malam inter peccata: *Ex pugnis verborum oriuntur invidia, contentiones, blasphemie, suspensiones male.* 1. Tim. 6. vers. 4.

Non peccat mortaliter, quia suspicio non est plenum, sed inchoatum iudicium; suspicio enim ambiguitatem quamdam importat, iudicium vero plenam determinationem. *Suspicio*, inquit D. Thomas, *est quid imperfectum in genere iudicii, & ideo est imperfectus motus, atque ideo non est mortale ex genere suo; quamvis si fiat ex odio, erit aliquando mortale.* Quodlib. 12. quæst. 22. art. 2.

Nota. Iudicium diffamans proximum est assensus firmus malum aliquod affingens proximo.

Confess. 3. Qui male iudicat de proximo peccat mortaliter, si diffamet in materia gravi; venialiter vero, si diffamet in materia levi.

Peccat mortaliter, si diffamet in materia gravi; quia adiunt omnia requisita ad peccatum mortale, scilicet, plenus consensus, & materiæ gravitas. *Cum aliquis pro certo malitiam alterius æstimat*, inquit D. Thomas, *ex levibus iudiciis, & hoc si sit de aliquo gravi, est peccatum mortale, in quantum non est sine contemptu proximi.* 2. 2. q. 60. art. 3. in C.

Peccat vero venialiter, si diffamet, iudicando male in materia levi; quia levitas materiæ excusat a peccato mortali.

Nota. Iudicium usurpatum diffamans proximum, est illud, quod fit ab eo, qui non habet auctoritatem.

Confess. 4. Iudicium usurpatum diffamans proximum apud nosmetipsos, iudicando circa ea, quæ Deus prohibuit a nobis iudicari, est peccatum mortale; quia est contra iustitiam, & contra vetitum Christi: *Nolite iudicare, ut non iudicemini.* Matth. c. 6. v. 1. *Nolite condemnare, & non condemnabimini.* Matth. 6. v. 3. Tale est iudicium, quo iudicamus de statu æterni, quem quis habiturus est post mortem, illud enim ad solum Christum pertinet, & post iudicium universale patebit: de quo iudicio ita Paulus: *Nolite iudicare ante tempus, quoad usque veniat Dominus, qui & illuminabit abscondita tenebrarum, & manifestabit consilia cordium.* 1. Cor. 4. v. 5. Tale est iudicium, quo de interna in-

tentione proximi iudicamus; hoc enim ad solum Deum pertinet, iuxta illud: *Scrutans corda & renes Deus.* Tale est iudicium, quo personam proximi in his, quibus non nobis subicitur, iudicamus. *Tu quis es*, inquit Paulus, *qui iudicas alienum servum? Domino suo fiat, aut cadit.* ad Rom. 14. v. 4. *Tu quis es, qui iudicas proximum?* inquit Iacobus 4. v. 13.

Nota. Iudicium temerarium diffamans proximum est illud, quod fit sine fundamento.

Confess. 5. Iudicium temerarium, quo quis sine sufficienti fundamento affingit proximo aliquem defectum moralem, diffamans proximum, est peccatum mortale; quia sine sufficienti causa despiciat proximum in corde suo. Iudicium temerarium in re gravi est peccatum mortale, ait D. Th. Tale est iudicium, quo iudicamus aliquem peccatorem esse; quia exterius puniatur a Deo: uti amici Job, qui iudicaverunt Job incidisse in aliquod grave peccatum; quia manus Dei affligebat ipsum: uti Gentiles, qui iudicaverunt Paulum esse homicidam; quia videbant viperam ex ejus manu pendente. Act. 28.

Tale est iudicium, quo iudicamus proximum talem esse, qualis nobis exhibetur ab ejus accusatoribus: uti fecit Putiphar, cui Joseph Patriarcham destruxit in carcerem, credulus nimium verbis mulieris, quæ Joseph accusaverat. Genes. 39.

Tale est iudicium, quo ex actu exteriori vel bono, vel indifferenti, vel venialiter culpabili, intentionem longe scelestiorem affingimus proximo: v. g. opera exterius bona asserimus fieri hypocrisis: opera indifferencia dicimus fieri pravo motivo: opera venialiter mala, v. g. motus indeliberatos iræ & impatientiæ, &c. in obstinatum animum refundimus. Tale est iudicium stulti: de quo Eccl. 10. vers. 3. dicitur: *In via stultus ambulans, cum ipse sit insipiens, omnes stultos æstimat.*

Nota. Iudicium malitiosum est illud, quod provenit ex pravo affectu.

Confess. 6. Iudicium malitiosum infamans proximum ex pravo affectu, est peccatum mortale, si materia sit gravis, & pravus affectus pertingat usque ad malitiam mortaliter culpabilem; quia interveniunt duo requisita ad peccatum mortale, scilicet malitia agentis, & gravitas materiæ.

Tale est iudicium illius, qui alicui vitio deditus idem vitium affingit proximo.

Tale est iudicium illius, qui affectus odio, invidia contra proximum, ea vitia affingit proximo, quæ optaret ab ipso committi.

ARTICULUS II.

De circumstantiis aggravantibus diffamationem interiorem factam per suspensionem, dubium, & iudicium iniustum.

Prop. unica. Gravitas suspicionis, dubii, & iudicii iniusti crescit, vel decrescit ex triplici capite.

1. Ex qualitate signorum, quibus suspicio, dubium, & iudicium fundantur; quia hæc signa augent vel minuunt temeritatem in dubitante, suspicante, & iudicante.

2. Ex pravitate cordis inclinantis ad suspensionem, dubium, & iudicium; quia juxta affectum bonum, vel malum, graviora sunt, vel leviora suspicio, dubium, & iudicium iniustum.

3. Ex gravitate peccati, quod per suspensionem, dubium, & iudicium temerarium affingitur proximo; quia juxta illam gravitatem diffamatio crescit.

Sic gravius peccat qui vel iudicat, vel suspicatur, vel dubitat sine ullo fundamento, quam qui idem præstat cum levi fundamento.

Sic gravius peccat qui dubitat, suspicatur, iudicat ex odio, ex invidia, quam qui idem præstat ex levitate.

Sic gravius peccat qui temerarie suspicando, dubitando, iudicando, affingit proximo peccatum mortale, quam qui affingit peccatum veniale.

ARTICULUS III.

De casibus, in quibus sine peccato possumus de proximo dubitare, suspicari, & iudicare.

Prop. unica. Dubium, suspicio, iudicium sunt sine peccato, si fiant non animo diffamandi proximum, sed animo præcavendi mala, quæ nobis, aut aliis possent accidere. (a)

Prob. 1. Script. Christus jubet, ut fratrem peccantem arguamus. Matth. 18. v. 15. Si peccaverit in te frater tuus, vade & corripe eum inter te, & ipsum solum. Jubet Deus, ut subditos puniamus: Maleficos non patieris vivere. Exod. 22. vers. 18. Paulus monet, ut non communicemus operibus infructuosis: Nolite communicare operibus infructuosius tenebrarum, magis autem redarguite. Ad Ephes. c. 3. vers. 11. Joannes vetat, ut non credamus omni spiritui: Nolite omni spiritui credere, sed probate spiritus, si ex Deo sint. 1. Joan. cap. 4. v. 1. Ergo quilibet potest sine peccato dubitare, suspicari, & iudicare, non animo diffamandi, sed animo præcavendi.

2. *Rat. Actus, quo personas scelestas fugimus, quo sceleratos improbamus, dissemnantes prava dogmata rejicimus, non est malus, sed est actus prudentiæ: Ergo licet prudenter dubitare, suspicari, & iudicare, animo præcavendi mala, & non animo diffamandi proximum.*

Consektaria hujus Doctrinæ.

Consekt. 1. Licet examinare & iudicare juxta regulas veritatis, & prudentiæ exteriora omnia proximi, quæ veram famam nec augent, nec minuunt; quia id nullatenus diffamat: & ita licet examinare & iudicare, an proximus sit dives vel pauper, robustus vel debilis, ingratus vel doctus, acutus vel tardus ingenio, ægrotus aut sanus, &c.

Consekt. 2. Hæ cautiones adhibendæ sunt, dum de proximo iudicamus.

1. *Privatus debet in iudicando de personis præmittere sui ipsius considerationem: Hypocrita, ejice primum trabem de oculo tuo, & tunc videbis ejicere festucam de oculo fratris tui. Matth. cap. 7. vers. 5. alias juxta Paulum non meretur excusationem qui damnat in alio quod in se ipso non damnat: Propter quod inexcusabilis es, o homo omnis, qui iudicas: in quo enim iudicas alterum, te ipsum condemnas; eadem enim agis quæ iudicas. ad Roman. 2. vers. 1.*

2. *Debet maturam rei præmittere considerationem ad imitationem ipsius Dei, qui*

(a) Falsa est propositio, si intelligatur de dubio, suspitione, & iudicio positivis: hi enim actus sunt contra caritatem, de qua dicitur: *Non cogitat malum.* Sed vera est propositio in eo sensu, quo quilibet potest prudenter & sibi, & rebus suis præcavere, prævidendo omnia, quæ sibi nocere possunt, & non æqualem omnibus fiduciam adhibendo.

qui judicaturus Sodomitas ait : *Descendam & videbo.* Gen. 18. v. 21.

3. Debet res tales judicare, quales sunt : malas debet habere ut malas ; bonas, ut bonas ; indifferentes, ut indifferentes, juxta illud Joan. *Nolite judicare secundum faciem, sed justum judicium judicate.* cap. 7. v. 24.

4. Res dubiæ & ambiguiæ semper sunt in benigniorem partem interpretandæ : ita D. Aug. *Hoc loco : Nolite judicare ut non judicemini : nihil aliud nobis præcipi existimo, nisi ea facta, quæ dubium est quo animo fiant, in enclivem partem interpretemur.* De sermone Domini in monte lib. 2. c. 18. Quia, ut inquit D. Th. *Melius est, ut aliquis frequenter fallatur, habens bonam opinionem de aliquo, quam ut rarius fallatur, habens malam opinionem de aliquo.* 4. 2. q. 60. a. 4.

5. Numquam pravitatis, quæ in facto exteriori, vel in externa specie personæ apparet, debet attribui intentioni interius in corde latenti ; quia (ut optime monet Bernardus) si non possumus excusare actionem, debemus excusare intentionem ; & quia, ut ait Cajetanus : *Judicium verum est licitum, judicium personarum quoad interius est illicitum.*

CAPUT V.

De diffamatione exteriori, qua per calumniam & detractionem proximum apud alios diffamamus.

ARTICULUS I.

Quale peccatum sit diffamatio exterior.

Prop. unica. Diffamatio exterior, qua proximum apud alios diffamamus, calumniando, vel detrahendo, est peccatum ex suo genere mortale, si adfit deliberatio ex parte agentis, & gravitas materiæ ex parte rei, circa quam fit diffamatio.

Prob. Ex dictis supra duo requiruntur ad peccatum mortale. 1. Deliberatio ex parte agentis. 2. Gravitas ex parte objecti. Ergo si in diffamatione exteriori facta hæc duo reperiuntur, diffamatio illa exterior erit peccatum mortale. Dux autem sunt species exterioris diffamationis, scilicet, calumnia & detractio, quæ his verbis continentur.

Imponens, augens, manifestans, in mala vertens.

Qui negat, aut minuit, reticet, laudatve remitte.

ARTICULUS II.

De calumnia.

Calumnia est impositio falsi malitiose, & scienter facta.

Prop. unica. Calumnia est peccatum mortale, si adfit gravitas materiæ, & plena deliberatio.

Prob. 1. Script. *Non eris criminator, nec surro in populo...* Ego Dominus. Lev. 19. v. 16. Quia emphasi denotatur criminationem ingens esse peccatum, quod divinam vindictam acceleret.

2. Ex Concilio Arelatenfi primo an. 314. can. 14. *De his, qui falso accusant fratres suos, placuit eos usque ad exitum vite non communicare :* Ergo est peccatum mortale ; quia hæc poenitentia solis lethalibus peccatis infligebatur.

3. Rat. Calumnia in materia gravi multum infamat proximum : Ergo est peccatum mortale. Fit autem calumnia quatuor modis.

1. Imponendo malum. 2. Augendo malum. 3. Negando bonum. 4. Minuendo bonum.

Confectaria hujus Doctrina.

Confect. 1. Explicans vocem istam *imponens*. Peccat mortaliter qui imponit crimen falsum proximo, quocumque motivo id faciat : sive motivo inhonorandi proximum, uti fecerunt fenes Sufannam accusantes adulterii : Daniel. 13. sive motivo falsam accusationem depellendi, uti faciunt vulgo qui defendunt se contra falsos testes aut accusatores. 1. Quia numquam licet calumniari, cum calumnia sit natura sua malum. 2. Quia non sunt facienda mala, ut veniant bona. 3. Quia Paulus ita jubet : *Benedicite persequentibus vos, & nolite maledicere.* 4. Quia debemus Christum imitari, qui cum malediceretur, non maledicebat, cum pateretur, non comminabatur : *trahebat autem judicanti se iniuste.* 1. Pet. 2. 23. Quia damnata est sequens propositio : *Non peccat mortaliter qui imponit falsum crimen alicui, ut suam justitiam & honorem defendat.*

Confect. 2. Explicans dictionem istam *augens*. Peccat mortaliter augens, idest qui augeat insigniter crimen commissum 2 proximo, quocumque motivo augeat ; quia quantum ad illas circumstantias, quibus aggravat malum a proximo commissum, est vere calumniator. Talis fuit calumnia eorum, qui aggravantes Absalonis factum, non unum Ammonem occisum, sed o-

M m mres

omnes fratres ab illo trucidatos Davidi nuntiaverunt.

Consect. 3. explicans dictiones istas qui negat. Peccat mortaliter qui negat bonum factum a proximo, si ea negatione intendat nocere famæ proximi; quia non minus est calumniator qui negat probitatem proximi, quam qui ei affingit vitium. Tales fuere Pharisæi, qui dicebant: *Hic non eiecit Dæmones, nisi in Beelzebu Principe Dæmoniorum.* Matth. 12. v. 24.

Consect. 4 explicans dictionem istam aut minuit. Peccat mortaliter qui in re gravi minuit bonum factum a proximo; quia quantum ad illud bonum, quod minuit, est vere calumniator. Talis fuit calumnia illius Archifynagogi, de quo loquitur Lucas, qui cum vidisset quod Jesus Sabbato curasset mulierem, quæ habebat spiritum infirmitatis annis decem & octo, & erat inclinata, nec omnino poterat sursum respicere, dicebat turbæ: *Sex dies sunt, in quibus oportet operari; in his ergo venite & curamini, & non in die Sabbati.* His verbis volens minuere miraculum Christi.

ARTICULUS III.

De detractiōe.

Detractio est injusta manifestatio criminis veri, sed occulti, facta animo denigrandi proximum.

Prop. unica. Detractio est peccatum mortale, si adsit plena deliberatio, & materiæ gravitas (a).

Prob. Script. Abominatio hominum detractior, Prov. 24. v. 9. Noli detrachere alterutrum fratres mei, Jacob. 4. v. 11. Ergo cum detractio reddat nos abominandos, debet esse peccatum mortale.

2. Ex lib. de salutaribus documentis c. 26. in appendice Augustini tom. 6. ubi sic habetur: *Detrahentis, & audientis, utriusque elsa mortis est anime detractio, & ut brevius concludam, detractior, & libens auditor Diabolum portat in lingua:* ergo detractio cum sit mors anime & sedes Diaboli, est peccatum mortale. Et ibid. cap. 32. *Detractio fornicatio est anime:* Ergo est peccatum mortale sicut fornicatio.

3. **Rat.** Detractio in materia gravi multum diffamat proximum; quippe manifestat ejus crimen occultum: Ergo est peccatum mortale.

le. Fit autem detractio quatuor modis. 1. Manifestando malum occultum. 2. Occultando bonum, quod necessum est manifestari. 3. Bonum vertendo in malam intentionem. 4. Laudando segniter bonum proximi, cum laudari necessum est.

Consecraria hujus Doctrinæ.

Consect. 1. explicans dictionem istam manifestans. Peccat mortaliter manifestans, id est, qui sine causa manifestat malum proximi in his circumstantiis, in quibus nocere famæ proximi, si ve primus qui malum illud aperit, si ve malum illud ab alio jam manifestatum, aliis manifestet; quia per hoc multum detrahit famæ proximi. Talis fuit actio Hebræi, qui homicidium a Moyse occulte, immo autoritate Dei commissum, publicum fecit, dicens: *Quis te constituit Principem & judicem super nos? num occiderem te vis, sicut heri occidisti Ægyptium?* Exod. 2. vers. 14.

Ejusdem detractiōis rei sunt

1. Qui narrat amico injuriam sibi factam, ut consolationem accipiant; quia a Deo, & non ab amico oportet consolationem expectare, uti faciebat David: *In me plallebant qui bibebant vinum; ego autem orabam.* Psal. 68. vers. 16.

2. Qui ex levitate, aut loquacitate narrat quæ possunt lædere famam proximi; quia linguam retinere oportet. *Si quis in verbo non offendit, hic perfectus est vir.* Jacob 3. v. 2.

3. Qui laudat in uno genere, & vituperat in alio: v. g. qui dicit proximum esse quidem liberalem, sed tamen impudicum. Hæc laus verum est vituperium. *Molliti sunt sermones ejus super oleum, & ipsi sunt jacula,* inquit Psalmista.

4. Qui uni soli narrat crimen occultum; quia aliquando gravius est denigrari apud unum, quam apud multos.

5. Qui accusatus de crimine vero & sufficienter convictus, ita audacter negat, ut accusator & testes calumniatores habeantur. Hætenus Sylvius.

6. Qui sine causa manifestat crimen publicum ibi, & apud eos, apud quos non erat delatum; quia tali manifestatione nocet famæ proximi: licet enim homo publice diffamatus non habeat jus tuendi famam, ubi publica est ejus diffamatio; habet tamen jus eam conservandi & ibi & apud eos, apud quos

(a) Hoc est verum: sed in Consecrariis sequentibus omisi vocem illam *graviter*, quæ debet semper subintelligi, ut peccatum sit mortale.

quos diffamatio non pervenit. Ita Sylvius. Hæc diffamatio est longe gravior, quando parentes rei diffamantur; quia tunc nocetur parentibus innocuis, qui habent quæ conferendi famam. Hæc diffamatio est etiam longe gravior, quando publice diffamatus per sanctitatem & poenitentiam famam priorem recuperaverat.

Consect. 2. explicans voces illas in mala vertens. Peccat mortaliter in mala vertens, id est, qui in re gravi bonum opus proximi in pravam intentionem detorquet; quia & nocet famæ proximi, & sine causa male de proximo iudicat.

Talis erat detractio Core, Dathan, & Abiron, qui populi Judaici exitum ab Ægypto detorquebant in pravam libidinem dominandi, qua & Moylen & Aaronem detineri mentiebantur. Numquid, inquebant, parum est tibi, quod eduxisti nos de terra, quæ lacte & melle manabat, ut occideres in deserto, nisi & dominatus fueris nostri? Num. 16. v. 13.

Consect. 3. explicans voces illas qui tacet aut minuit bonum proximi. Peccat qui in re gravi bonum opus proximi aut tacet, cum necesse est, ut manifestetur, aut illud idem opus bonum minuit; quia eo silentio nocet famæ proximi. Talis erat detractio Judæorum Paulum insectantium, & bona ejus opera aut occultantium, aut minuientium.

ARTICULUS IV.

De circumstantiis tum augmentibus, tum minuendis diffamationem externam proximi.

Prop. unica. Omnis diffamatio exterior crescit, vel decrescit juxta circumstantias exteriores.

Prob. ex dictis in Tractatu II. Omne peccatum exterius crescit per circumstantias exteriores. Ergo diffamatio exterior debet per illas circumstantias crescere, vel decrescere. Percurruntur illæ circumstantiæ.

Consectariæ hujus Doctrinæ.

Consect. 1. ex circumstantia quis. Diffamatio est eo gravior, quo dignior est persona diffamans, aut quo dignior est persona diffamata; quia quo persona diffamans est dignior, eo majorem meretur fidem; & quo dignior est persona diffamata, eo vilius deprimitur.

Sic Episcopus diffamans magis peccat, quam Religiosus; Religiosus, quam simplex Sacerdos; simplex Sacerdos, magis

quam Laicus; Magistratus, magis quam plebejus.

Sic gravius peccat qui diffamat Episcopum, quam Religiosum; Religiosum, quam simplicem Sacerdotem; Sacerdotem, quam Laicum; nobilem quam plebejum. Ita nos a Magnatum detractio dehortatur Scriptura: *Diis non detrahes.* Exod. 22. v. 28. Et David: *Nolite tangere Christos meos.* Psal. 104. In poenam hujus detractiois exhibet nobis Scriptura Mariam lepra infectam, eo quod contra Moylen murmurasset.

Sic gravius peccat qui diffamat Communitatem, quam singularem personam; & inter Communitates gravius est diffamare Communitatem Religiosam, quam Ecclesiasticam; Ecclesiasticam, quam civilem.

Consect. 2. ex circumstantia quid. Diffamatio eo est gravior, quo materia, in qua fit diffamatio, est gravior; quia per hoc ejus fama magis labefactatur.

Sic gravius peccat qui diffamat de peccato mortali, quam de veniali; & inter peccata mortalia gravius peccat qui diffamat de peccato, quod nedium coram Deo, sed etiam coram hominibus turpe habetur, quam de eo, quod solum coram Deo exosum est.

Sic gravius peccat qui diffamat de peccato, quod directe statui personæ opponitur, quam de peccato, quod ejus statui non opponitur; v.g. gravius est dicere de iudice, quod venalem habeat justitiam, quam dicere quod sit superbus; gravius de Sacerdote dicere, quod sit impudicus, quam dicere quod sit avarus; gravius dicere de Nobili, quod sit proditor patriæ, quam quod sit prociis.

Consect. 3. ex circumstantia ubi. Diffamatio eo est gravior, quo est magis publica; quia quo est magis publica, eo apud plures fama labefactatur.

Sic gravius est diffamare in foro coram multis, quam domi coram paucis.

Consect. 4. ex circumstantia quibus auxiliis. Diffamatio eo est gravior, quo plura secum trahit nocumenta; nam diffamatio semper nocet famæ, sed aliquando nocet aliis bonis.

1. Vitæ corporali, ut si innocens damnetur morti ob diffamationem injustam.

2. Vitæ spirituali, ut si innocens ob diffamationem arceatur ab aliquo statu, in quo salutis æternæ posset facilius vacare: v.g. Clericus arceatur ab ordinibus, Virgo a Monasterio.

3. Bonis fortunæ, ut si quis ob diffamationem privetur hæreditate debita, vel dignitate aliqua, aut ecclesiastica, aut civili.

4. Bono publico, ut si ob diffamationem

Respublica privetur magistratu pio, & erudito, Ecclesia privetur clerico bonæ frugis, & optimæ spei.

Consect. 5. Ex circumstantia *cur*. Diffamatio eo est gravior, quo intentio diffamantis est pejor, & malignior; quia majorem includit malitiam.

Sic gravior peccat qui diffamat ex odio & invidia, quam qui diffamat ex levitate & loquacitate; qui intendit honorem simul, & vitam, & fortunam auferre, quam qui intendit soli famæ nocere: de quo ita D. Thom. 2. 2. q. 72. a. 2. in corp. *In peccatis verborum maxime considerandum videtur, ex quo affectu aliquis verba proferat.*

Consect. 6. Ex circumstantia *quomodo*. Diffamatio eo est gravior, quo modus diffamandi est magis voluntarius; quia denotat animum nocendi magis oblitinatum.

Sic gravior peccat qui diffamat animo deliberato, quam qui diffamat leviter & imprudenter.

Consect. 7. Ex circumstantia *quando*. Diffamatio eo est gravior, quo est diuturnior; quia magis nocet.

Sic diffamatio coram loquacibus est gravior, quam coram cordatis; quia illi tacent, illi vero diffamationem promulgant.

Sic diffamatio scriptis facta est gravior, quam diffamatio solis verbis expressa; quia scripta manent, verba vero volant.

ARTICULUS V.

De casibus, in quibus sine peccato possumus peccatum proximi manifestare.

Prop. unica. Non peccat qui prudenter patefacit malum proximi vel occultum, vel publicum, si talis manifestatio fiat ob utilitatem publicam, vel privatam.

Prob. 1. Script. Christus Matth. 18. v. 16. jubet, ut post fratrem correctionem adhibitam, sic procedamus: *Si te non audierit, adhibe tecum adhuc unum, vel duos, ut in ore duorum vel trium stetur omne verbum; quod si non audierit eos, dic Ecclesie.* Ergo Christus jubet, ut prudenter peccata proximi manifestemus, quando hæc manifestatio privata, vel publica potest esse utilis.

2. Ex D. Thom. *Si verba, per quæ famæ alterius minuitur, proferat aliquis propter aliquod bonum necessarium, debitis circumstantiis observatis, non est peccatum, nec potest dici detractio.* 1. 2. q. 73. a. 2. in corp.

3. *Rat.* Quod fit in bonum publicum multorum, aut in bonum privatum alicujus, non

est peccatum, nec potest dici detractio; quia hoc non fit animo denigrandi proximum: Ergo manifestatio peccatorum proximi propter utilitatem publicam, vel privatam non est peccatum, nec vera detractio.

Consectaria hujus Doctrinæ.

Consect. 1. Non peccant qui manifestant peccata proximi ob utilitatem publicam, quales sunt

1. Qui ex zelo fidei manifestat hæreticum, ne latius serpat hæresis: uti fecit Petrus Alexandrinus, qui prænuntiavit, quanta mala Arius Ecclesiæ causaturus erat.

2. Qui ex zelo caritatis manifestat peccatorem, cujus prava vita alios corrumpere; & ita impedit ne virus illud latius serpat: ita fecit Basilus, qui pravam Juliani apostatæ animum iis, quibuscum ille vitiosus adolescens studebat, aperuit.

3. Qui ex zelo religionis manifestat impedimenta matrimonii, & per hoc impedit, ne partes inhabiles invalide matrimonium contrahant: ita fieri præcipit Ecclesia.

4. Qui ex zelo pro Ecclesia manifestat indignitatem clerici, ut impediatur, ne indignus recipiatur in Clero.

5. Qui ex zelo pro Republica manifestat indignitatem laici, ut impediatur, ne indignus ad magistraturam admittatur.

6. Qui ex zelo justitiæ, cum non adest spes respicientiæ, accusat reum coram iudice, & efficit, ut puniantur illi, qui nos conturbant.

7. Qui ex amore veritatis historiciæ narrat communia facta hominum, bella, homicidia, furta, & alia hujusmodi; quia fides historica non sinit ea reticere; qualia vidimus enarrari in Historia sacra. Sed infanda & turpia facta reticenda sunt: uti Moyses reticuit crimen pessimum, quo filii Jacob fuere accusati a Joseph coram patre suo.

Consect. 2. Non peccant qui ob utilitatem privatam manifestant malum proximi: quales sunt

1. Qui ex zelo caritatis consulit, quo pacto corrigendus est qui peccavit. Basil. in Regr. Brev. interrog. 25.

2. Qui ex zelo caritatis monet, notatve peccatorem, ne quis cum eo commisceatur: ita Paulus præmonuit Timotheum dicens: *Alexander ærarius multa mihi mala offendit, quem & tu devita; valde enim resistit verbis nostris.*

3. Qui juxta regulas amicitiarum præmonet amicum, ne hominem vitiosum introducat in domum suam, cum ve hospitio recipiat; ne

hominem infidelem in servum conducatur; ne feminam rixosam in uxorem accipiat; ne homini loquaci arcanum suum committat, &c.

4. Qui servando moderamen inculpatæ tutelæ manifestat crimen proximi, ut suam innocentiam tueatur: v. g. falso accusatus manifestat verum crimen accusatoris, iudicis, &c. si talis manifestatio intersit ad ejus defensionem, minime vero si ad hoc nihil conducatur. Procurator, Advocatus possunt pro clientibus facere quidquid ipsis clientibus permittitur.

Consect. 4. Non peccat qui aperit peccatum proximi ob spiritualem utilitatem vel illius, qui peccavit, vel illius, cui manifestatur peccatum; quia hæc manifestatio non fit animo proximum denigrandi.

CAPUT VI.

De honore proximis exhibendo.

Diximus supra, quod honor religiosus debeatur Deo, Sanctis, & rebus sacris. Diximus pariter, quod honor quidam specialis debeatur patribus, magistratibus, & senibus. Jam dicturi sumus, quod honor quidam communis omnibus debeatur.

ARTICULUS I.

Quis honor debeatur proximo.

Prop. unica. Quilibet homo tenetur exhibere alteri homini honorem aliquem majorem, vel minorem juxta excellentiam, quam habet qui honorandus est.

Prob. 1. Script. *Honore invicem prævenietis.* ad Rom. 12. *Omnes honorate.* 1. Pet. 2. Ergo quilibet debet proximo honorem aliquem exhibere.

2. Ex D. Th. *In quolibet reperitur aliquid, ex quo potest aliquis eum superiore reputare, secundum illud ad Philip. 2.* In humilitate superiores invicem arbitantes: & secundum hoc etiam omnes se invicem debent honore prævenire 2. 2. q. 103. a. 2. ad 3. Ergo quilibet debet proximo aliquem honorem exhibere.

3. Rat. Honor est protestatio quædam de excellentia bonitatis alicujus: atqui nullus est homo, cui non inest aliqua excellentia exceptis damnatis obstinatis in malo, qui ob talem obstationem merentur non honorem, sed contemptum: ergo nullus est, cui non debeamus honorem aliquem impendere.

Consectaria hujus Doctrinæ.

Consect. 1. Quilibet homo etiam Gentilis meretur aliquem honorem; quia ad imaginem Dei conditus est, & hæc imago non omnino deletur per infidelitatem: ita inquit D. Th. *Cuilibet habenti imaginem Dei est exhibendus honor, nisi confirmatus in malo.* in 3. Sent. dist. 9. quæst. 2. art. 3. in Corp.

Consect. 2. Quilibet homo Christianus majorem honorem meretur, quam Gentilis; quia nedum habet imaginem Dei in se acceptam a creatione, sed insuper habet characterem Christi; designatur enim, ut domesticus Dei per baptismum, ut miles Christi per confirmationem, ut præfectus Ecclesiæ, si sit in aliquo ordine constitutus.

Consect. 3. Quilibet homo virtuosus meretur etiam majorem honorem, quam Gentilis, quam purus Christianus; quia majorem habet excellentiam, quam Gentilis, quam simplex Christianus.

Consect. 4. Omnis persona publica, etiam si vitiosa, meretur honorem, non ratione peccati, quo inficitur, quia vitium meretur vituperium; sed ratione dignitatis, quam obtinet: de quo ita D. Th. *Persona publica gerit typum, & locum, non sui ipsius, sed alterius, scilicet Christi in Ecclesia, & Reipublicæ, ut Dominus in secularibus dignitatibus; & sic valor ejus non computatur secundum personam, sed secundum eum, cujus loco præsidet.* .. & ita ei honor exhibendus est, non propter se, sed propter eum, cujus locum obtinet, sicut adoratio imaginis refertur ad prototypum. Quodlib. 8. a. 7.

ARTICULUS II.

De diminutione honoris, qui debetur proximo.

Honor debitus proximo minuitur per contumeliam, convitium, & improperium.

Nota 1. Contumelia est actio, qua proximo præsentii manifestatur defectus culpæ.

Nota 2. Convitium est actio, qua proximo præsentii manifestatur defectus culpæ & pœnæ.

Nota 3. Improperium est actio, qua proximo præsentii manifestatur ejus indigentia & minoratio.

Prop. unica. Verba contumeliæ, convitiis, & improperii prolata, non animo jocandi, vel corrigendi, sed animo inhonorandi proximum, sunt ex se peccata mortalia, si ad-

si adit plena deliberatio ex parte agentis, & gravitas materiæ ex parte rei, quæ est objectum illorum verborum, sunt vero peccatum veniale, si interveniat vel indeliberatio, vel levitas materiæ.

Prob. 1. Script. Qui dixerit fratri suo, *fatue, reus erit gehennæ ignis*. Matth. 5. Ergo verba contumeliæ, convitii, & improprietatis sunt peccata mortalia, cum addant interno.

2. Ex Aug. Enchirid. cap. 78. ubi sic habet: *Quedam sunt peccata, quæ levissima putarentur, nisi in Scripturis demonstrarentur opinione graviora. Quis enim dicerent fratri suo, FATUE, reum gehennæ putaret, nisi veritas diceret?* Et lib. 21. de Civ. cap. 27. *Si quis, inquit, præoccupatus fuerit hoc delicto, ut fratri suo fatue dicat: Ergo ex Aug. delictum est contra proximos verbis uti injuriolis, quando nec joci causa, nec correctionis gratia profertur: ergo peccatum mortale; quia delictum sonat peccatum mortale.*

3. Rat. In peccatis verborum maxime considerandum videtur, ex quo affectu aliquis verba proferat: cum ergo convitium, vel contumelia de sui ratione importet quandam dehonorationem; si intentio proferentis ad hoc referatur, ut per verba quæ profert, honorem alterius auferat, hoc proprie & per se est dicere convitium, vel contumeliam: & hoc est peccatum mortale, non minus quam furtum & rapina; non enim homo amat minus suum honorem, quam rem possessam.

Consecraria hujus Doctrinæ.

Consecr. 1. Contumelia, seu omnis actio, qua quis objicit proximo præsentem peccata mortalia quæ commisit, est peccatum mortale, v. g. si objiciat ipsi, quod sit fur, potator, &c. quia ea actione insigniter offendit proximum.

Consecr. 2. Convitium, seu omnis actio, qua quis objicit proximo peccata, quæ commisit, & pœnas, quas ob talia peccata sustinuit, est peccatum mortale: ut si dicat proximo, quod sit impudicus, quod gerat in corpore signa impudicitæ, &c.

Consecr. 3. Improprietum, seu omnis actio, qua quis objicit proximo pauperatatem, miseria, ignobilitatem, eique exprobrat, quas ei suppetias contulit, est peccatum mortale, si hoc ingentem afferat proximo tristitiam, & inhonorationem; quia hæc exprobratio proximum gravi afficit tristitia: de hac actione ita Ecclesiast. 20. *Exigua dabit, & improprietabit.*

Contumelia, convitium, improprietum eisdem circumstantiis aggravantur, quibus aggravatur infamatio. Vide supra dicta.

ARTICULUS III.

De casibus, in quibus contumelia, convitium, improprietum fiunt, absque peccato.

Prop. unica. Verba contumeliæ, convitii, improprietatis prolata animo jocandi vel corrigendi, modo id fiat prudenter, non sunt peccata.

Prob. 1. Script. Deus Adamum irrisit, dicens: *Ecce Adam quasi unus ex nobis factus est; lic enim acius licet admoneretur multitudinem, qua divinitatem affectaverat.* Deus in morte obstinatos peccatores irrisurus est. *Et ego, inquit, in interitu vestro ridebo & subsannabo.* Prov. 1. v. 26. Deus irridebit damnatos: *Et innocens, inquit Job, subsannabit eos.* Job 22. v. 19. Sancti irridebunt reprobatum: *Videbunt justi, & timebunt, & super eum ridebunt.* Psal. 51. v. 20. Christus irrisit Nicodemum: *Tu es magister in Israel, & hæc ignoras?* Joan. 1. v. 10. Christus discipulis euntibus Emaus dixit: *O stulti & tardi corde ad credendum.* Luc. 24. 25. Et Paulus ad Galatas 3. v. 1. ait: *O insensati Galatæ!* Ergo licet uti verbis contumeliæ, convitii, & improprietatis, cum ita iusta aliqua causa exigat.

2. Ex D. Thom. Sicut licet verberare aliquem, vel in rebus damnificare causa disciplinæ, ita etiam causa disciplinæ potest aliquis alteri, quem debet corrigere, verbum aliquod convitiosum dicere; & hoc modo Christus Discipulos vocat stultos, & Apostolus Galatas insensatos. 2. 2. q. 72. a. 2. ad 2. tamen, ut monet Aug. raro & ex magna necessitate objurgationes sunt adhibendæ: in quibus non nobis, sed ut Domino servietur, inflemus. Ita refertur a Th. loco citato.

4. Rat. Quod fit in bonum publicum multorum, vel in bonum privatum proximi, si fiat secundum regulas prudentiæ, non potest esse peccatum: ergo verba contumeliæ, convitii, improprietatis prolata eo fine, ut peccatores a peccato deterreantur, vel eo fine ut convertantur, & erubescant, non sunt peccatum.

Consecraria hujus Doctrinæ.

Consecr. 1. Verba dura, & contumeliosa, ironica, &c. contra peccatores, non sunt peccata, si judicentur necessaria ad peccantium

tium vel terrorem, vel conversionem; jubet enim aliquando caritas nonnumquam aberrationes hominum irridere, ut ab ipsis & rideantur & fugiantur. Inde præclara illa Augustini vox: *Hæc tu misericorditer irride, ut eis ridenda & fugienda commendes.* Inde etiam præclara illa Nazianzeni sententia: *Habet quoque spiritus mansuetudinis & caritatis suam vehementiam, suam iracundiam.*

Consect. 2. Verba dura, & contumeliosa, & ironica, &c. contra eos, qui perversa docent dogmata, non sunt peccata, si possint inservire vel veritati tuendæ, vel conversioni errantium: de hoc ita Tertullianus. *Multa sunt, inquit, sic digna revinci, ne gravitate adorentur. Vanitatis proprie festivitas cedit. Congruit & veritati ridere; quia letans: de æmulis suis ludere; quia secunda est. Curandum plane ne risus ejus rideatur, si fuerit indignus. Cæterum ubicumque dignus risus, officium est. Sacerdotes Baal sic Elias risu arguendos censuit: Cumque esset jam meridies, illudebat illis Elias dicens: Clamate voce majore: Deus enim est, & forsitan loquitur, aut in di versorio est, aut in itinere, aut certe dormit, ut excitetur. Et Christus ipse Nicodemi factum hac irrisione repressit: Tu es magister in Israel & hæc ignoras? ut docent Chrysost. Aug. & Cyrillus.*

ARTICULUS IV.

De cooperantibus diffamationi & contumeliæ.

Prop. unica. Qui directe, vel indirecte cooperantur vel diffamationi, vel inhonorationi proximi, peccant tanto gravius, quanto actio est magis voluntaria, & magis influens in diffamationem.

Prob. 1. Script. *Digni sunt morte, & non solum qui ea faciunt, sed etiam qui consentiunt* facientibus. ad Rom. 1. v. 32.

2. Ex Innocent. 1. *Non multum interesse arbitro inter committentis animum, & consentientis furorem: addo amplius, plerumque de disceptis errare, cui nemo consentit.* inter Epist. August. 93.

3. Rat. Qui cooperatur efficaciter malo, censetur causa mali: ergo cooperatores vel diffamationis, vel inhonorationis, peccant tanto gravius, quanto efficacius concurrunt ad malum. Qui autem cooperantur, his verbis exprimuntur.

Fussio, consilium, consensus, palpo, recursus,

Participans, mutus, non obstant, non manifestans.

Consectaria hujus Doctrinæ.

Consect. 1. Qui hic subiiciuntur directe influunt in diffamationem, vel inhonorationem proximi.

1. Qui expresse jubet alicui, ut detrahat proximo, & inhonoret proximum, aut qui implicite id jubet, ostendens gratam sibi fore detractionem, aut inhonorationem proximi.

2. Qui consulit detractionem, calumniam, contumeliam, convitium, aut improprium.

3. Qui consentit positive, dum fit calumnia, detractio, contumelia, aut convitium, aut improprium.

4. Qui ad calumniam, detractionem, contumeliam, convitium, improprium excitat, laudando eum qui aliquid eorum præstat.

5. Qui addit animos detractori, calumniatori, convitiatori, fovendo illius pravum affectum, suppetias & auxilium promittendo.

6. Qui detrahit, calumniatur, convitiatur, aut impropere simul cum eo, qui hæc profert.

Consect. 2. Qui hic subiiciuntur, indirecte influunt in diffamationem, & inhonorationem proximi.

1. Potens, & debens ex officio impedire denigrationem, & inhonestationem proximi, & non impediens, peccat contra iustitiam, si sit persona publica, & habens auctoritatem supra loquentem; & quidem mortaliter, si taceat malo animo, & ex complacentia, & diffamatio aut contumelia gravis sit; quia hæc duo sufficiunt ad peccatum mortale: venialiter vero, si id fiat ex indeliberatione, & materia sit levis; quia peccatum ex suo genere mortale fit veniale vel ob indeliberationem agentis, vel ob levitatem materiæ: nullatenus vero peccat, si ex prudentia taceat, differens correctionem usque ad aliud tempus magis opportunum.

Sic peccant qui prave loquentes non arguunt. v.g. superior, si non arguat sibi subditi, pater, si non arguat filium, dominus servum, præceptor discipulum, Episcopus Diocesenum, Curatus Parochianum: hujus correctionis exemplum dedit David, dicens: *Existimasti inique, quod ero tui similis, arguam te, & statuam contra faciem tuam.* Psal. 49. v. 21.

2. Potens & debens ex caritate impedire denigrationem & inhonorationem proximi, & non impediens, peccat contra caritatem,

tatem, non arguendo maledictum: mortaliter quidem, si correctio omittatur. 1. Ab eo qui potest & debet. 2. Si omittatur in casu necessitatis. 3. Si omittatur ex defectu caritatis, verb. grat. ex timore mundano prævalente caritati; & materia diffamationis & inhonorationis sit gravis, uti dictum est ubi de correctione.

Nullatenus vero, si correctio omittatur ex iusta causa, vel quia correctio prævidetur

magis nocitura, quam profutura, vel ob alias causas.

Tunc tamen diffamatio, & inhonoriatio aliquo signo potest dissipari, verb. grat. signo tristitiæ, ut monet Sapiens: *Ventus aquilo dissipat pluvias, & facies tristis linguam detrahentem*, Proverb. 19. vers. 22.

De restitutione famæ, & honoris diximus ubi de restitutione,

Finis Tomi Primi.









